


Tupanaarü Ore i Tóriu Cori ya Ngechuchu ya

Cristuchiga



New Testament in Ticuna (PE:tca:Ticuna)

Tupanaarü Ore i Tóru Cori ya Ngechuchu ya Cristuchiga

New Testament in Ticuna (PE:tca:Ticuna)

copyright © 2008 Wycliffe Bible Translators, Inc.

Language: Ticuna

Translation by: Wycliffe Bible Translators, Inc.

Ticuna

tca

Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ticuna

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files dated 29 Jan 2022
9d5dc22a-30be-5d26-85a9-76047f4c89e6

Contents

MATEU	1
MARCU	81
LUCA	128
CUAŨ	211
PURACŪĜŪ	271
DUMACŪĀX	344
1 CORĪTIUCŪĀX	381
2 CORĪTIUCŪĀX	414
GÁRATAANECŪĀX	435
EPÉCHIUCŪĀX	448
PIRIPUCŪĀX	460
COROCHACŪĀX	468
1 TECHARÓNICACŪĀX	476
2 TECHARÓNICACŪĀX	483
1 TIMUTĒU	487
2 TIMUTĒU	496
TITU	503
FILEMUŪ	508
EBRĒUGŪ	510
CHAŨTIAGU	538
1 PEDRU	546
2 PEDRU	555
1 CUAŨ	561
2 CUAŨ	569
3 CUAŨ	571
YUDA	573
APOCARÍCHIU	576

ORE I MEXÜ GA MATEU ÜMATÜXÜ

Ngechuchu ya Cristu natanüwa ngóxü ga duixügüchiga

(Lc 3.23-38)

¹ Ñaã nixi ga yema nuxcümáxügüxü ga duixügü ga Ngechuchu ya Cristu natanüwa ngóxü. Rü yematanüwa rü Dabí nixi ga wüxi, rü Abráü nixi ga to.

² Rü Abráü rü Ichaánatü nixi.

Rü nüma ga Ichaá rü Acóbunatü nixi.

Rü nüma ga Acóbo rü Yudánatü rü naëneëgünatü nixi.

³ Rü Yudá rü Fárenatü rü Záranatü nixi. Rü Támara iyixi ga norü mamá.

Rü nüma ga Fáre rü Eróünatü nixi.

Rü nüma ga Eróü rü Aráünatü nixi.

⁴ Rü Aráü rü Aminadánatü nixi.

Rü nüma ga Aminadá rü Nachóünatü nixi.

Rü nüma ga Nachóü rü Charmóünatü nixi.

⁵ Rü Charmóü rü Boónatü nixi, rü Raá iyixi ga naë.

Rü nüma ga Boó rü Obénatü nixi, rü nae rü Rux iyixi.

Rü nüma ga Obé rü Ichaxínatü nixi.

⁶ Rü nüma ga Ichaxí rü aëxgacü ga Dabínatü nixi.

Rü nüma ga aëxgacü ga Dabí rü Charomóünatü nixi. Rü ngima ga Bechabé ga Üría namëxchirëx ixícü iyixi ga naë ga Charomóü.

⁷ Rü Charomóü rü Roboáünatü nixi.

Rü nüma ga Roboáü rü Abíanatü nixi.

Rü nüma ga Abía rü Achánatü nixi.

⁸ Rü Achá rü Yochapánatü nixi.

Rü Yochapá rü Yoráünatü nixi.

Rü nüma ga Yoráü rü Uchíanatü nixi.

⁹ Rü Uchía rü Yotáünatü nixi.

Rü Yotáü rü Acánatü nixi.

Rü nüma ga Acá rü Echequíanatü nixi.

¹⁰ Rü Echequía rü Manachénatü nixi.

Rü Manaché rü Amóünatü nixi.

Rü nüma ga Amóü rü Yochíanatü nixi.

¹¹ Rü Yochía rü Yeconíanatü rü naëneëgünatü nixi. Rü yexguma nixi ga Babiróniäcüüx ga churaragü Yudiügüxü íyauüxü rü Babiróniäänewa nagagüäxü.

¹² Rü yexguma Babiróniäwa Yudiügüxü nagagüguwena, rü Yeconía nane ga Charatíe nabu. Rü nüma ga Charatíe rü Chorobabénatü nixi

¹³ Rü Chorobabé rü Abiúnatü nixi.

Rü Abiú rü Eriaquíünatü nixi.

Rü nüma ga Eriaquíü rü Achónatü nixi.

¹⁴ Rü Achó rü Chadóxnatü nixi.

Rü Chadóx rü Aqüíünatü nixi.

Rü nüma ga Aqüü rü Eriúnatü nixi.

¹⁵ Rü Eriú rü Ereachánatü nixi.

Rü Ereachá rü Matáünatü nixi.

Rü nüma ga Matáü rü Acóbunatü nixi.

16 Rū Acóbu rü Yúchenatü nixí. Rū nūma ga Yúche rü María ngíte nixí. Rū ngima ga María rü Ngechuchu ya Cristu naē iyixí. Rū guma Ngechuchuxü nixí ga naxunetaxü ga Tupana.

17 Rū yemaäcü Abráüwa inaxügü ga yema duüxügü rü 14 nixí ñuxmata Dabíwa nangu. Rū yemawena to ga 14 inaxügü ga Dabíwa rü ñuxmata Babiróniäcüäx ga churaragü Yudiügüxü iyauüxguwa nangu. Rū yemawena to ga 14 inaxügü ga yexguma Yudiügüxü ñayauüxguwena rü ñuxmata Cristu buxguwa nangu.

Ngechuchu ya Cristuarü buxchiga (Lc 2.1-7)

18 Rū ñaäcü nixí ga yexguma nabuxgu ga Ngechuchu. Rū naē ga María rü marü Yúchemaä ixátechaü. Natürü naxüpa ga nügüna na nangugüxü rü marü Tupanaäē i Üünexüärü ñnüxü ixäxäcü.

19 Rū Yúche ga María ngítechaü ixícü rü wüxi ga mecü nixí. Rū yemacèx tama nanangoxèechaü ga yema na naxäxäcüxü ga María. Rū nagu narüxinü ga bexmamare ngixü na ínatáxü.

20 Rū yexguma yemagu ínaxñüyane, rü wüxi ga daxücüäx ga Tupanaärü orearü ngeruü, rü nanegüwa naxcèx nangox rü namaä nidexa. Rū ñanagürü nüxü: —Pa Yúche Pa Dabítanüxüx, jtäxü i ngixü cuxoxü i María na ngímaä cuxämaxü! Erü Tupanaäē i Üünexü ngixna ñnüxügagu nixí i naxäxäcüxü.

21 —Rü ngíma tá ngixü nangèxma ya wüxi ya ngine, rü cuma rü tá Ngechuchugu cunaxüéga. Rü ngéma naega rü 'maxèëruxü' ñaxüchiga nixí, erü nūma tá norü pepadugüwa ínananguxüxèē i norü duüxügü —ñanagürü.

22 Rū guxüma ga yema orearü ngeruü nüxü ixuxü rü nangupetü na yangüxcèx ga Cori ga Tupanaärü ore ga nuxcümaüxü ga norü orearü uruüwa nüxü yaxuxü ga ñaxü:

23 “Rü tá tauemacü ngixü inayarütaxu i ngéma nge i taguma yatüxü cuèxcü. Rü tá nayatü. Rü Emanue tá nixí i naega. Rü ngéma naega rü ‘Tupana tatanüwa nangu’, ñaxüchiga nixí”,
ñanagürü.

24 Rū yexguma pewa nabèjächigu ga Yúche, rü nanaxü ga yema Tupanaärü orearü ngeruü ga daxücüäx namaä nüxü ixuxü. Rü Mariamaä naxämèx.

25 Natürü taguma ngixünexü nacuèx ñuxmata nabu ga guma ngíne. Rū Ngechuchugu nanaxüéga.

2

Ngechuchuxü ñayadaugü ga yatügü ga nüxü cuèxüchigüxü

1 Rū Ngechuchu rü Yudéaanewa yexmane ga íane ga Beréügu nabu ga yexguma Erode äëxgacü ixixgu ga yema nachüñanewa. Rū yexguma nixí ga íane ga Yerucharéüwa nangugüxü ga ñuxre ga yatügü ga nüxü cuèxüchigüxü ga woramacuriwa ngüxü ga yaxüwa ne íxü ga üèxcü ne üxüwa.

2 Rū duüxügüna nacagüe, rü ñanagürügü: —¿Ngextá nixí i nangèxmaxü ya yima Yudiügüarü äëxgacü ya ngexwacèx bucü? Toma rü yéama tochiñanewa nüxü tadau ya norü woramacuri rü ngémacèx nūma taxí na nüxü tayarücuèxüügüxcèx —ñanagürügü.

3 Rū yexguma yemachigaxü nacuèxgu ga äëxgacü ga Erode rü poraäcü naxoegaäē. Rū guxüma ga duüxügü ga Yerucharéücüäxgü rü ta naxoegaäëgü.

4 Rū yexguma ga ãëxgacü ga Erode rü naxcèx nangema ga guxüma ga paigüarü ãëxgacügü rü ngüxëëruügü ga ore ga mugüwa nguxëëtaegüxü. Rū nüxna naca, rü ñanagürü: —¿Ngexta nixĩ i nabuégaxü ya Cristu? —ñanagürü.

5 Rū nümagü nanangãxügü, rü ñanagürügü: —Nuã Yudëaanewa ngëxmane ya ñãne ya Berëüga tá nixĩ i nabuxü. Yerü nuxcümaücü ga Tupanaärü orearü uruü rü nachiga nanaxümatü, rü ñanagürü ga yema ore:

6 “Rü Berëü ya ñãne ya Yudëaanewa ngëxmane, rü yima rü tama wüxi ya ngexnerüünemare ya ñãne nixĩ, erü nagu tá nabu i ngëma ãëxgacü i taxü i Cristu. Rū nüma tá nüxna nadau i guxüma i Tupanaärü duüxügü i Yudiügü”,

ñanagürü.

7 Rū yexguma ga ãëxgacü ga Erode rü bexma naxcèx naca ga yema yatügü ga nüxü cuëxüchigüxü ga yaxüwa ne İxü. Rū nüxna naca ga tëxacü rü ngunexü na nangóxü ga noxri ga guma woramacuri.

8 Rū ñuxüchi ga Erode rü Berëüwa nanamugü ga yema yatügü. Rū ñanagürü nüxü: —¡Rü ngema pexĩ rü meã naxcèx peyadëux i ngëma buxü. Rū ngëxguma nüxü ipeyangauxgu rü chomaã nüxü pixu na choma rü ta ngema chaxüüçëx, na nüxü chayarücuëxüüxüçëx i ngëma buxü! —ñanagürü.

9 Rū yexguma yema orexü naxĩnügëwena, rü inaxĩachi ga yema yatügü. Rū guma woramacuri ga noxri nüxü nadaugücü rü napëxegu nixüchigü rü ñuxmata guma bucü ga Ngechuchu İyexmaxüëtüwa nangu. Rū yéma nayachaxächi.

10 Rū yexguma guma woramacurixü nadaugügu ga yema yatügü, rü poraäcü nataäëgü.

11 Rū nagu nichocu ga guma İ ga nawa nayexmane, rü yexma nüxü nayangau ga guma bucü ngĩmaã ga naë ga María. Rū guma bucüpegu nacaxãpüxügü, rü nüxü nicuëxüügü. Rū ñuxüchi nayawãxna ga norü baüxacügü, rü õxchanana nanaxãmaregü ga uiru rü pumaragü ga yixichixü.

12 Rū yemawena, ga yexguma napeeyane ga yema yatügü, rü nanegüwa Tupana nayaxucüxëgü na tama Erodecëx nawoeguxüçëx. Rū yemacëx to ga namagu nachiñãnecëx nawoegu.

Equitanewa nabuxmü

13 Rū yexguma marü İyaxİxguwena ga yema yatügü rü wüxi ga daxüçüãx ga Tupanaärü orearü ngeruü, rü nanegüwa Yühecëx nangox, rü ñanagürü nüxü: —¡Nabëixächi rü İrüda! ¡Rü İnaxüxü namaã ya yima bucü rü naë rü Equitanewa naxü! ¡Rü ngema pengëxmagü ñuxmatáta choma cumaã nüxü chixu na ñuxgu tá cutaeguxü! Erü ãëxgacü i Erode rü yima bucüçëx tá nadau na yamáãxüçëx —ñanagürü nüxü.

14 Rū yexguma ga Yüche rü nabëixächi rü İnarüda. Rū yexgumatama chütaçü namaã inaxüachi ga guma bucü ga Ngechuchu rü naë. Rū Equitanewa naxü.

15 Rū Equitanewa nayexmagü ñuxmata nayux ga ãëxgacü ga Erode. Rū yemaäcü nangupetü na yanguxüçëx ga Tupanaärü ore ga nuxcümaücü ga norü orearü uruü nüxü İxuxü ga ñaxü: “Naxcëx changema ya Chaune rü Equitanena chanataeguxëë”, ñaxü ga yema ore.

Erode nanamu na tüxü nadëixüçëx ga buxegü

16 Rū yexguma ãëxgacü ga Erode nüxü cuëxgu ga to ga namagu na nawoeguxü ga yema yatügü ga nüxü cuëxüchigüxü ga yaxüwa ne İxü, rü

poraácü nanu. Rü Beréüwa nanamugü ga norü churaragü na guxü ga yema naânewa tüxü nadéjxücêx ga guxâma ga guxema buxegü ga iyatüxe ga yexwacêx buexe rü ñuxmata taxre ga tauncü tüxü yexmagüxewa nangu. Yerü yema yatügü ga yaxüwa ne ñxü rü marü nüxü nixugügü rü taxre ga tauncü nixü ga noxri na nangóxü ga guma woramacuri.

¹⁷ Rü yemaácü ningu ga ore ga nuxcúmaüxü ga Tupanaärü orearü uruü ga Yeremiá ümatüxü ga ñaxü:

¹⁸ “Rü Ramáwa nüxü taxínüé i wüxi i naga i poraacü ngechaügaácüma auxexü. Rü Raquera iyixü i ngíxácügücêx poraacü auxcü. Rü taxuacüma ngíxü tataãêxêêga, erü nayue i ngíxácügü”, ñanagürü ga yema ore.

¹⁹ Natürü yexguma marü nayuxguwena ga äêxgacü ga Erode, rü Equituanewa rü wüxi ga daxüçüâx ga Tupanaärü orearü ngeruü rü nanegüwa Yúhecêx nangox. Rü ñanagürü nüxü:

²⁰ –Pa Yúchex, jírüda, rü pechiüñecêx namaã pewoegu ya yima bucü ya Ngechuchu! Erü marü nayue i ngema duüxügü ya yima bucüxü imêxgüchaxüxü –ñanagürü.

²¹ Rü yexguma ga Yúche rü inarüda rü nachüñecêx namaã nataegu ga guma bucü rü naé.

²² Natürü yexguma Yúche nüxü cuáchigagu na Aqueránu äêxgacüxü ingucuchixü nanatü ga Erodechicüü ga Yudéanewa, rü namuü ga Yúche ga yéma na naxüxü. Yerü wüxi ga daxüçüâx ga Tupanaärü orearü ngeruü nanegüwa nanaxucüxê na tama yéma Yudéanewa na naxüxücêx. Rü yemacêx Gariréaanewa naxü.

²³ Rü yexguma Gariréaanewa nangugügu, rü ñâne ga Nacharétuwa naxü, rü yexma naxächüügü. Rü yemaácü nangupetü na yanguxücêx ga yema ore ga nuxcúmaügüxü ga Tupanaärü orearü uruügü nüxü ixugüxü ga ñaxü:

“Ngechuchu ya Cristu rü Nacharétüçüâxmaã tá nanaxugü”, ñaxü.

3

Cuáü ga baiüxêëruü nüxü nixu ga Tupanaärü ore ga dauxchitawa ga ngextá taxüema íxâpataxüwa

(Mr 1.1-8; Lc 3.1-9, 15-17; Cu 1.19-28)

¹⁻² Rü yexguma Nacharétuwa nayexmagu ga Ngechuchu, rü Cuáü ga baiüxêëruü inanaxügü ga Tupanaärü orexü na yaxuxü ga Yudéanewa ga dauxchitawa ngextá taxüema íxâpataxüwa. Rü duüxügümaã nüxü nixu rü ñanagürü: –¡Nüxü perüxoe i pecüma i chixexü! Erü marü ningaica na perü äêxgacü na yíxü ya Tupana –ñanagürü.

³ Rü guma Cuáü ga baiüxêëruüchiga nixü ga naxümatüäxü ga nuxcúmaücü ga Tupanaärü orearü uruü ga Ichaxía ga yexguma ñaxgu:

“Rü dauxchitawa i ngextá taxüema íxâpataxüwa tá nangêxma i wüxi i duüxü i ngema tagaacü ñaxü: ‘¡Pegü pemexêêx naxcêx ya Cori! ¡Rü naxcêx ipeyanawéxächixêêx i perü maxü!’ ”

ñaxü.

⁴ Rü naxchiru ga Cuáü rü cameyütêxanacêx nixü, rü norü goyexü rü naxchêxmünacêx nixü. Rü beruremaã rü munümaã naxâwemü.

⁵ Rü yéma Cuáüxütawa inayarüxínüégüxü ga duüxügü ga Yerucharéüçüâx, rü duüxügü ga guxü ga Yudéanewa ne ñxü, rü duüxügü ga natü ga Yudáüärü ngaicamagu ächiügüxü.

6 Rū guxema duñxëgü ga nüxü ixugüexe ga tümaärü pecadugü, rü Cuáü rü tüxü ínabaiüxëe ga natü ga Yudáüwa.

7 Natürü yexguma Cuáü nüxü dëuxgu ga naxütawa na nangugüxü ga muxüma ga äëxgacügü ga Parichéugü rü Chaduchéugü na ínabaiüxëeäxüçëx, rü Cuáü ñanagürü nüxü: —Pa Äxtapearü Duñxügüx, ¿rü texé pemaã nüxü tixu na naxchaxwa pibuxmüxüçëx i ngëma Tupanaärü poxcu i äücümaxü i marü ingaicaxü?

8 —¿Rü penaxwëxe na Tupana naxwëxexüäcüma pemaxëxü na ngëmaäcü guxüma i duñxügü nüxü nadaugüxüçëx na aixcüma marü nüxü perüxoexü i ngëma pecüma i chixexü!

9—Erü Tupanapëxewa rü taxuwama name na pegü pixuxü na Abráütanüxü i Yudiügu pixígüxü erü tama ngëmacëx nixü ya Tupana i duñxügüxü nayaxuxü. Rü pemaã nüxü chixu rü ngëxguma Tupana naxwëxegu, rü tama nüxü naguxcha na daa nutawa Abráütanüxü nanguxüxëexü.

10 —Rü Tupanaärü yuema rü marü ímëmære na nadaxüxüçëx i ngëma nanetügü i tama mexü. Rü guxüma i nanetügü i chixearü öðxü rü tá nadaxü, rü ñuxüchi tá ínagu —ñanagürü.

11 Rü ñanagürü ta ga Cuáü: —Choma rü aixcüma dexáwamare pexü íchabaiüxëe na togü i duñxügü nüxü cuáxüçëx na aixcüma marü nüxü perüxoexü i pecüma i chixexü. Natürü chowëama tá ínangu i to i Tupanaärü orearü uruü. Rü nüma tá pexütawa nanamu i Tupanaäe i üünexü na naporaexëeäxü i ngëma Tupanawe rüxüxü, rü nüma tá nanapoxcue i ngëma Tupanaxü oexü. Erü nüma rü poraäcü choxü narüyexera na äëxgacü yüxü. Rü choma rü napëxewa rü taxuwama chame rü bai i norü chapatuarü ngewaxüra chame.

12 —Rü nüma rü marü ínamëmære na ñoma i naänëwa yadexechiäxüçëx i norü duñxügü ñoma wüxi i yatü trigu naätüna idexechixütrüü. Rü ngëmaäcü tá nayadexechi i ngëma noxrü ixígüxü na naxütawa nangëxmagüxüçëx, natürü ngëma tama noxrü ixígüxü rü tá ínanagu nawa ya yima üxü ya taguma ixoxüne —ñanagürü ga Cuáü.

Ngechucharü baiechiga (Mr 1.9-11; Lc 3.21-22)

13 Rü yexguma nixü ga Garirëaanewa ne naxüxü ga Ngechuchu. Rü Cuáüxütawa nanguxü ga Yudáü ga natüwa, na Cuáü ínabaixëeäxüçëx.

14 Rü noxri rü tama Ngechuchuxü ínabaixëeçhaü ga Cuáü. Rü ñanagürü nüxü: —Choxü waxi nixü i namexü na ícubaixëeäxü. ¿Rü ñuxäcü i cuma i chauxütawa cuxüxü na choma cuxü íchabaixëeäxüçëx? —ñanagürü.

15 Natürü ga Ngechuchu rü ñanagürü nüxü: —Name nixü i choxü ícubaixëe i ñuxmax. Erü name nixü i tanaxü i guxüma i ngëma Tupana tüxü muxü —ñanagürü. Rü yexguma ga Cuáü rü: —Ngü —ñanagürü.

16 Rü yexguma marü Cuáü Ngechuchuxü íbaixëeëguwena, rü dexáwa ínaxüächigu ga Ngechuchu. Rü yexgumatama niwäxna ga daxügüxü ga naäne, rü Ngechuchu nüxü nadau ga Tupanaäe i Üünexü ga wüxi ga muxtucurüü na ínagoxü rü nüxna na nanguxü.

17 Rü dauxüwa ínanaxü ga wüxi ga naga ga ñaxü: —Daa nixü ya Chaune ya nüxü changechaüxüchicü, rü poraäcü namaã chataäexüchicü —ñaxü.

4

Ngechuchuxü naxü ga Chataná (Mr 1.12-13; Lc 4.1-13)

1 Rū yemawena rū Tupanaãe i Üünexũ rū wüxi ga nachica ga ngextá taxüema íxãpataxüwa Ngechuchuxũ naga na yéma Chataná nüxũ üxücèx.

2 Rū taguma nachibü ga 40 ga ngunexũ rū 40 ga chütaxũ. Rū yemawena rū nataiya.

3 Rū yexguma ga ngoxo ga Chataná rū Ngechuchuxütawa nangu, na nüxũ naxüxücèx. Rū ñanagürü nüxũ: —Ega aixcüma Tupana Nane quixügu, jrü daa nutagüxũ namu na pãüxũ nanguxüxücèx! —ñanagürü ga Chataná.

4 Natürü Ngechuchu nanangãxũ, rū ñanagürü: —Tupanaärü ore i ümatüxũ rū ñanagürü:

“Tãütáma pãüxüca nanamaxèxèẽ i duüxügü, natürü guxüma i ore i Tupana nüxũ ixuxũ nixü i duüxügüxũ maxèxèèxũ”, ñanagürü.

5 Rū yexguma ga ngoxo ga Chataná rū guma ñãne ga üünene ga Yerucharéüwa nanaga. Rū tupauca ga taxünetapèxegu nanamunagü.

6 Rū ñanagürü nüxũ: —Ega aixcüma Tupana Nane quixügu, jrü nuã cugü rütáel! Erü Tupanaärü ore i ümatüxüwa rū ñanagürü:

“Tupana tá nanamu i norü orearü ngeruügü i daxüçüãx na cuxna nadaugüxücèx. Rū naxmèxmaã tá cuxü niyauxgü na tama ñacü rū nutagu cunguxücèx”,

ñanagürü.

7 Rū Ngechuchu nanangãxũ rū ñanagürü: —Rū Tupanaärü ore i ümatüxũ rū ñanagürü ta:

“¡Tama name i nüxũ na cuxüxü ya Cori ya curü Tupana!” ñanagürü.

8 Rū yexguma wenaxãrü ga ngoxo ga Chataná rū wüxi ga mëxpüne ga máxpüxüchinetapeçewa nanaga. Rū yéma Ngechuchuxũ nanawèx ga guxüma ga nachüñãnegü na ñuxãcü yamexèchixũ.

9 Rū Chataná rū ñanagürü nüxũ: —Choma chi cuxna chanaxã i guxüma i ñãã cuxü chawéxü i ngèxguma chi chopèxegu cucaxãpüxügu rū choxü quicuèxüügu —ñanagürü.

10 Rū yexguma ga Ngechuchu rū ñanagürü nüxũ: —¡Choxna ixügachi, Pa Chatanáx! Erü Tupanaärü ore i ümatüxũ rū ñanagürü:

“¡Nüxũ icuèxüü ya Cori ya curü Tupana, rū yimaãxüxücatama napuracü!” ñanagürü.

11 Rū yexguma ga ngoxo ga Chataná rū Ngechuchuna nixügachi. Rū Ngechuchuxütawa nangugü ga daxüçüãx ga Tupanaärü orearü ngeruügü. Rū Ngechuchuxũ narüngüxèègü rū nüxna nadagü.

Ngechuchu rū inanaxügü ga norü puracü ga Gariréaanewa

(Mr 1.14-15; Lc 4.14-15)

12 Rū yexguma Ngechuchu nüxũ ñnügü ga na napoxcuxü ga Cuáü ga baiüxèèruü, rū Gariréaanewa naxü.

13 Natürü tama ñãne ga Nacharétugu narüxãüx, rū ñãne ga Capernáüwa naxü na yexma yaxãchiüxücèx. Rū guma ñãne rū nextaxa ga Gariréacutüwa nayexma ga Chaburãütanüxũ rū Netarítanüxũ ga duüxügü ixãchiügüxüwa.

14 Rū yema nangupetü na yanguxücèx ga ore ga nuxcümaücü ga Tupanaärü orearü uruü ga Ichaxia ümatüxũ ga ñãxü:

15-16 “Rü duüxügücèx tá nangox i wüxi i ngóonexèèruü i Chaburãüärü naãnewa, rū Netaríarü naãnewa, rū Yudáüärü tocutüwa rū ngèma nama i taxtücutüwa nadaxüwa, rū Gariréaanewa i ngextá duüxügü i tama Yudiügü ixügüxü ixãchiügüxüwa. Rū ngèmaäcü i ngèma duüxügü ga

noxri ēānēxūwa yexmagūxū, rü tá nüxū nadaugü i wüxi i taxū i ngóonēxēeruū. Rü ngēma duūxūgü ga noxri yutūūwa yexmagūxū rü tá nüxū nabaxi i ngēma ngóonēxēeruū”,

ñanagürü ga yema Ichaxíaarü ore.

¹⁷ Rü yexgumaücü nixí ga inaxūgūāxū ga Ngechuchu ga nüxū na yaxuchi-gaxū ga norü ore ga ñaxū: —¡Nüxū perüxoe i pecüma i chixexū! Erü marü ningaica na perü āēxgacü na yīxū ya Tupana —ñaxū.

Ngechuchu rü naxcēx naca ga āgūmücü ga pūchaetanūxū

(Mr 1.16-20; Lc 5.1-11)

¹⁸ Rü yexguma naxtaxa ga Gariréaanacügu yaxūxgu ga Ngechuchu, rü yéma nüxū nadau ga taxre ga yatü ga nügüeneēgü ixīgūxū. Rü wüxi rü Chimáū ga Pedrugu āegaxū nixí. Rü to rü Aüdrēgu āegaxū nixí. Rü nümagü rü inapūchaegü, yerü woetama pūchaetanūxū nixīgü.

¹⁹ Rü yexguma ga Ngechuchu rü ñanagürü nüxū: —¡Chowe perüxí! Rü chorü puracüwa tá pexū chamugü na chauxütawa penagagūxūcēx i duūxūgü —ñanagürü.

²⁰ Rü yexgumatama ga yema taxre, rü yéma nanatēxgü ga norü pūchagü. Rü Ngechuchuwe narüxí.

²¹ Rü yéamaxūra naxū ga Ngechuchu, rü yéma nüxū nadau ga to ga taxre ga nügüeneēgü. Rü Acobu nixí ga wüxi, rü Cuáū nixí ga to. Rü Zebedéu nanegü nixí ga nümagü. Rü nanatümaā wüxi ga nguewa nayexmagü. Rü yéma ínanangáitagü ga norü pūchagü. Rü Ngechuchu naxcēx naca.

²² Rü yexgumatama yéma nguewa tüxū natēxgü ga nanatü. Rü Ngechuchuwe narüxí.

Ngechuchu nanangúexēē ga muxūma ga duūxūgü

(Lc 6.17-19)

²³ Rü guxū ga Gariréaanegu nixūgüchigü ga Ngechuchu. Rü wüxichigü ga íānēwa, rü duūxūgüarü ngutaquēxepataūwa ninguxēētaechigü. Rü duūxūgümaā nüxū nixuchiga ga ore ga mexū na ñuxācü āēxgacü yīxū ya Tupana. Rü guxūma ga duūxūgü ga yema idaaweexū rü nanameēxēē ga woo nañuxraūxū ga norü daawe nüxū yexmaxū, rü naxcēx nitaanegü.

²⁴ Rü Ngechuchuxū nacuáchigagü ga guxūma ga duūxūgü ga Chíríaanecūāx. Rü naxütawa nanagagü ga nagūxūraūxū ga daxweanemaā idaaweexū. Rü yematánūwa nayexma ga duūxūgü ga ngúanemaā idaaweexū, rü duūxūgü ga poraacü naxūnēwa nangūxū, rü duūxūgü ga ngoxo nawa yexmaxū, rü duūxūgü ga óxwaāxgūxū, rü duūxūgü ga nawāixāchigūxū. Rü Ngechuchu nanameēxēē ga guxūma ga yema.

²⁵ Rü Ngechuchuwe narüxí ga muxūma ga duūxūgü ga Gariréaanecūāx, rü Decaporíchuanecūāx rü Yerucharéücüāx, rü Yudéaanecūāx, rü natü ga Yudáūārü tocutücüāx.

5

Ngechuchu rü mēxpūnēwa nüxū nixu ga Tupanaārü ore

¹ Rü yexguma Ngechuchu nüxū dēuxgu ga yema muxūma ga duūxūgü, rü wüxi ga mēxpūnēwa inaxūāchi namaā ga norü ngúexūgü. Rü yéma narüto, rü norü ngúexūgü nüxū inachomaēguāchi.

Yíxema taāēgūxechiga

(Lc 6.20-23)

2 Rū inanaxügü ga Ngechuchu ga na nangúexēēāxū, rü ñanagürü:

3 –Tataāēgü ya yíxema nüxū icuèxāchitanüxē i tūmaārü pecadu rü nüxū rüxoexe. Erü tūmacèx nixī i ngema daxüguxū i naane i Tupana āēxgacū íxíxüwa.

4 –Tataāēgü ya yíxema ngechaügüxe, erü Tupana tá tüxū nataāēxēē.

5 –Tataāēgü ya yíxema tama tügü icuèxüxügüxe, erü tá tanayauxgü i ñoma i naāne i Tupana tūmamaā íxunetaxū.

6 –Tataāēgü ya yíxema poraācū tüxū nangúchaüxē na Tupanapēxewa meā tamaxēxū, erü Tupana tá tüxna nanaxā i ngēma maxū i mexū i naxcèx tadaugüxū.

7 –Tataāēgü ya yíxema togü i duüxügü tüxū ngechaütümüügüxe, erü tūmagü rü tá ta Tupanaāxū tangechaütümüügü.

8 –Tataāēgü ya yíxema tama chixexügu rüxñüēxē i tūmaāēwa, erü yíxemagü tá tixīgü ya Tupanaxū daugüxe.

9 –Tataāēgü ya yíxema togüarü chogürüü íxīgüxe, erü Tupana rü nanegümaā tá tüxū naxu.

10 –Tataāēgü ya yíxema togü i duüxügü tūmachi aiexe naxcèx na Tupana naxwèxēüācūma meā tamaxēxū. Erü tūmacèx nixī i ngema daxüguxū i naane i Tupana āēxgacū íxíxüwa.

11 –Petaāēgü i pema ega duüxügü tacü pemaā ixügüegu, rü chixri pemaā namaxēgu, rü chaugagu doramaā poraācū chixri pechiga yad exagügu.

12 –¡Rü petaāēgüama rü tama pexoegaāēgü! Erü daxüguxū i naānewa tá penayauxgü i wüxi i perü āmare i mexēchixū. Rü ngēma ñuxma pexū ngupetüxürüü nixī ga nüxū nangupetüxū ga nuxcūmaügüxū ga Tupanaārü orearü uruügü, yerü ga duüxügü rü naxchi rü ta naxaie.

*Yucürarüü rü omürüü pixīgü i ñoma i naānewa
(Mr 9.50; Lc 14.34-35)*

13 –Pema rü ñoma yucürarüü pixīgü i ñoma i naānewa. Erü yima yucüra rü ñna na namexēēxürüü, rü ngēxgumarüü ta i pema rü ñoma i naāneçüāx i duüxügüarü mexēēruü pixīgü. Natürü ngēxguma chi nangeacagu ya yucüra, çrü tacüwa chi i namexū i ngēxgumax? Rü dücax, rü taxuwama name, rü ítanatèxmare, rü ngēma duüxügü nawa nangagü.

14 –Pema rü ñoma i naāneçüāxärü ngöonexēēruü pixīgü. Rü wüxi ya ñāne ya wüxi ya mēxpünewa ngēxmane, rü taxuacüma inicux.

15 –Rü taxüema wüxi i omüwa tanangixichi na wüxi i caichäütüügu na tayaxüchixüçèx. Natürü wüxi i omüwa tanangixichi na norü üchicaügu tanaxünagüxüçèx, na ngema tüxū nabaxixüçèx ga guxāma ya yíxema yima íwa ngēxmagüxe.

16 –Rü name nixī i duüxügüpēxewa na meā pemaxēxū. Erü ngēmaācū i pema rü omügürüü tá pinaigü. Rü ngēmaācū duüxügü tá nüxū nadaugü i ngēma mexū i pexüxū, rü tá nüxū nicuèxüügü ya Penatü ya daxüwa ngēxmacü.

Ngechuchu nanangüexē ga mugüchiga

17 –Tama name i nagu perüxñüē na núma chaxüxū na ichayanaxoxēēxüçèx i Tupanaārü mugü ga Moíche ümatüxū, rü yema ore ga nuxcūmaügüxū ga Tupanaārü orearü uruügü namaā nguxēētaegüxū. Natürü núma chaxü na meā chayanguxēēxüçèx i ngēma mugü, rü tama na ichayanaxoxēēxüçèx.

18 —Rü aixcüma pemaã nüxü chixu, rü ñuxma na tama nangupetüxü i daxüguxü i naane rü ñoma i naãne rü taxucürüwa naxüchicüxü i ngëma mugü, rü bai i írarüwa ñuxmatáta yangu i guxüma i ngema mugü nüxü nixuxü.

19 —Rü ngëmacëx ya yíxema tama naga ñuxë i ngëma mugü, rü woo i ñacü i íraxü i ngëma nüxü yaxuxü rü duüxüguxü tangüexëxgu na nümagü rü ta tama naga naxüñëxücëx, rü yíxema rü tá guxüaru yexera wixweama tatëx i Tupana ãëxgacü ííxüüwa. Natürü yíxema naga ñuxë i Tupanaärü mugü rü duüxüguxü ngüexëxë na tümagü rü ta naga taxüñëxücëx, rü guxüpëxewa tá taxü i Tupana ãëxgacü ííxüüwa.

20 —Rü pemaã nüxü chixu, rü ngëxguma tama Parichéugü rü ngüexëruüügü i ore i mugüwa nguxëëtaegüüärü yexera meã pemaxëgu, rü tagutáma Tupana íngexmaxüwa pichocu.

Ngechuchu nanangüexëë na tama namexü na texé tümaëneëmaã na nuxü (Lc 12.57-59)

21 —Pema rü marü nüxü pexüñüë ga Moíchéaru ore ga nuxcümaüguxü ga duüxügümaã nüxü yaxuxü ga ñaxü:

“¡Tãxü i pemáëtagüxü! Erü texé yamáëtaxe rü tá tapoxcu”,
ñaxü.

22 —Natürü choma rü pemaã nüxü chixu rü texé ya tümaëneëmaã nuxë, rü tá tapoxcu. Rü texé ya ñacü tümaëneëmaã íxugüxe, rü ãëxgacügüpëxewa tá tüxü nagagü na tüxü napoxcuxücëx. Rü texé ya tümaëneëxü ngoxo wogüxe, rü äücümaxüwa tangëxma, erü ngürüächi tá tapoxcu nagu ya yima üxü ya ngoxo nagu poxcuene.

23-24 —Rü ngëxguma tupaucawa Tupanana cunaxãxgu i curü díëru, rü ngema nüxna cucüëächigu na ñacücëx cumaã nanuxü i cueneë, ¡rü ngëxma tupaucagutama naxü i ngëma curü ämare i Tupanana cuxãxchaüxü! ¡Rü cueneëxütawa naxü, rü namaã yamexëëxíra i ngëma cuxchi na nax-aixü! Rü ngëmawena rü marü name i tupaucacëx cutaegu na Tupanana cuyaxãmarexücëx i curü díëru.

25 —Rü ngëxguma chi wüxie wüxi i ngetanücëx cuxü íxuaxügu, rü ãëxgacüxütawa cuxü tagaxgu, rü name nixü i namawatama tüxü curüngüxmüxëë na tama ãëxgacüpëxewa cuxü tagaxücëx. Erü wüxicana na ãëxgacüxütawa cunguxü, rü ãëxgacü tá purichíagüna cuxü namu na cuxü napoxcuxücëx.

26 —Rü aixcüma cumaã nüxü chixu rü täütáma ngëma poxcupataüwa ícunguxuchi ñuxmatáta ngíxü cuxütanü i guxcü i ngëma díëru i nüxü ngíxü cungetanücü. Rü name nixü i paxa Tupanana peca na pexü nüxü nangechaüxücëx i perü pecadugü na tama pexü napoxcuexücëx.

*Ngechuchu namaã nangüexëëtae na tama namexü na wüxi i ngemaã chix-
exügu rüxüñüxü*

27 —Pema marü nüxü pexüñüë ga Tupanaärü mu ga Moíché nuxcüma nüxü íxuxü ga ñaxü:

“¡Tama name i naí i ngemaã na icupexü!”
ñaxü.

28 —Natürü choma rü pemaã nüxü chixu, rü yíxema texé ya wüxi i ngexü dawenüxë rü tüxü nangüchaüxë na ngímaã ítapexü, rü Tupanapëxewa rü marü chixexü ngímaã taxü i tümaãëwa.

29 —Rü ngëxguma chi yima curü tügünexëtü pecadu cuxü üxëëgu rü ¡noxtacüma nayaxu rü yaxügu naña! Erü narümemaë nixü na yima cuxetüxícatama

iyarütaxuxü na tama guxü i cuxune iyarütaxuxüçèx nagu ya yima üxü ya ngoxogü nagu poxcuene.

³⁰ —Rü ngëxguma chi yima curü tügünemëxë pecadu cuxü üxëëgu, rü name nixi i noxtacüma ícunadae rü yaxügu cuyaña. Erü narümemaë nixi na yima cuxmëxícatama iyarütaxuxü na tama guxü i cuxune iyarütaxuxüçèx nagu ya yima üxü ya ngoxogü nagu poxcuene. Rü ngëmaäcü ega woo pexü naguxchagu rü name nixi i nüxna pixigachi i guxüma i chixexü i nagu piyixchaüxü —ñanagürü.

Ngechuchu namaã nangüexëëtae na tama namexü na texé tümamëxü ítáxü (Mt 19.9; Mr 10.11-12; Lc 16.18)

³¹ Rü ñanagürü ta ga Ngechuchu: —Moiché rü üpa nüxü nixu rü yixema tümamëxü ítáxe, rü tanaxwëxe i ngixna tanaxá i wüxi i popera i nawa nüxü tixuxü na marü ngixü ítátáxü.

³² —Natürü choma rü pemaã nüxü chixu, rü ngëxguma wüxi ya yatü naxmëxü ítëxgu, rü chi tama naí ya yatümaã nangëãëxügagu yixigu, rü äücúmaxüwa ngixü tangëxmaxëë erü ngëmaäcü ngürüachi pecadu ixü. Rü yixema ngímaã ämaxë i wüxi i nge i marü ngíte ngixü ítëxcü, rü tüma rü ta pecadu taxü.

Ngechuchu namaã nangüexëëtae ga unetachiga

³³ Rü ñanagürü ta ga Ngechuchu: —Pema rü marü nüxü pexinüë ga Moichéarü ore ga nuxcúmaügüxü ga duüxügümaã nüxü yaxuxü ga ñaxü:

“Ngëxguma Tupanaegagu texëmaã tacüçèx icuxunetagu, rü name nixi i cuyanguxëë i ngëma curü uneta”, ñaxü.

³⁴ —Natürü choma rü pemaã nüxü chixu rü tama name i texéégagu rü éxna tacüégagu wüxi i duüxümaã ipexuneta. Rü tama name i daxüguxü i naãneegagu ipexuneta, erü ngëma narüto ya Tupana.

³⁵ —Rü tama name i ñoma i naãneegagu ipexuneta, erü Tupanaärü cuaixcutüchica nixi. Rü tama name i Yerucharéégagu ipexuneta, erü Tupana ya guxüärü äëxgacüarü ñane nixi.

³⁶ —Rü tama name i cugüégagu icuxuneta, erü woo wüxitama i cuyae rü taxucürüwa cunaxüchicüü na nachóxüçèx rü éxna nawaxüxüçèx.

³⁷ —Rü ngëmacèx rü ngëxguma icuxunetagu rü narümemaë nixi i: —Ngü, tá chanaxü —ñaperügü, rü éxna: —Täütáma chanaxü —ñaperügü. Erü guxüma i to i ore i namaã icuxunetaxü, rü ngoxo i Chatanáwa ne üxü nixi.

Ngechuchu namaã nangüexëëtae na ñuxäcü namexü na namaã ichopetüxü i ngëma duüxügü i chixri tamaã maxëxü

³⁸ Rü ñanagürü ta ga Ngechuchu: —Pema rü marü nüxü pexinüë ga Tupanaärü mu ga Moiché nuxcúma nüxü ixuxü ga ñaxü:

“Ngëxguma texé wüxi i duüxüxü icháixetüxëëgu, rü tümaxëtümaätama tayangutanüxëë. Rü texé wüxi i duüxüxü ibüepütagu, rü tümápütamaätama tayangutanüxëë”, ñaxü.

³⁹ —Natürü choma rü pemaã nüxü chixu rü tama name i pegütama ípepoxü nüxna i duüxü i chixecümaxü. Rü ngëxguma texé cuxü pechiwegu, rü marü name i curü tochiwe rü ta icunaxá na ngëma rü ta cuxü tapechiwexüçèx rü tama name na cuxütanüxü.

⁴⁰ —Rü ngëxguma texé cuxü íyaxuaxügu rü cuxna tayapuchaxügu i curü daxü, rü name nixi i curü gáuxüchiru rü ta noxtacüma tüxna cunaxá.

41 –Rü ngëxguma texé cuxũ müxgu na wüxi i kilómetrugu tacü tüxũ quingexúcex, rü name nixĩ i taxre i kilómetrugu tüxũ cuyange.

42 –Rü ngëxguma texé curü ngëmaxúcex cuxna caxgu, rü name nixĩ i tüxna cunaxã. Rü tama name na namaã cuxaũxũ i curü ngëmaxügü ega texé paxaãchi cuxna naxcex caxgu.

Name nixĩ i nüxũ tangechaũ i ngema tamaã rüuwanügüxũ

43 Rü ñanagürü ta ga Ngechuchu: –Pema rü marü nüxũ pexĩnüë ga Tupanaãrü mu ga Moĩché nuxcũma nüxũ ixuxũ ga ñaxũ:

“¡Nüxũ nangechaũ i cumücü, rü naxchi naxai i curü uwanü!”
ñaxũ.

44 –Natürü i choma rü pemaã nüxũ chixu rü: –¡Nüxũ pengechaũ i perü uwanügü! ¡Rü naxcex peyumüxë i ngëma duũxügü i chixexũma pewe ingexütanüxũ!

45 –Rü ngëxguma ngëmaãcü pemaxëgu rü aixcũma Penatü ya daxügücü nanegü tá pixĩgü. Erü nüma rü inanabáixëë ya üëxcü naxcex i mexũ i duũxügü rü chixexũ i duũxügü. Rü nanapuxëë naxcex i duũxügü i meã maxëxũ rü duũxügü i chixri maxëxũ.

46 –Rü ngëxguma chi ngëma duũxügü i pexũ ngechaũgüxũxũxĩcatama pengechaũgügu, çrũ tacü rü ãmare tá Tupanaxütawa peyaxgü naxcex i ngëma? Erü ngëma yatügü i Dumaãrü ãëxgacücëx dïëru ngĩxũ ideetanüxũwa puracüexũ rü ngëxgumarüũ nanaxügü.

47 –Rü ngëxguma chi peeneëgüxũxĩcatama perümoxëgu, rü guxũ i duũxügürüütama pixĩgü. Erü woo ngëma duũxügü i tama Tupanaxũ cuëxgüxũ, rü ngëxgumarüütama nanaxügü.

48 –Rü ngëmacëx penaxwae na aixcũma namexũ i perü maxũ naxrũxũ ya Penatü ya Tupana ya aixcũma mearü maxũãcü.

6

Ngechuchu rü norü ngüetanüxũxũ nangüexëë na ñuxãcü mexũ naxügüxũ

1 Rü ngëxguma tacü rü mexũ pexũchaũgu, rü name nixĩ i pexuãë na tama duũxügüpëxewa penaxũxũ i ngëma na duũxügü pexũ dauxúcëx rü pexũ yacuëxüügüxücëx. Erü ngëxguma duũxügü pexũ icuëxüügüxücëx mexũ pexũxgu, rü Penatü ya daxügücü rü tãütáma ãmare pexna naxã.

2 –Rü ngëmacëx ngëxguma texëxũ curüngüxëëchaũgu, rü name nixĩ i tama poraãcü nüxũ quixuchiga i ngëma. Rü tama name i ngëma duũxügü i togüpëxewa meã maxënetaxürüü na quĩxũ. Erü nümagü rü norü me nixĩ i ngutaquëxepataügüwa rü itamügüwa nüxũ nixuchiga ega tacü rü mexũ naxügügu. Rü ngëmaãcü nanaxügü na togü meã nachiga idexagüxücëx. Natürü choma rü aixcũma pemaã nüxũ chixu rü ngëma na duũxügü nüxũ icuëxüügüxũ nixĩ i norü ãmare, rü tãütáma nanayaxgü i to i ãmare i Tupanaxütawa.

3-4 –Natürü i cuma rü ngëxguma tacü tüxna cuxãxgu ya yíxema ngearü ngëmaxüãxgüxe, rü name nixĩ i taxúema cuxũ dauãcüma na cunaxũxũ i ngëma. Rü woo cumücüxüchi rü tama name i nüxũ na nacuéxũ i ngëma. Rü Cunatü ya daxügücü ya nüxũ daucü i ngëma cuxicatama cuxüxũ, rü tá cuxna nanaxã i curü ãmare.

Ngechuchu nanangüexëë ga yumüxëchiga
(Lc 11.2-4)

5 –Rü ngëxguma peyumüxëgügu, rü tama name i ngëma duüxügü i togüpëxewa meã maxënetaxürüü pixīgü. Erü nümagü rü ngëxguma nayumüxëgügu, rü norü me nixī na chiãcü nayumüxëgüxü i ngutaquëxepataüğüwa rü itamüğüwa na duüxügü nüxü na daugüxüxcëx. Rü aixcüma pemaã nüxü chixu rü ngëma na duüxügü nüxü daugüxüxīcatama nixī i norü ãmare.

6 –Natürü ngëxguma cuyumüxëgu, rü name nixī i curü ucapugu cuxücu, rü cunawãxta i curü iãx, rü ngema cuyumüxë namaã ya Cunatü ya bexma cumaãxīcatama ngema ngëxmacü. Rü ngëxguma ya yima Cunatü ya Tupana ya nüxü daucü i ngëma cüãcü cuxüxü, rü nüma tá cuxna nanaxã i curü ãmare.

7 –Rü tama name i natüxcëma cunamëxëë i curü yumüxë naxrüü i ngëma duüxügü i tama Tupanaxü cuëxgüxü. Erü nümagü rü nagu narüxīnüë rü ngëma na namëxëëgüãxüxcëx i norü yumüxë rü Tupana tá nüxü naxīnü.

8 –Rü tama name i ngëma duüxügürüü pixīgü, erü woo tauta naxcëx ípecaxgu rü Penatü ya Tupana rü marü nüxü nacüx na tacü pexü taxüxü.

9 –Rü ngëmacëx rü ñãcü tá peyumüxëgü i pemax:

“Pa Tonatü ya Daxügücüx, rü aixcüma üünecü quixī i cumax.

10 ¡Rü nüma naxü na torü ãëxgacü quixüxcëx! Rü tanaxwëxe i curü ngüchaü na naxügüxü i duüxügü i ñoma i naãnewa ngëxgumarüü i daxügüxü i naãnewa na curü ngüchaü ínaxügüxürüü.

11 ¡Rü toxna naxã i torü õna i ñoma i ngunëxüxcëx ixixü!

12 ¡Rü toxü nüxü nangechaü i torü chixexü i taxüxü ngëxgumarüü i toma rü tüxü nüxü na tangechaüxürüü ya yixema chixexü tomaã ügüxe!

13 ¡Tãxü i tacü rü chixexüpëxewa toxü cuwogüxü na tama nagu tayixüxcëx! Natürü tanaxwëxe i toxna cüdau na tama ngëma chixexü taxügüxüxcëx. Erü cuma rü guxügüma guxüãrü ãëxgacü quixī rü cuporaxüchi rü cumëxëchi. Rü ngëmaãcü yī”.

14 –Rü ngëxguma pema nüxü nüxü pengechaügu i ngëma duüxügü i chixexü pemaã ügüxü, rü Penatü ya daxügücü rü tá ta pexü nüxü nangechaü i perü pecadugü.

15 –Natürü ngëxguma tama nüxü nüxü pengechaügu i ngëma duüxügü i chixexü pemaã ügüxü, rü Penatü ya daxügücü rü tá ta täütama pexü nüxü nangechaü i perü pecadugü.

Ngëchuchu nanangüxëë ga aurechiga

16 –Rü ngëxguma tama pechibüëãcüma peyumüxëgügu rü tama name i pegü pengechaüchīwëxëë naxrüü i ngëma duüxügü i togüpëxewa meã maxënetaxü. Erü nümagü rü ngëmaãcü nanaxügü na togü nüxü na daugüxüxcëx i ngëma na Tupanacëx naxaurexü. Rü aixcüma pemaã nüxü chixu rü ngëma na duüxügü nüxü daugüxüxīcatama nixī i norü ãmare.

17 –Natürü ngëxguma cuma rü tama cuchibüãcüma cuyumüxëgu rü name nixī i meã cügü cuyauxchiwe rü meã cügü curüxīxëëru.

18 –Rü ngëmaãcü i togü i duüxügü rü täxütama nüxü nacüxgü na tama cuchibüãcüma cuyumüxëxü. Rü Cunatü ya bexma cumaã ngema ngëxmacüxīcatama cuxü nadau, rü tá cuxna nanaxã i curü ãmare naxcëx i ngëma cuxüxü.

*Ñuxãcü tüxü nangëxma i tóru merüügü i daxügüxü i naãnewa
(Lc 12.33-34)*

19 –Rü tama name i pegücèx penanutaquêxe i muxüma i perü meruüğü i ñoma i nañewa. Erü ñoma i nañewa rü paxama nagux i perü ngëmaxüğü, rü naweane rü paxama nanachixexêê, rü ngîtèèxgüxü rü naxcèx nangixgü.

20 –Rü narümemaê nixi i penamuxêê i perü meruü i daxüguxü i nañewa. Erü ngema rü täxütama nagux, rü naweane rü täxütama nanachixexêê, rü ngîtèèxgüxü rü täxütama ngexma nachocu na naxcèx nangixgüxücèx.

21 –Erü ngextá íngëxmaxüwa i perü ngëmaxüğü, rü ngëxma nixi i perüxñüèxü.

Taxüneañrü omüchiga

(Lc 11.34-36)

22 –Cuxetüğü rü ñoma wüxi i omürüü nixi i cuxunecèx. Rü ngëxguma ngëma Tupana cuxü naxwëxexücèx cudëuxgu, rü guxüma i curü maxü rü name.

23 –Natürü ngëxguma ñoma i nañeñrü ngüchaücèx cudëuxgu, rü guxüma i curü maxü rü chixexüwa nangëxma. Rü aixcüma nataxuma i éañexü i ngëmañrü yexera ixixü i Tupanapëxewa.

¿Texécèx tá cumaxü, Tupanacèx rü éxna dñerucèx?

(Lc 16.13)

24 –Taxucürüwa wüxi i duüxü rü nataxrearü coriãx. Erü wüxi i norü corichi rü tá naxai, rü ngëma to rü tá nüxü nangechaü. Rü éxna wüxicèx rü tá meã napuracü, rü ngëma to rü tá nüxü naxo. Rü taxucürüwa Tupanacèx pemaxê, ega perü dñeruguama perüxñüègu.

Tupana rü naxãcügüna nadau

(Lc 12.22-31)

25 –Rü ngëmacèx pemaã nüxü chixu rü: ¡Tãxü i pexoegaãëgüxü naxcèx na tacü tá pengöxgüxü rü tacü tá pixaxgüxü, rü tacümaã tá na pexãxchirügüxü! Erü perü maxü rü ññañrü yexera nixi, rü pexene rü naxchiruarü yexera nixi.

26 –¡Dücèx penangugü i werigü i tama toegüchiréxü, rü tama nanetüarü o ibuxgüxü, rü ngepatagüxü na ngexta namaã nanguxüügüxücèx i norü ñna! Naturü Penatü ya daxügücü rü nanaxüwemü. Rü pema rü Tupanacèx rü guxüma i werigüarü yexera pixigü.

27 –Rü taxuwama name na tacüçèx pexoegaãëgüxü. Erü taxucürüwa ya wüxie i pema rü wüxi i oragu rü ipenamëxãchixêê i perü maxü ega woo poraãcü naxcèx pexoegaãëgügu.

28 –¡Rü tüxcüü pexoegaãëgü naxcèx i pexchiru? ¡Dücèx penangugü i ngëma putüragü i ngextámare yaexü i tama puracüexü, rü tama nügü üxchirügüxü!

29 –Naturü pemaã nüxü chixu rü woo guma ãëxgacü ga Charumóu ga na namexëchixü ga naxchiru, rü taguma wüxi ga putürachacurüü namexëchi.

30 –Rü ngëxguma Tupana ngëmaãcü nangëxãëgu i ngëma putüragü i ñuxma ngëxmagüxü naturü moxü rü marü taxuxü, rü yexera tá pexna nadau i pemax, Pa Yatügü i Tama Aixcüma Meã Yaxögüxü.

31 –Rü ngëmacèx tama name i pexoegaãëgü rü ñaperügügu: –¿Tacü tá tangöxgü? rü éxna –¿tacü tá tixaxgü? rü éxna –¿tacümaã tá taxãxchirügü? –ñaperügügu.

32 –Erü ñoma i nañecüãx i duüxüğü rü naxcèx nadaugü i guxüma i ngëma pemaã nüxü chixuxü. Naturü pema rü pexü nangëxma ya Penatü ya daxügücü ya nüëchama nüxü cuácü i pexü na nataxuxü i guxüma i ngëma.

33 –Naturü narümemaê nixi i Tupanacèxira pedaugü na ngëma nüma pexü nanaxwëxëxüxra pexügüxücèx. Rü naëtü tá pexna nanaxã i guxüma i tacü i pexü taxuxü.

34 —¡Tãxũ i naxcèx pexoegaãègũxũ i ngẽma moxũ tá ùpetũxũ! Erũ ngẽma moxũãrũ ngunexũ rũ tá nũxũ nangẽxma i guxchaxũgũ i namaã ínanguxũ. Erũ wũxichigũ i ngunexũ rũ nũxũ nangẽxma i noxrũtama guxchaxũgũ, rũ ngẽmacèx tama name i moxũãrũ guxchaxũgũcèx pexoegaãègũ i ñuxmax —ñanagũrũ.

7

Tama name i toguexũ tixu (Lc 6.37-38, 41-42)

1 Rũ Ngechuchu rũ ñanagũrũ ta: —¡Rũ taxũ i toguũxũ pixuxũ! Rũ ngẽxguma ya Tupana rũ tãxũtãma pexũ nixu na pechixexũ.

2 —Erũ ngẽxgumarũ na toguũxũ pixuxũ rũ Tupana rũ tá pexũ nixu na pechixexũ. Rũ ngema na toguũxũ pepoxcuexũ, rũ ngemaãcũ tátama nixĩ ya Tupana i pexũ napoxcuexũ.

3 —¿Rũ tũxcũũ i nũxũ cudawenũxũ i ngẽma cueneẽãrũ ùxaxetũxũ i íraxũ, ega chí tama naxcèx cuxoegaãègu i ngẽma cuxetũwatama ngẽxmaxũ i naĩpũta i taxũ?

4 —Rũ ngẽxguma cuxetũwatama nangẽxmagu i wũxi i naĩpũta i taxũ ¿rũ ñuxãcũ i cueneẽxũ cuchixewexũ, rũ ñãcuxũ nũxũ:

“¡Pa Chaueneẽx, cuxũ chanayauxchaũ i ngẽma curũ ùxaxetũxũ!” —ñãcuxũ?

5 —Pa Duũxũ i Meã Maxnetaxũx, rũ name nixĩ i cunayauxira i ngẽma naĩpũta i cuxetũwatama ngẽxmaxũ, rũ ngẽmaãcũ tá mea nũxũ cudau na cunayauxũcèx i ngẽma cueneẽãrũ ùxaxetũxũ. [Rũ ngẽmacèx name nixĩ i cuxira nũxũ curũxo i ngẽma chixexũ i taxũ i cumatama cuxũxũ, rũ ngẽxguma tá cume na nũxũ curũngũxẽẽxũcèx i cueneẽ na nũxũ naxoxũcèx i ngẽma chixexũ i íraxũ i naxũxũ.]

6 —Rũ tama name i Tupanaãrũ ore i ùnẽxũmaã penachixewe i ngẽma duũxũgũ i chixecũmagũxũ i tama yaxõgũchaũxũ, erũ ngũrũãchi ngẽmacèx tá pexũ nimẽxgũ. Rũ ngẽxgumarũ tama name i Tupanaãrũ oremaã penachixewe i ngẽma duũxũgũ i tama nũxũ cuẽxgũchaũxũ, erũ tá ínanatẽxgũ.

Name nixĩ i tórũ yumũxẽwa Tupanana naxcèx taca rũ naxcèx tadaugũ rũ ñãxwa: Tu tu tu, ñatarũgũgũ

(Lc 6.31, 11.9-13)

7 —¡Tupanana naxcèx peca! rũ nũma tá pexna nanaxã. ¡Rũ Tupanaxũtagu naxcèx pedau! rũ tá nũxũ ipeyangau. ¡Rũ norũ ñãxwa: Tu tu tu, ñapegũ! rũ tá pexcèx nayawãxna.

8 —Erũ guxãma ya yíxema naxcèx ícaxe, rũ tanayaxu. Rũ guxãma ya naxcèx dauxe, rũ nũxũ itayangau. Rũ guxãma ya yixema ñãxwa: Tu tu tu, ñagũxe, rũ tá tũmacèx niwãxna.

9 —Rũ dũcax i pemax, rũ ngẽxguma chí wũxi i pexacũ pãũcèx ícaxgu, rũ ¿ñuxãcũ chí wũxi ya nuta nũxna pexãxũ?

10 —Rũ ngẽxguma chí choxnícèx pexna nacaxgu rũ ¿ñuxãcũ chí i ãxtape nũxna pexãxũ?

11 —Rũ pema na pichixecũmachiréxũ rũ nũxũ pecuèx na mexũ i ãmare pexacũgũna pexãxũ. Natũrũ Penatũ ya daxũgucũ rũ ngẽma pema pexacũgũna pexãxũãrũ yexera tá tũxna naxã ya yíxema naxũtawã naxcèx ícaxe.

12 —Rũ pemaã nũxũ chixu, rũ ngẽma pema penaxwèxexũ i togu pemaã na naxũxũ, rũ name nixĩ i pema rũ ta ngẽmaãcũtama namaã penaxũ. Erũ ngẽmaãcũ tũxũ namu i Tupanaãrũ ore ga Moíché ùmatũxũ rũ yema ore ga nuxcũmaũgũxũ ga Tupanaãrũ orearũ uruũgũ ùmatũxũ.

Īāx i íraxũchiga
(Lc 13.24)

13 –Name nixĩ i ngẽma ĩāx i íraxũwaama pichocu. Erũ ngẽma ĩāx i yuwa tũxũ gaxũ rũ ngẽma nama i yuwa daxũ rũ nata. Rũ muxũchixũma i duũxũgũ nagu naxĩ.

14 –Natũrũ ngẽma nama i maxũwa nadaxũ rũ ngẽma ĩāx i maxũcẽx nawa ixũcuxũ rũ naxĩra. Rũ noxretama nixĩ i duũxũgũ i nũxũ iyangaugũxũ.

Wũxi i nanetũ rũ norũ owa nixĩ i nũxũ icuáxũ
(Lc 6.43-44)

15 –Rũ naxcẽx pexuãẽgũ i ngẽma doratẽxgũxũ i nũgũ ixugũnetaxũ na Tupanaãrũ orearũ uruũgũ yixĩgũxũ. Erũ nũmagũ rũ petanũwa nangugũ, rũ nũgũ mexũ i duũxũgũneta nixĩgũxẽẽ. Natũrũ naãẽwa rũ poraãcũ chixexũgu narũxinũẽ.

16 –Rũ pema rũ nacũmawa tá nũxũ pecuẽx i ngẽma duũxũgũ, ngẽxgumarũũ i wũxichigũ i nanetũgũ rũ norũ owa na nũxũ icuáxũrũũ ngoxi name rũ ẽxna tama. Rũ wũxi i torawa rũ taxucũrũwama ubagũ tayaxu. Rũ wũxi i chuchuxũwa rũ taxucũrũwama orĩx i igu tayaxu.

17 –Erũ guxũma i nanetũ i mexũ rũ name i norũ o. Rũ guxũma i nanetũ i chixexũ rũ nachixe i norũ o.

18 –Rũ wũxi i nanetũ i mexũ rũ taxucũrũwama nachixe i norũ o. Rũ wũxi i nanetũ i chixexũ rũ taxucũrũwama name i norũ o.

19 –Rũ guxũma i nanetũ i tama mexũ i norũ o rũ tayadaxũchi, rũ ñuxũchi tayagu.

20 –Rũ ngẽxgumarũũ nacũmawa tá nũxũ pecuẽx i ngẽma duũxũgũ i Tupanaãrũ orearũ uruũgũneta ixĩgũxũ.

Tãũtãma guxũma i duũxũgũ nichocu i ngextã Tupana ãẽxgacũ ĩixĩxũwa
(Lc 13.25-27)

21 –Rũ tama guxũma i duũxũgũ i nũgũ ixugũxũ na chorũ duũxũgũ yixĩgũxũ rũ tá nichocu i ngextã Tupana ãẽxgacũ ĩixĩxũwa. Natũrũ yixema aixcũma Chaunatu ya daxũgucũga ĩnũẽxẽxĩcatãtama tixĩ ya ngẽma ichocuxe.

22 –Rũ ngẽxguma ngẽma ngunexũ i naãneãrũ guxwa nanguxgu, rũ muxũma i duũxũgũ rũ choxũ tá ñanagũrũgũ: –Pa Corix, toma rũ togũ i duũxũgũmaã nũxũ tixu i curũ ore, rũ cuẽgagu ĩtanawoxũ i ngoxogũ, rũ cuẽgagu tanaxũ i muxũma i mexũ i taxũ i Tupanaãrũ poramaã taxũxũ –ñanagũrũgũ tá choxũ.

23 –Natũrũ ngẽxguma rũ tá ñacharũgũ nũxũ: –Taguma chorũ duũxũgũ pixĩgũ. ¡Rũ choxna pixĩgachi i pema i chixexũ ugũe! –ñacharũgũ tá.

Yatũ i Cristuga ĩnũxũ rũ yatũ i tama Cristuga ĩnũxũchiga
(Mr 1.22, Lc 6.47-49)

24 –Rũ ngẽmacẽx ya yixema choxũ ĩnũxẽ rũ naxũxe i ngẽma choma tũxũ chamuxũ, rũ wũxi ga yatũ ga meã naãẽxũ cuácũ ga nuta ga tacuẽtũgu ũpatacũrũũ tixĩ.

25 –Rũ pucũ ga tacũ ĩnangu, rũ narũmẽx ga taxtũ, rũ nixũũchi ga wũxi ga tacũ ga buanecũ rũ guma ĩgu nanguema. Natũrũ guma ĩ rũ tama niwẽxtaũ yerũ wũxi ga nutaẽtũgu naxũ.

26 –Natũrũ yixema choxũ ĩnũxẽ rũ tama naxũxe i ngẽma choma tũxũ chamuxũ, rũ wũxi ga yatũ ga tama naãẽxũ cuácũ ga naxnũcũgumare ũpatacũrũũ tixĩ.

27 —Rü pucü ga tacü ínangu, rü narümèx ga taxtü, rü wüxi ga tacü ga buanecü nixüüchi rü nagu nanguema ga guma í. Rü niwèxtaü, rü yexma nayarüxo ga guxüma —ñanagürü ga Ngechuchu.

28 Rü yexguma yagüegagu ga Ngechuchu ga na yadexaxü, rü ga duüxügü rü nabèixächiaëgü namaã ga norü nguxèetae.

29 Yerü nüma rü Tupanaãrü poramaã nanangüexèe, rü tama yema ngüxèëruügü ga ore ga mugüwa nguxèëtaegüxürüü nixí.

8

Ngechuchu rü wüxi ga rüchaxünexüçèx nayataanexèë (Mr 1.40-45; Lc 5.12-16)

1 Rü yexguma guma mëxpünewa yanaxüegu ga Ngechuchu, rü muxüma ga duüxügü nawe narüxí.

2 Rü Ngechuchucèx nixü ga wüxi ga yatü ga chaxünemaã idaawecü. Rü Ngechuchupèxegu nayacaxäpüxü, rü ñanagürü nüxü: —Pa Corix, ngèxguma chi cuma cunaxwèxegu, rü chí cuxü natauxcha na choxü curümexèëxü —ñanagürü.

3 Rü yexguma ga Ngechuchu rü nüxü ningögü, rü ñanagürü nüxü: —Ngü, chanaxwèxe. ¡Rüme! —ñanagürü. Rü yexguma yema ñaxgu ga Ngechuchu, rü naxcèx nitaane ga guma yatü ga na nachaxüneãxí.

4 Rü Ngechuchu rü ñanagürü nüxü: —¡Dücèx, taxuemaã tá nüxü quixu! ¡Natürü ngema paixütawa naxü, rü cugü iyawéx! ¡Rü nüxna naxã i ngëma ãmare ga Moíché tüxü muxü na duüxügü nüxü cuáxüçèx na curümexü! —ñanagürü.

Ngechuchu rü Dumacüãx ga churaragüarü äëxgacüarü duüxüxü narümexèë (Lc 7.1-10)

5-6 Rü Capernáüwa naxü ga Ngechuchu. Rü yexguma yéma nanguxgu, rü wüxi ga churaragüarü äëxgacü ga capitáü ga Dumacüãx rü Ngechuchucèx nixü. Rü Ngechuchuxü nacèèxü, rü ñanagürü: —Pa Corix, chorü duüxü rü nanawãixächí. Rü ngürücarewa nangèxma i chopatawa, rü poraãcüxüchima ngüxü ninge —ñanagürü.

7 Rü Ngechuchu rü ñanagürü nüxü: —Marü tá ngema chaxü na naxcèx chayataanexèëxüçèx —ñanagürü.

8 Natürü nüma ga capitáü nanangãxü, rü ñanagürü: —Pa Corix, choma rü taxuwama chame na chopatagu na cuxücuxüçèx. Rü chanaxwèxe i curü orewaxicatama nüxü quixu, rü tá naxcèx nitaane i chorü duüxü.

9 —Erü choma rü ta rü chorü äëxgacümèxèwa changèxma. Rü choxmèxwa nangèxmagü ta i ñuxre i churaragü. Rü ngèxguma chanamuxgu i wüxi na ngèxtá naxüçèx, rü ngema naxü. Rü ngèxguma chaugüxütawa naxcèx changemagu i to, rü chauxütawa nangu. Rü ngèxguma wüxi i chorü duüxüxü chamuxgu na tacü na naxüçèx, rü choxü nanaxü —ñanagürü.

10 Rü yexguma yemaxü naxínügu ga Ngechuchu rü nabèixächiaë. Rü ñanagürü nüxü ga yema duüxügü ga nawe rüxíxü: —Aixcüma pemaã nüxü chixu rü taxüüma i Yudiugütanüwa nüxü ichayangau i wüxi i duüxü i ñãa yatürüü aixcüma yaxöxü.

11 —Rü choma rü pemaã nüxü chixu rü muxüchixü i duüxügü rü guxüwama tá ne naxí, rü Tupana äëxgacü íixüüwa tá nachibüe namaã ya torü oxígu ya Abráü rü Ichaá, rü Acobu.

12 –Natürü muxüma i Abráütanüxügü i Yudiügü rü tãütáma nichocu i ngextá Tupana ãêxgacü ííxüwa. Rü éãnexüwa tá nawogü. Rü ngema tá naxauxe, rü tá nixüxchapütägü –ñanagürü.

13 Rü yexguma ga Ngechuchu rü ñanagürü yema capitáüxü: –¡Cupatacèx nataagu! Rü tá naxcèx nitaane i curü duüxü, erü cuyaxõ na naxcèx tá yataanexü –ñanagürü. Rü yexgumatama naxcèx nitaane ga yema capitáüärü duüxü.

Ngechuchu rü Pedru nèxècèx nayataanexë

(Mr 1.29-31; Lc 4.38-39)

14 Rü Pedrupatawa naxü ga Ngechuchu. Rü yéma ngixü nadau ga Pedru nèxè ga ngürücaregu irüxãüxcü yerü iyaxaxüne.

15 Rü Ngechuchu ngixmèxgu ningõgü, rü yexgumatama igèuxãchi ga yema na yaxaxünexü. Rü írüda ga ngímax. Rü ñuxüchi naxcèx inamexëè ga õna.

Ngechuchu rü muxüma ga idaaweexüçèx nayataanexë

(Mr 1.32-34; Lc 4.40-41)

16 Rü yexguma marü yanaxüchuaügu ga üèxcü, rü Ngechuchuxütawa nanagagü ga muxüma ga duüxügü ga ngoxoãxgüxü. Rü wüxitama ga oremaã Ngechuchu ínanawoxü ga yema ngoxogü. Rü nanameëxëè ta ga guxüma ga yema togü ga idaaweexü.

17 Rü yemaãcü Ngechuchu nayanguxëè ga yema ore ga nuxcümaüxü ga Tupanaärü orearü uruü ga Ichaxía nüxü ixuxü ga ñaxü:

“Rü nüma rü tüxü naporaexëè i ngèxguma ituraegu, rü tüxü narümeexëè i ngèxguma idaaweegu”, ñaxü.

Duüxügü ga Ngechuchuwe rüxüxchaxüxüchiga

(Lc 9.57-62)

18 Rü yexguma Ngechuchu nüxü dèuxgu ga muxüma ga duüxügü na nüxü íchomaëguãchixü, rü norü ngüexügümaã nüxü nixu, rü ñanagürü: –¡Rü ngíxã, rü naxtaxaarü tocütüwa taxü! –ñanagürü.

19 Rü wüxi ga ngüexëèruü ga ore ga mugüwa nguxëètaexü, rü Ngechuchucèx nixü, rü ñanagürü nüxü: –Pa Ngüexëèruü Pa Ngechuchux, cuwe charüxüxchaxü i ngextá cuma ícuxüxüwa –ñanagürü.

20 Rü Ngechuchu nanangãxü rü ñanagürü: –Ngowagü rü nüxü nangëxma i naxmaügu, rü werigü rü nüxü nangëxma i naxchiãügu. Natürü choma i Tupana Nane na duüxüxü chíxü, rü nataxuma i chauchica i ngextá nagu chícuxeruxü –ñanagürü.

21 Rü wüxi ga to ga norü ngüexü, rü ñanagürü nüxü: –Pa Corix, cuwe charüxüxchaxü, natürü chanaxwëxe i chaunatü tüxü ichayatëxira –ñanagürü.

22 Rü Ngechuchu nanangãxü, rü ñanagürü nüxü: –¡Noxtacüma chowe rüxü! Rü nüe i ngëma cutanüxü i tama yaxõgüxü iyatëxgü i ngëma yuexü –ñanagürü.

Ngechuchu rü buanecüxü rü yuapexü ínayachaxãchixë

(Mr 4.35-44; Lc 8.22-25)

23 Rü yexguma ga Ngechuchu rü wüxi ga nguëgu nixü. Rü norü ngüexügü rü ta ínayaxümücügü, rü inaxíãchi.

24 Rü ngürüãchi naxtaxaarü ngãxütügu nüxü naxü ga wüxi ga buanecü ga taxüchicü. Rü guma nguëwa rü niyaucuchichigü ga dexá. Natürü ga Ngechuchu rü nape.

25 Rü yexguma ga norü ngüexügü rü ínanabëixgügü, rü ñanagürügü nüxü: –Pa Corix, ¡toxü rüngüxëè, erü ngëmama itabaxügü! –ñanagürügü.

26 Rū Ngechuchu nanangāxū, rū ñanagürü nüxū: —Pa Duūxūgū i Tama Aixcūma Yaxōgūxū, ¿tūxcūū pemuē? —ñanagürü. Rū yexguma ga Ngechuchu rū inarūda. Rū buanecū rū yuapena nachogū. Rū inayachaxāchi ga buanecū, rū inayarūxo ga yuape, rū inachaxanemare.

27 Rū nūmagū ga norū ngúexūgū rū nabèixāchiāēgū, rū nūgūmaā ñanagürügū: —¿Tacū ēxna nixī i ñaā yatū rū ngēmacèx woo ya buanecū rū yuape rū naga naxīnūēxū? —ñanagürügū.

Yatūgū ga Gadáracūāx ga ngoxogū nawa yexmagūxū
(Mr 5.1-20; Lc 8.26-39)

28 Rū Ngechuchu rū norū ngúexūgū rū naxtaxaarū tocutūwa nangugū ga Gadáaarū naānewa. Rū yexguma yéma nangugūgu, rū Ngechuchucèx yéma nibuxmū ga taxre ga yatūgū ga duūxēchíquēxetanūgu yarūxachigūtanūneūxū. Rū yema taxre rū ningoxoāx, rū nidūraexūchi. Rū yemacèx taxucūrūwama texé yéma namawa taxūpetū.

29 Rū yema taxre rū aita naxūe, rū ñanagürügū: —¿Tūxcūū toxū nuā cuyachixewe, Pa Ngechuchu ya Tupana Nane? ¿Éxna nuā cuxū na toxū ícuyawoxūxūcèx tauta nawa nanguyane na Tupana toxū poxcuexū? —ñanagürügū.

30 Rū yema nachicaarū ngaicamana nachibūe ga muxūma ga cuchigū.

31 Rū yema ngoxogū rū Ngechuchuxū nacèexūgū, rū ñanagürügū: —Rū ngēxguma toxū ícuwoxūgu, ¡rū ngēma cuchigūgu toxū nachocuxē! —ñanagürügū.

32 Rū yexguma ga Ngechuchu, rū ñanagürü nüxū: —Ēcū, ¡ngema pexī! —ñanagürü. Rū yexguma ga yema ngoxogū rū inachoxū nawa ga yema taxre ga yatūgū, rū yema cuchigūgu nayachocu. Rū ñuxūchi guxūma ga yema cuchigū rū inaxūāchi, rū naxtaxacutūarū mèxpūxūwa nayarūyuxgū, rū yexma nayī.

33—Rū yema cuchigūarū dauruūgū rū nabèixāchiāēgū, rū iānecèx nibuxmū. Rū yexguma iānewa nangugūgu, rū nüxū nixugūgū ga guxūma ga yema ngupetūxū ga ñuxācū naxcèx na yataanegūxū ga yema taxre ga yatūgū ga ngoxoāxgūxū.

34 —Rū yexguma ga guxūma ga yema iānecūāx ga duūxūgū, rū Ngechuchuxūtawa naxī. Rū yexguma Ngechuchuxū nadaugūgu, rū nüxū nacèexūgū na inaxūxūcèx ga yema norū naānewa.

9

Ngechuchu rū wūxi ga yatū ga nawāixāchicūcèx nayataanexēē
(Mr 2.1-12; Lc 5.17-26)

1 Rū yexguma ga Ngechuchu rū wūxi ga nguegu nixūe. Rū naxtaxaarū tocutūwa naxū, rū noxrūtama iānewa nangu.

2 Rū yéma guma iānewa rū duūxūgū rū Ngechuchuxūtawa nanangetaūgū ga wūxi ga yatū ga nawāixāchicū. Rū yexguma Ngechuchu nüxū dèuxgu ga ñuxācū aixcūma na yaxōgūāxū ga yema duūxūgū rū ñanagürü nüxū ga guma idaawecū: —¡Nataāē, Pa Chaunex! Erū curū pecadugū rū marū cuxū nüxū changechaū —ñanagürü.

3 Rū yéma nayexma ga ñuxre ga ngúexēēruūgū ga ore ga mugūwa nguxēētaegūxū. Rū nūmagū rū naāxēgūwa ñanagürügū: —¿Ñaā yatū rū tacū Tupanamaā nixugū? —ñanagürügū.

4 Natürü ga Ngechuchu rū nüxū nacuèxama ga yema naāēwa naga naxīnūēxū. Rū yemacèx ñanagürü nüxū: —¿Tūxcūū chixexūgu perūxīnūē?

5 —¿Tacı nixī i ngēma rūtauxchamaēxū na namaā nūxū ixuxū ya daa nawāixāchicū:

“Rū curū pecadugū rū marū cuxū nūxū changechaū”, rū ēxna:

“¡Inachi rū íxū!” ñagūxū nūxū?

6 —Natürū i ñuxma rū tá pexū nūxū chadauxēē na Chaunatū ya Tupana nūma choxū muxū na duūxūgūaxū nūxū changechaūxūcēx i norū pecadugū —ñanagürū. Rū yexguma rū ñanagürū nūxū ga guma nawāixāchicū: —¡Inachi, rū nayaxu i curū caruū, rū cupatawa naxū! —ñanagürū.

7 —Rū yexgumatama ga guma nawāixāchicū rū inachi, rū napatawa naxū.

8 Rū yexguma yemaxū nadaugūgu ga duūxūgū, rū poraācū namuēē. Rū Tupanaxū nicuēxūgū, rū ñanagürūgū: —Moxē, Pa Tupanax, erū cunaporaxēē i ñaā yatū na ngēmaācū mexū toxcēx naxūxūcēx —ñanagürūgū.

Mateucēx naca ga Ngechuchu

(Mr 2.13-17; Lc 5.27-32)

9 Rū yexguma yéma inaxūāchigu ga Ngechuchu, rū yéma nūxū nadau ga wūxi ga yatū ga Mateugu āegaxū ga yéma rūtoxū ga ngextá Dumaārū āēxgacūcēx dīeru ngīxū ínayauxgūxūwa yerū woetama yemawa napuracū. Rū Ngechuchu rū ñanagürū nūxū: —¡Chowe rūxū! —ñanagürū. Rū yexguma ga Mateu rū inachi, rū nawe narūxū.

10 Rū Mateupatawa naxū ga Ngechuchu, rū yéma nachibū. Rū ínangugū ta ga muxūma ga togū ga duūxūgū ga Dumaārū āēxgacūcēx dīeru ngīxū yauxgūxūwa puracūexū, rū togū ga duūxūgū ga taxúema nacūmamaā taāēgūxū. Rū yema duūxūgū rū yéma mechawa narūtogū namaā ga Ngechuchu rū norū ngūēxūgū.

11 Natürū yexguma yemaxū nadaugūgu ga Parichéugū, rū Ngechucharū ngūēxūgūna nacagū, rū ñanagürūgū: —¿Nuxācū i perū ngūēxēēruū rū namaā nachibū i āēxgacūarū duūxūgū i dīeruarū yauxwa puracūexū, rū duūxūgū i pecaduāxgūxū? —ñanagürūgū.

12 Rū yexguma yemaxū naxīnūgu ga Ngechuchu, rū ñanagürū nūxū ga Parichéugū: —Ngēma poraexū rū tama nanaxwēxegū ya duturu, natürū ngēma idaaweexū nixī i naxwēxegūxū.

13 —¡Rū ípixī, rū nawa pengúe i Tupanaārū ore i ūmatūxū i ñaxū:

“Choma rū tama chanaxwēxe i chauxcēx peyamēx i carnerugū, natürū chanaxwēxe i togū pexū nangechaūtūmūgū”,

ñaxū! Rū ñanagürū ta ga Ngechuchu: —Choma rū tama mexūgūna na chaxuxūcēx nixī i nūma chaxūxū, natürū nūma chaxū na nūxna chaxuxūcēx i ngēma pecaduāxgūxū na ngēmaācū nūxū naxoēxūcēx i nacūmagū i chixexūgū —ñanagürū.

Ngechuchuma nacagūe ga aurechiga

(Mr 2.18-22; Lc 5.33-39)

14 Rū yexguma ga Cuáú ga baiūxēēruūārū ngūēxūgū, rū Ngechuchucēx naxī, rū nūxna nacagūe, rū ñanagürūgū: —Toma i Cuáúārū ngūēxūgū na tixīgūxū rū nūmagū i Parichéugū rū muēxpūxcūna tama tachibūēācūma tayumūxēgū. ¿Rū tūxcūū i curū ngūēxūgū rū tama toxrūū tama nachibūācūma nayumūxēgū? —ñanagürūgū.

15 Rū Ngechuchu nanangāxū rū ñanagürū: —¿Éxna wūxi i ngīgūarū petawa rū pexcēx namexū na nangechaūēxū rū naxaureexū i ngēma nūxna naxugūxū ega natanūwa nangēxmagu i ngēma yatū i ngexwacēx āmaxū? Maneca tama nixī. Natürū wūxi i ngunexūgu rū ngēma yatū i ngexwacēx āmaxū rū tá

namüçügüna nixügachi. Rü ngëma ngunexügu tá nixí i aixcüma naxaureexü i namüçügü.

16—Rü taxúema tanapaita i wüxi i naxchiru i ngauxü namaã i wüxi i natüchi i ngexwacaxüxü i tauta nañaächimüxü. Erü ngëxguma nayauxgu i ngëma naxchiru rü tá nügü inaxíraxächi i ngëma natüchi i ngexwacaxüxü, rü tá nanagauxëe i ngëma wexachiru. Rü noxriarü yexera tá nixí i na ngauxü.

17—Rü ngëxgumarüü ta rü taxúema ngexwacaxücü ya binu rü nagu tayabacuchi i wüxi i naxchixü i marü ngauxü i naxchëxmünaxcëx. Erü ngëxguma ngëmaäcü naxüxgu rü yima binu ya ngexwacaxücü rü narüngu, rü tá nayawâixëe i ngëma naxchixü i ngauxü i naxchëxmünaxcëx. Rü ngëxma tá nayarütaxu ya binu rü ngëma naxchixü rü ta. Rü ngëmacëx tanaxwëxe ya ngexwacaxücü ya binu rü ngexwacaxüxü i naxchixügu tayabacuchi. Rü ngëmaäcü tãütama inayarütaxu. [Rü chorü ngxüëëtae i ngexwacaxüxü rü ngëxgumarüü ta nixí na taxucürüwama namaã nawüxiguxü i ngëma nuxcümaüxü i pecümagü —ñanagürü ga Ngechuchu.]

*Yáiruxacüchiga rü yema nge ga Ngechuchuchirugu ingögüçichiga
(Mr 5.21-43; Lc 8.40-56)*

18 Rü yexguma yemaäcü inangüexëëtaeyane ga Ngechuchu, rü naxütawa nangu ga wüxi ga äëxgacü ga Yudiügäarü. Rü Ngechuchupëxegu nayacaxãpüxü, rü ñanagürü nüxü: —Pa Corix, chauxacü rü ngexwacëx iyu. Natürü ngëxguma chi ngëma cuxüxgu rü ngixü quingögügu, rü wena chixarü imaxü —ñanagürü.

19 Rü inachi ga Ngechuchu, rü norü ngüexügümaã yema äëxgacüwe narüxü.

20 Rü yexguma yéma naxüyane ga Ngechuchu rü wüxi ga ngecü ga 12 ga taunecü ägüechacü rü naweama ne ixü. Rü naxpechinüchirugu iyangögü.

21 Yerü ngíma rü nagu irixünü rü yexguma chi naxchiruxüxücatama yangögümaregu, rü chi ngíxcëx nitaane.

22 Natürü nüma ga Ngechuchu rü nügü inidau, rü ngixü nadau ga yema nge. Rü ñanagürü ngixü: —¡Nataãe, Pa Chauxacü! Marü cuxcëx nitaane, erü cuyaxō —ñanagürü. Rü yexgumatama ngíxcëx nitaane.

23 Rü yexguma yema äëxgacüpatawa nanguxgu ga Ngechuchu, rü nüxü nadau ga paxetatanüxü ga marü na inamemaregüxü na ngixü iyatëxgüxü ga yema bucü. Rü ga duüxügü rü nixáicha rü naxauxe.

24 Rü Ngechuchu ñanagürü nüxü ga yema duüxügü: —¡Ípechoxü i nuã! Erü ngëma bucü rü tama iyu. Rü ípemale —ñanagürü. Natürü nümagü ga duüxügü rü Ngechuchuxü nacugüeama.

25 Rü yexguma Ngechuchu inachoxüxëëxgu ga duüxügü, rü yema bucüarü ucapugu naxücu. Rü ngíxmëxgu nayayauxächi, rü yexgumatama írúda ga ngímax.

26 Rü guxüwama ga yema naãnewa, rü duüxügü nüxü nixuchigagü ga yema Ngechuchu üxü.

Ngechuchu naxcëx nayataanexëe ga taxre ga yatü ga ingexetüxü

27 Rü yexguma yéma inaxüüxgu ga Ngechuchu, rü taxre ga ngexetüxü rü nawe nangëgü. Rü tagaäcü ñanagürügü: —Pa Ngechuchux, Pa Dabítanüxüx, ¡cuxü tangechaütümüügü! —ñanagürügü.

28 Rü yexguma Ngechuchu guma í ga nagu napexünegu naxücuxgu, rü yema taxre ga ngexetüxü rü naxcëx naxí. Rü Ngechuchu nüxna naca, rü ñanagürü: —¡Peyaxögüxü yíixü na chaporaxü na pexü charümeëxëxüçëx?

—ñanagürü. Rû nûmagü nanangãxügü, rû ñanagürügü: —Ngü, Pa Corix, tayaxögü —ñanagürügü.

²⁹ Rû yexguma ga Ngechuchu rû naxëtügügu ningögü, rû ñanagürü nüxü: —jCü pexcèx yataane, erü peyaxögü! —ñanagürü.

³⁰ Rû naxcèx nitaanegü. Rû Ngechuchu rû poraãcü nayaxucuxëgü na taxüemaãma nüxü na yaxügüxcèx ga yema nüxü ngupetüxü.

³¹ Natürü yema taxre rû yexguma yéma ínachoxügu rû guxüwama ga yema naãnewa rû nüxü nixügüeama ga yema Ngechuchu üxü.

Ngechuchu rû naxcèx nayataanexëë ga wüxi ga yatü ga tama idexacü

³² Rû yexguma yema taxre ga yatü íchoüxguwena, rû ñuxre ga duüxügü rû Ngechuchuxütawa nanagagü ga wüxi ga yatü ga tama idexacü yerü ngoxo nawa nayexma.

³³ Rû Ngechuchu ínanatëxüchi ga yema ngoxo. Rû yexgumatama inanaxügü ga na yadexaxü ga guma yatü. Rû nûmagü ga duüxügü rû nabëjxãchiãgü. Rû ñanagürügü: —Taguma nüxü tadau i nuã tachiñãnewa i tacü i ñaãrütü ixixü —ñanagürügü.

³⁴ Natürü ga Parichëgü rû ñanagürügü: —Ñãã yatü rû ngoxogüarü ãëxgacü i Chatanáãrü poramaã nixi i ínawoxüãxü i ngoxogü —ñanagürügü.

Ngechuchuaxü nangechãütümüügü ga duüxügü

³⁵ Rû yema naãnewa rû guxüñema ga íãnegügu rû íãnexãcügügu nixügüchigü ga Ngechuchu. Rû wüxichigü ga íãnewa, rû duüxügüarü ngutaquëxepataüwa ninguxëëtaechigü. Rû duüxügümaã nüxü nixuchigü ga ore ga mexü na ñuxãcü ãëxgacü na yixü ya Tupana. Rû nanameëxëë ga duüxügü ga idaaweexü. Rû woo nañuxraüxü ga norü ãawe nüxü yexmaxü, rû nanameëxëë.

³⁶ Rû yexguma Ngechuchu nüxü deüxgu ga yema muxüma ga duüxügü ga naxütawa ngugüxü, rû nüxü nangechãütümüügü. Yerü carnerügü ga ngearü dauuruãxürü nanaxixãchiãgü, rû tama nataãgü.

³⁷ Rû yexguma ga Ngechuchu rû ñanagürü nüxü ga norü ngüexügü: —Aixcüma pemaã nüxü chixu rû nangëxma i muxüchixü i duüxügü i ímemaregüxü na yaxögüãxü i Tupanaãrü ore. Natürü nanoxreëxpüx i Tupanaãrü puracütanüxü na namaã nüxü yaxügüxcèx i ngëma ore.

³⁸ Rû ngëmacèx name nixi i duüxügüarü yora ya Tupanana naxcèx peca i perü yumüxëwa na yamugüãxüxcèx i norü puracütanüxü i orearü uruügü na ngëma duüxügümaã nüxü yaxügüxcèx i norü ore i mexü —ñanagürü ga Ngechuchu.

10

Ngechuchu nanade ga 12 ga norü ngüexügü na toxnamana namugüãxüxcèx (Mr 3.13-19; Lc 6.12-16)

¹ Rû yexguma ga Ngechuchu, rû yema 12 ga norü ngüexügüxcèx naca. Rû nüxna naxãga rû nanaporaexëë na ínawoxüãxüxcèx ga ngoxogü rû nameëxëëãxüxcèx ga duüxügü ga idaaweexü ga woo nañuxraüxü ga ãawe nüxü yexmaxü.

² Rû ñãã nixi ga naegagü ga yema 12 ga Ngechucharü ngüexügü ga imugüxü. Rû natanüwa rû Chimáü ga Pedrugü ãegacü nixi ga naëru ixixü. Rû to nixi ga Pedrueneë ga Aüdré. Rû to nixi ga Chaütiãgu rû to nixi ga Chaütiãgueneë ga Cuãü. Rû yema taxre rû Zebedéu nanegü nixigü.

³ Rū togū nixī ga Piripi, rū Baturumé, rū Tumachi, rū Mateu ga Dumaârū ãëxgacücèx dīëruarū yauxwa puracüchirécü. Rū togū nixī ga Chaütiágu ga Arupéu nane, rū Tadéu.

⁴ Rū to nixī ga Chimáu ga iporaãëcüücü. Rū to nixī ga Yuda ga Icariúte ga yixcama bexma cúäcü Ngechuchuxü íxuaxüxü.

Ngechuchu rū norū ngüexüügüxü nimugü na nüxü yanaxugüexücèx ga norü ore

(Mr 6.7-13; Lc 9.1-6)

⁵ Rū Ngechuchu nayamugü ga yema 12 ga norü ngüexüügü. Rū nüxna naxága, rū ñanagürü: —¡Tãütáma natanüwa pexī i ngēma duüxügü i tama Yudiügü ixīgüxü! ¡Rū tãütáma Chamáriacüãx i duüxügüiarü ñänegüwa pexī!

⁶ —Natürü chanaxwèxe i ngēma Yudiügü i carnerugürüü iyarütauxexütanüwa pexī.

⁷ —¡Rū ngema natanüwa nüxü peyarüxu na marü yangaicaxü ya Tupana na norü ãëxgacü yīxü!

⁸ —¡Rū penameëxëx i ngēma duüxügü i idaaweexü! ¡Rū wena penameëxëx i ngēma duüxügü i marü yuexü! ¡Rū penameëxëx i ngēma duüxügü i chaxünemaã idaaweexü! Rū ngēma duüxügü i ngoxogü nawa ngëxmagüxü ¡rū nüxü ípenawoxüxü! Rū tama name i penaxätanü ega texéxü perümexëëxgu, erü pema rū pexü nangetanümare i ngēma pora.

⁹⁻¹⁰ —¡Rū tãütáma ípingearü dīëruãxgü na perü tacücèx petaxegüxücèx rū bai i perü choca i perü namawaü! ¡Rū wüxitama i pexchiru ípinge, rū bai i perü chapatu, rū bai ya perü caxüchigüxü ya naïxmenëxã ípinge! Rū pemaã nüxü chixu rū wüxi i puracütanüxü rū name nixī i ngēma duüxü i nüxü napuracüxütawa nachibü.

¹¹ —Rū ngëxguma wüxi ya ñänewa rū ëxna wüxi ya ñänexãcüwa pengugügu i pemax, ¡rū naxcèx pedèux i wüxi i duüxü i mecümaxü! ¡Rū ngëmaxütagu perücho ñuxmatáta ípexiãchi i ngēma ñänewa!

¹² —Rū ngëxguma yima ípatagu pechocugu, rū meã tá nüxü perümoxëgü i ngēma duüxügü i ngema ngëxmagüxü rü: “¡Tupana pexü rüngüxëëx!” ñaperügügü tá nüxü.

¹³ —Rū ngëxguma ngēma duüxügü rū meã pexü nayauxgu rū Tupana tá nüxü narüngüxëë. Natürü ngëxguma tama meã pexü nayauxgu i napatawa rū ñaperügügü tá nüxü:

“Marü name i toxnamana taxī”, ñaperügügü tá.

¹⁴ —Rū ngëxguma wüxi ya íwa rū ëxna wüxi ya ñänewa duüxügü tama meã pexü yauxgügu rü tama nüxü naxīnüëchaügu i perü ore, ¡rū ípechoxü! Rū ngëxguma ípechoüxgu, ¡rū meã pegü ípepagücutü i perü üxaxücutü, na ngëmawa nüxü nacüëxgüxücèx na chixexü na naxügüxü i ngēma duüxügü!

¹⁵ —Rū aixcüma pemaã nüxü chixu rū ngēma ngunexü i nagu nagüxü i naãne, rū Chodomacüãx rū Gomoracüãx i duüxügüiarü yexera Tupana tá nanapoxcue i ngēma duüxügü i tama meã pexü yauxgüxü.

Guxchaxügümaã tá pewé ningexütanü i duüxügü

¹⁶ —Dücèx, ãücümaxüwa pexü chamugü, ngëxgumarüü i carnerugüxü aigütanüwa imugüxürüü. ¡Rū ngëmaccèx penaxwèxe i äxtapegürüü pexuãëgü, natürü muxtucugürüü taxuüma i chixexü pexügü!

¹⁷ —¡Rū pegüna pedaugü! Erü duüxügü rū tá pexü ínayauxü, rū ãëxgacügüxütawa tá pexü nagagü na pexü napoxcuexücèx. Rū ngutaquëxepataügu tá pexü nicüaixgü.

18 –Rü chaugagu tá ãëxgacügü ya tacügüpëxewa pexü nagagü. Rü ngëmaãcü tá chauchigagu pidexagü napëxewa i ngëma ãëxgacügü rü napëxewa i ngëma duüxügü i tama Yudiügü ixigüxü.

19 –Natürü ngëxguma ãëxgacügüpëxewa pexü nagagügu na pexü napoxcuexücèx, jrü taxucèxtáma pexoegaãëgü na tacümaã tá penangãxüxü rü éxna tacüxü tá namaã na pixuxü! Erü ngëxguma nawa nanguxgu na pidexagüxü, rü Tupanaãe tá pexü nanguxëe na tacüxü tá namaã pixuxü.

20 –Rü tãütáma pema nixi i pidexagüxü, natürü Tupanaãe i Üünexü tá nixi i pewa idexaxü.

21 –Rü nügüeneëgüwa rü tá nügü ínaxuaxügü na ãëxgacügü yamëxgüxücèx. Rü ngëxgumarüü tá ta nanatügü rü naxãcügüxü ínaxuaxügü, rü naxãcügü rü nanatügüxü tá ínaxuaxügü na ãëxgacügü tüxü imëxgüxücèx.

22 –Rü chaugagu tá guxü i duüxügü pexchi naxaie. Natürü yíxema aixcüma yaxõómáxë i chorü ore rü tama choxü ítáxe, rü yíxema tá tixi ya nayaxúxe i ngëma maxü i taguma gúxü.

23 –Rü ngëxguma wüxi ya ãñewa rü duüxügü pexü daixchaügu, rü name nixi i pibuxmü ya yima ãñewa, rü náí ya ãñewa pexi. Rü aixcüma pemaã nüxü chixu rü tãütáma guxüne ya Yudiugüarü ãñewa pengugü naxüpa na chataeguxü i chomax.

24 –Rü taxuüma i wüxi i ngüexü rü norü ngüexëëruüxü narüyexera. Rü taxuüma i wüxi i coriarü duüxü rü norü corixü narüyexera.

25 –Rü ngëma norü ngüexëëruüxü üpetüxürüü tátama nüxü naxüpetü i ngëma norü ngüexü. Rü ngëma norü corixü üpetüxürüü tátama nüxü naxüpetü i ngëma norü duüxü. Rü ngëxguma duüxügü rü ngoxo i Bechebü choxü nawogüegu, ¿rü ñuxãcü tá pexü naxu i pemax?

Name nixi na Tupanaxü pemuüëxü (Lc 12.2-7)

26 –Rü ngëmacèx jtãxü i nüxü pemuüëxü i ngëma duüxügü! Erü guxüma i ngëma cúãcü üxü rü tá nangoxoma. Rü guxüma i ngëma ñuxma duüxügücèx èxügüxü, rü yixcüra rü tá nüxü nacuèxgüama.

27 –Rü guxüma i ngëma pemaãxícatama nüxü chixuxü, jrü meã duüxügücèx penangoxëëx! Rü guxüma i ngëma bexma pemaã nüxü chixuxü, jrü tagaãcü guxü i duüxügümaã nüxü pixu!

28 –jrü tãxü i nüxü pemuüëxü i ngëma duüxügü i pexü daixchaüxü! Erü taxüxëxüxícatama nimëxgü. ¡Natürü name nixi i nüxü pemuüë ya yima Tupana! Erü nüma nüxü nangëxma i pora na napoxcuãxücèx i pexene rü peãe rü ta i ngëma ngoxogüxü ínapoxcuexügü.

29 –¿Tama éxna wüxítachinü i díerugu namaã petaxe i taxre i werixacügü? Natürü bai i wüxi i ngëma werixacü rü ñaxtüanegu nangu, ega tama nanaxwëxegu ya Penatü ya Tupana.

30 –Rü woo i peyae rü Tupana rü wüxichigü rü nayaxugü, rü nüxü nacuèx na ñuxre ngëxmaxü.

31 –Rü ngëmacèx jtãxü i pemuüëxü! Erü pema rü muxüma i werixacügüarü yexeraxüchi pexü nangechaü ya Tupana.

Yíxema duüxügüpëxewa tügü ixuxe na Ngechuchu ya Cristuarü duüxügü tiixü
(Lc 12.8-9)

32 —Rü guxāma ya texé i ñoma i naānewa i duñxügüpëxewa tügü ixuxe na chorü duñxü tiñxü, rü choma rü tá ta Chaunatü ya daxügucüpëxewa tuxü chixu na chorü duñxü tiñxü i tümax.

33 —Natürü texé ya ñoma i naānewa i duñxügüpëxewa tügü ixuxe na tama chorü duñxü tiñxü, rü choma rü tá ta Chaunatü ya daxügucüpëxewa tuxü chixu na tama chorü duñxü tiñxü i tümax.

Ngechuchugagu nixi i yatoyexü i duñxügü
(Lc 12.51-53; 14.26-27)

34 —Rü tama name i nagu perüñinüë na núma chaxüxü na guxü i duñxügü rü wüxigu naxinüëxücëx. Naturü pemaã nüxü chixu rü núma chaxü na chaugagu yatoyexücëx i duñxügü.

35 —Rü nuã chaxü na wüxi ya yatü rü tama nanatümaã wüxigu naxinüëxücëx, rü wüxi i paxü rü tama naëmaã wüxigu naxinüëxücëx, rü wüxi i naneãx rü tama ngixëmaã na wüxigu naxinüëxücëx.

36 —Rü ngëmaãcü wüxi ya ñwa, rü nügütanüxümaã tátama naxuwanüãxgü.

37 —Rü yixema texé ya choxü na tangechañxüärü yexera tümanatüxü rü ãxna tümaëxü ngechañxë, rü taxucürüwama chorü duñxü tixi. Rü yixema texé ya choxü na tangechañxüärü yexera tümanexü rü ãxna tümaxãcüxü ngechañxë, rü taxucürüwama chorü duñxü tixi.

38 —Rü yixema tama yaxna namaã ñnuxë i ngëma guxchaxügü i chaugagu tümacëx ínguxü rü ngëmaãcü chowe rüxüxë, rü taxucürüwama chorü duñxü tixi.

39 —Rü texé ya tügü maxëëchañxë rü tá itayarütaxu. Naturü texé ya chauxcëx yuxe rü tá tanayaxu i maxü i taguma güxü.

Amarechiga
(Mr 9.41)

40 —Rü texé ya pexü yaxúxe rü choxü nixi i tayaxuxü. Rü texé ya choxü yaxúxe rü yima núma choxü mucü ya Chaunatüxü nixi i tayaxuxü.

41 —Rü texé ya wüxi i orearü uruü i Tupana ngema muxüxü yaxúxe, rü ngëmatama amare i wüxi i orearü uruü yaxuxürañxü tátama tayaxu. Rü texé ya wüxi i yatü i mecümaxüxü yaxúxe erü namecüma, rü ngëmatama amare i wüxi i yatü i mecümaxü yaxuxürañxü tátama tayaxu.

42 —Rü texé ya wüxi i pochuyuãcu i dexá i gëuxchiüxü nüxna ãxë i ngëñrüüxü i chorü buxñgü i chowe rüxixü, rü aixcümáxüchi tá tanayaxu i tümaärü amare —ñanagürü ga Ngechuchu.

11

Cuáñ ga baiñxëñruñ nanamu ga ñuxre ga norü duñxügü na Ngechuchuxütawa íyadaugüxücëx

(Lc 7.18-35)

1 Rü yexguma nüxü nachauxgu ga Ngechuchu ga na yaxucuxëgüãxü ga yema 12 ga norü ngüexügü, rü inaxüãchi ga yéma na duñxügüxü nangüexëxücëx rü nüxü yaxüxücëx ga ore ga mexü ga guxüne ga ñanegü ga yema naānewa yexmagünewa.

2-3 Rü Cuáñ ga baiñxëñruñ rü yexguma poxcupataxüwa nayexmayane, rü nüxü nacuáxchiga ga yema Ngechuchu üxü. Rü yemacëx ga Cuáñ rü Ngechuchuxütawa nanamugü ga ñuxre ga norü duñxügü na nüxna yacagüxücëx rü aixcüma Cristu ga ínangüxëëgücü yii, rü ãxna to tá yii ya Cristu.

4 Rū Ngechuchu nanangãxũ rŭ ñanagŭrũ nũxũ ga yema duũxũgũ: — ¡Pewoegu rŭ Cuáũmaã nũxũ peyarũxu i ngẽma pematama nũxũ pedaugũxũ rŭ nũxũ pexĩnũẽxũ!

5 —¡Rũ namaã nũxũ pixu rŭ ngẽma ngexetũgũxũ rŭ marũ nidauchigũ, rŭ ngẽma ichixeparaxũ rŭ marũ inachigũ, rŭ ngẽma chaxũneãxgũxũ rŭ marũ naxcẽx nitaanegũ, rŭ ngẽma ngauchĩxẽgũxũ rŭ marũ ningoxnamachixẽgũ, rŭ ngẽma yuexũ rŭ wenaxãrũ namaxẽ, rŭ ngẽma ngearũ ngẽmaxũãxgũxũ rŭ marũ namaã nũxũ tixu i Tupanaãrũ ore i mexũ!

6 Rũ tataãẽ ya yĩxema texé ya tama nũxũ rŭxoxe na choxũ tayaxõxũ — ñanagŭrũ ga Ngechuchu.

7 Rũ yexguma nawoeguxgu ga yema Cuáũ ga baiũxẽẽruũãrũ duũxũgũ, rŭ Ngechuchu inanaxũgũ ga guma Cuáũchiga na yadexaxũ. Rũ ñanagŭrũ nũxũ ga duũxũgũ: —¿Tacũ nixĩ ga pema ípeyadaugũxũ ga dauxchitawa ga ngextá taxúema íxãpataxũwa? —¿Éxna wũxi ga ngẽxũrũxũmare ga yatũ ga ñoma dexne ga buanecũ yaxĩãxtanũcũxẽcũrũ i xĩxũ nixĩ ga ípeyadaugũxũ?

8 —Rũ éxna ega tama guma ípeyadaugũ, ¿rũ tacũ nixĩ ga ípeyadaugũxũ? ¿Éxna wũxi ga yatũ ga poraãcũ nũgũ ngẽxãẽxũ yĩxũ ga ípeyadaugũxũ? Pema nũxũ pecuẽx i ngẽma poraãcũ nũgũ ngẽxãẽgũxũ rŭ ãẽxgacũgũ ya tacũgũpatawa nangẽxmagũ.

9 —¿Tacũ éxna nixĩ ga ípeyadaugũxũ? ¿Éxna wũxi ga Tupanaãrũ orearũ uruũxũ? Ngẽmaãcũ aixcũma yema nixĩ ga ípeyadaugũxũ. Rũ pemaã nũxũ chixu rŭ Cuáũ ya baiũxẽẽruũ rŭ tama wũxi i ngẽxũrũxũmare i Tupanaãrũ orearũ uruũ nixĩ.

10 —Rũ Cuáũchiga nixĩ ga naxũmatũxũ ga yema Tupanaãrũ ore ga ñaxũ:

“Cupẽxegu chayamu i chorũ orearũ ngeruũ na cuxcẽx namexẽẽãxũcẽx i duũxũgũarũ maxũ”, ñaxũ.

11 —Rũ aixcũma pemaã nũxũ chixu rŭ guxũ i duũxũgũtanũwa rŭ nataxuma i Tupanaãrũ orearũ uruũ i Cuáũ ya baiũxẽẽruũãrũ yexera ixĩxũ. Natũrũ yĩxema Tupana ãẽxgacũ íxĩxũwa wixwexũchi ũxe, rŭ Cuáũãrũ yexera tixĩ.

12 —Rũ yexguma noxri Cuáũ ya baiũxẽẽruũ inaxũgũgu na nũxũ yaxũxũ i ñuxãcũ Tupana ãẽgacũ ixĩxũwa nangugũxũ i duũxũgũ, rŭ nũma ga duũxũgũ rŭ norũtama ngũchaxũmaã nawa nangugũchaxũ i ngema nachica. Rũ ñuxma rŭ ta ngemagutama narũxĩnũe.

13 —Rũ guxũma ga Tupanaãrũ orearũ uruũgũarũ orewa, rŭ ore ga mugũ ga Moĩchẽ ũmatũxũwa rŭ nũxũ nixuchigagũ na ínanguégaxũ ya Cristu na ãẽxgacũ na yĩxũcẽx. Rũ yemaãcũ nixĩ ñuxmata ínangu ga Cuáũ.

14 —Rũ ngẽxguma chi peyaxõgũchaũgu i ñãã chorũ ore, rŭ pemaã nũxũ chixu rŭ Cuáũ ya baiũxẽẽruũ nixĩ ya yima yanguxẽẽcũ ga yema ore ga guma nuxcũmaũcũ ga orearũ uruũ ga Eria ga ípenanguxẽẽcũchiga ũmatũxũ.

15 —Rũ yĩxema ãchĩxẽgũxe, ¡rũ naga taxĩnũe i ngẽma ore! —ñanagŭrũ.

16 Rũ ñanagŭrũ ta ga Ngechuchu: —¿Tacũgu tá chanangu i ñãã duũxũgũ i ñuxma maxẽxũ? Maneca ñãã duũxũgũ rŭ taxumaãma nataãegũ ngẽxgumarũ i ñuxre i buxũgũ i nũgũmaã íãxtũwa rũtogũxũ, rŭ íxĩnũcẽxwẽxegũxũ, rŭ tagaãcũ namũcũgũxũ ñagũxũ:

17 “Marũ wowerumaã pexcẽx tapaxetagũ, natũrũ tama ípixũãchitanũxũ. Rũ marũ ngechaũ i wiyaegu pexcẽx tawiyaegũ, natũrũ tama pexauxe”, ñagũxũ. Rũ ngẽma buxũgũrũ nixĩ i ñãã duũxũgũ.

18 —Yerü núma naxû ga Cuáŭ ga baiŭxêêruŭ rü tama pâu nangôx rü tama binu nayaxaxü. Rü yexguma ga nûmagü rü: “Nangoxoâx” ñanagürügü nüxŭ.

19 —Rü ñuxüchi núma chaxü i choma ya Tupana Nane na duŭxŭxŭ chiŭxŭ. Rü choma rü òna changôx rü binu chayaxaxü. Rü ngêxguma i nûmagü rü taanüxŭchixŭ rü ngâxwêxêxŭ choxŭ nawogüe. Rü nüxŭ nixugüe rü pecaduâxgüxŭmaâ chaxâmücü, rü namaâ chaxâmücü i ngêma duŭxŭgü i Dumaârü âêxgacücêx dîeru ngîxŭ ideetanüxŭ. Natürü Tupanaârü cuêx rü meâma nangôx tûmawa ya yixema aixcûma nawe rûxixê —ñanagürü ga Ngechuchu.

*Îãnegü ga tama Tupanaga ñnûene
(Lc 10.13-15)*

20 Rü yexguma ga Ngechuchu rü inanaxügü ga na yangagüâxŭ ga yema duŭxŭgü ga guma îãnegücŭâx ga ngextá yexeraâcü ñaxüaxŭwa ga taxŭ ga mexügü ga Tupanaârü poramaâ naxüxŭ. Rü poraâcü nayangagü, yerü yema duŭxŭgü rü tama nüxŭ narüxoe ga norü chixexŭ.

21 Rü ñanagürü ga Ngechuchu: —Rü wüxi i ngechaŭ nixŭ i pexcêx, Pa Corachîŭcŭâxgü rü Pa Bechaïdacŭâxgüx, yerü yexguma chi Tiruarü îãnewa rü Chidâüârü îãnewa chanaxüxgu ga yema mexügü ga cuêxruügü ga Tupanaârü poramaâ petanüwa chaxüxŭ, rü woo ga na poraâcü yachixexŭ ga yema duŭxŭgü rü nuxcûmama chitama nüxŭ narüxoe ga yema nacûma ga chixexŭ, rü poraâcüxüchi chima nügümaâ nangechaügü rü naxauxe, yerü chi nügü nicuêxâchitanü ga na yapecaduâxgüxŭ.

22 —Natürü pemaâ nüxŭ chixu rü ngêma ngunexŭ i Tupana nagu napoxcuexŭ i pecaduâxgüxŭ, rü ngêma ngunexŭdu rü Tirucŭâxgü rü Chidâücŭâxgüârü yexera tá pexŭ napoxcue i pemax, Pa Corachîŭcŭâxgü rü Bechaïdacŭâxgüx.

23 —Rü pemax, Pa Capernáucŭâxgü i Duŭxŭgüx, ¿rü pema nagu perüxnûêgu rü daxügüxŭ i naãnewa tá ipexixŭ? Pemaâ nüxŭ chixu rü naãnetüŭwa i ngextá Tupana Chatanaxŭ ipoxcuxŭwa tá nixŭ i pewogüxŭ. Rü yexguma chi Chodomaârü îãnewa chanaxüxgu ga yema mexügü ga cuêxruügü ga Tupanaârü poramaâ petanüwa chaxüxŭ, rü guma îãne ga nuxcûma norü pecadugagu iyarüxoxŭne rü ñuxma rü chí nangêxma.

24 —Natürü pemaâ nüxŭ chixu rü ngêma ngunexŭ i Tupana nagu napoxcuexŭ i pecaduâxgüxŭ, rü ngêma ngunexŭdu rü Chodomacŭâxgüârü yexera tá pexŭ napoxcue i pemax, Pa Capernáucŭâxgüx —ñanagürü.

*Chauxcêx pexŭ na chauxŭtagu perüngŭêxŭcêx
(Lc 10.21-22)*

25 Rü yexguma rü ñaâcü nayumüxê ga Ngechuchu, rü ñanagürü: —Pa Chaunatü ya Daxügüxŭ i Naãne rü Ñoma i Naãneârü Yorax, cuxŭ chicuêxŭŭ, erü ñaâ chorü ngüexŭgüxŭ nüxŭ cucuêxêê i ñaâ ore i naxchaxwa iquicüxŭ i duŭxŭgü i ñoma i naãnewa nüxŭ cuêxüchigüxŭ.

26 —Rü moxê cuxna chaxã, Pa Chaunatüx, erü cuma cunaxwêxe na ngêmaâcü cunaxüxŭ —ñanagürü.

27 Rü ñanagürü ta ga Ngechuchu: —Chaunatü choxna nanaxã i guxŭma i tacü i ngêxmaxŭ. Rü Chaunatüxicatama choxŭ nacuêx na texê chiŭxŭ i choma i Nane. Rü tama guxŭma i duŭxŭgü aixcûma nüxŭ nacuêx na texê yîxŭ ya Chaunatü. Rü choma ya Nane, rü ngêma duŭxŭgü i Chaunatüx nüxŭ chadauxêêchaŭxŭxicatama nixŭ i aixcûma nüxŭ cuêxgüxŭ na texê yîxŭ ya Chaunatü.

28 —¡Rü nuã chauxütawa pexĩ i guxãma i pema ya ipaxe nagagu i perü chixexügü rü perü ìxãchiãëgü! Rü choma rü tá pexna chanayaxu i pexweta na iperünglëxüçèx.

29 —¡Rü ñuxüchi penayaxu i chorü ucuxëgü rü naxcèx pedauxütaegü i chaucüma! Erü choma rü yaxna pemaã chaxĩnü rü taguma chaugü chicuëxüxü. Rü ngemaãcü tá nüxü ipeyangau i ngema taãe i aixcüma ixĩxü.

30 —Erü ngëma pexü chamuxü rü natauxcha na naga pexĩnüëxü. Rü ngëma pexü chanaxwaexü rü tama naguxcha na penaxüxü —ñanagürü ga Ngechuchu.

12

Ngechuchuarü ngüexügü rü trigu nicãüëtanü ga ngüchigaarü ngunexügu
(Mr 2.23-28; Lc 6.1-5)

1 Rü wüxi ga ngüxchigaarü ngunexügu rü Ngechuchu rü norü ngüexügümaã trigunecügu nixü. Rü natayae ga norü ngüexügü, rü yemacèx inaxiãcüma yoxocüne triguta nicãüëtanü, rü inyangöëtanü.

2 Rü yexguma yemaxü nadaugügu ga Parichéugü rü ñanagürügü Ngechuchuxü: —Dücèx i curü ngüexügü rü chixexü naxüe. Erü ngüxchigaarü ngunexügu napuracüe, rü nachuxu nixĩ i ngëma —ñanagürügü.

3 Rü Ngechuchu nanangãxü, rü ñanagürü: —¿Taguma ëxna poperawa nüxü pedau ga ñacü na naxüxü ga nuxcümaücü ga ãëxgacü ga Dabí ga yexguma natayëxgu ga nüma rü natanüxügü?

4 —Rü Tupanapatagu naxücu rü nanangöx ga yema pãu ga üünexü ga Dabíçèx rü natanüxügüçèx chuxuxü ga na nangöxgüãxü. Yerü paigüçèxicatama nixĩ ga yema pãu.

5 —Rü pemax, Pa Parichéugüx ¿taguma ëxna nawa pengüe ga yema ore ga mugüpanegu Moiché ümatüxü ga ñaxü rü marü name i paigü rü ngüxchigaarü ngunexügu napuracüe i tupauca ya taxünewa? Rü ngëma rü tama wüxi i pecadu nixĩ naxcèx i ngëma paigü.

6 —Natürü pemaã nüxü chixu rü nuã petanüwa nangëxma i wüxi i duñxü i tupauca ya taxüneärü yexera ixĩxü i Tupanapëxewa.

7 —Natürü pema rü tama nüxü pecuèx i ñuxü ñaxüchiga nixĩ i ngëma Tupanaärü ore i ümatüxü i ñaxü:

“Choma rü tama chanaxwëxe i chauxcèx peyamèx i carnerugü, natürü chanaxwëxe i togü pexü nangechaütümüügü”,

ñaxü. Rü ngëxguma chi meã nüxü pecuëxgügu i ngëma ore, rü tãu chima chixri nachiga pidexagü i ñaã chorü ngüexügü i taxuüma i chixexü ügüxü i Tupanapëxewa.

8 —Rü choma i Tupana Nane na duñxüxü chiixü, rü aixcüma ngüxchigaarü yora chixĩ —ñanagürü ga Ngechuchu.

Wüxi ga yatü ga yumécüchiga
(Mr 3.1-6; Lc 6.6-11)

9 Rü yexguma yema nachicawa ínaxüüxgu ga Ngechuchu, rü guma ñaneärü ngutaquëxepataügu naxücu.

10 Rü yëma nayexma ga wüxi ga yatü ga norü wüxichacüüwa yumécü. Rü nümagü ga Parichéugü rü naxcèx nadaugü ga ñuxãcü norü ãëxgacügüxütawa Ngechuchuxü na ínaxuaxügüxü. Rü yemacèx Ngechuchuna nacagüe, rü ñanagürügü: —¿Namexü yĩixü na texé naxcèx yataanexëëxü i wüxi i ñaawexü i ngüxchigaarü ngunexügu? —ñanagürügü.

11 Rū Ngechuchu nanangāxū, rū ñanagürü: —¿Texé i petanüwa rū ngēxguma chi ngūxchigaarü ngunexügu wüxi i perü carneru puchugu nguxgu, rū taux éxna i ngēxgumatama ipeyadaugūxū rū ípenatüächixū woo ngūxchigaarü ngunexū yixügu?

12 —Natürü Tupanapēxewa rū wüxi i duūxū rū poraäcūxūchima wüxi i carneruarü yexera nixī. Rū ngēmacèx name nixī i mexū taxū i woo ngūxchigaarü ngunexū yixügu —ñanagürü.

13 Rū ñuxūchi ga Ngechuchu rū ñanagürü nüxū ga guma yatü ga yumécü: —¡Iyarüwēxāchiméxé! —ñanagürü. Rū guma yatü rū inayarüwēxāchiméxé, rū yexgumatama narümeméx, rū naī ga naxméx ga mexünerü nixī.

14 Rū yexguma yemaxū nadaugügu ga Parichéugü, rū ínachoxū ga yéma. Rū inanaxügie na naxcèx nadaugüxū ga ñuxäcü tá na Ngechuchuxū yamèxgüxū.

Nuxcūmaūxū ga ore ga Ngechuchuga

15 Rū yexguma Ngechuchu nüxū cuächigagu na Parichéugü na yamèxgüchaūxū, rū ínaxūxū ga guma íānewa. Rū muxūma ga duūxügü rū nawe narüxī. Rū nüma ga Ngechuchu rū nanameéxéé ga guxūma ga yema duūxügü ga ídaaweexū.

16 Rū duūxügüna naxāga na tama nüxū yaxugüexúcèx na texe na yīxū ga nümax.

17 Rū yemaäcü nanaxū ga Ngechuchu na yanguxééäxúcèx ga yema ore ga nuxcūmaücü ga Tupanaärü orearü uruū ga Ichaxía nüxū ixuxū ga ñaxū:

18 “Daa nixī ya chorü duū ya chomatama nüxū chaxunetacü rū nüxū changechaücü rū namaā chataāēxūchicü. Rū Chauāē i Üünexū rū nüxna tá chanamu. Rū nüma tá guxū i duūxügü i tama Yudüguü ixīgüxūmaā nüxū nixu i ore i mexū i aixcūma ixīxū.

19 Rū tagutáma ngextá texémaā niporagacüü rū taxüemaátama ngextá nipura. Rū tagutáma texé íāneärü ítamüguwa nüxū taxīnü na natagaxū.

20 Rū nüma rū tātütáma nanadai i ngēma duūxügü i norü öwa turaexū, rū tātütáma inayanaxoxéé i ngēma duūxügü i írarüwatama yaxögüxū. Rū ngēmaäcü tá nixī ñuxmatáta guxū i naānewa nangu i ngēma norü ore i aixcūma ixīxū.

21 Rū guxū i duūxügü i tama Yudüguü ixīgüxū rū tá naxcèx naxī na ngēmaäcü naxütawa nayauxgüäxúcèx i norü maxū i taguma gúxū”, ñanagürü ga Ichaxía.

Parichéugü rū Ngechuchuxū nixugüe na ngoxoarü poramaā napuracüxū (Mr 3.20-30; Lc 11.14-23, 12.10)

22 Rū Ngechuchuxütawa nanagagü ga wüxi ga yatü ga ngoxoäcü ga ngexetücü rū tama idexacü. Rū Ngechuchu nanamexéé. Rū guma yatü rū yexgumatama nidauchi rū nidexa.

23 Rū guxūma ga duūxügü rū nabèixāchiāégü ga yexguma yemaxū nadaugügu. Rū ñanagürügü: —¿Taux éxna daa yīxū ya Dabí nane ya Cristu? —ñanagürügü.

24 Natürü yexguma yemaxū naxīnüégu ga Parichéugü, rū ñanagürügü: —Ñaa yatü i Ngechuchu, rū ngoxogünatü i Behebúarü poramaā nixī i ínawoxūāxū i ngoxogü —ñanagürügü.

25 Natürü nüma ga Ngechuchu rū nüxū nacüèxama ga tacügu na naxīnüéxū. Rū yemacèx ñanagürü nüxū: —Ngēxguma chi wüxi i nachüñānecüñax i duūxügü nügü itoyegu rū nügütanüwa chitama nügü nadaixgu, rū nügü chitama

naguxêê. Rû ngêxguma chi wûxi ya îânecûâx rû êxna wûxi ya îcûâx nûgûmaâ nuêêchagu rû nûgû nadaixgu, rû nûgû chitama naguxêê.

26 —Rû ngêxguma chi Bechebû nûgûtama itêxûchigu rû nûgûtama yamêxgu, çrû ñuxâcü chi âêxgacûecha yîixû?

27 —Rû pemax, Pa Parichêugûx, rû choxû pixuxgu rû Bechebûarû poramaâ îchanawoxû i ngoxogû. Natûrû ngêxguma chi Bechebûarû poramaâ îchanawoxû i ngoxogû, çrû texêarû poramaâ nixî i perû ngûexûgû rû înanawoxûxû i ngoxogû? Rû dûcax, rû ngêma perû ngûexûgûtama nixî i pexcêx nangoxêêxû na îpetûexû.

28 —Natûrû pemaâ nûxû chixu rû aixcûma Tupanaâê i Ûnêxûârû poramaâ nixî i îchanawoxûxû i ngoxogû. Rû ngêmawa pexû nûxû chacuêxêê na marû nûma petanûwa nanguxû ya Tupana, na perû âêxgacû yîixûcêx.

29 —çRû ñuxâcü texê wûxi ya yatû ya poracûpatagu taxûcu na tanapuxûcêx i norû ngêmaxûgû, ega tama tayanêixiragu i noxrix? Rû ngêxguma tayanêixiraguxicatama nixî i nûxna tanapuxûxû i norû ngêmaxûgû ya yima yatû ya poracû.

30 —Rû yîxema tama choxû ngechaûxê rû chauxchi taxai. Rû yîxema tama choxû rûngûxêexê na Tupanacêx tananutaquêxexû i duûxûgû rû chauxchawa tanangianêxêê.

31 —Rû ngêmacêx pemaâ nûxû chixu rû Tupana tá nûxû nûxû nangechaû i guxûma i pecadugû i duûxûgû ûgûxû rû guxûma i norû dexagû i chixexû. Natûrû yîxema Tupanaâê i Ûnêxûmaâ tacû ixugûxe, rû Tupana rû tagutâma tûxû nûxû nangechaû i ngêma chixexû.

32 —Rû guxâma ya texê ya tacû chomaâ ixugûxe rû Tupana tá tûxû nûxû nangechaû i ngêma. Natûrû texê ya Tupanaâê i Ûnêxûmaâ tacû ixugûxe, rû Tupana rû tagutâma tûxû nûxû nangechaû i ngêma, rû bai i ñoma i naânêwa, rû bai i daxûguxû i naânêwa.

*Wûxi i nanetû rû norû owa nixî i nûxû icuáxû na tacû rû nanetû yîixû
(Lc 6.43-45)*

33 —Rû ngêxguma wûxi i nanetû rû namexgu, rû norû o rû ta name. Natûrû ngêxguma wûxi i nanetû rû nachixêxgu, rû norû o rû ta nachixe. Rû wûxi i nanetû rû norû owa nixî i nûxû icuáxû ngoxi name rû êxna tama.

34 —Pa Âxtapearû Duûxûgûx, çñuxâcü i mexû i orexû pixuxû ega pematama rû pichixecûmagu? Erû ngêma ore i peêxmaâ nûxû pixuxû rû peâêwa nixî i ne naxûxû.

35 —Wûxi ya mecû ya yatû rû mexû i orexû nixu, erû naâêwa rû aixcûma mexûgu narûxinû. Natûrû wûxi i yatû i chixecûmaxû rû chixexû i orexû nixu, erû naâêwa rû chixexûgu narûxinû.

36 —Rû choma pemaâ nûxû chixu rû ngêma ngunêxû i nagu nagûxû i naâne, rû Tupana rû tá nûxna naca i guxû i duûxûgû naxcêx i guxûma i ore i chixexû i nûxû yaxuxû i ñoma i naânêwa.

37 —Erû ngêma curû dexagûwa rû Tupana tá cuxû nangugû, rû tá cumaâ nûxû nixu ngoxita cume i napêxewa rû êxna tama —ñanagûrû ga Ngechuchu.

*Duûxûgû ga tama yaxôgûchaixû rû naxcêx înacagû ga to ga cuêxruû ga
Tupanaârû poramaâ ûxû
(Mr 8.12; Lc 11.29-32)*

38 Rû yêxguma rû ñuxre ga Parichêugû rû Yudîugûarû ngûexêêruûgû ga ore ga mugûwa nguxêêtaegûxû rû ñanagûrûgû Ngechuchuxû: —Pa Ngûexêêruûx,

cuxũ tadauxchaũ na cunaxũxũ i wũxi i cuèxruũ i mexũ i Tupanaãrũ poramaã
cuxũxũ —ñanagũrũgũ.

39 Rũ Ngechuchu nanangãxũ, rũ ñanagũrũ: —Ñãã duũxũgũ i chixecũmagũxũ
rũ tama yaxõgũxũ rũ naxcèx ínacagũ i wũxi i cuèxruũ i mexũ i Tupanaãrũ
poramaã uũxũ. Natũrũ yema cuèxruũ ga nuxcũmaũcũ ga Tupanaãrũ orearũ
urũ ga Yonãxũ ngupetũxũxũxĩca tátama nadaugũ. Rũ taxuũtãma i to i
cuèxruũ nũxũ tadauxèe i ñãã duũxũgũ.

40 —Rũ yexgumarũũ ga Yonã ga tomaèxpũx ga ngunexũ rũ tomaèxpũx
ga chũtaxũ choxni ga taxũ ga bayenaãnũwa na nayexmaxũ rũ wenaxãrũ
na nangóxũ, rũ ngèxgumarũũ tá ta nixĩ i choma i tomaèxpũx i ngunexũ
rũ tomaèxpũx i chũtaxũ i chatãxũwa changèxmaxũ. Natũrũ wena táxarũ
changox.

41 —Rũ ngèxguma naãneãrũ guxgu rũ Tupana rũ ñãã duũxũgũna nacaxgu
i norũ pecaduchiga, rũ nuxcũmaũgũxũ ga Nínibecũãx ga duũxũgũ rũ tá in-
achigũ. Rũ Tupanapèxewa tá ínanaxuaxũgũ i ñãã duũxũgũ i ñũxma maxèxũ.
Yerũ nũmagũ ga Nínibecũãx rũ nũxũ narũxoe ga nacũmagũ ga chixexũ ga
yexguma Yonã namaã nũxũ ixuxgu ga Tupanaãrũ ore. Natũrũ ñũxma nuã
petanũwa nangèxma i wũxi i Yonããrũ yexera ixĩxũ.

42 —Rũ ngèxguma naãneãrũ guxgu rũ Tupana rũ ñãã duũxũgũna nacaxgu
i norũ pecaduchiga, rũ ngĩma ga nuxcũmaũcũ ga Chabaaneãrũ ãèxgacũ rũ
tã iichi. Rũ tá ínanaxuaxũ i ñãã duũxũgũ i ñũxma maxèxũ. Yerũ ngĩma rũ
yaxũwaxũchi ne ixũ na ãèxgacũ ga Charumóũxũ naxĩnũxũcèx ga ñũxãcũ
poraãcũ nũxũ na nacuèxũchixũ. Natũrũ ñũxma nuã petanũwa nangèxma i
wũxi i Charumóũãrũ yexera ixĩxũ.

ngoxo i taeguxũchiga

(Lc 11.24-26)

43-44 —Rũ ngèxguma wũxi i ngoxo rũ wũxi ya yatũwa ínaxũũxgu, rũ daux-
chitawa i ngextã taxúema íxãpataxũwa rũ nu ne nanaxũmare. Rũ naxcèx
nadau na ngexta na nangũxũcèx. Rũ ngèxguma taxuxguma nũxũ iyangauxgu
na ngexta nangũlegaxũ, rũ nagu narũxĩnũ na wena nataeguxũ naxcèx ya
yima yatũ ga noxri nawa ínaxũxũchirécũ. Rũ ngèxguma nataegugu, rũ nũxũ
inayangau ya yima yatũ na wũxi ya í ya ngèãcũne rũ mexègne rũ meã
nabixichinerũũ na yĩxũ.

45 —Rũ ngèma ngoxo rũ ínixũ rũ naxcèx nayadau i to i 7 i ngoxogũ i norũ
yexera i chixexũ. Rũ guxũma i ngèma rũ yima yatũgu nayachocu, rũ ngèxma
naxãchiũgũ. Rũ ngèxguma ya yima yatũ rũ noxriarũ yexera nachixe. Rũ
ngèxgumarũũ tá ta nũxũ naxũpetũ i ñãã duũxũgũ i chixecũmagũxũ —ñanagũrũ
ga Ngechuchu.

Ngechuchuarũ mamã rũ naèneègũchiga

(Mr 3.31-35; Lc 8.19-21)

46 Rũ yexguma duũxũgũmaã íyadexayane ga Ngechuchu, rũ yéma tangu ga
naè rũ naèneègũ. Rũ ípataarũ dũxétũgu tarũcho, rũ Ngechuchumaã tidex-
agũchaũ.

47 Rũ wũxi ga duũxũ Ngechuchumaã nũxũ nixu, rũ ñanagũrũ: —Yéa
dũxétũwa tangèxma ya cue rũ cueneègũ, rũ cumaã tidexagũchaũ —ñanagũrũ
nũxũ.

48 Natũrũ Ngechuchu nanangãxũ ga yema duũxũ ga namaã nũxũ ixuxũ
ga yema ore, rũ ñanagũrũ nũxũ: —¿Texé tixĩ ya chaue? ¿Rũ texégũ tixĩ ya
chaueneègũ? —ñanagũrũ.

⁴⁹ Rū yexguma ga Ngechuchu rü norü ngüexüügüxü naxuneta, rü ñanagürü: —Dücèx, daxe tixí ya chaue, rü daagü nixí ya chaueneègü.

⁵⁰ —Erü guxáma ya texé ya naxúxe i Chaunatü ya daxügcüarü ngúchaü, rü yíxema tixí ya chaueneè rü chaueyèx rü chaue —ñanagürü ga Ngechuchu.

13

Ore ga toecügu ixuxü (Mr 4.1-9; Lc 8.4-8)

¹ Rū yematama ngunexügu ga Ngechuchu rü ínaxüxü nawa ga guma í ga naga napexüne. Rū naxtaxaãnacüwa nayarüto.

² Rū muxüma ga duüxügu rü yéma naxcèx nangutaquèxegü. Rū yemacèx düxwa wüxi ga ngegu nixüe ga Ngechuchu, rü guma nguewa narüto. Rū guxüma ga duüxügu rü yexma naxnecütèxegu nachigü.

³ Rū yexguma ga Ngechuchu rü muxüma ga ore ga cuèxruüwa nanangüexèe ga duüxügu. Rū norü nguxèetaewa rü ñanagürü: —Rü wüxi ga yatü ga toecü rü trigumaã nanagüane.

⁴ —Rü yexguma trigumaã nagüaneägu, rü ñuxre ga guma trigu rü nacamüwagu nayi. Rü ínangugü ga werigü, rü nanawecu.

⁵ —Rü náigü ga trigu rü nutatanügu nayi ga ngextá ínachixcaxüwa ga waixüümü. Rü paxa narüxügu ga guma trigu, yerü ga waixüümü rü tama nayaxcü.

⁶ —Rü yexguma nangunagügu ga üèxcü, rü narüngèxgü ga guma trigu. Rü nayue yerü tama poraãcü nixámèxã.

⁷ —Rü náigü ga trigu rü tuxunecügu nayi. Rü yexguma nayaegu ga tuxugü, rü guma triguxü inawocu, rü nanadai.

⁸ —Natürü náigü ga trigu rü mexü ga waixüümügu nayi. Rü yexguma nayaegu rü muxüma ga trigu nawa ínanguxuchi. Rü nümaxü rü wüxireewa rü 100 püxü ínanguxuchi ga norü o, rü náiregüwa rü 60, rü náiregüwa rü 30.

⁹ —Rü yíxema áchixégüxe, jrü naga tarüxínüe i ngéma ore! —ñanagürü.

Ƨacücèx nixí ga yema ore ga cuèxruüügügu ixuxü (Mr 4.10-12; Lc 8.9-10)

¹⁰ Rū yexguma ga norü ngüexügu rü Ngechuchucèx naxí, rü nüxna nacagüe, rü ñanagürügü: —Pa Corix, ¿Tüxcüü i cuèxruüügügu cuyaxuãcüma cunangüexèexü i ñaã duüxügu? —ñanagürügü.

¹¹ Rū Ngechuchu nanangãxü, rü ñanagürü nüxü: —Tupana rü pexüxícatama nüxü nacuèxèe i ngéma èxüguxü na ñuxãcü äèxgacü yíxü i nümax. Natürü nüma i togü i duüxügu rü tama nüxü nüxü nacuèxèe i ngéma.

¹² —Rü texé ya aixcüma naga ínuxè i chorü ore, rü Tupana rü yexeraãcü tá tüxü nüxü nacuèxèe. Rü ngémaãcü tá tüxü nangèxma i taxü i cuèx. Natürü texé ya tama naga ínuxè i ñaã ore rü Tupana tá tüxna nanayaxu i ngéma íraxü i cuèx i tüxü ngèxmachiréxü.

¹³ —Rü ngèmacèx nixí i ore i cuèxruümaã chanangüexèèxü i ngéma duüxügu. Erü nümagü rü woo nüxü nadaugügu, rü ñoma tama nüxü nadaugüxürü nixigü. Rü woo nüxü naxínüègu, rü ñoma tama nüxü naxínüèxürü nixigü. Rü tama nüxü nacuèxgüega.

¹⁴ —Rü aixcüma ngéma duüxügüchiga nixí ga yema Tupanaärü ore ga nuxcümaücü ga norü orearü uruü ga Ichaxía nüxü ixuxü ga ñaxü:

“Rü ngéma duüxügu rü tá aixcüma nüxü naxínüè, natürü táütama nüxü nacuèxgüega i Ƨacüchiga na yíxü i ngéma nüxü naxínüèxü. Rü aixcüma

tá nuxũ nadaugũ, natũrũ tãũtãma nuxũ nacuẽxgũ na ƣacũchiga yĩxũ i ngẽma nuxũ nadaugũxũ.

15 Erũ ngẽma duũxũgũ rũ tãũtãma nuxũ nacuẽxgũchaũ i chorũ ore, rũ naxchaxwa tá nũgũ narũtũtamachĩxẽgũ rũ tá naxchaxwa napexetũgũ. Rũ ngẽmaãcũ tá nanaxũgũ na tama nuxũ nadaugũxũcẽx i ngẽma mexũ i naxcẽx chaxũxũ, rũ tama nuxũ naxĩnũẽxũcẽx i chorũ ore, rũ tama nuxũ nacuẽxgũxũcẽx na ñuxãcũ choma chanaxwẽxexũãcũma na namaxẽxũ, rũ tama chauxcẽx nadaugũxũcẽx na chanamaxẽxẽxũcẽx”, ñanagũrũ.

16 Rũ ñanagũrũ ta ga Ngechuchu: —Natũrũ pemax, Pa Chorũ Ngũexũgũx, rũ petaãẽgũ erũ pexetũgũmaãtama nuxũ pedaugũ i ngẽma chaxũxũ rũ pexmachĩxẽmaãtama nuxũ pexĩnũẽ i chorũ ore.

17 —Rũ aixcũma pemaã nuxũ chixu rũ muxũchixũ ga nuxcũmaũgũxũ ga Tupanaãrũ orearũ uruũgũ rũ muxũchixũ ga duũxũgũ ga imecũmaxũ, rũ nuxũ nadaugũchaũ i ngẽma ñuxma chauxũtawa nuxũ pedaugũxũ. Natũrũ tama nuxũ nadaugũ. Rũ nuxũ naxĩnũẽchaũ i ngẽma ore i ñuxma chauxũtawa nuxũ pexĩnũẽxũ. Natũrũ tama nuxũ naxĩnũẽ —ñanagũrũ.

*Ngechuchu rũ meã nanangoxẽẽ ga yema ore ga toecũchigagu yaxuxũ
(Mr 4.13-20; Lc 8.11-15)*

18 Rũ ñanagũrũ ta ga Ngechuchu: —¡Dũcẽx, iperũxĩnũẽ na ñuxũ ñaxũchiga yĩxũ i ngẽma ore i cuẽxruũ i toecũchiga!

19 —Rũ guma trigu ga namagu yixũnerũũ tixĩgũ ya yixema nuxũ ñnũẽxẽ i ore i mexũ na ñuxãcũ ãẽxgacũ yĩxũ ya Tupana natũrũ tama nuxũ cuẽxgũxe i ñuxũ ñaxũchiga na yĩxũ i ngẽma ore. Rũ tũmaxũtawa nangu i Chataná, rũ tũxũ nuxũ inayarũngũmaẽxẽẽ i ngẽma ore i tũmaãẽwa ngẽxmachirẽxũ.

20 —Rũ guma trigu ga nutatanũgu yixũnerũũ nixĩ i ngẽma duũxũgũ i nuxũ ñnũẽxũ i Tupanaãrũ ore rũ taãẽacũma nayauxgũxũ.

21 —Natũrũ ngẽma na tama aixcũma nagu naxĩnũẽxũ i ngẽma ore, rũ paxaãchitama nayaxõgũ, rũ yixcũra ngẽxguma ngẽma oregagu guxchaxũgũ nuxũ ũpetũgu rũ ẽxna duũxũgũ naxchi aiegu, rũ ñanatẽxgũ i ngẽma ore.

22 —Rũ guma trigu ga tuxunecũgu yixũnerũũ nixĩ i ngẽma duũxũgũ i Tupanaãrũ orexũ ñnũẽxũ rũ yaxõgũxũ. Natũrũ ñoma i naãneãrũ ngẽmaxũgũcẽx oegaãẽgũxũ, rũ ngẽmaguama rũxĩnũẽxũ, rũ dũxwa nuxũ inayarũngũmaẽ i ngẽma ore. Rũ guxũma i ngẽma rũ Tupanaãrũ orexũ nuxũ narũxoxẽẽ na tama aixcũma meã Tupanawe naxĩxũcẽx i ngẽma duũxũgũ.

23 —Natũrũ guma trigu ga mexũ ga waixũmũgu yixũnerũũ nixĩ i ngẽma duũxũgũ i nuxũ ñnũẽxũ i Tupanaãrũ ore, rũ nuxũ cuẽxgũxũ i ƣacũchiga na yĩxũ, rũ naga ñnũẽxũ rũ meã naxcẽx maxẽxũ. Rũ tũmaxẽ rũ guma trigu ga 100 pũxũ nawa ñnguxuchinerũũ tixĩ. Rũ tũmaxẽ rũ guma 60 pũxũ nawa ñnguxuchinerũũ tixĩ. Rũ tũmaxẽ rũ guma 30 pũxũ nawa ñnguxuchinerũũ tixĩ —ñanagũrũ ga Ngechuchu.

Ore ga chixexũ ga natũane ga trigutanũgu toxũchigagu ixuxũ

24 Rũ Ngechuchu rũ to ga ore ga cuẽxruũxũ duũxũgũmaã nixu, rũ ñanagũrũ: —Rũ nũma ya Tupana rũ ñoma wũxi ga yatũ ga mexũne ga triguchire naãnegu tocũrũũ tá nanaxũ.

25 —Rũ guma yatũ rũ yexguma ñapeyane rũ wũxi ga norũ uwanũ ga naxchi aixũ rũ yẽma naxũ. Rũ naẽchita yexma trigunecũgu nayatogũ ga chixexũ ga natũane. Rũ ñuxũchi ñnixũ.

26 —Rü yexguma naxügüga ga trigu rü nayaegu rü yexwacèx yaxoxgu, rü yema natüane rü ta nangox.

27 —Rü yexguma ga yema yatüarü duüxügü, rü namaã nüxü nayarüxügü, rü ñanagürügu:

“Pa Corix, cuma rü cuanegu rü triguxicachirèx ngèxma cuto. ¿Natürü ñuxäcü i ñuxma rü chixexü i natüane rü ta ngema naxügüxü?” ñanagürügu.

28 —Rü yexguma ga yema naãneärü yora, rü ñanagürü nüxü:

“Maneca wüxi i chorü uwanü i chauxchi aixü nixi i ngema ngexü wagüxü” ñanagürü. Rü yexguma ga norü duüxügü rü nüxna nacagü, rü ñanagürügu:

“Pa Corix, ¿cunaxwèxexü na tanabéxü i ngema chixexü i natüane?” ñanagürügu.

29 —Natürü nüma ga norü cori rü ñanagürü nüxü ga yema norü duüxügü:

“¡Nüetama ngema nangëxmagü! Erü ngëxguma chi penabëxgu, rü ngürüächi trigumaã chi ta penangauxëë na penabéxü.

30 —Rü narümemae nixi i nüetama ngema nayae ñuxmatáta triguarü buxgüwa nangu. Rü ngëxguma rü ngema tá chanamugü i chorü puracütanüxü, rü tá nanabëxira i ngema chixexü i natüane. Rü tá ñanagoxücüta, rü ñuxüchi tá ñanagu. Rü ngëmawena tá nayabuxgü i trigu, rü naxchiüga tá choxü namaã nanguxügü” ñanagürü.

Ore ga motachachiregu ixuxü (Mr 4.30-32; Lc 13.18-19)

31 Rü Ngechuchu rü to ga ore ga cuèxruüxü duüxügümaã nixu, rü ñanagürü: —Rü ngema Tupanaarü ore rü yexera nixüchigü. Rü ñoma wüxi ya motachachire ya wüxi ya yatü naãnegu toxünerüü nixi.

32 —Rü woo naxíraxüchichirèx ya yima naxchire, natürü ngëxguma naxüxgu rü nayëxgu, rü wüxi i nanetü i taetaxü nixi. Rü ngëmacèx i werigü rü natanüwa naxi, rü ngëxma nayarüxüchiãügu —ñanagürü.

Ore ga pãürü puxëëruügu ixuxü (Lc 13.20-21)

33 Rü Ngechuchu rü to ga ore ga cuèxruüxü duüxügümaã nixu, rü ñanagürü: —Rü Tupanaarü ore rü duüxügütanüwa nangu. Rü nixüchigü rü nanaxüchicüxü i norü maxü. Rü ñoma íxraxü i pãürü puxëëruü i wüxi i nge taxü i ngirü pãüchara namaã ipuxëëxürüxü nixi —ñanagürü ga Ngechuchu.

Cuèxruügu ixuxü ga oremaã nidexa ga Ngechuchu na yanguxëëãxücèx ga Tupanaarü ore (Mr 4.33-34)

34 Rü guxüma ga yema ore ga Ngechuchu duüxügümaã nüxü ixuxü, rü cuèxruügu yaxuäcüma namaã nüxü nixu. Rü yemaäcüxicatama nixi ga namaã nüxü yaxuxü.

35 Rü yemaäcü nanaxü ga Ngechuchu na yanguxëëãxücèx ga yema Tupanaarü ore ga nuxcümaücü ga norü orearü uruü ga Ichaxia ümatüxü ga ñaxü:

“Choma rü cuèxruügu ixuxü i oremaã tá duüxügümaã chidexa. Rü tá namaã chanangoxëë i ngema cuèx i ëxüguxü ga yexguma noxri naãne ixügügumama iicüxü”,
ñaxü.

Ngechuchu nanangoxëë na tacüchiga yüxü ga yema ore ga chixexü ga natüane ga trigutanügu toxüchigagu ixuxü

36 Rū Ngechuchu ínayamugü ga duñxüğü, rü guma í ga nagu napexünegu naxücu. Rū norü ngüexüğü rü yéma naxcèx naxí, rü ñanagürüğü nüxü: —Pa Corix, ¡tomaã nangoxèè na ¡acüchiga yíixü i ngéma chixexü i natüanegu ixuxü i ore! —ñanagürüğü.

37 Rū yexguma ga Ngechuchu rü ñanagürü nüxü: —Rü yima mexü i trigumaã toecü, rü numa nixí ya Tupana Nane ya duñxüxü ixícu.

38 —Rü ngéma naãne i nagu natoexü, rü ñoma i naãne nixí. Rū ngéma mexü i trigu rü ngéma nixí i duñxüğü i Tupanaärü duñxüğü ixíğüxü. Rū ngéma chixexü i natüane, rü ngéma nixí i duñxüğü i Chatanáärü ixíğüxü.

39 —Rü ngéma norü uwanü i chixexü i natüanemaã naèchita naãnegu ya-toexü, rü ngéma nixí i Chataná. Rū ngéma ngunexü i nagu nabuxuxü i trigu rü naãneärü gúxchiga nixí. Rū ngéma puracütanüxü i triguarü buxwa puracüexü, rü Tupanaärü orearü ngeruüğü i daxücüãx nixíğü.

40 —Rü ngëxgumarüü i ngéma chixexü i natüane rü na nabéxü rü ñuxüchi na ímaguxü, rü ngëxgumarüü tá ta nixí i naãneärü guxgu.

41 —Rü choma i Tupana Nane na duñxüxü chiixü, rü tá chanamu i chorü orearü ngeruüğü i daxücüãx na nadeãxücèx i ngéma duñxüğü i chixexü ügüxü rü ngéma duñxüğü i ¡ogüaxü chixexü ügüxèèxü. Rū tá ínanawoxü.

42 —Rü tá üxüxetüwa nayawocu. Rū ngéma tá naxauxe rü tá nixüxchapütägu.

43 —Natürü guxüma i ngéma duñxüğü i Tupanaga ínüexü, rü tá üèxcürüü in-abaixgü i ngextá Tanatü ya Tupana äëxgacü íixüxüwa. Rū yíxema ächixègüxe, ¡rü nüxü taxíñüè i ngéma ore! —ñanagürü.

Ore ga taxü ga dïeru ga icüxügu ixuxü

44 Rū Ngechuchu rü to ga ore ga cuèxruñxü duñxügümaã nixu, rü ñanagürü: —Rü ngéma na äëxgacü yíixü ya Tupana rü duñxügücèx rü namexechi ñoma wüxi i uiru i wüxi i naãnegu icüxürüxü. Rū wüxi ya yatü rü ngëxguma nüxü iyangauxgu i ngéma uiru, rü paxa wena ngéma naãnegu nayacux. Rū taãècüma namaã nataxe i guxüma i norü ngëmaxüğü na naxcèx natax-èxücèx i ngéma naãne na noxrü yíixücèx i ngéma uiru —ñanagürü.

Ore ga nuta ga ngëxäeruü ga tatanücügu ixuxü

45 Rū ñanagürü ta ga Ngechuchu: —Rü duñxüğü rü ñoma wüxi i taxetanüxü i nutagü ya ngëxäeruüçèx dauñürüü nixíğü na poraäcü Tupanaxcèx nadaugüxü na numa norü äëxgacü yixíxücèx.

46 —Rü ngéma taxetanüxü rü ngëxguma düxwa nüxü iyangauxgu ya wüxi ya nuta ya ngëxäeruü ya guxüärü yexera mexèchicü, rü namaã nataxe i guxüma i norü ngëmaxüğü na naxcèx nataxèxücèx ya yima nuta ya mexèchicü, na noxrü yíixücèx.

Ore ga püchagu ixuxü

47 —Rü ngéma Tupana na äëxgacü yixíxü rü wüxi i pücha i nagüxürañxü i choxni namaã iyaxuxüxürüü nixí.

48 —Rü ngëxguma naxäacuxgu i ngéma pücha, rü ngéma püchaetanüxü rü naxnecüpechinügu ínanatüächigü. Rū ngéma narütogü rü nayadexechi i ngéma mexü i choxni, rü pexchigu nananucu. Rū ngéma tama ingöxü i choxni rü ínanawogü.

49-50 —Rü ngëxgumarüü tá nixí i ngëxguma naguxgu i naãne. Erü Tupanaärü orearü ngeruüğü i daxücüãx, rü numa tá naxí. Rū tá nayadexechi i ngéma mexü i duñxüğü nüxna i ngéma ichixexü, rü tá üxüxetüwa nayawocu i ngéma

duñxügü i chixexü. Rü ngema tá naxauxe, rü tá nixüxchapütägü —ñanagürü ga Ngechuchu.

Ngexwacaxügüxü rü nuxcümañgüxü i ngëmaxügüchiga

51 Rü yexguma ga Ngechuchu rü norü ngüexügüna naca, rü ñanagürü: —¿Nüxü pecuáxü yïixü na tacüchiga yïixü i ngëma pemaã nüxü chixuxü? —ñanagürü. Rü nûmagü nanangâxügü rü ñanagürügü: —Ngëmaãcü, Pa Corix, nüxü tacuèx —ñanagürügü.

52 Rü yexguma ga Ngechuchu rü ñanagürü nüxü: —Rü ngëxguma wüxi i ngüexëeruñ i ore i mugüwa nguxëëtaexü aixcüma nüxü cuèxgu na ñuxâcü âëxgacü yïixü ya Tupana, rü nanaxwëxe na meã nüxü nacuáxü i ngëma nuxcümañxü i Tupanaärü ore rü ñaã ngexwacaxüxü i chorü ore rü ta, ngëxgumarüñ i wüxi i cori i norü taxepatawa duñxügücëx inawéxü i norü ngëmaxügü i ngexwacaxügüxü rü norü ngëmaxügü i nuxcümañgüxü ta —ñanagürü ga Ngechuchu.

Ngechuchu rü Nacharétuwa nayexma

(Mr 6.1-6; Lc 4.16-30)

53 Rü yexguma Ngechuchu nüxü rüchaxgu ga yema ore ga cuèxruñgüxü na yaxuxü, rü inaxüächi ga yéma.

54 Rü guma ñâne ga nawa nayaxüne ga Nacharétuwa naxü. Rü guma ñâneärü ngutaquëxepatañgü naxücu rü yéma nanangüexëë ga duñxügü. Rü yema duñxügü rü nabëjxächiaëgü namaã ga norü ore. Rü ñanagürügü: —¿Ngextá nüxü nacuèx i ngëma nguxëëtae? ¿Rü ñuxâcü nüxü nacuèx na naxüãxü i ngëma mexügü i taxügü i Tupanaärü poramaã naxüxü?

55 —¿Taux ëxna i daa yïixü ya carpinteru ya Yúche nane ya María ngëne, ya Chañtiágu rü Yúche rü Chimáü rü Yuda naëneë ixicü?

56 —¿Rü taux ëxna i naëyëxgü rü nuxma tatanügu naxächüñgüxü? ¿Rü ngëxguma i ngextá yïixü i nayauxãxü i ngëma nüxü nacuáxü? —ñanagürügü.

57 Rü yemacëx ga duñxügü rü tama nüxü inarüññüëchañ. Natürü Ngechuchu rü ñanagürü nüxü: —Guxüma i togü i duñxügü rü namaã nataãëgü i wüxi i Tupanaärü orearü uruñ. Natürü ngëma orearü uruñchiññewatama rü duñxügü rü tama namaã nataãëgü —ñanagürü.

58 Rü yema duñxügütanüwa rü tama poraãcü nanaxü ga mexügü ga taxügü ga Tupanaärü poramaã naxüxü, yerü tama nüxü nayaxögüchañ ga yema duñxügü.

14

Nayu ga Cuáñ ga baiñxëëruñ

(Mr 6.14-29; Lc 9.7-9)

1 Rü yema ngunexügügu nixí ga Gariréaneärü ãëxgacü, ga Erode rü Ngechuchuxü nacuächigaxü.

2 Rü Erode rü norü duñxügümaã ñanagürü: —Yima nixí ya Cuáñ ga baiñxëëruñ rü marü wena namaxü. Rü ngëmacëx nüxü nangëxma i pora na naxüãxü i ngëma mexügü i taxügü i Tupanaärü poramaã naxüxü —ñanagürü.

3 Rü yema ñanagürü, yerü nûmatama ga Erode rü ñpaacü norü churaragüxü namu na Cuáñxü yayauxgüxücëx rü cadenamaã yanëjxgüãcüma poxcupatañwa nagagüãxücëx. Rü yemaãcü nanaxü ga Erode, yerü yemaãcü naxcëx íca ga naxmëx ga Erodía ga naëneë ga Piripi naxmëxchirëx ixicü.

4 Rü Erode rü Cuáñmaã nanu yerü ga Cuáñ rü ñanagürü nüxü: —Tama name na cuxumëxmaã cuxãmaxü —ñanagürü.

⁵ Rû Erode rû Cuáũxũ nimáxchaũ, natürü duũxũgũxũ namuũ yerü guxũma ga duũxũgũ rû nagu narũxĩnũe rû aixcũma Tupanaãrũ orearũ uruũ nixĩ ga Cuáũ.

⁶ Natürü yexguma norü taunecũarũ ngunexũwa nanguxgu ga Erode rû wũxi ga peta naxũ. Rû yema petawa rû Erodíaxacũ rû íyayũparachigũxũ napẽxewa ga yema petatanũxũ. Rû nũma ga ãẽxgacũ ga Erode rû poraãcũ norü me nixĩ ga yema naxũxũ ga naxãcũrũcũ.

⁷ Rû yemacẽx ngĩmaã inaxuneta rû ñanagũrũ ngĩxũ: —¡Choxna naxcẽx naca i tacũ i cunaxwẽxexũ, rû aixcũma tá cuxna chanaxã! —ñanagũrũ.

⁸ Rû yexguma ga ngĩma rû ngĩxũtawa ixũ, rû ngĩena iyaca, rû ngĩgũrũgũ: —Pa Ma, ¿tacũ i cunaxwẽxexũ na naxcẽx íchaçaxũ? —ngĩgũrũgũ. Rû ngĩe ngĩxũ ingãxũ, rû ngĩgũrũgũ: —¡Naxcẽx ínaca i Cuáũ ya baiũxẽẽruũẽru! —ngĩgũrũgũ ga ngĩe. Rû yexguma ga yema pacũ rû ngĩgũrũgũ nüxũ ga Erode: —Chanaxwẽxe i wũxi ya poratugu choxna cunaxã i Cuáũ ya baiũxẽẽruũẽru —ngĩgũrũgũ.

⁹ Rû yexguma ga ãẽxgacũ ga Erode rû inayarũmaãchi namaã ga yema ore, natürü norü unetacẽx rû norü petatanũxũcẽx rû tama ngĩxũ nawomũxẽẽchaũ. Rû nanamu ga ñuxre ga norü churaragũ na ngĩxna naxãgũãxũcẽx ga yema naxcẽx ínaçaxũ.

¹⁰ Rû yemaãcũ poxcupataũwa nanamu na yema Cuáũxũ yanadae-naãxũcẽx.

¹¹ Rû yemawena wũxi ga poratugu ngĩxũtawa nanange ga Cuáũẽru, rû yema pacũna nayaxã. Rû ngĩma rû ñuxũchi ngĩena iyaxã.

¹² Rû yexguma ga Cuáũãrũ ngũexũgũ rû yema naxĩ, rû nayangegũ ga naxũne, rû inayatẽxgũ. Rû yemawena rû Ngechuchumaã nüxũ nayarũxugũe.

Ngechuchu rû nanachibũexẽẽ ga 5000 ga yatũgũ

(Mr 6.30-44; Lc 9.10-17; Cu 6.1-14)

¹³ Rû yexguma yemaxũ nacuãchigagu ga Ngechuchu, rû nüxĩcatama wũxi ga nguogu nixũe, rû ínaxũxũ ga yema. Rû wũxi ga nachica ga taxũema íxãpataxũwa naxũ. Natürü ga duũxũgũ rû nüxũ nacuẽxgũama ga ngextã na naxũxũ. Rû ínachoxũ ga norü ñãnegũwa, rû dauxchitagu nawe narũxĩ.

¹⁴ Rû yexguma nguewa ínaxũegu ga Ngechuchu rû nüxũ nadau ga yema muxũma ga duũxũgũ. Rû nüxũ nangechaũtũmũũgũ. Rû nanameẽxẽẽ ga yema duũxũgũ ga ídaaweexũ ga naxcẽx yema nagagũxũ.

¹⁵ Rû yexguma marũ nachũtachaũgu rû Ngechuchucẽx naxĩ ga norü ngũexũgũ, rû ñanagũrũgũ nüxũ: —Marũ nachũtachaũ, rû ñuxũchi taxũema nuxma taxãpata i nuã. Rû name nixĩ ícuyamugũ i ñãã duũxũgũ na ñãnexãcũgũ ya ngaicamana ngẽxmagũnewa naxĩxũcẽx, rû ngema norü õnatẽx yataxegũxũcẽx —ñanagũrũgũ.

¹⁶ Natürü ga Ngechuchu rû ñanagũrũ nüxũ: —Taxuacũma nawoegu. ¡Rû pematama penachibũexẽẽx! —ñanagũrũ.

¹⁷ Rû nümagũ nanangãxũgũ, rû ñanagũrũgũ: —Natürü nuã rû wũximẽẽxpũx i pãũ rû taxre i choxnixĩcatama toxũ nangẽxma —ñanagũrũgũ.

¹⁸ Rû Ngechuchu nanangãxũ rû ñanagũrũ: —¡Nuã chauxũtawa penana! —ñanagũrũ.

¹⁹ Rû yexguma ga Ngechuchu rû duũxũgũxũ namu na maxẽtẽxewa natogũxũcẽx. Rû ñuxũchi nanade ga yema wũximẽẽxpũx ga pãũ rû yema taxre ga choxnigũ. Rû daxũgu nadawenũãcũma Tupanana moxẽ naxã, rû ñuxũchi inanabũcu ga yema pãũgũ. Rû norü ngũexũgũna nanana, rû yema duũxũgũxũ nayanu.

20 Rū guxūma ga yema duūxūgū rū meāma nachibūe. Rū yemawena rū 12 ga pexchīgū nanapagūamatama namaā ga yema pāu rū choxnichipēxegū ga iyaxūgūxū.

21 Rū yema yēma chibūexū rū 5000 ga yatūgū nixī, natūrū ga ngexūgū rū buxūgū rū tama nayaxūgū.

Dexáétūgu nixū ga Ngechuchu

(Mr 6.45-52; Cu 6.16-21)

22 Rū yemawena ga Ngechuchu rū duūxūgūxū íyamugūyane rū wūxi ga nguegu nayachoūxēē ga norū ngúexūgū na yoxni naxtaxaarū tocutūwa naxīxūcēx.

23 Rū yexguma duūxūgūxū íyamugūguwena rū guma mèxpūnewa ínaxūāchi ga Ngechuchu na nūxīca yēma yayumūxēxēx. Rū yexma nūxīcatama nachūtaū.

24 Natūrū ga norū ngúexūgū rū naxtaxaarū ngāxūtūchiūgu nixāgū ga yexguma. Rū tacū ga buanecū yexma nūxū naxū, rū poraācū nayuape.

25 Rū yexguma marū yangunechaūgu rū norū ngúexūgūwe ínaxūāchi ga Ngechuchu. Rū dexāchiūétūgu nixū naxcēx ga norū ngúexūgū.

26 Rū yexguma norū ngúexūgū nūxū daugūgu ga dexāchiūétūgu na yaxūxū, rū poraācū nabēixāchiāēgū. Rū norū muūmaā aita naxūe, rū ñanagūrūgū: —Wūxi i naxchiximare nixī —ñanagūrūgū.

27 Natūrū ga Ngechuchu rū namaā nidexa rū ñanagūrū nūxū: —¡Peporaē! rū choma chixī. ¡Rū tāxū ipemuūxēxū! —ñanagūrū.

28 Rū yexguma ga Pedru rū Ngechuchumaā nidexa rū ñanagūrū: —Pa Corix, ega chí cuma quixīgu, ¡rū choxū namu na choma rū ta dexáétūgu chixūxūcēx rū cuxūtawa na chaxūxūcēx! —ñanagūrū.

29 Rū Ngechuchu ñanagūrū nūxū: —Ēcū ¡nuā naxū! —ñanagūrū. Rū yexguma ga Pedru rū ínaxūe ga nguēwa. Rū ínanaxūgū ga dexáétūgu na yaxūxū na Ngechuchuxūtawa naxūxūcēx.

30 Natūrū yexguma nūxū yacuēxāchigu ga na naporaxū ga buanecū rū namuū, rū ínanaxūgū ga na dexāchiūgu nanguxū. Rū aita naxū rū ñanagūrū: —Pa Corix, ¡choxū rūngūxēē! —ñanagūrū.

31 Rū yexgumatama ga Ngechuchu rū Pedrumēxēgu nayayauxāchi, rū ñanagūrū nūxū: —Cuma rū írarūwatama cuyaxō. ¿Rū tūxcūū tama aixcūma cuyaxōxōchi? —ñanagūrū.

32 Rū yexguma nguegu yachoūgu ga Ngechuchu rū Pedru, rū nangupetū ga guma buanecū.

33 Rū guxūma ga norū ngúexūgū ga nguēwa yexmagūxū rū Ngechuchupēxegu nacaxāpūxūgū rū nūxū nicuēxūūgū, rū ñanagūrūgū nūxū: —Aixcūmaxūchi cuma nixī i Tupana Nane quixū —ñanagūrūgū.

Yenecharétuanewa Ngechuchu nanameēxēē ga idaaweexū

(Mr 6.53-56)

34 Rū yexguma marū yanguūgu ga naxtaawa, rū Yenecharétuanewa nangūgū rū yēma ínachoū.

35 Rū yexguma yema duūxūgū ga yēmacūāx nūxū icuēxāchitanūgu ga Ngechuchu na yīxū ga guma, rū guxūma ga yema naānewa nanguchiga ga yēma na nayexmaxū ga Ngechuchu. Rū yemacēx naxūtawa nanagagū ga yema duūxūgū ga idaaweexū.

36 Rū Ngechuchuxū nacèxūgū na naxchirupechinūgumare yangōgūgūxūcèx. Rū guxūma ga yema naxchirupechinūgu ingōgūxū rū narūmeē.

15

Tacū nixī i Tupanapēxewa duūxūgūxū chixexēxū (Mr 7.1-23)

1 Rū Ngechuchucèx naxī ga ñuxre ga Parichéugū rū ngúexēēruūgū ga ore ga mugūwa nguxēētaegūxū ga Yerucharéūwa ne īxū. Rū Ngechuchuna nacagū, rū ñanagūrūgū:

2 —¿Tūxcūū i curū ngúexūgū rū tama nagu naxī i nuxcūmaūgūxū i tórū oxigūcūma? ¿Rū tūxcūū tama nayanguxēēgū i ngēma nacūma na Tupanacèx nayauxmēxgūxū naxūpa na nachibūexū? —ñanagūrūgū.

3 Natūrū ga Ngechuchu rū nūxna naca ga yema Parichéugū rū ngúexēēruūgū, rū ñanagūrū nūxū: —¿Rū tūxcūū i pema rū nūxū pexo i Tupanaārū mu na nagu pexīxūcèx i pecūmagūtama?

4 Erū Tupana rū norū orewa rū ñanagūrū:

“¡Tūxū nangechaū ya cunatū rū cue!”

ñanagūrū. Rū ngēma orewa rū ñanagūrū ta:

“Rū texé ya tūmanatūmaā rū ēxna tūmaēmaā guxchigaxe rū name nixī i noxtacūma ngēmacèx tūxū tayuxēē”, ñanagūrū.

5 Natūrū pema rū ñaperūgūgū:

“Marū name ega wūxi ya yatū nanatūxū rū naēxū ñaxgu: ‘Taxucūrūwa chorū ngēmaxūmaā cuxū charūngūxēē erū guxūma i chorū ngēmaxū rū marū Tupanana chanaxā’,” ñaxgu.

6 Rū ngēxguma texé ngēma ñagūgu rū pexcèx rū marū namexū na tama tūmanatūxū rū tūmaēxū tarūngūxēēxū. Rū ngēmaācū ipeyanaxoxēē i Tupanaārū mu na nagu pexīxūcèx i pecūmagūtama.

7 Pema nixī i duūxūgū i togūpēxewa rū meā pemaxēnetaxū, natūrū peāēwa rū chixexūgu perūxīnūē. Rū aixcūma nixī ga yema ore ga nuxcūmaūcū ga Tupanaārū orearū uruū ga Ichaxía pechiga ūmatūxū ga ñaxū:

8 “Ñāā duūxūgū rū naāxmaāmare choxū nicuèxūūgū. Natūrū naāēwa rū tama aixcūma chaugu narūxīnūē.

9 Rū taxuwama name na ngēmaācū natūcēxma choxū yacuèxūūgūxū. Rū guxūma i norū nguxēētae rū yatūgūarū mugūmare nixī rū tama aixcūma chorū mu nixī”, ñaxū.

10 Rū ñuxūchi ga Ngechuchu rū duūxūgūcèx naca, rū ñanagūrū nūxū: —¡Meā iperūxīnūē i ñāā chorū ore, rū nagu perūxīnūē!

11 Ngēma ōna i duūxūgū ngōxū rū tama ngēma nixī i napecaduāxēēgūxū. Natūrū ngēma ore i chixexū i nūxū yaxuxū, rū ngēma waxī nixī i napecaduāxēēgūxū —ñanagūrū.

12 Rū ñuxūchi ga norū ngúexūgū rū naxcèx naxī, rū ñanagūrūgū nūxū: —¿Pa Corix, tama ēxna nūxū cucuèx na Parichéugūāēwa nangūxū i ngēma ore i namaā nūxū quixuxū? —ñanagūrūgū.

13 Natūrū nūma ga Ngechuchu rū nanangaxū rū ñanagūrū nūxū: —Guxūma i ngema nanetū i tama Chaunatū itoxū rū tá nanabēx.

14 Rū nūetama i ngēma Parichéugū, erū namaārū cuèxruūgū i ngexetūxūrūū nixīgū. Rū ngēxguma wūxi i ngexetūxū rū naxrūū ngexetūxūmaā inacuèxgu

rü ngürüächi ngëma taxre rü wüxi i äxmaxügu tá nügümaã nayayicu – ñanagürü.

15 Rü ñuxüchi ga Pedru rü Ngechuchuna naca, rü ñanagürü: –¡Tomaã meã nangoxëë na ñuxü ñaxüchiga yïxü i ngëma ore i tomaã nüxü quixuxü! – ñanagürü.

16 Rü Ngechuchu nanangãxü rü ñanagürü: –¿Éxna pema rü ta tama nüxü pecuëxgüéga i ngëma ore?

17 ¿Tama éxna nüxü pecuëx rü guxüma i ngëma ðna i duüxügü ngõxü rü naänüwa naxü, rü yixcama rü ñuxüchi inaxüxü?

18 Natürü guxüma i ngëma ore i duüxügü nüxü ixuxü rü naäëwa nixi i ne naxüxü. Rü ngëma ore i chixexü waxi nixi i napecaduãxëëgüxü i ngëma duüxügü.

19 Erü naäëwa nixi i chixexügu naxiñüëxü i duüxügü. Rü ngëma ne naxü na namáëtaxü, rü to i ngexü i ätexümaã na inapexü, rü na nangëãëmarexü, rü na nangixü, rü na yadoratëxáxü, rü na naguxchigawëxëxü.

20 Rü guxüma i ngëma chixexü waxi nixi i duüxügüxü pecaduãxëëxü. Natürü ngëma na tama nayauxmëxgüxü naxüpa na nachibüëxü, rü ngëma rü tama nanapecaduãxëë i duüxügü –ñanagürü.

Wüxi ga ngecü ga to ga nachüãñecüãx ga Ngechuchuaxü yaxõxcüchiga (Mr 7.24-30)

21 Rü yëxguma yéma inaxüächigu ga Ngechuchu, rü Tiruane rü Chidãüãneärü ñanagürü naxü.

22 Rü Ngechuchuxütawa ingu ga wüxi ga ngecü ga Canácüãx ga Tiruanegu ächiücü. Rü tagaäcü ngigürügü nüxü: –Pa Cori Pa Dabitanüxüx, ¡cuxü changechaütümü! Erü chauxacü rü wüxi i ngoxo ngüwa nangëxma i poraäcü ngixü chixewëxü –ngigürügü.

23 Natürü ga Ngechuchu rü tama ngixü nangãxü. Rü düxwa ga norü ngüëxügü rü naxcëx naxi, rü Ngechuchuxü nacëëxügü, rü ñanagürügü: –Pa Corix ¡Ngümaã nüxü ixu i ngëma nge rü iyaxü, erü tawe iyacacëchigü! –ñanagürügü.

24 Rü yëxguma ga Ngechuchu rü ñanagürü: –Tupana núma choxü namu na Yudiügü i pecaduãxgüxüçëxicatama na chadauxüçëx –ñanagürü.

25 Natürü ngüma ga yema nge ga tama Yudiü ixücü rü Ngechuchucëx iyaxü. Rü napëxegu iyacaxápüxü, rü ngigürügü nüxü: –Pa Corix ¡choxü rüngüxëë! –ngigürügü.

26 Natürü Ngechuchu rü ñanagürü: –Tama name i taxacügüna tanapu i norü ðna na airügüna naxãxüçëx –ñanagürü. [Rü yema ñanagürü yerü nümagü ga Yudiügü rü nügü nixugüë na Tupanaxãcügüxüchi yügüxü rü yema togü rü ñoma airügürü na yixigüxü.]

27 Natürü ngüma ga yema nge rü ngigürügü: –Rü aixcüma nixi i curü ore, Pa Corix, natürü airügü rü ta norü yoraärü ðnatüchi i mechawa rüyixü nangõx –ngigürügü.

28 Rü yëxguma ga Ngechuchu rü ñanagürü ngixü: –Pa Ngecüx, aixcümaxüchi cuyaxõ. Marü tá chanaxü i ngëma cuma cunaxwëxëxü –ñanagürü. Rü yëxgumatama ngixcëx nitaane ga ngixäcü.

Ngechuchu rü nanameëxëë ga muxüma ga idaawëxü

29 Rü yemawena ga Ngechuchu rü inaxüächi ga yema naänëwa, rü naxtaxa ga Gariréacutüwa naxü. Rü ñuxüchi wüxi ga mëxpünewa inaxüächi, rü yéma nayarüto.

³⁰ Rū muxūma ga duūxūgū naxūtawa nangugū. Rū yéma naxūtawa nana-gagū ga duūxūgū ga ichixeparagūxū, rū ngexetūgūxū, rū tama idexagūxū, rū chixechacūgūxū, rū muxūma ga togū ga idaaweexū. Rū Ngechuchupēxegu nayamugū, rū nūma ga Ngechuchu rū nanameēxē.

³¹ Rū ga duūxūgū rū poraācū nabēixāchiāēgū ga yexguma nūxū nadaugūga ga űuxācū yema noxri tama idexagūxū rū marū na yadexagūxū, rū yema noxri chixechacūgūxū rū marū naxcēx na yataanegūxū, rū yema noxri chixeparagūxū rū marū na nameparagūxū, rū yema noxri ngexetūgūxū rū marū na yadauchigūxū. Rū yemacēx ga duūxūgū rū Tupanaxū nicuēxūgū.

Ngechuchu nanachibūexē ga 4000 ga yatūgū
(Mr 8.1-10)

³² Rū űuxūchi ga Ngechuchu rū norū ngūexūgūcēx naca, rū űanagūrū nūxū: —Choxū nangechaūtūmūtūgū i űaā duūxūgū, erū marū tomaēxpūx i ngunexū nuā chauxūtawa nangēxmagū, rū nūxū nataxuma i norū űna. Rū taxuacūma ngēmaācūmare nachiūwa chanamugū, erū ngūrūāchi namagu tá nayaturae —űanagūrū.

³³ Rū norū ngūexūgū rū űanagūrūgū nūxū: —űNatūrū ngextā tá tanayaxu i űna naxcēx i guxūma i űaā duūxūgū? Erū taxūema nuxma taxāpata i nuā —űanagūrūgū.

³⁴ Rū Ngechuchu nūxna naca, rū űanagūrū: —űNuxre i pāū pexū nangēxma i pemax? —űanagūrū. Rū nanangāxūgū, rū űanagūrūgū: —Toxū nangēxma i 7 i pāū rū noxretama i choxnixācūgūxicatama —űanagūrūgū.

³⁵ Rū űuxūchi ga Ngechuchu rū duūxūgūxū namu na űaxtūanewa natogūxūcēx.

³⁶ Rū nanade ga yema 7 ga pāū rū yema choxnigū. Rū Tupanana moxē naxā. Rū űuxūchi inanabūcu. Rū norū ngūexūgūna nanana na duūxūgūxū yanūāxūcēx.

³⁷ Rū guxūma ga duūxūgū rū meāma nachibūe. Rū yemawena rū 7 ga pexchigū nanapagūamatama namaā ga yema pāū rū choxnichipēxegū ga iyaxūgūxū.

³⁸ Rū yema yéma chibūexū rū 4,000 ga yatūgū nixī, natūrū ga ngexūgū rū buxūgū rū tama nayaxugū.

³⁹ Rū yemawena ga Ngechuchu rū duūxūgūxū űnimugū. Rū űuxūchi wūxi ga nguegu nixūe, rū Magadāarū naānewa naxū.

16

Parichēgū rū Chaduchēgū naxcēx űnacagū na nūxū nūxū nadauxēēgūxūcēx ga wūxi ga cuēxruū ga Tupanaārū poramaā naxūxū
(Mr 8.11-13; Lc 12.54-56)

¹ Rū ga Parichēgū rū Chaduchēgū rū Ngechuchuxū űnayadaugū. Rū Ngechuchuna nacagūe na nūxū nūxū nadauxēēgūxūcēx ga wūxi ga cuēxruū ga Tupanaārū poramaā naxūxū, yerū nūxū naxūgūchaūmare.

² Natūrū nūma ga Ngechuchu rū nanangāxū, rū űanagūrū nūxū: —Pema rū yáuanecū rū űaperūgūgū:

“Name tá nixī i moxūārū ngunexū, erū nadautūweane”, űaperūgūgū.

³ Rū ngēxguma pēxmama nadautūweanegu rū poraācū nacaixanegu, rū:

“Nachixe tá nixī i ngunexū” űaperūgūgū. Pema nixī i duūxūgū i togūpēxewa meā pemaxēnetaxū, natūrū chixexūgu perūxīnūe. Rū pema

nüxü pecuèx na penangugüxü i ñuxgu tá nameñexü rü ñuxgu tá nachix-eanexü. Natürü ñuxma na yanguxü i ngēma cuèxruüggü ga nuxcūma Tupana pemaã ixunetaxü rü tama nüxü pecuèxgüéga na tacüchiga yïixü –ñanagürü.

4 Rū ñanagürü ta ga Ngechuchu: –Ñaa duüxüggü i chixecūmagüxü rü tama yaxögüxü rü naxcèx ínacagü i wüxi i cuèxruü i Tupanaärü poramaã üxü. Natürü yema cuèxruü ga nuxcūmaücü ga Tupanaärü orearü uruü ga Yonáxü ngupetüxürüüxicatátama nadaugü. Rū yexgumarüü na bayenaänüwa na ínaxüxüxü, rü choma rü ichatáxüwa tá íchaxüxü. Rū taxuxütáma i to i cuèxruüxü nüxü chadauxëë i ñaa duüxüggü –ñanagürü. Rū ñuxüchi nüxna yéma nixü ga Ngechuchu, rü inaxüächi.

Parichéugüarü pãüärü puxëëruüchiga
(Mr 8.14-21)

5 Rū yexguma naxtaxaarü tocutüwa naxixgu ga norü ngúexüggü, rü nüxü inayarüngümaë na nawemü ta íyangegüxü.

6 Rū yexguma ga Ngechuchu rü ñanagürü nüxü: –¡Dücèx, pexuãëgü naxcèx i Parichéugü rü Chaduchéugüarü pãüärü puxëëruü! –ñanagürü.

7 Rū yema norü ngúexüggü rü inanaxüggü ga nügü na ñagüxü: –Ngēma ñanagürü tüxü, erü tama tawemüta ítingegü –ñanagürüggü.

8 Natürü ga Ngechuchu rü nüxü nacuèxama ga ñuxácü na yadexagüxü ga norü ngúexüggü. Rū yemacèx ñanagürü nüxü: –¿Tüxcüü,
“Tüxü nataxu i tawemü” ñaperüggü? Pema rü tama aixcūma peyaxögü.

9 –¿Tama ëxna nüxü pecuèxgüéga rü nüxna pecuèxächie ga yema wüximëëxpüx ga pãü ga yema 5,000 ga yatügücèx ichabücuxü? ¿Rü ñuxre ga pexchi penaxüácuxü namaã ga yema naxchipëxegü ga íyaxüggüxü?

10 –¿Rü tama ëxna nüxna pecuèxächie ga yema 7 ga pãü ga yema 4,000 ga yatügücèx ichabücuxü? ¿Rü ñuxre ga pexchi penaxüácuxü namaã ga yema naxchipëxegü ga íyaxüggüxü?

11 –¿Rü ñuxácü nixü i tama nüxü pecuáxü i tama pãüchiga na chidexaxü i ngëxguma ñachagu:

“¡Pexuãëgü naxcèx i Parichéugü rü Chaduchéugüarü pãüärü puxëëruü!” ñachagu? –ñanagürü ga Ngechuchu.

12 Rū yexguma ga norü ngúexüggü rü nüxü nacuèxgü ga tama pãüärü puxëëruüchiga na yadexaxü ga Ngechuchu, natürü Parichéugü rü Chaduchéugüarü nguxëëtaechiga na yïixü ga na yadexaxü.

Pedru nanangoxëë na Cristu na yïixü ga Ngechuchu
(Mr 8.27-30; Lc 9.18-21)

13 Rū yexguma Checharéa ga Piriplaneärü ngaicamana nanguxgu ga Ngechuchu, rü norü ngúexüggüna naca, rü ñanagürü: –¿Ñuxü ñaxü i duüxüggü i chauchiga na texé chüixü i chomax? –ñanagürü.

14 Rū nüma ga norü ngúexüggü rü nanangãxü rü ñanagürüggü: –Nangëxma i duüxüggü rü:

“Cuáü ya baiüxëëruü quixü” ñagüxü. Rü togü i:

“Eria quixü” ñagüxü. Rü togü i:

“Yeremiã quixü” ñagüxü. Rü togü rü:

“Wüxi ga nuxcūmaücü ga Tupanaärü orearü uruü quixü” ñagüxü –ñanagürüggü.

15 Rū yexguma ga Ngechuchu rü nüxna naca rü ñanagürü: –¿Rü pema i ñuxü ñapegüxü choxü na texé chüixü? –ñanagürü.

16 Rū Chimáú ga Pedru nanangãxũ, rü ñanagürü nüxũ: —Cuma nixĩ i Cristu ya Tupana ya maxũcü Nane quĩxũ —ñanagürü.

17 Rū Ngechuchu nanangãxũ rü ñanagürü nüxũ: —Cuma rü aixcũma cutaãe, Pa Chimáúx, Pa Yoná Nanex, erü taxuũma i duũxũ nixĩ i cuxũ nüxũ cuèxêêxũ i ngẽma, natürü Chaunatü ya daxũgucü nixĩ ya cuxũ nüxũ cuèxêêcü na Nane chiĩxũ.

18 —Rü choma cumaã nüxũ chixu rü cuma rü Pedru quixĩ. Rū ngẽma cuéga rü “nuta” ñaxũchiga nixĩ. Rū cuma tá nixĩ i chorü duũxũgüarü dauruü quĩxũ. Rū Chataná rü tãütãma nüxũ narüyexera i ngẽma chorü duũxũgü.

19 —Rü choma rü tá cuxna chanaxã i chorü ore na duũxũgümaã nüxũ quixuxũcèx na nüxũ nacuèxgũxũcèx na ñuxãcü daxũguxũ i naãnewa nangugũxũ i ngextã Tupana ãëxgacü ñixĩxũwa. Rū yixema tama cuxũ irüxĩnũèxè i ngẽma ore rü tãütãma ngema tichocu. Natürü yixema meã cuxũ irüxĩnũèxè i ngẽma ore rü aixcũma ngema Tupana ãëxgacü ñixĩxũwa tá tangugü —ñanagürü.

20 Rū yexguma ga Ngechuchu rü norü ngüexũgümaã nüxũ nixu, rü ñanagürü: —¡Taxúemaãtãma nüxũ pixu na choma rü Cristu chiĩxũ! —ñanagürü.

Ngechuchu nanaxunagü ga norü yuxchiga (Mr 8.31-9.1; Lc 9.22-27)

21 Rū yemawena inanaxügü ga norü ngüexũgümaã nüxũ na yaxuxũ ga facü tá nüxũ na üpetüxũ. Rū ñanagürü: —Choma rü Yerucharéüwa tá chaxũ, rü ngema poraãcü ngüxũ tá choxũ ningexêêgü. Rū choxũ tá nimèxgü i Yudiügarü ãëgacügüerugü rü paigüarü ãëxgacügü rü ngüexêêruügü i ore i mugüwa nguxêêtaegüxũ. Natürü tomaëxpüx i ngunexũ ngupetügu rü wena táxarü chamaxũ —ñanagürü.

22 Rū yexguma ga Pedru rü nüxĩca noxrüwama Ngechuchuxũ naga, rü inanaxügü ga na naxucuxêãxũ, rü ñanagürü: —Pa Corix, Tupana rü tama nanaxwexe na ngẽmaãcü quidexaxũ. Rū tãütãma ngẽmaãcü cuxũ nangupetü i cumax —ñanagürü.

23 Natürü ga Ngechuchu rü Pedrucèx nadaueguãchi, rü ñanagürü nüxũ: —¡Choxna ixũgachi, Pa Chatanáx, erü chixexũgu choxũ cunguxêêchaũ! Rū tama Tupana nagu rüxĩnũxũgü curüxĩnũ, rü yatügü nagu rüxĩnũxũgumare curüxĩnũ i cumax —ñanagürü.

24 Rū yexguma ga Ngechuchu rü norü ngüexũgüxũ ñanagürü: —Rü ngëxguma texé chowe rüxũxchaũgu, jècü nüxũ tarüxo i tũmaarü ngúchaũ, rü namaã tapora i ngẽma guxchaxũgü i tũmacèx ínguxũ i ñoma curuchawa tipotaxürüü tüxũ ixĩxêêxũ, rü ngẽmaetüwa chowe tarüxũãma!

25 Erü yixema tügü maxèchaxêêchaũxè rü tá tayu. Natürü yixema chauxcèx yúxe rü aixcũma tá tüxũ nangèxma i maxũ i taguma gúxũ.

26 Rū ¿Tacüwa i nüxũ namexũ ya wüxi ya yatü ega nayauãxgu i guxũma i ñoma i naãnearü ngẽmaxũgü, natürü iyanatauxêêagu i norü maxũ? Erü taxucürüwama wüxi ya yatü rü norü ñerümaã naxcèx nataxe i norü maxũ.

27 Erü choma i Tupana Nane na duũxũxũ chiĩxũ rü wena táxarü núma chaxũ. Rū ngëxguma rü Chaunatü ya Tupanarüü tá ãëxgacü chixĩ, rü daxũcüãx i orearü ngerüügümaã tá íchangu. Rū ngëxguma tá nixĩ i nüxũ chanaxũtanüxũ i wüxichigü i duũxũgü i ngẽma ñuxãcü chauxcèx na namaxèxürüüãcüma maxèxũ.

28 Rü aixcũma pemaã nüxũ chixu rü nangèxma i ñuxre i duũxũgü i núma ngëxmagüxũ rü tãütãma nayu ñuxmatãta choxũ nadaugü na yuwa ícharüdaxũ rü aixcũma ãëxgacü ya poracü na chiĩxũ —ñanagürü ga Ngechuchu.

17

*Ngechuchu rü toraxũãcü nangox
(Mr 9.2-13; Lc 9.28-36)*

¹ Rũ 6 ga ngunexũguwena rü Ngechuchu ínyagagũ ga Pedru rü Chaũtiágu rü Cuáu ga Chaũtiágueneẽ. Rũ nüxĩcatama wũxi ga mèxpúnewa noxrũwama namaã naxũ.

² Rũ yéma yema ngúexũgüpèxewa rü toraxũãcü nangox ga Ngechuchu. Rũ üèxcürũ nixĩ ga nachiwe ga na yayauracũxũ. Rũ naxchiru rü ta üèxcũemarũ nixĩ ga na nangóonexèẽãxũ.

³ Rũ ngürũãchi yéma naxcèx nangoxgũ ga Moĩché rü Ería. Rũ Ngechuchumaã yéma nidexagũ.

⁴ Rũ yexguma ga Pedru rü ñanagürü Ngechuchuxũ: —Pa Corix, name nixĩ nuã tangèxmagũ. Rũ ngèxguma cunaxwèxegu rü tá tanaxũ ya tomaèxpũx ya dùxenũ, rü wũxi ya cuxcèx, rü náí ya Moĩchécèx, rü náí ya Eríacèx —ñanagürü.

⁵ Rũ yexguma íyadexayane ga Pedru rü wũxi ga caixanexũ ga nangóonexèẽxũ rü nanatũgu nayangaixema. Rũ yema caixanexũwa inanaxũ ga wũxi ga naga ga ñaxũ: —Daa nixĩ ya Chaune ya nüxũ changechaũxũchicü rü namaã chataãèxũchicü. ¡Rũ naga pexĩnüè! —ñanagürü.

⁶ Rũ yexguma yemaxũ naxĩnüegu ga yema ngúexũgũ, rü ñaxtũanegu nanangũcuchiãchitanũ, yerũ poraãcü namuũè.

⁷ Natürü ga Ngechuchu rü naxcèx nixũ, rü nüxũ nayarüngögũ, rü ñanagürü nüxũ: —¡Tũxçũũ rü táxũ ipemuũèxũ! —ñanagürü.

⁸ Rũ yexguma wenaxärü nadaunagũtanũgu, rü Ngechuchuxũxĩcatama nadaugũ rü taxúema ga toguexũ nadaugũ.

⁹ Rũ yexguma ínaxĩgũgu ga guma mèxpúnewa, rü Ngechuchu nayaxucũxègũ ga taxúemaãma na nüxũ yaxugũexũcèx ga yema yéma nüxũ nadaugũxũ, ñuxmatáta yuwa ínadaxgu rü wena namaũxgu.

¹⁰ Rũ ñuxũchi ga yema ngúexũgũ rü Ngechuchuna nacagũ, rü ñanagürügũ: —¿Tũxçũũ i ngèma ngúexèèrũgũ i ore i mugũwa nguxèètaegũxũ rü ñanagürügũ:

“Ería tá nixĩ ya nüxĩra cuxũpa nuã ücü?” ñanagürügũ.

¹¹ Rũ Ngechuchu nanangãxũ, rü ñanagürü: —Aixcũma nixĩ i Ería na nüxĩra tá núma naxũxũ na chauxũpa Tupanacèx yamexèèãxũcèx i duũxũgũ.

¹² Natürü choma pemaã nüxũ chixu, rü Ería rü marũ núma naxũ, natürü duũxũgũ rü tama nüxũ nacuèxgũ na texe yĩxũ. Rũ yemacèx chixri namaã nachopetũ. Rũ ngèxgumarũũ tá ta nixĩ na chixri tá chomaã nachopetũxũ i duũxũgũ —ñanagürü.

¹³ Rũ yexguma ga yema ngúexũgũ rü nüxũ nicuèxãchitanũ ga Cuáu ga baiũxèèrũchiga na yĩxũ ga yema Ngechuchu namaã nüxũ ixuxũ.

*Ngechuchu rü nanamexèè ga wũxi ga bucü ga ngoxo nawa yexmacü
(Mr 9.14-29; Lc 9.37-43)*

¹⁴ Rũ yexguma duũxũgũ íyexmaxũwa nangugũgu, rü wũxi ga yatü Ngechuchucèx nixũ. Rũ napèxegu nayacaxãpũxũ rü ñanagürü nüxũ:

¹⁵ —Pa Corix, ¡nüxũ nangechaũ ya chaune rü naxcèx yataanexèè! Erü muèxpũxcũna rü naxãũãèxũ, rü poraãcü nüxũ nangux. Rũ muèxpũxcũna rü üxũxetũgu nayanguxèè, rü èxna dexágu.

¹⁶ —Rũ nuã curü ngúexũgũxũtawa chanaga, natürü nümagũ rü tama nüxũ nacuèxgũ na namexèègũãxũ —ñanagürü.

17 Rū yexguma Ngechuchu nanangāxū, rū ñanagürü nüxū ga yema duūxūgū ga yéma yexmagūxū: —Pa Duūxūgū i Tama Yaxōgūxū i Chixri Maxēxūx, çñuxguratáta i pemaā chanuxmaxū rū yaxna pemaā chaxīnūxū? ¡Nuā penaga ya yima bucū! —ñanagürü.

18 Rū Ngechuchu nananga ga yema ngoxo ga guma bucūwa yexmaxū. Rū yemaācū ínanatēxūchi ga yema ngoxo. Rū yexgumatama naxcēx nitaane ga guma bucū.

19 Rū yemawena ga norū ngúexūgū rū noxrūwama Ngechuchumaā nidexagū. Rū nüxna nacagūe, rū ñanagürügū nüxū: —Pa Corix, çtūxcū i toma rū taxuacūma ínanatēxūchi i ngēma ngoxo? —ñanagürügū.

20 Rū Ngechuchu nanangāxū, rū ñanagürü nüxū: —Pema rū taxuacūma ípenatēxūchi erū tama aixcūma peyaxōgū. Rū aixcūma pemaā nüxū chixu, rū ngēxguma chi woo wūxi ya motachachirerūxū naxiraxūchigu i perū ō, rū chi daa mēxpúnemaā nüxū pixuxgu na yaxūgachixūcēx, rū chi pega naxīnū. Rū taxuxū chima pexū naguxcha ega aixcūma peyaxōgūgū.

21 —Natürü ñaarū i ngoxo rū tama ímaxūxū ega tama íxaureācūma iyumūxēgu —ñanagürü.

*Ngechuchu rū wenaxārū nanaxunagū ga norū yuxchiga
(Mr 9.30-32; Lc 9.43-45)*

22 Rū yexguma norū ngúexūgūmaā Gariréaarū naānegu yaxūxgu ga Ngechuchu, rū norū ngúexūgūmaā nüxū nixu, rū ñanagürü: —Choma ya Tupana Nane na duūxūxū chiīxū, rū chixri tá chomaā nachopetū rū āēxgacūgūna tá choxū namugū i duūxūgū.

23 —Rū tá choxū nimēxgū, natürü tomaēxpūx i ngunexūguwena rū wena táxarū chamaxū —ñanagürü. Rū yexguma yema orexū naxīnūēgu ga norū ngúexūgū, rū poraācū nangechaūgū.

*Ngechuchu ngīxū naxūtanū ga yema dīeru ga tupauca ga taxūnecēx ngīxū
nayauxgūcū*

24 Ngechuchu rū norū ngúexūgūmaā Capernáuarū íānewa naxī. Rū yexguma yéma nangugūgu rū Pedruxū ínayadaugū ga yema yatūgū ga tupauca ga taxūnecēx dīeru ngīxū yauxgūxū. Rū Pedruna nacagūe rū ñanagürügū: —ÇYima curū Cori rū tama ēxna ngīxū naxūtanū i ngēma dīeru i tupauca ya taxūneārū ixīcū? —ñanagürügū.

25 Rū Pedru nanangāxū, rū ñanagürü: —Ngēmaācū nanaxūtanū —ñanagürü. Rū yixcama ga yexguma íxgu naxūcuxgu ga Pedru, rū Ngechuchuxira Pedru-maā nidexa, rū ñanagürü nüxū: —ÇÑuxū ñacuxū i cumax, Pa Pedrux, rū ngextá nixī i nayauxgūāxū i norū dīeru i guxū i nachiūāneārū āēxgacūgū? ÇCuxcēx i nūgūtanūwatama rū ēxna togū i duūxūgūtanūwa? —ñanagürü.

26 Rū Pedru nanangāxū, rū ñanagürü: —Maneca togū i duūxūgūtanūwa nixī i nayauxgūāxū —ñanagürü. Rū ñuxūchi Ngechuchu nanangāxū rū ñanagürü: —Rū ngēxguma ngēmaācū yixīgu, rū yixema na Tupanaārū ixīgūxū rū tax-cēxma tanaxūtanūgū.

27 —Natürü ngēma na taxūema tamaā nuxūcēx, rū chanaxwēxe i cuyaxūtanū i ngēma dīeru. ¡Rū yéa naxtaawa naxū, rū ngema yapoxwaxe! ¡Rū ngēma nüxīraūxū i choxni i cunapoxwaūxū rū naāxwa tá nüxū icuyangau i wūxi i dīeru i nagu mexū na yangutanūxēēxūcēx i chauxcēx rū cuxcēx rū ta! ¡Rū tupauca ya taxūnewa nange i ngēma dīeru, rū yaxūtanū! —ñanagürü.

18

¿Texé tá tixí ya guxããrũ yexera ixĩxê?
(Mr 9.33-37; Lc 9.46-48)

¹ Rũ yexguma ga norũ ngúexũgũ rũ Ngechuchucèx naxĩ rũ nũxna nacagũ, rũ ñanagũrũgũ: —¿Pa Corix, texé tá tixí ya guxũãrũ yexera ixĩxê i ngẽma Tupana ãẽxgacũ íxĩxũwa? —ñanagũrũgũ.

² Rũ yexguma ga Ngechuchu rũ wũxi ga buxũcèx naca, rũ norũ ngúexũgũarũ ngãxũtanũgu nanachixẽẽ.

³ Rũ ñũxũchi ñanagũrũ nũxũ: —Dũcèx, Pa Chorũ Ngúexũgũx, aixcũma pemaã nũxũ chixu, rũ ngẽxguma tama nũxũ perũxoegu i ngẽma na togũarũ yexera pegũ pixĩgũxẽẽchaũxũ rũ ñũxũchi tama ñaã buxũrũũ pegũ íperũxĩragu, rũ taxucũrũwa pichocu i ngextã Tupana ãẽxgacũ íxĩxũwa.

⁴ —Rũ aixcũma yĩxema tũgũ írũxĩraxe rũ ñaã buxũrũũ ixĩxê, rũ yĩxema tá tixí ya guxũãrũ yexera ixĩxê i ngextã Tupana ãẽxgacũ íxĩxũwa.

⁵ —Rũ texé ya chauẽgagu meã nayaxũxe i wũxi i buxũ i ñaãrũũ ixĩxũ rũ choxũ nixĩ i tayaxuxũ.

Naxãũcũma nixĩ na pecadugu inguxũ
(Mr 9.42-48; Lc 17.1-2)

⁶ —Rũ texé ya pecadugu nanguxẽẽxê i wũxi i ñaã buxũgũ i choxũ yaxõgũxũ rũ tũmacèx rũ narũmemaẽ chi nixĩ na noxtacũma wũxi ya nuta tũmanaãwa nayangacuchixũ, rũ ñũxũchi ngẽmaãcũ taxtũchiũwa tũxũ nayarũtãexũ na ngẽxma tayuxũcèx.

⁷ —Ñoma i naãnecũãx i duũxũgũcèx rũ wũxi i taxũ i ngechaũ nixĩ na nangẽxmaxũ i muxũchixũ i ñacũ i pecadugu nayixẽẽxũ. Rũ guxũguma tá nangẽxma i ngẽma chixexũgũ, natũrũ wũxi i ngechaũxũchi tá nixĩ naxcèx i ngẽma yatũ i togũxũ pecadugu nguxẽẽxũ.

⁸ —Rũ ngẽmacèx i ngẽxguma chi cuxmẽx rũ ẽxna cucutũ pecadugu cuxũ nguxẽẽgu, rũ name nixĩ i noxtacũma ícunadae rũ yaxũgu cunaña. Erũ narũmemaẽ nixĩ i cuboxmẽxãcũma rũ ẽxna cubocutũãcũma na cunayaxuxũ i curũ maxũ na tama guxũne ya cuxmẽxmaã rũ ẽxna guxũne ya cucutũmaã ùxũ ya taguma ixoxũnewa quitèxcuchixũcèx.

⁹ —Rũ ngẽxguma chi cuxetũ pecadugu cuxũ nguxẽẽgu, rũ name nixĩ i ícunacaxũchi, rũ yaxũgu cunaña. Erũ narũmemaẽ nixĩ i wũxixetũmaã na cunayaxuxũ i curũ maxũ na tama guxũne ya cuxetũmaã ùxũ ya ngoxogũ nagu poxcuenewa na quitèxcuchixũcèx. [Rũ ngẽmaãcũ woo cuxũ naguxchagu, natũrũ name nixĩ i nũxna quixũgachi i guxũma i ngẽma chixexũgũ i nagu cunchaũxũ.]

Ore ga carneru ga iyarũtaxuxũgu ixuxũ
(Lc 15.3-7)

¹⁰ —Rũ tama name i nũxũ pexoox i wũxi i buxũ i ñaãrũũ choxũ yaxõxũ. Erũ ngẽma norũ dauruũgũ i orearũ ngeruũgũ i daxũcũãx rũ guxũguma Chaunatu ya daxũgucũpẽxewa nangẽxmagũ na ngẽma ngẽma buxũtũtuwa nachogũxũcèx.

¹¹ —Rũ choma i Tupana Nane na duũxũxũ chiĩxũ rũ núma chaxũ na chanamaxẽẽxũcèx i duũxũgũ iyarũtauxexũ.

¹² —¿Rũ ñũxũ ñapegũxũ i pema ega wũxi ya yatũ rũ nũxũ nangẽxmagu i 100 i carnerugũ rũ wũxi nũxũ iyarũtauxgu? ¿Taux ẽxna i nachitaũgu namugũãxũ i ngẽma 99, rũ ñũxũchi naxcèx yadauxũ i ngẽma nũxũ iyarũtaxuxũ?

13 —Rü ngëxguma nüxü iyangauxgu, rü namaã nataãëxüchi i ngëma norü carneru. Rü woo guxüguma namaã nataãë i ngëma 99 i tama iyarütauxexü, natürü yexeraäcuxüchi namaã nataãë i ngëma wüxi i iyarütaxuxü, erü marü nüxü inayangau.

14 —Rü ngëxgumarüü ta nixi ya Penatü ya daxüguü na tama nanaxwëxexü na wüxi i ñaã buxü na iyarütaxuxü.

Ñuxäcü tamücüxü na ingechaüxüchiga
(Lc 17.3)

15 —Rü ngëxguma cueneë chixexü cumaã üxgu, rü name nixi i nüxicatama namaã quidexa, rü nüxna nüxü cucuëxächixëë i ngëma norü chixexü i cumaã naxüxü. Rü ngëxguma cuga naxinügu, rü marü wenaxarü mexüçèc cunataeguxëë i ngëma cueneë.

16 —Natürü ngëxguma tama cuga naxinügu i ngëma cueneë, rü name nixi i naxcèc cuca i wüxi rü ëxna taxre i duüxügu na nümagü rü ta namaã yadexagüxüçèc i ngëma cueneë.

17 —Rü ngëxguma rü ta tama nüxü inaxinügu i ngëma taxre i duüxügüarü ore, rü name nixi i guxü i yaxögüxümaã nüxü quixu na ngëma cueneëmaã yadexagüxüçèc. Rü ngëxguma rü ta tama nüxü inaxinügu i ngëma yaxögüxüärü ore, rü name nixi i wüxi i duüxü i tama yaxöxürüügu namaã curüxinü.

18 —Rü aixcüma pemaã nüxü chixu rü yixema núma ñoma i nañewa tama pexü irüxinüxë i chorü ore rü täütama Tupana äëxgacü íixüüwa tichocu. Natürü yixema meã pexü irüxinüxë i ngëma ore rü aixcüma ngëma tá tangu.

19 —Rü pemaã nüxü chixu rü ngëxguma chi taxre i pema i núma ñoma i nañewa rü wüxigu íacüçèc ípecaxgu i Chaunatü ya daxüguüxütawa, rü nüma ya Chaunatü rü tá pexna nanaxã.

20 —Erü ngëma ngextá taxre rü ëxna tomaëxpüx i duüxügu chauégagu íngutaquëxexüwa, rü choma rü ta norü ngäxütanüwa changëxma —ñanagürü.

21 Rü yexguma ga Pedru rü Ngechuchucèc nixü, rü nüxna naca, rü ñanagürü: —¿Pa Corix, ngëxguma chaueneë chixexü chomaã üxgu, rü ñuxreëxpüxcüna i namexü na nüxü nüxü changechaüxü naxcèc i ngëma chixexü i chomaã naxüxü? ¿Rü marü namexü i cuçcèc ega 7 ëxpüxcüna yixügu na nüxü nüxü changechaüxü? —ñanagürü.

22 Rü Ngechuchu nanangäxü rü ñanagürü: —Tama name i 7 ëxpüxcünaxicatama nüxü nüxü cungechaü. Natürü guxügutama nixi i nüxü nüxü na cungechaüxü woo 70 ëxpüxcüna i 7 wa nangu —ñanagürü.

Ore ga äëxgacüarü duüxü ga tama namücüaxü nüxü ngechaüxü ga norü ngetanügu ixuxü

23 Rü Ngechuchu rü ñanagürü: —Rü ngëma Tupana na äëxgacü íxixü, rü ñoma wüxi ga nachüüäneärü äëxgacü ga norü duüxügu ga nüxü nange-tanügüxümaã namexëëchaüxürüü nixi.

24 —Rü yexguma inaxügüägu ga meã nüxü na yadaugüxü ga yema nüxü nangetanügüxüpane, rü naxütawa nanagagü ga wüxi ga norü duüxü ga taxüchicü ga dïeru nüxü ngixü ngetanüxü.

25 —Natürü ga yema norü duüxü rü nangearü dïeruäx, rü taxuacüma norü cori ga äëxgacüaxü nanaxütanüega. Rü yemacèc ga yema äëxgacü rü norü churaragüxü namu na to ga corixü namaã nataxegüxüçèc ga yema yatü, wüxigu tümamaã ga naxmèc rü naxäcügü rü norü yemaxügü, na yema natanü ga dïerumaã naxütanüäxüçèc ga norü ngetanü.

26 —Rü yexguma ga yema norü duñxü rü norü ãëxgacüpëxegu nacaxãpüxü, rü nüxü nacëèxü, rü ñanagürü:

“Pa Corix jchoxü nangechaü! Rü marü tá chapuracü, rü tá cuxü chanaxütanü i guxüma”, ñanagürü.

27 —Rü yema norü ãëxgacüaxü nangechaütümüü, rü yemacëx namaã nüxü nixu ga marü tama nüxü na naxütanüãxücëx ga yema norü ngetanü. Rü ñuxüchi ñananguxchixëë.

28 —Natürü yexgumatama yéma ãëxgacüxütawa ñaxüüxgu ga yema yatü, rü nüxü inayangau ga wüxi ga namücü ga írarüwatama nüxü nangetanüxü. Rü yema yatü rü nüxna natüxüe, rü nananuxnaxã, rü ñanagürü nüxü:

“jChoxü ngïxü naxütanü i ngëma díëru i ngïxü cungetanücü!” ñanagürü.

29 —Rü yexguma ga yema namücü rü yema yatüpëxegu nacaxãpüxü, rü nüxü nacëèxü, rü ñanagürü:

“Pa Chomücüx, jchoxü nangechaü! Rü marü tá chapuracü, rü tá cuxü chanaxütanü i guxüma”, ñanagürü.

30 —Natürü ga yema yatü rü tama nüxü nacuáxchaü ga yema ore. Rü poxcupataügu tüxü napoxcuama ñuxmata nüxü tanaxütanü ga yema tümaärü ngetanü.

31 —Rü yexguma togü ga yema ãëxgacüarü duñxügü nüxü daugügu ga yema ngupetüxü, rü poraãcü naãëwa nangux ga yema naxüxü ga yema yatü. Rü norü corixütawa naxï rü nüxü nayarüxugüe ga guxüma ga yema ngupetüxü.

32 —Rü yexguma ga yema ãëxgacü rü nanamu ga norü churaragü na naxütawa nagagüãxücëx ga yema yatü. Rü yexguma naxütawa nanguxgu, rü ñanagürü nüxü:

“Wüxi i chixexü i chorü duñxü quixï. Choma rü cuxü nüxü changechaü ga yema choxü cungetanüxü, erü choxü cucëèxü na tama cuxü chapoxcuxücëx.

33 —Rü cuma rü chita nüxü nüxü cungechaü i ngëma cumücü i cuxü nangetanüxü, yexgumarüü ga choma rü cuxü nüxü na changechaüxürüü ga yema choxü cungetanüxü”, ñanagürü nüxü.

34 —Rü poraãcü nanuxüchi ga yema ãëxgacü. Rü norü churaragüxü namu na napoxcugüãxücëx ga yema yatü ñuxmata guxü nüxü naxütanü ga yema nüxü nangetanüxü —ñanagürü ga Ngechuchu.

35 Rü ñuxüchi ñanagürü ta: —Rü ngëxgumarüü tá pemaã nanaxü ya Chau-natü ya daxügücü i ngëxguma tama wüxichigü aixcüma peenexëgüaxü nüxü perüngümaegu i ngema chixexü i pemaã naxüxü —ñanagürü.

19

Parichëgü rü Ngechuchuna nacagüe i táxmëxchiga (Mr 10.1-12; Lc 16.18)

1 Rü yema ñaxguwena ga Ngechuchu rü ñaxüüchi ga Garirëaarü naãnewa. Rü natü ga Yudaüärü tocutüwa naxü ga Yudeaarü naãnewa.

2 Rü muxüma ga duñxügü nawe narüxï, rü nüma ga Ngechuchu rü yéma nanameëxëë ga yema idaaweexü.

3 Rü Ngechuchucëx naxï ga ñuxre ga Parichëgü, rü nüxna nacagü rü ñanagürügü: —jCuxcëx namexü i wüxi i yatü na ñatáxmëxmarexü ega facü rü chixexü taxüxgu ya naxmëx? —ñanagürügü. Rü yemaãcü nüxna nacagü yerü Ngechuchuxü chixexügu nanguxëëgüchaü.

4 Rü Ngechuchu nanangãxü rü ñanagürü: —jTaguma ëxna nawa pengüe i ngëma Tupanaärü ore i ümatüxü i nüxü ixuxü ga noxri Tupana naxüxgu ga duñxügü, rü yatüxü rü ngecüxü na naxüxü?

5 —Rü ñanagürü ga Tupana:

“Rü ngëmacëx ya yatü rü tá nanatü rü naëna nixügachi na namëxmaã inaxãüxcëx. Rü ngëmaäcü i ngëma taxre rü ñoma wüxitama i duüxürüü tá nixïgü”.

6 —Rü ñuxüchi tama taxre nixï, rü wüxitama nixï. Rü ngëmacëx taxucürüwa texé nügüna tayaxïgachitanüxëë i ngëma taxre i Tupana nügüna mugüxü —ñanagürü.

7 Rü yexguma Ngechuchuna nacagü rü ñanagürügü: —¿Tüxcüü nixï ga Moiché ga duüxügümaã nüxü yaxuxü rü ngëxguma texé tümamëxü itáxchaügu rü name nixï i wüxi i popera i tëxgüpane ngïxna taxã, rü ñuxüchi ngïxü itatëx? ñaxü —ñanagürügü.

8 Rü Ngechuchu nanangãxü, rü ñanagürü nüxü: —Pegagu nixï ga Moiché ga tama pexna nachüãxü na pexmëxü ípetáxü. Yerü nüma nüxü nacuëx na tama aixcüma peyaxögüxü. Natürü noxriarü ügügu rü tama yemaäcü nixï.

9 —Rü choma pemaã nüxü chixu rü tama name na texé tümamëxü itáxü ega tama naï ya yatümaã nangëãëxügagu yixïgu. Rü ngëxguma chi yima yatü rü ñuxüchi naï i ngemaã naxãxmëxgu, rü chixexü naxü, rü ñoma naï i ngemaãmare nangëãëxürüü nixï. Rü texé ya ngïmaã amaxë i ngëma nge i ngïte ngïxü ítëxcü, rü ñoma naï i ngemaãmare itapexürüü tixï —ñanagürü ga Ngechuchu.

10 Rü ñuxüchi ga norü ngüexügü rü ñanagürügü nüxü: —Ega ngëmaäcü yixïgu rü name nixï i noxtacüma tama naxãmëx ya yatü rü tama ixãte i nge —ñanagürügü.

11 Rü Ngechuchu norü ngüexügüxü nangãxü rü ñanagürü: —Taxucürüwa guxüma i duüxügü nüxü nacuëx i tacüchiga na yiixü i ngëma nguxëëtae. Natürü yixema Tupana tüxü nüxü cuëxëxëxïcatama tixï ya nüxü cuëxgüxe.

12 —Rü nangëxma i nagüxüraüxü i guxchaxü na tama naxãmëxüxcëx ya yatü. Erü nümaxü i yatü rü woetama taxucürüwa naxãmëx erü norü bucüma nangepüxüchare. Rü nümaxü i yatü rü taxucürüwa naxãmëx erü nayauxpüxücharee. Rü togü tama naxãmëx erü Tupanaãrü ngüchaüxïcatama naxügüchaü. Rü texé ya ngëmaäcü maxchaüxë rü marü name i ngëmaäcü tamaxü —ñanagürü ga Ngechuchu.

*Ngechuchu rü buxügüxü nameãxë
(Mr 10.13-16; Lc 18.15-17)*

13 Rü duüxügü rü Ngechuchuxütawa nanagagü ga ñuxre ga buxügü na Ngechuchu nüxü ingögüxüxcëx rü namaã nayumüxëxüxcëx. Natürü ga Ngechuchuarü ngüexügü rü inanaxügüe ga na yangagüãxü ga yema duüxügü ga Ngechuchuxütawa buxügüxü gagüxü.

14 Natürü ga Ngechuchu rü ñanagürü nüxü ga norü ngüexügü: —Marü name i chauxütawa naxï i buxügü. ¡Rü täxü i nüxna penachuxuxü! Erü Tupana äëxgacü íixïxüwa rü tümacëx nixï ya yixema ñaã buxügürüü meã yaxögüxe —ñanagürü.

15 Rü ñuxüchi ga Ngechuchu rü yema buxügüétü naxümëx. Rü yemawena inaxüächi ga yéma.

*Wüxi ga ngextüxcüü ga dïëruãxüchicü Ngechuchumaã nidexa
(Mr 10.17-31; Lc 18.18-30)*

16 Rü wüxi ga ngextüxcüü rü Ngechuchuxütawa nangu, rü nüxna naca, rü ñanagürü: —Pa Ngüexëëruü ya Mecüx, ¿tacü tá chaxüxü na chanayaxuxüxcëx i maxü i taguma güxü? —ñanagürü.

17 Rū Ngechuchu nanangāxū rū ñanagürü nüxū: —¿Tūxcūū “Mecū” ñacurügü choxū? Erū Tupanaxīcatama nixī ya mecū ixīcū, rū nataxuma i to. Natürü ngēxguma cunayauxchaūgu i maxū i taguma gūxū, rū ñnaga naxīnū i Tupanaārū mugū! —ñanagürü.

18 Rū yexguma ga guma ngextūxūcū rū ñanagürü: —¿Ngēxūrūxū tā nixī i Tupanaārū mugū i naga chaxīnūxū? —ñanagürü. Rū Ngechuchu nanangāxū rū ñanagürü nüxū: —¡Tāūtāma cumáeta, rū tāūtāma naī i ngemaā icupe, rū tāūtāma cungītèex, rū tāūtāma doraxū quixu i togūchiga!

19 —¡Rū tūmaga naxīnū ya cunatū rū cue, rū nüxū nangechaū i cumūcūgū ngēma na cugū cungechaūxūrūū! —ñanagürü.

20 Rū yexguma ga guma ngextūxūcū rū ñanagürü: —Guxūma i ngēma mugū i nüxū quixuxū rū woetama chorū bucūma meā chayanguxēē. ¿Rū ſacū rū to tá chaxū na choxū nangēmaxūcēx i maxū i taguma gūxū? —ñanagürü.

21 Rū Ngechuchu nanangāxū rū ñanagürü nüxū: —Ega aixcūma Tupanapēxewa mecū quixīxchaūgu, rū name nixī i namaā cutaxe i guxūma i curū ngēmaxūgū rū togū i ngearū ngēmaxūāxgūxūna cunaxā i ngēma curū natanū. Rū ngēxguma tá cuxū nangēxma i cuchica i daxūguxū i naānewa. Rū ñūxūchi marū name i chowe curūxū —ñanagürü.

22 Natürü yexguma yemaxū naxīnūgu ga guma ngextūxūcū rū poraācū nangechaū, yerū namuārū dīeruāxūchi.

23 Rū yexguma ga Ngechuchu rū norū ngúexūgūxū ñanagürü: —Aixcūma pemaā nüxū chixu rū naguxchaxūchi nixī na wūxi i duūxū i dīeruāxūchixū rū Tupana āēxgacū íixīxūwa na nanguxū.

24 —Rū aixcūma pemaā nüxū chixu rū ñoma wūxi i cameyu na taxucūrūwama wūxi ya ucumaxētūwa naxūpetūxūārū yexera narūguxchamaē naxcēx i wūxi i duūxū i dīeruāxūchixū na yaxūcuxū i ngextá Tupana āēxgacū íixīxūwa —ñanagürü.

25 Rū yexguma yemaxū naxīnūēgu ga norū ngúexūgū rū poraācū nabēixāchiāēgū. Rū nūgūna nacagūe rū ñanagürügū: —¿Rū texē tá ēxna tixī ya nayaxūxe i maxū i taguma gūxū? —ñanagürügū.

26 Rū Ngechuchu nüxū nadawenū rū ñanagürü nüxū: —Duūxūgū rū taxucūma nūgū namaxēē, natürü Tupanaāxū rū natauxcha na namaxēxēēāxū —ñanagürü.

27 Rū yexguma ga Pedru rū ñanagürü nüxū: —Pa Corix, toma rū marū ítanawogū ga guxūma ga torū yemaxūgū na cuwe tarūxīxūcēx. ¿Rū ſacū tā nixī i torū natanū i ñūxmax? —ñanagürü.

28 Rū Ngechuchu nanangāxū rū ñanagürü nüxū: —Aixcūma pemaā nüxū chixu rū ngēma ngunexū i Tupana nagu nangexwacaxūxēēxū i guxūma, rū choma rū āēxgacū ya tacū tá chixī. Rū chorū tochica i mexēchixūwa tá charūto. Rū pema i 12 i chorū ngúexūgū na chowe perūxīxū rū pema rū tá ta pexū nangēxma i perū tochicaxū i mexēchixū i chauxūtawa. Rū ngēma tá perūtogū na norū maxūchigacēx nüxū picagūxū i guxūma i Yudiūgū.

29 Rū guxāma ya yixema tūmapata chauxcēx ítáxe, rū ēxna tūmaēneēgū rū tūmaēyēxgūxū chauxcēx ítáxe, rū ēxna tūmanatū rū tūmaēxū chauxcēx ítáxe, rū ēxna tūmamēx rū tūmaxācūgūxū rū tūmaārū naāne chauxcēx ítáxe, rū 100 ēxpūxcūna i ngēma noxri tūxū ngēxmaxūārū yexera tá tayaxu. Rū naetū tá tanayaxu i maxū i taguma gūxū.

30 —Natürü muxūma i nūmaxū i ñoma i naānewa duūxūgū wixpēxewa ūgūxēēxū, rū daxūguxū i naānewa rū Tupana tá wixweama nanaxūgūxēē.

Rü muxüma i nümaxü i ñoma i nañewa duüxügü wixweama ügüxëëxü, rü daxügüxü i nañewa rü Tupana tá wixpëxewa nanaxügüxëë.

20

Ore ga puracütanüxügu ixuxü

1 —Rü ngëma Tupana äëxgacü ííxüüwa rü ñoma wüxi ga ubanecüarü yora ga pëxmama norü puracütanüxü ta yadaucürüü nixí.

2 Rü yema puracütanüxümaã nanamexëë na wüxitchinü ga dïëru nüxü na naxütanüãxüçëx ga wüxichigü ga ngunexügu. Rü ñüxüchi nañewa nanamugü na yéma yapuracüexüçëx.

3 —Rü yixcama ga 9 arü oragu rü ínayadau ga ngextá yatügü ga puracüçëx daugüxü íngutaquëxëgüxüüwa. Rü yexma nüxü nayangau ga ñuxre ga yatügü ga ngearü puracüãxgüxü.

4 —Rü ñanagürü nüxü:

“¡Ngema chorü ubanecüwa peyapuracüe! Rü meã tá pexü chanaxütanü”, ñanagürü. Rü nümagü rü yéma naxí.

5 —Rü yema ubanecüarü yora rü tocuchigu rü wenaxärü togü ga puracütanüxü ta nayadau. Rü tomaëxpüxarü oragu ga yáuanecü rü wenaxärü yëxgumarüü ta nayadau.

6 —Rü yixcama ga wüximëëxpüxarü oragu ga yáuanecü rü wenaxärü ínayadau ga ngextá yatügü ga puracüçëx daugüxü íngutaquëxëgüxüüwa. Rü yexma nüxü nayangau ga ñuxre ga togü ga yatügü ga ngearü puracüãxgüxü. Rü ñanagürü nüxü:

“¿Tüxcüü i pema rü nuxã perüchomare i guxü i ñoma i ngunexügu, rü tama pepuracüe?” ñanagürü.

7 —Rü nümagü nanangãxügü, rü ñanagürügü nüxü:

“Tama tapuracüe erü taxüema toxçëx tadau na tüxü tapuracüexüçëx”, ñanagürügü. Rü yëxguma ga yema nañeärü yora rü ñanagürü nüxü:

“¡Pema rü ta ngema chorü ubanecüwa pexí rü peyapuracüe! Rü meã tá pexü chanaxütanü”, ñanagürü.

8 —Rü yëxguma marü nachütagu rü yema nañeärü yora, rü naxçëx naca ga norü puracütanüxüärü dauruü, rü ñanagürü nüxü:

“¡Naxçëx naca i ngëma puracütanüxü. Rü nüxíra nüxü naxütanü i ngëma wixwenaxüchima ngëma íxü, rü nawa tá icuyacüëë i ngëma nüxíra ngëma puracüexü!” ñanagürü.

9 —Rü yéma naxí ga yema puracütanüxü ga wüximëëxpüxarü oragu ga yáuanecü puracüwa íxü. Rü wüxichigü ngíxü nayauxgü ga wüxitchinü ga dïëru.

10 —Rü yemawena rü yéma naxí ga yema nüxírama puracüexü ga puracütanüxü. Rü nümagü nagu naxínüëgu rü yexera tá ngíxü nayauxgü ga dïëru, natürü nümagü rü ta ngíxü nayauxgü ga wüxitchinütama ga dïëru ga wüxichigü.

11 —Rü yëxguma ngíxü nayauxgügu rü inanaxügüe ga chixri na yadëxgüxü nachigagu ga yema nañeärü yora.

12 —Rü ñanagürügü:

“Yixema rü guxü i ngunexügu üëxcüxetüwa tapuracüe, natürü i ñaã puracütanüxü i wixwenaxüchi íngugüxü rü wüxi i oratama napuracüe. Natürü ngëma tüxü naxütanüãxüëxpüxarü nüxü nanaxütanü”, ñanagürügü.

13 —Natürü ga yema ubanecüarü yora nanangãxü, rü ñanagürü nüxü ga wüxi ga yema puracütanüxü:

“Pa Chomücux, tama cuxñ changix. ¿Tama éxna i wüxitchinügu yixñ ga chomaã cunamexêëxñ na cuxñ chanaxütanüxñ i ngêma puracü?”

14 —¿Ññaã i curü dñeru, rü ñixñ! Rñ ngêma puracütanüxñ i wüxi i oratama puracüexñ, rü choma nüxna ngixñ chaxãxchañ i ngêma cuxna ngixñ chaxãcüéxpüx.

15 —¿Tama éxna name i ngêma choma chanaxwêxexñãcüma ngîmaã na chaxññ i chorü dñeru? ¿Rñ éxna quixãñxãchi erü ngêmaãcü chamecüma?” ñanagürü.

16 —Rñ yixema ñuxma duñxñgü wixweama tüxñ ügüxêëxê, rü daxüguxñ i nañewa rñ Tupana tá wixpêxewa tüxñ naxügüxêë. Rñ yixema ñuxma duñxñgü wixpêxewa tüxñ ügüxêëxê rñ daxüguxñ i nañewa rñ Tupana tá wixweama tüxñ naxügüxêë. Erü Tupana rñ muxüchiena naxu, natürü noxretama tixí ya yixema tüxñ nadexe —ñanagürü ga Ngechuchu.

Ngechuchu rñ norü tomaéxpücüna nanaxunagü ga norü yuxchiga
(Mr 10.32-34; Lc 18.31-34)

17 Rñ yexguma namagu yaxñxgu ga Ngechuchu ga Yerucharéüwa na naxñxñ rñ noxrüwama naxcêx naca ga yema 12 ga norü ngüxñgü, rñ ñanagürü nüxñ:

18 —Pema nüxñ pecuèx na marü ingaicaxñ na Yerucharéüwa ingügüxñ. Rñ ngêma rñ duñxñgü rñ tá chixri chomaã nachopetü. Rñ tá paiguarü äëxgacügü rñ ngüxêëruñgü i ore i mugüwa nguxêëtaegüxñna tá choxñ namagü. Rñ nümagü rñ tá chomaã nanaxuegügü na chayuxñcêx.

19 —Rñ tá to i nachiuñañecññaxna choxñ namagü. Rñ ngêmagü tá nixí i chaugu idauxcürañgüxñ rñ choxñ çuaixgüxñ. rñ ñuxñchi tá curuchawa choxñ nipotagü na ngêxma chayuxñcêx. Natürü tomaéxpüx i ngunexñguwena rñ tá wenaxärü chamaxñ —ñanagürü.

Wüxi ga ngüxêëcêx ñica ga Chañtiágu rñ Cuáñrñ mamá
(Mr 10.35-40)

20 Rñ yéma iyexma ga naè ga Chañtiágu rñ Cuáñ. Rñ yema taxre rñ Zebedéu nanegü nixñgü. Rñ ngîma rñ Ngechuchucêx iyaxñ namaã ga yema taxre ga ngñnegü. Rñ Ngechuchupêxegu iyacaxãpñxñ, rñ wüxi ga ngüxêëcêx nüxna iyaca.

21 Rñ nüma ngixna naca, rñ ñanagürü: —¿Tacü nixí i cunaxwêxexñ? —ñanagürü. Rñ ngîma inangãxñ rñ ngñgürügü: —Pa Corix, ngêxguma äëxgacüxñ quingucuchigu rñ chanaxwêxe i cunamu na wüxi i ññaã chaune rñ curü tñgñnecüwawa na natoxñ, rñ ngêma to i curü toxwecüwawa na natoxñ —ngñgürügü.

22 Natürü Ngechuchu ngixñ nangãxñ rñ ñanagürü: —Pema rñ tama nüxñ pecuèx na tacücêx ípêçaxñ. ¿Namaxã chi peporaexñ i ngêma ngüxñ i tá choxñ üpetüxñ? —ñanagürü. Rñ nümagü nanangãxñgü rñ ñanagürügü: —Ngêmaãcü namaã tá taporaë —ñanagürügü.

23 Rñ Ngechuchu nanangãxñ rñ ñanagürü nüxñ: —Aixcüma tá nixí i chauxrññ ngüxñ pingegüxñ. Natürü ngêma chorü tñgñnecüwawa rñ chorü toxwecüwawa na perütogüxñcêx, rñ tama choxmêxwa nangêxma na pexna chanaxãxñ. Rñ Chaumatümêxêwa nixí na nangêxmaxñ i ngêma, rñ nüma tá tüxna nanaxã ya yixema tümacêx íyñxê —ñanagürü.

24 Rñ yexguma yemaxñ naxññüëgu ga yema togü ga 10 ga Ngechucharü ngüxñgü, rñ Chañtiágumaã rñ Cuáñmaã nanuë.

²⁵ Natürü Ngechuchu naxcèx naca rü ñanagürü nüxü: —Pema nüxü pecuèx rü guxü i nachüãnegüarü ãëxgacügü rü poraãcü nanamu i norü duüxügü. Rü ngéma ãëxgacügü i taxügü rü norü duüxügüarü yora nügü nixügüxëë.

²⁶ —Natürü tãütãma ngémaãcü nixi i petanüwa. Rü ngëxguma texé naxwèxegu na ãëxgacü tiixü i petanüwa, rü name nixi i noxri rü guxãärü ngüxëëruü tixi.

²⁷ —Rü ngëxguma chi texé i petanüwa naxwèxegu na tümamücügüeru na tiixü, rü name nixi i noxri rü guxüma i tümamücügüarü ngüxëëruü tixi.

²⁸ —Yerü chomatama i Tupana Nane na duüxüxü chiixü rü tama togü choxü rüngüxëëxücèx nixi i numa chaxüxü. Natürü numa chaxüxü na duüxügüxü charüngüxëëxücèx rü naxcèx na chayuxücèx rü ngémaãcü chanaxütanüxücèx na muxüma i nümagü rü nüxü nangëxmaxücèx i maxü i taguma gúxü —ñanagürü.

Ngechuchu nanameëxëë ga taxre ga ingexetügüxü

(Mr 10. 46-52; Lc 18.35-43)

²⁹ Rü yexguma Ngechuchu norü ngüexügümaã Yericúarü iãnewa íchoüxgu, rü muxüma ga duüxügü nawe narüxi.

³⁰ Rü yéma namacüwawa narütogü ga taxre ga ingexetüxü. Rü yexguma nüxü naxinüëgu na Ngechuchu yéma üpetüxü, rü tagaãcü Ngechuchuna nacagüe, rü ñanagürügü: —Pa Corix, Pa Dabitanüxüx, ¡Cuxü tangechaütümüügü! —ñanagürügü.

³¹ Rü yema duüxügü ga Ngechuchuwe rüxixü rü nayangagü na iyanangeëxgüxücèx. Natürü nümagü ga yema ingexetüxü rü yexeraãcü Ngechuchuna nacagüe, rü ñanagürügü: —Pa Corix, Pa Dabitanüxüx, ¡cuxü tangechaütümüügü! —ñanagürügü.

³² Rü yexguma ga Ngechuchu rü yexma nayachiãchi rü naxcèx naca ga yema ingexetüxü. Rü nüxna naca rü ñanagürü: —¿Tacü i penaxwèxexü na pexcèx chanaxüxü? —ñanagürü.

³³ Rü nümagü nanangãxügü rü ñanagürügü: —Pa Corix, tanaxwèxe na toxü quidauchitanügüxëëxü —ñanagürügü.

³⁴ Rü yexguma ga Ngechuchu rü nüxü nangechaütümüügü, rü naxëtügügu ningögü. Rü yexgumatama nidauchigü, rü Ngechuchuwe narüxi.

21

Yerucharéügu naxücu ga Ngechuchu

(Mr 11.1-11; Lc 19.28-40; Cu 12.12-19)

¹ Rü yexguma marü yangaicagügu ga Yerucharéüwa na nangugüxü, rü nawa nangugü ga guma iãne ga Bechagué ga Oribunecüarü mëxpüneärü ngaicamana yexmane. Rü Ngechuchu nanamu ga taxre ga norü ngüexügü.

² Rü ñanagürü nüxü: —¡Gua tórü toxmëxtawa ngëxmane ya iãnexãcüwa pexi! Rü ngëxma tá ngixü pengau i wüxi i buru i ngëxma ngaxücü namaã i wüxi i ngxãcü i yatüxü i ngxüttagu irüxãxü. ¡Rü ngixü piwëxü, rü nuã chauxütawa ngixü pega namaã i ngxãcü!

³ Rü ngëxguma texé pexna caxgu na tacücèx ngixü piwëxüxü, ¡rü tümamaã nüxü pixu rü ñapegügü:

“Torü Cori nangixwëxe namaã i ngxãcü, natürü paxa tá ngixü na-woeguxëë”, ñapegügü tixü! —ñanagürü.

⁴ Rü yema naxüpetü yerü yemaãcü Tupana nayanguxëë ga norü ore ga nuxcümaüxü ga norü orearü uruü ümatüxü ga ñaxü:

5 “¡Yerucharéucüãxgümaã nüxü pixu rü ñapegü: ‘¡Düçex ya perü ãëxgacü ya nuã pexütawa ücü! RÜ nüma rü tama nügü yacuëxüüãcü ínangu, rü wüxi i buruxacüétügumare naxaunagü!’ ”

ñanagürü ga yema ore.

6 RÜ yexguma ga yema taxre ga norü ngüexügü rü yéma naxí, rü nanaxügü ga yema Ngechuchu namaã nüxü ixuxü.

7 RÜ Ngechuchuxütawa ngixü nagagü ga yema buru ngixacümaã. RÜ yema norü ngüexügü rü naxchirumaã nanaçatagü ga yema ngixacü, rü ñuxüchi ga Ngechuchu rü natagu naxaunagü.

8 RÜ yema muxüma ga duüxügü ga nawe rüxixü rü naxchirumaã nayaçhamatanü ga nama. RÜ togü rü naixätü ta nadaügü rü yemamaã nayaçhamatanü ga nama.

9 RÜ yema duüxügü ga napëxegu ägüxü, rü yema togü ga wixweama ägüxü, rü tagaäcü ñanagürügü: —¡Nüxü ticuëxüxügü ya daa äëxgacü ya Dabítanüxü! ¡RÜ namecümäxüchi ya daa Tupanaëgagu núma ücü! ¡RÜ pema rü ta, Pa Daxücüãx, rü nüxü picuëxüxügü ya Tupana! —ñanagürügü.

10 RÜ yexguma Ngechuchu Yerucharéüwa ixücxugu, rü guxüma ga yema ñaneçüãx rü nanaxixächiaëgü, rü ñanagürügü: —¿Texe nixí ya daa? —ñanagürügü.

11 RÜ yema Ngechuchuwe rüxixü ga duüxügü rü nanangäxügü rü ñanagürügü: —Daa nixí ya Tupanaärü orearü uruü ya Ngechuchu ya Gariréaanea ngëxmane ya ñane ya Nacharétucüãx ixücü —ñanagürügü.

Ngechuchu rü tupauca ga taxünewa ínanawoxü ga duüxügü ga yéma taxegüxü

(Mr 11.15-19; Lc 19.45-48; Cu 2.13-22)

12 RÜ tupauca ga taxünegu naxücu ga Ngechuchu, rü ínanawoxü ga yema yéma tacümaã taxegüxü rü naxcëx taxegüxü. RÜ nanangüegutanü ga norü mechagü ga yema duüxügü ga yéma Tupanaärü ämarewa mexü ga diërumaã taxegüxü rü muxtucügümaã taxegüxü.

13 RÜ ñanagürü nüxü ga yema duüxügü: —Tupanaärü ore i ümatüxüwa rü ñanagürü:

“Chopata rü yumüxëpataü nixí”.

Natürü pema rü ngítëëxgüxüpataü peyaxíxëë —ñanagürü.

14 RÜ yéma tupauca ga taxünewa rü Ngechuchucëx naxí ga ñuxre ga ingexetügüxü rü ichixeparagüxü. RÜ Ngechuchu nanameëxëë.

15 Natürü ga paigüarü äëxgacügü rü ngüexëëruügü ga ore ga mugüwa nguxëëtaegüxü, rü nüxü nadaugü ga yema mexügü ga taxügü ga Tupanaärü poramaã naxüxü ga Ngechuchu rü buxügüxü naxínüë ga na ñagüxü: —¡Namexëchi ya daa äëxgacü ya Ngechuchu ya Dabítanüxü! —ñagüxü. RÜ yemacëx ga yema äëxgacügü rü nanuë.

16 RÜ ñanagürügü Ngechuchuxü: —¿Nüxü cuxínüxü i ngëma buxügü namaã idexagüxü? —ñanagürügü. RÜ Ngechuchu nanangäxü, rü ñanagürü: —Ngü, nüxü chaxínü. ¿Natürü taguma ëxna nawa pengüé i Tupanaärü ore i ümatüxü i ñaxü:

“RÜ ngëma buxügü i íraxüchixü rü õxchanagü rü tá ta cuxü nicuëxüügü”, ñaxü? —ñanagürü.

17 RÜ yexguma ga Ngechuchu rü nüxna yéma nixü, rü ñuxüchi ínaxüxü ga guma ñanewa. RÜ ñane ga Betániawa naxü, rü yexma nayape.

Ngechuchu rü orix ga iguera ga ngearü oðxümaã chixexü naxuegu
(Mr 11.12-14, 20-26)

18 Rū moxūācū ga pèxmama rū yexguma wenaxārū Yerucharéucèx nataegugu ga Ngechuchu rū nataiya.

19 Rū namacūwawa nūxū nadau ga wūxi ga orix ga iguera. Rū naxcèx nixū, natūrū taxuūma ga norū oxū inayangau, rū naātūxūxīcatama inayangau. Rū yemacèx ñanagūrū nūxū ga yema orix: —Rū tagutāma wena cuxox, —ñanagūrū. Rū yexgumatama narūñexè ga yema orix.

20 Rū yexguma yemaxū nadaugūgu ga norū ngūexūgū, rū nabèjxāchiāēgū. Rū Ngechuchuna nacagūe rū ñanagūrūgū: —¿Rū ñuxācū i ñaā orix i paxama nañexèxū? —ñanagūrūgū.

21 Rū Ngechuchu nanangāxū rū ñanagūrū: —Aixcūma pemaā nūxū chixu rū ngèxguma chi meā peyaxōgūgu rū tama ngēma igueramaā chaxūxūxīca chi pexū. Natūrū yexeraxū chi pexū. Rū ngèxguma chi daa mèxpūnemaā nūxū pixuxgu na yaxūgachixūcèx rū taxtū i taxūchiūwa naxūxūcèx, rū pega chi naxūnū.

22 Rū guxūma i tacū i naxcèx ípeçaxū i perū yumūxēwa, rū tá penayauxgū ega aixcūma peyaxōgūācūma naxcèx ípeçaxgu.

*Ngechuchuna nacagūe na texégagu tupauca ga taxūnewa nanguxētaexū
(Mr 11.27-33; Lc 20.1-8)*

23 Rū Ngechuchu rū tupauca ga taxūnegu naxūcu. Rū yexguma yēma ínanguxētaeyane rū naxcèx naxī ga paigūarū āēxgacūgū rū Yudíugūarū āēxgacūgūerugū. Rū Ngechuchuna nacagūe rū ñanagūrūgū: —¿Rū texégagu nixī i cunaxūxū i ngēma nūma cuxūxū? ¿Rū texé cuxū tamu na cunaxūxūcèx i ngēma? —ñanagūrūgū.

24-25 Rū Ngechuchu nanangāxū rū ñanagūrū: —Choma rū tá ta pexna chaca, rū ngèxguma choxū pengāxūgu i ngēma pexna naxcèx chaçaxū, rū choma rū tá ta pemaā nūxū chixu na ngèxūrūxūxū i āēxgacū na choxū muxū na nuā changuxētaexū. ¿Rū texé tanamu ga Cuáú na duūxūgūxū ínabaiūxēxūcèx? ¿Pexcèx rū Tupana yīxū ga namucū rū ēxna duūxūgūmare? —ñanagūrū. Rū yexguma ga yema āēxgacūgū rū inanaxūgūe ga nūgūmaā na yaporagatanūcūxū. Rū nūgūmaātama ñanagūrūgū: —¿Ñuxū ñagūgūxū tá? Erū ngèxguma chi nūxū ixuxgu na Tupana nūma namuxū rū nūma rū tá ñanagūrū tūxū:

“¿Rū tūxūcū ga tama nūxū peyaxōgūxū?” ñanagūrū tá.

26 —Rū ngèxguma chi nūxū ixuxgu na yatūgūmare nūma namuxū rū taxcèx rū tá naxācūma, erū duūxūgū tá tūxū nadai. Erū nūmagū i duūxūgū rū nagu narūxīnūē na Tupana yīxū ga Cuáúxū nūma mucū —ñanagūrūgū.

27 Rū yemacèx Ngechuchuxū nangāxūgū rū ñanagūrūgū: —Tama nūxū tacuèx ga texé nūma na namuxū ga Cuáú ga baiūxēruū —ñanagūrūgū. Rū yexguma ga Ngechuchu rū ñanagūrū nūxū: —Choma rū tá ta tātūtama pemaā nūxū chixu na texé choxū muxū na chanaxūxū i ngēma choxna naxcèx peçaxū —ñanagūrū.

Ore ga taxre ga nanegūgu ixuxū

28 Rū ñanagūrū ta ga Ngechuchu —¿Ñuxū ñapegūxū naxcèx i ñaā ore i tá pemaā nūxū chixuxū? Rū wūxi ga yatū rū nūxū nayexma ga taxre ga nane. Rū wūxi ga guma nanemaā nūxū nixu rū ñanagūrū nūxū:

“Pa Chaunex, chanaxwēxe i yéa chorū ubaarū buxgūwa cuyapuracū”, ñanagūrū.

29 —Rū guma nane nanangāxū rū ñanagūrū:

“Choxđ nawèxtümüđ na ngema chaxũxđ”, ñanagürü. Natürü ga yixcamaxũra rü naga narũxinũ rü düxwa yéma nayapuracü.

³⁰ –Rü yixcũra ga guma nanatü rü nađ ga nanexđtawa naxũ, rü yexgumarũđ ta nüxđ yema ñanagürü. Rü guma nane nanangãxđ rü ñanagürü:

“Marü name, Pa Pa, rü ngema tá chaxũ”, ñanagürü. Natürü tama aixcũma yéma naxũ.

³¹ –Rü ñuxma chanaxwèxe i chomaã nüxđ pixu rü ngexcürüücü ga guma taxre ga nane ga aixcũma naxücü ga yema nanatü naxwèxexđ –ñanagürü. Rü nümagü nanangãxđgü rü ñanagürügü: –Ga guma nüxĩra namuãcü nixĩ ga naga ñnücü –ñanagürügü. Rü yexguma ga Ngechuchu rü ñanagürü nüxđ: –Aixcũma pemaã nüxđ chixu rü ngẽma yatügü i Dumaãrũ ãëxgacücèx dñeru ngĩxđ dexđ rü ngẽma ngexđgü i chixri maxèxđ tá nixĩ i pexũpa nüxĩra ichocuxđ i ngextá Tupana ãëxgacü ñixĩdwa.

³² –Yerü Cuáđ ga baiũëëruđ rü núma naxũ na pemaã nüxđ yaxuxđcèx na ñuxãcü tá na pemaxèxđ, natürü ga pema rü tama nüxđ peyaxögü. Natürü ga yema yatügü ga Dumaãrũ ãëxgacücèx dñeru ngĩxđ dexđ rü yema ngexđgü ga chixri maxèxđ rü Cuáđãxđ nayaxögü. Natürü ga pema rü woo nüxđ na pedaugũxđ ga ñuxãcü na yaxögũãxđ, rü tama nüxđ perũxoechađ i pecũma i chixexđ na peyaxögũxđcèx –ñanagürü.

*Oré ga chixexđ ga puracũtanũxđgu ixuxđ
(Mr 12.1-12; Lc 20.9-19)*

³³ Rü ñanagürü ta ga Ngechuchu: –Rü chanaxwèxe i iperũxinüë i ñaã to i ore i cuèruđ i tá pemaã nüxđ chixuxđ. Rü nayexma ga wũxi ga yatü ga nüxđ nayexmacü ga wũxi ga norü naãne. Rü yexma nanato ga muxđma ga orix ga uba. Rü ñuxũchi ñanapoxegu, rü nanaxü ga wũxi ga ubaarü yauxtũxũchica rü wũxi ga dauxđtaechica. Rü ñuxũchi ñuxre ga puracũtanũxđna nüxđ nadauxëë. Rü namaã nanamexëë na ngãxđgu namaã ngĩxđ yatoyexđcèx ga yema ubatanü. Rü ñuxũchi ga yema naãneãrũ yora rü wũxi ga to ga nachiũãne ga yaxđguxđwa naxũ.

³⁴ –Rü yexguma norü ubaarü buxgũwa nanguxgu, rü yema naãneãrũ yora rü yéma nanamugü ga ñuxre ga norü duũxđgü na yema puracũtanũxđna ngĩxcèx yaçaxđcèx ga yema ubatanü ga nüxna ücü.

³⁵ Natürü ga yema puracũtanũxđgü rü ñanayauxđ ga yema coriarü duũxđgü. Rü nanaçuaixgü ga wũxi, rü ga to rü nayamèxchigü, rü ga yema to rü nutamaã ñanamuxchigü.

³⁶ –Rü yema naãneãrũ yora rü wenaxãrũ noxriarü yexera rümumaèxđ ga norü duũxđgü yéma namugü. Natürü ga yema puracũtanũxđgü rü yema togürũđtama chixri namaã nachopetü.

³⁷ –Rü düxwa ga yema naãneãrũ yora rü yéma nanexđchixđ namu yerü nüma naga naxĩnũgu rü chi nanega naxĩnüë ga yema puracũtanũxđgü.

³⁸ –Natürü yexguma yema cori nanexđ nadaugüga ga yema puracũtanũxđgü, rü nügũmaã ñanagürügü:

“Ngẽmaãrũ tá nixĩ i ñaã naãne i yixcama. ¡Rü ngĩxã tayamèxgü na tóxrü yĩxđcèx!” ñanagürügü.

³⁹ –Rü nayayauxgü, rü toxnamana nanagagü, rü yexma nayamèxgü –ñanagürü.

⁴⁰ Rü yexguma ga Ngechuchu rü yema paigũarü ãëxgacügũna naca rü ñanagürü: –¿Rü ngèxguma ñananguxgu i ngẽma naãneãrũ yora, rü ñacü tá yema puracũtanũxđmaã naxũ? –ñanagürü.

41 Rū yema ãëxgacügü rü Ngechuchuxü nangãxüügü, rü ñanagürügü: — Ngëma naãneärü yora rü tama nüxü nangechaütümüüãcüma tá nanadai i ngëma puracütanüxüügü i chixri maxëxü. Rū ñuxüchi togü i puracütanüxüügü i meã namaã ngixü itoyexü i diëruna tá nüxü nadauxëë —ñanagürügü.

42 Rū Ngechuchu rü ñanagürü nüxü: —¿Taguma õxna nawa pengúe i Tupanaärü ore i ümatüxü? Erü ngëmawa rü ñanagürü:

“Rü yima nuta ya mecü ya ñärü üruügü nüxü oechirëcü rü ñuxma rü yimatama nixi ya Tupana nüxira yaxücuchicü na namaã inaxügüãxücëx ya ipata. Rū tórü Cori ya Tupana nixi ga naxücü ga yema, rü ñuxma rü namexëchi i taxcëx”,

ñanagürü i ngëma ore.

43 —Rü ngëmacëx pemaã nüxü chixu rü woo pexcëxchirëx na yixü i ngëma naãne i ngextá Tupana ãëxgacü íixüüwa, natürü pexna tá nanapu. Rū togü i duüxügü i aixcüma Tupanaga ñnüëxüna tá nanaxã.

44 —Rü yima nuta ega texé namaã yarüñaxgu rü tá itapoügü. Rū yixema tümagëtügu nanguxe ya yima nuta, rü tá tüxü ñiñaixmü —ñanagürü ga Ngechuchu.

45 Rū yexguma ga paigüarü ãëxgacügü rü Parichéügü nüxü ñnüëgu ga yema ore ga cuëxruü ga Ngechuchu namaã nüxü ixuxü, rü nüxü nicuëxächitanü ga nachiga na yixü ga yema ore.

46 Rū yexgumatama ga yema ãëxgacügü rü Ngechuchuxü niyauxgüëga. Natürü taxucürüwama nayayauxgü yerü duüxügüxü namuüë, yerü nümagü ga duüxügü rü nayaxögü ga aixcüma Tupanaärü orearü uruü na yixü ga Ngechuchu.

22

Ore ga ngigüarü petagu ixuxü (Lc 14.15-24)

1 Rū Ngechuchu rü wenaxärü nanangüexëë. Rū ore ga cuëxruügu namaã nayaxu, rü ñanagürü nüxü:

2 —Rü ngëma Tupana na ãëxgacü ixixü rü ñoma wüxi ga nachiuãneärü ãëxgacü ga naneärü ngigü üchiücürüü nixi.

3 —Rü norü duüxügüxü namu na naxcëx yaçaxücëx ga yema duüxügü ga marü üpaacü nüxna naxuxü. Natürü yema duüxügü ga marü nüxna naxuchirëxü rü tama yëma naxixchaü.

4 —Rü wenaxärü togü ga norü duüxügüxü yëma namugü. Rū ñanagürü nüxü:

“¡Ngëma pexi naxütawa i ngëma duüxügü i nüxna chaxuchirëxü, rü namaã nüxü peyarüxu rü marü ñame i chorü õna i taxü. Rū marü chanadai i chorü wocagü i ingüexü rü guxüma marü ñanamemare. Rū chanaxwëxe i paxa nuã naxi naxcëx i ñãã chorü peta!” ñanagürü.

5 —Natürü yema duüxügü ga nüxna naxuchirëxü rü tama naga naxinüë. Rū wüxi rü naãnewa naxü, rü ga to rü norü taxepataüwa naxü.

6 —Rü ga togü rü yema ãëxgacüarü duüxügüxü ñnayauxü rü nayaçuaixgü ñuxmata nayuexëëã.

7 —Rü yexguma ga guma ãëxgacü rü poraãcü nanu. Rū norü churaragüxü yëma namugü na yadaiaxücëx ga yema duüxügü ga máëtagüxü, rü na yagugüãxücëx ga guma norü ñãne.

8 —Rü ñuxüchi ñanagürü nüxü ga norü duüxügü:

“Guxŭma i chorŭ peta rŭ marŭ ínamemare. Natŭrŭ ga yema duŭxŭgŭ ga nŭxna chaxuchirŭxŭ rŭ woetama nŭxŭ chaxo na nuã naxŭxŭcèx.

⁹—jRŭ yéa taxŭ i ítamŭwa pexŭ, rŭ nŭxna peyaxu i guxŭ i duŭxŭgŭ i ngema nŭxŭ pedaxŭ, na nŭma chorŭ petawa naxŭxŭcèx!” ñanagŭrŭ.

¹⁰—Rŭ yema ãëxgacŭarŭ duŭxŭgŭ rŭ yéma ítamŭwa naxŭ. Rŭ nŭxna nixuetanŭ ga guxŭma ga duŭxŭgŭ ga mexŭgŭ rŭ chixexŭgŭ ga nŭxŭ iyangaugŭxŭ. Rŭ yemaãcŭ duŭxŭgŭmaã nanapa ga guma ãëxgacŭpata.

¹¹—Rŭ yexguma ga guma ãëxgacŭ rŭ nixŭcu nawa ga yema ucapu ga nawa peta naxŭxŭ, yerŭ ínayadau ga yema duŭxŭgŭ ga nŭxna naxuxŭ. Natŭrŭ yéma nŭxŭ nadau ga wŭxi ga yatŭ ga tama norŭ ngèxãëchirugu icŭxŭ.

¹²—Rŭ ñanagŭrŭ nŭxŭ:

“Pa Chomŭcŭx ŭñuxãcŭ i nuxã cuxŭcuxŭ na tama curŭ ngèxãëchirugu quicŭxŭ?” ñanagŭrŭ. Natŭrŭ nŭma ga yema yatŭ rŭ nangeëxmare.

¹³—Rŭ yexguma ga guma ãëxgacŭ rŭ ñanagŭrŭ nŭxŭ ga yema norŭ duŭxŭgŭ:

“jMeã peyanëjxpara rŭ peyanëjxchacŭügŭ i ñaã yatŭ, rŭ yéama dŭxétŭwa i poraãcŭ ínaxëãnexŭwa peyatá! Rŭ ngema tá narŭdoxŭ rŭ tá nixŭxchapŭta erŭ poraãcŭ tá nŭxŭ nangŭxŭ”, ñanagŭrŭ.

¹⁴—Rŭ Tupana rŭ muxŭchiena naxu, natŭrŭ noxretama tixŭ ya yŭxema aixcŭma Tupana tŭxŭ ndexe —ñanagŭrŭ ga Ngechuchu.

*Dŭeru i ãëxgacŭna ngxŭ íxãcŭchiga
(Mr 12.13-17; Lc 20.20-26)*

¹⁵ Rŭ yexguma ga Parichéugŭ rŭ nixŭgachi. Rŭ noxrŭwama nŭgŭmaã nayamexëëgŭ na tacŭ rŭ oremaã tá Ngechuchuna nacagŭexŭcèx na chixexŭgu nanguxëëgŭãxŭcèx rŭ ñuxŭchi ãëxgacŭxŭtawa na ínaxuaxŭgŭãxŭcèx.

¹⁶ Rŭ yemacèx Ngechuchuxŭtawa nanamugŭ ga ñuxre ga norŭ duŭxŭgŭ namaã ga ñuxre ga Erodearŭ duŭxŭgŭ na yema oremaã Ngechuchuna na yacagŭexŭcèx. Rŭ yexguma Ngechuchuxŭtawa nangugŭ rŭ ñanagŭrŭgŭ: —Pa Ngúexëeruŭx, nŭxŭ tacuèx rŭ aixcŭma nixŭ i ngéma nŭxŭ quixuxŭ i curŭ ore. Rŭ aixcŭma cunangŭexëë i duŭxŭgŭ na Tupana naxwëxexŭãcŭma namaxëxŭcèx. Rŭ tama duŭxŭgŭgamare cuxŭnŭ, erŭ tama norŭ dŭxétŭxŭnegu cudawenŭ, natŭrŭ nacŭma nixŭ i cungugŭxŭ.

¹⁷—jRŭ tomaã nŭxŭ ixu! rŭ ngéma dŭeru ya ãëxgacŭ ya tacŭ ya Dumacŭãx totanŭwa yayauxchaŭxŭ, ¿rŭ namexŭ yŭxŭ na nŭxna ngŭxŭ taxãxŭ rŭ éxna tama? —ñanagŭrŭgŭ.

¹⁸ Natŭrŭ Ngechuchu nŭxŭ nacuèxama na chixexŭgu naxŭnŭxŭ ga yema duŭxŭgŭ, rŭ yemacèx ñanagŭrŭ nŭxŭ: —Pema nixŭ i togŭpëxewa meã pemaxënetaxŭ, natŭrŭ peãëwa rŭ chixexŭgu perŭxŭnŭë. ¿Rŭ tŭxŭcŭi i chixexŭgu choxŭ penguxëëchaŭxŭ?

¹⁹—jChoxŭ ngŭxŭ pewé i wŭxi i dŭeru i ngŭmaã ãëxgacŭaxŭ penaxŭtanŭcŭi! —ñanagŭrŭ. Rŭ yéma naxŭtawa ngŭxŭ nangegŭ ga wŭxitachinŭ ga yema dŭeru.

²⁰ Rŭ yexguma Ngechuchu ngŭxŭ dëuxgu, rŭ nŭxna naca, rŭ ñanagŭrŭ —¿Rŭ texéhicŭnëxã rŭ texéega nixŭ i ngŭgu ŭxŭ? —ñanagŭrŭ.

²¹ Rŭ nŭmagŭ nanangãxŭgŭ, rŭ ñanagŭrŭgŭ: —Dumacŭãx ya ãëxgacŭ ya tacŭchicŭnëxã nixŭ —ñanagŭrŭgŭ. Rŭ yexguma ga Ngechuchu rŭ ñanagŭrŭ nŭxŭ: —jãëxgacŭna ngxŭ pexã i ngéma ãëxgacŭarŭ íxŭcŭ, rŭ Tupanana ngŭxŭ pexã i ngéma Tupanaãrŭ íxŭcŭ! —ñanagŭrŭ.

²² Rŭ yexguma yema orexŭ naxŭnŭëgu, rŭ nabëjxachiãëgŭ. Rŭ Ngechuchuna ínixŭ.

Ngechuchuna nacagüe rü ngoxi yuwa ñnadagü i duüxügü
(Mr 12.18-27; Lc 20.27-40)

²³ Rü yematama ngunexügu rü ñuxre ga Chaduchéugü rü Ngechuchuxütawa naxí. Rü nümagü nixí ga nagu naxínüëxü na yuexü rü tagutáma wena namaxëxü. Rü yemacëx Ngechuchuna nacagüe, rü ñanagürügü:

²⁴ —Pa Ngúexëëruüx, Moïché nüxü ixuxgu rü ngëxguma wüxi ya yatü naxâmëx rü nangexacüyane nayuxgu, rü name nixí i naëneëtama ngímaã naxâmëx i ngëma yutecü i naxümëx, na ngëmaãcü naxãxãcüxüçëx nüxü ya yima naëneë ya marü yucü —ñanagürü ga yema ore.

²⁵ Rü ñanagürügü ta ga Chaduchéugü: —Nayexma ga totanüwa ga 7 ga nügüeneë. Rü naxâmëx ga guma yacü, natürü tauta naxãxãcüyane nayu. Rü yexguma ga naí ga naëneë nüxí ngímaã naxâmëx ga yema ngecü.

²⁶ —Rü guma rü ta nayu, rü nangexacü. Rü yexguma rü naí ga naëneë nüxí ngímaã naxâmëx. Rü yemaãcü gucüma ga guma 7 ga nügüeneë rü ngímaã naxâmëx ga yema nge. Rü gucüma nayue tauta naxãxãcüyane.

²⁷ —Rü yemawena rü ngíma rü ta iyu ga yema nge.

²⁸ —Rü ngëxguma yuexü wena maxëgu, ¿rü ngexcürüücü ga guma 7 ga nügüeneë naxmëx tá iyixí i ngëma nge? Yerü gucüma ga guma 7 ga nügüeneë ngímaã naxâmëx —ñanagürügü.

²⁹ Rü yexguma ga Ngechuchu rü nanangãxü, rü ñanagürü: —Pema rü ípetüe erü tama nüxü pecuëx i Tupanaärü ore i ümatüxü, rü tama nüxü pecuëx i ñuxãcü na yíxü i Tupanaarü pora.

³⁰ —Rü ngëxguma yuexü wena maxëgu rü taxüetáma tixãmëxgü rü ëxna tixãtegü. Erü daxüçüãx i Tupanaärü orearü ngeruügürüü tá tixígü i ngëxguma.

³¹ —Pema choxna peca i yuexüärü dagüchiga. ¿Natürü tama ëxna nawa pengüe i Tupanaärü ore i ümatüxü i ngextá Tupanatama ngëmachigaxü pemaã íyaxuxüwa? Erü ngema rü ñanagürü ya Tupana:

³² “Choma nixí i Abráüärü Tupana, rü Ichaárü Tupana, rü Acobuarü Tupana”,

ñanagürü. Rü ngëma orewa nüxü tacuëx rü woo ñoma i nañnewa nayuegu i duüxügü, natürü Tupanaarü ñnüwa rü guxüguma namaxë —ñanagürü ga Ngechuchu.

³³ Rü yexguma yemaxü naxínüëgu ga duüxügü, rü guxüma nabëixãchiãëgü namaã ga norü nguxëëtae ga Ngechuchu.

Ngëma Tupanaärü mu i guxü i norü mugüarü yexera ixíxü
(Mr 12.28-34)

³⁴ Rü nangutaguëxegü ga Parichéugü ga yexguma nüxü naxínüëgu ga ñuxãcü Ngechuchu rü yema Chaduchéugüxü na iyanangeëxgüxëëxü.

³⁵ Rü wüxi ga yema Parichéugü ga ore ga mugüwa nguxëëtaexü rü Ngechuchuxü chixexügu nanguxëëchaü. Rü yemacëx Ngechuchuna naca rü ñanagürü:

³⁶ —Pa Ngúexëëruüx, ¿ngëxürüüxü i Tupanaärü mu nixí i guxü i norü mugüarü yexera ixíxü? —ñanagürü.

³⁷ Rü Ngechuchu nanangãxü rü ñanagürü: —Ngëma Tupanaärü mu i guxü i norü mugüarü yexera ixíxü, rü ñanagürü:

“¿rü nüxü nangechaü ya Cori ya curü Tupana i guxüne ya curü maxünemaã, rü guxü i cuãemaã, rü guxü i nagu curüxínüxümaã!”

ñanagürü.

38 –Rü ngëma nixi i Tupanaärü mu i guxü i norü mugüarü yexera ixixü. Rü ngëma nixi i nüxiraüxü i norü mu ga duüxügüna naxaxü ga Tupana.

39 –Rü ngëma norü taxre i Tupanaärü mu, rü ngëma nüxiraüxü i norü murüütama nixi, rü ñanagürü:

“¡Nüxü nangechaü i cumücu ngëma na cugü cungechaüürüü!” ñanagürü.

40 –Rü ngëma taxre i Tupanaärü mugüwa nixi inaxügüxü i guxüma i Tupanaärü mugü ga Moiché ümatüxü rü nuxcümaügüxü ga Tupanaärü orearü uruügü namaa ngxëëtaegüxü –ñanagürü.

¿Texétaa yixü ya Cristu?

(Mr 12.35-37; Lc 20.41-44)

41-42 Rü yoxni ga Parichéugü rü yéma nangutaquëxegü, rü Ngechuchu nüxna naca, rü ñanagürü: –¿Rü ñuxü ñapegüxü i pema nüxü ya Cristu? ¿Rü texétaa yixü? –ñanagürü. Rü nümagü ga Parichéugü rü nanangaxüügü rü ñanagürüügü: –Cristu rü nuxcümaücü ga aëxgacü ga Dabítaa nixi –ñanagürüügü.

43 Rü yexguma ga Ngechuchu rü ñanagürü: –¿Tüxcüü ga Dabí ga norü Corimaã naxuaxü ga Cristu ga yexguma Tupanaãe ga Üünexü Dabixü idexaxëëgu? Yerü ga Dabí rü ñanagürü:

44 “Tupana rü chorü Cori ya Cristuxü ñanagürü: ‘¡Nuã chorü tügü necüwawa rüto ñuxmatáta nüxü charüporamaë i curü uwanügü na cuga naxinüëxüçex!’ ”

45 –Natürü ¿ñuxücüürüwa i Dabítaa yixü ya Cristu ega nümatama ga Dabí rü norü Corimaã naxuãgu? –ñanagürü ga Ngechuchu.

46 Rü taxumaãma nanangaxüügüega ga yema Parichéugü, rü bai ga wüxi ga oremaã. Rü yemawena rü guxüma namuë na çacüçex Ngechuchuna nacagüexü.

23

Ngechuchu rü duüxügütanüwa ñanaxuaxü ga Parichéugü rü ngüxëëruügü ga Moichéarü mugüwa ngxëëtaegüxü

(Mr 12.38-40; Lc 11.37-54, 20.45-47)

1 Rü yemawena ga Ngechuchu rü duüxügüxü rü norü ngüxügüxü ñanagürü:

2 –Ngëma ngüxëëruügü i ore i mugüwa ngxëëtaegüxü rü Parichéugü, rü meãma nüxü nacüëxgü ga Tupanaärü ore ga Moiché ümatüxü.

3 –Rü ngëmacëx name i naga pexinüë i guxüma i ngëma pemaã nüxü yaxügüxü. Natürü tama name i nüma namaxëüçüma pemaxë, erü nüma nüxü nixugü i mexü i ore natürü chixri namaxë.

4 –Erü nüma rü poraäcü pexü namu na naga pexinüëxüçex i norü mugü i guxchaxü i taxucürüwama texé aurexü. Natürü nümagütama rü bai i írarüwa naga na naxinüëxü i ngëma nawa pexü namuxü.

5 –Rü guxüma i ngëma naxügüxü, rü nanaxügü na duüxügü nüxü daugüxüçex. Rü ina-yangegü i Tupanaärü ore na ngëmaäcü duüxügü nagu rüxinüëgu rü aixcüma Tupanaärü duüxügü na yiiügüxü. Rü nügü nangëxëëgu na duüxügü nüxü rüdaunüxüçex.

6 –Rü petagüarü õnawa rü nümagü i Parichéugü rü nanaxwëxegü i õnaärü yoraxütawaxüchi na natogüxü na duüxügü ngëma nüxü rüdaunüxüçex.

Rü ngutaquëxepataüğüwa rü nanaxwëxegü na napëxewaxüchi ügüxü i naxmëxwëxegüwa natogüxü.

7 —Rü İlaneärü İtamüğüwa rü nanaxwëxegü na duüxüğü meä nüxü rümoxëgüxü ñoma äëxgacüxü meä rümoxëxürüü. Rü nanaxwëxegü na duüxüğü rü: “Pa Ngüxëëruüx” ñagüxü nüxü.

8 —;Natürü pema rü täütama ngëmagu perüxİnİü! Erü guxāma i pema rü pegüeneëgü pixİgü, rü wüxixicatama nixi ya perü ngüxëëruü ixicü.

9 —Rü tama name i ñoma i naānecüāxmaā pexānatü, erü wüxixicatama nixi ya Penatü, rü nüma rü daxüwa nangëxma.

10 —Rü tama name i texé: “Pa Äëxgacüx” ñatarüğü pexü. Erü chaxicatama nixi i perü äëxgacü chiüxü.

11 —Rü yixema petanüwa guxāärü yexera ixixë rü tanaxwëxe na guxüma i tūmamücüarü ngüxëëruü tiixü.

12 —Erü yixema tügü İrütaxe rü Tupana tá tūxü naxānexëë. Natürü yixema tügü İrüxİraxe, rü Tupana tá tūxü nicuëxüü.

13 —Pa Ngüxëëruüğü i Ore i Mugüwa Ngüxëëtaegüxü rü Pa Parichëügüx, pema nixi i togü i duüxügüpëxewa meä pemaxënetaxü natürü peäewa rü chixexügu perüxİnİüëxü. Rü wüxi i ngechaü nixi i pexcëx erü pegagu nixi na tama Tupanaxütawa nangugüxü i togü i duüxüğü. Rü pema rü ta rü täütama ngëxma pechocu, Rü ngëxgumarüü ta rü nüxü penaguxchaxëë na tama ngëxma nachocuxüçëx i togü i ngëxma chocuchaüxü.

14 —Pa Ngüxëëruüğü i Ore i Mugüwa Ngüxëëtaegüxü rü Pa Parichëügüx, pema nixi i togü i duüxügüpëxewa meä pemaxënetaxü natürü peäewa rü chixexügu perüxİnİüëxü. Rü wüxi i ngechaü nixi i pexcëx erü tūxna penapuxü ya tūmapata ya yixema yutegüxe. Rü ñüxüchi penamëxëë i perü yumüxëgü na duüxüğü nagu rüxİnİüëgu rü aixcüma mexü i Tupanaärü duüxüğü na pixİgüxü. Rü ngëmacëx pema tá nixi i togü i duüxügüarü yexera pepoxcuexü.

15 —Pa Ngüxëëruüğü i Ore i Mugüwa Ngüxëëtaegüxü rü Pa Parichëügüx, pema nixi i togü i duüxügüpëxewa meä pemaxënetaxü natürü peäewa rü chixexügu perüxİnİüëxü. Rü wüxi i ngechaü nixi i pexcëx erü guxüwama pexi na togü i duüxügümaā nüxü peyarüxuxüçëx i ore na wüxıtama ya duüxë pexrüü na yaxöxüçëx. Rü ngëxguma marü pexü tanguüxgu, rü tūxü pechixexëë na düxwa taxreëxpüxcüna perü yexera chixexüwa tangëxmaxüçëx.

16 —Pa Ngüxëëruüğü i Ore i Mugüwa Ngüxëëtaegüxü rü Pa Parichëügüx, pema rü ñoma cuëxruüğü i ngexetüxürüü pixİgü. Rü wüxi i ngechaü nixi i pexcëx, erü nüxü pixuxgu rü:

“Ngëxguma texé ya tupauca ya taxüneegagu İacüçëx İxunetagu, rü marü name ega tama tayanguxëëgu i ngëma tūmaärü uneta”, ñaperügügü. Natürü ngëxguma texé tupauca ya taxüneärü dİëruëgagu İacüçëx İxunetagu, rü:

“Tanaxwëxe i aixcüma tayanguxëë i ngëma tūmaärü uneta”, ñaperügügü.

17 —Pema rü pengëäëgü rü ñoma pengexetügüxürüü pixİgü. ;Pexcëx rü İacü nixi i yexera rümemaëxü, tupauca ya taxüneärü dİëru rü ëxna nümatama ya tupauca ya nagagu naxüünene i ngëma dİëru?

18 —Rü tupauca ya taxünewa nangëxma i ngëma ämarechica i ngexta Tupanacëx İnadaiaxüwa i naxünağü na Tupanana naxāmarexüçëx. Rü pema rü ñaperügügü:

“Rü ngëxguma texé ya tupauca ya taxüneärü ämarechicaëgagu İacüçëx İxunetagu, rü marü name ega tama tayanguxëëgu i ngëma tūmaärü uneta. Natürü ngëxguma texé tupauca ya taxüneärü ämarechicawa ngëxmaxü i

ãmareégagu tacücèx ixunetagu, rü tanaxwèxe i aixcüma tayanguxêê i ngêma tûmaârü uneta”, ñaperügügü.

19 –Pema rü pengêãégü rü ñoma pengexetügüxürüü pixîgü. ¿Pexcèx rü tacü nixî i yexera rûmemaxü, rü yima tupauca ya taxüneârü ãmarechicawa ngêxmaxü i ãmare rü êxna nûmatama ya tupauca ya taxüneârü ãmarechica i nagaga naxüunexü i ngêma ãmare?

20 –Erü yíxema tupauca ya taxüneârü ãmarechicáégagu tacücèx ixunetaxe, rü tama ngêma nachicáégaguxicatama itaxuneta, natürü ngêma ãmare i ngêma nachicawa ngêxmaxüégagu rü ta itaxuneta.

21 –Rü yíxema tupauca ya taxüneégagu tacücèx ixunetaxe, rü tama ngêma tupaucaégaguxicatama itaxuneta, natürü Tupana ya ngêma maxücüégagu rü ta itaxuneta.

22 Rû yíxema daxügüxü i naãnegagu tacücèx ixunetaxe, rü Tupanaârü toruégagu rü ta itaxuneta, rü ngêxgumarüü ta Tupana ya ngema rütocüégagu rü ta itaxuneta.

23 –Pa Ngüxêêruügü i Ore i Mugüwa Ngüxêêtaegüxü rü Pa Parichéügüx, pema nixî i togü i duüxügüpêxewa meã pemaxênetaxü, natürü peãewa rü chixexügu perüxîñüxü. Rû wüxi i ngechaü nixî i pexcèx, erü woo tacü i íraxü i pexü ngêxmaxü rü Tupana penaxã i ngêma nûxna üxü. Natürü tama naga pexîñüê i Tupanaârü mugü i guxü i mugüarü yexera íxîxü. Erü pexü nataxu na ãëxgacügü i aixcüma meãma duüxügümeã icuèxgüxü na pixîgüxü, rü pexü nataxu na duüxügü pexü nangechaütümüügüxü, rü aixcüma meã Tupanamaã pixaixcümagüxü. Rû guxüma i ngêma nixî i Tupana naxwèxexü na penaxüxü, tama nûxü ipeyarüngümeãcüma i ngêma mexü i marü pexüxü.

24 –Pa Cuèxruügü i Ngexetügüxüx, pema rü guxüma i mugü i woo íraxüchixü rü meãma penaxaure, natürü tama Tupana naxwèxexücüma pemaxê. Pema rü ñoma wüxi i duüxü i tunücèx norü axexü bapetüxü rü ñuxüchi arü wüxi i cameyu íxaxwetaüxürüü pixîgü.

25 –Pa Ngüxêêruügü i Ore i Mugüwa Ngüxêêtaegüxü rü Pa Parichéügüx, pema nixî i togü i duüxügüpêxewa meã pemaxênetaxü natürü peãewa rü chixexügu perüxîñüxü. Rû wüxi i ngechaü nixî i pexcèx, erü perü düxétüxünewaxicatama pegü pemexêêchaü, natürü perü maxüwa rü poraãcü pichixe. Erü penawomüxêêcüma poraãcü naxcèx pengîx i duüxügüarü ngêmaxügü, rü pegüguxicatama perüxîñüê.

26 –Pa Parichéügü i Ñoma Ngexetüxürüü Íxîgüxüx, name nixî i pegü pimexêê i perü aixepewa i perü maxüwa. Rû ngêxguma tá nixî i perü düxétüwa rü tá ta pimexü.

27-28 –Pa Ngüxêêruügü i Ore i Mugüwa Ngüxêêtaegüxü rü Pa Parichéügüx, pema nixî i togü i duüxügüpêxewa meã pemaxênetaxü natürü peãewa rü chixexügu perüxîñüxü. Rû wüxi i ngechaü nixî i pexcèx, erü ñoma yuetachiquéxegü i düxétüwa cómxümaã chauxetügüxü natürü aixepewa rü yuetachinaxãmaã rü nagüxüraüxü i ãüächixümaã napagüxürüü pixîgü. Erü perü düxétüwa i duüxügü nûxü ídaugüxüwaxicatama pime, natürü aixepewa i peãewa rü poraãcü pichixe.

29 –Rü wüxi i ngechaü nixî i pexcèx, Pa Ngüxêêruügü i Ore i Mugüwa Ngüxêêtaegüxü rü Pa Parichéügüx. Pema rü peyamecagü ga naxchiquéxegü ga nuxcümaügüxü ga Tupanaârü orearü uruügü rü yema duüxügü ga imexü ga yuexü.

30 –Rü ñuxüchi ñaperügügü:

“Rü yexguma chi nuxcúmaügüxü ga tóru oxigü maxēyane imaxēgu, rü tãu chima nüxü tarüngüxēē ga na nadaiãxü ga yema nuxcúmaügüxü ga Tupanaãrü orearü uruügü”, ñaperügügü.

31 —Rü ngēma oremaã rü pegü pengoxēē na nataagü pixīgüxü ga yema duüxügü ga nuxcúmaügüxü ga Tupanaãrü orearü uruügüxü dèixü.

32 —jĕcū, noxtacúma chomaã rü tá peyanguxēx ga yema chixexü ga nuxcúmaügüxü ga perü oxigü ügüxü!

33 —Pa Áxtapearü Duüxügüx, pema rü poraãcū pichixe. ¿Ñuxãcū tá naxchaxwa pibuxmü ya yima üxü ya Tupana tá namaã pexü poxcuene?

34 —Rü ngēmácex i choma rü tá pexcèx núma chanamugü i Tupanaãrü orearü uruügü, rü yatügü i mexügü i nüxü cuèxüchigüxü, rü ngüxēēruügü i mexügü. Natürü pema rü tá curuchawa peyapotagüãcúma penadai i ñuxre. Rü togü rü ngutaquēxepataügüwa rü tá peyacuaixgü, rü togü rü ñanechigüwa rü tá nawe pingēxütãnu na chixexü namaã pexügüxüçex.

35 —Natürü Tupana tá pexü napoxcue naxcèx i guxüma ga norü duüxügü ga imexügü ga perü oxigü dèixü. Rü Abéwa nixĭ ga inaxügüãxü ga na nadaiãxü rü Chacaríã ga tupauca ga taxünegu peyamēxgücügu nixĭ ga yacuãxü ga yema.

36 —Rü aixcúma pemaã nüxü chixu rü guxüma ga yema chixexüçex rü Tupana tá nanapoxcue i duüxügü i ñomaüçüü maxèxü —ñanagürü ga Ngechuchu.

Ngechuchu rü Yerucharéüçüãx ga duüxügüçex naxaxu (Lc 13.34-35)

37 Rü ñanagürü ta ga Ngechuchu: —Pa Yerucharéüçüãx, pema penadai i Tupanaãrü orearü uruügü, rü nutamaã ípenamuxüchigü i Tupanaãrü orearü ngeruügü i pexcèx núma namugüxü. Rü ñuxreëxpüçcúna wüxigu chaugüxütãgu pexü chanutaquēxexēēchaü ñoma wüxi i ota i naxãcúã nügütüügu tüxü nutaquēxexürü. Natürü pema rü tama penaxwèxe.

38 —Düçèx i ñuxma ya perü ñãne, rü Tupana tá ínanatèx.

39 —Rü pemaã nüxü chixu rü tãütãma wena choxü pedau ñuxmatãta daxügüxü i naãnewa ne chaxü. Rü ngēxguma rü tá choxü pedaugü rü tá ñaperügügü:

“Namexèchi nixĭ ya yima Cori ya Tupana núma namucü”, ñaperügügü tá —ñanagürü ga Ngechuchu.

24

Ngechuchu nanaxunagü na tupauca ga taxüne rü tá nãgu na napogüxü (Mr 13.1-2; Lc 21.5-6)

1 Rü yexguma tupauca ga taxünewa ínaxüüxgu ga Ngechuchu, rü norü ngüxügü naxcèx naxĭ. Rü ñanagürügü nüxü: —Düçèx, Pa Corix, ñuxãcū nimexèchi ya daa tupauca ya taxüneãrü ípatagü —ñanagürügü.

2 Natürü Ngechuchu nanangãxü rü ñanagürü: —Pema nüxü pedaugü ya guxünema ya yima tupauca ya taxüneãrü ípatagü. Natürü pemaã nüxü chixu rü aixcúma guxünema ya daa ípatagü rü tá nãgu napogüe. Rü naxtapüxarü nutagü rü taxucütãma nügüetü naxüxüra, rü bai ya wüxi —ñanagürü.

Cuèxruügü i tá nüxü idaaxü naxüpa na nagüxü i naãne (Mr 13.3-23; Lc 17.22-24, 21.7-24)

3 Rū ñuxūchi guma Mèxpúne ga Oríbunecügu ãeganewa naxĩ. Rū yexguma guma mèxpúnewa natoxgu ga Ngechuchu rü norü ngúexügüxicatama naxütawa naxĩ na noxrüwama nuxna nacagüexüçex. Rū ñanagürügü: — Tanaxwèxe i tomaã nuxü quixu na ñuxgu tá nangupetüxü i ngëma nuxü quixuxü. ¿Rü tacü tá nixĩ i norü cuèxruü i nawa nuxü tacuáxü i ñuxgu tá wena núma na cuzüxü rü tá na nagúxü i naãne? —ñanagürügü.

4 Rū yexguma ga Ngechuchu rü ñanagürü nuxü: —¡Pexuãëgü na taxúema pexü womüxëëxüçex!

5 —Erü muxüchixü i duüxügü tá ínangugü, rü chaugu tá nügü nicüxgü rü tá ñanagürügü:

“Choma nixĩ i Cristu”, ñanagürügü tá. Rū muxüchixü i duüxügüxü tá nawomüxëë.

6 —Rü tá nuxü pexĩnëëchiga na nügü nadëixü i ñuxre i nachiüãnegü rü nügü na nadaixchaüxü i togü i nachiüãnegü. ¡Natürü täütáma ngëmacëx pebëixächiãgü! Erü woetama ngëmaãcü tátama nangupetü i noxrix. Natürü täütáma naãneärü gux nixĩ i ngëma.

7 —Erü wüxi i nachiüãne rü to i nachiüãnemaã tá nügü nadai. Rū wüxi i ãëxgacü rü to i ãëxgacümaã tá nanu, rü norü churaragü rü ngëma to i ãëxgacüarü churaragümaã tá nügü nadai. Rü tá taiya nangux, rü tá nataxüchi i ñaaweanegü, rü muxüma i nachicawa rü tá naxĩãxächiane.

8 —Rü guxüma i ngëma pemaã nuxü chixuxü, rü ngëma nixĩ i norü ügümare i ngëma ngúxü i tá ngupetüxü.

9 —Rü ngëxguma i togü i duüxügü rü tá pexü ínayauxü na chixexü pemaã naxügüxüçex. Rü tá pexü nadai. Rü guxü i naãnewa i duüxügü rü tá pexchi naxaie, erü chorü duüxügü pixügü.

10 —Rü ngëxguma rü tá muxüchixü i chorü duüxügü ínanatëxgü i chorü ore, rü nügütanüwa rü tá nügüchi naxaie. Rü nügüechita tá ãëxgacüxütawa nügü ínayauxüügü.

11 —Rü muxüchixü i orearü uruügüneta tá ínangugü. Rü tá nuxü nixugügü na Tupana yíxü ya núma namugücü na nuxü yaxugüxüçex i ore. Rü ngëmaãcü tá muxüchixü i duüxügüxü nawomüxëëgü.

12 —Rü poraãcü tá nangëxma i chixexü, rü ngëmagagu rü muxüchixütáma i duüxügü rü täütáma nügü nangechaügü.

13 —Natürü yixema naetüwa meã Tupanaãxü yaxõómáxë rü yixema tá tixĩ ya aixcüma nayaxúxe i maxü i taguma gúxü.

14 —Rü ngëma Tupanaärü ore i mexü rü guxü i naãnewa tá nuxü nixugügü na guxü i duüxügü nuxü na cuëxgüxüçex. Rü ngëmawena tá nixĩ i nagúxü i naãne.

15 —Rü nuxcümaücü ga Tupanaärü orearü uruü ga Danié nachiga nanaxümatü i ngëma chixexü i Tupanapëxewa ãüãchixü i ínguxchaüxü. Rü ngëxguma nuxü pedëuxgu na tupauca ya taxünewa nangóxü i ngëma chixexü i Tupanapëxewa chixexüchixü, rü name nixĩ i pexuãëgü.

16 —Rü ngëxguma ngëma üpetügu, rü ngëma Yudeaanewa ngëxmagüxü i duüxügü rü nanaxwëxe na mèxpúneãnewa nabuxmüxü.

17 —Rü ngëma ngunëxügu ega texé tümapataëxtüwa ngëxmagu, rü tama name i tümapatagu tayangaxi na tümaärü ngëmaxü tayayaxuxüçex.

18 —Rü texé ya tümaãnewa ngëxmaxë rü tama name i tümapataçex tataegu na tümachirugü tayayaxuxüçex.

19 —Rü ngêma ngunexügügu rü wüxi i ngechaũ tá nixĩ i tümacèx ya yíxema ngeãxtagü ya tacharaũgüxe rü yíxema imaĩxãcügüxe.

20 —¡Rü Tupanana naxcèx peça i perü yumüxêwa na tama gáuane ixüyane rü êxna ngüxchigaarü ngunexüguyane pexü na nangupetüxüçèx i ngêma chixexü!

21 —Erü ngêma ngunexügügu rü poraãcü tá nangêxma i ngúxü ga noxri naãne ixügügumama taguma yexmaxü, rü ngêmawena rü tagutáma wena nangêxma.

22 —Rü ngêxguma Tupana tama nanoxrexêëgu i ngêma ngunexügü, rü taxüetáma tamaxü. Natürü Tupana tá nananoxrexêë i ngêma ngunexügü tümacèx ya yíxema nüma tüxü nadexe.

23 —Rü ngêxguma texé pexü ñagügu:

“Düçèx, daa nixĩ ya Cristu” ñagügu, rü êxna:

“Gua nixĩ ya Cristu” ñagügu, ¡rü tama name i nüxü peyaxögü!

24 —Erü Cristugüneta rü Tupanaarü orearü uruügüneta tá ínangü. Rü tá nanaxügü i muxüma i cuèxruügü i taxügü na ngêmaãcü, ega nüxü natauxchagu, na tüxü nawomüxêëgüxüçèx èixrüxe ya yíxema duüxêgü ya Tupanatama tüxü dexe.

25 —Düçèx, naxüpa na nangupetüxü i guxüma i ngêma ngúxü, rü marü pemaã nüxü chixu i nachiga.

26 —Rü ngêmacèx i ngêxguma duüxügü ñagügu pexü:

“Düçèx, yéa taxüema íxãpataxüwa nangêxma ya Cristu”, ñagügu, rü tama name i ngêma pexü. Rü ngêxguma ñagügu pexü:

“Düçèx, nuã ucapuwa nangêxma ya Cristu”, ñagügu, rü tama name i nüxü peyaxögü.

27 —Erü ñoma wüxi i bèixbéxane i guxüwama nangóonexêëxürüü tá nixĩ i ngêxguma wenaxârü núma chaxüxgu i choma i Tupana Nane na duüxüxü chüxü.

28 Rü duüxügü rü tá chauxcèx nangutaquêxegü ñoma êxchagü nawemüçèx ngutaquêxexürüü.

*Ñuxãcü tá nixĩ i ngêxguma nataegugu ya Tupana Nane ya duüxüxü ixĩcü
(Mr 13.24-37; Lc 21.25-33, 17.26-30, 34-36)*

29 —Rü nawena i ngêma ngúxügü rü tá nixo ya üèxcü, rü täütáma inabáxi ya tauemacü. Rü woramacurigü rü êxtagü rü tá narüyi. Rü guxüma i ñoma i naãne rü üèxcü rü tauemacü rü woramacurigü rü êxtagü rü tá naxĩãxãchitanü rü tá nu ne nanaxĩmare.

30 —Rü ñuxüchi duüxügü tá nüxü nadaugü na ñuxãcü daxüwa ne chaxüxü. Rü guxü i nachüãnecüãx i duüxügü rü tá naxauxe. Rü tá choxü nadaugü i ngêxguma caixanexügügu ícharüxixgu rü núma chaxüxgu. Rü ngêxguma i choma rü ãêxgacü ya poraxüchicü rü mexêchicü tá chixĩ.

31 —Rü tá chanamu i chorü orearü ngeruügü i daxüçüãx na yacuegüãxüçèx ya norü cornetagü na ngêmaãcü naxĩtaquêxexêãxüçèx i guxüma i ngêma duüxügü i chadexü i guxüwama ngêxmagüxü ñuxmata naãne iyacuáxüwa ngêxmagüxü.

32 —¡perüxĩnüë i ñaã ore i cuèxruü i orix i iguerachiga, rü naxcèx pengüë! Rü ngêxguma ngexwacaxüxü i nachacüügü iyarüyixgu rü naxüátügu, rü ngêmawa nüxü pecuèx na paxa tá tauncü na yĩxü.

33 –Rü ngëxgumarüü tá nixĩ i ngëxguma nagúxchaũgu i naãne. Erü ngëxguma nüxü pedëuxgu na nangupetüxü i ngëma pemaã nüxü chixuxü, rü ngëmawa tá nüxü pecuèx na marü chingacaxüchixü.

34 –Rü aixcüma pemaã nüxü chixu rü guxüma i ngëma nüxü chixuxü rü tá nangupetü naxüpa na nayuxü i duüxüğü i ñomaücüü maxëxü.

35 –Rü ñoma i naãne rü ngëma daxüwa nüxü idauxü rü tá nagux. Natürü chorü ore rü tagutáma inayarüxo rü aixcüma tá ningu.

36 –Natürü ngëma ngunexü rü ora i nagu tá nangupetüxü i ngëma pemaã nüxü chixuxü, rü Chaunatü ya Tupanaxícatama nüxü nacuèx na ñuxgu tá nangupetüxü i ngëma, rü taxüema ya togue nüxü tacuèx. Rü woo i norü orearü ngeruüğü i daxücüãx rü tama nüxü nacuèxgü, rü woo i choma i Nane na chíxü rü tama nüxü chacuèx na ñuxgu tá nangupetüxü i ngëma.

37 –Rü yexgumarüü ga duüxüğüxü ngupetüxü ga yexguma Noë maüxgu, rü ngëxgumarüü tá ta nüxü nangupetü i ngëxguma íchanguxgu i choma i Tupana Nane na duüxüxü chíxü.

38 –Rü yexguma, naxüpa ga guma mucü ga taxüchicü ga guxüwama inanganexëécü, rü ga duüxüğü rü nachibüe, rü naxaxegü, rü nixãmëxgü rü nixütexacüğü ñuxmata nawa nangu ga yema ngunexü ga nagu Noë naweügu ixüexü.

39 –Rü noxri ga yema duüxüğü rü tama nüxü nacuèxgüéga ga ñacü tá nüxü na ngupetüxü. Natürü yexguma ínanguxgu ga guma mucü ga taxüchicü ga yema duüxüğüxü daicü, rü yexguma nixĩ ga nüxü yacuèxächitanüxü. Rü ngëxgumarüü tá ta nixĩ i ngëxguma wenaxärü núma chaxüxgu i choma i Tupana Nane na duüxüxü chíxü.

40 –Rü ngëma ngunexüğü rü taxre i yatüğü rü wüxi i naãnewa tá nügümaã nangëxmagü. Rü wüxi tá nixĩ i Tupana igaxü rü ngëma to rü tá ngëma natëx.

41 –Rü taxre i ngëxüğü tá nügümaã ínacaegü. Rü wüxi tá nixĩ i Tupana igaxü rü ngëma to rü tá ngëma natëx.

42 –¡Rü pexuãëgü! Erü tama nüxü pecuèx i ñacü rü ora tá íchangu i chomax.

43 –¡Rü nagu perüxínüë i ñaã ore! Rü ngëxguma chi wüxi i ípataarü yora nüxü cuèxgu na ñacü rü oragu tá ínanguxü i ngítëxáxü rü tãü chima nape. Erü nüxna chi nadau ya napata na tama ngëxma naxücuxüçëx i ngëma ngítëxáxü na ñacüçëx ngëma yangíxüçëx.

44 –Rü ngëmácëx name nixĩ i pexuãëgü i pemax. Erü ngëma ngunexü i tama nagu íperüxínüëxüğü tá nixĩ i ngürüächí íchanguxü i choma i Tupana Nane na duüxüxü chíxü.

Wüxi ga duüxü ga meã norü coríga ínüxü rü to ga tama meã norü coríga ínüxüchíga

(Lc 12.41-48)

45 –¿Rü texé tíxü ya túmaärü coriarü duüxü ya aixcüma yanguxëexë rü túmaãëxü cuáxe? ¿Tama ëxna yíxema tíxü ya túmaärü cori túxna ägaxe na meã nüxna tadauxüçëx rü meã oragu tanachibüexëxüçëx i norü duüxüğü?

46 Rü tataãe ya yíxema coriarü duüxë ega ngëxguma ínanguxgu i túmaärü cori rü túxü íyanguexüğü na meãma ítanaxüxü i ngëma puracü i nagu túxü namuxü.

47 –Rü aixcüma pemaã nüxü chixu rü ngëma túmaärü cori rü tá guxüma i norü ngëmáxüguärü dauruüxü tá túxü nixixëë.

48-50 –Natürü ngëxguma chi ngëma coriarü duüxü rü wüxi i yatü i chixexü yixüğü, rü chi nagu naxínüğü na tãütáma paxa ínanguxü i norü cori, rü chí inaxüğüãgu na chixri namuãxü i namücüğü i norü coriarü duüxüğü, rü

chi ngãxẽxũtanũgu naxãxgu na namaã nachibũxũcèx rü naxaxexũcèx, rü ngürũachi ngẽma ngunexũ rü ngẽma ora i tama nagu ínanguxẽãxũgu rü tá ínangu i norü cori.

51 –Rü poraãcũxũchima tá nanapoxcu i ngẽma norü duũxũ, ñoma meã maxẽnetaxũ i duũxũgũxũ napoxcuexũrũ. Rü ngema tá narũdõxü rü nixũxchapũta.

25

Ore ga 10 ga pacũgu ixuxũ

1 Rü ñanagürü ga Ngechuchu: –Pemaã tá nüxũ chixu i wũxi i ore na nawa nüxũ pecuáxũcèx i ñuxãcũ tá duũxũgũarũ ãẽxgacũ na yĩĩxũ ya Tupana i ngẽxguma naguxgu i naãne. Rü iyexma ga 10 ga pacũ ga ngĩrũ daparinamaã ngĩgũarũ petawa ícũ na yaxũmũcũgũãxũcèx ga guma yatũ ga ingĩxchaũcũ.

2 –Rü 5 ga yema pacũ rü tama ixuãẽgũ. Rü yema naĩ ga 5 ga pacũ rü meãma ixuãẽgũ.

3 –Rü yema tama uãẽgũcũ, rü yexguma ngĩrũ daparina íyangegũgu rü tama to ga ngĩrũ queruchinu ta íyangegũ.

4 –Natürü ga yema uãẽgũcũ rü to ga ngĩrũ queruchinu ta íyangegũ.

5 –Natürü ga guma yatũ ga ingĩxchaũcũ rü tama paxa ínangu. Rü düxwa ga yema pacũgũ rü ípee yerü iyaxtae.

6 –Rü yexguma ngãxũcũüwa nanguxgu, rü yema pacũgũ nüxũ ixĩnũe ga wũxi ga naga ga ñaxũ:

“Domama nixĩ ya yima yatũ ya ingĩxchaũcũ. ¡Rü íperũdagũ, rü ípeyadaugũ!” ñaxũ.

7 –Rü guxcũma ga yema pacũgũ rü írũdagũ, rü iyamexẽẽgũ ga ngĩrũ daparinagũ.

8 –Rü yexguma ga yema 5 ga pacũgũ ga tama uãẽgũcũ rü ngĩgürũgũgũ ngĩxũ ga yema pacũgũ ga uãẽgũcũ:

“¡Íraxũ i perü queruchinu toxnata pexã, erü torü omũgũ rü nixogũ!” ngĩgürũgũgũ.

9 –Natürü ga yema pacũgũ ga uãẽgũcũ rü ngĩxũ ingãxũgũ, rü ngĩgürũgũgũ: “Taxucürũwa pexna ta taxã, erü ngẽxguma chi pexna ta taxãxgu rü tãü chima ningü i toxcèx rü pexcèx. Rü ngẽmacèx narũmemaẽ nixĩ i ngextã namaã ínataxegũxũwa pegũxũ nawa pexĩ”, ngĩgürũgũgũ.

10 –Natürü yexguma ga yema 5 ga pacũgũ ga tama uãẽgũcũ ngĩrũ queruchinuwa naxĩyane, rü ínangu ga guma yatũ ga ingĩxchaũcũ. Rü ga yema pacũgũ ga uãẽgũcũ rü iyachocu nawa ga guma í ga nawa iyangĩxũne. Rü ñuxũchi narũwãxta ga íãx.

11 –Rü yemawena íngugũ ga yema pacũgũ ga tama uãẽgũcũ, rü ngĩgürũgũgũ:

“¡Pa Corix, toxcèx yawãxna i íãx!” ngĩgürũgũgũ.

12 –Natürü nüma ga cori, rü ngĩxũ nangãxũ, rü ñanagürü:

“Pemaã nüxũ chixu rü aixcũma tama pexũ chacuèx na texégũ pixĩgũxũ”, ñanagürü.

13 Rü ñuxũchi ñanagürü ga Ngechuchu: –¡Ípexuãẽgũ! Erü tama nüxũ pecuèx i tacü rü ngunexũ rü tacü rü ora tá íchangu i choma i Tupana Nane na duũxũxũ chĩxũ –ñanagürü.

Ore ga dīerugu ixuxũ (Lc 19.11-27)

14 Rū ñanagürü ta ga Ngechuchu: —Rū ngēma Tupana na duñxügüarü äëxgacü na ixixü rü ñoma wüxi ga yatü ga ixüächichaücü ga to ga nachüñänewa na naxüxcëxrüü nixi. Rū nūma ga guma yatü rü norü duñxügücëx naca, rü nüxna ngixü naxã ga diëru na nüxü ngĩmaã nanguxüxcëx rü ngĩmaã na ñnapuracüexüxcëx.

15 —Rü wüxi ga yema norü duñxüna ngixü naxã ga 5000 tachinü ga diëru. Rū yema tona ngixü naxã ga 2000 tachinü ga diëru. Rū yema tona ngixü naxã ga 1000 tachinü ga diëru. Rū yemaäcü nanangugü na ñuxäcü tá yema diërumaã napuracüexü ga wüxichigü ga norü duñxügü rü yemaäcü wüxichigüna ngixü naxã ga yema diëru. Rū ñuxüchi inaxüächi ga yema cori na to ga nachüñänewa naxüxcëx.

16 —Rü yema norü duñxü ga 5000 tachinü ga diëru ngixü yaxuxü, rü ngĩmaã napuracü, rü naï ga 5000 tachinü ngĩmaã nayaxu.

17 —Rü yexgumarüü ta ga yema norü duñxü ga 2000 tachinü ga diëru ngixü yaxuxü, rü ngĩmaã napuracü, rü naï ga 2000 tachinü ngĩmaã nayaxu.

18 —Natürü ga yema norü duñxü ga 1000 tachinü ga diëru ngixü yaxuxü, rü ngĩmaã ñnixü. Rū ngixü nixaixmaü, rü yexma ngixü natëx ga yema norü coriarü diëru.

19 —Rü nuxcüxürama nataegu ga yema duñxügüarü cori. Rū yexguma ñnanguxgu rü inanaxügü ga norü duñxügümaã na namexëëãxü ga norü diëruhiga.

20 —Rü nüxira norü corixütawa naxü ga yema norü duñxü ga 5000 tachinü ga diëru ngixü yaxuxü. Rū norü corina ngixü naxã ga yema 5000 tachinü. Rū ngietü ngixü inaxã ga naï ga 5000 tachinü ga ngixü nayaxucü ngĩmaã ga yema norü cori nüxna ngixü äcü ga diëru. Rū ñanagürü norü corixü:

“Dücëx Pa Corix, ñaã iyixi ga yema 5000 tachinü ga diëru ga choxna ngixü cuxäcü. Marü ngĩmaã chapuracü rü ngĩmaã cuxü ngixü chayaxu i ñaã naï i 5000 tachinü”, ñanagürü.

21 —Rü norü cori rü ñanagürü nüxü:

“Pa Chorü Duñxüx, wüxi i mexëchixü quixi, rü meãma cupuracü. Rū meã nüxna cudau ga yema noxre ga diëru ga cuxna ngixü chaxäcü, rü meãma ngĩmaã cupuracü. Rū ngëmacëx i ñuxma rü tá rümumaëcüna cuxü chadauxëë. ¡Rü ixücu i chopatawa rü ngixã tataãëgü!” ñanagürü.

22 —Rü yemawena ñnangu ga yema to ga norü duñxü ga 2000 tachinü ga diëru ngixü yaxuxü. Rū ñanagürü norü corixü:

“Dücëx Pa Corix, ñaã iyixi ga yema 2000 tachinü ga diëru ga choxna ngixü cuxäcü. Marü ngĩmaã chapuracü rü ngĩmaã cuxü ngixü chayaxu i naï i 2000 tachinü. Rū ñaã iyixi”, ñanagürü.

23 —Rü norü cori rü ñanagürü nüxü:

“Pa Chorü Duñxüx, wüxi i mexëchixü quixi, rü meãma cupuracü. Rū meã nüxna cudau ga yema noxre ga diëru ga cuxna ngixü chaxäcü, rü meãma ngĩmaã cupuracü. Rū ngëmacëx i ñuxmax rü tá rümumaëcüna cuxü chadauxëë. ¡Rü ixücu i chopatawa rü ngixã tataãëgü!” ñanagürü.

24 —Natürü yexguma norü corixütawa nanguxgu ga yema norü duñxü ga 1000 tachinü ga diëru ngixü yaxuxü, rü ñanagürü norü corixü:

“Dücëx Pa Corix, choma nüxü chacuëx rü wüxi i yatü i aüxü quixi. Rū cunayaxu i nanetüarü o i ngextá tama ícutoexüwa, rü cunabuxarü oõx i nanetü i tama icutoexü.

25 —Rü yemacëx chamuü. Rū waixüümügu ngixü chixaixmaü rü ngixü ichatëx. Natürü ñaã iyixi i ngëma curü diëru”, ñanagürü.

26 Rū yexguma ga norü cori rü nanangãxü rü ñanagürü:

“Pa Chorü Duüxüx, wüxi i chixexü rü oxü i chorü duüxü quixi. Rü cuma meäma nüxü cucuèx rü ngextá tama íchatoexüwa rü chanayaxu i nanetüarü o, rü chanabuxarü oöx i nanetü i tama ichatoxü.

²⁷—Rü yemacèx narümemae chi nixi ga bancugu choxü ngímaã na cun-guxüxü ga chorü díeru na ngema choxü ngíxü yamuxèègüxüçèx, rü ngémaäcü mucü ngíxü na chayaxuxüçèx i ngëxguma íchanguxgu”, ñanagürü.

²⁸—Rü yexguma ga yema cori rü nanamu ga yema togü ga norü duüxügü ga yéma yexmagüxü, rü ñanagürü nüxü:

“¡Nüxna ngíxü peyaux i ngéma díeru, rü ngéma yatü i 10,000 i díeru nüxü ngëxmaxüna ngíxü pexã!

²⁹—Erü yíxema tüxü nangëmèxcü rü yexera tá tüxna ngíxü taxã, rü ngémaäcü tá tüxü imuxüchi. Natürü yíxema tüxü natauxcü rü woo ngéma noxre i tüxü ngëmèxcü rü tá tüxna ngíxü tayaxu.

³⁰—¡Rü yéama düxétüwa i poraäcü ínaxèänexüwa peyatá i ñaã chorü duüxü i taxuwama mexü! Rü ngema tá narüdoxü rü tá nixüxchapüta”, ñanagürü.

Naãneärü guxgu rü Cristupëxegu tá nangutaquëxegü i guxü i nachüüñanecüãx i duüxügü na yadexechiãxüçèx i ngéma mexügü rü na napoxcuaeãxüçèx i ngéma chixexügü

³¹ Rü ñanagürü ga Ngechuchu: —Rü ngëxguma wenaxärü núma chaxüxgu i choma i Tupana Nane na duüxüxü chiixü, rü chorü orearü ngeruügü i daxüçüãx rü tá choxü naxümücügü. Rü äëxgacü ya tacü tá chixi rü chorü tohica i mexèchixüwa tá charüto.

³²—Rü guxü i nachüüñanecüãx i duüxügü rü tá chopëxegu nangutaquëxegü. Rü choma rü tá chayadexechi ñoma wüxi i carneruarü dauruü i norü carnerugu rü chibugü noxrüwama mugüxürüü.

³³—Rü ngéma choxrü ixígüxü rü chorü tügüñecüwawa tá chanangëxmagüxëë. Rü ngéma tama choxrü ixígüxü rü chorü toxwecüwawa tá chanangëxmagüxëë.

³⁴—Rü ngëxguma i choma i tá äëxgacü ya tacü na chiixü rü ñacharügü tá nüxü i ngéma chorü duüxügü:

“¡Nuã pexi i pema ya texé ya Chaunatü ya Tupana tüxü rüngüxèègüxe, rü penayaxu i ngéma pechica i ngextá núma äëxgacü íyixüwa! Yerü Chaunatü rü pexcèx nanamexëë i ngéma pechica ga yexguma tauta naãne naxüxgu.

³⁵—Rü ngémaäcü tá pemaã namecüma yerü yexguma chataiyagu rü pema rü choxü pechibüxëë. Rü yexguma chitawagu rü choxü pexaxexëë. Rü yexguma tama nüxü pecuèxgu na texé chiixü rü meã choxü peyauxgü ga pepatawa.

³⁶—Rü yexguma changexchirugu rü choxü pexüxchiru. Rü yexguma chidaawegu rü choxü perüngüxëë. Rü yexguma poxcupataüwa chayex-magu rü choxü ípeyadau”, ñacharügü tá nüxü.

³⁷—Rü ngëxguma i ngéma duüxügü i chadexü rü ñanagürügü tá choxü:

“Pa Corix, ¿ñuxgu ga cuxü tadauxü ga na cutaiyaxü rü cuxü tachibüxëëxü? ¿Rü ñuxgu ga cuxü tadauxü ga na quiãawaxü rü cuxü taxaxëëxü?

³⁸—¿Rü ñuxgu ga tochixüwa cunxü rü meã cuxü tayauxgüxü ga woo tama cuxü tacuèxgügu? ¿Rü ñuxgu ga cunxexchiruxü rü cuxü taxüxchirugüxü?

³⁹—¿Rü ñuxgu ga cuxü tadaugüxü na quidaawexü rü ëxna poxcupataüwa cuyexmaxü rü cuxü ítayadaugüxü?” ñanagürügü tá choxü.

40 –Rü choma na ãëxgacü ya tacü na chiixü, rü tá chanangãxü, rü ñacharügü tá:

“Aixcüma pemaã nüxü chixu rü yexguma nüxü perüngüxëëgügu i ngëma chorü duüxü i yexeraãcü ngearü ngemaxüáxü, rü choxü nixi ga perüngüxëëgüxü”, ñacharügü tá nüxü.

41 Rü ñuxüchi i choma na ãëxgacü ya tacü na chiixü, rü ñacharügü tá nüxü i ngëma tama chorü duüxügü ixigüxü:

“¡Choxna pixigachi i pema i perü chixexüçex poxcuexe! ¡Rü ngëma pexi nawa ya yima üxü ya taguma ixoxüne ya Tupana ímexëene naxcëx i ngoxo i Chataná rü norü duüxügü!

42 –Yerü yexguma chataiyagu rü pema rü tama choxü pechibüxëë. Rü yexguma chiřawagu rü tama choxü pexaxëë.

43 –Rü yexguma tama nüxü pecüexgu na texé chiixü rü tama meã choxü peyaxügü ga pepatawa. Rü yexguma changexchirugu rü tama choxü pexüxchirugü. Rü yexguma chidaawegu rü poxcupataüwa chayexmagu rü tama choxü ípeyadaugü”, ñacharügü tá nüxü.

44 –Rü ngëxguma i nümagü i tama chorü duüxügü ixigüxü, rü ñanagürügü tá choxü:

“Pa Corix, ¿ñuxgu tochixüwa cingu rü tama meã cuxü tayauxgü yerü tama cuxü tacuëxgü? ¿Rü ñuxgu ga cuxü tadaugüxü ga na cutaiyaxü, rü éxna na quitaawaxü, rü éxna na cunxexchiruxü, rü éxna quidaawexü, rü éxna poxcupataüwa na cuyexmaxü, rü tama cuxü tarüngüxëëgüxü?” ñanagürügü tá choxü.

45 –Rü choma na ãëxgacü ya tacü na chiixü, rü tá chanangãxü, rü ñacharügü tá nüxü:

“Aixcüma pemaã nüxü chixu rü yexguma tama nüxü perüngüxëëgügu ga wüxi ga duüxü ga yexeraãcü ngearü ngemaxüáxü, rü choxü rü ta tama perüngüxëëgü”, ñacharügü tá nüxü.

46 –Rü ñuxüchi i ngëma duüxügü i tama chorü duüxügü ixigüxü rü tá poxcu i taguma gúxüwa naxi. Natürü ngëma duüxügü i aixcüma meã chaucëx maxëxü rü tá nanayauxgü i maxü i taguma gúxü, –ñanagürü ga Ngechuchu.

26

Yudügarü ãëxgacügü naxcëx nadaugü na ñuxücü Ngechuchuxü yayauxgüxü

(Mr 14.1-2; Lc 22.1-2; Cu 11.45-53)

1 Rü yexguma Ngechuchu nüxü rüchaxgu ga yema orexü na yaxuxü, rü ñanagürü norü ngüëxügüxü:

2 –Pema nüxü pecüëx rü taxre i ngunexü nataxu na nangöxgüãxüçëx i ngëma ñna i Üpetüchigaarü petacëx naxügüxü. Rü ngëxguma tá nixi i choxü yayauxgüxü i chorü uwanügü na curuchawa choxü yapotagüxüçëx –ñanagürü.

3 Rü yexgumañcüü ga paigüarü ãëxgacügü, rü ngüexëëruügü ga ore ga mugüwa nguxëëtaegüxü, rü Yudügarü ãëxgacügüerugü rü nangutaquëxegü ga napatawa ga Caipá ga paigüarü ãëxgacü ixücü.

4 Rü yéuma nügümaã nanamexëëgü na Ngechuchuxü nawomüxëëgüãcüma na yayauxgüãxüçëx rü na yamëxgüãxüçëx.

5 Natürü nügümaã ñanagürügü: –Taxucürüwama i ñuxma petagu tayayauxgü, erü duüxügü rü tá tamaã nanuë –ñanagürügü.

Wüxi ga nge rü Ngechuchuerugu inaba ga pumara

(Mr 14.3-9; Cu 12.1-8)

⁶ Rü Ngechuchu rü Betániäwa nayexma napatawa ga Chimáu ga rüchaxü necümaä naxugüäcü.

⁷ Rü Ngechuchucëx yéma iyaxü ga wüxi ga ngecü ga yéma ngecü ga wüxiwëü ga pumara ga tatanüxüchixü ga mexëchicü ga butiyamaä ächiüxü. Rü yexguma mechawa ínachibüyane ga Ngechuchu, rü ngüma rü naëругu inaba ga yema pumara.

⁸ Rü yexguma yemaxü nadaugügu ga Ngechucharü ngüexüğü, rü naäëwa nanguxgü, rü inanaxügüe ga na ñagüxü. —¿Tüxcüü ngëxma inaxaiyaxü i ngëma pumara?

⁹ —Rü narümemaë chi nixi i tatanüxügu namaä itaxe, rü ñuxüchi ngëma dïerumaä nüxü irüngüxëë i ngëma duüxüğü i ngearü ngëmaxüäxgüxü —ñanagürügü.

¹⁰ Rü Ngechuchu nüxü naxinü. Rü ñuxüchi ñanagürü norü ngüexüğüxü: —¿Tüxcüü ngüxü pechixewe i ngëma nge? Erü ngëma chomaä naxüxü rü wüxi i mexü nixi.

¹¹ —Ngëma ngearü ngëmaxüäxgüxü rü guxügutäma petanüwa nangëxmagü. Natürü choma rü täütäma guxügu petanüwa changëxma.

¹² —Rü ngëma chomaä naxüxü i ñaä ngecü na chaxunegu nabaäxü i ngëma pumara i yixixü, rü ngëmaäcü inaxü erü paxa tá chayü rü tá choxü inatëxgü. Rü ngëmacëx nixi i chaxunegu nabaäxü i ngëma pumara.

¹³ —Rü aixcüma pemaä nüxü chixu rü guxü i naänewa i ngextä duüxüğü nüxü íixugüğüxüwa i Tupanaärü ore i mexü, rü ñaä ngecü chomaä üxü rü tá ta nüxü nixugügü. Rü ngëmaäcü tá ngüxna nacüëxächie i duüxüğü —ñanagürü ga Ngechuchu.

Yuda rü äëxgacügümaä nanamexëë na ñuxäcü Ngechuchuxü yayauxgüxüçëx

(Mr 14.10-11; Lc 22.3-6)

¹⁴ Rü ñuxüchi ga wüxi ga Ngechucharü ngüexü ga Yuda ga Icariüte rü paigüarü äëxgacügüxütawa naxü rü namaä nayarüdexa.

¹⁵ Rü Yuda rü ñanagürü nüxü: —¿Ñuxre tá choxü penaxütanüxü i ngëxguma pexü chanatauxchaxëëgu na Ngechuchuxü piyauxgüxüçëx? —ñanagürü. Rü yexguma ga nümagü ga paigüarü äëxgacügü rü 30 tachinü ga dïerugu namaä naxuneta.

¹⁶ Rü yexgumama inanaxügü ga Yuda ga naxcëx na nadauxü ga ñuxäcü nüxü na natauxchaxëëgüäxü na Ngechuchuxü yayauxgüxüçëx.

Coriarü ðnachiga

(Mr 14.12-25; Lc 22.7-23; Cu 13.21-30; 1 Co 11.23-26)

¹⁷ Rü nawa nangu ga ngunexü ga nagu inaxügüxü ga yema peta ga päu ga ngearü puxëëruüäxü nagu nangöxgüxü. Rü norü ngüexüğü rü Ngechuchucëx naxi, rü ñanagürügü nüxü: —¿Ngextä tá tanamexëë i nachica i nawa nangöxgüxü i ðna i Üpetüchigaarü petagu ingöxü? —ñanagürügü.

¹⁸ Rü nüma ga Ngechuchu rü ñanagürü nüxü: —¿Ngëma ñanewa pexi, rü yima yatü ga pemaä nüxü chaxunetacüpatawa pexi! ¿Rü namaä nüxü pixu rü ñapegügü:

“Torü ngüexëëruü rü ñanagürü: ‘Marü ningaicaxüchi na chayuxü rü nuä cupatawa rü chorü ngüexüğümaä chanangupetüxëëchaü i Üpetüchigaarü peta,’” ñaperügügü tá nüxü!

19 Rū yéma naxī ga yema norū ngúexǔgū. Rū yema Ngechuchu namaã nūxǔ ixuxǔrūū nanaxǔgū. Rū nanamexēēgū ga yema ðna ga Ūpetūchigaarū petagu tá nangōxǔgǔxǔ.

20 Rū yexguma nachūtagu rū yéma mechawa nachibū ga Ngechuchu namaã ga yema 12 ga norū ngúexǔgū.

21 Rū yexguma ínachibūeyane, rū Ngechuchu rū ñanagǔrū nūxǔ: —Aixcūma pemaã nūxǔ chixu rū wūxie i petanūwa tá tixī ya bexma chauechita choxǔ íyaxuaxǔxē —ñanagǔrū.

22 Rū yexguma ga nūmagū ga norū ngúexǔgū rū poraãcū nangechaǔgū. Rū wūxichigū nūxna nicachigū, rū ñanagǔrūgū: —Pa Corix, ¿choma éxna tá chíxǔ ya yíxema cuxǔ íyaxuaxǔxē? —ñanagǔrūgū.

23 Rū nūma ga Ngechuchu nanangǔxǔ rū ñanagǔrū: —Ngēma wūxi ya poratuwa namaã tá chachibūxǔ, rū ngēma tá nixī i chauechita choxǔ íyaxuaxǔxǔ.

24 —Rū choma i Tupana Nane na duǔxǔxǔ chíxǔ rū tá chayu ngēxgumarūū i Tupanaārū ore i ūmatǔxǔxǔ nūxǔ ixuxǔrūū. Natǔrū wūxi i ngechaǔxǔchi nixī naxcèx i ngēma yatū i choxǔ íyaxuaxǔxǔ. Rū narūmemaē chi nixī ga noxtacūma tāū chima na nabuxǔ —ñanagǔrū.

25 Rū nadexaãchi ga Yuda ga naēchita íyaxuaxǔxǔ, rū ñanagǔrū: —Pa Ngúexēēruǔx, ¿tāūtáma choma nixī? —ñanagǔrū. Rū Ngechuchu nanangǔxǔ rū ñanagǔrū: —Ngēmáãcū cuma nixī —ñanagǔrū.

26 Rū yexguma ínachibūeyane rū Ngechuchu nanayaxu ga wūxi ga pāū. Rū Tupanana moxē naxā, rū inanabūcu, rū norū ngúexǔgǔxǔ nayanu. Rū ñanagǔrū: —Ñāã pāū rū chaxunechiga nixī. Rū ¡penangǔ! —ñanagǔrū.

27 Rū yemawena rū nanayaxu ga wūxi ga pochiyu ga binumaã āãcuxǔ. Rū yexgumarūū ta Tupanana moxē naxcèx naxāxíra, rū ñuxǔchi norū ngúexǔgǔna nanaxā, rū ñanagǔrū nūxǔ: —¡Rū guxāma i pema rū peyaxèux ya daa binu!

28 —Erū daa binu rū nachiga nixī ya chaugū ya muxūma i duǔxǔgǔcèx tá ibacū na ngēmaãcū Tupana nūxǔ nūxǔ nangechaǔxǔcèx i norū pecadugū. Rū yimawa Tupana nanangōxēē na aixcūma yíxǔ i norū uneta.

29 —Rū pemaã nūxǔ chixu rū tagutáma wena binu chayaxaxū ñuxmatáta Chaunatū ya Tupana āēxgacū íixǔxǔwa ngezwacaxǔcū ya binu pemaã chayaxèux —ñanagǔrū.

Ngechuchu nūxǔ nixu rū Pedru rū taxūtáma nūgū nixu na norū ngúexǔ yíxǔ (Mr 14.26-31; Lc 22.31-34; Cu 13.36-38)

30 Rū ñuxǔchi nawiyaegū ga wūxi ga Tupanaārū wiyaegu. Rū yemawena rū guma Mèxpúne ga Oríbunecūgu āeganewa naxī.

31 Rū yexguma ga Ngechuchu rū ñanagǔrū nūxǔ ga norū ngúexǔgū: —Guxāma i pema rū tá choxǔ ípetèxǔgū i ñoma i chūtaxǔgu. Erū Tupanaārū ore i ūmatǔxǔwa rū ñanagǔrū:

“Tá chayamèx ya carneruarū daurū, rū tá nanaxūanemare i carnerugū”, ñanagǔrū i ngēma ore.

32 —Natǔrū ngēxguma marū yuwa ícharūdaxguwena, rū tá chaxira pexǔpa Gariréaanewa chaxū —ñanagǔrū.

33 Rū yexguma ga Pedru rū nanangǔxǔ rū ñanagǔrū: —Rū woo guxūma i togū cuxǔ ítèxgu, natǔrū i chomax rū tāūtáma cuxǔ íchatèx —ñanagǔrū.

34 Rŭ Ngechuchu ñanagŭrŭ nŭxŭ: —Aixcŭma cumaã nŭxŭ chixu rŭ ñomatama i chŭtaxŭgu rŭ naxŭpa na otá içaxŭ, rŭ tomaẽxpŭxcŭna tá cugŭ iquicux na chorŭ duŭxŭ quixŭ.

35 Rŭ Pedru nanangãxŭ rŭ ñanagŭrŭ: —Rŭ woo wŭxigu cumaã chayuxgu rŭ tãutáma chaugŭ ichicux na curŭ duŭxŭ chíxŭ —ñanagŭrŭ. Rŭ guxŭma ga togŭ ga norŭ ngŭexŭgŭ rŭ ta yema ñanagŭrŭgŭ.

Ngechuchu rŭ Yechemaníwa nayayumŭxẽ
(Mr 14.32-42; Lc 22.39-46)

36 Rŭ Ngechuchu rŭ norŭ ngŭexŭgŭmaã nawa nangugŭ ga wŭxi ga nachica ga Yechemanígu ãegaxŭ. Rŭ Ngechuchu rŭ ñanagŭrŭ nŭxŭ: —¡Nuã perŭtogŭ! Rŭ paxa yoxni yéa chayayumŭxẽ —ñanagŭrŭ.

37 Rŭ Ngechuchu nŭgŭwe nanagagŭ ga Pedru rŭ Zebedéu nanegŭ ga Chaŭtiágu rŭ Cuáŭ. Rŭ Ngechuchucèx inaxŭgŭ ga na poraãcŭ nangechaŭxŭ rŭ naxŭjãchiãxŭ.

38 Rŭ yexguma ga Ngechuchu rŭ ñanagŭrŭ nŭxŭ: —Poraãcŭ changechaŭ rŭ nagu charŭxŭnŭ rŭ ngẽmamaã tá chayu. ¡Rŭ nuxa perŭcho i pemax, rŭ chauxrŭŭ ipedaue! —ñanagŭrŭ.

39 Rŭ yexguma ga Ngechuchu rŭ yéaxŭra naxŭ. Rŭ waixŭmŭãnegu nanangŭcuchi. Rŭ nayumŭxẽ rŭ ñanagŭrŭ: —Pa Chaunatŭx, ngẽxguma cuma cunaxwèxegu, ¡rŭ nŭxna choxŭ ínanguxuchixẽẽ i ñãã ngŭxŭ i tá choxŭ ũpetŭxŭ! Natŭrŭ chanaxwèxe i cuxrŭtama ngŭchaŭ cuxŭ rŭ tama i choxrŭ —ñanagŭrŭ.

40 Rŭ yemawena ga Ngechuchu rŭ nataegu ga yema norŭ ngŭexŭgŭ íyexmagŭxŭwa. Rŭ nŭxŭ inayangau ga na ínapeexŭ. Rŭ ñanagŭrŭ Pedruxŭ: —Pa Pedrux, ¿taxucŭrŭwama éxna namaã peporae na chomaã ipedauexŭ, rŭ bai i wŭxi i ora?

41 —¡Rŭ pexuãẽgŭ rŭ Tupanana naxcèx peça na pexŭ nangŭxẽẽxŭcèx na tama choxŭ ípetãxŭcèx ega ngẽxguma tacŭ rŭ guxchaxŭ pexŭ ũpetŭgu! Erŭ aixcŭma peãẽwa rŭ ípememare, natŭrŭ pexene nixŭ ituraxŭ —ñanagŭrŭ.

42 Rŭ yexguma rŭ wenaxãrŭ noxri ínayumŭxẽxŭcèx nataegu ga Ngechuchu. Rŭ wenaxãrŭ nayumŭxẽ, rŭ ñanagŭrŭ: —Pa Chaunatŭx, ngẽxguma tama cunaxwèxegu na nawa choxŭ ícunguxuchixẽẽxŭ i ñãã ngŭxŭ i tá chingexŭ, rŭ marŭ name i ngẽma cuma cunaxwèxexŭãcŭma chomaã cunaxŭ —ñanagŭrŭ.

43 Rŭ ñŭxŭchi wenaxãrŭ norŭ ngŭexŭgŭ íyexmagŭxŭwa naxŭ. Rŭ nŭxŭ inayangau ga na ínapeexŭ, yerŭ poraãcŭ nayaxtaexŭchi.

44 Rŭ yéma nŭxna nixŭ, rŭ wenaxãrŭ nayayumŭxẽ. Rŭ noxriãcŭtama nayumŭxẽ.

45 Rŭ yemawena rŭ norŭ ngŭexŭgŭ íyexmagŭxŭwa naxŭ. Rŭ ñanagŭrŭ nŭxŭ: —¡Ñŭxma waxi pepepe rŭ íperŭngŭẽ! Erŭ marŭ nawa nangu i ora na chorŭ uwanŭ choxŭ iyauxgŭxŭ rŭ pecaduãxgŭxŭna choxŭ namugŭxŭ.

46 ¡Ipechigŭ rŭ ngŭã ítixŭ! Erŭ marŭ ñomatáma nixŭ i ngẽma choxŭ íyaxuaxŭxŭ —ñanagŭrŭ.

Ngechuchuxŭ niyauxgŭ
(Mr 14.43-50; Lc 22.47-53; Cu 18.2-11)

47 Rŭ yexguma íyadexayane ga Ngechuchu, rŭ ínangu ga Yuda ga norŭ ngŭexŭchirèx íxŭxŭ. Rŭ nawe narŭxŭ ga muxŭma ga duŭxŭgŭ ga taramaã rŭ naímaã íxãxnexŭ. Rŭ yema nixŭ ga duŭxŭgŭ ga paigŭarŭ ãẽxgacŭgŭ rŭ Yudígarŭ ãẽxgacŭgŭerugŭ yéma mugŭxŭ.

48 Rū ga Yuda ga ínaxuaxũxũ rü marü yema duũxũgũmaã nanamexẽẽ, rü ñanagürü: —Ngẽma nüxũ chachúxuxũ tá nixĩ i Ngechuchu. Rū ngẽma tá nixĩ i piyauxgũxũ —ñanagürü:

49 Rū yexguma Ngechuchucèx nixũ, rü ñanagürü nüxũ: —Nuxmaẽ Pa Ngüxẽẽruũx —ñanagürü. Rū ñũxũchi nüxũ nachúxu.

50 Rū Ngechuchu nanangãxũ rü ñanagürü: —Pa Chomücũx, ¿tãcũwa nuã cuxũ? —ñanagürü. Rū yexgumatama Ngechuchuxũ niyauxgũ ga yema duũxũgũ ga Yudawe rüxĩxũ.

51 Rū wũxi ga Ngechuchumücü nanawẽxechi ga norü tara, rü paigüarü ãẽxgacüarü duũxũxũ ínadaechinü.

52 Rū yexguma ga Ngechuchu rü ñanagürü: —¡Naxchiũgu yaxücuchi i curü tara! Erü guxãma ya yíxema taramaã nuẽxẽ, rü taragu tãtama tayue.

53 —¿Tama êxna nüxũ cucuèx rü ngẽxguma chi choma chanaxwẽxegu, rü Chaunatũna chi naxcèx chaca na choxũ núma namugüãxũcèx i muxũma i norü orearü ngeruũgü i daxũcũãx na choxũ yanangũxẽẽgũxũcèx?

54 —Natürü ngẽxguma chi ngẽma chaxũxgu, rü ¿ñũxãcü chi ningü i Tupanaãrü ore i úmatũxũ i nüxũ ixuxũ na choma rü tá chayuxũ?

55 Rū yexguma ga Ngechuchu rü ñanagürü nüxũ ga yema duũxũgũ: —¿Tũxcüũ taragü rü naixmenèxãgũmaã chauxcèx nuã pexĩ na choxũ peyarüyauxgũxũcèx ñoma wũxi i ngítèxãxũ chíixürüü? Rū guxũ ga ngunexũgu rü tupauca ga taxũnewa changuxẽẽtae natürü taguma yexma choxũ piyauxgũ.

56 —Natürü guxũma i ñaã ñũxma ngupetũxũ, rü ngẽmaãcü nangupetü na yanguxũcèx i Tupanaãrü ore ga nuxcũmaũgũxũ ga norü orearü uruũgü úmatũgũxũ —ñanagürü. Rū yexguma ga guxũma ga norü ngüxũgũ rü nüxna nibuxmü. Rū nüxĩcatama yéma nanatèxgü ga Ngechuchu.

*Ãẽxgacũgũ ga taxũgũpẽxewa Ngechuchuxũ nagagü
(Mr 14.53-65; Lc 22.54-55, 63-71; Cu 18.12-14, 19-24)*

57 Rū Caipá ga paigüarü ãẽxgacũxũtawa Ngechuchuxũ nagagü ga yema duũxũgũ ga yayauxgũxũ. Rū yexma nixĩ ga nangutaquẽxegũxũ ga ngüxẽẽruũgü ga ore ga mugüwa ngxũẽẽtaegũxũ rü Yudiũgüarü ãẽxgacũgüerugü.

58 Natürü ga Pedru rü yaxũgu nawe nixãchigü ñũxmata paigüarü ãẽxgacü ga Caipãxũtawa nangu. Rū purichíagü ga tupaucaarü dauruũgũmaã yéma íãxtũwa narũto, yerü nüxũ nadauxchaũ ga tãcũ tá Ngechuchumaã na naxũxũ.

59 Rū ga paigüarü ãẽxgacũgũ rü guxũma ga Yudiũgüarü ãẽxgacũgüerugü rü naxcèx nadaugü ga wũxi ga ore ga doramare íxĩxũ na yemamaã Ngechuchuxũ ínaxuaxũgũxũcèx na yamèxgũãxũcèx.

60-61 Natürü woo muxũma ga duũxũgũ doraxũmare nachigaxũ yéma yarũxugüe, natürü taxuxũma ga chixexũ inayangaugü ga naxcèx tá yamèxgũãxũ. Rū düxwa yéma naxĩ ga taxre ga yatũgü ga doraxũmare yéma yarũxugũxũ. Rū ñanagürügü: —Toma nüxũ taxĩnũe i ñaã yatü rü ñanagürü:

“Tã nagu chapogü ya daa tupauca ya taxũne ya Tupanaãrü, rü tomaẽxpũx i ngunexũgu tá wenaxãrü íchanadaxẽẽ”, ñanagürügü.

62 Rū yexguma ga paigüarü ãẽxgacü ga Caipá rü inachi, rü ñanagürü Ngechuchuxũ: —¿Rü tãcũmaã cunangãxũ i ñũxmax? ¿Rü ñũxũ ñãxũ yĩxũ i ngẽma cuchiga i nüxũ yaxugũgũxũ? —ñanagürü.

⁶³ Natürü ga Ngechuchu rü nangeëxmare. Rü yemacèx ga paigüarü äëxgacü ga Caipá rü ñanagürü nüxü: —Tupana ya Maxücüéga chanaxwèxe i aixcüma tomaã nüxü quixu na texé quiixü. ¿Rü cuma èxna i Cristu ya Tupana Nane quiixü, rü èxna tama? —ñanagürü.

⁶⁴ Rü Ngechuchu nanangäxü rü ñanagürü: —Ngü, rü ngéma nüxü quixuxü chixi. Rü pemaã nüxü chixu rü tá choxü pedaugü i ngëxguma Chaunatü ya Poracüxtawa charütöxgu rü ngëxguma caixanexügu wenaxârü núma chaxüxgu —ñanagürü.

⁶⁵ Rü yexguma ga paigüarü äëxgacü rü norü numaã nügüchirugu nagaugü. Rü ñanagürü: —Rü ñaã yatü rü tacü Tupanamaã nixugü. Rü taxucèxma marü tanaxwèxe i ñuxma i to i ore na napoxcuxücèx i ñaã yatü. Rü pematama marü nüxü pexinüe na ñuxacü chixexümaã na yadexaxü.

⁶⁶ —¿Ñüxü ñapegüxü i pemax? —ñanagürü. Rü nümagü ga togü ga äëxgacügü rü nanangäxügü rü ñanagürügü: —Ngémaãcü chixexü naxü. Rü name nixi i noxtacüma nayu —ñanagürügü.

⁶⁷ Rü yexguma rü Ngechuchuchiweva naçuaixgüe. Rü nüxna nanaçuaixcagü. Rü togü rü nanapegüchiewegü.

⁶⁸ Rü ñanagürügü: —Pa Cristux, ¡nüxü nacuéx na texé cuxü pegüchiewegüxü rü cuxna naçuaixcagüxü! —ñanagürügü.

Pedru rü tama nügü nixu na Ngechuchuxü nacuéxü

(Mr 14.66-72; Lc 22.56-62; Cu 18.15-18, 25-27)

⁶⁹ Rü yoxni ga Pedru rü äëxgacüpataëxtüwa narüto. Rü wüxi ga pacü ga äëxgacüarü duüxü ixicü, rü Pedrucèx iyaxü. Rü ngigürügü nüxü: —Cuma rü ta namücü quixi i ngéma Ngechuchu i Gariréaanecüãx —ngigürügü.

⁷⁰ Natürü ga Pedru rü guxü ga yema duüxügüpéxewa rü tama nügü nixu na Ngechuchuarü duüxü yüxü, rü ñanagürü: —Choma rü tama nüxü chacuèx i tacüchiga nixi i ngéma nüxü quixuxü —ñanagürü.

⁷¹ Rü yexguma marü yema ¡pataëxtüarü iãxwa ¡naxüüxgu ga Pedru, rü naï ga pacü nüxü idau. Rü ngigürügü namaã ga yema duüxügü ga yéma yexmagüxü: —Ñaã yatü rü Ngechuchu ya Nacharétucüãxmücü nixi —ngigürügü.

⁷² Natürü ga Pedru rü wenaxârü tama nügü nixu na Ngechuchuarü duüxü yüxü. Rü ñanagürü: —Choma rü tama nüxü chacuèx i ngéma yatü. Rü Tupana choxü poxcux ega tama aixcüma yixügu i chorü ore —ñanagürü.

⁷³ Rü yixcamaxüra rü yema duüxügü ga yéma yexmagüxü rü Pedrucèx naxi, rü ñanagürügü nüxü: —Aixcüma nixi i cuma rü ta rü ngéma Ngechuchutanüxü quiixü, erü wüxi i Gariréaanecüãx idexaxürü quidexa —ñanagürügü.

⁷⁴ Rü nüma ga Pedru rü poraãcü nügü nixã, rü ñanagürü nüxü: —Rü aixcüma tama nüxü chacuèx i ngéma yatü. Rü ngëxguma doraxü chixuxgu rü Tupana choxü poxcux —ñanagürü. Rü yexgumatama nica ga otã.

⁷⁵ Rü nüma ga Pedru rü yexguma nüxna nacuéxãchi ga yema ore ga Ngechuchu namaã nüxü ixuxü ga ñaxü:

“Rü naxüpa na otã içaxü, rü cuma rü tomaëxpüxcüna cugü tá quixã na chorü duüxü quiixü”, ñaxü. Rü yéma ¡naxüxü ga Pedru rü poraãcüxüchima naxaxu.

27

*Yudiugüarü äëxgacügü rü Piratuxütawa nanagügü ga Ngechuchu
(Mr 15.1; Lc 23.1-2; Cu 18.28-32)*

1 Rū yexguma yangunegu rū guxūma ga paigūarū āēxgacūgū rū Yudiūgūarū āēxgacūgūerugū, rū nūgūmaā nanamexēēgū na űuxācū Ngechuchuxū yamēxgūxū.

2 Rū nayanēixgūchacūūgū rū yemaācū āēxgacū ga Piratuxūtawa nanagagū. Piratu nixī ga Dumacūāx ga āēxgacū ga Yudēaanemaā icuācū.

Nayu ga Yuda

3 Rū nūma ga Yuda ga Ngechuchuxū íyaxuaxūxū rū nūxū nadau ga Ngechuchuxū na napoxcuxū. Rū poraācū nagu narūxīnū ga yema chixexū ga nūmatama naxūxū. Rū yēma naxū naxūtawa ga yema paigūarū āēxgacūgū rū yema Yudiūgūarū āēxgacūgūerugū. Rū ngīxū nayataeguxēē ga yema 30 tachinū ga dīeru ga nūxna ngīxū naxāgūcū.

4 Rū űanagūrū nūxū: —Choma rū marū chixexū chaxū, erū naēchita íchayaxuaxū i wūxi i yatū i taxuūma i chixexū ūxū, rū űuxma rū tá ngēmagagu nayu —űanagūrū. Natūrū nūmagū ga āēxgacūgū rū nanangāxūgū, rū űanagūrūgū: —Toma rū tama nūxū tacuāxchaū i ngēma. Cugagutama nixī, rū cuma i nūxū cucuāxū na űuxācū cugūmaā cunamexēēxū i ngēma — űanagūrūgū.

5 Rū yexguma ga Yuda rū yexma tupauca ga taxūnechiāgu ngīxū nawotanū ga yema dīeru. Rū űuxūchi ínixū rū nūgū nayawēxnaxā.

6 Rū ga paigūarū āēxgacūgū rū ngīxū nade ga yema dīeru. Rū űanagūrūgū: —Taxucūrūwa tupauca ya taxūneārū dīeruchiūgu ngīxū tanu i űaā dīeru, erū ngēmamaā tanaxūtānū i ngēma yatū i tá yuxū —űanagūrūgū.

7 Rū űuxūchi nūgūmaā nanamexēēgū na yema dīerumaā naxcēx nataxegūxūcēx ga wūxi ga naāne ga waixūmū ga ūwechixū nawa nayauxgūxū. Rū yema naānecēx nataxegū na nūxū nayexmaxūcēx ga nachica ga ngexta na natēxgūāxūcēx ga yema duūxūgū ga togū ga nachitūānecūāx ixīgūxū.

8 Rū ngēmacēx i űuxma rū ta i ngēma naāne rū Nagūchitaūgu naxāega.

9 Rū yemaācū ningū ga Tupanaārū ore ga nuxcūmaūcū ga norū orearū uruū ga Yeremīā ūmatūxū ga űaxū:

“Rū nūmagū ngīxū nade ga yema 30 tachinū ga dīeru ga Cristutanū Yudiūgū ngīxū ixāgūcū.

10 Rū yema dīerumaā naxcēx nataxegū ga wūxi ga naāne ga waixūmū ga ūwechixū nawa nayauxgūxū, yema Cori ga Tupana chomaā nūxū ixuxūrū”, űaxū.

Piratupēxewa nayexma ga Ngechuchu

(Mr 15.2-5; Lc 23.3-5; Cu 18.33-38)

11 Rū āēxgacū ga Piratuxūtawa Ngechuchuxū nagagū. Rū nūma ga Piratu rū Ngechuchuna naca, rū űanagūrū: —¿Cuma quiūxū i Yudiūgūarū āēxgacū ya tacū? —űanagūrū. Rū Ngechuchu nanangāxū, rū űanagūrū: —Ngū, rū ngēma nūxū quixuxū chixī i chomax —űanagūrū.

12 Rū Ngechuchuxū ínaxuaxūgū ga paigūarū āēxgacūgū rū Yudiūgūarū āēxgacūgūerugū. Natūrū ga Ngechuchu rū taxuxūmaāma nanangāxū.

13 Rū yexguma ga Piratu rū űanagūrū: —¿Tama ēxna nūxū cuxīnū i ngēma ore i namaā cuxū ínaxuaxūgūxū? —űanagūrū.

14 Natūrū ga Ngechuchu rū taxuxūmaāma nanangāxū. Rū yemacēx poraācū nabēixāchiāē ga āēxgacū ga Piratu.

Piratu rū Ngechuchumaā nanaxuegu na nayuxūcēx

(Mr 15.6-20; Lc 23.13-25; Cu 18.38-19.16)

15 Rū guxūguma ga yema Ūpetūchigaarū petagu, rū Piratu ínananguxuchixēēxū ga wūxi ga poxcuxū ga duūxūgū naxcēx ícagūxū, yerū yema nixī ga nacūma.

16 Rū yéma nayexma ga wūxi ga poxcuxū ga guxū ga duūxūgū meā nūxū cuáxū. Rū Barabá nixī ga naega.

17 Rū yexguma yéma nangutaquēxegūga duūxūgū, rū Piratu nūxna naca, rū ñanagürü: —¿Rū ngexürüxūxū i penaxwæxū na íchananguxuchixēēxū? ¿Penaxwæxū na Barabáxū íchananguxuchixēēxū rü éxna Ngechuchu i Cristumaā naxugūxūxū íchananguxuchixēēxū? —ñanagürü.

18 Rū yema ñanagürü ga Piratu yerū nūxū nacuèx na Ngechuchuchi naxaie xū ga Yudiugüarū āēxgacūgū, rū yemacèx nixī ga naxūtawa nagagüāxū.

19 Rū yexguma norū tochicawa nato xgu ga Piratu, rū naxmèx yéma imuga, rū ngīgürügü: —Tama name i cunapoxcu i ngēma yatü i taxuūma i chixexū xū. Yerū nagagu íne chūtacü rü poraācū chachixenegü —ngīgürügü.

20 Natürü yema paigüarū āēxgacūgū rü Yudiugüarū āēxgacūgüerügü, rū duūxūgūxū naxucuxēgü na naxcèx ínacagūxūcèx na Barabáxū ínanguxuchixēēxūcèx rü Ngechuchuxū na nayuxēēgūxūcèx.

21 Rū āēxgacü ga Piratu rü wenaxârü duūxūgūna naca, rū ñanagürü: —¿Ngēxürüxūxū i ngēma taxrewa i pema penaxwæxū na íchananguxuchixēēxū? —ñanagürü. Rū nūmagü ga duūxūgū nanangāxūgū, rū ñanagürügü: —Tanaxwèxe i Barabáxū ícunguxuchixēē —ñanagürügü.

22 Rū yexguma ga āēxgacü ga Piratu rü nūxna naca, rū ñanagürü: —¿Tacü tá chaxūxū namaā i ngēma Ngechuchu i Cristugu āegaxū? —ñanagürü. Rū guxūma ga duūxūgū rü nanangāxūgū, rū ñanagürügü: —¿Curuchawa yapota! —ñanagürügü.

23 Rū yexguma ga Piratu rü ñanagürü nūxū: —¿Natürü tacü rü chixexū naxū? —ñanagürü. Natürü ga nūmagü ga duūxūgū rü wenaxârü tagaācū ñanagürügü: —¿Curuchawa yapota! —ñanagürügü.

24 Rū yexguma Piratu nūxū dēuxgu ga marū taxucürüwama Ngechuchuxū na ínanguxuchixēēegaxū, yerū ga duūxūgū rü marū nanaxixāchiāēgüchaū, rū yemacèx wūxi ga norū duūxūxū namu ga dexá naxūtawa na tanangexūcèx. Rū nūgü nayauxmèx ga Piratu napèxewa ga guxūma ga yema duūxūgū. Rū ñanagürü: —Tama chaugagu tá nixī i na nayuxū i ñaā yatü i taxuūma i chixexū xū, rü pegagu tátama nixī —ñanagürü.

25 Rū guxūma ga yema duūxūgū nanangāxūgū, rū ñanagürügü: —Togagu rü toxocügüagau tá nixī i nayuxū —ñanagürügü.

26 Rū yexguma ga Piratu rü Barabáxū ínanguxuchixēē. Rū ñuxūchi norū churaragūxū namu na Ngechuchuxū nacuaixgūxūcèx, rū yemawena curuchawa na yanapotagüāxūcèx.

27 Rū ñuxūchi ga yema churaragü rü Piratupataarū aixepewa Ngechuchuxū nagagü. Rū yexma Ngechuchuxūtagu nanangutaquēxexēē ga guxūma ga churaragü.

28 Rū ñuxūchi Ngechuchuxū ínacuxuchigü, rū wūxi ga máxū ga naxchiru ga dauxūgu nayacuxēēgü.

29 Rū naēruwa nayangēxcuchigü ga wūxi ga boxū ga chuchuxūta naxügūxū. Rū wūxi ga naixmenèxāxācūxū nūxū nayayauxāchixēē ga norū tügünemèxēwa. Rū ñuxūchi napèxegu nacaxāpūxūgū, rū nūxū nacugüe, rū ñanagürügü: —¿Namaūx ya Yudiugüarū Āēxgacü ya Tacūx! —ñanagürügü.

³⁰ Rū nūxna naçuaixgüe. Rū nūxna nanayauxgü ga guma naixmenèxãxãcü, rü naëruwa namaã nanaçuaixcagü.

³¹ Rū yexguma nūxü nacugüeguena rü ínanacuxchigü ga yema naxchiru ga daucharaxü. Rū wenaxârü naxchirugutama nayacuxëëgü. Rū ñuxüchi nayagagü na curuchawa yanapotagüãxüçèx.

Ngechuchuxü curuchawa nipotagü
(Mr 15.21-32; Lc 23.26-43; Cu 19.17-27)

³² Rū yexguma yéma inaxiãchigu, rü nūxü nadaugü ga wüxi ga yatü ga Chiréneçüãx ga Chimáügu äegacü. Rū guma yatüxü ngixü iningexëëgü ga Ngechuchuarü curucha.

³³ Rū nawa nangugü ga wüxi ga nachica ga Górgutagu äegaxü. Rū ngëma naega rü Duüxëeruchinèxã ñaxüchiga nixi.

³⁴ Rū nūxna nanaxägü ga binu ga ngüxüãrü naächixiëëruümaã äexücü na yaxaxüçèx. Rū Ngechuchu nūxü naxaxneta, natürü tama nayaxaxü.

³⁵ Rū yexguma marü curuchawa yapotagüãxguena rü ga churaragü rü nanade ga Ngechuchuchiru. Rū ñuxüchi wüxi ga diëru ngixü nañanagügü na yemawa nūxü nacueçgüxüçèx na tacü tá nayaxuxü ga wüxichigü.

³⁶ Rū ñuxüchi yéma narütogü ga churaragü na Ngechuchuna yéma nadaugüxüçèx.

³⁷ Rū norü curuchatapëxewa nayapocuchi ga wüxi ga mürapewa ga äegatachinüxü ga nūxü ixuxü ga tacüçèx Ngechuchuxü curuchawa na yapotagüxü. Rū ñanagürü: “Ñaa nixi i Ngechuchu i Yudiügüarü Äëxgacü ya Tacü”, ñanagürü.

³⁸ Rū yexgumarüü ta curuchawa nayapotagü ga taxre ga máëtagüxü. Rū wüxi rü Ngechuchuarü tügüneçüwawa naxü, rü to ga norü foxwecüwawa.

³⁹⁻⁴⁰ Rū yema duüxügü ga yéma chopetüxü, rü Ngechuchumaã naguxchigagü, rü nanexäërugüãcüma ñanagürügü: —Düçèx, cuma cunangutaüxëëega ya tupauca ya taxüne, rü tomaëxpüx i ngunexügu wenaxârü ícunadaxëëega. ¡Cugütama namaxëë i ñuxmax! Rū ngëxguma chi aixcüma Tupana Nane quixügu, rü ¡rürüx i curuchawa! —ñanagürügü.

⁴¹ Rū yexgumarüü ta Ngechuchuxü nacugüecüraxü ga paigüarü äëxgacügü, rü ngüexëëruügü ga ore ga mugüwa nguxëëtaegüxü, rü Parichéugü, rü Yudiügüarü äëxgacügüerugü. Rū nügümaã ñanagürügü:

⁴² —Rü nüma rü togüxü namaxëëë natürü i ñuxma rü tama nūxü nacueç na nügütama namaxëëxü. Rū ngëxguma chi aixcüma Yudiügüarü äëxgacü yixügu, ¡rü ñuxma rü ínaxix i curuchawa na nūxü yaxögüxüçèx!

⁴³ —Rü nüma nagu naxiñügu rü Tupana tá nūxü narüngüxëë. Ëcü, ñuxma rü Tupana nūxü rüngüxëëx ega aixcüma nūxü nangüxëëchaügu. ¿Tama ëxna nümatama tamaã nūxü yaxuxü na Tupana Nane yixü? —ñanagürügü.

⁴⁴ Rū woo ga yema máëtagüxü ga naxrüü curuchawa ipotagüxü, rü namaã naguxchigagü.

Nayu ga Ngechuchu
(Mr 15.33-41; Lc 23.44-49; Cu 19.28-30)

⁴⁵ Rū yexguma rü guxü ga nañewa naxëäne. Rū tocuchigu inaxügü ga yema ñuxmata tomaëxpüxarü orawa nangu ga yáuanecü.

⁴⁶ Rū yema tomaëxpüxarü oragu nixi ga Ngechuchu ga tagaãcü aita naxüxü, rü ñaxü: —Erí, Erí, ¿damá chabátani? —ñanagürü. Rū ngëma rü ñaxüchiga nixi:

“Pa Chorü Tupana, Pa Chorü Tupanax, ¿tuxcüü choxna quixügachixü?”
ñaxüchiga nixi.

47 Rû nümaxü ga duüxügü ga yéma yexmagüxü rû nüxü naxinüë, rû ñanagürügü: —Ñaa yatü rû nuxcumaücü ga Tupanaärü orearü uruü ga Eriacèx naca —ñanagürügü.

48 Rû yexgumatama rû wüxi ga yema duüxügü ga yéma yexmagüxü rû inañaächü rû Ngechuchuxütawa nanange ga wüxi ga tüaxmü ga binu ga marü ngüchiëxüchicümaã yawaixëëxü. Rû wüxi ga dexnewa nayanëix. Rû ñuxüchi Ngechuchuëxgu nanawëx na nüxü natuxuxücëx.

49 Natürü ga yema togü ga duüxügü ga yéma yexmagüxü rû ñanagürügü: —Yixrüma. Rû ngixã itarüdaunü ngoxita Eria nuã ü na nüxü yanangüxëëxücëx —ñanagürügü.

50 Rû wenaxärü tagaäcü aita naxü ga Ngechuchu, rû ñuxüchi nayu.

51 Rû yexgumatama ga tupauca ga taxüneärü tüyemachiäxü rû taxregu narügaute. Rû daxüwa inanaxügü ga na nagautexü rû ñuxmata ñaxtüwa nangu. Rû naxiäxächiane, rû narüngüxtegu ga nutagü ga itacü.

52 Rû yuetamaügü rû ningenagü. Rû wena namaxë ga muxüma ga duüxügü ga yuechirëxü ga Tupanaäxü yaxögüxü.

53 Rû yexguma Ngechuchu wena maüxguwena, rû naxmaüwa inachoxü ga yema duüxügü ga wena maxëxü. Rû Yerucharëüwa naxi. Rû muxüma ga duüxügü nüxü nadaugü.

54 Rû yema churaragüarü äëxgacü rû norü churaragü ga Ngechuchuna idaügüxü, rû nüxü nadaugü ga na naxiäxächianexü rû guxüma ga yema ngupetüxü. Rû yexguma rû poraäcü namuüë, rû ñanagürügü: —Aixcüma nixi ya daa yatü i Tupana Nane na yixü —ñanagürügü.

55 Rû iyexmagü ga mucüma ga ngecügü ga yéma yaxüwa nüxü rüdaunücü. Rû yema ngecügü iyixi ga Ngechuchuxü íixümücügücü rû nüxü rüngüxëëgücü ga yexguma Garirëaanewa ne naxüxgu.

56 Rû yema ngecügütanüwa iyexma ga María ga Magadácüäx, rû María ga Chaütiägu rû Yüche naë, rû Zebedëu namëx ga Chaütiägu rû Cuáü naë.

*Ngechuchu rû naxmaügu nayaxücuchigü
(Mr 15.42-47; Lc 23.50-56; Cu 19.38-42)*

57 Rû yexguma marü nachütachaügu, rû yéma nangu ga wüxi ga yatü ga Arimatëacüäx ga taarü diëruäcü ga Yüchegu äëgacü. Rû nüma rû ta Ngechuchuaxü nayaxö.

58 Rû nüma rû Piratuna nayaca rû ngoxita name na nayauxäxü ga Ngechuchuxüne ga curuchawa. Rû Piratu norü churaragüxü namu na nüxna naxägüäxücëx ga Ngechuchuxüne.

59 Rû Yüche nanayaxu ga Ngechuchuxüne ga curuchawa. Rû wüxi ga naxchápenüü ga ngëmataxümaã nananuque.

60 Rû yema naxmaü ga yexwacaxüxü ga Yüche nügücëxtama duüxügüxü yaxamaxëëxü ga nuta ga tacüarü mëxpüüwa yexmaxügu nayaxücuchi ga Ngechuchuxüne. Rû ñuxüchi nanangüxtaü namaã ga wüxi ga nuta ga taxüchicü. Rû yemawena rû ínixü.

61 Rû yéma Ngechuchumaüärü toxmëxtawa irütogü ga María ga Magadácüäx rû naï ga María.

Purichiaüü nüxna nadaugü ga yema naxmaü ga Ngechuchuxü nagu yaxücuchigüxü

⁶² Rū moxūācū ga ngūxchigaarū ngunexūgu rū paigūarū āēxgacūgū rū Parichēugū rū yéma Piratuxūtawa naxī.

⁶³ Rū űanagūrūgū nūxū: —Pa Corix, nūxna tacuēxāchie ga yema yatū ga Ngechuchu ga idoratēxāxū rū yexguma namaūxgu rū űanagūrū tomaā:

“Ngēxguma chayūxgu rū tomaēxpūx i ngunexūguwena rū wena táxarū ícharūda”, űanagūrū tomaā.

⁶⁴ —Rū ngēmacēx tanaxwēxe i churaragū ngema cumugū na nūxna yadaugūxūcēx i ngēma naxmaū űūxmatáta tomaēxpūx i ngunexūwa nangu na tama chūtacū ngema naxīxūcēx i norū ngūexūgū na yayauxgūāxūcēx i naxūne rū űūxūchi duūxūgūmaā nūxū na yaxugūxūcēx na marū wena namaxūxū. Erū ngēxguma chí ngēmaācū naxūpetūgu, rū noxriarū yexera tá nixī na duūxūgūxū nawomūxēēxū —űanagūrūgū.

⁶⁵ Rū Piratu űanagūrū nūxū: —Ngēāgū nixī i churaragū i pexcēx. ¡Ēcū ngema namaā pexī na meāma pema penaxwēxexūācūma nūxna pedaugūxūcēx i naxmaū! —űanagūrū.

⁶⁶ Rū yema churaragūmaā yéma naxī, rū meāma nayataixēēgū ga guma nuta ga Ngechuchumaxū namaā rūngūxtaūcū. Rū nanaxūarū cuēxruūāxgū na taxúema naēchita ínaxūgachigūxūcēx ga guma nuta. Rū űūxūchi yexma nanamugū ga churaragū na nūxna nadaugūxūcēx.

28

Yuwa ínarūda ga Ngechuchu (Mr 16.1-8; Lc 24.1-12; Cu 20.1-10)

¹ Rū sabaduarū ngunexūguwena ga yūxūarū pēxmama, rū yéma naxmaūwa íyadaugū ga María ga Magadācūāx rū naī ga María.

² Rū ngūrūāchi poraācū naxīāxāchiane, yerū wūxi ga daxūcūāx ga Cori ga Tupanaārū orearū ngeruū ínarūxī, rū naxmaūwa nangu rū ínanangūxgachi ga guma nuta ga namaā nangūxtaūcū ga yema naxmaū. Rū űūxūchi guma nutaētūwa narūto.

³ Rū yema orearū ngeruū rū wūxi ga bèixbēxanexūrū űiyauracū. Rū nacómūxūchi ga naxchiru.

⁴ Rū yexguma yemaxū nadaugūgu ga churaragū rū norū muūmaā nidurūxe, rū yexma niyuāchitanū.

⁵ Rū yexguma ga yema orearū ngeruū, rū űanagūrū ngīxū ga yema ngecūgū: —¡Tāxū i pemuūēxū! Choma nūxū chacuēx rū naxcēx pedaugū ya Ngechuchu ga guma curuchawa yapotagūācū.

⁶ Nataxuma i nuā, erū marū wena namaxū, yema nūma űpa pemaā nūxū yaxuxūrū. ¡Rū nuā pexī, rū ípeyadēux i naxmaū i ngēma inaxūgūāxūwa ga naxūne!

⁷ ¡Rū paxa ípaxī, rū norū ngūexūgūmaā nūxū peyarūxugūe rū marū ínarūda rū wena namaxū ya Ngechuchu! Rū űūxma rū marū pexūpa nūxīra Garirēaanewa naxū i nūmax. Rū ngema tá nixī i nūxū peyadauxū. Rū ngēma nixī i ore i pemaā nūxū chayarūxuxū —űanagūrū.

⁸ Rū yexguma ga yema ngecūgū rū paxama nūxna íyaxī ga yema naxmaū. Rū imuūē, natūrū itaāēgū ta. Rū poraācū iixūāchi na Ngechuchuarū ngūexūgūmaā nūxū na yanaxugūxūcēx ga yema ore ga daxūcūāx ngīmaā nūxū ixuxū.

⁹ Rū yexguma inaxūāchiyane, rū ngūrūāchi yéma ngīxcēx nangox ga Ngechuchu, rū ngīxū narūmoxē. Rū ngīmagū rū Ngechuchucēx iyabuxmū rū nūxū iyacuēxūgū, rū naparawa inēixāchitanū.

¹⁰ Rū nūma ga Ngechuchu rū ñanagürü ngĩxũgũ: —¡Tãxũ i pemudẽxũ! ¡Rũ ípixĩ rū chaueneegũ i chorũ ngúexũgũmaã nũxũ peyarũxu rū Gariréaanewa naxĩ! Rũ ngema tá nixĩ i choxũ nadaugũxũ —ñanagürü.

Churaragũ rū paigüarũ ãëxgacũgũmaã nũxũ nayarũxugũe ga yema ngu-petũxũ

¹¹ Rũ yexguma ga yema ngecũgũ rū namagu naxĩyane, rū ñuxre ga churaragũ ga yema naxmaũwa dauxũtaegũxũ rū Yerucharéũwa naxĩ. Rũ paigüarũ ãëxgacũgũmaã nũxũ nayarũxugũe ga guxũma ga yema ngupetũxũ.

¹² Rũ yema paigüarũ ãëxgacũgũ rū namaã nayarũdexagũ ga Yudĩugüarũ ãëxgacũgüerugũ. Rũ nũgũmaã nanamexẽegũ ga ñacũmaã tá churaragũxũ na yaxucuxẽgũxũ. Rũ ñuxũchi nũxna ngĩxũ naxãgũ ga tacũ ga dĩeru.

¹³ Rũ namaã nũxũ nixugũe rū ñanagürũgũ: —¡Pema rū ñaperũgũgũ tá: “Ngẽxguma chũtacũ tapeeyane, rū norũ ngúexũgũ toechita ngema naxĩ rū nayayauxgũ ga naxũne” ñaperũgũgũ tá!

¹⁴ Rũ ngẽxguma ãëxgacũ ya Piratu tá nũxũ cuèxgu i ngẽma ngupetũxũ, rū toma rū tá namaã tidexagũ rū namaã tá tanamexẽe na taxuũma pemaã naxũxũcèx —ñanagürũgũ.

¹⁵ Rũ yexguma ga yema churaragũ rū ngĩxũ nayauxgũ ga yema dĩeru. Rũ yema ãëxgacũgũ namaã nũxũ ixugũxũrũ duũxũgũmaã nũxũ nixugũe. Rũ ñuxma rū ta ngẽmatama dexa nixĩ i nũxũ yaxugũxũ i Yudĩugũ.

*Ngechuchu nanamu ga norũ ngúexũgũ
(Mr 16.14-18; Lc 24.36-49; Cu 20.19-23)*

¹⁶ Rũ yema 11 ga Ngechuchuarũ ngúexũgũ rū Gariréa- anewa naxĩ ga guma mèxpũne ga Ngechuchu namaã nũxũ ixuxũnewa.

¹⁷ Rũ yexguma Ngechuchuxũ nadaugũgu rū nũxũ nicuèxũtũgũ, woo ñuxre ga norũ ngúexũgũ rū tama aixcũma nayaxõgũ na Ngechuchu yĩxũ.

¹⁸ Rũ yexguma ga Ngechuchu rū naxcèx nixũ, rū ñanagürũ nũxũ: —Tupana rū ãëxgacũxũ choxũ nixĩxẽe i guxũ i daxũguxũ i naãnewa rū guxũ i ñoma i naãnewa.

¹⁹ —Rũ ñuxma rū chanaxwèxe i guxũ i nachiũñewa pexĩ i guxũ i duũxũgũtanũwa. ¡Rũ chorũ duũxũgũxũ peyaxĩgũxẽëx! ¡Rũ ípenabaiũxẽëx chauréagu rū Chaunatuégagu rū Naãe i Üñexũégagu!

²⁰ ¡Rũ penangúexẽëx na naga naxĩnũexũcèx i guxũma i ngẽma pexũ chamuxũ! ¡Rũ dũcax, guxũgutáma pexũtawa changẽxmaẽcha ñuxmatáta nagũ i naãne! —ñanagürũ ga Ngechuchu.

ORE I MEXÜ GA MARCU ÜMATÜXÜ

Cuáü ga baiüxëëruü nüxü nixu ga Tupanaärü ore ga dauxchitawa ga ngextá taxúema íxâpataxüwa

(Mt 3.1-12; Lc 3.1-9, 15-17; Cu 1.9-28)

¹ Ñaã nixí i norü ügü i ore i mexü ya Ngechuchu ya Cristu ya Tupana Nanechiga.

² Rü nüxcümaücü ga Tupanaärü orearü uruü ga Ichaxía ümatüxü ga Tupanaärü ore, rü ñanagürü:

“Cupëxegu chayamu i chorü orearü ngeruü na namexëëäxüçex i cumaü.

³ Rü dauxchitawa i ngextá taxúema íxâpataxüwa rü tá nangëxma i wüxi i duüxü i ngema tagaäcü ñaxü: ‘¡Pegü pemexëëx naxcëx ya Cori. Rü naxcëx ipeyanawëxächixëëx i perü maxü!’ ”

ñaxü tá.

⁴ Rü Cuáü rü dauxchitawa ga ngextá taxúema íxâpataxüwa nangox rü yéma ínanabaiüxëë ga duüxügü. Rü namaã nüxü nixu ga na namexü na Tupanacëx nadaugüxü rü ínbaiüxü na Tupana nüxü nüxü nangechaüxüçex ga norü pecadugü.

⁵ Rü guxüma ga duüxügü ga Yudéaanecüäx rü ñäne ga Yerucharéüçüäx rü yéma Cuáüxütawa naxüxü ga na nüxü iyanaxüñüëxüçex. Rü nümagü rü norü pecadugüxü yéma nayarüxügüxü, rü Cuáü rü natü ga Yudáüwa ínyabaiüxëëtanü.

⁶ Rü naxchiru ga Cuáü rü cameyutëxanaxcëx nixí, rü norü goyexü rü naxchëxmünaxcëx nixí. Rü beruremaã rü munümaã naxäwemü.

⁷ Rü Cuáü rü yema nüxü yaxuxü ga orewa, rü ñanagürü: —Chowema tá ne naxü ya choxü rüyexeracü. Rü choma rü taxuwama chame rü bai na ichayarümaxächixü na íchayawëxüçex i norü chapatucunügü.

⁸ —Choma rü dexáwamare pexü íchabaiüxëë, natürü nüma rü tá Tupanaãe i Üünexü pexna nanguxëë —ñanagürü ga Cuáü.

Ngechucharü baiechiga

(Mt 3.13-17; Lc 3.21-22)

⁹ Rü yema ngunexügü, rü Ngechuchu rü ínaxüxü nawa ga guma ñäne ga Nacharétu ga Gariréaanewa yexmane. Rü Cuáü rü natü ga Yudáüwa ínanabaixëë.

¹⁰ Rü yexguma dexáwa ínaxüächigu, rü Ngechuchu nüxü nadau ga na yangenaxü ga daxüwa. Rü yema Tupanaãe i Üünexü rü wüxi ga muxtucurü ínanago, rü Ngechuchuna nangu.

¹¹ Rü daxüwa ínanaxü ga wüxi ga naga ga ñaxü: —Cuma nixí i Chaune i cuxü changechaüxüchixü rü cumaã chataäëxüchixü —ñaxü.

Ngechuchuxü naxü ga Chataná

(Mt. 4.1-11; Lc 4.1-13)

¹² Rü yemawena rü Tupanaãe i Üünexü rü dauxchitawa ga ngextá taxúema íxâpataxüwa Ngechuchuxü naga.

¹³ Rü yéma nayexma ga 40 ga ngunexü. Rü naëügü ga idüraexü íyexmagüxüwa nayexma, rü ngoxo ga Chataná rü nüxü naxü. Natürü Tupanaärü orearü ngeruügü ga daxüçüäx rü Ngechuchuxü narüngüxëëgü.

Ngechuchu rü Gariréaanewa inanaxügü ga norü puracü
(Mt 4.12-17; Lc 4.14-15)

¹⁴ Rü nawena ga poxcupataügu na napoxcuxü ga Cuáü, rü Gariréaanewa naxü ga Ngechuchu na naxunagüãxüçèx ga Tupanaärü ore i mexü.

¹⁵ Rü ñanagürü: —Marü nawa nangu i ngunexü ga Tupana nagu unetaxü, rü pexcèx ñingaica na perü âëxgacü na yüixü. ¡Rü ñuxma rü name nixü i Tupanacèx pedaugü rü peyaxögü i ngéma norü ore i mexü! —ñanagürü.

Ngechuchu rü ägümücü ga püchaetanüxüçèx naca
(Mt 4.18-22; Lc 5.1-11)

¹⁶ Rü yexguma nextaxa ga Gariréaanacügu yaxüxgu ga Ngechuchu, rü yéma nüxü nadau ga Chimáü rü naëneë ga Aüdré. Rü nümagü rü woetama püchaetanüxü nixügü rü yéma nextaawa napüchaegü.

¹⁷ Rü Ngechuchu rü ñanagürü nüxü: —¡Chowe perüxü rü tá pexü charüngüxëë na chauxütawa penagagüxüçèx i duüxügü! —ñanagürü.

¹⁸ Rü yexgumatama ga yema taxre, rü yéma nanawogü ga norü püchagü. Rü Ngechuchuwe narüxi.

¹⁹ Rü yéamaxüra naxü ga Ngechuchu, rü yéma nüxü nadau ga Chaütiágu rü naëneë ga Cuáü. Rü Zebedéu nanegü nixügü ga nümagü. Rü wüxi ga nguewa nayexmagü, rü yéma ínanangáitagü ga norü püchagü.

²⁰ Rü yexgumatama Ngechuchu naxcèx naca. Rü nümagü rü yéma nguewa tüxü natèxgü ga nanatü ga Zebedéu namaã ga tümaärü puracütanüxügü, rü Ngechuchuwe narüxi.

Wüxi ga yatü ga ngoxo nawa yexmaxüchiga
(Lc 4.31-37)

²¹ Rü íane ga Capernáüwa nangugü. Rü yexguma ngüxchigaarü ngunexüwa nanguxgu, rü Ngechuchu rü ngutaquëxepataüwa naxü rü yexma naxücu. Rü yéma inanaxügü ga na nangüxëëtaexü.

²² Rü duüxügü rü nabëixächíãëgü namaã ga norü nguxëëtae, yerü aixcüma Tupanaärü poramaã meã nanangüxëë rü tama ngüxëëruügü ga Moïchéarü mugüwa ngüxëëtaegüxürüü nixü.

²³⁻²⁴ Rü guma íaneärü ngutaquëxepataüwa nayexma ga wüxi ga yatü ga ngoxo nawa yexmaxü. Rü aita yéma naxü, rü ñanagürü: —¿Tüxcüü totanüwa cuxü, Pa Ngechuchu Pa Nacharétucüãx? ¿Nuã cuxü na toxü cuyadëixüçèx? Choma rü cuxü chacuèx na Tupana Nane ya Üüncü quiüxü —ñanagürü.

²⁵ Rü Ngechuchu nüxü naxoqx ga yema ngoxo, rü ñanagürü: —¡lyarüungeèx rü ínaxüxü nawa ya yima yatü! —ñanagürü.

²⁶ Rü yexguma ga yema ngoxo rü guma yatüxü niyuächixëë, rü tagaäcü aita naxüäcüma nawa ínaxüxü.

²⁷ Rü guxüma ga duüxügü rü nabëixächíãëgü, rü namücügüna nicachigü rü ñanagürügü: —¿Tacü nixü i ñaã? Maneca wüxi i ngexwacaxüxü i nguxëëtae nixü. Nüma rü aixcüma Tupanaärü poramaã meã nangüxëëtae. Rü woo i ngoxogü rü naga naxüñü i ngëxguma namuãxgu —ñanagürügü.

²⁸ Rü yemaäcü nixü ga paxa guxüwama ga Gariréaanewa rü Ngechuchuchi-gaxü nacüèxgüxü ga duüxügü.

Ngechuchu rü Chimáü ga Pedru nëxëcèx nayataanexëë
(Mt 8.14-15; Lc 4.38-39)

²⁹ Rü yexguma ngutaquëxepataüwa ínaxüxügu ga Ngechuchu, rü Chaütiágu rü Cuáümaã Chimáü rü Aüdrépatawa naxü.

³⁰ Rū Chimáú nèxê rû ngürücarewa iyexma, yerü iyaxaxüne. Rū Ngechuchumaã ngixũ nixugüe.

³¹ Rū ngixcèx nixü, rû ngixmêxgu nayayauxãchi, rû ngixũ inarüdaxêê. Rū yexgumatama igëuxãchi ga na yaxaxünexũ. Rū íirüda, rû inaxügü ga naxcèx na namexêêaxũ ga òna.

Ngechuchu rû muxüma ga idaaweexücèx nayataanexêê
(Mt 8.16-17; Lc 4.40-41)

³² Rū yexguma marü yanaxücuxgu ga üèxcü ga na nachütachaũxũ, rû Ngechuchuxütawa nanagagü ga guxüma ga duũxügü ga idaaweexü rû guxüma ga ingoxoãxgüxũ.

³³ Rū guxüma ga yema íānecũdãx rû yexma guma ípataarü íãxwa naxcèx nangutaquêxegü.

³⁴ Rū nüma nanameêxêê ga muxüma ga duũxügü ga nagüxüdraũxũ ga ðaawemaã idaaweexü. Rū ínanawoxũ ga muxüma ga ngoxogü, natürü nüxna nanachuxu ga na yadexagüxũ, yerü nümagü ga ngoxogü rû nüxü nacüèxgü na texé yiixũ.

Ngechuchu rû nanaxunagü ga ore ga mexü ga ngutaquêxepataũwachigü
(Lc 4.42-44)

³⁵ Rū ngunetüũ ga tauta yangóonegu, rû inaxüãchi ga Ngechuchu. Rū íāneärü yéaxüra ga ngextá taxüema íxãpataxüwa naxü na yéamaxüra yayümüxêxücèx.

³⁶ Rū Chimáú rû namücügümaã Ngechuchucèx nayadaugü.

³⁷ Rū yexguma nüxü iyangaugügu, rû ñanagürügü nüxü: —Guxüma i duũxügü rû cuxcèx nadaugü —ñanagürügü.

³⁸ Natürü ga nüma rû nanangãxũ rû ñanagürü nüxü: —¡Ngixã rû toxnamana taxí náigü ya íānexácügü ya ngaicamagünewa na ngema rû ta chanaxunagüxücèx i ore i mexü! Erü woetama ngēmaccèx nixü i Capernáüärü íānewa íchaxüxũ.

³⁹ Rū yemaãcü ga Ngechuchu rû guxüma ga Gariréaanegu nixüãgüchigü. Rū wüxichigü ga íāneärü ngutaquêxepataũwa rû nüxü nixuchigü ga ore ga mexü, rû ínayawoxüêtanü ga ngoxogü.

Ngechuchu rû wüxi ga rüchaxünexücèx nayataanexêê
(Mt 8.1-4; Lc 5.12-16)

⁴⁰ Rū Ngechuchucèx nixü ga wüxi ga yatü ga chaxünemaã idaawecü. Rū napêxegu nayacaxãpüxüãcüma ñanagürü nüxü: —Pa Corix, ngëxguma cunaxwèxegu na choxü curümexêêxũ, rû cuxü natauxcha na chauxcèx cuyataanexêêxũ —ñanagürü.

⁴¹ Rū Ngechuchuaxũ nangechaütümüũ ga guma yatü. Rū nüxü ningögü rû ñanagürü nüxü: —Ngü, chanaxwèxe. ¡Marü curüme! —ñanagürü.

⁴² Rū yexgumatama nüxü inayarüxo ga na nachaxünexü ga guma yatü. Rū meãma naxcèx nitaane.

⁴³⁻⁴⁴ Rū Ngechuchu rû yexgumatama ínayamu. Rū meãma nanaxucuxê rû ñanagürü nüxü: —¡Dücèx, tãxütáma texémaã nüxü quixu! ¡Natürü ngema paixütawa naxü, rû cugü nüxü yadauxêê! ¡Rü curü mexêêcèx nüxna yaxuaxü i curü ãmare ga yema Moiché tüxü muxü na nüxü nacuáxücèx i duũxügü na curümexü nawa i curü daawe! —ñanagürü.

⁴⁵ Natürü nüma ga guma yatü rû ínixü rû inanaxügü ga na guxãmaãma nüxü yaxuxü ga yema nüxü ngupetüxü. Rū yemacèx ga Ngechuchu rû marü taxucürüwa ngóxüwama duũxügüpêxewa íānegügu naxücu. Natürü

dauχchitagu ga ngextá duũxũgũ itaxuxũgu narũxãũx. Rũ yéma naxcèx naxĩxũ ga duũxũgũ ga guxũãnewa ne ìxũ.

2

Ngechuchu rũ wũxi ga yatũ ga nawãixãchicicèx nayataanexẽẽ (Mt 9.1-8; Lc 5.17-26)

¹⁻² Rũ yixcama ga ñuxre ga ngunexũwena rũ wenaxãrũ Capernãũrũ ìãnegu naxũcu ga Ngechuchu. Rũ yexguma duũxũgũ nũxũ cuáchigagũgu na Ìpatawa nayexmaxũ, rũ yéma nangutaquẽxegũ ga muxũma ga duũxũgũ. Rũ dũxwa ga ìãxtũwa rũ nanapá. Rũ nũma ga Ngechuchu rũ namaã nũxũ nixu ga ore i mexũ.

³ Rũ yéma nangugũ ga ágũmũcũ ga yatũgũ ga yéma nangetaũgũxũ ga wũxi ga yatũ ga nawãixãchicũ.

⁴ Natũrũ yema na namuxũchixũ ga duũxũgũ, rũ taxucũrũwama Ngechuchuxũtawa nangugũ. Rũ yemacèx ìnanapogũetũ ga Ngechuchu ìyexmaxũwa ga guma Ìpata. Rũ yéma norũ caruũgu ìnanaçhũxũetaũgũ ga guma nawãixãchicũ.

⁵ Rũ yexguma Ngechuchu nũxũ dèuxgu ga ñuxãcũ aixcũma na yaxõgũãxũ ga yema duũxũgũ, rũ ñanagũrũ nũxũ ga guma nawãixãchicũ: —Pa Chaunex, curũ pecadugũ rũ marũ cuxũ nũxũ changechaũ —ñanagũrũ.

⁶⁻⁷ Natũrũ ñuxre ga ngũxẽẽruũgũ ga Moĩchearũ mugũwa nguxẽẽtaegũxũ rũ yéma narũtogũ. Rũ naãewa ñaxũgu narũxĩnũ: —Ñuxãcũ tama namuũ na ngẽmaãcũ yadexaxũ? ¿Rũ tacũ Tupanamaã yaxugũxũ? Erũ Tupanaxĩcatama nixĩ ya duũxũgũarũ pecaduxũ ngechaũcũ —ñaxũgu narũxĩnũ.

⁸ Natũrũ yexgumatama ga Ngechuchu rũ nũxũ nicuẽxãchi ga yema nagu naxĩnũẽxũ, rũ yemacèx nũxna naca rũ ñanagũrũ nũxũ: —¿Tũxcũũ ngẽmagu perũxĩnũẽ i pemax?

⁹ —¿Tacũ nixĩ i rũtauchamaẽxũ na namaã nũxũ ìxuxũ ya daa nawãixãchicũ: “Curũ pecadugũ rũ marũ cuxũ nũxũ changechaũ”, rũ èxna:

“¡Inachi, rũ nayaxu i curũ caruũ, rũ ìixũ!” ñaxũ?

¹⁰⁻¹¹ —Natũrũ ñuxma rũ tá pexũ nũxũ chadauxẽẽ na Chaunatũ nũma choxũ muxũ na duũxũgũaxũ nũxũ changechaũxũcèx i norũ pecadugũ —ñanagũrũ. Rũ yexguma yema ñaxguwena rũ guma nawãixãchicũxũ ñanagũrũ: —Cumaã nũxũ chixu rũ ñinachi, rũ nayaxu i curũ caruũ, rũ cupatawa naxũ! —ñanagũrũ.

¹² Rũ yexgumatama ñinachi ga guma ìdaawecũ. Rũ nanayaxu ga norũ caruũ, rũ ìnaxũxũ napẽxewa ga guxũma ga yema duũxũgũ ga yéma yexmagũxũ. Rũ yemacèx ga yema duũxũgũ rũ nabèjãxãchiãegũ, rũ Tupanaxũ nicuẽxũgũ, rũ ñanagũrũgũ: —Taguma nũxũ tadau i tacũ i ñããrũũ ìxĩxũ —ñanagũrũgũ.

Lebícèx naca ga Ngechuchu (Mt 9.9-13; Lc 5.27-32)

¹³ Rũ yemawena rũ wenaxãrũ naxtaacutũwa naxũ ga Ngechuchu. Rũ yema muxũma ga duũxũgũ rũ naxcèx naxĩ. Rũ nũma rũ nanangũxẽẽ.

¹⁴ Rũ yexguma yéma naxũpetũgu ga Ngechuchu, rũ yéma nũxũ nadau ga Lebĩ ga Arupéu nane. Rũ nũma ga Lebĩ rũ yéma narũto nawa ga yema nachica ga duũxũgũna dũeru ngĩxũ ìnayaxuxũwa naxcèx ga Dumacũãxãrũ ãẽxgacũ yerũ woetama yema nixĩ ga norũ puracũ. Rũ Ngechuchu rũ ñanagũrũ nũxũ: —¿Chowe rũxũ! —ñanagũrũ. Rũ ñinachi ga Lebĩ, rũ nawe narũxũ.

15 Rū yéma Lebípatawa nachibü ga Ngechuchu. Rū yéma nachibüe ga muxüma ga duüxügü ga Lebírüü Dumaärü äëxgacücèx dīeru ngīxü yauxgüxü. Rū nayexmagü ta ga togü ga duüxügü ga taxúema nacümamaã taãëgüxü ga yéma mechawa rütogüxü namaã ga Ngechuchu rü norü ngüexügü. Yerü namu ga yema nawe rüxixü.

16 Rū yéma nayexmagü ta ga ñuxre ga Parichéugü rü ngüexëëruügü ga Moíchéarü mugüwa ngüxëëtaegüxü. Rū yexguma nüxü nadaugügu ga yema togümaã na nachibüxü ga Ngechuchu, rü norü ngüexügüna nacagü, rü ñanagürügü: —Ñuxäcü i perü ngüexëëruü rü namaã nachibü i äëxgacüarü duüxügü i dīeruarü yauxwa puracüexü rü duüxügü i pecaduäxgüxü? —ñanagürügü.

17 Rū yexguma yemaxü naxīnūgu ga Ngechuchu rü ñanagürü nüxü: —Ngëma poraexü rü tama nanaxwëxe ya duturu, natürü ngëma idaaaweexü waxi nixī i naxwëxexü ya duturu. Choma rü tama mexügüna na chaxuxücèx nixī ga núma chaxüxü, natürü núma chaxü na nüxna chaxuxücèx i pecaduäxgüxü —ñanagürü.

*Ngechuchuna aurechigacèx nacagüe
(Mt 9.14-17; Lc 5.33-39)*

18 Rū wüxi ga ngunexügu rü tama nachibüe yerü Tupanacèx naxauree ga Cuáü ga baiüxëëruüärü ngüexügü rü Parichéugüarü ngüexügü. Rū yemaxü nadaugügu ga ñuxre ga duüxügü, rü Ngechuchuxütawa naxī rü nüxna nayacagüe, rü ñanagürügü: —Ngëma Cuáüärü ngüexügü rü Parichéugüarü ngüexügü rü naxauree. ¿Rü tüxcüü i curü ngüexügü i tama naxaureexü? —ñanagürügü.

19 Rū Ngechuchu nanangäxü rü ñanagürü nüxü: —¿Éxna wüxi i ngīgüarü petawa rü pexcèx namexü na naxaureexü i ngëma nüxna naxugüxü ega natanüwa nangëxmagu i ngëma yatü i ngexwacèx ämaxü? Pemaã nüxü chixu rü ngëxguma natanüwa nangëxmayane i ngëma yatü i ngexwacèx ämaxü rü taxucürüwama naxauree i ngëma nüxna naxugüxü.

20 —Natürü wüxi i ngunexü rü ngëma yatü i ngexwacèx ämaxü rü tá namücügüna nixügachi. Rū ngëma ngunexügu tá nixī i naxaureexü. [Rü chorü ngüexügü rü taxucürüwama naxauree i ñuxma erü natanüwa changëxma. Natürü ínangu tá i ngëma ngunexü na nüxna chixügachixü, rü ngëxguma tá nixī i naxaureexü.]

21 —Rü taxúema wüxi i naxchirutüchi i ngexwacaxüxümaã tanapaita i wüxi i naxchiru i ngauxü. Erü ngëxguma nañaächimügu i ngëma natüchi i ngexwacaxüxü, rü tá nanagáuxëë i ngëma ngauxü i naxchiru. Rü noxriarü yexera tá narügáu.

22 —Rü ngëxgumarüü ta taxúema ngexwacaxücü ya binu rü wüxi i marü ngauxü i naxchiü i naxchëxmünaxcèxgu tayabacuchi. Erü ngëxguma ngëmaäcü naxüxgu rü yima binu ya ngexwacaxücü rü narüngu, rü tá nayawäixëë i ngëma naxchiü i ngauxü i naxchëxmünaxcèx. Rü ngëxma tá inayarüxo ya binu rü naxchiü rü ta. Rü ngëmacèx tanaxwëxe ya ngexwacaxücü ya binu rü ngexwacaxüxü i naxchiügu tayabacuchi. [Rü chorü ngüxëëtae i ngexwacaxüxü rü ngëxgumarüü ta nixī na taxucürüwama namaã nawüxigüxü i ngëma nuxcümaüxü i pecümagü —ñanagürü ga Ngechuchu.]

*Ngechucharü ngüexügü rü trigu nibuxetanü ga ngüxchigaarü ngunexügu
(Mt 12.1-8; Lc 6.1-5)*

²³ Wüxi ga ngüxchigaarü ngunexügu ga Ngechuchu rü norü ngüexüğümaã trigunecüwa nachopetü. Rü nümagü ga norü ngüexüğü rü inaxiãcüma inanaxüğüe ga trigu na yabuxetanüxü.

²⁴ Rü yema Parichéugü rü Ngechuchuna nacagü rü ñanagürüğü: —Dücèx çrü tüxcüü i curü ngüexüğü rü nanaxüğü i ngëma tama mexü i ngüxchigaarü ngunexügu na naxüxü? —ñanagürüğü.

²⁵ Natürü nüma ga Ngechuchu rü ñanagürü nüxü: —çTaguma êxna poperawa nüxü pedau ga tacü na naxüxü ga nuxcümaücü ga âëxgacü ga Dabí rü natanüxüğü ga yexguma òna nüxü tauxgu rü nataiyaegu?

²⁶ Rü yexguma paigüarü âëxgacü yixügu ga Abiatáru, rü Dabí rü Tupanapatau naxücu. Rü nanangõx ga yema pâu ga üünexü ga paigücèxicatama ixixü. Rü nüma ga Dabí rü natanüxümaã rü ta nangau ga yema pâu —ñanagürü.

²⁷ Rü ñanagürü ta ga Ngechuchu: —Ngëma ngüxchigaarü ngunexü rü duüxügücèx nixí ga naxüxü. Rü tama ngüxchigaarü ngunexüçèx nixí ga naxüxü ga duüxüğü.

²⁸ —Rü ngëmacèx ya Tupana Nane ya duüxüxü ixicü rü namaã inacüèx ta i ngüxchigaarü ngunexü —ñanagürü.

3

Wüxi ga yatü ga yumécüchiga (Mt 12.9-14; Lc 6.6-11)

¹ Rü wenaxärü ngutaquëxepataügu naxücu ga Ngechuchu. Rü yéma nayexma ga wüxi ga yatü ga norü wüxichacüüwa yumécü.

² Rü yema Parichéugü, rü Ngechuchuxü nangugüğü ngoxi tá namexëëã ga ngüxchigaarü ngunexügu, na yemaãcü nüxü nayexmaxüçèx ga tacüçèx na inaxuaxüğüãxü.

³ Rü yexguma ga Ngechuchu rü ñanagürü nüxü ga guma yumécü: —jÍrúda, rü nuxã ngãxütanügu yachi! —ñanagürü.

⁴ Rü yexguma ga Ngechuchu rü yema togü ga yéma yexmagüxüna naca, rü ñanagürü nüxü: —çTacü nixí i mexü na naxüxü i ngüxchigaarü ngunexüğü? çNamexü na naxüxü i mexü rü êxna chixexü? çRü namexü na namaxëëxü rü êxna yamáxü? —ñanagürü. Natürü ga nümagü rü yexma nayarüngeëxgümare.

⁵ Rü nüma ga Ngechuchu rü nuchametüãcüma nüxü nidaugüãchi ga yema nüxü íchomaëguãchixü. Rü nangechaü yerü tama inaxinüëchaü ga yema duüxüğü. Rü guma yatüxü ñanagürü: —jIyanawëxãchixëë ya cuxmëx! —ñanagürü. Rü yexguma ga guma yatü rü nüğü inayarüwëxãchimëxëë. Rü yexgumatama rü narümemxëx.

⁶ Natürü yexguma yemaxü nadaugügu ga Parichéugü, rü Ínachoü ga yéma. Rü Erodetanüxümaã inanaxüğüe ga na naxcèx nadaugüxü ga ñuxãcü tá na Ngechuchuxü yamëxgüxü.

Naxtaacutüwa Ngechuchucèx nangutaquëxegü ga muxüma ga duüxüğü

⁷ Rü Ngechuchu rü norü ngüexüğümaã naxtaacutüwa naxü. Rü muxüma ga duüxüğü ga Garirëaanecüãx rü nawe narüxü.

⁸ Rü yexguma nüxü nacuáchigagüga guxüma ga yema mexüğü ga naxüxü ga Ngechuchu, rü naxcèx naxítaquëxe ga muxüma ga duüxüğü ga Yudeaanecüãx, rü Yerucharëucüãx, rü Idumëãanecüãx, rü Yudaüärü tocutüçüãx rü yema naãne ga Tiru rü Çhidäüärü iãnegü nawa yexmaxüçüãx.

⁹ Rū yemacèx ga Ngechuchu rü norü ngúexüügüxü namu na wüxi ya ngue naxcèx namexèégüxüxcèx na tama yéma yaxüxtüügüãxüxcèx ga yema muxüma ga duüxüügü.

¹⁰ Yerü nüma rü nanameèxèẽ ga muxüma, rü yemacèx guxüma ga yema idaaweexü rü naxcèx naxi na nüxü yangögüügüxüxcèx.

¹¹ Rū yexguma yema ngoxögüxü rü ga duüxüügü nüxü daugügu, rü napèxegu nacaxäpüxüügü rü tagaäcü ñanagürügü: —Cuma nixi ya Tupana Nane quüixü —ñanagürügü.

¹² Natürü nüma ga Ngechuchu rü poraäcü nayaxucüxègü na tama duüxüügümaã nüxü yaxugüexüxcèx ga nachiga.

Ngechuchu nanade ga 12 ga norü ngúexüügü na toxnamana namugüãxüxcèx (Mt 10.1-4; Lc 6.12-16)

¹³ Rū yemawena ga Ngechuchu rü wüxi ga mëxpünewa ínaxüãchi. Rū yéma naxcèx naca ga yema ngúexüügü ga nüma nanaxwèxexü. Rū naxütagu naxütaquèxegü.

¹⁴ Rū yematänüwa nayadexechi ga 12 ga norü ngúexüügü na namücügüxüchi yüxüxcèx, rü na yamugüãxüxcèx ga norü orearü unagüwa. Rū yemagü rü Imugüxügu nanaxüéga.

¹⁵ Rū pora nüxna naxã na Tupanaärü poramaã ínawoxüãxüxcèx ga ngoxogü.

¹⁶ Rū ñaägü nixi ga naega ga yema 12 ga norü ngúexüügü ga nadexü. Rū wüxi nixi ga Chimáü ga Pedrugu naxüégaxü.

¹⁷ Rū togü nixi ga Chaütiágu rü naèneè ga Cuáü. Rū nümagü rü Zebedéu nanegü nixi. Rū Ngechuchu rü Boanéregu nanaxüéga. Rū ngéma nixi i Duruanexü Nanegü —ñaxüchiga.

¹⁸ Rū togü nixi ga Aüdré, rü Piripi, rü Baturumé, rü Mateu, rü Tumachi, rü Chaütiágu ga Arupéu nane, rü Tadéu, rü Chimáü ga iporaäcüücü.

¹⁹ Rū to nixi ga Yuda ga Icariüte ga yixcama bexma Ngechuchuxü íxuaxüxü.

Ngechuchuxü nixugüe na ngoxoarü poramaã napuracüxü (Mt 12.22-32; Lc 11.14-23, 12.10)

²⁰ Rū yemawena rü wüxi ga İpatagu naxücu ga Ngechuchu. Rū wenaxärü naxcèx nangutaquèxegü ga muxüma ga duüxüügü. Rū yemacèx woo na nachibüexüxcèx rü nangechicagü ga nüma rü norü ngúexüügü.

²¹ Rū yexguma yemaxü taxünüégu ga guxema natanüxüügü ga Ngechuchu, rü itayadaugü na tayagagüxüxcèx, yerü nüxü tixugüügü rü: —Naxäüãëmære —ñatagürügü.

²² Rū yexgumarüü ta ga yema ngúexèëruügü ga Moïchéarü mugüwa nguxèëtaegüxü ga Yerucharéüwa ne İxü, rü ñanagürügü: —Ñaa yatü i Ngechuchu, rü ngoxogünatü i Bechebüarü poramaã nixi i ínawoxüãxü i ngoxogü —ñanagürügü.

²³ Natürü ga Ngechuchu rü naxcèx naca ga yema ngúexèëruügü. Rü wüxi ga ore ga cuèxruüxü namaã nixu, rü ñanagürü: —¿Rü ñuxäcü i Chataná i nügütama ínätèxüchixü?

²⁴ —Rü ngèxguma chi wüxi i nachiüãnecüãx i duüxüügü rü nügütanüxüwatama nügü nadaixgu, rü taxuacüma natai i ngéma nachiüãne.

²⁵ —Rü ngèxguma chi wüxi ya İpatacüãx nügü itoyegu, rü taxuacüma natai ya yima İpata.

²⁶ —Rü ngèxgumarüü chi ta nixi i Chataná ega nügümaã nanuxgu rü nügü yamèxgu, rü taxuacü chima natai i ngèxguma. Rü chi ngèxma nagux.

27—Rü taxuacüma texé wüxi ya yatü ya poracüpatagu taxücu na nüxna tanapuxüxcèx i norü ngëmaxügü, ega tama tayanëjiragu. Erü ngëmaäcücica tá nixi i tüxü nanguxüxü na tanapuxüxü i norü ngëmaxügü.

28—Rü aixcüma pemaã nüxü chixu rü Tupana tá nüxü nüxü nangechaü i duüxügü i guxüma i norü pecadugü rü guxüma i jacü i chixexü i namaã yadexagüxü.

29—Natürü texé ya chixexü namaã ixugüxe i Tupanaãe i Üünexü, rü tagutáma tüxü nüxü nangechaü ya Tupana. Rü guxügutáma chixexüwa tüxü natèx —ñanagürü.

30 Rü yema ñanagürü ga Ngechuchu, yerü yema ngüxëëruügü ga Moïchéarü mugüwa nguxëëtaegüxü rü: “Nangoxoãx” ñanagürügü nüxü.

Ngechuchuarü mamá rü naëneëgüchiga

(Mt 12.46-50; Lc 8.19-21)

31 Rü yexgumayane rü itangügü ga Ngechuchuarü mamá rü naëneëgü. Natürü Ìpataarü düxétügu tarücho, rü naxcèx yéma tangemagü.

32 Rü yema duüxügü ga Ngechuchuxü íchomaëguächixü, rü ñanagürügü nüxü: —Curü mamá rü cueneëgü rü cueyèxgü, rü yéa düxétüwa tangèxmagü, rü cuxcèx tadaugü —ñanagürügü.

33 Rü nüma nanangãxü, rü ñanagürü: —¿Texé tixi ya chaue rü chaueneëgü? —ñanagürü.

34 Rü yema nüxü íchomaëguächixüxü nidaugüächi, rü ñanagürü: —Rü daxegü tixi ya chaue rü chaueneëgü.

35—Erü guxáma ya texé ya naxúxe i Tupanaärü ngúchaü, rü yíxema tixi ya chaueneë rü chaueyèx rü chaue —ñanagürü.

4

Ore ga toecügu ixuxü

(Mt 13.1-9; Lc 8.4-8)

1 Rü wenaxârü inanaxügü ga Ngechuchu ga na nangüxëëãxü ga duüxügü ga guma naxtaxaãnacüwa. Rü muxüma ga duüxügü yexma naxcèx nangutaquëxegü. Rü yemacèx düxwa wüxi ga ngue ga yéma naxtaawa yexmanegu nixüe ga Ngechuchu, rü gumawa narüto. Rü yema duüxügü rü naxtaxaãnacügu narücho.

2-3 Rü yexguma ga Ngechuchu rü inanaxügü ga muxüma ga ore ga cuèxruüwa na nangüxëëãxü ga duüxügü. Rü norü nguxëëtaewa rü ñanagürü: —¿Düxcèx, iperüxínüë i ñaã ore! Wüxi ga yatü ga toecü rü triguarü towa naxü.

4—Rü yexguma triguchiremaã nagüaneägu, rü ñuxre ga triguchire rü namagu nayi. Rü ínangügü ga werigü, rü nanawecu.

5—Rü náigü ga triguchire rü nutatanügu nayi ga ngextá ínachicaxüwa ga waixüümü. Rü paxa narüxügü ga guma triguchire, yerü ga waixüümü rü tama nayaxcü.

6—Natürü yexguma nangunagügü ga üèxcü, rü ínanagu ga guma trigu rü narüñèxgü. Rü nayue, yerü tama poraäcü nixámaxã.

7—Rü náigü ga triguchire rü toranecügu nayi. Rü yexguma nayaegu ga tora, rü guma triguxü inawocu, rü yemacèx tama nixo.

8—Natürü náigü ga triguchire rü mexü ga waixüümügu nayi. Rü meãma nayae, rü muxüma ga trigu nawa ínanguxuchi. Rü nümaxüneyèxawa rü 30 püxü ínanguxuchi ga norü o, rü náigüwa rü 60, rü náigüwa rü 100 ínanguxuchi —ñanagürü.

⁹ Rū ñuxũchi ñanagürü ta: —Rū yíxema áchixëgũxe, jrü nüxũ taxĩnũe i ñaa ore! —ñanagürü.

Tacũchiga nixĩ ga yema ore ga cuèxruũgũgu ixuxũ
(Mt 13.10-17; Lc 8.9-10)

¹⁰ Rū yemawena ga yexguma nanũxĩcèxgu ga Ngechuchu, rü yema naxũtagugũxũ wũxigu namaã ga yema 12 ga norü ngüexũgũ, rü nüxna nacagũe ga na tacũchiga yĩxũ ga yema ore ga cuèxruũgu ixuxũ.

¹¹⁻¹² Rū nüma nanangãxũ rü ñanagürü nüxũ: —Tupana rü pexũ nüxũ nacuèxëe i ngëma èxũguxũ i taxuũma i togü nüxũ cuãxũ na ñuxãcü àëxgacũ na yĩxũ i nümax. Natürü ngëma togü i tama tatanũxũ ixĩxũcèx rü cuèxruũgu chayaxuãcüma namaã nüxũ chixu i ore na woo nüxũ nadaunũgu rü ñoma tama nüxũ nadaugũxürü na yĩxũcèx, rü woo nüxũ naxĩnũëgu rü tama nüxũ na nacuèxgũxũcèx. Rü ngëmaãcü namaã nüxũ chixu na tama nüxũ naxoexũcèx i nacũma i chixexũ rü tama Tupana nüxũ nüxũ ngechaũxũcèx i norü pecadugũ —ñanagürü.

Ngechuchu rü meã nanangoxëe ga yema ore ga cuèxruũ ga toecũchigagu ixuxũ
(Mt 13.18-23; Lc 8.11-15)

¹³ Rū Ngechuchu ñanagürü nüxũ: —¿Pema rü ta èxna tama nüxũ pecuèxgũ na tacũchiga yĩxũ i ngëma ore i cuèxruũ i nüxũ chixuxũ? ¿Rü ñuxũcürüwa tá nüxũ nacuèxgũ i ngëma togü?

¹⁴ —Rü yíxema toexe, rü yíxema tixĩ ya ore i mexũ unagũxe.

¹⁵ —Rü nangëxma i duũxũgũ i guma triguchire ga namagu yixũnerüũ ixĩgũxũ. Rü nümagü rü nüxũ naxĩnũe i ore i mexũ, natürü yixcama marü nüxũ naxĩnũëguwena, ngema nangu i Chataná rü nüxna nanapu i ngëma ore i mexũ ga noxri yaxõgũxũ.

¹⁶ —Rü togü rü ngëma triguchire ga nutatanũgu yixũnerüũ nixĩgũ. Rü ngëmagü nixĩ i nüxũ ñnũexũ i ore i mexũ, rü taãëacũma nayauxgũxũ.

¹⁷ —Natürü ngëma na tama aixcũma nangu naxĩnũexũ i ngëma ore, rü paxaãchitama nayaxõgũ. Rü ngëmacèx i yixcama ngëxguma ngëma oregagu guxchaxũgũ nüxũ üpetũgu rü èxna duũxũgũ naxchi aiegu, rü nüxũ narũxoe i ngëma ore ga noxri yaxõgũxũ.

¹⁸⁻¹⁹ —Rü togü rü guma triguchire ga toranecũgu yixũnerüũ nixĩgũ. Nümagü rü nüxũ naxĩnũe i ngëma ore i mexũ, natürü ñoma i naãneãrũ ngëmaxũgũcèx naxoegaãgũ rü norü dñeruguama narũxinũe, rü nanaxwëxegũ i nüxũ na nangëxmaxũ i muxũma i to i norü ngëmaxũgũ. Rü guxũma i ngëma rü nüxũ nüxũ inayarũngũmaëxëe i ngëma ore i mexũ rü nüxũ nüxũ narũxoeëe na tama naxũgũãxũcèx i ngëma mexũ i Tupana nüxũ naxwëxexũ.

²⁰ —Rü togü rü guma triguchire ga mexũ ga waixũmũgu yixũnerüũ nixĩgũ. Ngëmagü nixĩ i nüxũ ñnũexũ i ore i mexũ rü nayauxgũxũ rü meã Tupana naxwëxexũãcüma maxëxũ. Rü nümaxũ rü guma trigu ga 30 pũxũ nawa ñnguxuchinerüũ nixĩgũ. Rü nümaxũ rü guma 60 pũxũ nawa ñnguxuchinerüũ nixĩgũ. Rü nümaxũ rü guma 100 pũxũ nawa ñnguxuchinerüũ nixĩgũ —ñanagürü.

Ore ga omũgu ixuxũ
(Lc 8.16-18)

²¹ Rū yexgumarüũ ta ñanagürü nüxũ: —¿Èxna nuã tanange i wũxi i omũ na wũxi i caichãtũũgu rü èxna wũxi i pechicatũũgu na yaxũcuchixũcèx?

Tama ngēmaācū nixī, erū wūxi i omū rū dauxnagu tanaxūnagū na ngēma inabaxixūcēx.

²²—Rū ngēxgumarūū ta i guxūma i ſacū iicūxū, rū yixcūra rū duūxūgū rū tá nūxū nacuēxgūama. Rū guxūma i ngēma űuxma duūxūgūcēx ēxūguxū rū tá nangoxoma i yixcūra.

²³—Rū yixema āchixēgūxe, jrū nūxū taxīnūē i ngēma ore! —ñanagūrū.

²⁴ Rū yexgumarūū ta ñanagūrū nūxū: —jMeā naga pexīnūē i ngēma nūxū pexīnūēxū! Rū ngēma pema naga na pexīnūēxūrūū tá nixī i Tupana i pexna naxāāxū i cuēx. Rū naētū tá poraācū pexū narūngūxēē.

²⁵—Rū pemaā nūxū chixu, rū texé ya aixcūma naga űnūxē i ñaā ore i mexū rū Tupana rū yexeraācū tá tūxū nūxū nacuēxēē. Natūrū yixema tama naga űnūxē i ñaā ore rū Tupana tá tūxna nanayaxu i ngēma íraxū i cuēx i tūxū ngēxmachiréxū —ñanagūrū.

Ore ga triguchire ga ruxūxūgu ixuxū

²⁶ Rū Ngechuchu rū ñanagūrū ta: —Pemaā tá nūxū chixu i wūxi i ore i cuēxruū na nūxū pecuáxūcēx na űuxācū āēxgacū na yīxū ya Tupana. Rū wūxi ya yatū rū waixūmūgu nanato ya triguchire.

²⁷—Rū nūma ya yatū rū chūtacū nape rū moxūācū ínarūda, rū yoxni ya yima triguchire rū narūxū rū niyachigū. Natūrū nūma ya yatū rū tama nūxū nacuēx na űuxācū na naxūxū rū na nayaxū.

²⁸—Rū ngēmaācū i ngēma waixūmū rū nūēchamatama nanaxūxēē ya yima triguchire. Rū naātūgūxira narūxū rū yixcama i nachacu rū ngēmawena nachacuwa nanguxū i norū o.

²⁹—Rū ngēxguma marū yadauxgu i ngēma norū o, rū nanabuxu erū marū nawa nangu i norū buxgū —ñanagūrū.

Ore ga motachachiregu ixuxū

(Mt 13.31-32; Lc 13.18-19)

³⁰ Rū ñanagūrū ta ga Ngechuchu: —Rū Tupanaarū ore rū yexera nixūchigū jRū nanaſacūraxū rū ſacūgu tanangu?

³¹⁻³²—Rū űoma wūxi ya motachachire ya waixūmūgu itoxūnerūū nixī. Rū woo guxūnema ya nanetūchirexū narūxíramaē, natūrū ngēxguma inatoxgu, rū narūxū rū naya űuxmata guxūma i togū i nanetūxū nayexera. Rū nachacūū rū nita, rū woo werigū rū natanūgu nixūachiāū —ñanagūrū.

Cuēxruūgu ixuxū ga oremaā nidexa ga Ngechuchu

(Mt 13.34-35)

³³ Rū yemaācū ga Ngechuchu rū muxūma ga nayexgumaāchiraūxū ga ore ga cuēxruūgūmaā nananguēxēē ga duūxūgū. Natūrū yema cuēxruūgū rū tama yema duūxūgūarū cuēxū nangupetū.

³⁴ Rū ore ga cuēxruūgu ixuxūxīcatama nixī ga norū nguxēētae. Rū yixcama ga yexguma nanūxīcēxgūgu, rū norū ngūexūgūcēx meāma nanangoxēē ga guxūma.

Ngechuchu rū buanecūxū rū yuapexū ínayachaxāchixēē

(Mt 8.23-27; Lc 8.22-25)

³⁵ Rū yematama ngunexūgu ga marū nachūtachaūgu, rū Ngechuchu rū ñanagūrū nūxū ga norū ngūexūgū: —jNgīxā rū naxtaxaarū tocutūwa taxī! —ñanagūrū.

³⁶ Rū yexguma duūxūgūna yéma inaxīāchi. Rū norū ngūexūgū rū Ngechuchuxū nigagū naga ga guma ngue ga marū nawa nayexmane. Rū yexgumarūū ta ga togū ga duūxūgū rū náigū ga nguegūgu ínayaxūmūcūgū.

³⁷ Rū yexguma yaxāŷyane rū inaxū ga wūxi ga buanecū ga taxūchicū. Rū yema na nataxūchixū ga buanecū, rū guma nguegu niyauxcuchichigū ga yuape, rū yexma nabaxūgūchaŷ.

³⁸ Natūrū ga Ngechuchu rū guma nguechinūwa wūxi ga cūxeruŷgu naca, rū yéma nape. Rū ínanabaixgūgū, rū ñanagūrūgū nūxū: —Pa Ngúexēeruŷ, ¿éxna curū me nixī na nuxma íbaxūgūxū? —ñanagūrūgū.

³⁹ Rū yexguma ínarūda ga Ngechuchu. Rū buanecūna nachogū rū ñanagūrū nūxū ga guma naxtaxa: —Íyarūchiane rū Íyachaxāchi! —ñanagūrū. Rū ínayachaxāchi ga buanecū rū guxūwama ínachaxanemare.

⁴⁰ Rū yemawena ga Ngechuchu rū norū ngúexūgūxū ñanagūrū: —¿Tūxcūŷ ngēmaācū poraācū pemuŷē? ¿Ñuxma rū ta éxna tama aixcūma peyaxōgū? —ñanagūrū.

⁴¹ Natūrū nūmagū ga norū ngúexūgū rū poraācū namuŷē. Rū nūgūna nacagū rū ñanagūrūgū: —¿Texe éxna nixī ya daa rū èixrcū ya buanecū rū yuape rū naga naxīnūēxū? —ñanagūrūgū.

5

Yatū ga Gadáraçūāx ga ngoxogū nawa yexmagūxū (Mt 8.28-34; Lc 8.26-39)

¹ Rū naxtaxaarū tocutūwa nangugū ga Gadáraanewa.

²⁻³ Rū yexguma marū nguewa ínaxūegu ga Ngechuchu, rū yéma naxcèx nixū ga wūxi ga yatū ga ngoxo nawa yexmaxū. Rū yema yatū rū duŷxēgūchíquēxewa ne naxū, yerū yexma nixī ga yanaxauchigūnēxūxū. Rū taxúexūma nanguxū na tayanáixū, woo cadenamaā.

⁴ Rū woo muēxpūxcūna cadenamaā nayanēixparagū rū nayanēixchacūgū, natūrū nūma rū guxūguma íraxūgu ínacauŷgūama, rū yemaācū taxúexūma nanguxū.

⁵ Rū ngunecū rū chūtacū rū yuetachiquēxetanūgu rū naxpūxgūgu nanaxauchigūane. Rū yexma nanacaeane, rū nutamaā nūgūgu napogū.

⁶ Natūrū yexguma yaxūgutama Ngechuchuxū nadēuxgu, rū naxcèx inaŷaāchi, rū napēxegu nayacaxāpūxū.

⁷ Rū aita naxūācūma ñanagūrū nūxū: —¿Tūxcūŷ nuā choxū cuyachixewe, Pa Ngechuchux, Pa Tupanaxūchi Nanex? Rū Tupanaegagu cuxū chacèexū na tama ngúxū choxū quingexēēxū —ñanagūrū.

⁸ Rū yemaācū nidexa ga yema ngoxo yerū Ngechuchu rū marū ñanagūrū nūxū: —Pa ngoxox, ¡ínaxūxū nawa ya yima yatū! —ñanagūrū.

⁹ Rū yexguma ga Ngechuchu rū nūxna naca, rū ñanagūrū: —¿Tacū nixī i cuéga? —ñanagūrū. Rū nūma ga ngoxo nanangāxū, rū ñanagūrū: —Muxūchixū nixī i chauéga, erū tamu i tomax —ñanagūrū.

¹⁰ Rū poraācū Ngechuchuxū nacèexūgū na tama ínawoxūāxūcèx ga yema naānewa.

¹¹ Rū yema nachicaarū ngaicamana ga naxpūxpechinūwa rū nayexmagū ga muxūma ga cuchigū ga yéma chibūexū.

¹² Rū yemacèx ga yema ngoxogū rū Ngechuchuxū nacèexūgū, rū ñanagūrūgū: —¡Ngema cuchitanūwa toxū namugū na nagu tachocuxūcèx! —ñanagūrūgū.

¹³ Rū Ngechuchu rū: —Ngū —ñanagūrū. Rū yexguma ga yema ngoxogū rū guma yatūwa ínachoxū, rū yema cuchigūgu nayachocu. Rū yema

cuchigü ga wixgu 2000 ixîgüxü rü inaxüächi, rü naxtaacutüarü mëxpüxüwa nayarüyuxgü. Rü yexma nayi.

14 Rü yema cuchigiüarü dauruügu rü ñanewa nabuxmü. Rü ñanewa rü yema ñaneärü ngaicamana ipeagüxü ga duüxügütanüwa nüxü nayarüxugügü ga yema üpetüxü. Rü ga duüxügü rü ñayadaugü.

15 Rü yexguma Ngechuchu iyexmaxüwa nangugügu, rü yéma nüxü nadaugü ga guma yatü ga ngoxoächirécü. Rü yéma narüto, rü naxächiru, rü meäma naäëxü nacuèx. Rü poraäcü nabaixächiäëgü ga duüxügü.

16 Rü yema cuchigiüarü dauruügu ga nüxü daugüxü ga tacü na nüxü ngupetüxü ga guma yatü ga ngoxoächirécü rü tacü nüxü na ngupetüxü ga yema cuchigü, rü yema nixi ga togü ga duüxügümaä nüxü ixugüexü ga guxüma ga yema ngupetüxü.

17 Rü yexguma yemaxü naxinüëgu ga duüxügü, rü inanaxügüe ga Ngechuchuxü na nacëxügüxü ga na inaxüxüxcëx ga yema naänewa.

18 Rü yexguma wenaxärü nguegu yaxüegu ga Ngechuchu, rü guma yatü ga ngoxoächirécü, rü nüxü nacëxü na Ngechuchuwe naxüxcëx.

19 Natürü ga Ngechuchu rü tama nanaxwëxe, rü ñanagürü nüxü: — ¡Cuchiüwa naxü rü cutanüxümaä nüxü yarüxu i guxüma i ngëma cuxcëx naxüxü ya Cori ya Tupana, rü ñuxäcü nüxü na cungechaütümüxü! — ñanagürü.

20 Rü nüma ga guma yatü rü ñinxü. Rü inanaxügü ga guxüma ga Decaporichuanewa yexmagüne ga ñanegüwa nüxü na yaxuxü ga yema Ngechuchu naxcëx üxü. Rü guxüma ga duüxügü rü nabaixächiäëgü.

*Yáiruxacüchiga rü yema nge ga Ngechuchuchirugu ingögücüchiga
(Mt 9.18-26; Lc 8.40-56)*

21 Rü yexguma nguegu naxtaxaarü tocutüwa nataegugu ga Ngechuchu, rü muxüma ga duüxügü rü naxcëx yéma nangutaquëxegü. Rü nüma rü naxtaapechinüwa nayexma.

22 Rü yexguma yéma nayexmayane, rü yéma naxütawa nangu ga ngutaquëxepataüärü äëxgacü ga Yáirugu äegacü. Rü yexguma Ngechuchuxü nadëuxgu, rü napëxegu nanangücuchi.

23 Rü poraäcü nüxü nacëxü, rü ñanagürü nüxü: —Chauxacü rü ituraxüchi. Rü chanaxwëxe i ngema cuxü na ngixü cuyarüngögüxcëx na ngixcëx yataanexüxcëx rü namaxüxcëx —ñanagürü.

24 Rü yexguma ga Ngechuchu rü nawe narüxü. Rü muxüma ga duüxügü ñayaxümcügü. Rü yéma nayaxüxtügü.

25 Rü yema muxü ga duüxügütanüwa iyexma ga wüxi ga nge ga 12 ga taunecü idaawecü namaä ga na naxägüechaxü.

26 Rü muxüma ga duturugü ngixü naxüxügü rü poraäcü núxü ngixü ningexëëgü. Rü yemaäcü natüxcëxma ngixü iguxëë ga guxcü ga ngürü diëru. Natürü tama ngixcëx nitaaneega, rü niyexeraguchigüama ga ngürü ñaawe.

27 Rü ñpaacü togüëxwa Ngechuchuchigaxü ixinü. Rü yemacëx yéma ixü. Rü natanüwa ga yema muxüma ga duüxügü rü Ngechuchuweama ne ixü rü naxchirugu iyangögü.

28 Yerü ñaxügu irüxinü: —Ngëxguma chi naxchiruxümare chingögügu, rü chi chauxcëx nitaane —ñaxügu irüxinü.

29 Rü yexgumatama ñayachaxächi ga ngigü, rü nüxü iyacuëxächi ga ngixünewa ga na ngixcëx yataanexü.

30 Natürü ga Ngechuchu rü nüxü nicuèxächi ga na nawa ínaxüxüxü ga pora. Rü naxcèx nadauegu ga yema muxüma ga duüxügü, rü nüxna naca, rü ñanagürü: —¿Texé tixí ya chauxchirugu ingögüxe? —ñanagürü.

31 Rü norü ngüexügü nanangäxügü, rü ñanagürügü: —Cuma nüxü cudau i ñuxre i duüxügü ngema cuxü na yaxütügüxü rü ngëxguma rü ta:

“¿Texé ya choxü ingögüxe?” ñacuxü —ñanagürügü.

32 Natürü ga Ngechuchu rü nüxü nidaugüächiana na tüxü nadauxüçèx ga na texé na tüxü ga guxema nüxü ingögüxe.

33 Rü yexguma ga yema nge rü ngürü muümaä yaduruxäcüma naxütawa ingu, yerü nüxü icuèx ga tacü na ngixü ngupetüxü. Rü napëxegu iyacaxápüxü, rü aixcümaxüchi namaä nüxü iyaxu ga guxüma.

34 Rü nüma ga Ngechuchu rü ñanagürü ngixü: —Pa Chauxacüx, curüme erü cuyaxö. ¡Rü taäèäcüma íxü, erü marü naxüxü i curü ðaawe! —ñanagürü.

35 Rü yexguma íyadexayane, yéma nangugü ga ñuxre ga natanüxügü ga guma ngutaquëxepataüärü äëxgacü rü ñanagürügü nüxü: —Cuxacü rü marü iyu. ¿Tüxcüü nüxü cuchixeweecha ya Ngüexëëruü? —ñanagürügü.

36 Natürü ga Ngechuchu rü tama nüxü nacuáxchaü ga yema duüxügüarü dexa. Rü yemacèx guma ngutaquëxepataüärü äëxgacüxü ñanagürü: —¡Täxü i cumuüxü, rü yaxömare! —ñanagürü.

37 Rü yexguma ga Ngechuchu rü ínayagü ga Pedru rü Chaütiágu rü Cuáü ga Chaütiágueneë. Natürü tama nanaxwëxe na texé ga toge nawe rüxixü.

38 Rü yexguma guma ngutaquëxepataüärü äëxgacüpatawa nangugügu, rü Ngechuchu nüxü nadau ga na íyacuxcuxü rü poraäcü aita naxüeäcüma naxauxexü ga duüxügü.

39 Rü guma ípatagu naxücu ga Ngechuchu, rü ñanagürü: —¿Tüxcüü ípicuxcu rü ngëmaäcü pexauxe? Ngëma bucü rü tama iyu. Rü ipemare —ñanagürü.

40 Rü nüxü nacugüecüraxüäma ga duüxügü. Natürü nüma ga Ngechuchu rü íäxtüwa nanamugü ga guxüma. Rü yema bucünatüçèx naca rü ngíe, rü yema namücügü, rü namaä nixücu ga ínayexmaxüwa ga yema bucü.

41 Rü ngíxmëxgu nayayauxächi, rü ñanagürü ngixü: —Tarita cumi — ñanagürü. Rü ngëma ore rü ñaxüchiga nixí:

“¡Inachi, Pa Bucü, ñacharügü cuxü!” ñaxüchiga nixí.

42 Rü yexgumatama ga yema bucü ga 12 ga taunecü ngixü yexmëxcü, rü írüda rü iyaxü. Rü poraäcü nabaixächiäëgü ga duüxügü.

43 Natürü ga Ngechuchu rü poraäcü nüxna nanachuxu na taxúemaäma nüxü yaxugüexüçèx ga yema ngupetüxü. Rü ñuxüchi nanamu na ngixü naxüwemügüxüçèx ga yema bucü.

6

Nacharétuwa nayexma ga Ngechuchu (Mt 13.53-58; Lc 4.16-30)

1 Rü yéma inaxüächi ga Ngechuchu, rü guma íäne ga Nacharétu ga nawa nayaxünewatama naxü. Rü norü ngüexügü rü nawe narüxí.

2 Rü yexguma ngüxchigaarü ngunexüwa nanguxgu rü inanaxügü ga na nangüexëëtaexü ga ngutaquëxepataüwa. Rü yema muxüma ga duüxügü ga yéma íruxínüexü, rü nabaixächiäëgü. Rü nügüna nacagüe rü ñanagürügü: —¿Ngextá naxcèx nangux i guxüma i ngëma nguxëëtae? ¿Rü ngextá nanayaxu i ngëma cuèx? ¿Rü ñuxäcü nanaxü i ngëma mexügu i taxügu i naxüxü?

³ —¿Taux éxna ñaã yiixü i carpinteru i Ngechuchu, i Maríane, ya Chaütiágu rü Yúche rü Chimáú rü Yudaëneë ixícü? ¿Rü taux éxna i naëyëxgü rü nuxma tatanügu naxächüügüxü? —ñanagürügü. Rü yemacèx ga yema duüxügü rü tama naga naxĩnüechaü.

⁴ Natürü ga Ngechuchu rü ñanagürü nüxü: —Wüxi i Tupanaärü orearü uruü rü guxüwama i duüxügü rü nüxü nangechaügu. Natürü norü ñanewatama rü natanüxügütanüwatama rü napatawatama rü tama aixcüma nüxü nangechaügu —ñanagürü.

⁵ Rü yemacèx taxuacüma yéma nanaxü ga muxüma ga mexügü ga Tupanaärü poramaã naxüxü. Rü noxretama ga duüxügü ga idaaweexüxüxícatama ningögü rü naxcèx nayataanexëëgü.

⁶ Rü nabaixächíäë ga Ngechuchu, yerü yema duüxügü rü tama nüxü nayaxögü.

Ngechuchu rü norü ngüexügüxü nimugü na nüxü yanaxugüexücèx ga Tupanachiga

(Mt 10.5-15)

Rü Ngechuchu rü guma ngaicamagüne ga ñanexäcügügu nixügüchigü, rü nayangüexëëtanü ga duüxügü.

⁷ Rü naxcèx naca ga yema 12 ga norü ngüexügü, rü inanaxügü ga na namuäxü ga taxrechigü. Rü nüxna nanaxä ga pora na ñawoxüäxücèx ga ngoxogü.

⁸ Rü nüxna naxäga ga na taxuxüma íyangegüxücèx ga norü namawaxü, rü bai ga choca rü bai ga päu rü bai ga norü díeru. Rü nanaxwèxe ga naxnetüxüxícatama na íyangegüxü.

⁹ Rü namaã nüxü nixu na nacuaixcuxü ga norü chapatu. Natürü tama nanaxwèxe ga taxre ga naxchiru na íyangegüxü.

¹⁰ Rü ñanagürü nüxü: —Rü ngëxguma wüxi ya ñanewa wüxi ya ñgu pechocuxgu, ¡rü ngëxma pepegü ñuxmata pema ñuxgu ngema ipexíächix nawa ya yima ñäne!

¹¹ —Rü ngëxguma ngexnerüüne ya ñanewa tama meã pexü nayauxgüchaügu rü tama pexü inaxĩnüechaügu, ¡rü ípechoxü i ngema! Rü ngëxguma ipexíächigu, ¡rü ipenapagü i perü üxaxücutü na ngëmawa nüxü nacüexgüxücèx na nataxüchixü tá i norü poxcu i ngëxguma naguxgu i naäne! —ñanagürü.

¹² Rü yexguma inaxíächi ga norü ngüexügü. Rü duüxügümaã nüxü nixugüe ga na nüxü naxoexücèx ga nacüma ga chixexü rü Tupanacèx na nadaugüxücèx.

¹³ Rü ñanawoxü ta ga muxüma ga ngoxogü. Rü chixümaã yachagüácüma nanameëxëë ga muxüma ga idaaweexü.

Nayu ga Cuáü ga baiüxëëruü

(Mt 14.1-12; Lc 9.7-9)

¹⁴ Rü Ngechuchuchigaxü naxĩnü ga äëxgacü ga Erode, yerü guxüwama duüxügü poraäcü nachiga nidexagü. Rü yexguma ga Erode rü ñanagürü: —Rü ngëma Ngechuchu nixü i Cuáü i baiüxëëruü ixixü rü wena namaxü, rü ngëmacèx nixü i nüxü nangëxmaxü i pora na naxüäxücèx i ngëma taxü i mexü i Tupanaärü poramaã naxüxü.

¹⁵ Natürü ga togü rü ñanagürügü: —Nuxcümaücü ga orearü uruü ga Ería nixü —ñanagürügü. Rü togü rü ñanagürügü: —Wüxi i Tupanaärü orearü uruü i nuxcümaügüxürüü nixü —ñanagürügü.

16 Natürü yexguma yemaxü naxînuḡu ga Erode, rü ñanagürü: —Rü ngêma Ngechuchu nixî i Cuáü ga chorü churaragüxü chidayenaxãêchiréxü, rü ñuxma rü wenaxãrü namaxü —ñanagürü.

17 Rü yema ñanagürü ga Erode yerü marüchirêx Cuáüxü niyaxu rü poxcu-pataüga cadenamaã nayachota. Rü yemaãcü nanaxü ngîgagu ga naxmêx ga Erodía ga naêneê ga Piripimêxchirêx ixîcü ga ngîxü napucü ga Erode.

18 Yerü üpaacü ga Cuáü rü Erodemaã ñanagürü: —Tama name i cuxmêxü cuyaxîxêê i cueneêmêx —ñanagürü.

19 Rü yemacêx ga Erodía rü poraãcü Cuáüchi ixai rü inaxwêxe ga na yamaãxü, natürü poraãcü ngîxü naguxcha.

20 Yerü ngîte ga Erode rü Cuáüxü namuü, yerü nüxü nacuwêxchirêx na wüxi ga yatü ga mecü rü üü necü na yîxü, rü yemacêx nixî ga naetüwa nachogüxü. Rü yexguma Cuáüarü orexü naxînuḡu ga Erode, rü naxoegaãê, natürü meã nüxü inarüxinü.

21 Natürü wüxi ga ngunexü nawa nangu na ngîxü natauxchaxü na yamaãxücêx ga Cuáü, ga yexguma Erodearü taunecüarü ngunexüwa nanguxgu rü wüxi ga peta ga taxü naxüxgu naxcêx ga norü ñatügumaêgüxü ga âêxgacügü, rü norü churaragüarü âêxgacügü rü yema Gariréaanecüãx ga corigü ga taxügü.

22 Rü yema petawa iyaxücu ga Erodíaxacü, rü yema petatanüxpêxewa íyañaãchixüchigüxü. Rü poraãcü norü me iyixî ga Erode rü norü petatanüxügü. Rü yemacêx ga nüma ga âêxgacü ga Erode rü ñanagürü ngîxü ga yema pacü: —¡Choxna naxcêx naca i tacü i cunaxwêxexü, rü tá cuxna chanaxã! —ñanagürü.

23 Rü aixcümamaxüchi ngîmaã inaxuneta, rü ñanagürü: —Ngêxürüüxü i tacü i choxna naxcêx cuçaxü rü tá cuxna chanaxã, woo ngãxügu i chorü naâne yixügu —ñanagürü.

24 Rü nüxna iyaxügachi, rü ngîena iyaca, rü ngîgürügü: —¿Tacü i cunaxwêxexü na naxcêx íchaçaxü? —Ngîgürügü. Rü ngîe ngîxü ingãxü, rü ngîgürügü: —¡Naxcêx ínaca i Cuáü ya baiüxêêruüêru! —ngîgürügü.

25 Rü yexgumatama ga yema pacü rü paxa iyaxücu ga âêxgacüxütawa rü ngîgürügü: —Chanaxwêxe i ñuxmatama paxa wüxi ya poratugu choxna cunaxã i Cuáü ya baiüxêêruüêru —ngîgürügü.

26 Rü nüma ga âêxgacü rü poraãcü inayarümaãchi, natürü yema norü petatanüxpêxewa marü ngîmaã na inaxunetaxücêx, rü tama ngîxü namwüxêêchãü.

27 Rü yemacêx ga Erode rü yexgumatama yema ínapoxcuxüwa nanamu ga wüxi ga churara na naxütawa nangeaxücêx ga Cuáüêru.

28 Rü poxcupataüwa naxü ga yema churara, rü Cuáüxü nidaeru. Rü wüxi ga poratugu âêxgacüxütawa nanange ga yema naêru. Rü yema pacüna nanaxã. Rü ngîma rü ngîena iyaxã.

29 Rü yexguma yemaxü nacüachigagügu ga norü ngüexügü ga Cuáü, rü yema poxcupataüwa nayayauxgü ga naxüne, rü inayatêxgü.

*Ngechuchu rü nanachibüexêê ga 5000 ga yatügü
(Mt 14.13-21; Lc 9.10-17; Cu 6.1-14)*

30 Rü yemawena rü yema norü ngüexügü ga yamugüxü rü Ngechuchumaã nangutaquêxegü. Rü namaã nüxü nixugü ga guxüma ga yema naxügüxü rü yema nanguxêetaegüxü.

31 Rū Ngechuchu rū ñanagürü nüxũ: —¡Nuã pexĩ, rū ngĩxã, wũxi i nachica i ngextã taxúema íxãpataxũwa taxĩ, na paxaãchi ngẽxma yarüngügũxũcèx! —ñanagürü. Rū yema ñanagürü yerü namu ga duũxũgũ ga yéma ingugütanücüüxũ rū woeguxũ ga togũ. Rū yemacèx ga Ngechuchu rū norü ngüexũgũ rū woo na nachibüexũcèx rū nangechicagũ.

32 Rū yemacèx wũxi ga nguegu nichoũ, rū noxrũwama wũxi ga nachica ga taxúema íxãpataxũwa naxĩ.

33 Natürü muxũma ga duũxũgũ nüxũ nadaugũ ga yexguma inaxĩãchigu, rū nüxũ nacüexgũ ga texégũ na yĩxũ. Rū yemacèx guxũne ga guma íãnegücüãx ga duũxũgũ, rū dauxchitagu nibuxmũ rū napéxegu nayayi.

34 Rū yexguma nguewa ínaxüegu ga Ngechuchu, rū nüxũ nadau ga yema muxũma ga duũxũgũ. Rū nüxũ nangechaũtümüũgũ yerü ñoma carnerugũ ga ngearũ dauruũãxgũxũrũ nixĩgũ. Rū inanaxũgũ ga na nangüexẽãxũ ga muxũma ga norü ore.

35 Rū yexguma marü nayáuanegu, rū norü ngüexũgũ rū naxcèx naxĩ, rū ñanagürügũ: —Marü nayáuanexũchi rū ñaã rū wũxi i nachica i taxúema nagu ãpataxũ nixĩ.

36 —Rū ngẽmacèx name nixĩ i ícuyamugũ i duũxũgũ na namapechinüwa ípeagũxũ i duũxũgũxũtawã rū íãnexãcügũ ya ngaicamagũnewã naxĩxũcèx na ngema norü õnacèx yataxegũxũcèx —ñanagürügũ.

37 Natürü ga Ngechuchu rū nanangãxũ, rū ñanagürü nüxũ: —¡Pematama penaxũwemũ! —ñanagürü. Rū nũmagũ nanangãxũgũ rū ñanagürügũ: —¿Éxna cunaxwèxe i 200 tachinü i dīeru naguxũ i pãücèx nüxũ tayataxexũ na ngẽmamaã tanachibüexẽxũcèx? —ñanagürügũ.

38 Rū yexguma ga Ngechuchu rū ñanagürü nüxũ: —¿Ñuxre i pãü pexũ nangẽxma? ¡Rū ípeyadèux! —ñanagürü. Rū yexguma íyadaugũãgu, rū ñanagürügũ nüxũ: —Toxũ nangẽxma i wũximẽẽxpũx i pãü rū taxre i choxni —ñanagürügũ.

39 Rū yexguma ga Ngechuchu rū duũxũgũxũ namu na ñuxrechigũ nügũxũtawã rütogũxũcèx ga maxëtèxewa.

40 Rū ínarütogũ ga 100 chigũ rū 50 chigũ ga duũxũgũ.

41 Rū yexguma ga Ngechuchu rū nanade ga yema wũximẽẽxpũx ga pãü rū yema taxre ga choxni. Rū daxũgũxũ ga naãnegu nadawenüãcüma Tupanana moxè naxã. Rū inanabücu ga yema pãü, rū norü ngüexũgũna nanana na yema duũxũgũxũ yanuãxũcèx. Rū yema taxre ga choxni rū ta guxũma ga yema duũxũgũxũ nüxũ nayanuxèè.

42 Rū guxũma nachibüe ñuxmata meãma nüxũ yangu.

43 Rū yemawena rū 12 ga pexchigũ nanapagũamatama namaã ga yema pãü rū choxni ga íyaxũgũxũ.

44 Rū yema yéma pãügũ ngõxgũxũ rū 5000 ga yatügũ nixĩ.

Dexãtũgu nixũ ga Ngechuchu

(Mt 14.22-27; Cu 6.16-21)

45 Rū yemawena ga Ngechuchu rū duũxũgũxũ íyamugũyane rū wũxi ga nguegu nayachoũxèè ga norü ngüexũgũ na yoxni naxtaxaarũ tocutũwa Bechaídawã naxĩxũcèx.

46 Rū yexguma duũxũgũxũ íyamugũguwena, rū mèxpũnewã naxũ ga Ngechuchu na yéma yayumũxèxũcèx.

47 Rū yexguma marü nachũtagu, rū naxtaxaarũ ngãxũtũwã nayexmagũ ga norü ngüexũgũ. Rū Ngechuchu rū nüxĩcatama dauxchitawã nayaxũãchi.

48 Rū nūxū nadau na guxchaxūācūma yaxāgūxū ga norū ngúexūgū, yerū ga buanecū rū nawaama nabuxuchi. Rū yexguma marū yangunechaūgu, rū Ngechuchu rū dexaétūgu nawe narūxū. Natürü ñoma nūxū naxūpetūchaūxürü nūgū nixīxēē.

49-50 Rū yexguma norū ngúexūgū nūxū daugūgu ga dexaétūgu na yaxūxū, rū nagu narūxūnūē ga wūxi ga naxchiximare na yīixū. Rū yemacēx aita naxūe, yerū guxūma nūxū nadaugū rū poraācū nabaixāchiaēgū. Natürü yexgumatama ga Ngechuchu rū namaā nidexa rū ñanagürü nūxū: —¡Peporae! Rū chomachirēxtama chixī. ¡Tāxū i pemuūēxū! —ñanagürü.

51-52 Rū nguegu nixūe, rū inarūxó ga buanecū. Natürü nūmagū ga norū ngúexūgū rū nabaixāchiaēgūmare yerū woo nūxū na nadaugūxū ga yema mexū ga Tupanaārū poramaā naxūxū ga Ngechuchu ga yexguma yema pāu yamuxēēgu, natürü tama nūxna nacūē x-āchie na Tupana Nane na yīixū yerū nūxū naguxcha na yaxōgūāxū.

Yenecharétuanewa Ngechuchu nanameēxēē ga idaaweexū
(Mt 14.34-36)

53 Rū yexguma marū yanguūgu ga naxtaawa, rū Yenecharétuanewa nan-gūgū. Rū yexma naxānacūgu nanangaxūgū ga naweū.

54 Rū yexguma nguewa inachoūgu, rū yexgumatama ga duūxūgū rū nūxū nicūēxāchitanū ga Ngechuchu na yīixū.

55 Rū yema naānewa rū guxūne ga ĩgūwa nabuxmū ga yema duūxūgū. Rū yexguma nūxū nacūēxūgū ga ngextá na nayexmaxū ga Ngechuchu, rū yéma norū caruūgūgu naxcēx nanagagū ga idaaweexū.

56 Rū guxūwama ga ngextá íyanguchigūxūwa ga Ngechuchu, ga ĩānēxācūgūwa rū ĩānegū ga itaxūnewa, rū ĩānepechinūwa, rū yexma ítamūpechinūgu naxcēx nayamugū ga idaaweexū. Rū nūxū nacēēxūgū na tama nūxna nachūxāxūcēx na naxchirupechinūgumare yangōgūgūxūcēx. Rū guxūma ga yema nūxū ingōgūēxū, rū naxcēx nitaanegū.

7

Tacū nixī i Tupanapēxewa duūxūgūxū chixexēēxū
(Mt 15.1-20)

1 Rū Ngechuchucēx naxī ga Parichēgū namaā ga ñuxre ga ngúexēēruūgū ga mugūwa ngxēētaegūxū ga Yerucharēūwa ne ĩxū.

2 Rū yexguma ñuxre ga Ngechucharū ngúexūgūxū nadaugūgu ga tama Yudiūgūcūma na yanguxēēgūxū, rū tama Yudiūgū yauxmēxgūxūrūū na nayauxmēxgūxū naxūpa na nachibūēxū, rū chixri nachiga nidexagū.

3 Yerū nūmagū ga Parichēgū rū guxūma ga togū ga Yudiūgū rū nagu naxī ga norū oxigūcūma na nayauxmēxiraxū na yemaācū Tupanapēxewa nūgū yamexēēgūxū naxūpa ga na nachibūēxū.

4 Rū ngēxguma taxepataūwa ne naxīxgu ga nūmagū rū tama nachibūe ega tama ngēmaācū nūgū nayauxmēxiragu. Rū nangēxma i muxūma i togū i nuxcūmaūxū i nacūmagū. Rū ngēmacēx nagu naxī i ngēma nacūmagū na Tupanacēx nayauxgūāxū i norū pochiyugū rū basugū rū paneragū rū pechicaxūgū.

5 Rū yemacēx ga yema Parichēgū rū ngúexēēruūgū rū Ngechuchuna nacagū, rū ñanagürūgū: —¿Tūxcūū i curū ngúexūgū i tama nagu naxīxū i ngēma tórū oxigūcūma rū tama toma tayauxmēxgūxūrūū nayauxmēxgūxū naxūpa na nachibūēxū? —ñanagürūgū.

6 Natürü Ngechuchu nanangãxũ rü ñanagürü: —Pa Duũxũgü ya Pegü Naxaixcũmaraũgũxe, rü aixcũma pechiga nixĩ ga yema ore ga nuxcũmaũcũ ga Tupanaãrũ orearũ uruũ ga Ichaxía ũmatũxũ ga ñaxũ:

“Ñaa duũxũgü rü naãxmaãmare choxũ nicuẽxũũgü, natürü naãẽwa rü tama chaugu narũxinũe.

7 Rũ taxuwama name na ngẽmaãcü natucẽxma choxũ yacuẽxũũgũxũ. Erũ guxũma i ngẽma norũ nguxẽetae rü yatũgũarũ mugũmare nixĩ, rü tama aixcũma chorũ mu nixĩ”, ñaxũ.

8 —Rũ pema i ñuxma rü aixcũma nüxũ perũxoe i Tupanaãrũ mugü na nagu pexĩxũcẽx i ngẽma duũxũgũcũmamare ixĩxũ —ñanagürü.

9 Rũ yexgumarũũ ta ñanagürü nüxũ: —Pema rü penangexrũ i Tupanaãrũ mugü na pecũmagũgutama pexĩxũcẽx.

10 —Yerũ ga Moĩché rü ñanagürü:

“¡Tũxũ nangechaũ ya cunatu rü cue!”

ñanagürü. Rũ ñanagürü ta:

“Texé ya tũmanatũmaã rü õxna tũmaẽmaã chixexũ ixugũxe, rü ãẽxgacũ tá tũmamaã nanaxuegu na tayuxũcẽx”, ñanagürü.

11 —Natürü pema rü ñaperũgũgü:

“Marũ name ega wũxi ya yatũ nanatũxũ rü naẽxũ ñaxgu: ‘Taxucürũwama chorũ ngẽmaxũmaã cuxũ charũngũxẽe, erũ guxũma i chorũ ngẽmaxũ rü marũ Tupanana chanaxã’,” ñaxgu.

12 —Rũ ngẽxguma texé ngẽma ñagũgu, rü pexcẽx rü marũ namexũ na tama tũmanatũxũ rü tũmaẽxũ tarũngũxẽẽxũ.

13 —Rũ ngẽmaãcü ipeyanaxoxẽe i Tupanaãrũ mugü, na nagu pexĩxũcẽx i pecũmagũtama i togũwa pexũexẽẽxũ. Rũ ngẽxgumarũũ ta muxũma i to i pecũmagũ i ngẽmarũũ ixĩxũgu pexĩ —ñanagürü.

14 Rũ yexgumawena duũxũgũcẽx naca ga Ngechuchu, rü ñanagürü nüxũ: —¡Meã choxũ iperũxinũe, rü nüxũ pecuá i ñaa chorũ ore!

15 —Rũ taxuũma i tacũ i dũxétũwa ne ũxũ rü taẽxwa ixũcuxũ nixĩ i Tupanapẽxewa tũxũ chixexẽẽxũ. Natürü ngẽma taãẽwa ne ũxũ, rü ngẽma waxi nixĩ i tũxũ chixexẽẽxũ i Tupanapẽxewa.

16 —Rũ ngẽxguma pixãchixẽgu, ¡rũ nüxũ pexĩnũe i ngẽma ore! —ñanagürü.

17 Rũ yexguma Ngechuchu duũxũgũna ixũgachigu rü ¡patagu naxũcuxgu, rü norũ ngũxũgü nüxna nacagũ nachiga ga yema nguxẽetae.

18 Rũ nüma rü ñanagürü nüxũ: —¿Pema rü ta õxna tama nüxũ pecuẽxẽga i ngẽma? ¿Õxna tama i nüxũ pecuáxũ na taxuũma i tacũ i dũxétũwa ne ũxũ rü taẽxwa ixũcuxũ yĩxũ i Tupanapẽxewa tũxũ chixexẽẽxũ?

19 —Erũ guxũma i ngẽma dũxétũwa ne ũxũ rü taẽxwa ixũcuxũ, rü tama taãẽwa nangu. Natürü taanũwa naxũmare na yixcama taxũnewa ¡naxũxũxũcẽx —ñanagürü. Rũ yemaãcü nüxũ nixu na guxũma i õna rü namexũ na nangõxũ.

20 Rũ ñanagürü ta: —Rũ ngẽma duũxũãẽwa ne ũxũ, rü ngẽma waxi nixĩ i Tupanapẽxewa nachixexẽẽxũ.

21-22 —Erũ norũ aixepewa i naãẽwa nixĩ i ne naxũxũ i muxũma i chixexũgü. Rũ ngẽma nixĩ i chixexũgu na naxĩnũxũ, rü naxũneãrũ ngũchaũwe na naxũxũ, rü na nangĩxũ, rü na namaẽtaxũ, rü naĩ i ngemaã na ¡napexũ, rü togũarũ ngẽmaxũ na nüxũ nanguchaũxũ, rü chixexũ na naxũxũ, rü na yadoratẽxãxũ, rü chixexũ i nacũmagũgu na naxãũxũ, rü na yaxãũxãchixewexũ,

rü na naxoregütèxáxü, rü nügü na yacuèxüüxü, rü tama meã naãèxü na nacuáxü.

23 –Rü guxüma i ngëma chixexüügü rü duüxüãrü aixepewa nixi i ne naxixü, rü ngëma nixi i Tupanapëxewa nachixexëèxü –ñanagürü.

Wüxi ga ngecü ga to ga nachüãñecüãx ga Ngechuchuaxü yaxöcühiga (Mt 15.21-28)

24 Rü yemawena rü ñane ga Tiru nawa yexmaxü ga naãnewa naxü ga Ngechuchu. Rü yéma wüxi ga Ìpatawa nangu, natürü tama nanaxwèxe na texè nüxü cuáxü ga yéma na nanguxü. Natürü taxuacüma nügü inicux.

25 Rü paxama nüxü icuáchiga ga wüxi ga nge ga ngíxácüwa ngoxo yexmèxcü. Rü yéma ixü, rü Ngechuchupëxegu iyacaxápüxü.

26 Rü yema nge rü to ga nachüãñecüãx ga Chiropeníchiucüãx iyixi. Rü Ngechuchucèx iyaxü, rü nüxü icèèxü na ngíxácüwa Ìnatèxüchiãxücèx ga yema ngoxo.

27 Natürü ga Ngechuchu rü ñanagürü ngíxü: –Name nixi i taxacügüxüãira tachibüexëè. Erü tama name i taxacügüna tanayaxu i norü òna na airugüna naxãxücèx –ñanagürü. [Rü yema ñanagürü yerü nümagü ga Yudügü rü nügü nixugüe na Tupanaxácügüxüchi yixigüxü rü yema togü rü ñoma airugürü na yixigüxü.]

28 Natürü ngíma ga yema nge rü inangãxü, rü ngígürügü: –Aixcüma nixi i curü ore, Pa Corix, natürü woo airügü rü ta nanangöx i ngëma ònatüchi i mechatüügu nayixèèxü i ngëma Ìpataarü yoraxacügü –ngígürügü.

29 Rü yexguma ga Ngechuchu rü ñanagürü ngíxü: –Aixcüma name nixi i ngëma nüxü quixuxü. Rü marü name i cutaegu, erü ngëma ngoxo rü marü Ìnaxüxü ngíwa i cuxacü –ñanagürü.

30 Rü yexguma ngípatawa nanguxgu ga yema ngecü, rü yema ngírü ngürücarewa ngíxü iyanguéü ga ngírü bucü. Natürü marü ngíxna Ìnaxüxü ga yema ngoxo.

Ngechuchu nanamexëè ga wüxi ga yatü ga ngauchixëcü rü moxücü

31 Rü Tiruanewa nataegu ga Ngechuchu. Rü Chidãüãrü ñanewa naxüpetü, rü ñuxüchi Decaporíchiuaneãrü ñanegüwa rü ta naxüpetü rü ñuxmata Gariréaaneãrü naxtaawa nangu.

32 Rü yéma naxütawa nanagagü ga wüxi ga yatü ga ngauchixëcü rü moxücü, rü nüxna naxcèx nacagü ga nüxü na yangögüxücèx.

33 Rü yexguma ga Ngechuchu rü noxrüwama duüxügüna nanaga. Rü naxmachixëgu nixuxmèx, rü naxbüxágümaã nügü yawaixmèxëècüma norü conügu ningögü.

34 Rü yemawena rü daxü nadawenüãcüma yaxna narüngü, rü guma yatüxü ñanagürü: –Epéta –ñanagürü. Rü ngëma rü: “¡Ingoxna!” ñaxüchiga nixi.

35 Rü yexgumatama ningoxnamachixë ga guma ngauchixëcü, rü norü conü rü marü narüme rü meã nidexa.

36 Rü Ngechuchu rü duüxügüxü namu na taxüemaãma nüxü yaxugüexücèx. Natürü yexguma yexeraãcü duüxügüna nachüxágu ga na taxüemaãma nüxü yaxugüexücèx ga nachaiga rü yexeraãcü nüxü nixugüëama.

37 Rü poraãcü nabaixächiãëgü ga duüxügü, rü ñanagürügü: –Meãma nanaxü i guxüma rü woo ngauchixëgüxü rü nayangoxnamachixëgüxëè, rü ngeëxgüxü rü nayadexagüxëè –ñanagürügü.

8

*Ngechuchu nanachibüexëe ga 4000 ga duüxügü
(Mt 15.32-39)*

1 Rü wüxi ga ngunexügu wenaxärü naxcëx naxïtaquëxe ga muxüma ga duüxügü, rü nüxü nataxuma ga norü ðnagü. Rü Ngechuchu rü norü ngüexügücëx naca, rü ñanagürü nüxü:

2 —Choxü nangechaütümüügü i ñaã duüxügü, erü marü tomaëxpüx i ngunexü nüa chauxütawa nangëxmagü, rü nataxuma i nawemü i nangoxgüxü.

3 —Rü ngëxguma chi ngëmaãcümare íchayamugügu, rü chi ngürüãchi namagu tá nayaturae, erü nümaxügü rü yaxüwama ne naxï —ñanagürü.

4 Rü norü ngüexügü rü nanangäxügü, rü ñanagürügü: —¿Natürü ñuxäcü tá tanachibüexëe i núma i ngextá taxúema íxãpataxüwa? —ñanagürügü.

5 Rü Ngechuchu nüxna naca, rü ñanagürü: —¿Ñuxre i pãü pexü nangëxma i pemax? —ñanagürü. Rü nümagü nanangäxügü, rü ñanagürügü: —Toxü nangëxma i 7 i pãü —ñanagürügü.

6 Rü ñuxüchi ga Ngechuchu rü duüxügüxü namu na ñaxtüanewa natogüxücëx. Rü nanade ga yema 7 ga pãü, rü Tupanana moxë naxã. Rü ñuxüchi inanabücu, rü norü ngüexügüna nanana. Rü nümagü rü duüxügüxü nayanu.

7 Rü nüxü nayexma ta ga ñuxre ga choxnixäcügü. Rü Ngechuchu rü Tupanana moxë naxã, rü ñuxüchi norü ngüexügüxü namu na iyanuãxücëx.

8 Rü guxüma ga yema duüxügü rü meãma nachibüe ñuxmata meã nüxü yangu. Rü yexguma rü ta 7 ga pexchi nanapagü namaã ga yema íyaxügüxü.

9 Rü yema duüxügü ga yéma chibüexü rü maneca 4000 nixï. Rü yemawena ga Ngechuchu rü duüxügüxü ínimugü.

10 Rü ñuxüchi wüxi ga nguegu nixüe namaã ga norü ngüexügü, rü Damanútaanewa naxü.

*Parichéugü naxcëx ínacagü ga wüxi ga cuëxruü ga Tupanaärü poramaã üxü
(Mt 16.1-4; Lc 12.54-56)*

11 Rü Ngechuchuxütawa nangugü ga Parichéugü, rü inanaxügüe ga na namaã yaporaganücüxü. Rü nüxna nacagüe na nüxü nüxü nadauxëexücëx ga wüxi ga cuëxruü ga Tupanaärü poramaã naxüxü, na yemaãcü nüxü naxügüxücëx, rü nüxü nacuëxgüxücëx ngoxi aixcüma Tupana Nane yïxü.

12 Rü Ngechuchu rü poraãcü yaxna narüngü, rü ñanagürü: —¿Tüxcüü i ñaã duüxügü naxcëx ínacagü i wüxi i cuëxruü i Tupanaärü poramaã üxü? Rü aixcüma pemaã nüxü chixu rü bai i wüxi i cuëxruü tá nüxü chawëx —ñanagürü.

13 Rü yema ñaxguwena, rü nüxna yéma nixü ga yema duüxügü. Rü wenaxärü nguegu nixüe rü naxtaxaarü tocutüwa naxü.

*Parichéuarü pãüärü puxëëruüchiga
(Mt 16.5-12)*

14 Natürü ga norü ngüexügü rü nüxü inayarüngümaë ga norü ðna na íyangëgüxü, rü wüxixicatama ga pãü nüxü nayexma ga nguewa.

15 Rü yexguma ga Ngechuchu rü nayaxucüxëgü, rü ñanagürü nüxü: —¿Dücëx, pexuãë naxcëx i Parichéugarü rü Erodëarü pãüärü puxëëruü! —ñanagürü.

16 Rü yema norü ngüexügü rü inanaxügüe na nügümaã ñagüxü: —Ngëma ñanagürü tüxü erü tama tawemü ta ítingëgü —ñanagürügü.

17 Natürü ga Ngechuchu rü nüxü nacuèxama na yema ñagüxü, rü yemacèx ñanagürü nüxü: —¿Tüxcüü “Tangearü ðnañx”, ñaperügügü? ¿Éxna ñuxma rü ta tama nüxü pecuèxgüéga rü tama nüxü picuèxächitanü i ngëmachiga? ¿Éxna pexcèx naxë i ngëma?

18 Pema rü pexâxëtügüchirëx, ¿rü ñuxâcü i tama nüxü pedauxü? Rü pexâxmachixëgüchirëx, ¿rü ñuxâcü i tama nüxü pexinüëxü? ¿Rü éxna tama nüxna pecuèxâchie ga yexguma chayamuxëëgu ga yema pâü rü choxni?

19 —Rü yexguma yema 5000 ga duüxügüxü chayanuxgu ga yema wüximëëxpüx ga pâü, ¿rü ñuxre ga pexchigü yïixü ga napagücü ga yexguma penadexgu ga yema iyaxügüxü? —ñanagürü. Rü nümagü nanangâxügü rü ñanagürügü: —Rü 12 ga pexchigü —ñanagürügü.

20 Rü ñuxüchi ñanagürü ta ga Ngechuchu: —Rü yexguma yema 4000 ga duüxügüxü chayanuxgu ga yema 7 ga pâü, ¿rü ñuxre ga pexchigü yïixü ga napagücü ga yexguma penadexgu ga yema iyaxügüxü? —ñanagürü. Rü nanangâxügü rü ñanagürügü: —7 ga pexchigü —ñanagürügü.

21 Rü yexguma rü ñanagürü nüxü: —¿Rü ñuxma rü ta taütama nüxü pecuèxgüégaü na Parichëügücüma rü Erodecüma i chixexüchiga yïixü i ngëma pâüârü puxëëruügu pemaâ chixuxü? —ñanagürü.

Ngechuchu rü nanamexëë ga wüxi ga ngexetücü ga Bechaídawa

22 Rü yemawena rü Bechaídaarü ñanewa nangugü. Rü yéma Ngechuchuxütawa nanagagü ga wüxi ga ngexetücü. Rü nüxü nacèëxügü na nüxü yangögüxüçëx.

23 Rü Ngechuchu rü guma ngexetücümëëxëgu nayayauxâchi, rü ñanëârü yéamaxüra nanaga. Rü yéma naxbüxágümaâ nayawaietëtüxëë, rü ñuxüchi naxëtügu ningögü, rü nüxna naca ngoxi marü tacüxü nadau.

24 Rü yexguma ga guma ngexetücü rü inanaxügü ga na yadauchixü. Rü ñanagürü: —Nüxü chadau i duüxügü i ñoma naigü i ixixünerüü ixigüxü —ñanagürü.

25 Rü yexguma ga Ngechuchu rü wenaxärü naxëtügu ningögü. Rü nüma ga guma yatü rü meäma inadawenü. Rü yemaâcü naxcèx nitaane rü meäma naxcèx nangox ga guxüma.

26 Rü yemawena ga Ngechuchu rü napatawa nanamu. Rü namaâ nüxü nixu na tama ñanecèx nataeguxü.

Pedru nüxü nixu rü Ngechuchu nixïya yima Tupana nüxü unetacüya Cristu (Mt 16.13-20; Lc 9.18-21)

27 Rü yemawena rü Checharéa ga Piripuanewa yexmane ga ñanexâcügüwa naxü ga Ngechuchu norü ngüexügümaâ. Rü namawa rü Ngechuchu rü norü ngüexügüna naca, rü ñanagürü nüxü: —¿Ñuxü ñagüxü i duüxügü i chauchiga na texé chiixü i chomax? —ñanagürü.

28 Rü norü ngüexü nanangâxügü rü ñanagürügü: —Nangëxma i duüxügü rü: “Cuáü ya baiüxëëruü quixï”, ñagüxü, rü togü i:

“Ería quixï”, ñagüxü, rü togü rü:

“Wüxi ga nuxcümaücü ga Tupanaärü orearü uruü quixï”, ñagüxü —ñanagürügü.

29 Rü yexguma Ngechuchu rü nüxna naca rü ñanagürü: —¿Rü pema i ñuxü ñapegügüxü choxü na texé chiixü? —ñanagürü. Rü Pedru nanangâxü rü ñanagürü: —Cuma nixï i Cristu i Tupana cuxü unetacü quixü —ñanagürü.

³⁰ Rū yexguma ga Ngechuchu rü norü ngúexüügüxü namu na taxúemaãma nüxü yaxugüexüçex ga yema ore ga nachiga.

Ngechuchu nanaxunagü ga norü yuchiga
(Mt 16.21-28; Lc 9.22-27)

³¹ Rū yemawena rü Ngechuchu inanaxügü ga norü ngúexüügümaã nüxü na yaxuxü ga tacü tá nüxü na üpetüxü. Rū ñanagürü nüxü: —Choma i Tupana Nane na duüxüxü chiixü, rü poraãcü ngúxü tá chinge. Rü choxü tá naxoxgü i Yudügarü äëxgacügüerugü, rü paigüarü äëxgacügü, rü ngëma ngüexëeruügü i Moïchéarü mugüwa nguxëëtaegüxü. Rü tá choxü nimëxgü, natürü tomaëxpüx i ngunexügu rü wena táxaru chamaxü —ñanagürü.

³² Rū yema ore rü meãma namaã nanangoxëë. Natürü yexguma ga Pedru rü nüxüca noxrüwama Ngechuchuxü naga, rü inanaxügü ga na naxucüxëãxü na tama yemaãcü yadeaxüçex.

³³ Natürü ga Ngechuchu rü nadauegu, rü norü ngúexüügüxü nadawenü. Rü Pedruxü nanga, rü ñanagürü: —¡Choxna ixügachi, Pa Chatanáx! Cuma rü tama Tupana nagu rüxinüxügu curüxinü, erü yatügü nagu rüxinüxümgumare nixi i curüxinüxü —ñanagürü.

³⁴ Rū yexguma ga Ngechuchu rü norü ngúexüügüçex rü duüxügüçex naca. Rū ñanagürü nüxü: —Rü ngëxguma texé chowe rüxüxchaüx, jëcü nüxü tarüxo i tümaãrü ngüchaü, rü ñoma wüxi i curucha ngüxü tayaxuxürü namaã tapora i guxüma i ngüxü i chauxçex tingexü, rü chowe tarüxü!

³⁵ —Erü yíxema tügü maxëchaxëëchaüxë rü tá tayu. Natürü yíxema chaugagu rü ore i mexügagu yuxe, rü aixcüma tá tamaxü.

³⁶ —¿Rü tacüwa nüxü namexü ya yatü ega ngëxguma nayauxägu i guxüma i ñoma i naãneãrü ngëmaxügü, natürü norü maxü iyanatauxëëgu?

³⁷ —Rü ngëxgumarü ta, ¿rü ñuxre i dïeru iyangu na ngëmamaã naxçex nataxexü i norü maxü i wüxi ya yatü?

³⁸ —Rü ngëxguma texé i ñaã duüxügü i pecaduãxgüxü i tama yaxögüxüpëxewa chauxçex taxãnegu rü naxçex taxãnegu i chorü ore, rü choma i Tupana Nane i duüxüxü na chiixü rü tá ta tümacëx chaxãne i ngëxguma Chaunatüarü poramaã rü norü orearü ngeruügü i daxüçüãx i üünegüxümaã wenaxãrü núma chaxüxgu.

9

¹ Rū yexgumarü ta ga Ngechuchu rü ñanagürü nüxü: —Aixcüma pemaã nüxü chixu rü ñuxre i duüxügü i nuã ngëxmagüxü rü täütáma nayu ñuxmatáta nüxü nadëux na ñuxäcü äëxgacü ya poracü na yixü ya Tupana —ñanagürü.

Ngechuchu rü toraxüãcü nangox
(Mt 17.1-13; Lc 9.28-36)

² Rū 6 ga ngunexüguwena rü Ngechuchu rü wüxi ga mëxpúnewa naxü. Rū ñayagagü ga Pedru rü Chaütiágu rü Cuãüxícatama. Rū yéma yema ngüexügüpëxewa toraxüãcü nangox ga Ngechuchu.

³ Rū niyauracüü ga naxchiru rü nacómüxüchi. Rü nataxuma i yax-chiruxü i nüxü cuãxü na ngëmaãcü nacómüxëëãxü.

⁴ Rü nüxü nadaugü ga Eriã rü Moïché ga yéma Ngechuchumaã idexagüxü.

⁵ Rū yexguma ga Pedru rü ñanagürü Ngechuchuxü: —Pa Ngüexëëruüx, namexëchi nixi na nuã ingëxmagüxü. Rü tá tanaxü ya tomaëxpüx ya düxenü, rü wüxi ya yuxçex, rü naí ya Moïchéçex, rü naí ya Eriãçex —ñanagürü.

6 Rū yema na poraãcü nabaixãchiãëgüxü ga yema ngúexüğü, rü yemacèx ga Pedru rü tama nüxü nacuèx ga na ñuxü ñaxü.

7 Rū yexgumatama wüxi ga caixanexü inarüxi, rü natanügu nayangèixema. Rū yema caixanexüwa inanaxü ga wüxi ga naga ga ñaxü: —Daa nixi ya Chaune ya nüxü changechaüxüchicü. ¡Rü nüxü iperüxinü! —ñaxü.

8 Rū yexgumatama nügücüwagu ínadaeügüachitanü, rü taxüexüma ga toguexü nadaugü, rü Ngechuchuxüxicatama.

9 Rū yexguma inaxüğü nawa ga guma mëxpüne, rü Ngechuchu nüxna naxäga ga taxüemaäma na nüxü yaxugüexü ga yema yéma nüxü nadaugüxü, ñuxmatáta yuwa inadxu ga nümax.

10 Rū yemacèx ga yema ngúexüğü rü bexma nüxü nacuèxgü ga yema nüxü nadaugüxü. Natürü nügüna nacagü ga tacüchiga na yüxü ga:

“Yuwa inadxu”, ñaxü.

11 Rū ñuxüchi ga yema ngúexüğü rü Ngechuchuna nacagü, rü ñanagürüğü: —¿Tüxcüü i ngüexëeruüğü i ore i mugüwa ngüxëëtaegüxü rü ñanagürüğü:

“Eria tá nixi ya nüxira cuxüpa núma ücü?” ñanagürüğü.

12 Rū Ngechuchu nanangäxü, rü ñanagürü nüxü: —Aixcüma nixi i Eria na nüxira núma naxüxü na chauxüpa namexëëäxüçex i guxüma. ¿Natürü tüxcüü i ore i ümatüxüwa i ñaxü:

“Rü Tupana Nane ya duüxüxü ixicü rü tá ngüxü ninge, rü duüxüğü rü tá nüxü ñaxü?”

13 Natürü i choma rü pemaä nüxü chixu, rü Eria rü marü núma naxü. Natürü ga duüxüğü rü nümagü nanaxwëxegüxüäcüma poraãcü chixri namaä nachopetü, yexgumarüü ga ore ga ümatüxüwa nüxü yaxuxürüü —ñanagürü.

*Ngechuchu nanamexëë ga wüxi ga buxü ga ngoxo nawa yexmaxü
(Mt 17.14-21; Lc 9.37-43)*

14 Rū yexguma yema togü ga norü ngúexüğütanüwa nangugügu, rü yéma nüxü nadaugü ga muxüma ga duüxüğü ga yema ngúexüğüxü ichomaëguächixü. Rū ñuxre ga ngüxëëeruüğü ga Moichéaru mugüwa ngüxëëtaegüxü, rü yéma niporagatanücüü namaä ga yema ngúexüğü.

15 Rū yexguma Ngechuchuxü nadaugüga yema muxüma ga duüxüğü, rü poraãcü nabaixãchiãëgü. Rū guxüma naxcèx nibuxmü na nüxü yanamoxëgüxüçex.

16 Rū nüma ga Ngechuchu rü nüxna naca, rü ñanagürü nüxü: —¿Tacü nixi i pema namaä naxcèx ípiporagatanücüüxü? —ñanagürü.

17 Rū wüxi ga yema duüxüğü ga yéma yexmagüxü rü nanangäxü, rü ñanagürü: —Pa Ngüxëëeruüx, nuä cuxcèx tüxü chaga ya chaune, erü tümawa nangëxma i wüxi i ngoxo i tüxü ngegaxëëxü.

18 —Rü ngextá ítangëxmaxüwa rü ngëxma tüxü yaxüxgu rü waixüümüänegu tüxü naña. Rū tarüchiëx, rü tixüxchapüta, rü ngëxma tiyuächi. Rū marü nüxü chacèxü i curü ngúexüğü na tümawa ínatëxüchiäxüçex i ngëma ngoxo, natürü tama nüxü inaxünu —ñanagürü.

19 Rū Ngechuchu nanangäxü, rü ñanagürü: —Pa Duüxüğü i Tama Yaxögüxü, ¿ñuxguratáta i pemaä chanuxmaxü rü yaxna pemaä chaxünuxü? ¡Nuä penaga ya yima bucü! —ñanagürü.

20 Rū Ngechuchuxütawa nanagagü ga guma bucü. Natürü yexguma Ngechuchuxü nadëuxgu ga yema ngoxo, rü guma bucüxü naxü ga na

yayuächixiēēāxǔ. Rǔ yexma ñaxtūanegu nayangu. Rǔ yexma nidixegügǔ, rǔ narǔchiēx.

²¹ Rǔ Ngechuchu rǔ guma bucūnatūna naca, rǔ ñanagǔrǔ: —ǔRǔ ñuxgumama nixǐ ga naxcēx inaxǔgǔxǔ ga yema? —ñanagǔrǔ. Rǔ guma bucūnatǔ nanangāxǔ rǔ ñanagǔrǔ: —Nabuxgumamatama.

²² Rǔ muēxpǔxcūna i ngēma ngoxo rǔ ũxǔxetǔgu rǔ dexágu nanañāxǔ na ngēmaācǔ yamáāxǔcēx. Rǔ ngēmacēx ega cumaā nangǔxǔgu na tacǔ toxcēx cuxǔxǔ, jrǔ cuxǔ tangechaŭtǔmǔŭgǔ, rǔ toxǔ rǔngǔxēē! —ñanagǔrǔ.

²³ Rǔ yexguma ga Ngechuchu rǔ ñanagǔrǔ nǔxǔ: —ǔRǔ tǔxcǔŭ “ega chomaā nanguǔxgu”, ñacurǔgǔ? Erǔ guxǔma natauxcha tǔmacēx ya yǐxema yaxǔxē —ñanagǔrǔ.

²⁴ Rǔ yexguma ga guma bucūnatǔ rǔ tagaācǔ ñatarǔgǔ: —Chayaxǔ. jChoxǔ rǔngǔxēē na yexeraācǔ chayaxǔxǔcēx! —ñatarǔgǔ.

²⁵ Rǔ yexguma Ngechuchu nǔxǔ dēuxgu na muxǔma ga duǔxǔgǔ marǔ yexma ngutaquēxexǔ, rǔ nananga ga yema ngoxo. Rǔ ñanagǔrǔ nǔxǔ: —Pa ngoxo i Ngegaxēēruǔ rǔ Ngauchǔxēxēēruǔx, jchoma cuxǔ chamu na nawa ícuxǔxǔxǔ ya daa bucǔ, rǔ tagutáma wena nagu cuyaxǔcuxǔ! —ñanagǔrǔ.

²⁶ Rǔ yexguma ga yema ngoxo rǔ aita naxǔ, rǔ wenaxǔrǔ guma bucǔxǔ niyuächixiēē. Rǔ ñuxǔchi nawa ínaxǔxǔ, rǔ ñoma nayuxuchiǔrǔŭ yéma nanatēx. Rǔ yemacēx ga muxǔma ga duǔxǔgǔ rǔ ñanagǔrǔgǔ: —Marǔ nayuxuchi nixǐ —ñanagǔrǔgǔ.

²⁷ Natǔrǔ ga Ngechuchu rǔ naxmēxgu nayayauxāchi, rǔ ínanadaxēē. Rǔ nǔma ga guma bucǔ rǔ inachi.

²⁸ Rǔ yemawena ga Ngechuchu rǔ wǔxi ga ípatagu nayaxǔcu namaā ga norǔ ngǔexǔgǔ. Rǔ yéma nǔxǔca nǔxna nacagǔ, rǔ ñanagǔrǔgǔ nǔxǔ: —Pa Corix, jǔtǔxcǔŭ i toma rǔ taxuacǔma ítanatēxǔchi i ngēma ngoxo? —ñanagǔrǔgǔ.

²⁹ Rǔ Ngechuchu nanangāxǔ rǔ ñanagǔrǔ: —Tama ngēmaācǔmare ítanatēxǔchi i ngēmarǔŭ íxǔxǔ i ngoxo. Natǔrǔ tanaxwēxe i Tupanana tanaxuaxǔ i tǔrǔ yumǔxēwa na nǔma ínatēxǔchiāxǔcēx. Rǔ ngēmaācǔxicatama nixǐ i ínaxǔxǔxǔ —ñanagǔrǔ.

Ngechuchu ru wenaxǔrǔ nanaxunagǔ ga norǔ yuchiga

(Mt 17.22-23; Lc 9.43-45)

³⁰⁻³¹ Rǔ yéma inaxǔāchi rǔ Gariréaanewa nachopetǔ. Natǔrǔ ga Ngechuchu rǔ tama nanaxwēxe ga texé nǔxǔ na cuáxǔ ga na yéma nayexmaxǔ, yerǔ norǔ ngǔexǔgǔxǔ ínangǔxēē. Rǔ ñanagǔrǔ nǔxǔ: —Tupana Nane ya duǔxǔxǔ íxǔcǔ, rǔ duǔxǔgǔ tá nayayauxgǔ rǔ tá nayamēxgǔ. Natǔrǔ tomaēxpǔx i ngunexǔgu rǔ wena tá ínarǔda —ñanagǔrǔ.

³² Natǔrǔ ga nǔmagǔ rǔ tama meā nǔxǔ nacuēxgǔ ga tacǔchiga na yǐxǔ ga yema ore, rǔ namuŭē ga nǔxna na nacagǔexǔ.

ǔTexé tá tixǐ ya guxǔārǔ yexera íxǔxē?

(Mt 18.1-5; Lc 9.46-48)

³³ Rǔ Capernáŭrǔ íñewa nangugǔ. Rǔ yexguma íxwa nayexmagǔgu, rǔ Ngechuchu nǔxna naca, rǔ ñanagǔrǔ: —ǔRǔ tacǔ nixǐ ga pegǔmaā naxcēx piporagaetanǔxǔ ga namawa? —ñanagǔrǔ.

³⁴ Natǔrǔ ga nǔmagǔ rǔ nangeēxgǔmare, yerǔ ga namawa rǔ nachigagu nǔgǔmaā niporagaetanǔ ga texé tǔxǔ ga natanǔwa rǔyexeramaēxē.

³⁵ Rǔ yexguma ga Ngechuchu rǔ ínarǔto, rǔ naxcēx naca ga yema 12 ga norǔ ngǔexǔgǔ, rǔ ñanagǔrǔ nǔxǔ: —Rǔ ngēxguma texé naxwēxegu na

guxãētüwa na taxüxü, rü name nixi i noxri rü guxãärü ñaxtúmaēwa tügü taxüxēē na guxãärü ngüxēēruü tixü –ñanagürü.

³⁶ Rü yemawena rü norü ngãxütanügu nayachixēē ga wüxi ga buxü. Rü ñuxüchi nachacüügu yayauxãchiãcúma ñanagürü:

³⁷ –Rü texé ya chauégagu meã nayaxúxe i wüxi i buxü i ñaärüü, rü choxü nixi i tayaxuxü. Rü texé ya choxü yaxúxe, rü tama choxüxícatama tayaxu, natürü yima núma choxü mucü ya Chaunatüxü rü ta nixi i tayaxuxü –ñanagürü.

*Texé ya tama taxchi aixe rü torü ngüxēēruü tixi
(Mt 10.42; Lc 9.49-50)*

³⁸ Rü yexguma ga Cuáü rü ñanagürü nüxü: –Pa Ngúxēēruüx, nüxü tadau ga wüxi ga yatü ga cuégagu ngoxogü íwoxüxü. Natürü toma nüxna tanachuxu ga yema, yerü tama tatanüxü nixi ga nümax –ñanagürü.

³⁹ Natürü Ngechuchu nanangãxü, rü ñanagürü: –Tama name i nüxna na penachuxuxü. Erü texé ya chauégagu naxúxe i wüxi i mexü i Tupanaärü poramaã üxü, rü taxucürüwama yixcama chixri chauchiga tidexa.

⁴⁰ Erü texé ya tama taxchi aixe, rü tórü ngüxēēruü tixi.

⁴¹ Rü texé ya woo wüxitama i pochiyuãcu i dexá pexna ãxē naxcèx na chorü duüxügü pixigüxü, rü aixcúma pemaã nüxü chixu rü tá tüxü nangëxma i túmaärü ãmare –ñanagürü.

*Naxãücúma nixi na pecadugu inguxü
(Mt 18.6-9; Lc 17.1-2)*

⁴² Rü ñanagürü ta: –Texé ya pecadugu nanguxëxë i wüxi i ñaã buxüügü i choxü yaxögüxü, rü tümacèx rü narümemaë chi nixi i noxtacúma wüxi ya nuta ya tacü tümanaxãwa tayangacuchi, rü ngëmaãcü taxtüchiüwa tüxü tayatáe.

⁴³⁻⁴⁴ –Rü ngëxguma chi wüxi ya cuxmëx pecadugu cuxü nguxëëgu, rü name nixi i noxtacúma ícunadae. Erü narümemaë nixi i cuboxmëxãcúma cunayaxu i curü maxü na tama guxüne ya cuxmëx ya mexünemaã nawa quitëxcuchixüçèx ya yima üxü ya ngoxogü nagu poxcuene ya taguma ixoxüne.

⁴⁵⁻⁴⁶ –Rü ngëxguma chi wüxi ya cucutü pecadugu cuxü nguxëëgu, rü name nixi i noxtacúma ícunadae. Erü narümemaë nixi i cubocutüãcúma cunayaxu i curü maxü na tama guxüne ya cucutü ya mexünemaã nawa quitëxcuchixüçèx ya yima üxü ya ngoxogü nagu poxcuene.

⁴⁷⁻⁴⁸ –Rü ngëxguma chi wüxi ya cuxetü pecadugu cuxü nguxëëgu, rü name nixi i noxtacúma ícunacaxüchi. Erü narümemaë nixi i wüxitama ya cuxetümaã Tupana ãëxgacü íxixüwa quixücu, na tama guxüne ya cuxetü ya mexünemaã nawa quitëxcuchixüçèx ya yima üxü ya taguma ixoxüne ya ngoxogü nagu poxcuene i ngextá õxmigü taguma íyuxüwa.

⁴⁹ –Rü aixcúma ñoma õnawa yucüra nagüxürüü tá nixi na guxátáma guxchaxüwa chopetüxü.

⁵⁰ –Name ya yucüra. Natürü ngëxguma chi nangeacagu, ¿rü ñuxãcü tá wenaxärü naxããca? ¡Rü meã pegüna pedaugü na ñoma yucüra ya taguma iyarüngeacacürüü na namexüçèx i perü maxü! ¡Rü meã pegümaã pemaxë! –ñanagürü.

10

*Ngechuchu namaã nangúxëëtae na tama namexü na texé tümamèxü ítáxü
(Mt 19.1-12; Lc 16.18)*

1 Rū yexguma ga Ngechuchu rü Capernáuârü îānewa inaxũāchi. Rū Yudēaanewa naxüpetü rü ñuxmata natü ga Yudáũârü tocutüwa nangu. Rū yéma rü wenaxârü naxcêx nangutaquêxegü ga duũxügü. Rū nüma rü inanaxügü ga na nangúexêtaexü guxũgurüü.

2 Rū ñuxre ga Parichéugü rü naxcêx naxî ga na nüxü yaxüügüxcêx yerü chixexügu nananguxêégüchaũ. Rū yemacêx nüxna nacagüe, rü ñanagürügü: —¿Namexü i cuxcêx na wüxi ya yatü rü naxmêxü ínatáxü? —ñanagürügü.

3 Rū nüma nanangãxü, rü ñanagürü nüxü: —¿Rü tacü yîixü ga Moîché pexü muxü? —ñanagürü.

4 Rū nümagü nanangãxügü, rü ñanagürügü: —Moîché nüxü nixu ga na tama nachuxuxü na wüxi ya yatü rü ínatámaxü, ega wüxi i popera i têxgüpane ngîxna naxãxgu —ñanagürügü.

5 Rū yexguma ga Ngechuchu rü nanangãxü, rü ñanagürü nüxü: —Rü yema na taxúegama na pexinüêxügagu nixî ga Moîché ga tama pexna nachúãxü ga pexmêxü na ípetáxü.

6 —Natürü noxriarü ügügu, rü Tupana nanaxü ga yatüxü rü ngexü.

7 —Rü ngêmacêx ya yatü rü tá nanatü rü naēna nixügachi na naxmêxmaã inaxũxüxcêx.

8 —Rü ngêmaãcü i ngêma taxre rü ñoma wüxitama i duũxürüü tá nixîgü. Rü marü tãütãma taxre nixî, erü wüxi tátama nixî.

9 —Rü ngêmacêx taxucürüwa texé nügüna tayaxîgachixêe i ngêma taxre i Tupana nügüna mugüxü —ñanagürü.

10 Rū yexguma marü ípatawa nangugügu, rü norü ngúexügü rü wenaxârü nüxna nacagüe naxcêx ga yema.

11 Rū Ngechuchu rü ñanagürü nüxü: —Rü yíxema tûmamêxü ítáxe rü naî i ngemaã āmaxê rü pecadu taxü ngîmaã i ngêma noxriücü i tûmamêx.

12 —Rü ngêxgumarüü ta, ega wüxi i nge ítêxtegu rü naî ya yatümaã naxãtegu, rü ngîma rü ta pecadu ixü —ñanagürü.

*Ngechuchu rü buxügüxü nameãê
(Mt 19.13-15; Lc 18.15-17)*

13 Rū yéma Ngechuchuxütawa tüxü nagagü ta ga ñuxre ga buxegü na tüxü yangögügüxcêx. Natürü ga yema norü ngúexügü rü inanaxügüe ga tüxü na yangagüxü ga guxema tûmaxãcüxegüxü Ngechuchuxütawa gagüxe.

14 Rū yexguma yemaxü nadêuxgu ga Ngechuchu, rü naãēwa nangux, rü ñanagürü nüxü: —Chanaxwêxe i chauxütawa naxî i buxügü. ¡Rü tãxü i nüxna penachuxuxü! Erü Tupana âêxgacü íixîxüwa rü tûmacêx nixî ya yíxema ñaã buxügürüü taxuüma i chixexüxü icuáxe.

15 —Rü aixcüma pemaã nüxü chixu rü texé ya tama wüxi i buxürüü Tupanaxü yaxüxe na tûmaârü âêxgacü yîixüxcêx, rü tagutãma nagu taxücu i ngêma naãne i Tupana âêxgacü íixîxüwa —ñanagürü.

16 Rū nüma rü tüxü naganagütanü ga guxema buãxta, rü tûmaêrugügu naxüméxãcüma ñanagürü tüxü: —¡Tupana pexü rüngüxêêx! —ñanagürü.

*Wüxi ga yatü ga dîeruãxüchixü Ngechuchumaã nidexa
(Mt 19.16-30; Lc 18.18-30)*

17 Rū yexguma marü inaxũāchichaũgu ga Ngechuchu, rü yéma naxcêx niña ga wüxi ga yatü. Rū napêxegu nayacaxãpüxü, rü nüxna naca rü ñanagürü nüxü: —Pa Ngúexêeruü ya mecüx, ¿tacü tá chaxüxü na chanayaxuxüxcêx i maxü i taguma güxü? —ñanagürü.

18 Rū Ngechuchu nanangãxũ, rû ñanagürü nüxũ: —¿Tũxcũ, “Mecũ” ñacurũgũ choxũ? Erũ Tupanaxĩcatama nixĩ ya mecũ ixĩcũ, rû nataxuma i to.

19 Cuma rû marũ nüxũ cucuèx i Tupanaãrũ mugũ i ñaxũ:

“¡Tãütãma cumãeta, rû tãütãma naĩ i ngemaã icupe, rû tãütãma cungĩtèex, rû tãütãma doraxũ quixu i togũchiga, rû tãütãma quidoratèex, rû tũmaga naxĩnũ ya cunatũ rû cue!”

ñaxũ —ñanagürü.

20 Rû yexguma ga guma yatũ rû ñanagürü nüxũ: —Pa Ngúexèeruũx, rû chorũ bucũmatama meã chanaxaure i guxũma i ngẽma mugũ i nüxũ quixuxũ —ñanagürü.

21 Rû yexguma ga Ngechuchu rû nüxũ nangechaũãcũma nüxũ nadawenũ, rû nanangãxũ rû ñanagürü: —Rũ wũxixicatama cuxũ nataxu. ¡Rũ íixũ, rû namaã yataxe i guxũma i curũ ngẽmaxũgũ, rû ñuxũchi togũ i ngearũ ngẽmaxũãxgũxũna naxã i ngẽma curũ natanũ! Rũ ngẽmaãcũ tá cuxũ nangẽxma i cuchica i daxũguxũ i naãnewa. Rũ ngẽmawena rû marũ name i chowe curũxũ —ñanagürü.

22 Natürü nüma ga guma yatũ rû nanaxixãchiãe ga yexguma nüxũ naxĩnũgu ga yema ore. Rũ nangechaũãcũma ínixũ, yerũ namuxũchi ga norũ yemaxũgũ.

23 Rũ Ngechuchu rû nüxũ nidaugũãchi, rû ñanagürü norũ ngúexũgũxũ: —Naguxchaxũchi tá nixĩ na Tupana ãẽxgacũ íyĩxũwa na yachocuxũ i ngẽma díeruãxũchigũxũ —ñanagürü.

24 Rũ nabaixãchiãegũ ga norũ ngúexũgũ namaã ga yema ore. Natürü ga Ngechuchu rû wenaxãrũ namaã nüxũ nixu, rû ñanagürü: —Pa Chauxacũgũx, ñuxãcũ wũxi i guxchaxũchixũ nixĩ na Tupana ãẽxgacũ íyĩxũwa na yaxũcuxũ i wũxi i duũxũ.

25 —Rũ aixcũma pemaã nüxũ chixu rû ñoma wũxi i cameyu na taxucürũwama wũxi ya ucumaxètũwa naxũpetũxũãrũ yexera narũguxchamaẽ naxcèx i wũxi i duũxũ i díeruãxũchixũ na yaxũcuxũ i ngextã Tupana ãẽxgacũ íixĩxũwa —ñanagürü.

26 Rũ yexguma yemaxũ naxĩnũegũ ga norũ ngúexũgũ, rû yexeraãcũ nabaixãchiãegũ. Rũ nügũna nacagũe, rû ñanagürügũ: —¿Rũ texé tá èxna tixĩ ya nayaxũxe i maxũ i taguma gũxũ? —ñanagürügũ.

27 Rũ Ngechuchu rû nüxũ nadawenũ, rû nanangãxũ rû ñanagürü nüxũ: —Yatũgũ rû taxuacũma nügũ namaxèe, natürü Tupanaãxũ rû natauxcha i ngẽma, erũ Tupanacèx rû nataxuma i tacũ i guxchaxũ —ñanagürü.

28 Rũ yexguma inanaxũgũ ga Pedru ga na yadexaxũ, rû ñanagürü nüxũ: —Toma rû marũ yéma tanawogũ ga guxũma ga torũ yemaxũgũ na cuwe tarũxũcèx —ñanagürü.

29-30 Rũ Ngechuchu nanangãxũ, rû ñanagürü: —Aixcũma pemaã nüxũ chixu rû texé ya chaugagu rû ore i maxèxèeruũgagu tũmapatana, rû èxna tũmaènegũna, rû èxna tũmaèyèxgũna, rû èxna tũmaèna, rû èxna tũmanatũna, rû èxna tũmaxãcũgũna, rû èxna tũmaãnegũna ngema ixũxè, rû tá tanayaxu i tũmaãrũ natanũ. Rũ aixcũma ñuxma i ñoma i naãnewa rû tá tanayaxu i 100 èxpũxcũna ya tũmapatagũ, rû tũmaènegũ, rû tũmaèyèxgũ, rû tũmaègũ, rû tũmaxãcũgũ, rû tũmaãnegũ. Natürü ngèxgumarũ tá ta tanayaxu i ngũxũgũ i togũ tá tixũ ingexèegũxũ. Natürü yixcamaxũra i daxũguxũ i naãnewa rû tá tanayaxu i maxũ i taguma gũxũ.

31 —Natürü muxũma i nümaxũ i ñuxma ñoma i naãnewa duũxũgũ wixpèxewa ügũxèexũ, rû daxũguxũ i naãnewa rû Tupana tá wixweama nanaxũgũxèe. Rũ

muxđma i nřmaxđ i řıuxma řıoma i nańnewa duđxđgř wixweama řgřxđđxđ, rř daxřgřxđ i nańnewa rř Tupana tđ wixpđxewa nanaxřgřxđđ –ńnanagřrř.

*Ngechuchu rř wenaxđrř nanaxunagř ga norř yuxchiga
(Mt 20.17-19; Lc 18.31-34)*

³² Rř Yerucharđwaama naxđ. Rř nřma ga Ngechuchu rř norř ngřxđgřpđxegu nixđ. Rř nřmagř rř nabaixđchđđđgř, rř yema togř ga duđxđgř ga wixweama đgřxđ rř namuđđ. Rř Ngechuchu rř wenaxđrř noxrřwama naxcđx naca ga yema 12 ga norř ngřxđgř. Rř inanaxřgř ga namađ nřxđ na yaxuxđ ga řacř tđ nřxđ na ngřpetřxđ.

³³ Rř ńnanagřrř nřxđ: –Pema nřxđ pecuđx na marř ingaicaxđ na Yerucharđwa ingugřxđ. Rř ngema rř duđxđgř rř tđ chixri chomađ nachopetř. Rř paigřarř đđxgacřgř rř ngřxđđđrřđgř i ore i mugřwa ngřxđđđtaegřxđna tđ choxđ naxuaxđgř. Rř nřmagř rř tđ chomađ nanaxuegugř na chayuxđ, rř tđ ngđma Dumacřđđxgřna choxđ namugř.

³⁴ Rř ngđmagř tđ nixđ i chaugu idauxcřrađgřxđ. Rř tđ choxna nacuaixgře, rř tđ choxna nanaçuaixcagř, rř tđ choxđ nayuxđđgř. Natřrř tomađxpřx i ngřnexřguwena tđxarř chamaxđ –ńnanagřrř.

*Chađtiđgu rř Cuđđ rř wřxi ga ngřxđđđcđx đnacagř
(Mt 20.20-28)*

³⁵ Rř Ngechuchucđx naxđ ga Chađtiđgu rř Cuđđ ga Zebedř nanegř, rř ńnanagřrřgř nřxđ: –Pa Ngřxđđđrřđx, tanaxwđxe i toxcđx cunaxđ i ngđma ngřxđđ i naxcđx tđ cuxna řaçaxđ –ńnanagřrřgř.

³⁶ Rř nřma rř nřxna naca, rř ńnanagřrř: –řřacř nixđ i penaxwđxexđ na pexcđx chanaxđxđ? –ńnanagřrř.

³⁷ Rř ńnanagřrřgř: –Rř ngđxgřma đđxgacřxđ quingucuchigu, rř tanaxwđxe na wřxie i toma rř curř tğgřnecřwawa tarřtoxđ, rř togrę i curř řoxwecřwawa –ńnanagřrřgř.

³⁸ Rř Ngechuchu nanangđxđ, rř ńnanagřrř nřxđ: –Pema rř tama nřxđ pecuđx na řacřcđx řpeçaxđ. řRř pexđ chi natauxchaxđ i na peyaxaxđxđ i ngđma axexđ i řxchiřxđ i choma tđ chixaxđxđ? řRř namađ chi peporaexđ i ngđma ngřxđ i tđ chingexđ? –ńnanagřrř.

³⁹ Rř nřmagř nanangđxđgř rř ńnanagřrřgř: –Ngđmađcř, namađ tđ taporae –ńnanagřrřgř. Rř Ngechuchu nanangđxđ, rř ńnanagřrř nřxđ: –Aixcřma tđ nixđ i çauxrřđ peyaxaxđxđ i ngđma axexđ i řxchiřxđ rř çauxrřđ ngřxđ na pingegřxđ.

⁴⁰ –Natřrř ngđma chorř tğgřnecřwawa rř chorř řoxwecřwawa na perřtogřđcđx, rř tama çoxmđxwa nangđxma na pexna chanaxđxđ, erř Chaunatř tđ třxna nanaxđ ya řyxema třmacđx řyřxđ –ńnanagřrř.

⁴¹ Rř yegřma yemaxđ naxđńđđgř ga yema togř ga 10 ga ngřxđgř, rř Chađtiđgřmađ rř Cuđđmađ nanuđ.

⁴² Natřrř Ngechuchu naxcđx naca rř ńnanagřrř nřxđ: –Pema nřxđ pecuđx i togř i nachđđđanegřwa rř nangđxmagř i đđxgacřgř i nğgř nacuđxgřgu na namexđ na nauçđ namuđxđ i norř duđxđgř. Rř ngđma đđxgacřgř i taxđgř rř norř duđxđgřarř yora nğgř nixđgřxđđ.

⁴³ –Natřrř tđřtđma ngđmađcř nixđ i petanřwa. Erř ngđxgřma texđ naxwđxegř na guxđđrř yexera na třřxđ i petanřwa, rř name nixđ i noxri rř guxđđrř ngřxđđđrř na třřxđ.

44 –Rü ngëxguma chi texé i petanüwa naxwèxegu na tümamücügüeru na tiixü, rü name nixi i noxri rü guxüma i tümamücügüaru ngüxëeruü na tiixü.

45 –Rü woo i choma i Tupana Nane na duüxüxü chiixü, rü tama togü choxü rüngüxëëxücèx nixi i núma chaxüxü. Natürü núma chaxü na duüxügüxü charüngüxëëxücèx rü naxcèx ichanaxäxücèx i chorü maxü, na ngëmaäcü chanaxütanüxücèx na norü pecadugüna inanguxüxücèx i muxüma i duüxügü –ñanagürü.

Bartiméu ga ngexetücüxü narümexë ga Ngechuchu
(Mt 20.29-34; Lc 18.35-43)

46 Rü Yericüaru iñewa nangugü. Rü Ngechuchuwe narüxi ga norü ngüexügü rü muxüma ga togü ga duüxügü. Rü yexguma guma iñeärü guxwa nangugüchaügu ga nüxna na ínachoxüxü, rü yéma namacüwawa narüto ga wüxi ga ngexetücü ga Bartiméu ga ägacü ga Timéu nane.

47 Rü yexguma guma ngexetücü nüxü iñügu ga Ngechuchu ga Nacharétucüäx na yüxü ga guma yéma üpetücü, rü inanaxügü ga poraäcü aita na naxüxü, rü: –Pa Ngechuchu ya Dabítanüxüx, jcxüxü changechaütümü! –ñanagürü.

48 Natürü muxüma ga yema duüxügü rü inanangaxüchigüama ga na iyanangeáxücèx. Natürü ga nüma rü yexeraäcü aita naxüama, ñaxümaä: –Pa Dabítanüxüx, jcxüxü changechaütümü! –ñaxümaä.

49 Rü yexguma ga nüma ga Ngechuchu rü inayachiächi, rü ñanagürü: –jNaxcèx peca! –ñanagürü. Rü guma ngexetücü naxagü, rü ñanagürügü: –jNataäë rü inachi! Rü cuxcèx nixi i naçaxü –ñanagürügü.

50 Rü guma ngexetücü rü yexacü nanaña ga norü gáuxüchiru. Rü inayux-nagü rü Ngechuchucèx nixü.

51 Rü Ngechuchu nüxna naca, rü ñanagürü nüxü: –jTacü nixi i cunaxwëxexü na cuxcèx chanaxüxü? –ñanagürü. Rü nüma ga guma ngexetücü, rü nanangäxü, rü ñanagürü: –Pa Ngüexëëruüx, chanaxwëxe na chidauchixü –ñanagürü.

52 Rü yexguma ga Ngechuchu, rü ñanagürü nüxü: –jËcü, íixü! Rü marü cuxcèx nitaane erü cuyaxö –ñanagürü. Rü yexgumatama ga guma ngexetücü rü nidauchi, rü Ngechuchuwe narüxü ga namawa.

11

Ngechuchu rü Yerucharëügu naxücu
(Mt 21.1-11; Lc 19.28-40; Cu 12.12-19)

1 Rü marü Yerucharëüaru ngaicamana nangugü ga Oríbunecüaru Mëxpüneärü ngaicamana yexmagüne ga iñnexäcügü ga Bechagué rü Betániä. Rü yexguma yéma nangugügu, rü Ngechuchu nanamu ga taxre ga norü ngüexügü.

2 Rü ñanagürü nüxü: –jGua tóru toxmëxtawa ngëxmane ya iñnexäcüwa pexi! Rü ngëxguma nawa pengugügu, rü ngëxma tá nüxü peyangau i wüxi i buru i ngëxma ngaxüxü i taguma texé natagu aunagüxü. jRü peyawëxü rü nuä penaga!

3 –Rü ngëxguma texé pexna caxgu na tacücèx peyawëxüxü i ngëma buru, jrü tümamaä nüxü pixu rü ñapegügü:

“Torü Cori nanaxwëxe, rü ñuxma tátama nanataeguxëë”, ñapegügü!

4 Rü yéma naxi. Rü yexma namacüwagu nüxü nayangaugü ga yema buru ga wüxi ga ipataëxütagu ngaxüxü.

5 Rū ñuxre ga duũxũgũ ga yéma yexmagũxũ rũ nũxna nacagũe, rũ ñanagũrũgũ: —¿Tacũ ípexũe? ¿Rũ tũxcũũ peyawẽxũ i ngẽma buru? — ñanagũrũgũ.

6 Rũ nũmagũ ga yema ngũexũgũ, rũ yema ore ga Ngechuchu namaã nũxũ ixuxũãcũ nanangãxũgũ. Rũ yemacẽx tama nũxna nanachuxgũ.

7 Rũ natagu nanaçhagũmũ ga naxchirugũ. Rũ yemaãcũ Ngechuchuxũtawana nanagũ. Rũ nũma ga Ngechuchu rũ natagu naxaunagũ.

8 Rũ muxũma ga duũxũgũ rũ naxchirumaãtama nanaçhamagũ. Rũ togũ rũ naĩxãtũgũ ga naãnewa nadaũxũmaã nayaçhamagũ.

9 Rũ yema duũxũgũ ga napẽxegu ãgũxũ rũ yema togũ ga wixweama ãgũxũ, rũ tagaãcũ ñanagũrũgũ: —¿Cuxũ ticuẽxũxũgũ! ¿Rũ naxũũne ya daa Tupanaegagu nũma ũcũ!

10 ¿Rũ ãẽxgacũ ya Dabĩrũxũ namecũmaxũchi ya daa ãẽxgacũ ya nũma ngucũ! ¿Rũ pema rũ ta, Pa Daxũcũãx, rũ nũxũ picuẽxũxũgũ ya Tupana! —ñanagũrũgũ.

11 Rũ Yerucharẽũgu naxũcu ga Ngechuchu, rũ tupauca ga taxũnecẽx nixũ. Rũ meãma guxũwama inanadauaxũne. Rũ ñuxũchi yema norũ 12 ga ngũexũgũmaã Betãniããrũ Ìãnecẽx nataegu, yerũ marũ nayãuane.

*Ngechuchu rũ orix ga iguera ga ngearũ oõxũmaã chixexũ naxuegu
(Mt 21.18-19)*

12 Rũ moxũãcũ yexguma Betãniãwa inaxĩãchigu ga Ngechuchu rũ nataiwa.

13 Rũ yaxũgu nũxũ nadau ga wũxi ga orix ga iguera ga ããtũxũ. Rũ nũma ga Ngechuchu rũ naxcẽx nixũ na íyadauãxũcẽx rũ ngoxi nayexmẽx ga norũ o. Natũrũ yexguma naxũtawana nanguxgu, rũ taxuũma inayangau, rũ naãtũxũĩcatama, yerũ tauta norũ owa nangu.

14 Rũ yexguma rũ ñanagũrũ igueraxũ: —¿Tagutãma texẽ wena cuxũ tamũãrũ oõx! —ñanagũrũ. Rũ norũ ngũexũgũ rũ nũxũ naxĩnũẽ ga yema.

*Ngechuchu ínanawoxũ ga yema tupauca ga taxũnewa taxegũxũ ga duũxũgũ
(Mt 21.12-17; Lc 19.45-48; Cu 2.13-22)*

15 Rũ yexguma Yerucharẽũwa nangugũgu, rũ Ngechuchu rũ tupauca ga taxũnegu naxũcu. Rũ inanaxũgũ ga na ínawoxũãxũ ga yema yéma ñacũmaã taxegũxũ rũ naxcẽx taxegũxũ. Rũ nanangũegutanũ ga norũ mechagũ ga yema duũxũgũ Tupanaarũ ãmarewa mexũ ga dãẽrumaã taxegũxũ rũ muxtucumaã taxegũxũ.

16 Rũ nanaçhuxu ga texẽ ñacũ na yéma ngepetũxũ tupauca ga taxũnemachiawa.

17 Rũ inanaxũgũ ga na nangũexẽẽtaexũ, rũ ñanagũrũ: —Tupanaãrũ ore i ũmatũxũwa rũ ñanagũrũ:

“Chopata rũ guxũma i nachiũãnecũãxgũarũ yumũxẽpataũgu tá naxãega”, ñanagũrũ. Natũrũ pema rũ ngĩtẽẽxgũxũpataũ peyaxĩxẽẽ —ñanagũrũ.

18 Natũrũ yexguma yemaxũ naxĩnũẽgu ga paigũarũ ãẽxgacũgũ rũ ngũxẽẽruũgũ ga Moĩchẽarũ mugũwa ngũxẽẽtaegũxũ, rũ inanaxũgũe ga naxcẽx na nadaugũxũ ga ñuxãcũ Ngechuchuxũ na yamẽxgũxũ. Natũrũ duũxũgũxũ namuũẽ, rũ yemacẽx taxucũrũwama duũxũgũpegu nayayauxgũ. Yerũ nũma ga duũxũgũ rũ namaã nataãxẽgũ ga yema Ngechuchuarũ ngũxẽẽtae.

19 Natũrũ yexguma marũ nayãuanegu, ga Ngechuchu rũ norũ ngũexũgũmaã nawa ínaxoxũ ga guma ñãne.

*Narũñexẽ ga yema iguera ga ngearũ oõxũ
(Mt 21.20-22)*

20 Rū moxūācū pèxmama rü igueraxūtawa nachopetü. Rū yéma nüxū nadaugü ga na nañexēxū ñuxmata naxchúmèxāwa nangu.

21 Rū yexguma ga Pedru rü nüxna nacuèxāchi ga yema ñeācū ngupetüxū, rü ñanagürü Ngechuchuxū: —Pa Ngüexēēruūx, dücax i iguera ga chixexū namaā cuxueguxū, rü marü narüñexē —ñanagürü.

22 Rū Ngechuchu nanangāxū, rü ñanagürü: —¡Nüxū peyaxögü ya Tupana!

23 —Rü aixcüma pemaā nüxū chixu rü ngëxguma chi wüxie daa mëxpünexū tamuxgu na yaxügachixüçèx rü taxtü i taxüchiüwa nügü na yatáexüçèx, rü chi pega naxīnū, ega aixcüma peyaxögüācüma nüxū ngëma ñapegügu.

24 —Rü ngëmacèx pemaā nüxū chixu rü guxūma i tacü i naxcèx ípeçaxū i perü yumüxēwa, rü name nixī na peyaxögüxū na marü penayaxuxū, rü aixcüma tá penayaxu.

25 —Rü ngëxguma peyumüxëgügu, natürü nangëxmagu i tacüçèx texémaā na penuèxū, ¡rü tüxū nüxū pengechaū! na Penatü ya daxügücü rü ta pexū nüxū nangechaüxüçèx i perü pecadugü.

26 —Natürü ngëxguma pema tama tüxū nüxū pengechaügügu, rü Penatü ya daxügücü rü tá ta täütáma pexū nüxū nangechaū —ñanagürü.

Ngechuchuna nacagüe na texéarü oregagu tupauca ga taxünewa nanguxëëtaexū

(Mt 21.23-27; Lc 20.1-8)

27 Rū yemawena rü Yerucharëçèx nawoegu. Rū yexguma Ngechuchu rü tupauca ga taxünegu yaxügüchigüyane, rü naxcèx naxī ga paigüarü äëxgacügü, rü ngüexëēruügü ga Moichéarü muxüwa nguxëëtaegüxū, rü Yudiügüarü äëxgacügüerugü.

28 Rū nüxna nacagüe, rü ñanagürügü: —¿Texéarü mugagu nixī i cunaxüxū i ngëma núma cuxüxū? ¿Rü texé cuxū tamu na cunaxüxüçèx i ngëma? —ñanagürügü.

29-30 Rū yexguma ga Ngechuchu rü nanangāxū, rü ñanagürü nüxū: —Choma rü tá ta pexna chaca, rü ngëxguma choxū pengāxügu i ngëma pexna naxcèx chaçaxū, rü choma rü tá ta pemaā nüxū chixu na texé choxū muxū na chanaxüxüçèx i ngëma. ¿Rü texé tanamu ga Cuáü na duüxügüxū ínabaiüxëxüçèx? ¿Rü Tupana yiüxū ga namucü rü éxna duüxügümare? —ñanagürü.

31 Rū yexguma ga nümagü rü inanaxügüe ga nügümaā na yaporagatanüçüxū, rü ñanagürügü: —Rü ngëxguma chi:

“Tupana núma nanamu”, ñagügügu, rü núma rü chi ñanagürü tüxū:

“¿Tüxcüü ga tama nüxū peyaxögüxū?” ñanagürü chi tüxū.

32 ¿Rü ñuxücürüwa rü:

“Yatügümare núma nanamu”, ñatarügügü tá? Rü yema ñanagürügü yerü duüxügüxū namuñë. Yerü guxūma ga duüxügü rü nayaxögü rü aixcüma Tupana nanamu ga Cuáü na nüxū yaxuxüçèx ga norü ore.

33 Rū yemacèx Ngechuchuxū nangāxügü, rü ñanagürügü: —Tama nüxū tacüx ga texé núma na namuxū ga Cuáü ga baiüxëēruū —ñanagürügü. Rü yexguma ga Ngechuchu rü nanangāxū rü ñanagürü nüxū: —Choma rü ta täütáma pemaā nüxū chixu na texé choxū muxū na chanaxüxü i ngëma choxna naxcèx peçaxū —ñanagürü.

12

Ore i puracütanüxü i chixexüğügu ixuxü
(Mt 21.33-46; Lc 20.9-19)

1 Rü Ngechuchu rü inanaxüğü ga ore ga cuèxruüğügu ixuxümaã na nangüexèetaexü. Rü ñanagürü nüxü: —Nayexma ga wüxi ga yatü ga norü naãnegu ubanecü ücü. Rü ñanapoxegu, rü nanaxü ga wüxi ga ubaarü yauxtüxüxüchica, rü wüxi ga dauxtütaechica na meã nüxna nadauxüçèx ga guxüma. Rü ñuxüchi ñuxre ga puracütanüxüna nüxü nadauxèë. Rü namaã nanamexèë na ngãxügu namaã ngüxü yatoyexüçèx ga yema ubatanü. Rü ñuxüchi ga yema naãneärü yora rü to ga nachüüãnewa naxü.

2 —Rü yexguma nawa nanguxgu ga na yadauxü ga yema ubagü, rü guma yatü rü yéma puracütanüxüxütawa nanamu ga wüxi ga norü duüxüxü na naxcèx íyaçaxüçèx ga yema ubagü ga nüxna üxü.

3 —Natürü yema puracütanüxüğü rü nayayauxgü, rü nanaçuaixgü ga guma yatüarü duüxü. Rü taxuüma ga ubagü nüxna naxägü, rü yemaäcü ínayamugü.

4 —Rü yexguma ga guma yatü rü to ga norü duüxüxü yéma namu. Natürü ga guma rü nayamèxèrugü, rü namaã naguxchigagü.

5 —Rü yexguma rü to ga norü duüxüxü yéma namu. Natürü nayamèxgü. Rü yemawena, rü yéma nanamugü ga muxüma ga togü ga norü duüxüğü. Natürü ga yema puracütanüxüğü rü nayaçuaixgü ga ñuxre, rü togü rü nanadai.

6 —Rü yexguma rü nüxü ínayaxü ga nanexüchi ga poraäcü nüxü nangechaücü. Rü düxwa guma nanexü yéma namu, yerü nüma nagu naxinügu rü chi nanega naxinüë ga yema puracütanüxüğü.

7 —Natürü yexguma guma cori nanexü nadaugügu ga yema puracütanüxüğü, rü nügümaã ñanagürüğü:

“Ngèmaärü tá nixí i ñaã naãne i yixcama. ¡Rü ngüxã tayamèxgü na tóxrü na yüxüçèx!” ñanagürüğü.

8 —Rü yemaäcü nayayauxgü, rü nayamèxgü. Rü yema ubanecüpechinüwa nayatèxgü ga naxüne.

9 —Rü ñuxma rü pexna chaca, ¿pexcèx rü tacü tá naxü ya yima ubanecüarü yora namaã i ngèma puracütanüxüğü i chixexüğü? Rü dücax, rü ngema tá naxü, rü tá nanadai i ngèma puracütanüxüğü, rü togüna tá nanaxã i ngèma ubanecü.

10 —¿Taguma èxna nawa pengüé i Tupanaärü ore i ümatüxü? Erü ngëmawa rü ñanagürü:

“Rü yima nuta ya mecü ya ñärü üruüğü nüxü oechirécü, rü ñuxma rü yimatama nixí ya Tupana nüxüra yaxüçuchicü na namaã inaxüğüãxüçèx ya ípata.

11 Rü tóru Cori ya Tupana nixí ga naxücü ga yema, rü ñuxma rü namexèchi i taxcèx”, ñanagürü i ngèma ore.

12 Rü yexguma ga yema paigüarü äëxgacüğü, rü ngüexèëruüğü ga Moïchéarü mugüwa ngüxèetaegüxü, rü Yudiügarü äëxgacüğüterugü, rü Ngechuchuxü niyauxgüchaü. Yerü nüxü nacüexgü ga nachiga na yüxü ga yema ore ga cuèxruüğü yaxuxü. Natürü duüxüxüxü namüë rü yemacèx taxuüma namaã naxüë. Rü nüxna yéma íniximare.

Äëxgacüaxü dïërumaã naxütanüxüchiga
(Mt 22.15-22; Lc 20.20-26)

13 Rū yexguma ga yema ãëxgacügü rü Ngechuchuxütawa nanamugü ga ñuxre ga norü duüxügü ga Parichéugü rü Erodetanüxügü na nüxna yacagüexüçèx, rü ngoxi tacü rü chixexü ga dexamaã nüxü nangãxü na yemaãcü ãëxgacügüxütawa na íyaxuaxügüãxüçèx.

14 Rū nūmagü rü naxütawa naxī, rü ñanagürügü nüxü: —Pa Ngúexëëruüx, nüxü tacuèx rü aixcūma nixī i ngēma nüxü quixuxü i ore. Rū tama duüxügügamare cuxinü, erü tama norü düxétüxüñegu cudawenü, natürü nacūma nixī i cungugüxü. Rū aixcūma cunangüexëë i duüxügü na Tupana naxwëxexüãcūma namaxëxüçèx. ¡Tomaã nüxü ixu! Rū ngēma dīeru ya ãëxgacü ya tacü ya Dumacüãx totanüwa ngīxü yauxchaücü çrü namexü yīixü na nüxna ngīxü taxãxü, rü êxna tama? —ñanagürügü.

15 Natürü ga Ngechuchu rü nüxü nacuèxama ga na chixexügu namaã naxīnüëxü ga yema duüxügü woo meã namaã na yanadexagüxü. Rū yemacèx ñanagürü nüxü: —¿Tüxcüü chixexügu choxü penguxëëchaüxü? ¡Nuã ngīxü pingë i wüxitachinü i dīeru na ngīxü chadauxüçèx! —ñanagürü.

16 Rū yéma naxütawa ngīxü nangegü ga wüxitachinü ga dīeru. Rū Ngechuchu rü ñanagürü nüxü: —¿Texéhicünëxã rü texééga nixī i ngīgu üxü? —ñanagürü. Rū nūmagü nanangãxügü, rü ñanagürügü: —Dumacüãx ya ãëxgacü ya tacüchicünëxã nixī —ñanagürügü.

17 Rū yexguma ga Ngechuchu rü ñanagürü nüxü: —¡Ãëxgacüna ngīxü pexã i ngēma ãëxgacüarü ixicü, rü Tupanana ngīxü pexã i ngēma Tupanaärü ixicü! —ñanagürü. Rū yexguma yema orexü naxīnüëgu, rü namaã nañaixãchiãëgü.

Ngechuchuna nacagüe rü ngoxi wena namaxë i duüxügü (Mt 22.23-33; Lc 20.27-40)

18 Rū yemawena rü Ngechuchuxütawa ínayadaugü ga ñuxre ga Chadurchéugü. Rū nūmagü nixī i nüxü yaxugüexü na tagutãma wena namaxëxü i yuexü. Rū yemacëx Ngechuchuna nayacagüe, rü ñanagürügü:

19 —Pa Ngúexëëruüx, Moïchëarü mugüwa rü ñanagürü:

“Rü ngëxuma wüxi ya yatü naxmèx ngexacüyane nayuxgu, rü name nixī i naëneëtama ngīmaã naxãmèx i ngēma yutecü i naxümèx, na ngēmaãcü naxãxãcüxüçèx ya naëneë ga marü yucü”, ñanagürü ga yema ore.

20 —Düçèx, nayexma ga 7 ga nügüeneëgü. Rū naxãmèx ga guma yacü, natürü tauta naxãxãcüyane nayu.

21-22 —Rü yexguma ga naī ga naëneë nüxī ngīmaã naxãmèx ga yema ngecü, natürü guma rü ta nayu rü nangexacü. Rū yexguma ga guma norü tomaëxpüx ga naëneë nüxī ngīmaã naxãmèx, natür ü yexgumarüütama nüxü nangupetü. Rū yemaãcü, gucūma ga guma 7 ga nügüeneë rü ngīmaã naxãmèx ga yema nge. Rū gucūma nayue tauta naxãxãcüyane. Rū düxwa ngīma rü ta iyu ga yema nge.

23 —Rü dücac, ngëxguma yuexü wena maxëgu, çrü ngexcürüücü naxmèx tá iyixī i ngēma nge? Yerü gucūma ga guma 7 ga nügüeneëgü ngīmaã naxãmèx —ñanagürügü.

24 Rū yexguma ga Ngechuchu rü nanangãxü, rü ñanagürü nüxü: —Pema rü ípetüë erü tama nüxü pecuèx i Tupanaärü ore i ümatüxü, rü tama nüxü pecuèx i ñuxãcü na naporaxü ya Tupana.

25 —Rü ngëxguma yuexü wena maxëgu, rü taxüetãma tixãmèxgü rü êxna tixãtegü. Erü daxüçüãx i Tupanaärü orearü ngeruügürüü tá tixīgü i ngëxguma.

26 —Pema choxna peca i yuexũārũ dagũchiga. ¿Natũrũ tama ěxna nawa pengũe i Tupanaārũ ore ga Moĩchẽ ũmatũxũ ga naĩxãcũ ga ĩyauxratanũnechigaxũ ĩyaxuxũwa? Erũ yema orewa rũ Moĩchẽxũ ñanagũrũ ga Tupana:

“Choma nixĩ i Abrãũārũ Tupana, rũ Ichaárũ Tupana, rũ Acobuarũ Tupana”, ñanagũrũ.

27 —Rũ ngẽma orewa nũxũ tacuèx rũ Tupana rũ maxẽxũārũ Tupana nixĩ rũ tama yuexũārũ Tupana nixĩ, erũ Tupanaarũ ĩnũwa rũ taxũema tayu. Rũ ngẽmaãcũ i pema rũ poraãcũ ĩpetũe —ñanagũrũ.

Ngẽma Tupanaārũ mu i guxũ i norũ mugũarũ yexera ixĩxũ
(Mt 22.34-40)

28 Rũ wũxi ga ngũexẽerũ ga Moĩchẽarũ mugũwa nguxẽẽtaexũ, rũ nũxũ naxĩnũ ga yema togũ ga namũcũgũ ga Ngechuchumaã na ĩyaporagatanũcũũxũ. Rũ nũma rũ nũxũ nicuèxãchi ga meãma na nangãxũãxũ. Rũ yemacèx Ngechuchucèx nixũ, rũ nũxna naca, rũ ñanagũrũ nũxũ: —Pa Ngũexẽerũx, ¿ngẽxũrũũxũ i Tupanaārũ mu nixĩ i guxũ i norũ mugũarũ yexera ixĩxũ? —ñanagũrũ.

29 Rũ Ngechuchu nanangãxũ, rũ ñanagũrũ: —Ngẽma Tupanaārũ mu i guxũ i norũ mugũarũ yexera ixĩxũ, rũ ñãã nixĩ, ñanagũrũ:

“¡Iperũĩnũe, Pa Iraéanecũãxgũ! Rũ nũma ya Cori ya tórũ Tupana, rũ yixi-catama nixĩ ya tórũ Cori.

30 ¡Rũ nũxũ nangechaũ ya Cori ya curũ Tupana guxũne ya curũ maxũnemaã, rũ guxũ i cuãẽmaã, rũ guxũ i nagu curũĩnũxũmaã, rũ guxũ i curũ poramaã!” ñanagũrũ.

31 —Rũ ngẽma norũ taxre i Tupanaārũ mu, rũ ñanagũrũ:

“¡Rũ nũxũ nangechaũ i cumũcũ na cugũ cungechaũxũrũũ!”

ñanagũrũ. Rũ nataxuma i to i Tupanaārũ mu i ngẽmagũarũ yexera ixĩxũ — ñanagũrũ.

32 Rũ yexguma ga yema ngũexẽerũ ga mugũwa nguxẽẽtaexũ, rũ ñanagũrũ Ngechuchuxũ: —Marũ name, Pa Ngũexẽerũx, erũ aixcũma nixĩ i ngẽma nũxũ quixũxũ na wũxixicatama na yĩĩxũ ya Tupana, rũ nataxuma ya naĩ.

33 —Rũ ngẽma Tupanaxũ na ingechaũxũ guxũne ya tórũ maxũnemaã, rũ guxũ i nagu rũxĩnũxũmaã, rũ guxũ i tórũ poramaã, rũ nũxũ na ingechaũxũ i tamũcũ i yigũ na ingechaũxũrũũ, rũ ngẽma rũ guxũma i carnerugũ i Tupanacèx ideĩxũ rũ ĩgũũarũ yexera narũmemae —ñanagũrũ.

34 Rũ yexguma Ngechuchu nũxũ deũxgu ga mexũgu na naxĩnũãcũma na nangãxũãxũ ga yema ngũexẽerũ ga mugũwa nguxẽẽtaexũ, rũ ñanagũrũ nũxũ: —Marũ tama taxũ cuxũ nataxu na cunayaxuxũ ya Tupana na curũ ãẽxgacũ yĩĩxũcèx —ñanagũrũ. Rũ yemawena rũ marũ taxũma nũgũ napo-raxẽe na nũxna yacachigũxũcèx.

¿Texé nane nixĩ ya Cristu?
(Mt 22.41-46; Lc 20.41-44)

35 Rũ yexguma tupaucu ga taxũnema ĩnangũexẽẽtaeyane ga Ngechuchu, rũ duũxũgũna naca, rũ ñanagũrũ: —¿Tũxcũũ nixĩ i ngẽma ngũexẽerũgũ i mugũwa nguxẽẽtaegũxũ i ñagũxũ:

“Yima Cristu ya Tupana nũxũ unetacũ rũ nuxcũmaũcũ ga ãẽxgacũ ga Dabĩta nixĩ”, ñagũxũ?

36 —¿Rũ ñuxãcũ i ngẽmaãcũ yadexagũxũ? Yerũ nũmatama ga Dabĩ, rũ yexguma Tupanaãe i Ũñexũ naãewa ideaxgu rũ ñanagũrũ:

“Cori ya Tupana rü chorü Corixü ñanagürü: ‘¡Nuã chorü tügü necüwawa rüto ñuxmatáta nüxü charüporamaë i curü uwanügü na cuga naxinüexüçèx!’ ”
ñanagürü ga yema orewa.

37 —¿Natürü ñuxücürüwa i Dabítaa yixü ya Cristu, ega nümatama ga Dabí, rü norü Corimaã naxuãgu? —ñanagürü. Rü yema muxüma ga duüxügü ga yéma yexmagüxü, rü taãêäcüma Ngechuchuaxü inarüxinüë.

Ngechuchu rü nüxü nixu na tama yameärü maxüãxgüxü ga yema ngüxêëruügü ga Moichéarü mugüwa ngüxêëtaegüxü
(Mt 23.1-36; Lc 11.37-54, 20.45-47)

38 Ngechuchu rü norü ngüxêëtaewa rü ñanagürü: —¡Pexuãëgü naxçèx i ngëma ngüxêëruügü i Moichéarü mugüwa ngüxêëtaegüxü! Erü nümagü rü norü me nixí i mexü i naxchirumaã na naxiãneãxü. Rü nanaxwëxegü na ítamüwa duüxügü meã nüxü na rümoxëgüxü.

39 —Rü ngutaquëxepataügüwa rü norü me nixí i ãëxgacügümeëwëxewa na natogüxü. Rü ðnagü i taxüwa rü ngëma ðnaärü yoraxütawa ügüxü i nachicacèx nadaugü.

40 —Natürü tüxna nanapuxü ya tümapatagü ya yíxema yutegüxe. Rü ñuxüchi nanamëxëë i norü yumüxëgü na ngëmagu nügü yacuxgüxüçèx rü duüxügü nagu rüxinüëxüçèx na aixcüma mexügü na yixígüxü. Natürü nümagü tá nixí i yexeraäcü napoxcuxü —ñanagürü.

Yutecü ga ngearü dïëruãxcü ga Tupanacèx dïëru ngixü ixäcü
(Lc 21.1-4)

41 Wüxcana ga Ngechuchu rü tupauca ga taxüneärü dïëruchiüärü toxmëxtawa narüto. Rü yéma inadawenü ga ñuxäcü duüxügü yexma ngixü yanaxücuchigüxü ga norü dïërugü. Rü muxüma ga duüxügü ga idïëruãxgüxüchixü rü yexma ngixü nayarüxücuchigü ga muxüchicü ga norü dïëru.

42 Rü ngürü yéma ingu ga wüxi ga yutecü ga ngearü dïëruãxcü. Rü ngïma rü wüxi ga yema dïëruchiügu ngixü iyarüxücuchi ga taxretachinü ga dïëruxacü ga ítanücü.

43 Rü yexguma ga Ngechuchu rü norü ngüxügüçèx naca, rü ñanagürü nüxü: —Aixcüma pemaã nüxü chixu rü ñaã ngecü i yutecü i ngearü dïëruãxcü, rü guxü i ngëma togü i dïëruchiügu dïëru ngixü ixücuchigüxüärü yexera ngixü ixä.

44 Erü guxüma i togü rü ngixü inaxägü i ngëma nüxü íyaxügücü. Natürü ngïma ngixü natauxyane ngixü ixä i guxcüma i ngixü ngëxmëxcü i ngïrü ðnatanü —ñanagürü.

13

Ngechuchu nanaxunagü na tupauca ga taxünegu tá na napogüexü
(Mt 24.1-2; Lc 21.5-6)

1 Rü yexguma tupauca ga taxünewa ínaxüxügu ga Ngechuchu, rü wüxi ga norü ngüxügü rü ñanagürü nüxü: —Pa Ngüxêëruüx ¡dücax ñuxäcü nimexëchi ya daa tupauca ya itaxüne rü naxtapüxarü nutagü! —ñanagürü.

2 Natürü Ngechuchu nanangäxü, rü ñanagürü: —Pema nüxü pedaugü ya guxüdnema ya yima tupauca ya taxüneärü ípatagü. Natürü pemaã nüxü chixu rü aixcüma guxüdnema ya daa ípatagü rü tá nagu napogüe. Rü norü nutagü rü taxucütama nügüétü naxüxüra, rü bai tá ya wüxi —ñanagürü.

*Cuèxruũgũ i tá nũxũ idauxũ naxũpa na nagũxũ i naãne
(Mt 24.3-28; Lc 21.7-24, 17.22-24)*

3-4 Rũ yemawena rũ Orĩbunecũarũ Mèxpũne ga tupauca ga taxũneãrũ toxmèxtawa yexmanewa naxĩ. Rũ yéma narũto ga Ngechuchu. Rũ Pedru rũ Chaũtiãgu rũ Cuãũ rũ Aũdré rũ naxũtawa naxĩ na noxrũwama nũxna nacagũexũcèx. Rũ ñanagũrũgũ: –Tanaxwèxe i tomaã nũxũ quixu na ñuxgu tá nangupetũxĩ i ngẽma nũxũ quixuxũ. ¿Rũ ñacũ tá nixĩ i norũ cuèxruũ i nawa nũxũ tacuãxũ ega nawa tá nanguxgu i ngẽma? –ñanagũrũgũ.

5 Rũ yexguma ga Ngechuchu rũ nanangãxũ rũ ñanagũrũ nũxũ: –¡Pexuãègũ na taxũema pexũ womũxèèxũcèx!

6 –Erũ muxũchixũ i duũxũgũ tá ñanagũgũ, rũ chaugu tá nũgũ nicuxgũ, rũ ñanagũrũgũ tá:

“Choma nixĩ i Cristu”, ñanagũrũgũ tá. Rũ muxũchixũ i duũxũgũxũ tá nawomũxèè.

7 –Rũ ngèxguma nũxũ pexĩnũègu na nũgũ nadèixũ i nachĩũãnegũ i ngaicamagũxũ rũ togũ i nachĩũãnegũ i yaxũgugũxũ, ¡rũ tãũtãma ngẽmacèx pebaixãchiãègũ! Erũ woetama ngẽmaãcũ tá nangupetũ. Natũrũ tãũtãma naãneãrũ gux nixĩ i ngẽma.

8 –Erũ wũxi i nachĩũãne rũ to i nachĩũãnemaã tá nũgũ nadai. Rũ wũxi ya ãèxgacũarũ churaragũ rũ to i ãèxgacũarũ churaragũmaã tá nũgũ nadai. Rũ muxũma i nachicawa rũ tá naxĩãxãchiane. Rũ tá taiya nangux. Natũrũ guxũma i ngẽma rũ norũ ũgũmare nixĩ i ngẽma ngũxũ i tá ñngũxũ.

9 –¡Rũ meã pegũna pedaugũ! Erũ ãèxgacũgũpèxewa tá pexũ nagagũ, rũ ngutaquèxepataũgũga tá pexũ ñicuaixgũ. Rũ nachĩũãnegũarũ ãèxgacũgũpèxewa tá pexũ nagagũ naxcèx na chorũ duũxũgũ na pixĩgũxũ. Natũrũ ngẽmaãcũ tá pexũ natauxcha na ngẽma ãèxgacũgũmaã nũxũ pixuxũ i chauchiga.

10 –Natũrũ naxũpa na nagũxũ i naãne rũ tá nũxũ nixugũe i Tupanaãrũ ore i guxũ i nachĩũãnegũwa.

11 –Natũrũ ngèxguma ãèxgacũgũpèxewa pexũ nagagũga, ¡rũ tãũtãma pex-oegaãègũ naxcèx na ñacũmaã tá penangãxũxũ! ¡Rũ namaã nũxũ pixu i ngẽma ore i ngèxgumatama Tupana pexna ãxũ na nũxũ pixuxũcèx! Erũ tãũtãma pema nixĩ na pidexagũxũ, natũrũ Tupanaãe i Üñexũ tá nixĩ i pewa idexaxũ.

12 –Rũ nũgũeneègũwa tátama rũ ãèxgacũgũxũtawa nũgũ ñayaxuaxũgũ na ngẽmaãcũ tũxũ nadèixũcèx. Rũ ngèxgumarũ tá ta i papãgũ rũ mamãgũ rũ tá naxãcũgũxũ ñayaxuaxũgũ. Rũ nũmagũ i naxãcũgũ rũ tá nanatũgũmaã rũ naègũmaã nanuè, rũ tá tũxũ ñayaxuaxũgũ na ãèxgacũgũ tũxũ nadèixũcèx.

13 –Rũ guxũ i naãnewa rũ duũxũgũ tá pexchi naxaie naxcèx na chorũ duũxũgũ pixĩgũxũ. Natũrũ yĩxema naetũwa meã Tupanaãxũ yaxõmãxè, rũ yĩxema tá tixĩ ya aixcũma nayaxũxe i maxũ i taguma gũxũ.

14 –Rũ ngèxguma nũxũ pedèuxgu i ngẽma ãũãchixũ rũ ãũcũmaxũchixũ i chixexèèruũ i ngextã tama ñinaxwèxexũwa na nangèxmaxũ, rũ ngèxguma ya yĩxema Yudéanewa ngèxmagũxe, rũ tanaxwèxe i mèxpũneãnewa tabuxmũ. Rũ texé ya yĩxema nũxũ daumatũxe, ¡rũ name nixĩ i meã nagu tarũñũ i ngẽma!

15 –Rũ ngẽma ngunexũgu texé tũmapataèxtũwa ngèxmagu, rũ tama name i tũmapatagu tayangaxi na ñacũ i tũmaãrũ ngẽmaxũ tayayaxuxũcèx.

16 –Rũ texé ya tũmaãnewa ngèxmaxè rũ tama name i tũmapatacèx tataegu na tũmachirugũ tayayaxuxũcèx.

17 —Rü ngēma ngunexūgūgu, rü wūxi i ngechaū tá nixī i tūmacèx ya yíxema ngexegū ya itacharaūgūxe rü yíxema maīxācūgūxe.

18 —¡Rü Tupanana naxcèx peca i perū yumūxēwa na tama gáuane ixūyane pexū na nangupetūxūcèx i ngēma chixexū!

19 —Erū ngēma ngunexūgūgu rü poraācū tá nangēxma i ngúxū ga noxri Tupana naāne ixūgūgumama taguma yexmaxū, rü ngēmawena rü tagutáma nangēxma.

20 —Rü ngēxguma Tupana tama nanoxrexēēgu i ngēma ngunexūgū, rü taxúetáma tamaxū. Natürü Tupana rü marü nananoxrexēē i ngēma ngunexūgū erū tūxū nangechaū ya yíxema noxrūxū tūxū nadexe.

21 —Rü ngēxguma texé pexū ñagūgu:

“Dücèx, daa nixī ya Cristu”, ñagūgu, rü ēxna:

“Gua nixī ya Cristu”, ñagūgu, ¡rū tāxū i nūxū peyaxōgūxū!

22 —Erū Cristugūneta rü Tupanaārū orearū uruūgūneta tá ínangugū. Rü tá nanaxūgū i muxūma i cuèxruūgū i taxūgū. Rü ngēmaācū, ega nūxū natauxchagu, rü tá tūxū nawomūxēēgū woo ya yíxema duūxēgū ya Tupanatama tūxū dexè.

23 —¡Pexuāēgū! Erū guxūma i ngēma tá ngupetūxū, rü marü naxūpa pemaā nūxū chixu.

*Ñuxācū tá nixī i ngēxguma nataegugu ya Tupana Nane ya duūxūxū ixīcū
(Mt 24.29-35, 42, 44; Lc 21.25-36)*

24 —Natürü marü nangupetūgu i ngēma ngúxūgū, rü ngēma ngunexūgūgu rü tá nixu ya wēxcū rü tāūtáma inabaxi ya tauemacū.

25 —Rü woramacurigū rü ēxtagū rü tá narūyi. Rü guxūma i daxūwa ngēxmaxū rü tá naxīāxāchitanū rü nachicana tá nixīgachitanū.

26 —Rü ngēxguma i duūxūgū rü tá nūxū nadaugū ya Tupana Nane ya duūxūxū ixīcū na caixanexūgu ínaxīxū i guxūma i norū poramaā rü norū ngóonexūmaā.

27 —Rü tá nanamu i norū orearū ngeruūgū i daxūcūāx na tūxū nanu-taquēxexūcèx ya yíxema Tupana tūxū idexexiche ya guxūwama ngēxmagūxe ñuxmatáta naāne íyacuāxūwa nangu.

28 —¡lperūxīnūē i ñaā nguxēētae i orix i iguerachiga, rü naxcèx pengúe! Rü ngēxguma ngexwacaxūxū i nachacūxácūgū iyarūyixgu rü naxūátūgu, rü ngēmawa nūxū pecuèx na paxa tá taunecū yīxū.

29 —Rü ngēxgumarūl ta, rü ngēxguma nūxū pedēuxgu na nangupetūxū i ngēma pemaā nūxū chixuxū, rü ngēmawa tá nūxū pecuèx na paxaxūchi tá ínanguxū ya Tupana Nane ya duūxūxū ixīcū.

30 —Rü guxūma i ngēma ñuxma pemaā nūxū chixuxū rü aixcūma tá nangu-petū naxūpa na nayuexū i ngēma duūxūgū i ngēxguma maxēxū.

31 —Daxūguxū i naāne rü ñoma i naāne rü tá inayarūxo. Natürü chorū ore rü tagutáma inayarūxo, rü aixcūma tá ningū.

32 —Natürü ngēma ngunexū rü ora i nagu tá nangupetūxū i ngēma pemaā nūxū chixuxū, rü Tanatū ya Tupanaxīcatama nūxū nacuèx i ñuxgu tá na nangupetūxū i ngēma, rü taxúema ya toge nūxū tacuèx. Rü woo i norū orearū ngeruūgū i daxūcūāx rü tama nūxū nacuèxgū, rü woo i choma na Nane chíxū rü tama nūxū chacuèx i ñuxgu tá na nangupetūxū i ngēma.

33 —Rü ngēmacèx, ¡pēdaue rü pexuāēgū! Erū tama nūxū pecuèx i tacū rü ora tá íchangu i chomax.

34 —Rü guxüma i ngēma pemaã nüxü chixuxü, rü ñoma wüxi ga yatü ga ixüächichaücü na to ga nachüñānewa naxüxüçèrxüxü nixī. Rü yemacèx norü puracütanüxüña naxāga na mea nüxna nadaugüxüçèx ga guma napata. Rü ñuxüchi wüxichigüna nanaxā ga norü puracü. Rü yēma ñāxārü dauruü rü nagu nanamu na mea nadauxütaegüxüçèx.

35-36 —¡Rü ngēmacèx i pema rü name na ípexuāxēgüxü! Erü tama nüxü pecuèx i ñuxgu tá ínangu ya yima cori ya ípataarü yora, rü bexmana noxri nachütagu, rü éxna ngāxüçüügu, rü éxna otá icaxgu, rü éxna noxri yangóonegu. ¡Rü ngēmacèx ipedaue na ngürüächi ínanguxgu tama ípepeeyane pexü na íyanguéüxüçèx!

37 —Rü ngēma ore i pemaã nüxü chixuxü, rü guxü i duüxügüçèx nixī. ¡Rü ipedaueecha! —ñanagürü.

14

Āēxgacügü naxcèx nadaugü na ñuxācu Ngechuchuxü yayauxgüxü

(Mt 26.1-5; Lc 22.1-2; Cu 11.45-53)

1 Rü taxre ga ngunexü nataxu ga na nawa nanguxü ga Yudiügiarü peta ga Üpetüchiga ga nagu nangöxgüāxü ga pāü ga ngearü puxēeruñāxü. Rü ga paigüarü āēxgacügü rü ngüxēeruñügu ga mugüwa nguxēetaegüxü rü naxcèx nadaugü ga ñuxācü bexma duüxügüechita Ngechuchuxü na yayauxgüxü rü na yamēxgüāxüçèx.

2 Yerü nümaxü rü ñanagürügü: —Taxucürüwama ñuxma petagu tayayauxgü, erü duüxügü rü tá tamaã nanuē —ñanagürügü.

Wüxi ga nge rü Ngechuchuerugu inaba ga pumara

(Mt 26.6-13; Cu 12.1-8)

3 Rü Ngechuchu rü Betániāwa naxü napatawa ga Chimāü ga rüchaxüñecümaã naxugüācü. Rü yexguma mechawa natoyane, rü yēma ingu ga wüxi ga ngecü ga wüxiweü ga pumara ga yixichixü ga tatanüxüchixü yēma ngecü. Rü iyapoyenagu ga yema pumarachixü ga nutsa ga mexēchicünaxcèx, rü Ngechuchuerugu inaba.

4 Natürü ñuxre ga yema yēma yexmagüxü rü nanuē naxcèx ga yema naxüxü ga yema ngecü, rü nügümaã ñanagürügü: —¿Tüxcüü ngēxma inaxaiyaxü i ngēma pumara?

5 —Rü narümemaē chi nixī i 300 tachinü i dīerugu namaã itaxe, rü ñuxüchi ngēma dīerümaã nüxü irüngüxēē i ngēma duüxügü i ngearü dīerüāxgüxü —ñanagürügü. Rü yemaäcü ngīchiga nidexagü ga yema nge.

6 Natürü ga Ngechuchu rü ñanagürü nüxü: —¡Ngexrüma! ¿Tüxcüü ngīxü pechixewe? Erü ngēma chomaã naxüxü, rü wüxi i mexü nixī.

7 —Rü ngēma ngearü dīerüāxgüxü rü guxügutáma petanüwa nangēxmagü, rü ngēmaäcü pexü natauxcha na nüxü perüngüxēēxü i ngēxguma penaxwēxegu. Natürü i choma rü tāütáma guxügu petanüwa changēxma.

8 —Rü ñaã nge rü inaxü i guxüma i ngēma ngīxü tauxchaxü, rü ngēmacèx yoxni choxü ipumaraxüne naxüpa na ichatáxü.

9 —Rü aixcüma pemaã nüxü chixu rü guxü i nañewa i ngextá duüxügü nüxü íxugügüxüwa i ore i maxēxēeruü, rü ñaã ngecü chomaã üxü rü tá ta nüxü nixugügü. Rü ngēmaäcü tá ngīxna nacuèxāchie i duüxügü —ñanagürü ga Ngechuchu.

Yuda rü ãëxgacügümaã nanamexëë na ñuxãcü tá na Ngechuchuxü yayauxgüxüçèx

(Mt 26.14-16; Lc 22.3-6)

10 RÜ Yuda Icaríute ga wüxi ga yema 12 ga ngúexütanüxü ixíxü, rü Yudiugüarü paigüarü ãëxgacügütanüwa naxü na namaã yamexëëãxüçèx na ñuxãcü tá na Ngechuchuxü yayauxgüxüçèx.

11 RÜ yexguma yemaxü naxínüëgu, rü nümagü ga yema ãëxgacügü rü nataãëgü. RÜ diëru Yudana ngíxü naxuaxügü. RÜ yexgumama inanaxügü ga Yuda ga naxçèx na nadauxü ga ñuxãcü nüxü na natauxchaxëëgüãxü na duüxügüechita Ngechuchuxü yayauxgüxüçèx.

Coriarü ònachiga

(Mt 26.17-29; Lc 22.7-23; Cu 13.21-30; 1 Co 11.23-26)

12 RÜ nawa nangu ga ngunexü ga nagu inaxügüxü ga yema peta ga pãü ga ngearü puxëëruüãxü nagu nangõxgüxü. RÜ yema nixí ga ngunexü ga nagu carneruxacü naxçèx yamëxgüxü ga Üpetüchigaarü peta. RÜ yexguma ga norü ngüexügü rü Ngechuchuna nacagüe, rü ñanagürügü: —¿Ngextá cunaxwëxe na tanamexëëxü i òna i Üpetüchigaarü petagu ingõxü? —ñanagürügü.

13 RÜ yexguma ga nüma rü nanamu ga taxre ga norü ngüexügü, rü ñanagürü nüxü: —jËcü, yéa ñãnewa pexí! RÜ ngëxma tá nüxü peyangau i wüxi i yatü i wüxi ya tüxü ya dexámaã ããcuxe ngëxma tüxü ingexü. jRÜ nawe perüxí!

14 —jRÜ yima ñpata ya nagu yaxücune i ngëma yatü, rü yima ñãrü yoramaã nüxü pixu, rü ñapegügü nüxü:

“Torü ngüexëëruü nüxü nacuáxchaü na ngëxü yíixü i ngëma ucapu i norü ngüexügümaã tá nawa nachibüxü i Üpetüchigaarü ònagu”, ñapegügü nüxü!

15 —RÜ nüma tá pexü nüxü nadauxëë i wüxi i ucapu i taxü i marü meã mexëëxü i norü daxüchiüwa ngëxmaxü. jRÜ ngëma penamexëëx i tórü òna i Üpetüchigacèx ixíxü! —ñanagürü nüxü.

16 RÜ inaxíãchi ga yema taxre ga ngüexügü, rü ñãnewa naxí. RÜ yexma nüxü inayangaugü ga guxüma yema Ngechuchu namaã nüxü ixuxürüü. RÜ yéma nanamexëë ga òna ga Üpetüchigacèx ixíxü.

17 RÜ yexguma marü nachütachaügu, rü ínangu ga Ngechuchu namaã ga yema 12 ga norü ngüexügü.

18 RÜ yexguma mechawa ñnachibüeyane, rü Ngechuchu rü ñanagürü nüxü: —Aixcüma pemaã nüxü chixu rü wüxie ya petanüwa i ñuxma chomaã nuã chibüxe tá tixí ya bexma choxü íyaxuaxüxë —ñanagürü.

19 RÜ yexguma ga nümagü ga norü ngüexügü rü poraãcü nangechaügü. RÜ inanaxügüe ga na wüxichigü nüxna icachigüxü, rü ñanagürügü: —Pa Corix, ¿choma tá chiixü i cuxü íchayaxuaxüxü? —ñanagürügü.

20 RÜ nüma ga Ngechuchu nanangãxü rü ñanagürü nüxü: —Wüxi i pema i 12 tanüwa i daatama poratuwa norü pãü iwaixëëxü, rü ngëma tá nixí i choxü íyaxuaxüxü.

21 —RÜ choma i Tupana Nane na duüxüxü chiixü, rü tá chayu ngëma Tupanaãrü ore i umatüxü nüxü ixuxürüü. Natürü wüxi i ngechaüxüchi nixí naxçèx i ngëma yatü i choxü íyaxuaxüxü. RÜ narümemae chi nixí ga noxtacüma tãü chima na nabuxü —ñanagürü.

22 RÜ yexguma ñnachibüeyane, rü Ngechuchu nanayaxu ga pãü. RÜ Tupanana moxë naxã, rü inanabücu, rü norü ngüexügüxü nayanu. RÜ ñanagürü nüxü: —jPenayaux i ñãã pãü! RÜ ngëma rü chaxunechiga nixí —ñanagürü.

²³ Rū yemawena nanayaxu ga wūxi ga pochiyu ga binumaã ããcuxũ. Rū yexgumarũ ta Tupanana moxē naxcēx naxāxīra, rū ñuxũchi norũ ngũexũgũna nanaxā. Rū guxũma nawa naxaxegũ.

²⁴ Rū ñanagũrũ nũxũ: —Daa binu ya chaugũ i muxũma i duũxũgũcēx ibacũchiga nixĩ. Rū yimawa Tupana meãma nanangoxēē na aixcũma yĩĩxũ i norũ uneta.

²⁵ —Rū aixcũma pemaã nũxũ chixu rū tãxũtãma wena chayaxaxũ ya daa binu ñuxmatãta Tupana ãẽxgacũ íixĩxũwa binu ya ngexwacaxũcũ chayaxaxũx —ñanagũrũ.

Ngechuchu nũxũ nixu rū Pedru rū taxũtãma nũgũ nixu na norũ ngũexũ yĩĩxũ (Mt 26.30-35; Lc 22.31-34; Cu 13.36-38)

²⁶ Rū ñuxũchi nawiyaegũ ñuxre ga Tupanaãrũ wiyaeegu. Rū yemawena rū Orĩbunecũarũ Mẽxpũnewa naxĩ.

²⁷ Rū yexguma ga Ngechuchu rū ñanagũrũ nũxũ: —Guxãma i pema rū tá choxũ ípetẽxgũ. Erũ ngẽmaãcũ nũxũ nixu i Tupanaãrũ ore i ũmatũxũ i ñaxũ: “Tã chayamẽx ya carneruarũ dauruũ, rū tá nanaxũanemare i carnerugũ”, ñaxũ.

²⁸ —Natũrũ ngẽxguma marũ yuwa ícharũdaxguwena, rū chaxira tá pexũpa Garirẽaanewa chaxũ —ñanagũrũ.

²⁹ Rū yexguma ga Pedru rū ñanagũrũ nũxũ: —Woo guxũma i togũ cuxũ ítẽxgu, rū choma rū tãũtãma cuxũ íchatẽx —ñanagũrũ.

³⁰ Rū Ngechuchu nanangãxũ rū ñanagũrũ nũxũ: —Aixcũma cumaã nũxũ chixu rū ñomatama i chũtaxũgu rū naxũpa na taxreẽxpũxcũna yaçaxũ i otã, rū tomaẽxpũxcũna taxũtãma cugũ quixu na chorũ duũxũ quĩĩxũ —ñanagũrũ.

³¹ Natũrũ nũma ga Pedru rū ñanagũrũama: —Woo wũxigu cumaã chayuxgu, rū tãxũtãma chaugũ ichicũx na curũ duũxũ chiĩxũ —ñanagũrũ. Rū guxũma ga togũ ga norũ ngũexũgũ rū ta yema ñanagũrũgũ.

Ngechuchu rū Yechemanĩwa nayayumũxẽ (Mt 26.36-46; Lc 22.39-46)

³² Rū yemawena rū Ngechuchu rū norũ ngũexũgũ rū nawa naxĩ ga wũxi ga nachica ga Yechemanĩgu ãegaxũ. Rū Ngechuchu rū ñanagũrũ nũxũ: —¡Nuã perũtogũ yoxni paxa yẽa chayayumũxẽ! —ñanagũrũ.

³³ Rū ñuxũchi ínayagagũ ga Pedru, rū Chaũtiãgu, rū Cuãũ. Rū naxcēx inaxũgũ ga na poraãcũ nangechaũxũ rū naxĩxãchiãẽxũ.

³⁴ Rū yexguma rū ñanagũrũ nũxũ: —Poraãcũ changechaũ, rū nagu charũxĩnũ na ngẽmamaã tá chayuxũ. ¡Rũ nuxa perũcho i pemax, rū ipedaue! —ñanagũrũ.

³⁵ Rū yexguma ga Ngechuchu rū yẽaxũra naxũ. Rū ñaxtũanegu nanangũcuchi. Rū Tupanana naxcēx naca na nawa ínanguxuchixũcēx ga yema ngũxũ ga yexguma chi Tupanaãrũ ngũchaũ yixĩgu.

³⁶ Rū norũ yumũxẽwa rū ñanagũrũ: —Pa Chaunatũx, cuxcēx rū guxũma natauxcha. ¡Rũ nũxna choxũ ínanguxuchixẽē i ñãã ngũxũ i tá choxũ ũpetũxũ! Natũrũ chanaxwẽxe i cunaxũ i cuxrũtama ngũchaũ rū tama i choxrũ —ñanagũrũ.

³⁷ Rū ñuxũchi nataegu ga norũ ngũexũgũ íyexmagũxũwa. Rū nũxũ inayan-gau ga na ínapeexũ. Rū ñanagũrũ Pedruxũ: —Pa Chimãũx, ¿Ícupe? ¿Tama ěxna namaã cupora na icudauxũ, rū bai i wũxi i ora?

38 —¡Rü ipedaue, rü Tupanana naxcèx peça na pexü nangüxëèxücèx na tama choxü ípetáxücèx i ngëxguma tacü rü guxchaxü pexü üpetügu! Erü aixcüma peãewa rü ípememare, natürü pexene nixí i ngëma turaxü —ñanagürü.

39 RÜ wenaxärü ínixü, rü noxrürüütama nayayumüxë.

40 RÜ yexguma wenaxärü norü ngüexüügücèx nataegugu, rü nüxü inayan-gau ga na wenaxärü ínapeexü, yerü poraäcü nayaxtaexüchi. RÜ yemacèx ga nümagü rü tama nüxü nacüexgü ga na tacümaã tá nangäxüügüäxü.

41 RÜ norü tomaëxpüxcüna wenaxärü norü ngüexüügücèx nataegu, rü ñanagürü nüxü: —¿Ñüxma rü ta ëxna ípepeeama rü iperüngüëãma? ¡Rü marütama! Erü choma i Tupana Nane na duüxüxü chíixü rü marü nawa nangu i ora na choxü na yayauxgüxü rü nüxna na choxü namugüxücèx i duüxügü i chixexü i pecaduãxgüxü.

42 —¡Rü ipechigü, rü ngíxã ítixí! Erü marü ñomama nixí i ngëma choxü íyaxuaxüxü —ñanagürü.

Ngechuchuxü niyauxgü
(Mt 26.47-56; Lc 22.47-53; Cu 18.2-11)

43 RÜ yexguma íyadexayane ga Ngechuchu, rü ínangu ga Yuda ga norü ngüexüchirèx íxíxü. RÜ nawe narüxí ga muxüma ga duüxügü ga taramaã rü naímaã íxãnxexü. RÜ yema nixí ga duüxügü ga yéma namugüxü ga paigüarü äëxgacügü rü ngüexëëruügü ga mugüwa nguxëëtaegüxü rü Yudiügüarü äëxgacügüerugü.

44 RÜ Yuda ga ínaxuaxüxü rü marü yema duüxügümaã nanamexëë, rü ñanagürü:

“Ngëma nüxü chachüxuxü nixí i Ngechuchu. RÜ ngëma tá nixí i piyauxgüxü rü meã peyanáíacüma peyagagüxü” —ñanagürü.

45 RÜ yemaäcü Ngechuchucèx nixü, rü ñanagürü nüxü: —Pa Ngüexëëruüx —ñanagürü. RÜ ñüxüchi nanachüxu.

46 RÜ yexgumatama Ngechuchuxü niyauxgü.

47 Natürü wüxi ga Ngechuchutanüxü nanawëxechi ga norü tara, rü yema-maã paigüarü äëxgacüarü duüxüxü ínadaechinü.

48 RÜ yexguma ga Ngechuchu rü yema duüxügüna naca, rü ñanagürü nüxü: —¿Tüxcüü taragü rü naíxmenèxãgümaã chauxcèx nuã pexí na choxü peyarüyauxgüxücèx ñoma wüxi i ngítèxáxü chíixürüü?

49 —Rü guxü ga ngunexügu rü petanüwa chayexma ga yexguma tupauca ga taxünewa changuxëëtaegu, rü taguma choxü piyauxgü. Natürü ñaã ñüxma ngupetüxü, rü nangupetü na yanguxücèx i Tupanaärü ore i ümatüxü —ñanagürü.

50 RÜ yexguma ga guxüma ga norü ngüexügü rü nüxna nibuxmü. RÜ nüxícatama yéma nanatèxgü ga Ngechuchu.

51 Natürü wüxi ga ngextüxcücü ga düxruümaãxíca nügü nuquecü nawe nixüchigü. RÜ yema duüxügü rü nayayauxgü.

52 Natürü nüma rü nüxü ningèx ga yema düxruü, rü yemaäcü ngex-chiruäcüma niña.

Äëxgacügüpëxewa Ngechuchuxü nagagü
(Mt 26.57-68; Lc 22.54-55, 63-71; Cu 18.12-14, 19-24)

53 RÜ yexguma ga yema duüxügü rü paigüarü äëxgacügüpëxewa nana-gagü ga Ngechuchu. RÜ yexma nangutaquëxegü ga guxüma ga togü ga paigü ga äëxgacügü íxígüxü, rü yema Yudiügüarü äëxgacügüerugü, rü yema ngüexëëruügü ga mugüwa nguxëëtaegüxü.

54 Natürü ga Pedru rü yaxügu nawe nixächigü ñuxmata guma paigüarü äëxgacüpataëxtüwa nangu. Rü purichíagü ga tupauca ga taxüñeärü dau-rüügümaã yéma íäxtüwa narüto. Rü nügü yéma nanaíxü üxüxütawa.

55 Rü yema paigüarü äëxgacügü rü guxüma ga yema togü ga äëxgacügü ga itaxü rü naxcëx nadaugü ga ñuxácü Ngechuchuxü na ínaxuaxüügüxü rü na yamëxgüäxüçëx. Natürü taxucürüwa nüxü inayangaugü ga ñacücëx tá na yamëxgüäxü.

56 Yerü woo muxüma ga duüxügü rü nüxü nixugüe ga doramare ga nachiga, natürü nügütanüwatama rü tama nawüxigu ga norü ore.

57-58 Rü ñuxre ga togü inachigü rü doraxümare nixugüe ga Ngechuchuchiga. Rü ñanagürügü: —Toma nüxü taxínüë ga na ñaxü:

“Tá chanangutaxüçëë ya daa tupauca ya taxüne ya duüxügü üxüne. Rü tomaëxpüx i ngunexügu tá chanaxü ya náí ya tama duüxügü üxüne”, ñaxü —ñanagürügü.

59 Natürü woo yema oremaã, rü tama nawüxiguëga ga norü ore.

60 Rü yexguma ga guma paigüarü äëxgacü rü guxüpëxewa inachi. Rü Ngechuchuna naca, rü ñanagürü: —¿Éxna taxuxümaãma cunangäxü i ñuxmax? ¿Rü ñacü nixí i ngëma nüxü yaxugüxü i cuchiga? —ñanagürü.

61 Natürü ga Ngechuchu rü nangeëxmare, rü taxuxümaãma nanangäxü. Rü yemacëx ga nüma ga paigüarü äëxgacü rü wenaxärü nüxna naca, rü ñanagürü: —¿Rü cuma quiíxü ya Cristu ya Tupana ya mecü Nane? —ñanagürü.

62 Rü Ngechuchu rü ñanagürü nüxü: —Ngü. Ngëma nüxü quixuxü chixí. Rü tá choxü pedaugü i ngëxguma Tupana ya poracıarü tügüñecüwawa charütoçxu rü ngëxguma caixanexügu wenaxärü nüma chaxüxgu —ñanagürü.

63 Rü yexguma ga guma paigüarü äëxgacü rü norü numaã nügüchirugu nagaugü. Rü ñanagürü: —¿Tüxcüü marü tanaxwëxe i to i duüxü i nüxü ixugüxü i nachiga?

64 —Rü pematama marü nüxü pexínüë na ñuxácü Tupanamaã naguxchigaxü. ¿Rü ñuxü ñapëgüxü i ñuxmax? —ñanagürü. Rü guxüma wüxigu narüxínüë rü: —Aixcüma nixí na chixexü naxüxü rü namexü na nayuxü —ñanagürügü.

65 Rü ñuxre ga nümagü rü inanaxügüe ga nüxna na naçuaixgüexü. Rü nanatüxetügü rü ñuxüchi nüxü nidagügü ñaxümaã: —¡Nüxü nacuëx na texë cuxü idagüxü! —ñanagürügü. Rü yema tupauca ga taxüñeärü dauruügü ga purichíagü rü nanapechíwegü.

Pedru rü tama nügü nixu na Ngechuchuxü nacuáxü

(Mt 26.69-75; Lc 22.56-62; Cu 18.15-18, 25-29)

66 Rü yoxni ga Pedru rü ñaxtüwa äëxgacüpataëxtüwa nayexma. Rü yexgu-mayane yéma ingu ga wüxi ga pacü ga guma äëxgacıarü duüxü íxíçü.

67 Rü yexguma Pedruxü nadëuxgu ga yéma üxüxütawa nügü na nanaíxüxü, rü meã nüxü idawenü, rü ngígürügü nüxü: —Cuma rü ta namücü quixí i ngëma Ngechuchu i Nacharétucüäx —ngígürügü.

68 Natürü ga Pedru rü nügü ínicux na Ngechuchuarü duüxü yíixü, rü ñanagürü: —Choma rü tama nüxü chacuëx ya yima. Rü tama nüxü chacuëx i ñacüchiga nixí i ngëma nüxü quixuxü —ñanagürü. Rü yexguma ga nüma rü ípataëxtüarü düxëtüwa naxü. Rü yexgumatama nica ga otá.

69 Natürü ga yema pacü rü wenaxärü Pedruxü idau, rü inaxügü ga yema togümaã nüxü na yaxuxü, rü ngígürügü: —Ñaa rü wüxi i natanüxü nixí —ngígürügü.

70 Natürü nūma ga Pedru rü wena tama nügü nixu. Rü yixcamaxdüra rü yema duüxügü ga yéma yexmagüxü rü wenaxärü ñanagürügü nüxü: – Aixcüma nixi na cuma rü ta ngēma Ngechuchutanüxü na quiixü, erü wüxi i Garirēaanecüñāx quixi –ñanagürügü.

71 Rü yexguma ga Pedru rü poraäcü nügü nixā, rü ñanagürü: –Rü aixcüma tama nüxü chacuēx i ngēma yatü i nachiga pidexagüxü. Rü ngēxguma doraxü chixuxgu rü ¡Tupana choxü poxcux! –ñanagürü.

72 Rü yexgumatama norü taxreēxpüxcüna nica ga otá. Rü yexguma ga Pedru rü nüxna nacuēxāchi ga yema ore ga ũpaacü Ngechuchu namaā nüxü ixuxü ga ñaxü:

“Rü naxüpa na taxreēxpüxcüna otá içaxü, rü cuma rü tá tomaēxpüxcüna cugü quicux na chorü duüxü quiixü”, ñaxü. Rü yexguma ga Pedru rü poraäcüñüchima naxaxu.

15

Piratupēxewa nayexma ga Ngechuchu (Mt 27.1-2, 11-14; Lc 23.1-5; Cü 18.28-38)

1 Rü yexguma yangunegu, rü nangutaquēxegü ga äēxgacügü ga taxügü ga paigüarü äēxgacügü rü Yudiügüarü äēxgacügüerugü rü ngüexēeruügü ga mugüwa nguxēētaegüxü rü guxüma ga togü ga yema äēxgacügütanüwa ügüxü. Rü Ngechuchuxü yanēixgüchacüüäcüma äēxgacü ga Piratuxütawa nanagagü.

2 Rü nūma ga Piratu rü Ngechuchuna naca rü ñanagürü: –¿Cuma quiixü i Yudiügüarü äēxgacü ya tacü? –ñanagürü. Rü Ngechuchu nanangāxü, rü ñanagürü: –Ngü, yima nüxü quixucü chixi –ñanagürü.

3-4 Natürü yema paigüarü äēxgacügü rü poraäcü ñanaxuaxügüama, rü yemacēx ga Piratu rü wenaxärü Ngechuchuna naca, rü ñanagürü: –¿Éxna taxuxümaāma cunangāxü? ¡Dücēx i ñuxre i cuchiga i nüxü yaxugüexü! –ñanagürü.

5 Natürü ga Ngechuchu rü taxuxümaāma nanangāxü. Rü yemacēx ga Piratu rü poraäcü nabaixāchiäe.

Piratu rü Ngechuchumañ nanaxuegu na nayuxücēx (Mt 27.15-31; Lc 23.13-25; Cü 18.38-19.16)

6 Rü gucü ga taunecügu ga yexguma yema Üpetüchigaarü petawa nanguxgu rü Piratu ñananguxuchixēēxü ga wüxi ga poxcuxü ga duüxügü naxcēx ícagüxü, yerü yema nixi ga nacüma.

7 Rü wüxi ga yatü ga Barabágu äegaxü, rü poxcupataügu napoxcu wüxigu namaā ga togü ga natanüxü ga máētägüxü ga yexguma äēxgacüxü ñatēxüchigüchaügu.

8 Rü yema duüxügü rü yéma Piratuxütawa nangugü. Rü ñanagüegü ga Piratuna na nacagüexü na naxcēx yangéäxüdcēx ga wüxi ga poxcuxü aixrügumarüü.

9 Rü Piratu nanangāxü, rü ñanagürü: –¿Penaxwēxexü na pexcēx íchananguxuchixēēxü ya yima Ngechuchu ya duüxügü Yudiügüarü äēxgacümaā naxugüäcü? –ñanagürü.

10 Rü yema ñanagürü ga Piratu yerü nüxü nacuēx na yema paigüarü äēxgacügü rü na yaxauxāchiexüdcēx yixü ga Ngechuchu nüxna yamugüäxü.

11 Natürü ga yema paigüarü äēxgacügü rü duüxügüxü namugü ga na tagaäcü naxcēx ñnacagüxü ga na Barabáxü yangēxüdcēx.

12 Rū yexguma ga Piratu rü nüxna naca, rü ñanagürü: —¿Rü ñacü nixĩ i penaxwèxexũ na chanaxũxũ namaã ya yima Yudíugüarü Ǣxgacügu pexüégacü? —ñanagürü.

13 Rū nūmagü ga duñxügü rü tagaãcü nanangãxügü, rü ñanagürügü: —¡Curuchawa yapota! —ñanagürügü.

14 Rū yexguma ga Piratu rü ñanagürü nüxũ: —¿Natürü ñacü rü chixexũ naxü? —ñanagürü. Natürü ga nūmagü rü wenaxãrũ tagaãcü ñanagürügü: —¡Curuchawa yapota! —ñanagürügü.

15 Rū yexguma ga Piratu rü Barabáxũ Ínanguxuchixëë, yerü duñxügüxũ nataãxëëchaũ. Rū yexguma churaragüxũ Ngechuchuxũ naçuaixëëguwena ga Piratu, rü ñuxũchi nüxna nanamu na curuchawa yanapotagüãxũcëx.

16 Rū yexguma ga nūmagü ga churaragü rü Ǣxgacüpataèxtüwa nanagagü. Rū yéma nanangutaquëxëë ga guxũma ga namücügü ga churaragü.

17 Rū ñuxũchi ga yema churaragü rü wüxi ga máxũ ga daucharaxũ ga naxchirugu nayacuxëëgü. Rū naëruwa nayangëxcuchigü ga wüxi ga boxũ ga chuchuxũwa naxügüxũ.

18 Rū yemawena inanaxügüe na tagaãcü ñagüxũ: —¡Namaxũ ya Yudíugüarü Ǣxgacü! —ñagüxũ.

19 Rū wüxi ga naíxmenëxãmaã naëruwa nanaçuaixcagü, rü nüxna nacaixgüe. Rū napëxegu nacaxãpũxügü rü nüxũ nicuëxũügüneta.

20 Rū yexguma yemaãcü nagu yadauxcüraxügüguwena, rü Ínanaçuxuchigü ga yema naxchiru ga daucharaxũ. Rū wenaxãrũ naxchirugutama nayacuxëëgü. Rū ñuxũchi Ínanagaxũchigü na curuchawa yanapotagüãxũcëx.

*Ngechuchuxũ curuchawa nipotagü
(Mt 27.32-44; Lc 23.26-43; Cu 19.17-27)*

21 Rū yéma naxüpetü ga wüxi ga yatü ga Chireneçũãx ga Chimáũgu Ǣegacü ga Areyáũdrü rü Rufu nanatü ixĩcü ga naãnewa ne ücü. Rū yexguma yéma naxüpetügu rü yema churaragü rü guma yatüxũ ngĩxũ iningexëëgü ga Ngechucharü curucha.

22 Rū Ngechuchuxũ nawa nagagü ga wüxi ga nachica ga Górgutagu Ǣegaxũ. Rū yema naega rü: Duñxëëruchinëxãchitaũ, ñaxũchiga nixĩ.

23 Rū nüxna nanaxãgü ga binu ga miramaã Ǣeũcü. Natürü nūma ga Ngechuchu rü tama nayaxaxü.

24 Rū yemawena curuchawa nayapotagü. Rū nūmagü ga churaragü rü wüxi ga dñeru ngĩxũ nañanagügü na yemawa nüxũ nacuëxgüxũcëx na ñuxãcü tá nügümaã yatoyeãxũcëx ga Ngechuchuchiru, rü ñacü tá na yangexũ ga wüxichigü.

25 Rū meãma 9 arü oragu ga pëxmama nixĩ ga curuchawa yapotagüãxũ.

26 Rū yéma nayapocuchi ga wüxi ga mürapewa ga Ǣegatachinüxũ ga nüxũ ixuxũ ga ñacücëx curuchawa na yapotagüãxũ. Rū yema naega ga mürapewagu üxũ, rü ñanagürü: “Yudíugüarü Ǣxgacü”, ñanagürü.

27 Rū naxrũü curuchawa nayapotagü ga taxre ga máëtagüxũ rü wüxi ga norü tügüneçüwawa rü to ga norü íoxwecüwawa.

28 Rū yemaãcü ningu ga Tupanaãrũ ore ga ümatüxũ ga ñaxũ: “Ngëma chixexũ ügüxũtanüwaama natëx”, ñaxũ.

29-30 Rū yema duñxügü ga yéma chopetüxũ, rü Ngechuchumaã naguxchigagü, rü nanexãërugüãcüma ñanagürügü: —¡Düçëx! Cuma cunangutaũxëëga

ya tupauca ya taxŭne, rŭ tomaēxpŭx i ngunexŭgu wenaxārŭ ícunadaxēēga. ¡Ēcŭ! ¡Cugŭtama namaxēē i ñuxmax, rŭ írŭxŭ i curuchawa! —ñanagŭrŭgŭ.

³¹ Rŭ yexgumarŭŭ ta Ngechuchuxŭ nacugŭecŭraxŭŭ ga paigŭarŭ āēxgacŭgŭ, rŭ ngŭexēerŭŭgŭ ga ore ga mugŭwa ngŭxēētaegŭxŭ. Rŭ ñanagŭrŭgŭ: —Nŭma rŭ togŭxŭ namaxēē, natŭrŭ taxucŭrŭwama nŭgŭtama namaxēē.

³² —¡Ñuxma rŭ ínaxŭx i curuchawa i ngēma Cristu i Iraeanecŭāxārŭ Āēxgacŭ na nŭxŭ idaugŭxŭcēx rŭ nŭxŭŭ yaxŭgŭxŭcēx! —ñanagŭrŭgŭ. Rŭ woo ga yema máetaxŭxŭ ga naxrŭŭ curuchawa ipotaxŭxŭ, rŭ namaā naguxchigagŭ.

Nayu ga Ngechuchu

(Mt 27.45-56; Lc 23.44-49; Cu 19.28-30)

³³ Rŭ yexguma tocuchiwa nanguxgu, rŭ guxŭ ga naānewa naxēāne ñuxmata yáuanecŭ tomaēxpŭxarŭ orawa nangu.

³⁴ Rŭ yematama oragu rŭ tagaācŭ aita naxŭ ga Ngechuchu, rŭ ñanagŭrŭ: —Eríx, Eríx, ¿damá chabátani? —ñanagŭrŭ. Rŭ ngēma rŭ ñaxŭchiga nixŭ: “Pa Chorŭ Tupanax, Pa Chorŭ Tupanax ¿tŭxcŭŭ choxŭ nuā cutēx?” ñaxŭchiga nixŭ.

³⁵ Rŭ nŭmaxŭ ga duŭxŭgŭ ga yēma yexmagŭxŭ, rŭ nŭxŭŭ naxŭnŭē rŭ ñanagŭrŭgŭ: —¡Dŭcēx, nŭxŭŭ pexŭnŭē! Nuxcŭmaŭcŭ ga Tupanaārŭ orearŭ uruŭŭ ga Eríacēx naca —ñanagŭrŭgŭ.

³⁶ Rŭ yexguma rŭ wŭxi ga yema duŭxŭgŭ ga yēma yexmagŭxŭ, rŭ inañaāchi rŭ wŭxi ga tŭaxmŭ niwaixēē namaā ga binu ga marŭ ngŭchiēxŭchicŭ. Rŭ wŭxi ga dexnewa nayanēix, rŭ ñuxŭchi Ngechuchuēxgu nanawēx na nŭxŭŭ natuxuxŭcēx. Rŭ yema togŭxŭŭ ñanagŭrŭgŭ: —¡Yixrŭma! ¡Ngŭxā rŭ ítarŭdaunŭ ngoxita Ería nuā ŭ na curuchawa ínaxŭxēēxŭcēx! —ñanagŭrŭgŭ.

³⁷ Natŭrŭ nŭma ga Ngechuchu rŭ tagaācŭ aita naxŭ, rŭ ñuxŭchi nayu.

³⁸ Rŭ yexguma ga tupauca ga taxŭneārŭ tŭyemachiāxŭ rŭ taxregu narŭgautē. Rŭ daxŭwa ínaxŭgŭ ga na nagautexŭ rŭ ñuxmata ñaxtŭwa nangu.

³⁹ Rŭ guma churaragŭarŭ āēxgacŭ ga Dumacŭāx ga Ngechuchupēxewa yexmacŭ, rŭ yexguma nŭxŭŭ nadēuxgu ga na nayuxŭ, rŭ ñanagŭrŭ: —Aixcŭma nixŭŭ ya daa yatŭŭ i Tupana Nane na yŭxŭŭ —ñanagŭrŭ.

⁴⁰ Rŭ iyexmagŭŭ ta ga ñuxre ga ngecŭgŭ ga yēma yaxŭwa nŭxŭŭ rŭdaunŭcŭ. Rŭ yematanŭwa iyexmagŭŭ ga María ga Magadácŭāx, rŭ Charumé, rŭ María ga Yúche rŭ Chaŭtiágu ga rŭbumaēcŭ naē.

⁴¹ Rŭ yema ngecŭgŭŭ iyixŭ ga Ngechuchuxŭ íxŭmŭcŭgŭcŭ rŭ nŭxŭŭ rŭngŭxēēgŭcŭ ga yexguma Gariréaanewa nayexmagu. Rŭ yexgumarŭŭ ta yēma iyexmagŭŭ ga mucŭma ga naŭgŭ ga ngecŭgŭŭ ga Ngechuche rŭxŭcŭŭ ga yexguma Yerucharéŭwa naxŭxgu.

Ngechuchu rŭ naxmaxŭgu nayanaxŭcuchigŭ

(Mt 27.57-61; Lc 23.50-56; Cu 19.38-42)

⁴²⁻⁴³ Rŭ yexguma marŭŭ nachŭtachaŭgu ga yema ngunexŭŭ ga Yudiŭgŭŭ nagu nŭgŭŭ ímexēēgŭxŭŭ naxcēx ga ngŭxchigaarŭŭ ngunexŭŭ, rŭ noxtacŭma Piratuxŭtawa naxŭŭ ga Yúche ga Arimatéacŭāx. Rŭ nŭma ga guma Yúche rŭ Yudiŭgŭarŭŭ āēxgacŭgŭŭ ga tacŭtanŭwa naxŭŭ, rŭ wŭxi ga āēxgacŭŭ ga poraācŭŭ nŭxŭŭ nangechaŭgŭcŭŭ nixŭŭ. Rŭ nŭma rŭ ta ínananguxēē na Tupana norŭŭ āēxgacŭŭ yŭxŭcēx. Rŭ Piratuxŭtawa naxcēx ínayaca ga Ngechuchuxŭne.

⁴⁴ Rŭ nabaixāchiāē ga Piratu ga marŭŭ na nayuxŭŭ. Rŭ yemacēx norŭŭ churaragŭarŭŭ āēxgacŭcēx nangema na nŭxna naçaxŭcēx na ñuxgumama yŭxŭŭ ga marŭŭ na nayuxŭŭ.

45 Rū yexguma norū churaraguarū ãëxgacū namaã nūxū ixuxgu ga marū na nayuxū, rū nūma ga Piratu rū Yúchena nanaxã ga naxūne.

46 Rū yexguma ga Yúche rū naxcèx nataxe ga wūxi ga naxchápenūū ga mexèchixū. Rū curuchawa nanayaxu ga Ngechuchuxūne, rū yema naxchápenūūmaã nananuque. Rū wūxi ga mèxpūne ga nutanaxcèxgu ũpaacū yacaxmañgūxū ga naxmaxūgu nayanaxūcuchi. Rū ñuxūchi wūxi ga nuta ga tacūmaã nangūxtaū.

47 Rū María ga Magadácūāx rū María ga Yúche naē rū nūxū irūdaunū ga ngexta na yanaxūcuchigūāxū.

16

Wenaxārū namaxū ga Ngechuchu (Mt 28.1-10; Lc 24.1-12; Cu 20.1-10)

1 Rū sabaduarū ngunexūguwena, rū María ga Magadácūāx, rū Charumé, rū María ga Chaūtiágu naē naxcèx itaxegū ga pumara na namaã nachaāxūcèx ga Ngechuchuxūne.

2 Rū pèxmamaxūchi ga noxri üèxcū iyarūgoxgu ga yūxūarū ngunexūgu, rū yema ngecūgū rū íiyadaugū ga yema naxmaxū ga nagu yanaxūcuchigūāxūwa.

3 Rū ngīgū ngīgūrūgūgū: —¿Texé tá taxcèx ítanaxūgachi ya yima nuta ya namaã nangūxtaūcū? —ngīgūrūgūgū.

4 Natūrū yexguma meāma nūxū nadaunūgu, rū nūxū idaugū ga marū na ínaxūgachixū ga guma nuta ga tacū ga namaã nangūxtaūcū ga yema naxmaxū.

5 Rū yexguma nagu nadaugūgu ga yema naxmaxū, rū nūxū idaugū ga wūxi ga ngextūxūcū ga mèxchiruxū ga cómuchiruxū ga yéma naxmaxūārū tūgūnecūwawa rūtōxū. Rū poraācū íbaixāchiāēgū ga yema ngecūgū.

6 Natūrū nūma rū ñanagūrū ngīxū: —¡Tāxū i pebaixāchiexū! Pema rū naxcèx pedaogū ya Ngechuchu ya Nacharétucūāx ga guma curuchawa yapotagūācū. Marū wena namaxū, rū nataxuma i nuā. ¡Dūcèx, meā nūxū pedèyx i ñaā nachica ga nagu naxūgūāxū!

7 —¡Rū paxa ípixī rū Pedrumaã rū ngēma togū i ngūexūgūmaã nūxū peyarūxugūe, rū ñapegūgū nūxū:

“Nūma ya Ngechuchu rū marū nūxīra pexūpa Gariréaanewa naxū. Rū ngema tá nūxū peyadaugū ngēma pemaã nūxū yaxuxūrūū”, ñapegūgū nūxū! —ñanagūrū.

8 Rū yexguma ga yema ngecūgū rū nūxna íyabuxmū ga yema naxmaxū, yerū ngīrū muñēmaã poraācū iyaduruxe. Rū taxūemaãma nūxū iyaxugūgū, yerū poraācū imuñē.

Ngechuchu rū ngīxcèx nangox ga María ga Magadácūāx (Cu 20.11-18)

9 Rū yexguma Ngechuchu yuwa írūdaxguwena ga noxri yangunegu ga yūxūarū ngunexūgu, rū ngīxcèxira nangox ga María ga Magadácūāx ga ngīwa ínawoxūācū ga 7 ga ngoxogū.

10 Rū ngīma rū íyaxū, rū namaã nūxū iyarūxu ga yema Ngechuchumūcūgū ga íngechañgūxū rū íxaxexū.

11 Natūrū ga nūmagū rū tama nayaxōgūchañ ga yexguma nūxū naxīnūēgu ga na namaxūxū ga Ngechuchu rū na nūxū nadauxū ga ngīmax.

Ngechuchu rū taxre ga norū ngūexūgūcèx nangox (Lc 24.13-35)

12 Rū yemawena ga Ngechuchu rü tōōcū nangox naxcèx ga taxre ga norü ngúexüğü ga yexguma nama ga naānewaama nadaxügu naxixgu.

13 Rū nūmagü rü nawoegu, rü yema togü ga ngúexüğümaā nūxü narüxugü. Natürü yemagüaxü rü ta tama nayaxögü.

*Ngechuchu nanamu ga norü ngúexüğü
(Mt 28.16-20; Lc 24.36-49; Cu 20.19-23)*

14 Rū yemawena ga Ngechuchu rü naxcèx nangox ga yema 11 ga norü ngúexüğü ga yexguma mechawa ínachibüeyane. Rū nayangagü naxcèx ga tama aixcūma na yaxögüāxü rü tama na inaxīnūēxü. Yerü ga nūmagü rü tama nūxü nayaxögüchaü ga yema nūxü daugüxü ga marü wena na namaxüxü.

15 Rū ñanagürü nūxü: —jGuxü i naānewa pexī rü guxü i duüxüğümaā nūxü peyarüxu i ore i mexü!

16 —Rü yixema yaxōxē rü íbaiexe rü tá tüxü nangēxma i maxü i taguma gúxü. Natürü yixema tama yaxōxē rü tá tapoxcu.

17 —Rü ñaā tá nixī i cuèxruüğü i nawa nūxü icuāxü i ngēma yaxögüxü. Rū chauégagu tá ínanawoxü i ngoxogü. Rū ngexwacaxüxü i nagagüwa tá nidexagü.

18 —Rü naxmēxmaā tá nūxü nayayauxāchi i äxtapegü. Rū ngēxguma yaxaxgüāgu i íacü i nawa iyuxü, rü tãütama nanachixēē. Rü tá tüxü ningögügü ya idaaweexe rü tá tümacèx nitaanegü —ñanagürü.

*Ngechuchu rü daxüguxü ga naānewa naxü
(Lc 24.50-53)*

19 Rū nūma ga Cori ga Ngechuchu rü yexguma norü ngúexüğümaā yadeaxguwena, rü Tupana rü daxüguxü ga naānewa nanaga. Rü Tupanaärü tügüncüwawa nayarüto.

20 Rū nūmagü ga norü ngúexüğü rü inaxīāchi na guxüwama nūxü yanaxugüexü ga ore i mexü. Rū nūma ga Cori rü nūxü narüngüxēē, rü nanangoxēē na aixcūma yiixü ga yema ore, yerü wüxigu namaā napuracü na naxügüāxücèx ga mexü ga taxüğü ga Tupanaärü poramaā naxügüxü.

ORE I MEXÛ GA LUCA ÜMATÛXÛ

Norü ügü i ore ga Ngechuchuchiga

1-2 Pa Mecü Pa Teóquirux, nayexma ga tacü ga totanüwa ngupetüxü. Rü muxüma ga duüxügü rü marü nanaxümatügü ga yemachiga, yexgumarüü ga tomaã nüxü na yaxugüexürüü ga yema duüxügü ga noxriarü ügügumama Ngechuchuxü daugüxü rü nüxü rüngüxëegüxü ga norü orearü uchigawa.

3-4 Rü ngëmacëx, Pa Teóquirux, rü choma rü ta meãma naxcëx íchaca ga nachiga ga guxüma ga yema Ngechuchu üxü. Rü ñuxma rü chauxcëx rü name na meãma cuxcëx chanaxümatüxü i ngëma na meãma nüxü cucuáxüçëx na aixcüma yíixü ga yema ore ga marüchirëx cuxü nanguxëegüxü ga togü.

Tupanaãrü orearü ngeruü ga daxüçüãx nanaxunagü ga Cuáü ga baiüxëerüãrü buxchiga

5 Rü yexguma Erode äëxgacü ixíxgu ga Yudéaanewa, rü yéma nayexma ga wüxi ga Yudiügüarü pai ga Zacariagu äegacü. Rü pai ga Arãütaa ga Abíatanüxü nixí ga nümax. Rü namëxéga rü Erichabé nixí. Rü tüma rü ta pai ga Arãütanüxü tixí.

6 Rü nüma ga Zacaría rü namëx ga Erichabé rü meãma Tupanapëxewa, namaxë rü aixcüma naga naxínüë ga norü mugü. Rü yemaäcü taxucürüwa texé chixri nachiga tidexagü.

7 Natürü nangexacügü yerü namëx rü ingexacü. Rü ñuxüchi ga nümagü rü marü yaguãxgü nixígü.

8 Rü wüxi ga ngunexügu rü yema paigütücumü ga Zacaría natanüwa üxügu nangu na tupauca ga taxünewa Tupanaãrü puracü naxügüxüçëx.

9 Rü yema paigü rü nacüma nixí ga nüxü na naxunetagüxü ga wüxi ga natanüxü na tupaucaarü aixepegu naxüçuxüçëx rü yéma Tupanacëx na yaguãxüçëx ga pumara ga yixixü. Rü yema ngunexügu rü Zacariagu nangu na tupaucaarü aixepegu naxüçuxüçëx na yéma yaguãxüçëx ga pumara.

10 Rü yema pumara íyaguyane rü guxüma ga duüxügü ga düxëtüwa yexmagüxü rü ínayumüxëgü.

11 Rü ngürüãchi Zacariacëx nangox ga wüxi ga Tupanaãrü orearü ngeruü ga daxüçüãx. Rü yema nachica ga pumara nawa yagugüxüãrü tügüneçüwagu nachi.

12 Rü yexguma Zacaría nüxü dëuxgu ga yema Tupanaãrü orearü ngeruü ga daxüçüãx, rü poraäcü nabaixãchiãë, rü poraäcü namuü.

13 Natürü yema daxüçüãx ga Tupanaãrü orearü ngeruü rü ñanagürü nüxü: –Pa Zacariax, ¡täxü i cumuüxü! Erü Tupana rü marü nüxü naxínü i curü yumüxë. Rü cuxmëx i Erichabé rü cuxü tá ixãxãcü, rü Cuáügu tá cunaxüéga.

14 –Rü cuma rü tá poraäcü cutaãëxüchi i ngëxguma nabuxgu. Rü muxüma i togü i duüxügü rü tá ta nataãëgüxüchi.

15 –Erü yima cune rü Tupanapëxewa rü tá wüxi ya mexëchicü nixí. Rü täütáma binu nayaxaxü, rü taxuüma to i tacü rü ngüchíxãxü tá nixaxü. Rü tauta nabuyane rü Tupanaãë i Üünëxü rü tá nüxna nangu.

16 –Rü nüma tá muxüma i Yudiügüxü narüngüxëë na norü Cori ya Tupanacëx nawoeguxüçëx.

17 –Rü nüma ya Cuáü rü tá Cori ya Cristupëxegu nixü. Rü nuxcümaüçü ga Tupanaãrü orearü uruü ga Eríarüü tá nixí erü tá nüxü nangëxma i Tupanaãë

i poraxũ. Rũ ngẽmaãcü tá nũxũ narũngũxẽẽ i papágũ na naxãcügũxũ nangechaũxũ, rũ ngẽma tama Tupanaga ñnũchaũxũ rũ na aixcüma in-axĩnũxũcẽx. Rũ ngẽmaãcü tá duũxũgũxũ ñnamexẽẽ naxcẽx ya Cori ya Cristu —ñanagũrũ ga yema daxũcüãx.

18 Rũ Zacaría rũ yema daxũcüãxna naca, rũ ñanagũrũ: —¿Ñuxãcü tá nixĩ i ngẽma na naxãxãcüxũ i choxmẽx? Erũ marũ chayaxũchi i chomax rũ ngĩma rũ ta marũ iya —ñanagũrũ.

19 Rũ Zacaríaũxũ nangãxũ ga yema daxũcüãx, rũ ñanagũrũ: —Choma nixĩ i Gabi i Tupanaãrũ puracũ chaxũxũ. Rũ nũma núma choxũ namu na cumaã nũxũ na chixuxũcẽx i ñaã ore i mexũ.

20 —Natũrũ ñuxma i cuma rũ tama choxũ cuyaxõ i ngẽma ore i cumaã nũxũ chixuxũ. Rũ ngẽmacẽx i ñuxma rũ tá cungega ñuxmatáta nabu i ngẽma cune. Natũrũ ngẽma cumaã nũxũ chixuxũ, rũ aixcüma tá ñingu nagu i ngẽma ngunexũ i Tupana ixunetaxũ —ñanagũrũ.

21 Rũ yoxni ga duũxũgũ rũ tupaucaarũ dũxétũwa Zacaríaũxũ nananguxẽẽgũ. Rũ nũgũna nacagũe ga ñacũcẽx na tama paxa yema ñnaxũxũxũ.

22 Rũ yexguma Zacaría tupaucawa ñũũxgu, rũ taxucũrũwa duũxũgũmaã nidexa, yerũ nangega. Rũ nũmagũ ga duũxũgũ rũ nũxũ nicuẽxãchitanũ ga ñacũxũ na nadauxũ ga Zacaría ga tupaucaarũ aixepena. Rũ Zacaría rũ naxmẽxmaã duũxũgũxũ nũxũ nacuẽxẽẽ ga ñacũ nũxũ na ñpetũxũ, yerũ nangega.

23 Rũ yexguma Zacaría naguxẽẽgu ga na naxũãxũ ga Tupanaãrũ puracũ ga tupauca ga taxũnawa, rũ wenaxãrũ napatacẽx nataegu.

24 Rũ yemawena rũ Zacaría namẽx ga Erichabé rũ ixãxãcü. Rũ ngĩpatagu irũãũẽcha, rũ wũximẽẽxpũx ga tauemacũ taguma dũxétũwa ixũ.

25 Rũ ngĩxĩcatama ngĩgũrũgũ: —Cori ya Tupana rũ poraãcü choxũ narũngũxẽẽ. Rũ ñuxma rũ marũ tãütama chixri chauchiga nidexagũ i duũxũgũ naxcẽx na changexacũxũ —ngĩgũrũgũ.

Wũxi ga Tupanaãrũ orearũ ngeruũ ga daxũcüãx nũxũ nixu ga Ngechuchuarũ buxchiga

26 Rũ 6 ga tauemacũ marũ ngĩxũ mexgu ga Erichabé ga yema na naxãxãcüxũ, rũ Gariréaanewa yexmane ga ñãne ga Nacharétuwa Tupana nanamu ga norũ orearũ ngeruũ ga Gabi.

27 Rũ ngĩxũtawa naxũ ga wũxi ga pacũ ga taguma yatũ ngĩmaã maũxcũ. Rũ María nixĩ ga ngĩega. Rũ ngĩma rũ ixãtechaũ namaã ga wũxi ga yatũ ga Yúchegu ãegacũ. Rũ núma ga Yúche rũ nuxcümaũcü ga ãẽxgacũ ga Dabítanũxũ nixĩ.

28 Rũ yema nachica ga María nawa yexmaxũgu naxũcu ga Gabi, rũ ñanagũrũ ngĩxũ: —Nuxmaẽ Pa Maríax. Tupana rũ poraãcü cumaã nataãẽ. Rũ Cori ya Tupana rũ cuxũtawa nangẽxma, rũ guxũ i ngexũgũarũ yexera marũ cuxũ narũngũxẽẽ —ñanagũrũ.

29 Natũrũ yexguma María nũxũ dẽuxgu ga yema daxũcüãx ga Tupanaãrũ orearũ ngeruũ, rũ namaã ñbaixãchiãẽ ga yema norũ ore ga ngĩmaã nũxũ yaxuxũ. Rũ ngĩgũãẽwa nagu irũxĩnũ ga tũxcũũ yemaãcü ngĩxũ na namoxẽxũ.

30 Rũ yexguma ga Gabi rũ ñanagũrũ ngĩxũ: —Pa Maríax, tama name na cumũxũ, erũ Tupana rũ poraãcü cumaã nataãẽ.

31 —Rũ ñuxma rũ tá tauemacũ cuxũ inayarũtaxu, rũ tá cuxãxãcü, rũ tá nayatũ i cuxacũ. Rũ Ngechuchugu tá cunaxũega.

32 –Rü nüma rü wüxi ya ãëxgacü ya taxüchicü tá nixĩ. Rü Tupana ya Taxüchicü Nane tá nixĩ i naega. Rü Cori ya Tupana rü tá nuxcümaücü ga ãëxgacü ga Dabírüü ãëxgacüxü nayaxĩxëë.

33 –Rü nüma rü guxügutáma Yudüguarü ãëxgacü nixĩ. Rü tagutáma Ínanguxuchi na ãëxgacü na yíixü –ñanagürü.

34 Rü yexguma ga María rü Gabina ica, rü ngígürügü: –¿Ñuxácü tá nixĩ i ngëma na chaxãxcüxü, erü tauta chaxãte? –ngígürügü.

35 Rü nüma ga Gabi rü ngixü nangãxü, rü ñanagürü: –Tupanaãe i Üünexü tá cuxna nangu. Rü Tupana ya Tacüarü pora rü wüxi i caixanexürüü tá cugu nayangaixema. Rü ngëmacëx ngëma õxhana i namaã cuxãxcüxü rü Tupanapëxewa mecüxüchi tá nixĩ, rü Tupana Nanemaã tá nanaxugü i duüxügü.

36 –Rü cutanüxü i Erichabé rü marü ixãxácü woo marü yaguãxchirëx na yíixü. Rü woo ga duüxügü rü:

“Tagutáma ixãxácü” ñanagürügü ngixü, natürü i ñuxma rü marü 6 ya tauemacü ngixü name na marü naxãxcüxü.

37 –Erü Tupanaãxü rü taxuüma naguxcha –ñanagürü.

38 Rü yexguma ga María rü ngígürügü: –Chorü Cori ya Tupanaärü duüxü chixĩ i chomax. Rü marü name i chomaã nanaxü i ngëma chomaã nüxü quixuxüãcüma –ngígürügü. Rü yexguma ngixna Ínixü ga yema Tupanaärü orearü ngerüü ga daxücüãx ga Gabi.

María rü Erichabéxütagu inaxüãne

39 Rü yexgumaücüü ga María rü paxama nawa ixü ga guma ñãne ga Zacariápatata nawa yexmane ga Yudéaaneärü dauxchitawa.

40 Rü Zacariápatata ingu, rü iyaxücu, rü Erichabéxü irümoxë.

41 Rü yexguma Erichabé nüxü Ínügü ga Maríaarü moxë, rü ngírü õxhana ga ngíãnúwa yexmaxü rü nixĩãxcüü. Rü Tupanaãe ga Üünexü rü Erichabéna nangu.

42 Rü yexguma ga Erichabé rü tagaãcü Maríaxü ngígürügü: –Guxü i ngexügüarü yexera Tupana cuxü narüngüxëë. Rü ngëxgumarüü ta cunexü narüngüxëë.

43 –¿Tacüwa chame na nuã chauxütagu cunaxüãnëxü? Pa Chorü Cori Naëx.

44 –Erü ngëxguma nüxü chaxínügü i curü moxë, rü chauxacü i chauanuwa ngëmaxü rü norü taãemaã nixĩãxcüü.

45 –Cuma rü cutaãe erü nüxü cuyaxõ i norü ore ya Tupana. Rü ngëmacëx Tupana tá nayanguxëë i ngëma ore i cumaã nüxü yaxuxü –ngígürügü ga Erichabé.

46 Rü yexguma ga María rü ngígürügü: –Choma rü chauãëwa poraãcü Tupanaxü chicuëxüü.

47 –Rü chorü Cori ya chorü Maxëëruümaã chataãëxüchi.

48 –Rü woo wüxi i Tupanaärü duüxü i ngearü díeruãxë chixĩ, natürü Tupana chaugu narüxínü. Rü ñuxmaücüü i duüxügü rü taãëxcümaã guxügutáma choxü naxügüë.

49 –Erü Tupana ya Poracü rü taxü i mexü i naexcëx naxü. Rü naxüüne i naega ya Tupana.

50 –Rü nüma ya Tupana rü guxügutáma nüxü tangechaütümüügü ya guxãma ya yíxema aixcüma nüxü muüxëë.

51 –Rü guxü ga norü poramaã tüxü narüyexera ga guxema tügütama icuëxüügüë.

52 —Rü marü inanaxoxü ga yema ãëxgacügü ga nügü icuëxüüügüxü. Natürü guxema duüxëgü ga tama tügü icuëxüüügüxe, rü poraäcü tüxü narüngüxëë.

53 —Rü guxema tüxü nataxüxe, rü muxüma tüxna naxã. Natürü guxema muärü diëruãxgüxe rü taxuüma tüxna naxãäcüma tüxü ininugü.

54 —Rü poraäcü nüxü narüngüxëë ga norü duüxügü ga Yudüügü. Rü tama nüxü inarüngüma na nüxü ingechaütümügüxü, yexgumarüü ga nuxcümaügüxü ga tatanüxümaã na inaxunetaxü.

55 —Yerü yemaäcü inaxuneta namaã ga tóru õxi ga Abráü rü namaã ga tatanüxügü na guxügutáma tüxü nangüxëëxü —ngígürügü ga María.

56 Rü tomaëxpüx ga tauemacü Erichabéxütagu irüxãüx ga María. Rü ñüxüchi ngïpatacëx itaegu.

Cuáü ga baiüxëëruüärü buxchiga

57 Rü nawa nangu ga ngunexü ga na naxíraxacüxü ga Erichabé. Rü nayatü ga ngíxäcü.

58 Rü yexguma nüxü nacüëxgüga na ñuxäcü Tupana ngímaã mecümaxü, rü ngürü ngaicamagu pegüxü ga duüxügü rü ngítanüxügü rü ngíxü inayadaugü, rü ngíxü narümoxëgü rü ngíxü nayataãëgüxëë.

59 Rü 8 ga ngunexüguwena rü inayawiechëxmüpëxechiraüügü ga guma ngíne. Rü nanatü ga Zacaríagu nanaxüëgagüchaü ga duüxügü.

60 Natürü naë ga Erichabé rü tama inaxwëxe. Rü ngígürügü: —Narümemae nixí i Cuáügu tanaxüëga —ngígürügü.

61 Rü duüxügü rü ñanagürügü ngíxü: —¿Tüxcüü cunaxwëxe i ngëma naega? Erü cutanüxütanüwa rü tataxuma ya texë ya ngëmagu äegaxe —ñanagürügü.

62 Rü yexguma ga duüxügü rü namxëwxa nanatü ga Zacaríana nacagüë ga tacü rü naegagu tá na naxüëgaãxü.

63 Rü yexguma ga Zacaríá rü poperaxü naxuneta na yexma na naxümatüãxücëx ga naega. Rü yexma nanaxümatü, rü ñanagürü:

“Cuáü tá nixí i naega”, ñanagürü ga namatü. Rü guxüma ga duüxügü rü nabaixächiaëgü ga yexguma yema naegaxü nadaugügu.

64 Rü yexgumatama wenaxärü nidexa ga Zacaríá. Rü inanaxügü ga Tupanaxü na yacuëüxü.

65 Rü yemacëx guxüma ga yema duüxügü ga norü ngaicamagu äpatagüxü rü poraäcü nabaixächiaëgü. Rü guxüwama ga yema naänewa ga Yudéaanewa rü duüxügü nüxü nixuchigagü ga yema ngupetüxü.

66 Rü guxüma ga nüxü cuächigagüxü ga yema ngupetüxü, rü nügüãxëwa nagu narüxüñüëëcha, rü ñanagürügü: —¿Tacü tá nixí i ngëma buxü? Erü Tupana rü aixcüma naxütawa nangëxma —ñanagürügü.

Zacaríá rü Tupanaxü nicuëxüü

67 Rü nanatü ga Zacaríana nangu ga Tupanaãë i Üünexü. Rü nüxü nixu ga yema ore ga Tupana namaã nüxü ixuxü.

68 Rü ñanagürü: —Name nixí i nüxü ticuëxüüügü ya tóru Cori ga nuxcümaücü ga tóru õxi ga Iraéarü Tupana. Erü núma tatanüwa nangu na tüxü ya-maxëxëëxücëx i yixema i norü duüxügü na ixügüxü.

69 —Rü ngëmacëx tüxna nanamu ya wüxi ya poracü ya tóru maxëxëëruü ga nuxcümaücü ga norü duüxü ga Dabitanüxüwa ne ücü.

70 —Rü yemaäcü Tupana tamaã inaxuneta nawa ga yema nuxcümaügüxü ga norü orearü uruügü ga üünegüxü.

71 –Rü yema orearü uruügwäwa nüxü nixu rü tá tüxü íngaxüüxëë naxmëxwa i tórü uwanügü rü guxüma i ngema duüxügü i taxchi aiexü.

72 –Rü nuxcümaügxë ga tórü oxigümaã nüxü nixu na nüxü tangechaütümüügüxü rü tagutáma nüxü iyanangümaxü ga yema tümamaã inaxunetaxü.

73-75 –Rü yemaãcü ga Tupana rü nuxcümaücü ga tórü oxí ga Abráümaã inaxuneta. Rü namaã nüxü nixu rü tá tüxü íngaxüüxëë nüxna i tórü uwanügü na tama imuüëácüma naxüxücëx i Tupanaärü puracü rü aixcüma mecü na íxügüxü napëxewa i guxü i tórü maxüwa i wüxichigü i ngunexügu –ñanagürü ga Zacaría.

76 Rü ñanagürü ta: –Cumax, Pa Chaunex, rü Tupana ya Taxüchicüarü orearü uruümaã tá cuxü naxugü. Erü cuma rü tá Corixüpa yoxni duüxügümaã nüxü quixu i nachiga ya Cori.

77 –Cuma rü Coriarü duüxügüxü tá nüxü cucuëxëë na Tupana tá nüxü nüxü ngechaüxü i norü pecadugü na ngëmaãcü nayauxgüäxücëx i maxü i taguma güxü.

78-79 –Erü nüxü tangechaütümüügü ya Tupana ya poraãcü tüxü ngechaücü. Rü ngëmacëx daxügüxü i naãnewa taxcëx ne nanamu i ñoma i naãneärü ngóonexëëruü i ngexwacaxüxü na nangóonetanüxëëäxücëx i ngëma duüxügü ga noxri guxügüma norü chixexügagu äücümaxüwa yexmagüxü. Rü núma tá tüxü narüngüxëë na Tupanamaã rüngüxmüëxücëx –ñanagürü ga Zacaría.

80 Rü yema buxü rü niyachigü rü wüxichigü ga ngunexügu yexeraãcü Tupanaxü nicuáchigü. Rü dauxchita ga ngextá taxúema íxápataxüwa nayexma ñuxmata yema ngunexüwa nangu ga na Yudiügüxü nügü nacuëxëëxü.

2

Ngechucharü buxchiga (Mt 1.18-25)

1 Rü yexguma Agutu äëxgacü ga tacü íxüxu ga Dumawa, rü nanaxunagü ga na yaxugüäxü ga guxüma ga duüxügü ga guxü ga naãnewa.

2 Rü yema nüxíraüxü ga duüxügüarü ugüchiga, rü nanaxü ga yexguma Quirinu äëxgacü íxüxu ga Chíríaarü naãnewa.

3 Rü guxüma ga duüxügü rü wüxichigü norü íãne ga nagu nabuxünewa nixüchigü ga yéma na yaxugüäxücëx.

4 Rü yemacëx ga Yúche rü Gariréaanewa yexmane ga íãne ga Nacharétuwa ínaxüxü, rü Yudéaarü naãnewa yexmane ga íãne ga Beréüwa naxü. Rü guma nixí ga íãne ga nuxcümaücü ga äëxgacü ga Dabí nagu buxüne. Rü yemacëx nixí ga Yúche ga yéma naxüxü, yerü Dabitanüxü nixí ga nümax.

5 Rü Beréüwa naxü ga Yúche na yaxugüxücëx wüxigu ngímaã ga María ga ngímaã naxámëxchaücü. Natürü ga María rü itacharaü ga na naxãxácüxü.

6 Rü yexguma Beréüwa nayexmagüyane, ngíxna nangu ga ngírü ngunexü ga na naxíraxacüxü ga María.

7 Rü yexma nabu ga nüxíraücü ga ngíne. Rü naxchápenüümaã inanogue. Rü wüxi ga wocaarü chibüchicagumare inacanagüxëë, yerü marü guxüma nixãacu ga ucapu nawa ga guma pegüpataü.

Tupanaärü orearü ngeruü ga daxücüäx rü carnerugüarü dauruüçëx nangox

8 Rū Beréúârū ngaicamana nayexmagü ga ñuxre ga carnerugüarü dau-
ruügü ga chütacü nachitaüwa norü carnerugüna ídaugüxü.

9 Rū ngürüâchi yema carnerugüarü dauruügücêx nangox ga wüxi ga orearü
ngeruü ga daxüçüâx. Rū Cori ya Tupanaârü üüne rü nawa nayexma rü
yemacêx poraâcü nangóone. Rū yema carnerugüarü dauruxügü rü poraâcü
namuê.

10 Natürü yema orearü ngeruü ga daxüçüâx, rü ñanagürü nüxü: —jTâxü
i pemuêxü! erü pexcêx nuâ chanange i wüxi i ore i mexêchixü i guxü i
duüxügüarü taâêxêëruü tá ixüxü.

11 —Erü ñuxma rü Beréügu nabu ya perü maxêxêëruü. Rū nüma rü Cori ya
Cristu nixü.

12 —Rü ñaâ tá nixü i perü cuêxruü. Rū tá nüxü ipeyangau i wüxi i õxchana i
naxchápenüümaâ nuquexü rü wocaarü chibüchicagu caxü —ñanagürü.

13 Rū yexgumatama ngürüâchi yema daxüçüâx ga orearü ngeruüxütawa
nangox ga muxüma ga togü ga daxüçüâx ga orearü ngeruügü. Rū Tupanaxü
nicuêxüügü, rü ñanagürügü:

14 —Rü ñuxma rü Tupanaxü ínicuêxüügü rü ínataâëgü i daxüguxü i naânewa.
Rü pema i ñoma i naânecüâx i Tupana pemaâ taâëgüe, rü name nixü i pegümaâ
perüngüxmüê —ñanagürügü.

15 Rū yexguma daxüwa naxüxguwena ga yema orearü ngeruügü rü yema
carnerugüarü dauruügü rü nügümaâ ñanagürügü: —jNgîxâ ítayadau i Beréüwa
i ngêma ngupetüxü i Cori ya Tupana tamaâ nüxü ixuxü nawa i norü orearü
ngeruügü! —ñanagürügü.

16 Rū paxa inaxüâchi, rü yéma naxü. Rū yexma inayangaugü ga Yúche rü
María rü guma bucü ga wocaarü chibüchicagu cacü.

17 Rū yexguma yema bucüxü nadaugüga ga yema carnerugüarü dauruügü,
rü duüxügümaâ nüxü nixugüe ga yema ore ga Tupanaârü orearü ngeruü ga
daxüçüâx namaâ nüxü ixuxü ga guma bucüchiga.

18 Rū guxüma ga duüxügü ga nüxü ñnüêxü ga yema carnerugüarü dau-
ruügüarü ore rü namaâ nabaxüâchiâëgü.

19 Natürü ga María rü inayaxu ga guxüma ga yema ngupetüxü rü ngîâëgu
namaâ inguxü rü nagu irüxüñüêcha.

20 Rū nawoegu ga yema carnerugüarü dauruügü. Rū taâêäcüma Tupanaxü
nicuêxüügü naxcêx ga guxüma ga yema nüxü naxüñüêxü rü nüxü nadaugüxü
yerü aixcüma yema orearü ngeruü ga daxüçüâx namaâ nüxü ixuxüâcüma
nangupetü.

Bucü ga Ngechuchu rü tupauca ga taxünewa nanagagü

21 Rū yexguma 8 ga ngunexü nüxü yexmagu ga na nabuxü ga õxchana,
rü ínanawiechêxmüpêxechiraügü. Rū Ngechuchugu nanaxüégagü. Rū
yematama nixü ga naega ga daxüçüâx ga Tupanaârü orearü ngeruü
Maríamaâ nüxü ixuxü ga tauta namaâ naxâxâcügu.

22 Rū yexguma marü yanguxgu ga yema ngunexü na tupauca ga taxünewa
Tupanapêxewa na nügü yamexêëgüxü rü yéma naxü na yemaâcü Tu-
panapêxewa yanguxêëgüâxücêx ga yema Moíchéarü mugü nüxü ixuxüüü.
Rū Yerucharéüwa ga tupauca ga taxünewa nanagagü ga guma bucü na
Tupanana namugüâxücêx.

23 Rū yemaâcü nanaxügü yerü Tupanaârü mugüwa naxümatü, rü ñanagürü:
“Ngêxguma wüxi i nge rü nayatügu i nüxüraüxü i ngîâcü, rü name i Cori ya
Tupanana inamu”,
ñanagürü.

24 Rū yéma naxī rū yéma nanagagū ga taxre ga muxtucugū ga yexwacèx yaexū, na Tupanacèx nadaiāxūcèx ga paigū ga tupaucawa, yerū yema ñanagūrū ga Tupanaārū mugūwa.

25-26 Rū yexgumaūcū Yerucharéŕgu naxāchiū ga wūxi ga yatū ga Chimeŕgu āegacū. Rū wūxi ga yatū ga mecūmacū nixī ga nūmax, rū aixcūma Tupanaxū ngechaūcū nixī. Rū nūma rū guxūguma ínananguxēē na ñuxguacū tá ínananguxū ya Yudíugūarū nguxūxēēruū ya Cristu. Rū Tupanaāē i Ūñexū rū Chimeŕxūtawa nayexma, rū nūxū nūxū nacuèxēē na tāūtāma nayuxū ega tama nūxū nadauxiragu ya Cristu ya Cori ya Tupana nūma namucū.

27 Rū yema ngunexūgu rū tupauca ga taxūnewa Chimeŕxū naxūxēē ga Tupanaāē i Ūñexū. Rū yéma nayexma ga Chimeŕ ga yexguma Yúche rū María tupaucawa nagagūga ga guma bucū ga Ngechuchu na Tupanana namugūāxūcèx na yemaācū yanguxēēgūāxūcèx ga Moíchéarū mu.

28 Rū Ngechuchuxū naganagū ga Chimeŕ. Rū Tupanaxū nicuèxūū, rū ñanagūrū:

29 —Pa Corix, ñuxma rū marū name na chayuxū, erū marū cuyanguxēē ga yema chomaā icuxunetaxū.

30-31 —Rū chauxetūmaāxūchi nūxū chadau ya daa Maxēxēēruū ya guxū i duŕxūgūcèx nūma cunamucū.

32 —Rū nūma nixī i ngóonexēēruū naxcèx i guxūma i duŕxūgū i tama Yudíugū íxīgūxū. Rū ñāā ōxchanagagu rū togū i duŕxūgū tá nūxū nicuèxūūgū i curū duŕxūgū i Yudíugū —ñanagūrū.

33 Rū Yúche rū María rū nabaixāchiāēgū namaā ga Chimeŕārū ore ga ñuxācū guma ōxchanachigamaā na yadexaxū.

34 Rū yexguma ga Chimeŕ rū Tupanana naca na meā nūxū nangu-petūgūxūcèx ga Yúche rū María rū guma ōxchana. Rū ñanagūrū ngīxū ga María ga Ngechuchu naē: —Dūcèx, daa ōxchana rū tá nanamaxēxēē i muxūma i Yudíugū, natūrū ngēma tama nūxū yaxōgūchaŕxū rū tá inayarūtauxe. Rū nūma rū wūxi i cuèxruū tá nixī i duŕxūgūcèx, rū muxūma tá nūxū naxoe.

35 —Rū ngēmaācū tá nanangoxēēāma i guxūma i naāēwa nagu naxīnūxū i muxūma i duŕxūgū. Rū guxūma i ngēma tá ñāā ōxchanaxū ngupetūxū rū ñoma wūxi i cūxchi i curū maxūnewa yarūwāxūrū tá cuxū nangux, Pa Maríax —ñanagūrū.

36 Rū yéma ta iyexma ga wūxi ga ngecū ga Tupanaārū orexū ixucū. Rū Ana nixī ga ngīega. Rū Panuexācū iyixī, rū Acherutanūxū iyixī. Rū marū yaguāxūchi iyixī. Rū yexguma napaxūchigutama íxāte. Natūrū 7 ga taunecū-guxicatama ngītemaā iyarūxūxū, yerū nayu ga ngīte.

37 Rū yemaācū wūxi ga yutecū ga yaguāxūchi iyixī, yerū 84 nixī ga ngīrū taunecū. Rū taguma tupauca ga taxūnewa íxūxū. Rū guxūguma ngunecū rū chūtacū rū naxaureācūma iyumūxēēcha. Rū yemaācū Tupanaxū iyacuèxū rū inataxēē.

38 Rū yexgumatama Chimeŕ ídexayane, rū yéma ingu ga Ana. Rū Tupanana moxē íxā. Rū íinaxūgū ga ōxchana ga Ngechuchuchiga na yadexaxū napēxewa ga guxūma ga yema Yudíugū ga Yerucharéūcūāx ga Cristuxū ínananguxēēgūxū na norū nguxuchixēēruū yīxūcèx.

Īāne ga Nacharétucèx nawoegu

39 Rū yexguma marū yanguxēēgūāguwena ga guxūma ga yema Tupanaārū mugū nūxū ixuxū, rū Yúche rū María rū naxcèx nawoegu ga norū ĩāne ga Nacharétu ga Gariréanewa yexmane.

⁴⁰ Rū guma bucū rū niyachigū, rū yexeraācū niporachigū, rū yexeraācū nūxū nicuáchigū. Rū Tupana rū poraācū nūxū narūngūxēē.

Bucū ga Ngechuchu rū tupauca ga taxūnēwa naxo

⁴¹ Nanatū rū naē rū gucū ga taunecūgu Yerucharéūwa taxūxū naxcēx ga Ūpetūchigaarū peta.

⁴² Rū yexguma Ngechuchu 12 ga taunecū nūxū yexmagu, rū Yerucharéūwa taxī namaā ga nanatū rū naē, yerū yema nixī ga Yudūgūcūma naxcēx ga Ūpetūchigaarū peta.

⁴³ Rū yexguma yagūechigagu ga Ūpetūchigaarū peta, rū tūmachiūcēx tawoegu ga nanatū rū naē. Natūrū ga Ngechuchu rū tūmaēchita tūxna Yerucharéūgu narūxāūx.

⁴⁴ Rū tūma nūxū tacuēxgūgu rū yema muxū ga duūxūgū ga tūmaweama ixīxūtanūxūtanūgu naxā ga Ngechuchu. Rū yemaācū marū itaxī ga wūxi ga ngunexū. Natūrū yexguma naxcēx tadaugūgu tūmatanūxūtanūgu rū yema tūxū cuēxgūxūtanūgu rū tama nūxū itayangaugū.

⁴⁵ Rū yemacēx wenaxārū Yerucharéūcēx tawoegu na yexma naxcēx tayadaugūxūcēx.

⁴⁶ Rū tomaēxpūx ga ngunexūguwena Ngechuchuxū itayangaugū ga tupauca ga taxūnegu. Rū yéma narūto natanūwa ga yema ngūexēēruūgū ga Tupanaārū mugūwa nguxēētaegūxū, rū inarūxīnū ga norū nguxēētae, rū nūxna nicachigū.

⁴⁷ Rū guxūma ga yema duūxūgū ga Ngechuchuxū īnūēxū, rū nabaixāchiāēgū na űnuxācū nūxū nacuēxūchixū rū meāma nangāxūāxū.

⁴⁸ Rū yexguma nanatū rū naē nūxū daugūgu rū tabaixāchiāēgū. Rū naē rū űnatarūgū nūxū: —Pa Chaunex, ¿tūxcū tū tomaā ngexū cuwagū? Cunatū rū choma rū poraācū cuxcēx taxoegaāēcūma cuxcēx tadaugūecha —űnatarūgū.

⁴⁹ Rū yexguma ga Ngechuchu rū űnanagūrū: —¿Tūxcū chauxcēx pēdaugū? ¿Tama ēxna nūxū pecuēx na woetama Chaunatūchiūwa tá changēxmaxū? —űnanagūrū.

⁵⁰ Natūrū ga tūmagū rū tama nūxū tacuēxgūēga ga yema tūmamaā nūxū yaxuxū.

⁵¹ Rū yexguma ga Ngechuchu rū tūmawe nataegu ga Nacharétuwa. Rū guxūguma meā tūmaga naxīnūēcha. Rū naē ga Mariā rū ngīāēwa nagu irūxīnūēcha ga guxūma ga yema ngupetūxū.

⁵² Rū niyachigū ga Ngechuchu, rū yexeraācū nūxū nicuáchigū. Rū Tupana rū namaā nataāē, rū guxūma ga duūxūgū rū ta namaā nataāēgū.

3

Cuáū ga baiūxēēruū nūxū nixu ga Tupanaarū ore ga dauxchitawa ga ngextá taxúema íxāpataxūwa

(Mt 3.1-12; Mr 1.1-8; Cu 1.19-28)

¹ Rū yexguma Tibériu 15 ga taunecū Dumaarū āēxgacū yixīxgu, rū yexguma nixī ga Pōūchiu Piratu rū Yudéaaneārū āēxgacū yīxū, rū Erode rū Gariréaaneārū āēxgacū yīxū, rū naēnē ga Piripi rū Itúreaane rū Tracóníteaneārū āēxgacū yīxū, rū Lichániā rū Abiriniāāneārū āēxgacū yīxū.

² Rū yexguma ga Aná rū Caipá rū paigūeru nixīgū. Rū yexguma nixī ga Zacaría nane ga Cuáūmaā yadexaxū ga Tupana ga dauxchitawa ga ngextá taxúema íxāpataxūwa.

³ Rū guxūma ga yema nachicagū ga Yudaūcutūarū ngaicamana yexmagūxūgu nixūgūchigū ga Cuáū. Rū duūxūgūmaā nūxū nixuchigū na nūxū naxoexūcēx ga nacūmagū ga chixexū rū ínabaiūxūcēx na yemaācū Tupana nūxū nūxū rūngūmaxūcēx ga norū pecadugū.

⁴ Rū guma nuxcūmaūcū ga Ichaxía ga Tupanaārū orearū uruū naxūmatūxūrūū nixī ga nangupetūxū. Yerū duūxūgūarū maxūārū mexēēchigaxū nixu ga yexguma ñaxgu:

“Ngēma nachica i ngextá taxúema íxāpataxūwa rū tá nangēxma i wūxi i duūxū i ngema tagaācūma ñaxū: ‘¡Pegū pemexēē naxcēx ya Cori! ¡Rū naxcēx ipeyanawēxāchixēē i perū maxū!’

⁵ Rū guxāārū maxū rū tá inayarūwēxāchi ñoma wūxi i ngatexū rūgūtāxūrūū na iyawēxūcēx i nama. Rū guxāma ya yíxema togūétūwa tūgū ngēxmaxēēgūxe rū tá ítarūxī ñoma wūxi ya mēxpūne rū wūxi i ngūchitaeru idoxochixēēxūrūū. Rū guxūma i nacūma i wūxū rū tá inayarūwēxāchigū. Rū ngēma duūxūgūarū maxūwa tama mexū rū tá nayamexēēgū.

⁶ Rū guxūma i duūxūgū rū tá nūxū nadaugū ya yima Maxēxēēruū ya Tupana nūma namucū”, ñanagūrū ga Ichaxía ūmatūxū ga ore.

⁷ Rū yexguma Cuáūxūtawa naxīxgu ga duūxūgū na ínabaiūxēēāxūcēx, rū nūma ga Cuáū rū ñanagūrūama nūxū: —Pa Āxtapearū Duūxūgūx ¿Rū ñuxācū nagu perūxīnūe na naxchaxwa pibuxmūxū i ngema poxcu i marū ingaicamaxū ega tama nūxū perūxoewa i pecūma i chixexū?

⁸ —¡Rū meā pemaxē na ngēmaācū guxūma i duūxūgū nūxū daugūxūcēx na aixcūma marū nūxū perūxoexū i pecūma i chixexū! Rū tama name i ñaperūgūgū:

“Tāūtāma Tupana toxū napoxcue, erū Abráūtanūxū tixīgū” ñaperūgūgū. Erū tama ngēmacēx nixī ya Tupana i duūxūgūxū nayaxuxū. Rū pemaā nūxū chixu rū ngēxguma Tupana naxwēxegu rū tama nūxū naguxcha na daa nutawa Abráūtanūxū nanguxūxēēxū.

⁹ —Tupanaārū yuema rū marū ímemare na yadaxūāxūcēx i ngēma nanetūgū i tama mexū. Rū guxūma i nanetūgū i chixearū oōxū rū tá nadaxū, rū ñuxūchi ūxūwa tá ínagu —ñanagūrū ga Cuáū.

¹⁰ Rū yexguma ga duūxūgū rū Cuáūna nacagū, rū ñanagūrūgū: —¿Tacū ēxna nixī i mexū na tanaxūxū? —ñanagūrūgū.

¹¹ Rū Cuáū rū nanangāxū rū ñanagūrū: —Texé ya taxrearū gāuxūchiruāxē rū name nixī i texé ya tūxū nataxūxena tanaxā. Rū texé ya ōnaāxē rū name nixī i texé ya ngearū ōnaāxēmaā tangau i tūmaārū ōna —ñanagūrū.

¹² Rū Cuáūxūtawa naxī ta ga ñuxre ga yatūgū ga Dumaārū āēxgacūcēx dīeru ngīxū ideetanūxū. Rū nanaxwēxegū ga Cuáū na ínabaiūxēēxū. Rū Cuáūna nacagū, rū ñanagūrūgū: —Pa Ngūxēēruūx, ¿Tacū nixī i mexū na tanaxūxū i tomāx? —ñanagūrūgū.

¹³ Rū Cuáū rū ñanagūrū nūxū: —Tama name i āēxgacū pemaā nūxū ixuxūārū yexera penayauxgū i dīeru i duūxūgūxūtawa —ñanagūrū.

¹⁴ Rū ñuxre ga churaragū rū ta Cuáūna nacagūe, rū ñanagūrūgū: —¿Toma rū tacū nixī i mexū na tanaxūxū? —ñanagūrūgū. Rū nanangāxū ga Cuáū rū ñanagūrū: —Tama name i texéxū pexāxūneācūma tūmaārū ngēmaxūgū pepuxū. Rū tama name i tacū rū doraxū tūmachigaxū pixu na ngēmaācū tūmaārū ngēmaxūgū pepuxūxūcēx. Rū name nixī i ngēma dīeru i āēxgacū

pexũ ngĩmaã naxũtanũcũmaãtama petaãẽgũ rũ tama yexeracũcèx ípeca – ñanagũrũ.

15 Rũ yexguma ga duũxũgũ rũ poraãcũ ñnananguxẽẽgũ na paxa ñnanguxũ ga Tupana Nane ga Cristu. Rũ nagu narũxĩnũẽ ga na bexmana Cuãũ rũ Cristu yĩxũ.

16 Natũrũ ga Cuãũ rũ guxãxũ ñnanagũrũ: —Aixcũma i choma rũ dexáwamare pexũ íchabaiũxẽẽ, natũrũ tá ñnangu i to i Tupanaãrũ orearũ uruũ, rũ nũma tá pexna nananguxẽẽ i Tupanaãẽ i Üünexũ wũxi i ùxũemarũũ. Erũ nũma rũ poraãcũ choxũ narũyexera na ãẽxgacũ yĩxũ. Rũ choma rũ napẽxewa rũ taxuwama chame rũ bai i norũ chapatucunũãrũ wẽgũwa chame.

17 —Rũ nũma rũ marũ ñnamemare na ñoma i naãnewa yadexechiãxũcèx i norũ duũxũgũ ñoma wũxi ya yatũ trigu naãtũna idexechixũrũũ. Rũ ngẽmaãcũ tá nayadexechi i ngẽma noxrũ ixĩgũxũ na naxũ- tawa nangẽxmagũxũcèx, natũrũ ngẽma tama noxrũ ixĩgũxũ, rũ tá ñnangu nawa ya yima ùxũ ya taguma ixoxũne —ñnanagũrũ.

18 Rũ yema oremaã rũ muxũma ga to ga ucuxẽgũmaã, rũ Cuãũ duũxũgũmaã nũxũ nixu ga ore ga mexũ ga Ngechuchichiga.

19 Rũ Cuãũ rũ ãẽxgacũ ga Erodexũ nanga, yerũ ngĩmaã naxãmèx ga Erodía ga naẽneẽ ga Piripi namèx. Rũ nananga ta naxcèx ga yema togũ ga chixexũ ga naxũxũ.

20 Natũrũ ga Erode rũ tama Cuãũga naxĩnũ. Rũ yexeraxũ ga chixexũ naxũ, yerũ poxcupataũwa Cuãũxũ namu.

Ngechucharũ baiechiga

(Mt 3.13-17; Mr 1.9-11)

21 Rũ yexguma taxũta napoxcugu ga Cuãũ, rũ guxũ ga duũxũgũxũ ñnabaiũxẽẽxyane, rũ yexguma ta nixĩ ga Ngechuchuxũ ñnabaiexẽẽxũ. Rũ yexguma Ngechuchu íyumũxẽyane rũ ningena ga daxũguxũ ga naãne.

22 Rũ Tupanaãẽ i Üünexũ rũ wũxi ga muxtucurũũ ñnango rũ Ngechuchuna nangu. Rũ daxũwa ñnaxũ ga wũxi ga naga ga ñaxũ: —Cuma nixĩ, Pa Chaunex, i cuxũ changechaũxũchixũ rũ cumaã chataãẽxũ —ñaxũ.

Ngechuchu ya Cristu natanũwa ngóxũ ga duũxũgũchiga

(Mt 1.1-17)

23 Ngechuchu rũ 30 ga taunecũ nũxũ nayexma ga yexguma ñnaxũgũãgu na guxũwama duũxũgũmaã nũxũ yaxuxũ ga Tupanaarũ Ore. Rũ duũxũgũ nagu narũxĩnũẽ rũ Yũche nane nixĩ ga nũmax.

Rũ Yũche rũ Erí nane nixĩ.

24 Rũ Erí rũ Matáx nane nixĩ.

Rũ Matáx rũ Lebí nane nixĩ.

Rũ Lebí rũ Merequí nane nixĩ.

Rũ Merequí rũ Yana nane nixĩ.

Rũ Yana rũ Yũche nane nixĩ.

25 Rũ Yũche rũ Matatía nane nixĩ.

Rũ Matatía rũ Amó nane nixĩ.

Rũ Amó rũ Naũũ nane nixĩ.

Rũ Naũũ rũ Echi nane nixĩ.

Rũ Echi rũ Nagái nane nixĩ.

26 Rũ Nagái rũ Maãx nane nixĩ.

Rũ Maãx rũ Matatía nane nixĩ.

Rũ Matatía rũ Chemeí nane nixĩ.

Rũ Chemeí rũ Yuchéx nane nixĩ.

- Rü Yuchéx rü Yudá nane nixĩ.
 27 Rü Yudá rü Yuanáũ rü Récha nane nixĩ.
 Rü Yuanáũ rü Récha nane nixĩ.
 Rü Récha rü Chorobabé nane nixĩ.
 Rü Chorobabé rü Charatía nane nixĩ.
 Rü Charatía rü Nerí nane nixĩ.
 28 Rü Nerí rü Merequí nane nixĩ.
 Rü Merequí rü Adí nane nixĩ.
 Rü Adí rü Cocháũ rü Elmadáũ nane nixĩ.
 Rü Cocháũ rü Elmadáũ rü Erú nane nixĩ.
 29 Rü Erú rü Yochué nane nixĩ.
 Rü Yochué rü Erieché nane nixĩ.
 Rü Erieché rü Yoriũ rü Matáx nane nixĩ.
 Rü Yoriũ rü Matáx rü Lebí nane nixĩ.
 30 Rü Lebí rü Chimeũũ rü Yudá nane nixĩ.
 Rü Chimeũũ rü Yudá rü Yúche nane nixĩ.
 Rü Yúche rü Yonáũ rü Eriaquíũ nane nixĩ.
 31 Rü Eriaquíũ rü Meréa nane nixĩ.
 Rü Meréa rü Ména nane nixĩ.
 Rü Ména rü Matáta nane nixĩ.
 Rü Matáta rü Natáũ rü Dabí nane nixĩ.
 32 Rü Dabí rü Ichaxí nane nixĩ.
 Rü Ichaxí rü Obé nane nixĩ.
 Rü Obé rü Boó nane nixĩ.
 Rü Boó rü Cháru nane nixĩ.
 Rü Cháru rü Nachóũ nane nixĩ.
 33 Rü Nachóũ rü Aminadá nane nixĩ.
 Rü Aminadá rü Admíũ nane nixĩ.
 Rü Admíũ rü Arni nane nixĩ.
 Rü Arni rü Esróũ nane nixĩ.
 Rü Esróũ rü Fare nane nixĩ.
 Rü Fare rü Yudá nane nixĩ.
 34 Rü Yudá rü Acóbu nane nixĩ.
 Rü Acóbu rü Ichaá nane nixĩ.
 Rü Ichaá rü Abráũ nane nixĩ.
 Rü Abráũ rü Taré nane nixĩ.
 Rü Taré rü Nacúx nane nixĩ.
 35 Rü Nacúx rü Cherúx nane nixĩ.
 Rü Cherúx rü Ragáu nane nixĩ.
 Rü Ragáu rü Peréx nane nixĩ.
 Rü Peréx rü Ebéx nane nixĩ.
 Rü Ebéx rü Cháru nane nixĩ.
 36 Rü Cháru rü Caináũ nane nixĩ.
 Rü Caináũ rü Arpacháx nane nixĩ.
 Rü Arpachá rü Chéũ nane nixĩ.
 Rü Chéũ rü Noë nane nixĩ.
 Noë rü Laméx nane nixĩ.
 37 Rü Laméx rü Matucharéũ nane nixĩ.
 Rü Matucharéũ rü Enóx nane nixĩ.

Rü Enóx rü Yaréx nane nixī.
 Rü Yaréx rü Maararéx nane nixī.
 Rü Maararéx rü Caináũ nane nixī.

³⁸ Rü Caináũ rü Enóx nane nixī.
 Rü Enóx rü Chex nane nixī.
 Rü Chex rü Adáũ nane nixī.
 Rü Adáũ rü Tupana nane nixī.

4

Ngechuchuxũ naxũ ga Chataná *(Mt 4.1-11; Mr 1.12-13)*

¹ Ngechuchuxũtawa nayexma ga Tupanaãe i Üñexũ. Rü yexguma Yudaũchiüwa ínaxũãchigu ga Ngechuchu, rü Tupanaãe i Üñexũ rü dauxchitawa ga ngextá taxúema íxãpataxũwa nanaga.

² Rü yéma nayexma ga 40 ga ngunexũ. Rü ngoxo ga Chataná rü nüxũ naxũ. Rü yexguma yéma nayexmagu rü taguma nachibũ. Natürü ga yixcama rü nataiya.

³ Rü yexguma ga ngoxo ga Chataná rü ñanagürü nüxũ: —Ega aixcũma Tupana Nane quixĩgu, rü jdaa nutamaã nüxũ ixu na pãũxũ nanguxuchixũcèx! —ñanagürü ga Chataná.

⁴ Rü Ngechuchu nanangãxũ rü ñanagürü: —Tupanaãrũ ore i ümatüxũtwa rü ñanagürü:

“Tãütáma õnamaãxĩca namaxẽ i duũxũgũ, natürü guxũma i ore i Tupana nüxũ íxuxũ tá nixĩ i duũxũgũxũ maxẽxẽẽxũ”,
 ñanagürü.

⁵ Rü yexguma ga ngoxo ga Chataná rü wüxi ga mëxpũnechitaeruwa nanaga. Rü yéma paxaãchi nüxũ nüxũ nadauxẽẽ ga guxũma ga nachiũãnegũ ga ñoma ga naãnecũãx.

⁶ Rü Chataná rü ñanagürü nüxũ: —Guxũ i ñaã nachiũãnegũ i mexũ rü norü ngẽmaxũgũ rü chi cuxna chanaxã. Erü choxrü nixĩ i guxũma i ñaãgũ, rü tũxna chanaxã ya texé ya choma chorü me íxĩxẽ na tũxna na chanaxãxũ.

⁷ —Rü ngẽxguma chi chopẽxegu cucaxãpũxũgu rü choxũ quicuxũũgu rü cuxrũ chi nixĩ i guxũma i ñaã cuxũ chawéxũ —ñanagürü.

⁸ Natürü ga Ngechuchu rü nanangãxũ, rü ñanagürü: —jChoxna íxũgachi! Pa Chata- náx. Erü Tupanaãrũ ore i ümatüxũtwa rü ñanagürü:

“jNüxũ icuèxũũ ya Cori ya curü Tupana, rü yimaãxũxĩcatama napuracü!”
 ñanagürü.

⁹ Rü yexguma ga ngoxo ga Chataná rü Yerucharéũ ga ñãnewa nanaga. Rü tupaucaga taxũnetapẽxegu nanamunagũ. Rü ñanagürü nüxũ: —Ega aixcũma Tupana Nane quixĩgu, rü jnuã cugũ rũtae!

¹⁰ —Erü Tupanaãrũ ore i ümatüxũtwa rü ñanagürü:

“Tupana tá nanamu i norü orearü ngeruũgũ i daxũcũãx na cuxna nadaugũxũcèx.

¹¹ Rü naxmẽxmaã tá cuxũ niyaxugũ na tama tacü rü nutagu cunguxũcèx”,
 ñanagürü.

¹² Rü Ngechuchu nanangãxũ rü ñanagürü: —Tupanaãrũ ore i ümatüxũtwa rü ñanagürü ta:

“jTama name i nüxũ na cuxũxũ ya Cori ya curü Tupana!”,
 ñanagürü.

13 Rū yexguma marū taxucürüwama Ngechuchuxū naxūxgu, rü nüma ga Chataná rü nüxna niña ñuxmata nüxū iyangau na ñuxacū wena nüxū na naxūxū.

Ngechuchu rü Gariréanewa inanaxügü ga norü puracü

(Mt 4.12-17; Mr 1.14-15)

14 Rū Ngechuchu rü Gariréanecèx nataegu. Rū Tupanaãe i Üünexū rü naxūtawa nayexma rü poraãcū nanaporaxëe. Rū ga duñxügü rü nachiga nidexagü ga guxū ga yema nañnewa.

15 Rū wüxichigü ga ñäneärü ngutaquëxepataügüwa rü nanguxëetae. Rū guxūma ga duñxügü rü nüxū nicuëxütügü.

Nacharétuwa nayexma ga Ngechuchu

(Mt 13.53-58; Mr 6.1-6)

16 Rū Nacharétuwa naxū ga Ngechuchu. Rū guma nixi ga ñäne ga nanatügü nawa nayaxëgüne. Rū ngüxchigaarü ngunexügu rü ngutaquëxepataügu naxücu, yerü yema nixi ga nacüma ga guxū ga ngüxchigaarü ngunexügu. Rū yéma inachi rü duñxügücèx nüxū nadaumatü ga Tupanaärü ore ga ümatüxū.

17 Rū nüxna nanaxägü ga popera ga Tupanaärü orearü uruü ga Ichaxía ümatüxū. Rū yexguma yangenaätüägu, rü nüxū inayangau ga ngextá ñaxümatüxüwa ga ore ga ñaxū:

18 “Cori ya Tupanaãe rü chauxütawa nangëxma. Rū nüma rü choxū naxuneta na nüxū chixuxücèx i ore i mexü namaã i ngëma duñxügü i ngearü ngëmaxüãxgüxū. Rū choxū namu na ngëma duñxügü i pecadutuüwa ngëxmagüxümaã nüxū na chixuxücèx rü tá na ñanguxüxū. Rū choxū namu na chayadauchixetüxëëgüxücèx i ngëma ingexetügüxū rü na íchananguxüxëxücèx i ngëma duñxügü i togümëxëwa ngëxmagüxū.

19 Rū nüma choxū namu na duñxügümaã nüxū chixuxücèx na Tupana nüxū rüngüxëëchaüxū i ngëma nüxū yaxögüxū”, ñanagürü ga yema ore.

20 Rū yexguma ga Ngechuchu rü nügüna nananuxächiatü ga popera. Rū ngutaquëxepataüarü dauruña nanaxã rü ñuxüchi ñarüto. Natürü guxūma ga yema ngutaquëxepataüwa yexmagüxū ga duñxügü rü nüxū narüdaunüëcha.

21 Rū yexguma ga Ngechuchu rü inanaxügü ga na yadexaxū, rü ñanagürü: —Ñuxmatama nixi i pepëxewa Tupana yanguxëëxū i ñaã ore ga Ichaxía ümatüxū —ñanagürü.

22 Rū guxūma ga duñxügü rü meã Ngechuchhiga nidexagü. Rū nañaxächiaëgü namaã ga yema ore ga mexü ga namaã nüxū yaxuxū. Natürü tama aixcüma nayaxögüchaü. Rū yemacèx nügüna nacagü rü ñanagürügü: —¿Taux ëxna daa yiixü ya Yúche nane? —ñanagürügü.

23 Rū Ngechuchu rü ñanagürü nüxū: —Choma nüxū chacuèx rü tá chomaã penaxuxuchi i ngëma ore i ñaxū:

“Pa Duturux ¡Cugütama rümexëë!” ñaxū. Rū ëxna tá choxū ñaperügügü:

“Yema mexü ga taxü ga nüxū taxüñüexü ga Tupanaärü poramaã cuxüxü ga Capernáüwa, rü tanaxwëxe i nuã curü ñanewa rü ta na cunaxüxū”, ñaperügügü tá.

24 Rū nayadaxëë ga Ngechuchu na yadexaxū rü ñanagürü: —Aixcüma pemaã nüxū chixu rü guxūma i Tupanaärü orearü uruü, rü norü ñanewatama i duñxügü rü tama meã nanayauxgü.

25 —Rü aixcüma pemaã nüxū chixu rü Iraéanewa rü nayexma ga muxüchixüma ga ngexügü ga iyutegüxū ga yexguma Eria mañxgu. Rū

yexguma nixĩ ga tomaẽxpũx ga taunecũarũ ngãxũ rũ taguma napuxũ, rũ poraãcũ nangũxũ ga taiya ga guxũ ga ñaa nachixũanewa.

26 –Natürũ ga Tupana rũ tama wũxi ga Iraéanecũãx ga yutecũxõtawa Eriaxũ namu. Natürũ ngĩxõtawa nanamu ga yema yutecũ ga Charépacũãx ga Chidãũarũ ñãnearũ ngaicamagu achiũcũ.

27 –Rũ yexguma namaũxgu ga Erichéu, rũ Iraéanewa nayexmagũ ta ga muxũma ga duũxũgũ ga chaxũnemaã idaaweexũ. Natürũ taxuũma ga yema idaaweexũ ga Iraéanewa yexmagũxũ rũ naxcèx nitaaneẽ. Rũ Namáũ ga Chiríaanecũãxicatama nixĩ ga guma naxcèx yataaneecũ –ñanagũrũ ga Ngechuchu.

28 Rũ yexguma yema orexũ naxĩnũẽgu, rũ guxũma ga yema duũxũgũ ga guma ngutaquẽxepataũwa yexmagũxũ rũ poraãcũ naxcèx nanuẽ.

29 Rũ inachigũ ga duũxũgũ rũ Ngechuchuxũ ínátèxũchigũ ga guma ñãnewa. Rũ guma mèxpũne ga guma ñãne nawa yexmanechitaeruwã nanagagũ na yéma yanataegũãxũcèx.

30 Natürũ ga Ngechuchu rũ norũ ngãxũtanũwa ínaxũxũãma, rũ ínixũ.

*Wũxi ga yatũ ga ngoxo nawa yexmaxũchiga
(Mr 1.21-28)*

31 Rũ yexguma ga Ngechuchu rũ Gariréaanearũ ñãne ga Capernáũwa naxũ. Rũ ngũxchigaarũ ngunexũgu yéma duũxũgũxũ nangũxèẽ.

32 Rũ duũxũgũ rũ nããaixãchiãẽgũ namaã ga norũ ngũxèẽtae, yerũ Tupanaarũ poramaã nidexã.

33 Rũ guma ngutaquẽxepataũwa nayexma ga wũxi ga yatũ ga ngoxo nawa yexmaxũ. Rũ aita yéma naxũ, rũ ñanagũrũ:

34 –¡Toxna ixũgachi! ¿Tũxcũũ totanũwa cuxũ, Pa Ngechuchux, Pa Nacharétucũãx? ¿Nuã cuxũ na toxũ cudèjũcèx? Choma cuxũ chacuèx na Tupana Nane ya Ñũnecũ na quiĩxũ –ñanagũrũ.

35 Rũ Ngechuchu nananga ga yema ngoxo rũ ñanagũrũ: –¡lyarũngeèx rũ ínaxũxũ nawa ya yima yatũ! –ñanagũrũ. Rũ yexguma ga yema ngoxo rũ duũxũgũpèxegu nayanguxèẽ ga guma yatũ, rũ nawa ínaxũxũ. Natürũ tama nanapĩxèẽ.

36 Rũ guxũma ga duũxũgũ rũ nããaixãchiãẽgũ. Rũ nũgũmũcũgũmaãchigũ nachiga nidexagũ, rũ ñanagũrũgũ: –¿Tacũ rũ ore nixĩ i ngẽma? Erũ ñãã yatũ rũ aixcũma ngẽma ngoxogũmaã inacuèx rũ poraãcũ nanamu. Rũ nũmagũ rũ naga naxĩnũe, rũ ínachoxũ –ñanagũrũgũ.

37 Rũ guxũwama ga yema naãnewa rũ Ngechuchuchigaxũ nixugũe ga duũxũgũ.

*Ngechuchu rũ Chimáũ ga Pedru nèxècèx nayataanexèẽ
(Mt 8.14-15; Mr 1.29-31)*

38 Rũ guma ngutaquẽxepataũwa ínaxũxũ ga Ngechuchu rũ Chimáũpatawa naxũ. Rũ Chimáũ nèxè rũ poraãcũ iyaxaxũne. Rũ Ngechuchuna nacagũe ga ngĩxcèx na yataanexèẽãxũcèx.

39 Rũ nũma rũ ngĩxõttagu nayachi rũ narũmèxãchi rũ nananga ga yema axũne. Rũ yexgumatama igèuxãchi ga na yaxaxũnexũ. Rũ yexgumatama ñirũda, rũ naxcèx inamexèẽ ga õna.

*Ngechuchu rũ muxũma ga idaaweexũcèx nayataanexèẽ
(Mt 8.16-17; Mr 1.32-34)*

⁴⁰ Rū yexguma marū yanaxūcuchaŕgu ga üèxcū, rū Ngechuchuxūtawa nanagagū ga guxūma ga duūxūgū ga nagūxūraūxū ga daaweanemaā idaaweexū. Rū ga Ngechuchu rū wūxichigū ga yema duūxūgūxū ningōgū, rū yemaācū naxcèx nayataanexēèchigū.

⁴¹ Rū nanameèxēē ga muxūma ga duūxūgū ga idaaweexū ga ngoxo nawa yexmagūxū. Rū yema ngoxogū rū aita naxūe, rū űanagūrūgū: —Cuma nixī i Tupana Nane quiūxū —űanagūrūgū. Natūrū ga Ngechuchu rū nayangagū ga yema ngoxogū. Rū nūxna nanachuxu ga na yadexagūxū, yerū yema ngoxogū rū nūxū nacūèxgū na Cristu yiūxū.

*Ngechuchu rū nanaxunagū ga ore ga mexū ga ngutaquèxepataūwachigū
(Mr 1.35-39)*

⁴² Rū yexguma noxri yangóonegu rū yema űānewa ínaxūxū ga Ngechuchu. Rū wūxi ga nachica ga taxūema íxāpataxūwa naxū. Natūrū ga duūxūgū rū naxcèx nadaugū rū dūxwa naxūtawa nangugū. Rū nūxū nacèèxūgū ga tama na ínaxūxūxūcèx ga yema norū naānewa.

⁴³ Natūrū ga Ngechuchu rū űanagūrū nūxū: —Taxucūrūwama petanūgu charūxāūēcha erū chanaxwèxe na náigū ya űānegūwa ngèxmagūxū i duūxūgūmaā rū ta nūxū chixuxū na űuxācū āèxgacū yiūxū ya Tupana. Erū woetama ngēmacèx nūma choxū namu —űanagūrū.

⁴⁴ Rū yemaācū Ngechuchu nūxū nixuchigū ga ore ga ngutaquèxepataūgūwachigū ga guxūma ga Gariréaanewa.

5

*Muxūma ga choxni na ínayauxūxūchiga
(Mt 4.18-22; Mr 1.16-20)*

¹ Rū wūxicana ga yexguma naxtaxa ga Yenecharétuanacūwa nayexmagu ga Ngechuchu, rū muxūma ga duūxūgū rū naxūtawa nangugū. Rū dūxwa yéma nayaxāūtūgū, yerū nūxū naxīnūēchaū ga Tupanaārū ore.

² Rū Ngechuchu yéma nūxū nadau ga taxre ga ngue ga ingeācune. Rū guma nguegū rū naxnecūpechinūwa nanadagū, yerū ga pūchaetanūxū rū nūxna yéma ínachoū, yerū norū pūcha niyauxgū.

³ Rū wūxi ga guma nguegu nixūe ga Ngechuchu. Rū guma ngue rū Chimáūrū nixī. Rū Chimáūna naca ga naxnecūpechinūārū ngāxūtūwaxūra na nangeaxūcèx. Rū guma nguewa narūto ga Ngechuchu. Rū yéma ínanaxūgū ga duūxūgūxū na nangūexēèxū.

⁴ Rū yexguma yagūegagu ga Ngechuchu ga na yadexaxū, rū Chimáūxū űanagūrū: —jyéa ínamátamaxūwa namaā naxā ya daa ngue. Rū ngēma penatāe i perū pūcha na choxnita piyauxgūxūcèx! —űanagūrū.

⁵ Rū Chimáū nanangāxū, rū űanagūrū nūxū: —Pa Ngúexēēruūx, ngewèx rū guxū i chūtaxū rū tapūchae, natūrū taxuūma i choxni tiyaxu. Natūrū űuxma na choxū cumuxū rū wena táxarū íchanatāe i chorū pūcha —űanagūrū.

⁶ Rū yexguma ínatāegūāgu ga norū pūcha, rū muxūma ga choxni ínayauxū. Rū dūxwa narūgāuxchaū ga norū pūcha yerū namuxūchi ga choxni.

⁷ Rū naxmèxmaā náí ga nguewa yexmagūxū ga natanūxūgūcèx nacagū na nūxū yanangūxēègūxūcèx. Rū yéma naxī ga yema natanūxūgū ga naxcèx nacagūxū. Rū nanaxūācugū ga guma taxre ga ngue rū wixgutaèx ínangutaūgū yerū namuxūchi ga choxni.

8 Rū yexguma yemaxū nadèuxgu ga Chimáú ga Pedru, rú Ngechuchupèxegu nayacaxápūxū, rú ñanagürü nüxū: —¡Choxna ixūgachi! Pa Corix. Erū choma rú wūxi i duūxū i pecaduāxū chixi —ñanagürü.

9 Rū yema ñanagürü ga Chimáú yerü nūma rú guxūma ga natanūxūgū rú namaā nabaixāchiāēgū ga yema muxūma ga choxni na inayauxūxū.

10 Rū nabaixāchiāēgū ta ga Chimáúmücügū ga Chaūtiāgu rú Cuáū ga Zebedéu nanegū. Natürü Ngechuchu rú Chimáúxū ñanagürü: —¡Tāxū i cumūxū! Erū ñuxmacürüwa rú tá choxū cupuracū na chauxūtawa cunagūxūcèx i duūxūgū —ñanagürü.

11 Rū yexguma naxānacürüwa namaā nangugūga ga naweūgū, rú yéma nana-wogū ga norū guxūma rú Ngechuchuwe narūxū.

Ngechuchu rú wūxi ga rüchaxūnèxūcèx nayataanexēē
(Mt 8.1-4; Mr 1.40-45)

12 Rū yexguma wūxi ga yéma yexmagūne ga ñānèwa nayexmagu ga Ngechuchu, rú yéma naxūtawa nangu ga wūxi ga yatū ga chaxūnèmaā idaawexū. Rū yexguma Ngechuchuxū nadèuxgu rú napèxegu naya-caxápūxū rú yexma nanangūcuchi. Rū Ngechuchuxū nacèxū, rú ñanagürü: —Pa Corix, ngèxguma cuma cunaxwèxegu, rú cuxū natauxcha na choxū curūmèxèxū nawa i chorū ñaawe —ñanagürü.

13 Rū yexguma ga Ngechuchu rú nüxū ningōgū, rú ñanagürü nüxū: —Ngū, chanaxwèxe. ¡Rūme! —ñanagürü. Rū yexguma yema ñaxgu ga Ngechuchu, rú naxcèx nitaane ga yema yatū ga chaxūnèxū.

14 Rū Ngechuchu nanaxucuxè rú ñanagürü nüxū: —¡Düçèx, taxúemaātáma nüxū quixu, natürü paixū cugū yadauxèē na curūmèxū rú yanguxèē i ngèma Tupana Moīchéwa nüxū ixuxū na duūxūgū nüxū cuāxūcèx na marū curūmèxū nawa i curū ñaawe! —ñanagürü.

15 Natürü ga Ngechuchuchiga rú guxūwama ninguchigūama. Rū muxūma ga duūxūgū rú naxcèx naxītaquèxegū na norū orexū naxīnèxūcèx, rú naxcèx na yataanèxèēxūcèx ga norū ñaawegūwa.

16 Natürü Ngechuchu rú ñuxguacū rú ngextá taxúema íxāpataxūwa naxūxū. Rū yéma nayayumūxèxū.

Ngechuchu rú wūxi ga yatū ga nawāixāchicūcèx nayataanexēē
(Mt 9.1-8; Mr 2.1-12)

17 Rū wūxi ga ngunexū Ngechuchu ínguxèētaeyane, rú yéma narütogū ga ñuxre ga Parichéugū rú ñuxre ga ngúxèēruūgū ga Moīchéarū mugūmaā nguxèētaegūxū ga guxū ga Gariréaaneārū ñānèxācūgūwa ne íxū, rú Yudéaanewa ne íxū, rú Yerucharéūwa ne íxū. Rū Tupana rú poraācū Ngechuchuwa inawèx ga norū pora rú muxūma ga ñaaweexū narūmèxèē.

18 Rū Ngechuchuxūtawa nangugū ga ñuxre ga yatūgū, rú naxcèx yéma nanangetaūgū ga wūxi ga yatū ga nawāixāchicū. Rū ípatagu nanangecuchi-taūgūchaū na Ngechuchupèxegu yaxūtaūgūāxūcèx.

19 Natürü taxuacūma yexma nanangecuchitaūgūēga, yerü namuxūchi ga duūxūgū. Rū yemacèx ñācèxwèxgu naxīgū. Rū meāma Ngechuchu iyexmaxūetūwa inānapogūāxūgū ga guma ípata. Rū yéma duūxūgūtanūwa Ngechuchupèxewa inānaçūxūetāgū ga guma nawāixāchicū.

20 Rū yexguma Ngechuchu nüxū dèuxgu ga na nüxū yaxōgūāxū ga yema yatūgū, rú ñanagürü guma nawāixāchicūxū: —Pa Chaunex, marū cuxū nüxū changechaū i curū pecadugū —ñanagürü.

21 Natürü yema ngúexêeruüügü ga Moïchéarü mugüarü nguxêêtaeruüügü rü Parichéugü, rü nagu narüxñüë, rü nügüãëwa ñanagürügü: —¿Täcü nixi i ñãã yatü ecêx Tupanamaã chixexü yaxugüxü? Erü taxüema pora tüxü nangêxma na duüxügüaxü pecaduxü tangechaüxü. Rü Tupanaxicatama nixi ya nüxü nangêxmacü i ngêma pora —ñanagürügü naãëwa.

22 Natürü ga Ngechuchu rü nüxü nacüex ga tacügu na ínaxñüëxü. Rü yemacêx ñanagürü nüxü: —¿Tüxcüü ngê-magu perüxñüë i pemax?

23 —¿Täcü nixi irütauxchamaêxü na namaã nüxü ixuxü ya daa yatü ya nawãixächicü:

“Curü pecadugü rü marü cuxü nüxü changechaü”, rü êxna:

“¡Inachi rü íxü!” ñágüxü nüxü?

24 —Natürü ñuxma rü tá pexü nüxü chadauxêë na Chaunatü núma choxü muxü na duüxügüaxü nüxü changechaüxücêx i norü pecadugü —ñanagürü. Rü yexguma yema ñaxguwena rü guma nawãixächicüxü ñanagürü: —Cumaã nüxü chixu rü jinachi, rü nayaxu i curü carü, rü cupatawa naxü! —ñanagürü.

25 Rü yexgumatama guxü ga duüxügüpêxewa inachi ga guma nawãixächicü. Rü nanayaxu ga norü carü ga nagu nacaxü. Rü Tupanaxü yacüxüüchigüácüma napatawa naxü.

26 Rü guxüma ga duüxügü rü nabaixächiaêgü. Rü Tupanaxü nicüxüüügü. Rü poraãcü namuüêäcüma ñanagürügü: —Ñuxma rü nüxü tadaugü i ñuxre i Tupanaärü puracügü i aixcüma mexêchixügü —ñanagürügü.

Lebícêx naca ga Ngechuchu
(Mt 9.9-13; Mr 2.13-17)

27 Rü yemawena ga Ngechuchu rü ínaxüxü ga guma ñwa. Rü wüxi ga yatü ga Dumaärü ãêxgacücêx diêru ngixü ideetanüxüxütawa naxüpetü. Rü guma yatü rü Lebí nixi ga naega. Rü yéma diêru ngixü ínadexüwa narüto. Rü Ngechuchu rü ñanagürü nüxü: —¿Chowe rüxü! —ñanagürü.

28 Rü inachi ga Lebí, rü yéma nanatêx ga norü guxüma, rü Ngechuchuwe narüxü.

29 Rü yixcama ga Lebí rü Ngechuchucêx napatawa wüxi ga taxü ga ñna naxü. Rü muxüma ga yatügü ga Lebírüü diêruarü degüwa puracüxü, rü muxüma ga togü ga duüxügü rü ta yéma mechawa narütogü.

30 Natürü ga yema Parichéugü rü ngúexêeruüügü ga Moïchéarü mugüarü nguxêêtaeruüügü, rü inanaxügüë na Ngechuchuarü ngúexügüchigagu chixri yadexagüxü. Rü ñanagürügü: —¿Tüxcüü wüxiwa pechibüë rü namaã pexaxegü i ngêma yatügü i Dumaärü ãêxgacücêx diêru ngixü dexü rü ngêma pecaduãxgüxü? —ñanagürügü.

31 Rü Ngechuchu nanangãxü, rü ñanagürü nüxü: —Ngêma poraexü rü taxücxma duturu nanaxwêxegü, natürü ngêma idaaweexü nixi i duturu naxwêxegüxü.

32 —Choma rü tama mexügüna na chaxuxücêx nixi i núma chaxüxü, natürü pecaduãxgüxüna na chaxuxücêx nixi i núma chaxüxü na ngêmaãcü nüxü naxoexücêx i nacümagü i chixexügü rü Tupanawe naxixü —ñanagürü.

Ngechuchuna nacagüë ga aurechiga
(Mt 9.14-17; Mr 2.18-22)

33 Rü yexguma Ngechuchuna nacagüë ga duüxügü, rü ñanagürügü: —Cuáü ya baiüxêëruüärü ngúexügü rü Parichéugüarü ngúexügü rü nayumüxêgüëcha, rü muêxpüxcüna rü naxauree rü tama nachibüë erü

Tupanagu narüxĩnũe. Natürü i curü ngúexũgũ, rü guxũguma nachibũe rü naxaxegũmare —ñanagürũgũ.

³⁴ Natürü ga Ngechuchu rü nanangãxũ, rü wũxi ga ore ga nũgũchigaxũtama namaã nixu, rü ñanagürü: —¿Éxna wũxi i ngĩgũarũ petawa rü pexcèx namexũ na penaxaurexèẽxũ i ngẽma nũxna naxugũxũ ega natanũwa nangẽxmagu i ngẽma yatũ i ngexwacèx ãmaxũ? Rũ tama nixĩ.

³⁵ —Natürü wũxi i ngunexũ rü ngẽma yatũ i ngexwacèx ãmaxũ, rü tá namũcũgũna nixũgachi. Rũ ngẽma ngunexũgu tá nixĩ i aixcũma naxaureexũ i namũcũgũ —ñanagürü.

³⁶ Rũ yexguma ga Ngechuchu rü namaã nũxũ nixu ga wũxi ga ore ga yema duũxũgũcũma ga nuxcũmaũxũchiga rü noxrũtama nguxèẽtae i ngexwacaxũxũchiga. Rũ ñanagürü: —Taxũema wũxi i ngexwacaxũxũ i naxchiruta tiyo na namaã tanapaitaxũcèx i wũxi i naxchiru i marũ ngauxũ. Erũ ngẽxguma ngẽmaãcũ tanaxũxgu rü tanachixexèẽ i ngẽma naxchiru i ngexwacaxũxũ. Rũ ñuxũchi ngẽma natũchi i ngexwacaxũxũ rü tama nũxũ nayatãxũxũ i ngẽma naxchiru i marũ ngauxũ.

³⁷ —Rũ ngẽxgumarũ ta rü taxũema ngexwacaxũcũ ya binu rü nagu tayabacuchi i wũxi i naxchiũ i marũ ngauxũ i naxchẽxmũnaxcèx. Erũ ngẽxguma ngẽmaãcũ naxũxgu rü yima binu ya ngexwacaxũcũ rü tá narũngu, rü tá nayawãixèẽ i ngẽma naxchiũ i ngauxũ i naxchẽxmũnaxcèx. Rũ ngẽxma tá nayarũtaxu ya binu rü ngẽma naxchiũ rü ta.

³⁸ —Rũ ngẽmacèx tanaxwèxe na yima ngexwacaxũcũ ya binu rü ngexwacaxũxũ i naxchiũgu yabacuchixũ. Rũ ngẽmaãcũ rü taxuũtãma inayarũtaxu.

³⁹ —Rũ taxũema ya texé ya tũmamaã yaxũxe na ngũchiacũ ya binu tayaxaxũxũ rü tũxũ nangũchaũ na tayaxaxũxũ ya binu ya ngexwacaxũcũ ya maicracũ. Rũ ngẽxgumarũ ta nixĩ i ngẽma duũxũgũ i marũ namaã yaxũxũ i nuxcũmaũxũ i nacũma i chixexũ rü tama nanayauxgũchaũ i ngẽma mexũ i nguxèẽtae i ngexwacaxũxũ —ñanagürü ga Ngechuchu.

6

Ngechucharũ ngúexũgũ rü trigu nicãũtanũ ga ngũxchigarũ ngunexũgu (Mt 12.1-8; Mr 2.23-28)

¹ Rũ wũxi ga ngũxchigarũ ngunexũgu rü Ngechuchu rü norũ ngúexũgũmaã trigunecũwa nachopetũ. Rũ norũ ngúexũgũ rü inaxĩacũma yoxocũne trigu nicãũtanũ. Rũ naxmèxmaã nanadaxi ga trigu rü nayangõetanũ.

² Rũ ñuxre ga Parichègũ rü yema ngúexũgũna nacagũ, rü ñanagürũgũ: —¿Tũxcũũ ngũxchigarũ ngunexũgu penabuxu i trigu? Erũ ngũxchigarũ ngunexũgu rü nachuxu na texé puracũxũ —ñanagürũgũ.

³ Rũ Ngechuchu nanangãxũ, rü ñanagürü: —¿Taguma èxna poperawa nũxũ pedau ga řacũ na naxũxũ ga nuxcũmaũcũ ga ãẽxgacũ ga Dabĩ ga yexguma nataiyagu ga nũma rü natanũxũgũ?

⁴ —Rũ Tupanapatagu naxũcu rü nũxũ nadau ga yema pãũ ga uũnexũ ga yexma nuxũ. Rũ yema pãũ rü nachuxu ga ngexerũxemare na nangõxũ, rü paigũcèxicatama nixĩ. Natürü Dabĩ nanayaxu ga yema pãũ rü nanangõx, rü natanũxũmaã rü ta nangau —ñanagürü.

⁵ Rũ ñanagürü ta ga Ngechuchu: —Tupana Nane ya duũxũxũ ixĩcũ rü namaã inacuxè i ngũxchigarũ ngunexũ —ñanagürü.

*Wüxi ga yatü ga yumécüchiga**(Mt 12.9-14; Mr 3.1-6)*

⁶ Rû to ga ngüxchigaarü ngunexügu rû Ngechuchu rû ngutaquëxepataügu naxücu. Rû inanaxügu ga na nangüxëëtaexü. Rû yéma nayexma ga wüxi ga yatü ga norü tügünewa yumécü.

⁷ Rû yema ngüxëëruügu ga Moïchéarü mugüwa ngüxëëtaegüxü rû Parichéugü, rû Ngechuchuxü nangugügu ngoxita ngüxchigaarü ngunexügu guma yumécüxü namexëë, yerü naxcëx nadaugü ga ñuxácü norü äëxgacügüxütawa na ínaxuaxüguäxü.

⁸ Natürü nüma ga Ngechuchu rû nüxü nacüx ga yema naäëwa nagu naxínüëxü ga yema yatügu. Rû yemacëx guma yumécüxü ñanagürü: —Írûda rû nüxä ngäxütanügu yachi! —ñanagürü. Rû guma yumécü rû inachi rû norü ngäxütanügu nayachi.

⁹ Rû yexguma ga Ngechuchu rû nüxna naca ga yema Parichéugü rû yema mugüwa ngüxëëtaegüxü, rû ñanagürü nüxü: —¿tacü nixí i ngema mexü ixüxü i ngüxchigaarü ngunexügu? ¿Rû ngema mexü rû ëxna chixexü? ¿Rû namexü i na namaxëëxü rû ëxna yamáxü? —ñanagürü.

¹⁰ Rû yexguma Ngechuchu nüxü nidaugüächi ga yema duüxügu ga yéma yexmagüxü. Rû guma yumécüxü ñanagürü: —Íyanawëxächixëë ya cuxmëx! —ñanagürü. Rû guma yatü rû nügü inayarüwëxächimëxëë, rû narümemëx.

¹¹ Natürü yema Parichéugü rû ngüxëëruügu ga Moïchéarü mugüwa ngüxëëtaegüxü, rû poraäcü nanuë. Rû nügü nixucuxëgü na ñuxácü tá Ngechuchuxü na yamëxgüxü.

*Ngechuchu nanade ga 12 ga norü ngüxügu na tóxnamana namugüäxüçëx**(Mt 10.1-4; Mr 3.13-19)*

¹² Rû yexguma ga Ngechuchu rû dauxchitawa, wüxi ga mëxpünewa naxü na yéma yayumüxëxüçëx. Rû guxü ga yema chütaxügu rû yéma nayumüxë.

¹³ Rû yexguma yangóonegu, rû Ngechuchu norü ngüxüguçëx naca. Rû natanüwa nayadexechi ga 12. Rû yema nixí ga yatügu ga Ngechuchu nüxü unetagüxü na tóxnamana nangegüäxüçëx ga norü ore.

¹⁴ Rû yema yatügu ga nadexü rû Chimáu ga Pedrugu nanaxüéga nixí ga wüxi. Rû to nixí ga Aüdré ga Chimáu naëneë, rû Chaütiägu rû Cuáü, rû Piripi, rû Baturumé,

¹⁵ rû Mateu, rû Tumachi, rû Chaütiägu ga Arupéu nane rû Chimáu ga iporaäëcüücü,

¹⁶ rû Yuda ga Chaütiägueneë, rû Yuda Icaríute ga yixcama Ngechuchuxü íxuaxüxü naëchita.

*Ngechuchu rû muxüma ga duüxüguxü nangüxëë**(Mt 4.23-25)*

¹⁷ Rû Ngechuchu rû yema yatügu ga nadexümaä ínarüxügu nawa ga guma mëxpüne. Rû wüxi ga nachica ga ínametachinüänexüwa nayachaxächitanü. Rû yéma nayexmagü ga muxüma ga duüxügu ga guxü ga Yudéaanewa ne íxü, rû Yerucharéüwa ne íxü, rû taxtü ga taxüänacüwa ga Chidäüwa rû Tiruwa ne íxü. Rû yéma naxí yerü Ngechuchuxü naxínüëchaü, rû nanaxwëxëgü ga Ngechuchu na nameëxëëxü ga norü daawegüwa.

¹⁸ Rû yema duüxügu ga chixexü ga naäë nawa yexmagüxü rû ta naxcëx nitaanegü.

¹⁹ Rû guxüma ga duüxügu rû Ngechuchuxü ningögügüchaü, yerü norü poramaä nanameëxëë.

*Duũxũgũ i taãẽgũxũchiga rũ duũxũgũ i ngechaũgũxũchiga
(Mt 5.1-12)*

²⁰ Rũ yexguma Ngechuchu rũ norũ ngũexũgũxũ nadawenũ, rũ ñanagũrũ nũxũ: — ¡Petaãẽgũ i pema ya ingearũ ngẽmaxũãxgũxe! Rũ Tupana ãẽxgacũ ñĩxũwa rũ pema rũ tá ta pexãchica.

²¹ —¡Rũ petaãẽgũ i pema i ñuxma taiyaexe! ¡Rũ tá meãma pingãxcharaũgũ! ¡Rũ petaãẽgũ i pema i ñuxma auxexe! Rũ yixcama rũ tá pecugũe.

²² —¡Rũ petaãẽgũ i pema i ngẽxguma duũxũgũ pexchi aiegu, rũ pexũ ñawoũxgu, rũ ñacũ pemaã yaxugũegu, rũ chaugagu chixri pechiga yadexagũgu!

²³ —Rũ ngẽxguma ngẽma pexũ ùpetũgu, rũ ¡petaãẽgũama rũ tama pexoe-gaãẽgũ! Erũ daxũgũxũ i naãnewa rũ tá penayauxgũ i wũxi i perũ ãmare i mexẽchixũ. Rũ dũcax, ñaã duũxũgũ i ñuxma pexchi aiexũãrũ oxigũ rũ yexgumarũũ ta nixĩ ga naxchi na naxaixũ ga nuxcũmaũgũxũ ga Tupanaãrũ orearũ uruũgũ.

²⁴ —Natũrũ wũxi i ngechaũ tá nixĩ i pexcẽx i pema ya muãrũ ngẽmaxũãxgũxe erũ núma ñoma i naãnewa rũ marũ petaãẽgũ.

²⁵ —Rũ wũxi i ngechaũ tá nixĩ i pexcẽx i pema ya marũ ingaxcharaũgũxe erũ tá petaiyae. Rũ wũxi i ngechaũ tá nixĩ i pexcẽx i pema i ñuxma marũ cugũexe, erũ yixcama rũ perũ ngechaũmaã tá pexauxe.

²⁶ —Rũ wũxi i ngechaũ tá nixĩ i pexcẽx i ngẽxguma guxũma i duũxũgũ pexũ icuexũũgũgu. Erũ ngẽma duũxũgũ i ñuxma pexũ icuexũũgũxũãrũ oxigũ rũ yexgumarũũ nũxũ nicuexũũgũ ga nuxcũmaũgũxũ ga orearũ uruũgũneta.

*Name nixĩ i nũxũ tangechaũ i ngẽma tamaã rũxuwãũgũxũ
(Mt 5.38-48, 7.12)*

²⁷ —Natũrũ pema i ñuxma na choxũ pexĩnũexũ rũ pemaã nũxũ chixu rũ: — ¡Nũxũ pengechaũ i ngema pemaã rũxuwãũgũxũ! ¡Rũ meã nũxũ perũngũxẽxẽ i ngẽma pexchi aixũ!

²⁸ —¡Rũ meã nachiga pidexagũ rũ naxcẽx ¡peca i Tupanaãrũ ngũxẽẽ naxcẽx i ngẽma pemaã guxchigagũxũ! ¡Rũ naxcẽx peyumũxẽgũ i ngẽma chixri pechigamaã idexagũxũ!

²⁹ —Rũ ngẽxguma texé cumaã nuxgu rũ cuxũ tapechiwegu rũ name nixĩ i tama cuxũtanũ ega woo curũ tochiwewa rũ ta cuxũ tapechiwegu. Rũ ngẽxguma texé cuxũ naparũ gãuxũchiruãxgu, rũ name nixĩ i tũxũ cungechaũãma ega woo curũ daxũ rũ ta cuxna tanapuxgu.

³⁰ —¡Rũ tũxna naxã ya texé ya curũ ngẽmaxũcẽx ¡caxe! Rũ ngẽxguma texé curũ ngẽmaxũ cuxna napuxgu, rũ tama name i naxcẽx cungema.

³¹ —Rũ ngẽma mexũ i pema penaxwẽxexũ na togũ pemaã naxũxũ, rũ name nixĩ i pema rũ ta ngẽmaãcũ mexũ namaã pexũ.

³² —Rũ ngẽxguma pema rũ ngẽma duũxũgũ i pexũ ngechaũxũxũĩcatama pengechaũgu, rũ ¿ñacũwa namexũ i ngẽma? Erũ ngẽma duũxũgũ i tama yaxõgũxũ rũ ngẽmaãcũ nanaxũgũ.

³³ —Rũ ngẽxguma ngẽma duũxũgũ i cuxũ rũngũxẽẽxũxũĩcatama curũngũxẽẽgu, rũ ¿ñacũwa namexũ i ngẽma? Erũ ngẽma duũxũgũ i tama yaxõgũxũ rũ ngẽmaãcũ nanaxũgũ.

³⁴ —Rũ ngẽxguma ngẽma duũxũgũ i ixããrũ dũerũãxũnaxĩcatama cunaxãxgu i curũ dũeru, rũ ¿ñacũwa namexũ i ngẽma? Erũ ngẽma duũxũgũ i tama yaxõgũxũ rũ ngẽmaãcũ nanaxũgũ, erũ nũxũ nacuẽxgũ rũ tá nũxũ nanataeguxẽẽ i ngẽma dũeru.

35 —Natürü pema rü name nixĩ i nüxũ pengechaũ i ngema pemaã rüxuwãngũxũ, rü nüxũ perũngũxẽẽ. Rũ ngẽxguma tacũcèx pexna nacaxgu, rü name nixĩ i tama pexoegaãẽacũma nüxna penaxã ega woo nagu perũxinũẽgu na ngürũãchi tãitãma pexũ nataeguxẽẽãxũ. Erũ ngẽxguma ngẽmaãcũ penaxũxgu, rü Tupana rü ngẽmaãrũ yexera tá poraãcũ pexũ nanataeguxẽẽ, rü naxãcũgũ tá pixĩgũ ya yima Tupana ya Poraxũchicũ ya nüxũ rũngũxẽẽcũ ta i ngẽma taguma moxẽ nüxna ãgũxũ rü ngẽma chixecũmagũxũ.

36 —Rũ pema rü name nixĩ i pengechaũwaxegũ, ngẽma Penatũ ya Tupana na ngechaũwaxexũrũ.

*Tama name i chixexũgu namaã perũxĩnũe i togũ
(Mt 7.1-5)*

37 —jRũ taxũ i togũxũ pixuxũ! Rũ ngẽxguma ya Tupana rü tãxũtãma pexũ nixu na pechixexũ. jRũ taxũ i poxcu namaã pexueguxũ i togũ! Rũ ngẽxguma ya Tupana rü tãxũtãma poxcu pemaã naxuegu. jRũ nüxũ nüxũ perũngũmae i norũ chixexũ i togũ! Rũ ngẽxguma ya Tupana rü tá pexũ nüxũ narũngũma i perũ chixexũ.

38 —jRũ togũmaã pengau i perũ ngemaxũgũ! Rũ ngexguma ya Tupana rü tá pexna nanaxã. Rũ ñoma wũxi i choca i meãma napaxũrũũ rü meama ipoocuxũrũũ tá Tupana pexna nanaxã. Erũ ngema nguruxũ i namaã cumũcũna cuxãxũ i curũ ngemaxũ rü ngematama nguruxũmaã tá Tupana cuxna nanaxã —ñanagũrũ.

39 Rũ Ngechuchu rü ñaã cuèxruũ norũ ngũexũgũmaã nixu, rü ñanagũrũ: —¿Ñuxãcũ i wũxi i ngexetũxũ rü to i ngexetũxũxũ namaxũ nacuèxẽẽxũ? Erũ ngẽma taxre i ngexetũxũ rü wũxi i ãxmaxũgu tá nügũmaã nayayicu.

40 —Rũ taxuũma i ngũexũ rü norũ ngũexẽẽruũxũ narũyexera. Natürü ngexguma meã nanguxgu rü tá naxrũxũ nixĩ ya norũ ngũexẽẽruũ.

41 —¿Rũ tũxcũũ nachiga quidexa i cumũcũ naxcèx i ngẽma íraxũ i chixexũ i naxũxũ natürü tama cugũtama cungugũ naxcèx i ngẽma chixexũ i taxũ i cuxũxũ?

42 —Rũ ngẽxguma tama nüxna cucuèxãchigu i ngẽma chixexũ i taxũ i cumatama cuxũxũ, rü ¿ñuxũcũrũwa i nagu curũxinũxũ na cunamexẽẽxũ i ngẽma cumũcũarũ chixexũ i íraxũ? Pa Duũxũ i Meã Maxnetaxũx, name nixĩ i cuxira nüxũ curũxo i ngẽma chixexũ i taxũ i cumatama cuxũxũ, rü ngẽxguma tá cume na nüxũ curũngũxẽẽxũcèx i cumũcũ na nüxũ naxoxũcèx i ngẽma chixexũ i íraxũ i naxũxũ.

*Wũxi i nanetũ rü norũ owa nixĩ i nüxũ icuáxũ
(Mt 7.17-20, 12.34-35)*

43 —Nataxuma i nanetũ i mexũ i chixearũ oóxũ. Rũ nataxuma i nanetũ i chixexũ i meãrũ oóxũ.

44 —Rũ wũxichigũ i nanetũ rü norũ owa nixĩ i nüxũ icuáxũ. Rũ wũxi i torawa rü taxucũrũwama wũxi i orĩx i imũxũ tayaxu. Rũ wũxi i chuxchuxũwa rü taxucũrũwa uba tayaxu.

45 —Rũ wũxi ya mecũ ya yatũ rü mexũ i orexũ nixu, erũ naãẽwa rü aixcũma mexũgu narũxinũ. Natürü wũxi i yatũ i chixecũmaxũ rü chixexũ i orexũ nixu, erũ chixexũgu narũxinũ. Rũ ngẽma naãẽwa ngexmaxũ i chixexũ nixĩ i nüxũ yaxuxũ.

*İpata ya nutaétũgu iũĩne rü İpata ya naxnũcũétũgu iũĩnechiga
(Mt 7.24-27)*

46 —¿Tũxcũũ i pema rũ: “Pa Torũ Corix” ñaperũgũ choxũ, natũrũ tama penaxũ i ngẽma pemaã nũxũ chixuxũ?

47 —Rũ ñũxma tá pemaã nũxũ chixu na ñuxãcũ tĩxũ ya yĩxema chowe rũxũxẽ rũ choxũ ñnũxẽ rũ naxũxe i ngẽma tũmamaã nũxũ chixuxũ.

48 —Rũ tũma rũ wũxi ga yatũ ga ũpatacũ rũ yamẽxmaũcũ ga norũ caxta ñũxmata nutawa nangucũrũũ tixĩ. Rũ yexguma namẽxgu ga taxtũ rũ yabaixũgu ga napata, rũ woo ga na naporatũchiũxũ, rũ tama niwẽxtaũ, yerũ meãma ñnapugũarũ caxtaãx ga guma ñ.

49 —Natũrũ yĩxema nũxũ ñnũmarexe i chorũ ore natũrũ tama naxũxe i ngẽma tũmamaã nũxũ chixuxũ, rũ wũxi ga yatũ ga naxnũcũtũgumare ũpatacũrũũ tixĩ. Rũ yexguma namẽxgu ga taxtũ, rũ nibaixũ ga napata, rũ naporatũchiũ. Rũ niwẽxtaũ ga napata, rũ yexma nayarũxo ga guma ñ.

7

Ngechuchu rũ Dumacũãx ga churaragũarũ ãẽxgacũarũ duũxũxũ narũmexẽẽ (Mt 8.5-13)

1 Rũ yexguma nũxũ nachauxgu ga duũxũgũmaã na yadexaxũ ga Ngechuchu, rũ Capernãũwa naxũ.

2 Rũ yẽma nayexma ga wũxi ga churaragũarũ capitãũ ga Dumacũãx. Rũ guma capitãũ rũ nũxũ nayexma ga wũxi ga norũ duũxũ ga porããcũ nũxũ nangechaũxũ. Rũ yema norũ duũxũ rũ niãaawe, rũ naturaxũchi.

3 Rũ yexguma Ngechuchuxũ naxĩnũchigagu ga guma capitãũ, rũ Ngechuchuxũtawa nanamugũ ga ñuxre ga Yudiũgũarũ ãẽxgacũgũerugũ. Rũ ñanagũrũ nũxũ: —ñNgema Ngechuchuxũtawa pexĩ na nũxũ pecẽxũgũxũcẽx rũ nũma naxũ na chorũ duũxũcẽx yanaanexẽẽãxũcẽx! —ñanagũrũ.

4 Rũ Ngechuchuxũtawa naxĩ, rũ porããcũ nũxũ nacẽxũgũ, rũ ñanagũrũgũ: —Name nixĩ i nũxũ curũngũxẽẽ ya torũ capitãũ.

5 —Erũ nũma rũ guxũ i Yudiũgũxũ nangechaũ. Rũ nũmatama nanaxũtanũ na naxũgũãxũcẽx ga torũ ngutaquẽxepataũ —ñanagũrũgũ.

6 Rũ yexguma ga Ngechuchu rũ nawe narũxũ. Natũrũ yexguma marũ capitãũpataxũ yangaicagu, rũ nũma ga capitãũ rũ Ngechuchucẽx yẽma nanamu ga ñuxre ga namũcũgũ na namaã nũxũ yanaxugũxũcẽx ga norũ ore ga ñaxũ: —Pa Corix, tama cuxũ chachixewechaũ na chopatawa cunguxũ erũ choma rũ taxuwama chame na chopatagu na cuxũcuxũ.

7 —Rũ ngẽmacẽx nixĩ i tama chomatama cuxcẽx chayaçaxũ. Rũ chanaxwẽxe i curũ orewaxicatama nũxũ quixu na naxcẽx yataanexũ tá i chorũ duũxũ.

8 —Erũ choma rũ ta chorũ ãẽxgacũmẽxẽwa changẽxma, rũ choxmẽxwa nangẽxmagũ ta i ñuxre i churaragũ. Rũ ngẽxguma chanamuxgu i wũxi na ngextã naxũxũcẽx, rũ ngẽma naxũ. Rũ ngẽxguma chaugũxũtawa naxcẽx changemagu i to, rũ chauxũtawa nangu. Rũ ngẽxguma chorũ duũxũxũ chamuxgu na ñacũ na naxũxũcẽx, rũ choxũ nanaxũ —ñanagũrũ.

9 Rũ nũma ga Ngechuchu rũ yexguma nũxũ naxĩnũgu ga yema capitãũãrũ ore rũ nabaixãchiãẽ. Rũ yema duũxũgũ ga nawe rũxũxũ nadawenũ, rũ ñanagũrũ: —Aixcũma pemaã nũxũ chixu rũ taxuũma i Yudiũgũtanũwa nũxũ ichayangau i wũxi i duũxũ i ngẽma yatũrũũ aixcũma yaxõxũ —ñanagũrũ.

10 Rũ yexguma nawoegugu ga yema capitãũmũcũgũ ga Ngechuchuxũtawa namugũxũ, rũ nũxũ ñnayangaugũ ga marũ naxcẽx na yataanexũ ga yema capitãũãrũ duũxũ.

Ngechuchu ñnaxãdaxẽẽ ga wũxi ga yutecũ ngĩne

11 Rū yemawena ga Ngechuchu rü wüxi ga İâne ga Naİġu äeganewa naxū. Rū nawe narūxī ga norū ngúexūġü, rü muxūma ga togū ga duūxūġü.

12 Rū yexguma guma İâneärü ngaicamana nanguxgu, rü tüxū nadau ga wüxi ga yueta ga tēxġüwa tüxū nangeġüxe. Rū guxema yuetaarü mamá rü tayute rü guma yucü rü guxicatama nixī ga tūmane ixīcū. Rū muxūma ga duūxūġü ga guma İānecūāx rü tüxū İnixūmūcūġü.

13 Rū yexguma Cori ga Ngechuchu guma yucüarü mamaxū dēuxgu, rü nüxū ingechaūtūmūū. Rū İnanagürü ngīxū: —İTāxū i cuxaxuxū! —İnanagürü.

14 Rū yexguma ga Ngechuchu rü yuetacēx nixū, rü nüxū ningōġü ga tūmachiū. Rū yema tüxū ingetaūġüxū rü tūmamaā inayachiāchitanū. Rū İnanagürü ga Ngechuchu tüxū ga guxema yueta: —Pa Ngextūxūcūx, İrūda! —İnanagürü.

15 Rū yexguma ga guxema yuchiréxe rü İtarūto, rü itanaxūġü ga na tidexaxū. Rū Ngechuchu rü tūmaēna tüxū namu.

16 Rū yexguma yemaxū nadaugūga ga duūxūġü, rü guxūma namuē. Rū inanaxūġüe ga Tupanaxū na yacuēxūūġüxū. Rū İnanagürüġü: —Wūxi i Tupanaärü orearü uruū i poraxū tatanūwa nangox. Rū İnanagürüġü ta: —Tupana nuā naxū na norū duūxūġüxū yanangūxēēxūcēx —İnanagürüġü.

17 Rū guxūma ga Yudéaanewa rü norū ngaicamana, rü duūxūġü nüxū nacuáchigagū ga yema Ngechuchu üxū.

Cuáū ga baiūxēēruū rü Ngechuchuxūtawa nanamugū ga taxre ga norū duūxūġü

(Mt 11.2-19)

18 Rū Cuáū ga baiūxēēruū rü nüxū nacuáchiga ga guxūma ga yema Ngechuchu üxū, yerü norū ngúexūġü ga Cuáū rü namaā nüxū nixugū. Rū yemacēx ga Cuáū rü taxre ga norū ngúexūġücēx naca.

19 Rū Ngechuchuxūtawa nanamugū. Rū Cuáū rü İnanagürü nüxū: —İNgema pexī rü Ngechuchuna peca rü İnapeġüġü nüxū: “İCuma yīİxū i Cristu i cuxū İtananguxēēxū, rü ēxna to tá yixī i Cristu?” İnapeġüġü nüxū!

20 Rū yema yatūġü ga Cuáū Ngechuchuxūtawa mugūxū, rü Ngechuchucēx naxī. Rū İnanagürüġü nüxū: —Cuáū ya baiūxēēruū nūma cuxūtawa toxū namugū na cuxna tayacagūxūcēx rü İaixcūma cuma quiİxū i Cristu ya nūma nguxchaūcū, rü ēxna to tá yixī i Cristu? —İnanagürüġü.

21 Rū yexgumatama Ngechuchuxūtawa nangugūga ga Cuáūärü ngúexūġü, rü Ngechuchu nanameēxēē ga muxūma ga duūxūġü ga nagūxūraūxū ga đaawemaā idaaweexū rü yema ingoxoāxū. Rū nayadauchigūxēē ga muxūma ga ingexetūxū.

22 Rū yemacēx Ngechuchu nanangāxū rü İnanagürü: —İPewoegu rü Cuáūmaā nüxū peyarūxu i ngēma pematama nüxū pedauxū rü nüxū pexīnūēxū! İRū namaā nüxū pixu i İnūācū i ngēma ingexetūxū rü marū nidauchigū, rü ngēma İchixeparaxū rü marū inachigū, rü ngēma chaxūneāxġüxū rü marū naxcēx nitaanegū, rü ngēma ngauchixēġüxū rü marū ningoxnamachixēġü, rü ngēma yuexū rü wenaxārū namaxē, rü ngēma ingearū ngēmaxūāxūmaā rü marū nüxū tixu i Tupanaärü ore i mexū!

23 —Rū tataēē ya yīxema texé ya tama choxū rüxoxe —İnanagürü ga Ngechuchu.

24 Rū yexguma nawoeguxgu ga yema duūxūġü ga Cuáū yēma mugūxū, rü Ngechuchu inanaxūġü ga guma Cuáūchiga na yadexaxū. Rū duūxūġümaā nüxū nixu, rü İnanagürü: —İİacū nixī ga pema İpeyadaugūxū ga dauxchitawa

ga taxúema íxãpataxúwa? ¿Éxna wúxi ga yatú ga turaxú ga ñoma dexne ga buanecú yaxiãxantanúcúüxêécürúü íxíxú nixí ga ípeyadaugúxú?

25 —Rü éxna tama guma ípeyadaugú, ¿rú tacú nixí ga ípeyadaugúxú? ¿Éxna wúxi ga yatú ga poraãcú nügü ngèxãécú ípeyadaugú? Pema núxú pecuèx i ngéma poraãcú nügü ngèxãégúxú rú ãéxgacúgü ya tacúgüpatawa nangèxmagü, rú taxucèxma dauxchitawa nangèxmagü.

26 —¿Tacú éxna nixí ga ípeyadaugúxú? ¿Éxna wúxi ga Tupanaãrú orearú uruú? Ngémáãcú aixcúma yema nixí ga ípeyadaugúxú. Rü pemaã núxú chixu rú Cuáú ya baiüxêëruú rú tama wúxi i ngèxürüüxú i Tupanaãrú orearú uruú nixí.

27 —Rü Cuáúchiga nixí ga naxúmatúxú ga yema Tupanaãrú ore ga ñaxú: “Cupèxegu chayamu i chorú orearú ngeruú na cuxcèx namexêëãxúcèx i duüxügüarú maxú”, ñaxú.

28 —Rü pemaã núxú chixu rú guxú i duüxügütanúwa rú nataxuma i Tupanaãrú orearú uruú i Cuáú ya baiüxêëruúãrú yexera. Natürü yíxema Tupana ãéxgacú íxíxúwa wixwexúchi üxe, rú Cuáúãrú yexera tixí —ñanagürü.

29 Rü guxúma ga duüxügü rú woo yema yatügü ga Dumaãrú ãéxgacúcèx diëru ngíxú ideetanúxú, rú núxú naxínüé ga yema Ngechucharú ore rú ñuxúchi Tupanaxú nicuèxüügü yerü núxú nicuèxãchitanú na aixcúma mecú yíxú ga Tupana. Rü yema nixí ga duüxügü ga úpaacú Cuáú íbaiüxêëxú.

30 Natürü yema Parichéugü rú yema ngüexêëruügü ga Moíchéarú mugüwa nguxêëtaegúxú rú tama nanaxwèxegü ga Cuáú na ínabaiüxêëxú. Rü yemaãcú núxú naxoe ga yema mexú ga Tupana naxcèx üxchaüxú.

31 Rü núma ga Cori ga Ngechuchu rú ñanagürü: —¿Tacúga tá chanangu i ñomaüccüü maxèxú i duüxügü? ¿Rü nanañacúraügü?

32 —Rü ñaã duüxügü rú taxuxúmaãma nataãégü ngèxgumarúü i ngema buxügü i íãxtúwa rütogúxú, rú íxínúcèxwèxegúxú, rú tagaãcú namücügúxú ñagúxú:

“Marü wowerumaã pexcèx tapaxetagu natürü tama ípixúãchitanúxú. Rü marü ngechaüxú i wíyaegu pexcèx tawíyaegü natürü tama pexauxe”, ñagúxú. Rü ngéma buxügürüü taxuxúmaãma nataãégü i ñomaüccüü i duüxügü.

33 —Yerü ga Cuáú ga baiüxêëruú rú núma naxú, rú tama pãü nangõx rú tama binu nayaxaxú. Rü yexguma ga pema rú: “Nangoxoãx” ñaperügü núxú.

34 —Rü ñuxúchi núma chaxú i choma ya Tupana Nane na duüxúxú chíxú, rú ñna changõx rú binu chayaxaxú. Rü ngèxguma i pema rú ñaperügügü choxú:

“Choma rú chataanúxúchi rú changãxwèxe, rú pecaduã x-gúxú i duüxügümaã chaxãmücü, rú yatügü i Dumaãrú ãéxgacúcèx diëru ngíxú ideetanúxúmaã chaxãmücü”, ñaperügügü choxú.

35 —Natürü Tupanaãrú cuèx rú meãma nangox tümawa ya yíxema aixcúma nawe rüxíxé —ñanagürü ga Ngechuchu.

Ngechuchu rú Chimáü ga Parichéupatawa nayexma

36 Rü wúxi ga Parichéu rú Ngechuchuna naxu na napatawa nachibüxúcèx. Rü yéma naxú ga Ngechuchu rú yema Parichéuarú mechawa nayarüto.

37 Rü wúxi ga ngecü ga chixri maüxcü ga guma íanecüãx, rú yexguma núxú nacuáchigagu na Parichéupatawa tá na nachibüxú ga Ngechuchu, rú yéma

ixū. Rū yéma inange ga wūxi ga pumara ga yixixū ga wūxi ga butiya ga nutanaxcèxmaā āxchiūxū.

38 Rū naxauxācūma Ngechuchucutūxtawa iyarūtōxōchi. Rū ngīxgūxūxētūmaā iyawaicutūxēē. Rū ngīyaemaā īnapicutū, rū inachucutū. Rū űuxūchi yema pumaramaā inachacutū.

39 Rū yexguma yemaxū nadēuxgu ga yema Parichéu ga Ngechuchuna uxū, rū naāēwa nagu narūxinū rū nūgūmaātama űanagūrū: —Ngēxguma chi űaā Ngechuchu rū aixcūma wūxi i Tupanaārū orearū uruū yixīgu, rū nūxū chi nacuèx na űacū yīxū i űaā ngexū i nūxū ingōgūxū rū űuxācū na namaxūxū rū poraācū na napecaduāxū —űanagūrū ga naāēwa.

40 Rū yexguma ga Ngechuchu rū nūxū nacuèxama rū Parichéuxū űanagūrū: —Pa Chimáux, choxū nangēxma i wūxi i ore i cumaā nūxū chixuxchaūxū — űanagūrū. Rū nūma ga Parichéu rū Ngechuchuxū nangāxū, rū űanagūrū: —ĵēcū, chomaā nūxū ixu, Pa Ngūxēēruūx! —űanagūrū.

41 Rū űanagūrū ga Ngechuchu: —Taxre ga yatūgū rū wūxi ga corixūtawa nanangetanū. Rū wūxi nanangetanū ga 500 tachinū ga dīeru rū to nanangetanū ga 50 tachinū.

42 —Natūrū yema taxre rū taxuacū nanaxūtānū ga norū ngetanū. Rū yemacèx dūxwa yema norū cori rū nūxū nūxū narūngūma ga yema nūxū na nangetanūgūāxū. Rū űuxmax, Pa Chimáux, rū ĵchomaā nūxū ixu! rū ĵngēxūrūxū ga yema taxre ga yatūgū rū yexeraācū norū corixū nangechaū? —űanagūrū.

43 Rū Ngechuchuxū nangāxū ga Chimáū, rū űanagūrū: —Chauxcèx ga yema yexeraācū nūxū nangetanūxū nixī ga yexeraācū norū corixū ngechaūxū — űanagūrū. Rū Ngechuchu rū űanagūrū nūxū: —Ngēmāācū aixcūma nūma nixī —űanagūrū.

44 Rū yexguma ga Ngechuchu rū ngīxū nadawenū ga yema ngecū, rū űanagūrū Chimáuxū: —ĵNgīxū cudauxū i űaā ngecū? Rū cupatagu chaxūcū i chomax, Pa Chimáux, natūrū tama dexá choxnata cuxā chorū yauxcutūruū. Natūrū űaā ngecū rū ngīxgūxūxētūmaā choxū iyawaicutūxēē, rū ngīyaemaā choxū īpicutū.

45 —Cuma rū tama choxū cuchuxu i noxri choxū curūmoxēgu, natūrū ngīma i űaā ngecū rū noxri nūma changuxgumama rū choxū iyachucutūchigū.

46 —Cuma rū tama pumaramaā choxū cuchaeruxūra, natūrū ngīma i űaā ngecū rū chaucutūgu inaba i pumara.

47 —Rū ngēmācèx woo namu i ngīrū pecadugū natūrū Tupana ngīxū nūxū nangechaū i guxūma, erū ngīma rū aixcūma choxū ingechaū. Natūrū yixema tama aixcūma ngechaūcèx Iyaçaxe, rū tama poraācū Tupanaxū tangechaū — űanagūrū.

48 Rū yexguma ga Ngechuchu rū yema ngecūxū űanagūrū: —Curū pecadugū rū marū cuxū nūxū changechaū —űanagūrū.

49 Rū yema togū ga nūxna naxugūxū ga yéma Ngechuchumaā mechawa yexmagūxū, rū inanaxūgū ga nūgūmūcūgūmaāchigū na yadexagūxū. Rū űanagūrūgū: —ĵĶacū nixī i űaā yatū, ecèx ngēmāācū duūxūgūaxū pecaduxū nangechaūxū? —űanagūrūgū.

50 Natūrū Ngechuchu rū űanagūrū ngīxū ga yema ngecū: —Marū cuxū nangēxma i maxū i taguma gūxū, erū choxū cuyaxō. ĵűuxma rū taāēācūma cucūūwa naxū! —űanagūrū.

8

Ngexülgü ga Ngechuchuxü rüngüxëëgüxü

¹ Rū yemawena ga Ngechuchu rü Gariréaaneärü ñānegügu nixüāgüchigü. Rū duüxügümaā nüxü nixuchigü ga Tupanaärü ore na ñuxācü āëxgacü yüxü ya Tupana. Rū ñayaxümücügü ga yema 12 ga ngüexülgü ga marü nadexü.

² Rū yexgumarüü ta ñiyaxümücügü ga ñuxre ga ngecügü ga üpaacü ngoxogü ngüwa ñawoxücü rü ngüru daaweewa ngüxü nameëxëëcü. Rū yematanüwa iyexma ga María ga Magadācüāxmaā ngüxü naxugücü ga üpaacü Ngechuchu 7 ga ngoxo ngüwa ñawoxücü.

³ Rū yéma iyexma ta ga Cuána ga Cuchu naxmèx. Rū Cuchu nixü ga wüxi ga āëxgacü ga Erodeaxü puracüxü. Rū yéma nayexmagü ta ga Chuchana rü mucüma ga náigü ga ngecügü ga ngüru dīerumaā Ngechuchuxü rüngüxëëgücü.

*Ore ga toecügu ixuxü**(Mt 13.1-9; Mr 4.1-9)*

⁴ Rū muxüma ga yema ñānegücüāx ga duüxügü, rü Ngechuchuxütawa ñayadaugü. Rū yexguma yéma nangutaquëxegügu ga muxüma ga duüxügü, rü Ngechuchu namaā nüxü nixu ga wüxi ga ore ga cuëxruü, rü ñanagürü nüxü:

⁵ —Wüxi ga yatü ga toecü rü trigumaā nanagüane. Rū yexguma trigumaā nagüaneägu rü ñuxre ga trigu, rü namagu nayi. Rū duüxügü nawa nangagüxü, rü werigü rü nanawecu.

⁶ —Rü náigü ga trigu rü nutatanügu nayi. Rū yexguma naxügügu ga guma trigu, rü nipagü rü nayuemare, yerü nataxuma ga norü waiānaxü.

⁷ —Rü náigü ga trigu rü tuxunecügu nayi. Natürü yexguma nayaegu ga tuxugü rü guma triguxü ñawocu rü nanadai.

⁸ —Natürü náigü ga trigu rü mexü ga waixümügu nayi. Rū yemacèx ga yexguma nayaegu rü muxüma ga trigu nawa ñanguxuchi. Rū wüxipüxü ga triguwa ñanguxuchi ga 100 püxü ga trigu —ñanagürü. Rū yemawena rü Ngechuchu tagaācü ñanagürü nüxü ga duüxügü: —Rü yixema āchixëëgüxe, rü ñnaga taxünüë i ngëma ore! —ñanagürü.

*Ƨacüchiga nixü ga yema ore ga cuëxruülgügu ixuxü**(Mt 13.10-17; Mr 4.10-12)*

⁹ Rū yexguma ga norü ngüexülgü rü nüxna nacagüe na Ƨacüchiga yüxü ga yema ore ga yatü ga toecügu ixuxü.

¹⁰ Rū Ngechuchu ñanagürü nüxü: —Tupana rü pexü nüxü nacüxëë i ngëma ëxügüxü i taxuüma i togü nüxü cuáxü i ñuxācü āëxgacü na yüxü i nümax. Natürü togücèx rü cuëxruügu chayaxüácüma namaā nüxü chixu i ore. Rū ngexguma woo nüxü nadaugügu rü ñoma tama nüxü nadaugüxürü nixügu, rü woo nüxü naxünüëgu rü ñoma tama nüxü naxünüëxürü nixügu —ñanagürü.

*Ngexchuchu rü meā nanangoxëë ga yema ore ga toecüchigagu yaxuxü**(Mt 13.18-23; Mr 4.13-20)*

¹¹ Rū Ngechuchu rü ñanagürü: —Ngëma ore i toecüchigagu pemaā chixuxü rü ñāāchiga nixü. Rū ngëma trigupüxü rü Tupanaärü orechiga nixü.

¹² —Rü guma trigu ga namagu yixünerüü nixü i duüxügü i ngëma orexü ñnüëxü. Natürü Chataná rü ngëma duüxügüxü nüxü ñayaxüngümaëxëë i ngëma ore, na tama yaxögüāxüçèx rü tama nayauxgüāxüçèx i maxü i taguma güxü.

13 –Rü guma trigu ga nutatanügu yixüne, rü ngëma nixĩ i duũxüğü i nüxü ñnüxü i Tupanaârü ore rü taãëácüma yaxögüxü. Natürü tama aixcüma nanayauxgü i ngëma ore, erü paxaãchi nayaxögü, rü yixcüra guxchaxü nüxü üpetügu, rü nüxü narüxoe i ngëma ore.

14 –Rü guma trigu ga tuxunecügu yixüne, rü ngëma nixĩ i duũxüğü i Tupanaârü orexü ñnüxü rü yaxögüxü natürü ñoma i naãneârü ngëmaxüçex oegaãëgüxü, rü norü ngëmaxüguama rüxñnüxü rü tama nüxü rüxoechaũxü i norü ngúchaũgü. Rü ngëmagagu düxwa tama Tupanacëx namaxë.

15 –Natürü guma trigu ga mexü ga waixümügu yixüne, rü ngëma nixĩ i duũxüğü i aixcüma taãëácüma nayauxgüxü i Tupanaârü ore, rü naga ñnüxü, rü meã naxcëx maxëxü. Rü ngëma nixĩ i duũxüğü i aixcüma Tupanawe rüxixü rü naxügüxü i ngëma nüma nanaxwëxëxü.

Cuèrxuxü ga omügu ixuxü

(Mr 4.21-25)

16 –Taxúema wüxi i omüwa tanangixichi na tanatüxpechitaxüçex rü ëxna túmaârü pechicatüügu tayaxüchichixüçex. Natürü ngóxügu tanaxü na tüxü nabaxixüçex ya yixema ngexma chocuxe.

17 –Rü ngëxgumarüü ta i guxüma i tacü i cúácüma ixuxü rü yixcüra rü duũxüğü tá nüxü nacüëxgüama. Rü guxüma i ngëma ñuxma duũxügüçex ëxügüxü rü tá nangoxoma.

18 –¡Meã iperüxñnüe i ñuxma! Erü texé ya naga ñnüxë i ngëma ore i mexü, rü Tupana tá yexeraãcü tüxü nüxü nacüëxëë. Natürü yixema tama naga ñnüxë, rü yexeraãcü tá tüxna nanayaxu i ngëma íraxü i túmaârü cuëx i noxri tüxü ngëxmachirëxü –ñanagürü.

Ngechucharü mamá rü naëneëgüchiga

(Mt 12.46-50; Mr 3.31-35)

19 Rü naë ga Ngechuchu rü naëneëgü, rü yema Ngechuchu íyexmaxüwa tangugü. Natürü taxuacü naxütawaxüchi tangugü, yerü namuxüchi ga duũxüğü.

20 Rü wüxi ga duũxü Ngechuchumaã nüxü nixu, rü ñanagürü: –Yéa düxétüwa tangëxma ya cue rü cueneëgü, rü cuxü tadaugüchaü –ñanagürü.

21 Natürü nüma ga Ngechuchu rü ñanagürü nüxü ga duũxüğü: –Rü yixema nüxü ñnüxë i Tupanaârü ore rü nagu maxexe rü yixema tixĩ ya chae rü chaueneëgü ixügüxe –ñanagürü.

Ngechuchu rü buanecüxü rü yuapexü ñayachaxächixëë

(Mt 8.23-27; Mr 4.35-41)

22 Rü wüxi ga ngunexügu ga Ngechuchu rü norü ngüexügümaã wüxi ga nguegu nichoü. Rü ñanagürü nüxü: –¡Ngixã daa naxtaxaarü tocutüwa taxü! –ñanagürü. Rü inaxĩachi.

23 Rü yexguma yaxäüyane rü nipechigü ga Ngechuchu. Rü ngürüächi yexma nüxü naxü ga wüxi ga tacü ga buanecü. Rü guma nguewa rü niyauxcuchichigü ga dexá. Rü düxwa inayangutaügüchaü.

24 Rü yemacëx nüma ga norü ngüexügü rü Ngechuchuxü nacagü ga na ñnadaxüçex. Rü ñanagürügü nüxü: –Pa Ngüxëëruüx, ngëmama itabaxügü –ñanagürügü. Rü yexguma ga Ngechuchu rü ñnarüda, rü buanecüxü rü yuapexü nanga. Rü ñayachaxächi ga buanecü, rü inayarüxo ga yuape, rü ñnachaxanemare.

25 Rū yexguma ga Ngechuchu rū ñanagürü nüxü ga norü ngúexüğü: — ¿Tacü pexü naxüpetü ecèx tama meã peyaxögüxü? —ñanagürü. Natürü ga nūmagü rū nabaixächiãëgü. Rū nügümücügüna nicachigü, rū ñanagürüğü: — ¿Tacü êxna nixi i ñã yatü rü ngëmácèx èixrücü ya buanecü rü yuape rü naga naxĩnüèxü? —ñanagürüğü.

*Yatü ga Gadáraçüãx ga ngoxogü nawa yexmagüxü
(Mt 8.28-34; Mr 5.1-20)*

26 Rū düxwa naxtaxaarü tocutüwa nangugü ga Gadáaarü naãnewa. Rū yema naane rü Gariréaaneärü toxmèxtawa nayexma.

27 Rū yexguma marü nguewa ínaxüegu, ga Ngechuchu, rü naxcèx nixü ga wüxi ga yatü ga guma ñãneçüãx ga mucü ga taunecü ngoxogü nawa yexmagücü. Rū guxüguma nangexchiruecha. Rū tama ñwa nayexma, yerü duüxèchiquèxetanügu nayarüxauachigünèxü.

28 Rū yexguma Ngechuchuxü nadèuxgu, rü napèxegu nayacaxápüxü. Rū aita naxüácüma ñanagürü: —¿Tüxcüü nuã choxü cuyachixewe, Pa Ngechuchux, Pa Tupana ya Tacüxüchi Nanex? Rū cuxü chacèèxü na tama ngüxü choxü quingexèèxü —ñanagürü.

29 Rū yema ñanagürü yerü Ngechuchu marü nanamu ga yema ngoxogü na ínachoxüxüçèx. Rū muèxpüxcüna rü guma yatüxü naxãüãèèèèxü ga yema ngoxogü. Rū duüxügü rü cadenamaã nayanèixchacüügüxü rü nayanèixparagüxü na taxuwama naxüxüçèx. Natürü nūma rü naga nacaugüama ga cadenagü. Rū yema ngoxogü rü dauxchitawa ga taxüema ixãpataxüwa nanagagü.

30 Rū Ngechuchu nüxna naca rü ñanagürü: —¿Tacü nixi i cuéga? —ñanagürü. Rū nūma rü Ngechuchuxü nangãxü, rü ñanagürü: —Muxüchixü nixi i chauéga —ñanagürü. Rū yema ñanagürü yerü namuxüchi ga yema ngoxogü ga guma yatügu chocuxü.

31 Rū yema ngoxogü rü Ngechuchuna nacagü ga tama ngëma poxcuchica i äxmaxü i taguma iyacuãxügu na nawocuãxüçèx.

32 Rū guma mèxpüneärü tuãchiwa nayexmagü ga muxüma ga cuchigü ga yéma chibüèxü. Rū yemacèx ga yema ngoxogü rü Ngechuchuxü nacèèèxügü na yema cuchigüga nayachocuxüçèx. Rū Ngechuchu rü: —Ngü —ñanagürü.

33 Rū yexguma ga yema ngoxogü rü guma yatüwa ínachoxü rü yema cuchigüga nayachocu. Rū guxüma ga yema cuchigü rü inaxüãchi, rü naxtaacutüarü mèxpüxüwa nayarüyuxgü, rü yexma nayi.

34 Rū yexguma yema cuchigüarü dauruügü nüxü daugügu ga yema ngupetüxü, rü nabaixächiãëgü rü ínibuxmü. Rū ñãnewa nüxü nayarüxugüè, rü yema ñãneärü ngaicamana ipeagüxü ga duüxügütanüwa rü ta nüxü nayarüxugügü.

35 Rū ga duüxügü rü ínayadaugü ga yema ngupetüxü. Rū yexguma Ngechuchuxütawa nangugügu, rü yéma nüxü nadaugü ga guma yatü ga ngoxoãxchirécü. Rū Ngechuchucutüxütawa narüto, rü marü tama naxãüãè. Rū namuñè ga duüxügü.

36 Rū yema duüxügü ga nüxü daugüxü ga yema ngupetüxü, rü yema ýadaugüxümaã nüxü nixugügü ga ñuxácü Ngechuchu na namexèèèxü ga guma yatü ga ngoxoãxchirécü.

37 Rū yexguma yemaxü naxĩnüègu, rü guxüma ga yema Gadáaraaneçüãx ga duüxügü, rü Ngechuchuxü nacèèèxügü na ínaxüxüçèx ga yema naãnewa,

yerü poraãcü namuñë. Rû yemacèx ga Ngechuchu rû nguegu nixüe, rû inaxüächi.

³⁸ Rû guma yatü ga ngoxoãxchirécü rû Ngechuchuxü nacèèxü ga nawe na naxüxcèx. Natürü ga Ngechuchu rû nanamu ga yexma na naxãüxcèx, rû ñanagürü nüxü:

³⁹ —¡Cuchiüwa naxü, rû duñxügümaã nüxü yarüxu ga ñacü cuxcèx na naxüxü ga Tupana! —ñanagürü. Rû ínixü ga guma yatü, rû guxüma ga yema ñanecüãx ga duñxügümaã nüxü nayarüxu ga ñacü naxcèx na naxüxü ga Ngechuchu.

*Yáiruxacüchiga rû yema nge ga Ngechuchuchirugu ingögücüchiga
(Mt 9.18-26; Mr 5.21-43)*

⁴⁰ Rû yexguma Ngechuchu wenaxârü taegugu ga naxtaxaarü tocutüwa, rû duñxügü rû taãëácüma nanayauxgü, yerü guxüma ínananguxëëgü.

⁴¹ Rû yéma Ngechuchuxütawa nangu ga wüxi ga yatü ga Yáiru ga naega. Rû nüma ga Yáiru rû wüxi ga ngutaquëxepatañârü ãëxgacü nixí. Rû Ngechuchupëxegu nayacaxãpüxü rû nüxü nacèèxü ga napatawa na naxüxcèx.

⁴² Yerü nüxü iyexma ga wüxi ga naxãcü ga ngígümaã wüxicacü, rû iyadaawe, rû ituraxüchi. Rû ngíma rû maneca 12 ga taunecü ngixü nayexma. Rû yexguma Yáirupatawa naxüxgu ga Ngechuchu, rû muxüchixü ga duñxügü nawe narüxí, rû düxwa ínayaxüxtügü.

⁴³ Rû yema duñxügütanüwa iyexma ga wüxi ga ngecü ga 12 ga taunecü ägüechacü. Rû yemamaã iyadaaweëcha. Rû duturugüxüttagu ngixü iguxëë ga guxcü ga ngírü díeru, natürü taxúema ga texé ngíxcèx tayataanexëëega.

⁴⁴ Rû yema ngecü ga Ngechuchuweama ne ixü, rû naxpechinüchirugu iyangögü. Rû yexgumatama ínayachaxächi ga na naxãgüxü.

⁴⁵ Rû yexguma ga Ngechuchu rû duñxügüna naca, rû ñanagürü: —¿Texé tixí ya choxü ingögüxe? —ñanagürü. Rû guxüma ga duñxügü rû: —Taxúema —ñanagürügü. Rû yexguma ga Pedru rû namücügü rû ñanagürügü: —Pa Ngúexëëruñx, cuma nüxü cudadu i ñuxre i duñxügü ngema cuxü na nayaxüxtügüxü, rû ngëxguma rû ta:

“¿Texé ya choxü ingögüxe?” ñacuxü —ñanagürügü.

⁴⁶ Natürü ga Ngechuchu rû ñanagürü: —Ngëmáácü wüxie choxü tingögü, erü nüxü chicuëächi na chorü poramaã tüxü na charümexëëxü —ñanagürü.

⁴⁷ Rû yexguma nangoxomagu ga na nüxü nacüëxamaxü ga Ngechuchu ga yema nüxü na yangögüxü, rû yaduruxácüma naxütawa ixü ga yema ngecü. Rû napëxegu iyacaxãpüxü. Rû guxü ga duñxügüpëxewa namaã nüxü iyaxu ga ñacücèx nüxü na yangögüxü, rû ñuxácü yexgumatama ngíxcèx na yataanexü.

⁴⁸ Rû yexguma ga Ngechuchu rû ñanagürü ngixü: —Pa Chauxacüx, cuxcèx nitaane, erü cuyaxõ. ¡Rü ñuxma rû taãëácüma íixü! —ñanagürü.

⁴⁹ Rû yexguma iyadexayane ga Ngechuchu, rû yéma nangu ga wüxi ga duñxü ga ngutaquëxepatañârü ãëxgacü ga Yáirupatawa ne üxü. Rû ñanagürü Yáiruxü: —Cuxacü rû marü iyu. ¡Rü tãxü i cuyachixewechigüxü ya Ngúexëëruñ! —ñanagürü.

⁵⁰ Natürü yexguma yema orexü naxínügu ga Ngechuchu, rû ñanagürü Yáiruxü: —¡Tãxü i cuyanguãëxü! Erü ngëxguma cuyaxõxgu rû cuxacü rû tá wena imaxü —ñanagürü.

⁵¹ Rū yexguma Yáirupatawa nangugügu, rü Ngechuchu nayachocuxêê ga Pedru rü Chaütiágu rü Cuáú rü ngīnatú rü ngīe ga yema bucú ga yuxcú. Natürü tama nanaxwêxe na togü yexma chocuxú.

⁵² Rū guxúma ga duüxügü ga yéma yexmagüxú rü naxauxe rü ngīxcêx nangechaügü. Natürü Ngechuchu rü ñanagürü nüxú: —¡Táxú i pexauxexú! Erü ngēma bucú rü tama nixí i nayuxú. Rū ipemare —ñanagürü.

⁵³ Natürü ga yema duüxügü rü Ngechuchuxú nacugüeama, yerü ngīxú nadaugü rü aixcúma marü iyu.

⁵⁴ Rū yexguma ga Ngechuchu rü ngīxmêxgu nayayauxāchi, rü tagaācü ñanagürü: —Pa Bucúx, ¡írüda! —ñanagürü.

⁵⁵ Rū yexguma ga ngīma rü wena imaxú, rü yexgumatama írüda. Rū Ngechuchu rü duüxügümaā nüxú nixu na ngixú naxúwemügüxcêx.

⁵⁶ Rū ngīnatú rü ngīe ga yema bucú, rü poraācü tañaxāchiāégü. Natürü Ngechuchu rü tüxú namu na taxúemaāma nüxú na tixuxúcêx ga yema ngupetüxú.

9

Ngechuchu norü ngúexügüxú namu na nüxú yanaxugüexúcêx ga Tupanaarü ore

(Mt 10.5-15; Mr 6.7-13)

¹ Rū Ngechuchu rü nanangutaquêxexêê ga yema 12 ga norü ngúexügü. Rū pora nüxna naxā rü nüxna naxāga na ínawoxúāxcêx ga nagúxúraüxú ga ngoxogü, rü na nameêxêāxcêx ga duüxügü ga idaaweexú.

² Rū nüamugü na duüxügümaā nüxú yaxugüexúcêx ga ore ga mexú na ñuxācü āêxgacü yíixú ya Tupana, rü na nameêxêāxcêx ga duüxügü ga idaaweexú.

³ Rū ñanagürü nüxú: —¡Rü taxuxútáma ípinge i perü namawaü, rü bai ya perü caxúchigüxú ya naixmenêxā, rü bai i perü choca, rü bai i perü pāü, rü bai i perü díeru. Rū wúxítama i perü daxú ípinge, rü tama i taxre!

⁴ —Rü ngêxguma wúxi ya íānewa pengugügu, ¡rü wúxi ya ípatagutama perücho rü ñuxmata ipexíāchi nawa ya yima íāne!

⁵ —Rü ngextá tama pexú ínayauxgüxúwa, ¡rü ípechoxú nawa ya yima íāne! Rū ngêxguma ngēma ipexíāchigu ¡rü ipepagücutú i perü úxaxúcutú na ngēmawa nüxú nacüexgüxcêx na chixexú naxügüxú i ngēma duüxügü! —ñanagürü.

⁶ Rū inaxíāchi, rü guxúma ga íānexācügüwa naxí. Rü nüxú nixugüetanü ga Tupanaarü ore ga mexú. Rū guxúwama nanameêxêetanü ga duüxügü ga idaaweexú.

Erode rü tama nüxú nacüexéga na texe yixíxú ga Ngechuchu

(Mt 14.1-12; Mr 6.14-29)

⁷ Rū Gariréaaneärü āêxgacü ga Erode, rü nüxú nacüáchiga ga guxúma ga yema Ngechuchu úxú. Rū poraācü nagu narúxínü rü naxoegaāê ga Erode, yerü nümaxú ga duüxügü rü ñanagürügü: —Cuáú ya baiüxêêruü nixí ya yima, rü marü wena namaxú —ñanagürügü.

⁸ Natürü togü rü ñanagürügü: —Nuxcúmaücü ga Tupanaarü orearü uruü ga Ería nixí, rü wena nangox —ñanagürügü. Rü togü rü ñanagürügü: —Bexmana náí ga nuxcúmaücü ga Tupanaarü orearü uruü nixí, rü wena namaxú —ñanagürügü.

⁹ Natürü Erode rü ñanagürü: —Chomatama chanamu ga churaragü na Cuáúxú yadaenaxāgüxcêx. ¿Rü tacü êxna nixí i ngēma yatú i duüxügü

ngēmaācü poraācü nüxü ixuchigagüechaxü? —ñanagürü. Rü Erode rü nüxü nangüchxüxüchi na ñuxācü Ngechuchuxü na nadauxü.

*Ngechuchu rü nanachibüexē ga 5000 ga yatügü
(Mt 14.13-21; Mr 6.30-44; Cu 6.1-14)*

¹⁰ Rü yexguma nawoeguxgu ga yema Ngechuchuarü ngüexügü ga yamugüxü, rü Ngechuchumaā nüxü nixugüe ga yema naxügüxü. Rü nüma ga Ngechuchu rü yema norü ngüexügümaā nixügachi, rü Bechaídaarü iānewa namaā naxü.

¹¹ Natürü yexguma duüxügü nüxü cuëxügü ga ngextá na nayexmaxü, rü Ngechuchuwe narüxí. Rü Ngechuchu rü meāma yema duüxügüxü nayaxu, rü namaā nüxü nixu na ñuxācü äëxgacü yüxü ya Tupana. Rü nanameëxē ga yema duüxügü ga iđaaweeexü.

¹² Rü yexguma marü nayáuanegu, rü Ngechuchucèx naxí ga yema 12 ga ngüexügü ga yamugüxü. Rü ñanagürügü nüxü: —Íyamugü i ñaā duüxügü na iānëxācügü rü İpatagü ya ngaicamana ngëxmagünewa na naxíxüçèx, rü ngëxma na napegüxüçèx rü norü ðnatèex yataxegüxüçèx! Erü nuā íngëxmagüxüwa rü nataxuma i řacü rü ðna —ñanagürügü.

¹³ Natürü Ngechuchu rü ñanagürü nüxü: —İPematama penaxüwemü! —ñanagürü. Rü nanangāxügü, rü ñanagürügü: —Wüximéëxpüx i pāu rü taxre i choxnixícatama toxü nangëxma. ¿Rü ëxna cunaxwëxe na naxcèx tayataxegüxü i ðna naxcèx i guxüma i ñaā duüxügü? —ñanagürügü.

¹⁴ Rü 5000 ga yatügü nixí ga yema yéma yexmagüxü. Natürü Ngechuchu rü ñanagürü nüxü ga norü ngüexügü: —İëcü İpenatogüxëëx rü 50 chigü i wüxi tücumüwachigü! —ñanagürü.

¹⁵ Rü yemaācü nanaxügü ga norü ngüexügü. Rü İnanatogüxëë ga guxüma ga duüxügü.

¹⁶ Rü yexguma ga Ngechuchu rü nanade ga yema wüximéëxpüx ga pāu rü yema taxre ga choxni. Rü daxügu nadawenüácüma Tupanana moxé naxā, rü ñuxüchi inanabücu ga yema pāu rü choxni. Rü norü ngüexügüna nanaxā na nüxü yanüaxüçèx ga yema duüxügü.

¹⁷ Rü guxüma ga yema duüxügü rü meāma nachibüe. Rü yemawena rü 12 ga pexchigü nanapagüamatama namaā ga yema pāu rü choxnichipëxegü ga iyaxügüxü.

*Pedru nanangoxē na Cristu na yüxü ga Ngechuchu
(Mt 16.13-19; Mr 8.27-29)*

¹⁸ Rü wüxi ga ngunexü rü Ngechuchu norü ngüexügümaā noxrüwama yayumüxëgu, rü nüma rü norü ngüexügüna naca, rü ñanagürü: —¿Ñuxü ñaxü i duüxügü i chauchiga i choma na texé chíxü? —ñanagürü.

¹⁹ Rü norü ngüexügü nanangāxügü rü ñanagürügü: —Nangëxma i duüxügü rü:

“Cuāü ya baiüxëëruü quixí”, ñagüxü, rü togü rü:

“Ería quixí”, ñagüxü, rü togü rü:

“Wüxi ga nuxcümaücü ga Tupanaärü orearü uruü i wena maxücü quixí”, ñagüxü —ñanagürügü.

²⁰ Rü yexguma Ngechuchu nüxna naca rü ñanagürü: —¿Rü pema i ñuxü ñapegüxü choxü na texé chíxü? —ñanagürü. Rü Pedru nanangāxü rü ñanagürü: —Cuma nixí i Cristu i Tupana Nane —ñanagürü.

*Ngechuchu nanaxunagü ga norü yuxchiga
(Mt 16.20-28; Mr 8.30-9.1)*

21 Rū Ngechuchu rū nayaxucuxēgū ga norū ngúexǔgū na taxúemaãma nūxǔ yaxugüexǔcèx ga nūma rū Cristu na yīxǔ.

22 Rū ñanagürü nūxǔ ga norū ngúexǔgū: –Choma i Tupana Nane na duǔxǔxǔ chiǔxǔ, rū poraãcū ngúxǔ tá chinge. Rū choxǔ tá naxooxǔgū i Yudiugüarü äëxgacügüerugü, rū paigüarü äëxgacügü, rū ngēma ngúexēerüügü i Moïchéarü mugüwa nguxēētaegüxǔ. Rū tá choxǔ nimèxǔgü, natürü tomaëxpüx i ngunexǔgu rū wena táxaru chamaxǔ –ñanagürü.

23 Rū yixcama rū guxǔma ga norū ngúexǔgüxǔ ñanagürü: –Rū ngēxguma texé chowe rūxǔxchaǔgu, jécü nūxǔ tarǔxo i tümaärü ngúchaǔ, rū namaã tapora i ngēma guxchaxǔgü i tümacèx İnguxǔ i ñoma curuchawa tipotaxǔrǔü tüxǔ ixǔxēèxǔ, rū ngēmaëtüwa chowe tarǔxǔãma!

24 –Erü yíxema tügü maxēchaxēèchaǔxē rū tá tayu, natürü yíxema chauxcèx yuxe rū aixcúma tá tüxǔ nangēxma i maxǔ i taguma güxǔ.

25 ;Rü ñacüwa i nūxǔ namexǔ ya wüxi ya yatü ega nayauxāgu i guxǔma i ñoma i naãneärü ngēmaxǔgü, natürü iyanatauxēèāgu i norü maxǔ?

26 –Rū ngēxguma texé chauxcèx ānegu rū naxcèx taxānegu i chorü ore, rū choma i Tupana Nane i duǔxǔxǔ na chiǔxǔ rū tá ta tümacèx chaxāne i ngēxguma äëxgacü chixǔãcúma nūma chaxǔxgu. Rū ngēxguma wenaxārü nūma chaxǔxgu rū Chaunatu ya Tupanarǔü tá chapora, rū daxǔcǔǔāx i Tupanaärü orearü ngerüügü i üünegǔxǔrǔü tá chamexēchi.

27 –Rū ngúexǔma pemaã nūxǔ chixu rū ñuxre i duǔxǔgü i nuã ngēxmagüxǔ rū tá nūxǔ nadaugü na ñuxācū äëxgacü na yīxǔ ya Tupana naxǔpa na nayuxǔ –ñanagürü.

Ngechuchu rū toraxǔ nangox (Mt 17.1-8; Mr 9.2-8)

28 Rū 8 ga ngunexǔguwena ga na yema ñaxǔ, rū Ngechuchu rū wüxi ga mēxpǔnēwa naxǔ na yēma yayumüxèxǔcèx. Rū ñayaxǔmücügü ga Pedru rū Chaǔtiāgu rū Cuáü.

29 Rū yexguma ñayumüxēyane ga Ngechuchu rū nachiwe rū ngürüächi niyauracüü, rū naxchiru rū ta niyauracüü, rū poraãcǔxǔchima nacómü.

30 Rū yexguma rū yēma nangox ga taxre ga yatügü ga Ngechuchumaã idexagüxǔ. Rū Moïché nixǔ ga wüxi, rū Ería nixǔ ga to.

31 Rū yema taxre íyexmagüxǔwa rū poraãcǔxǔchi nangóone. Rū ñindexagü nachiga ga ñuxācü Yerucharéǔgu tá na nayuxǔ ga Ngechuchu.

32 Rū woo ga Pedru rū namücügü rū poraãcü na nayaxtaexǔ rū tama napee. Rū nūxǔ nadaugü ga ñuxācü poraãcü na nangóonexǔ ga naxǔtawa ga Ngechuchu rū yema taxre ga yatügü ga namaã yexmagüxǔxǔtawa.

33 Rū yexguma yema taxre ga yatügü Ngechuchuna ixǔgachitanügu, rū Pedru rū ñanagürü Ngechuchuxǔ: –Pa Ngúexēerüüx, namexēchi nixǔ na nuã ingēxmagüxǔ. ;Rü ngǔxǔ tanaxǔ ya tomaëxpüx ya düxenü, rū wüxi ya cuxcèx, rū náí ya Moïchécèx, rū náí ya Eríacèx! –ñanagürü. Natürü ga Pedru rū tama nūxǔ nacüèx ga na ñuxǔ ñaxǔ yerü poraãcü nabaixǔchiãë.

34 Rū yexguma íyadexayane ga Pedru, rū wüxi ga caixanexǔ natanügu nayangēixema. Rū poraãcü namuñē ga yema ngúexǔgü ga yexguma yema caixanexǔ natanügu yangēixemagu.

35 Rū yema caixanexǔwa inanaxǔ ga wüxi ga naga ga ñaxǔ: –Daa nixǔ ya Chaune ya nūxǔ changechaǔxǔchicü. ;Rü naga pexǔñüé! –ñaxǔ.

³⁶ Rū yexguma yema ñaxguwena ga yema naga rū Ngechuchuarū ngúexũgũ rū taxúexũma ga toguexũ nadaugũ, rū Ngechuchuxũxĩcatama nadaugũ. Rū yema ngúexũgũ rū taxúemaama nũxũ nixugũe ga yema nũxũ nadaugũxũ.

Ngechuchu rū nanamexẽẽ ga wũxi ga bucũ ga ngoxo nawa yexmacũ
(Mt 17.14-21; Mr 9.14-29)

³⁷ Rū yexguma moxũãcũ ga guma mèxpúnewa yanachoũgu, rū muxũma ga duũxũgũ yexma Ngechuchuxũ nayangaugũ.

³⁸⁻³⁹ Rū yema duũxũgũtanũwa rū wũxi ga yatũ tagaãcũ Ngechuchuxũ ñanagũrũ: —Pa Ngúexẽẽruũx, ¡choxũ rũngũxẽẽ, rū tũxũ nadau ya chaune! Erũ tũgũmaã choxũ tawũxicèx, rū wũxi i ngoxo tũmawa nangẽxma. Rū ngẽxguma tũxũ naxũxgu, rū aita tũxũ naxũxẽẽ, rū tũxũ naxãũãẽxẽẽ, rū tũxũ narũchièxẽẽ. Rū chixexũ tũmamaã naxũ, rū tama tũxũ ningèxchaũ.

⁴⁰ Rū marũ nũxũ chacèexũ i curũ ngúexũgũ na tũmawa ínatèxũchigũãxũcèx i ngẽma ngoxo, natũrũ tama nũxũ inaxĩnũ —ñanagũrũ.

⁴¹ Rū yexguma Ngechuchu nanangãxũ, rū ñanagũrũ: —Pa Duũxũgũ i Tama Yaxõgũxũ, ¿Ñuxguratáta i pemaã chanuxmaxũ rū yaxna pemaã cha xĩ-nũxũ? ¡Nuã naga ya cune! —ñanagũrũ.

⁴² Natũrũ yexguma Ngechuchuxũtawa nanguxgu ga guma bucũ, rū yema ngoxo rū guma bucũxũ ñaxtũanegu nayanguxẽẽ, rū nanaxãũãẽxẽẽ. Natũrũ Ngechuchu nananga ga yema ngoxo, rū nanamexẽẽ ga guma bucũ. Rū ñuxũchi nanatũxũtawa nanamu.

⁴³ Rū guxũma ga duũxũgũ rū nabaixãchiãẽgũ ga yexguma nũxũ nadaugũga ga ñuxãcũ na naporaxũ ya Tupana.

Ngechuchu rū wenaxãrũ nanaxunagũ ga norũ yuxchiga
(Mt 17.22-23; Mr 9.30-32)

Rū yexguma duũxũgũ namaã ñaixãchieyane ga yema Ngechuchu xũxũ, rū ñanagũrũ ga Ngechuchu nũxũ ga norũ ngúexũgũ:

⁴⁴ —¡Meã iperũxĩnũe i ñaã ore i pemaã nũxũ chixuxũ! ¡Rũ tãũtãma nũxũ ipeyarũngũmaẽ! Choma i Tupana Nane na duũxũxũ chĩxũ, rū chauechita tá choxũ ínaxuaxũgũ i duũxũgũ na ãẽxgacũgũ choxũ iyauxgũxũcèx —ñanagũrũ.

⁴⁵ Natũrũ ga norũ ngúexũgũ rū tama nũxũ nacuèxgũéga ga yema namaã nũxũ yaxuxũ. Yerũ Tupana rū tama naxcèx nanangoxẽẽ ga yema ore na nũxũ nacuèxgũxũcèx. Rū yema ngúexũgũ rū namuũẽ ga Ngechuchuna na nacagũxũ na meã namaã nangoxẽẽãxũcèx ga yema namaã nũxũ yaxuxũ.

¿Texé tá tixĩ ya guxããrũ yexera ixĩxẽ?
(Mt 18.1-5; Mr 9.33-37)

⁴⁶ Rū yexguma ga norũ ngúexũgũ rū inanaxũgũe ga nũgũmaã na yaporagatanũcũxũ nachiga ga texé tá tixũ ya natanũwa guxããrũ yexera ixĩxẽ.

⁴⁷ Natũrũ Ngechuchu rū nũxũ nacuèxama ga yema norũ ngúexũgũ nagu rũxĩnũèxũ. Rū yemacèx wũxi ga buxũ nũgũxũtawa naga, rū nũgũxũtagu nayachixẽẽ.

⁴⁸ Rū ñanagũrũ nũxũ ga norũ ngúexũgũ: —Texé ya ñaã buxũxũ meã yaxúxe chauégagu, rū choxũ nixĩ i tayaxuxũ. Rū yixema meã choxũ yaxúxe, rū Chaunatũ ya núma choxũ mucũxũ rū ta meã tayaxu. Rū yixema guxããrũ yexera tũgũ írũxĩraxe, rū yixema tixĩ ya guxããrũ yexera ixĩxẽ —ñanagũrũ.

Texé ya tama taxchi aixe rū tórũ ngũxẽẽruũ tixĩ
(Mr 9.38-40)

49 Rū yexguma ga Cuáú rü ñanagürü nüxü: —Pa Ngúexēēruūx, nüxü tadau ga wüxi ga yatü ga cuégagu ngoxogü íwoxüxü. Rū toma nüxna tanachuxu ga yema yerü tama tatanüxü nixi ga nümax —ñanagürü.

50 Natürü Ngechuchu rü ñanagürü nüxü: —Tama name i nüxna na penachuxuxü. Erü texé ya tama taxchi aixe, rü tórü ngüxēēruü tixi —ñanagürü.

Ngechuchu nayangagü ga Chaütiágu rü Cuáú

51 Rū yexguma marü yangaicagu ga Ngechuchu ga daxügxüxü ga nañewa na naxüxü, rü tama namuñácüma inaxüächi ga Yerucharéüwa na naxüxü.

52 Rū nügüpéxegu nayamugü ga ñuxre ga norü orearü ngerügmē. Rū nümagü rü nawa naxi ga wüxi ga ñānēxácü ga Chamáriaanewa yexmane, na yexma naxcēx yadaugüxüxcēx ga wüxi ga ī na Ngechuchu nagu pexünexü.

53 Natürü yema Chamáriaanecüāx rü tama nanayauxgüchaü, yerü nüxü nacüēxgü ga Yerucharéüwa tá na naxüxü.

54 Rū yexguma yemaxü nadaugügu ga norü ngüexügü ga Chaütiágu rü Cuáú, rü ñanagürügü Ngechuchuxü: —Pa Corix, ꞥcunaxwēxexü na Tupanana naxcēx tacaxü na daxüwa ne namuāxüxcēx ya üxü na nagüxēēāxüxcēx i guxüma i ñāā duüxügü, yema nuxcümaücü ga Tupanaärü orearü uruü ga Ería üxürüü? —ñanagürügü.

55 Rū yexguma ga Ngechuchu rü nüxü nadawenü, rü nayangagü, rü ñanagürü nüxü: —Pema rü tama nagu perüxñnē na texéarü duüxügü pixigüxü.

56 —Erü choma i Tupana Nane na duüxüxü chíxü, rü tama duüxügüarü tauxexēēwa núma chaxü, natürü núma chaxü na duüxügüxü chamaxēxēxüxcēx —ñanagürü. Rū yexguma rü náí ga ñānēxácüwa naxi.

Duüxügü ga Ngechuchuwe rüxchaüxüchiga (Mt 8.19-22)

57 Rū yexguma namagu naxixgu rü wüxi ga yatü Ngechuchuxü ñanagürü: —Pa Corix, cuwe charüxüxchaü i ngextá cuma ícuxüxüwa —ñanagürü.

58 Rū Ngechuchu nanangāxü rü ñanagürü: —Ngowagü rü nüxü nangēxma i naxmaxügü, rü werigü rü nüxü nangēxma i naxchiāügü, natürü choma i Tupana Nane na duüxüxü chíxü, rü nataxuma i chauchica i ngextá nagu chícuxeruxü —ñanagürü.

59 Rū Ngechuchu ñanagürü nüxü ga wüxi ga to ga yatü: —¡Chowe rüxü! —ñanagürü. Natürü núma ga yema yatü rü ñanagürü nüxü: —Pa Corix, noxri chanawēxe i chaunatüxü ichayatēxira —ñanagürü.

60 Rū Ngechuchu nanangāxü rü ñanagürü: —Nüē ngēma cutanüxü i tama yaxögüxü iyatēxgü i ngēma naxrüü yuexü, natürü cuma rü curü puracü nixi na paxa duüxügümaā nüxü cuyarüxuxü i Tupanaärü ore na ñuxácü guxāärü āēxgacü na yixü i nümax —ñanagürü.

61 Rū wüxi ga to ga duüxü rü ñanagürü Ngechuchuxü: —Pa Corix, ngēmāácü cuwe charüxüxchaü, natürü noxri chanaxwēxe i nüxü chayarümoxē i ngēma chopatacüāxgü —ñanagürü.

62 Natürü Ngechuchu rü ñanagürü nüxü: —Texé ya yixema inaxügüxe na Tupanaärü puracüwa tapuracüxü natürü tümaärü ngēmāxüguama rüxñnēxē, rü tama tame na Tupanaāxü tapuracüxü —ñanagürü.

1 Rū yemawena ga Cori ga Ngechuchu rü nayadexechi ga 72 ga to ga norü ngüexüğü. Rū taxrechigü inayamugü na yoxni guxü ga yema iānegü rü nachicagü ga Ngechuchu nawa üxchaüxüwa na naxixüxcëx.

2 Rū ñanagürü nüxü: —Aixcümäxüchi nangëxma i muxüchixü i duüxüğü i yaxögüchaüxü natürü ngema Tupanaarü orearü uwa puracüexü rü noxretama nixi. Rū ngëmacëx name i perü yumüxëwa nüxna peca ya yima puracüarü yora na ngema norü puracüwa namugüaxüxcëx i to i puracütanüxü..

3 —Rü ipexiāchi rü ngema pexi! Rū dücax, ñoma carnerugü i aigütanüwa imugüxürü nixi i pexü chimugüxü.

4 —Rü täütama choca ípinge, rü bai i perü dīeru, rü bai i perü chapatu! Rū tama chanaxwëxe i namagu penuxcü i ngëxguma namawa texëxü perümoxëgügu.

5 —Rü ngëxguma wüxi ya İwa pengugügu, rü ñaācü tá nüxü perümoxëgü i ngëma duüxüğü:

“iPetaāxë erü Tupana rü napetanügu!”, ñaperügüğü tá.

6 —Rü ngëxguma ngëma nangëxmagu i duüxüğü i Tupanaxü cuëxgüchaüxü rü Tupana rü tá nüxna nanaxā i taāxë. Natürü ngëxguma ngëma nataxuxgu i duüxüğü i Tupanaxü cuëxgüchaüxü, rü ngema Tupanaarü taāxë rü pexrütama nixi.

7 —Rü wüxi ya İgutama perücho, rü ngëma pechibüe rü peyaxü i ngëma nüxü ngëxmaxü i ngëma icüaxgü! Erü wüxi i puracütanüxü rü name nixi na nayauxāxü i norü natanü naxcëx i norü puracü. Rü yima iānewa pengëxmagüyane rü tama chanaxwëxe i nái ya İgu peyapëgü.

8 —Rü ngëxguma wüxi ya iāne ya nawa meā pexü nayaxunewa pengugügu, jrü penangō i ngëma òna i pexna naxāgüxü!

9 —Rü penameëxëx i ngëma idaaweexü i yima iānewa ngëxmagüxü! jrü namaā nüxü pixu rü ñapëgüğü nüxü:

“Tupanaärü pora rü marü pexna nangaicama rü napexütagu”, ñapëgüğü nüxü!

10 —Natürü ega nawa pengugügu ya wüxi ya iāne i ngextá duüxüğü tama meā pexü İyaxgüxüwa, jrü ngëma İtamügu İpechoxü rü ñapëgüğü nüxü i ngëma iānecüāxü!

11 “Rü woo ñaā perü iāneärü üxaxü i tocutüwa yaxüxü, rü itanapagü, na ngëmawa nüxü pecuāxüxcëx na Tupana rü tama pemaā nataāëxü. jrü Natürü tama nüxü İpeyarüngümaë na marü pexna nangaicamaxüchichirëxü ya Tupana na perü āëxgacü yixü”, ñaperügüğü tá nüxü i ngëma iānecüāxü!

12 —Rü pemaā nüxü chixu rü ngëma ngunexü i nagu nagüxü i naāne, rü Chodomacüāxü i duüxügüarü yexera Tupana tá nanapoxcue i ngëma duüxüğü i tama meā pexü yaxgüxü.

Iānegü ga tama Tupanaga İniēne (Mt 11.20-24)

13 —Rü wüxi i ngechaü nixi i pexcëx, Pa Corachicüāxü rü Bechaídacüāxü i Duüxügüx, yerü yexguma chi Tiruarü iānewa rü Chidāüärü iānewa chanaxüxgu ga yema mexüğü ga cuëxruüğü ga Tupanaärü poramaā petanüwa chaxüxü, rü woo ga na poraäcü yachixëxü ga yema Tirucüāxü rü Chidāücüāxü ga duüxüğü rü nuxcümama chitama nüxü narüxoe ga nacüma ga chixëxü, rü poraäcüxüchi chima nügümaā nangechaüğü rü naxauxe, yerü chi nügü nicüëxächitanü ga na yapecaduāxgüxü.

14 —Natürü pemaã nüxü chixu rü ngêma ngunexü i Tupana nagu napox-cuexü i pecaduãxgüxü, rü ngêma ngunexügu rü Tirucüãx rü Chidãücüãxârü yexera tá pexü napoxcue i pemax.

15 —Rü pemax, Pa Capernãücüãxgü i Duüxügüx ¿éxna pema nagu perüxînüëgu rü daxügüxü i naãnewa tá pexixü? Pemaã nüxü chixu rü naãnetüüwa i ngextá Tupana Chatanáxü ipoxcuüwa tá nixi i pewogüxü.

16 Rü ñuxüchi norü ngüexügüxü ñanagürü: —Rü yixema pega ñüëxê, rü chauga rü ta taxîñüë. Natürü yixema tama pega ñüëxê, rü chauga rü ta tama taxîñüë. Rü yixema tama chauga ñüëxê, rü tama naga taxîñüë ya Chaunatü ya núma choxü mucü —ñanagürü ga Ngechuchu.

Nawoegu ga yema 72 ga Ngechuchuarü ngüexügü

17 Rü taãëácüma nawoegu ga yema 72 ga norü ngüexügü ga yamugüxü. Rü ñanagürügü nüxü: —Pa Corix, ngëxguma cuégagu tidexagügu, rü èjxrüxü i ngoxogü rü toga naxîñüë —ñanagürügü.

18 Rü Ngechuchu rü ñanagürü nüxü: —Ngëmáácü aixcüma nixi. Yerü nüxü chadau ga Chataná ga daxügüxü ga naãnewa na natãdexü wüxi ga ãëmacürüü.

19 —Rü choma nixi ga pexna chanaxãxü ga pora na tama chixexü pemaã naxügüxücëx ega woo äxtapegüwa rü éxna tuxchinawegüwa pengagügu. Rü yexgumarüü ta pexna chanaxã ga pora na nüxü perü- yexeraxücëx i guxüma i Chatanáãrü pora na ngëmáácü taxucürüwama tacü rü chixexü pemaã naxüxücëx.

20 —¡Natürü täxü i petaãëgüxü naxcëx i ngêma na pega naxîñüëxü i ngoxogü! Rü narümemae nixi i petaãëgü naxcëx na marü naxümatüxü i peéga i Tupanaãrü poperawa i daxügüxü i naãnewa —ñanagürü.

Ngechuchu rü nataãë (Mt 11.25-27, 13.16-17)

21 Rü yexgumatama ga Tupanaãë ga Üünexü rü poraãcü Ngechuchuxü nataãëxêë. Rü ñanagürü ga Ngechuchu: —Pa Chaunatü, Pa Daxügüxü i Naãne rü Ñoma i Naãneãrü Yorax, cuxü chicuëxüü, yerü ñaã chorü ngüexügüxü nüxü cucuëxêë i ñaã ore ga naxchaxwa iquicüxü ga duüxügü i ñoma i naãnewa nüxü cuëxüchigüxü. Rü yemaãcü cunaxü, Pa Chaunatüx yerü yemaãcü nixi ga cunaxwëxexü —ñanagürü.

22 Rü ñanagürü ga Ngechuchu: —Chaunatü choxna nanaxã i guxüma i tacü i ngëxmaxü. Rü taxüema choxü tacuëx na Tupana Nane chiixü. Rü Chaunatüxicatama nixi ya choxü cuácü na Nane chiixü. Rü ngëxgumarüü ta taxüema nüxü tacuëx na texe yixü ya Chaunatü. Rü choma ya Nane rü ngêma duüxügü i Chaunatüxü nüxü chadauxêëchaüxüxicatama nixi i nüxü cuëxgüxü na texe yixü —ñanagürü.

23 Rü yexguma norü ngüexügüxü nadawenü, rü namaãxica ñanagürü: —Tataãëgü ya yixema tümaxëtümaãxüchi nüxü daugüxe i ñaã ñuxma pema nüxü pedaügüxü.

24 —Erü pemaã nüxü chixu, rü muxüma ga nuxcümaügüxü ga Tupanaãrü orearü uruügü rü ãëxgacügü ga tacügü, rü nüxü nangüchaü ga nüxü na nadaügüchaüxü i ñaã ñuxma pema chauxütawa nüxü pedaügüxü. Natürü tama nüxü nadaügü. Rü nüxü nangüchaü ga nüxü na naxîñüëchaüxü i ñaã ñuxma pema chauxütawa nüxü pexîñüëxü. Natürü tama nüxü naxîñüë —ñanagürü.

Ore ga mecü ga Chamáriacüãxgu ixuxü

25 Rū yexguma inachi ga wūxi ga ngúexēeruū ga Moĩchēaru mugūwa nguxēētaexū, rū Ngechuchuxūtawa naxū na namaā yanadexaxūcēx. Rū Ngechuchuxū naxūchaū, rū yemacēx nūxna naca rū ñanagürü: —Pa Ngúexēeruū ya Ngechuchux, ¿Tacū nixī i mexū na chanaxūxū na choxū nangēxmaxūcēx i maxū i taguma gúxū? —ñanagürü.

26 Rū Ngechuchu nanangāxū, rū ñanagürü: —¿Nūxū ñaxū i ngēma ore i Moĩchēaru mugūwa umatūxū? ¿Rū tacūxū i cumaā yaxuxū? —ñanagürü.

27 Rū yema ngúexēeruū ga Moĩchēaru mugūwa nguxēētaexū, rū Ngechuchuxū nangāxū, rū ñanagürü: —¿Nūxū nangechaū ya Cori ya curū Tupana i guxūma i curū maxūmaā, rū guxū i cuāēmaā, rū guxū i curū poramaā, rū guxū i nagu curūxīnūxūmaā! ¿Rū nūxū nangechaū i cumūcū ngēma na cugūtama cungechaūxūrū! —ñanagürü.

28 Rū yexguma ga Ngechuchu rū ñanagürü nūxū: —Ngēma ore i choxū namaā cungāxūxū rū marū name. Rū ngēxguma ngēma ore quinguxēēxgu, rū tá cunayaxu i maxū i taguma gúxū —ñanagürü.

29 Natürü ga yema ngúexēeruū ga Moĩchēaru mugūwa nguxēētaexū, rū nügētūwa nachogūchaū. Rū yemacēx Ngechuchuna naca, rū ñanagürü: —¿Rū texē tixī ya chomūcū? —ñanagürü.

30 Rū yexguma ga Ngechuchu rū nanangāxū, rū ñanagürü nūxū: —Wūxi ga yatū Yerucharéūwa ne naxū, rū Yericú ga ñānēwa naxū. Rū namagu nūxū nangaugū ga ngītēēxgūxū. Rū guxūma ga norū yemaxūcēx nangīxgū, rū èjxřūxū ga naxchiru rū ta naxcēx nangīxgū. Rū nanaꝓuaixgū, rū nayayuāchixēēgū, rū yemaācū yēma nanatēxgū.

31 —Rū yematama namawa naxūpetū ga wūxi ga Yudīgūaru pai. Natürü yexguma yema yatūxū nadēuxgu rū nūxū yēma naxūpetūmare.

32 —Rū yēma naxūpetū ta ga wūxi ga Lebítanūxū ga tupauca ga taxūnēwa puracūxū. Rū yexguma yema yatūxū nadēuxgu, rū nūma rū ta nūxū naxūpetūmare.

33 —Natürü yixcūra rū wūxi ga Chamáriaanecūāx ga yatū rū yematama namawa naxūpetū. Rū yexguma guma yatūxū nadēuxgu rū nūxū nangechaūtūmū.

34 —Rū guma yatūcēx nixū. Rū chixū rū binumaā nanaxūxū ga norū oxřigū, rū meāma nayanējxgū ga yema norū oxřigū. Rū ñūxūchi norū burugu nanamunagū, rū wūxi ga pegūchicawa nanaga. Rū yēma nūxna nadau.

35 —Rū moxūācū ga yexguma inaxūāchigu ga yema Chamáriaanecūāx, rū ngīxū nayaxu ga taxřetachinū ga norū dīeru, rū yema pegūchicaarū yorana ngīxū naxā. Rū ñanagürü nūxū:

“¿Nūxna nadau i ñā yatū! Rū ngēxguma yexeragu naxātanūgu na nuā nangēxmaxū, rū choma tá cuxū chanaxūtanū i ngēxguma chataeguxgu”, ñanagürü.

36 Rū ñanagürü ga Ngechuchu nūxū ga yema ngúexēeruū ga Moĩchēaru mugūwa nguxēētaexū: —Ñūxma chanaxwēxe i chomaā nūxū quixu i ngēxūrūxū ga yema tomaēxpūxtanūwa ga aixcūma namūcū ixīxū ga yema yatū ga ngītēēxgūxū imēxgūxū —ñanagürü ga Ngechuchu.

37 Rū yexguma ga yema ngúexēeruū ga Moĩchēaru mugūwa nguxēētaexū rū ñanagürü: —Yema Chamáriaanecūāx nixī ga yema yatūmūcū ixīxū, yerū nūxū nangechaūtūmū —ñanagürü. Rū yexguma ga Ngechuchu rū ñanagürü nūxū: —¿Nūxma rū íixū rū yema Chamáriaanecūāx ūxūrū naxū! —ñanagürü nūxū.

³⁸ Rū yexguma Ngechuchu namagu ixūxgu norū ngúexūgūmaã rū wūxi ga iānexācūwa nangu. Rū yéma guma iānexācūwa rū wūxi ga nge ga Martagu āegacū ngīgūpatawa inanguxēē.

³⁹ Rū Martaaxū iyexma ga wūxi ga ngīēyēx ga Marīagu āegacū. Rū ngīma rū Ngechuchucutūxūtawa irūto inaxīnūxūcēx ga Ngechuchuarū ore.

⁴⁰ Natūrū ga Marta rū itaarū puracūāx rū yemaācū ngīrū puracūguama irūxīnū. Rū yemacēx Ngechuchucēx iyaxū, rū ngīgūrūgū nūxū: —Pa Corix, ζtama ēxna nagu curūxīnū i ngēma na chataarū puracūāxū rū ngēma chaueyēx rū choxnaxīca na nataāxū i guxūma i ngēma puracū? ;Rū namaā nūxū ixu na choxū nangūxēēxūcēx! —ngīgūrūgū.

⁴¹ Natūrū Ngechuchu rū ngīxū nangāxū, rū ñanagūrū ngīxū: —Pa Martax, cuma rū poraācū curū puracūcēx cuxoegaāē, rū muxūma i ngēmaxūgu curūxīnū.

⁴² —Natūrū wūxixicatama nixī i guxūārū yexera i mexū na nagu rūxīnūxū. Rū Marīa iyixī i ngēmagu rūxīnūcū. Rū taxūetāma ngīxna tayanuxū i ngēma —ñanagūrū ga Ngechuchu.

11

Ngechuchu nanangúexēē ga yumūxēchiga (Mt 6.9-15, 7.7-11)

¹ Rū wūxicana wūxi ga nachicawa nayumūxē ga Ngechuchu. Rū yexguma nūxū nachauxgu, rū wūxi ga norū ngúexū rū ñanagūrū nūxū: —Pa Corix ;toxū nangúexēē na ñuxācū tayumūxēgūxū, yema Cuāū ga baiūxēēruū norū ngúexūgūxū nangúexēēxūrū! —ñanagūrū.

² Rū Ngechuchu ñanagūrū nūxū: —Rū ngēxguma peyumūxēgūgu rū ñaperūgūgū tá:

“Pa Tonatū ya Daxūgucūx, rū aixcūma Ūñecū quixī i cumax. ;Rū núma naxū na torū āēxgacū quiūxūcēx! Rū tanaxwēxe i curū ngúchaū na naxūgūxū i duūxūgū i ñoma i naānewa, ngēma daxūguxū i naānewa na curū ngúchaū inaxūgūxūrū.

³ ;Rū toxna naxā i torū ōna i wūxichigū i ngunexūcēx ixīxū!

⁴ ;Rū toxū nūxū nangechaū i torū pecadugū, erū toma rū ta tūxū nūxū tangechaū ya guxāma ya yīxema chixri tomaā chopetūxe! ;Rū tāxū i ;facū rū chixexūpēxewa toxū cuwogūxū na tama nagu tayixūcēx!” ñanagūrū.

⁵ Rū ñanagūrū ta ga Ngechuchu: —Ngēxguma chi wūxie i pema rū tūxū nangēmaxgu i wūxi i tūmamūcū, rū chi ngāxūcūū napatawa taxūxgu rū ñatagūgu nūxū:

“Pa Chomūcūx, ;tomaēxpūx i pāū choxna naxā!

⁶ —Erū wūxi i chomūcū rū yaxūwa ne naxū, rū ngexwacēx chopatawa nangu. Rū choma rū changearū ōnaāx, rū taxūmaāma chanachibūxēēega”, ñatagūgu.

⁷ —Rū ngēma tūmamūcū i napatawa ngēxmaxū, rū chi tūxū nangāūxgu rū ñaxgu:

“;Tāxū i choxū cuchixewexū! Chorū iāx rū marū narūwāxta, rū choma rū chauxacūgū rū ngūrūcarewa tangēxmagū. Rū ngēmacēx taxucūrūwa ícharūda na ;facū cuxna na chaxāxūcēx”, ñaxgu chi tūxū.

⁸ —Rū pemaā nūxū chixu, rū ngēma na tūmamūcū yīxūcēx rū tāūtāma ínarūda na ;facū tūxna naxāxūcēx. Natūrū tá ínarūda na tama tanachixeweexūcēx, rū tá tūxna nanaxā i guxūma i ;facū i tanaxwēxexū.

9—Rü ngëmacèx pemaã nüxü chixu rü, ¡Naxcèx ípeça rü Tupana rü tá pexna nanaxã! ¡Rü Tupanacèx pedèux rü tá nüxü ipeyangau! ¡Rü ìãxwa: Tu tu tu ñapegü, rü tá pexcèx niwãxna i ìãx!

10—Erü guxãma ya yíxema naxcèx íçaxe rü tanayaxu, rü guxãma ya naxcèx dauxe rü nüxü itayangau. Rü guxãma ya ìãxwa: Tu tu tu ñagüxe, rü tümacèx tá niwãxna i ìãx.

11—¿Rü ñuxãcü i wüxi i pema na papágü piixü rü penena penaxãxü ya wüxi ya nuta ega pãücèx pexna nacaxgu, rü éxna wüxi i äxtape ega choxnicèx pexna nacaxgu?

12—¿Rü texé i petanüwa rü penena penaxã i tuxchinawe ega wüxi ya otacharaücèx pexna nacaxgu?

13—Rü ngëma pema na pichixecümachiréxü natürü nüxü pecuèx na ñuxãcü mexü i ämare pexacügüna na pexãxü, rü pemaã nüxü chixu rü Penatü ya Daxügücü rü perü yexera tá nixí na pexna mexü naxãxü. Rü guxãma ya yíxema Tupanaxütawa Naãe i Üünexücèx íçaxe, rü tá tüxna nanaxã—ñanagürü ga Ngechuchu.

Ngechuchuxü nixugüe na ngoxoarü poramaã napuracüxü nawogüe (Mt 12.22-30; Mr 3.20-27)

14 Rü Ngechuchu ínanatèxüchi ga wüxi ga ngoxo ga wüxi ga yatüxü nge-gaxèèxü. Rü yexguma ínaxüüxgu ga yema ngoxo rü guma yatü rü nidexa. Rü guxüma ga duüxügü rü nabaixãchiãègü ga yexguma yemaxü nadaugügu.

15 Natürü ñuxre ga duüxügü rü ñanagürügü: —Ñãã yatü i Ngechuchu, rü Bechebü i ngoxogüarü äëxgacüarü poramaã nixí i ínanawoxüãxü i ngoxogü—ñanagürügü.

16 Natürü ga togü rü nüxü naxügüchaü, rü yemacèx naxcèx ínacagü ga nüxü na nawéaxü ga wüxi ga cuèxruü ga daxücüãx na yemawa nüxü nacüèxgüxüçèx rü ngoxi aixcüma Cristu yí.

17 Natürü nüma ga Ngechuchu rü nüxü nacüèxama ga tacügu na naxínüèxü, rü yemacèx ñanagürü nüxü: —Ngëxguma chi wüxi i nachiüãnecüãx i duüxügü nügü itoyegu rü nügütanüwa chitama nügü nadaixgu, rü nügü chitama naguxèè. Rü ngëxguma chi wüxi ya ícüãx nügümaã nuèèchagu rü nügü nadaixgu, rü nügü chitama naguxèè.

18—¿Rü ngëxguma chi Chataná nügümaãtama nuxgu, rü nügütama yamèxgu, rü ñuxãcü chi i äëxgacüecha yíixü? Rü ngëma ñacharügü i ñuxma erü pema choxü pixuxgu rü Bechebüarü poramaã íchanawoxü i ngoxogü.

19—Natürü ngëxguma chi Chatanáãrü poramaã íchanawoxügu i ngoxogü, rü perü ngüèxügü rü chita Chatanáãrü poramaã ínanawoxü i ngoxogü. Rü ngëmawa meã nüxü tacuèx na pema rü ípetüèxü.

20—Natürü pemaã nüxü chixu rü aixcüma Tupanaãrü poramaã nixí i íchanawoxüxü i ngoxogü. Rü ngëmawa pexü nüxü chacuèxèè na nüma petanüwa nanguxü ya Tupana na äëxgacü yíixüçèx.

21—Rü ngëxguma wüxi ya yatü ya poracü rü meãma nügü naxüxnegu rü nüxna nadèuxgu ya napata, rü taxüetáma naxcèx tangíx i norü ngëmaxü i napatawa ngëxmaxü.

22—Natürü ngëxguma ínanguxgu i to i yatü i nüxü rüporamaèxü, rü nüxü nayexeragu, rü tá nüxna nanapuxü ya naxne ya nügü namaã ínaporaãxüne, rü tá nüxna nanapuxü i guxüma i norü ngëmaxü, rü tá nayana.

23 —Yíxema tama choxü ngechaüxê rü chauxchi taxai. Rü yíxema tama choxü rüngüxêxê na Tupanacêx tayagagüxü i duüxügü rü chauxchawa tanangianexêê.

ngoxo i taeguxüchiga
(Mt 12.43-45)

24 —Rü ngêxguma wüxi i ngoxo rü wüxi ya yatüwa ínaxüüxgu, rü dau-chitagu nanañaâne, rü naxcêx nadau na ngextá na nangüxü. Rü ngêxguma taxuguma nangüegagu, rü nügü ínicuêx rü ñanagürü:

“Maneca naxcêx tá chataegu ya yima yatü ga noxri nawa íchaxüxüchirécü”, ñanagürü.

25 —Rü ngêxguma nataegugu, rü yima yatüxü inayangau na ñoma wüxi ya í ya mexêene rü meã nabixichinerüü na yíixü.

26 —Rü ínixü rü naxcêx nayadau i to i 7 i ngoxogü i norü yexera i chixexü. Rü guxüma i ngêma ngoxogü rü wüxigu yima yatügu nachocu, rü ngêxma naxächüügü. Rü ngêxguma ya yima yatü rü noxriarü yexera nachixe — ñanagürü.

Taãe i aixcüma ixüxüchiga

27 Rü yemaxü íyaxuyane, rü wüxi ga ngecü rü duüxügütanüwa tagaäcü ngîgürügü: —Tataãe ya yíxema tügüanüwa cuxü yaxêxê rü tügü nixüwa cuxü maixê —ngîgürügü.

28 Natürü ga Ngechuchu rü ñanagürü: —Yexeraäcü tataãe ya yíxema nüxü ínuxê i Tupanaärü ore rü naga ínuxê —ñanagürü.

Duüxügü ga tama yaxögüchaüxü rü naxcêx ínacagüama ga to ga cuèxruü ga Tupanaärü poramaã üxü
(Mt 12.38-42; Mr 8.12)

29 Rü nimuêtanü ga duüxügü ga Ngechuchuxütawa ngutaquêxegüxü. Rü inanaxügü ga Ngechuchu ga namaã na yadexaxü. Rü ñanagürü: —Ñãã duüxügü i ñomaücüü maxêxü rü nichixecüma. Rü naxcêx ínacagü i wüxi i cuèxruü i mexü i Tupanaärü poramaã üxü. Natürü Tupana rü wüxixicatama i cuèxruü tá nüxü nawêx. Rü ngêma nixü i cuèxruü ga Tupanaärü orearü uruü ga Yonáwa duüxügüxü nawêxü na nüxü nacuêxgüxcêx na aixcüma Tupana yíixü ga guma yéma namucü.

30 —Rü yexgumarüü ga Yoná rü wüxi ga cuèxruü nixü naxcêx ga Nínibecüãx ga duüxügü, rü ngêxgumarüü tá ta nixü ya Tupana Nane ya duüxüxü íxícü na wüxi i cuèxruü tá yíixü naxcêx i ñomaücüü maxêxü i duüxügü.

31 —Rü ngêxguma naãneärü guxgu rü Tupana rü ñomaücüü maxêxü i duüxügüna nacêxgu i norü pecaduchigacêx, rü ngíma ga nuxcümaücü ga Chabaaneärü âêxgacü tá írúda rü tá ínaxuaxü i ñomaücüü maxêxü i duüxügü. Yerü ngíma rü yaxüwaxüchi ne íxü ga na âêxgacü ga Charumóüxü naxínüxcêx ga ñuxäcü poraäcü nüxü na nacuêxüchixü. Natürü ñuxma nuã petanüwa nangêxma i wüxi i Charumóüärü yexera íxícü.

32 —Rü ngêxguma naãneärü guxgu rü Tupana rü ñomaücüü maxêxü i duüxügüna nacêxgu norü pecaduchigacêx, rü nuxcümaügüxü ga Nínibecüãx ga duüxügü rü tá ínarüdagü rü tá ínaxuaxüxü i ñomaücüü maxêxü i duüxügü. Yerü nümagü ga Nínibecüãxgü ga duüxügü rü nüxü narüxoe ga nacümagü ga chixexü ga yexguma Yoná namaã nüxü íxuxgu ga Tupanaärü ore. Natürü ñuxma nuã petanüwa nangêxma i wüxi i Yonáärü yexera íxícü.

*Taxüeneärü omüchiga
(Mt 5.15, 6.22-23)*

33 –Taxúema wüxi i omüwa tanangixichi rü ñuxüchi itayacux rü éxna facütütügu tayaxücuchi. Natürü norü üchicatügu tanaxünagü na ngema tüxü nabaxixüçex ya yixema duüxégü ya yima ïgu chocuxe.

34 –Cuxetügü rü ñoma wüxi i omürüü nixi i cuxunecex. Rü ngëxguma ngëma Tupana cuxü naxwëxëçex cudëuxgu, rü guxüma i curü maxü rü name. Natürü ngëxguma ñoma i naäneärü ngüchaüçex cudëuxgu, rü guxüma i curü maxü rü chixexüwa nangëxma.

35 –ïMeã cugüna nadau na tama eänexüxü nanguxuchixüçex i ngëma ore i mexü i cuxü ngëxmaxü, i ñoma wüxi i omürüü ixixü!

36 –Ngëxguma chi guxü i curü maxüwa nangëxmagu i Tupanaärü ngóonexü rü taxuwa nama nachixëxgu i curü maxü, rü meã chi nüxü cucuex i Tupanaärü ngüchaü ñoma wüxi i omü i cuxü baxixürüü –ñanagürü.

*Ngechuchu rü duüxügütanüwa ñanaxuaxü ga Parichëügü rü ngüxëëruügü ga Moïchéarü mugüwa nguxëëtaegüxü
(Mt 23.1-36; Mr 12.38-40; Lc 20.45-47)*

37 Rü yexguma nüxü nachauxgu ga na yadexaxü ga Ngechuchu rü wüxi ga Parichëü nüxna naxu ga napatawa na yachibüxüçex. Rü yema Parichëupatawa naxü, rü mechawa nayarüto.

38 Rü yema Parichëü rü nabaixächiaë ga yexguma Ngechuchuxü nadëuxgu na tama yanguxëëaxü ga yema Moichëarü mu na nayauxmëxgüxiraxü ga yexguma nachibüegu.

39 Natürü nüma ga Cori ga Ngechuchu rü ñanagürü nüxü: –Pema i Parichëügü rü ñoma pochiyu rü poratu i düxëtüwaxicatama iyaxuxürüü pixigü. Natürü i peãëwa rü nagu perüxünë na pengixü rü chixexü pexüxü.

40 –Pa Naëchitamare Maxëxüx, ÿtama éxna nüxü pecuex na guma Tupana ga naxücü i ngëma tóru düxëtüxünewa ngëxmaxü, rü gumatama yixü ga naxücü ga tóru maxü i tóru aixepewa ngëxmaxü?

41 –Rü name nixi i Tupanana penaxã i perü maxü na aixcüma naxcëx pemaxëxüçex. Rü ngëmaäcü tá pime i guxüwama.

42 –Natürü wüxi i ngechaü nixi i pexcëx, Pa Parichëügüx, erü pema rü perü ngëmaxüwa rü meã Tupanana penaxã i ngëma noxrü ixixü, natürü perü maxüwa rü tama aixcüma naga pexünë rü tama nüxü pengechaü. Rü marü name na perü ngëmaxüwa Tupanana penaxãxü i ngëma noxrü ixixü. Natürü perü maxüwa rü ta penaxwëxe i meã naga na pexünëxü rü nüxü na pengechaüxü.

43 –Rü wüxi i ngechaü nixi i pexcëx, Pa Parichëügüx, erü pema rü pexü nangüchaü i äëxgacüchicagüwa na perütogüxü i ngutaquëxepataügüwa. Rü penaxwëxe na ñoma äëxgacüxü rümoxëxürüü na meã pexü namoxëgüxü i duüxügü i itamügüwa.

44 –Rü wüxi i ngechaü nixi i pexcëx, erü ñoma yuetamaügü i tama nüxü idauxü i duüxügü naëchitamare naëtüwa chopetüxürüü pixigü. Erü woo perü düxëtüwa pime, natürü aixepewa i peãëwa rü poraäcü pichixe –ñanagürü ga Ngechuchu.

45 Rü wüxi ga ngüxëëruü ga Moïchéarü mugüwa nguxëëtaexü, rü Ngechuchuxü nangãxü rü ñanagürü: –Pa Ngüxëëruü Pa Ngechuchux, rü ngëma na ngëma ñacuxü, rü toma rü toãëwa nangux –ñanagürü.

⁴⁶ Natürü Ngechuchu rü ñanagürü nüxü: —Wüxi i ngechaü nixi i pexcèx, Pa Ngüexêëruügü i Moïchéarü Mugüwa Ngüxêëtaegüxüx, erü poraäcü penamu i duüxügü na naga naxinüëxüxcèx i ngëma Moïchéarü mugü i guxchaxü i pematama bai i írarüwa naga pexinüëchaüxü.

⁴⁷ —Rü wüxi i ngechaü nixi i pexcèx, erü peyamexêëgü i tümamaügü ga guxema nuxcümaügüxe ga Tupanaärü orearü uruügü ga perü oxigü tüxü ðeixe.

⁴⁸ —Rü ngëmawa nüxü tacuèx na pema rü ta ipexägüxü nawa ga yema chixexü ga perü oxigü ügüxü. Yerü nümagü rü tüxü nadai ga guxema Tupanaärü orearü uruügü, rü ñuxma i pema rü peyamexêëgü i tümamaügü.

⁴⁹ —Rü yemacèx nixi ga Tupana ga ñaxü:

“Ngëma duüxügütanüwa tá chanamugü i chorü orearü uruügü rü chorü orearü ngeruügü. Natürü ngëma duüxügü i chixexügü rü tá nanadai i nümamaxü rü togüxü rü tá nachixewegü rü tá nawe ningëxütanü”, ñaxü ga Tupana.

⁵⁰⁻⁵¹ Rü ñanagürü ga Ngechuchu: —Rü pemaä nüxü chixu rü Tupana tá nayapeguächixêë i pema i ñuxma maxêë erü pema rü ta perü oxigücümagu pexi. Nümagü rü noxritama nañeärü ügügumama rü nanadai ga muxüma ga Tupanaärü orearü uruügü. Rü nüxira nayamëxgü ga Abé rü gumawena nayadaietanü ga muxüma ga togü ñuxmata Zacaría ga tupauca ga taxünegu yamëxgüäcüwa nangu. Rü guxüma ga yema orearü uruügü ga perü oxigü ðeixüxcèx rü Tupana tá pexna naca, erü pema rü ta perü oxigürüütama pixigü rü tama nüxü perüxoehaü i ngëma chixexü i pexüxü.

⁵² —Rü wüxi i ngechaü nixi i pexcèx, Pa Ngüexêëruügü i Moïchéarü Mugüwa Ngüxêëtaegüxüx, erü duüxügüchaxwa ipeyacu i Tupanaärü ore i aixcüma ixixü i pematama tama pixögüxü. Rü nüxna penachüxu i togü i duüxügü i aixcüma yaxögüchaüxü na nümagü rü ta tama yaxögüäxüxcèx —ñanagürü ga Ngechuchu.

⁵³⁻⁵⁴ Rü yexguma Ngechuchu yema ñaxgu, rü yema ngüexêëruügü ga Moïchéarü mugüwa ngüxêëtaegüxü rü yema Parichéugü rü poraäcü Ngechuchumaä nanuë. Rü inanaxügü ga nüxna na nacagüexü naxcèx ga muxüma ga ore ga guxchaxümaä na yemaäcü chi nüxü iyangaugüxüxcèx ga ore ga chixexü na yemamaä norü äëxgacügüxü- tawa Ngechuchuxü iyaxuaxügüxüxcèx.

12

Ngechuchu nanangüexêë na tama namexü na duüxügüpëxewa meä imaxnetaxü natürü taäëwa rü chixexügu rüxüxü

¹ Rü yoxni yexma nangutaquëxegü ga muxüchixü ga duüxügü. Rü yema na namoxüchixüxcèx rü düxwa nügücutüwa ningagüetanü ga duüxügü. Rü Ngechuchu inanaxügü ga norü ngüexügümaäxüna na yadexaxü, rü ñanagürü: —¡Pexuäëgü naxcèx i Parichéugü! Erü duüxügüpëxewa meä namaxënetata natürü naäëwa rü chixexügu narüxüxü.

² —Natürü guxüma i tacü i wüxie cúäcü üxü rü tá nangoxoma. Rü guxüma i tacü iicüxü rü yixcüra rü tá duüxügü nüxü nacüxügüama.

³ —Rü ngëmacèx guxüma i ngëma ore i ëänëxüwa cúäcü nüxü pixuxü rü yixcüra rü tá nangoxoma rü guxü i duüxügü tá nüxü naxinüë. Rü ngëma ore i ucapuarü aixepewa cúäcü nüxü pixuxü, rü yixcüra rü guxäpëxewa tá nüxü nixugügü i duüxügü.

*Name nixĩ na Tupanaxũ pemuĩẽxũ
(Mt 10.26.31)*

4 –Rũ ngẽmacẽx i pemax, Pa Chomũcũgũx, rũ pemaã nũxũ chixu rũ ¡tama nũxũ pemuĩẽ i ngẽma duũxũgũ i pexũ daixchaũxũ! Erũ taxũnexũxĩcatama nimẽxgũ, natũrũ taxucũrũwama taãẽxũ nimẽxgũ.

5 –Natũrũ pemaã tá nũxũ chixu na texẽxũ tá na pemuĩẽxũ. ¡Nũxũ pemuĩẽ ya Tupana! Erũ nũma nũxũ nangẽxma i pora na yamáãxũ i pexene, rũ napoxcuãxũ i peãe i ngextá ngoxogũxũ ¡napoxcuxũgu. ¡Rũ yimaxũ tá nixĩ i pemuĩẽxũ!

6 –¿Tama õxna taxretachinũ i dẽĩeruxacũgu namaã petaxe i wũximẽẽxpũx i werixacũgũ? Natũrũ Tupana rũ tama tũxũ inayarũngũma ya yĩxema werixacũãxgũ, rũ bai ya wũxi.

7 –Rũ woo i peyaegũ rũ Tupana nũxũ nacuèx na ñuxre i peyae ngẽxmaxũ. Rũ ngẽmacẽx, ¡tãxũ i pexoegaãẽgũxũ! Erũ pema rũ muxũma i werixacũgũarũ yexeraxũchi pexũ nangechaũ ya Tupana.

*Yĩxema duũxũgũpẽxewa tũgũ ixuxe na Ngechuchu ya Cristuarũ duũxũ tĩxũ
(Mt 10.32-33, 12.32)*

8 –Rũ pemaã nũxũ chixu rũ guxãma ya texé i ñoma i naãnewa duũxũgũpẽxewa tũgũ ixuxe na chorũ duũxũ tĩxũ, rũ choma i Tupana Nane na duũxũxũ chiĩxũ, rũ napẽxewa i Tupanaãrũ orearũ ngeruũgũ i daxũcũãx rũ tá tũxũ chixu na chorũ duũxũ tĩxũ i tũmax.

9 –Natũrũ texé ya ñoma i naãnewa duũxũgũpẽxewa tũgũ ixuxe na tama chorũ duũxũ tĩxũ, rũ choma rũ tá ta napẽxewa i Tupanaãrũ orearũ ngeruũgũ i daxũcũãx rũ tá tũxũ chixu na tama chorũ duũxũ tĩxũ i tũmax.

10 –Rũ guxãma ya texé ya chixri chauchiga idexaxe i choma i Tupana Nane na duũxũxũ chiĩxũ, rũ Tupana tá tũxũ nũxũ nangechaũ i ngẽma. Natũrũ texé ya Tupanaãe i Ü̃nẽxũchiga chixri idexaxe, rũ Tupana rũ tãtũtama tũxũ nũxũ nangechaũ i ngẽma.

11 –Rũ ngẽxguma duũxũgũ ngutaquẽxepataũgũwa rũ õxna ãẽxgacũgũpẽxewa pexũ nagagũgu na pexũ napoxcuexũcẽx, rũ ¡tãxũ i pexoegaãẽgũxũ na ¡tacũmaã tá penangãxũxũ rũ õxna ¡tacũxũ tá namaã na pixuxũ!

12 –Erũ ngẽxguma nawa nanguxgu na pidexagũxũ, rũ Tupanaãe i Ü̃nẽxũ tá pexũ nanguxẽe na ¡tacũxũ tá namaã pixuxũ –ñanagũrũ ga Ngechuchu.

Wũxi i ãũcũmaxũ nixĩ na imuãrũ dẽĩruãxũ

13 Rũ yema duũxũgũtanũwa rũ wũxi ga yatũ Ngechuchuxũ ñanagũrũ: – Pa Ngũxẽẽruũx, ¡namaã nũxũ ixu ya chaueneẽ rũ choxna naxãã i ngẽma chaunatũ ga yucũarũ ngẽmaxũ i choxna ũxũ! –ñanagũrũ.

14 Natũrũ Ngechuchu rũ ñanagũrũ nũxũ: –Pa Yatũx, ¿texé perũ ãẽxgacũxũ choxũ tingucuchixẽe na chatatoyexũcèx i ngẽma penatũarũ ngẽmaxũ? –ñanagũrũ.

15 Rũ ñanagũrũ ta ga Ngechuchu: –¡Pexuãe na tama pexũ nangũchaũxũcèx i togũarũ ngẽmaxũ! Erũ wũxi i duũxũ rũ tama ngẽma na namuãrũ ngẽmaxũãxũcèx nixĩ i nayauxãxũ i norũ maxũ i taguma gũxũ –ñanagũrũ.

16 Rũ yexguma wũxi ga ore ga cuẽxruũxũ namaã nixu, rũ ñanagũrũ: – Nayexma ga wũxi ga yatũ ga muãrũ dẽĩruãcũ, rũ guxũma ga yema nanetũgũ ga naãnegu natogũxũ rũ meãma nũxũ nixo.

17 –Rũ guma yatũ rũ nagu narũxĩnũ rũ naãewa ñanagũrũ:

“¿Tacı tá chaxüxü i ñuxmax? Erü nataxuma i chorü nachica i ngexta namaã na changuxüxü i chaunetügarü o”, ñanagürü.

18 –Rü naãewa ñanagürü:

“Marü nüxü chacuëx na tacü tá chaxüxü. Rü nagu tá chapogü ya guxüxüna ya chorü ipatagü ga nagu namaã changuxüne ga chaunetügarü o. Rü náí ya taxüragüne tá chaxü na ngëxma namaã changuxüxcëx i guxüma i chaunetügarü o rü guxüma i chorü ngëmaxügü.

19 –Rü ngëxguma marü namexgu i guxüma, rü chaugümaã tá ñacharügü: ‘Ñuxma rü tá icharüngü rü meã tá chachibü rü meã chaxaxe rü ngëmaacü tá chataãe. Erü namuxüchi i chorü ngëmaxügü, rü mucüma ya tauncü tá choxü natai’, ñacharügü tá chaugümaã”.

20 –Natürü Tupana rü ñanagürü guma yatüxü:

“Pa Yatüx, cungëãmare i cuma erü ñoma i chütaxügu tátama cuyu. Rü ngëma curü ngëmaxügü i namaã cunguxüxü, rü ¿texearü tá nixí i ngëxguma?” ñanagürü ga Tupana.

21 –Rü ngëxgumarüü tá ta namaã nangupetü i ngëma duüxügü i nügücëxtama norü ngëmaxügümaã nguxüxü rü tama nügü ímexëxü i Tupanapëxewa –ñanagürü ga Ngechuchu.

Tupana rü naxãcüguna nadau

(Mt 6.25-34)

22 Rü yemawena rü norü ngüexügüxü ñanagürü ga Ngechuchu: –Pemaã nüxü chixu ¡rü táxü i pexoegaãëgüxü naxcëx i tacü tá na pengöxü rü tacümaã tá na pixãxchiruxü!

23 –Erü perü maxü rü ñnaãrü yexera nixí, rü pexene rü naxchiruarü yexera nixí.

24 –¡Dücëx penangugü i werigü i tama toegüchirëxü, rü tama nanetüarü o ibuxgüxü, rü ngepatagüxü na ngexta namaã nanguxügüxcëx i norü ñna! Natürü Tupana rü nanaxüwemü. Rü pema rü Tupanacëx rü poraãcü guxüma i werigüarü yexera pixígü.

25 –Rü taxuwama name na pexoegaãëgüxü. Erü taxucürüwama wüxie i pema rü pegütama ipemëxãchixëë ngãxü ya metruyu ega woo poraãcü naxcëx pexoegaãëgügu.

26 –Rü ngëxguma tama pemaã nanguxü i ngëma íraxü rü taxucürüwama pegütama ipemëxãchixëë ega woo naxcëx pexoegaãëgügu, rü ¿tüxcüü i ngëxguma rü ta tacü i togü i ngëmaxügücëx pexoegaãëgüxü?

27 –¡Dücëx penangugü i putüragü na ñuxãcü nayaexü i nachacu! Rü tama napuracüexü, rü tama nügü üxchirugüxü. Natürü woo guma ãëxgacü ga Charumóü ga na namexëchixü ga naxchiru rü taguma wüxi ga putürachacuarü mexürüü nixí.

28 –Rü marü nüxü pedau i ñuxãcü Tupana na nangëxãëxü i putüragü i ñuxma naãnewa rüxügümarexü natürü moxü rü marü taxuxü. Rü ngëxguma Tupana ngëmaacü nangëxãëgu i putüragü rü pema rü tá ngëmaãrü yexera pexchiru pexna naxã, Pa Duüxügü i Írarüwatama Yaxögüxüx.

29 –Rü ngëmacëx tama name i pexoegaãë naxcëx i tacü tá na pengöxü rü tacü tá na pixaxüxü.

30 –Erü ñoma i naãnecüãx i duüxügü rü naxcëx nadaugü i guxüma i ngëma pemaã nüxü chixuxü. Natürü pema rü pexü nangëxma ya Penatü ya Tupana ya nüëchama nüxü cuácü na pexü nataxuxü i guxüma i ngëma.

31—Rü ngēmacèx narümemaē nixī na Tupanaārü ngúchaũcèx pedaugũxũ na perü ãëxgacũ yĩxũcèx. Rü ñuxũchi nũma rü tá pexna nanaxã i guxũma i ñacũ i pexũ taxuxũ.

*Ñuxãcũ tüxũ nangëxma i tóriu ngëmaxũgũ i daxũguxũ i naãnewa
(Mt 6.19-21)*

32—¡Tãxũ i pemuũëxũ, Pa Chauzacũgũx! Pema rü noxretama pixĩgũ natürü Penatũ ya Tupana rü norü ngúchaũ nixī na pexna naxããxũ i pechica i ngextã nũma ãëxgacũ íyĩxũwa.

33—¡Rü namaã petaxe i perü ngëmaxũgũ rü togũ i duũxũgũ i nüxũ nataxuxũna penaxã i ngëma diëru! Rü ngëmaãcũ tá pegũxũ penangëxmaxëë i perü ngëmaxũgũ i taguma pexũ ngauxũ rü taguma gũxũ i daxũguxũ i naãnewa i ngextã tama íyaxũcuxũwa i ngítëxãxũ rü naweane tama ínachixëxëxũwa.

34—Erü ngextã ínangëxmaxũwa i perü ngëmaxũgũ, rü ngëxma nixī i perüxĩnũëxũ.

Name nixī i yigũ ítamexëëgũ naxũpa na ínanguxũ ya Cristu

35—¡Rü ípememare namaã i perü omũgũ i naĩgũxũ!

36—Rü name nixī i wũxi i coriarü duũxũgũ i ímëmeregũxũrũũ na pixĩgũxũ. Rü penaxwëxe na ñoma duũxũgũ i íãxwa norü corixũ nanguxëëgũxũrũũ na pixĩgũxũ. Rü ngëxguma norü cori rü wũxi i ngĩgũarü petawa ne naxũxgu rü: Tu tu tu ñaxgu, rü paxa naxcèx nayawãxnagũ i íãx.

37—Rü nataãëgũ i ngëma coriarü duũxũgũ ega inadauegu i ngëxguma ínanguxgu i norü cori. Rü pemaã nüxũ chixu rü ngëma cori rü norü mechawa tátama nanatogũxëë i ngëma norü duũxũgũ i nüxũ ínanguxëëgũxũ, rü nũma tátama ngëma norü duũxũgũxũ inaxũwemũ.

38—Rü woo ngãxũcũü ínanguxgu rü ëxna marü yangunechaũgu rü nataãëgũ i ngëma coriarü duũxũgũ ega inadauegu i ngëxguma ínanguxgu i norü cori.

39—Rü ngëxguma chi wũxi ya íãrũ yora nüxũ cuèxgu na ñuxguacũ ínanguégaxũ i ngítëxãxũ, rü tãũ chima nape. Rü chi nüxna nadau ya napata na tama yawãxnaãxũcèx rü tama na nüxũ nangĩxũcèx.

40—Rü pema rü ta penaxwëxe na ípememarexũ. Erü ngürũächi tama nagu íperüxĩnũëyane tá íchangu i choma i Tupana Nane na duũxũxũ chiĩxũ —ñanagürü ga Ngechuchu.

Wũxi ga duũxũ ga meã norü coriga ñnũxũ rü to ga tama meã norü coriga ñnũxũchiga

(Mt 24.45-51)

41 Rũ yëxguma ga Pedru rü Ngechuchuna naca rü ñanagürü: —Pa Corix, ¿toxcèxicatama ëxna nixī i ñaã ore i cuèxruũ i tomaã nüxũ quixuxũ, rü ëxna guxũ i duũxũgũcèx yĩxũ? —ñanagürü.

42 Rũ ñanagürü ga Cori ga Ngechuchu: —¿Texé tíxũ ya yíxema tũmaãrũ coriarü duũxë ya aixcũma yanguxëëxë rü meã tũmaãëxũ cuãxe? ¿Tama ëxna yíxema tíxũ ya tũmaãrũ cori tũxna ãgaxe na meã nüxna tadauxũcèx rü meã oragu tanachibũëxëxũcèx i norü duũxũgũ?

43—Rũ tataãë ya yíxema coriarü duũxë i ngëxguma ínanguxgu i tũmaãrũ cori rü tũxũ íyanguëũgu na meãma ítanaxũxũ i ngëma puracũ i nagu tũxũ namuxũ.

44—Rũ aixcũma pemaã nüxũ chixu rü ngëma tũmaãrũ cori rü tá guxũma i norü ngëmaxũgũarü dauruũxũ tá tũxũ nixĩxëë.

45-46 —Natürü ngëxguma chi ngëma duñxü nagu ruxñngu rü norü cori rü tama paxa na ínanguxü, rü inaxügüägu na chixri namuãxü i natanüxügü i yatüxügü rü ngexügü, rü peta naxüxgu rü nachibüxgu, rü naxaxegu, rü nügü nangãxëëgu, rü ngürüächi ngëma ngunexü rü ngëma ora i tama nagu ínanguxëëxügu tá ínangu i norü cori. Rü poraäcüxüchi tá nanapoxcu ngëma duñxügü i tama norü coriga íñüxüñ napoxcuexürüü.

47 —Rü ngëma coriarü duñxü i nüxü cuëxchirëxü na ñacü nanaxwëxëxü i norü cori, natürü tama nügü ímexëëxü rü tama norü coriga íñüxü, rü tá poraäcü nanaçuaxi.

48 —Natürü ngëma coriarü duñxü i tama nüxü nacuaäcüma chixri norü coriga íñüxü, rü chixëxü üxü, rü tá írarüwaxüra nanaçuaxi. Rü texé ya Tupana muxüma tüxna äxë, rü muxüçëxtáma tüxna naca. Rü texé ya muxüna tüxü nadauxëxë rü tá yexeraäcü tüxna naca.

Ngechuchugagu nixi i yatoyexü i duñxügü

(Mt 10.34-36)

49 —Núma chaxü na ñoma i nañnewa duñxügüxü chidauchitanüxëëxüçëx. Rü chierü aixcüma marü yadauchitanügu.

50 —Rü choma rü tá poraäcü ngüxü chinge, rü chanaxixächiäë ñuxmatáta yangu i ngëma.

51 —Rü tama name i nagu perüxññüe na núma chaxüxü na guxü i duñxügü rü wüxigu naxññüëxüçëx. Natürü pemaä nüxü chixu rü núma chaxü na chaugagu yatoyexüçëx i duñxügü.

52 —Erü ñaãwena ega wüxi ya ípatawa nangëxmagu i wüximëëxpüx i duñxügü, rü tomaëxpüx tá choxü nayaxögü rü taxre i tama, rü ëxna taxre tá choxü nayaxögü rü tomaëxpüx i tama.

53 —Rü wüxi i papá tá nayaxö rü nane rü täütáma nayaxö, rü ëxna nane tá nayaxö natürü nanatü i tama. Rü ngëxgumarüü ta wüxi i mamá tá iyaxö rü ngixäcü rü täütáma iyaxöxchäü, rü ëxna ngixäcü tá iyaxö rü ngië rü täütáma iyaxöxchäü. Rü wüxi ya ngixë tá iyaxö rü ngiëñax rü täütáma iyaxö, rü ëxna ngiëñax tá iyaxö rü ngixë rü täütáma iyaxö —ñanagürü ga Ngechuchu.

Cuëxruñgü i nachiga i ñacü tá nangupetüxü

(Mt 16.1-4; Mr 8.11-13)

54 Rü Ngechuchu ñanagürü ta nüxü ga duñxügü: —Ngëxguma nüxü pedëuxgu na naxëächianëxü, rü nagu perüxññüe tá na napuxü. Rü aixcüma ngëmaäcü nixi.

55 —Rü pema nüxü pecuëx na ñuxäcü penangugüxü ya buanecü, rü ngëmaäcü nüxü pecuëx rü tá na nanguxetüxü. Rü aixcüma ngëmaäcü nixi.

56 —Pa Duñxügüx, pema rü togü i duñxügüpëxewa meä pemaxënetä, natürü peäëwa rü chixëxügu perüxññüe. Pema nüxü pecuëx na ñuxäcü penangugüxü ega tá napuxgu rü ëxna tá nanguxetügu. ¿Rü ñuxäcü i ñuxma i tama nüxü pecuáxü na Tupana yixü ya petanüwa ngucü?

Name nixi na curüñgüxmüxü namaä i curü uwanü

(Mt 5.25-26)

57 —Rü tüxücü tama nüxü pecuáxchäü i ngëma nama i mexü i Tupana pexü naxwëxëxü na nagu pexixü.

58 —Rü ngëxguma chi wüxie wüxi i ngetanüçëx cuxü íxuaxügu rü äëxgacüxütawa cuxü tagaxgu, rü name nixi i namawatama tüxü icurüñgüxmüxëë na tama äëxgacüpëxewa cuxü tagaxüçëx. Erü wüxicana

na ãêxgacũxũtawata cunxũ rũ ãêxgacũ tá purichíagũna cuxũ namu. Rũ purichíagũ tá cuxũ napoxcu.

59—Rũ cumaã nũxũ chixu rũ ngêxma poxcuchicagu tá curũxãũx ñuxmatáta ngĩxũ cuxũtanũ i guxcũ i dũeru i nũxũ ngĩxũ cungetanũcũ. [Rũ aixcũma ngêxgumarũũ tá cumaã nanaxũ ya Tupana ega tama namaã cunamexêxgu i curũ maxũ —ñanagũrũ ga Ngechuchu.]

13

Wũxi i mexũ nixĩ na nũxũ rũxoexũ i tacũma i chixexũ

1 Rũ yexgumatama Ngechuchuxũtawata nangugũ ga ñuxre ga duũxũgũ. Rũ Ngechuchumaã nũxũ nixugũ ga na ñuxãcũ ãêxgacũ ga Piratu namuxũ ga norũ churaragũ na nadaiãxũcêx ga ñuxre ga yatũgũ ga Gariréaanecũãx ga yexguma yema yatũgũ rũ Tupanacêx carneru nadaixgu tupauca ga taxũnewa.

2 Rũ Ngechuchu nũxna naca rũ ñanagũrũ nũxũ: —¿Pema nagu perũxĩnũêgu rũ yemaãcũ nũxũ nangupetũ ga yema yatũgũ, yerũ yema togũ ga Gariréaanecũãxãrũ yexera nipecaduãxgũ?

3—Pemaã nũxũ chixu rũ tama nixĩ. Rũ ngêxguma chi pema rũ tama nũxũ perũxoegu i pecũma i chixexũ, rũ guxãma i pema rũ tá ta ipeyarũtauxe.

4—¿Rũ êxna pema nagu perũxĩnũêgu rũ guxũ ga Yerucharéucũãxãrũ yexera nipecaduãxgũ ga yema 18 ga yatũgũ ga yuexũ ga yexguma Chirúewa yexmaxũ ga dauxtaechica naetũ rũngutaũgu?

5—Pemaã nũxũ chixu rũ tama nixĩ. Rũ ngêxguma chi pema rũ tama nũxũ perũxoegu i pecũma i chixexũ, rũ guxãma i pema rũ tá ta ipeyarũtauxe —ñanagũrũ ga Ngechuchu.

Ore ga nanetũ ga iguera ga ngearũ õõxũgu ixuxũ

6 Rũ ñuma ga Ngechuchu rũ nũxũ nixu ga wũxi ga ore ga igueragu ixuxũ, rũ ñanagũrũ: —Rũ wũxi ga yatũ nũxũ nayexma ga wũxi ga ubanecũ. Rũ yexma nanato ga wũxi ga iguera. Rũ ñuma ga guma yatũ rũ ñayadauxũ ga yema iguera rũ ngoxi naxõõ, natũrũ taxuxũma ga norũ oxũ ñayangau.

7—Rũ yemacêx yema norũ duũxũ ga norũ naãnena dauxũ ñanagũrũ: “Dũcêx, tomaêxpũx ya taunecũ guxũguma íchayadauxũ i ñãã iguera, rũ taguma naxo. Rũ ngêmacêx chanaxwêxe na cuyadaxũchixũ na tama natũcêxma nuã naãnema naxíaneãxũcêx”, ñanagũrũ nũxũ.

8—Natũrũ ga yema norũ duũxũ ga norũ naãnena dauxũ, rũ norũ corixũ nangãxũ, rũ ñanagũrũ:

“Pa Corix, ñnêtama doma taunecũxícata nãngêxê! Rũ tá chanax-aimũãnepũne rũ waxmũãnexũmaã tá chanagũpũne.

9—Rũ bexmana ngêxguma rũ tá naxo. Natũrũ ngêxguma tãũtama naxoxgu rũ tá chayadaxũchi”, ñanagũrũ.

Ngechuchu rũ ngũxchigaarũ ngunexũgu ngĩxcêx nayataanaxêê ga wũxi ga ngecũ ga pũcêxwecũ

10 Rũ wũxi ga ngũxchigaarũ ngunexũgu rũ Ngechuchu nanguxêêtae ga wũxi ga ngutaquêxepataũwa.

11 Rũ yema iyexma ga wũxi ga ngecũ ga 18 ga taunecũ idaaawecũ. Rũ ipũcêxwe yerũ wũxi ga ngoxo ngĩxũ napũcêxwexêê, rũ taxuacũma iyarũwêxãchi.

12 Rū yexguma Ngechuchu ngĩxũ dèuxgu rü ngĩxcèx naca, rü ñanagürü ngĩxũ: —Pa Ngecũx, ñuxma rü marü cuxcèx nitaane i curü ñaawewa — ñanagürü.

13 Rū yexguma rü ngĩxũ ningögü, rü yexgumatama iyarüwëxãchiwemüxũ, rü inaxügü ga Tupanaxũ na yacuëxüxũ.

14 Natürü yema ngutaquëxepataũärü äëxgacü rü nanu, yerü Ngechuchu rü ngũxchigaarü ngunexũgu ngĩxũ narümxèë ga yema nge. Rū yemacèx ga yema äëxgacü rü ñanagürü duũxũgüxũ: —Nangëxma i 6 i ngunexũ i nagu namexũ na ipuracüexũ. Rū ngëma ngunexũgügu nixĩ i namexũ na nuã pexĩxũ na pegü peyarümexëëgüxcèx rü tama i ngũxchigaarü ngunexũgu — ñanagürü.

15 Rū yexguma ga Cori ga Ngechuchu rü nanangãxũ, rü ñanagürü: — Pa Duũxũgüx, pema rü togü i duũxũgüpëxewa meã pemaxënetä, natürü peãewa rü chixexũgu perüxinüë. ¿Tama ëxna guxã i pema rü ngũxchigaarü ngunexũgu peyawëxũ i perü woca rü ëxna perü buru na peyaxax- exëëgüxcèx?

16 —Rü ñaã ngecü rü Abrãütanxũ i iyixĩ, rü Chataná rü 18 ya taunecü ngĩxũ nachixexëë namaã i ñaã ñaawe. ¿Rü taux ëxna i namexũ na ngĩxcèx chayataanexëëxũ i ngũxchigaarü ngunexũgu? —ñanagürü.

17 Rū yexguma yema ñaxgu ga Ngechuchu, rü guxũma ga norü uwanügü rü poraãcü naxãneë. Natürü guxũma ga togü ga duũxũgü rü nataãëgü ga yexguma nüxũ nadaugügu ga yema mexũgü ga Ngechuchu üxũ.

Ore i motacha- chiregu ixuxũ
(Mt 13.31-32; Mr 4.30-32)

18 Rū ñanagürü ga Ngechuchu: —¿Ñuxãcü nixĩ i äëxgacü na yĩxũ ya Tupana, rü nañuxraũxũ i nüma äëxgacü iyĩxũwa? ¿Rü ñacügu tá chanangu?

19 —Maneca wüxi ya motachachire ya wüxi ya yatü naãnegu toxũnerüü nixĩ. Rū woo naxíraxüchichirëx ya naxchire natürü narüxü, rü naya ñuxmata wüxi i nanetü i taetaxũ nixĩ. Rū ngëmacèx i werigü rü natanügu nixüachiãũ —ñanagürü.

Ore i pãũärü puxëëruũgu ixuxũ
(Mt 13.33)

20 Rū ñanagürü ta ga Ngechuchu: —¿Ñuxãcü nixĩ i Tupana äëxgacü iixũxüwa? ¿Rü ñacügu tá chanangu?

21 —Rü pãũärü puxëëruũrũ nixĩ na guxũwama nanguxũ. Erü wüxi i ngecü rü íraxũ- tama i pãũärü puxëëruũmaã inaxüëü i taxũ i ngĩrü pãüchära. Rū ngëma pãũärü puxëëruũ rü woo naxíra rü nayapuxëë i guxũma i ngĩrü pãüchära —ñanagürü ga Ngechuchu.

Ïãx i íraxũchiga
(Mt 7.13-14, 21-23)

22 Rū inixüchigü ga Ngechuchu ga Yerucharëüwa na naxüxũ. Rū yexguma namagu yaxüxgu rü ñanegüwa rü ñanexãcügüwa nixüpetüchigü, rü yéma nayangüxëëtänü ga duũxũgü.

23 Rū wüxi ga duũxũ nüxna naca rü ñanagürü: —Pa Corix ¿noxretátama nixĩ i ngëma nayauxgüxũ i maxũ i taguma güxũ? —ñanagürü. Rū nüma ga Ngechuchu nanangãxũ, rü ñanagürü:

24 —Daxüguxũ i naãneärü ñãx rü naxíraxüchi. ¡Rü paxa naxcèx pedau na nawa pichocuxüxcèx! Erü pemaã nüxũ chixu rü muxüchixüma i duũxũgü tá nüxũ nangüchãũ na nawa yachocuxũ, natürü täütãma nawa nichocu.

25 —Erü ngëxguma iärü yora marü nawäxtagu i iäx, rü pema i düxétüwa ngëxmagüxe rü tá penatutuäü. Rü ñaperügügü tá:

“Pa Corix, ipaxa toxcëx yawäxna i iäx!” ñaperügügü tá. Natürü nüma i cori rü tá pexü nangäxü, rü ñanagürü tá:

“Tama pexü chacuëx na ngextácüäx pixigüxü”, ñanagürü tá pexü.

26 —Rü ngëxguma rü tá ñaperügügü nüxü:

“Cumaächirëx wüxiwa tachibüe rü taxaxegü. Rü toxü cungüexëë ga torü iäneärü itamügüwa”, ñaperügügü tá.

27 —Natürü nüma rü tá pexü nangäxü rü ñanagürü tá: “Marü pemaä nüxü chixu rü tama pexü chacuëx na ngextácüäxgü pixigüxü. ¡Rü ípixi i nuä chauxütawa i guxäma i pemax, Pa Chixri Maxëxü!” ñanagürü tá.

28 —Rü ngëma tá pexauxe, rü tá pixüxchapütägü i ngëxguma nüxü pedëuxgu i Abráü rü Ichaá rü Acobu rü guxüma i Tupanaärü orearü uruügü na Tupana äëxgacü íixüwa na nangëxmagüxü rü pema rü nüxna na ípewoxüxü.

29 —Erü guxüwatäma ne naxi i duüxügü. Rü Tupana äëx- gacü íixüwa tá nangëxmagü. Rü ngëma tá narütogü na ngëma nachibüexëcëx.

30 —Rü tá nangëxma i nümaxü i ñoma i naänewa duüxügü nüxü oexü, natürü daxügüxü i naänewa rü Tupana tá wixpëxewa nanaxügüxëë. Rü tá nangëxma i nümaxü i ñoma i naänewa duüxügü nüxü icuëxüügüxü, natürü daxügüxü i naänewa rü Tupana rü tá wixweama nanaxügüxëë —ñanagürü ga Ngechuchu.

Ngechuchu rü Yerucharëücüäx ga duüxügüxëx naxaxu (Mt 23.37-39)

31 Rü yematama ga ngunexügu rü Ngechuchuxütawa nangugü ga ñuxre ga Parichëügü. Rü ñanagürügü Ngechuchuxü: —¡Íixü i nuä! Erü äëxgacü ya Erode rü cuxü nimëxëga —ñanagürügü.

32 Natürü nüma ga Ngechuchu nanangäxü rü ñanagürü: —¡Naxütawa pexi i ngëma yatü i nüxü cuëxüchixü na ñuxäcü duüxügüxü nawomüxëëxü, rü namaä nüxü pixu rü ñuxma rü moxü rü tá íchana- woxü i ngoxogü, rü tá chanamexëë i ngëma duüxügü i idaaweexü, rü pëxmaäcü tá chanaguxëë!

33 —Natürü chanaxwëxe i ichixüchigü i ñuxma rü moxü rü paxmaäcü ñuxmatáta Yerucharëüwa changu. Erü Yerucharëügu nixi i na nayuexü i guxüma i Tupanaärü orearü uruügü.

34 —Rü dücax, Pa Yerucharëücüäx, pema peyadaietanü i Tupanaärü orearü uruügü, rü nutamaä ípenamuxüchigü i Tupanaärü orearü ngeruügü i pëxcë nüma namugüxü. Rü ñuxreëxpüxcüna wüxigu chaugüxütagu pexü chanutaquëxëëchaü, ñoma wüxi i ota ya naxäcüäx nügütüügu tüxü nutaquëxëxürüü. Natürü pema rü tama penaxwëxe.

35 —Dücxë i ñuxma ya perü iäne, rü Tupana tá ínanatëx. Rü pemaä nüxü chixu rü täütäma wena choxü pedau ñuxmatáta daxügüxü i naänewa ne chaxü. Rü ngëxguma rü tá choxü pedau rü tá ñaperügügü:

“Namexëchi nixi ya yima Cori ya Tupana núma namucü”, ñaperügügü tá —ñanagürü ga Ngechuchu.

14

Ngechuchu rü naxcëx nayataanexëë ga wüxi ga yatü ga rüchaxüxëxü

1 Rü wüxi ga ngüxchigaarü ngunexügu rü Ngechuchu rü wüxi ga Parichëupatawa nayachibü. Rü yëma nayexmagü ga togü ga Parichëügü ga yëma bexma Ngechuchuxü ngügüxü.

² Rū yéma nayexma ta ga wūxi ga yatū ga idaawexū ga rüchaxūnexū.

³ Rū yexguma ga Ngechuchu rü yema ngúexēeruūgū ga Moīchearū mugūwa ngxēētaegūxūna rü Parichéugūna naca, rü ñanagürü: —¿Tama penachuxuxū ega ngūxchigaarū ngunexūgu chanamexēēxgu i wūxi i idaawexū? — ñanagürü.

⁴ Natürü ga nūmagū rü nangeëxgūmare. Rū yexguma ga Ngechuchu rü naxmëxgu nayayauxāchi ga yema idaawexū, rü nanamexēē. Rū namaā nūxū nixu ga na iyaxūxūcëx.

⁵ Rū Ngechuchu rü ñanagürü Parichéugūxū: —¿Texé i pema i ngëxguma perü buru rü éxna perü woca puchugu nagoxgu, rü taux éxna i ngëxgumatama ípeyadauxū rü ípe- yatúāchixū i woo ngūxchigaarū ngunexūgu? —ñanagürü.

⁶ Rū nūmagū rü taxuūmaāma nanangāxūgū.

Duūxūgū ga ngīgüarū petawa nūxna naxugūxūchiga

⁷ Rū yexguma mechawa natogūchaūgu ga yema nūxna naxugūxū, rü Ngechuchu nūxū nadau na wūxichigū rü iārū yoraxūtawaxūchi natoxchaūxū. Rū yexguma yemaxū nadëuxgu rü nayaxucuxëgū, rü ñanagürü:

⁸ —Ngëxguma texé cuxna uxgu i wūxi i ngīgüarū petawa, rü tama name i petaarū yoraxūtawaxūchi xūi i naxmëxwëxewa cuyarūto. Erü yixcūra ngürüāchi tá ínangu i to i nūxna naxuxū i curü yexeraxūchi íxixū.

⁹ —Rü ngëma petaarū yora i pexna uxū, rü tá cumaā nūxū nayarūxu na icuchixūcëx i ngëma nachicawa na ngema natoxëēāxūcëx i ngëma to i curü yexera íxixū. Rū ngëxguma i cuma rü poraācū cuxāneācūma rü nawa iyacuáxū i naxmëxwëxewa tá cuyarūto.

¹⁰ —Rü narūmemaē ega texé cuxna uxgu, rü nawa iyacuáxū i naxmëxwëxewa curūto. Rū ngëxguma i ngëma petaarū yora i cuxna uxū rü ñanagürü tá cuxū:

“Pa Chomücūx, ¡nuā chauxūtawa yarūto!” ñanagürü tá cuxū. Rū ngëmaācū ngëma petaarū yora rü wūxi i mexū tá cumaā naxū napëxewa i guxūma i duūxūgū i nūxna naxuxū i cumaā ngëma rütogūxū.

¹¹ —Erü texé ya tūgū írütaxe rü Tupana tá tūxū naxānexēē. Natürü texé ya tūgū írúxírxaxe rü Tupana tá tūxū nicuëxūi —ñanagürü ga Ngechuchu.

¹² Rū ñanagürü ta ga Ngechuchu nūxū ga yema yatū ga nūxna uxū: —Rü ngëxguma wūxi i ðnacëx rü éxna petacëx texéna cuxuxchaūgu, rü tama name i nūxna cuxu i cumücügū, rü bai i cueneëgū, rü bai i cutanūxūgū, rü bai i curü ngaicamagu pegūxū i duūxūgū i diëruāxgūxū. Erü nūmagū rü tá nūxī cuxna naxugūe, rü ngëmaācū tá cuxū nanaxūtanūgū.

¹³ —Natürü ngëxguma wūxi i peta cuxūxgu, rü narūmemaē nixī i nūxna cuxu i duūxūgū i ngearū diëruāxgūxū, rü duūxūgū i taxucürüwama puracüexū, rü ngëma íchixeparagūxū, rü ngëma ingexetūgūxū.

¹⁴ —Rü tá cutaāëxūchi i ngëxguma erü nūmagū rü taxucürüwa cuxū nanaxūtanūgū. Natürü tá cunayaxu i curü natanū i ngëxguma wena namaxëgu i Tupanaarū duūxūgū i mexū —ñanagürü.

Ore i taxū i ðnaga íxuxū

(Mt 22.1-10)

¹⁵ Rū yexguma yemaxū naxīnūgu ga wūxi ga yatū ga mechawa rüttoxū rü Ngechuchuxū ñanagürü: —Rü tataāē ya yíxema Tupana āëxgacū íxixūwa chibūxe —ñanagürü.

16 Rū yexguma ga Ngechuchu rü ñanagürü nüxü: —Wüxi ga yatü nanaxü ga wüxi ga òna ga taxü. Rū norü duüxüxü namu na nüxna yaxuxüçèx ga muxüma ga duüxügü.

17 —Rü yexguma marü namexgu ga norü òna, rü wena norü duüxüxü namu na yema duüxügü ga marü nüxna naxugüxümaã nüxü na yanaxuxüçèx ga marü na namemarexü ga norü òna, rü paxa yéma na naxüxüçèx.

18 —Natürü guxüma ga yema nüxna naxugüxü, rü inanaxügü ga nügü na ñnaxuegüxü. Rū yema nüxra nüxna naxu rü ñanagürü:

“Ngexwacaxtama naxçèx chataxe i wüxi i naãne. Rū paxa tá íchayadau. ¡Rü namaã nüxü ixu i cori rü taxucürüwama ngema chaxü!” ñanagürü.

19 —Rü ga yema to rü ñanagürü:

“10 i wocagü i puracürüçèx chataxe, rü tá ngëmaxü chayaxü. ¡Rü namaxã nüxü ixu i cori rü taxucürüwama ngema chaxü!” ñanagürü.

20 —Rü ga to rü ñanagürü:

“Ngexwacaxtama chaxãmèx rü ngëmacèx taxucürüwama ngema chaxü”, ñanagürü.

21 —Rü yexguma nataegugu ga yema coriarü duüxü, rü norü corimaã nüxü nixu ga guxüma ga yema ore. Rū yexguma ga norü cori rü nanu, rü ñanagürü nüxü ga norü duüxü:

“¡Paxa ngema ñtamügü i taxüwa rü ñtamüacügüwa naxü, rü nuã nagagü i ngëma duüxügü i ngearü dïeruãxgüxü, rü ngëma duüxügü i taxucürüwama puracüexü, rü ngëma ichixeparagüxü, rü ngëma ingexetügüxü!” ñanagürü.

22 —Rü yixcamaxüra ga yema norü cori namaã nüxü ixuxü naxüxguwena rü yema norü duüxü ñanagürü nüxü:

“Pa Corix, marü chanaxü i ngëma chomaã nüxü quixuxürüü, natürü naxächicaaneãmatama i nuã cupatawa”, ñanagürü.

23 —Rü yexguma ga norü cori rü ñanagürü nüxü:

“¡Paxa ngema nama i taxügüwa rü nama i íraxügüwa naxü, rü nuã nagagü i togü i duüxügü na nuxã chopatagu nachocuxüçèx, rü ngëmaãcü na naxãacuxüçèx ya daa chopata!

24 Erü pemaã nüxü chixu rü taxuüma ga yema nüxra nüxna chaxuxü rü nuã chorü ònawa tá nachibüe”, ñanagürü.

Tama natauxcha na Cristuwe rüxüxü (Mt 10.37-38)

25 Rū muxüchixüma ga duüxügü Ngechuchuwe narüxí. Rū nadauegu ga Ngechuchu, rü ñanagürü nüxü:

26 —Rü ngëxguma texé chowe rüxüxchaügu, rü tanaxwèxe i choxü tangechaü tümanatüarü yexera, rü tümaëärü yexera, rü tümamèxärü yexera, rü tümaxäcügüarü yexera, rü tümaëneëgüarü yexera, rü tümaëyëxgüarü yexera, rü tümaärü maxüärü yexera rü ta. Rū ngëxguma tama ngëmaãcü choxü tangechaügu rü taxucürüwama aixcüma chorü ngüexü tixí.

27 —Rü yixema tama naxwèxexè na chaugagu ngüxü tingeäcüma chowe tarüxüxü, rü taxucürüwama chorü ngüexü tixí.

28 —Rü ngëxguma chi wüxie i petanüwa rü wüxi ya ípata ya taxüne taxüxchaügu, ¡rü tama èxna i noxri i tanangüxiraxü na ñuxre i dïeru tá nagu ngüxü ítatáxü? Rū ngëma nüxü tacuèx rü marü tüxü iyangu i ngëma tümaärü dïeru i tüxü ngëxmacü na tayanguxëxüçèx ya yima í.

29 —Erü ngëxguma chi tama meã tanangugügu i tümaärü dïeru na ñuxregu tá naxätanüxü ya yima í, rü norü caxtaxica chi itapugügu rü yixcüra rü

taxucürüwa chi tanaguxêêgu i ngêma puracü, rü guxüma i duüxügü i nüxü daugüxü i ngêma tümaärü puracü rü tá tüxü nacugüe.

³⁰ –Rü ñanagürügü tá:

“Ngêma yatü inanaxügü na naxüpataxü, natürü taxucürüwama nayan-guxêê”, ñanagürügü tá.

³¹ –Rü ngêxguma wüxi i nachiuñeärü âêxgacü rü to i nachiuñeärü âêxgacümaâ nügü nadaixchaügu, çrü tama êxna i noxri inangugüâxü rü ngoxi 10,000 i churaragü rü yangu na nügü nadaixüçêx namaâ i norü uwanü i 20,000 i churaragü nüxü ngêxmaxü?

³² –Rü ngêxguma nangugüâgu na tama yanguxü i norü churaragü rü, çtaux êxna i ngêxguma yaxüwa nangêxmagutama i norü uwanü, rü naxütawa namugüâxü i norü orearü ngeruügü, rü namaâ nüxü na yanaxugüexüçêx na nügümaâ nangüxmüêxü?

³³ –Rü ngêxgumarüü tá ta nixü i pemax, erü ngêxguma ngexerüxüxe i petanüwa tama ngêma tanawogügu i guxüma i tüxü ngêxmaxü na chowe tarüxüçêx, rü taxucürüwama aixcüma chorü ngüexü tixü.

*Ngêxguma nangeacagu ya yucüra rü taxuwama name
(Mt 5.13; Mr 9.50)*

³⁴ –Pema rü ñoma yucürarüü pixügu i ñoma i nañnewa, erü yima yucüra rü ñna na namexêêxürüü rü pema rü ñoma i nañneçüâx i duüxügütanüwa rü norü mexêêruü pixügu. Name ya yucüra. Natürü ngêxguma chi nangeacagu, çrü ñuxäcü tá wenaxärü naxäâca?

³⁵ –Rü taxuwama name. Rü woo waixümüärü waxmüânexêêruüçêx rü tama name. Rü ítanatêxmare. Rü yíxema aixcüma ächixêxê, çrü name nixü i nugu tarüxüñüê i ñaâ ore! –ñanagürü.

15

*Ore i carneru i iyarütaxuxügu ixuxü
(Mt 18.10-14)*

¹ Rü guxüma ga yema yatügü ga Dumaärü âêxgacüçêx diêru ngüxü ideetanüxü, rü togü ga duüxügü ga chixexü ga nacümagu íxü, rü Ngechuchüçêx naxü na iyanaxüñüêxüçêx ga norü ore.

² Rü yemacêx ga Parichéugü rü ngüexêêruügü ga Moíchéarü mugüwa nguxêêtaegüxü, rü Ngechuchüxü nixugüe, rü ñanagürügü: –Ñaa yatü rü norü me nixü i pecaduâxgüxümaâ na naxâmücüxü, rü namaâ na nachibüxü –ñanagürügü.

³ Rü yexguma ga Ngechuchu rü ñaâ ore ga cuèxruüxü namaâ nixu, rü ñanagürü:

⁴ –çTexé i petanüwa rü ngêxguma tüxü nangêxmagu i 100 i tümaärü carnerugü rü wüxi tüxü iyarütaxügu, rü taux êxna i nachitaüwa tanawogüxü i ngêma 99, rü naxcêx tayadauxü i ngêma tüxü iyarütaxuxü ñüxmata nüxü itayangau?

⁵ –Rü ngêxguma nüxü itayangêxügu rü taâêäcüma tügüätügu tayagaxü.

⁶ –Rü ngêxguma tümapatawa tanguxgu, rü tanangutaquêxexêê i tümamücügü, rü duüxügü i tümaärü ngaicamagu pegüxü, rü ñatagüxü nüxü:

“¡Wüxigu chomaâ petaâêgü, Pa Chomücügüx! Erü marü nüxü ichayangau i ngêma chorü carneru ga iyarütaxuxü”, ñatagüxü nüxü.

⁷ –Rü pemaâ nüxü chixu rü ngêxgumarüü ta nataâêgü i daxüçüâx i ngêxguma nangêxmagu i 99 i duüxügü i mexügü i marü Tupanaärü ixügüxü,

natürü yexeraäcü nataäëgü i ngëxguma wüxi i duüxü i pecaduäxü nüxü rüroxgu i nacüma i chixexü rü Tupanaäxü yaxöögü —ñanagürü.

Ore ga dïeru ga iyarütauxcügu ixuxü

8 Rü Ngechuchu rü wüxi ga to ga ore ga cuëxruüxü nixu, rü ñanagürü: —Ngëxguma chi wüxi i ngecüaxü nangëxmagu i 10 tachinü i dïeru, rü wüxi ngixü iyarütauxgu, çrü taux ëxna i omüwa nangixichiäxü rü nabixichiäxü ya ngïpata, rü meäma ngïxcëx nadauxü ñüxmata ngixü iyangau?

9 —Rü ngëxguma ngixü iyangauxgu, rü inangutaquëxexëe i ngïmücügü i ngexügü rü ngïtanüxügü i ngïrü ngaicamagu pegüxü, rü ngixü nüxü:

“¡Wüxigu chomaä petaäëgü, Pa Chomücügü! Erü marü ngixü ichayangau i ngëma chorü dïeru ga iyarütauxchirëxcü”, ngixü.

10 —Rü pemaä nüxü chixu rü ngëxgumarüü ta nataäëgü i daxüçüäx i Tupanaärü orearü ngeruügü i ngëxguma wüxi i duüxü i pecaduäxü nüxü rüroxgu i nacüma i chixexü rü Tupanaäxü yaxöögü —ñanagürü ga Ngechuchu.

Ore ga wüxi ga ngextüxücü ga nanatüna ixücügu ixuxü

11 Rü ñanagürü ta ga Ngechuchu: —Nayexma ga wüxi ga yatü ga taxre ga nane nüxü yexmacü.

12 —Rü guma rübumaëcü, rü nanatüxü ñanagürü:

“Pa Pa, ¡choxna naxä i ngëma curü ngëmaxügü i choxna üxü!” ñanagürü. Rü yexguma ga nanatü rü yema taxre ga nanemaä nayatoye ga norü yemaxügü.

13 —Rü ñuxre ga ngunexüguwena rü guma nane ga rübumaëcü rü nananutaquëxe ga guxüma ga norü yemaxügü rü namaä nataxe. Rü yema dïerumaä rü to ga nachüüänewa naxü. Rü chixri yéma namaxü, rü yemaäcü ngixü naguxëe ga guxcüma ga norü dïeru.

14 —Natürü yexguma marü ngixü naguxëëguwena ga guxcüma ga norü dïeru, rü poraäcü nataxu ga öna ga yema nachüüänewa. Rü yemacëx ga guma ngextüxücü rü inanaxügü ga taiya nüxü na ngüxü.

15 —Rü yexguma rü norü puracücëx nadau naxütagu ga wüxi ga yatü ga yema nachüüäneçüäx. Rü nüma ga yema yatü rü norü naänewa nanamu na yéma norü cuchigüna yadauxüçëx.

16 —Rü düxwa nüxü nachixéga ga yema cuchiwemü, yerü poraäcü nataiyaxüchi. Natürü taxüema öna nüxna taxä.

17 —Rü yexguma naäëwa nagu narüxünü, rü ñanagürü:

“¿Ñuxre i chaunatüarü puracütanüxü rü nüxü nangëxma i öna rü nüxü ínayaxü? Rü choma i nuä rü taiyamaä tá nuxma chayü.

18 —Rü chaunatücëx tá chataegu, rü ñachagürü tá tüxü: ‘Pa Papax, marü chixexü Tupanapewa chaxü rü cupewa rü ta.

19 —Rü tama marü chame na Chaune, ñacuxü choxü. ¡Rü wüxi i curü puracütanüxüxü choxü ixixëë! ñacharügü tá tüxü ya chaunatü”, ñanagürü.

20 —Rü inaxüächü rü nanatüpatacëx nataegu. Rü yexguma yangaicagu ga nanatüpata, rü yaxügu nüxü tadau ga nanatü, rü tüxü nangechaütümüü. Rü naxcëx tiña, rü nüxna tanëixächü, rü nüxü tachüxu.

21 —Rü yexguma ga nüma ga tümane rü ñanagürü tüxü:

“Pa Papax, marü chixexü Tupanapewa chaxü, rü cupewa rü ta. Rü ngemacëx marü tama name na ‘Chaune’ ñacuxü choxü”, ñanagürü.

22 —Natürü tüma ga nanatü rü tümaärü duüxügüxü ñatarügü:

“¡Paxa nuä penange i naxchiru i mexëchixü rü peyacüxcuchixü! ¡Rü wüxi i anera ta naxmëxwa ngixü pingëxcuchixü! ¡Rü chapatu rü ta nuäta penge, rü peyacuaixcuchixü!

23 —;Rü peyayaxux i ngëma wocaxacü i rüngümaexü, rü peyamá, rü ngixã namaã tachibüe rü tapetae!

24 —Erü daa chaune rü chauxcèx rü marü nayu, natürü maxücü chauxcèx ínangu. Rü marü inayarütauxchirëx, rü wenaxârü nangox”, ñanagürü. Rü yexguma inanaxügüe ga na napetaegüxü.

25 —Rü yoxni ga guma nane ga rüyamaëcü, rü nañewa nayexma. Rü yexguma nataegugu rü marü ñârü ngaicamana nangugu, rü nüxü naxínü ga na ínapaxetagusü rü íyaxüãchitanüxüxü.

26 —Rü wüxi ga nanatüarü duüxücèx naca, rü nüxna naca ga tacü na ínaxüexü ga íwa.

27 —Rü yema nanatüarü duüxü rü nanangãxü, rü ñanagürü: “Cueneë rü marü ínangu. Rü ngëmacèx cunatü toxü tamu na tayamáxücèx i ngëma wocaxacü i rüngümaexü, erü cueneë rü mecü ínangu rü tama niðaawe”, ñanagürü nüxü.

28 —Natürü ga guma naëneë ga rüyamaëcü rü nanu, rü tama ígu naxücuchaü. Rü yemacèx düxwa ga nanatü rü naxcèx ítaxüxü, rü nüxü tayacèexü na yaxücuxücèx.

29 —Rü nüma rü ñanagürü tüxü ga nanatü:

“Cuma nüxü cucuèx i ñuxre ya taunecü cuxü chapuracü, rü taguma chixri cuga chaxínü. Rü bai i ñuxgu wüxicana wüxi i chibuxacü choxna cumu na chomücügümaã chapetaexücèx.

30 —Natürü ñuxma na ínanguxü i ngëma cune i chixri curü díeru ngixü guxëexü nagu i ngexügü i ngëãëxü, rü naxcèx cuyamèx i ngëma wocaxacü i rüngümaexü”, ñanagürü.

31 —Rü yexguma ga nanatü rü ñatarügü nüxü:

“Pa Chaunex, cuma rü guxüguma chauxütawa cungëxma, rü guxüma i chorü ngëmaxügü rü cuxrü nixí.

32 —Natürü ñuxma rü name nixí na ípetaegüxü rü na itaãëgüxü erü cueneë ga guma chauxcèx rü marü yucü, rü maxücü taxcèx ínangu. Rü woo tüxna inayarütaxu, rü wenaxârü taxcèx nangox”, ñatarügü.

16

Ore ga yatü ga chixri norü coriarü yemaxüna dauxügu ixuxü

1 Rü ñanagürü ta ga Ngechuchu norü ngüexügüxü: —Nayexma ga wüxi ga cori ga muârü yemaxüãxüchixü. Rü nüxü nayexma ga wüxi ga norü duüxü ga norü yemaxüârü dauruü. Natürü togü ga duüxügü rü norü corimaã nüxü nixügü na yema norü duüxü rü chixri norü yemaxüna na nadauxü.

2 —Rü yexguma ga yema cori rü yema norü duüxücèx naca, rü ñanagürü nüxü:

“Dücèx, cuchigaxü chomaã nixügügü i duüxügü. ¿Rü tacü nixí i ngëma? ;Rü chomaã nüxü ixu rü ñuxácü nixí i curü puracü, erü marü tãütama chorü ngëmaxüârü dauruüxü cuxü chixixëë!” ñanagürü nüxü.

3 —Rü yexguma ga yema coriarü duüxü rü nagu narüxínü, rü nügüãëwa ñanagürü:

“¿Tacü tá chaxü i ñuxmax, erü chorü cori rü marü choxü ínatëxüchi i ngëma chorü puracüwa? Tama chapora na nañewa chapuracüxücèx, rü chaxãne na díerucèx na íchaçaxü nüxna i togü.

4 —Rü marü nüxü chachuèx na tacü tá na chaxüxü na choxü nangëxmaxücèx na texé tümapatawa choxü yaxuxü i ngëxguma changearü puracüãxgu”, ñanagürü.

5—Rü yexguma nügüxtawa naxcèx naca ga wüxichigü ga yema duüxügü ga norü coriaxü yangetanügüxü. Rü yema nüxıra yéma naxütawa nguxüna naca, rü ñanagürü:

“¿Ñuxre i nüxü cungetanüxü i chorü cori?” ñanagürü.

6—Rü nüma nanangäxü, rü ñanagürü:

“Nüxü chanangetanü i 100 i data i chixü”, ñanagürü. Rü yema coriarü duüxü rü ñanagürü nüxü:

“Ñaã nixi i popera i curü ngetanü nawa ngóxü. ¡Rü paxa íruto rü to i popera naxü, rü 50 i dataguxicatama naxü i curü ngetanü!” ñanagürü.

7—Rü yemawena rü yema to ga duüxü ga norü coriaxü nangetanüxüna naca, rü ñanagürü:

“¿Cuma rü ñuxre yixü i nüxü cungetanüxü i chorü cori?” ñanagürü. Rü nüma rü nanangäxü, rü ñanagürü:

“Nüxü chanangetanü i 100 i choca i trigu”, ñanagürü. Rü yema coriarü duüxü rü ñanagürü nüxü:

“Ñaã nixi i popera i curü ngetanü nawa ngóxü. ¡Rü paxa íruto rü to i popera naxü rü 80 i chócaguxicatama naxü i curü ngetanü!” ñanagürü.

8—Rü norü cori rü nüxü nicuèxüüñama ga yema norü duüxü ga chixexü, yerü nüxü nadau ga ñuxäcü na naxääexüchixü. Rü pemaã nüxü chixu rü ñoma i naãnecüãx i duüxügü, rü ngëma Tupanaãxü yaxögüxü i duüxügüarü yexera paxa naxcèx nadaugü na ñux- äcü nüxü natüxü i duüxügü.

9—Rü pemaã nüxü chixu rü ngëma ñoma i naãne i chixexüwa pexü ngëmaxü rü name nixi i ngëmamaã nüxü penangüchaüxë i duüxügü na Tupanaxütawa nangugüxü. Rü ngëmaäcü i ngëxguma naguxgu i ngëma ñoma i naãnewa pexü ngëmaxü rü peyuxgu, rü tá pexü nangëxma ya Penatü ya pexü yaxücü i daxügüxü i naãnewa.

10—Yixema meã namaã icuáxe ega woo noxretama tümamëxëwa ngëxmagu, rü ngëxguma muxüma tümamëxëwa ngëxmagu rü tá ta meã namaã itacuëx. Natürü yixema chixri namaã icuáxe ega noxretama tümamëxëwa ngëxmagu, rü ngëxguma muxüma tümamëxëwa ngëxmagu rü ngëxgumarüü tá ta chixri namaã itacuëx.

11—Rü ngëxguma tama meã namaã ipecuëxgu i ngëma pexmëxwa ngëmaxü i ñoma i naãne i chixexüwa, çrü texé tá pexmëxgu tanaxü i ngëma aixcüma mexü i Tupanaärü ixixü?

12—Rü ngëxguma tama meã namaã ipecuëxgu i ngëma Tupana pexna äxü i ñoma i naãnewa, çrü ñuxäcü tá pexna nanaxä i pechica i daxügüxü i naãnewa?

13—Taxucürüwama i wüxi i duüxü rü nataxrearü coriãx. Erü wüxi i norü corichi rü tá naxai, rü ngëma to rü tá nüxü nangechaü. Rü éxna wüxicèx rü tá meã napuraci rü ngëma to rü tá nüxü naxo. Rü pema rü taxucürüwama Tupanacèx pemaxë ega perü dïeruguxicatama perüxñüëgu — ñanagürü ga Ngechuchu.

14 Natürü ga yema Parichéugü rü poraäcü norü dïeruguama narüxñüë. Rü yemacèx Ngechuchuxü nacugüe ga yexguma nüxü naxñüëgu ga guxüma ga yema ore.

15 Rü yexguma ga Ngechuchu rü ñanagürü nüxü: —Pema nixi i duüxügüpëxewa meã pemaxënetaxü, natürü Tupana pexü nacuëx na tacügu perüxñüëxü. Rü woo duüxügü pexü nicuèxüügü naxcèx i ngëma pexüxü, natürü Tupana rü naãewa nangux i ngëma —ñanagürü ga Ngechuchu.

Tupanaärü mugü ga Moiché ümatüxü rü ñuxäcü äëxgacü na yüxü ya Tupanachiga

16 Rû yexguma ga Ngechuchu rü ñanagürü: –Noxri nayexma ga Tupanaärü mugü ga Moiché duüxügüxü nguxëëxü, rü yema nguxëëtae ga nuxcûmaüügüxü ga Tupanaärü oreatü uruüügü duüxügüxü namaã nguxëëxü. Natürü yexguma Cuáü ga baiüxëëruü ñnguxguwena, rü marü duüxügümaã nüxü chixuchiga i Tupanaärü ore i mexü i ñuxäcü äëxgacü na yüxü. Rû ñuxma rü guxüma i ngëma duüxügü rü poraäcü nügü naporaexëë na yachocuxücëx i ngëma Tupana äëxgacü ñixüüwa.

17 –Naxüpa na yanguxü i Tupanaärü mugü rü woo wüxi i mu i íramarexü yixügu, rü naguxchaxüchi na iyanaxoxü i ngëma nüxü yaxuxü. Natürü aixcûma narütauxchamaë nixü na iyanaxoxü i ñoma i naãne rü guxüma i ngëma daxüwa nüxü idauxü.

Ngechuchu namaã nangüexëëtae na tama namexü na texé tûmamaxü ítáxü (Mt 19.1-12; Mr 10.1-12)

18 –Ngëxguma wüxi ya yatü ítámëxgu rü naí i ngemaã naxãmëxgu rü Tupanapëxewa rü pecadu naxü. Rû texé ya yíxema ngímaã ämaxë i wüxi i nge i ngíte ngíxü ítëxcü, rü Tupanapëxewa rü tûma rü ta pecadu taxü.

Yatü i diëruäxüchixüchiga rü Dácharuchiga

19 –Nayexma ga wüxi ga yatü ga diëruäxüchixü ga guxüguma mexëchixü ga naxchirugu icüxü. Rû guxü ga ngunexügu rü taxüma ga ñna naxü rü napetaexü.

20 –Rû nayexma ta ga wüxi ga yatü ga ngearü diëruäcü ga Dácharugu äegacü. Rû guxüguma yema diëruäxüchixüpataëxwa nayarütooxü.

21 –Rû guma Dácharu rü nanangöxchaü ga yema ñnatüchi ga yema yatü ga diëruäxüchixüärü mechawa rüyüixü. Rû naxcëx naxü ga airugü, rü nanawearü oxriäxgü.

22 –Rû wüxi ga ngunexü nayu ga guma ngearü diëruäcü, rü daxücüäx ga Tupanaärü oreatü ngeruüügü rü daxüguxü ga naãnewa nanagagü na wüxiwa Abráümaã nayexmaxücëx. Rû nayu ta ga yema yatü ga diëruäxüchixü, rü inayatëxgü ga duüxügü.

23 –Rû ngëma nachica i Tupana ngoxogüxü nagu poxcuxüwa naxü ga yema yatü ga diëruäxüchixü rü yéma poraäcü ngüxü ninge. Rû daxü nadau, rü yaxügu Abráüxü nadau na Dácharumaã wüxiwa nayexmaxü ga daxüguxü ga naãnewa.

24 –Rû yexguma ga yema yatü ga diëruäxüchichiréxü rü aita naxü rü ñanagürü:

“Pa Oxi Pa Abráüx, ¡cuxü changechaütümüü, rü nuã namu ya Dácharu na dexámaã nügü yawaixpëxemëxëacüma choxü yanawaixpëxearü conüäxücëx! Erü poraäcü choxü nangux i nuã üxüwa”, ñanagürü.

25 –Natürü Abráü rü ñanagürü nüxü:

“Pa Chaunex, ¡nüxna nacuëxächi na taxuüma cuxü taxuxü ga yexguma cumaüxgu! Natürü Dácharu rü poraäcü chixexü nüxü naxüpetü. Rû ngëmacëx i ñuxma rü nuã mexüwa nangëxma, rü cuma rü ngema poxcuchi-cawa ngüxü quinge.

26 –Rû ñuxüchi nangëxma i wüxi i taxüchixü i ngatexü i tóru ngäxüwa üxü. Rû ngëmacëx ega númacüäx ngema íxchaügu, rü taxucürüwama ngema naxü. Rû woo ngëmacüäx núma íxchaügu rü taxucürüwama núma naxü”, ñanagürü.

27 –Rû yexguma ga yema yatü ga diëruäxüchichiréxü rü ñanagürü:

“Cuxũ chacèèxũ, Pa Oxi, Pa Abráũx, na chaunatũpatawa cunamuxũcèx ya Dácharu.

²⁸—Erũ ngema nangẽxmagũ ya wũximẽẽxpũx ya chaueneẽgũ. Rũ chanaaxwẽxe na namaã nũxũ na yanaxuxũcèx na tama nuã ñaã poxcuchica i poraãcũ choxũ ñangũxũwa naxĩxũcèx”, ñanagũrũ.

²⁹—Natũrũ ga Abráũ rũ ñanagũrũ nũxũ:

“Cueneẽgũ nũxũ nangẽxma i Tupanaãrũ mugũ ga Moĩché ũmatũxũ rũ yema ore ga nuxcũmaũgũxũ ga Tupanaãrũ orearũ uruũgũ ũmatũxũ. Rũ name nixĩ i ngẽma orega na naxĩnũèxũ”, ñanagũrũ.

³⁰—Rũ yexguma ga yema yatũ ga dũĩruãxũchichirèxũ rũ Abráũxũ nangãxũ, rũ ñanagũrũ:

“Ngẽmããcũ, Pa Oxi, Pa Abráũx, natũrũ ngẽxguma chi wũxi i duũxũ i yuchirèxũ ngema ũxgu rũ namaã nũxũ yanaxuxgu, rũ chi nũxũ narũxoe i nacũma i chixexũ”, ñanagũrũ.

³¹—Natũrũ Abráũ, rũ ñanagũrũ nũxũ:

“Ngẽxguma tama naga naxĩnũègu ga yema ore ga Moĩché ũmatũxũ rũ yema ore ga nuxcũmaũgũxũ ga Tupanaãrũ orearũ uruũgũ ũmatũxũ, rũ woo chi wũxi i marũ yuwa ñrudaxũ i duũxũ ngema ũxgu, rũ namaã nũxũ yanaxuxgu i ore, rũ tãu chima nũxũ nayaxõgũ”, ñanagũrũ.

17

Naxãũcũma nixĩ na pecadugu inguxũ (Mt 18.6-7, 21-22; Mr 9.42)

¹ Rũ Ngechuchu rũ norũ ngũexũgũxũ ñanagũrũ: —Rũ guxũgutãma nangẽxma i tacũ i duũxũgũxũ pecaduãxèèxũ. Natũrũ wũxi i ngechaũ tá tũmacèx nixĩ ya yĩxema duũxè ya togũxũ pecadugu nguxèèxè.

²⁻³—Rũ tũmacèx rũ narũmemaè nixĩ na tũmanaxãwa yangacuchixũ ya wũxi ya nuta ya tacũ rũ ngẽmaãcũ taxtũwa tũxũ na itãexũ naxũpa na pecadugu tananguxèèxũ i wũxi i chorũ duũxũ. ¡Rũ ngẽmacèx name nixĩ i pexuãègũ i pemax! Rũ ngẽxguma wũxi i cueneè chixexũ cumaã ũxgu rũ ¡meã naxuxcuxè! Rũ ngẽxguma nũxũ naxoxgu i nacũma i chixexũ rũ ¡nũxũ nũxũ nangechaũ i ngẽma!

⁴—Rũ woo 7 èxpũxcũna chixexũ cumaã naxũxgu i wũxi i ngunexũgu, rũ 7 èxpũxcũna cuxna yacaxgu na nũxũ nũxũ cungechaũxũcèx, rũ name nixĩ i nũxũ nũxũ cungechaũ —ñanagũrũ ga Ngechuchu.

Ñuxãcũ tabora ega yaxõxgu

⁵ Rũ norũ ngũexũgũ ga norũ orearũ uwa namugũxũ rũ ñanagũrũgũ: —Pa Corix, ¡toxũ rũngũxèè na yexeraãcũ tayaxõgũxũcèx! —ñanagũrũgũ.

⁶ Rũ yexguma ga Cori ga Ngechuchu rũ ñanagũrũ nũxũ ga norũ ngũexũgũ: —Rũ ngẽxguma chi woo naxĩraxũchigu i perũ õ, rũ daa naĩ rũ chi pega naxĩnũ ega ñapegũgu:

“¡Cugũ nabèx i nuã rũ taxtũchiũgu cugũ yato!” ñapegũgu, rũ chi pega naxĩnũ.

Wũxi i ngũxèèruũãrũ puracũchiga

⁷—Ngẽxguma chi wũxie i petanũwa rũ tũxũ nangẽxmagu i wũxi i tũmaãrũ duũxũ i tũmañewa ne ũxũ i puracũwa rũ èxna carneruarũ dauwa, rũ tama nũgũcèxira naxũwemũ.

⁸—Natũrũ norũ corixũĩra naxũwemũ na nachibũxũcèx rũ naxaxexũcèx, rũ nũma rũ yixcama nachibũ.

9 —Rü norü cori rü tama moxê nüxna naxã na naxüwemüãxüdcèx, erü woetama ngêma nixi i norü puracü i ngêma norü duüxü.

10 —Rü ngêxgumarüü tá pixigü i pemax. Erü ngêxguma ngêma Tupana pexü üxêxüxüicatama pexüxgu, rü penaxwêxe i pegü ñaperügügü:

“Puracütanüxü i taxuwama mexü tixigü, erü ngêma nawa tüxü namuxüxüicatama nixi i tinguxêxü”, ñaperügügü —ñanagürü ga Ngechuchu.

Ngechuchu nanameêxê ga 10 ga yatügü ga chaxüneãxgüxü

11 Rü yexguma namagu yaxüxgu ga Ngechuchu ga Yerucharéüwa na naxüxü, rü Chamáriaane rü Gariréaane nügümaã íxüyexüwa naxüpetü.

12 Rü yexguma wüxi ga ñänexãcüwa nanguxgu, rü yexma napêxegu nayayi ga 10 ga yatügü ga chaxünemaã idaaeweexü. Rü yaxügu nüxü nachigü.

13 Rü tagaacü ñanagürügü nüxü: —Pa Ngechuchux, Pa Ngúexêëruüx, jücxü tangechaütümüügü! —ñanagürügü.

14 Rü yexguma Ngechuchu nüxü deüxgu, rü ñanagürü nüxü: —jYéa paigüxütawa pexi, rü nüxü pegü peyawêxgü! —ñanagürü. Rü yexguma namagu naxiyane, rü naxcèx nitaanetanü ga yema yatügü.

15 Natürü natanüwa rü nayexma ga wüxi ga Ngechuchucèx taeguxü ga yexguma marü nügü nadèüxgu ga naxcèx na yataanexü. Rü tagaacü Tupanaxü nicuèxüüchigü.

16 Rü Ngechuchupêxegu nanangücuchi rü moxê nüxna naxã. Rü yema yatü rü Chamáriaanecüãx nixi.

17 Rü yexguma ga Ngechuchu rü ñanagürü: —¿Taux êxna i 10 chirêx pixigüxü na pexcèx chayataanexêëgüxü? ¿Ngêxügü nixi i ngêma togü i 9 i yatügü?

18 —¿Rü ñaã to i nachiüãnecüãx i duüxüxüicatama nixi itaeguxü na Tupanaxü yacuèxüüxüdcèx? —ñanagürü.

19 Rü yexguma rü guma yatüxü ñanagürü: —jInachi rü íxü! Cuxcèx nitaane, erü cuyaxô —ñanagürü.

Ñüxcü tá nixi i ngêxguma ínanguxgu ya Tupana na ãëxgacü yixü (Mt 24.23-28, 36-41)

20 Rü Parichéügü rü Ngechuchuna nacagü, rü ñanagürügü: —¿Ñüxgu tá nixi na yangucuchixü ya Tupana na ãëxgacü yixüdcèx i núma? —ñanagürügü. Rü Ngechuchu nanangãxü, rü ñanagürü: —Norü nguchiga ya Tupana rü tama wüxi i tacü i nüxü idauxütrüü nixi.

21 —Rü taxuacüma ñaperügügü:

“Daa nixi”, rü êxna “Gua nixi”, ñaperügügü. Erü marü petanüwa nangu ya Tupana na ãëxgacü yixüdcèx —ñanagürü.

22 Rü yexguma norü ngúexügüxü ñanagürü: —Rü tá pexcèx ínangu i ngunexü i nangu poraacü tá choxü pedaugüchaüxü woo wüxi i paxaächicèxtama yixigü. Natürü täütama choxü pedaugü i ngêxguma.

23 —Rü duüxügü rü tá ñanagürügü pexü:

“Daa nixi ya Cristu”, rü êxna, “Gua nixi ya Cristu”, ñanagürügü tá. Natürü pemax jrü täütama nüxü peyaxögü, rü täütama nawe perüxi!

24 —Rü ngêxguma íchanguxgu i choma i Tupana Nane na duüxüxü chiüxü, rü wüxi i ãëmacü i guxüãneguma baxixütrüü tá chixi.

25 —Natürü noxri rü tá poraacü ngúxü chinge, rü ñoma i naãnecüãx i duüxügü i ñuxma maxêxü rü tá choxü naxoe.

26 –Rü yexgumarüü ga duüxügü na chixri maxëxü ga yexguma Noë maüxgu, rü ngëxgumarüü tá ta chixri namaxë i duüxügü i ngëxguma íchanguxgu i choma i Tupana Nane na duüxüxü chiüxü.

27 –Rü ga duüxügü ga yexguma rü nachibüe, rü naxaxegü, rü nixãmëxgü, rü nixütëxacügü ñuxmata nawa nangu ga yema ngunexü ga Noë nawëügu nagu ixüexü. Rü ínangu ga mucü ga taxüchicü, rü guxüma ga yema duüxügü rü nayue.

28 –Rü yexgumarüü ta nangupetü ga yexguma nuxcümaücü ga Lox maüxgu. Rü duüxügü rü nachibüe, rü naxaxegü, rü norü yemaxüçëx nataxegü, rü namaã nataxegü, rü nixüanegü rü nitoegü, rü nixüpatagü.

29 –Naturü yexguma Lox ixüxgu nawa ga guma ñane ga Chodoma, rü daxüwa narüyi ga ixü ga naxíchine, rü nanadai ga guxüma ga yema duüxügü.

30 –Rü ngëxgumarüü tá ta nangupetü i ngëxguma íchanguxgu i choma i Tupana Nane na duüxüxü chiüxü.

31 Rü ngëma ngunexügu rü texé tama tümapataarü aixepewa ngëxmagu, rü tama name i tümapatagu tayangaxi na tümaarü ngëmaxügu tayatoxüçëx. Rü texé ya tümañewa ngëxmaxë, rü tama name i tümapataçëx tataegu na çacü ngema tayayaxüçëx.

32 –Rü núxna pecuëxächie ga ñuxäcü ngïxü na naxüpetüxü ga Lox namëx ga na nayuxü, ga yexguma ngügüweama nadëuxgu.

33 –Erü yixema tügü maxëchaxëëchaüxë rü tá itayarütaxu, natürü yixema chauxçëx yuxe rü aixcüma tá tüxü nangëxma i maxü i taguma güxü.

34 –Rü pemaã nüxü chixu rü ngëma chütaxügu rü wüxi i ngürücarewa tá nangëxmagü i taxre i duüxügü. Rü wüxi tá niga, rü ngëma to rü tá ngëma natëx.

35 –Rü taxre i ngëxügü tá nügümaã ínacaegü. Rü wüxi tá niga rü ngëma to rü tá ngëma natëx.

36 –Rü taxre i yatügü rü wüxi i nañewa tá nangëxmagü. Rü wüxi tá niga rü ngëma to rü tá ngëma natëx –ñanagürü ga Ngechuchu.

37 Rü yemaxü naxüñëgu ga norü ngüexügü, rü Ngechuchuna nacagü, rü ñanagürügü: –Pa Corix, çngextá tá nixü i nangupetüxü i ngëma nüxü quixuxü? –ñanagürügü. Rü núma ga Ngechuchu rü nanangäxü, rü ñanagürü: –Duüxügü rü tá chauxçëx nangutaquëxegü ñoma ëxchagü nawemüçëx ngutaquëxëxürüü –ñanagürü.

18

Ore ga äëxgacügu rü yutecügu ixüxü

1 Rü Ngechuchu rü wüxi ga to ga orexü namaã nixu na yemawa nangüexëëxüçëx na ñuxäcü nanaxwëxexü na taguma nüxü nachaueäcüma guxüguma nayumüxëgüxü.

2 Rü ñanagürü nüxü ga norü ngüexügü: –Wüxi ga ñañewa nayexma ga wüxi ga äëxgacü ga tama Tupanaga ñnüxü rü taxüexüma ngechaüxü.

3 –Rü guma ñañewatama iyexma ga wüxi ga nge ga yutecü ga ngxüü nayexmacü ga wüxi ga guxcha namaã ga to ga duüxü. Rü yemacëx yema äëxgacüxütawa ixüxëcha na ngxüü namexëëxüçëx ga yema guxcha.

4 –Rü müëxpüxcüna yéma ixüüxü, natürü yema äëxgacü rü tama ngïxü narüngüxëëchaü. Naturü düxwa nagu narüxüñü ga yema äëxgacü rü naañewa ñanagürü:

“Choma rü tama Tupanaxü changechaü, rü taxüexüma chacuáxchaü.

5 —Natürü ngēma choxū na nachixeweechaxūcèx i ñaã nge, rü noxtacüma tá ngīxū charüngūxēē na tama yeücürü choxū nachixeweechaxūcèx”, ñanagürü.

6 Rū Cori ga Ngechuchu rü ñanagürü: —Yema nixī ga norü ore ga yema âëxgacü ga chixexū.

7 —¿Taux êxna i Tupana rü paxa tūxū ínapoxūxū ya yíxema duūxē ya tūxū nayaxuxe i ngēxguma chütacü rü ngunecü rü norü ngūxēcèx nūxna tacaxgu i tūmaärü yumūxēwa?

8 —Rü pemaã nūxū chixu rü Tupana rü paxatáma tūxū narüngūxēē. Natürü ngēxguma wenaxärü nūma chaxūxgu i choma i Tupana Nane na duūxūxū chiūxū, ¿rū ñuxre i duūxūgü i aixcūma yaxögūxūxū tá ichayangau i ñoma i naãnewa? —ñanagürü ga Ngechuchu.

Ore i Parichégu ixuxū rü dīeruarü deruūgu ixuxū

9 Rū Ngechuchu rü nūxū nixu ga ñaã ore nachiga ga yema duūxūgü ga nügü írūmegünetaxū rü tama togūxū cuáxchaūgūxū.

10 Rū ñanagürü: —Taxre ga yatü rü tupauca ga taxūnewa nayayumūxēgü. Rū wūxi rü Parichéu nixī, rü yema to rü wūxi ga yatü ga Dumaärü âëxgacücèx dīeru ngīxū dexū nixī.

11 —Rü yema Parichéu rü yexma nachī, rü ñaãcū nayumūxē:

“Pa Tupanax, moxē cuxna chaxā erü tama togü i duūxūgürüū chixī. Rū tama togürüū changītèx, rü tama ngēmarüū taxū i chixexū chaxū rü êxna wūxi i nge i âtecümaã ichape. Rū bai i ñaã yatü i Dumaärü âëxgacücèx dīeru ngīxū dexürüū chixī.

12 —Choma rü guxcü ya yūxūgu rü taxreëxpūxcūna chaxaure rü tama chachibū na cugu charūxīnūxūcèx. Rū chorü dīerūwa rü guxūguma meã cuxna chanaxā i ngēma cuxna ūxū”, ñanagürü.

13 —Natürü ga guma yatü ga Dumaärü âëxgacücèx dīeru ngīxū decü, rü yaxūga narūxāūx. Rū namuū ga daxū na nadawenūxū, rü yema norü ngechaūmaã nügü napaxremü, rü ñanagürü:

“Pa Tupanax, ¡Cuxū changechaütümüü! Erü wūxi i pecaduāxū chixī”, ñanagürü ga guma yatü.

14 —Rü ngēmacèx pemaã nūxū chixu rü guma yatü ga Dumaärü âëxgacücèx dīeru ngīxū decü rü yexguma napatacèx nataegugu rü Tupanapëxewa rü mecü nixī. Natürü yema Parichéu rü Tupana rü tama namaã nataãē. Erü texé ya tūgü icuèxūxūxe rü Tupana tá tūxū naxānexēē. Natürü texé ya tama tūgü icuèxūxūxe rü Tupana rü tá tūxū nicuèxūxū —ñanagürü ga Ngechuchu.

Ngechuchu rü meã buāxgūxū nayaxu (Mt 19.13-15; Mr 10.13-16)

15 Rū yema Ngechuchuxūtawa tūxū tagagü ta ga buāxgü na tūxū yangögüchigūxūcèx. Natürü yexguma norü ngūexūgü yemaxū dauxgügu rü tūxū ningagü ga guxema tūmaxācūegü Ngechuchuxūtawa tūxū gagūxe.

16 Natürü Ngechuchu rü nügūxūtawa tūmacèx naca ga guxema buāxta rü ñanagürü norü ngūexūgūxū: —Chanaxwēxe i chauxūtawa naxī i buxūgü. ¡Rü tāxū i nūxna penachūxuxū! Erü Tupana âëxgacü íxīxūwa rü tūmacèx nixī ya yíxema ñaã buxūgürüū íxīgūxe.

17 —Aixcūma pemaã nūxū chixu rü texé ya tama wūxi i buxürüū Tupanaxū yaxūxe na tūmaärü âëxgacü na yīxūcèx, rü tagutáma nagu taxūcu i Tupana âëxgacü íxīxūwa —ñanagürü ga Ngechuchu.

*Wüxi ga yatü ga dïëruãxüchicü Ngechuchumaã nidexa
(Mt 19.16-30; Mr 10.17-31)*

18 Rû wüxi ga yema Yudiügüarü âëxgacü rü Ngechuchuna naca rü ñanagürü: —Pa Ngüexëëruü ya Mecüx, ¿tacü tá chaxüxü na chanayaxuxüçëx i maxü i taguma güxü? —ñanagürü.

19 Rû Ngechuchu nanangãxü rü ñanagürü nüxü: —¿Tüxcüü “Mecü” ñacurügü choxü? Erü Tupanaxïcatama nixi ya mecü ixïcü, rü nataxuma i to i mecü ixïcü.

20 —Cuma nüxü cucuëx i Tupanaãrü mugü i ñaxü:

“¡Tãütáma naï i ngemaã icupe, rü tãütáma cumáëta, rü tãütáma cungtëëx, rü tãütáma doraxü quixu i togüchiga, rü tümaga naxïnü ya cunatü rü cue!” ñaxü.

21 Rû yexguma ga guma yatü rü ñanagürü Ngechuchuxü: —Woetama chorü bucüma meãma chayanguxëë i guxüma i ngëma mugü i nüxü quixuxü —ñanagürü.

22 Rû yemaxü naxïnügu ga Ngechuchu rü ñanagürü: —Wüxixicatama cuxü nataxu, rü ngëma nixi na namaã cutaxexü i guxüma i curü ngëmaxügü rü togü i ngearü ngëmaxüãxgüxüna na cunaxãxü i curü natanü, rü ngëxguma rü tá cuxü nangëxma i cuchica i daxüguxü i naãnewa. Rû ñüxüchi marü name i chowe curüxü —ñanagürü.

23 Natürü yemaxü naxïnügu ga guma yatü rü poraãcü inayarümaãchi, yerü namuãrü dïëruãxüchi.

24 Rû yexguma Ngechuchu nüxü dëuxgu ga ñuxãcü na nangechaüxü, rü ñanagürü nüxü ga norü ngüexügü: —Naguxchaxüchi tá nixi na Tupana âëxgacü lixixüwa na yachocuxü i ngëma dïëruãxüchigüxü.

25 —Rü dücax, wüxi i cameyu rü taxucürüwama wüxi ya ucumaxëtüwa naxüpetü. Rû ngëxgumarüü ta nixi i wüxi i duüxü i dïëruãxüchixü rü taxucürüwama Tupana âëxgacü lixixüwa nixücu [ega norü dïëruaguama naxïnügu rü tama yaxõõgu —ñanagürü.]

26 Rû yexguma yemaxü naxïnüëgu ga duüxügü rü ñanagürügü: —¿Éxna texé tá ya nayaxüxe i maxü i taguma güxü? —ñanagürügü.

27 Rû Ngechuchu ñanagürü nüxü: —Duüxügü rü taxuacüma nügü namaxëë, natürü Tupanaãxü rü natauxcha na namaxëxëãxü —ñanagürü.

28 Rû Pedru ñanagürü Ngechuchuxü: —Pa Corix, toma rü yéma tanawogü ga guxüma ga torü yemaxügü na cuwe tarüxüçëx —ñanagürü.

29-30 Rû yexguma ga Ngechuchu rü ñanagürü nüxü ga norü ngüexügü: —Aixcüma pemaã nüxü chixu rü texé ya Tupanacëx tümapatana, rü éxna tümangatüna, rü éxna tümãëna, rü éxna tümãëneëgüna, rü éxna tümãyëxgüna, rü éxna tümãmëxna, rü éxna tümãxãcügüna ngëma ixüxë na Tupanaãxü tapuracüxüçëx, rü ñoma i naãnewa tátama poraãcü tanayaxu i tümããrü natanü. Rû daxüguxü i naãnewa rü tá ta tanayaxu i maxü i taguma güxü —ñanagürü.

*Ngechuchu rü wenaxãrü nanaxunagü ga norü yuxchiga
(Mt 20.17-19; Mr 10.32-34)*

31 Rû Ngechuchu rü noxrüwama naxcëx naca ga norü ngüexügü, rü ñanagürü nüxü: —Ñüxma rü Yerucharëüwa tá taxï na ngëma yanguxüçëx i guxüma ga yema ore ga nuxcümaügüxü ga Tupanaãrü orearü uruügü ümatüxü ga chauchiga.

32 –Rü Yerucharéüçüâx i duüxügü rü tá to i nachiuñānecüñāxna choxü namugü. Rü ngēma duüxügü rü tá chaugu nidauxcürāügü, rü tá chomaã naguxchigagü, rü tá chauchiwewa nacuaixgü.

33 –Rü tá choxü naçuaixgü, rü yixcürā rü tá choxü nimèxgü. Natürü tomaēxpüx i ngunexüguwena rü tá wenaxärü chamaxü –ñanagürü.

34 Natürü yema norü ngüexügü rü tama nüxü nacuèxgüéga ga na tacüchiga yixü ga yema ore ga namaã nüxü yaxuxü. Yerü poraäcü nüxü naguxcha ga aixcüma nüxü na nacuèxgüxüçèx.

*Ngechuchu nanamexēē ga wüxi ga ngexetücü ga Yericüwa
(Mt 20.29-34; Mr 10.46-52)*

35 Rü yexguma Ngechuchu iñāne ga Yericüwa nguxchaügu, rü yéma nānacüwawa narüto ga wüxi ga yatü ga ngexetücü ga diērucèx yéma iwémécü.

36 Rü yexguma guma ngexetücü nüxü inügu ga muxüma ga duüxügü na yéma chopetüxü, rü duüxügüna naca ga tacü na ngupetüxü.

37 Rü nanangäxügü, rü ñanagürügü: –Ngechuchu ya Nacharétüçüñāx nuã naxüpetü –ñanagürügü.

38 Rü yexguma ga guma ngexetücü rü tagaäcü ñanagürü: –Pa Ngechuchux, Pa Dabitanüxüx, jcuxü changechaütümü! –ñanagürü.

39 Rü yema duüxügü ga Ngechuchupéxegu ixü, rü nanangagü ga na iyanangeáxüçèx. Natürü guma ngexetücü rü yexeraäcü tagaäcü ñanagürü: –Pa Dabitanüxüx, jcuxü changechaütümü! –ñanagürüama.

40 Rü yexma nayachiächi ga Ngechuchu, rü duüxügüxü namu na naxütawa nagagüäxüçèx. Rü yexguma marü naxütawa nanguxgu, rü guma ngexetücüna naca ga Ngechuchu, rü ñanagürü:

41 –¿Tacü i cunaxwèxexü na cumaã chanaxüxü? –ñanagürü. Rü guma ngexetücü nanangäxü rü ñanagürü: –Pa Corix, chanaxwèxe na choxü quidauchixēēxü –ñanagürü.

42 Rü Ngechuchu ñanagürü nüxü –jidauchi! Rü marü cuxcèx nitaane erü cuyaxō –ñanagürü.

43 Rü yexgumatama nidauchi ga guma ngexetücü, rü Ngechuchuwe narüxü, rü Tupanaxü nicuèxüüchigü. Rü guxüma ga duüxügü ga nüxü daugüxü ga yema ngupetüxü rü Tupanaxü nicuèxüüügü ta.

19

Ngechuchu rü Zaquéuchiga

1 Rü Ngechuchu rü Yericürü iñānawa naxüpetü.

2 Rü yéma nayexma ga wüxi ga yatü ga diēruñāxüchixü ga Zaquéugu āegaxü. Rü nüma nixü ga naēru ga yema yatügü ga Dumaärü āēxgacüçèx diēru ngixü ideetanüxü.

3 Rü yema Zaquéu rü poraäcü nüxü nangüchañ ga Ngechuchuxü na nadauxü na nüxü nacuáxüçèx. Natürü taxuacüma nüxü nadau, yerü namuxüchi ga duüxügü, rü ñuxüchi nanuxchanexüchi ga nümax.

4 Rü yemacèx Ngechuchupéxegu nayangu, rü nānacüwawa wüxi ga naigu naxinagü na Ngechuchuxü nadauxüçèx ga yexguma yéma naxüpetügu.

5 Rü yexguma yéma naxüpetügu ga Ngechuchu, rü daxü nadau natütüwa ga guma nañ. Rü ñanagürü nüxü: –Pa Zaquéux, jpaxa íruxü i ngema! Erü cupatawa tá changu i ñuxma –ñanagürü.

6 Rü paxa inarüxü ga Zaquéu, rü taēēcüma Ngechuchuxü nayaxu.

7 Rū yexguma yemaxŭ nadaugūga ga duŭxŭgū, rū guxŭma inanaxūgūe ga chixri Ngechuchuchiga na yadexagūxŭ. Rū űanagŭrŭgū: —Ķűuxăcŭ i nŭma rū wŭxi i duŭxŭ i pecaduăxŭpatawa nangu? —űanagŭrŭgū.

8 Rū yexguma ga Zaquėu rū inachi rū űanagŭrŭ Ngechuchuxŭ: —Dŭcėx, Pa Corix, choma rū ngearŭ đġeruăxgŭxŭna tá chanaxă i ngăxŭgu i guxŭma i chorŭ ngėmaxŭgŭ. Rū ngėxguma chi texė tŭxŭ chawomŭxėėăcŭma tŭxŭ changŭxgu, rū âgŭmŭcŭxpŭxcŭna tá tŭxŭ ngŭxŭ chataeguxėė i ngėma tŭmaărŭ đġeru —űanagŭrŭ.

9 Rū Ngechuchu rū űanagŭrŭ nŭxŭ: —Rŭ űoma i ngunexŭgu cupatawa nangu i maxŭ i taguma gŭxŭ, erŭ cuma rū ta rū Abrăđrŭđŭ cuyaxŭ.

10 —Rŭ choma i Tupana Nane na duŭxŭxŭ chiŭxŭ, rū űoma i naănewa chaxŭ na naxcėx chayadauxcėx i ngėma duŭxŭgŭ i iyarŭtauxexŭ na chana-maxėxėėxŭcėx —űanagŭrŭ.

Ore i đġeruġu ixŭxŭ
(Mt 25.14-30)

11 Rŭ yoxni yema Ngechucharŭ ore inaxŭnŭėyane ga duŭxŭgŭ, rū Ngechuchu rū wŭxi ga to ga ore ga cuėxruŭxŭ namaă nixu, yerŭ marŭ Yerucharėxŭ ningaică, rū duŭxŭgŭ nagu rŭxŭnŭėgu rū paxă tá ĩnangu ga Tupana na norŭ âėxgacŭ yŭxŭcėx.

12 Rŭ yexguma ga Ngechuchu rū nŭgŭchiga nidexă rū űanagŭrŭ nŭxŭ: —Nayexma ga wŭxi ga yatŭ ga taxŭ ga cori ixŭcŭ ga nayaxucŭ ga ore na nachiđġaneărŭ âėxgacŭxtŭtawa naxŭxŭcėx ga yaxŭwa na yema âėxgacŭ nŭxŭ unetaxŭcėx na guma nawa ne naxŭxŭne ga đġaneărŭ âėxgacŭ yŭxŭcėx.

13 —Rŭ yexguma tauta inaxŭăchigu, rū naxcėx nangema ga 10 ga norŭ duŭxŭgŭ. Rŭ wŭxichigŭna ngŭxŭ naxă ga wŭxıtachinŭ ga tatanŭcŭ ga đġeru. Rŭ űanagŭrŭ nŭxŭ:

“ĶNgŭmaă pepuracŭe rū ngŭxŭ pimuxėė i űăă đġeru űŭxmatăta chataegu!” űanagŭrŭ.

14 —Natŭrŭ yema đġanecŭăx ga duŭxŭgŭ rū naxchi naxaie ga guma cori. Rŭ yemacėx nawenaăma nayamugŭ ga űuxre ga orearŭ ngeruđgŭ na nachiđġaneărŭ âėxgacŭmaă nŭxŭ yanaxugŭxŭcėx na tama nanaxwėxegŭxŭ na norŭ âėxgacŭxŭ na yŭxŭcėx ga guma cori.

15 —Natŭrŭ nachiđġaneărŭ âėxgacŭ rū nayangucuchixėėăma ga guma cori. Rŭ űŭxŭchi ga guma cori rū norŭ đġanecėx nataegu na yėma âėxgacŭ na yŭxŭcėx. Rŭ yexguma ĩnanguxgu rū naxcėx nangema ga yema 10 ga norŭ duŭxŭgŭ ga đġeru nŭxna ngŭxŭ naxăxŭ, yerŭ nŭxŭ nacuăxchaŭ ga űuxrechigŭ ngŭxŭ na yamuxėėxŭ ga norŭ đġeru ga wŭxichigŭ ga yema norŭ duŭxŭgŭ.

16 —Rŭ yema nŭxŭra đġeru nŭxna ngŭxŭ naxăxŭ rū norŭ corixŭtawa nangu, rū űanagŭrŭ:

“Pa Corix, curŭ đġeru rū 10 ġxpŭxcŭna ngŭxŭ chimuxėė”, űanagŭrŭ.

17 —Rŭ guma Cori ga yexwacă âėxgacŭxŭ ĩngucuchicŭ rū nanangăxŭ, rū űanagŭrŭ:

“Wŭxi i mexŭ i chorŭ duŭxŭ quixŭ. Maneca meăma namaă cupuracŭ i ngėma ĩraxŭđŭ i đġeru i cuxna chaxăxŭ. Rŭ űŭxma rū 10 ya đġanegŭarŭ âėxgacŭxŭ tá cuxŭ chixŭxėė”, űanagŭrŭ.

18 —Rŭ yėma nangu ga to ga norŭ duŭxŭ, rū űanagŭrŭ:

“Pa Corix, curŭ đġeru rū wŭximėġxpŭxcŭna ngŭxŭ chimuxėė”, űanagŭrŭ.

19 —Rŭ norŭ cori nanangăxŭ rū űanagŭrŭ nŭxŭ:

“Cuma rü wüximēxpūx ya īānegüarü āēxgacüxü tá cuxü chixixēē”, ñanagürü.

²⁰ —Rü yéma nangu ga to ga norü duñxü rü ñanagürü nüxü:

“Pa Corix, ñaā iyixi i curü dīeru. Rü wüxi ya dechugu ngixü chanuque, rü ngēmaācü ngīmaā changuxü.

²¹ —Yerü cuxcèx chamuñ, erü wüxi i yatü i aüxü quixi. Rü cunayauxtanü i ngēma tama cuxrü ixixü, rü cunayaxu i nanetüarü o i ngextá tama cuma ícutuoxüwa”.

²² —Rü yexguma ga guma āēxgacü rü ñanagürü nüxü:

“Wüxi i chorü duñxü i chixexü quixi i cumax. Rü curü oretama nixi i cuxü ixuxü na cuchixexü. Marü nüxü cucuèxchirèx ga na chaxaüxü, rü chanayautanüxü i ngēma tama choxrü ixixü, rü chanayaxuxü i nanetüarü o i tama choma íchatoxü.

²³ —¿Natürü tüxcüü tama bancugu choxü ngīmaā cunguxü i chorü dīeru na ngēma choxü ngixü yamuxēēgüxcèx, rü ngēmaācü mucü ngixü na chayaxuxüxcèx i ngēxguma íchanguxgu?” ñanagürü.

²⁴ —Rü yexguma ga āēxgacü rü yema yexmagüxümaā nüxü nixu, rü ñanagürü:

“¡Nüxna ngixü peyaxu i ngēma dīeru, rü ngēma 10 i dīeru nüxü ngēxmaxüna ngixü pexā!” ñanagürü.

²⁵ —Rü nümagü rü nanangāxügü, rü ñanagürügü:

“Natürü, Pa Corix, nüma rü marü nüxü ingèxma i 10 i dīeru”, ñanagürügü.

²⁶ —Rü guma āēxgacü nanangāxü, rü ñanagürü:

“Pemaā nüxü chixu rü texé ya chauga ñnuxè rü yexera tá tüxna chanaxā. Natürü texé ya tama chauga ñnuxè rü tá tüxna chanayaxu i woo ngēma íraxü i tüxü ngēxmaxü.

²⁷ —Rü yema chorü uwanügü ga tama naxwèxegüxü ga norü āēxgacüxü na chíxü, ¡rü nüā penagagü, rü nüā chopèxegu peyadai!” ñanagürü.

Ngechuchu rü Yerucharéügu naxücu (Mt 21.1-11; Mr 11.1-11; Cu 12.12-19)

²⁸ Rü yema orexü yaxuxguwena ga Ngechuchu, rü inixüchigü ga Yerucharéüwa na naxüxü.

²⁹ Rü yexguma marü nawa nangugüchaügu ga guma īānegü ga Bechagué rü Betániā ga Oribunecüarü Mèxpüneärü ngaicamana yexmagüne, rü Ngechuchu nanamu ga taxre ga norü ngüexügü.

³⁰ Rü ñanagürü nüxü: —¡Gua īānexācüwa pexi! Rü ngèxma tá nüxü peyangau i wüxi i buru i ngèxwaca yaxü i ngèxma ngaxüxü i taguma texé natagu aunagüxü. ¡Rü peyawèxü, rü nüā penaga!

³¹ —Rü ngèxguma texé pexna çaxgu na ñacücèx peyawèxüxü i ngēma buru, ¡rü tümamaā nüxü pixu rü ñapegügü:

“Torü Cori nanaxwèxe”, ñapegügü tüxü!

³² Rü yéma naxi ga yema taxre ga norü ngüexügü. Rü yexma nüxü nayangau ga yema buru ga Ngechuchu namaā nüxü ixuxürüü.

³³ Rü yexguma yawèxügüāgu ga yema buru, rü norü yoragü rü yema ngüexügüna nacagüe, rü ñanagürügü: —¿Tüxcüü peyawèxü i ngēma buru? — ñanagürügü.

³⁴ Rü nümagü nanangāxügü, rü ñanagürügü: —Rü tayawèxü erü torü Cori nanaxwèxe —ñanagürügü.

35 Rū Ngechuchuxūtawa nanagagū ga yema buru. Rū yema norū ngúexūgū rū norū gáuxūchirumaã nanatūtágū. Rū ñuxūchi Ngechuchuxū natagu naxaunagūxēēgū.

36 Rū duūxūgū rū Ngechuchupēxewa norū gáuxūchirumaã nayaçhamagū ga nama.

37 Rū yexguma inaxūgūāgu na ínaxīgūxū nawa ga yema nama ga Oríbunecūarū Mèxpúnewa yarūdaexū, rū guxūma ga yema duūxūgū ga yaxōgūxū ga nawe ruxūxū rū inanaxūgū ga taēēacūma aita na naxūexū rū tagaācū Tupanaxū na yacuēxūūgūxū naxcēx ga guxūma ga yema cuēxruūgū ga taxū ga nūxū nadaugūxū ga Tupanaārū poramaã naxūxū ga Ngechuchu.

38 Rū ñanagūrūgū: —¡Namecūmaxūchi ya daa tórū āēxgacū ya Tupanaégagu nūma ūcū! ¡Rū pema rū ta, Pa Daxūcūāx, rū petaāxēgū rū nūxū picuēxūūgū ya Tupana! —ñanagūrūgū.

39 Rū yéma duūxūgūtanūwa nayexmagū ga ñuxre ga Parichéugū. Rū ñanagūrūgū Ngechuchuxū: —Pa Ngúexēēruūx, ¡Yangagū i ngēma cuwe ruxūxū i duūxūgū na yanachianegūxūcēx! —ñanagūrūgū.

40 Natūrū Ngechuchu nanangāxū rū ñanagūrū nūxū: —Pemaã nūxū chixu rū ngēxguma chi iyanangeēxgūga i ñaã duūxūgū, rū daa nutagū ya namacūwawa ngēxmagūcū rū chi nūxū aita naxūe —ñanagūrū.

41 Rū yexguma Yerucharēūārū ngaicamana nanguxgu ga Ngechuchu, rū guma ñānecūāx ga duūxūgūcēx naxaxu.

42 Rū ñanagūrū: —Pa Yerucharēūcūāxgū, chierū ñoma i ngunexūgu nūxū pecuēxgu na texē aixcūma taēē pexna āxū. Natūrū ngēma rū pexchawa inicux i ñuxma, rū taxuacūma nūxū pecuēx.

43 —Rū tá guxchaxūgū pexū naxūpetū. Rū perū uwanūgū tá nanaxū i norū poxūchica i norū guxūcūwawa ya perū ñāne. Rū norū churaragū tá pexū ínachoeguāchi, rū guxūcūwawa tá pexcēx ne naxī.

44 —Rū tá nagu napogūe ya perū ñāne, rū tá pexū nadai. Rū taxucūtāma ya nuta ngextá nūgūxētū nanugūxūra i perū ñāneārū poeguxūtapūwa. Rū ngēmaācū tá pexū naxūpetū, yerū tama nūxū pecuēxgūchaū ga yexguma Tupana petanūgu naxūānegu —ñanagūrū.

Ngechuchu rū tupauca ga taxūnewa ínanawoxū ga duūxūgū ga yéma taxegūxū
(Mt 21.12-17; Mr 11.15-19; Cu 2.13-22)

45 Rū Ngechuchu rū tupauca ga taxūnewa nangu rū yexma naxūcu. Rū inanaxūgū na ínawoxūāxū ga yema duūxūgū ga tupauca ga taxūnewa taxegūxū.

46 Rū Ngechuchu rū ñanagūrū nūxū: —Tupanaārū ore i ūmatūxūwa rū ñanagūrū:

“Chopata rū yumūxēpataū nixī”.

Natūrū pema rū ngītēēxgūxūpataū peyaxīxēē —ñanagūrū.

47 Rū guxū ga ngunexūgu rū tupauca ga taxūnewa nayanguxēētae ga Ngechuchu. Natūrū ga paigūarū āēxgacūgū, rū ngúexēēruūgū ga Moīchēarū mugūwa nguxēētaegūxū, rū Yerucharēūārū āēxgacūgū, rū naxcēx nadaugū ga ñuxācū tá na yamēxgūāxūcēx.

48 Natūrū taxucūrūwa tacū namaã naxūgū, yerū guxūma ga duūxūgū rū namaã nataāēgū, rū meā inarūxīnūē ga norū ore.

20

Ngechuchuna nacagü na texéarü oregagu tupauca ga taxünewa nanguxêetaexü

(Mt 21.23-27; Mr 11.27-33)

1 Wüxi ga ngunexü ga Ngechuchu rü tupauca ga taxünewa nayexma. Rü nanangüexêê ga duüxügü, rü namaã nüxü nixu ga Tupanaãrü ore. Rü yexguma iyadexayane rü yéma nangugü ga paigüarü âêxgacügü, rü ngüxêêruügü ga Moïchéarü mugüwa nguxêetaegüxü, rü Yudiügarü âêxgacügüerugü.

2 Rü ñanagürügü nüxü: —¿Texéarü mugagu nixü i cunaxüxü i ngêma núma cuxüxü? ¿Rü texé cuxü tamu na cunaxüxücêx i ngêma? —ñanagürügü.

3 Rü yexguma ga Ngechuchu rü ñanagürü nüxü: —Choma rü tá ta pexna chaca, rü chanaxwêxe i choxü pengãxügü.

4 —¿Rü texé tanamu ga Cuáü na duüxügüxü ínabaiüxêêxücêx? ¿Pexcêx rü Tupana yíixü ga namucü rü êxna duüxügümare? —ñanagürü.

5 Rü yexguma ga Parichéugü rü inanaxügüe ga nügümaã na yapora-gatanücüxü. Rü nügümaãtama ñanagürügü: —¿Ñuxü ñagügüxü tá? Erü ngêxguma chi:

“Tupana núma nanamu”, ñagügu, rü núma rü chi ñanagürü tüxü:

“¿Rü tüxcüü ga tama nüxü peyaxögüxü?” ñanagürü chi tüxü.

6—Rü ngêxguma chi ñagügu:

“Yatügümare nuã nanamu”, ñagügu, rü guxü i duüxügü chi nutamaã tüxü ínamuxüchigü, rü tüxü chi nadai. Erü nümagü i duüxügü rü nagu narüxnüê na Tupana yíixü ga Cuáüxü mucü.

7 Rü Ngechuchuxü nangãxügü rü ñanagürügü: —Tama nüxü tacuèx ga texé núma na namuxü ga Cuáü ga baiüxêêruü —ñanagürügü.

8 Rü yexguma ga Ngechuchu rü ñanagürü nüxü: —Choma rü ta tãütama pemaã nüxü chixu na texé choxü muxü na chanaxüxücêx i ngêma choxna naxcêx peçaxü —ñanagürü.

Ore ga puracütanüxü ga chixexügu ixuxü

(Mt 21.33-44; Mr 12.1-11)

9 Rü inanaxügü ga Ngechuchu ga duüxügümaã na yadexaxü. Rü ñaã ore ga cuèrxüxü namaã nixu, rü ñanagürü: —Nayexma ga wüxi ga yatü ga wüxi ga ubanecü ücü ga norü naãnewa. Rü ñuxüchi ñuxre ga puracütanüxüna nanaxã na nüxna nadaugüxücêx rü yixcama rü norü yoramaã na yayauxyegüãxücêx ga yema norü o. Rü ñuxüchi ga guma yatü rü nixü ga yéma rü nuxcüma nataegu.

10 —Rü yexguma nawa nanguxgu ga na yadauxü ga yema ubagü, rü guma yatü rü yéma puracütanüxügüxütawa nanamu ga wüxi ga norü duüxü na naxcêx íyaçaxücêx ga yema ubagü ga nüxna üxü. Natürü yema puracütanüxügü rü nanaçuaixgü ga guma yatüarü duüxü, rü taxuüma ga uba nüxna naxägü. Rü yemaãcü ínayamugü.

11 —Rü yexguma ga guma yatü rü wenaxãrü to ga norü duüxü yéma ta namu. Natürü ga yema puracütanüxügü rü chixexü namaã nixügüe, rü nanaçuaixgü, rü taxuüma ga uba nüxna naxägü. Rü yemaãcü ínayamugü.

12 —Rü wenaxãrü to ga norü duüxü yéma ta namu ga guma yatü. Natürü ga yema puracütanüxügü rü nanapixêê, rü ínanatèxüchigü ga yema naãnewa.

13 —Rü düxwa ñanagürü ga guma naãneãrü yora:

“¿Tacü tá chaxüxü i ñuxmax? Rû name nixî i chaune ya nüxü changechaücü ngema chanamu. Rû ngêxguma nüxü nadaugügu rû bexmana naga tá naxîñüe”, ñanagürü.

14 –Natürü ga yema puracütanüxüğü rû yexguma guma yatü nanexü nadaugügu, rû nügümaã ñanagürüğü:

“Ñaaârü tá nixî i ñaa naâne i yixcama. ¡Rû ngîxã tayamêxgü na tórü na yîxüçêx!” ñanagürüğü.

15 –Rû Ínanatêxüchigü ga yema naãnewa, rû nayamêxgü –ñanagürü ga Ngechuchu. Rû yexguma ga Ngechuchu rû duüxüğüna naca, rû ñanagürü: –¿Tacü tá ngêma puracütanüxümaã naxü i ngêma naãneärü yora i ñuxmax?

16 –Rû ngema tá naxü rû tá nanadai i ngêma puracütanüxüğü, rû togüna tá nanaxã i norü naâne –ñanagürü ga Ngechuchu. Rû yexguma yemaxü naxîñüëgu ga duüxüğü rû ñanagürüğü: –Chierü tama ngêmaãcü nanguptêxêãxgu ya Tupana –ñanagürüğü.

17 Natürü Ngechuchu rû nüxü nadawenü, rû ñanagürü nüxü: –¿Natürü ñuxü ñaxüchiga nixî i ngêma Tupanaärü ore i ümatüxü i ñaxü?:

“Yima nuta ya mecü ya îârü üruüğü nüxü oechirécü, rû ñuxma rû yimatama nixî ya Tupana nüxîra yaxüchicü na namaã inaxüğüãxü ya Ípata”, ñaxü.

18 Rû ñanagürü ta ga Ngechuchu: –Texé ya yima nutamaã yarüñaxê, rû tá itapoüğü. Rû yixema túmaetügu nanguxe ya yima nuta, rû tá tüxü ñiñáixmü –ñanagürü ga Ngechuchu.

19 Rû ga paigüarü âëxgacüğü rû ngúexêëruüğü ga Moïchêarü mugüwa nguxêëtaegüxü, rû yexgumatama Ngechuchuxü niyauxgüchaü. Yerü nüxü nacüëxgü ga nachiga na yîxü ga yema ore ga cuëxruü ga nüxü yaxuxü. Natürü tama nayayauxgü, yerü duüxüğüxü namuüë.

*Âëxgacüaxü dîërumaã naxütanüxüchiga
(Mt 22.15-22; Mr 12.13-17)*

20 Rû yemacêx ga yema paigüarü âëxgacüğü rû Ngechuchuxütawa nanamugü ga ñuxre ga norü duüxüğü na mexü i duüxügürüü yéma iyanaxîñüëxüçêx natürü naxcêx na nadaugüxüçêx ga ñuxacü nachîñüãneärü âëxgacüxütawa Ngechuchuxü na ínaxuaxüğüxüçêx.

21 Rû yemacêx Ngechuchuna nacagü rû ñanagürüğü: –Pa Ngúexêëruüx, toma nüxü tacuëx rû aixcüma nixî i ngêma nüxü quixuxü rû ngêma namaã cungüexêëtaexü. Rû tama duüxüârü düxétüxüñegu cudawenü erü nacüma nixî i cungugüxü. Rû aixcüma cunangüexêë i duüxüğü na Tupana nañwêxexüãcüma namaxêxüçêx.

22 –Rû dücax, ngêma îãneärü dîëru i âëxgacü ya tacü ya Dumacüãx nañwêxexü na tanaxütanüxü, ¿rû namexü yîxü na nüxü tanaxütanüxü rû êxna tama? –ñanagürüğü.

23 Natürü Ngechuchu nüxü nacüëxama na chixexügu naxîñüëxü ga yema duüxüğü, rû yemacêx ñanagürü nüxü: –¿Tüxcüü i chixexügu choxü pen-güëëchaü?

24 –¡Choxü ngîxü pewé i wüxi i dîëru na ngîxü chadauxüçêx! ¿Rû texêchicünêxã rû texéega ngîgu üx? –ñanagürü. Rû nanangãxüğü rû ñanagürüğü: –Dumacüãx ya âëxgacü ya tacüchicünêxã nixî –ñanagürüğü.

25 Rû yexguma ga Ngechuchu rû ñanagürü nüxü: –¡Âëxgacüna ngîxü pexã i ngêma âëxgacüarü íxîcü, rû Tupanana ngîxü pexã i ngêma Tupanaärü íxîcü! –ñanagürü.

²⁶ Rū yemaãcü ga Ngechuchu rü woo norü orewa rü taxucürüwama chix-exügu nananguxëëgü ga duüxügüpëxewa, yerü meãma nanangãxü. Rū guxüma ga duüxügü rü nangeëxgümare yerü nabaixãchiãëgü namaã ga yema norü ore.

Chaduchëügü rü Ngechuchuna nacagüe rü ngoxi wena namaxë i duüxügü (Mt 22.23-33; Mr 12.18-27)

²⁷ Rū Ngechuchuxütawa ñayadaugü ga ñuxre ga Chaduchëügü. Rū nümagü nixi ga nagu naxinüëxü na tagutãma wena namaxëxü i yuexü. Rū yemacëx Ngechuchuxü ñanagürügü:

²⁸ —Pa Ngüexëëruüx, Moïchëarü mugüwa rü ñanagürü:

“Ngëxguma wüxi ya yatü naxmëx ngexacüyane nayuxgu, rü name nixi i naëneëtama ngïmaã naxãmëx i ngëma yutecü i naxümëx, na ngëmaãcü naxãxãcüxüçëx nüxü ya naëneë ya marü yucü”, ñanagürü ga yema ore.

²⁹ Rū ñanagürügü ta ga Chaduchëügü: —Nayexma ga 7 ga nügüeneë. Rū naxãmëx ga guma yacü, natürü tauta naxãxãcüyane nayu.

³⁰ —Rü yexguma naï ga naëneë nüxü ngïmaã naxãmëx ga yema ngecü. Rū guma rü ta nayu, rü nangexacü.

³¹ —Rü yexguma rü naï ga naëneë nüxü ngïmaã naxãmëx. Rū yemaãcü gucüma ga guma 7 ga nügüeneëgü rü ngïmaã naxãmëx ga yema nge. Rū gucüma nayue tauta naxãxãcüyane.

³² —Rü ngïma rü ta düxwa iyu ga yema nge.

³³ Rū ngëxguma yuexü wena maxëgu, çrü ngecürüücü naxmëx tá iyixi i ngëma nge? Yerü yexguma namaxëgu rü gucüma ga guma 7 ga nügüeneë ngïmaã naxãmëx —ñanagürügü.

³⁴ Rū yexguma ga Ngechuchu rü nanangãxü rü ñanagürü: —Ñoma i nañewa rü yatügü rü nixãmëxgü rü ngexügü rü nixãtegü.

³⁵ —Natürü ngëma duüxügü i Tupanapëxewa mexü na wena namaxëxü na daxüguxü i nañewa naxixüçëx rü ngëma rü täütãma nixãmëxgü rü ëxna nixãtegü.

³⁶ —Erü ngëma rü tagutãma nayue. Rū daxüçüãx i Tupanaãrü orearü ngeruügürüü tá nixigü. Rū aixcüma Tupanaxãcügü nixigü erü yuwa ñnarüdagü.

³⁷ —Rü yema ore ga naixãcü ga iyauratanücüxüñechigawa, rü Moïché tüxü nüxü nacüëxëë rü yuexü rü tá wena na namaxëxü. Erü yema orewa, rü ñanagürü ga Cori ga Tupana:

“Choma nixi i Abrããrü Tupana, rü Ichaáarü Tupana, rü Acobuarü Tupana”, ñanagürü.

³⁸ —Rü ngëmawa nüxü tacüëx rü woo ñoma i nañewa nayuegu i duüxügü, natürü Tupanacëx rü guxüguma namaxë —ñanagürü.

³⁹ Rū yexguma ga ñuxre ga ngüexëëruügü ga Moïchëarü mugüwa nguxëëtaegüxü rü ñanagürügü: —Aixcüma meãma nüxü quixu, Pa Ngüexëëruüx —ñanagürügü.

⁴⁰ Rū yemawena rü marü namuë ga tacüchigacëx Ngechuchuna na nacagüexü.

¿Texé nane nixi ya Cristu? (Mt 22.41-46; Mr 12.35-37)

⁴¹ Rū Ngechuchu rü ñanagürü nüxü: —¿Tüxcüü duüxügü nüxü nixugüe rü Cristu rü nuxcümaücü ga ãëxgacü ga Dabítaa nixi?

42-43 —Yerü Dabítama ñaãäcû nanaxümatü ga Wiyaegüarü poperawa: “Tupana rü chorü Cori ya Cristuxü ñanagürü: ‘¡Nuã chorü tügü necüwawa rüto, ñuxmatáta cuxmëxwa chanangëxmagüxëë i curü uwanügü na namaã icucuáxüçèx!’ ”

ñaãäcû nanaxümatü.

44 Rû ñanagürü ga Ngechuchu: —¿Ñuxüçürüwa i Dabítaa yíixü ya Cristu ega nümatama ga Dabí rü norü Corimaã naxuãgu? —ñanagürü.

Ngechuchu rü nüxü nixu na tama nameärü maxüãxgüxü ga yema ngüxëëruügü ga Moïchéarü mugüwa ngüxëëtaegüxü

(Mt 23.1-36; Mr 12.38-40; Lc 11.37-54)

45 Rû guxüma ga duüxügü rü yéma inarüxinüë ga yexguma Ngechuchu norü ngüxüügüxü ñaxgu:

46 —¡Pexuãëgü naxcëx i ngëma ngüxëëruügü i Moïchéarü mugüwa ngüxëëtaegüxü! Erü nümagü rü norü me nixí i mexü i naxchirumaã na naxíãneãxü. Rû ítamüwa nanaxwëxegü na duüxügü meã nüxü rümoxëgüxü. Rû ngutaquëxepataügüwa rü norü me nixí i ãëxgacügümexwëxewa na natogüxü. Rû òna i taxüwa rü ngëma ònaärü yoraxütawa ügüxü i nachicacëx nadaugü.

47 —Rü tüxü nawomüxëëgüäcüma tüxna nanapuxü ya tümapatagü ya yíxema yutegüxe. Rû ñuxüchi nanamëxëë i norü yumüxëgü na duüxügü nagu rüxinüëxüçëx na aixcüma mexügü yíigüxü. Natürü nümagü tá nixí i yexeraäcü napoxcuexü —ñanagürü.

21

Yutecüarü ämarechiga

(Mr 12.41-44)

1 Rû yexguma tupauca ga taxünewa nayexmagu ga Ngechuchu, rü yéma nüxü nadau ga ñuxäcü duüxügü ga idïeruãxü Tupanana ngíxü na naxägüxü ga norü dïeru ga tupaucarü dïeruchiüwa.

2 Rû ngíxü nadau ta ga wüxi ga ngecü ga yutecü ga ngearü dïeruãxcü ga tupaucarü dïeruchiügu taxretachinü ga íraxüchicü ga dïeru ngíxü ixücuchicü.

3 Rû ñanagürü ga Ngechuchu: —Aixcüma pemaã nüxü chixu rü ñaã ngecü i yutecü i ngearü dïeruãxcü rü guxü i togü i dïeru ngíxü ixägüxüärü yexera ngíxü ixã.

4 —Erü guxüma i togü rü ngíxü inaxã i ngema nüxü íyaxügücü. Natürü ngíma ngíxü natauxyane ngíxü ixã i guxcüma i ngíxü ngexmaxcü i ngírü ònatanü —ñanagürü.

Ngechuchu nanaxunagü na tupauca ya taxünegu tá napogüexü

(Mt 24.1-2; Mr 13.1-2)

5 Rû ñuxre ga norü ngüxügü rü nidexagü nachiga ga tupauca ga taxüne ga ñuxäcü na namexëchixü ga naxtapüx ga nutanaxcëxgü, rü na namexëchixü ga guxüma ga guma tupaucarü yemaxügü ga duüxügü nüxna ämarexü. Rû yexguma ga Ngechuchu rü ñanagürü:

6 —Rü nawa tá nangu i ngunexügü i guxünetama ya daa tupauca ya nüxü pedauxüne, rü tá nagu napogüe. Rû naxtapüxarü nutagü rü taxucütáma nügüetü naxüxüra, rü bai ya wüxi —ñanagürü.

Cuëxruügü i tá nüxü idauxü naxüpa na nagüxü i naãne

(Mt 24.3-28; Mr 13.3-23)

7 Rū yexguma ga norū ngúexǵü rü Ngechuchuna nacagü, rü ñanagürügü: —Pa Ngúexēruǵx, ¿ñuxgu tá nixī i nangupetǵǵü i ngēma nǵǵü quixuxǵü? ¿Rü tacǵwa tá nǵǵü tacuèx na nangupetǵǵü tá i ngēma? —ñanagürügü.

8 Rū Ngechuchu rü ñanagürü: —¡Pexuãēgü tá na taxuǵma pexǵ womǵxēèxǵcèx! Erü muxǵchixǵü tá chaugu nǵgü nicǵxgü rü tá ñanagügü rü ñanagürügü tá:

“Choma nixī i Cristu, rü paxa tá nagǵx i naãne”, ñanagürügü tá pexǵ.
¡Natürü tãütãma nǵǵü peyaxǵgü!

9 —Rü ngēxguma tá nǵǵü pexǵñüēgu na nǵgü nadèjǵǵü i wǵxi i nachiǵãne to i nachiǵãnemaã, rü èxna nǵǵü pexǵñüēgu na wǵxi i nachiǵãnewatama rü duǵǵgü rü norü àexgacũmaã nǵgü nadèjǵǵü, ¡rü tãütãma pebaixǵchiãēgü! Erü ngēmaãcũ tá nangupetü i noxrix. Natürü tãütãma naãneãrü gǵx nixī i ngēma.

10 —Erü wǵxi i àexgacũarü churaragü rü to i àexgacũarü churaragũmaã tá nǵgü nadai. Rū wǵxi i nachiǵãne rü to i nachiǵãnemaã tá nǵgü nadai.

11 —Rü nũmaxǵü i nachiǵãnegũwa rü poraãcũ tá naxǵãxǵchiane, rü poraãcũ tá nangǵx i taiya, rü tá nataxǵchi i ñaaweane. Rū duǵǵgü tá nǵǵü nadaugü i daxũwa i tacũ i namaã nabaixǵchiexǵü, rü taxǵü i cuèxruǵgü.

12 —Natürü naxǵpa i gǵǵma i ngēma rü duǵǵgü tá pexǵ ñayauxǵü, rü tá pewe ningèxǵtanü. Rū ngutaquèxepataǵgũwa tá pexǵ nagagü na ngema pexna nacagǵǵcèx, rü tá pexǵ napoxcue. Rū nachiǵãnegũarü àexgacũgüpèxewa tá pexǵ nagagü, naxcèx na chorü duǵǵgü pixǵgǵxü.

13 —Rü ngēmaãcũ tá pexǵ natauxcha na àexgacũgũmaã nǵǵü pixuxǵü i chauchiga.

14 —Rü ngēxguma tá ngema pexǵ nagagügu, ¡rü tãxǵü i pexoegaãēgǵǵü naxcèx na tacũmaã tá penangǵǵǵü na peguètũwa pechogǵǵcèx!

15 —Erü choma tá pexǵ charǵngǵxèè na nǵǵü pecuáǵcèx na tacũmaã penangǵǵǵü i perü uwanǵgü. Rū nũmagü rü tãütãma nǵǵü nacuèxgü na tacũmaã pexǵ nangǵǵgǵǵü i ngēxguma.

16 —Natürü pema rü woo penatǵgü, rü peegü, rü peeneēgü, rü peeyèxgü, rü petanǵǵgü, rü pemǵcǵgü rü tá napechitaegü na purichǵgǵǵtawa pexǵ ñyaxuaxǵgǵǵü. Rū purichǵgü rü tá pexǵ nadai i ñuxre i pemax.

17 —Rü gǵǵü i naãnewa rü duǵǵgü tá pexchi naxaie, erü choxǵ peyaxǵgü rü chorü duǵǵgü pixǵgü.

18 —Natürü woo tacü pexǵ üpetǵgu rü Tupanamèxèwa tá pengèxmagü, rü nũma tá pexǵ ñapoxǵü rü bai i wǵxi i peyae tá ñayarütaxu.

19 —Rü ngēxguma aixcũma peyaxǵgũamagu rü tama choxǵ ñpetèxgu, rü tá penayauxgü i maxǵü i taguma gǵǵü.

20 —Rü ngēxguma nǵǵü pedèǵxgu na perü uwanǵgũarü churaragü Yerucharèǵǵü ñchomaēguáchixǵü, rü ngēmawa tá nǵǵü pecuèx na paxa tá nagu napogǵǵü ya yima ñãne.

21 —Rü yǵxema Yudéaanewa ngèxmagũxe rü name nixī i mèxpũneãnewa tabuxmũ. Rū yǵxema Yerucharèũwa ngèxmagũxe rü tanaxwèxe na paxa ñtachoxǵǵü. Rū yǵxema tũmaãnewa ngèxmagũxe rü tama name na ñãnecèx tawoeguxǵü.

22 —Erü ngēma ngunexǵgũgü tá ñangu i Tupanaãrü poxcu. Rū ngēmaãcũ tá nayanguxèè i gǵǵma i ngēma norü ore i ñmatǵǵwa nǵǵü yaxuxǵü.

23 —Rü ngëma ngunexügügu rü tá poraäcü tüxü naguxcha ya yixema ngex-egü ya iitacharaügüxe rü yixema imaixäcüügüxe. Erü tá nangëxma i taxü i ngüxü, rü Tupana rü poraäcü tá nanapoxcue i ngëma duüxügü.

24 —Rü ñuxre, rü tá norü uwanügü taramaã nanadai. Rü togü, rü tá ínanayauxü na to i nachiuñanewa nagagüãxücèx. Rü ñuxüchi i ngëma norü uwanügü rü tá nagu napogüe ya yima ñane ya Yerucharéü. Rü ngëmaäcü tá nangupetü ñuxmatáta nawa nangu na Tupana ínamuxüxü i ngëma.

*Tupana Nanearü taeguchiga
(Mt 24.29-35, 42-44; Mr 13.24-37)*

25 —Rü ngëxguma rü tá nangox i cuëxruxügü. Rü üèxcü rü tauemacü rü woramacurigü rü tá nixigachitanü i nachicawa. Rü guxü i nachiuñanegüwa rü duüxügü rü tá nanaxixächiãetanü rü tá nabaixächiãëgü namaã na poraäcü naxãügaächixü i taxü i taxtü rü norü yuapegü.

26 —Rü duüxügü rü norü muümaã tá inayayiaxë i ngëxguma nüxü nadaugu i ngëma üpetüchaüxü i ñoma i naãnewa. Erü woo guxüma i tacü i daxüwa nüxü idauxü rü tá naxiãxächitanü rü tá nu ne nanaximare.

27 —Rü ngëxguma rü guxü i duüxügü i ñoma i naãneüãx rü tá choxü nadaugu i ngëxguma wüxi i caixanexügu ícharüxixgu rü núma chaxüxgu namaã i chorü pora rü üüne.

28 —Rü ngëxguma inaxügügu na naxüpetüxü i ngëma pemaã nüxü chixuxü, rü name nixi na petaãëgüxü rü meã pedaunagüxü, erü paxa tá íchangu na pexü íchanguxüxëxücèx —ñanagürü.

29 Rü yemawena rü wüxi ga ore ga cuëxruxü namaã nixu ga Ngechuchu, rü ñanagürü: —Dücèx penangugü i iguera, rü ëxna ngëxürüxümare i to i naigü!

30 —Rü ngëxguma nüxü pedëuxgu na ngëxwaca naxüátüxü, rü ngëmawa nüxü pecuèx na paxa tá tauncü na yixü.

31 —Rü ngëxgumarüü ta i ngëxguma nüxü pedëuxgu na nangupetüxü i ngëma pemaã nüxü chixuxü, rü ngëmawa tá nüxü pecuèx na yimama yixü ya Tupana na äëxgacü yixücèx.

32 —Aixcüma pemaã nüxü chixu rü guxüma i ngëma nüxü chixuxü rü tá ningü naxüpa na nayuxü i duüxügü i ñuxma maxëxü.

33 —Daxügüxü i naãne rü ñoma i naãne rü tá nagux. Natürü chorü ore rü tagutáma inayarüxo.

34 —¡Pexuãëgü na tama tacü rü chixexügagu düxwa nüxü perüxoexü na peyaxögüxü! Rü ngëmacëx penaxwëxe na pegüna pedaugüxü na tama pengãxëxü rü ëxna ñoma i naãneãrü ngüchaüguama na perüxüñëxü. Erü ngürüächi ngëmagu íperüxüñüeyane tá pexü íchayabaixgü.

35 —Rü ñoma wüxi ya yüta ya ngürüächi tacü iyaxünerüü tá nixi naxcèx i guxüma i duüxügü i ñoma i naãneüãx i ngëxguma wenaxãrü núma chaxüxgu.

36 —Rü ngëmacëx name nixi i pegü ípemexëëgü. ¡Rü guxügüma peyumüxëgü na ngëmaäcü tama pexü naxüpetüxücèx i ngëma äücümaxügü, rü aixcüma pimexücèx i ngëxguma chopëxewa pengugügu! —ñanagürü ga Ngechuchu.

37 Rü guxü ga ngunexügügu rü tupauca ga taxünewa nayexma ga Ngechuchu, rü duüxügüxü nangüexëë. Rü chütacü rü guma Mëxpüne ga Oríbunecügu äeganegu nayapeexü.

38 Rü guxüma ga duüxügü rü pëxmamaxüchi tupauca ga taxünewa nangüxü na Ngechuchuxü naxüñëxücèx.

22

*Āëxgacügü naxcèx nadaugü na ñuxácü Ngechuchuxü yayauxgüxü
(Mt 26.1-5, 14-16; Mr 14.1-2, 10-11; Cu 11.45-53)*

1 Rü marü ningaica ga Yudügarü peta ga Üpetüchiga ga nagu nangõxgüãxü ga pãu ga ngearü puxëeruüãxü.

2 Rü ga paigüarü äëxgacügü rü ngúexëëruügü ga Moïchëarü mugüwa nguxëëtaegüxü rü naxcèx nadaugü ga ñuxácü duüxügüechita Ngechuchuxü na yamëxgüxü, yerü duüxügüxü namuñë.

3 Rü yexguma ga Chataná rü Yuda ga Icariútegu nangaxi. Rü nüma ga Yuda rü yema 12 ga Ngechuchuarü ngúexügü ga imugüxütanüxüchirëx nixi.

4 Rü nüma ga Yuda rü Inayadau natanüwa ga paigüarü äëxgacügü rü tupauca ga taxüneärü purichíagüarü äëxgacügü. Rü namaã nüxü nixu ga ñuxácü na natauxchaxü ga Ngechuchuxü na yayauxgüxüçèx.

5 Rü nümagü ga yema äëxgacügü rü nataãëgü. Rü dïëru Yudana ngíxü naxuaxügü.

6 Rü Yuda rü ngxü nayaxu ga yema dïëru. Rü inanaxügü ga naxcèx na nadauxü ga ñuxácü duüxügüechita Ngechuchuxü na yayauxgüxü ga äëxgacügü.

Üpetüchigaarü ònawa nachibü ga Cori

(Mt 26.17-29; Mr 14.12-25; Cu 13.21-30; 1 Co 11.23-26)

7 Rü nawa nangu ga yema petaarü ngunexü ga nagu nangõxgüãxü ga pãu ga ngearü puxëeruüãxü. Rü yema nixi ga ngunexü ga nagu carneruxacü yamëxgüxü naxcèx ga Üpetüchigaarü peta.

8 Rü Ngechuchu nanamu ga Pedru rü Cuáü, rü ñanagürü nüxü: — ¡Peyamexëëx i tórü òna i Üpetüchigacèx! —ñanagürü.

9 Rü nümagü Ngechuchuxü nangãxügü, rü ñanagürügü: —¿Ngextá nixi i cunaxwëxèxü na tanamexëëxü? —ñanagürügü.

10 Rü Ngechuchu nanangãxü, rü ñanagürü: —Ngëxguma Yerucharéüwa pengugüga rü ngëxma tá nüxü peyangau i wüxi ya yatü i wüxi i tüxü i dexámaã äãcuxcü ngíxü ingexü. ¡Rü nawe perüxi ñuxmatáta napatawa pengugü!

11 —¡Rü yima ìpata ya nagu yaxücune ya yima yatü, rü yima ìãrü yoramaã nüxü pixu rü ñapegügü nüxü:

“Torü ngúexëëruü rü nüxü nacuáxchaü na ngëxürüüxü yíixü i ngëma ucapu i norü ngúexügümaã tá nawa nachibüxü i Üpetüchigaarü ònacèx”, ñapegügü nüxü!

12 —Rü tá pexü nüxü nadauxëë i wüxi i ucapu i taxü i marü mexëëxü i norü daxüchiüwa ngëxmaxü. ¡Rü ngëmawa tá penamexëë i ngëma òna i Üpetüchigacèx ixíxü! —ñanagürü nüxü.

13 Rü yéma naxi ga nümagü rü nüxü inyangaugü ga guxüma yema Ngechuchu namaã nüxü ixuxürüü. Rü yéma nanamexëëgü ga òna ga Üpetüchigacèx ixíxü.

14 Rü yexguma nawa nanguxgu ga ora ga na nachibüexü, rü mechawa narüto ga Ngechuchu namaã ga norü ngúexügü.

15 Rü yexguma ga Ngechuchu rü ñanagürü: —Ñuxácü poraãcü choxü nangüchaü na pemaã chachibüxü i ñaã Üpetüchigaarü ònawa naxüpa na chayuxü.

16 —Natürü pemaã nüxü chixu rü täütáma wenaxärü Üpetüchigaarü ònawa chachibü, ñuxmatáta chowa yangu i ngëma Tupana naxwëxèxü —ñanagürü.

¹⁷ Rū yexguma nanayaxu ga wūxi ga pochiyu ga binumaā āācuxū. Rū Tupanana moxē naxāxīra, rū űuxūchi űanagūrū nūxū ga norū ngúexūgū: — ¡Peyaxaxū ya daa binu, rū pegūmaā pengau!

¹⁸ —Erū pemaā nūxū chixu rū tagutāma wena chayaxaxū ya binu űuxmatāta nawa nangu na pecaduarū űtanūcēx chayuxū na aixcūma pemaā inacuāxūcēx ya Tupana —űanagūrū.

¹⁹ Rū nanayaxu ta ga pāu, rū Tupanana moxē naxcēx naxā. Rū űuxūchi inanabūcu, rū norū ngúexūgūna nanaxā. Rū űanagūrū nūxū: —űāā pāu rū chaxune i pexcēx yuxūchiga nixī. ¡Rū űāāwena rū űāācū tá penaxū na choxna pecuēxāchiexūcēx! —űanagūrū.

²⁰ Rū marū chibūwena rū to ga pochiyu ga binumaā āācuxū norū ngúexūgūna naxā, rū űanagūrū: —Daa binu rū Tupanaārū uneta i ngexwacaxūxūārū cuēxruū nixī. Rū chaugū ya pexcēx ibacūwa Tupana pexū nūxū nadauxēē na aixcūma yīxū i ngēma norū uneta.

²¹ —Natūrū ngēma yatū i chauechita āēxgacūgūna choxū muxchaūxū, rū nuā mechawa tamaā narūto i űuxmax.

²² —Rū choma i Tupana Nane na duūxūxū chīxū, rū Chaunatū ixunetaxūrū tā chayū. Natūrū wūxi i ngechaūxūchi tá nixī naxcēx i ngēma yatū i āēxgacūgūna choxū muxū.

²³ Rū yexguma ga norū ngúexūgū rū inanaxūgūe ga nūgūna na nacagūexū, rū űanagūrūgū: —¿Texē tá tixī ya yīxema naēchita āēxgacūgūna namuxē? —űanagūrūgū.

Norū ngúexūgū rū nūgūna nacagūe na texē tá tixīxū ya guxāxū rūyexeraxe i natanūwa

²⁴ Rū yexguma ga yema ngúexūgū rū nūgūmaā niporagatanūcū nachiga na texē tá tīxū ya natanūwa guxāārū yexera ixīxē.

²⁵ Natūrū ga Ngechuchu rū űanagūrū nūxū: —űoma i naānewa rū guxū i nachīūānegūārū āēxgacūgū, rū poraācū norū duūxūgūxū namugū. Rū űuxūchi nūgū yaxugūgu rū norū duūxūgūārū dauruū i mexūgū nixīgū.

²⁶ —¡Natūrū pema rū tāūtāma ngēxgumarūū pixīgū! Rū ngēxguma texē naxwēxegu na guxāārū yexera tīxū i petanūwa, rū name nixī na tūgū ítarūxífraxū i guxūma i tūmamūcūgūtanūwa. Rū texē naxwēxegu na peeru tīxū i petanūwa, rū name nixī i noxri rū guxāārū ngūxēēruū tixī.

²⁷ —Rū űoma i naānewa rū corigū rū mechawa narūtogū na nachibūexūcēx, rū norū duūxūgū nixī i ngēma naxcēx űna ixūxū rū nūxū rūngūxēēxū. Natūrū tatanūwa rū tama ngēmaācū nixī, erū choma i perū cori na chīxū rū perū ngūxēēruū chixī.

²⁸ —Rū pemagū nixī ga guxūguma chauxūtawa peyexmagūxū ga yexguma ngūxū chingexgu.

²⁹ —Rū ngēmacēx i choma rū āēxgacūgūxū pexū chixīgūxēē yema chaunatū āēxgacūxū choxū ingucuchixēēxūrūū.

³⁰ —Rū ngēmaācū āēxgacū íchixūwā rū chomaā tá pechibūe rū tá pexaxegū. Rū āēxgacūchicawa tá perūtogū na norū maxūcēx nūxna pecagūxū i guxūma i Yudíugū —űanagūrū.

Ngechuchu nūxū nixu na Pedru tá nūgū icūxū na norū ngúexū yīxū
(Mt 26.31-35; Mr 14.27-31; Cu 13.36-38)

³¹ Rū Pedruxū űanagūrū ta ga Cori ga Ngechuchu: —Pa Pedrux, Chataná rū pexcēx ínaca na chixexūmaā poraācū pexū naxūxūcēx.

32 –Natürü choma rü Chaunatüxü cuxcèx chacèxü na taguma nüxü curüxoxücèx na cuyaxöxü. Rü ngëmacèx i cumax, Pa Pedru, rü ngëxguma chauxcèx cutaeguxgu, rü chanaxwèxe i nüxü curüngüxëe i cumücügü na nümagü rü yaxödüechaäxücèx –ñanagürü.

33 Rü ñanagürü ga Pedru: –Pa Corix, choma rü marü íchamemare na wüxigu cumaã na chapoxcuxü rü ëxna wüxigu cumaã na chayuxü –ñanagürü.

34 Natürü Ngechuchu rü ñanagürü nüxü: –Pa Pedru, cumaã nüxü chixu rü ñomatama i chütaxügu naxüpa na otá ícaxü, rü cuma rü tomaëxpüxcüna tá nüxü quixu na tama choxü cucuáxü –ñanagürü.

Marü ningaica ga na guxchaxügu nüxü üpetüxü

35 Rü yexguma ga Ngechuchu rü norü ngüexüguna naca, rü ñanagürü: –Yexguma pexü chimugü ngearü chocaäxgüxemaã rü ngearü dïeruäxgüxemaã rü ngearü chapatuäxgüxemaã, ¿rü tacü pexü taxuxü ga yexguma? –ñanagürü. Rü nümagü nanangäxügu rü ñanagürügu: –Taxuüma –ñanagürügu.

36 Rü yexguma norü ngüexügüxü ñanagürü ga Ngechuchu: –Natürü ñuxma rü texé ya petanüwa ya chocaäxë rü tanaxwèxe na ítayangexü i tümaärü choca rü tümaärü dïeruchixü rü ta. Rü ngëxguma texé ngearü taraäxgu rü tanaxwèxe i namaã tataxe i tümaärü gáuxüchiru na tümaärü poxüruü i taracèx tataxüxcèx.

37 –Erü pemaã nüxü chixu rü chauchiga nixü i ngëma Tupanaärü ore i ümatüxü i ñaxü:

“Wüxi i mäetaxürüü tá nanapoxcugü rü tá nayamëxgü”, ñaxü. Erü guxüma i ngëma chauchiga ümatüxü i Tupanaärü ore i ümatüxüwa rü aixcüma ngëmaäcü tá ningu –ñanagürü.

38 Rü yexguma ga norü ngüexügu rü ñanagürügu: –Pa Corix, nuã nangëxma i taxre i tara –ñanagürügu. Rü nüma ga Ngechuchu rü nanangäxü rü ñanagürü: –Marü ningu i ngëma –ñanagürü.

Ngechuchu rü Yechemaniwa nayayümüxë (Mt 26.36-46; Mr 14.32-42)

39 Rü yexguma ga Ngechuchu rü ínaxüxü ga guma íänewa. Rü Oríbunecüarü Mëxpünewa naxü, yerü woetama nacüma nixü ga yéma na naxüxüxü. Rü norü ngüexügu rü ta nawe narüxü.

40 Rü yexguma yema nachicawa nanguxgu, rü norü ngüexügüxü ñanagürü: –¡Tupanana naxcèx peça na pexü nangüxëxücèx na tama Chatanáärü ügagu chixexügu peyixücèx! –ñanagürü.

41 Rü yexguma ga Ngechuchu rü yéamaxüra 50 ga metruwa norü ngüexüguna naxü. Rü yexma nacaxäpüxü rü nayümüxë.

42 Rü ñanagürü: –Pa Chaunatüx, ngëxguma cumax cunaxwèxegu, ¡rü nüxna choxü ínanguxuchixëe i ñaã ngüxü i tá choxü üpetüxü! Natürü chanaxwèxe i cunaxü i curü ngüchaü rü tama i choxrü –ñanagürü.

43 Rü yexguma wüxi ga daxücüäx ga Tupanaärü orearü ngerü rü naxcèx nangox, rü nanaporaxëe.

44 Rü poraäcü nanaxixächiäe ga Ngechuchu, rü yemacèx yexeraäcü nayümüxë. Rü yema na naxixächiäëxümaã poraäcü nanaxaiyaächi. Rü guma norü aiyacümaã nichuruxüne. Rü ñoma nagü waixümüänewa ichuruxürü nixü ga norü aiyacü.

45 Rū yema ínayumüxëxüwa rü inachi ga Ngechuchu, rü norü ngüexügütanüwa naxü. Rü nüxü inayangau ga na ínapeexü yerü norü ngechaümaã düxwa nayaxtae.

46 Rū yexguma ga Ngechuchu rü ñanagürü nüxü: —¿Tüxcüü ípepee? ¡perüdagü rü Tupanana naxcëx peça na pexü nangüxëëxücëx na tama Chatanáãrü ügagu chixexügu peyixüçëx! —ñanagürü.

Ngechuchuxü niyauxgü

(Mt 26.47-56; Mr 14.43-50; Cu 18.2-11)

47 Rū yexguma íyadexayane ga Ngechuchu, rü yéma nangugü ga muxüma ga duüxügü. Rū Yuda ga Ngechucharü ngüexüchirëx ixixü nixi ga naxüpëxexü. Rū Ngechuchucëx nixü na nüxü nachüxácüma nüxü namoxëxüçëx.

48 Rū Ngechuchu rü ñanagürü: —Pa Yudax, ¿tüxcüü wüxi i chüxumaã cuchauechitae? —ñanagürü.

49 Rū yema togü ga Ngechucharü ngüexügü ga naxütawa yexmagüxü, rü yexguma nüxü nadaugüga ga yema ngupetüxü rü ñanagürügü nüxü: —Pa Corix, ¿cunaxwëxexü na taramaã tanadëixü? —ñanagürügü.

50 Rū wüxi ga Ngechucharü ngüexü rü paigüarü äëxgacüarü duüxüxü nanapixëë, rü ínanadae ga norü tügünechinü.

51 Natürü Ngechuchu rü ñanagürü: —¡Ngexrüma na pegü namaã pedëixü! —ñanagürü. Rū yexguma ga Ngechuchu rü yema yatü ga ídaechinüxüxü ningögü, rü nanamexëë.

52 Rū Ngechuchu namaã nidexa ga yema äëxgacügü ga norü yauxwa yéma íxü. Rū yema äëxgacügütanüwa nayexmagü ga paigüarü äëxgacügü, rü tupauca ga taxüñeärü purichíagüarü äëxgacügü, rü Yudiügüarü äëxgacügüerugü. Rū Ngechuchu rü ñanagürü nüxü: —¿Tüxcüü taragü rü naixmenëxägümaã chauxcëx nuã pexi ñoma wüxi i ngítëxáxü chixüürüü?

53 —Rü guxü ga ngunexügu ga yexguma petanüwa chayexmagu ga tupauca ga taxüñewa, rü tama choxü piyauxgü. Natürü marü nawa nangu na pexü natauxchaxü na choxü piyauxgüxü, erü ñoma nixi i ora na naporaxü i Chataná —ñanagürü.

Pedru inayacux na Ngechuchuxü nacüaxü

(Mt 26.57-58, 69-75; Mr 14.53-54, 66-72; Cu 18.12-18)

54 Rū Ngechuchuxü niyauxgü, rü paigüarü äëxgacüpatawa nanagagü. Rū Pedru rü nawe narüxü, natürü yaxüguma nüxü nixüchigü.

55 Rū yéma paigüarü äëxgacüpatæxtüarü ngäxüwa, rü purichíagü nanaxügü ga wüxi ga üxü. Rū nüxü ínachomaëguächi. Rū Pedru rü ta yéma natanüwa narüto.

56 Rū yexguma yéma üxücutüwa natoxgu ga Pedru, rü wüxi ga ngecü ga äëxgacüarü duüxü nüxü idau. Rū meäma nüxü idawenü, rü ngígürügü: —Ñã yatü rü Ngechuchutanüxü nixi —ngígürügü.

57 Natürü Pedru rü tama nüxü nacüaxchaü ga yema ore, rü ñanagürü: —Pa Ngecüx, choma rü tama nüxü chacuëx ya yima Ngechuchu —ñanagürü.

58 Natürü yixcamaxüra rü to ga duüxü Pedruxü nadau, rü ñanagürü nüxü: —Cuma rü ta Ngechuchutanüxü quixi —ñanagürü. Natürü Pedru nanangäxü rü ñanagürü: —Tama nixi, Pa Yatüx. Tama natanüxü chixi —ñanagürü.

59 Rū wüxi ga ora ngupetüguwena rü to ga duüxü rü nüxü ñanagürüma: —Aixcümáxüchí ñãã yatü rü Ngechuchutanüxü nixi, erü Gariréañecüãx nixi —ñanagürü.

60 Rū yexguma ga Pedru rü ñanagürü: —Pa Yatüx, tama nüxü chacuèx na tacüchigaxü quixuxü —ñanagürü. Rū yexgumatama Pedru ñidexayane rü nica ga otá.

61 Rū yexguma ga Cori ga Ngechuchu rü Pedrucèx nügü ñinidau. Rū nüma ga Pedru rü nüxna nacuèxächi ga yema ore ga Cori ga Ngechuchu namaã nüxü ixuxü ga ñaxü:

“Ñomatama i chütaxügu naxüpa na otá içaxü, rü tomaèxpüxcüna taxütáma cugü quixu na chorü duüxü quiüxü”, ñaxü.

62 Rū yexguma ga Pedru rü ñinaxüxü ga yéma. Rū poraãcüxüchi naxaxu.

Ngechuchugu nidaux-cüraügu
(Mt 26.67-68; Mr 14.65)

63 Rū yema yatügü ga Ngechuchuna daugüxü, rü nagu nidauxcüraügu, rü nüxna nanaçuaixcagüxü.

64 Rū nayadüxétügü, rü nachiwegu nidagügü, rü ñanagürügü: —ñNüxü nacuèx na texé cuxü na idagüxü! —ñanagürügü.

65 Rū muxüma ga to ga ore ga chixexü namaã nixugüe.

Äëxgacügü ga tacügüpëxewa nanagagü ga Ngechuchu
(Mt 26.59-66; Mr 14.55-64; Cu 18.19-24)

66 Rū yexguma yangunegu rü nangutaquëxegü ga Yudiüguarü äëxgacügüerugü, rü paigüarü äëxgacügü, rü ngüxëëruügu ga Moichéarü mugüwa ngüxëëtaegüxü. Rū ñuxüchi norü purichíagüxü namu na napëxewa Ngechuchuxü nagagüxücèx. Rū yéma Ngechuchuna nacagü, rü ñanagürügü:

67 —Toma rü nüxü tacuáxchaü rü cuma quiüxü i Cristu rü éxna tama. ¡Tomaã cugü ixu! —ñanagürügü. Rū Ngechuchu nanangäxü rü ñanagürü: —Ngëxguma chi pemaã nüxü chixuxgu na choma chiüxü i Cristu, rü täu chima choxü peyaxögü.

68 —Rü ngëxguma chi pexna chacaxgu na tacücèx choxna peçaxü, rü täu chima choxü pengäxüga, rü täu chima choxü pingëxgü.

69 —Natürü ñuxmawena rü choma i Tupana Nane na duüxüxü chiüxü rü Chaunatü ya Tupana ya poracüxütawa tá changëxma —ñanagürü.

70 Rū yexguma guxüma ga yema äëxgacügü nüxna nacagü, rü ñanagürügü: —¿Éxna cuma quiüxü i Tupana Nane? —ñanagürügü. Rū Ngechuchu nanangäxü, rü ñanagürü: —Ngü. Tupana Nane chixü ngëxgumarüü i pematama nüxü pixuxürüü —ñanagürü.

71 Rū yexguma nügümaã ñanagürügü ga yema äëxgacügü: —Ñuxma rü marü taxucëxma naxcèx tadau i to i duüxügü i nüxü ixuxü i ñaã yatüchiga. Erü yixematama marü naäxwatama nüxü taxünëe i norü ore na ñuxü ñaxü —ñanagürügü.

23

Piratupëxewa nayexma ga Ngechuchu
(Mt 27.1-2,11-14; Mr 15.1-5; Cu 18.28-38)

1 Rū guxüma ga yema äëxgacügü rü inachigü, rü äëxgacü ga Dumacüäx ga Piratuxütawa Ngechuchuxü nagagü.

2 Rū yéma Piratupëxewa inanaxügüe ga Ngechuchuxü na yaxugüexü. Rū ñanagürügü: —Ñaã yatü rü nüxü itayangaugü na cumaã nanuëxëëxü i duüxügü. Rū tomaã nüxü nixu na tama namexü na äëxgacü ya Dumawa

ngëxmacüaxü na tanaxütanüxü. Rü nügü nixu na nüma na yixü i torü äëxgacü i Cristu —ñanagürügü.

³ Rü yexguma ga Piratu rü Ngechuchuna naca rü ñanagürü: —¿Cuma quixü i Yudiugüarü äëxgacü? —ñanagürü. Rü Ngechuchu nanangäxü rü ñanagürü: —Ngëmaäcü, ngëma nüxü quixuxü chixi i chomax —ñanagürü.

⁴ Rü yexguma ga Piratu rü ñanagürü nüxü ga paigüarü äëxgacügü rü togü ga duixügü: —Chauxcëx rü taxuüma i chixexü naxü i ñaä yatü —ñanagürü.

⁵ Natürü nümagü rü yexeraäcü Ngechuchuxü nixugüeama, rü ñanagürügü: —Nüma rü guxü i Yudëaanewa nanangüexëë i duixügü na cuxchi naxaieüxcëx. Rü Garirëaanewa inanaxügü ga yemaäcü na duixügüxü nangüexëëxü, rü ngëmaäcü nanaxü ñuxmata nüma Yudëaanewa nangu —ñanagürügü.

Erodepëxewa nayexma ga Ngechuchu

⁶ Rü yexguma yemaxü naxinügu ga Piratu, rü duixügüna naca rü ngoxi Garirëaanecüäx yixi ga Ngechuchu.

⁷ Rü yexguma Piratu nüxü ñnügü ga aixcüma Garirëaanecüäx na yixü ga Ngechuchu rü Garirëaanearü äëxgacü ga Erodexütawa nanamu, yerü Yerucharëüwa nayexma ga Erode ga yexguma.

⁸ Rü yexguma Ngechuchuxü nadëuxgu ga Erode rü nataäëxüchi. Yerü nuxcümama poraäcü nüxü nadauxchaü, yerü üpaacü nüxü naxinü ga nachiga. Rü ñnananguxëë na Ngechuchuxü nadauxchaüxü na napëxewa naxüaxü ga wüxi ga mexü ga taxü ga Tupanaärü poramaä naxüxü.

⁹ Rü muëxpüxcüna Ngechuchuna naca ga Erode. Natürü Ngechuchu rü tama nanangäxü.

¹⁰ Rü yëma nayexmagü ta ga paigüarü äëxgacügü rü ngüexëëruügü ga Moïchéarü mugüwa nguxëëtaegüxü. Rü nümagü rü poraäcü Ngechuchuxü ñnaxuaxügü.

¹¹ Rü yexguma ga Erode rü norü churaragü rü poraäcü chixri Ngechuchumaä nachopetü. Rü nagu nidauxcüraügü. Rü ñuxüchi wüxi ga äëxgacüchirugu nayacuxëëgü na yemaäcü nüxü nacugüexëcëx. Rü yemawena Piratuxüta wenaxärü Ngechuchuxü namu ga Erode.

¹² Rü woo üpaacü ga Piratu rü Erodemaä nügüchi na naxaieüxü, natürü yema ngunexügu nixi ga nügümaä nangüxmüëxü.

Piratu rü Ngechuchumaä nanaxuegu na nayuxülcëx (Mt 27.15-26; Mr 15.6-15; Cu 18.39-19.16)

¹³ Rü yexguma ga Piratu rü nanangutaquëxexëë ga paigüarü äëxgacügü, rü togü ga Yudiugüarü äëxgacügü, rü guxüma ga duixügü ga yëma yexmagüxü.

¹⁴ Rü Piratu ñanagürü nüxü: —Pema nuä chauxcëx penaga i ñaä yatü, rü nüxü pixu na chomaä nanuëxëëaxü i duixügü. Natürü pepëxewa nüxna chaca i ngëmachiga rü ñuxma rü marü nüxü pedau na taxuüma nawa ichayangauxü i ngëma chixexü i naxcëx ípenaxuaxüxü.

¹⁵ —Rü Erode rü ta taxuüma nawa inayangau i ngëma chixexü, rü ngëmacëx wenaxärü taxcëx nanamuëgu. Rü dücax, taxuüma i chixexü naxü na ngëmagagu nayuxülcëx.

¹⁶ —Rü ngëmacëx chorü churaragüxü tá chamu na naçuaixgüaxülcëx, rü ñuxüchi tá chayangëx —ñanagürü.

¹⁷ Rü nüma ga Piratu rü guxüguma ga yexguma yema petawa nanguüxgu rü duixügüxü nataäëxëëchaü namaä ga na yangëaxü ga wüxi ga yatü ga poxcuxü.

18 Natürü guxüma ga yema duüxügü rü wüxigu inanaxügüe ga aita na naxüexü. Rü ñanagürügü: —¡Napoxcu i ngëma Ngechuchul! ¡Rü Barabáxü waxi ínanguxuchixëê! —ñanagürügü.

19 Rü yema Barabá rü napoxcu yerü üpaacü Yerucharéüwa äëxgacümaã nananüexëê ga duüxügü, rü ñüxüchi namáeta.

20 Natürü ga Piratu rü wenaxärü duüxügümaã nidexa, yerü nüma rü Ngechuchuxü ningëxchaü.

21 Natürü ga duüxügü rü yexeraãcü aita naxüe rü ñanagürügü: —¡Curuchawa yapota! ¡Curuchawa yapota! —ñanagürügü.

22 Rü Piratu norü tomaëxpüxcüna duüxügümaã nidexa, rü ñanagürü: —Düçëx, çtacü rü chixexü éxna naxü? Choma rü taxuüma i chixexüxü nawa ichayangau na ngëmacëx chanayuxëêxü. Rü chorü churaragüxü tá chamu na naçuaixgüäxüçëx, rü ñüxüchi tá chayangëx —ñanagürü.

23 Natürü nümagü ga duüxügü rü yexeraãcü aita naxüeama, rü naxcëx ínacagü na curuchawa yapotaãxüçëx. Rü yema na nayexeragüamaxü ga yema duüxügü rü düxwa ga Piratu rü duüxügüga naxínü.

24 Rü nüma ga Piratu rü norü churaragüxü namu na naxügüäxüçëx ga yema duüxügü naxwëxegüxü.

25 Rü Barabáxü ningëx, yerü yema nixí ga duüxügü naxcëx ícagüxü. Rü yema Barabá nixí ga poxcuxü naxcëx na duüxügüxü äëxgacümaã nanuëxëêxü rü namáëtaxü. Rü yexguma ga Piratu rü duüxügüna Ngechuchuxü namu na namaã naxügüäxüçëx ga yema nümagü nanaxwëxegüxü.

Ngechuchuxü curuchawa nipotagü

(Mt 27.32-44; Mr 15.21-32; Cu 19.17-27)

26 Rü yema duüxügü rü Ngechuchuxü nigagü na curuchawa yanapotagüäxüçëx. Rü yexguma Ngechuchuxü yagagüyane, rü yexma namagu nüxü nangaugü ga wüxi ga yatü ga Chireneçüäx ga naañewa ne ücü. Rü Chimáü nixí ga naega. Rü Chimáüxü niyauxgü ga duüxügü, rü naätügu ngüxü naxünagügü ga curucha na Ngechuchuwe ngüxü nangexüçëx.

27 Rü muxüma ga duüxügü rü nawe narüxí. Rü yema duüxügütanüwa nayexmagü ga muxüma ga ngexügü ga auxexü rü aita üexü, yerü Ngechuchucëx nangechaügü.

28 Natürü ga Ngechuchu rü yema ngexügüxü nadawenü, rü ñanagürü nüxü: —Pa Ngeçügüx, Pa Yerucharéüçüäx ¡täxü i chauxcëx pexauxexü, natürü pegüçëxtama pexauxe rü pexacügüçëx!

29 —Erü nawa tá nangu i ngunenügü i nagu ñagüxü tá i duüxügü:

“Tataäëgü ya yixema ngeäxta ya taxuacüma äxäcügüxe, rü taguma tacharaügüxe, rü taguma maixäcügüxe, erü taxucatáma tümäxäcügüçëx taxauxe”, ñagüxü.

30 —Rü ngëxguma i duüxügü rü tá mëxpünegüxü nacëëxügü rü ñanagürügü tá:

“¡Toëtügu rübuemü!” ñanagürügü tá. Rü tá ngüchitaerugüxüxü nacëëxügü, rü ñanagürügü tá:

“¡Toxü idüxëtügü!” ñanagürügü tá.

31 —¿Erü ñuxäcü tá namaã nachopetü i ngëma duüxügü i aixcüma chixexü ügüxü, ega ñaã chixexü chomaã naxügügu na woo taxuüma i chixexü chaxüchiréxü? —ñanagürü ga Ngechuchu.

32 Rū yéma nanagagū ta ga taxre ga máêtagūxū na Ngechuchurū curchawa yanapotagūāxūcèx.

33 Rū yexguma nawa nangugūga ga yema nachica ga Duūxēeruchinèxāgu āegaxū, rū yéma curuchawa Ngechuchuxū nipotagū. Rū yema taxre ga máêtagūxū rū ta Ngechuchurū curuchawa nipotagū, wūxi ga norū tūgūnecūwawa rū to ga norū toxwecūwawa.

34 Rū yexguma Ngechuchuxū curuchawa İyapotagūyane, rū ñanagūrū ga Ngechuchu: —Pa Chaunatūx, jñūxū nangechaū i ñaā duūxūgū, erū tama nūxū nacuèxgū na tacū rū chixexū naxūexū! —ñanagūrū. Rū yema churragū rū nanade ga Ngechuchuchiru. Rū ñuxūchi wūxi ga dīeru ngīxū nañanagūgū na yemawa nūxū nacuèxgūxūcèx na texéarū tá yīixū ga yema Ngechuchuchiru.

35 Rū duūxūgū rū yéma inarūdaunū. Natūrū yema Yudíugūarū āēxgacūgū rū Ngechuchuxū nacugūe, rū ñanagūrūgū: —Nūma rū togūxū namaxèxēē. jĒcū, ñuxma rū nūgūtama namaxēē ega aixcūma Cristu ya Tupana nūxū unetacū yixīgu! —ñanagūrūgū.

36 Rū yema churragū rū ta Ngechuchuxū nacugūe. Rū naxūtawa naxī, rū nūxna nanaxā ga binu ga ūxchiūcū.

37 Rū ñanagūrūgū nūxū: —Ega Yudíugūarū āēxgacū ya tacū quixīgu, jrū cugūtama rūngūxēē i ñuxmax, na ícunguxuchixūcèx! —ñanagūrūgū.

38 Rū norū curuchatapèxewa nipota ga wūxi ga mürapewaxacū ga āegatachinūxū ga Griégugūgawa rū Dumacuūāxgūgawa rū Yudíugūgawa ūmatūxū ga ñaxū: —Daa nixī ya Yudíugūarū Āēxgacū ya Tacūxūchi —ñaxū.

39 Rū wūxi ga yema máêtaxū ga naxrū curuchawa ipotaxū rū Ngechuchumaā naguxchiga, rū ñanagūrū: —Ega aixcūma Cristu quixīgu, jrū cugūtama rūngūxēē na ícunguxuchixūcèx, rū toxū rū ta rūngūxēē na ítanguxūxūcèx! —ñanagūrū.

40 Natūrū ga yema to ga máêtaxū rū namūcūxū ínangaxūchiamā, rū ñanagūrū nūxū: —Cuma rū naxrū na curuchawa quipotachirèxū, ¿rū ngēxguma rū ta tama Tupanaxū cumuūxū?

41 —Yixema rū name nixī na ipoxcuexū erū tagagutama nixī i ngūxū ingegūxū erū ngēma nixī i tórū natanū naxcèx ga yema chixexū ga ixūgūxū. Natūrū daa yatū rū taxuūma i chixexū naxū —ñanagūrū.

42 Rū yexguma ga yema máêtaxū rū ñanagūrū: —Pa Ngechuchux, jchoxna nacuèxāchi i ngēxguma wenaxārū nūma cuxūxgu rū āēxgacūxū ícunguxgu! —ñanagūrū.

43 Rū Ngechuchu nanangāxū rū ñanagūrū: —Aixcūma cumaā nūxū chixu rū ñomatātama i ngunexūgu chomaā cūngēxma i mexēchixū i naānewa —ñanagūrū.

Nayu ga Ngechuchu

(Mt 27.45-56; Mr 15.33-41; Cu 19.28-30)

44 Rū yexguma tocuchiwa nanguxgu rū guxūwama naxēāne ñuxmata tomaēxpūxarū orawa nangu ga yāuanecū.

45 Rū ga ūèxcū rū nixo. Rū tupauca ga taxūneārū tūyemachiūxū rū ngāxūgu narūgaute.

46 Rū yexguma ga Ngechuchu rū poraācū aita naxū rū ñanagūrū: —Pa Chaunatūx, cūxmēxwa chanangēx i chauāē —ñanagūrū. Rū yema ñaxguwena rū nayu.

47 Rū yexguma yema churaragüarū ãëxgacū ga Dumacūãx nūxū dèuxgu ga yema ngupetūxū, rū Tupanaxū nicuèxū, rū ñanagürü: —Aixcūma ñaã yatū rū taxuūma i chixexū naxū —ñanagürü.

48 Rū guxūma ga yema togū ga duūxūgū ga yéma yexmagūxū rū nūxū daugūxū ga yema ngupetūxū, rū poraãcū nangechaūgūãcūma napatacèx nawoegu.

49 Natürü guxūma ga yema duūxūgū ga aixcūma Ngechuchuxū cuèxgūxū rū yaxūwa- tama nūxū narūdaunū ga yema ngupetūxū. Rū yema duūxūgūtanūwa ta iyexmagū ga yema ngecūgū ga Ngechuchuwe ruxícū ga yexguma Gariréaanewa ne naxūxgu.

Ngechuchu rū naxmaūgu nayanaxūcuchigū
(Mt 27.57-61; Mr 15.42-47; Cu 19.38-42)

50 Rū nayexma ga wūxi ga yatū ga Yudéaanewa yexmane ga ñãne ga Ari-
matéacūãx, rū Yúche nixī ga naega. Rū nūma rū Yudíugüarū ãëxgacūgūtanūwa
naxū, natürü namecūma rū meã naxū.

51 Rū nūma rū poraãcū ñnananguxëë na ñanguxū ga Tupana na yéma ãëxgacū
yīxūcèx. Rū yemacèx tama norū me nixī ga yema Ngechuchumaã naxūgūxū
ga yema togū ga namūcūgū ga ãëxgacūgū.

52 Rū nūma ga Yúche rū Piratuxūtawā naxū, rū Ngechuchuxūnecèx ñnayaca.

53 Rū curuchawa nayayaxu ga Ngechuchuxūne, rū wūxi ga dūxruūmaã
nananuque. Rū wūxi ga naxmaū ga nutaarū mēxpūxūwa yacaxmaūgūxūgu
nayanaxūcuchi. Rū yema naxmaū rū nayexwacaxū, rū taguma texéxū nagu
yaxūcuchigūxū nixī.

54 Rū yema nixī ga ngunexū ga nagu Yudíugū nūgū imexëëgūxū naxcèx
ga ngūxchigaarū ngunexū. Rū marū ningóonechaū ga yema ngūxchigaarū
ngunexū.

55 Rū yema ngecūgū ga Ngechuchumaã Gariréaanewa ne ñcū, rū
Ngechuchuxū ñyaxūcuchigūxūtwa ñyadaugū. Rū nūxū ñdaugū ga ñuxácū
na ñyaxūcuchigūãxū ga naxūne.

56 Rū yexguma ngīpatawa nangugūgu, rū inamexëëgū ga pumara rū chixū.
Rū ñrūngūgū ga ngūxchigaarū ngunexūgu, yerū yema nixī ga Tupanaarū mu.

24

Yuwa ñnarūda ga Ngechuchu
(Mt 28.1-10; Mr 16.1-8; Cu 20.1-10)

1 Rū pēxmamaxūchi ga yūxūarū ngunexūgu, rū yema ngecūgū rū wenaxārū
naxmaūwa ñyadaugū. Rū yéma ñanegēgū ga yema pumara ga yamexëëgūxū.
Rū naīgū ga ngecūgū rū ta ngīxū ñyaxūmūcūgū.

2 Rū yexguma yéma nangugūgu, rū nūxū ñyangaugū ga marū na
ñnaxūgachixū ga guma nuta ga naxmaūñarū ngūxtaūxū.

3 Rū yexma nagu ichocu, natürü taxuūma ñdaugū ga naxūne ga Cori ga
Ngechuchu.

4 Rū yema ngecūgū rū poraãcū ñbaixāchiãëgū, rū tama nūxū ñcuèxgūéga
ga ñacū na naxūgūxū. Rū ngürüächi nūxū ñdaugū ga taxre ga yatūgū ga
ngīxūtagu chigūxū ga poraãcū ñyaurachirutanūcūxū.

5 Rū yema ngecūgū rū ñyarūmaxāchierugū, yerū poraãcū ñmuñë. Rū
yemacèx ga yema yatūgū rū ñnanagürügū ngīxū: —¿Tūxcū ñnuxā yuetamaūgu
naxcèx peyadau ga yima maxūcū?

6 –Nataxuma i nuã ya Ngechuchu, erü marü wena namaxü. ¡Rü nüxna pecuëxãchie ga yema ore ga pemaã nüxü yaxuxü ga yexguma Gariréanewa nayexmagu!

7 –Yerü pemaã nüxü nixu ga ñuxãcü pecaduãxgüxü tá na yayauxgüxü, rü curuchawa na yapotagüãxü, rü ñuxãcü tomaëxpüx i ngunexügu tá wena na namaxüxü –ñanagürügü ga yema yatügü.

8 Rü yexguma ga yema ngecügü rü nüxna icuëxãchie ga yema Ngechucharü ore.

9 Rü nüxna iwoegu ga yema naxmaü. Rü yema 11 ga Ngechucharü ngüexügümaã nüxü iyarüxugüe ga guxüma ga yema nüxü nadaugüxü. Rü guxüma ga togü ga yaxögüxü ga yéma yexmagüxümaã rü ta nüxü iyarüxugüe.

10 Rü María ga Magadãcũãx, rü Cuána, rü María ga Chaütiágu naë, rü naigü ga ngecügü iyixi ga wüxigu yéma Ngechucharü ngüexügüxütawa nangegücü ga yema ore.

11 Natürü yema ngüexügücx rü ñnucamare nixi ga yema ore, rü tama ngixü nayaxögüchaü.

12 Natürü ga Pedru rü inañaãchi, rü ñnayadau ga naxmaüwa. Rü yexguma nagu yadaucuchigu ga naxmaü, rü nüxü nadau ga düxruügü ga wüxicüwagu na nanuxü. Rü poraãcü nabaixãchiãe namaã ga yema ngupetüxü, rü baixãchiãeãcuma napatacëx nataegu.

Emaüãrü namawa nangox ga Ngechuchu
(Mr 16.12-13)

13 Rü yema ngunexügutama rü taxre ga yema Ngechucharü ngüexügü rü wüxi ga ñane ga Emaüwa naxi. Rü norü yaxü ga guma ñane rü 11 ga kilómetru nixi nüxna ga Yerucharéü.

14 Rü yexguma namagu naxiyane, rü nachigagu nidexatanü ga guxüma ga yema ngupetüxü.

15 Rü yexguma yemachigagu iyadexatanüyane, rü nümatama ga Ngechuchu rü ngürüãchi naxcëx yéma nixü, rü natanügu nixüchigü.

16 Natürü yema ngüexügü rü woo Ngechuchuxü nadaugü, rü tama nüxü nacüxgüéga na Ngechuchu yiixü, yerü Tupana rü nanatoöëgü na tama Ngechuchuxü nacüxgüxücx.

17 Rü yexguma ga Ngechuchu, rü yema taxre ga ngüexügüna naca, rü ñanagürü: –¿Tacüchiga nixi i pidexatanüxü na nuxã namagu na pexixü? ¿Rü tacücx nixi i pengechaüëxü? –ñanagürü.

18 Rü wüxi ga yema ngüexü ga Creopágu äegaxü nanangãxü, rü ñanagürü: –Guxüma i duüxügü nixi i nüxü cuãxü ga yema yexwaca ngupetüxü ga Yerucharéüwa. Rü cuma na yexma cunaxüãnechiréxü rü maneca cuxi-catama nixi i tama nüxü cucuãxü ga yema ngupetüxü –ñanagürü.

19 Rü yexguma ga nüma ga Ngechuchu rü ñanagürü: –¿Tacü nangupetü ga Yerucharéüwa? –ñanagürü. Rü nanangãxügü ga yema ngüexügü, rü ñanagürügü: –Poraãcü chixexü nüxü naxüpetü ga Ngechuchu ga Nacharétucũãx. Nüma ga Ngechuchu rü Tupanaãrü orearü uruü ga mecü nixi. Rü Tupanapëxewa rü duüxügüpëxewa namecüma rü nanaxü ga taxü ga cuëxruügü ga Tupanaãrü poramaã naxüxü, rü meã duüxügüxü nangüexëë.

20 –Natürü ga paigüarü äëxgacügü rü törü äëxgacügü rü nayayauxgü. Rü Dumacüãx ga äëxgacügüna nanamugü na curuchawa yapotagüãcuma nayuxëgüãxücx. Rü yemaãcü nayamëxgü.

21 –Toma nüxü tacuèxgu rü nüma tá nixĩ i tomaã naporaxü na ínganguchixüçèx i tachiüãne nüxna i Dumacuüãxärü äëxgacü. Rü ñuxma rü marü tomaëxpüx i ngunexü nawena nixĩ ga na yamëxgüãxü.

22-23 –Natürü tama ngëxĩcatama nixĩ, yerü ñuxre ga ngexügü ga totanüxü rü toxü ínayabaixgügü. Yerü yema ngexügü rü pëxmamaxüchi ínayadaugü ga naxmaüwa, rü tama nüxü inyangaugü ga naxüne ga guma Ngechuchu. Rü yemaçèx ga yema ngexügü rü toxçèx nawoegu, rü tomaã nüxü nayarüxügüe ga nüxü na nadaugüxü ga Tupanaärü orearü ngeruügü ga daxüçüãx. Rü yema daxüçüãxgü rü namaã nüxü nixugügü ga Ngechuchu rü na namaxüxü –ñanagürügü.

24 Rü yexguma yema ngexügüarü orexü taxĩnüëgu, rü ñuxre ga tomüçügü rü naxmaüwa ínayadaugü. Rü yema ngexügü nüxü ixugüxürrü nüxü inyangaugü ga naxmaü. Natürü tama Ngechuchuxü nadaugü –ñanagürügü.

25 Rü yexguma ga Ngechuchu rü ñanagürü nüxü: –¿Tüxcüü tama peãëta ipexü i pemax? ¿Rü ñuxgura tá ta ipeyaxögüxü i nuxçümaügüxü ga Tupanaärü orearü uruügüarü ore?

26 ¿Rü tama ëxna nüxü pecuèx ga yema ngüxü tá na yangexü ga Cristu naxüpa na daxügüxü i naãnewa naxüxü, na ngema äëxgacü yixüçèx? –ñanagürü.

27 Rü yexguma inanaxügü ga namaã na nangoxëëãxü ga guxüma ga Tupanaärü ore ga nachiga ümatüxü. Rü yema Tupanaärü ore ga Moiché ümatüxümaã inanaxügü. Rü ñuxüchi namaã nüxü nixu ga guxüma ga yema Tupanaärü ore ga nuxçümaügüxü ga Tupanaärü orearü uruügü ümatügüxü.

28 Rü yexguma yema íãne ga Emaüwa nangugügu, rü Ngechuchu rü nümaxü toxnamana nügü naxüçëñeta.

29 Natürü ga yema ngüexügü rü nüxü nacëèxügü na yexma naxãüxüçèx, rü ñanagürügü: –¡Nuxma toxütagu nape, erü marü nayáuane, rü paxa tá nachüta! –ñanagürügü. Rü yexguma ga Ngechuchu rü nawe yexma narüxãüx.

30 Rü yexguma chibüçèx wüxiwa mechawa natogügu, rü Ngechuchu nanayaxu ga pãü. Rü Tupanana moxë naxçèx naxã. Rü ñuxüchi inanabücu, rü wüxichigüna nanaxã.

31 Rü yexgumatama naãëxü nicuèxãchitanü. Rü nüxü nacuèxgü na guma yixü ga Ngechuchu. Natürü yexgumatama ngürüãchi inayarütaxu ga nümax.

32 Rü yema taxre ga ngüexügü rü nügümaã ñanagürügü: –¿Tama ëxna ga itaãëgüxü ga törü maxünewa ga yexguma namawa tamaã yadeaxgu rü tamaã nangoxëëãgu ga Tupanaärü ore i ümatüxü? –ñanagürügü.

33 Rü yexgumatama ga yema taxre ga ngüexügü rü inaxĩãchi ga Yerucharëüçèx na nawoegüxü. Rü yexma nüxü nayangau ga na íngantaquëxëgüxü ga yema 11 ga Ngechucharü ngüexügü rü togü ga natanüxügü.

34 Rü yema duüxügü ga íngutaquëxëgüxü rü ñanagürügü nüxü: –Aixçüma nixĩ i marü wena namaxüxü ya Cori ya Ngechuchu. Rü Chimáü ga Pedru rü marü nüxü nadau –ñanagürügü.

35 Rü yexguma ga yema taxre ga ngüexügü rü ta nüxü nixugügü ga yema nüxü ngupetüxü ga namawa, rü ñuxãcü nüxü na yacuèxãchitanüxü ga guma na yixü ga Ngechuchu ga yexguma pãü inabüçüxgu.

*Ngechuchu rü norü ngüexügüçèx nangox
(Mt 28.16-20; Mr 16.14-18; Cu 20.19-23)*

36 Rū yexguma yemaãcü iyadexagüyane, rü ngürüächi norü ngãxütanügu nachi ga Ngechuchu. Rū nüxü narümoxë, rü ñanagürü: —Nuxmaë Pa Chorü Duüxügüx —ñanagürü.

37 Natürü nümagü rü nabaixächiãëgü, rü poraãcü namuüë, yerü nagu naxñüëgu rü wüxi ga naxchixixümare nadaugü.

38 Natürü ga Ngechuchu rü ñanagürü nüxü: —¿Tüxcüü pebaixächiãëgü rü tama peyaxögü na choma chiixü?

39 —¡Dücëx, nüxü pedëux ya choxmëxgü rü chaucutügü! Rū chomatama chixü. ¡Rü choxü pingögü rü meã choxü perüdaunü! Erü wüxi i naxchixi rü tama choxü pedauxürü naxãmachi rü naxãxchinëã —ñanagürü.

40 Rū yema ñaxguwena, rü nüxü nanawëx ga naxmëx rü nacutü.

41 Natürü ga yema duüxügü rü yexguma rü ta tama nüxü nayaxögü, yerü nabaixächiãëgü rü nataãëgü. Rū yemaçëx ga Ngechuchu rü nüxna naca rü ñanagürü nüxü: —¿Pexü nangëxmaxü i ñna i nuã? —ñanagürü.

42 Rū yexguma nüxna nanaxägü ga wüxi ga choxni ga iguxüchipëxe rü wüxiweü ga berure.

43 Rū nüma ga Ngechuchu rü nanayaxu. Rū yema duüxügüpëxewa nanangöx.

44 Rū ñuxüchi ñanagürü nüxü: —Rū yema choxü ngupetüxü rü yema nixi ga pemaã nüxü chixuxü ga yexguma tauta chayuxgu rü petanüwa chayexmagu. Yerü yexguma rü pemaã nüxü chixu rü ñacharügü:

“Rü tá ningü i guxüma i Tupanaärü ore i chauchiga ümatüxü i Wiyaegüarü poperawa, rü Moiché ümatüxü i mugüwa, rü ore i nuxcumaügüxü ga Tupanaärü orearü uruügü ümatüxüwa”, ñacharügüchirëx pexü.

45 Rū yemaãcü namaã nanangoxëë ga Tupanaärü ore ga ümatüxü.

46 Rū ñanagürü nüxü: —Tupanaärü ore i ümatüxüwa rü nüxü nixu rü choma i Cristu rü tá chayü, rü tomaëxpüx i ngunexügu rü tá wena chamaxü.

47 —Rü yematama ore i ümatüxüwa nüxü nixu rü tá chauégagu tá nixi i nüxü yaxugüxü i ore i mexü. Rū Yerucharëüwa tá inaxügü i ngëma ñuxmatáta guxü i nañewa nangu na ngëmaäcü duüxügü nüxü rüxoëxüçëx i nacüma i chixexü na Tupana nüxü nüxü ngechaüxüçëx i norü pecadügü.

48 —Rü ñuxma rü pematama nixi i chorü orearü uruügü, rü tá duüxügümaã nüxü pixu ga yema chauxütawa nüxü pedaugüxü rü nüxü pexñüëxü.

49 —Rü dücax, choma rü pexçëx tá núma chanamu i Naãë i Üünexü ga pexçëx nüxü naxunetaxü ya Chaunatü. Natürü chanaxwëxe i númatátama daa ñãne ya Yerucharëüwa pengëxmagü, ñuxmatáta penayauxgü i ngëma Tupanaãë i Üünexü i daxüwa ne üxü i tá pexü poraexëëxü —ñanagürü.

Ngechuchu rü daxügüxü ga nañewa naxü

(Mr 16.19-20)

50 Rū yexguma ga Ngechuchu rü Yerucharëüärü toxnamana norü ngüexügüxü nagagü, ñuxmata Betániãärü ngaicamana nangugü. Rū yéma norü ngüexügüëtü nawémëx, rü Tupanana naxçëx naca na nüxü nangüxëëxüçëx.

51 Rū yexguma yema ngüexügüçëx nayumüxëguwena rü nüxna nixügachi. Rū Tupana daxügüxü ga nañewa nanaga.

52 Rū nümagü ga norü ngüexügü rü Ngechuchuxü nicuëxüügü. Rū ñuxüchi taãëcüma Yerucharëüçëx nawoegu.

53 Rū guxüguma tupauca ga taxünewa naxñüxü, rü yéma Tupanaxü nicuëxüügü. Rū ngëmaãcü yï.

ORE I MEXŪ GA CUÁŪ ŪMATŪXŪ

Tupana Nane rü duŭxŭãcü nangox

¹ Naxŭpa ga guxŭma, rü marŭ nayexma ga Tupana Nane. Rü Tupanamaã nayexma rü woetama Tupana nixŭ ga nümax. Nüma rü Tupanaãrŭ Ore nixŭ i naega erŭ tamaã nüxŭ nixu i Tupanachiga.

² Rü naxŭpa ga guxŭma rü nüma ga Tupana Nane rü naxŭtawatama nayexma.

³ Rü guma Nanexŭ nixŭ ga namuxŭ ga Tupana na naxŭãxŭcèx ga guxŭma. Rü nataxuma i tacŭ i ñuxma ngèxmaxŭ i tama nüma naxŭxŭ.

⁴ Rü Nanewa nixŭ i nangexmaxŭ i maxŭ. Rü ngema maxŭ rü guxŭ i duŭxŭgŭarŭ ngóonexèëruŭ nixŭ.

⁵ Rü yima Nane rü woo chixexŭ iporaxŭwa rü duŭxŭgŭxŭ nüxŭ nacuèxèë i Tupanachiga. Rü ngèma chixexŭ rü taxucŭ-rŭwama ngèma mexŭxŭ narŭyexera.

⁶⁻⁷ Rü nayexma ga wŭxi ga yatŭ ga Cuáŭ ga baiŭxèëruŭgu ãegacŭ. Rü guma nixŭ ga Tupana nüma namucŭ na nüxŭ yaxuxŭcèx ga nachiga ga guma ngóonexèëruŭ na yemaãcü guxãma nüxŭ yaxôgŭxŭcèx.

⁸ Rü nüma ga Cuáŭ rü tama Tupana Nane ya duŭxŭgŭarŭ ngóonexèëruŭ nixŭ. Natŭrŭ nüma nixŭ ga Tupana nüma namuxŭ na nüxŭ yaxuxŭcèx ga nachiga ga guma ngóonexèëruŭ.

⁹ Rü ñoma ga naãnewa nangu ya yima aixcŭma Tupana Nane ixŭcü i guxŭma i duŭxŭgŭxŭ ngóonetanŭxèëcü.

¹⁰ Rü nüma ga guma Nane ga Tupanaãrŭ Ore ixŭcü rü ñoma ga naãnewa nayexma. Rü woo nagagu nixŭ ga naxŭãxŭ ga guxŭma ga ñoma ga naãne, natŭrŭ ñoma ga naãne-cŭãx ga duŭxŭgŭ rü tama nüxŭ nacuèxgŭ na texe yŭxŭ.

¹¹ Nuã norŭ naãnewatama nangu, natŭrŭ norŭ duŭxŭgŭ ga Yudŭgŭ rü tama nanayauxgŭ.

¹² Natŭrŭ guxema nayauxgŭxe rü nüxŭ yaxôgŭxe rü tŭxŭ nanatauxchaxèë na Tupanaxãcügŭ tixŭgŭxŭ.

¹³ Rü ñuxma rü Tupanaxãcügŭ tixŭgŭ ga guxema yaxôgŭxe. Natŭrŭ tama noxri tabuxŭgagu nixŭ i ngèma rü tama tŭmanatŭgŭarŭ ngŭchaŭgagu nixŭ. Natŭrŭ i ñuxma rü Tupanaxãcügŭ tixŭgŭ ga guxema yaxôgŭxe yerŭ nümatama ga Tupana rü naxãcügŭxŭ tŭxŭ nixŭgŭxèë.

¹⁴ Rü nüma ya yima Nane ya Tupanaãrŭ ore ixŭcü rü duŭxŭãcü nangox. Rü totanŭwa nayexma rü poraãcü toxŭ nangechaŭ rü aixcŭma nixŭ ga norŭ ore. Rü toma nüxŭ tadaugŭ ga ñuxãcü na naxŭñexŭ. Rü Nanatŭxŭtawa nanayaxu ga yema üüne yerŭ nügŭmaã nüxŭ nawŭxicèx ga nüma.

¹⁵ Rü gumachigaxŭ nixŭ ga yaxuxŭ ga Cuáŭ ga yexguma ñaxgu: —Daa nixŭ ga guma pemaã nüxŭ chixuchigacŭ ga yexguma ñachaxgu:

“Rü yima choweama ne ŭcü rü choxŭ rŭyexeracŭ nixŭ, yerŭ woetama marŭ nayexma ga tauta chabuxgu ga chomax”, ñanagŭrŭ ga Cuáŭ.

¹⁶ Rü yima Tupana Nane rü namecŭmaxŭchi rü namxèxwa nangèxma i guxŭma. Rü naxŭtawa nixŭ i nayauxgŭxŭ i guxŭma i ngŭxèëgŭ.

¹⁷ Rü Moŭchèxŭ nixŭ ga namuxŭ ga Tupana na tŭxŭ nangŭxèëxŭcèx ga yema norŭ mugŭ. Natŭrŭ Ngechuchu ya Cristuxŭ nixŭ ga namuxŭ na tŭxŭ

nangúexêxúcèx na yigü ingechaügüxü rü nagu imaxêxúcèx i ore i aixcüma ixüü.

¹⁸ Taguma texé ñuxgu nüxü tadau ga Tupana. Natürü Nane ya nügümaã nüxü wüxicacü nixí ya tüxü nüxü cuèxêëcü. Rü yima Nane rü Tupanaxüchi nixí, rü Nanatümaã wüxiwa nangêxmagü.

CuáŮ ga baiüxêëruü rü nüxü nixu ga Ngechuchu ya Cristuchiga (Mt 3.11-12; Mr 1.7-8; Lc 3.15-17)

¹⁹ Rü yema Yudiügüarü âêxgacügü ga Yerucharéücüâx rü CuáŮ ga baiüxêëruüxütawa nanamugü ga paigü rü Lebítanüxügü na nüxna yacagüexúcèx na texe yíixü.

²⁰ Rü nüma ga CuáŮ rü meãma nügü nixu, rü ñanagürü: —Tama nixí i Cristu chiüxü i chomax —ñanagürü.

²¹ Rü wenaxärü nüxna nacagü rü ñanagürügü: —¿Texé êxna quixí? ¿Êxna cuma ga nuxcümaücü ga Tupanaärü orearü uruü ga Eria quíixü? —ñanagürügü. Rü CuáŮ nanangäxü rü ñanagürü: —Tama Eria chixí —ñanagürü. Rü nümagü rü wenaxärü nüxna nacagüe rü ñanagürügü: —¿Êxna cuma quíixü ya yima orearü uruü ga Moiché nüxü ixucü ga ínguxchaücü? —ñanagürügü. Rü CuáŮ nanangäxü rü ñanagürü: —Tama yima chixí —ñanagürü.

²² Rü yexguma ñanagürügüama: —¿Êxna texé quíixü? Erü tanaxwêxe i ngêma núma toxü mugüxüxütawa tanange i curü ngäxüga. ¿Rü ñuxü ñacuxü i ñuxma na texé quíixü? —ñanagürügü.

²³ Rü CuáŮ nanangäxü rü ñanagürü nüxü: —Choma nixí i ngêma duüxü i dauxchitawa i ngextá taxúema íxâpataxüwa tagaäcü ñachaxü:

“¿Rü nüxü perüxoe i pecüma i chixexü rü ipeyanawêxâchixêêx i perü maxü naxcèx ya Cori ya Tupana!” ñachaxü, guma nuxcümaücü ga orearü uruü ga Ichaxía nüxü ixuxüürü —ñanagürü.

²⁴⁻²⁵ Rü yexguma ga yema paigü rü Parichéügü yéma mugüxü ga CuáŮmaã na yanadexagüxúcèx rü wenaxärü nüxna nacagüe, rü ñanagürügü: —Rü ngêxguma tama Cristu quixígu, rü tama Eria quixígu, rü tama yima orearü uruü ya ínguxchaücü quixígu, ¿rü tüxcüü i duüxügüxü ícbaiüxêëxü i ñuxmax? —ñanagürügü nüxü.

²⁶⁻²⁷ Rü CuáŮ nanangäxü rü ñanagürü: —Choma rü dexáwamare íchanabaiüxêë i duüxügü. Natürü petanüwa nangêxma ya yima tama nüxü pecuácü ya choweama ne ücü. Rü choma rü napêxewa rü taxuwama chame, rü bai i norü chapatucunügüarü wêgüwa chame —ñanagürü ga CuáŮ.

²⁸ Rü yema nachica ga Betániägu âegaxüwa nixí ga CuáŮ ga nüxü yaxuxü ga yema ore. Rü natü ga Yudáñärü tocutüwa nixí ga yema nachica ga ngextá CuáŮ duüxügüxü íbaiüxêëxüwa.

Ngechuchu nixí ga Tupana núma namucü na duüxügüarü pecaducèx nayuxúcèx

²⁹ Rü moxüäcü ga CuáŮ rü Ngechuchuxü nadau ga naxcèx na yaxüxü. Rü ñanagürü ga CuáŮ: —¿Rü dücax! Daa nixí ya yima Tupana núma namucü na nayuxúcèx na ñoma i naäneüüâx i duüxügüarü pecaduxü iyanaxoxêëxúcèx.

³⁰ —Rü choma rü daa Ngechuchuchigaxü nixí ga chixuxü ga yexguma ñachagu:

“Rü choweama ne naxü ya wüxi ya chorü yexeracü, yerü nüma rü woetama nayexma ga tauta chabuxgu ga chomax”, ñachagu.

31 –Rü chomatama ga noxri rü tama nüxŭ chachuèx ga texe na yíixŭ ga nümax. Natürü núma chaxŭ na dexáwamare duŭxŭgŭxŭ íchibaiŭxèètanüxŭcèx na tatanüxŭ i Yudíngü nüxŭ cuèxgŭxŭcèx na texé yíixŭ –ñanagürü.

32 Rü ñanagürü ta ga Cuáŭ: –Rü chomatama nüxŭ chadau ga Tupanaãê ga Üünexŭ ga yexguma wüxi ga muxtucurüŭ daxŭwa ínaxexeeгу rü Ngechuchuxŭnegu yanawèxgux.

33 –Choma rü noxri tama nüxŭ chachuèx ga texe na yíixŭ ga nümax. Natürü ga Tupana ga choxŭ mucü na dexáwamare duŭxŭgŭxŭ íchabaiŭxèèxŭcèx, rü ñanagürü choxŭ:

“Rü yima nüxŭ cudaucü ya chauãê i Üünexŭ naetügu íruxexeeçü, rü yima tá nixí ya chauãê i Üünexŭ duŭxŭgŭna nguxèècŭ”, ñanagürü choxŭ.

34 –Choma rü marü yima Ngechuchuxŭ chadau rü pemaã nüxŭ chixu na nüma rü aixcúma Tupana Nane yíixŭ –ñanagürü.

Nüxŭraŭxŭ ga norü ngúexŭgŭ ga Ngechuchu

35 Moxŭãcŭ rü wenaxärü Cuáŭmaã yema nachicawa tayexmagü ga toma ga taxre ga norü ngúexŭgŭ.

36 Rü yexguma Ngechuchuxŭ nadèuxgu ga yéma na naxüpetüxŭ, rü Cuáŭ rü ñanagürü toxŭ: –¡Düçèx! Yima nixí ya Tupana núma namucü na pecaducèx nayuxŭcèx –ñanagürü.

37 Rü toma ga Cuáŭärü ngúexŭgŭ rü nüxŭ taxŭnüè ga yexguma yema ñaxgu. Rü Ngechuchuwe tarüxŭ.

38 Rü nügü ínidau ga Ngechuchu, rü toxŭ nadau ga nawe na tarüxŭxŭ. Rü toxna naca rü ñanagürü toxŭ: –¿Tacüçèx pedau? –ñanagürü. Rü tomagü rü ñatarügügü: –Pa Ngúexèèruŭx, ¿ngexta nixí i cupeuxŭ? –ñatarügügü.

39 Rü Ngechuchu toxŭ nangãxŭ, rü ñanagürü toxŭ: –¡Nuã chowe perüxŭ rü ípeyadèux! –ñanagürü. Rü nawe tarüxŭ, rü nüxŭ tadaugü ga na ngexta napexŭ. Rü yexguma yéma tangugügu, rü marü ägümücuarü orawa nangu ga na nayáuanexŭ. Rü yexma naxŭtagu tarücho rü ñuxmata nachüta.

40 Rü choma chixí ga noxri Cuáŭ ga baiŭxèèruŭxŭ chaxŭnŭxŭ ga yixcama Ngechuchuwe charüxŭxŭ. Rü chomücü rü Aüdré nixí. Rü nüma rü Pedru ga Chimáüeneè nixí.

41 Rü yexgumatama ga Aüdré, rü naèneè ga Chimáüçèx nayadau. Rü ñanagürü nüxŭ: –Rü marü nüxŭ itayangau ya yima Cristu ga nuxcúma Tupana nüxŭ unetacü –ñanagürü.

42 Rü yemawena, rü Ngechuchu íyexmaxŭwa Chimáüxŭ naga ga Aüdré. Rü yexguma Ngechuchu Chimáüxŭ dèuxgu, rü ñanagürü nüxŭ: –Cuma nixí i Chimáü i Cuáŭ nane quiŭxŭ. Natürü i ñuxmawena rü Nuta tá nixí i cuéga –ñanagürü. Rü ngèma naega rü Pedru ñaxŭchiga nixí.

Ngechuchu rü naxcèx naca ga Piripi rü Natanae

43 Rü moxŭãcŭ ga Ngechuchu rü nügü namexèè na Garíreaanewa naxŭxŭcèx. Rü Piripixŭ inayangau rü ñanagürü nüxŭ: –¡Chowe rüxŭ! –ñanagürü.

44 Rü nüma ga Piripi rü íãne ga Bechaídacŭŭxŭ nixí. Rü yémacŭŭxŭ ta nixí ga Aüdré rü Pedru.

45 Rü Piripi rü Natanaeçèx nayadau, rü ñanagürü nüxŭ: –Marü nüxŭ itayangau ya yima Cristu ga Moíché nachiga naxŭmatücü ga mugüarü poperawa, rü nuxcúmaŭgŭxŭ ga Tupanaärü orearü uruŭgŭ ta nachiga

naxümatügücü. Yima nixî ya Yúche nane ya Ngechuchu ya Nacharétucüâx –ñanagürü.

46 Rû ñanagürü ga Natanae: –¿Ñuxácü i tacü rü mexü i Nacharétuwa ne naxüxü? –ñanagürü. Rû Piripi nanangâxü, rü ñanagürü nüxü: –¡Dücèx, ngîxâ rü ítayadau! –ñanagürü.

47 Rû yexguma Ngechuchu Natanaexü dèuxgu ga naxcèx na yaxüxü, rü ñanagürü: –¡Dücèx! Yéa ne naxü i wüxi i yatü i aixcüma Yudíu ixîxü i aixcüma ngearü chixexüâxü –ñanagürü.

48 Rû yexguma ga Natanae rü Ngechuchuna naca, rü ñanagürü nüxü: –¿Ñuxácü i choxü cucuáxü? –ñanagürü. Rû Ngechuchu nanangâxü rü ñanagürü nüxü: –Naxüpa ga Piripi cuxcèx na yaçaxü, rü choma rü cuxü chadau ga yexguma orix ga igueratüügu curüxâüxgux –ñanagürü.

49 Rû Natanae nanangâxü rü ñanagürü nüxü: –Pa Ngüexêëruüx, cuma rü Tupana Nane quixî. Rü cuma nixî i guxüma i Yudíugüarü Âëxgacü quíxü –ñanagürü.

50 Rû Ngechuchu nanangâxü, rü ñanagürü nüxü: –Cuma rü choxü cuyaxó erü cuma nüxü chixu na igueratüüwa cuxü na chadauxü. Rû ngêmacècatama nixî i cuyaxóxü. Natürü ngêma ñuxma nüxü cudauxüârü yexera tá nixî i nüxü cudauxü i yixcüra –ñanagürü.

51 Rû ñanagürü ta ga Ngechuchu: –Rü aixcüma pemaã nüxü chixu rü tá nüxü pedaugü na yawâxnaxü i daxüguxü i naâne. Rü tá nüxü pedaugü i Tupanaârü orearü ngeruügü i daxüçüâx i ngema daxü ígüxü rü íruxígüüxü i naetüwa ya Tupana Nane ya duüxüxü ixîcü –ñanagürü.

2

Ngîarü peta ga îâne ga Canáwa üxü ga Gariréaanewa

1 Rû yexguma marü tomaëxpüx ga ngunexü Gariréaanearü îane ga Canáwa nayexmagu ga Ngechuchu, rü nayexma ga wüxi ga ngîarü peta. Rû yemawa ngixna naxugü ga naë ga Ngechuchu.

2 Rû Ngechuchuna rü toxna rü ta naxugüe na yéma taxîxüçèx.

3 Rû nagux ga norü axexü ga binu. Rû Ngechuchu naë ngîgürügü nüxü ga Ngechuchu: –Marü nagüarü binuâxgü –ngîgürügü.

4 Natürü Ngechuchu ngîxü nangâxü, rü ñanagürü: –Pa Mamax, ¿tüxcüü chomaã nüxü quixu i ngêma? Erü tauta nawa nangu na chanaxüxüçèx i tacü rü mexü i Tupanaârü poramaã üxü –ñanagürü.

5 Natürü ga ngîma ga naë rü ngîgürügü nüxü ga yema baegüxü namaã ga binuchiü: –¡Penaxüx i guxüma i ngêma nüma pemaã nüxü yaxuxü! –ngîgürügü.

6 Rû yéma iyexma ga 6 ga tüxü ga nutagüngîxcèx. Rû wüxichigü ga yema tüxüwa rü maneca yexma name ga 50 rü êxna 70 litrugü ga dexá. Rû yema tüxügü iyixî ga yema Yudíugü ngîxü ixügüâcugücü ga yexguma dexámaã nügü yayauxmêxgüçhaügu na Tupanacèx nügü yamexêëgüxüçèx.

7 Rû Ngechuchu rü yema baegüxüxü namu, rü ñanagürü: –¡Dexámaã ngîxü pixügüâcu i ñaã tüxügü! –ñanagürü. Rû nümagü ga yema baegüxü rü meãma ngîxü nixügüâcu.

8 Rû Ngechuchu ñanagürü nüxü: –Rü ñuxma chanaxwêxe i íraxü peyaxu, rü petaarü yoraxütawa penange –ñanagürü. Rû yemaãcü nanaxügü ga yema baegüxü.

⁹ Rũ yema petaarũ yora nũxũ naxaxneta ga yema dexá ga binuxũ nacèxichixũ. Natũrũ tama nũxũ nacuèx ga ngextá na nayauxgũáxũ. Rũ yema baegũxũxĩcatama nixĩ ga nũxũ cuèxgũxũ ga dexámare na yĩxũ ga noxrix. Rũ yexgumatama ga yema petaarũ yora rũ yema yatũ ga ingĩxũcèx naca.

¹⁰ Rũ ñanagũrũ nũxũ: —Guxũ i naãnewa rũ duũxũgũ rũ noxri rũ namaã nabae ya mecũ ya binu. Rũ ngèxguma marũ meãma guxũma axegũgu i ngẽma nũxna naxuxũ, rũ ngẽmawena rũ nũxna nanaxá ya ngexcũrũucũmare ya binu. Natũrũ i cuma rũ marũ nagũxchaũgu i peta, rũ mexèchicũ ya binumaãtama cuyaxaxegũxèe i duũxũgũ —ñanagũrũ.

¹¹ Rũ guma Gariréanewa yexmane ga ããne ga Canáwa nixĩ ga yema naxũxũ ga Ngechuchu. Rũ yema nixĩ ga nũxĩraũxũ ga cuèxruũ ga Tupanaarũ poramaã xũxũ ga nawa ngũ inawéxũ ga Tupana Nane na yĩxũ. Rũ toma ga norũ ngũexũgũ rũ nũxũ tayaxõgũ.

¹² Rũ yemawena rũ Capernáũ ga ããnewa naxũ ga Ngechuchu. Rũ naẽ rũ naẽneẽgũ rũ toma ga norũ ngũexũgũ rũ ta itayaxũmũcũgũ. Rũ yema guma ããnewa tayexmagũ ga ñuxre ga ngunexũ.

Ngechuchu rũ tupauca ga taxũnewa ñanawoxũ ga yema duũxũgũ ga yema taxegũxũ

(Mt 21.12-13; Mr 11.15-18; Lc 19.45-46)

¹³ Rũ toma ga Yudiũgũ rũ marũ ningaica ga torũ peta ga Üpetũchiga. Rũ yemacèx ga Ngechuchu rũ Yerucharéũwa naxũ.

¹⁴ Rũ yexma tupauca ga taxũnegu nũxũ nayangau ga duũxũgũ ga yema norũ wocagũmaã rũ carnerugũmaã rũ muxtucugũmaã taxegũxũ. Rũ yema nũxũ nadau ta ga duũxũgũ ga norũ taxechicawa rũtogũxũ rũ Tupanaarũ ãmarewa mexũ ga diẽrumaã yema taxegũxũ.

¹⁵ Rũ yexguma yemaxũ nadèuxgu ga Ngechuchu, rũ nanaxũ ga wũxi ga cũaixruũ ga naxchèxmũnaxcèx. Rũ yemamaã tupauca ga taxũnewa ñanawoxũ ga yema duũxũgũ guxũma ga norũ carnerugũmaã rũ wocagũmaã. Rũ yema diẽrucèx taxegũxũrũ diẽru rũ ngĩxũ narũwoũ ñaxtũanegu. Rũ norũ mechagũ rũ ta nũxũ nawoneta.

¹⁶ Rũ yema muxtucugũmaã taxegũxũxũ ñanagũrũ: —Ípeyana i ngẽma perũ muxtucugũ i nuã! Tama name i taxepataũxũ peyaxĩxèe ya daa Chaunatũpata —ñanagũrũ.

¹⁷ Rũ yexguma ga toma ga norũ ngũexũgũ rũ nũxna tacuèxãchie ga nuxcũmaũxũ ga umatũxũ ga ñaxũ:

“Duũxũgũ rũ tá chauxchi naxaie erũ chanachuxu i tacũ i chixexũ na naxũgũxũ i Tupanapatawa”, ñaxũ.

¹⁸ Rũ yexguma ga yema ãèxgacũgũ rũ Ngechuchuna nacagũ, rũ ñanagũrũgũ: —¿Tacũ rũ cuèxruũxũ toxũ cudauxèe na nawa nũxũ tacuáxũcèx na aixcũma Tupana yĩxũ ya cuxũ mucũ na ícunawoxũxũcèx i ñaã duũxũgũ i nuã? —ñanagũrũgũ.

¹⁹ Rũ Ngechuchu nanangãxũ, rũ ñanagũrũ: —¡Nagu pepogũe ya daa tupauca ya taxũne! Rũ choma rũ tomaèxpũx i ngunexũgu rũ tá wena íchanadaxèe —ñanagũrũ.

²⁰ Rũ yexguma ga yema ãèxgacũgũ rũ nanangãxũgũ, rũ ñanagũrũgũ: —Rũ 46 ga taunecũ nawa napuracũe ga duũxũgũ na naxũgũáxũcèx ga daa tupauca ya taxũne. ¿Rũ ñuxãcũ tá i cuma i tomaèxpũx i ngunexũ tátama wena ícunadaxèexũ? —ñanagũrũgũ.

21 Natürü guma Tupanapata ga Ngechuchu nachiga idexane rü naxünechigatama nixi.

22 Rü yemacèx ga toma ga norü ngúexüğü, rü yexguma Ngechuchu yuwa írüdaxgu, rü nüxna tacuèxächie ga yema ore ga Ngechuchu nüxü ixuxü. Rü aixcüma tayaxögü ga yema ore ga nüxü yaxuxü rü yema Tupanaärü ore ga nuxcümaüğüxü ga orearü uruüğü Ngechuchuchigagu ümatüğüxü.

Ngechuchu rü nüxü nacuèx i guxüma i duüxüğü

23 Rü yexguma Ngechuchu Üpetüchigaarü petacèx Yerucharéüwa yexmagu, rü muxüma ga duüxüğü rü nüxü nayaxögü, yerü nüxü nadaugü ga yema taxü ga mexüğü ga Tupanaärü poramaä naxüxü.

24 Natürü ga nüma ga Ngechuchu rü tama yema duüxügümèxèwa nüğü nayexmaxèèchaü, yerü woetama marü nüxü nacuèx ga tacügu na naxinüèxü ga guxüma ga yema duüxüğü.

25 Rü yemacèx ga nüma rü taxucèxma texé namaä nüxü tixu na tacügu naxinüèxü ga yema duüxüğü. Yerü nümatama marü nüxü nacuèx ga tacügu na naxinüèxü ga naäèwa ga wüxichigü.

3

Ngechuchuxütagu nanaxüäne ga Nicodému

1 Nayexma ga wüxi ga Parichéu ga Nicodémugu äegacü. Rü nüma rü wüxi ga äèxgacü ga nüxü nangechaügücü nixi ga Yudiügütanüwa.

2 Rü guma Nicodému rü Ngechuchuxütagu nanaxüäne ga chütacü. Rü ñanagürü Ngechuchuxü: —Pa Ngúexèeruüx, toma nüxü tacuèx na aixcüma Tupana núma cuxü muxü na toxü cungúexèèxüçèx. Erü taxucürüwa texé cuxrüü tanaxü i ngèma taxü i mexüğü i Tupanaärü poramaä üxü, ega tama Tupana tümaxütawa ngèxmagu —ñanagürü.

3 Rü Ngechuchu nanangäxü rü ñanagürü nüxü: —Aixcüma cumaä nüxü chixu, rü yíxema tama wenaxärü buxe rü taxucürüwama Tupana äèxgacü íixüüwa tangu —ñanagürü.

4 Rü Nicodému rü Ngechuchuna naca, rü ñanagürü nüxü: —¿Natürü ñuxäcü i wüxi i yatü i marü yaxü i wena nabuxü? ¿Éxna wena naäñügu naxücuxü rü ngèmaäcü wena nabuxü? —ñanagürü.

5 Rü Ngechuchu nanangäxü rü ñanagürü: —Rü aixcüma cumaä nüxü chixu rü yíxema tama nüxü rüxoxe i tümaärü pecadu rü tama Tupanaäe i Üünexüwa nayaxúxe i maxü i ngexwacaxüxü, rü taxucürüwama Tupana äèxgacü íixüüwa tichocu

6 —Yíxema duüxüwa buxe rü duüxütama tixi. Natürü yíxema Naäe i Üünexüwa nayaxúxe i maxü i ngexwacaxüxü, rü Tupanaxäcü tixi.

7 —¿Täütáma cubaixächiaè na cumaä nüxü chixuxü na Tupana naxwèxèxü na guxüma i duüxüğü rü wena nabuexü!

8 —Ya buanecü rü nüma ínanaxwèxèxüwa nabu. Rü nüxü cuxinü i naga, natürü tama nüxü cucuèx na ngextáama ne naxüxü rü ngextáama na naxüxü. Rü ngèxgumarüü ta tixüğü ya guxáma ya yíxema Naäe i Üünexüwa nayaxúxe i maxü i ngexwacaxüxü —ñanagürü.

9 Rü Nicodému wenaxärü Ngechuchuna naca, rü ñanagürü: —¿Natürü ñuxäcü nixi i ngèma? —ñanagürü.

10 Rŭ Ngechuchu nanangãxŭ, rŭ ñanagŭrŭ nŭxŭ: —Cuma rŭ Yudiŭgŭarŭ ngŭexẽerŭi i nŭxŭ cuáxŭ quixŭ. ¿Rŭ ñuxãcŭ chi i cuma i tama nŭxŭ cucuáxŭ i ngẽma?

11 —Aixcŭma cumaã nŭxŭ chixu rŭ toma rŭ namaã tidexagŭ i ngẽma nŭxŭ tacuáxŭ. Rŭ norŭ uruŭ tixŭgŭ i ngẽma nŭxŭ tadaugŭxŭ. Natŭrŭ pema rŭ tama toxŭ peyaxŭgŭ i ngẽma pemaã nŭxŭ tixuxŭ.

12 —Rŭ ñuxma na tama choxŭ peyaxŭgŭxŭ i ngẽma pemaã nŭxŭ chixuxŭ i ñoma i naãneãrŭ ngẽmaxŭchiga, rŭ ¿ñuxãcŭ tá peyaxŭgŭxŭ ega pemaã nŭxŭ chixuxgu i daxŭgŭxŭ i naãneãrŭ ngẽmaxŭchiga?

13 —Taguma texé daxŭgŭxŭ i naãnewa taxŭ. Natŭrŭ i choma i Tupana Nane na duŭxŭxŭ chiŭxŭ, rŭ chaxicatama nixŭ i ngema ne chaxŭxŭ rŭ ngema tá chaxŭxŭ.

14-15 —Pema nŭxŭ pecuèx ga ñuxãcŭ nuxcŭmaxŭchima yema nachica ga ngextá taxúema Íxãpataxŭwa, rŭ Moíché wŭxi ga naŭgu nanaxŭnagŭ ga yema áxtape ga díerumŭnaxcèx. Rŭ ngẽxgumarŭ tá ta i choma i Tupana Nane i duŭxŭxŭ chiŭxŭ, rŭ wŭxi i naŭgu tá choxŭ naxŭnagŭgŭ i duŭxŭgŭ na guxãma ya texé ya choxŭ yaxŭgŭxe rŭ tŭxŭ nangẽxmaxŭcèx i maxŭ i taguma gŭxŭ.

Tupana rŭ poraãcŭ nŭxŭ nangechaŭ i ñoma i naãnecŭãx

16 —Rŭ Tupana rŭ poraãcŭ nŭxŭ nangechaŭ i ñoma i naãnecŭãx i duŭxŭgŭ. Rŭ yemacèx inanamu ga Nane ga nŭgŭmaã wŭxicacŭ na guxãma ya texé ya nŭxŭ yaxŭgŭxe rŭ tama itarŭtauxexŭcèx rŭ tŭxŭ nangẽxmaxŭcèx i maxŭ i taguma gŭxŭ.

17 —Yerŭ ga Tupana rŭ tama ñoma ga naãnewa nanamu ga Nane na duŭxŭgŭmaã naxueguãxŭcèx na napoxcuexŭ. Natŭrŭ nŭma nanamu na namaxẽxẽãxŭcèx i duŭxŭgŭ.

18 —Rŭ yŭxema Tupana Naneãxŭ yaxŭxẽ, rŭ Tupana rŭ tama tŭmamaã nanaxuegu na tapoxcuxŭ. Natŭrŭ yŭxema tama nŭxŭ yaxŭxẽ, rŭ marŭ tŭmamaã nanaxuegu na tapoxcuxŭ, erŭ tama nŭxŭ tayaxó ya yima Tupana Nane ya nŭgŭmaã wŭxicacŭ.

19 —Rŭ yŭxema tama nŭxŭ yaxŭgŭxe, rŭ Tupana rŭ marŭ tŭmamaã nanaxuegu na tapoxcuexŭ. Yerŭ yexguma ñoma ga naãnewa nanguxgu ga Tupana Nane ya duŭxŭgŭarŭ ngóonexẽerŭ, rŭ tama nawa tarŭxŭchaŭ. Natŭrŭ yexera tŭmaãrŭ me nixŭ ga eãnexŭwaama na tayexmagŭxŭ, yerŭ chixexŭ taxŭgŭ.

20 —Guxãma ya yŭxema chixexŭ ŭgŭxe rŭ naxchi taxaie i ngóonexŭ. Rŭ tama nŭxna tangaicamagŭchaŭ erŭ tama tanaxwẽxe na nangóxŭ i ngẽma chixexŭ i ítaxŭgŭxŭ.

21 —Natŭrŭ yŭxema aixcŭma Tupanaãrŭ ore nŭxŭ ixuxŭãcŭma meã maxẽxẽ rŭ nŭxna tangaicama i ngẽma ngóonexŭ. Rŭ ngẽmaãcŭ tanaxŭ na meã nangóxŭcèx na Tupanaãrŭ ngŭchaŭãcŭma na yŭxŭ i guxŭma i ngẽma taxŭgŭxŭ —ñanagŭrŭ.

Cuáŭ ga baiŭxẽerŭ rŭ wenaxãrŭ nŭxŭ nixu ga Ngechuchuchiga

22 Rŭ yemawena rŭ tomaã Yudéanewa naxŭ ga Ngechuchu. Rŭ ñuxre ga ngunexŭ tomaã yéma nayexma rŭ yéma duŭxŭgŭxŭ ítabaiŭxẽẽgŭ.

23 Rŭ Cuáŭ ga baiŭxẽerŭ rŭ Enóãrŭ íãnewa ga Charŭarŭ ngaicamana rŭ ínanabaiŭxẽẽ ta ga duŭxŭgŭ yerŭ yéma nayexma ga taxŭ ga dexá. Rŭ yema yéma íngugëtanŭxŭ ga duŭxŭgŭ, rŭ Cuáŭ ínayabaiŭxẽẽtanŭ.

24 Rŭ yemaãcŭ nangupetŭ naxŭpa ga na poxcupataŭgu yatèxcuchixŭ ga Cuáŭ.

²⁵ Rũ yexguma rũ ñuxre ga norũ ngúexũgũ ga Cuáũ, rũ wũxi ga Yudíumaã niporagatanũcũũ nachiga ga nacũmagũ na ñuxãcũ namexũ na Tupanacèx nũgũ yamexèègũxũ ga duũxũgũ.

²⁶ Rũ Cuáũmaã nũxũ nayarũxugũe, rũ ñanagũrũgũ: —Pa Ngúexèèruũx, dũcax guma yatũ ga tomaã nũxũ quixucũ rũ cumaã yexmacũ ga natũ i Yudáũrũ tocutũwa, rũ yima rũ ñuxma rũ duũxũgũxũ ínabaiũxèè, rũ guxũma i duũxũgũ rũ nawe narũxĩ —ñanagũrũgũ.

²⁷ Rũ Cuáũ nanangãxũ rũ ñanagũrũ nũxũ: —Taxúema ñacũ tũxũ nangèxma ega Tupana tama tũxna naxãxgu.

²⁸ —Pematama rũ marũ choxũ pexĩnũè ga yexguma ñachagu:

“Choma rũ tama Cristu chixĩ. Natũrũ choma chixĩ i Tupana yima Cristupèxegu choxũ imuxũ na nũxũ chixuxũcèx i nachiga”, ñachagu.

²⁹ —Rũ wũxi i ngĩgũwa rũ yima yatũ ya ingĩcũ rũ naxmèxãrũ yora nixĩ. Rũ yima yatũmũcũ i naxũtawa ngèxmaxũ rũ nũxũ inarũxĩnũ i norũ ore. Rũ nataãè i ngèxguma nũxũ naxĩnũgu i ngèma na yadexaxũ. Rũ ngèxgumarũũ i choma rũ aixcũma Cristumaã chataãèxũchi i ñuxmax.

³⁰ —Nũma rũ tá nixĩnagũchigũ na ãèxgacũ yĩixũ, natũrũ i choma rũ tá ícharũxĩchigũ.

Yima daxũwa ne ùxcũchiga

³¹ —Rũ yima Cristu ya daxũwa ne ùxcũ rũ guxãètũwa nangèxma. Natũrũ i choma rũ ñoma i naãnewa changèxma, rũ ñoma i naãnecũãx chixĩ, rũ ngèma ñoma i naãnewa ngèxmaxũchigaxũ chixu. Natũrũ i nũma ya Cristu ya daxũwa ne ùxcũ, rũ guxãètũwa nangèxma.

³² —Rũ nũma rũ tamaã nũxũ nixuchiga ga yema nũxũ nadauxũ rũ nũxũ naxĩnũxũ. Natũrũ noxretama nũxũ nayaxõgũ i ngèma nũxũ yaxuxũ.

³³ —Natũrũ ngèxguma texé nũxũ yaxõxgu i norũ ore, rũ ngèmaãcũ tanangoxèè na aixcũma yĩixũ i ngèma Tupana nũxũ ixuxũ.

³⁴ —Rũ yima Tupana nũma namucũ, rũ Tupanaãrũ orexũ nixu. Erũ Tupana rũ nũxna nanamu i Naãè i Ûũnexũ na guxũguma naxũtawa nangèxmaxũcèx.

³⁵ —Rũ Tanatũ ya Tupana rũ Nanexũ nangechaũ. Rũ ngèmacèx marũ naxmèxwa nanangèxmaxèè i guxũma i ñacũ i ngèxmaxũ.

³⁶ —Rũ yixema Tupana Naneãxũ yaxõxè rũ tũxũ nangèxma i maxũ i taguma gũxũ. Natũrũ yixema tama nũxũ yaxõxchaũxè ya Tupana Nane, rũ tãũtãma tũxũ nangèxma i ngèma maxũ i taguma gũxũ. Natũrũ tá tanayaxu i ngèma ãũcũmaxũ i poxcũ i Tupana tá namaã tũxũ poxcuxũ —ñanagũrũ ga Cuáũ ga baiũxèèruũ.

4

Ngechuchu rũ Chamãriaanecũãx ga ngecũ

¹ Rũ Parichéugũ rũ nũxũ nacuáchigagũ ga Ngechuchu rũ Cuáũrũ yexera nũxũ na nayexmaxũ ga norũ ngúexũgũ, rũ norũ yexera duũxũgũxũ na ínabaiũxèèxũ.

² Natũrũ tama Ngechuchu nixĩ ga ínabaiũxèècũ ga duũxũgũ. Rũ toma ga norũ ngúexũgũ tixĩ ga tanaxũxũ ga yema.

³ Rũ yexguma Ngechuchu nũxũ ínũgu ga Parichéugũ rũ nachigagu na yadexagũxũ, rũ yéma Yudéaanewa ítachoxũ na Gariréaanecèx tawoeguxũ.

⁴ Natũrũ ga yema nama ga nagu tawoeguxũ rũ Chamãriaanewa nadapetũ.

⁵ Rũ yemacèx ga toma rũ nawa tangugũ ga wũxi ga Chamáriaaneãrũ ãne ga Chicaru. Rũ guma ãneãrũ ngaicamana nayexma ga yema naãne ga nuxcũmaũcũ ga Acobuaxũ yexmaxũ rũ yixcama rũ nane ga Yũchena naxãxũ.

⁶ Rũ yẽma nayexma ga wũxi ga puchu ga duũxũgũ dexácèx ãxaixmaũgũcũ ga Acobuarũ Puchugu ãegacũ. Rũ poraãcũ nipa ga Ngechuchu ga namagu na yaxũxũ. Rũ yemacèx guma puchuxũtawa nayarũtoõchi. Rũ tocuchiwa nanguxchaũ ga yexguma.

⁷⁻⁸ Rũ toma ga norũ ngũexũgũ rũ guma ãnẽwa taxĩ na torũ õnacèx tayatax-egũxũcèx. Rũ towena yẽma ingu ga wũxi ga ngecũ ga Chamáriaaneãũãx ga guma puchuwa dexãwa ùcũ. Rũ Ngechuchu rũ ñanagũrũ ngĩxũ: —jĩraxũ i dexã choxna naxã! —ñanagũrũ.

⁹ Natũrũ ga yema nge rũ ãbaixãchiãẽ yerũ ga Yudiũgũ rũ Chamáriaaneãũãxgũmaã nũgũchi naxaie rũ yemacèx ga yema nge rũ inangãxũ rũ ngĩgũrũgũ nũxũ: —¿Nuxãcũ i cuma na Yudiũ quĩxũ i dexácèx choxna cuçaxũ i choma na Chamáriaaneãũãx chiĩxũ? —ngĩgũrũgũ.

¹⁰ Rũ Ngechuchu ngĩxũ nangãxũ, rũ ñanagũrũ: —Ngẽxguma chi nũxũ cucuèxgu i ngẽma mexũ i Tupana cuxna ãxchaũxũ, rũ chi nũxũ cucuèxgu na texé yĩxũ ya yima dexã cuxna taçacũ, rũ cuma rũ chi nũxnata cuca i dexã i maxũ nawa ngẽxmaxũ rũ nũma rũ chi cuxna nanaxã i ngẽma dexã —ñanagũrũ.

¹¹ Rũ yema ngecũ inangãxũ, rũ ngĩgũrũgũ nũxũ: —Pa Corix, ¿ñuxãcũ tá i dexãta cuyaxu? Erũ daa puchu rũ namátamaxũchi rũ cuxũ nataxuma na tacũmaã Cunayaxũcèx i dexã. ¿Rũ nexatã tá i Cunayaxuxũ i ngẽma dexã i maxũ nawa ngẽxmaxũ na choxna Cunaxãxũcèx?

¹² —Nuxcũmaũcũ ga tórũ õxi ga Acobu toxçèx nũma Chamáriaanewa nanatèx ga daa puchu. Rũ gumawa nixĩ ga naxaxexũ ga nũma rũ nanegũ rũ norũ wocagũ. ¿Rũ ñuxãcũ chi i cuma i norũ yexera quĩxũ? —ngĩgũrũgũ.

¹³ Rũ Ngechuchu ngĩxũ nangãxũ, rũ ñanagũrũ: —Rũ guxãma ya texé ya daa pucharũ dexãwa axexe, rũ wena táxarũ tiřawa.

¹⁴ —Natũrũ texé ya yĩxema choma tũxna chaxãxũ i dexãwa axexe, rũ tagutãma wena tiřawa. Erũ ngẽma dexã i choma tũxna chaxãxũ rũ wũxi ya puchu ya guxũguma ibaiyecũrũũ tá nixĩ i tũmawa, erũ ngẽma dexãwa nangẽxma i maxũ i taguma gũxũ —ñanagũrũ.

¹⁵ Rũ ngĩma ga yema nge rũ inangãxũ rũ ngĩgũrũgũ: —Pa Corix, jchoxna naxã i ngẽma dexã na taguma wena chĩřawaxũcèx, rũ taguma wena daa puchuwa dexãwa chaxũxũcèx! —ngĩgũrũgũ.

¹⁶ Rũ Ngechuchu ñanagũrũ ngĩxũ: —jĩyadau ya cute, rũ naxcèx yaca, rũ nuã pexĩ! —ñanagũrũ.

¹⁷ Rũ yema ngecũ rũ inangãxũ, rũ ngĩgũrũgũ nũxũ: —Nataxuma ya chaute —ngĩgũrũgũ. Rũ Ngechuchu ñanagũrũ ngĩxũ: —Aixcũma nixĩ i ngẽma nũxũ quixuxũ na nataxuũma ya cute.

¹⁸ —Yerũ wũximẽẽxpũxchirèx nixĩ ga cute, rũ yima ñuxma cuxũtawa ngẽxmacũ rũ tama aixcũma cutexũchi nixĩ. Rũ ngẽmacèx aixcũma nixĩ i curũ ore i chomaã nũxũ quixuxũ —ñanagũrũ.

¹⁹ Rũ yexguma yemaxũ naxĩnũgu ga yema ngecũ, rũ ngĩgũrũgũ: —Pa Corix, nũxũ chicuèxãchi rũ cuma rũ wũxi i Tupanaãrũ orearũ uruũ quixĩ.

²⁰ —Nuxcũmaũgũxũ ga torũ õxigũ ga Chamáriaaneãũãxgũ rũ daa mẽxpũne ga Garachĩũwa Tupanaxũ nicuèxũũgũ. Natũrũ i pema i Yudiũgũ rũ ñaperũgũgũ:

“Rü YerucharéŦ nixi i nachica i mexŦ i ngextá TupanaxŦ ticuèxŦüügŦ”, ñaperüügŦ.

21-22 Rü Ngechuchu ngixŦ nangaxŦ rü ñanagürü: –Pema i ChamáriaanecŦäxgŦ rü tama aixcŦma nüxŦ pecuèxgŦ ya yima nüxŦ picuèxŦüügŦ. Natürü toma i YudiügŦ rü aixcŦma nüxŦ tacuèx ya yima nüxŦ ticuèxŦüügŦ, erü YudiügŦyagu nixi i Tupana namaxèèxŦ i guxŦma i duixŦgŦ. ¡ChoxŦ yaxô, Pa NgecŦ! Rü aixcŦma ínangu tá i ngunexŦ na táütáma daa mèxpŦnewa rü éxna YerucharéŦwa tá nüxŦ na picuèxŦüügŦxŦ ya Tanatü ya Tupana.

23 –Erü yixema aixcŦma TupanaxŦ icuèxŦüügŦe rü nüetama nixi i ngèxŦrüxŦmare i nachicawa TupanaxŦ ticuèxŦüügŦ. Erü ñuxma rü ngéma Naäe i ÜünexŦ naxwèxexŦ nixi na guxŦma i tümaäémaä rü tümaärü maxŦmaä aixcŦma TupanaxŦ ticuèxŦüügŦxŦ. Rü ngémaäcŦ nixi i nanaxwèxexŦ ya Tanatü na nüxŦ ticuèxŦüügŦxŦ.

24 –Erü Tupana rü wüxi i Naäe nixi. Rü ngémacèx yixema texé ya nüxŦ icuèxŦüügŦe rü tanaxwèxe i guxŦma i tümaäémaä rü tümaärü maxŦmaä na aixcŦma nüxŦ ticuèxŦüügŦxŦ, ngéma Naäe i ÜünexŦ naxwèxexŦäcŦma –ñanagürü.

25 Rü yema ngecŦ inangaxŦ rü ngigürügŦ: –Choma nüxŦ chacuèx rü tá ñoma i naänewa nangu ya yima Cristu ya Tupana nüxŦ unetacŦ. Rü ngèxguma yima núma üxgu rü tá tamaä nanangoxèè i guxŦma i Tupanachiga –ngigürügŦ.

26 Rü Ngechuchu rü ñanagürü ngixŦ: –Choma na cumaä chidexaxŦ, rü yima chixi –ñanagürü.

27 Rü yexguma íyadexayane rü ítangugŦ ga toma ga norü ngüexŦgŦ. Rü tabaixächiaägŦ yerü ga Ngechuchu rü wüxi ga ngecŦmaä ínidexa. Natürü taxüema ga toma rü togü taporaxèè ga nüxna na tacagŦxŦ ga tacŦ ngímaä na nanaxwèxexŦ rü tacŦchiga yixŦ ga ngímaä na íyadexaxŦ.

28 Rü yexguma ga yema ngecŦ rü yéma ngixŦ itèx ga ngirü tüxŦ. Rü íänewa ixŦ na duixŦgŦmaä nüxŦ yanaxuxŦcèx.

29 Rü ngigürügŦ: –¡Ngixä rü ítayadaugŦ i wüxi i yatü i chomaä nüxŦ ixuxŦ ga guxŦma ga tacŦ ga chaxŦxŦ! ¿Taux éxna yima yixŦ ya Cristu? –ngigürügŦ.

30 Rü inaxiächi ga yema íänecŦäx, rü Ngechuchu íyexmaxŦwa naxi.

31 Rü yoxni ga toma ga norü ngüexŦgŦ rü NgechuchuxŦ tachixewegŦ na nachibüxŦcèx.

32 Natürü ga nüma rü ñanagürü toxŦ: –Choma rü choxŦ nangèxma i chowemü i pema tama nüxŦ pecuáxŦ –ñanagürü.

33 Rü yexguma ga toma ga norü ngüexŦgŦ rü togüna tacagŦe, rü ñatarüügŦ: –Bexmana marü ¿texé nuä tanange i nawemü? –ñatarüügŦ.

34 Natürü ga Ngechuchu rü ñanagürü toxŦ: –Ngéma ôna i choxŦ poraxèèxŦ nixi na chanaxŦxŦ i norü ngücháŦ ya yima nuä choxŦ mucŦ ya Chaunatu, rü na chayanguxèèxŦ i norü puracŦ.

35 –Rü pema rü ñaperüügŦ:

“Rü ägümücŦ ya tauemacŦ nataxu na yabuxgŦxŦ i trigu”, ñaperüügŦ. Natürü i choma rü ñacharügŦ pexŦ:

“¡Dücèx, rü meä penangugŦ i duixŦgŦ! Erü marü ínamegŦ na TupanaxŦ nayauxgŦxŦcèx, ngèxgumarü i wüxi i trigunecŦ i marü nawa nanguxŦ na yabuxgŦxŦ erü marü nidau”.

36 –Rü yíxema Tupanacèx nadexe i duũxũgũ rü tá tanayaxu i tũmaãrũ natanũ. Rü guxũma i ngẽma duũxũgũ i tũxũ irũxĩnũẽxũ rü tá nanayauxgũ i maxũ i taguma gũxũ. Rü ngẽmaãcũ rü wũxigu tá tataãgũ ya yíxema tũxira ngẽma duũxũgũmaã Tupanaãrũ orexũ ixuxe rü yíxema yíxcama ngẽma duũxũgũxũ Tupanacèx dexe.

37 –Rü aixcũma nixĩ i ngẽma ore i ñaxũ:

“Wũxie tixĩ ya namaã toexe i trigu rü toge tixĩ ya yíxema yabuxgũxe i norũ o”, ñaxũ. [Rü ngẽxgumarũ rü wũxie tixĩ ya tũxira duũxũgũmaã nũxũ ixuxe i Tupanaãrũ ore, rü toge tixĩ ya yíxcama ngẽma duũxũgũxũ dexe Tupanacèx.]

38 –Rü noxri rü togũ nixĩ ga duũxũgũmaã nũxũ ixuxũ ga Tupanaãrũ ore, natũrũ ga duũxũgũ rü tama nayaxõgũ ga yexguma. Rü yemawena rü pexũ chamu na yema duũxũgũmaã nũxũ pixuxõcèx ga yema ore. Rü pema nixĩ ga yema duũxũgũxũ pedexũ Tupanacèx, yerũ nayaxõgũ ga yexguma namaã nũxũ pixuxgu ga yema ore. Rü yemaãcũ ga pema rü marũ peyoxniẽ nawa ga togũarũ puracũ –ñanagũrũ.

39 Rü muxũma ga guma Chamãriaanewa yexmane ga ñãnecũãx rü Ngechuchuaxũ nayaxõgũ, yerũ nũxũ nayaxõgũ ga yema ore ga yema ngecũ namaã nũxũ ixuxũ ga yexguma ngĩxgu:

“Guxũma ga tacũ ga ũpa chaxũxũ rü chomaã nũxũ nixu” ngĩxgu.

40 Rü yemacèx ga yema Chamãriaanecũãxgũ rü yexguma Ngechuchuxũtawa nangugũgu rü nũxũ nacèxũgũ ga yexma natanũgu na naxãũxõcèx. Rü taxre ga ngunexũ yexma natanũgu narũxãũx ga Ngechuchu.

41 Rü muxũma ga togũamachigũ ga Chamãriaanecũãxgũ rü Ngechuchuaxũ nayaxõgũ ga yexguma nũxũ naxĩnũẽgu ga yema norũ ore ga nũmatama nũxũ yaxuxũ.

42 Rü yexguma ga yema duũxũgũ rü ñanagũrũgũ ngĩxũ ga yema ngecũ: –Ñuxma waxi nixĩ i aixcũma nũxũ tayaxõgũxũ erũ tomatama nũxũ taxĩnũẽ i ngẽma norũ ore i tomaã nũxũ yaxuxũ. Rü ngẽmawa nũxũ tacuèx na aixcũma yima yĩxũ ya Cristu ya ñoma i naãnecũãx i duũxũgũarũ maxẽxẽruũ. Rü tama ngẽma cuma tomaã nũxũ quixuxũcèxicatama tayaxõgũ –ñanagũrũgũ.

Ngechuchu rü nanamexẽẽ ga wũxi ga ãẽxgacũ nane

43 Rü taxre ga ngunexũguwena ga Ngechuchu rü tomaã inaxũãchi ga Chamãriaanewa na Garirẽaanewa naxũxõcèx.

44 Rü nũmatama ga Ngechuchu ga ũpaacũ rü ñanagũrũ: –Wũxi i Tupanaãrũ orearũ uruũ, rü norũ naãnewatama i duũxũgũ rü tama meã nanayauxgũ –ñanagũrũ.

45 Natũrũ yexguma Garirẽaanewa tangugũgu, rü yema naãnecũãx ga duũxũgũ rü meãma nanayauxgũ. Yerũ nũmagũ ga yema naãnecũãxgũ rü Yerucharẽũwa naxĩ ta naxcèx ga Ũpetũchigaarũ peta, rü yẽma nũxũ nadaugũ ga yema taxũ ga mexũgũ ga Tupanaãrũ poramaã naxũxũ ga Ngechuchu ga yexguma.

46 Rü ga Ngechuchu rü tomaã nataegu naxcèx ga guma ñãne ga Caná ga Garirẽaanewa yexmane. Rü guma ñãnema nixĩ ga binuxũ nanguxuchixẽẽãxũ ga dexá. Rü ñãne ga Capernãũwa nayexma ga wũxi ga tacũ ga ãẽxgacũ, rü nidaawe ga wũxi ga nane.

47 Rü yexguma guma ãẽxgacũ nũxũ cuáchigagu ga Ngechuchu rü Garirẽaanewa na nanguxũ ga Yudẽaanewa na ne naxũxũ, rü naxũtawa naxũ. Rü nũxũ nayacèxũ na napatawa naxũxõcèx, rü naxcèx na yanataanexẽẽãxõcèx ga guma nane ga marũ turaxũchicũ.

48 Rŭ Ngechuchu nanangãxŭ, rŭ ñanagŭrŭ nŭxŭ: —Pema rŭ tama peyaxŏgŭ ega tama nŭxŭ pedauxiragu i taxŭ i cuèxruŭgŭ i Tupanaãrŭ poramaã ŭxŭ —ñanagŭrŭ.

49 Natŭrŭ ga guma ãèxgacŭ rŭ ñanagŭrŭ nŭxŭ: —Pa Corix, ipaxa chowe rŭxŭ naxŭpa na nayuxŭ ya chaune! —ñanagŭrŭ.

50 Rŭ Ngechuchu nanangãxŭ rŭ ñanagŭrŭ nŭxŭ: —¡Nataegu i cupatawa! Erŭ cune rŭ marŭ naxcèx nitaane —ñanagŭrŭ. Rŭ guma yatŭ rŭ nayaxŏ ga yema ore ga Ngechuchu namaã nŭxŭ ixuxŭ. Rŭ napatacèx nataegu.

51 Rŭ yexguma napatawa nanguxchaŭgu ga guma ãèxgacŭ, rŭ norŭ duŭxŭgŭ napèxegu nayayi, rŭ ñanagŭrŭgŭ nŭxŭ: —Cune rŭ marŭ naxcèx nitaane —ñanagŭrŭgŭ.

52 Rŭ yexguma rŭ norŭ duŭxŭgŭna naca, rŭ ñanagŭrŭ nŭxŭ: —¿Tacŭ rŭ oragu inaxŭgŭxŭ na naxcèx yataanexŭ? —ñanagŭrŭ. Rŭ yema norŭ duŭxŭgŭ nanangãxŭ rŭ ñanagŭrŭgŭ: —Ñe tocuchiguwena nixŭ ga nŭxŭ nangupetŭxŭ ga na yaxaxŭnèxŭ —ñanagŭrŭgŭ.

53 Rŭ guma bucŭ nanatŭ rŭ nŭxna nacuèxãchi ga yema oragu na yŭxŭ ga Ngechuchu ga ñaxŭ nŭxŭ:

“Cune rŭ marŭ naxcèx nitaane” ñaxŭ. Rŭ nŭma ga guma ãèxgacŭ rŭ guxŭma ga napatacŭãx rŭ Ngechuchuxŭ nayaxŏgŭ.

54 Rŭ yexguma Yudéanewa ne naxŭxgu ga Ngechuchu, rŭ yema nixŭ ga norŭ taxre ga cuèxruŭ ga taxŭ ga Tupanaãrŭ poramaã duŭxŭgŭxŭ nawéxŭ ga Gariréanewa.

5

Ngechuchu rŭ nanamexèè ga wŭxi ga yatŭ ga idaawexŭ ga Betechawa yexmaxŭ

1 Rŭ ñuxre ga ngunexŭgŭ ngupetŭguwena rŭ nayexma ga wŭxi ga peta ga Yudiŭgŭ auregŭxŭ na yemaãcŭ Tupanaxŭ yacuèxŭgŭxŭcèx. Rŭ yemacèx ga Ngechuchu rŭ Yerucharéŭcèx nataegu.

2 Rŭ guma ñãneãrŭ poxeguxŭ rŭ nŭxŭ nayexma ga wŭxi ga ñãx ga Carneruarŭ Choxŭchicagu ãegaxŭ. Rŭ yema ñãxãrŭ ngaicamana nayexma ga wŭxi ga puchu ga Yudiŭgŭgawa Betechagu ãegaxŭ. Rŭ guma puchuanacŭwa nayexma ga wŭximèèxpŭx ga chopetŭchica ga ãxpataŭetŭgŭxŭ.

3 Rŭ yema chopetŭchicagu nacagŭ ga muxŭma ga duŭxŭgŭ ga idaaweexŭ. Rŭ nŭmaxŭ rŭ nangexetŭgŭ, rŭ togŭ rŭ nachixeparagŭ, rŭ togŭ rŭ nanawãixãchigŭ. Rŭ yema idaaweexŭ rŭ yéma nananguxèègŭ ga guma puchu ga na naxŭãxãchichiŭcèx.

4 Yerŭ ñuxgacŭ rŭ guma puchugu ñnarŭxŭxŭ ga wŭxi ga daxŭcŭãx ga Tupanaãrŭ orearŭ ngeruŭ, rŭ nayaxŭãxchiŭcŭxŭxŭ. Rŭ guxema tŭxira tŭgŭ yéma tãxe nachiŭwa ga guma puchu ga yexguma yaxŭãxchiŭcŭgu, rŭ tŭmacèx nitaane woo ga ngèxŭrŭŭmare ga ãaawe tŭxŭ yexmaxè.

5 Rŭ yéma natanŭwa nayexma ga wŭxi ga yatŭ ga marŭ 38 ga taunecŭ idaawecŭ.

6 Rŭ yexguma Ngechuchu nŭxŭ dèuxgu ga guma yatŭ ga yexma na nacaxŭ, rŭ nŭxŭ nacuãchiga ga marŭ mucŭma ga taunecŭ na yaãaawexŭ. Rŭ yemacèx nŭxna naca rŭ ñanagŭrŭ nŭxŭ: —¿Cunaxwèxexŭ i cuxcèx na yataanexŭ? —ñanagŭrŭ.

7 Rŭ Ngechuchuxŭ nangãxŭ ga guma idaawecŭ, rŭ ñanagŭrŭ: —Pa Corix, tataxuma ya texè ya choxŭ rŭngŭxèèxè na ngema choxŭ tatãexŭcèx i

ngëxguma naxĩãxãchichiũgu ya daa puchu. Rũ guxũguma i ngëxguma ngema chaugũ chatáechaũgu, rũ yoxni i togũ rũ marũ nũxĩra nũgũ ngema natáegũ —ñanagũrũ.

⁸ Rũ Ngechuchu rũ ñanagũrũ nũxũ: —¡Inachi, rũ nayaxu i curũ caruũ, rũ íixũ! —ñanagũrũ.

⁹⁻¹⁰ Rũ yexgumatama naxcèx nitaane ga guma yatũ. Rũ nanayaxu ga norũ caruũ, rũ ínixũ. Natũrũ ga yema ngunexũ rũ ngũxchigaarũ ngunexũ nixĩ. Rũ yemacèx ga yemacũãxgũ ga Yudiũgũarũ ãëxgacũgũ rũ ñanagũrũgũ nũxũ ga guma yatũ ga naxcèx itaanecũ: —Ñoma nixĩ i ngũxchigaarũ ngunexũ. Rũ ngëmácèx nachuxu nixĩ na cuyangexũ i curũ caruũ erũ yemaãcũ tamaã nũxũ nixu ga Moĩché —ñanagũrũgũ.

¹¹ Natũrũ ga guma yatũ rũ yema Yudiũgũarũ ãëxgacũgũxũ nangãxũ, rũ ñanagũrũ: —Yima choxũ rũmexèècũ rũ ñanagũrũ choxũ:

“¡Nayaxu i curũ caruũ rũ íixũ!” ñanagũrũ.

¹² Rũ yexguma ga yema ãëxgacũgũ rũ nũxna nacagũ, rũ ñanagũrũgũ: —¿Texé ngëma ñatarũgũ cuxũ:

“¡Nayaxu i curũ caruũ rũ íixũ!” ñatarũgũ cuxũ? —ñanagũrũgũ.

¹³ Natũrũ ga guma yatũ rũ tama nũxũ nacuèx ga texé naxcèx na yataanexèèxũ, yerũ namuxũchi ga duũxũgũ ga yéma, rũ yexma nayarũtaxu ga Ngechuchu.

¹⁴ Natũrũ yixcama ga Ngechuchu rũ tupauca ga taxũnegu nũxũ nayan-gau ga guma yatũ, rũ ñanagũrũ nũxũ: —¡Dũcèx i ñuxma marũ cuxcèx na yataanexũ, rũ tãtũtãma wena chixexũ cuxũ na tama quidaawexũcèx namaã i wũxi i ãaawe i ngëma marũ cuxũ ngupetũxũãrũ yexera íixũ! —ñanagũrũ.

¹⁵ Rũ ínixũ ga guma yatũ, rũ Yudiũgũarũ ãëxgacũgũmaã nũxũ nayarũxu ga Ngechuchu na yĩxũ ga guma namexèècũ.

¹⁶ Rũ yemacèx nixĩ ga yema ãëxgacũgũ ga Ngechuchucèx nadaugũxũ na yamëxgũãxũcèx, yerũ ngũxchigaarũ ngunexũgu napuracũ.

¹⁷ Natũrũ ga Ngechuchu rũ ñanagũrũ nũxũ: —Chaunatu ya Tupana rũ guxũ i ngunexũgu napuracũ rũ mexũ naxũ. Rũ ngëmácèx i choma rũ ta naxrũũ chapuracũ —ñanagũrũ.

¹⁸ Rũ yemacèx ga yema Yudiũgũarũ ãëxgacũgũ rũ yexeraãcũ Ngechuchuxũ nimëxgũchaũ. Yerũ tama naxrũũ nanaxaure ga ngũxchigaarũ ngunexũ rũ ñuxũchi nũxũ nixu ga Nanatũxũchi na yĩxũ ga Tupana, rũ yemaãcũ nũgũ nixu ga Nanatũ ga Tupanamaã na nawũxiguxũ.

Nũma ga Tupanatama nixĩ ga Nanena naxããxũ ga pora

¹⁹ Rũ yexguma ga Ngechuchu rũ ñanagũrũ nũxũ ga yema ãëxgacũgũ: —Aixcũma pemaã nũxũ chixu rũ choma i Tupana Nane rũ tama chorũ poramaã chanaxũ i ãacũ rũ puracũ i mexũ. Natũrũ ngëma nũxũ chadauxũ i Chaunatu ùxũĩcatama nixĩ ichaxũxũ. Rũ guxũma i ngëma Chaunatu ùxũ, rũ choma ya Nane rũ ta chanaxũ.

²⁰ —Chaunatu ya Tupana rũ choxũ nangechaũ, rũ ngëmácèx choxũ nũxũ nadauxèè i guxũma i ãacũ i nũma naxũxũ. Rũ ngëma ñuxma choxũ nũxũ nadauxèèãrũ yexera tá choxũ nũxũ nadauxèè i yixcũra. Rũ ngëxguma i pema ega ngëmãxũ pedaugũgu, rũ tá peãixãchiãègũ namaã.

²¹ —Rũ Chaunatu rũ ínanadagũxèè i yuexũgũ rũ wena nanamaxèxèè. Rũ ngëxguma-rũ ta i choma i Nane rũ tũxna chanaxã i maxũ ya yixcama chatũmawèxéxe na tũxna chanaxãxũ.

22-23 —Rü tama Chaunatü nixî ya duŧxŧgŧxŧ icagŧcŧ i norŧ maxŧchiga. Natŧrŧ choxŧ nixî i namuxŧ na chanaxŧxŧcŧx i ngŧma, na choxŧ yacuŧxŧŧgŧxŧcŧx i duŧxŧgŧ, ngŧma Chaunatŧxŧ na yacuŧxŧŧgŧxŧrŧŧ. Rü yŧxema tama choxŧ icuŧxŧxŧxŧ, rŧ tama nŧxŧ ticuŧxŧŧ ta ya Chaunatŧ ya choxŧ nuâ mucŧ.

24 —Aixcŧma pemaâ nŧxŧ chixu rŧ yŧxema texé ya choxŧ irŧxŧnŧxŧ i chorŧ ore, rŧ nŧxŧ yaxŧxŧ ya yima Chaunatŧ ya nŧma choxŧ mucŧ, rŧ tŧxŧ nangŧxma i maxŧ i taguma gŧxŧ. Rü Chaunatŧ rŧ tŧŧtama tŧmamaâ nanaxuegu na tapoxcuxŧ erŧ marŧ nawa itanguxuchi na tayuxŧ, rŧ tŧxŧ nangŧxma i maxŧ i taguma gŧxŧ.

25 —Rü aixcŧma pemaâ nŧxŧ chixu rŧ marŧ nawa tá nangu i ngunexŧ rŧ ñuxmatama nixî i chauga naxŧnŧxŧ tá i ngŧma duŧxŧgŧ i norŧ pecadugu yuexŧ rŧ iyarŧtauxexŧ. Rü texé ya chauga ñnŧxŧ rŧ tá tamaxé.

26 —Nŧma ya Chaunatŧ rŧ nŧxŧ nangŧxma i pora na namaxŧxŧxŧcŧx i duŧxŧgŧ. Rü ngŧma pora rŧ choxna nanaxâ ya Chaunatŧ na choma rŧ ta duŧxŧgŧxŧ chamaxŧxŧcŧx.

27 —Rü Chaunatŧ ya Tupana choxŧ namu na duŧxŧgŧna chaçaxŧcŧx naxcŧx i norŧ maxŧchiga, erŧ choma nixî i Nane i duŧxŧxŧ çŧŧxŧ.

28 —¡Tŧxŧ i pebaixŧchiâŧgŧxŧ namaâ i ñaâ ore i pemaâ nŧxŧ çŧxuxŧ! Erŧ tá ñnangu i ngŧma ngunexŧ i nagu guxŧma i duŧxŧgŧ i yuexŧ rŧ tá na nŧxŧ naxŧnŧxŧ i chauga.

29 —Rü naxmaŧgŧwa tá ñnaxoxŧ. Rü ngŧma meâ maxŧxŧ, rŧ tá ñnarŧdagŧ na nayauxgŧxŧcŧx i maxŧ i taguma gŧxŧ. Natŧrŧ ngŧma chixexŧ ŧgŧxŧ, rŧ tá ñnarŧdagŧ na napoxcuexŧcŧx.

Nawa nŧxŧ icuáxŧ na Tupana yŧxŧ ga Ngechuchuna naxŧcŧ ga pora

30 —Choma rŧ taxucŧrŧwa tacŧ chaxŧ chauchamatama ega tama choxŧ naxŧxŧŧŧga ya Chaunatŧ. Rü Chaunatŧ chomaâ nŧxŧ ixuxŧâcŧma nixî i nŧxna chaçaxŧ i duŧxŧgŧ i norŧ maxŧchiga. Rü ngŧxguma nŧxna chacaxgu rŧ aixcŧma meâma chanangugŧ i duŧxŧgŧ. Erŧ tama choxrŧtama ngŧchaŧ nixî i ngŧma chaxŧxŧ, natŧrŧ Chaunatŧ ya nuâ choxŧ mucŧarŧ ngŧchaŧ nixî i ngŧma chaxŧxŧ.

31 —Rü ngŧxguma çŧ chauchigaxŧtama chixuxgu rŧ taxuwama name i ngŧma.

32 —Natŧrŧ nangŧxma i to i chauchigaxŧ ixuxŧ. Rü nŧxŧ chacuŧx rŧ aixcŧma nixî i norŧ ore i pemaâ nŧxŧ yaxuxŧ.

33 Pema rŧ Cuáŧ ya baiŧxŧŧŧrŧxŧtawa penamugŧ ga perŧ duŧxŧgŧ na nŧxŧ pecuáxŧcŧx ga ore ga aixcŧma ixŧxŧ ga chauchiga. Rü yema ore ga Cuáŧ pexŧ namaâ ngŧxŧxŧ rŧ aixcŧma nixî.

34 —Natŧrŧ i choma rŧ tama chanaxwŧxe i tacŧ rŧ yatŧ chauétŧwa nachogŧ, erŧ choma tŧtama chaugŧna chadau. Natŧrŧ pemaâ nŧxŧ chixu i ngŧma Cuáŧarŧ ore na choxŧ peyaxŧgŧxŧcŧx rŧ na penayauxgŧxŧcŧx i maxŧ i taguma gŧxŧ.

35 —Cuáŧ rŧ wŧxi ga omŧ ga iyauracŧŧxŧ rŧ pexŧ báxŧxŧ-rŧŧ nixî ga pexcŧ. Rü pema rŧ paxaâçŧ namaâ petaâŧgŧ.

36 —Rü ngŧma nangŧxma i tacŧ i Cuáŧarŧ orearŧ yexera chauétŧwa ŧchogŧxŧ. Rü ngŧma nixî ga yema taxŧgŧ ga cuŧxruŧgŧ ga Chaunatŧ choxŧ muxŧ na norŧ poramaâ chanaxŧxŧcŧx. Rü yemawa pexŧ nŧxŧ chadauxŧŧ na aixcŧma Chaunatŧ ya Tupana yŧxŧ ga nŧma choxŧ mucŧ.

37 —Rü ngëxgumarüü ta ya Chaunatü ga guma núma choxü mucü, rü marü chauétüwa ínachogü, woo taguma nüxü pexínüë ga naga rü taguma nüxü pedau.

38 —Rü ngëma Chaunatüarü ore rü ta tama peãëwa nixücu, erü tama choxü peyaxögü woo Chaunatü núma choxü na muxü.

39-40 —Pema meãma nawa pengé i Tupanaärü ore i ümatüxü, erü nagu perüxínüë rü ngëmawa tá nüxü ipeyangau i perü maxü i taguma gúxü. Natürü woo ngëmatama Tupanaärü ore i ümatüxüwa rü chauchiga meã na yadexaxü, natürü i pema rü tama choxü peyaxögüchaü na ngëmaãcü penayauxgüxcëx i ngëma maxü.

41-42 —Rü choma rü tama chanaxwëxe na choxü picuëxüügüxü erü meãma pexü chacuëx, rü nüxü chacuëx na tama aixcüma Tupanaxü pengechaügüxü.

43 —Chaunatü ya Tupana nixü ga núma choxü mucü, natürü i pema rü tama choxü peyaxögüchaü. Natürü ngëxguma chi tomare i yatü nagagutama núma üxgu, rü ngëma chi nixü i taãëãcüma peyaxügüxü.

44 —¿Rü ñuxãcü chi choxü peyaxögü ega penaxwëxegu na pemücügütama pemaã taãëxü rü tama naxcëx pedaugügu na Tupanaxüchi pemaã taãëxü?

45 —¡Tãxü i nagu perüxínüëxü na choma tá yíixü na pexü chixugüxü i Chaunatüxütawa! Erü Moïché ga guma perü maxücëx nüxü peyaxögücü tátama nixü ya yima pexü ixugücü i Chaunatüxütawa.

46 —Rü ngëxguma chi peyaxögügu i ngëma ore ga Moïché ümatüxü, rü choxü rü chi ta peyaxögü. Yerü ga Moïché rü chauchigagu nixü ga naxümatüãxü ga norü poperawa.

47 —Natürü ngëxguma tama peyaxögügu i ngëma Moïché ümatüxü i ore, ¿rü ñuxãcü tá peyaxögü i ngëma choma pemaã nüxü chixuxü? —ñanagürü ga Ngechuchu.

6

Ngechuchu rü nanachibüexëë ga 5000 ga yatügü (Mt 14.13-21; Mr 6.30-44; Lc 9.10-17)

1 Rü yemawena ga Ngechuchu rü nextaxa ga Gariréagu äeganearütocutüwa tomaã naxü. Rü norü toéga ga guma nextaxa rü Tibéria nixü.

2 Rü muxüma ga duüxügü rü nawe narüxü. Yerü üpaacü rü marü nüxü nadaugü ga ñuxãcü Ngechuchu na naxüxü ga taxü ga mexügü ga Tupanaärü poramaã üxü ga yexguma duüxügü ga idaaweegüxcëx yataanexëëgüagu.

3 Rü yexguma ga Ngechuchu rü wüxi ga mëxpúnewa tomaã ínaxüãchi. Rü wüxigu tomaã yéma narüto.

4 Rü marü ningaica ga yema Yudíugüarü peta ga Üpetüchiga.

5 Rü yexguma Ngechuchu nüxü dawenügu rü nüxü nadau ga muxüma ga duüxügü ga nawe rüxüxü. Rü yemacëx Piripina naca, rü ñanagürü: —¿Rü ngextá tá naxcëx tataxe i nawemü i ñaã duüxügü na nachibüexëëxücëx? —ñanagürü.

6 Rü nümatama ga Ngechuchu rü marü nüxü nacuëx ga tacü tá na naxüxü. Natürü yema ñanagürü Piripixü, yerü nüxü nacuáxchaü ga tacümaã tá na nangãxüãxü.

7 Rü yexguma Ngechuchuxü nangãxü ga Piripi, rü ñanagürü: —Woo chi naxcëx itaxegügu i 200 i dïëru naguxü i pãü, rü tãü chima nüxü ningu ega woo wüxichigüna íraxü íxãchigügu —ñanagürü.

8-9 Rŭ yexguma ga Aŭdré ga Ngechucharŭ ngúexŭ ga Pedru ga Chimáú naēneē, rŭ űanagŭrŭ: —Nuá nangēxma i wŭxi i buxŭ rŭ nŭxŭ nangēxma i 5 i pāŭ i chebadanaxcēx rŭ taxre ta i choxni. ¿Natŭrŭ űacŭwa name i ngēma naxcēx i űaá muxŭchixŭ i duŭxŭgŭ? —űanagŭrŭ.

10 Rŭ yexguma ga Ngechuchu rŭ űanagŭrŭ toxŭ: —jĒcŭ, namaá nŭxŭ pixu i duŭxŭgŭ na ínatogŭxŭcēx! —űanagŭrŭ. Rŭ yema nachicawa rŭ nametēxeane ga guma maxē. Rŭ gumatēxewa narŭtogŭ ga duŭxŭgŭ. Rŭ maneca 5000 wa nangu ga yexguma yatŭgŭxica íxugŭgu.

11 Rŭ yexguma ga Ngechuchu rŭ nanade ga yema pāŭgŭ, rŭ Tupanana moxē naxā. Rŭ yemawena rŭ toxŭ nayanu na yema duŭxŭgŭ ga yēma rŭtogŭxŭxŭ tayanuxŭcēx. Rŭ yexgumarŭŭ ta ga choxni rŭ nŭxŭ toxŭ nayanuxēē, űŭxmata meáma nachibŭe ga guxŭma ga yema duŭxŭgŭ.

12 Rŭ yexguma marŭ meá nachibŭegu ga guxŭma, rŭ Ngechuchu toxŭ namu rŭ űanagŭrŭ toxŭ: —jPenade i ngēma naxchipēxegŭ i íyaxŭgŭxŭ na tama ínaxaiyēxŭxŭcēx! —űanagŭrŭ.

13 Rŭ tanade ga yema naxchipēxegŭ ga yema 5 ga pāŭwa íyaxŭxŭ, rŭ 12 ga pexchi namaá tanaxŭācugŭ.

14 Rŭ yexguma yema duŭxŭgŭ nŭxŭ daugŭgu ga yema mexŭ ga taxŭ ga Tupanaarŭ poramaá naxŭxŭ ga Ngechuchu, rŭ űanagŭrŭgŭ: —Aixcŭmaxŭchi daa nixŭ ya Tupanaarŭ orearŭ uruŭ ga guma ínanguxēēcŭ —űanagŭrŭgŭ.

15 Natŭrŭ ga Ngechuchu rŭ nŭxŭ nicuēxāchi ga duŭxŭgŭ rŭ na norŭ āēxgacŭxŭ yangu-cuchixēēgŭchaŭāxŭ. Rŭ yemacēx nŭxna nixŭgachi rŭ yēamaxŭra naxŭ nawa ga guma mēxpŭne na nŭxŭcatama nayexmaxŭcēx.

Dexáétŭgu nixŭ ga Ngechuchu (Mt 14.22-27; Mr 6.45-52)

16 Rŭ yexguma marŭ nachŭtagu, rŭ toma ga Ngechucharŭ ngúexŭgŭ rŭ wenaxarŭ naxtaacutŭwa taxŭ.

17 Rŭ poraācŭ naxēāne. Rŭ tama ínangu ga Ngechuchu. Rŭ yemacēx wŭxi ga ngue ga taxŭnegu tichoŭ, rŭ ítaxŭāchi ga na tocutŭwa taxŭxŭ ga Capernáŭarŭ íānewa na tangugŭxŭcēx.

18 Rŭ yexguma tixāŭyane rŭ ínaxŭgŭ ga na poraācŭ yabuaxŭ. Rŭ yemagagu rŭ poraācŭ nayuape.

19 Rŭ yexguma marŭ 5 ga kilómetru tixāŭgu, rŭ Ngechuchuxŭ tadaugŭ ga na dexáchiŭétŭgu yaxŭxŭ. Rŭ toma ga norŭ ngúexŭgŭ rŭ poraācŭ tamuŭē.

20 Natŭrŭ nŭma ga Ngechuchu rŭ űanagŭrŭ toxŭ: —Choma chixŭ. jRŭ tāxŭ i pemuŭēxŭ! —űanagŭrŭ.

21 Rŭ yexguma ga toma ga norŭ ngúexŭgŭ rŭ taāēācŭma tanayauxgŭchaŭ ga toweŭwa. Rŭ yexgumatama ítangugŭ ga yema ítaxŭŭwa.

Ngechuchucēx nadaugŭ ga duŭxŭgŭ

22 Rŭ moxŭācŭ ga yema duŭxŭgŭ ga naxtaxaarŭ tocutŭgu rŭchoxŭ, rŭ nŭxŭ nicuēxāchitanŭ ga toma ga Ngechucharŭ ngúexŭgŭ ga marŭ nagu na taxŭxŭ ga guma ngue ga taxŭne ga nŭgŭmaá wŭxicane. Rŭ nŭxŭ nacuēxgŭ ta ga Ngechuchu rŭ tama towe na naxŭxŭ.

23 Rŭ yexguma yemagu ínaxŭnŭēyane, rŭ yoxocŭne ínangugŭ ga náigŭ ga ngue ga itaxŭne ga Tibériaarŭ íānewa ne íxŭne. Rŭ norŭ ngaicamana nangugŭ ga yema nachica ga ngextá Ngechuchu ínachibŭexēēxŭwa ga yema muxŭma ga duŭxŭgŭ ga yexguma moxē ínaxāxgu naxcēx ga yema pāŭ.

24 Rŭ yexguma yema duŭxŭgŭ nŭxŭ daugŭgu ga guma nguewa na Ngechuchu rŭ toma ga na tatauxexŭma rŭ yexma guma nguegŭgu nichoŭ na Ngechuchucŭx yadaugŭxŭ Capernáŭrŭ ŭnegu.

Ngechuchu nixŭ i pãu i maxŭ tŭxna ãxŭ

25 Rŭ yexguma guma naxtaxaarŭ tocutŭwa nangugŭgu ga yema duŭxŭgŭ, rŭ Ngechuchuxŭ yexma nayangaugŭ. Rŭ nŭxna nacagŭe, rŭ ñanagŭrŭgŭ: – Pa Ngŭexŕeruŭx, ¿ñuxgu nixŭ i nuã cunguxŭ? –ñanagŭrŭgŭ.

26 Rŭ Ngechuchu nanangãxŭ, rŭ ñanagŭrŭ nŭxŭ: –Aixcŭma pemaã nŭxŭ chixu rŭ tama yema nŭxŭ na picuêxãchitanŭxŭcŭx ga yema mexŭgŭ ga Tupanaarŭ poramaa chaxŭxŭ nixŭ i chauxcŭx pedaugŭxŭ. Natŭrŭ chauxcŭx pedaugŭ yerŭ meãma pechibŭe nawa ga yema ðna ga pexna chaxãxŭ..

27 –¡Tãxŭ i naxcŭx pepuracŭexŭ i ðna i paxama gŭxŭ! Rŭ narŭmemaŕ nixŭ i naxcŭx pepuracŭe i ngema maxŭ i aixcŭma ixŭxŭ i taguma gŭxŭ. Rŭ ngŕema nixŭ i maxŭ i choma i Tupana Nane ya duŭxŭxŭ chixŭcŭ tá pexna chaxãxŭ, erŭ Chaunatŭ ya Tupana rŭ marŭ nanangoxŕŕe na aixcŭma Nane chiŭxŭ –ñanagŭrŭ.

28 Rŭ yexguma ga nŭmagŭ rŭ nŭxna nacagŭ, rŭ ñanagŭrŭgŭ: –¿Tacŭ tá taxŭe na tayanguxŕŕexŭcŭx i ngŕema Tupana toxŭ naxwŕexŭ? –ñanagŭrŭgŭ.

29 Rŭ Ngechuchu nanangãxŭ rŭ ñanagŭrŭ nŭxŭ: –Rŭ Tupana rŭ nŭma choxŭ namu. Rŭ ngŕema nŭma pexŭ nanaxwŕexŭxŭ nixŭ na choxŭ peyaxŕogŭxŭ –ñanagŭrŭ.

30 Rŭ yexguma ga nŭmagŭ rŭ nŭxna nacagŭ, rŭ ñanagŭrŭgŭ nŭxŭ: –¿Tacŭ rŭ cuêxruŭxŭ tá toxŭ cudauxŕŕe na cuxŭ tayaxŕogŭxŭcŭx na aixcŭma Cristu quiŭxŭ? ¿Rŭ tacŭ i to i mexŭ tá toxcŭx cuxŭxŭ i ñuxmax?

31 Yerŭ nuxcŭmaŭgŭxŭ ga tŕrŭ oxigŭ, rŭ nanangŕoxgŭ ga yema pãu ga Tupana nŭxna ãxŭ ga chianexŭwa ga ngextã taxŭema ŭãpataxŭwa. Rŭ Tupanaarŭ ore i ŭmatŭxŭwa rŭ ñanagŭrŭ:

“Tupana rŭ daxŭcŭãx ga pãumaã nanachibŭexŕŕe ga duŭxŭgŭ”, ñanagŭrŭ i ngŕema orewa.

32 Rŭ Ngechuchu nanangãxŭ rŭ ñanagŭrŭ nŭxŭ: –Aixcŭma pemaã nŭxŭ chixu rŭ tama nixŭ ga Moichŕ yŭxŭ ga nŭxna naxãxŭ ga yema pãu ga daxŭcŭãx, natŭrŭ Chaunatŭ ga Tupana nixŭ ga nŭxna naxãcŭ. Rŭ nŭma nixŭ i ñuxma i pexna naxãxŭ i pãu i aixcŭma ixŭxŭ i daxŭwa ne ŭxŭ.

33 –Erŭ ngŕema pãu i Tupana ixãxŭ, rŭ daxŭgŭxŭ i naãnewa ne naxŭ rŭ nanamaxŕŕŕe i ñoma i naãnecŭãx i duŭxŭgŭ –ñanagŭrŭ.

34 Rŭ nŭmagŭ rŭ naxcŭx ñnacagŭ, rŭ ñanagŭrŭgŭ nŭxŭ: –Pa Corix, iguxŭguma toxna naxãŕcha i ngŕema pãu! –ñanagŭrŭgŭ.

35 Rŭ Ngechuchu ñanagŭrŭ nŭxŭ: –Choma nixŭ i ngŕema pãu i maxŕŕŕeruŭ chiŭxŭ. Rŭ yŭxma texŕ ya chauxŭtawa ŭxŕ rŭ tagutãma tataiya. Rŭ texŕ ya choxŭ yaxŕxŕ rŭ tagutãma tiŭawa.

36 –Natŭrŭ marŭ pemaã nŭxŭ chixu rŭ woo na choxŭ pedaugŭxŭ rŭ tama choxŭ peyaxŕogŭ i pemax.

37 –Rŭ guxãma ya yŭxema duŭxŕgŭ ya Chaunatŭ choxna tŭxŭ mugŭxe rŭ chorŭ duŭxŭgŭ tixŭgŭ. Rŭ texŕ ya choxŭ yaxŕogŭxe rŭ tãŭtãma tŭxŭ chaxoxŭ.

38 –Yerŭ tama choxrŭtama ngŭchaŭ na chaxŭxŭcŭx nixŭ ga daxŭgŭxŭ ga naãnewa ne chaxŭxŭ. Natŭrŭ nŭma chaxŭ na chanaxŭxŭcŭx i norŭ ngŭchaŭ ya Chaunatŭ ya nŭma choxŭ mucŭ.

39 –Rŭ ngŕema norŭ ngŭchaŭ ya Chaunatŭ ya Tupana ya nŭma choxŭ mucŭ nixŭ i na taxŭexŭma ichayarŭtauxŕŕŕeŭxŭ ya yŭxema choxna tŭxŭ namugŭxe.

Erü nüma ya Chaunatü nanaxwae na tüxü yuwa ícharüdagüxêêxü i naâneärü guxgu.

40 —Choma nixi i Tupana Nane chiixü. Rü ngêma norü ngüchaü ya Chaunatü ya Tupana ya núma choxü mucü nixi na tüxü nangêxmaxü i maxü i taguma gúxü ya guxâma ya texé ya choxü daugüxe rü choxü yaxôgüxe. Erü choma tá nixi i tüxü ícharüdagüxêêxü i naâneärü guxgu —ñanagürü.

41 Rü yexguma yema orexü naxinüêgu ga yema Yudíugü, rü inanaxügüe ga Ngechuchuchiga na yadexagüxü. Yerü ñanagürü ga Ngechuchu: —Choma nixi i pãu i daxüguxü i naânewa ne chaxüxü —ñanagürü.

42 Rü ñanagürügü: —¿Taux êxna ñaã yíixü i Ngechuchu i Yúche nane? Rü yixema rü tüxü tacuèx ya nanatü rü naê. ¿Rü ñuxãcü i nüma i “Daxüwa ne naxüxü”, ñaxü? —ñanagürügü.

43 Rü Ngechuchu ñanagürü nüxü: —¡Nüxü perüxoe na choxü na pixuechaxü!

44 —Taxúema chauxütawa tangu ega tama choxna tüxü namuxgu ya chaunatü ga guma núma choxü mucü. Rü texé ya chauxütawa ngugüxe rü choma rü tá wena tüxü chamaxêxêe i naâneärü guxgu.

45 —Nuxcümaügüxü ga Tupanaärü orearü uruügarü poperawa naxümatü i ore i ñaxü:

“Tupana tá guxãxü nangúxêê”,

ñaxü. Rü ngêmacèx guxâma ya texé ya Chaunatüxü ñnuxê rü naxütawa ngúxe, rü chauxütawa taxí.

46 —Taguma texé Chaunatü ya Tupanaxü tadau. Rü chaxicatama nixi i nüxü chadaüxü erü naxütawa ne chaxü.

47 —Aixcüma pemaã nüxü chixu rü texé ya choxü yaxôxê rü tüxü nangêxma i maxü i taguma gúxü.

48 —Choma nixi i pãu i maxêxêëruü chiixü.

49 —Rü perü oxigü ga nuxcümaügüxü rü nanangôx ga yema pãu ga Tupana nüxna äxü ga yema nachica ga ngextá taxúema íxãpataxüwa. Natürü woo nanangôxgü ga yema pãu rü nayueamatama.

50 —Natürü ñaã pãu i pemaã nüxü chixuxü i daxüwa ne üxü rü chomatama chixí. Rü guxâma ya texé ya choxü yaxúxe ñoma pãu tangôxürüü rü tá tamaxêcha.

51 —Chomatama nixi i pãu i maxêxêëruü i daxüwa ne chaxüxü. Rü texé ya ñoma chomaã taxãwemüxürüü choxü yaxôxê rü guxügutáma tamaxêcha. Erü ngêma pãu i choma tüxna chaxãxü rü chaxunetama nixi. Rü ichanaxã i chaxune na namaxêxücèx i ñoma i naâneüñãx i duüxügü —ñanagürü ga Ngechuchu.

52 Rü yexguma ga yema Yudíugü rü poragaãcü nügüna nacagüe, rü ñanagürügü: —¿Ñuxãcü tá i ñaã yatü i naxüne tátama tüxü nangôxêêxü? —ñanagürügü.

53 Rü Ngechuchu ñanagürü nüxü: —Rü choma i Tupana nane na duüxüxü chiixü rü aixcüma pemaã nüxü chixu rü ngêxguma pema rü tama chaxunemaã pexãwemügügu rü tama nawa pexaxegügu ya chaugü, rü täütáma pexü nangêxma i maxü i taguma gúxü.

54 —Texé ya chaxunemaã äwemüxê rü chaugüwa axexe rü tüxü nangêxma i maxü i taguma gúxü. Erü choma rü tá tüxü chamaxêê ega naâneärü guxgu.

55 —Erü chaxune rü ñnaxüchi nixi rü chaugü rü axexüxüchi nixi.

56 —Texé ya chaxunemaã äwemüxê rü chaugüwa axexe rü chowa tayaxüx rü choma i tûmawa.

57 —Chaunatü ga núma choxü mucü rü namaxü. Rü nüma choxna nanaxä i maxü. Rü ngëxgumarüü ta i choma rü tá tüxna chanaxä i maxü ya yíxema choxü yaxúxe rü choxü yaxóxe.

58 —Marü pemaã nüxü chixu na choma rü pãu i daxüwa ne üxü chiixü. Natürü choma rü tama yema pãu ga nuxcumaüügüxü ga perü oxigü ngöxgüxü ga päürüü chixi. Yerü woo ga yema pãu na nangöxgüxü ga perü oxigü rü nayueamatama. Natürü texé ya choxü yaxúxe, ñoma pãu tangöxürüü, rü choxü yaxóxe rü guxügutáma tamaxü —ñanagürü.

59 Rü Ngechuchu rü duüxüügümaã nüxü nixu ga yema ore ga yexguma nangüexëëägu ga Yudüügürü ngutaquëxepataüwa ga ñäne ga Capernäüwa.

Ngechucharü orewa nangëxma i maxü i taguma güxü

60 Rü yexguma nüxü naxinüëgu ga yema nguxëëtae, rü muxüma ga yema duüxügü ga nawe rüixü rü ñanagürügü: —Rü ngëma tamaã nüxü yaxuxü, rü naguxchaxüchi na nüxü icuáxü na ñuxü ñaxü. ¿Ñuxäcü texé tüxü natauxcha na naga taxinüxü? —ñanagürügü.

61 Natürü ga Ngechuchu rü nüxü nacuëxama ga yemaãcü nügümaã na iyadexagüxü naxcëx ga yema nguxëëtae, rü yemacëx nüxna naca, rü ñanagürü: —¿Éxna peäëwa nangux i ngëma ore?

62 —Rü ngëxguma peäëwa nanguxgu i ngëma ore i pemaã nüxü chixuxü, rü ¿tacügu chi perüxinüëxü ega choxü pedëuxgu na wenaxärü daxü na chaxixü, ga noxri ne chaxüxüwa na chaxüxü i choma i Tupana Nane na duüxüxü chiixü?

63 —Tupanaãe i Üünexü nixi i inaxäxü i maxü i taguma güxü. Rü tama pexene nixi i pexü maxëxëëxü. Rü ngëma ore i pemaã nüxü chixuxü rü peäcëx nixi, rü nawa nangëxma i maxü i taguma güxü.

64 —Natürü tangëxma i petanüwa ya ñuxre ya tama yaxöögüxe —ñanagürü. Rü yema ñanagürü ga Ngechuchu yerü noxriarü ügügumama marü nüxü nacuëx ga texé tá nüxü na yaxöögüxü, rü texé tá cúäcü inaxuaxüxü.

65 Rü ñanagürü ta: —Rü ngëmacëx marü pemaã nüxü chixu rü taxuacüma texé chauxütawa tangu ega tama Chaunatü chauxütawa tüxü gaxgu —ñanagürü.

66 Rü yexguma inanaxügüe ga nüxna na yaxigüxü ga muxüma ga yema duüxügü ga noxri nawe rüixchirëxü. Rü marü tama nawe inaxixü.

67 Rü yexguma ga Ngechuchu rü norü 12 ga ngüexüügüna naca, rü ñanagürü nüxü: —¿Éxna pema rü ta choxna pixigachitanücha? —ñanagürü.

68 Natürü Chimáü ga Pedru rü nanangäxü, rü ñanagürü: —Pa Corix, ¿Texëxütawa chi taxixü ega cuxna tixigachitanügu? Erü cuma rü cuxü nangëxma i ore i nawa nangëxmaxü i maxü i taguma güxü.

69 —Toma rü marü cuxü tayaxöögü, rü nüxü tacuëx na cuma quiixü ya Cristu ya Üünecü ya Tupana Nane —ñanagürü.

70 Rü Ngechuchu toxü nangäxü, rü ñanagürü: —¿Taux ëxna choma yiixü ga pexü chidexechixü ga pema ga 12? Natürü nangëxma i wüxi i petanüwa i Chatanäärü duüxü ixixü —ñanagürü.

71 Rü Yuda ga Iariüte ga Chimáü nanechiga nixi ga yadexaxü ga Ngechuchu. Yerü Yuda tá nixi ga cúäcü inaxuaxüxü rü woo ga nüma rü wüxi ga totanüxüchirëx na yiixü.

7

Ngechucheneëgü rü tama nüxü nayaxögü

¹ Rü yemawena ga Ngechuchu rü Gariréaanewa yexmagüne ga ñānegügu nixüāgüchigü. Rü tama Yudéaanewa nayexmachaü yerü yēmacüāx ga Yudiügarü äëxgacügü rü naxcëx nadaügü ga na yamëxgüchaüāxüçëx.

² Natürü marü ningaica ga yema Yudiügarü peta ga nagu norü düxenügu yaxügüxü na yemawa nüxna nacuëxächieüçëx ga ñuxäcü nuxcümaüügüxü ga norü oxigü na naxügüxü ga norü düxenügu ga naixätünaxcëx ga yexguma Moichéwe naxüxu ga ngextá taxúema íxāpataxüwa. Rü yemacëx nixi ga Düxenügarü Petagu naxāëgaxü.

³ Rü naēneëgü ga Ngechuchu rü ñānagürügü nüxü: —Tama name i nuxā Gariréaarü naānegu curüxāüx. Rü name nixi i petacëx Yudéawa cuxü, na ngēma duüxügü i cuwe rüxüxü i ngēma ngëxmagüxü nüxü daugüxüçëx i ngēma cuëxruügü i mexügü i Tupanaärü poramaā cuxüxü.

⁴ —Erü ngëxguma chi wüxi ya yatü rü duüxügüxü nügu nacuëxēëchaügu rü tama cüäcü nanaxü i tacü i naxüxü. Rü ñuxma na cunaxüxü i muxüma i mexügü i Tupanaärü poramaā cuxüxü, rü name nixi i guxü i duüxügüpëxewa cunaxü —ñānagürügü.

⁵ Rü yema ñānagürügü ga naēneëgü yerü woo ga nümagü rü ta tama nüxü nayaxögü.

⁶ Rü yexguma ga Ngechuchu rü nanangāxü, rü ñānagürü nüxü: —Tauta nawa nangu i ngunexü na petawa chaxüxü. Natürü pexcëx rü ngëxürüüxümare i ngunexü nixi i mexü na petawa nagu pexixü.

⁷ —Ngēma duüxügü i ñoma i naānecüāx rü tama pexchi naxaie. Natürü chauxchi naxaie erü chanangöxëe i ngēma naxügüxü rü na nachixexü.

⁸ —Name nixi i petawa pexi i pemax. Choma rü tauta ngēma chaxü erü tauta nawa nangu i ngunexü i nagu ngēma chaxüxü —ñānagürü ga Ngechuchu.

⁹ Rü yexguma yema ñaxguwena, rü Gariréaanegu narüxāüx.

Ngechuchu rü Düxenügarü Petawa naxü

¹⁰ Natürü nawena ga naēneëgü ga petawa na naxüxü, rü Ngechuchu rü ta yēma naxü. Natürü cüäcü yēma naxü, rü tama poraäcü duüxügüxü nügu nadauxëe.

¹¹ Rü yema Yudiügarü äëxgacügü rü naxcëx nadaügü ga yema petawa, rü ñānagürügü: —¿Ngextá nangëxma i ngēma yatü? —ñānagürügü.

¹² Rü nügütanüwa ga yema duüxügü ga yēma yexmagüxü, rü poraäcü Ngechuchuchiga ínidexagü. Rü ñuxre ga yema duüxügü rü ñānagürügü: —Yima rü wüxi ya yatü ya mecü nixi —ñānagürügü. Natürü ga togü rü ñānagürügü: —Ngēma yatü rü tama name erü duüxügüxü nawomüxëe —ñānagürügü.

¹³ Natürü taxuüma ga duüxügü rü mea togüpëxewa Ngechuchuxü nicuëxüügüchaü, yerü yema Yudiügarü äëxgacügüxü namuüë.

¹⁴ Rü yexguma marü yema petaarü ngāxüwa nanguxgu, rü nixücu ga Ngechuchu nawa ga tupaucu ga taxüne. Rü inanaxügü ga na nanguxëetaexü.

¹⁵ Rü yema Yudiügarü äëxgacügü, rü nahaixächiaëgü namaā ga yema ore ga Ngechuchu nüxü ixüxü. Rü ñānagürügü: —¿Ñuxäcü i ngēmaäcü poraäcü nüxü nacuáxü, rü taguma texé nanguxëe? —ñānagürügü.

¹⁶ Rü Ngechuchu nanangāxü rü ñānagürü nüxü: —Ñāā chorü nguxëëtae rü tama choxrü nixi, erü Chaunatü ga núma choxü mucüarü nixi.

17 —Ngëxguma texé naxüxchaügu i Tupanaärü ngüchaü rü yíxema tá nüxü tacuèx ngoxi aixcüma Tupanaxütawa chanayaxu i ngëma chorü nguxëëtae rü éxna chaugüxtawatama chayaxuxü yixi i ngëma.

18 —Yíxema texé ya mexü i tümachigaxütama ixuxe rü ngëmaäcü tanaxü erü tanaxwëxe i duüxügü na tüxü icuëxüügüxü. Natürü texé nüxü tixu i ore i mexü nachiga i ngëma tüxü muxü, rü aixcüma nixi i tümäärü ore. Rü tama dora nixi i ngëma nüxü tixuxü.

19 —¿Tama éxna aixcüma yíxü ga Moïché pexna naxâxü ga Tupanaärü mugü? Natürü taxúema i pema naga pexinüë i ngëma mugü. ¿Rü ñuxma rü tüxcüü nixi i choxü pimëxgüchaüxü? —ñanagürü.

20 Rü yema duüxügü nanangâxügü, rü ñanagürügü: —Cuma rü ngoxo cuwa nangëxmamare. ¿Éxna texé cuxü timëxgüchaü? —ñanagürügü.

21 Natürü ga Ngechuchu rü ñanagürü nüxü: —Choma rü ngüxchigaarü ngunexügu chanamexëë ga wüxi ga yatü. Rü guxâma i pema rü penuëëgü naxcëx ga yema wüxitama ga mexü ga ngüxchigaarü ngunexügu chaxüxü.

22 —Natürü pema rü ta ngüxchigaarü ngunexügu pepuracüe na nagu pexixücëx ga Moïchéarü mugü. Rü Moïché pemaä nüxü nixu na tüxü ípewiechëxmüpëxechiraüxü ya guxâma ya yatüxe ya buxe. Natürü tama Moïché nixi ga inaxügücü ga yema, yerü nuxcümaügüxü ga perü oxigüwa nixi ga ne naxüxü. Rü ñuxma i pema rü yema mugagu rü tüxü ípewiechëxmüpëxechiraü ya guxâma ya buxe ya yatüxe woo ngüxchigaarü ngunexü yixügu.

23 —Rü ngëmaäcü i pema rü ngüxchigaarü ngunexügu buxexü ípewiechëxmüpëxechiraü erü naga pexinüëchaü i Moïchéarü mugü. ¿Rü ñuxma rü tüxcüü yíxü i chomaä penuëxü naxcëx na ngüxchigaarü ngunexügu chanamexëëxü ga wüxi ga yatü ga idaaweecü?

24 —Rü ngëmacëx tama name i ngürümare penangugü i ngëma chaxüxü. Rü penaxwëxe i meä nagu perüxñüëxira, na aixcüma meä penangugüxücëx —ñanagürü ga Ngechuchu.

Ngechuchu rü Tupana Nane nixi

25 Rü ñuxre ga yema duüxügü ga Yerucharéügu ächiügüxü rü nügüna nacagüe, rü ñanagürügü: —¿Taux éxna daa yíxü ya yima yatü ya äëxgacügü naxcëx daugücü na yamëxgüchaüäxücëx?

26 —¡pücëx! Gua nixi rü yéa guxü i duüxügüpëxewa nidexa rü taxúema ñuxü ñatarügü nüxü. ¿Taux éxna i tóru äëxgacügü i marü nüxü yaxögüäxü na aixcüma Cristu na yíxü i nümax?

27 —Natürü i yixema rü nüxü tacuëxgü na ngextá ne naxüxü i nümax. Natürü ngëxguma aixcüma Cristu núma üxgu rü taxüetáma nüxü tacuëx na ngextá na ne naxüxü —ñanagürügü.

28 Rü núma ga Ngechuchu rü tupauca ga taxünewa ínanangüexëë ga duüxügü. Rü yexguma nüxü naxinügu ga yema ore ga Yudiügü nüxü ixugüexü ga nachiga, rü tagaäcü ñanagürü: —Pema rü marü choxü pecuëx rü nüxü pecuëx na ngextá na ne chaxüxü. Natürü tama chaugagu nixi i núma chaxüxü. Choma núma chaxü yerü núma choxü namu ga Tupana ya naxwëxecü na nüxü yaxögüxü natürü i pema rü tama nüxü pecuácü.

29 —Choma rü nüxü chacuëx yerü naxütawa ne chaxü, rü núma nixi i núma choxü namuxü —ñanagürü.

³⁰ Rŭ yexguma ga yema ãĕxgacŭgŭ rŭ Ngechuchuxŭ niyauxgŭchaŭ. Natŭrŭ taxuŭma nayayauxgŭ, yerŭ tauta nawa nangu ga ngunexŭ ga na yayauxgŭãxŭ rŭ na yamĕxgŭãxŭcĕx.

³¹ Natŭrŭ muxŭma ga duŭxŭgŭ rŭ nŭxŭ nayaxŭgŭ. Rŭ ñanagŭrŭgŭ: — ĵNgĕxguma ĩnanguxgu ya Cristu rŭ ĩacu rŭ cuĕxruŭ ĩ taxŭ tá naxŭ ya daa yatŭ tama ũxŭ ĩ ñuxmax? —ñanagŭrŭgŭ.

Parichĕugŭ rŭ Ngechuchuxŭ niyauxgŭchaŭ

³² Rŭ yema Parichĕugŭ rŭ duŭxŭgŭxŭ naxĭnŭĕ ga yemaãcŭ Ngechuchuga na yadexagŭxŭ. Rŭ yemacĕx ga nŭmagŭ rŭ paigŭarŭ ãĕxgacŭgŭ rŭ yĕma nanamugŭ ga tupauca ga taxŭneãrŭ purichĭagŭ na Ngechuchuxŭ yanayauxgŭxŭcĕx.

³³ Rŭ yexguma ga Ngechuchu rŭ ñanagŭrŭ nŭxŭ: —Paxaãchi tátama nixĭ ĩ petanŭwa changĕxmaxŭ, rŭ ñuxŭchi tá chataegu naxŭtawa ya yima nŭma choxŭ mucŭ.

³⁴ —Pema rŭ tá chauxcĕx pedaugŭ, natŭrŭ tãutãma choxŭ ipeyangaugŭ. Erŭ ngĕma ngextã tá ĩchangĕxmaxŭwa rŭ taxuacŭ ngema pengugŭ.

³⁵ Rŭ yexguma ga yema Yudiŭgŭarŭ ãĕxgacŭgŭ rŭ nŭgŭna nacagŭĕ, rŭ ñanagŭrŭgŭ: —ĵNgextã tá naxŭ ega taxuacŭtãma nŭxŭ iyarŭngaugŭgu? ĵĔxna ngĕma Yudiŭgŭ ĩ to ĩ nachĭŭãnewa ngĕxmagŭxŭtanŭwa tá naxŭ rŭ ĕxna ngĕma tama Yudiŭgŭ ĩxĭgŭxŭtanŭwa tá naxŭ na yangŭxĕĕãxŭcĕx?

³⁶ —ĵRŭ ĩacuĕhiga nixĭ ĩ ngĕma na ngĕma ñaxŭ:

“Tã chauxcĕx pedaugŭ natŭrŭ tãutãma choxŭ ipeyangaugŭ, erŭ taxuacŭtãma ngĕma pexĭ ĩ ngĕma tá ĩchangĕxmaxŭwa”, ñaxŭ? —ñanagŭrŭgŭ.

Dexã ĩ maxĕĕruŭchiga nidexa ga Ngechuchu

³⁷ Rŭ yema nawa iyacuãxŭ ga petaarŭ ngunexŭ nixĭ ga guxŭ ga togŭ ga ngunexŭãrŭ yexera rŭmemaĕxŭ naxcĕx ga Yudiŭgŭ. Rŭ yema ngunexŭgu nixĭ ga ĩnachixŭ ga Ngechuchu rŭ tagaãcŭ ñaxŭ: —Rŭ ngĕxguma texĕ ĩtawaxgu rŭ ĩnuã chauxŭtawa taxŭ rŭ tayaxaxe!

³⁸ —Rŭ “texĕ ya choxŭ yaxŭxĕ rŭ tŭmaãrŭ maxŭnewa tá nibaibe ĩ taxŭ ĩ dexã ĩ maxĕĕruŭ” ngĕma Tupanaãrŭ ore ĩ ũmatŭxŭ nŭxŭ ĩxuxŭrŭŭ —ñanagŭrŭ.

³⁹ Rŭ yexguma yema ñaxgu ga Ngechuchu rŭ Tupanaãĕ ĩ Ũñexŭchiga nixĭ ga yadexaxŭ. Rŭ nŭxŭ nixu ga guxŭma ga yema nŭxŭ yaxŭgŭxŭ rŭ tá na nayauxgŭãxŭ ĩ Naãĕ ĩ Ũñexŭ. Natŭrŭ tama yexgumatama nanayauxgŭ, yerŭ tauta wenaxãrŭ daxŭguxŭ ga naãnecĕx nataegu ga Ngechuchu na guxŭãrŭ ãĕxgacŭ na yĭxŭcĕx.

Ngechuchugagu nŭgŭ nitoye ga duŭxŭgŭ

⁴⁰ Rŭ nŭmaxŭ ga yema duŭxŭgŭ rŭ yexguma nŭxŭ naxĭnŭĕgu ga yema Ngechuchu nŭxŭ ĩxuxŭ, rŭ ñanagŭrŭgŭ: —Aixcŭma ñaã yatŭ nixĭ ĩ ngĕma Tupanaãrŭ orearŭ uruŭ ĩ ĩnguxchaŭxŭ —ñanagŭrŭgŭ.

⁴¹ Rŭ togŭ rŭ ñanagŭrŭgŭ: —Daa nixĭ ya Cristu —ñanagŭrŭgŭ. Natŭrŭ togŭ rŭ ñanagŭrŭgŭ: —Tama nixĭ, erŭ taxucŭrŭwa Garirĕaanecŭãx nixĭ ya Cristu.

⁴² —Erŭ Tupanaãrŭ ore ĩ ũmatŭxŭwa rŭ ñanagŭrŭ: “Cristu rŭ tá Dabĭta nixĭ, rŭ tá nangox ĩ ĩãne ĩ Berĕŭwa ga ngextã Dabĭ ĩbuxŭwa”, ñanagŭrŭgŭ.

⁴³ Rŭ yemaãcŭ Ngechuchugagu nŭgŭ nitoye ga duŭxŭgŭ.

44 Rŭ ñuxre ga yema duŭxŭgŭ rŭ Ngechuchuxŭ niyauxgŭchaŭ, natŭrŭ taxuŭma nayayauxgŭ.

Yudŭgŭarŭ ãĕxgacŭgŭ rŭ tama Ngechuchuaxŭŭ nayaxŭgŭchaŭ

45 Rŭ yema tupauca ga taxŭnearŭ purichŭagŭ, rŭ Parichéugŭcèx rŭ paigŭarŭ ãĕxgacŭgŭcèx nawoegu. Rŭ yema ãĕxgacŭgŭ rŭ nŭxna nacagŭ, rŭ ñanagŭrŭgŭ: —¿Tŭxcŭŭ tama nuã penaga? —ñanagŭrŭgŭ.

46 Rŭ yema purichŭagŭ rŭ nanangãxŭgŭ rŭ ñanagŭrŭgŭ: —Taguma texé tidexa i ñãã yatŭ idexaxŭrŭŭ —ñanagŭrŭgŭ.

47 Rŭ yexguma ga Parichéugŭ rŭ ñanagŭrŭgŭ nŭxŭ: —¿Éxna pexŭ rŭ ta marŭ nawomŭxèè i nŭmax?

48 —Dŭcèx, rŭ taxŭema i tomax i Parichéugŭ rŭ taxuŭma i tŭrŭ ãĕxgacŭgŭ rŭ nŭxŭŭ nayaxŭgŭ i ngèma Ngechuchu.

49 —Natŭrŭ ñãã duŭxŭgŭ i tama Tupanaarŭ mugŭxŭ cuèxgŭxŭŭ rŭ marŭ nachixexŭgŭgŭ —ñanagŭrŭgŭ.

50 Natŭrŭ Nicodému ga Parichéu ixŭcŭ ga wŭxicana Ngechuchuxŭtagu naxŭãnecŭ, rŭ ñanagŭrŭŭ nŭxŭŭ:

51 —Ngèma tŭrŭ mugŭ i ũmatŭxŭwa rŭ ñanagŭrŭŭ:

“Taxuacŭma wŭxi i yatŭxŭŭ tapoxcu ega tama nŭxŭŭ ixŭnŭèxŭragu i norŭ dexa na nŭxŭŭ icuáxŭcèx na ŭacŭ na naxŭxŭŭ”, ñanagŭrŭŭ.

52 Rŭ yexguma ga natanŭxŭgŭ rŭ nanangãxŭgŭ, rŭ ñanagŭrŭgŭŭ nŭxŭŭ: —¿Éxna cuma rŭ ta Gariréaanecŭŭãx quixŭŭ? ¡Nawa nangux i Tupanaarŭ ore i ũmatŭxŭŭ rŭ ngèma tá nŭxŭŭ cudau rŭ taxuŭtama i Tupanaarŭ orearŭ uruŭŭ rŭ Gariréaanecŭŭãx nixŭŭ! —ñanagŭrŭgŭ.

53 Rŭ yexguma ga wŭxichigŭ rŭ nachiŭwa naxŭŭ.

8

Nge ga ãtecŭ ga naŭ ga yatŭmaã ngèãĕxŭ

1 Rŭ Ngechuchu rŭ Orŭbunecŭgu ãegane ga mèxpŭnewa naxŭŭ.

2 Rŭ moxŭãcŭ ga yexguma yangunegu, rŭ wenaxarŭ tupauca ga taxŭnecèx nataegu. Rŭ ga duŭxŭgŭ rŭ naxcèx naxŭŭ. Rŭ nŭma ga Ngechuchu rŭ inarŭto, rŭ inanaxŭgŭ ga na nangŭexèèãxŭŭ ga duŭxŭgŭ.

3 Rŭ yema ngŭexèèruŭgŭ ga Moŭchearŭ mugŭwa nguxèètaegŭxŭŭ rŭ Parichéugŭ, rŭ Ngechuchuxŭtawa ngŭxŭŭ nagagŭ ga wŭxi ga nge ga ãtecŭ ga ngŭxŭŭ nadaugŭcŭ ga naŭ ga yatŭmaã na inapexŭŭ. Rŭ guxŭma ga yema duŭxŭgŭ ga yema yexmagŭxŭpèxegu ngŭxŭŭŭ nayachixèègŭ.

4 Rŭ ñanagŭrŭgŭŭ Ngechuchuxŭŭ: —Pa Ngŭexèèruŭxŭ, ñãã nge i ãtecŭ rŭ ngŭxŭŭ itayangau na naŭ ya yatŭmaã na inapexŭŭ.

5 Moŭchearŭ mugŭwa tamaã nŭxŭŭŭ nixu na nutamaã ngŭxŭŭŭ ŭmŭxŭchiãcŭma ngŭxŭŭŭ imãxŭŭŭ i wŭxi i nge i ngèmaãcŭ maxŭcŭ. ¿Ñuxŭŭŭ ñacuxŭŭŭ i cuma i ñuxmax? —ñanagŭrŭgŭŭ.

6 Rŭ yema ñanagŭrŭgŭŭ ga nŭmagŭ, yerŭ Ngechuchuxŭŭ guxchaxŭgu nangŭxèègŭchaŭ na nŭxŭŭŭ nayexmaxŭcèx ga ŭacŭcèx na inaxuaxŭgŭãxŭŭ. Natŭrŭŭ ga Ngechuchu rŭ inayarŭmaxŭchi rŭ inanaxŭgŭ ga naxmèxmaã waixŭmŭwa na naxŭmatŭãxŭŭ.

7 Natŭrŭŭ nŭxŭŭŭ nacèèxŭgŭama, rŭ yemacèx dŭxwa wenaxarŭŭ nadaunagŭ ga Ngechuchu, rŭ ñanagŭrŭŭŭ nŭxŭŭŭ: —Ngexerŭxe i petanŭwa ya ngearŭ pecaduãxè rŭ tŭxira nuta ngŭxŭŭŭ tanaña —ñanagŭrŭŭŭ.

⁸ Rŭ wenaxârŭ inayarŭmaxâchi ga Ngechuchu rŭ naxmêxmaã nanaxŭmatŭ ga waixŭmŭwa.

⁹ Natŭrŭ yexguma nŭxŭ naxŭnŭêgu ga yema ore ga Parichêguŭ rŭ inanaxŭgŭe ga nŭgŭ na yawŭxŭxŭ ga nŭgŭtwe na ínachoxŭxŭ. Rŭ yaguãxgŭ ga Parichêguŭwa inaxŭgŭ ga na ínachoxŭxŭ rŭ dŭxwa guxŭma ínachoxŭ. Rŭ yexguma marŭ guxŭma ga Parichêguŭ ichoŭxgu, rŭ Ngechuchu rŭ yema ngecŭxicatama yéma duŭxŭgŭpêxewa nayaxŭgŭ.

¹⁰ Rŭ yexguma ga Ngechuchu rŭ wena nadaunagŭ. Rŭ ngŭxna naca rŭ ñanagŭrŭ ngŭxŭ: —Pa Ngecŭx, ¿Ngêxŭgŭ nixŭ i ngêma cuxŭ ixugŭexŭ? ¿Rŭ taxuŭma cuxŭ imáxchaŭ? —ñanagŭrŭ.

¹¹ Rŭ ngŭma rŭ ngŭgŭrŭgŭ nŭxŭ: —Taxuŭma Pa Corix —ngŭgŭrŭgŭ. Rŭ yexguma ga Ngechuchu rŭ ñanagŭrŭ ngŭxŭ: —Choma rŭ ta tama cuxŭ chaxoxcu. Ñuxma rŭ marŭ name rŭ íquixŭ rŭ tama wena pecadu cuxŭ —ñanagŭrŭ.

Ngechuchu rŭ ñoma i naãneârŭ ngóonex- êêruŭ nixŭ

¹² Rŭ wenaxârŭ duŭxŭgŭmaã nidexa ga Ngechuchu, rŭ ñanagŭrŭ nŭxŭ: —Choma nixŭ i ñoma i naãnecŭãxârŭ ngóonexêêruŭ. Rŭ yixema chowe rŭxŭxê rŭ chorŭ ngóonexŭwa tangêxma rŭ tŭxna chanaxã i maxŭ. Rŭ tá nŭxna ítanguxuchi i tŭmaârŭ chixexŭ —ñanagŭrŭ.

¹³ Rŭ yexguma ga Parichêguŭ rŭ ñanagŭrŭgŭ nŭxŭ: —Cuma rŭ cugŭchigaxŭtama quixu. Rŭ ngêma cuchiga i nŭxŭ quixuxŭ rŭ taxuwama name —ñanagŭrŭgŭ.

¹⁴ Rŭ Ngechuchu nanangãxŭ rŭ ñanagŭrŭ nŭxŭ: —Rŭ ngêma ore i chauchiga nŭxŭ chixuxŭ rŭ aixcŭma nixŭ woo chomatama yixŭgu i namaã chaugŭétŭwa chidexaxŭ. Erŭ choma rŭ nŭxŭ chacuèx i ngextá ne chaxŭxŭ, rŭ ngextá tá chaxŭxŭ. Natŭrŭ pema rŭ tama nŭxŭ pecuèx na ngextá ne chaxŭxŭ rŭ tama nŭxŭ pecuèx na ngextá tá chaxŭxŭ.

¹⁵ Pema rŭ choxŭ pengugŭ i ñoma i naãnecŭãx i duŭxŭgŭ nagu rŭxŭnŭxŭãcŭmamare. Natŭrŭ i choma rŭ taxuèxŭma changugŭ.

¹⁶ Natŭrŭ ngêxguma chi texêxŭ changugŭgu rŭ aixcŭma meãma tŭxŭ changugŭ. Erŭ tama chaxicatama tŭxŭ changugŭ, natŭrŭ yima Chaunatuŭ ga núma choxŭ mucŭmaã nixŭ i wŭxigu tŭxŭ tangugŭxŭ.

¹⁷ Rŭ ngêma mugŭ ga Moïché ŭmatŭxŭ i nagu pexŭxŭ, rŭ ñanagŭrŭ:

“Ngêxguma taxre i duŭxŭgŭ rŭ wŭxitama i orexŭ yaxugŭgu, rŭ ngêmaã ãnggacŭ nŭxŭ nacuèx na aixcŭma yŭxŭ i ngêma nŭxŭ yaxugŭexŭ”, ñanagŭrŭ.

¹⁸ Rŭ dŭcax, choma nixŭ i wŭxi i chauchigaxŭ chixuxŭ rŭ Chaunatuŭ ga núma choxŭ mucŭ nixŭ ya naí. ¿Rŭ tŭxçŭcŭ tama choxŭ peyaxôgŭchaŭ i ñuxmax? —ñanagŭrŭ.

¹⁹ Rŭ yexguma ga nŭmagŭ rŭ nŭxna nacagŭe rŭ ñanagŭrŭgŭ: —¿Ngexçŭ ya yima Cunatuŭ? —ñanagŭrŭgŭ. Rŭ Ngechuchu nanangãxŭ rŭ ñanagŭrŭ: —Choxŭ rŭ tama pecuèx rŭ Chaunatuŭxŭ rŭ ta tama pecuèx. Rŭ ngêxguma chi choxŭ pecuèxgŭgu rŭ Chaunatuŭxŭ rŭ chi ta pecuèxgŭ —ñanagŭrŭ.

²⁰ Rŭ yema orexŭ nixu ga Ngechuchu ga yexguma nanguxêetaegu ga tupauca ga taxŭnewa naxŭtawa ga yema nachica ga ngextá duŭxŭgŭ tupaucana dŭeru ngŭxŭ íxãgŭxŭwa. Natŭrŭ taxuŭma Ngechuchuxŭ niyauxgŭ, yerŭ tauta nawa nangu ga yema ngunexŭ ga nagu yayauxgŭãxŭ.

Ngechuchu rŭ Parichêguŭmaã nŭxŭ nixu rŭ ngextá núma ínaxŭxŭwa rŭ taxuçŭrŭwa ngêma naxŭ

21 RŦ Ngechuchu rŦ wenaxārŦ namaā nŦxŦ nixu, rŦ ñanagŦrŦ: —Choma rŦ tá pexna chixŦ i nŦma, rŦ pema rŦ tá chauxcĕx pedaugŦ, natŦrŦ tá perŦ pecadugu peyue. RŦ ngextá íchaxŦxŦwa rŦ taxucŦrŦwama ngema pexŦ —ñanagŦrŦ.

22 RŦ yexguma ga yema YudiŦgŦ rŦ ñanagŦrŦgŦ: —¿Ēxna nŦgŦ tátama nimĕx rŦ ngĕmacĕx tamaā nŦxŦ yaxuxŦ na taxucŦrŦwama ngema íxŦxŦ i ngĕma ínaxŦxŦwa? —ñanagŦrŦgŦ.

23 RŦ Ngechuchu ñanagŦrŦ nŦxŦ: —Pema rŦ ñoma i naānecŦāx i duŦxŦgŦ pixŦgŦ, natŦrŦ i choma rŦ daxŦguxŦ i naānewa ne chaxŦ. Pema rŦ ñoma i naānearŦ duŦxŦgŦ pixŦgŦ natŦrŦ i choma rŦ tama ñoma i naānecŦāx chixŦ.

24 —RŦ ngĕmacĕx pemaā nŦxŦ chixu rŦ tá perŦ pecadugu peyue. ErŦ ngĕxguma tama choxŦ peyaxŦgŦgu na choma chixŦ ya Cristu, rŦ perŦ pecadugu tá peyue —ñanagŦrŦ.

25 RŦ yexguma nŦxna nacagŦe, rŦ ñanagŦrŦgŦ: —¿NatŦrŦ texé quixŦ i cumax? —ñanagŦrŦgŦ. RŦ Ngechuchu nanangāxŦ, rŦ ñanagŦrŦ: —MarŦ noxritama pemaā nŦxŦ chixu na texé chixŦ.

26 —RŦ choma rŦ choxŦ nangĕxma i muxŦma i tacŦ i chomatama pexŦ changŦxĕĕchaŦxŦ rŦ tacŦcĕx pexna na chaçaxŦ, natŦrŦ tātama chanaxŦ i ngĕma. ErŦ yima ChaunatŦ ga nŦma choxŦ mucŦ chomaā nŦxŦ íxuxŦ i orexícata nixŦ i ñoma i naānecŦāxgŦmaā nŦxŦ chixuxŦ. RŦ guxŦma i ngĕma nŦxŦ yaxuxŦ ya ChaunatŦ, rŦ aixcŦma nixŦ —ñanagŦrŦ.

27 NatŦrŦ nŦmagŦ rŦ tama nŦxŦ nacuĕxgŦĕga ga NanatŦ ya Tupanachiga na yŦxŦ na yema ñaxŦ ga Ngechuchu.

28 RŦ yemacĕx ga Ngechuchu rŦ ñanagŦrŦ nŦxŦ: —Choma nixŦ i Tupana Nane i duŦxŦxŦ chixŦ. RŦ yixcŦra ngĕxguma curuchawa choxŦ pipotagŦgu, rŦ tá nŦxŦ picuĕxāchitanŦ na Cristu na chixŦ. RŦ tá nŦxŦ pecuĕx na taxuŦma chaucehamatama chaxŦxŦ. RŦ ngĕma ChaunatŦ chomaā nŦxŦ íxuxŦxŦcatama nixŦ i pemaā nŦxŦ chixuxŦ.

29 —Yima nŦma choxŦ mucŦ ya ChaunatŦ rŦ chauxŦtawa nangĕxma. RŦ taguma choxna nixŦgachi, erŦ choma rŦ guxŦguma chanaxŦ i ngĕma norŦ ngŦchaŦ íxŦxŦ —ñanagŦrŦ.

30 RŦ yexguma yema ñaxgu ga Ngechuchu rŦ muxŦma ga duŦxŦgŦ nŦxŦ nayaxŦgŦ.

YŦxema TupanaxĕcŦgŦ íxŦgŦxechiga, rŦ yŦxema pecadutŦwa ngĕxmagŦxechiga

31 RŦ yexguma ga Ngechuchu rŦ ñanagŦrŦ nŦxŦ ga yema YudiŦgŦarŦ āĕxgacŦgŦ ga nŦxŦ yaxŦgŦxŦ: —Ngĕxguma pema meāma peyaxŦgŦĕchagu i ngĕma pemaā nŦxŦ chixuxŦ, rŦ aixcŦmaxŦchi tá chorŦ ngŦxŦgŦ pixŦgŦ.

32 —RŦ tá nŦxŦ pecuĕx i ore i aixcŦma íxŦxŦ. RŦ ngĕma ore tá pexŦ ínanguxŦxĕĕ —ñanagŦrŦ.

33 RŦ nŦmagŦ rŦ NgechuchuxŦ nangāxŦgŦ, rŦ ñanagŦrŦgŦ: —Toma rŦ nuxcŦmaŦcŦ ga torŦ oxŦ ga AbrāŦta tixŦgŦ rŦ taguma texĕmĕxĕwa tangĕxmagŦ. ¿NŦxācŦ i cumax rŦ tá na ítanguxŦxŦ, ñacuxŦ? —ñanagŦrŦgŦ.

34 RŦ Ngechuchu ñanagŦrŦ nŦxŦ: —AixcŦma pemaā nŦxŦ chixu rŦ guxāma ya pecaduāxĕ rŦ pecadutŦwa tangĕxmagŦ.

35 —WŦxi i coriarŦ duŦxŦmare rŦ tama norŦ coripataçŦāx nixŦ. NatŦrŦ wŦxi i cori nane rŦ guxŦguma nanatŦ nane nixŦ.

36 —Choma rŦ Tupana Nane chixŦ. RŦ ngĕxguma chi choma pecaduna pexŦ íchanguŦxĕĕgu, rŦ aixcŦma tá nŦxna ípenguŦ.

37 —Marü nüxŦ chachuèx na AbráŦtaa pixŦgüxŦ i pemax. Natürü choxŦ pimèxgüchaŦ erü tama aixcüma choxŦ peyaxögü i ngèma ore i pemaã nüxŦ chixuxŦ.

38 —Choma rü yema Chaunatu choxŦ wéxŦ nixŦ i pemaã nüxŦ chixuxŦ. Natürü pema rü penaxü i ngèma penatü pemaã nüxŦ ixuxŦ —ñanagürü ga Ngechuchu.

39 Rü nümagü rü NgechuchuxŦ nangãxŦ rü ñanagürügü: —Torü oxŦ nixŦ ga AbráŦ —ñanagürügü. Natürü Ngechuchu nanangãxŦ rü ñanagürü nüxŦ: —Ngèxguma chi aixcüma AbráŦtaa pixŦgügu rü chi AbráŦ üxŦrüŦ penaxü.

40 —Natürü woo pemaã nüxŦ chixu i ore i aixcüma ixŦxŦ ga Chaunatu ga Tupana choxŦ nguxèèxŦ, rü pema rü choxŦ pimèxgüchaŦ. Natürü ga AbráŦ rü taguma yemaãcü nanaxü.

41 —Pema rü penaxü i penatügücumatama —ñanagürü. Rü yexguma ga nümagü rü ñanagürügü: —Toma rü tama tangürüwaŦgümare, rü toxŦ nangèxma ya wüxitama ya tonatü. Rü yima nixŦ ya Tupana —ñanagürügü.

42 Rü Ngechuchu nanangãxŦ, rü ñanagürü nüxŦ: —Ngèxguma chi aixcüma Tupana yixŦgu ya penatü rü choxŦ chi pengechaŦ, erü choma rü TupanaxŦtawa nixŦ i ne chaxŦxŦ, rü ngèmacèx chanuxma. Rü tama chauechamatama núma chaxŦ, natürü núma chaxŦ yerü Chaunatu ya Tupana núma choxŦ namu.

43 —¿TüxcüŦ tama nüxŦ pecuèxéga i ngèma pemaã nüxŦ chixuxŦ? PexŦ naguxcha erü woetama tama iperüxŦnüèchaŦ i ngèma pemaã nüxŦ chixuxŦ i ore.

44 —Penatü rü Chataná nixŦ rü pema rü naxãcügü pixŦgü. Rü ngèmacèx penaxü i ngèma nüma pexŦ nanaxwèxexŦ. Rü ngèma Chataná rü noxriarü ügügumama wüxi i máètaxŦ nixŦ. Rü taguma ore i aixcümaxŦgu narüxŦnü rü taguma ore i aixcümaxŦ nixu. Rü ngèxguma yadeaxgu rü doraxŦxŦcatama nixu, erü nüma rü wüxi i doratèxáxŦ nixŦ. Rü guxŦma i doratèxáxŦnatü nixŦ.

45 —Natürü i pema rü tama choxŦ peyaxögüchaŦ erü ore i aixcümaxŦ chixu.

46 —¿Texé ya petanüwa choxŦ dauxe na pecadu chaxŦxŦ? Rü ñüxma na nüxŦ chixuxŦ i ore i aixcüma ixŦxŦ, rü ¿tüxcüŦ tama choxŦ peyaxögü?

47 —Texé ya Tupanaärü duŦxŦ ixŦxè rü itarüxŦnü i Tupanaärü ore. Natürü i pema rü tama Tupanaärü duŦxŦgü pixŦgü, rü ngèmacèx nixŦ i tama iperüxŦnüèchaŦxŦ i Tupanaärü ore —ñanagürü.

Tauta nangoxgu ga AbráŦ rü Cristu rü marü nayexma

48 Rü yexguma ga yema Yudiügüarü àèxgacügü rü ñanagürügü nüxŦ: —Rü aixcüma nixŦ ga yema torü ore ga yexguma ñatagügügu:

“Cuma rü wüxi i ChamáriacŦãx quixŦ, rü ngoxo cuwa nangèxma”, ñatagügügu —ñanagürügü.

49 Rü Ngechuchu nanangãxŦ, rü ñanagürü nüxŦ: —Chowa rü nataxuma i ngoxo. Rü ngèma chaxŦxŦ nixŦ na ChaunatüxŦ chicuèxüŦxŦ, natürü i pema rü chixri chauchiga pidexagü.

50 —Choma rü tama naxcèx chadau na texé choxŦ icuèxüŦgüxŦcèx. Natürü Tupana nixŦ ya naxwèxecü na duŦxŦgü choxŦ icuèxüŦgüxŦ. Rü nüma tá nanapoxcue i ngèma chauxchi aixŦ.

51 —Aixcüma pemaã nüxŦ chixu, rü texé ya naga ñnüxè i ngèma tümamaã nüxŦ chixuxŦ rü guxŦgutáma tamaxècha —ñanagürü.

52 Rü yexguma ga yema Yudiügüarü àèxgacügü, rü NgechuchuxŦ nangãxŦgü, rü ñanagürügü: —Ñüxma rü meãxŦchima nüxŦ tacuèx na cuwa

nangēxmaxũ i wũxi i ngoxo. Yerũ ga Abráũ rũ guxũma ga nuxcũmaũgũxũ ga Tupanaãrũ orearũ uruũgũ rũ nayue. Natũrũ cuma rũ ñuxma tomaã nũxũ quixu rũ texé ya naga ñnũxê i ngẽma curũ ore rũ guxũgutãma tamaxêcha –ñacurũgũ.

53 –¿Éxna cuma rũ tórũ oxĩ ga Abráũãrũ yexera quixĩ? Yerũ nũma rũ nayu rũ guxũma ga nuxcũmaũgũxũ ga Tupanaãrũ orearũ uruũgũ rũ ta nayue. ¿Rũ cugũcèx rũ texé quixĩ? –ñanagũrũgũ.

54 Rũ Ngechuchu nanangãxũ, rũ ñanagũrũ nũxũ: –Ega chaugũ chitama chicuèxũũgu rũ ngẽma rũ taxuwama name. Natũrũ yima choxũ icuèxũũcũ rũ Chaunatũ nixĩ. Rũ yima Chaunatũtama nixĩ ya perũ Tupana ixĩcũ –ñapegũcũ nũxũ.

55 –Natũrũ i pema rũ tama aixcũma nũxũ pecuèx ya Chaunatũ ya Tupana. Natũrũ i choma rũ ngẽmaãcũ nũxũ chacuèx. Rũ ngẽxguma chi:

“Tama nũxũ chacuèx”, ñachaxgu, rũ pexrũũ chi wũxi i doratèxáxũ chixĩ. Natũrũ i choma rũ aixcũmaxũchima nũxũ chacuèx ya Chaunatũ ya Tupana, rũ naga chaxĩnũ i guxũma i norũ ore i chomaã nũxũ yaxuxũ.

56 –Perũ oxĩ ga Abráũ rũ nataãe yerũ aixcũma nayaxõ rũ tá na íchanguxũ i ñoma i naãnewa. Rũ yemaxũ nacuèx rũ yemacèx nataãe –ñanagũrũ ga Ngechuchu.

57 Rũ yexguma ga yema Yudiũgũarũ ãẽxgacũgũ rũ Ngechuchuxũ nangãxũgũ, rũ ñanagũrũgũ: –Cuma rũ tauta 50 ya taunecũ cuxũ nangẽxma. ¿Ñũxãcũ Abráũxũ cudau ga tauta cungõxgux ga yexguma? –ñanagũrũgũ.

58 Rũ Ngechuchu nanangãxũ rũ ñanagũrũ nũxũ: –Aixcũma pemaã nũxũ chixu rũ tauta Abráũ ngoxgu rũ choma rũ marũ chayexma –ñanagũrũ.

59 Rũ yexguma ga nũmagũ rũ nutane nanayauxgũ na gumamaã ñnamuxũchigũãxũcèx. Natũrũ ga Ngechuchu rũ naxchaxwa inicũx. Rũ yemaãcũ ñnaxũxũ nawa ga guma tupauca ga taxũne.

9

Ngechuchu nanamexêẽ ga wũxi ga yatũ ga norũ bucũma ngexetũcũ

1 Rũ yexguma namagu tomaã yaxũxgu ga Ngechuchu, rũ yẽma nũxũ nadau ga wũxi ga yatũ ga woetama norũ bucũma ngexetũcũ.

2 Rũ toma ga norũ ngũexũgũ rũ nũxna tacagũ, rũ ñatarũgũgũ: –Pa Ngũexêẽruũx, ¿Tũxcũũ ngexetũcũma nabu ya daa yatũ? ¿Éxna nanatũ rũ naẽãrũ pecadugagu rũ éxna norũ pecadugagutama? –ñatarũgũgũ.

3 Rũ Ngechuchu toxũ nangãxũ, rũ ñanagũrũ toxũ: –Tama norũ pecadugagu rũ tama i nanatũ rũ naẽãrũ pecadugagu nixĩ i ngẽmaãcũ nabuxũ. Natũrũ ngẽmaãcũ nabu na nawa nũxũ pedauxũcèx na ñũxãcũ Tupana tũxũ na rũmexêẽxũ.

4 –Rũ ñoma rũ ta nangune rũ name nixĩ na paxama na naxũxũ i ngẽma puracũ ya Chaunatũ ga núma choxũ mucũ tũxna ãxũ. Erũ paxa tá nachũta rũ ngẽxguma rũ taxucũrũwama texé tá tapuracũ.

5 –Rũ ñuxma na ñoma i naãnewa changẽxmaxũ rũ ñoma i naãneãrũ ngõonexêẽruũ chixĩ –ñanagũrũ.

6 Rũ yexguma yema ñaxguwena rũ Ngechuchu waixũmũãnewa nacuaxi. Rũ yema waixũmũ ga iwaixũmaã nanachaxetũ ga guma yatũ ga ngexetũcũ.

7 Rũ yexguma guma ngexetũcũxũ ñanagũrũ: –¡Dexãmaã cugũ yayauxetũ i Chirueãrũ puchuwa! –ñanagũrũ. Rũ ngẽma naega rũ “Tũxũ muxũ”,

ñaxũchiga nixĩ. Rũ yéma naxũ ga guma ngexetũcũ rũ nũgũ dexámaã nayaux-etũ. Rũ yexguma nataegugu rũ marũ nidauchixetũ.

⁸ Rũ yexguma ga yema duũxũgũ ga guma ngexetũcũpataarũ ngaicamagu pegũxũ rũ yema duũxũgũ ga ũpaacũ nũxũ daugũxũ ga na nangexetũxũ, rũ ñanagũrũgũ: —¿Taux éxna i ñaã yĩxũ ga yema yatũ ga ngexetũchiréxũ ga duũxũgũxũ diêrucèx cèèxũxũ? —ñanagũrũgũ.

⁹ Rũ nũmaxũ rũ ñanagũrũgũ: —Ngêmáácũ nũma nixĩ —ñanagũrũgũ. Rũ togũ rũ ñanagũrũgũ: —Tama nixĩ i yima yĩxũ, natũrũ nanangẽxgumaraũxũchi —ñanagũrũgũ. Natũrũ nũmatama ga guma yatũ ga ngexetũchirécũ, rũ ñanagũrũ: —Ngêmáácũ choma chixĩ —ñanagũrũ.

¹⁰ Rũ yexguma ga yema duũxũgũ rũ nũxna nacagũ rũ ñanagũrũgũ: —¿Rũ ñuxácũ nixĩ i marũ quidauchixũ i ñuxmax? —ñanagũrũgũ.

¹¹ Rũ nũma nanangãxũ rũ ñanagũrũ: —Yima yatũ ya Ngechuchugu ãegacũ rũ yima waixũmũãnewa nacuaxi. Rũ yema waixũmũ ga iwaixũmaã choxũ nachaxetũ. Rũ ñanagũrũ choxũ:

“¡Yéa Chiruérũ puchuwa naxũ rũ ngema dexámaã cugũ yayauxetũ!” ñanagũrũ choxũ. Rũ yéma chaxũ, rũ yexguma dexámaã chaugũ chayauxetũgũ rũ chidauchi —ñanagũrũ ga guma yatũ.

¹² Rũ yexguma nũxna nacagũe, rũ ñanagũrũgũ: —¿Ngextá nangẽxmaxũ i ñuxma ya yima yatũ ya cuxũ rũmexèècũ? —ñanagũrũgũ. Rũ nũma ga guma yatũ ga ngexetũchirécũ rũ ñanagũrũ: —Tama nũxũ chacuèx —ñanagũrũ.

Parichéugũ rũ guma ngexetũcũ ga Ngechuchu namexèècũna nacagũe

¹³⁻¹⁴ Natũrũ yema ngunexũ ga Ngechuchu nagu namexèèxũ ga guma ngexetũcũ, rũ ngũxchigaarũ ngunexũ nixĩ. Rũ yemacèx ga duũxũgũ rũ Parichéugũxũtawa nanagagũ ga guma yatũ ga ngexetũchirécũ.

¹⁵ Rũ yexguma ga yema Parichéugũ rũ nũxna nacagũe ga guma yatũ, rũ ñanagũrũgũ: —¿Ñuxácũ i marũ curũmexètũxũ i ñuxmax? —ñanagũrũgũ. Rũ nũma nanangãxũ rũ ñanagũrũ: —Waixũmũ ga naxbũxágũmaã yawaixèèxũmaã choxũ nachaxetũ ga Ngechuchu, rũ ñuxũchi dexámaã chaugũ chayauxetũ, rũ ngêmacèx marũ chidauchi —ñanagũrũ.

¹⁶ Rũ yexguma ga ñuxre ga Parichéugũ rũ ñanagũrũgũ: —Yema yatũ ga cuxũ rũmexèèxũ rũ tama Tupanaarũ duũxũ nixĩ, erũ tama nanaxaure i ngũxchigaarũ ngunexũ —ñanagũrũgũ. Natũrũ togũ ga Parichéugũ rũ ñanagũrũgũ: —¿Ñuxácũ nanaxũ i ngéma cuèxruũ i mexũ i taxũ ega wũxi i pecaduãxũ yixĩxgux? —ñanagũrũgũ. Rũ yemaãcũ nũgũ nitoye ga nagu naxĩnũèxũwa ga yema Parichéugũ.

¹⁷ Rũ wena nũxna nacagũe ga guma yatũ ga ngexetũchirécũ, rũ ñanagũrũgũ: —¿Natũrũ cuma rũ ñuxũ ñacuxũ nachiga i ngéma yatũ ga cuxũ rũmexèèxũ? —ñanagũrũgũ. Rũ nũma nanangãxũ, rũ ñanagũrũ: —Chauxcèx rũ wũxi i Tupanaarũ orearũ uruũ nixĩ —ñanagũrũ.

¹⁸ Natũrũ ga yema Yudiugũarũ ãèxgacũgũ rũ tama nũxũ nayaxõgũchaũ ga nũma na yĩxũ ga na nangexetũchiréxũ ga noxrix, rũ ñuxma rũ marũ na yadauchixũ. Rũ yemacèx ga yema ãèxgacũgũ rũ rũmexèècũ nangemagũ ga nanatũ rũ naè ga guma yatũ ga rũmexètũcũ.

¹⁹ Rũ tũxna nacagũ, rũ ñanagũrũgũ: —¿Daa yĩxũ ga guma pene ga nũxũ pixucũ ga woetama ngexetũãcũ bucũ? ¿Ñuxácũ i ñuxma i yadauchixũ? —ñanagũrũgũ.

20 Rŭ nanatŭ rŭ naē tanangāxŭgŭ rŭ ñatarŭgŭgŭ: —Ngēmaācŭ nŭxŭ tacuèx rŭ daa nixŭ ya tone ga ngexetŭācŭma buchirécŭ.

21 Natŭrŭ tama nŭxŭ tacuèx ga ñuxācŭ na yadauchixŭ i ñuxmax. Rŭ tama nŭxŭ tacuèx ga texé na namexētŭxēēxŭ. ¡Ēcŭ nŭxnatama pecagŭ! Erŭ nŭma rŭ marŭ naya, rŭ nŭmatama pemaā nŭxŭ na yaxuxŭcèx —ñatarŭgŭgŭ.

22 Rŭ yema ñatarŭgŭgŭ ga nanatŭ rŭ naē, yerŭ tamuŭē. Yerŭ ga Yudŭgŭarŭ āēxgacŭgŭ rŭ marŭ nŭgŭmaā nanamexēēgŭ na nŭxŭ ínatexŭchigŭxŭcèx ga ngutaqŭéxepataŭwa ga texé ga Ngechuchuaxŭ yaxŭxē na Cristu yŭŭxŭ.

23 Rŭ yemacèx nixŭ ga nanatŭ rŭ naē ga ñatagŭgŭxŭ: “¡Ēcŭ, nŭxnatama pecagŭ! Erŭ nŭma rŭ marŭ naya rŭ nŭmatama pemaā nŭxŭ na yaxuxŭcèx”, ñatagŭgŭxŭ.

24 Rŭ yexguma ga yema Yudŭgŭarŭ āēxgacŭgŭ rŭ wenaxārŭ naxcèx nacagŭ ga guma ngexetŭchirécŭ. Rŭ ñanagŭrŭgŭ nŭxŭ: —Rŭ ñuxma tanaxwèxe i Tupanapèxewa rŭ aixcŭma tomaā nŭxŭ quixu na texé cuxŭ rŭmexēēxŭ. Erŭ toma rŭ meāma nŭxŭ tacuèx i ngēma Ngechuchu rŭ wŭxi i pecaduāxŭ na yŭŭxŭ —ñanagŭrŭgŭ.

25 Rŭ nŭma nanangāxŭ rŭ ñanagŭrŭ nŭxŭ: —Choma rŭ tama nŭxŭ chacuèx ega wŭxi i pecaduāxŭ yixŭgu rŭ éxna tama. Rŭ ngēma nŭxŭ chacuāxŭ nixŭ ga na changexetŭchirécŭ ga noxrix rŭ ñuxma rŭ na chidauchixŭ —ñanagŭrŭ.

26 Rŭ wenaxārŭ nŭxna nacagŭ, rŭ ñanagŭrŭgŭ: —¿Rŭ tacŭ nixŭ ga cumaā naxŭxŭ? ¿Rŭ ñuxācŭ ga naxŭāxŭ ga cuxŭ na yadauchixetŭxēēxŭ? —ñanagŭrŭgŭ.

27 Rŭ nanangāxŭ rŭ ñanagŭrŭ nŭxŭ: —Marŭ pemaā nŭxŭ chixu, rŭ tama choxŭ iperŭxŭñŭēchaŭ. ¿Tŭxcŭŭ penaxwèxe na wena pemaā nŭxŭ chixuxŭ? ¿Éxna pema rŭ ta nŭxŭ peyaxŭgŭchaŭ? —ñanagŭrŭ.

28 Rŭ yexguma rŭ guma yatŭmaā chixexŭ nixugŭe, rŭ ñanagŭrŭgŭ: —Cumaērŭ nixŭ i nŭxŭ cuyaxŭxŭ i ngēma yatŭ, natŭrŭ i toma rŭ Moŭchearŭ oreaxŭ nixŭ i tayaxŭgŭxŭ.

29 —Toma rŭ nŭxŭ tacuèx ga Tupana rŭ aixcŭma Moŭchémaā na yadexaxŭ, natŭrŭ ngēma Ngechuchu rŭ tama nŭxŭ tacuèx na ngextá na ne naxŭxŭ —ñanagŭrŭgŭ.

30 Rŭ guma yatŭ nanangāxŭ, rŭ ñanagŭrŭ nŭxŭ: —¿Ñuxācŭ nixŭ i ngēma? Nŭma rŭ marŭ choxŭ narŭmexētŭxēē, natŭrŭ ¿ñuxācŭ i pema i tama nŭxŭ pecuāxŭ na ngextá na naxŭxŭ?

31 —Rŭ guxāma i yixema rŭ meāma nŭxŭ tacuèx rŭ Tupana tama nŭxŭ naxŭnŭ i pecaduāxgŭxŭārŭ yumŭxē. Natŭrŭ Tupana rŭ tŭxŭ nŭxŭ naxŭnŭ i tŭmaārŭ yumŭxē ya yixema nŭxŭ icuèxŭŭgŭxe rŭ naxŭxe i Tupanaārŭ ngŭchaŭ.

32 —Taguma ñuxgu nŭxŭ taxŭnŭchiga i wŭxi i yatŭ na yadauchixēēxŭ i wŭxi i duŭxŭ i norŭ bucŭma ngexetŭxŭ.

33 —Rŭ ngēxguma chi tama Tupana nŭma namŭxgux ya daa yatŭ ya choxŭ rŭmexēēcŭ, rŭ taxuacŭ chima mexŭ naxŭ —ñanagŭrŭ ga guma yatŭ ga ngexetŭchirécŭ.

34 Rŭ yexguma ga yema Yudŭgŭarŭ āēxgacŭgŭ, rŭ ñanagŭrŭgŭ nŭxŭ: —Cuma na pecadugu na cubuxŭ, ¿rŭ ñuxācŭ cunaxwèxe na toxŭ cungŭexēēchaŭxŭ? —ñanagŭrŭgŭ. Rŭ ñuxŭchi ínatexŭchigŭ ga ngutaqŭéxepataŭwa.

Duŭxŭgŭ i tama yaxŭgŭxŭ rŭ ngexetŭxŭrŭŭŭ nixŭgŭ

³⁵ Rŭ Ngechuchu rŭ nŭxŭ nacuáchiga ga na ínatèxŭchigŭãxŭ ga guma ngexetŭchirécŭ. Rŭ yexguma nŭxŭ nadèuxgu, rŭ ñanagŭrŭ nŭxŭ: —¿Nŭxŭ cuyaxòxŭ ya Tupana Nane ya duŭxŭxŭ íxícu? —ñanagŭrŭ.

³⁶ Rŭ yexguma ga nŭma rŭ Ngechuchuxŭ nangãxŭ rŭ ñanagŭrŭ: —Pa Corix, ¡chomaã nŭxŭ íxu na texe yíxŭ na nŭxŭ chayaxòxŭcèx! —ñanagŭrŭ.

³⁷ Rŭ Ngechuchu nanangãxŭ, rŭ ñanagŭrŭ: —Marŭ nŭxŭ cudau ya Tupana Nane. Rŭ chomatama nixí i cumaã na íchidexaxŭ chíxŭ —ñanagŭrŭ.

³⁸ Rŭ yexguma ga guma yatŭ ga ngexetŭchirécŭ rŭ Ngechuchupèxegu nacaxãpŭxŭ, rŭ nŭxŭ nicuèxŭ, rŭ ñanagŭrŭ nŭxŭ: —Ngẽmããcŭ cuxŭ chayaxò, Pa Corix —ñanagŭrŭ.

³⁹ Rŭ yexguma ga Ngechuchu rŭ ñanagŭrŭ: —Rŭ ñoma i naãnewa chaxŭ na chayadexechixŭcèx i chorŭ duŭxŭgŭ nŭxna i ngẽma duŭxŭgŭ i tama choxrŭ íxíxŭ. Rŭ nuã chaxŭ na chanameèxèèxŭcèx i ngẽma duŭxŭgŭ i noxri tama Tupanaxŭ cuèxgŭxŭ. Rŭ ngèxgumarŭtŭ ta nŭma chaxŭ na duŭxŭgŭ i tama choxŭ cuèxgŭchaŭxŭxŭ chanawéxŭ na duŭxŭgŭ i ngexetŭxŭrŭrŭ na yixíxŭxŭ, erŭ tama choxŭ nayaxògŭchaŭ —ñanagŭrŭ.

⁴⁰ Rŭ ñuxre ga Parichéugŭ ga yéma Ngechuchumaã yexmagŭxŭ, rŭ yexguma yema orexŭ naxíñŭegu, rŭ Ngechuchuna nacagŭ, rŭ ñanagŭrŭgŭ: —¿Èxna toma rŭ ta tama Tupanaxŭ tacuèxgŭ ñacuxŭ? —ñanagŭrŭgŭ.

⁴¹ Rŭ Ngechuchu nanangãxŭ rŭ ñanagŭrŭ nŭxŭ: —Ngèxguma chi tama aixcŭma Tupanaxŭ pecuèxgŭgu rŭ tãu chima pegagu nixí na pepecaduãxgŭxŭ. Natŭrŭ ngẽma na pegŭ pixuxŭ na Tupanaxŭ pecuãxŭ rŭ ngẽmacèx pegagutama nixí na pepecaduãxgŭxŭ i ñŭxmax —ñanagŭrŭ.

10

Carnerugŭarŭ dauruŭ rŭ norŭ carnerugŭ

¹ Rŭ yexguma ga Ngechuchu rŭ ñanagŭrŭ: —Rŭ aixcŭma pemaã nŭxŭ chixu rŭ ngẽma yatŭ i tama carnerupŭxŭãrŭ íãxwa íxŭcuxŭ rŭ wŭxi i ngítèxãxŭ nixí i ngẽma, erŭ ngextámare nixŭcu.

² —Natŭrŭ ngẽma carnerupŭxŭãrŭ íãxwa meãma íxŭcuxŭ, rŭ ngẽma nixí i norŭ dauruŭxŭchi i carnerugŭ.

³ —Rŭ ngẽma yatŭ i carnerupŭxŭãrŭ íãxna dauxŭ rŭ nayawãxna i íãx na yaxŭcuxŭcèx i carnerugŭarŭ dauruŭ. Rŭ nŭma i carnerugŭ rŭ nŭxŭ nacuèxgŭ i naga i ngẽma norŭ dauruŭ. Rŭ ngẽma norŭ dauruŭ rŭ wŭxichigŭ i norŭ carneru rŭ naegamaã naxcèx naca na ínamuxŭãxŭcèx i naxpŭxŭwa.

⁴ —Rŭ ngèxguma ínamuxŭãxgu i guxŭma i norŭ carnerugŭ, rŭ nŭma i norŭ dauruŭ rŭ napèxegu nixŭchigŭ. Rŭ nŭmagŭ i carnerugŭ rŭ nawe narŭxŭ, erŭ nŭxŭ nacuèxgŭ i naga.

⁵ —Natŭrŭ ngèxguma wŭxi i yatŭ i tama aixcŭma norŭ dauruŭ íxíxŭ, rŭ tama nawe narŭxŭ i ngẽma carnerugŭ. Rŭ nŭxna naxíxŭ, erŭ tama nŭxŭ nacuèxgŭ i naga i ngẽma tama norŭ dauruŭ íxíxŭ —ñanagŭrŭ ga Ngechuchu.

⁶ Rŭ Ngechuchu rŭ duŭxŭgŭmaã nŭxŭ nixu ga yema ore ga cuèxruŭ, natŭrŭ ga nŭmagŭ rŭ tama nŭxŭ nacuèxgŭéga ga ñacŭchiga na yíxŭ.

Ngechuchu rŭ carneruarŭ dauruŭ ya mecŭ nixí

⁷ Rŭ yexguma ga Ngechuchu rŭ wenaxãrŭ ñanagŭrŭ nŭxŭ: —Aixcŭma pemaã nŭxŭ chixu rŭ choma nixí i carnerupŭxŭãrŭ íãx i nawa yachocuxŭxŭ i carnerugŭ.

8 GuxŦma ga yema chopegu nŦxira nŦma İxŦ rŦ ngŦtèxgŦxŦ rŦ maétagŦxŦ nixŦgŦ. NatŦrŦ yema carnerugŦ rŦ tama naga naxŦnŦe.

9 Choma nixŦ i İāx. RŦ texé ya chowa ixŦcuxe rŦ tá tamaxŦ. RŦ meāma tá tŦxŦ naxŦpetŦ ngèxgumarŦŦ i wŦxi i carneru i naxpŦxŦgu ŦcuxŦ rŦ İxŦxŦxŦ rŦ nŦxŦ İyangaucŦ ya mecŦ ya maxŦ.

10 Ngēma ngŦtèxāxŦ rŦ nŦma naxŦ na yangŦxŦcèx rŦ namāetaxŦcèx rŦ nachixexēēāxŦcèx. RŦ ngēmacèxicatama nŦma naxŦ. NatŦrŦ i choma rŦ nŦma chaxŦ na chanamaxēēxŦcèx i duŦxŦgŦ rŦ na aixcŦma nŦxŦ nangēxmaxŦcèx i maxŦ i taguma gŦxŦ.

11 Choma nixŦ i carneruarŦ dauruŦ ya mecŦ chŦxŦ. ErŦ wŦxi i carneruarŦ dauruŦ ya mecŦ rŦ norŦ carnerugŦxŦ İnapoxŦ rŦ ŦŦxmata naxcèx nayŦx.

12 NatŦrŦ ngēma dŦerucèxmare puracŦxŦ, rŦ ega ngèxguma aixŦ nadèŦxgux rŦ carnerugŦna ngema niāna. RŦ ngēmaācŦ nanaxŦ erŦ tama aixcŦma norŦ dauruŦ nixŦ i nŦmax, rŦ tama noxrŦ nixŦ i ngēma carnerugŦ. RŦ ngēma ai rŦ carnerugŦxŦ İnayauxŦ rŦ ngēxma tŦxŦ naxŦanexēēmare.

13 RŦ ngēma yatŦ rŦ niāna, erŦ norŦ dŦerucèxicatama ngema napuracŦ. RŦ tama aixcŦma carnerugŦgu narŦxŦnŦ.

14-15 Choma nixŦ i carnerugŦarŦ dauruŦ ya mecŦ chŦxŦ. RŦ ngèxgumarŦŦ ya ChaunatŦ na choxŦ nacuāxŦ rŦ choma rŦ ChaunatŦxŦ na chacuāxŦ, rŦ ngèxgumarŦŦ ta nŦxŦ chacuèx i chorŦ carnerugŦ, rŦ nŦmagŦ rŦ choxŦ nacuèxgŦ. RŦ choma rŦ naxcèx chayŦ i chorŦ carnerugŦ.

16 RŦ choxŦ nangēxmagŦ ta i togŦ i carnerugŦ i tama Ŧāā naxpŦxŦwa ngēxmagŦxŦ. RŦ ngēmagŦ rŦ tá ta nuā chanagagŦ, rŦ tá chauga naxŦnŦe. RŦ wŦxitŦcumŦ tátama nixŦ rŦ choma tátama nixŦ i norŦ dauruŦ chŦxŦ.

17 ChaunatŦ rŦ choxŦ nangechaŦ, erŦ chorŦ carnerugŦcèx chayŦ rŦ wena táxarŦ chamaxŦ.

18 TaxŦema choxŦ tayuxēē, natŦrŦ chomatama chorŦ ngŦchaŦmaātama ichanaxŦ i chorŦ maxŦ. ErŦ choxmèxwa nangēxma na ichanaxŦxŦcèx, rŦ wena na chanayaxŦcèx, yerŦ yemaācŦ choxŦ namu ga ChaunatŦ – ŦnagŦrŦ.

19 RŦ yexguma yema orexŦ naxŦnŦēgu ga yema YudŦgŦarŦ āèxgacŦgŦ rŦ wenaxŦrŦ nŦgŦ nitoye ga yema nagu naxŦnŦēxŦwa.

20 RŦ muxŦma ga nŦmagŦ rŦ ŦnagŦrŦgŦ: –İTŦxcŦŦ nŦxŦ iperŦxŦnŦe i Ŧāā yatŦ i ngēāxŦ i ngoxo nawa ngèxmaxŦ? –ŦnagŦrŦgŦ.

21 NatŦrŦ ga togŦ rŦ ŦnagŦrŦgŦ: –TaxŦma i yatŦ i ngoxo nawa ngèxmaxŦ rŦ ŦāārŦŦ meā nidexa. İŦŦuxācŦ i wŦxi i yatŦ i ngoxo nawa ngèxmaxŦ rŦ tŦxŦ narŦmexètŦxēē ya wŦxi ya ngexetŦxe? –ŦnagŦrŦgŦ.

YudŦgŦarŦ āèxgacŦgŦ rŦ NgechuchuxŦ naxoe

22 RŦ nawa nangu ga yema peta ga gucŦ ga taunecŦgu norŦ tupauca ga taxŦnecèx naxŦgŦxŦ ga YudŦgŦ na nŦxna nacuèxāchigŦxŦcèx ga yema ngunexŦ ga nagu yanguxŦ ga guma tupauca. RŦ nagŦuane ga YerucharéŦwa ga yexguma.

23 RŦ guma tupauca ga taxŦnewa nayexma ga wŦxi ga chopetŦchica ga CharumōārŦ ChopetŦchicagu āegaxŦ. RŦ yemagu nayarŦxŦxŦ ga Ngechuchu.

24 RŦ ga yema YudŦgŦarŦ āèxgacŦgŦ rŦ nŦxŦ İnachomaēguāchi, rŦ ŦnagŦrŦgŦ nŦxŦ: –İŦŦuxuratāta tomaā quixaixcŦma na cugŦ quixuxŦ na

texé na quiixŭ? Ega aixcŭma cuma rŭ Cristu quixŭgu, rŭ jmeã noxtacŭma tomaã nŭxŭ ixu! —ñanagŭrŭgŭ.

25 Rŭ Ngechuchu nanangãxŭ, rŭ ñanagŭrŭ nŭxŭ: —Marŭ pemaã nŭxŭ chixu, natŭrŭ i pema rŭ tama choxŭ peyaxŭgŭ. Guxŭma i ñacŭ i chaxŭxŭ rŭ Chaunatuãrŭ poramaã nixŭ i chanaxŭxŭ, rŭ ngẽmawa meãma pexŭ nŭxŭ chadauxẽẽ na choma rŭ Cristu na chiixŭ.

26 —Natŭrŭ pema rŭ tama peyaxŭgŭ, erŭ tama chorŭ carnerugŭtanŭxŭ pixŭgŭ.

27 —Chorŭ carnerugŭ rŭ nŭxŭ nacuẽx i chauga, rŭ choma rŭ chorŭ carnerugŭxŭ chacuẽx, rŭ nŭma rŭ chowe narŭxŭ.

28 —Rŭ choma rŭ nŭxna chanaxã i maxŭ i taguma gŭxŭ. Rŭ nŭmagŭ rŭ tagutãma inayarŭtauxe, rŭ taxŭtãtãma choxna tanapuxŭ i choxmẽxwa.

29 —Rŭ yŭxema Chaunatuã choxna tŭxŭ mugŭxe ya chorŭ carnerugŭ, rŭ guxŭãrŭ yexera tixŭ i napẽxewa. Rŭ taxŭema texé nŭxna tŭxŭ tapuxŭ.

30 —Chaunatuã rŭ choma rŭ wŭxitama tixŭgŭ —ñanagŭrŭ.

31 Rŭ yexguma ga yema Yudŭgŭarŭ ãẽxgacŭgŭ rŭ wenaxãrŭ nutane nanayauxgŭ na gumamaã Ngechuchuxŭ ínamuxŭchigŭxŭcẽx.

32 Natŭrŭ ga Ngechuchu rŭ ñanagŭrŭ nŭxŭ: —Pepẽxewa chanaxŭ i muxŭma i mexŭgŭ i Chaunatuãrŭ poramaã chaxŭxŭ. ¿Rŭ ngẽxŭrŭuŭxŭ i ngẽma mexŭ i chaxŭxŭcẽx nixŭ i choxŭ nutamaã ípemuxŭchigŭchaŭxŭ? —ñanagŭrŭ.

33 Rŭ yema Yudŭgŭarŭ ãẽxgacŭgŭ rŭ Ngechuchuxŭ nangãxŭgŭ, rŭ ñanagŭrŭgŭ: —Tama wŭxi i puracŭ i mexŭcẽx cuxŭ ítamuxŭchigŭchaŭ. Natŭrŭ cuxŭ ítamuxŭchigŭchaŭ erŭ Tupanamaã rŭ ñacŭ quixugŭ. Cuma rŭ wŭxi i duŭxŭmare quixŭ rŭ cugŭ Tupanaxŭ quixŭxẽẽchaŭ —ñanagŭrŭgŭ.

34 Rŭ nŭma ga Ngechuchu rŭ ñanagŭrŭ nŭxŭ: —Perŭ mugŭpanewa rŭ naxŭmatŭ i Tupanaãrŭ ore i ñaxŭ:

“Rŭ pematama nixŭ i tupanagŭ pixŭgŭxŭ”, ñaxŭ.

35 —Rŭ ngẽma Tupanaãrŭ ore i ũmatŭxŭwa nŭxŭ yaxuxŭ, rŭ nŭxŭ tacuẽx rŭ taxucŭrŭwama texé itayanaxoxẽẽ. Rŭ ngẽma orewa rŭ Tupana rŭ ñanagŭrŭ: “Guxãma ya yŭxema texé yanayauxgŭxe i chorŭ ore rŭ tupanagŭ tixŭgŭ”, ñanagŭrŭ i ngẽma orewa.

36 —Rŭ Tupana choxŭ nayaxu na chanaxŭxŭcẽx i norŭ puracŭ, rŭ yemacẽx ñoma ga naãnewa choxŭ namu. ¿Rŭ ñuxãcŭ i pema nagu perŭxŭnŭẽgu rŭ chixexŭ Tupanamaã chaxŭxŭ i ngẽxguma Tupana Nane chixŭ —ñachagu pemaã?

37 —Rŭ ngẽxguma chi tama chanaxŭxgu i ngẽma mexŭ i Chaunatuã ũxŭ, rŭ marŭ name ega woo tama choxŭ peyaxŭgŭgu.

38 —Natŭrŭ ngẽxguma chanaxŭxgu i ngẽma Chaunatuã ũxŭ, rŭ woo tama choxŭ peyaxŭgŭgu, rŭ chanaxwẽxe i nŭxŭ peyaxŭgŭ i ngẽma taxŭ i mexŭgŭ i Chaunatuãrŭ poramaã chaxŭxŭ. Erŭ ngẽmawa tã nŭxŭ pecuẽx na Chaunatuã rŭ chowa nangẽxmaxŭ rŭ choma i nawa —ñanagŭrŭ.

39 Rŭ wenaxãrŭ Ngechuchuxŭ niyauygŭchaŭ ga yema Yudŭgŭarŭ ãẽxgacŭgŭ. Natŭrŭ nŭma ga Ngechuchu rŭ naxchaxwa ñiã.

40 Rŭ yexguma ga Ngechuchu rŭ natŭ ga Yudãŭãrŭ tocutŭcẽx tomaã nataegu. Rŭ yema nachica ga Cuãŭ duŭxŭgŭxŭ ũpaacŭ nawa íbaiŭxẽẽxŭgu tomaã narŭxãŭx.

41 Rŭ muxŭma ga duŭxŭgŭ rŭ Ngechuchuxŭ ínayadaugŭ, rŭ ñanagŭrŭgŭ: —Cuãŭ rŭ taxuãma ga taxŭ ga mexŭ ga cuẽxruŭ naxŭ ga Tupanaãrŭ poramaã.

Natürü guxũma ga ore ga Cuáũ tamaã nüxũ ixuxũ ga ñaã yatũchiga rü aixcũma nixĩ —ñanagürügü.

42 Rŭ yema nachicawa rü muxũma ga duũxũgü rü Ngechuchuaxũ nayaxõgü.

11

Dácharuarü yuxchiga

1 Nayexma ga wüxi ga yatü ga idaawecü ga Dácharu guãegacü. Rŭ nüma rü naëyëxgü ga María rü Marta rü ñãne ga Betãniãcũãx nixĩgü.

2 Rŭ yema María iyixĩ ga Cori ga Ngechuchucutügu pumara bacü rü ñuxũchi ngĩyaemaã ñapicutücü. Rŭ guma Dácharu ga idaawecü nixĩ ga ngĩëneë.

3 Rŭ poraãcü niãaawe ga Dácharu. Rŭ yemacëx ga naëyëxgü, rü Ngechuchuxũtawa imugagü, rü ngĩgürügügü: “Pa Corix, cumücü ya Dácharu ya nüxũ cungechaũcü rü niãaawe”, ngĩgürügügü.

4 Rŭ yexguma yema orexũ naxĩnũgu ga Ngechuchu, rü ñanagürü: —Ngẽma ãaawe rü tãütãma yumaã inayacuëx. Natürü niãaawe na duũxũgü nüxũ nadaugũxcëx na ñuxãcü naporaxũ ya Tupana rü ñuxãcü choma i Nane rü ta na chaporaxũ —ñanagürü.

5 Rŭ Ngechuchu poraãcü María rü Marta rü Dácharuxũ nangechaũ.

6 Natürü yexguma nüxũ naxĩnũgu ga na yaãaawexũ ga Dácharu, rü tama paxa ñayadau. Rŭ taxre ga ngunexũãmatama yexma narũxãũx ga yema nachica ga nawa nayexmaxũwa.

7 Rŭ yixcama ga yemawena rü toxũ ñanagürü: —¡Ngĩã rü wena Yudeãanewa taxĩ! —ñanagürü.

8 Rŭ toma ga norü ngüexũgü rü ñatarügügü nüxũ: —Pa Ngüexëëruũx, yexwacatama nixĩ ga yëmacũãx ga Yudiũgũarü ãëxgacügü yexma nutamaã cuxũ ñmuxũchigũchaũxũ. ¿Rŭ tüxcüũ wena ngẽma cuxũxchaũ i ñuxmax? —ñatarügügü.

9 Rŭ Ngechuchu rü tomaã nüxũ nixu ga wüxi ga ore na nüxũ tacuëxgũxcëx na tauta nawa nanguxũ na nayuxũ ga nümax. Rŭ ñanagürü toxũ: —¿Taux ëxna i wüxi i ngunexũ rü 12 i ora nawa ngëxmaxũ? Ngëxguma texé ngunecü ixũxgu rü tama ñacũmaã itayarũña, erü tümacëx nangõone.

10 —Natürü ngëxguma wüxie chũtacü ixũxgu rü ngẽmaãcü ñacũmaã itayarũña, erü tümacëx naxëãne —ñanagürü. Rŭ yemaãcü nanangõxëë na tauta nawa nanguxũ na nayuxũ ga nümax.

11 Rŭ yemawena ga Ngechuchu rü ñanagürü toxũ: —Tamücü ya Dácharu rü napemare. Natürü ñuxma rü tá chayabaixãchixëë —ñanagürü.

12 Rŭ yexguma ga toma ga norü ngüexũgü rü ñatarügügü: —Pa Corix, ega napemaregu, rü ngẽmawa nüxũ tacuëx na naxcëx tá yataanexũ —ñatarügügü.

13 Natürü ga Ngechuchu rü nüxũ nixuxchaũchirëx ga Dácharu ga marü na nayuxũ. Natürü ga toma nüxũ tacuëxgügu rü na napemarexũchigaxũ yixũ ga tomaã yaxuxũ.

14 Rŭ yexguma ga Ngechuchu rü meãma tomaã nüxũ nixu rü ñanagürü: —Dácharu rü marü nayu.

15 —Natürü choma rü chataãë na tama ngema changëxmaxũ, erü ngẽmaãcü nixĩ i namemaëxũ i pexcëx na choxũ peyaxõgũxcëx. ¡Rŭ ngĩã rü ñtayadaugũ! —ñanagürü.

16 Rŭ yéma nayexma ga totanŭxŭ ga Tumachi ga Wŭxigu Buexŭ ga Taxreĕxpŭxŭmaā, naxugŭxŭ. Rŭ nŭma ga Tumachi rŭ ñanagŭrŭ toxŭ: — ĩNgŭĩxā i yixema rŭ ta ngema taxŭ na wŭxigu Ngechuchumaā iyuexŭcĕx! — ñanagŭrŭ.

Ngechuchu nixŭ i wena namaxĕxĕxŭ i yuexŭ

17 Rŭ yexguma Betániāwa tomaā nanguxgu ga Ngechuchu, rŭ marŭ āgŭmŭcŭ ga ngunexŭ nangupetŭ ga na iyatĕxgŭāxŭ ga Dácharu.

18 Rŭ guma Betániā rŭ Yerucharéŭārŭ ngaicamana nayexma. Rŭ tomaĕxpŭx ga kilómetru nixŭ ga norŭ yaxŭ.

19 Rŭ muxŭma ga Yudiŭgŭ rŭ Dácharueyĕx ga Marta rŭ Maríaxŭtawā naxŭ na ngŭxŭ yataāĕxĕĕgŭxŭcĕx, yerŭ nayu ga ngĕneĕ.

20 Rŭ yexguma Marta nŭxŭ cuĕxgu ga marŭ na ínanguxŭ ga Ngechuchu, rŭ nŭxŭ iyatŭxāchi. Natŭrŭ ga María rŭ íxgutama írŭxāŭx.

21 Rŭ Marta rŭ ngĕgŭrŭgŭ nŭxŭ ga Ngechuchu: —Pa Corix, yexguma chi cuma cunumĕxgu rŭ tāŭ chima nayu ga chaueneĕ.

22 —Natŭrŭ choma nŭxŭ chacuĕx na woo i ñuxma na nayuxŭ, rŭ Tupana tá cuxna nanaxā i guxŭma i ĩacŭ i naxcĕx ícuçaxŭ —ngĕgŭrŭgŭ.

23 Rŭ Ngechuchu ngŭxŭ nangāxŭ rŭ ñanagŭrŭ: —Cueneĕ rŭ wena tá namaxŭ —ñanagŭrŭ.

24 Rŭ Marta ngĕgŭrŭgŭ nŭxŭ: —Ngĕmāācŭ nŭxŭ chacuĕx rŭ wena tá namaxŭ i ngĕxguma naguxgu i naāne rŭ ngĕxguma wena namaxĕgu i guxŭma i yuexŭ —ngĕgŭrŭgŭ.

25 Rŭ yexguma ga Ngechuchu rŭ ñanagŭrŭ: —Choma nixŭ i íchanadagŭxĕĕxŭ i yuexŭgŭ, rŭ wena chanamaxĕxĕxŭ. Rŭ yixema choxŭ yaxŭxĕ rŭ woo tayuxgu rŭ tá wenaxārŭ tamaxŭ.

26 —Rŭ guxāma ya texĕ ya maxŭxĕ rŭ choxŭ yaxŭxĕ, rŭ guxŭgutāma tamaxŭ. ¿Cuyaxŭxŭ yŭxŭ i ngĕma? —ñanagŭrŭ ga Ngechuchu.

27 Rŭ ngĕma rŭ ngĕgŭrŭgŭ nŭxŭ: —Ngŭ, Pa Corix, choma rŭ chayaxŭ na cuma rŭ Tupana Nane ya Cristu ga ítananguxĕĕcŭ na quiŭxŭ —ngĕgŭrŭgŭ.

Dácharu itáxŭwa naxaxu ga Ngechuchu

28 Rŭ yema ñaxguwena rŭ Marta rŭ ngĕyĕx ga Maríacĕ x iyaca. Rŭ bexma ngĕmāā nŭxŭ iyarŭxu, rŭ ngĕgŭrŭgŭ: —Marŭ nuā nangu ya Ngŭexĕĕruŭ ya Ngechuchu, rŭ choxŭ cuxcĕx nayacaxĕĕ —ngĕgŭrŭgŭ.

29 Rŭ yexguma María nŭxŭ ínŭgu ga marŭ yéma na nanguxŭ ga Ngechuchu, rŭ paxa ichi, rŭ Ngechuchuxŭ íyadau.

30 Rŭ Ngechuchu rŭ tauta íānewa nangu ga yexguma, rŭ yema nachica ga Marta nŭxŭ ídauxŭwatama nixŭ ga nayexmaxŭ.

31 Rŭ Maríapatawa nayexma ga ñuxre ga yĕmacŭāx ga Yudiŭgŭarŭ āĕxgacŭgŭ ga ngŭxŭ yéma taāĕxĕĕgŭxŭ. Rŭ yexguma ngŭxŭ nadaugŭgu ga paxa na inachixŭ rŭ na ínaxŭxŭ, rŭ ngĕwe narŭxŭ. Yerŭ nŭma nŭxŭ nacuĕxgŭgu rŭ yéma Dácharu itáxŭwa íxŭ na yéma yaxaxuxŭcĕx.

32 Rŭ yexguma Ngechuchuxŭtawā nanguxgu ga María, rŭ napĕxegu iya-caxāpŭxŭ, rŭ ngĕgŭrŭgŭ: —Pa Corix, yexguma chi cuma cunumĕxgu rŭ tāŭ chima nayu ga chaueneĕ ya Dácharu —ngĕgŭrŭgŭ.

33 Rŭ yexguma Ngechuchu ngŭxŭ dĕuxgu ga na naxaxuxŭ rŭ na naxauxexŭ ga yema Yudiŭgŭarŭ āĕxgacŭgŭ ga ngĕwe rŭxŭxŭ, rŭ porācŭ ngechaŭ nŭxŭ nangux.

34 Rŭ Ngechuchu nŭxna naca rŭ ñanagŭrŭ: —¿Ngexta nixŭ i ipenatáxŭ? — ñanagŭrŭ. Rŭ nŭmagŭ nanangáxŭ rŭ ñanagŭrŭgŭ: —Pa Corix, ¡dücax, nuá naxŭ, rŭ iyadau! —ñanagŭrŭgŭ.

35 Rŭ naxaxu ga Ngechuchu.

36 Rŭ yema Yudŭgŭ rŭ ñanagŭrŭgŭ: —¡Düçèx ñuxácŭ poraácŭ Dácharuxŭ nangechaŭ! —ñanagŭrŭgŭ.

37 Natŭrŭ ñuxre ga yema áëxgacŭgŭ ga Yudŭgŭarŭ rŭ ñanagŭrŭgŭ: —Daa nixŭ ga guma yatŭ ga ngextŭcŭxŭ rŭmexèècŭ. ¿Rŭ tŭxcŭtŭ taxucŭrŭwa tacŭ rŭ mexŭ Dácharucèx naxŭ na tama nayuxŭcèx? —ñanagŭrŭgŭ.

Wenaxãrŭ namaxŭ ga Dácharu

38 Rŭ Ngechuchu poraácŭ ngechaŭ nŭxŭ nangux rŭ Dácharumaxŭcèx nixŭ. Rŭ wŭxi ga mèxpŭneãrŭ áxmaxŭ nixŭ ga yema naxmaxŭ. Rŭ nayexma ga wŭxi ga nuta ga norŭ ngŭxtaŭruŭ.

39 Rŭ Ngechuchu rŭ ñanagŭrŭ: —¡Ípenangŭxgachix ya yima nuta ya namaã nangŭxtaŭcŭ! —ñanagŭrŭ. Natŭrŭ ga Marta ga Dácharueyèx rŭ ngŭgŭrŭgŭ: —Pa Corix, cuxá marŭ nayixane nixŭ, erŭ marŭ ágŭmŭcŭ i ngunexŭ naetŭ nixŭ ga na nayuxŭ —ngŭgŭrŭgŭ.

40 Natŭrŭ ga Ngechuchu rŭ ñanagŭrŭ ngŭxŭ: ¿Taux éxna i marŭ cumaã nŭxŭ chixuchiréxŭ rŭ ngèxguma cuyaxŭxgu rŭ tá nŭxŭ cudau i wŭxi i mexŭ i taxŭ i Tupana ŭxŭ? —ñanagŭrŭ.

41 Rŭ yexguma ínanangŭxgachigŭ ga guma nuta. Rŭ Ngechuchu daxŭgu nadawenŭácŭma ñanagŭrŭ: —Pa Chaunatŭ Pa Tupanax, moxè cuxna chaxã erŭ marŭ choxŭ cuxŭnŭ.

42 —Choma nŭxŭ chacuèx rŭ guxŭguma choxŭ cuxŭnŭ. Natŭrŭ moxè cuxna chaxã i ñuxma erŭ chanaxwèxe i ñaã duŭxŭgŭ na yaxŭgŭáxŭ na cuma núma choxŭ cumuxŭ —ñanagŭrŭ.

43 Rŭ yexguma yema ñaxguwena, rŭ tagaácŭ ñanagŭrŭ: —Pa Dácharux, ¡janŭxŭ i ngema! —ñanagŭrŭ.

44 Rŭ ínaxŭxŭ ga Dácharu ga naxchápenŭtŭmaã guxŭwama rŭbuxpŭxŭcŭ. Rŭ Ngechuchu ñanagŭrŭ nŭxŭ ga duŭxŭgŭ: —¡Ípeyawèxpŭxŭ na iyaxŭxŭcèx! —ñanagŭrŭ.

Áëxgacŭgŭ naxcèx nadaugŭ na ñuxácŭ Ngechuchuxŭ yayauxgŭxŭ (Mt 26.1-5; Mr 14.1-2; Lc 22.1-2)

45 Rŭ yema Yudŭgŭarŭ áëxgacŭgŭ ga Marŭawe rŭixŭxŭ rŭ nŭxŭ nadaugŭ ga yema Ngechuchu ŭxŭ, rŭ muxŭma Ngechuchuxŭ nayaxŭgŭ ga yexguma nŭxŭ nadaugŭga ga ñuxácŭ wena Dácharuxŭ na namaxèèxŭ.

46 Natŭrŭ ñuxre ga yema áëxgacŭgŭ rŭ Parichéugŭmaã nŭxŭ nayarŭxugŭ ga yema Ngechuchu ŭxŭ.

47 Rŭ yexguma ga yema Parichéugŭ rŭ paigŭarŭ áëxgacŭgŭ rŭ nangutaquèxegŭ namaã ga guxŭma ga yema áëxgacŭgŭtŭcumŭwa ŭgŭxŭ. Rŭ ñanagŭrŭgŭ: —¿Tacŭ tá taxŭe? Erŭ ñaã yatŭ i Ngechuchu rŭ nanaxŭ i muxŭma i mexŭ i cuèxruŭgŭ.

48 —Ngèxguma chi tama yayauxgŭgu, rŭ guxŭtáma i duŭxŭgŭ rŭ tá nŭxŭ nayaxŭgŭ, rŭ Dumacŭáxgŭarŭ churaragŭ rŭ núma chi naxŭ rŭ nagu napogŭe ya tóru tupauca ya taxŭne, rŭ düxwa tãu chima tóxrŭ nixŭ i ñaã tachiŭãne —ñanagŭrŭgŭ.

49 Natŭrŭ guma taunecŭgu rŭ yema paigŭtanŭwa rŭ Caipá nixŭ ga norŭ áëxgacŭ. Rŭ núma rŭ ñanagŭrŭ nŭxŭ: —Pemagŭ rŭ taxŭma pecuèx.

50 —¿Éxna tama nüxŭ pecuèx rŭ taxcèx rŭ na namemaèxŭ na wŭxitama i yatŭ guxŭ i duŭxŭgücèx na yuxŭ, na tama nayuexŭcèx i guxŭma i tachiŭñanecŭñax i duŭxŭgŭ? —ñanagŭrŭ.

51 Natŭrŭ ga Caipá rŭ tama nüèchama yema ñanagŭrŭ, yerŭ guma taunecŭgu rŭ nŭma nixŭ ga paigŭarŭ àèxgacŭ yŭixŭ. Rŭ yemacèx rŭ Tupana nixŭ ga Caipáwa idexacŭ ga yexguma nüxŭ yaxuxgu na Ngechuchu rŭ guxŭma i Yudiŭgücèx tá na nayuxŭ.

52 Rŭ yema orewa rŭ nanangoxèè na tama Yudiŭgücèxicatama tá na nayuxŭ, natŭrŭ guxŭma i Tupanaarŭ duŭxŭgŭ i guxŭ i naànewa ngèxmagŭxŭcèx rŭ tá ta na nayuxŭ, na ngèmaacŭ wŭxigu nangutaquèxexècèx i guxŭma i ngèma duŭxŭgŭ i Tupanaarŭ ixŭgŭxŭ.

53 Rŭ yexgumaŭcŭiŭ nixŭ ga inaxŭgŭèaxŭ ga Yudiŭgŭarŭ àèxgacŭgŭ ga naga na naxŭnŭèxŭ ga ñuxácŭ tá na Ngechuchuxŭ yamèxgŭxŭ.

54 Rŭ yemacèx ga Ngechuchu rŭ marŭ tama yema Yudiŭgŭ ímuxŭtanŭgu naxá. Rŭ tomaá inaxŭxŭ ga Yudéaanewa, rŭ wŭxi ga ñanexácŭ ga Efraigu àeganewa naxŭ. Rŭ yexma tomaá narŭxáŭx. Rŭ guma ñane rŭ wŭxi ga nachica ga ngextá taxúema íxápataxŭarŭ ngaicamana nayexma.

55 Rŭ marŭ ningaica ga yema Yudiŭgŭarŭ peta ga Ŭpetŭchiga. Rŭ yemacèx muxŭma ga duŭxŭgŭ ga náí ga ñanecŭñax rŭ Yerucharéŭwa naxŭ na Tupanacèx nŭgŭ yamexèègŭxŭcèx naxŭpa ga yema peta.

56 Rŭ Ngechuchucèx nadaugŭ ga duŭxŭgŭ. Rŭ tupauca ga taxŭnewa nŭgŭna nicagŭetanŭ, rŭ ñanagŭrŭgŭ: —¿Ñuxŭ ñapegŭxŭ i pemax? ¿Ñoma i petawa tá naxŭxŭ rŭ éxna tama? —ñanagŭrŭgŭ.

57 Rŭ yema Parichéugŭ rŭ paigŭarŭ àèxgacŭgŭ rŭ duŭxŭgŭna naxáagŭ, rŭ ñanagŭrŭgŭ: —Ngèxguma ngextá nüxŭ pedaugŭgu i ngèma Ngechuchu, jrŭ tomaá nüxŭ peyarŭxu na tayayauxgŭxŭcèx! —ñanagŭrŭgŭ.

12

Wŭxi ga nge rŭ Ngechuchucutŭgu pumara iba (Mt 26.6-13; Mr 14.3-9)

1 Rŭ 6 ga ngunexŭ naxŭpa ga Ŭpetŭchigaarŭ peta, rŭ Ngechuchu rŭ tomaá Betániáwa naxŭ. Rŭ guma ñane nixŭ ga naga naxáchixŭne ga Dácharu ga Ngechuchu wena namaxèècŭ.

2 Rŭ yéma Dácharuchixŭwa Ngechuchucèx nanaxŭgŭ ga taxŭ ga òna. Rŭ totanŭwa ga yema mechawa yexmagŭxe rŭ Dácharu nixŭ ga Ngechuchuxŭtawama chibŭcŭ. Rŭ Marta iyixŭ ga inaxŭcŭ ga òna.

3 Rŭ yexguma ga María rŭ yéma inange ga wŭxi ga taxŭraweŭxŭ ga pumara ga yixichixŭ rŭ tatanŭxŭchixŭ. Rŭ Ngechuchuxŭ namaá iyixcutŭ. Rŭ ñuxŭchi ngŭyaemaá ínapicutŭ. Rŭ guma í rŭ guxŭwama nayixmachŭíá namaá ga yema pumara.

45 Rŭ yexguma ga Yuda ga Icarŭte ga wŭxi ga totanŭxŭchirèx ixŭxŭ ga yixcama bexma cúácŭ Ngechuchuxŭ íxuaxŭxŭ, rŭ ñanagŭrŭ: —¿Tŭxcŭŭ tama tatanŭxŭgu namaá itaxe i ngèma pumara na ngèma díerumaá nüxŭ nangŭxèèxŭcèx i ngèma duŭxŭgŭ i ngearŭ díerŭaxgŭxŭ? —ñanagŭrŭ.

6 Natŭrŭ ga Yuda rŭ tama aixcŭma naga narŭxŭnŭ ga yema ngearŭ díerŭaxgŭxŭ. Natŭrŭ yema ñanagŭrŭ yerŭ nŭma rŭ wŭxi ga ngŭtèxáxŭ nixŭ. Rŭ naxmèxwa nayexma ga yema choca ga díerŭ ngŭxŭ naga taxŭgŭxŭ ga guxáma ga toma ga Ngechucharŭ ngŭèxgŭ. Rŭ Yuda rŭ ñuxguacŭ rŭ noxrŭxŭtama ngŭxne nangŭxŭxŭ.

⁷ Rŭ yexguma ga Ngechuchu rŭ ñanagŭrŭ nŭxŭ: —¡Tāxŭ i ngŭxŭ cuchixewexŭ! Erŭ choma rŭ paxa tá chayu rŭ tá ichatèx. Rŭ ngēmacèx nixŭ i ngēma pumaramaā choxŭ nachaxŭ.

⁸ —Ngēma ngearŭ dŭŕeruāxgŭxŭ rŭ guxŭgutáma petanŭwa nangēxmagŭ. Natŭrŭ i choma rŭ tātŭtáma guxŭgu petanŭwa changēxma —ñanagŭrŭ.

Paigŭarŭ āēxgacŭgŭ rŭ nŭgŭmaā nanamexēēgŭ ga ñuxācŭ Dácharuxŭ tá na yamēxgŭxŭ

⁹ Rŭ muxŭma ga Yudŭgŭ rŭ nŭxŭ nacuáchiga ga Betániāwa na nayexmaxŭ ga Ngechuchu. Rŭ yéma naxŭ na nŭxŭ nadaugŭxŭcèx. Rŭ tama Ngechuchuxŭxŭcatama nadaugŭchaŭ natŭrŭ nŭxŭ nadaugŭchaŭ ta ga Dácharu ga Ngechuchu wena namaxēēcŭ.

¹⁰ Rŭ yexguma ga paigŭarŭ āēxgacŭgŭ rŭ nŭgŭmaā nanamexēēgŭ ga Dácharuxŭ rŭ ta na yamēxgŭxŭcèx.

¹¹ Yerŭ Dácharugagu nixŭ ga muxŭma ga Yudŭgŭ ga Ngechuchuxŭ yaxōgŭāxŭ rŭ yema paigŭna naxŭgŭxŭ.

*Ngechuchu rŭ Yerucharéŭgu naxŭcu
(Mt 21.1-11; Mr 11.1-11; Lc 19.28-40)*

¹² Rŭ muxŭma ga duŭxŭgŭ rŭ Yerucharéŭwa naxŭ naxcèx ga Ũpetŭchigaarŭ peta. Rŭ moxŭācŭ duŭxŭgŭ nŭxŭ nacuáchigagŭ ga Ngechuchu rŭ guma ŭānewa na nanguxchaŭxŭ.

¹³ Rŭ yexguma moruátŭta nadaŭgŭ rŭ yemamaā Ngechuchuxŭ nayatŭxgŭtanŭāchi. Rŭ tagaācŭ ñanagŭrŭgŭ: —¡Rŭ naxŭŭne rŭ namecŭmaxŭchi ya daa Tupanaégagu núma ŭcŭ! ¡Rŭ yixema na Iraétanŭxŭ ixŭgŭxŭ rŭ namecŭmaxŭchi ya daa tórŭ āēxgacŭ! —ñanagŭrŭgŭ.

¹⁴ Rŭ Ngechuchu nŭxŭ inayangau ga wŭxi ga buru, rŭ naetŭgu naxaunagŭ ga yema Tupanaārŭ ore ga ŭmatŭxŭ nŭxŭ ixuxŭrŭŭ ga yexguma ñaxgu:

¹⁵ “¡Tāxŭ i pemuŭēxŭ, Pa Yerucharéŭcŭāxgŭxŭ! ¡Rŭ iperŭdaunŭ na ngema ne naxŭxŭ ya perŭ āēxgacŭ ya wŭxi i buru i íraxŭetŭgu aunagŭcŭ!” ñaxŭ.

¹⁶ Rŭ noxri ga toma ga norŭ ngŭexŭgŭ rŭ tama nŭxŭ tacuèxgŭéga ga Ngechuchuchiga na yŭxŭ ga yema ore. Natŭrŭ yixcŭra marŭ Ngechuchu Tupanaxŭtawa ŭxgu, rŭ yexguma nixŭ ga nŭxna tacuèxāchiexŭ ga guxŭma ga yema Ngechuchuxŭ ngupetŭxŭ, rŭ yema Tupanaārŭ ore nŭxŭ ixuxŭācŭtama nŭxŭ na nangupetŭxŭ.

¹⁷ Rŭ yema duŭxŭgŭ ga Ngechuchuxŭtawa yexmagŭxŭ ga yexguma Dácharuxŭ wena namaxēēgu, rŭ nŭxŭ nixugŭe ga yema nŭxŭ nadaugŭxŭ.

¹⁸ Rŭ yemacèx nixŭ ga duŭxŭgŭ ga Ngechuchuxŭ yatŭxāchitanŭxŭ na nayauxgŭāxŭcèx, yerŭ nŭxŭ nacuáchigagŭ ga yema taxŭ ga mexŭ ga Tupanaārŭ poramaā naxŭxŭ.

¹⁹ Natŭrŭ ga yema Parichéŭgŭ rŭ nŭgŭmaā ñanagŭrŭgŭ: —Marŭ nŭxŭ pedauxŭ i ñuxma na taxucŭrŭwama ŭacŭ namaā ixŭxŭ. ¡Rŭ dŭcax, guxŭma i duŭxŭgŭ rŭ nawe narŭxŭ! —ñanagŭrŭgŭ.

Griégugŭ rŭ Ngechuchuxŭ nadaugŭchaŭ

²⁰ Rŭ muxŭma ga duŭxŭgŭ rŭ petacèx Yerucharéŭwa naxŭ na yéma Tupanaxŭ na yanacuèxŭŭgŭxŭcèx. Rŭ yema duŭxŭgŭtanŭwa nayexma ga ñuxre ga Griégugŭ.

21 Rū yema Griégugū rū Piripicèx naxī. Rū nūma ga Piripi rū Gariréaaneārū īāne ga Bechaídacūāx nixī. Rū nūxū nacèèxūgū rū ñanagūrūgū: —Pa Corix, nūxū tadauxchaŭ ya Ngechuchu —ñanagūrūgū.

22 Rū Piripi rū Aūdrémaā nūxū nayarūxu. Rū yema taxre rū wūxīgu Ngechuchuxūtawa naxī, rū namaā nūxū nayarūxugū.

23 Rū yexguma ga Ngechuchu rū ñanagūrū nūxū: —Rū marū nawa nangu tá na chayuxū rū wenaxārū Chaunatūxūtawa tá na chaxūxū i choma i Tupana Nane i duūxūxū chiūxū.

24 —Rū aixcūma pemaā nūxū chixu rū ngēxguma chi wūxipūxū i trigu tama waixūmūānegu toxgu rū wūxipūxūechatama nixī. Natūrū ega waixūmūgu natoxgu, rū ngema naxūxgu, rū muxūchinema inanguxuchi. [Rū ngēxgumarūŭ tá ta Tupanaxūtawa nangugū i muxūma i duūxūgū ega chayuxgux.]

25 —Rū pemaā nūxū chixu rū texé ya yīxema tūmaārū maxūxū ngechaūxē i ñoma i naānewa rū tá itayarūtaxu. Natūrū texé ya yīxema tama tūmaārū maxūxū ngechaūxē rū tama yuxū muūxē i ñoma i naānewa, rū tá tūxū nangēxma i maxū i taguma gūxū.

26 —Rū ngēxguma texé choxū puracūchaūgu rū name nixī i chowe tarūxū. Rū ngēma choma tá íchangēxmaxūwa rū ngema rū tá ta tangēxma i tūmax. Rū ngēxguma texé choxū puracūgu rū Chaunatū ya Tupana rū tá tūmamaā nataāē —ñanagūrū.

Ngechuchu nanaxunagū ga norū yuxchiga

27 —Rū Ngechuchu ñanagūrū: —Rū ñūxma rū poraācū changechaŭ rū chanaxīxāchiāē. ¿Rū ũacūxū tá Chaunatūmaā chixuxū? Taxucūrūwa namaā nūxū chixu na choxū inanguxuchixēēxūcèx na tama chayuxūcèx, erū woetama ngēmacèx nūma chaxū —ñanagūrū.

28 Rū ñanagūrū: —Pa Chaunatūx, ¿Choxū rūngūxēē na duūxūgūpēxewa cuxū chataxēēxūcèx! —ñanagūrū. Rū yexguma ga yema duūxūgū ga yéma yexmagūxū rū nūxū naxīnūē ga wūxi ga naga ga daxūwa inaxūxū ga ñaxū: —Marū cuxū charūngūxēē na choxū cutaxēēxū ga noxrix, rū wena táxarū cuxū charūngūxēē na choxū cutaxēēxūcèx —ñanagūrū ga yema naga.

29 Rū yema duūxūgū ga yéma yexmagūxū ga nūxū īnūēxū ga yema naga, rū ñanagūrūgū: —Wūxi i duruanexū nixī —ñanagūrūgū. Natūrū togū rū ñanagūrūgū: —Wūxi i Tupanaārū orearū ngeruŭ i daxūcūāx nixī i namaā idexaxū —ñanagūrūgū.

30 Rū yexguma ga Ngechuchu rū ñanagūrū nūxū: —Tama chauxcèx nixī i nūxū pexīnūēxū i ngēma naga. Rū pexcētama nixī i nūxū pexīnūēxū.

31 —Rū ñūxma tá nixī i Tupana inaxūgūāxū na tūxū napoxcuxū ya duūxē naxcèx i tūmaārū pecadugū. Rū ñūxma tá nixī i Tupana ínatēxūchixū i ngēma ñoma i naānewa poraxū i Chataná.

32 —Rū ngēxguma curuchawa chipotagu rū chaugūxūtawa tá chanagagū i guxūma i duūxūgū —ñanagūrū ga Ngechuchu.

33 Rū yema orewa duūxūgūmaā nūxū nixu ga ñuxācū tá na nayuxū.

34 Rū yema duūxūgū nanangāxūgū, rū ñanagūrūgū: —Torū mugū i ũmatūxūwa nūxū tadaugū na guxūgutāma namaxēchaxū ya Cristu. ¿Rū ñuxācū i cuma rū ñacurūgū: “Rū Tupana Nane ya duūxūxū ixīcū rū curuchawa tá nipota”, ñacurūgū? ¿Rū texé tixī ya yīxema Tupana Nane ya duūxūxū ixīxē? —ñanagūrūgū.

35 Rū yexguma ga Ngechuchu rū ñanagūrū nūxū: —Ñoma rū ta petanūwa changēxma na ñoma i naānewa pexū changūxēēxūcèx rū ngēmaācū pexū

changóonetanüxêêxücêx. Natürü paxaãchicêxicatama petanüwa changêxma. Rû name nixî i paxa choxü peyaxögü ñoma rû ta pexcêx chanangóonexêê naxüpa na naxêânexü. Erü yixema êânexüwa ngêxmaxê rû tama nüxü tacuêx na ngextá taxüxü.

³⁶ —Rû ñoma rû ta petanüwa changêxma rû name nixî i paxa choxü peyaxögü na chorü ngóonexüwa pengêxmagüxücêx —ñanagürü. Rû yema ñaxguwena rû natanüwa íanaxüxü ga Ngechuchu. Rû naxchaxwa inicux.

Tacüêx nixî ga Yudiugü ga tama Ngechuchuaxü yaxögüãxü

³⁷ Rû woo ga Ngechuchu rû duüxügüpêxewa nanaxü ga muxüma ga taxü ga mexü ga cuêxrüügü ga Tupanaãrú poramaã naxüxü, natürü yexguma rû ta tama nüxü nayaxögü ga duüxügü.

³⁸ Rû yemaãcü Tupana nayanguxêê ga yema ore ga Ichaxía ümatüxü ga ñaxü:

“Pa Corix, taxüema tayaxö ga yema ore ga tüxü tangüxêêxü. Rû woo nüxü tadaugü na ñuxãcü naporaxü ya Tupana, rû tama tayaxögü”,

ñaxü.

³⁹⁻⁴⁰ Rû yemaãcü ga yema duüxügü rû tama nayaxögü yema Ichaxía ümatüxüwa nüxü yaxuxürü, rû:

“Yema duüxügü rû tama nüxü nadaugüchaü rû tama nayaxögüchaü rû tama Tupanacêx nawoeguchaü. Rû yemacêx ga Tupana rû nüxna nixü na tama nüxü nadaugüxücêx rû tama yaxögüãxücêx rû tama naxcêx nawoeguxücêx na nüma nüxna naxããxücêx i maxü i ngexwacaxüxü”,

ñaxü.

⁴¹ Rû yema ñanagürü ga Ichaxía yerü nangoxetügu marü nüxü nadau na ñuxãcü ãêxgacü ya tacüxüchi na yüxü ya Ngechuchu ya Cristu. Rû yemaãcü nachiga nidexa.

⁴² Natürü muxüma ga yema Yudiugüarü ãêxgacügü rû Ngechuchuaxü nayaxögü, rû woo ga ñuxre ga naêrugü rû ta nayaxögü, natürü tama nügü nixugüchaü ga duüxügüpêxewa, yerü namuê na Parichéugü ngutaquêxepataüwa ínawoxüxü.

⁴³ Rû yemaãcü tama nügü nixugüchaü, yerü norü me nixî ga duüxügü namaã nataãêgüxü rû tama aixcüma naxcêx nadaugü na Tupana namaã taãêxü.

Texé ya tama Ngechuchuarü oreaxü yaxöxê rû tá tapoxcu

⁴⁴ Rû tagaãcü ñanagürü ga Ngechuchu: —Texé ya choxü yaxöxê rû tama choxüxícatama tayaxö. Natürü Chaunatü ya núma choxü mucüaxü rû ta tayaxö.

⁴⁵ —Rû texé ya choxü dauxe, rû Chaunatü ya núma choxü mucüxü rû ta tadau.

⁴⁶ —Choma na ngóonexêêrü chüxü, rû ñoma i naãnewa changu na guxãma ya texé ya choxü yaxöxê rû tama êânexüwa na tangêxmagüechaxücêx.

⁴⁷ —Natürü ngêxguma texé nüxü ñügu i chorü ore rû tama tayaxöxgu rû tama choma nixî i tüxü chapoxcuxü. Erü tama ñoma i naãnewa changu na chanapoxcuexücêx i duüxügü, natürü núma chaxü na chanamaxêxêêxücêx.

⁴⁸ —Yixema texé ya tama choxü yaxöxê rû tama chauga ñnüxê rû marü tüxü nangêxma na ñacücêx tá Tupana tüxü poxcuxü. Erü ngêma ore i nüxü chixuxügagu tátama nixî ya Tupana i tüxü napoxcuxü i naãneärü guxgu, erü tama tayaxö i ngêma ore i nüxü chixuxü.

⁴⁹ —Tama chaugagutama chidexa, natürü guma Chaunatü ga núma choxü mucü, rû guma nixî ga chomaã nüxü ixücü na ñacüxü tá duüxügümaã chixuxü rû ñuxãcü tá chanangüxêêxü.

50—Rü nüxŦ chacuèx na ChaunatŦarŦ orewa nangèxmaxŦŦ i maxŦŦ i taguma gúxŦŦ. Rü ngèmacèx i ngèma ore i nüxŦŦ chixuxŦŦ, rŦ ngèmatama ore nixŦŦ i ChaunatŦ choxŦŦ muxŦŦ na nüxŦŦ chixuxŦŦ —ñanagŦrŦŦ ga Ngechuchu.

13

Ngechuchu rŦ norŦ ngúexŦgŦxŦŦ niyauxgŦcutŦŦ

1 Rü wŦxi ga ngunexŦŦ nataxu ga nawa na nanguxŦŦ ga yema YudŦgŦarŦŦ peta ga ŦpetŦchiga. Rü Ngechuchu nüxŦŦ nacuèx ga marŦŦ nawa na nanguxŦŦ ga ñoma ga nañewa na yaxŦxŦŦ rŦ wenaxârŦŦ NanatŦxŦtawâ na naxŦxŦŦ. Rü nüma rŦ yexguma ñoma ga nañewa nayexmagu rŦ guxŦguma tŦxŦŦ nangechaŦŦ ga guxema noxrŦŦ ixŦgŦxe. Rü yexgumarŦŦŦ ta ga yexguma toxna yaxŦchaŦgu ga daxŦguxŦŦ ga nañewa na naxŦxŦŦ, rŦ yemaâcŦŦ poraâcŦŦ toxŦŦ nangechaŦŦ.

2-4 NatŦrŦŦ ga Chataná rŦ marŦŦ Yuda ga ChimáŦŦ ga IcarŦŦte nanena nangu na bexma cúâcŦŦ NgechuchuxŦŦ ínaxuaxŦxŦcèx. Rü Ngechuchu rŦ marŦŦ nüxŦŦ nacuèx ga NanatŦxŦtawâ na ne naxŦxŦŦ rŦ wena táxârŦŦ NanatŦcèx na nataeguxŦŦ. Rü nüxŦŦ nacuèx ga NanatŦŦ rŦ naxmèxgu na naxŦâxŦŦ ga guxŦŦma ga pora. Rü yemacèx ga yema chŦtaxŦgu ga yexguma mechawa ítachibŦeyane, rŦ inachi ga Ngechuchu. Rü ínacuŦuchi ga norŦŦ gáuxŦchiru, rŦ wŦxi ga tuayamaâ nügŦŦ nigoye.

5 Rü ñuxŦchi yaxmèxŦpáxŦgu dexáta naba, rŦ toxŦŦ niyauxgŦcutŦŦ. Rü guma tuaya ga namaâ yagoyecŦmaâ toxŦŦ ínapiçgŦcutŦŦ.

6 Rü yexguma ChimáŦŦ ga PedruxŦŦ nayauxcutŦchaŦgu rŦ ñanagŦrŦŦ ga Pedru: —Pa Corix, çñuxâcŦŦ tá i cuma i choxŦŦ cuyauxcutŦxŦŦ? —ñanagŦrŦŦ.

7 Rü Ngechuchu nanangâxŦŦ rŦ ñanagŦrŦŦ: —Ñuxma rŦ tama nüxŦŦ cucuèx i tŦxçŦŦ na chanaxŦxŦŦ i ñaâ, natŦrŦŦ yixcama rŦ tá nüxŦŦ cucuèx —ñanagŦrŦŦ.

8 NatŦrŦŦ ga Pedru rŦ ñanagŦrŦŦ: —Choma rŦ táŦtáma chanaxwèxe na choxŦŦ cuyauxcutŦxŦŦ —ñanagŦrŦŦ. Rü Ngechuchu nanangâxŦŦ rŦ ñanagŦrŦŦ nüxŦŦ: —Ngèxguma tama cuxŦŦ chayauxcutŦgu, rŦ táŦtáma choxrŦŦ quixŦŦ —ñanagŦrŦŦ.

9 Rü yexguma ga ChimáŦŦ ga Pedru rŦ ñanagŦrŦŦ nüxŦŦ: —Pa Corix, çTama choxŦŦ cuyauxcutŦxŦcatama! NatŦrŦŦ chanaxwèxe i choxŦŦ cuyauxmèx rŦ choxŦŦ cuyaxeru ta —ñanagŦrŦŦ.

10 NatŦrŦŦ Ngechuchu nanangâxŦŦ rŦ ñanagŦrŦŦ nüxŦŦ: —Texé ya ngexwacèx aiyaxe rŦ tanaxwèxe i tŦmacutŦxŦcatama tayaxu, erŦ guxŦŦwama tangemata. Rü pema rŦ marŦŦ pingematagŦŦ, natŦrŦŦ tama guxâma aixçŦma tingemata —ñanagŦrŦŦ.

11 Rü Ngechuchu nüxŦŦ nacuèx na texé tá bexma cúâcŦŦ ínaxuaxŦxŦŦ, rŦ yemacèx ñanagŦrŦŦ nüxŦŦ: —NatŦrŦŦ tama guxâma aixçŦma tingemata —ñaxŦŦ.

12 Rü yexguma toxŦŦ yayauxgŦcutŦguwena, rŦ Ngechuchu wena nicuŦuchi ga norŦŦ gáuxŦchiru. Rü wenaxârŦŦ mechawa narŦto. Rü ñanagŦrŦŦ toxŦŦ: —çNüxŦŦ pecuáxŦŦ yŦxŦŦ i ngèma chaxŦxŦŦ?

13 —Pema rŦ: “Pa NgúexèerŦŦ” rŦ “Pa Corix”, ñaperŦgŦŦ choxŦŦ. Rü marŦŦ name i ngèma ñaperŦgŦŦ, erŦ aixçŦmaxŦŦchi ngèma chixŦŦ.

14—Rü ñuxma i choma na ngúexèerŦŦ chixŦxŦŦ rŦ pemaâ na ichacuáxŦŦ, rŦ pexŦŦ chiyauxgŦcutŦŦ. Rü ngexgumarŦxŦŦ ta i pema rŦ name i wŦxichigŦŦ i pemçŦxŦŦ piyauxgŦcutŦŦ..

15—Choma rŦ pexŦŦ nüxŦŦ chadauxèè na ñuxâcŦŦ tá penaxŦxŦŦ na pema rŦ ngema pemaâ chaxŦxŦŦâcŦŦ penaxŦxŦcèx.

16 –Rü aixcüma pemaã nüxŦ chixu rü taxuŦma i wüxi i coriarü duŦxŦ rü norü coriétüwa nügü nangexmaxêê. Rü taxuxüma i âëxgacüarü orearü ngeruxŦ i norü âëxgacü i namuxŦétüwa nügü nangexmaxêê.

17 –Rü ngëxguma nüxŦ pecuëxgu i chorü ore rü penaxŦxgu i ngëma pemaã nüxŦ chixuxŦ, rü aixcüma tá petaãëgü.

18 –Rü tama guxãma i pechiga nixŦ i chidexaxŦ. Erü choma rü tüxŦ chacuëx rü texégü tixŦ ya yíxema tüxŦ chidexexíxe. Natürü Tupana nayanguxêêchaŦ i norü ore i ümatüxŦ i ñaxŦ:

“Texé ya chomaã chibüxe rü chomaã tarüxuwanu”,

ñaxŦ. Rü ngëmaãcü tá nangupetü na yanguxŦcëx i ngema Tupanaarü ore.

19 –Natürü naxŦpa na nangupetüxŦ i ngëma, rü pemaã nüxŦ chixu na choxŦ peyaxŦögüxŦcëx i ngëxguma nangupetüxgu.

20 –Aixcüma pemaã nüxŦ chixu rü texé ya tüxŦ yaxúxe ya yíxema choma ngema tüxŦ chamuxê, rü choxŦ nixŦ i tayaxuxŦ. Rü texé ya choxŦ yaxúxe, rü Chaunatu ga núma choxŦ mucüxŦ nixŦ i tayaxuxŦ –ñanagürü ga Ngechuchu.

*Ngechuchu nüxŦ nixu ga Yuda rü tá bexma cúãcü na ínaxuaxŦãxŦ
(Mt 26.20-25; Mr 14.17-21; Lc 22.21-23)*

21 Rü yexguma yema ñaxguwena ga Ngechuchu rü poraãcü ngechaŦ nüxŦ nangux, rü meãma tomaã nanangoxêê, rü ñanagürü toxŦ: –Aixcüma pemaã nüxŦ chixu rü wüxie i petanüwa tá nixŦ i bexma cúãcü choxŦ ítaxuaxŦxŦ –ñanagürü.

22 Rü yexguma ga toma ga norü ngüexŦgü rü wüxichigü togü tadawenü, rü tama nüxŦ tacuëxgü ga texéchiga na yema ñaxŦ.

23 Rü choma ga norü ngüexŦ ga poraãcü choxŦ nangechaŦxê rü nacüwawa charüto ga Ngechuchu ga mechawa.

24 Rü Chimáü ga Pedru rü bexma choxŦ naxuneta ga na Ngechuchuna chaçaxŦcëx ga texéchiga na yíxŦ ga yema.

25 Rü yexguma ga choma rü yexeraãcü Ngechuchuna chimaxcuchi rü nüxna chaca, rü ñacharügü: –Pa Corix, ¿texé tá tixŦ ya yíxema? –ñacharügü.

26 Rü Ngechuchu choxŦ nangãxŦ, rü ñanagürü: –Wüxi i pãüarü bücuxŦ tá íchacúe, rü yíxema tüxna chanaxãxê, rü yíxema tixŦ –ñanagürü. Rü yexguma ínacacúe ga wüxi ga pãüarü bücuxŦ rü Yuda ga Icariúte ga Chimáü nanena nanaxã.

27 Rü yexgumatama Yuda nayauxgu ga yema pãüarü bücuxŦ rü ngoxo ga Chataná rü Yudagu naxücu. Rü yexguma ga Ngechuchu rü ñanagürü nüxŦ: –Rü ngëma cuxŦxchaŦxŦ, ¡rü paxa naxü! –ñanagürü.

28 Natürü taxúema ga toma ga mechawa chibüexe nüxŦ tacuëxgü ga tacüchiga na yíxŦ ga yema ñaxŦ ga Ngechuchu.

29 Rü nüma ga Yuda rü diêruchiŦarü dauruŦ nixŦ. Rü yemacëx ñuxre ga toma nüxŦ tacuëxgü rü Ngechuchu taxewa nanamu, na tacücëx yataxexŦcëx naxcëx ga peta, rü êxna duŦxŦgü ga ngearü diêruãxŦna ngixŦ na naxãxŦcëx ga diêru.

30 Rü yexguma Yuda nayauxgu ga yema pãü, rü ínaxŦxŦ ga yema ucapuwa. Rü marü nachüta ga yexgumax.

Ngechuchu norü ngüexŦgümaã nüxŦ nixu ga yexwacaxŦxŦ ga norü mu

31 Rü yexguma Yuda íxŦxguwena, rü Ngechuchu rü ñanagürü: –Rü ñuxma rü tá aixcüma nangox na ñuxãcü naporaxŦ ya Tupana Nane ya duŦxŦxŦ íxícü. Rü yimawa tá nixŦ i nangoxêêãxŦ ya Tupana i norü pora.

32 —Rü ngëxguma yima Tupana Nane nangoxëëxgu i Tupanaärü pora, rü ngëxgumarüü tá ta ya Tupana rü nanangoxëë i Naneärü pora. Rü paxa tá nixí i ngëma.

33 —Pa Chauzacüãxgüx, täütama muxü i ngunexü petanüwa changëxma. Rü pema rü tá chauxcëx pedaugü, natürü ngëma choma íchaxüxüwa rü taxucürüwama ngema pexí. Rü ñaãtama ore nixí ga marü Yudiuguarü äëxgacügümaã nüxü chixuxü, rü ñuxma rü pemaã rü ta nüxü chixuxü.

34 —Rü pemaã nüxü chixu i wüxi i ngexwacaxüxü i mu. Rü ngëma pexü chamuxü nixí i pemücügüxü na pengechaüxü i wüxichigü. Rü ngëma na choma pexü changechaüxürüü, rü chanaxwëxe i wüxichigü i pema rü pemücügüxü pengechaüxü.

35 —Rü ngëxguma wüxichigü pemücügüxü pengechaügu, rü guxüma i duüxügü tá nüxü nicuëxächitanü na chorü ngüexügü pixíxügü —ñanagürü.

Ngechuchu nüxü nixu rü Pedru rü täxütama nügü nixu na norü ngüexü yixüxü (Mt 26.31-35; Mr 14.27-31; Lc 22.31-34)

36 Rü Chimáü ga Pedru rü Ngechuchuna naca, rü ñanagürü: —Pa Corix ¿ngextá tá cuxü? —ñanagürü. Rü Ngechuchu nanangäxü, rü ñanagürü: —Ngëma íchaxüxüwa rü taxucürüwa chowe curüxü i ñuxmax. Natürü yixcama rü ngëmääcü tá chowe curüxü —ñanagürü.

37 Rü yexguma ga Pedru rü ñanagürü: —Pa Corix, ¿tüxcüü taxucürüwa cuwe charüxü i ñuxmax? Erü marü íchamemare na cuxcëx na chayuxü —ñanagürü.

38 Rü Ngechuchu nanangäxü, rü ñanagürü: —¿Aixcüma yíxü i marü ícumemarexü na chauxcëx cuyuxü? Aixcüma cumaã nüxü chixu rü täütátama yacaxgu ya otá, rü tomaëpüxcüna tá nüxü quixu na tama choxü cucuáxü —ñanagürü ga Ngechuchu.

14

Ngechuchu rü nama i Nanatüxütawa nadaxü nixí

1 —¡Täxü i penaxixächíäëgüxü i pemax! ¡Tupanaãxü peyaxögü rü choxü rü ta peyaxögü!

2 —Chaunatüxütawa nangëxma i muxüchixüma i nachicagü. Ngëxguma chi natauxguma, rü täü chima pemaã nüxü chixu na pexcëx chayamexëëxücëx i pechicagü.

3 —Rü ngëxguma marü ngëma chaxüxgu rü wüxi i pechica chamexëëxgu, rü wena táxarü núma chaxü. Rü pexü tá chayagagü na ngëma nachica i chomatátama nawa changëxmaxüwa na pengëxmagüxücëx i pemax.

4 —Rü pema rü nüxü pecuëx na ngextá tá na chaxüxü, rü marü nüxü pecuëx i nama i ngëma nadaxü —ñanagürü ga Ngechuchu.

5 Rü Tumachi rü ñanagürü: —Pa Corix, tama nüxü tacuëx na ngextá na cuxüxü. ¿Rü ñuxäcü tá i nüxü tacuáxü i ngëma nama? —ñanagürü.

6 Rü Ngechuchu nanangäxü, rü ñanagürü: —Choma nixí i ngëma nama i Chaunatüxütawa nadaxü chíxü. Rü aixcüma nixí i ngëma ore i nüxü chixuxü. Rü choma nixí i duüxügüxü chamaxëëxëxü. Rü chaugaguxicatama nixí i Chaunatüxütawa nangugüxü i duüxügü.

7 —Rü ngëxguma chi pema rü aixcüma meã choxü pecuëxgügu, rü Chau-natüxü rü chí ta pecuëxgü. Rü ñuxmaücüü nixí i Chaunatüxü pecuáxü, erü marü nüxü pedaugüecha —ñanagürü.

8 Rü yexguma ga Piripi rü ñanagürü: —Pa Corix, ¡Toxü nüxü nadauxëë ya Cunatü! Rü ngëxícatama i tanaxwëxegüxü —ñanagürü.

⁹ Rŭ Ngechuchu nanangãxŭ, rŭ ñanagŭrŭ: —Pa Piripix, ¿ñuxre ya taunecŭ marŭ petanŭwa changẽxma rŭ ñuxma rŭ ta tama choxŭ cucuèxégaxŭ? Yíxema choxŭ dauxe rŭ Chaunatŭxŭ rŭ ta tadau. ¿Rŭ tŭxcŭi i ngẽxguma rŭ ta cunaxwèxexŭ i pexŭ nŭxŭ na chadauxẽẽxŭ ya Chaunatŭ?

¹⁰ —¿Tama êxna cuyaxõ na choma rŭ Chaunatŭmaã rŭ wŭxitama tixŭgŭxŭ? Rŭ guxŭma i ore i pemaã nŭxŭ chixuxŭ rŭ tama chauuechama nŭxŭ chixu. Erŭ yima Chaunatŭ ya wŭxiwa chomaã ngẽxmacŭ, rŭ yima nixŭ ya naxŭcŭ i guxŭma i noxrŭtama puracŭ.

¹¹ —Chanaxwèxe i choxŭ peyaxõgŭ na choma rŭ Chaunatŭmaã wŭxitama tixŭgŭxŭ. Natŭrŭ woo tama ngẽma pixõgŭgŭ rŭ chanaxwèxe na choxŭ peyaxõgŭxŭ naxcèx i ngẽma mexŭgŭ i taxŭ i Tupanaãrŭ poramaã chaxŭxŭ.

¹² —Aixcŭma pemaã nŭxŭ chixu rŭ yíxema choxŭ yaxõxè rŭ tá tanaxŭ i guxŭma i choma chaxŭxŭ. Rŭ ngẽma chaxŭxŭrŭ yexera tá taxŭ, erŭ choma rŭ tá Chaunatŭxŭtawa chaxŭ.

¹³ —Rŭ guxŭma i tacŭ i chauégagu Tupanaxŭtawa naxcèx ípeçaxŭ rŭ tá pexna chanaxã. Rŭ ngẽmaãcŭ tá chanaxŭ na chaugagu nangõxŭcèx i Chaunatŭarŭ pora.

¹⁴ —Rŭ choma tá chanaxŭ i guxŭma i tacŭ i chauégagu choxna naxcèx peçaxŭ.

Ngechuchu rŭ norŭ ngŭexŭgŭmaã inaxuneta na naxcèx tá núma namuãxŭ i Naãe i Ŭñexŭ

¹⁵ —Rŭ ngẽxguma aixcŭma choxŭ pengechaŭgu, rŭ naga tá pexŭnŭe i chorŭ mugŭ.

¹⁶ —Rŭ choma tá Chaunatŭna naxcèx chaca na núma pexcèx namuãxŭcèx i to i perŭ ngŭxèerŭi i Naãe i Ŭñexŭ, na guxŭgutáma petanŭwa nangẽxmaxŭcèx. Rŭ núma tá nixŭ i pexcèx nangõxèẽãxŭ i ore i aixcŭma ixŭ.

¹⁷ —Rŭ ñoma i naãnecŭãx i duŭxŭgŭ rŭ taxucŭrŭwama nanayauxgŭ, erŭ tama nŭxŭ nadaugŭ rŭ tama nŭxŭ nacuèxgŭ. Natŭrŭ i pema rŭ marŭ nŭxŭ pecuèx, erŭ núma rŭ petanŭwa nangẽxma. Rŭ guxŭgutáma pemaã inarŭxãŭx.

¹⁸ —Rŭ tãtŭtáma núma pexŭ chawogŭmare i chomax, erŭ wena táxarŭ pexcèx chataegu, na petanŭwa changẽxmaxŭcèx.

¹⁹ —Rŭ paxa tá nixŭ na tãtŭtáma choxŭ nadaugŭxŭ i ñoma i naãnecŭãx i duŭxŭgŭ. Natŭrŭ i pema rŭ tá choxŭ pedaugŭ. Rŭ tá pemaxè, erŭ choma rŭ chamaxŭ.

²⁰ —Rŭ ngẽxguma yuwa ícharŭdaxgu rŭ wena chamaŭxgu, rŭ ngẽxguma tá nŭxŭ picuèxãchitanŭ na choma rŭ Chaunatŭwa chamaxŭxŭ rŭ pema i chowa rŭ choma i pewa.

²¹ —Yíxema texé ya nŭxŭ cuáxe rŭ naga ñnŭxè i chorŭ mugŭ, rŭ tanangõxèe na aixcŭma choxŭ tangechaŭxŭ. Rŭ Chaunatŭ tá tŭxŭ nangechaŭ ya yíxema choxŭ ngechaŭxè, rŭ choma rŭ tá ta tŭxŭ changechaŭ. Rŭ tŭxŭ tá chaugŭ chawèx —ñanagŭrŭ ga Ngechuchu.

²² Rŭ nayexma ga to ga Ngechucharŭ ngŭxŭ ga Yudagu ãegaxŭ ta. Rŭ yema rŭ ñanagŭrŭ: —Pa Corix, ¿tŭxcŭi toxŭ cugŭ cuwèx, rŭ tama ñoma i naãnecŭãx i duŭxŭgŭxŭ cugŭ cuwèx? —ñanagŭrŭ.

²³ Rŭ Ngechuchu nanangãxŭ, rŭ ñanagŭrŭ: —Yíxema choxŭ ngechaŭxè rŭ naga taxŭnŭ i ngẽma ore i tŭmamaã nŭxŭ chixuxŭ. Rŭ Chaunatŭ tá tŭxŭ nangechaŭ. Rŭ choma rŭ Chaunatŭmaã wŭxigu tŭmaxŭtawa tá tangẽxmagŭ.

24 —Yíxema tama choxŭ ngechaŭxē rŭ tama naga taxĩnŭ i ngēma chorŭ ore. Rŭ ngēma ore i chauxŭtawa nŭxŭ pexĩnŭxŭ rŭ tama chorŭ ore nixĩ, natŭrŭ guma Chaunatu ga nŭma choxŭ mucŭarŭ ore nixĩ.

25 —Ñoma rŭ ta petanŭwa changēxma rŭ pemaã nŭxŭ chixu i guxŭma i ngēma ore i pexcèx choxŭ ngēmaxŭ.

26 —Natŭrŭ Chaunatu rŭ tá chauégagu nŭma nanamu i Naãe i Ũnexŭ na pexŭ nangŭxēxŭcèx. Rŭ nŭma i Naãe i Ũnexŭ tá pexŭ nangŭxēxŭcèx i guxŭma, rŭ tá nŭxna pexŭ nacuèxachixēe i guxŭma i ore ga pemaã nŭxŭ chixuxŭ.

27 —Rŭ ñuxma na pexna íchixŭxŭ, rŭ pexna chanaxã i taãe. Natŭrŭ ngēma taãe i pexna chaxãxŭ, rŭ tama ñoma i naãnecŭãx pexna ãxŭ i taãerŭŭ nixĩ. Rŭ tama chanaxwèxe i penaxixãchiãégŭ rŭ pemuŭe.

28 —Marŭ pemaã nŭxŭ chixu na pexna tá íchixŭxŭ rŭ wena táxarŭ pexcèx chataeguxŭ na pemaã changēxmaxŭcèx. Rŭ choxŭ pexĩnŭe ga yexguma yema ñachaxgu. Rŭ ngēxguma aixcŭma choxŭ pengechaŭgu rŭ tá petaãégŭ ega nŭxŭ pecuèxgu na Chaunatŭcèx chataeguxŭ, erŭ Chaunatu rŭ chorŭ yexera nixĩ.

29 —Rŭ naxŭpa na nangupetŭxŭ i ngēma, rŭ pemaã nŭxŭ chixu na choxŭ pexaxŭgŭxŭcèx i ngēxguma nangupetŭgu.

30 —Marŭ tãŭtama poraãcŭ pemaã chidexa, erŭ marŭ ínangu i Chataná i ñoma i naãneârŭ ãéxgacŭ íxixŭ. Natŭrŭ nŭma rŭ taxuwama choxŭ narŭyexera.

31 —Natŭrŭ ngēma tá choxŭ ngupetŭxŭ, rŭ ngēmaãcŭ tá nixĩ na guxŭma i ñoma i naãnecŭãx i duŭxŭgŭ nŭxŭ nacuáxŭcèx na choma rŭ Chaunatuŭxŭ na changechaŭxŭ, rŭ chanaxŭxŭ i ngēma nŭma choxŭ namuxŭ. ¡Rŭ ipechigŭ, rŭ ngĩxã ítixĩ! —ñanagŭrŭ ga Ngechuchu.

15

Ubanegu nŭgŭ nangu ga Ngechuchu

1 Rŭ ñanagŭrŭ ga Ngechuchu: —Choma nixĩ i ñoma wŭxi i ubanerŭŭ chĩxŭ rŭ Chaunatu nixĩ ya norŭ yora íxĩcŭ i ngēma uba.

2 —Rŭ chorŭ duŭxŭgŭ rŭ ngēma ubachacŭŭgŭrŭŭ nixĩgŭ. Rŭ ngēma ubachacŭŭ i tama oxŭ, rŭ norŭ yora rŭ nayadae. Natŭrŭ ngēma nachacŭŭ i oxŭ, rŭ meã nanamexēetanŭ na yexeraãcŭ poraãcŭ naxoxŭcèx.

3 —Pema rŭ marŭ pime, yerŭ naga pexĩnŭe ga yema ore ga pexŭ changŭxēxŭ.

4 —Rŭ name nixĩ i guxŭguma chowa peyaxŭxgŭ, ngēma na choma rŭ pewa chayaxŭxŭrŭŭ. Erŭ wŭxi i ubachacŭŭ rŭ tama nŭxĩca naxo, ega tama nanewa yaxŭxgux. Rŭ ngēxgumarŭŭ ta i pema rŭ taxuacŭma chauxcèx pemaxē, ega tama chowa peyaxŭxgŭechagu.

5 —Choma nixĩ i ubane, rŭ pema i nachacŭŭgŭ. Rŭ yíxema chowa yaxŭèchaxe rŭ choma i tŭmawa, rŭ aixcŭma tá chauxcèx tamaxŭ. Rŭ ngēmaãcŭ wŭxi i ubachacŭŭ i oxŭrŭŭ tá tixĩ. Natŭrŭ ngēxguma tama chowa peyaxŭxgŭechagu, rŭ taxucŭrŭwama ŭacŭ pexŭe.

6 —Rŭ texé ya tama chowa yaxŭèchaxe rŭ tá ítatèxŭchi. Rŭ wŭxi i ubachacŭŭ i daexŭ rŭ ipaxŭ rŭ iguxŭrŭŭ tá tixĩ, rŭ ngēxma tá tayarŭxo.

7 —Rŭ ngēxguma chowa peyaxŭxgŭechagu rŭ taguma nŭxŭ íperŭngŭmaégŭ i ngēma ore i pexŭ changŭxēxŭ, rŭ marŭ name i naxcèx ípeca i ŭacŭ i penaxwèxexŭ, rŭ choma rŭ tá pexna chanaxã.

8 —Rŭ ngēxguma aixcŭma meã chauxcèx pemaxégŭ, rŭ Chaunatuŭxŭ tá nicuèxŭŭgŭ i duŭxŭgŭ. Rŭ ngēmaãcŭ aixcŭma chorŭ ngŭxŭgŭ tá pixĩgŭ.

9—Choma rü pexũ changechaũ ngẽma na Chaunatu choxũ ngechaũxũrũũ. Rü chanaxwẽxe i aixcũma meã chauga pexĩnũẽẽcha, erũ choma rü guxũguma pexũ changechaũ.

10—Choma rü naga chaxĩnũ i Chaunatuãrũ mugũ rü nũma rü guxũguma choxũ nangechaũ. Rü ngẽxgumarũũ tá ta nixĩ ega naga pexĩnũẽgu i chorũ mugũ, rü guxũgutãma pexũ changechaũẽcha.

11—Choma rü ngẽmaãcũ pemaã nũxũ chixu na wũxigu chomaã petaãẽgũxũcẽx. Rü ngẽmaãcũ tá aixcũma petaãẽgũ.

12—Rü choma pexũ chamu na pemũcũgũxũ pengechaũgũxũcẽx, ngẽma choma na pexũ changechaũxũrũũ.

13—Rü ngẽxguma wũxie aixcũma tũmamũcũxũ ngechaũgu, rü nũxũ tangechaũãma rü nũetama ega woo tũmamũcũcẽx tayũxgu. Rü nataxuma i to i ngechaũ i ngẽmaãrũ yexera.

14—Pema rü chomũcũgũ pixĩgũ i ngẽxguma chauga pexĩnũẽgu.

15—Choma rü marũ tama chorũ duũxũgũmareãcũ pexũ chaxu. Erũ wũxi i coriarũ duũxũmare rü tama nũxũ nacuẽx i ngẽma norũ cori uũxũ. Natũrũ ñũxma rü chomũcũgũmaã pexũ chaxu, erũ pexũ nũxũ chacuẽxẽẽ i guxũma i ore ga Chaunatu chomaã nũxũ ixuxũ.

16—Pema rü tama pexira chaucẽx pedaũgũ, natũrũ chaxira nixĩ ga pexcẽx chadauxũ rü pexũ chamuxũ na aixcũma chaucẽx pemaxẽxũcẽx rü chauxũtawa penagagũxũcẽx i muxũma i duũxũgũ na guxũguma choxũ yaxõgũãxũcẽx. Rü Chaunatu ya Tupana tá pexna nanaxã i guxũma i tacũ i chaũegagu nũxna naxcẽx peçaxũ.

17—Rü ngẽma nixĩ i pexũ chamuxũ na pemũcũgũxũ pengechaũgũxũcẽx.

Ñoma i naãnecũãx i duũxũgũ rü Ngechuchuchi rü norũ ngũxũgũchi naxaie

18—Ngẽxguma ñoma i naãnecũãx i duũxũgũ pexchi aiegu, rü ñũxna pecuẽxãchie ga chaxira chauchchi na naxaieũ!

19—Rü ngẽxguma chi ñoma i naãnecũãx i duũxũgũrũũ pixĩgũgu, rü ñoma i naãnecũãx i duũxũgũ rü chi pexũ nangechaũgũ ngẽma natanũxũgũxũ na nangechaũgũxũrũũ. Natũrũ choma nixĩ ga pexcẽx chadauxũ natanũwa ga ñoma ga naãnecũãx ga duũxũgũ. Rü ngẽmacẽx nixĩ i pexchi naxaieũ, erũ marũ tama naxrũũ pixĩgũ.

20—ñNũxna pecuẽxãchie ga pemaã ñachagu:

“Taxuxũma i wũxi i coriarũ duũxũ rü norũ coriẽtũwa nũgũ nangexmaxẽẽ”, ñachagu! Rü yema na chauchchi na naxaieũ, rü pexchi rü tá ta naxaie. Rü yexguma chi chauga naxĩnũẽgu rü ñũxma rü chi ta pega naxĩnũẽ.

21—Rü ngẽmaãcũ ta chaugagu pexchi naxaie i ñoma i naãnecũãx i duũxũgũ erũ tama nũxũ nacuẽxgũ ya Chaunatu ga nũma choxũ mucũ.

22—Rü ngẽxguma chi choma tama namaã chanangõxẽẽgu na ñũxãcũ chixri na namaxẽũ, rü tãũ chima nũxũ nacuẽxgũ ga pecadu na naxũgũxũ. Natũrũ ñũxma namaã nũxũ na chixuxũ na ñũxãcũ chixri namaxẽũ, rü ngẽmacẽx i ñũxma rü taxuacũma nũxũ nixugũ na yangearũ pecaduãxũ.

23—Rü guxũma i duũxũgũ i chauchchi aiexũ rü Chaunatuãchi rü ta naxaie.

24—Rü ngẽma duũxũgũpẽxewa rü Tupanaãrũ poramaã chanaxũ i mexũgũ i taxũ i taguma texẽ ya togue uũxũ. Rü ngẽxguma chi tama napẽxewa chanaxũxgu i ngẽma mexũgũ rü tãũ chima Tupana namaã nanaxuegu na nagagutama yapecaduãxgũxũ. Natũrũ na woo marũ nũxũ nadaugũxũ i ngẽma mexũgũ i taxũ i Tupanaãrũ poramaã chaxũxũ, rü ngẽxguma rü ta chauchchi naxaieama rü Chaunatuãchi rü ta naxaie.

25 —Natürü ngēmaācū nangupetü erü Tupana nayanguxēēchaŦ i norü ore i ũmatüxŦ i űaxŦ:
 “Chauxchi naxaie woo taxuŦma i chixexŦ chaxŦxgu”,
 űaxŦ.

26 —Natürü choma rü tá Chaunatuégagu pexcèx núma chanamu i perü ngŦxēēruŦ i Tupanaāē i ŨünexŦ i tá pexŦ nüxŦ cuèxēēxŦ i ore i aixcūma ixŦxŦ. RŦ nüma tá nixŦ i meāma pemaā nüxŦ yaxuxŦ i chauchiga.

27 —Rü pema rü tá ta chauchigaxŦ pixugüe, yerü noxri ichanaxügüga ga duŦxŦgümaā nüxŦ na chixuxŦ ga chorü ore, rü woetama marü chauxŦtawa peyexmagü —ñanagŦrü ga Ngechuchu.

16

1 RŦ Ngechuchu rü ñanagŦrü nüxŦ: —Rü pemaā nüxŦ chixu i ñaā ore na tama nüxŦ na perüxoexŦcèx na choxŦ peyaxögŦxŦ.

2 —Rü ngutaquēxepataŦgüwa tá pexŦ ínawoxŦ. RŦ aixcūma tá nawa nangu na texé pexŦ dèjxŦ rü tá nagu tarŦxnüxŦ na ngēmaācū mexŦ Tupanacèx taxŦxŦ.

3 —Rü ngēmaācū tá pemaā namaxē i duŦxŦgü, erü taguma nüxŦ nacuèxgŦ ya Chaunatü, rü choxŦ rü ta tama nacuèxgŦ.

4 —Rü pemaā nüxŦ chixu i ñaā ore i ñuxmax, na nüxna pecuèxāchixexŦcèx i ngèxguma yixcŦra ngēmaācū pexŦ nangupetüga.

Tupanaāē i ŨünexŦärü puracŦchiga

—Noxri rü tama pemaā nüxŦ chixu i ñaā ore, yerü petanüga charŦxāŦx.

5 —Natürü i ñuxma rü tá pexna íchixŦ na Chaunatü ga núma choxŦ mucŦxŦtawa na changèxmaxŦcèx. RŦ pema rü taxúema choxna peca na ngextá tá na chaxŦxŦ.

6 —Natürü poraācū pengechaŦgüama erü pemaā nüxŦ chixu i ngēma ore.

7 —Natürü aixcūma pemaā nüxŦ chixu rü pexcèx narŦmemaē nixŦ na Chaunatücèx chataeguxŦ. RŦ ngèxguma chi tama ChaunatüxŦtawa chaxŦxgu rü tãu chima núma naxŦ i Naāē i ŨünexŦ i pexŦ rŦngŦxēēxŦ. Natürü ngèxguma ngema chaxŦxgu rü choma tá núma chanamu i Naāē i ŨünexŦ.

8 —Rü ngèxguma Naāē i ŨünexŦ núma ũxgu rü tá guxŦ i duŦxŦgŦxŦ nüxŦ nacuèxēē na yapedaduŦxgŦxŦ. RŦ tá nanangoxēē i ñuxācŦ na yŦxŦ i ngēma maxŦ i Tupanapèxewa aixcūma mexŦ. RŦ tá duŦxŦgŦxŦ nüxŦ nacuèxēē na Tupana tá napoxcuexŦ i duŦxŦgŦ naxcèx i norü pecadugŦ.

9 —Rü nüma i Naāē i ŨünexŦ tá duŦxŦgŦxŦ nüxŦ nacuèxēē na pecaduŦxgŦxŦ yŦxŦ erü tama choxŦ nayaxögŦ.

10 —Rü tá nanangúexēē i ñuxācŦ na yŦxŦ i ngēma maxŦ i Tupanapèxewa aixcūma mexŦ, erü choma rü tá ChaunatüxŦtawa chaxŦ, rü pema rü tãütama marü choxŦ pedaugŦ.

11 —Rü Naāē i ŨünexŦ tá duŦxŦgŦxŦ nüxŦ nacuèxēē na Tupana tá napoxcuexŦ i duŦxŦgŦ i chixexŦ ũgŦxŦ, erü Tupana rü namaā nanaxuegu na marü napoxcuāxŦ i Chataná i ñoma i naānemaā icuāxŦ.

12 —Choma rü choxŦ nangèxma i muxŦma i to i ore i pemaā nüxŦ chixuxchaŦchiréxŦ. Natürü ega ñuxma chi pemaā nüxŦ chixuxgu rü tãu chima nüxŦ pecuèxgŦ.

13 —Rü Tupanaāē i ŨünexŦ rü nüxŦ nixu i ore i aixcūma ixŦxŦxŦcatama. RŦ ngèxguma núma naxŦxgu rü nüma tá pexŦ nangúexēē i guxŦma i ore i aixcūma ixŦxŦ. Erü nüma rü tama nüèchama tá nidexa, natürü ngēma ore i

Chaunatüxtawa rü chauxtawa nüxü naxĩnüxüxüxica tátama nixu. Rü tá pexü nüxü nacuèxèè i guxüma i tacü i yixcúra tá ngupetüxü.

14 —Rü nüma rü tá choxü nataxèè, erü chauxtawa tá nanayaxu i norü nguxèetae, rü ñuxüchi tá pexü nangüexèè namaã i ngëma nguxèetae.

15 —Guxüma i Chaunatüaxü ngëmaxü rü choxrü ta nixi. Ngëmacèx pemaã nüxü chixu rü Naãe i Üünexü rü chauxtawa tátama nanayaxu i norü nguxèetae, rü ñuxüchi pexü tá namaã nangüexèè.

16 —Rü paxa täütáma choxü pedau. Natürü ngëmawena rü wena táxaru choxü pedau erü Chaunatüxtawa tátama chaxü —ñanagürü ga Ngechuchu.

Ngema guxchaxügü rü yixcüama rü tá taãexü nananguxuchi

17 Rü yexguma ñuxre ga toma ga Ngechuchuarü ngüexügü rü togüna tacagü, rü ñatarügügü: —¿Tacüchiga nixi na ngëma ñaxü:

“Rü paxa täütáma choxü pedaugü. Natürü ngëmawena rü wena táxaru choxü pedaugü”, ñaxü? ¿Rü tacüchiga ta nixi na ñaxü:

“Choma rü Chaunatüxtawa tátama chaxü”, ñaxü?

18 —¿Rü tacüchiga ta nixi na ñaxü:

“Rü paxa täütáma choxü pedaugü”, ñaxü? Rü yixema rü tama nüxü tacuèxgüéga na tacüchigaxü tamaã yaxuxü —ñatarügügü.

19 Rü Ngechuchu rü nüxü nacuèxama ga nüxna na tacagüchaxü ga tomax. Rü yemacèx ñanagürü toxü: —Choma rü marü pemaã nüxü chixu rü paxa täütáma choxü pedau, natürü ngëmawena rü wena táxaru choxü pedau. ¿Rü ngëma dexacèxtama i pegüna pecagüxü?

20 —Rü aixcüma pemaã nüxü chixu rü pema rü tá pexaxe, rü tá pengechagü. Natürü ñoma i naãnecüãx i duüxügü rü tá nataãégü. Natürü woo pema tátama pengechagü, rü ngëma perü ngechaxü rü tátama taãexü nananguxuchi.

21 —Ngëxguma wüxi i nge íraxacüchaxü rü inaxixächiãè, erü inguxneca. Natürü ngëxguma marü tabuxgu ya ngürü õxchana, rü nüxü iyarüngüma na ñuxäcü poraãcü ngixü na nangüchiréxü i noxrix, erü tümamaã itaãè ya ngürü õxchana.

22 —Rü ngëxgumarü tá ta pexü nangupetü i pemax, erü ñuxma rü penaxixächiãégü. Natürü wena táxaru chataegu rü pexü íchayadau. Rü ngëxguma rü tátama pexü nangëxma i wüxi i taãè i taxucürüwama texé pexna yaxuxü.

23 —Rü ngëxguma ínanguxgu tátama ngëma ngunexü na yanguxü i ñaã pemaã nüxü chixuxü, rü taxucèxtama tacücèx choxna pecagü erü aixcüma Chaunatü tátama nixi ya pexna naxäcü i guxüma i tacü i chauégagu nüxna naxcèx pecaxü.

24 —Ñuxmarüta i pema rü taxuücèxma chauégagu ípecagü. ¡Naxcèx ípeca rü tátama penayaxu i ngëma naxcèx ípecaxü! Rü ngëmaãcü rü tátama aixcüma petaãégü.

Ngechuchu rü marü nüxü narüyexera i guxüma i tacü i ñoma i naãnewa ngëmaxü

25 —Ñuxma rü cuèxruügü chayaxuãcüma pemaã nüxü chixu i ore. Natürü nawa tátama nangu i ngunexü i marü täütáma ngëmaãcü pemaã nüxü chixu. Rü ngëxguma rü tátama noxtacüma meã pemaã chanangoxèè i Chaunatüchiga.

26-27 —Rü ngëma ngunexüga i pema rü Chaunatüxtawa tátama chauégagu naxcèx ípeca i tacü i penaxwexü. Rü taxucèxma tüxcüü choma tátama Chaunatüxtawa pexü naxcèx íchaca, erü nümatama ya Chaunatü rü woetama pexü nangechaxü, erü pema rü choxü pengechaxü rü peyaxögü na naxtawane chaxüxü.

28 —Chaunatũxtawa ne chaxũ na ñoma ga naãnewa chaxũxũcèx. Rũ ñuxma rũ tá nũxna chataegu i ñoma i naãne na wenaxãrũ Chaunatũxtawa chaxũxũcèx —ñanagũrũ.

29 Rũ yexguma ga toma ga norũ ngũexũgũ rũ ñatarũgũgũ: —Ñuxma waxi nixĩ i meãxũchima tomaã cunangoxèèxũ i curũ ore i tomaã nũxũ quixuxũ. Rũ tama tacũgu ixuxũãcũma tomaã nũxũ quixu.

30 —Rũ ñuxma rũ nũxũ tacuèx na aixcũma guxũxũma na cucuãxũ. Rũ taxuacũma texè ñuxũ ñatagũrũ cuxũ. Rũ ngẽmacèx nixĩ i tayaxõgũxũ na aixcũma Tupanaxũtawa na ne cuxũxũ —ñatarũgũgũ.

31 Rũ Ngechuchu toxũ nangãxũ rũ ñanagũrũ: —¿Aixcũma peyaxõgũxũ i ñuxmax?

32 —Rũ nawa tá nangu i ngunexũ rũ ñuxmatátama nixĩ i na pegũ pe-woonexũ. Rũ wũxichigũ i pema rũ tá pepatawa pexĩ, rũ chaxica tá nuã choxũ petèx. Natũrũ tama chaxica tá icharũxãũx, erũ Chaunatũ rũ chauxũtawa nangẽxma.

33 —Rũ guxũma i ñãã ore rũ pemaã nũxũ chixu na chaugagu petaãègũxũcèx. Rũ ñoma i naãnewa rũ tá ngũxũ pingè. Natũrũ ¡peporae! erũ choma rũ marũ nũxũ charũyexera i guxũma i tacũ i ñoma i naãnewa ngẽxmaxũ —ñanagũrũ.

17

Ngechuchu rũ norũ ngũexũgũcèx nayumũxè

1 Rũ yema ñaxguwena rũ Ngechuchu daxũgu nadawenũ, rũ ñanagũrũ: — Pa Chaunatũx, marũ nawa nangu i ngunexũ na chayuxũ. Rũ chanaxwèxe na duũxũgũxũ nũxũ cucuèxèèxũ na aixcũma choma rũ cune chiĩxũ. Rũ ngẽmaãcũ i choma rũ tá nũxũ nũxũ chacuèxèè na cuma rũ aixcũma Tupana na quiĩxũ.

2 —Erũ marũ guxũ i duũxũgũarũ ãèxgacũxũ choxũ quixĩxèè, na chana-maxèxèèxũcèx i guxũma i duũxũgũ i choxna cumugũxũ.

3 —Rũ ngẽma duũxũgũ tá nũxũ nangẽxma i maxũ i taguma gũxũ ega cuxũ nacuèxgũgu na cuxicatama Tupana na quiĩxũ, rũ choxũ nacuèxgũgu na choma rũ Cristu ga nũma choxũ cumucũ na chiĩxũ.

4 —Choma rũ marũ cuxũ chataxèè i ñoma i naãnewa rũ chayanguxèè i guxũma i puracũ ga nawa choxũ cumuxũ.

5 —Rũ ñuxma Pa Chaunatũx, rũ chanaxwèxe i cugũxũtawa choxũ cunẽxmaxèè na choxũ nangẽxmaxũcèx ga yematama pora ga cumaã choxũ yexmaxũ ga noxri tauta naãne ùxgu.

6 —Rũ guxema duũxègũ ya tũxũ quidexechixe ga ñoma ga naãnewa na choxna tũxũ cumugũxũcèx, rũ marũ tũxũ nũxũ chacuèxèè i texè na quiĩxũ i cumax. Rũ woetama cuxrũgũ tixĩgũ rũ cuma nixĩ ga choxna tũxũ cumugũxũ. Rũ tũmagũ rũ marũ naga taxĩnũè i curũ ore.

7 —Rũ ñuxma rũ marũ nũxũ tacuèx rũ guxũma i ngẽma choxna cuxãxũ, rũ aixcũma cuxũtawa ne naxũ.

8 —Rũ choma rũ marũ tũmamaã nũxũ chixu ga curũ ore ga chomaã nũxũ quixuxũ. Rũ tũmagũ rũ marũ tayaxõgũ i ngẽma ore. Rũ nũxũ ticuèxãchitanũ na aixcũma cuxũtawa na ne chaxũxũ i chomax. Rũ tayaxõgũ ga cuma nũma choxũ na cumuxũ.

9 —Rũ ngẽmacèx cuxna chaca na tũxũ na curũngũxèèxũcèx. Rũ tama cuxna chaca na nũxũ curũngũxèèxũcèx i ñoma i naãnecũãx i duũxũgũ, natũrũ cuxna chaca na tũxũ curũngũxèèxũcèx ya guxema choxna tũxũ cumugũxè, erũ curũ duũxũgũ tixĩgũ.

10 Rũ guxãma ya yixema choxrũgũ ixĩgũxe rũ cuxrũgũ tixĩgũ. Rũ guxãma ya cuxrũgũ ixĩgũxe rũ choxrũgũ tixĩgũ. Rũ tũmagagu rũ duũxũgũ choxũ nicuèxũgũ.

11 –Choma rũ marũ tãutãma ñoma i naãnewa changẽxmaẽcha, natũrũ i tũmagũ rũ ngẽmaãcũ ñoma i naãnewa tá tangẽxmagũ ngẽxguma cuxũtawa chaxũyane. Pa Chaunatũ ya Ũnecũx, rũ chanaxwẽxe na curũ pora ga choxna cuxãxũmaã tũxna cudauxũ ya yixema choxna tũxũ cumugũxe, na ngẽmaãcũ guxãma wũxigu rũxĩnũèxũcèx, ngẽma cuma rũ choma na wũxigu rũxĩnũèxũrũũ.

12 –Rũ yexguma guxema choxna tũxũ cumugũxetanũwa chayexmagu ga ñoma ga naãnewa, rũ curũ pora ga choxna cuxãxũmaã tũxna chadau rũ tũxũ íchapoxũ. Rũ taxũema ga guxema choxna tũxũ cumugũxe rũ itayarũtauxe. Rũ Yuda ga woetama iyarũtaxuxũxicatama inayarũtaxu na yanguxũcèx i curũ ore i ũmatũxũ.

13 –Rũ ñuxma rũ cuxũtawa tá chaxũ. Natũrũ ñomarũta ñoma i naãnewa changẽxma-yane rũ nũxũ chixu i ñaã curũ ore na tũmagũ rũ ta tũxũ nangẽxmaxũcèx i ngẽma taãe i aixcũma ixĩxũ i choma choxũ ngẽxmaxũ.

14 –Choma rũ marũ tũmamaã nũxũ chixu i curũ ore. Natũrũ ñoma i naãnecũãx i duũxũgũ rũ tũmachi naxaie, erũ tũma rũ tama naxrũũ tixĩgũ, ngẽxgumarũũ i choma rũ tama ñoma i naãnecũãx rũũ chixĩ.

15 –Tama cuxna tũmacèx chaca na tũxũ na quigagũxũcèx i ñoma i naãnewa. Natũrũ cuxna chaca na tũxũ na ícupoxũxũcèx nũxna i ngoxo i Chataná.

16 –Choma rũ tama ñoma i naãnecũãx chixĩ. Rũ tũmagũ rũ ta tama ñoma i naãnecũãx tixĩgũ, erũ cuxrũgũ tixĩgũ i ñuxmax.

17 –Curũ ore rũ aixcũma nixĩ. Rũ chanaxwẽxe i tũxũ cungũxèèe i curũ ore, na aixcũma cupèxewa tixũnèxũcèx ya yixema choxna tũxũ cumugũxe.

18 –Rũ yexgumarũũ ga ñoma ga naãnecũãx ga duũxũgũtanũwa choxũ na cumuxũrũũ, rũ ngẽxgumarũũ i choma rũ ta ñoma i naãnecũãx i duũxũgũ-tanũwa tũxũ chamugũ.

19 –Rũ tũmagagu chaugũ ichaxã na tũxũ changũxèèèxũcèx i curũ ore i aixcũma ixĩxũ, na cupèxewa tixũnèxũcèx ya yixema choxna tũxũ cumugũxe.

20 –Natũrũ tama yixema ñuxma yaxõgũxècèxicatama cuxna chaca. Natũrũ cuxna chaca ta tũmacèx ya yixema yixcũra tá yaxõgũxe nagagu i tũmaãrũ ore ya yixema ñuxma yaxõgũxe.

21 –Rũ guxãma ya yixemacèx cuxna chaca na aixcũma wũxitama tixĩgũxũcèx. Rũ ngẽma cuma rũ choma na wũxitama ixĩgũxũrũũ, Pa Chaunatũx, rũ chanaxwẽxe i guxãma i tũma rũ ta wũxitama tixĩgũ. Rũ ngẽmaãcũ i ñoma i naãnecũãx i duũxũgũ, rũ tá nayaxõgũ na cuma nũma choxũ cumuxũ.

22 –Rũ choma rũ marũ tũxna chanaxã i ngẽmatama pora i cuma choxna cuxãxũ na ngẽmaãcũ wũxitama tixĩgũxũcèx ngẽma cuma rũ choma na wũxitama ixĩgũxũrũũ.

23 –Rũ chanaxwẽxe na tũmawa changẽxmaxũ rũ cuma i chowa na cungẽxmaxũ na ngẽmaãcũ aixcũma wũxi-tama ixĩgũxũ i guxãma i yixema. Rũ ngẽmaãcũ i ñoma i naãnecũãx i duũxũgũ rũ tá nũxũ nicuèxãchitanũ na cuma nũma choxũ cumuxũ, rũ tá nũxũ nicuèxãchitanũ na tũxũ cungechaũxũ ya yixema choxna tũxũ cumugũxe ngẽma na choxũ cungechaũxũrũũ.

24 –Pa Chaunatũx, cuma choxna tũxũ cumugũ. Rũ chanaxwẽxe i chauxũtawa tangẽxmagũ i ngema tá íchangẽxmaxũwa, na nũxũ tadaugũxũcèx i chorũ pora ga choxna cuxãxũ. Yerũ choxũ cungechaũ ga yexguma tauta naãne ixũgũgumama.

25 —Pa Chaunatü ya Mecüx, ñoma i naãneçüãx i duüxügü rü tama cuxü nacuëxgü. Natürü choma rü cuxü chachuëx. Rü yíxema choxna tüxü cumugüxe rü ta marü nüxü tacuëxgü na cuma núma choxü cumuxü.

26 —Rü marü tüxü nüxü chachuëxë na texé quiixü. Rü guxügutáma tüxü nüxü chicuëxëãmachigü na cuma choxü cungechaüxürü tügü tangechaügüxcëx rü choma rü tümaxütawa na changëxmaxüçëx —ñanagürü ga Ngechuchu.

18

Ngechuchuxü niyauvgü

(Mt 26.47-56; Mr 14.43-50; Lc 22.47-53)

1 Rü yema ñaxguwena ga Ngechuchu rü tomaã inaxüãchi, na Cheduruarü ngatexüãrü tocutüwa taxüçëx. Rü yéma nayexma ga wüxi ga nanetüncü. Rü yemawa naxü ga Ngechuchu tomaã.

2 Rü Yuda ga yema bexma cúãcü Ngechuchuxü íyaxuaxüxü rü nüxü nacuëx ga yema nachica, yerü Ngechuchu rü muëxpüxcüna yéma tomaã nangutaquëxëxü.

3 Rü yéma nangu ga Yuda namaã ga ñuxre ga churaragü rü ñuxre ga tupauca ga taxüneärü purichíagü ga yéma namugüxü ga paigüarü ãëxgacügü rü parichéugü. Rü meãma nixãxne, rü yéma nanangegü ga omügü.

4 Natürü ga Ngechuchu rü marü nüxü nacuëx ga guxüma ga tacü tá nüxü na ngupetüxü. Rü yemacëx naxcëx nixü, rü nüxna naca, rü ñanagürü: —¿Texécëx nixü i pedaugüxü? —ñanagürü.

5 Rü nümagü rü Ngechuchuxü nangãxügü, rü ñanagü-rügü: —Nacharétucüãx i Ngechuchucëx nixü i tadaugüxü —ñanagürügü. Rü Ngechuchu nanangãxü, rü ñanagürü: —Choma chixü —ñanagürü. Rü Yuda ga bexma cúãcü ínaxuaxüxü rü yema churaragütanüwa nayexma.

6 Rü yexguma yema ñaxgu ga Ngechuchu: “Choma chixü”, ñaxgu, rü nügüweama nacaixütanü ga yema churaragü, rü yexma nayayü.

7 Rü yexguma ga Ngechuchu rü wena nüxna naca, rü ñanagürü: —¿Texécëx nixü i pedaugüxü? —ñanagürü. Rü nümagü rü nanangãxügü rü ñanagürügü: —Nacharétucüãx i Ngechuchucëx nixü i tadaugüxü —ñanagürügü.

8 Rü Ngechuchu rü wenaxärü ñanagürü nüxü: —Marü pemaã nüxü chixu rü choma chixü. Rü ngëxguma chauxcëx pedaugüga rü jípeyaxüëë i ñaa chorü ngüxügü! —ñanagürü.

9 Rü yemaãcü nangupetü na yanguxüçëx ga norü ore ga nümatama ga Ngechuchu nüxü yaxuxü ga ñaxgu:

“Yíxema Chaunatü choxna tüxü mugüxe rü taxüetáma itayarütaxe”, ñaxgu.

10 Rü Chimáü ga Pedru rü nüxü iyexma ga wüxi ga cüxchi. Rü ngüxü nayaxu ga norü cüxchi rü yemamaã ínanadaechinü ga paigüarü ãëxgacüarü duüxü ga Macugu ãegaxü. Rü norü tügünechinü ínaäe.

11 Natürü ga Ngechuchu rü Pedruxü ñanagürü: —¡Ngüxchixügu ngüxü íxüchü i curü cüxchi! ¿Tama ëxna nüxü cucuëx na choma rü tá ngüxü chingëxü ngëma Chaunatü chomaã naxueguxürü? —ñanagürü.

Anápatawa Ngechuchuxü nagagü

(Mt 26.57-58; Mr 14.53-54; Lc 22.54)

12 Rü yexguma ga churaragüarü ãëxgacü, namaã ga norü churaragü rü tupaucaarü purichíagü, rü Ngechuchuxü niyauvgü. Rü nayanëixchacüügü.

13 Rũ noxri rũ ãêxgacũ ga Anápatawa nanagagũ. Rũ Aná rũ Caipánêxtũ nixĩ. Rũ guma tauncẽgu ga Caipá rũ paigũeru nixĩ.

14 Rũ yema Caipá nixĩ ga ũpaacũ yema Yudĩgũarũ ãêxgacũgũmaã nũxũ ixuxũ ga na namemaẽxũ ga wũxitama ga yatũ guxũma ga Yudĩgũcèx na yuxũ.

Pedru rũ Ngechuchuxũ nixã
(Mt 26.69-70; Mr 14.66-68; Lc 22.55-57)

15 Rũ choma rũ Chimáũ ga Pedru rũ wũxigu Ngechuchuwe tarũxĩ. Rũ yema paigũarũ ãêxgacũ rũ choxũ nacuèx. Rũ yemacèx ga choma rũ wũxigu Ngechuchumaã tichocu ga ãêxgacũpataèxtũwa.

16 Natũrũ ga Pedru rũ ãxãrũ dũxétũgutama narũxãũx. Rũ yemacèx íchaxũxũ ga choma, rũ yema ãxãrũ dauruũ ga ngecũmaã chayarũdexa rũ yexguma Pedruxũ iyamucuchi.

17 Rũ yexguma ga yema ngecũ ga ãxãrũ dauruũ, rũ Pedruna ica, rũ ngĩgũrũgũ: —¿Tama êxna cuma rũ ta wũxi i norũ ngũexũ quĩxũ i ngẽma yatũ i yayauxgũxũ? —ngĩgũrũgũ. Rũ Pedru ngĩxũ nangãxũ, rũ ñanagũrũ: —Tama nixĩ —ñanagũrũ.

18 Rũ yema ãxãtũwa rũ ãêxgacũarũ duũxũgũ rũ purichĩagũ rũ nanaxũgũ ga wũxi ga ũxũ, yerũ nagãuane. Rũ guma ũxũxetũarũ ngaicamagu nachigũ, rũ yema nũgũ ninaĩxũgũ. Rũ Pedru rũ ta yema nũgũ nanaĩxũ naxètũwa ga guma ũxũ.

Paigũarũ ãêxgacũ rũ Ngechuchuna naca
(Mt 26.59-66; Mr 14.55-64; Lc 22.66-71)

19 Rũ yema paigũarũ ãêxgacũ rũ inanaxũgũ ga Ngechuchuna na naçaxũ, rũ ñanagũrũ: —¿Tacũ nixĩ ga duũxũgũxũ namaã cungũexẽxũ? ¿Rũ texégũ tixĩ ya yĩxema curũ ngũexũgũ? —ñanagũrũ.

20 Rũ Ngechuchu ñanagũrũ nũxũ: —Choma rũ guxũ ga duũxũgũpẽxewa nũxũ chixu ga chorũ ore. Rũ ngutaquẽxepataũgũwa rũ tupauca ya taxũnewa i ngextã guxũma i Yudĩgũ íngutaquẽxegũxũwa chanangũexẽẽ ga duũxũgũ. Rũ yemaãcũ taxũma íchicũx ga chorũ ore.

21 —¿Rũ tũxcũũ i choxna cuçaxũ i ñuxmax? Êcũ, jnũxna naca i ngẽma duũxũgũ ga nũxũ ñnũexũ ga chorũ ore! Rũ nũmagũ tá cumaã nũxũ nixugũe ga tacũchigaxũ namaã na chixuxũ. Erũ nũmagũ rũ nũxũ nacuèxgũ i guxũma ga tacũ ga namaã nũxũ chixuxũ —ñanagũrũ.

22 Rũ yexguma Ngechuchu yema ñaxgu, rũ wũxi ga tupauca ga taxũneãrũ purichĩa ga naxũtagu chixũ, rũ Ngechuchuchiwegu nidagũ. Rũ ñanagũrũ Ngechuchuxũ: —¿Tũxcũũ ngẽmaãcũ cunangãxũ ya daa paigũarũ ãêxgacũ? —ñanagũrũ.

23 Rũ Ngechuchu nanangãxũ rũ ñanagũrũ: —Rũ ngẽxguma tacũ rũ chixexũxũ chixuxgu, jrũ nũxũ ixu na ñuxãcũ chixri na chidexaxũ! Natũrũ ega chorũ ore rũ aixcũma yixĩgu, rũ ¿tũxcũũ i choxũ quidagũxũ i ñuxmax? —ñanagũrũ.

24 Rũ yexguma ga Aná rũ Ngechuchuxũ yanãĩãcũma paigũarũ ãêxgacũ ga Caipãxũtawa nanamu.

Pedru rũ wenaxãrũ tama Ngechuchuxũ nacuèxnetã
(Mt 26.71-75; Mr 14.69-72; Lc 22.58-62)

25 Rũ yoxni ga Pedru rũ ũxũarũ ngaicamagu nachiecha, rũ yema nũgũ nanaĩxũãma. Rũ yema yema yexmagũxũ rũ nũxna nacagũe, rũ ñanagũrũgũ:

—¿Tama ěxna cuma rŭ ta norŭ ngŭexŭ quiixŭ i ngĕma yatŭ i yayauxgŭxŭ? —ñanagŭrŭgŭ. Natŭrŭ ga Pedru rŭ tama nŭgŭ nixu, rŭ ñanagŭrŭ: —Tama nixŭ —ñanagŭrŭ.

²⁶ Rŭ yĕma nayexma ga wŭxi ga paigŭarŭ āĕxgacŭarŭ duixŭ. Rŭ yema rŭ Pedru idaechinŭxŭtanŭxŭ nixŭ. Rŭ Pedruna naca, rŭ ñanagŭrŭ: —¿Tama ěxna cuma yŭixŭ ga nanetŭnecŭwa Ngechuchumaā cuxŭ chadauxŭ? —ñanagŭrŭ.

²⁷ Rŭ Pedru rŭ wena tama nŭgŭ nixu. Rŭ yexgumatama nica ga otā.

Ngechuchu rŭ Piratu- pĕxewa nayexma
(Mt 27.1-2, 11-14; Mr 15.1-5; Lc 23.1-5)

²⁸ Rŭ yexguma Ngechuchumaā nŭxŭ nachauegu ga nŭxna na nacagŭxŭ, rŭ Caipápatawa ñanagaxŭchigŭ rŭ Yudĕaaneārŭ āĕxgacŭ ga Dumacŭāxpatawa nanagagŭ. Natŭrŭ marŭ ñingŭonechaŭ ga yexguma rŭ yemacĕx ga yema Yudiŭgŭ rŭ tama guma āĕxgacŭpatagu nachocu, yerŭ norŭ mugŭ nŭxŭ nixu rŭ taxŭ ga pecadu nixŭ na wŭxi ga Dumacŭāxpatagu na nachocuxŭ ga yema ngunexŭgu. Rŭ yemaācŭ tama Tupanapĕxewa nŭgŭ nixŭxaarŭ maxŭāxĕĕgŭchaŭ, yerŭ yexguma nŭgŭ yaxŭxaarŭ maxŭāxĕĕgŭgu, rŭ taxucŭrŭwa nanangŭxgŭ ga ōna ga Ũpetŭchigaarŭ petacĕx namexĕĕxŭ.

²⁹ Rŭ yemacĕx ga guma āĕxgacŭ ga Dumacŭāx ga Piratu rŭ napatawa ñaxŭxŭ ga duixŭgŭmaā na yadexaxŭcĕx. Rŭ ñanagŭrŭ nŭxŭ: —¿Tacŭcĕx ñpanaxuaxŭ ya daa yatŭ? —ñanagŭrŭ.

³⁰ Rŭ nŭmagŭ rŭ Piratuxŭ nangāxŭgŭ, rŭ ñanagŭrŭgŭ: —Ngĕxguma chi tama wŭxi i taxŭ i chixexŭ naxŭxgu, rŭ tāu chima cuxŭtawata tanaga —ñanagŭrŭgŭ.

³¹ Rŭ yexguma ga Piratu rŭ ñanagŭrŭ nŭxŭ: —¿Ēcŭ perŭ āĕxgacŭgŭxŭtawata penaga, rŭ perŭ mugŭ pemaā nŭxŭ ixuxŭācŭma penapoxcux! —ñanagŭrŭ. Natŭrŭ ga yema Yudiŭgŭ rŭ Piratuxŭ nangāxŭgŭ, rŭ ñanagŭrŭgŭ: —Natŭrŭ pema i Dumacŭāxgŭ rŭ marŭ toxna penachuxu na texĕxŭ timĕxgŭxŭ tŭmaārŭ chixexŭcĕx —ñanagŭrŭgŭ.

³² Rŭ yemaācŭ ningu ga yema ore ga Ngechuchu ũpaacŭ nŭxŭ ixuxŭ ga ñuxācŭ tá na nayuxŭ.

³³ Rŭ Piratu rŭ wenaxārŭ napatagu naxŭcu, rŭ Ngechuchucĕx nangema. Rŭ nŭxna naca, rŭ ñanagŭrŭ: —¿Cuma yŭixŭ i Yudiŭgŭarŭ Āĕxgacŭ quiixŭ? —ñanagŭrŭ.

³⁴ Rŭ Ngechuchu ñanagŭrŭ nŭxŭ: —¿Cuechamatama i nagu curŭxŭnŭxŭ na ngĕmaācŭ choxna cuçaxŭ, rŭ ěxna togŭ marŭ cumaā nŭxŭ nixu na ngĕmaācŭ choxna cuçaxŭcĕx? —ñanagŭrŭ.

³⁵ Rŭ Piratu Ngechuchuxŭ nangāxŭ, rŭ ñanagŭrŭ: —¿Ēxna cuma nagu curŭxŭnŭgu rŭ Yudiŭ chiixŭ? Rŭ ngĕma cuchiŭñanecŭāxgŭ rŭ paigŭarŭ āĕxgacŭgŭtama nixŭ i chauxŭtawata cuxŭ gagŭxŭ. ¿Ēxna ŭacŭ rŭ chixexŭ cuxŭ? —ñanagŭrŭ.

³⁶ Rŭ yexguma ga Ngechuchu rŭ nanangāxŭ, rŭ ñanagŭrŭ: —Choma rŭ tama ñoma i naānewa āĕxgacŭ chixŭ. Rŭ ngĕxguma ñoma i naānewa āĕxgacŭ chixŭgu, rŭ chorŭ duixŭgŭ rŭ chi Yudiŭgŭarŭ āĕxgacŭgŭmaā nŭgŭ nadai rŭ tāu chima choxŭ niyauxgŭ i ngĕxguma. Natŭrŭ tama ñoma i naānewa āĕxgacŭ chixŭ —ñanagŭrŭ.

³⁷ Rŭ yexguma ga Piratu rŭ ñanagŭrŭ nŭxŭ: —¿Ēxna to i nachiŭñaneārŭ āĕxgacŭ quiixŭ i cumax? —ñanagŭrŭ. Rŭ Ngechuchu nanangāxŭ rŭ ñanagŭrŭ: —Cumatama marŭ nŭxŭ quixu na āĕxgacŭ chiixŭ. Rŭ yemacĕx ga choma rŭ chabu rŭ ñoma ga naānewa chaxŭ na duixŭgŭmaā nŭxŭ chayarŭxuxŭcĕx i ore

i aixcūma ixĩxũ. Rũ guxãma ya texé ya nũxũ cuáxchaũxẽ i ngẽma ore i aixcūma ixĩxũ, rũ choxũ itarũxinũẽ i ngẽma ore i nũxũ chixuxũ —ñanagũrũ.

³⁸ Rũ Piratu rũ ñanagũrũ nũxũ: —¿Tacũ nixĩ i ngẽma ore i aixcūma ixĩxũ? —ñanagũrũ.

Ngechuchumaã nanaxuegu na yamẽxgũãxũ
(Mt 27.15-31; Mr 15.6-20; Lc 23.13-25)

Rũ yemaãcũ Ngechuchuna nacaxguwena ga Piratu, rũ wenaxãrũ Yudiũgũmaã nayarũdexa. Rũ ñanagũrũ nũxũ: —Taxuũma i chixexũxũ nawa chadau i ñaã yatũ. ¿Rũ tũxcũũ chi inapoxcuxũ?

³⁹ —Natũrũ guxũguma ega Ũpetũchigaarũ petawa nanguxgu, rũ pecũma nixĩ na choxna naxcẽx na peçaxũ na íchananguxchixiẽẽxũcẽx i wũxi i duũxũ i poxcuxũ. ¿Rũ penaxwẽxexũ na pexcẽx íchananguxchixiẽẽxũ i ñaã perũ ãẽxgacũ, Pa Yudiũgũx? —ñanagũrũ.

⁴⁰ Rũ yexguma ga guxũma ga yema duũxũgũ, rũ tagaãcũ aita naxũe, rũ ñanagũrũgũ: —Tama tanaxwẽxe na cuya-ngéxũ i ngẽma yatũ. Rũ Barabá waxi nixĩ i tanaxwẽxexũ na cuyangéxũ —ñanagũrũgũ. Rũ yema Barabá rũ wũxi ga máẽtaxũ nixĩ.

19

¹ Rũ yexguma ga Piratu rũ churagũxũ namu na Ngechuchuxũ naçuaixgũxũcẽx.

² Rũ yema churagũ rũ chuchuxũwa nanaxũgũ ga wũxi ga boxũ, rũ ñũxũchi naẽruwa nayangẽxcuchigũ. Rũ wũxi ga máxũ ga naxchiru ga dau-charaxũgu nayacũẽẽgũ.

³ Rũ ñũxũchi naxcẽx naxĩ, rũ nũxũ nacugũeãcũma ñanagũrũgũ nũxũ: —¿Namaxũ, Pa Yudiũgũarũ ãẽxgacũx! —ñanagũrũgũ. Rũ nanapechiwegũ.

⁴ Rũ Piratu rũ wenaxãrũ dũxétũwa naxũ, rũ Yudiũgũxũ ñanagũrũ: —¿Dũcẽx! ñũxma tá nuã pepẽxewa chanaga na nũxũ pecuáxũcẽx na taxuũma i chixexũxũ nawa chadauxũ —ñanagũrũ.

⁵ Rũ dũxétũwa naxũ ga Ngechuchu. Rũ namaã nangẽxcueru ga yema boxũ ga chuchuxũwa naxũgũxũ. Rũ nagu nicũx ga yema máxũ ga naxchiru ga dau-charaxũ. Rũ yex-guma ga Piratu rũ Yudiũgũxũ ñanagũrũ: —Daa nixĩ ya yima yatũ —ñanagũrũ.

⁶ Natũrũ yexguma Ngechuchuxũ nadaugũgu ga paigũarũ ãẽxgacũgũ rũ purichĩagũ, rũ inanaxũgũe ga aita na naxũexũ. Rũ ñanagũrũgũ: —¿Curuchawa yapota! ¿Curuchawa yapota! —ñanagũrũgũ. Rũ Piratu rũ ñanagũrũ nũxũ: —¿Ëcũ, peyaga rũ pematama curuchawa peyapota! Erũ choma rũ taxuũma i chixexũxũ nawa chadau —ñanagũrũ ga Piratu.

⁷ Natũrũ ga yema Yudiũgũ rũ Piratuxũ nangãxũgũ, rũ ñanagũrũgũ: —Toma toxũ nangẽxma i wũxi i torũ mu. Rũ ngẽma torũ mu toxũ nũxũ nacũẽxẽẽ na namexũ na nayuxũ i ñaã yatũ, yerũ nũma rũ nũxũ nixu ga Tupana Nane na yũxũ —ñanagũrũgũ.

⁸ Rũ yexguma yemaxũ naxĩnũgu ga Piratu, rũ yexeraãcũ namuũ.

⁹ Rũ wena Ngechuchumaã napatagu naxũcu. Rũ yema Ngechuchuna nayaca, rũ ñanagũrũ: —¿Ngextácũũx quixĩ i cumax? —ñanagũrũ. Natũrũ ga Ngechuchu rũ tama nanangãxũ.

¹⁰ Rũ yexguma ga Piratu rũ Ngechuchuxũ ñanagũrũ: —¿Ëxna ngẽma tãũtãma choxũ cungãxũ? ¿Tau ãxna i nũxũ cucuáxũ na choxmẽxwa cungẽxmaxũ

na curuchawa cuxŦ chipotaxŦ rŦ ěxna cuxŦ na íchanguxuchixěěxŦcěx? – űanagŦrŦ.

11 RŦ Ngechuchu nanangăxŦ, rŦ űanagŦrŦ: –TăŦ chima cuxměxwa changěxma, ega tama Tupana naxwěxegu. RŦ ngěmacěx nixŦ i ngěma duŦxŦgŦ i cuxna choxŦ mugŦxŦ rŦ curŦ yexera poraăcŦ napecaduăxgŦ –űanagŦrŦ.

12 RŦ yemawena rŦ Piratu nagu narŦxŦnŦ ga űuxăcŦ NgechuchuxŦ na ínanguxuchixěěegaxŦ. NatŦrŦ yema YudŦgŦ rŦ poraăcŦ aita naxŦe, rŦ űanagŦrŦgŦ: –Ngěxguma tá ícunanguxuchixěěxgŦ rŦ tama curŦ ĂěxgacŦ ya tacŦ ya DumacŦăx ya ChěcharuxŦ cungechaŦ. ErŦ ngexerŦxe ya ĂěxgacŦ ya tacŦxŦ tŦgŦ ingucuchixěěxě, rŦ DumacŦăx ya ĂěxgacŦ ya tacŦ ya ChěcharuarŦ uwanŦ tixŦ –űanagŦrŦgŦ.

13 RŦ yexguma yemaxŦ naxŦnŦgu ga Piratu, rŦ churaragŦxŦ namu ga NgechuchuxŦ dŦxětŦwa na nagagŦxŦcěx. RŦ nawa nayarŦto ga wŦxi ga tochicaŦ ga taxŦ ga nutagŦnaxěx ga togawa rŦ Gabatagu ĂegaxŦ. RŦ yema nachicawa nixŦ ga poxcuexŦ ga duŦxŦgŦna naçaxŦ ga ĂěxgacŦ.

14 RŦ wŦxi ga ngunexŦ nataxu ga ŦpetŦchigarŦ petawa na nanguxŦ ga yexguma, rŦ marŦ tocuchiwa nangu. RŦ Piratu rŦ YudŦgŦxŦ űanagŦrŦ: –ĵDaa nixŦ ya yima perŦ ĂěxgacŦ! űanagŦrŦ.

15 NatŦrŦ ga nŦmagŦ rŦ aita naxŦe, rŦ űanagŦrŦgŦ: –Tanaxwěxe na nayuxŦ. RŦ ĵcuruchawa yapota! –űanagŦrŦgŦ. RŦ Piratu nŦxna naca rŦ űanagŦrŦ nŦxŦ: –ĵűuxăcŦ i choma rŦ ichanamu na curuchawa yapotagŦăxŦcěx ya perŦ ĂěxgacŦ? –űanagŦrŦ. NatŦrŦ ga paigŦarŦ ĂěxgacŦgŦ rŦ PiratuxŦ nangăxŦgŦ, rŦ űanagŦrŦgŦ: –Yima ĂěxgacŦ ya tacŦ ya Chěcharu ya Dumawa ngěxmacŦ rŦ yima nixŦ ya torŦ ĂěxgacŦ, rŦ nataxuma i to –űanagŦrŦgŦ.

16 RŦ yexguma ga Piratu rŦ yema YudŦgŦna NgechuchuxŦ namu na curuchawa yapotagŦăxŦcěx. RŦ nŦmagŦ rŦ nayagagŦ.

*Curuchawa NgechuchuxŦ nipotagŦ
(Mt 27.45-56; Mr 15.33-41; Lc 23.44-49)*

17 RŦ ínaxŦxŦ ga Ngechuchu, rŦ norŦ curucha ngŦxŦ ininge. RŦ yěma nanagagŦ nawa ga wŦxi ga nachica ga “DuŦxěěeruchiněxăgu” ĂegaxŦ. RŦ yema rŦ GŦrguta nixŦ ga naega ga togawa.

18 RŦ yěma curuchawa NgechuchuxŦ nayarŦpotagŦ. RŦ NgechuchurŦŦ curuchawa nayapotagŦ ga taxre ga to ga yatŦgŦ, rŦ wŦxi ga norŦ tŦgŦnecŦwawa rŦ to ga norŦ ŦoxwecŦwawa.

19 RŦ Piratu rŦ churaragŦxŦ namu na NgechucharŦ curuchatapěxewa na yapocuchigŦăxŦcěx ga wŦxi ga mŦrapewaxacŦ ga ĂegatachinŦxŦ ga űaxŦ: “Ngechuchu ya NacharětucŦăx ya YudŦgŦarŦ ĂěxgacŦ”, űaxŦ.

20 RŦ muxŦma ga yema YudŦgŦ nŦxŦ nadaumatŦ ga yema namatŦ ga mŦrapewaxacŦgu ŦxŦ. YerŦ yema nachica ga NgechuchuxŦ curuchawa íyanapotagŦxŦwa, rŦ íăneărŦ ngaicamana nixŦ. RŦ tomaěxpŦx ga nagawa naxŦmatŦ ga yema naega ga yema mŦrapewawa. RŦ togawa rŦ GriěgugŦgawa rŦ DumacŦăxgŦgawa naxŦmatŦ.

21 RŦ yemacěx ga yema YudŦgŦarŦ paigŦarŦ ĂěxgacŦgŦ rŦ PiratuxŦ űanagŦrŦgŦ: –Toma rŦ tama tanaxwěxe i cunaxŦmatŦ i “YudŦgŦarŦ ĂěxgacŦ”, űaxŦ. RŦ narŦmemaě nixŦ i cunaxŦmatŦ rŦ űacurŦgŦ:

“NŦgŦ ixucŦ na YudŦgŦarŦ ĂěxgacŦ yŦxŦ”, űacurŦgŦ.

22 NatŦrŦ Piratu nanangăxŦ rŦ űanagŦrŦ: –Ngěma chaxŦmatŦxŦ rŦ marŦ ngěxma naxŦmatŦ –űanagŦrŦ.

23 Rū curuchawa marū Ngechuchuxū yapotagūguwena ga churragū, rū nanade ga Ngechuchuchiru. Rū yema āgūmūcū ga churragū rū nūgūmaā nayatoye ga naxchiru. Rū nanayauxgū ta ga norū gāuxūchiru ga máxū. Natūrū taxuwama narūngēxte, yerū woetama yemaācū naxū.

24 Rū yemacēx ga yema churragū rū nūgūmaā űanagūrūgū: —¡Tāūtāma naga tagaugūe! Rū narūmemaē nixī i naxcēx tā naxīnūcēxwēxegū rū ngīxū tañanagūgū i wūxi i dīeru na ngēmawa nūxū icuēxgūxūcēx na texēarū tā na yīixū —ñanagūrūgū. Rū yemaācū ningu ga Tupanaārū ore ga űmatūxū ga űaxū:

“Nūgūmaā nayatoye i chauxchiru, rū naxcēx ngīxū tanañanagūgū i wūxi i dīeru”, űaxū. Rū aixcūma yemaācū nixī ga naxgūgāxū ga churragū.

25 Rū Ngechuchuarū curuchapūnewa iyexma ga naē ga María, rū ngīēyēx, rū María ga Creopá naxmēx, rū María ga Magadācūāx.

26 Rū yexguma Ngechuchu naēxū dēuxgu ga yexma chauxūtagu na nachixū, rū űanagūrū ngīxū: —Pa Mamax, yima nixī ya cune, —ñanagūrū.

27 Rū yemawena, rū űanagūrū choxū: —Ngēma iyixī i cue —ñanagūrū. Rū yexgumamama rū chopatawa ngīxū chayaxu. Rū chauxūtawa iyexmaēcha.

Nayu ga Ngechuchu

28 Rū Ngechuchu nūxū nacuēx ga marū na yanguxū ga guxūma ga norū puracū ga űoma ga naānewa. Rū yema Tupanaārū ore ga űmatūxū na yanguxēēxūcēx, rū űanagūrū: —Chītawa —ñanagūrū.

29 Rū yēma iyexma ga wūxi ga tūxūxācū ga binu ga marū űxchiūcūmaā āācuxcū. Rū wūxi ga tūēxmū guma binumaā niwaixēēgū, rū wūxi ga dexne-menēxāwa nayanēix. Rū yemamaā naāxgu nanawēxgū.

30 Rū Ngechuchu nayaxaxū ga guma binu ga űxchiūcū rū űanagūrū: —Marū ningu i guxūma i chorū puracū —ñanagūrū. Rū űuxūchi inayarūmaxāchieru, rū nayu.

Wūxi ga churara rū wocaxemaā Ngechuchuxū nacanapacūtūxū

31 Natūrū ga yema Yudīugūarū āēxgacūgū rū tama nanaxwēxegū ga curuchagūwa na nayexmagūxū ga yema naxūnegū. Yerū moxūācū rū ngūxchigaarū ngunexū nixī. Rū yema Yudīugūcēx rū yema nixī ga guxū ga ngūxchigaarū ngunexūārū yexera ga űūnēxū, yerū norū peta ga űpetūchigaarū űgū nixī. Rū yemacēx Piratuna naxcēx nacagū na churragū yēma namugūxūcēx na yapoyeparagūāxūcēx na paxa nayuēxūcēx ga yema curuchawa ipotagūxū, rū paxa na nadeāxūcēx ga curuchawa naxūpa ga ngūxchigaarū ngunexū.

32 Rū yēma naxī ga churragū rū inanapoeeparagū ga yema taxre ga yatūgū ga Ngechuchumaā yēma curuchawa ipotagūxū.

33 Rū Ngechuchucēx naxī ga churragū, natūrū nūxū nadaugū ga marū na nayuxū. Rū yemacēx tama nayapoyeparagū.

34 Natūrū wūxi ga churara rū Ngechuchuxū nacanapacūtūxū. Rū yexgumatama inayēxūchi ga ngū rū dexā.

35 Rū choma i CuáŪ rū nūxū chadau i guxūma ga űaā pemaā nūxū chixuxū. Rū aixcūma nixī i űaā chorū ore. Rū chomatama nūxū chacuēx i aixcūma na yīixū, rū pemaā nūxū chixu na pema rū ta peyaxōgūxūcēx.

36 Rū yema nangupetū na yanguxūcēx i Tupanaārū ore i űmatūxū i űaxū: “Rū taxūnetāma ya naxchinēxā nipoyegū”, űaxū.

37 Rŭ toxnamana i Tupanaärŭ ore i ũmatŭxŭwa rŭ ñanagŭrŭ:
 “Tá nŭxŭ narŭdaunŭ ya yima nacanapacŭtŭxŭgŭäcŭ”,
 ñanagŭrŭ.

Ngechuchuxŭ inatëxgŭ

(Mt 27.57-61; Mr 15.42-47; Lc 23.50-56)

38 Rŭ nayexma ga wŭxi ga yatŭ ga Arimatëacŭäx ga Yŭchegu ägegacŭ. Rŭ nŭma rŭ ta Ngechuchuaxŭ nayaxŭ, natŭrŭ cŭäcŭ nayaxŭ yerŭ natanŭxŭ ga Yudŭgŭarŭ äëxgacŭgŭxŭ namuŭ. Rŭ guma nixŭ ga Piratuna yaçacŭ na nayauxäxŭcëx ga Ngechuchuxŭne. Rŭ Piratu rŭ: –Ngŭ, –ñanagŭrŭ. Rŭ yexguma ga Yŭche rŭ yéma naxŭ ga curuchawa íyapotaxŭwa, rŭ curuchawa nayayaxu ga naxŭne ga Ngechuchu.

39 Rŭ yéma nangu ga Nicodému ga ũpacŭ chŭtacŭ Ngechuchuxŭtagu naxŭänecŭ. Rŭ yéma nanange ga 30 kilo naguxŭ ga pumara ga yixichixŭ na Ngechuchuxŭ namaä nachaxŭnegŭxŭcëx.

40 Rŭ yemaäcŭ ga Yŭche rŭ Nicodému rŭ curuchawa nanayauxgŭ ga naxŭne ga Ngechuchu. Rŭ naxchiru ga marŭ pumaracharaxŭmaä nayanáixpŭxŭgŭ. Yerŭ yema nixŭ ga tocŭma ga toma ga Yudŭgŭ ga yexguma wŭxi ga yueta tŭxŭ itatëxgŭgu.

41 Rŭ yema nachica ga Ngechuchu curuchawa íipotaxŭwa nayexma ga wŭxi ga nanetŭnecŭ. Rŭ yema nanetŭnecŭwa nayexma ga wŭxi ga naxmaxŭ ga yexwacaxŭxŭ ga taguma texëxŭ nagu natëxgŭxŭ.

42 Rŭ yema naxmaxŭgu nayaxŭcuchigŭ ga Ngechuchuxŭne yerŭ nangaicama, rŭ paxa tá ningune ga ngŭxchigaarŭ ngunexŭcëx.

20

Ínarŭda ga Ngechuchu

(Mt 28.1-10; Mr 16.1-8; Lc 24.1-12)

1 Rŭ yŭxŭarŭ pëxmamaxŭchi ga tauta meä yangŭonegu, rŭ María ga Magadácŭäx rŭ Ngechuchuxŭ íyaxŭcuchigŭxŭwa ixŭ. Rŭ nŭxŭ idau ga guma nuta ga Ngechuchumaxŭ namaä rŭngŭxtaŭcŭ, rŭ marŭ na ínaxŭgachixŭ.

2 Rŭ yexgumatama iíñaächi, rŭ yema choma rŭ Chimáu ga Pedrumaä ítayexmagŭxŭwa íña. Rŭ ngŭgŭrŭgŭ toxŭ: –Rŭ marŭ nanayauxgŭ ya Cori ya Ngechuchu i naxmaxŭwa. Rŭ tama nŭxŭ tacuëx na ngexta na naxŭgŭäxŭ –ngŭgŭrŭgŭ.

3 Rŭ yexguma ga choma rŭ Pedru rŭ Ngechuchuxŭ íyaxŭcuchigŭxŭwa taxŭ.

4 Rŭ wŭxigu itaxŭächi ga tomax, natŭrŭ ga choma rŭ poraäcŭ Pedruarŭ yexera ichañaächi. Rŭ chaxira Ngechuchuxŭ íyaxŭcuchixŭwa changu.

5 Rŭ ichayarŭmaxächi na nagu chidaucuchixŭcëx. Rŭ nŭxŭ chadau ga naxchiru ga namaä yanáixpŭxŭgŭäxŭ ga yexma na naxŭxŭ. Natŭrŭ tama aixpegu chaxŭcu.

6 Rŭ choweama ínangu ga Chimáu ga Pedru. Rŭ nŭma rŭ yema naxmaxŭgu naxŭcu. Rŭ nŭma rŭ ta nŭxŭ nadau ga yema naxchiru ga namaä yanáixpŭxŭchirëxŭ.

7 Rŭ nŭxŭ nadau ta ga naxchiru ga namaä yanëixërugŭäxŭ ga meäma dixcumŭxŭ ga nŭxrŭguma ũxŭ. Rŭ tama wŭxigu namaä nanu ga yema naxchiru ga namaä yanáixpŭxŭgŭäxŭ.

8 Rŭ yexguma ga choma ga chaxiraxŭchi yéma na changuxŭ, rŭ choma rŭ ta chixŭcu. Rŭ nŭxŭ chadau ga guxŭma, rŭ chayaxŭ ga Ngechuchu rŭ marŭ wena na namaxŭxŭ.

⁹ Yerü noxri rü tama nüxŭ tacuèxgüéga ga yema Tupanaärü ore ga ümatüxŭ ga ñaxŭ:

“Cristu rü tá wena namaxŭ”,
ñaxŭ.

¹⁰ Rü yexguma ga toma rü tochiŭcèx tawoegu.

Ngechuchu rü ngïxcèx nangox ga María ga Magadácŭãx
(Mt 16.9-11)

¹¹ Natürü ga María rü yexma irüxãŭx naxŭtagu ga Ngechuchumaxŭ. Rü yéma ixaxu. Rü naxauxãcŭma iyarümaxãchi, rü nagu iyadaucuchi ga naxmaxŭ.

¹² Rü nüxŭ idau ga taxre ga daxŭcŭãx ga Tupanaärü orearü ngeruŭgü ga icómchiruxŭ. Rü Ngechuchuxŭne ixüchiréxŭwa narütogü, rü wüxi ga Ngechuchueru ixüxŭwaama rü to ga nacŭtawama.

¹³ Rü yema daxŭcŭãx ga duŭxŭgü rü ngïxna nacagüe, rü ñanagürügü: — Pa Ngecŭx, ¿tacücèx cuxaxu? —ñanagürügü. Rü ngïma rü inangãxŭ, rü ngïgürügü: —Chaxaxu erü nayangegü i naxŭne ya chorü Cori, rü tama nüxŭ chacuèx na ngexta naxgüãxŭ —ngïgürügü.

¹⁴ Rü yexgumatama yema ngïxgu, rü ngïgüweama idau. Rü nüxŭ idau ga Ngechuchu ga ngïxŭtawana na yaxmaxŭ. Natürü tama nüxŭ icuèx ga Ngechuchu na yïxŭ ga guma.

¹⁵ Rü yexguma ga Ngechuchu rü ngïxna naca, rü ñanagürü: —Pa Ngecŭx, ¿tacücèx cuxaxu? ¿Rü texcèx nixŭ i cudauxŭ? —ñanagürü. Rü ngïma nüxŭ nacüèxgu rü yema nixŭ ga yema nanetüneçuarü dauruŭ. Rü yemacèx ngïgürügü nüxŭ: —Pa Corix, ega cuma cuyangexgu i naxŭne ya Ngechuchu, rü jchomaã nüxŭ ixu na ngexta na cunaxŭxŭ na choma chayayaxuxcèx! —ngïgürügü.

¹⁶ Rü yexguma ga Ngechuchu rü ñanagürü ngïxŭ: —Pa Mariãx —ñanagürü. Rü ngïma rü naxcèx idaueguãchi, rü togawa ngïgürügü nüxŭ: —Pa Rabunix —ngïgürügü. Rü ngëma rü “Pa Ngüexëëruŭx”, ñaxŭchiga nixŭ.

¹⁷ Rü Ngechuchu rü ñanagürü ngïxŭ: —¡Tãxŭ i choxŭ quingögüxŭ, erü tauta Chaunatüxŭtawana chaxŭ! ¡Natürü ngema chaueneëgütanüwa naxŭ rü namaã nüxŭ yarüxu na choma rü tá Chaunatü ya chorü Tupana ya Penatü ya perü Tupanaxŭtawana chaxŭxŭ! —ñanagürü.

¹⁸ Rü yexguma ga María ga Magadácŭãx rü tomaã nüxŭ iyarüxu ga marü nüxŭ na nadauxŭ ga Cori ga Ngechu-chu. Rü ñuxŭchi tomaã nüxŭ iyaxu ga yema ore ga Ngechuchu ngïmaã nüxŭ ixuxŭ.

Norü ngüexŭgücèx nangox ga Ngechuchu
(Mt 28.16-20; Mr 16.14-18; Lc 24.36-49)

¹⁹ Rü yema yüxüarü ngunexŭlarü chŭtacü, rü tangutaquèxegü ga toma ga Ngechucharü ngüexŭgü. Rü togü tarüwãtaŭgü, yerü yema Yudiügüarü äëxgacügüxŭ tamuŭë. Rü Ngechuchu rü ngürüãchi yéma nangox, rü torü ngãxŭtanügu nachŭ. Rü toxŭ narümoxë, rü ñanagürü: —¡Petaãëgü! —ñanagürü.

²⁰ Rü yema ñaxguwena rü toxŭ nügü nawémëx, rü nügü inawépacütüxŭ. Rü tomagü ga norü ngüexŭgü rü tataãëgü, yerü nüxŭ tadaugü ga guma torü Cori.

²¹ Rü yexguma rü wenaxärü ñanagürü toxŭ: —¡Petaãëgü! Rü yema Chau-natü núma choxŭ na muxŭrŭŭ tãtama nixŭ i pexŭ chamuxŭ i chomax —ñanagürü.

²² Rü yexguma rü toëtü “cue” ñanagürü ga Ngechuchu. Rü ñuxŭchi ñanagürü toxŭ: —¡Penayauxgü i Tupanaãe i Üünexŭ!

²³ Rŭ ngĕxguma duŭxŭgŭ nŭxŭ rŭxoegu i norŭ pecadugŭ, rŭ pema rŭ pexŭ nangĕxma i pora na namaã nŭxŭ pixuxŭ na Tupana marŭ nŭxŭ nŭxŭ rŭngŭmaxŭ i norŭ pecadugŭ. Natŭrŭ ngĕxguma duŭxŭgŭ tama nŭxŭ rŭxoegu i norŭ pecadugŭ, rŭ pema rŭ pexŭ nangĕxma i pora na namaã nŭxŭ pixuxŭ na marŭ ngĕma norŭ pecadugŭwatama nangĕxmagŭxŭ —ñanagŭrŭ ga Ngechuchu.

Tumachi nŭxŭ nadau ga Cori ga wena maxŭcŭ

²⁴ Natŭrŭ totanŭxŭ ga Tumachi ga Wŭxigu Buexŭmaã taxugŭxŭ, rŭ tama totanŭwa nayexma ga yexguma Ngechuchu toxĕx ngoxgu.

²⁵ Rŭ yixcama ga toma rŭ Tumachimaã nŭxŭ tixugŭe, rŭ ñatarŭgŭgŭ: —Marŭ nŭxŭ tadau ya tŏrŭ Cori ya Ngechuchu —ñatarŭgŭgŭ. Natŭrŭ ga Tumachi rŭ toxŭ nangãxŭ rŭ ñanagŭrŭ: —Ngĕxguma tama nŭxŭ chadĕuxgu i norŭ itapuamaxŭ i naxmĕxwa rŭ tama nŭxŭ chingŏgŭgu i ngĕma itapuamaxŭ rŭ ngĕma norŭ cana-pacŭtŭxŭ, rŭ tãŭtãma chayaxŏ i ngĕma ore i chomaã nŭxŭ pixuxŭ —ñanagŭrŭ.

²⁶ Rŭ 8 ga ngunexŭguwena rŭ wenaxãrŭ tangutaquĕxegŭ ga toma ga wŭxi ga ĩpatawa. Rŭ totanŭwa nayexma ga Tumachi ga yexguma. Rŭ woo ga na nawãtaxŭ ga ĩãx, rŭ ngŭrŭãchi yĕma nangox ga Ngechuchu, rŭ torŭ ngãxŭtanŭgu nachi. Rŭ toxŭ narŭmoxĕ, rŭ ñanagŭrŭ: —¡Petaãĕgŭ! —ñanagŭrŭ.

²⁷ Rŭ yexguma Tumachixŭ ñanagŭrŭ ga Ngechuchu: —¡Nŭxŭ ingŏgŭ i ñãã chorŭ itapuamaxŭ i choxmĕxwa ngĕxmaxŭ, rŭ nŭxŭ nadau ya daa choxmĕx! ¡Rŭ nuxa chorŭ canapacŭtŭxŭgu ingŏgŭ! ¡Rŭ nŭxŭ rŭxo na tama cuyaxŏxŭ! ¡Rŭ meãma yaxŏ i ñuxmax! —ñanagŭrŭ.

²⁸ Rŭ yexguma ga Tumachi rŭ Ngechuchuxŭ nangãxŭ, rŭ ñanagŭrŭ: —Pa Chorŭ Corix, cuma nixŭ i chorŭ Tupana quiixŭ —ñanagŭrŭ.

²⁹ Rŭ Ngechuchu rŭ ñanagŭrŭ nŭxŭ: —Pa Tumachix, cuma cuyaxŏ i ñuxma erŭ choxŭ cudau. Natŭrŭ tataãĕgŭ ya yixema tama choxŭ daugŭãcŭma yaxŏgŭxe —ñanagŭrŭ.

Tacŭcĕx naxŭmatŭ i ñãã popera

³⁰ Rŭ Ngechuchu rŭ topĕxewa nanaxŭ ga muxŭma ga to ga mexŭgŭ ga cuĕxrŭgŭ i tama ñãã poperagu ŭmatŭxŭ.

³¹ Natŭrŭ guxŭma i ñãã poperagu ŭmatŭxŭ, rŭ naxŭmatŭ na peyaxŏgŭxŭcĕx na Ngechuchu rŭ Cristu ya Tupana Nane na yŭxŭ. Rŭ ngĕxguma nŭxŭ peyaxŏgŭgu rŭ tá pexŭ nangĕxma i maxŭ i taguma gŭxŭ.

21

Ngechuchu rŭ 7 ga norŭ ngŭexŭgŭcĕx nangox

¹ Rŭ yemawena ga Ngechuchu rŭ wenaxãrŭ toxĕx nangox naxtaxa ga Garirĕaanacŭwa. Rŭ Tibĕria nixŭ ga to ga naĕga. Rŭ ñããcŭ nixŭ ga toxĕx nangŏxŭ.

² Rŭ wŭxiwa tayexmagŭ ga choma rŭ Chaŭtiãgu ga Zebedeu nanegŭ rŭ Chimãu ga Pedru, rŭ Tumachi ga Wŭxigu Buexŭmaã taxugŭxŭ, rŭ Natanaĕ ga Garirĕaanegune ga ĩãne ga Canãcŭãx, rŭ to ga taxre ga tomŭcŭgŭ ga Ngechucharŭ ngŭexŭgŭ.

³ Rŭ Chimãu ga Pedru rŭ ñanagŭrŭ toxŭ: —Tã chayapŭchae —ñanagŭrŭ. Rŭ yexguma ga toma rŭ tanangãxŭgŭ, rŭ ñatarŭgŭgŭ nŭxŭ: —Toma rŭ tá ta cuwe tarŭxŭ —ñatarŭgŭgŭ. Rŭ yĕma taxŭ, rŭ wŭxi ga nguegu tichoŭ. Natŭrŭ yema chŭtaxŭgu rŭ taxuŭma ga choxni tiyaxgŭ.

4 Rũ yexguma noxri yangóonegu rũ Ngechuchu toxcèx nangox ga naxtaxaanacũwa. Natũrũ ga toma rũ tama nũxũ tacuèxgũ ga Ngechuchu na yĩxũ.

5 Rũ yexguma ga Ngechuchu rũ toxna naca, rũ ñanagũrũ toxũ: —Pa Ngextũxũcũgũx, ¿èxna taxuũma i choxni piyauxgũ? —ñanagũrũ. Rũ toma rũ tanangãxũgũ rũ ñatarũgũgũ: —Taxuũma —ñatarũgũgũ.

6 Rũ yexguma ga Ngechuchu rũ ñanagũrũ toxũ: —¡Peweũãrũ tũgũnecũwawaama penatãe i perũ pũcha! rũ tá ípenayauxũ i choxni —ñanagũrũ. Rũ yémaãma tanatãegũ ga torũ pũcha, rũ taxucũrũwa ítanatũãchigũ, yerũ muxũchixũ ga choxni tiyauxgũ.

7 Rũ yexguma ga choma rũ Pedruxũ ñacharũgũ: —Yima nixĩ ya Cori ya Ngechuchu —ñacharũgũ. Rũ yexguma yemaxũ naxĩnũgu ga Pedru ga guma na yĩxũ ga Cori, rũ nicũxcuchi ga naxchiru yerũ noxri rũ ínacũxuchichirèx. Rũ natũchiũwa nayuxu, rũ naxãnacũwa naxcèx nawèxè.

8 Rũ toma ga natanũxũ rũ nguemaãtama naxãnacũwa taxãgũ. Rũ yéma tanatũgũ ga yema pũcha ga choxnimaã ããcuxũ yerũ 100 metrucicatama nataxu ga na naxãnacũwa na tangugũxũ.

9 Rũ yexguma nguewa ítachoũgu rũ yéma nũxũ tadau ga wũxi ga ùxũ, rũ naxètũgu naxũ ga wũxi ga choxni. Rũ yéma nayexma ta ga wũxi ga pãũ.

10 Rũ Ngechuchu rũ ñanagũrũ toxũ: —¡Nuãta penge i ñuxre i ngẽma choxni i ípeyauxũxũ! —ñanagũrũ.

11 Rũ Chimãũ ga Pedru rũ nguegu nixũe. Rũ yema pũchamaã naxnũcũgu ínanatũãchiwetaũ ga choxni ga ínayauxũxũ. Rũ 153 ga choxni ga itaxũ nayexma nawa ga yema pũcha. Rũ woo ga na namuxũchixũ, rũ tama narũgãu ga pũcha.

12 Rũ yexguma ga Ngechuchu rũ ñanagũrũ toxũ: —¡Nuã pexĩ rũ peyachibũe! —ñanagũrũ. Rũ taxũema ga toma rũ nũxna tacaxchaũ na texè yĩxũ ga nũmax, yerũ marũ nũxũ tacuèxgũ ga guma na yĩxũ ga Cori ga Ngechuchu.

13 Rũ yexguma ga Ngechuchu rũ yéma toxũtawaxũ. Rũ nanayaxu ga pãũ rũ wũxichigũ toxna nanaxã. Rũ yexgumarũũ ta ga choxni rũ toxna nanaxã.

14 Rũ yema nixĩ ga norũ tomaèxpũxcũna ga toxcèx na nangóxũ ga Ngechuchu ga yuwa ínadaxguwena.

Ngechuchu rũ Pedrumã nidexa

15 Rũ yexguma chibũewa tingugũguwena rũ Ngechuchu rũ Chimãũ ga Pedruna naca, rũ ñanagũrũ: —Pa Chimãũ Pa Cuãũ Nanex, ¿aixcũma choxũ cungechaũxũ i ñaã cumũcũgũxũ na cungechaũxũãrũ yexera? —ñanagũrũ. Rũ Pedru nanangãxũ, rũ ñanagũrũ: —Ngũ, Pa Corix, cuma nũxũ cucuèx na cuxũ changechaũxũ —ñanagũrũ. Rũ Ngechuchu rũ ñanagũrũ nũxũ: —¡Nachibũexè i chorũ duũxũgũ! —ñanagũrũ.

16 Rũ wenaxãrũ Pedruna naca, rũ ñanagũrũ: —Pa Chimãũ Pa Yonã Nanex, ¿aixcũma i choxũ cungechaũxũ? —ñanagũrũ. Rũ Pedru nanangãxũ, rũ ñanagũrũ: —Ngũ, Pa Corix, cuma nũxũ cucuèx na cuxũ changechaũxũ —ñanagũrũ. Rũ Ngechuchu rũ ñanagũrũ nũxũ: —Ècũ, ¡nũxna nadau i chorũ duũxũgũ! —ñanagũrũ.

17 Rũ norũ tomaèxpũxcũna wenama Pedruna naca, rũ ñanagũrũ: —Pa Chimãũ Pa Yonã Nanex, ¿aixcũmaxũchi yĩxũ i choxũ cungechaũxũ? —ñanagũrũ. Rũ yexguma ga Pedru rũ dúxwa nangechaũ, yerũ norũ tomaèxpũxcũna Ngechuchu nũxna naca ngoxi aixcũma nũxũ nangechaũ. Rũ ñanagũrũ ga Pedru: —Pa Corix, cuma nũxũ cucuèx i guxũma. Rũ cuma nũxũ

cucux na aixcūmaxŭchi cuxŭ changechaŭxŭ –ñanagŭrŭ. Rŭ Ngechuchu ñanagŭrŭ nŭxŭ: –Ēcŭ ꞑnachibŭexĕē i chorŭ duŭxŭgŭ!

18 –Rŭ aixcūma cuma nŭxŭ chixu rŭ yexguma cungextŭxŭgu rŭ cugŭ quicuxcuchi ga na ngextá cuma ícunaxwĕxexŭwa cuxŭxŭcĕx. Natŭrŭ ngĕxguma yaguāx quixŭgu rŭ tá quixuuchichacŭŭ na togue cuxŭ ícuxcuchixŭcĕx. Rŭ ngĕma tama cuma ícunaxwĕxexŭwa tá cuxŭ nagagŭ –ñanagŭrŭ.

19 Rŭ Ngechuchu rŭ yema ñanagŭrŭ na nŭxŭ nŭxŭ nacuxĕxĕxŭcĕx ga ñuxācŭ tá na nayuxŭ ga Pedru na yemaācŭ Tupanaxŭ nataxĕxŭcĕx. Rŭ yemawena ga Ngechuchu rŭ ñanagŭrŭ nŭxŭ: –ꞑchowe rŭxŭ! –ñanagŭrŭ.

Yema ngŭexŭ ga Ngechuchu poraācŭ nŭxŭ ngechaŭxŭchiga

20 Rŭ yexguma nŭgŭweama nadĕuxgu ga Pedru rŭ choxŭ nadau ga naweama na ne chaxŭxŭ. Rŭ chomachirĕx nixŭ ga chibŭwa Ngechuchucŭwawa charŭtoxŭ rŭ nŭxna chaçaxŭ rŭ ñachaxŭ:

“Pa Corix, ꞑtexĕ tá tixŭ ya yŭxema bexma cuechita cuxŭ íxuaxŭxĕ?” ñachaxŭ.

21 Rŭ yexguma Pedru choxŭ dĕuxgu rŭ Ngechuchuna naca, rŭ ñanagŭrŭ: –Pa Corix, ꞑñaā Cuáŭ rŭ ꞑacŭ tá nŭxŭ ŭpetŭxŭ? –ñanagŭrŭ.

22 Rŭ Ngechuchu nanangāxŭ, rŭ ñanagŭrŭ nŭxŭ: –Ngĕxguma choma chanaxwĕxegu rŭ chanamaxĕē ñuxmatáta wena núma chaxŭ. ꞑRŭ tŭxcŭxŭ i nugu curŭxŭnŭxŭ i ngema? Rŭ cuma ꞑrŭ chowe rŭxŭ! –ñanagŭrŭ.

23 Rŭ yexguma yema chomŭcŭgŭ nŭxŭ ínŭĕgu ga yema chauchiga, rŭ nugu narŭxŭnŭe na taxŭtáma chayuxŭ. Natŭrŭ Ngechuchu rŭ tama nŭxŭ nixu ga tãxŭtáma na chayuxŭ. Natŭrŭ ñanagŭrŭmare:

“Ngĕxguma choma chanaxwĕxegu rŭ chanamaxĕē ñuxmatáta wena núma chaxŭ. ꞑRŭ tŭxcŭxŭ i nugu curŭxŭnŭxŭ i ngĕma?”, ñanagŭrŭmare.

24 Rŭ chomatama nixŭ ga nŭxŭ chadauxŭ i guxŭma i ñaā pemaā nŭxŭ chixuxŭ, rŭ chomatama nixŭ i pexcĕx chanaxŭmatŭxŭ i ñaā ore. Rŭ guxāma i toma rŭ nŭxŭ tacuĕx na aixcūma na yŭxŭ i ñaā pemaā nŭxŭ chixuxŭ.

25 Rŭ nayexma ga to ga muxŭchixŭma ga ꞑacŭ ga Ngechuchu ŭxŭ. Rŭ ngĕxguma chi naxŭmatŭgu i guxŭma ga yema naxŭxŭchiga, rŭ nugu charŭxŭnŭgu rŭ tãŭ chima ñoma i naānegu name i ngĕma poperagŭ i nachiga ŭmatŭxŭ.

NGECHUCHUARÜ NGÜEXÜGÜ GA YAMUGÜXÜÄRÜ PURACÜCHIGA

Tupana inaxuneta rü tá ínangu i Naãe i Üünexü

¹⁻² Pa Mecü Pa Teóquirux, nüxíra chaxümatüxü ga poperawa cumaã nüxü chixu ga guxüma ga Ngechuchu üxü rü duüxügüxü namaã nangüexëexü ga noxritama inaxügüägu ga norü puracü ñuxmata yema ngunexü ga Tupana daxüguxü ga naãnewa nagaxgu. Rü yexguma tauta daxüguxü ga naãnewa naxüxgu ga Ngechuchu rü nayadexechi ga norü ngüexügü ga yamugüchaüxü na Tupanaärü puracü naxügüxcëx. Rü Tupanaãe i Üünexüärü poramaã nanangüexëe ga yema duüxügü, rü namaã nüxü nixu ga tacü tá na naxüexü.

³ Rü yexguma marü yuwa inadxëguwena ga nüma ga Ngechuchu rü 40 ga ngunexügu rü nügü nangoxëexü naxcëx ga norü ngüexügü rü muxüma ga togü ga nüxü yaxögüxü na yemaäcü nüxü nacüexgüxcëx na aixcüma wena namaxüxü. Rü namaã nüxü nixuchiga na ñuxäcü na yixüxü i Tupana äxgacü iyixüwa.

⁴ Rü yexguma yema ngüexügü ga yamugüxütanüwa nayexmagu ga Ngechuchu, rü namaã nüxü nixu ga tama nüxna na ngextá naxüxcëx ga Yerucharéü. Rü ñanagürü nüxü: —Ípenanguxëex i ngëma Tupanaãe i Üünexü ga Chaunatü pemaã ixunetaxü ga pemaã nüxü chixuchigaxü!

⁵ Aixcüma nixü ga Cuáü rü dexáwa duüxügüxü ínabaiüxëexü, natürü i pema rü tãütama muxü i ngunexü nangupetü na Tupanaãe i Üünexü tá pexna ngxüxü —ñanagürü.

Daxüguxü ga naãnewa naxü ga Ngechuchu

⁶ Rü yexguma nangutaquëxegü ga yema norü duüxügü, rü Ngechuchuna nacagü, rü ñanagürügü: —Pa Corix, zëxna ñoma tá nixü i ngunexü i marü ícunawoxü i nuã Yüdügüchiüãnewa i torü uwanügüarü churaragü na wenaxärü tomatama namaã itacuáxcëx i ñaã tochiüãne? —ñanagürügü.

⁷ Rü Ngechuchu nanangäxü, rü ñanagürü: —Pema rü taxucëxma nüxü pecuáxchaü i ñuxgu tá nixü i ngëma ngunexü, erü Chaunatüxicatama nüxü nangëxma i pora na nüxü naxunetaxü i ngëma ngunexü i choxna naxcëx pecaxü.

⁸ Natürü ngëxguma pexna nanguxgu i Tupanaãe i Üünexü, rü tá pexü naporaexëe. Rü tá ípechoxü na nüxü peyarüxugüexüxcëx i chauchiga i Yerucharéüwa, rü guxüma i Yudeáanewa, rü Chamárianewa, rü ñuxmatáta guxü i naãnewa nangu —ñanagürü.

⁹ Rü yexguma yema ñaxguwena rü nüxü ínadaunüyane ga norü ngüexügü, rü Tupana rü daxüguxü ga naãnewa Ngechuchuxü naga. Rü wüxi ga caixanexügu nayaxücu, rü yemaäcü tama wenaxärü nüxü nadaugü.

¹⁰ Rü yexguma Ngechuchuxü ínadaunüyane ga daxüwa na naxüxü, rü ngürüächi natanüwa nangox ga taxre ga yatü ga ícó müchiruxü.

¹¹ Rü ñanagürügü nüxü: —Pa Yatügü i Garirëaanecüãx, ztüxcüü daxügu íperüdaunü? Erü daatama Ngechuchu ga petanüwa yexmacü rü ñuxma Tupana daxüwa nagacü, rü ngëma ñuxma nüxü na pedauxü na ñuxäcü daxüwa naxüxü, rü ngëmaäcü tátama nixü i wena núma naxüxü —ñanagürügü.

Yudachicūū nanayauxgū ga Matía

12 Rū yema ngúexŭgū ga Ngechuchu imugūxŭ na Tupanaārū puracū naxŭgūxŭcèx, rū nūxna ínixī ga guma mēxpúne ga Oríbunecūgu āegane. Rū Yerucharéútcèx nawoegu. Rū guma íanearū yaxŭ nūxna ga guma mēxpúne rū wūxi ga kilómetru nixī.

13 Rū yexguma Yerucharéúārū íānewa nangugūgu, rū nagu nachocu ga guma ī ga nagu napegūne. Rū dauxna naxīgū naxcèx ga yema ucapu ga taxŭ ga nagu napegūxŭ. Rū nūmagū nixī ga Pedru, rū Cuáŭ, rū Chaŭtiágu, rū Aŭdré, rū Piripi, rū Tumachi, rū Baturumé, rū Mateu, rū Chaŭtiágu ga Arupéu nane, rū Chimáŭ ga Iporaāēcūcūcū, rū Yuda ga Chaŭtiágu naēneē.

14 Rū guxŭma ga nūmagū rū guxŭguma nangutaquēxegūxŭ na wūxigu nayumūxēgūxŭcèx namaā ga Ngechuchueñēgū, rū ngīmaā ga María ga Ngechuchu naē, rū űuxre ga togū ga ngexŭgū.

15 Rū guxŭma ga yema ngunexŭgūgu rū nangutaquēxegūxŭ ga yema yaxōgūxŭ. Rū 120 nixī. Rū wūxi ga ngunexŭgu ga Pedru rū inachi ga norū ngāxŭtanūwa, rū űanagŭrū:

16 —Pa Chomŭcūgūx, marū ningu ga yema Tupanaāē i Ūñexŭ nuxcūma Dabíxŭ muxŭ na naxŭmatŭāxŭcèx nachiga ga Yuda ga namaārū cuèxruŭ íxŭxŭ naxcèx ga yema duŭxŭgū ga Ngechuchuxŭ iyauxgūxŭ.

17 —Rū tatanŭxŭchirēx nixī ga Yuda, rū nūma rū ta taxrŭŭ űāā Tupanaārū puracūwa napuracū ga noxrix.

18 —Natŭrŭ nūma ga Yuda rū bexma Ngechuchuxŭ ínaxuaxŭ. Rū yemacèx ga āēxgacūgū rū nūxŭ nanaxŭtanū. Natŭrŭ yixcama ga Yuda rū naxcèx ínicuèx ga yema chixexŭ ga naxŭxŭ, rū yemacèx nanataeguxēē ga yema díeru. Rū yemawena rū nŭgū nawēxnaxā rū naŭtanūwa nŭgū narŭtāe. Rū yexguma duŭxŭgū nadaexŭgūgu rū inanago, rū niwāīxpŭtūwe rū ínayixŭ ga naŭnūta. Rū yema díeru ga nataeguxēēxūmaā ga āēxgacūgū rū naxcèx nataxe ga wūxi ga naāne.

19 —Rū nūxŭ nacuáchigagū ga guxŭma ga Yerucharéútcūāx, rū yemacèx Achédamagu nanaxŭéga ga yema naāne. Rū ngēma nixī i “Nagŭchitaŭ” űaxŭchiga.

20 —Rū Wiyaegŭarū poperawa yemachiga nanaxŭmatŭ ga Dabí, rū űanagŭrū:

“Yixrŭma rū ngema natá ya napata, rū taxúema nagu pe”, űanagŭrū. Rū toxnamana i ngēma poperawa rū űanagŭrū ta:

“Rū name nixī na togue naxŭxŭ i ngēma norū puracū”, űanagŭrū.

21-22 —Rū nuā tatanūwa nangēxmagū i űuxre i yatŭgū ga guxŭguma tŭxŭ ŭmŭcūgūxŭ ga yexguma tatanūwa nanuxmagu ga Cori ga Ngechuchu. Rū nūmagū rū tawe narŭxī ga noxritama Cuáŭ Ngechuchuxŭ ibaieñēgū rū űuxmata yema ngunexŭ ga daxŭguxŭ ga naānewa naxŭxgu. Rū name nixī i ngēmatanūwa na nayaxuxŭ i wūxi i Yudachicūūxŭ na tamŭcū yīxŭcèx rū tarŭŭ nūxŭ yaxuxŭcèx i űuxācū wena na namaxŭxŭ ya Ngechuchu.

23 Rū yemawena rū nūxŭ naxunetagū ga taxre ga yatŭgū. Rū wūxi nixī ga Yúche ga Yuchugu āegaxŭ ga Bachabámaā naxugūxŭ. Rū Matía nixī ga to.

24-25 Rū űāācū nayumūxēgū: —Pa Corix, cuma nūxŭ cucuèx i guxŭma i duŭxŭgŭarū maxŭ. ¡Rū űuxma rū toxŭ nawēx i ngēxŭrŭūxŭ i cuxcèx mexŭ i űāā taxrewa na cunamuxŭcèx rū nūma na naxŭāxŭcèx i űāā puracū ga Yuda ítaxŭ ga yexguma norū poxcuwa naxŭxgu! —űanagŭrŭgū.

26 Rū wūxi ga dīeru ga cuèxruū ngīxū nañanagūgū na yemawa nūxū nacuèxgūxūcèx ga ngèxūrūūxū ga yema taxre tá na ixūcuxū. Rū Matíagu nangu na yangucuchixūcèx. Rū yexgumatama rū yema 11 ga duūxūgū ga Ngechuchu imugūxūtanūga naxā ga Matía.

2

Ínangu ga Tupanaāē i Ūūnexū

1 Rū nawa nangu ga yema Yudiūgūarū peta ga Pētecóstegu āegaxū. Rū yema ngunexūgu rū guxūma ga yema yaxōgūxū rū wūxi ga nachicawa nangutaquēxegū.

2 Rū ngūrūāchi daxūwa ne naxū ga wūxi ga naga ñoma wūxi ya buanecū ga taxūchicū icuxcugurūū, rū guxūne ga guma ī ga nawa nayexmagūnegu nayaxūga.

3 Rū naxcèx nangox ga ūxūema ga ñoma naconūgūraūxū. Rū yema ūxūema rū nūgūna nixīgū, rū wūxichigū ga yema yaxōgūxūna ninguchigū.

4 Rū guxūma ga yema yexmagūxū rū Tupanaāxē ga Ūūnexū nūxna nangu. Rū yema Naāē i Ūūnexū yadexagūxēēxūācūma inanaxūgūe ga to ga nagawachigū na yadexagūxū.

5 Rū yema ngunexūgūgu rū yema petacèx Yerucharēūwa nayexmagū ga muxūma ga toxnamana ne īxū ga Yudiūgū ga Tupanaga Inūēxū ga guxū ga togū ga nachiūānewa ne īxū.

6 Rū yexguma nūxū naxīnūēgu ga ñuxācū na yadexagūxū ga yema yaxōgūxū, rū nangutaquēxegū ga muxūma ga yema duūxūgū ga toxnamana ne īxū. Rū nañaxāchiāēgū yerū yema yaxōgūxū rū wūxichigū ga yema togū ga duūxūgūgawachigū nidexagū.

7 Rū yema na poraācū nañaxāchiāēgūxūcèx, rū nūgūmaā rū ñanagūrūgū: —¿Tama ēxna Gariréaanecūāx yixīgūxū ī guxū ī ñaā duūxūgū ī tagawa idexagūxū?

8 —¿Rū ñuxācū ēxna ī nūxū ixīnūēxū ī wūxichigū ī yixema ī taga ī nawa iyaexūwa na yadexagūxū?

9-11 —Yixema tixīgū ī Pártiaanecūāx, rū Médiaanecūāx, rū Eraūānecūāx, rū Mechopotāmiāānecūāx, rū Yudéaanecūāx, rū Capadochiaanecūāx, rū Pōtuanecūāx, rū Áchiaarū naānecūāx, rū Piriquiaanecūāx, rū Paūpíríiaanecūāx, rū Equituarū naānecūāx, rū Dibiaarū naānecūāx ī Chirenecūāx. Rū tatanūwa nangēxma ta ī duūxūgū ī Crétaanewa rū Arábiaarū naānewa ne īxū. Rū ñuxre ī yixema rū Dumacūāx ī Yudiūgū tixīgū. Rū nuā tatanūwa nangēxma ta ī Dumacūāx ī tama Yudiūgū ixīgūxū natūrū tacūmagu īxū. Rū guxāma rū nūxū taxīnūē na wūxichigū ī tagawachigū na yadexagūxū ī ñaā ngūexūgū. Rū tagawa tamaā nūxū nixugūe ī ñuxācū na namexēchixū ya Tupana —ñanagūrūgū.

12 Rū guxūma poraācū nañaxāchiāēgū, rū tama nūxū nacuèxgū ga ñuxācū na yīxū ga yema. Rū nūgūna nacagūe, rū ñanagūrūgū: —¿Tacūchiga nixī ī guxūma ī ñaā? —ñanagūrūgū.

13 Natūrū ga togū rū nūxū nacugūecūraxū, rū ñanagūrūgū: —Nangāxēmare rū ngēmacèx nixī ī ngēmaācū yadexagūxū —ñanagūrūgū.

14 Rū yexguma inachi ga Pedru namaã ga yema 11 ga namücügü, rü tagaãcūma ñanagürü: —Pa Yudiügü i nuxma Yerucharéügu naxīānēxü rü Pa Nuãcūāxgūx, irü dücax, meã iperüxīnūē i ñaã tá pemaã nüxü chixuxü!

15 —Rü ñaã chomücügü rü tama nangāxē i pema nagu perüxīnūēxürüü, erü pèxmatatama nixī rü ngexwacèx 9 arü orawa nangu.

16 —Natürü ñaã ñuxma nüxü pedauxü nixī ga yema Tupanaärü orearü uruü ga Yoé marü nüxü ixuchigaxü ga yexguma ñaxgux:

17 “Rü ñanagürü ya Tupana: ‘Ngēma nawa iyacuáxü i ngunexügügu rü guxü i duüxügütanüwa tá chanamu i Chauãē i Üünexü, rü penegü rü pexacügü rü tá chauchigagu nidexagü. Rū choma rü tá chayangoxetüxēē i perü ngextüxügü rü tá nüxü nadaugü i ngēma tá nüxü chawēxü. Rū perü yaguāxgūmaã tá chidexa i nanegüwa.

18 Rū chorü duüxügütanüwa tá chanamu i Chauãē i Üünexü i ngēma ngunexügügu, rü tá chauchigagu nidexagü.

19 Rū naãnetüwewa tá ichanawēx i mexügü i taguma nüxü idauxü. Rū ñoma i naãnewa tá ichanawēx i cuèxruügü i nagü, rü üxüema, rü taemaxü.

20 Rū üèxcü rü tá nixoema rü tauemacü rü tá nagürüü naduema naxüpa na wenaxärü núma naxüxü ya Cori. Rū ngēma ngunexü i nagu núma naxüxü, rü wüxi i ngunexü i mexēchixü tá nixī.

21 Rū guxāma ya yixema Corina çaxe na tüxü nangüxēxüçèx, rü tá tamaxē’”, ñanagürü ga yema orewa.

22 Rū ñanagürü ga Pedru: —Pa Duüxügü Pa Yudiügüx, iperüxīnūē i ñaã ore! Rū pema rü meāma nüxü pecuèx rü Ngechuchu ga Nacharétucūāx rü guma nixī ga wüxi ga yatü ga Tupana pepēxewa nüxü yaxucü na Nanexüchi yīixü. Rū yemacèx ga Tupana rü norü poramaã nüxü nanaxüxēē ga muxüma ga mexügü rü cuèxruügü ga noxri taguma nüxü idauxü.

23 —Rü Tupana pexna nanamu ga guma Ngechuchu na pecaducèx nayuxüçèx yerü yemaãcü nanaxüxchaü ga Tupana, rü yemaãcü nagu narüxīnūē ga noxri tauta naxüxgux ga naãne. Rū pema penamu ga yatügü ga tama yaxögüxü na yayauxgüāxüçèx rü curuchawa na yapotagüāxüçèx. Rū yemaãcü peyuxēē.

24 —Rü woo nayuchirēx natürü tama yexma nayacuèx, yerü Tupana wena nanamaxēē rü ñanadaxēē. Rū yemaãcü ga yema yu rü taxuacūma marü nüxü narüporamaēēcha.

25 —Yerü ga āēxgacü ga Dabí rü Ngechuchuchigagu nidexa, rü ñanagürü:

“Guxüguma nachauxütagu ya Cori ya Tupana rü choxü narüngüxēē na taxucèxma chaxoegaāēxüçèx.

26 Rū yemacèx marü chataãē rü taāēxü ga oremaã chidexa. Rū choma nüxü chacuèx na mexü tá choxü üpetüxü i ngēxguma chayuxgux.

27 Erü cuma täütāma yuexüchicawa choxü cutèx, rü täütāma cunaxwēxe na yayixixü i chaxune i choma ya Cune ya Üünecü na chiixü.

28 Marü choxü nüxü cucuèxēē i ñuxacü tá chanayaxu i maxü i taguma güxü, rü tá poraãcü choxü cutaāēxēē, erü chomaã tá icurüxāüx”, ñanagürü ga Dabí.

29 Rū ñanagürü ga Pedru: —Pa Chaueneëgüx, rü aixcūma pemaã nüxü chixu na nayuxü ga nuxcūmaüçü ga tóru āēxgacü ga Dabí, rü marü inatèx, rü ñuxma rü ta tatanüwa nangēxma i naxmaxü.

30 —Natürü nüma ga Dabí rü wüxi ga Tupanaärü orearü uruü nixí. Rü yemacèx nüxü nacuèx rü wüxi ga nataa tá nixí i ãëxgacü ya Cristuxü ingucuchicü, yerü ga Tupana rü yemaãcü namaã inaxuneta.

31 —Rü yemacèx nuxcümáxüchima ga Dabí rü ñoma marü nüxü nadauxuchixürü nüxü nixu rü Cristu rü tá yuwa ínarüda rü táütáma naxmaxüwa nangëxmaëcha rü táütáma niyixi i naxüne.

32 —Rü ñuxma ya Tupana rü marü wena nanamaxëë ga guma Ngechuchu, rü guxáma ga toma rü nüxü tadaugü na wena namaxüxü, rü ngëmacèx pemaã nüxü tixuchiga.

33 —Rü Tupana rü daxüguxü ga naãnewa nanaga na norü tügü necüwawa yanatoxüçèx. Rü Tanatü ya Tupana rü marü nüxna nanamu ga Naãe i Üünexü ga nuxcüma nüxü yaxuxü rü tá nuã na namuãxü. Rü ñuxma ya yima Ngechuchu rü núma totanüwa nanamu i ngëma Naãe i Üünexü. Rü ngëma Naãe nuã üxü nixí i ñuxma nüxü pedauxü rü nüxü pexínüëxü.

34-35 —Rü taguma daxüwa naxü ga Dabí, natürü nümatama rü ñanagürü: “Tupana rü chorü Cori ya Cristumaã nüxü nixu rü ñanagürü: ‘¡Rü chorü tügü necüwawa rüto ñuxmatáta cuxmëxwa chanangëxmagüxëë i curü uwanügü!’ ”

ñanagürü.

36 Rü ñanagürü ga Pedru: —Name nixí i guxáma i pema i Yudiügü na nüxü pecuëxgüxü rü guma Ngechuchu ga curuchawa peyapotacü, rü Tupana rü marü perü Cori ya Cristuxü nayaxíxëë —ñanagürü ga Pedru.

37 Rü yexguma yemaxü naxínüëgu ga yema duüxügü ga yéma yexmagüxü, rü poraãcü nanaxíxächiaëgü. Rü Pedruna nacagüe, rü yema togü ga Pedrumücügüna rü ta nacagüe, rü ñanagürügü: —¿Rü ¡acü tá taxüexü i ñuxmax, Pa Toeneëgüx? —ñanagürügü.

38 Rü Pedru nanangãxü, rü ñanagürü: —¡Nüxü perüxoe i pecüma i chixexü rü Tupanacèx pedaugüe rü Ngechuchuégagu ípebaiü na pexü nüxü nangechaüxüçèx i perü pecadugü ya Tupana! Rü Tupana tá pexna nanamu i Naãe i Üünexü.

39 —Rü ñaã Tupanaärü uneta, rü pexcèx nixí, rü pexacügüçèx, rü guxü i duüxügü i yaxüwa ngëxmagüxüçèx nixí. Erü guxü i duüxügü i tórü Cori ya Tupana nügüxütawa naxcèx çaxüçèx nixí i ngëma uneta —ñanagürü ga Pedru.

40 Rü yema oremaã rü muxüma ga to ga oremaã nayaxucüxëgü ga Pedru, rü ñanagürü: —¡Nüxna pixígachi i ngëma duüxügü i chixexü ügüxü na pema rü ta tama chixexü pexügüxüçèx! —ñanagürü.

41 Rü yema duüxügü ga naga ínüëxü ga yema ore ga Pedru namaã nüxü ixuxü, rü ínabaiü. Rü yema ngunexügu rü poraãcü nayexera ga na yamuxü ga yema yaxögüxü. Rü 3,000 ga duüxügü nixí ga Ngechuchuaxü yaxögüxü ga yexguma.

42 Rü yema yexwacèx yaxögüxü rü guxügüma inarüxínüë ga yema ngüexügü ga Ngechuchu imugüxüärü nguxëëtae. Rü meã nügümaã nangaugü ga norü yemaxügü. Rü guxügüma nayumüxëgüxü rü chibücèx nangutaquëxëgüxü.

Yema yaxögüxü rü aixcüma nügü nangechaxügü

43 Rü yema ngüexügü ga Ngechuchu imugüxü rü nanaxügü ga muxüma ga mexügü ga Tupanaärü poramaã naxügüxü. Rü yexguma yemaxü nadaugüga ga togü ga duüxügü, rü poraãcü nhaixächiaëgü ga guxüma.

44 Rü guxüma ga yema yaxögüxü, rü wüxi narüxínüë. Rü meã nügümaã nangaugü ga norü yemaxügü.

⁴⁵ Rū namaã nataxegũxũ ga norũ naãnegũ rũ guxũma ga togũ ga norũ yemaxũgũ. Rũ nũgũmaã ngĩxũ nitoyegũxũ ga yema dĩeru yexgumarũũ na ñuxre natũmawẽxexũ ga norũ õnatanũ ga wũxichigũ.

⁴⁶ Rũ guxũ ga ngunexũgu tupaucã ga taxũnewã nangutaquẽxegũxũ, rũ chibũcẽx nangutaquẽxegũxũ ga napatagũwã, rũ taãẽãcũma nũgũmaã nachibũexũ.

⁴⁷ Rũ guxũguma Tupanaxũ nicuẽxũũgũxũ. Rũ guxũma ga yema ñãnecũãx rũ nũxũ nangechaũgũ ga yema yaxõgũxũ. Rũ wũxichigũ ga ngunexũgu rũ nimuẽtanũ ga duũxũgũ ga yaxõgũxũ, yerũ nũma ga Cori ga Ngechuchu rũ nũxũ narũngũxẽẽ na nayauxgũãxũcẽx ga norũ maxũ i taguma gũxũ.

3

Naxcẽx nitaane ga wũxi ga yatũ ga chixeparacũ

¹ Rũ wũxi ga ngunexũgu ga Pedru rũ Cuãũ rũ tomaẽxpũxarũ oragu ga yãuanecũ rũ tupaucã ga taxũnewã naxĩ, yerũ yema nixĩ ga yumũxẽãrũ ora.

² Rũ yẽma guma tupaucã ga taxũnewã nayexma ga wũxi ga yatũ ga norũ bucũmatama chixeparacũ. Rũ guxũ ga ngunexũgu rũ natanũxũgũ rũ guma tupaucã ga taxũnẽãrũ ñãx ga Mexẽchixũgu ãgaxũgu nayamugũxũ, na dĩerucẽx ñnacaũũcẽx nũxna ga duũxũgũ ga guma tupaucã ga taxũnegu chocuxũxũ.

³ Rũ yexguma Pedru rũ Cuãũxũ nadẽuxgux ga tupaucã ga taxũnegu na nachocuxũ, rũ guma chixeparacũ rũ nũxũ nawẽmẽx rũ dĩerucẽx nũxna naca.

⁴ Rũ Pedru rũ Cuãũ meãma nũxũ narũdaunũ, rũ Pedru rũ ñanagũrũ nũxũ: —jToxũ nadawenũ! —ñanagũrũ.

⁵ Rũ nũma ga yatũ rũ nũxũ nadawenũ, yerũ nũma nũxũ nacuẽxgu rũ chitacũ nũxna naxãgũ.

⁶ Natũrũ ga Pedru rũ ñanagũrũ nũxũ: —Choxũ nataxuma i dĩeru. Natũrũ ngẽma choxũ ngẽxmaxũ tá cuxna chaxã. Rũ naegagu ya Ngechuchu ya Cristu ya Nacharẽtucũãx cuxũ chamu, rũ jinachi rũ ixũ! —ñanagũrũ.

⁷ Rũ yema ñaxguwena ga Pedru, rũ norũ tũgũnemẽxẽgu nayayauxãchi, rũ inanachixẽẽ, rũ yexgumatama napora ga namẽxtũxũgũwã rũ nacutũgũwã.

⁸ Rũ nayuxnagũ rũ inachi, rũ inanaxũgũ na iyaxũxũ. Rũ nũmatama iyaxũãcũma Pedru rũ Cuãũwe tupaucã ga taxũnegu naxũcu. Rũ nanayuxnagũane rũ Tupanaxũ nicuẽxũũ.

⁹ Rũ guxũma ga duũxũgũ nũxũ nadaugũ ga na iyaxũxũ, rũ Tupanaxũ na yacuẽxũxũ.

¹⁰ Rũ porãcũ nabaixãchiãẽgũ ga duũxũgũ naxcẽx ga yema nũxũ ngu-petũxũ ga guma yatũ. Yerũ nũxũ nacuẽxgu ga na guma yĩixũ ga tupaucã ga taxũnẽãrũ ñãx ga Mexẽchixũgu ãgaxũwã rũtooxũchirẽcũ rũ yẽma dĩerucẽx ñacũ.

Tupaucacũwawa yexmaxũ ga chopetũchica ga Charomõũarũ Ñpetũchicagu ãgaxũwã nidexã ga Pedru

¹¹ Rũ guma chixeparachirẽcũ ga marũ naxcẽx yataanecũ, rũ tama Pedru rũ Cuãũna nixũgachichãũ. Rũ guma tupaucã ga taxũnecũwawa nayexma ga wũxi ga chopetũchica ga “Charomõũãrũ Ñpetũchicagu” ãgaxũ. Rũ yema chopetũchicawã rũ Pedru rũ Cuãũcẽx naxĩtaquẽxe ga guxũma ga duũxũgũ yerũ porãcũ nabaixãchiãẽgũ.

¹² Rũ yexguma Pedru nũxũ dẽuxgu ga yema duũxũgũ ga yẽma naxcẽx ñtaquẽxegũxũ, rũ ñanagũrũ nũxũ: —Pa Chautanũxũgũ i Yudiũgũx, ¿Tũxcũũ

pebaixāchie namaā i ngēma ñāā yatūmaā ngupetūxū? ¿Rū tūxcūū toxū perūdaunū ñoma torū poramaā rū torū mexūmaā tanamexēēxūrūū?

13 —Nuxcūmaūgūcū ga tórū oxigū ga Abráū rū Ichaá rū Acobu rū togū ga tórū oxigū rū nūxū nayaxōgū ga Tupana. Rū yimatama Tupana nixī ya ñuxma Ngechuchuxū taxēēcū, na guxūārū yexera yīxūcèx. Rū gumatama Ngechuchu ya Tupanaārū ngūxēerūū ixīcū nixī ga pema āēxgacū ga Piratuxūtawa penagagūcū. Rū yexguma nūxū yangéxchaūgu ga Piratu, rū pema rū tama penaxwèxegū ga na yangéāxū.

14 —Pema rū tama penaxwèxe ga na inanguxuchixū ga guma üü necū ga aixcūma mecū ga Ngechuchu, natürū naxcèx Ipeca na pexcèx inanguxuchixēēāxūcèx ga wūxi ga máētaxū.

15 —Rū yemaācū pematama peyamèxgū ga guma Ngechuchu ya tūxū maxēxēēcū. Natürū ga Tupana rū wena nanamaxēē. Rū toma nixī ga nūxū tadaugūxū ga wena na namaxūxū.

16 —Rū ñāā yatū ga chixeparachiréxū i pema nūxū pedauxū rū nūxū pecuáxū rū marū naxcèx nitaane erū Ngechuchuxū nayaxō. Rū ngēma Ngechuchuxū na yaxōōxūcèx nixī i naxcèx yataanexū ngēma ñuxma guxāma i pema nūxū pedauxūrūū.

17 —Rū dücax i ñuxma Pa Chaueneēgūx, rū yexguma pema rū wūxigu perū āēxgacūgūmaā peyamèxgūgu ga Ngechuchu, rū tama nūxū pecuèxgū ga tacū na pexūexū.

18 —Natürū ga Tupana rū yemaācū nayanguxēē ga yema uneta ga nuxcūma nūmatama nūxū yaxuxū nawa ga guxūma ga norū orearū uruūgū. Yerū yema norū ore ga ümatūxūwa rū ñanagürū:

“Cristu rū tá ngūxū ninge”,
ñanagürū.

19-20 —Rū ngēmacèx, Pa Chaueneēgūx, rū name nixī i nūxū perūxoe i pecūma i chixexū, rū Tupanacèx pedaugū, rū nūxū peyaxōgū na nūma pexū inapiāxūcèx i perū pecadugū. Rū ngēxguma i nūma rū tá pexū nataāēgūxēē, rū tá nūma nanamu ya Ngechuchu ga noxritama naāne ixūgūgu pexcèx nūxū naxunetacū na perū āēxgacū ya Cristu na yīxūcèx.

21 —Natürū i ñuxma rū Tupana nanaxwèxe i daxūguxū i naānegu na naxāūxū ya Ngechuchu ñuxmatáta nūma ya Tupana wena namexēēāgu i guxūma i ñoma i naānewa ngēxmaxū. Yerū yemaācū nixī ga nūxū yaxuxū ga Tupana nawa ga nuxcūmaūgūxū ga norū orearū uruūgū ga ixūünexū.

22 —Rū Moiché rū tórū oxīgūmaā nūxū nixu rū ñanagürū:

“Rū perū Cori ya Tupana rū petanūwa tá nūxū naxuneta i wūxi i norū orearū uruū i chauxrūū ixīxū. Rū name nixī na naga pexīnūēxū i guxūma i ngēma pemaā nūxū yaxuxū.

23 Rū texé ya tatanūwa tama naga inūxē i ngēma orearū uruū, rū tá tūxū inatēxūchi i tatanūwa”,
ñanagürū ga Moiché.

24 —Rū Chamue rū guxūma ga togū ga Tupanaārū orearū uruūgū ga naweama ügūxū rū ta nūxū nixugūe ga tacū tá na üpetūxū i ñomaūcūū.

25 —Rū nuxcūmaxūchima ga Tupana rū tórū oxī ga Abráūmaā nūxū nixu rū ñanagürū:

“Rū wūxi i cutaa tá nixī i nūxū rüngūxēēxū i guxūma i duūxūgū i ñoma i naānecūāx”,
ñanagürū. Rū yemaācū ta Tupana inaxuneta nawa ga nuxcūmaūgūxū ga norū orearū uruūgū. Rū pemaā nūxū chixu i ñuxma, rū pexcèx nixī ga yema

unetagū ga nuxcūmaŭgūxūl ga orearū uruŭgūwa tórū oxigūmaā nūxū yaxuxūl ga Tupana.

²⁶ —Rū pemaā nūxūl chixu Pa Chautanūxūgū i Yudiŭgūx, rū yexguma Tupana wena namaxēēgu ga Nane ga Ngechuchu rū petanūwaxira nanamu na pexū nangūxēēxūcēx, erū nanaxwēxe i wūxichigū i pema na nūxū perūxoexūl i pecūmagū i chixexūl —ñanagūrū ga Pedru.

4

Āēxgacūgūpēxewa nayexmagū ga Pedru rū Cuáŭl

¹ Rū yexguma duŭxūgūmaā íyadexagūgu ga Pedru rū Cuáŭl, rū yexgumayema yēma nangugū ga guma tupauca ga taxūneārū purichíaarū āēxgacū, rū paigū, rū Chaduchéugū.

² Rū Pedru rū Cuáŭmaā nanuē ga paigū yerū duŭxūgūxūl nangūxēē ga na marū wena namaxūxūl ga Ngechuchu, rū naxrūl tá ta wena namaxēxūl i guxūma i duŭxūgū i marū yuexūl.

³ Rū ínanayauxūl, rū poxcupataŭgu nanawocu ñuxmata moxūācū, yerū marū nayáuane.

⁴ Natūrū muxūma ga yema duŭxūgū ga nūxūl ínūēxūl ga yema Tupanaārū ore rū nayaxōgū. Rū 5000 wa nangu ga yatūxūxica ixugūgu.

⁵ Rū moxūācū Yerucharéŭwa nangutaquēxegū ga Yudiŭgūarū āēxgacūgū namaā ga naerugū, rū ngúxēēruŭgū ga ore ga mugūwa ngūxēētaegūxūl.

⁶ Rū yēma nayexma ta ga Aná ga paigūeru íxīcū, rū Caipá, rū Cuáŭl, rū Areyáŭdru, rū guxūma ga yema togū ga paigū ga paigūerutanūxūl íxīgūxūl.

⁷ Rū nanamu na naxūtawa nagagūāxūcēx ga Pedru rū Cuáŭl. Rū yexma norū ngāxūtanūgu nanachigūxēē rū nūxna nacagū, rū ñanagūrūgū: —¿Texé pexū tamu, rū texé pexna tanaxā i pora na penamexēēxūcēx i ñaā yatū? —ñanagūrūgū.

⁸⁻⁹ Rū Pedruwa nayexma ga Tupanaāē ga Ūñexūl rū nanaporaxēē. Rū yemacēx ga Pedru rū nanangāxūl, rū ñanagūrū: —Pa Íāneārū Āēxgacūgūx, rū Pa Yudiŭgūarū Āēxgacūgūerugūx, rū ñuxma toxna naxcēx peca naxcēx ga norū mexēē i ñaā chixeparachiréxūl erū nūxūl pecuáxchaŭ ga ñuxācū na namexūl.

¹⁰ —Rū ñuxma tá pemaā nūxūl tixu na nūxūl pecuáxūcēx i guxāma i pema rū nūxūl nacuēxgūxūcēx i guxūma i tatanūxūgū i Yudiŭgu. Rū ñaā yatū i ñuxma pepēxewa ngēxmaxūl rū Ngechuchu ya Cristu ya Nacharétucŭāx nixī ga namexēēcū. Rū guma nixī ga pema curuchawa peyapotacū rū peyuxēēcū. Natūrū ga Tupana rū wena namamaxēē.

¹¹ —Rū gumatama Ngechuchu nixī ga pema nūxūl pexocū. Natūrū ga Tupana rū nayamucuchi na guxūarū āēgacū yixīxūcēx.

¹² —Rū yima Ngechuchuxicatama nixī ya tórū maxēxēēruŭl, erū yixicatama nixī ga Tupana nūxūl unetacū i ñoma i naanewa na tūxūl namaxēxēēxūcēx —ñanagūrū ga Pedru.

¹³ Rū yexguma yema āēxgacūgū nūxūl daugūgu ga ñuxācū tama muŭēācūma na yadexagūxūl ga Pedru rū Cuáŭl, rū nabāixāchiāēgū, yerū nūxūl nicuēxāchitanū ga tama meā poperaxūl na yacuáxūl rū puracūtanūxūmare yixīgūxūl. Rū aixcūma nūxūl nicuēxāchitanū ga Ngechuchuarū ngúxūgū na yixīgūxūl.

14 Rū űuxűchi nűxű nadaugű ta ga guma yatű ga rűmecű ga Pedru rű Cuáűxűtagu na nachixű. Rű yemacèx ga yema àĕxgacűgű rű taxuacűma űuxű űnanagűrűgűĕga nachiga ga yema ngupetűxű.

15 Rű yexguma ga yema àĕxgacűgű rű inanamuxű ga yema inangutaquĕxegűűwa, rű nűxűcatama nűgűmaā nűdexagű.

16 Rű űnanagűrűgű: –ĶŶacű tá namaā ixűexű i űñaā yatűgű? Erű guxűma i Yerucharĕcűĕx i duűxűgű rű nűxű nacuĕxgű i ngĕma mexű i taxű i naxűgűxű, rű taxuacűma itayacuű.

17 –Natűrű ngĕma na tama yexeraācű duűxűgűtanűwa nanguchigaxűcĕx i ngĕma ngupetűxű, űrű ngűxā tanamuűĕxĕĕ na űuxmawena rű taxűemaāma ngĕma Ngechuchuchigagu yadexagűxűcĕx! –űnanagűrűgű.

18 Rű wenaxārű Pedru rű Cuáűcĕx nacagű, rű nűxna naxāga na tama Ngechuchuchigamaā yadexagűxűcĕx, rű bai i texĕxű na nangűxĕxĕxűcĕx i nachiga.

19 Natűrű ga Pedru rű Cuáű rű nanangāxűgű, rű űnanagűrűgű: –ĶNagu perűxűnűĕ i pematama! ĶRű namexű i Tupanapĕxewa na pega taxűnűĕxű rű ĕxna Tupanaga taxűnűĕxű?

20 –Erű toma rű taxuacűma nűxű tarűxoe na nűxű tixuxű ga yema nűxű tadaugűxű rű nűxű taxűnűĕxű –űnanagűrűgű.

21 Rű yexguma ga yema àĕxgacűgű rű nayaxāxűnegű rű yemaācű inayamugű, yerű nataxuma ga űacűcĕx na napoxcueāxű rű duűxűgűxű namuűĕ, yerű guxűma ga duűxűgű rű Tupanaxű nicuĕxűűgű naxcĕx ga yema nűxű ngupetűxű ga guma yatű ga chixeparawa rűmecű.

22 Rű guma yatű ga yemaācű Tupanaārű poramaā naxcĕx itaanecű, rű 40 arű yexera nixű ga norű taunecű.

Yema yaxűgűxű rű Tupanaarű ngűxĕĕcĕx inacagű

23 Rű yexguma marű inamuxűāxgu, rű Pedru rű Cuáű rű naműcűgű ĩyexmagűxűwa naxű. Rű namaā nűxű nixugűe ga guxűma ga yema ore ga Yudűgűarű àĕxgacűgű rű paigűarű àĕxgacűgű namaā nűxű ixuxű.

24 Rű yexguma Pedru rű Cuáűxű naxűnűĕgu ga naműcűgű, rű guxűma wűxigu nayuműĕgű rű Tupanamaā nűdexagű rű űnanagűrűgű: –Pa Corix, cuma cunaxű ga daxűguxű ga naāne rű űoma ga naāne, rű taxű i taxtű, rű guxűma i űacű i nawa ngĕxmaxű.

25 –Rű cumatama nixű ga nuxcűma Cuāĕ i űűnĕxűxű cumuxű na curű ngűxĕĕruű ga Dabűwa yanadexaxűcĕx rű űaxűcĕx:

“ĶŶűxcűű ĩnűpurae i űoma i naānecűĕx i duűxűgű i tama yaxűgűxű? ĶRű űűxcűű ngĕma natűcĕxmamare ĩxűgűxűgu narűxűnűĕ i guxű i nachűűānecűĕx?

26 –Nűmagű i nachűűānĕgűarű àĕxgacűgű rű Tupanamaā nanuĕ, rű nűgűmaā nangutaquĕxegű na wűxigu nűgűmaā naga naxűnűĕxűcĕx na űuxācű tá nűxű na nayexeragűxűcĕx ya Cori ya Tupana rű Nane ya nűxű naxunetacű ya Cristu”, űnanagűrű.

27 –Rű aixcűma nixű ga űoma ga ĩānĕwa ga àĕxgacűgű ga Erode rű Piratu ga nangutaquĕxegűxű namaā ga to ga nachűűānĕgűcűĕx rű totanűxű ga Yudűgű, na chixĕxű naxűgűxűcĕx namaā ya curű ngűxĕĕruű ya űűnecű ya Ngechuchu ya Cristuxű nűxű cuxunetacű.

28 –Rű yemaācű ga nűmagű rű nayanguxĕĕ ga guxűma ga yema cuma nuxcűmama naga curűxűnűxű rű nűxű cuxunetaxű rű tá na yanguxű.

29 —¡Rü dücax, Pa Corix, cuma nüxŭ cucuèx na ñuxãcŭ toxŭ naxãxũnegŭxŭ! Toma nixŭ i curŭ ngŭxèèruŭgŭ rŭ tanaxwèxe na toxŭ cuporaexèèxŭ na tama tamuŭèãcŭma nüxŭ tixuxŭcèx i curŭ ore.

30 —¡Rü curŭ poramaã nameèxèè i duŭxŭgŭ i idaaweexŭ! ¡Rü duŭxŭgŭxŭ nawèx i cuèxruŭgŭ i curŭ poramaã cuxŭxŭ i naegagu ya curŭ ngŭxèèruŭ ya ũnecŭ ya Ngechuchu! —ñanagŭrŭgŭ.

31 Rü yexguma yumŭxèwa nüxŭ nachauegu, rŭ guma Ìpata ga nawa nangutaquèxegŭne rŭ naxŭãxãchi. Rü Tupanaãè i Ũnèxŭ rŭ nüxna nangu ga guxŭma. Rü tama namuŭèãcŭma nüxŭ nixugŭe ga Tupanaãrŭ ore.

Yema yaxŭgŭxŭãrŭ yemaxŭgŭ rŭ guxŭãrŭ nixŭ

32 Rü namu ga yema yaxŭgŭxŭ. Rü guxŭma rŭ wŭxigu narŭxŭnŭè. Rü taxuŭma nagu narŭxŭnŭ ga noxrŭicatama na yŭxŭ ga norŭ yemaxŭgŭ, natŭrŭ guxŭma ga namŭcŭgŭmaã nangau.

33 Rü yema ngŭexŭgŭ ga Ngechuchu imugŭxŭ na Tupa-naãrŭ puracŭ naxŭgŭxŭcèx, rŭ Tupanaãrŭ poramaã nüxŭ nixugŭe ga ñuxãcŭ wena na namaxŭxŭ ga Cori ga Ngechuchu. Rü Tupana rŭ poraãcŭ nüxŭ narŭngŭxèè ga guxŭma ga yema yaxŭgŭxŭ.

34-35 Rü natanŭwa rŭ nataxuma ga wŭxi ga nüxŭ nataxuxŭ, yerŭ guxŭma ga yema nüxŭ yexmaxŭ ga naãnegŭ rŭ èxna Ìpatagŭ, rŭ namaã nataxegŭ. Rü yema dŭèru ga ngŭxŭ nayauxgŭcŭ rŭ yema ngŭxŭ nangegŭ, rŭ yema ngŭexŭgŭ ga Ngechuchu imugŭxŭna ngŭxŭ nayaxãgŭ. Rü ñuxŭchi nügŭ ngŭxŭ ninuŭxŭ ga ñuxrechigŭ nüxŭ nataxuxŭ ga wŭxichigŭ.

36 Rü nayexma ga wŭxi ga yatŭ ga Lebítanŭxŭ ga Chiprecŭãx ga Yúchegu ãegacŭ. Rü yema ngŭexŭgŭ ga Ngechuchu imugŭxŭ na Tupanaãrŭ puracŭ naxŭgŭxŭcèx rŭ Bernabémaã nanaxugŭ. Rü ngèma naega, rŭ: “Taãèxèèruŭ”, ñaxŭchiga nixŭ.

37 Rü nŭma ga Bernabé rŭ nüxŭ nayexma ga wŭxi ga naãne, rŭ namaã nataxe. Rü yema ngŭexŭgŭ ga Ngechuchu imugŭxŭxŭtawa ngŭxŭ nana ga yema dŭèru.

5

Ananíã rŭ Chacuíraarŭ pecaduchiga

1 Rü nayexma ga wŭxi ga yatŭ ga Ananíãgu ãegaxŭ rŭ Chacuíra ga namèx. Rü nŭmagŭ rŭ namaã nataxegŭ ga wŭxi ga norŭ naãne.

2 Natŭrŭ nŭma ga Ananíã rŭ namèxmaã wŭxigu nagu narŭxŭnŭe na nügŭxŭ ngŭxne nayauxgŭxŭ ga ñuxre ga yema naãnetanŭ. Rü ñuxŭchi yema ngŭexŭgŭ ga Ngechuchu imugŭxŭxŭtawa ngŭxŭ nangegŭ ga yema nüxŭ íyaxŭcŭ.

3 Rü yexguma ga Pedru rŭ ñanagŭrŭ nüxŭ: —Pa Ananíãx, ¿tŭxcŭiŭ ngoxo i Chatanága cuxŭnŭ rŭ Tupanaãè i Ũnèxŭmaã quidora, rŭ cugŭxŭ ngŭxne cuyaxu i ñuxre i ngèma curŭ naãnetanŭ?

4 —¿Èxna yexguma tauta namaã cutaxegu, rŭ tama èxna cuxrŭ yŭxŭ ga yema naãne? ¿Rü yexguma namaã cutaxegu, tama èxna cuxrŭ yŭxŭ ga yema dŭèru na ngŭxŭ cuguxèèxŭcèx i ngèma cuma cunaxwèxexŭãcŭma? ¿Tŭxcŭiŭ i cunaxŭxŭ i ñaã? Tama yatŭgŭmaãxŭca quidora, natŭrŭ Tupanamaã rŭ ta nixŭ i quidoraxŭ —ñanagŭrŭ ga Pedru.

5 Rü yexguma yema orexŭ naxŭnŭgu ga Ananíã, rŭ yuxŭma inayangu. Rü poraãcŭxŭchima namuŭè ga guxŭma ga yema duŭxŭgŭ ga yexguma yemaxŭ nacuáchigagŭgu.

6 Rū ñuxre ga yéma yexmagüxü ga ngextüxüxüğü rü nanayauxgü ga naxüne, rü nananuquegü, rü inayatëxgü.

7 Rū tomaëxpüx ga ora ngupetüxgu rü ñingu ga namëx. Rū yexma ixücu natürü tama nüxü icuëx ga facü na ngupetüxü.

8 Rū Pedru ngïxna naca, rü ñanagürü: —¿Yema natanü ga ipexunetaxügu yïxü ga namaã petaxegüxü ga perü naãne? —ñanagürü. Rū ngïma rü: —Ngü, ngëxgumaëxpüxgu nixi —ngigürügü.

9 Rū Pedru rü ñanagürü ngïxü: —¿Tüxcüü pegümaã ngëmaãcü wüxigu perüxïnüë na namaã pidoraexüçëx i Tupanaãë i Üünexü? ¡Düçëx, ngëma cutëxü iyatëxgüxü rü marü ñangugü, rü ñuxma rü cuxü rü tá ta ngema nangegü! —ñanagürü.

10 Rū yexgumatama yüxcüma Pedrupëxegu iyangu. Rū yexguma nachocüxgu ga yema ngextüxüxüğü, rü yüxcüma ngïxü inayangaugü. Rū ngïxü nayauxgü, rü ngïtexütagutama ngïxü nayatëxgü.

11 Rū yexguma nüxü nacüëxgüga ga yema ngupetüxü, rü guxüma ga yema yaxögüxü rü yema togü ga duüxüğü rü ta poraãcüxüchima namuüë.

Tupanaärü poramaã nanaxüğü ga muxüma ga mexüğü

12 Rū yema ngüëxüğü ga Ngechuchu imügüxü, rü duüxüğüpëxewa nanaxüğü ga muxüma ga mexüğü ga Tupanaärü poramaã naxüğüxü. Rū inanawëxgü ga muxüma ga cuëxruüğü. Rū guxüma ga yema yaxögüxü rü guxüma naxïtaquëxegüxü nagu ga yema tupauca ga taxünewa yexmaxü ga chopetüchica ga Charomóüärü Üpetüchicagu äegaxü.

13 Rū yema togü ga duüxüğü ga tama yaxögüxü rü namuüë na yema yaxögüxütanügu naxägüxü, natürü poraãcü yema yaxögüxüxü nangechaüğü.

14 Rū nimüëtanüãma ga yema yaxögüxü yerü muxüma ga duüxüğü ga yatüxüğü rü ngëxüğü rü Coriaxü nayaxögüëtanü.

15 Rū nüma ga duüxüğü rü ñtamüğügu nayamügüxü ga idaaweexü naxchápenüãma rü norü caruüğümaã na yexguma Pedru yéma üpetüxgu, rü naxchipetamare nüxü na nachixüçëx.

16 Rū yexgumarüü ta rü yéma naxïtaquëxegüxü ga muxüma ga duüxüğü ga Yerucharëüärü ngaicamana imügüne ga ñãnewa ne ñxü. Rū yéma naxçëx nanagagüxü ga yema idaaweexü rü yema ngoxoãxgüxü. Rū guxüma naxçëx nitaanegü.

Pedru rü Cuäüwe ningëxütanü ga paigü

17 Rū yexguma ga guma paigüeru rü guxüma ga yema natanüxüğü ga Chaduchëgü rü poraãcü nixäüxächigü naxçëx ga yema mexüğü ga naxüğüxü ga yema ngüëxüğü ga Ngechuchu imügüxü.

18 Rū yemacëx norü purichagüxü namu na ñayauxüãxüçëx ga yema ngüëxüğü. Rū ñãneärü poxcupataügu nanapoxcue.

19 Natürü Coriarü orearü ngerüü ga daxüçüãx naxçëx nayawãxna ga yema poxcupataüärü ñãxgü ga chütacü. Rū ñanamuxü, rü ñanagürü nüxü:

20 —¡Ngema tupauca ya taxünewa pexi, rü guxü i duüxüğümaã nüxü pixu na ñuxäcü Tupana inaxäxü i ngëxwacaxüxü i maxü! —ñanagürü.

21 Rū yexguma ga yema ngüëxüğü ga Ngechuchu imügüxü rü naga naxïnüë ga yema ore. Rū moxüãcü ga pëxmamaxüchi rü tupauca ga taxünewa naxï, rü duüxüğüxü nangüëxëë. Rū yoxni ga guma paigüeru rü natanüxüğü, rü nanangutaquëxëë ga guxüma ga yema togü ga äëxgacügü

ga ãëxgacügütücumüwa ügüxü. Rū poxcupataüwa nanamugü ga purichíagü na yagagüãxüçèx ga yema ngüexügü ga Ngechuchu imugüxü.

22-23 Rū yexguma poxcupataüwa nangugügu ga yema purichíagü, rü taxuxüxüma inayangaugü. Rū nayawoegu, rü nüxü nayarüxugüe, rü ñanagürügü: —Yima poxcupataü rü narüwãxta, rü meãma nataichirëx, rü purichíagü nüxna nadaugü i naãxwa. Natürü ngëxguma tayawãxnagu, rü taxuxüxüma itayangaugü i aixepewa —ñanagürügü.

24 Rū yexguma yema orexü naxñüëgu ga yema paigüeru rü yema togü ga paigü ga ãëxgacügü ixügüxü rü yema tupauca ga taxünearü purichíagüarü ãëxgacü rü guxüma nabaiãchiãëgü yerü tama nüxü nacüëxgü ga ngextá tá na nanguxü ga guxüma ga yema rü ñuxãcü tá na iyanaxoxëëgüãxü.

25 Rū yexguma yemagu ínaxñüëyane rü yéma nangu ga wüxi ga yatü, rü namaã nüxü nixu, rü ñanagürü: —Ngëma yatügü i pepoxcuechirëxü, rü tupauca ya taxünewa nangëxmagü, rü ínanangüexëe i duüxügü —ñanagürü.

26 Rū yéma naxí ga tupauca ga taxünearü purichíagüarü ãëxgacü wüxigu namaã ga norü purichíagü na yagagüãxüçèx. Natürü namuëe na duüxügü nutamaã yamuxütanüxü, rü yemacëx meãmare yema ngüexügüxü nigagü.

27 Rū yexguma namaã ínangugügu, rü yema ãëxgacügüpëxewa nanagagü. Rü yema paigüeru rü namaã nidexa rü ñanagürü nüxü:

28 —Marü poraãcü pexna tanachuxu na tama ngëma Ngechuchuégamaã penangüexëëxüçèx. Natürü i pema rü guxüne ya Yerucharëüwa penangüexëe i duüxügü, rü ñuxüchi toxna penaxuxchaü ga na togagu nayuxü ga yema Ngechuchu —ñanagürü.

29 Rū Pedru rü namücügümaã nanangãxügü, rü ñanagürügü: —Narümemaë nixí na Tupanaga taxñüëxü rü tama i yatügüga.

30 —Guma Tupana ga nuxcúmaügüxü ga tórü oxigü nüxü yaxögücü, rü guma nixí ga wena namaxëëcü ga Ngechuchu ga pema peyamácü ga yexguma curuchawa peyapotagügu.

31 —Natürü Tupana rü nanataxëëãma, rü nügüarü tügü necüwawa nanatoxëë. Rü tórü cuëxruü rü maxëxëeruü nayangucuchixëë na tatanüxügü i Yudífügüxü nangüxëëxüçèx na nüxü naxoexüçèx i norü chixexügü, rü Tupana nüxü nüxü nangechaüxüçèx i norü pecadügü.

32 —Rü toma nüxü tacuëx na aixcúma yíxü i guxüma i ngëma pemaã nüxü tixuxü erü tomatama nüxü tadaugü. Rü ngëxgumarüü ta i Tupanaãe i Üünexü i Tupana tüxna äxü ya yixema naga ñnüëxë, rü nüxü nacuëx na aixcúma yíxü —ñanagürügü.

33 Rū yexguma yemaxü naxñüëgu ga yema ãëxgacügü, rü poraãcüxüchima nanuë, rü nanadaixchaü.

34 Natürü yema ãëxgacügütanüwa nayexma ga wüxi ga Parichéu ga Gamarié ga naega. Rü nüma rü meãma nanangüexëë ga Tupanaärü mugü. Rü guxüma ga duüxügü rü nüxü nangechaügü. Rü nüma ga Gamarié inachi rü nanamu na paxaãchi ínamuxüãxüçèx ga yema ngüexügü ga Ngechuchu imugüxü.

35 Rū ñuxüchi namücügü ga ãëxgacügümaã nüxü nixu rü ñanagürü: —Pa Chautanüxüx, ¡pexuãëgü na ¡acü tá namaã pexüexü i ñaã yatügü!

36 —Rü nüxna pecuëxãchie ga üpa ga ñuxãcü ãëxgacüxü nügü ningucuchixëëchaü ga Teudá. Rü nügütama nixu na wüxi ga ¡acü na yíxü. Rü maneca 400 naguxü ga yatügü nawe narüxí. Natürü churaragü nayamëxgü,

rü nayu. Rü guxüma ga yema nawe rüxixü rü nangĩachi, rü yexma nayarüxo ga guxüma.

³⁷ —Rü yixcúra inangu ga to ga yexguma tachiüãneärü ãëxgacü duüxügüxü ixugügu, rü yema nixi ga Yuda ga Gariréaanecüãx ga ãëxgacüxü nügu ingucuchixëëchaüxü. Rü nayaxucüxëgü ga duüxügü rü nawe narüxi ga ñuxre. Natürü yemaxü rü ta nimëxgü rü nayu. Rü guxüma ga yema nawe rüxixü rü nangĩachi.

³⁸ —Rü ngëmacëx i ñuxma rü pexü chaxucüxë na peyangëxgüxü i ñaã yatügü, rü tama penapoxcuxü. Erü ngëxguma nagagutama yixigu i ngëma nüma naxügüxü, rü tá inayarüxo.

³⁹ —Natürü ngëxguma Tupanaärü yixigu i ñaã naxügüxü, rü taxuacüma ipeyanaxoxëë. ¡Rü pexuãëgü na tama ngürüachi Tupanamaã yixü i penuëxü! —ñanagürü. Rü guxüma ga yema ãëxgacügü rü naga naxinüë ga yema norü ucuxë.

⁴⁰ Rü ñuxüchi nanachocuxëë ga yema ngüexügü ga Ngechuchu imugüxü. Rü nayaçuaixgü. Rü nüxna naxãga na tama Ngechuchhiga yadexagüxücëx. Rü yemawena rü nayangëxgü.

⁴¹ Rü yema ãëxgacügüna inixi ga yema ngüexügü. Rü nataãëgü yerü woetama Tupana nanaxwëxe ga yemaãcü Ngechuchucëx ngüxü na yangëgüxü.

⁴² Rü guxü ga ngunexügu tupauca ga taxünewa rü İpatagüwa, rü nanangüexëãma, rü nüxü nixugüetanü ga ore ga mexü ga Ngechuchu ya Cristuchiga.

6

Yema ngüexügü ga Ngechuchu imugüxü rü nüxü naxuneta ga 7 ga yatügü na nüxü nangüxëëgüxücëx ga Tupanaärü puracüwa

¹ Rü yexgumaücüü rü yexeraãcü nimuchigü ga yema duüxügü ga yaxögüxü. Rü natanüwa nayexmagü ga Yudiügüchirëx ga Griéguanewa ne ixü rü Griégugawa idexagüxü. Rü nayexma ta ga yaxögüxü ga Yudiügü ga Yerucharëcüãx ga woetama nagawa idexagüxü. Rü yema yaxögüxü ga Griégugawa idexagüxü rü nidexagüecha nachigagu ga yema yaxögüxü ga Yerucharëcüãxgü ixigüxü, rü ñanagürügü: —Totanüwa yutegüxe rü tama meã ðna tüxna naxãgüxü i ngëxguma ðna inaxãgüüxgu i wüxichigü i ngunexügu —ñanagürügü.

² Rü yexguma ga yema 12 ga ngüexügü ga Ngechuchu imugüxü rü guxüma ga yema yaxögüxüxü nangutaquëxëëgü, rü ñanagürügü nüxü: —Tama name na ítanangëxü i Tupanaärü orearü uchiga i tomax na ðnamaã itacuáxücëx.

³ —Rü ngëmacëx, Pa Tomücügüx, rü ¡Naxcëx pedëux i petanüwa ya 7 ya yatügü ya guxãma nüxü ngechaücü, rü meã naãëxü cuácü, rü aixcüma Tupanaãë i Üünexü nawa ngëxmacü! Rü toma tá nüxna tanaxã i ngëma puracü na nümagü ðnamaã inacuëxgüxücëx.

⁴ —Rü ngëxguma i toma rü yumüëwa rü Tupanaärü orearü uchigawaxicatama tá tapuracüë —ñanagürügü.

⁵ Rü yexguma ga guxüma ga yema duüxügü rü: —Ngü —ñanagürügü naxcëx ga yema ore. Rü nüxü naxunetagü ga Etëbaü ga meã yaxöcü rü aixcüma Tupanaãë i Üünexü nawa yexmacü, rü Piripi, rü Pócoro, rü Nicanüru, rü

Timú rü Paruménu, rü Nicuráchi ga Aũtioquíacũāx ga tauta Ngechuchuaxũ yaxōōgu Yudiugũcũma yaxucũ.

⁶Rü yema ngũexũgũ ga Ngechuchu imugũũxũtawana nanagagũ. Rü nũmagũ naxmẽxmaã nũxũ yangōgũĩacũma naxcèx nayumũxẽgũ.

⁷Rü yema Tupanaãrũ ore rü yexeraãcũ nixũchigũ. Rü poraãcũ nimuẽtanũ ga yema yaxōgũxũ ga Yerucharéũwa. Rü woo muxũchixũma ga Yudiugũarũ paigũ rü ta Ngechuchuaxũ nayaxōgũ.

Etébaũxũ niyauxgũ

⁸Rü Etébaũ nixĩ ga wũxi ga yatũ ga Tupana poraãcũ nũxũ rüngũxẽẽcũ rü naporaxẽẽcũ na duũxũgũtanũwa naxũaxũcèx ga mexũgũ ga taxũgũ rü cuèxruũgũ ga Tupanaãrũ poramaã naxũxũ.

⁹Rü nayexma ga wũxi ga ngutaquẽxepataũ ga Yudiugũarũ ga Ínguxũxũãrũ Ngutaquẽxepataũgu ãegane. Rü gumawa nangutaquẽxegũ ga duũxũgũ ga ũpaacũ corigũmẽxewa yexmagũxũ. Rü ñuxre ga guma ngutaquẽxepataũcũāx rü wũxigu namaã ga ñuxre ga Chireneãnecũāx, rü Aleyãdríaanecũāx, rü Chiríchiaanecũāx, rü Áchiaarũ naãnecũāx, rü inanaxũgũe ga Etébaũmaã na iyaporagatanũcũxũ.

¹⁰Natũrũ taxuacũma Etébaũxũ narũyexeragũ, yerũ nüma ga Etébaũ rü nidexa namaã ga yema cuèx ga Tupanaãe i ũñexũ nüxna ãxũ.

¹¹Rü yexguma ga yema duũxũgũ rü togũaxũ nanaxũtanũgũ na Etébaũchiga doraxũ yaxugũxũcèx. Rü ñnanagũrũgũ ga yema idoraegũxũ: —Toma nũxũ taxĩnũẽgu, rü Moĩchéchiga rü Tupanachigamaã chixexũ ga ore nixugũ ga Etébaũ —ñnanagũrũgũ.

¹²Rü yemaãcũ nananuẽxẽẽ ga duũxũgũ rü Yudiugũarũ ãẽxgacũgũerugũ rü ngũexẽẽruũgũ ga ore ga mugũwa nguxẽẽtaegũxũ. Rü yemacèx Etébaũcèx nibuxmũ, rü nayayauxgũ, rü ãẽxgacũgũerugũ íngutaquẽxegũxũwa nanagagũ.

¹³Rü naxcèx nadaugũ ta ga yatũgũ ga doraxũ ixugũemarexũ rü yema rü ñnanagũrũgũ: —Ñaa yatũ rü guxũguma chixexũmaã nidexa i nachigagu ya daa tupauca ya taxũne, rü nachigagu i Tupanaãrũ mugũ.

¹⁴—Rü toma rü nũxũ taxĩnũẽ rü:

“Yima Ngechuchu ya Nacharétucũāx rü tá nanangutaũxẽẽ ya daa tupauca, rü tá inayanaxoxẽẽ i nacũmagũ ga Moĩché tũxũ ngũexẽẽxũ”, —ñnanagũrũgũ.

¹⁵Rü yexguma Etébaũxũ nadaunũgu ga guxũma ga yema ãẽxgacũgũ ga yema rütogũxũ, rü nũxũ nadaugũ ga nachametũ rü wũxi ga daxũ-cũāx ga orearũ ngerũchametũrũ na yĩxũ.

7

Etébaũãrũ ore

¹Rü nüma ga paigũeru, rü Etébaũna naca rü ñnanagũrũ: —¿Aixcũma yĩxũ i ñãã ore i nũxũ yaxugũexũ? —ñnanagũrũ.

²Rü Etébaũ nanangãxũ, rü ñnanagũrũ: —Pa Chautanũxũ Pa ãẽxgacũgũx, ¡Choxũ iperũxĩnũẽ! Guma Tupana ya mexèchicũ, rü nuxcũmaũcũ ga tóru oxĩ ga Abrãũcèx nangox ga yexguma Mechopotãmiããrũ naãnegu naxãchiũgu ga yexguma tauta Arãũãrũ naãnewa naxũxgu na yexma yaxãchiũxũcèx.

³—Rü Tupana rü ñnanagũrũ nũxũ:

“¡Nũxna ixũ i cuchĩãne rü cutanũxũ, rü ngẽma choma tá cuxũ nũxũ chadauxẽẽxũ i naãnewa naxũ!”
ñnanagũrũ.

4 –Rü yexguma ínaxũxũ ga Abráũ nawa ga yema Cadéucũãxãrũ naãne ga ngextá noxri ínaxãchiũxũwa, rü Aráũãrũ naãnegu nayaxãchiũ. Rü yexguma nanatũ yuxguwena, rü ñoma ga naãne i ñuxma nagu pexãchiũxũwa naxũ, yerũ yemaãcũ Tupana núma nanaga.

5 –Natürũ yexguma rü ta taxuũma ga noxrxũchi ga naãne nũxna naxã ga Tupana i ñoma i naãnewa, rü bai ga íraxũ ga noxrxũchi ga naãne. Natürũ Abráũmaã inaxuneta ga yixcama tá nũxna na naxããxũ ga ñoma i naãne na noxrxũchi yĩxũcèx, rü yixcama marũ nayuxguwena rü nanegũarũ na yĩxũcèx. Rü yemaãcũ Abráũmaã inaxuneta ga woo na nangexacũxũ ga yexguma.

6 –Rü ñanagürũ Abráũxũ ga Tupana:

“Rü yixcama i cutaagũ rü tá to i nachiũãne i tama noxrxũ íxĩxũwa nangèxmagũ. Rü ngẽma nachiũãnecũãx i duũxũgũ rü norũ duũxũgũxũ tá nayaxĩgũxèẽ. Rü 400 ya taunecũ rü ngẽma duũxũgũ rü tá chixri namaã nachopetũ i cutaagũ.

7 Natürũ choma tá chanapoxcue i ngẽma nachiũãnecũãx i norũ duũxũgũxũ yaxĩgũxèẽxũ. Rü ngẽmawena i cutaagũ rü tá ínachoũ nawa i ngẽma naãne, rü nuã ñãã i naãnewa tá choxũ nicuèxũũgũ”, ñanagürũ ga Tupana.

8 –Rü yexguma Tupana rü Abráũ rü nũgũmaã nanamexèẽ, rü ñanagürũ ga Tupana:

“Choma rü tá cuxũ charũngũxèẽ ega cuma rü guxũma i cutanũxũgũ ípewiũchèxmũpèxechiraũgu. Rü ngẽma tá nixĩ i cuèxruũ i yigũmaã imexèèxũ”,

ñanagürũ ga Tupana. Rü nabu ga wũxi ga nane ga Abráũ, rü Ichaágũ nanaxũéga. Rü yexguma 8 ga norũ ngunexũwa nanguxgu ga Ichaá, rü nũmatama ga Abráũ rü ínanawiechèxmũpèxechiraũ. Rü yexguma marũ nayèxgu ga Ichaá rü nabu ga nane ga Acobu, rü nũmatama ga Ichaá rü ínanawiechèxmũpèxechiraũ. Rü yixcama marũ nayèxgu ga Acobu rü nũxũ nayexma ga 12 ga nanegũ. Rü nũmatama ga Acobu rü ínanawiechèxmũpèxechiraũ ga guxũma ga yema 12 ga nanegũ. Rü yema 12 ga nanegũ nixĩ ga yema 12 ga nuxcũmaũgũxũ ga tórũ oxigũ.

9-10 –Rü yema 12 ga Acobu nanegũ ga tórũ oxigũ íxĩgũxũtanũwa rü wũxi rü Yúche nixĩ ga naega. Natürũ naẽneègũ ga guma Yúche rü nixãũxãchie, rü yemacèx Equituarũ naãnewa íxũ ga taxetanũxũxũ Yúchemaã nataxegũ na Equituarũ naãnewa nagagũãxũcèx. Natürũ Tupana rü Yúchemaã nayexma, rü nũxũ narũngũxèẽ na tama pecadu naxũxũcèx ga yexguma guxhaxũwa nayexmagu. Rü nũxna nanaxã ga cuèx, rü Yúchexũ narũngũxèẽ ga meã na nayauxãxũcèx ga Equituanearũ ãèxgacũ ga Faraũ. Rü yemacèx ga Faraũ rü ãèxgacũxũ nayangucuchixèẽ. Rü núma ga Yúche nixĩ ga ãèxgacũ ga Faraũpatawa rü guxũma ga yema nachiũãnewa. Rü Faraũxícata ma nixĩ ga Yúchearũ yexera na ãèxgacũ yĩxũ ga yema naãnewa.

11 –Rü yexgumaũcũũ nayexma ga taiya ga guxũ ga Equituarũ naãnewa rü Canaããrũ naãnewa. Rü poraãcũ taiya nũxũ nangux ga duũxũgũ. Rü yemacèx ga yema nuxcũmaũgũxũ ga tórũ oxigũ rü dũxwa taxuacũma nũxũ inayangaugũ ga nabũ ga Canaããrũ naãnewa.

12 –Natürũ yexguma nũxũ nacuáchigaxgu ga Acobu ga na nayexmaxũ ga nabũ ga Equituanewa, rü yéma nanamugũ ga nanegũ ga guma tórũ oxigũ íxĩgũcũ. Rü yema nixĩ ga nawa ínaxũgũxũ ga noxrima nabũcèx Equituanewa na naxĩxũ.

13 –Rü yixcama marü naguxgu ga yema nabü rü wenaxärü Equituanewa naxī nawa ga nabü. Rü yexguma wenaxärü yéma naxīxgu ga naēneēgü, rü nügü nixu ga Yúche namaā. Rü yexguma nüxū nacuēx ga Faraū ga ngextácūāx na yīxū ga Yúche.

14 –Rü yixcamaxūra ga Yúche rü tümacēx nangema ga nanatü rü guxūma ga natanūxū. Rü manca 75wa nangu ga yema duūxūgü ga Yúchetanūxū.

15 –Rü yemaācü Equituanewa naxū ga Acobu na yexma yaxāchiūxūcēx. Rü yexma nayu ga nūmax. Rü yexma nayue ta ga nanegü ga tórü oxigü.

16 –Rü yexguma nayuxgu ga Acobu, rü Chiquéúwa nanangegü ga naxūne na yexma yatēxgūāxūcēx nagu ga yema naxmaxū ga Abráū diērumaā naxcēx taxexū ga Amú nanegūxūttawa ga Chiquéúwa.

17 –Rü düxwa nawa nangu na Equituanewa ínanguxūxūcēx ga tatanūxū ga yexgumarūū ga Tupana Abráúmaā ixu-netaxū. Rü yexguma rü marü poraācü nimu ga tatanūxū ga Equituanewa.

18 –Rü yexguma ningucuchi ga to ga Equituanearü āēxgacü ga tama Yúchechigaxū cuāxū.

19 –Rü yema āēxgacü rü tatanūxūxū nawomūxēē rü chixri tümamaā naxūpetü ga guxema nuxcūmaūgūxe ga tórü oxigü. Rü tüxū namu na yexwaca buexe ga tümacūgūxū ítawogūxū na tayexūcēx.

20 –Rü yexgumaūcüü nabu ga Moíché, rü Tupanaāxū nangúchaū. Rü tomaēxpūx ga tauemacü nüxna tadaugü ga tümapatawa ga naē rü nanatü.

21 –Rü yexguma düxwa ítanatēxgūgu, rü Faraūxācü inayaxu, rü ngīnēxū inayaxēē.

22 –Rü yemaācü Moíchéxū nanguxēēgü ga guxūma ga Equituanecūāxārü cuēx. Rü nūma ga Moíché rü wūxi ga āēxgacü ga poracü nixī, rü norü dexawa rü ta napora.

23 –Rü yexguma 40 ga norü taunecūwa nanguxgu ga Moíché rü nagu narūxīnū ga natanūxūgü ga Yudiūgūtanūgu na naxūāneāxū.

24 –Rü nüxū nadau ga wūxi ga Equituanecūāx ga wūxi ga Yudiūxū na naçuaxixū. Rü yemacēx ga Moíché rü yema Yudiúétüwa ínayaxu, rü yema Equituanecūāxū nimēx rü nanayuxēē.

25 –Rü nūma ga Moíché nagu rúxīnūgu rü chi natanūxūgü ga Yudiūgü rü chi nüxū nacuēxgü na Tupana yéma namuxū na ínanguxūxēēāxūcēx. Natürü tama nüxū nacuēxgüéga ga yema natanūxūgü.

26 –Rü moxūācü ga Moíché rü nüxū nadau ga to ga taxre ga Yudiūgü ga nügü yexma dēixū, rü nüxna nachogūchaū. Rü ñanagürü nüxū:

“Pema rü pegütanūxūgü pixīgü. ¿Rü tüxcūū pegü pedai i pemax?” ñanagürü.

27 –Rü yexguma ga yema namücūxū ícuaxixū rü Moíchéxū natēxneta, rü ñanagürü nüxū:

“¿Texé cuxū tamu na toeru quīxūcēx rü tomaā icucuáxūcēx?”

28 –¿Éxna choxū quimáxchaū ta, ga íne quimáxū ga Equituanecūāxürü?” ñanagürü.

29 –Rü yexguma yemaxū naxīnūgu ga Moíché, rü niña ga yema naānewa. Rü Madiáūānewa naxū. Rü yema nachiūāne ga tama noxrü íxīxūgu nayaxāchiū. Rü yexma naxāmēx rü nabu ga taxre ga nanegü.

30 –Rü 40 ga taunecūguwena ga dauxchitawa ga Chinaī ga mēxpūneārü ngaicamana, rü wūxi ga naīxētāxacü ga yéma iyauraxūwa Moíchécēx nangox ga wūxi ga Tupanaārü orearü ngerü ga daxūcūāx.

31 –Rü nabaixãchiãê ga Moïché ga yexguma nüxü nadêuxgu. Rü naxcèx nixü rü nüxna nangaicama na meã nüxü nadauxücèx. Rü yexguma Moïchémaã nidexa ga Cori ga Tupana, rü ñanagürü nüxü:

32 “Choma nixi i curü oxigüarü Tupana chiixü rü Abráü rü Ichaá rü Acobuarü Tupana chiixü”,

ñanagürü. Rü yexguma ga Moïché rü inanaxügü ga norü muümaã na yaduruxü. Rü namuü ga yexma na nadawenüxü.

33 –Rü yexguma ga Cori ga Tupana rü ñanagürü nüxü:

“¡Inacuaixü i curü chapatu erü ñaã naãne i nagu cuchixü rü naxüüne, erü chanuxma!

34 Choma rü ngóxtwama nüxü chadau i ñuxácü poraácü ngúxü na yangegüxü i chorü duüxügü i Equituanewa. Rü nüxü chaxnú i na naxauxexü. Rü ngêmacèx núma chaxü na íchananguxüxêxücèx. ¡Nuã naxü na Equituanewa cuxü chamuxücèx!”
ñanagürü.

35 –Rü woo ga noxri ga nümagü ga natanüxügü rü guma Moïchéxü naxoe ga yexguma ñagügu:

“¿Rü texé cuxü tamu na toeru quiixücèx rü tomaã icucúaxücèx?” ñagügu, natürü ga Tupana rü yéma nanamuãma na yema duüxügüxü ínganguxüxêxücèx rü norü ãêxgacü na yiixücèx. Rü yemaácü Moïchéxü namu ga Tupana ga yexguma naxütawa namuãxgu ga yema norü orearü ngerüü ga yema naixêtaxacü ga iyauraxüwa naxcèx ngóxü.

36 –Rü Moïché nixi ga Equitarü naãnewa íngaxüxü ga nuxcúmaügüxü ga tórü oxigü. Rü Equituanewa, rü Dauchiüxü ga Taxtüwa, rü dauxchitawa ga ngextá taxúema íxãpataxüwa inanawêx ga cuêxruüügü, rü nanaxü ga mexü ga taxügü ga Tupanaarü poramaã naxüxü. Rü yemaácü 40 ga taunecü nüxü na rü-ngüxêê ga yema duüxügü.

37 –Rü nümatama ga Moïché nixi ga tatanüxügü ga Yudíugümaã ñaxü:

“Tupana rü yixcúra tá pexcèx nüxü naxuneta i petanüwa i wüxi i norü orearü uruü ga yexgumarüü ga choxü na naxunetaxürüü”,
ñanagürü.

38 –Rü nümatama ga Moïché nixi ga nuxcúmaügüxü ga tórü oxigümaã nangutaquêxexü ga yema naãne ga ngextá taxúema íxãpataxüwa. Rü tórü oxigümaã nayexma ga Chinaí ga mëxpúnewa ga yexguma namaã yadeaxgu ga Tupanaarü orearü ngerüü ga daxüçüãx. Rü nümatama ga Moïché nixi ga nayauxãxü ga Tupanaarü ore i maxêxêruü na nüxi tüxna naxããxücèx.

39 –Natürü ga tórü oxigü rü tama naga naxiñüêchaü ga guma Moïché. Rü ínanatêxüchigüama, rü Equituaneguama narüxñüãêgü.

40 –Rü tórü oxigü rü Moïchéeneê ga Arãüxü ñanagürügü: “¡Rü toxcèx naxü i tupanachicünêxãgü na nawe tarüxixücèx! Erü tama nüxü tacuêxgü i tacü nüxü na üpetüxü i ngêma Moïché ga Equituanewa tüxü yagagüxü”,
ñanagürügü.

41 –Rü yexguma nanaxügü ga wüxi ga wocaxacüchicünèxã norü tupanaxü. Rü ñüxüchi naxcèx nanadaí ga ñuxre ga carnerügü na yemamaã nüxü yacuêxüügüxücèx. Rü wüxi ga peta naxcèx naxügü ga yema wocaxacüchicünèxã ga nümatama naxügüxü.

42 –Rü yemacèx ga Tupana rü nüxna nixügachi ga yema duüxügü. Rü ínanawogü na woramacuri rü üêxcü rü tauemacúmaã natupanaãxêxêxücèx. Yerü yemaácü Tupanaarü orearü uruüügüarü poperagu naxümatü, rü ñanagürü:

“Pema, Pa Yudíugŭx, ¿Chauxcèx yíixŭ ga penadèixŭ ga carnerugŭ ga yexguma 40 ga taunecŭ dauxchitawa ga ngextá taxúema íxāpataxŭwa peyexmagŭgu?

43 Tama aixcŭma chauxcèx nixī yerŭ ga pema rŭ ngextá ípexīxŭwa rŭ ípenangeexŭ ga napata ga perŭ tupananeta ga Moro rŭ ípenangeexŭ ga perŭ tupananeta ga Refāārŭ woramacurichicŭnèxā. Rŭ yemaācŭ pegŭmaā ípenangeexŭ ga yema tupananetachicŭnèxāgŭ ga pematama pexŭgŭxŭ na nŭxŭ picuèxŭgŭxŭcèx. Rŭ ngēmaccèx i ñuxma rŭ perŭ naānewa tá pexŭ íchawoxŭ rŭ yaxŭwa i Babiró-niāārŭ yexerawa tá pexŭ chamugŭ”, ñanagŭrŭ ga Tupana ga yema orewa.

44 –Rŭ yema naāne ga ngextá taxúema íxāpataxŭwa rŭ tórŭ oxigŭ nŭxŭ nayexma ga wŭxi ga ípata ga naxchirunaxcèx ga nagu namaā nanguxŭgŭne ga Tupanaārŭ mugŭ ga nutagu ūmatŭxŭ. Rŭ guma ípata ga naxchirunaxcèx nixī ga nŭxŭ nawéācŭma Tupana Moíchéxŭ naxŭxèxene.

45 –Rŭ yexguma nayuxguwena ga Moiché, rŭ Yochué ningucuchi ga āēxgacŭ na yíixŭ. Rŭ tórŭ oxigŭ rŭ nuā tórŭ naānewa nanangegŭ ga guma ípata ga naxchirunaxcèx ga yexguma Yochuémaā napugŭāgu ga ñāā naāne nŭxna ga yema duŭxŭgŭ ga Tupana íwoxŭxŭ napèxewa ga tórŭ oxigŭ. Rŭ nŭma nayexma ga guma ípata rŭ ñuxmata Dabí ingucuchigu ga āēxgacŭ na yíixŭ.

46 –Rŭ guma āēxgacŭ ga Dabí rŭ Tupana rŭ poraācŭ namaā nataāē, rŭ nŭxŭ narŭngŭxèē. Rŭ nŭma ga Dabí rŭ Tupanana naxcèx naca na naxŭāxŭcèx ga wŭxi ga tupauca ga taxŭne ga nawa Tupanaxŭ na yacuèxŭgŭxŭcèx ga tatanŭxŭgŭ ga Acobutaagŭ.

47 –Natŭrŭ Dabí nane ga Charumóu nixī ga naxŭcŭ ga guma tupauca ga Tupanacèx ixīxŭne.

48 –Natŭrŭ ya Tupana ya tacŭxŭchima rŭ tama duŭxŭgŭ ūxŭne ya tupaucagŭmaā naxāpata. Rŭ yemaccèx ga Tupana rŭ nuxcŭmaŭcŭ ga norŭ orearŭ uruŭwa rŭ ñanagŭrŭ:

49-50 “Choma nixī ya āēxgacŭ ya tacŭxŭchima, rŭ daxŭguxŭ i naāne nixī i chorŭ toxmaxwèxeruŭ ixīxŭ rŭ ñoma i naāne nixī i chorŭ chicutŭruŭ ixīxŭ. ¿Rŭ ñuxŭcŭrŭwa i nagu perŭxŭnŭèxŭ tá na penaxŭxŭ ya wŭxi ya tupauca ya chaugu mexŭne?”

ñanagŭrŭ ga Cori ya Tupana. Rŭ ñanagŭrŭ ta ga Tupana:

“¿Tama èxna choma yíixŭ ichanaxŭxŭ ga guxŭma i tacŭ i ngèxmaxŭ? ¿Rŭ ñuxŭcŭ chi penaxŭxŭ i wŭxi i nachica i nagu charŭngŭxŭ?”

ñanagŭrŭ ga norŭ orewa.

51 Rŭ ñanagŭrŭ ga Etébaŭ: –Dŭcèx Pa Āēxgacŭgŭx, pema rŭ guxŭguma nŭxŭ pexoe i Tupanaārŭ ore, rŭ tama iperŭxŭnŭèchaŭ. Rŭ peāewa rŭ tama peyaxŭgŭchaŭ. Rŭ pema rŭ guxŭguma Tupanaāē i Ūnèxŭmaā penuèècha. Yema nuxcŭmaŭgŭxŭ ga perŭ oxigŭrŭtama pixŭgŭ i pemax.

52 –Rŭ perŭ oxigŭ rŭ chixèācŭma namaā nachopetŭ ga guxŭma ga Tupanaārŭ orearŭ uruŭgŭ. Rŭ nanadai ga yema orearŭ uruŭgŭ ga nŭxŭ ixuchi-gagŭxŭ ga na nŭma naxŭxŭ tá ga guma mecŭ ya Ngechuchu. Rŭ yexguma ínanguxgu ga guma Ngechuchu rŭ pema Piratuna penamu rŭ penayuxèē.

53 –Rŭ woo pema rŭ Tupanaārŭ orearŭ ngeruŭgŭ ga daxŭcŭāxŭtawa penayaxu ga Tupanaārŭ ore, natŭrŭ tama naga pexŭnŭè –ñanagŭrŭ ga Etébaŭ.

Nayu ga Etébaŭ

54 Rŭ yexguma nŭxŭ naxŭnŭègu ga yema ore, rŭ nanuèxŭchiamā ga yema duŭxŭgŭ. Rŭ norŭ numaā Etébaŭcèx nixŭxchapŭtagŭ.

⁵⁵ Natürü ga Etébaŭ rü aixcūma Tupanaãē i Ūünexŭ nawa nayexma. Rū daxŭ nadawenü, rü nüxŭ nadau na űuxãcü namexêchixŭ ga Tupana. Rü nüxŭ nadau ga Ngechuchu ga Tupanaãrü tŭgüneguama chicü.

⁵⁶ Rŭ yexguma rü űanagŭrü: —Nüxŭ chadau i na yangoxnaãchixŭ i naãnetüwe, rü nüxŭ chadau ya Cristu ya Tupana Nane ya duŭxŭŭ ixŭcü ya Tupanaãrü tŭgüneguama chicü —űanagŭrü ga Etébaŭ.

⁵⁷ Natürü nümagŭ rü nügŭ narütütamachixêgŭ, rü tagaãcü aixa naxŭeãcüma nüxna nayuxgŭ.

⁵⁸ Rŭ ínanagaxŭchigŭ ga íãnewa, rü nutagŭmaã ínanamuxŭchigŭ. Rŭ yéma nayexma ga wŭxi ga ngextŭxŭxŭ ga Chaurugu ãegaxŭ. Rŭ yemaxŭ nana-wotanŭ ga norŭ gáuxŭchirugŭ ga ínacŭxuchigŭxŭ ga yema duŭxŭgŭ ga Etébaŭxŭ imèxgŭxŭ.

⁵⁹ Rŭ yexguma nutamaã ínamuxŭchigŭãguyane, rü nayumŭxê ga Etébaŭ rü űanagŭrü: —Pa Cori Pa Ngechuchux, ¡Nayaxu i chauãé! —űanagŭrü.

⁶⁰ Rŭ yemawena rü ínacaxãpŭxŭ, rü tagaãcü aixa naxŭ, rü űanagŭrü: —Pa Cori Pa Tupanax, ¡Tãxŭ i űãã pecaducêx cunapoxcuexŭ i űãã duŭxŭgŭ! —űanagŭrü. Rŭ yexguma yema űaxguwena rü nayu.

8

Chauru rŭ guxema yaxôgŭxewe ningêchigŭ na tŭxŭ napoxcuexŭcêx

¹ Rŭ Chauru rü norŭ me nixŭ ga Etébaŭxŭ na yamèxgŭxŭ. Rŭ yematama ngunexŭgu rü norŭ uwanŭgŭ rü ínanaxŭgŭe ga na poraãcü nawe yangêxŭtanŭxŭ ga yema yaxôgŭxŭ ga Yerucharéŭwa yexmagŭxŭ. Rŭ dŭxwa ga guxŭma rü Yudéaanegu rü Chamáriaanegu nügŭ nawoone. Rŭ yema ngŭexŭgŭ ga Ngechuchu imugŭxŭxŭcitatama ínayaxŭgŭ ga Yerucharéŭwa.

² Rŭ űuxre ga yatŭgŭ ga meãma Tupanaãxŭ yaxôgŭxŭ rü nana yaxgŭ ga Etébaŭxŭne, rü ínanatêxgŭ rü poraãcü naxcêx naxauxe.

³ Rŭ yexguma ga Chauru rü chixri tŭmamaã naxŭpetŭ ga guxema yaxôgŭxe. Rŭ tŭmapatagu nixŭcuchigŭ na tŭxŭ ínayauxŭxŭcêx. Rŭ yéma tŭxŭ ínatŭxŭ ga yatŭgŭ rü ngexegŭ, rü űuxŭchi poxcupataŭgu tŭxŭ nawocu.

Chamáriawa nüxŭ nixuchiga ga Tupanaãrü ore i mexŭ

⁴ Rŭ yema yaxôgŭxŭ ga Chauruchaxwa ibuxmŭxŭ ga Yerucharéŭwa, rü guxŭwama ga ngextã ínaxŭŭwa rü nüxŭ nixuchigagŭ ga űuxãcü Ngechuchu tŭxŭ na maxêxêxŭ.

⁵ Rŭ Piripi nixŭ ga wŭxi ga yema orexŭ ixuchigacŭ. Rŭ nüma rü íãne ga Chamáriawa naxŭ, rü yéma ínanaxŭgŭ ga Cristuchigaxŭ na yaxuxŭ.

⁶ Rŭ yema duŭxŭgŭ ga Chamáriacŭãx, rü Piripicêx nangutaquêxegŭ. Rŭ guxŭma meãma ínarŭxŭnê ga yema ore ga namaã nüxŭ yaxuxŭ, yerŭ nüxŭ nadaugŭ ga yema mexŭgŭ ga taxŭgŭ ga Tupanaãrü poramaã naxŭxŭ ga Piripi.

⁷ Rŭ muxêma ga duŭxêgŭ ga ngoxogŭ tŭmawa yexmaxê rü tŭmacêx nitaanegŭ. Rŭ yema ngoxogŭ rü tagaãcü aita naxŭeãcüma tŭmawa ínaxoxŭ. Rŭ yexgumarŭŭ ta rü muxêma ga nawãixãchigŭxe rü chixeparagŭxe rü tŭmacêx nitaanegŭ.

⁸ Rŭ yemacêx poraãcü nataãêgŭ ga guxŭma ga duŭxŭgŭ ga guma íãne ga Chamáriawa.

⁹ Natürü guma íãnewa nayexma ga wŭxi ga yatŭ ga Chimáŭgu ãegaxŭ ga űuxre ga taunecŭ norŭ yuŭmaã duŭxŭgŭxŭ womŭxêxŭ ga guma íãnewa. Rŭ nügŭ nixu ga na wŭxi ga űacŭxŭ cuáxŭ na yŭxŭ.

10 Rū guxūma meāma nūxū inarūxīnūē woo ga buxūgū rū yaxūgū. Rū űanagūrūgū: —űaā yatū rū aixcūma nūxū nangēxma i Tupanaārū pora i taxū —űanagūrūgū.

11 Rū naga naxīnūē ga duūxūgū, yerū mucūma ga taunecū rū norū yuūmaā nanawomūxēē.

12 Rū Piripi rū yema duūxūgūmaā nūxū nixu ga ore ga mexū ga Ngechuchu ya Cristuchiga, rū űuxācū na āēxgacū yīxū ya Tupana. Rū yexguma yema ore yaxōgūga ga duūxūgū, rū Piripi inanabaiūxēē ga yatūxū rū ngexūgū.

13 Rū nūmatama ga Chimāū rū ta nayaxō, rū ínabaie. Rū inanaxūgū ga Piripixū na naxūmūcūxū. Rū yexguma nūxū nadēuxgu ga yema cuēxruūgū rū mexūgū ga taxū ga Tupanaārū poramaā naxūxū ga Piripi, rū poraācū naűaixāchiāē ga Chimāū.

14 Rū yema Ngechuchuarū ngūexūgū ga Yerucharēūwa yexmagūxū rū nūxū naxīnūēchiga ga meā na nayauxgūāxū ga Tupanaārū ore ga Chamāriawa. Rū yemacēx yēma nanamugū ga Pedru rū Cuāū.

15 Rū yexguma Chamāriawa nangugūga ga Pedru rū Cuāū, rū naxcēx nayumūxēgū ga yema yexwaca yaxōgūxū ga duūxūgū, na nayauxgūāxūcēx ga Tupanaāē i Ūūnexū.

16 Yerū yexguma noxri yaxōgūāgu ga yema duūxūgū rū Piripi marū inanabaiūxēēmare naegagu ga Cori ga Ngechuchu, natūrū taxuxūnata nangu ga Tupanaāē i Ūūnexū.

17 Rū yemacēx ga Pedru rū Cuāū naxmēxmaā nūxū ningōgūgū ga yema yaxōgūxū, rū yexguma nanayauxgū ga Tupanaāē i Ūūnexū.

18-19 Rū nūxū nadau ga Chimāū ga na duūxūgūna nanguxū ga Tupanaāē i Ūūnexū ga yexguma Pedru rū Cuāū naxmēxmaā yema duūxūgūxū yangōgūgūga. Rū yemacēx dīeru Pedru rū Cuāūna ngīxū naűaxchaū ga Chimāū rū űanagūrū nūxū: —jChoxna rū ta penaxā i ngēma pora, na yīxema tūxū chingōgūxe rū ta tūxna nanguxūcēx i Tupanaāē i Ūūnexū! —űanagūrū.

20 Rū yexguma ga Pedru rū űanagūrū nūxū: —jCuxrūūtama iyanataxux i curū dīeru, erū ngīmaā naxcēx cutaxechaū i Naāē i Ūūnexū i Tupana tūxna mumarexū!

21 Cuma rū taxucūrūwama cunayaxu i ngēma pora, erū curū maxū rū tama name i Tupanapēxewa.

22 jNūxū rūxo i ngēma curū chixexū, rū Tupanana naxcēx naca na cuxū nūxū nangechaūxūcēx! Rū bexmana tá cuxū nūxū nangechaū i ngēma chixexū i cuāēwa nagu curūxīnūxū.

23 Erū nūxū chacuēx rū poraācū cunuāēwēxe, rū ngēma curū chixexū rū cumaā inacuēx rū űoma cupoxcuxūrūū cuxū nixīxēē —űanagūrū.

24 Rū Chimāū nanangāxū, rū űanagūrū: —jPema Tupanana chauxcēx peça na tama choxū nangupetūxūcēx i ngēma nūxū pixuxū! —űanagūrū.

25 Rū Pedru rū Cuāū rū yema Chamāriaanecūāx ga duūxūgūmaā nūxū nixugūe ga Cori ga Ngechuchuchiga, rū namaā nūxū nixugūe ga Tupanaārū ore. Rū yemawena rū Yerucharēūcēx nawoegu. Rū namawa rū muxūne ga Chamāriaanewa yexmane ga űānexācūgūwa rū nūxū nixuetanū ga Tupanaārū ore i mexū.

Piripi rū namagu nūxū nangau ga wūxi ga āēxgacū ga Etiōpianecūāx

26 Rū yemawena, rū Tupanaārū orearū ngeruū ga daxūcūāx rū Piripimaā nūxū nixu, rū űanagūrū: —jRū paxa inaxūāchi rū űāne ya Gachawaama naxū

nawa i ngēma nama i Yerucharēŭwa ne daxŭ rŭ Gachawa iyarŭgoxŭ! — űanagŭrŭ. Rŭ ngēma nixŭ i nama i dauxchitawa i ngextá taxúema íxāpataxŭwa dapetŭxŭ.

27 Rŭ inaxŭāchi ga Piripi rŭ yema namawa naxŭ. Rŭ yexma nŭgŭ nangau namaā ga wŭxi ga yatŭ ga Etiópiiaanenguxŭ ga guxcŭma ga yema āēxgacŭarŭ díeru. Rŭ íneācŭ Yerucharēŭwa naxŭ na Tupanaxŭ yanacuēxŭxŭcēx.

28 Rŭ nachiŭānecēx nataegu, rŭ norŭ autu ga cowaru itŭchigŭnewa narŭto. Rŭ nawa níngŭchigŭ ga yema ore ga Tupanaārŭ orearŭ uruŭ ga Ichaxía ũmatŭxŭ.

29 Rŭ Tupanaāē i Ūñexŭ rŭ Piripixŭ űanagŭrŭ: —¡Paxa naxcēx ixŭ i ngēma autu! —ñanagŭrŭ.

30 Rŭ paxa yema autucēx niña ga Piripi. Rŭ yexguma naxŭtawa nanguxgu rŭ nŭxŭ naxŭnŭ ga na Tupanaārŭ orearŭ uruŭ ga Ichaxía ũmatŭxŭ ga orewa nangŭxŭ ga yema āēxgacŭ. Rŭ yexguma ga Piripi rŭ nŭxna naca rŭ űanagŭrŭ nŭxŭ: —¿Nŭxŭ cucuáxŭ i űacŭchiga na yŭxŭ i ngēma nawa cungŭxŭ? —ñanagŭrŭ.

31 Rŭ nŭma ga āēxgacŭ ga Etiópiaanecŭāx rŭ nanangāxŭ, rŭ űanagŭrŭ: —¿Nŭxŭcŭrŭwa i nŭxŭ chacuáxŭ ega taxúema chomaā inanguxŭxŭēēgux? —ñanagŭrŭ. Rŭ Piripicēx naca na naxŭnagŭxŭcēx, rŭ naxŭtawa na natoxŭcēx.

32 Rŭ yema nawa yangŭchigŭxŭ ga Tupanaārŭ ore ga ũmatŭxŭ, rŭ űanagŭrŭ:

“Rŭ űoma wŭxi i carneru i norŭ mēxwa nagagŭxŭrŭŭācŭ nayagagŭ. Rŭ wŭxi i carneruxacŭ i ngēma yayoxtēxagŭxŭpēxewa tama aita ũxŭrŭŭ nachianemare, rŭ taxu űanagŭrŭ.

33 Rŭ yexguma duŭxŭgŭ poraācŭ chixri namaā chopetŭgu rŭ taxúema naetŭwa tachogŭ. ¿Rŭ texé tá meā nachiga tidexa ga yema duŭxŭgŭ ga yemaācŭ poraācŭxŭchima chixexŭ ũgŭxŭ? Yerŭ nayamēxgŭ na nataxuxŭcēx i norŭ maxŭ i űoma i naānewa”, űanagŭrŭ ga yema ore ga nawa nangŭxŭ.

34 Rŭ Piripina naca ga yema āēxgacŭ ga Etiópiaanecŭāx, rŭ űanagŭrŭ: —¡Chomaā nŭxŭ ixu! ¿Rŭ texéchigagu nixŭ ga yadexaxŭ ga yema Tupanaārŭ orearŭ uruŭ? ¿Nŭgŭchigagutama rŭ ēxna toguechigagu? —ñanagŭrŭ.

35 Rŭ yexguma nanangāxŭ ga Piripi. Rŭ yematama ore ga ũmatŭxŭmaā inanaxŭgŭ na namaā nŭxŭ yaxuxŭ ga ore i mexŭ ga Ngechuchuchiga.

36 Rŭ yixcamaxŭra ga yexguma inaxŭyane, rŭ dexá íyexmaxŭwa nangugŭ. Rŭ űanagŭrŭ ga yema āēxgacŭ: —Nuā nangēxma i dexá. ¿Rŭ tama ēxna inamexŭ na nuā choxŭ ícubaixēēxŭ? —ñanagŭrŭ.

37 Rŭ űanagŭrŭ ga Piripi: —Ngēxguma aixcŭma meāma cuyaxŭxgux, rŭ marŭ name i na cuxŭ íchabaixēēxŭ —ñanagŭrŭ. Rŭ nanangāxŭ ga yema āēxgacŭ, rŭ űanagŭrŭ: —Ngēmāācŭ chayaxŭ na Ngechuchu ya Cristu yŭxŭ ya Tupana Nane —ñanagŭrŭ.

38 Rŭ yexguma ínayachaxāchixēē ga norŭ autu, rŭ wŭxigu dexáchiŭwa nachoŭ. Rŭ Piripi ínanabaixēē ga yema āēxgacŭ.

39 Rŭ yexguma dexáwa ínachoŭchigu, rŭ Tupanaāē i Ūñexŭ rŭ Piripixŭ niga. Rŭ yema āēxgacŭ rŭ marŭ tama wena Piripixŭ nadau. Natŭrŭ taēēacŭ namagu nixŭ.

40 Natŭrŭ Achotowa nayangox ga Piripi. Rŭ yema íānewa inaxŭāchi, rŭ nŭxŭ nixuchigŭ ga ore i mexŭ ga guxŭma ga íānewa űuxmata Checharéaarŭ naānewa nangu.

9

Ngechuchuaxū nayaxō ga Chauru

¹⁻² Rū yoxni ga Chauru rū daimaā nayaxāxūnechigūama ga yema duūxūgū ga Cori ga Ngechuchuaxū yaxōgūxū. Rū yemacēx paigūeruxūtawa naxū, rū naxcēx nūxna naca ga popera ga nūxna āgaxū na Yudūgūarū ngutaquēxepataūgū ga Damacuwa yexmagūnegu yaxūcuchigūxūcēx rū yexma tūmacēx nadauxūcēx ga guxema yaxōgūxe ga yatūxe rū ngexegū na Yerucharēūwa tūxū nagagūxūcēx rū yexma tūxū yapoxcuexūcēx.

³ Natūrū yexguma marū Damacuxū yangaicagu, rū ngūrūāchi meāma nūxū nabāxi ga wūxi ga omū ga poraxū ga daxūwa ibāxixū.

⁴ Rū űaxtūanegu nayangu ga Chauru, rū nūxū naxīnū ga wūxi ga naga ga nūxna çagūxū ga űaxū: —Pa Chauru Pa Chaurux, çtūxcūū i chowe quingēchigūxū? —űaxū.

⁵ Rū Chauru nanangāxū, rū űanagūrū: —çRū texē quixī, Pa Corix? — űanagūrū. Rū nūma ga Cori rū nanangāxū rū űanagūrū: —Choma nixī i Ngechuchu, rū chorū duūxūgū nixī i ngēma nawe quingēchigūxū.

⁶ çRū inachi, rū ngema Damacuarū űānewa naxū! Rū ngema rū wūxi ya yatū tā cumaā nūxū nixu na tacū tā cuxūxū —űanagūrū.

⁷ Rū yema yatūgū ga Chauruxū űixūmūcūgūxū, rū inayanguāēgū, yerū nūxū naxīnūē ga yema ore natūrū taxūexūma nadaagu.

⁸ Rū űuxūchi inachi ga Chauru ga űaxtūanewa ga űyanguxūwa, rū nidauchixetū, natūrū taxūma nadau yerū nixoxetū. Rū yemacēx ga namūcūgū, rū nachacūgu nayayauxāchi, rū yemaācū Damacuwa nanagagū.

⁹ Rū tomaēxpūx ga ngunexūgu, rū nangexetū, rū tama nachibū, rū tama naxaxe.

¹⁰ Rū Damacuwa nayexma ga wūxi ga yatū ga Ngechuchuaxū yaxōxū ga Ananiā ga naega. Rū Cori ya Ngechuchu naxcēx nangox, rū űanagūrū nūxū: —Pa Ananiāx —űanagūrū. Rū nūma ga Ananiā nanangāxū, rū űanagūrū: —çTācū? Pa Corix —űanagūrū.

¹¹⁻¹² Rū nūma ga Cori nanangāxū, rū űanagūrū: —çDūcēx, ngēma itamū i Meā i Wēxūgu āegaxūwa naxū! çRū ngema Yudapatawa naxcēx ínaca i wūxi i yatū i Tarsucūāx i Chaurugu āegaxū! Rū nūma rū ngema inayumūxē rū nangoxetū rū marū cuxū nadau, Pa Ananiāx, na ngēxma cuxūcuxū rū naxētūgu quingōgūxū na wena yadauchixūcēx —űanagūrū ga Cori ga Tupana.

¹³ Rū yexguma yemaxū naxīnūgu ga Ananiā, rū űanagūrū: —Pa Corix, muxūma i duūxūgū chomaā nūxū nixu i ngēma yatūchiga na űuxre i chixexū naxūxū namaā i curū duūxūgū i Yerucharēūwa.

¹⁴ Rū űuxma rū paigūarū āēxgacūgūarū mumaā nūma naxū na űnayaxūāxūcēx i guxūma i duūxūgū i cuēgagu yumūxēgūxū —űanagūrū.

¹⁵ Natūrū nūma ga Cori rū űanagūrū nūxū: —çNgema naxū! Erū choma chanayaxu i ngēma yatū na choxū yaxuchigaxūcēx namaā i togū i nachīūānecūāxgū i duūxūgū rū norū āēxgacūgū, rū ngema Iraécūāxgū.

¹⁶ Rū choma tā nūxū nūxū chadauxēē i űuxre i ngūxū i tā yangexū i chauxcēx —űanagūrū ga Cori.

¹⁷ Rū guma űpata ga Chauru nawa yexmanewa naxū ga Ananiā. Rū nagu naxūcu, rū nūxū ningōgū, rū űanagūrū nūxū: —Pa Chaueneē Pa Chaurux, nūma ya Cori ya Ngechuchu ga guma namawa cuxcēx ngócū ga yexguma nūma cuxūxgu, rū nūma choxū namu na wenaxārū quidauchixūcēx, rū cuxna nanguxūcēx i Naāē i Ūūnexū —űanagūrū.

18 Rū yexgumatama rū ñoma tacūchicutēxerū ñaxētūwa ínayi, rū yexguma wenaxārū meā nidauchixetū. Rū yexguma inachi ga Chauru, rū Ananíā ínanabaixēē.

19 Rū yemawena nachibū, rū wenaxārū napora. Rū ñuxre ga ngunexūgu yexma Damacuwa narūxāñux namaā ga yema yaxōgūxū ga yexma āchiūgūxū.

Chauru rū Damacuwa nūxū nixu ga Ngechuchuhiga

20 Rū yexguma inanaxūgū ga Chauru ga ngutaqēxepataūgūwa nūxū na yaxuchigaxū na Ngechuchu yīxū ya Tupana Nane.

21 Rū guxūma ga yema nūxū ñnūxū rū poraācū nabaixāchiāēgū, rū ñnanagūrūgū: —¿Tama ēxna ñnaā yatū yīxū ga Yerucharéūwa íyayauxūgūxū ga guxūma ga duūxūgū ga Ngechuchuauxū yaxōgūxū? ¿Rū tama ēxna ñnaātama yīxū ga yema nūma ūxū na ínayauxūāxūcēx rū ñuxūchi paigūarū āēxgacūxūxtawa nagagūāxūcēx i duūxūgū i yaxōgūxū? —ñnanagūrūgū.

22 Natūrū ga Chauru rū guxū ga ngunexūgu yexeraācū tama namuūācūma nūxū nixuchigama ga ore ga Ngechuchuhiga. Rū ñnayanangeēxgūxūēē ga Yudiūgū ga Damacuwa yexmagūxū, yerū meāma nanangōxēē na Cristu yīxū ga Ngechuchu.

Chauru rū Yudiūgū- chaxwa ñña

23 Rū marū muxūma ga ngunexūgū ngupetūguwena rū yema Yudiūgū rū wūxigu nūgūmaā nagu narūxīnūē na Chauruxū yamēxgūxūcēx.

24 Natūrū nūma ga Chauru rū nūxū nacuāchiga ga na yamēxgūchañāxū. Rū yema Yudiūgū rū ngunecū rū chūtacū rū guma íāneārū poxeguxūārū íāxgūgu Chauruxū nanēixgūxū na yamēxgūāxūcēx.

25 Natūrū ga Chauruarū ngūxūgū rū chūtacū rū wūxi ga pexchi ga tacūgu guma íāneārū poxeguxūtapūxētūwa ínanachūxūetaūgūama, rū yemaācū ñña ga Chauru.

Yerucharéūwa nayexma ga Chauru

26 Rū yexguma Yerucharéūwa nanguxgu ga Chauru, rū yema yaxōgūxūmaā nangutaqēxechañ. Natūrū yema yaxōgūxū rū nūxū namuūē, yerū nūma nūxū nacuēxgūgu rū tama aixcūma Ngechuchuauxū nayaxō.

27 Natūrū Bernabé rū yema ngūxūgū ga Ngechuchu imugūxūttanūwa nanagaama. Rū yema ngūxūgūmaā nūxū nixu ga ñuxācū Cori ya Ngechuchuxū na nadauxū ga Chauru ga namawa, rū ñuxācū Cori namaā na idexaxū. Rū nūxū nixu ta ga ñuxācū Damacuwa rū tama namuūācūma nūxū na yaxuxū ga Ngechuchuhiga.

28 Rū yemaācū ga Chauru rū Yerucharéūgu narūxāñux. Rū yema ngūxūgū ga Tupana imugūxūttanūgu naxā. Rū tama namuūācūma Cori ya Ngechuchuhigaxū nixuchigū.

29 Rū yema Yudiūgū ga Griégugawa idexagūxūmaā nidexaxū ga Chauru, rū Ngechuchuhigagu nūgūmaā nayaporagaexū. Natūrū ga nūmagū rū naxcēx nadaugūama ga ñuxācū tá na yamēxgūāxū.

30 Rū yexguma nūxū yacuēxāchitanūgu ga yema togū ga yaxōgūxū, rū Checharéawa Chauruxū nagagū. Rū yexguma yéma nangugūgu rū wūxi ga wapurugu nayamuēgū rū Tarsuwa naxū.

31 Rū yexguma rū meāma nūxū naxūpetū ga yema yaxōgūxū ga guxūma ga Yudéaanewa, rū Gariréaanewa rū Chamáriaanewa. Rū yexeraācū meā nayaxōgūetanū rū aixcūma Tupana naxwēxūācūma meā namaxē. Rū Tupanaāē i Ūñexūārū ngūxēēmaā nimuētanūāma ga yema yaxōgūxū.

Eneã rŭ narŭme

³² Rŭ yexguma Pedru yema yaxŏgŭxŭtanŭgu ixŭãgŭchigŭxgu, rŭ yema Didágu áchiŭgŭxŭ ga yaxŏgŭxŭtanŭwa rŭ ta nangu.

³³ Rŭ yexma nexicŭ nayangau ga wŭxi ga yatŭ ga Eneã ga naega ga 8 ga taunecŭ norŭ pechicagu cacŭ, yerŭ nanawáixáchi.

³⁴ Rŭ Pedru ñanagŭrŭ nŭxŭ: —Pa Eneãx, Ngechuchu ya Cristu cuxŭ narŭmexê. ¡Inachi rŭ namexêê i cuxchapienŭxŭ! —ñanagŭrŭ. Rŭ yexgumatama inachi.

³⁵ Rŭ guxŭma ga yema Didáçŭãxgŭ rŭ Charunacŭãxgŭ rŭ nŭxŭ nadaugŭ ga na inachixŭ ga guma yatŭ, rŭ nŭxŭ narŭxoe ga nacŭmagŭ ga chixexŭ, rŭ Cori ya Ngechuchuwe narŭxi.

Wena imaxŭ ga Dorca

³⁶ Rŭ yexgumaŭcŭu ga ñane ga Yopewa rŭ iyexma ga wŭxi ga Tupanaãxŭ yaxŏxcŭ ga ngecŭ ga Tabita ga ngŭega. Rŭ ngema naega i Griégugawa rŭ Dorca ñaxŭchiga nixŭ. Rŭ ngŭma rŭ wŭxi ga mecŭ iyixŭ ga ngŭrŭ ŭwa, rŭ guxŭguma nŭxŭ irŭngŭxêê ga yema duŭxŭgŭ ga ñacŭ nŭxŭ taxuxŭ.

³⁷ Rŭ yexgumaŭcŭu iyadaawe ga Dorca, rŭ iyu, rŭ ngŭmŭcŭgŭ nanamexêê ga ngŭine. Rŭ ñpataarŭ daxŭchiŭwa yexmaxŭ ga ucapugu nanaxŭgŭ ga ngŭine.

³⁸ Rŭ Yopearŭ ngaicamana nayexma ga guma ñane ga Didá ga Pedru nawa yexmane. Rŭ yema yaxŏgŭxŭ ga Yopecŭãx rŭ nŭxŭ nacuèxgŭ ga Didáwa na nayexmaxŭ ga Pedru. Rŭ naxcèx yema nanamugŭ ga taxre ga yatŭ ñaxŭmaã: —¡Rŭ paxa toxcèx nuã naxŭ! —ñaxŭmaã.

³⁹ Rŭ yexguma ga Pedru rŭ nawe narŭxŭ. Rŭ yexguma ínanguxgu, rŭ yema ucapu ga yema yueta nawa yexmaxŭwa nanagagŭ. Rŭ guxŭma ga yutegŭxŭ rŭ Pedruxŭ ínachomaẽguãchi, rŭ naxauxe, rŭ nŭxŭ nayawégŭ ga yema naxchirugŭ ga Tabita nŭxŭ íxŭxŭxŭ ga yexguma namaŭxgu.

⁴⁰ Rŭ Pedru rŭ dŭxétŭwa nanamugŭ ga guxŭma. Rŭ inacaxãpŭxŭ, rŭ nayumŭxê. Rŭ ñuxŭchi ngŭxcèx nadauegu ga yema yuxcŭ, rŭ ñanagŭrŭ: —Pa Tabitax, ¡Írŭda! —ñanagŭrŭ. Rŭ yexguma rŭ iyadauchixetŭ, rŭ Pedruxŭ idau, rŭ írŭto.

⁴¹ Rŭ yexguma ngŭxmèxgu nayayauxáchi, rŭ ngŭxŭ inachixêê. Rŭ ñuxŭchi naxcèx naca ga yema yaxŏgŭxŭ rŭ yema yutegŭxŭ, rŭ maxŭxcŭ nŭxŭ ngŭxŭ nawèx.

⁴² Rŭ guxŭma ga yema duŭxŭgŭ ga Yopewa yexmagŭxŭ rŭ nŭxŭ nacuáchigagŭ ga yema. Rŭ Cori ga Ngechuchouxŭ nayaxŏgŭ ga muxŭma.

⁴³ Rŭ muxŭma ga ngunexŭ Yopegu narŭxãŭx ga Pedru napatagu ga Chimáŭ ga naxchèxmŭãrŭ paxêewa puracŭxŭ.

10*Pedru rŭ Cornériuchiga*

¹ Rŭ ñane ga Checharéawa nayexma ga wŭxi ga yatŭ ga Cornériugu ãegacŭ. Rŭ 100 ga Itáriaanecŭãx ga churaragŭarŭ capitáŭ nixŭ.

² Rŭ nŭma nixŭ ga wŭxi ga yatŭ ga meãma Tupanaãxŭ yaxŏcŭ. Rŭ wŭxigu namèxmaã rŭ naxácŭgŭmaã Tupanaxŭ nangechaŭgŭ. Rŭ mucŭma ga norŭ dŭerŭmaã nŭxŭ narŭngŭxêê ga duŭxŭgŭ ga Yudiŭgu ga ñacŭ nŭxŭ taxuxŭ. Rŭ guxŭguma nayumŭxê rŭ Tupanamaã nidexa.

³ Rŭ wŭxi ga ngunexŭ ga yexguma tomaẽxpŭxarŭ orawa nanguxchaŭgu ga yáuanecŭ, rŭ nangŏxetŭ. Rŭ meãma nŭxŭ nadau ga wŭxi ga Tupanaãrŭ

orearū ngeruū ga daxūcūāx ga yema ucapu ga nawa nayexmaxūgu ūcuxū. Rū űanagūrū nūxū: —Pa Cornériux —űanagūrū.

4 Natūrū nūma ga Cornériu rū meāma nūxū nadawenū, rū poraācū namuācūma nūxna naca, rū űanagūrū: —¿Tacū cunaxwēxe, Pa Corix? — űanagūrū. Rū nanangāxū ga yema orearū ngeruū ga daxūcūāx, rū űanagūrū: —Curū yumūxēgū rū Tupana marū cuxū nūxū naxīnū, rū cumaā nataāē na űuxācū nūxū curūngūxēēxū i duūxūgū i űacū nūxū taxuxū.

5 —jRū chanaxwēxe i Yopewa cunamugū i űuxre i yatūgū na naxcēx yacagūxūcēx i wūxi i yatū i Chimāū i Pedrugu āegaxū!

6—Rū to i Chimāū i naxchēxmūārū paxēēwa puracūxūpatawa nangēxma rū ngēxma nape. Rū yima napata rū taxtū i taxūcutūwa nangēxma —űanagūrū.

7 Rū yexguma nūxna iyanatauxgu ga yema orearū ngeruū ga namaā yēma idexaxū, rū Cornériu rū naxcēx naca ga taxre ga norū puracūtanūxū rū wūxi ga churara ga meā naga inūxū ga meā Tupanaāxū yaxōxū.

8 Rū namaā nūxū nixu ga guxūma ga yema nūxū nadauxū, rū űuxūchi Yopewa nanamugū.

9 Rū moxūācū ga yexguma namagu naxīyane rū marū Yopexū yan-gaicagūgu ga yema duūxūgū ga Cornériu yēma mugūxū, rū Pedru rū daxū naxī ga ĩpataētūwa na yēma nayumūxēxūcēx. Rū tocuchiarū oragu nixī ga yexguma.

10 Rū nataiya, rū nūxū nachixēga ga na nachibūxū. Rū yexguma norū ōna inaxūgūyane, rū nangoxetū ga Pedru.

11 Rū nūxū nadau ga na yangōxnaxū ga naānetūwe, rū yēma ĩnarūxī ga wūxi ga naxchiru ga űoma wūxi ga taxū ga naxchāpenūūrūū ĩxīxū. Rū norū āgūmūcūpēxewa naxātūxū rū yemaācū ĩnarūchūxūe űuxmata űaxtūanewa nangu.

12 Rū yemagu ĩnarūchūxūewetaxū ga nagūxūraūxū ga naēxūgū, rū āxtapegū, rū werīgū. Rū yema naxchāpenūūwa nayexma ta ga űacū ga tama nangōxgūxū ga Yūdīgū.

13 Rū Pedru nūxū naxīnū ga Tupanaga ga nūxū űaxū: —Pa Pedrux jInachi, rū ta imēx, rū nangōx! —űaxū.

14 Rū Pedru nanangāxū rū űanagūrū: —Taxucūrūwa nixī, Pa Corix, erū taguma chanangōx i űacū i toxcēx āūāchixū —űanagūrū.

15 Rū yexguma ga yema Tupanaga, rū wenaxārū űanagūrū: —Ngēma choma chamexēēxū rū tama name i āūāchi nūxū cuwogū —űanagūrū.

16 Rū tomaēxpūxcūna yemaācū nangupetū. Rū yexguma wenaxārū daxū nachūxnagū ga yema naxchāpenūū namaā ga guxūma ga nawa yexmagūxū.

17 Rū poraācū nagu narūxīnū ga Pedru ga űacūchiga na yīxū ga yema nūxū nadauxū ga yexguma nangoxetūgu. Rū yemagu inaxīnūyane, rū guma ĩpataēxwa nangugū ga yema yatūgū ga Cornériu yēma mugūxū ga naxcēx ĩcaetanūxū ga Chimāūpata.

18 Rū yēma naxcēx ĩnacagū rū aixcūma yexma nape ga wūxi ga yatū ga Chimāū ga Pedrugu āegaxū.

19 Rū Pedru nagu ĩrūxīnūyane ga yema nūxū nadauxū ga yexguma nangoxetūgu, rū Tupanaāē i Ūūnexū rū űanagūrū nūxū: —Ngēāgū nixī i tomaēxpūx i yatūgū i cuxcēx daugūxū.

20 —jInachi, rū ĩrūxī, rū tama cuxoegaāēācūma nawe rūxū! Erū choma nixī i nūma chanamugūxū —űanagūrū.

21 Rū yexguma naxcèx inarūxī ga Pedru, rū ñanagürü nüxŭ ga yema yatügü: –Choma nixī i chauxcèx pedaugūxŭ. ¿Rū űacūwa nuā pexī? –ñanagürü.

22 Rū nūmagü nanangāxŭgü, rū ñanagürügü: –Capitáŭ ya Cornériuxŭtawane taxī rū nūma nixī i nuā toxŭ namugūxŭ. Rū wūxi ya yatü ya mecü nixī, rū Tupanaxŭ nangechaŭ. Rū guxŭma i Yudiügü nüxŭ nangechaŭ i nūmax. Rū wūxi ga Tupanaärü orearü ngeruŭ ga daxŭcŭŭx nanamu na cuxcèx toxŭ yacaxèxŭcèx ga Cornériu rū napatawa cuxŭxŭcèx rū nüxŭ na naxŭnŭxŭcèx i curü ore –ñanagürügü.

23 Rū yexguma nanachocuxèè ga Pedru, rū yexma nanapegüxèè ga yema chŭtaxŭgu. Rū moxŭŭäcŭ inaxŭŭachi rū nawe narūxŭ ga Pedru. Rū inayaxŭmücügü ga ñuxre ga Yopecŭŭx ga yaxöŭxŭ.

24 Rū moxŭŭäcŭ Checharéawa nangugü ga ngextá Cornériu inanguxèèxŭwama namaã ga guxŭma ga natanŭxŭgü rū namücügü ga nüxŭ nangechaŭgüxŭ ga nüxna naxuxŭ.

25 Rū yexguma Cornériupatawa nanguxgu ga Pedru, rū űäxtŭwa naxcèx naxŭ ga Cornériu, rū Pedrupèxegu nayacaxäpŭxŭ, rū nüxŭ nicuèxŭŭ.

26 Natürü ga Pedru rū inanachixèè rū ñanagürü: –¡Inachi! Rū choma rū ta cuxrŭŭ duŭxŭmare chixī rū tama Tupana chixī –ñanagürü.

27 Rū nügümaã yadexagüäcŭma wūxigu nichocu. Rū Pedru yéma namaã inayarūxŭ ga muxŭma ga duŭxŭgü ga yexma ngutaquèxegüxŭ.

28 Rū yexguma ga Pedru rū ñanagürü nüxŭ ga yema duŭxŭgü ga yexma ngutaquèxegüxŭ: –Pema nüxŭ pecuèx i toma i Yudiügücèx rū nangèxma i torŭ mugü i toxna nachŭxuxŭ na pemaã tangutaquèxegüxŭ, rū pepatagu na tachocuxŭ. Natürü Tupana choxŭ nangoxetŭxèè rū choxŭ nüxŭ nadauxèè na tama namexŭ na ngèmaäcŭ nagu na charŭxŭnŭxŭ pemaã.

29 Rū ngèmacèx tama chaxoöcŭma nūma chaxŭ i ngèxguma chauxcèx pengemagu. Rū ñuxma rū chanaxwèxe i chomaã nüxŭ pixu na űacŭcèx chauxcèx pengemaxŭ –ñanagürü.

30 Rū Cornériu nanangāxŭ, rū ñanagürü: –Marŭ ägümücü i ngunexŭ nangu-petŭ ga ñuxgumaäcŭ ga tomaèxpŭxarŭ oragu ga yáuanecü, rū nuā chopatawa chayumüxè erü guxŭguma ngèmaäcŭ chanaxŭ. Rū yexguma chayumüxègu rū changoxetŭ, rū chauxcèx nangox ga wūxi ga yatü ga iyaurachirucŭxŭŭ.

31 –Rū ñanagürü choxŭ:

“Pa Cornériux, Tupana marŭ nüxŭ naxŭnŭ i curü yumüxè rū cumaã nataãè na ñuxäcŭ nüxŭ curüngŭxèèxŭ i duŭxŭgü i űacŭ nüxŭ taxuxŭ.

32 –¡Rü Yopewa namugü i ñuxre i yatügü na naxcèx yacagŭxŭcèx i Chimáŭ i Pedrugu ägaxŭ! Rū to i Chimáŭ i chaxèxmüärü paxèèwa puracŭxŭpatagu pexŭ. Rū yima napata rū taxtŭ i taxŭcutŭwa nangèxma”, ñanagürü choxŭ.

33 Rū yemacèx rū yexgumatama paxa cuxcèx yéma chanamugü, rū cuma rū mexŭ toxcèx cuxŭ erü nūma cuxŭ. Rū ñuxma i guxŭma i toma rū Tupanapèxewa tangèxmagü. Rū nüxŭ taxŭnŭèchaŭ i guxŭma i ngèma ore i Cori namaã nūma cuxŭ muxŭ na tomaã nüxŭ quixuxŭcèx –ñanagürü ga Cornériu.

Pedru rū Cornériupatawa nüxŭ nixu ga Ngechuchuchiga

34 Rū yexguma inanaxügü ga Pedru ga na yadexaxŭ, rū ñanagürü: –Ñuxma waxi nixī i nüxŭ chacuáxŭ na Tupanacèx nawŭxiguxŭ i guxŭma i duŭxŭgü erü nūma rū aixcŭma guxŭxŭma nangechaŭ.

35 –Rū nūma rū wūxichigü i nachŭŭñanewa nanade i ngèma duŭxŭgü i nüxŭ ngechaŭgüxŭ rū mexŭ ügüxŭ.

36 —Rü nüma ga Tupana rü Yudiügütanüwaxíra nanamu ga norü ore rü marü nüxü nixu na tüxü nüxü nangechaüxü i tórü pecadugü i ngëxguma Cristu ya guxäärü Cori ixícüaxü yaxögügu.

37 —Pema rü meäma nüxü pecuèx na tacü ngupetüxü ga guxüwama ga Yudiügüarü naänewa. Rü noxri ga Cuáü rü nüxü nixu na Tupana naxwëxexü na ínbaiüxü ga duüxügü. Rü yemawena ga Ngechuchu rü Gariréaanewa inanaxügü ga duüxügümaä nüxü na yaxuxü ga ore i mexü.

38 —Rü pema nüxü pecuèx ga ñuxäcü Tupana na naporaxëèxü ga Ngechuchu ya Nacharétüçüax yerü nüxna nanaxä ga Naäe i Üünexü. Rü nüma ga Ngechuchu rü mexü naxü ga yema íyaxügüxüwa, rü nanameèxëe ga guxüma ga yema duüxügü ga ngoxoäxgüxü. Rü yemaäcü nanaxü yerü Tupana nüxü narüngüxëe.

39 —Rü toma nixí ga nüxü tadaugüxü rü nüxü tixuchigaxü i guxüma ga naxüxü ga Ngechuchu ga Yudéaanewa rü Yerucharéüärü íänewa. Rü yemawena rü nayamëxgü rü curuchawa nayapotagü.

40 —Natürü ga Tupana rü tomaëxpüx ga ngunexü ngupetügu rü wena nanamaxëe rü toxçex nanangoxëe.

41 —Natürü tama guxü ga duüxügüçex nangox. Rü toxçexícátama nangox ga toma ga üpamama Tupana toxü dexe na nüxü tixuxüçex i Ngechuchuchiga. Rü yexguma marü yuwa ínadaxguwena rü namaä tachibüe rü namaä taxaxegü.

42 —Rü nümatama ga Ngechuchu toxü nimugü na duüxügümaä nüxü tixuxüçex na Tupana marü äëxgacüxü yangucuchixëèxü na guxü i duüxügüarü ngugüruü na yíxüçex. Rü nüma ya Ngechuchu nixí i tórü maxüxü nangügüxü, rü nüma tá nixí i guxü i duüxügü i maxëxü rü yuexüxü yacagüxü naxçex i norü maxüchiga.

43 —Rü üpamamatama guxüma ga Tupanaärü orearü uruügü rü Ngechuchuchiga nidexagü, rü ñanagürügü:

“Rü nüma tá nüxü nüxü nangechaü i norü pecadugü i guxüma i duüxügü i nüxü yaxögüxü”,
ñanagürügü.

Tupanaäe i Üünexü rü yema duüxügü ga tama Yudiügü ixígüxütanüwa nangu

44 Rü yexguma íyadexayane ga Pedru, rü Tupanaäe i Üünexü nüxna nangu ga guxüma ga yema yéma íruxínüèxü ga yema ore.

45 Rü yema yaxögüxü ga Yudiügü ga Pedrumaä yéma íxü, rü poraäcü nabaixächiaëgü yerü Tupanaäe i Üünexü rü nüxna rü ta nangu ga yema duüxügü ga tama Yudiügü ixígüxü.

46 Rü nüxü naxínüè ga to ga nagawachigü na yadexagüxü, rü Tupanaxü na yacuèüügüxü.

47 Rü yexguma ga Pedru rü ñanagürü: —ÍÉxna nangëxmaxü i texé na nüxna nachuxuxü i na ínbaiüxü i ñaä duüxügü i marü taxrüü Tupanaäe i Üünexü nüxna ngxüü? —ñanagürü.

48 Rü nanamu na Ngechuchu ya Cristuégagu na ínbaiüxü ga yema duüxügü ga yexwaca yaxögüxü. Rü yexguma Pedruxü nacëèxügü na yexma naxäxüçex ga ñuxre ga ngunexü.

11

Pedru rü Yerucharéŭwa yexmagüxŭ ga yaxôgüxŭlmaã nüxŭl nixu ga tacü na ngupetüxŭl ga Checharéawa

1 Rü yema ngüexŭgü ga Ngechuchu imugüxŭl rü yema yaxôgüxŭl ga Yudeagugüxŭl, rü nüxŭl nacuáchigagü na yema tama Yudiügü ixŭgüxŭl rü ta nayauxgüãxŭl ga Tupanaärü ore.

2 Natürü yexguma Yerucharéŭwa nanguxgu ga Pedru, rü ñuxre ga Yudiügü ga yaxôgüxŭl rü Pedruxŭl nixugüe.

3 Rü ñanagürügü: —¿Rü tŭxcüŭl natanüwa cuxŭ i ngëma tama Yudiügü ixŭgüxŭl, rü namaã cuchibü? —ñanagürügü.

4 Rü Pedru meãma namaã nüxŭl nixu ga guxŭma ga tacü na ngupetüxŭl, rü ñanagürü nüxŭl:

5 —Choma rü Yopearü ñãnewa chayexma, rü yexguma íchayumüxëyane, rü changoxetü. Rü nüxŭl chadau ga wüxi ga naxchápenüŭrŭl ixŭxŭl ga norü ägümücüpëxewa ätŭxŭxŭl ga írŭçhŭxŭexŭl ñuxmata chauxŭtawa ngxŭl.

6 —Rü meãma nüxŭl chadawenü na nüxŭl chadauxŭcëx na tacü yexmaxŭl ga aixepewa. Rü nüxŭl chadau ga naxŭnagü ga ixägümücüparaxŭl rü naëxŭgü ga idüraexŭl, rü äxtapegü rü werigü. Rü yema naxchápenüŭwa nayexma ta ga tacü ga tama ingôxŭ, erü taxcëx i yixema i Yudiügü rü naxãüächi.

7 —Rü nüxŭl chaxŭnŭ ta ga Tupanaga ga choxŭl ñaxŭl:

“¡Inachi! Pa Pedrux. ¡Rü ta imèx, rü nangôx!” ñaxŭl.

8 —Natürü choma chanangãxŭl, rü ñacharügü:

“Taxucürüwa nixŭ, Pa Corix, erü taguma chanangôx i tacü i toxcëx äñachixŭl”, ñacharügü.

9 —Rü yexguma wenaxärü ñanagürü choxŭ ga yema Tupanaga ga daxŭwa inaxŭxŭl:

“Ngëma choma i Tupana chamexëëxŭl, rü tama name i äñächi nüxŭl cuwogu”, ñanagürü.

10 —Rü tomaëxpŭxcüna yemaãcü nangupetü, rü yexguma wenaxärü daxŭ naxŭxŭnagü ga yema naxchápenüŭl namaã ga guxŭma ga nawa yexmagüxŭl.

11 —Rü yexgumatama guma í ga nawa chayexmanewa nangugü ga tomaëxpŭx ga yatügü ga Checharéawa ne mugüxŭl ga chauxcëx daugüxŭl.

12 —Rü Tupanaãe i Üünexŭl choxŭl namu na nawe charŭxŭxŭcëx woo tama Yudiügü na yixŭgüxŭl ga yema duŭxŭgü. Rü chomaã ta yéma naxŭl ga ñãã 6 ga yaxôgüxŭl. Rü napatawa tangugü ga guma yatü ga Cornériu, rü yexma tachocu.

13 —Rü tomaã nüxŭl nixu ga ñuxãcü na napatawa nüxŭl nadauxŭl ga Tupanaärü orearü ngeruŭl ga daxŭcŭãx ga yexma chixŭl ga ñaxŭl nüxŭl:

“¡Yopewa namugü i yatügü na naxcëx yacagüxŭcëx i Chimáü i Pedrugu ägaxŭl!

14 —Rü nüma tá cumaã nüxŭl nixu na ñuxãcü tá cuma rü guxŭl i cutagagüxŭlmaã penayaxuxŭl i perü maxŭl i taguma güxŭl”, ñanagürü nüxŭl.

15 —Rü yexguma ichanaxügügu ga na chidexaxŭl, rü nüxna nangu ga Tupanaãe i Üünexŭl, yexgumarüŭl ga noxri tŭxna nanguxgurüŭl.

16 —Rü yexguma ga choma rü nüxna chacuëxächi ga Cori ya Ngechucharü ore ga yexguma ñaxgu:

“Rü aixcüma nixŭl ga Cuáŭl ga dexáwamare ínabaiŭxëëãxŭl, natürü i pema rü Tupanaãe i Üünexŭl tá pexna nangu”, ñaxgu.

17 —Rü pema nüxŭ pecuèx na ñuxăcŭ Tupana tŭxna nanguxêèxŭ ga Naăè i Ūñexŭ i yixema na Cori ya Ngechuchu ya Cristuaxŭ yaxôgŭxŭ. Rü ñuxma na taxrŭŭ Tupana yema duŭxŭgŭna nanguxêèxŭ ga Naăè i Ūñexŭ, çrŭ ñuxŭcŭrŭwa i choma i nüxŭ chaxoxŭ na naga chaxŭñŭxŭ ya Tupana? —ñanagŭrŭ ga Pedru.

18 Rü yexguma yema orexŭ naxŭñŭègu ga yema yaxôgŭxŭ ga Yerucharéŭcŭăx, rŭ nachianegŭmare. Rü Tupanaxŭ nicuèxŭŭgŭ. Rü ñanagŭrŭgŭ: —Rŭ ngêmawa nüxŭ tacuèx na Tupana tŭxŭ dexŭ ya yixema woo tama Yudŭgŭ ixŭgŭxe. Rü ngêxguma nüxŭ tarŭxoegu i tŭmaârŭ chixexŭ rŭ Tupanacèx tadaugŭgu, rŭ nŭma tŭxna nanaxă i maxŭ i taguma gŭxŭ —ñanagŭrŭgŭ.

Yaxôgŭxŭ ga Aŭtioquíawa yexmagŭxŭchiga

19 Rü yexguma Etébaŭxŭ yamèxgŭguwena, rŭ norŭ uwanŭgŭ poraăcŭ nawe ningêxŭtanŭ ga yema yaxôgŭxŭ. Rü yemacèx nŭgŭ nawoone. Rü Penŭchiawa, rŭ Chiprewa rŭ Aŭtioquíawa nabuxmŭ. Rü yéma nüxŭ nixugŭe ga ore ga mexŭ ga Ngechuchuchiga. Natŭrŭ Yudŭgŭmaăxŭcatama nüxŭ nixugŭe ga yema ore rŭ tama ga togŭmaă.

20 Natŭrŭ yéma Aŭtioquíawa nangugŭ ta ga ñuxre ga togŭ ga yaxôgŭxŭ ga Chŭperecŭăx, rŭ Chireneçŭăx. Rü nŭmagŭ rŭ yema tama Yudŭgŭ ixŭgŭxŭmaă rŭ ta nüxŭ nixugŭe ga ore i mexŭ i Cori ya Ngechuchuchiga.

21 Rü Tupana nüxŭ narŭngŭxêè, rŭ nanaporaexêè. Rü yemacèx muxŭlma ga yema duŭxŭgŭ rŭ nüxŭ narŭxoe ga nuxcŭmaŭxŭ ga nacŭmagŭ, rŭ Cori ya Ngechuchuaxŭ nayaxôgŭ.

22 Rü yexguma yemaxŭ nacuáchigagŭgu ga yema yaxôgŭxŭ ga Yerucharéŭwa yexmagŭxŭ, rŭ Aŭtioquíawa nanamugŭ ga Bernabé.

23 Rü yexguma yéma nanguxgu ga Bernabé, rŭ nüxŭ nadau ga ñuxăcŭ Tupana nüxŭ na rŭngŭxêèxŭ ga yema yaxôgŭxŭ ga Aŭtioquíacŭăx, rŭ poraăcŭ namaă nataăè. Rü nayaxucŭxêgŭ ga guxŭma na meăma Cori ya Ngechuchuwe naxŭămaxŭcèx, rŭ taguma nüxŭ naxoexŭcèx.

24 Yerŭ nŭma ga Bernabé rŭ wŭxi ga yatŭ ga mecŭ nixŭ. Rü aixcŭma Tupanaăè i Ūñexŭ rŭ nawa nayexma, rŭ napora ga norŭ ôwa. Rü yemacèx muxŭchixŭma ga duŭxŭgŭ rŭ Cori ya Ngechuchucèx naxŭ rŭ nüxŭ nayaxôgŭ.

25 Rü yemawena ga Bernabé rŭ Tarsuwa naxŭ na Chaurucèx yadauxŭcèx.

26 Rü yexguma nüxŭ iyangauxgu, rŭ Aŭtioquíawa nanaga. Rü wŭxi ga taunecŭ wŭxiwa yéma nayexmagŭ namaă ga yema yaxôgŭxŭ. Rü nanangŭxêè ga muxŭchixŭma ga duŭxŭgŭ. Rü Aŭtioquíawa nixŭ ga inaxŭgŭxŭ ga duŭxŭgŭ na Cristutanŭxŭmaă na naxugŭăxŭ ga yema yaxôgŭxŭ.

27 Rü yexgumaŭcŭŭ Yerucharéŭwa ne naxŭ ga ñuxre ga Tupanaârŭ orearŭ uruŭgŭ rŭ Aŭtioquíawa naxŭ.

28 Rü natanŭwa nayexma ga wŭxi ga orearŭ uruŭ ga Agabu ga naega. Rü nanangutaquèxexêè ga yema yaxôgŭxŭ ga Aŭtioquíawa yexmagŭxŭ. Rü yema ngutaquèxewa rŭ inachi ga Agabu rŭ Tupanaăè i Ūñexŭ nanamu ga na yadexaxŭ, rŭ ñanagŭrŭ: —Wŭxi i taiya i taxŭ tá ínangu i guxŭ i ñaă nachŭñŭnewa —ñanagŭrŭ. Rü aixcŭma ínangu ga yema taiya ga yexguma Căudiŭ âèxgacŭ ixŭxgu.

29 Rü yexguma ga yema yaxôgŭxŭ ga Aŭtioquíawa yexmagŭxŭ, rŭ marŭ wŭxigu nagu narŭxŭñŭe na yéma ngŭxŭ namugŭxŭcèx ga dŭeru na nüxŭ

nangŭxēēgŭxŭcèx ga yema yaxōgŭxŭđ ga Yudéaanegu āchiŭđgŭxŭđ. Rŭ wŭxichigŭ ngŭxŭ inaxā ga dŭēru yexgumarŭđ ga ñuxre ga nŭxŭ yexmacŭ.

³⁰ Rŭ yemaācŭ nanaxŭgŭ, rŭ Bernabé rŭ Chaurumaā yéma ngŭxŭ namugŭ ga yema dŭēru naxcèx ga yema yaxōgŭxŭđrŭ āēxgacŭgŭ ga Yudéaanewa yexmagŭxŭ.

12

Āēxgacŭ ga Erode rŭ Chaŭtiāguxŭ nimèx rŭ Pedruxŭ napoxcu

¹ Rŭ yexgumaŭcŭ inanaxŭgŭ ga āēxgacŭ ga Erode ga na inayauxŭđxŭ ga ñuxre ga yaxōgŭxŭđ ga Yerucharéŭđŭāx na napoxcuexŭcèx.

² Rŭ norŭ churaragŭxŭ namu na taramaā Chaŭtiāgu ga Cuáŭēneèxŭ yamèxgŭxŭcèx.

³ Rŭ yexguma nŭxŭ nadèuxgu ga Erode ga norŭ me na yŭxŭđ ga Yudiŭgu ga yema na naxŭxŭđ, rŭ norŭ churaragŭxŭ namu na Pedruxŭ rŭ ta yayauxgŭxŭcèx. Rŭ yema nangupetŭ ga Yudiŭgiarŭ peta ga Ūpetŭchigagu ga yexguma pāu ga ngearŭ puxēerŭđxŭ nangōxgŭgu.

⁴ Rŭ yexguma Pedruxŭ yayauxgŭgu, rŭ poxcupataŭgu nayatèxcuchi. Rŭ ñuxŭchi ga Erode rŭ nanamu ga āgŭmŭcŭtŭcumŭ ga norŭ churaragŭ na nŭxna nadaugŭxŭcèx. Rŭ wŭxitŭcumŭwachigŭ rŭ nayexma ga āgŭmŭcŭ ga churaragŭ. Rŭ yemaācŭ nanaxŭ ga Erode, yerŭ nagu narŭxŭnŭ ga yema petawena guxŭ ga duŭxŭgŭpèxewa na nagaāxŭcèx na yamèxgŭāxŭcèx.

⁵ Rŭ yemaācŭ ga Pedru rŭ poxcupataŭwa nayexma rŭ churaragŭ rŭ meāma nŭxna nadaugŭ. Natŭrŭ ga yema yaxōgŭxŭđ ga Yerucharéŭđŭāx rŭ poraācŭ nayumŭxègŭ, rŭ Tupanana naxcèx nacagŭ.

Tupana rŭ Pedruxŭ ínanguxuchixèē ga poxcupataŭwa

⁶ Rŭ yematama ga chŭtaxŭgu naxŭpa ga yema ngunexŭ ga Erode duŭxŭgŭpèxewa nagaxchaŭxŭ, rŭ taxre ga churaragŭiarŭ ngāxŭwa nape ga Pedru. Rŭ taxre ga cadenamaā ninèixgŭchacŭđ. Rŭ togŭ ga churaragŭ ga dauxŭtaexŭ nŭxna nadaugŭ ga poxcupataŭrŭ íāx.

⁷ Rŭ ngŭrŭāchi yema poxcupataŭwa nangox ga wŭxi ga orearŭ ngeruŭ ga daxŭcŭđāx ga Coriarŭ. Rŭ poraācŭ nangóone ga guma poxcupataŭwa. Rŭ yema orearŭ ngeruŭ Pedruxŭ nacŭxagŭ, rŭ nanaŭhaixāchixèē. Rŭ ñanagŭrŭ: —¡Paxama Írŭda! —ñanagŭrŭ. Rŭ yexgumatama íniwègŭ ga guma cadena ga Pedru namaā inèixgŭchacŭđcŭ.

⁸ Rŭ Pedruxŭ ñanagŭrŭ ga yema orearŭ ngeruŭ: —¡Rŭ icŭxcuchichiru rŭ nacuaixcu i curŭ chapatu! —ñanagŭrŭ. Rŭ yemaācŭ nanaxŭ ga Pedru. Rŭ ñanagŭrŭ ta: —¡Rŭ icŭxcuchi i curŭ gāuxŭchiru, rŭ chowe rŭxŭ! —ñanagŭrŭ.

⁹ Rŭ nawe narŭxŭ ga Pedru. Rŭ tama nŭxŭ nacŭèx ga aixcŭma na yŭxŭđ ga yema orearŭ ngeruŭ namaā ŭxŭđ. Rŭ naxcèx rŭ nangoxetŭmare.

¹⁰ Rŭ nŭxŭ nachopetŭ ga nŭxŭraŭxŭđ ga dauxŭtaexŭđ, rŭ ñuxŭchi ga yema to ga dauxŭtaexŭđ. Rŭ yexguma nawa nangugŭga ga yema íāx ga áchumenèxānaxcèx ga ítamŭwaama ŭxŭđ, rŭ nüèchama niwāxna. Rŭ ínachoxŭđ. Rŭ yexguma marŭ wŭxi ga ítamŭ inaxŭxgu, rŭ nŭxna inayarŭtaxu ga yema orearŭ ngeruŭ.

¹¹ Rŭ yexguma nŭxŭ nicuèxāchi ga Pedru, rŭ nügŭmaā ñanagŭrŭ: —Ñuxma waxi i nŭxŭ chacuáxŭ na aixcŭma Cori ya Tupana núma namuxŭđ i norŭ orearŭ ngeruŭ na Erodemèxèwa choxŭ napuxŭđ, rŭ nawa choxŭđ ínanguxuchixèèxŭđ i guxŭma i ngèma chomaā naxŭgŭchaŭxŭđ i ngèma Yudiŭguđ i tama yaxōgŭxŭđ —ñanagŭrŭ.

12 Rū yexguma yemaxū yacuèxāchigu ga Pedru, rū ngīpatawa naxū ga wūxi ga ngecū ga Mariagu āegacū. Rū ngīma iyixī ga Cuáū Marcu naē. Rū yéma nangutaquēxegū ga muxūma ga duūxūgū ga yéma yumūxēgūxū.

13 Rū īāxtūarū poxeguxūārū īāxwa, rū: –Tu tu tu –ñanagūrū ga Pedru. Rū wūxi ga pacū ga Rode ga ngīēga īiyadau.

14 Rū yexguma nagawa nūxū nacuèxgu ga na Pedru yīxū, rū ngīrū taāēmaā rū īiyañamare na nūxū yanaxuxū ga na Pedru yīxū ga īāxtūarū īāxgu chīcū. Rū tama iyawāxna ga īāx.

15 Rū yema yexmagūxū rū: –Cungēāēmare –ñanagūrūgū ngīxū. Natūrū ngīma rū: –Aixcūma nixī –ngīgūrūgū. Rū yexguma ñanagūrūgū: –Maneca tama nūma nixī. Rū norū dauruū i daxūcūāxmare nixī –ñanagūrūgū.

16 Natūrū ga Pedru rū yoxni īāxwa: –Tu tu tu –ñanagūrūama. Rū yexguma naxcē x yawāxnaāgu rū nūxū nadaugūgu ga Pedru na yīxū, rū nabaixāchiāēgū.

17 Natūrū nūma naxunagūmēxē, rū naxmēxmaā nayanachianexēēgū. Rū namaā nūxū nixu na ñuxācū Cori īnanguxuchixēēxū ga poxcupataūwa. Rū ñanagūrū ta: –īChaūtiāgumaā rū ngēma togū i yaxōgūxūmaā nūxū pixu i ngēma ore! –ñanagūrū. Rū yexguma inaxūāchi, rū toxnamana naxū.

18 Rū yexguma yangunegu, rū yema churaragū ga poxcupataūwa dauxūtaegūxū rū poraēxī nanaxixāchiāēgū yerū tama nūxū nacuèxgū ga ĩacu na ngupetūxū namaā ga Pedru.

19 Rū yemacēx ga Erode rū yema churaragūxū namu na Pedrucēx yadaugūxūcēx. Rū yexguma taxuxūma iyangaugūgu, rū Erode rū yema churaragūgutama nananguxēē na nayuxūcēx. Rū yemawena ga Erode rū inaxūxū ga Yudēaanewa, rū Checharēagu nayaxāchiū.

Nayu ga Erode

20 Rū Erode rū namaā nanu ga Tirucūāxgū rū Chi-dāūcūāxgū. Natūrū ga yema Tirucūāxgū rū Chidāūcūāxgū rū naxcēx nadaugū na ñuxācū Erodexū nangūxmūxēēgūxū, yerū Erodexūānēwa nixī ga nayauxgūāxū ga nabū. Rū yemacēx wūxi ga Erodearū duūxū ga āēxgacū ga Batumaā naxāmūcūgū na nūxū nangūxēēxūcēx na Erodemaā yadexagūxūcēx.

21 Rū Erode rū namaā inaxuneta ga wūxi ga ngunexū na namaā yadexaxūcēx. Rū yexguma yema ngunexū ga nugu inaxunetaxūwa nanguxgu, rū yema Tirucūāx rū Chidāūcūāx rū Erodexūtawa nangugū. Rū nicūxcuchi ga Erode ga norū āēxgacūchiru, rū norū tochicaxūwa narūto, rū duūxūgūmaā nūxū nixu ga norū ore.

22 Rū yexguma ga guxūma ga yema duūxūgū rū tagaācū ñanagūrūgū: –Ñāā āēxgacū rū tama duūxūārū dexarūū nixī i norū dexa, natūrū ñoma Tupanaārū dexarūū nixī –ñanagūrūgū.

23 Rū Erode rū yema duūxūgūārū oremaā nataāē, rū tama Tupanaxū nicuēxūchaū ga ñuxācū Tupana nūxū narūngūxēēxū. Rū yemacēx wūxi ga Tupanaārū orearū ngerūū ga daxūcūāx rū yexgumatama Erodexū nīdaawexēē. Rū ōxmigū nanangōx, rū yemamaā nayu.

24 Natūrū yema yaxōgūxū rū yexeraācū guxūwama nūxū nixugūe ga Cori ga Tupanaārū ore. Rū muxūchixū ga duūxūgū nūxū nayaxōgū.

25 Rū yexguma marū yanguxēēāgu ga norū puracū ga Chauru rū Bernabē, rū īnaxoxū ga Yerucharēūwa, rū wenaxārū Aūtioquiacēx nawoegu. Rū nayagagū ga Cuáū Marcu.

13

Bernabé rü Chauru rü inanaxügüe ga to ga nachiiãnewa na nangegüãxü ga Tupanaãrü ore

¹ Rü yema yaxōgüxü ga Aũtioquáwa yexmagüxütanüwa rü nayexma ga ñuxre ga yatügü ga Tupanaãrü orearü uruügu, rü ñuxre ga yatügü ga Tupanaãrü orewa ngxēētaegüxü. Rü yematanüwa nayexma ga Bernabé, rü Chimáü ga Waxwegu äegaxü, rü Dúchiu ga Chirenecüãx, rü Manaë ga wüxigu äëxgacü ga Erodemaã yaexü, rü Chauru.

² Rü wüxi ga yexguma Coricëx ínangutaquëxegügu rü tama nachibüeácüma ínayumüxëgüguyane, rü Tupanaãe i Üünexü rü ñanagürü nüxü: —¡Choxna penamugü i Chauru rü Bernabé na naxügüãxütcëx i ngëma puracü i choma nawa chanamugüchaüxü! —ñanagürü.

³ Rü yexguma nüxü nachauegu ga tama nachibüeácüma na nayumüxëgüxü, rü Chauru rü Bernabéëtügu naxümëxgü ga yema yaxōgüxü, rü ñuxüchi inanamuächitanü na naxügüãxütcëx ga Tupanaãrü puracü.

Chiprewa naxi ga Bernabé rü Chauru

⁴⁻⁵ Rü Tupanaãe i Üünexü rü inanamuächitanü ga Bernabé rü Chauru. Rü ñane ga Cheúchiawa naxi, rü gumaãrü türewa inaxiãchi, rü capaxü ga Chiprewa naxi. Rü Cuátü Marcu nawe narüxü na nüxü nangüxëëxütcëx. Rü yexguma Charamína ga ñaneãrü türewa nangugügu, rü inanaxügüe ga nüxü na yaxugüxü ga Tupanaãrü ore ga Yudíugüarü ngutaquëxepataüguwa.

⁶ Rü guxügu nixiãgütanü ga yema capaxüwa ñuxmata Papu ga ñanewa nangugü. Rü yéma namaã inayarüxi ga wüxi ga Yudíu ga yuüxü ga Barechúgu äegaxü. Rü nüma rü wüxi ga idoratëxáxü nixi yerü nügü yaxuxgu rü aixcüma Tupanaãrü orearü uruü nixi.

⁷ Rü nayexma ga yema capaxüãrü äëxgacü ga Chérquiü Paurugu äegaxü. Rü nüma nixi ga wüxi ga yatü ga meã naãëxü cuácü. Rü yema yuüxü rü guma äëxgacüarü ngüxëerü nixi. Rü nüma ga äëxgacü rü norü duüxügüxü namu na Chauru rü Bernabécëx yacagüxütcëx, yerü nüxü naxinüchaü ga Tupanaãrü ore.

⁸ Natürü yema yuüxü ga Griégugawa Erimínugu äegaxü, rü Chauru rü Bernabéna nayanuxü na Tupanaãrü orexü yaxugüxü. Yerü tama nanaxwëxe na yaxōxü ga guma äëxgacü.

⁹⁻¹⁰ Natürü ga Chauru ga Paurugu ta äegaxü, rü aixcüma Tupanaãe i Üünexü nawa nayexma. Rü nüma ga Pauru rü meãma nüxü nadawenü ga yema yuüxü, rü ñanagürü nüxü: —Pa Idoratëxáxü Pa ngoxo Nanex, cuma rü chixëxüicatama cuxüxchaü, rü naxchi cuxai i guxüma i mexü. ¿Ñuxgura tá ta i nüxü curüxoxü na ícyatōxëëxü i Cori ya Tupanaãrü ore i aixcüma íxixü?

¹¹ —Ñuxmatátama cuxü napoxcu ya Cori ya Tupana. Rü tá cungexetü, rü ñuxre i ngunexügu rü tãütama nüxü cudau ya üëxcü —ñanagürü. Rü yexgumatama naxcëx naxëãnëxüchi ga yema yuüxü, rü naxmëxmaã nadaugü na texé naxmëxgu yayauxächixütcëx rü namaã ítixüxütcëx.

¹² Rü yexguma yemaxü nadëuxgu ga yema capaxüãrü äëxgacü rü nayaxō ga Tupanaãrü ore, yerü namaã nabaixächiãe ga yema Pauru rü Bernabé nüxü ngxëëxü ga Cori ya Tupanachiga.

Pauru rü Bernabé rü Pichidiaanewa yexmane ga ñane ga Aũtioquáwa nangü

13 Rū Papuwa inaxīāchi ga Pauru namūcūgūmaā rū nixāū ga taxtū ga taxūwa. Rū Pérupe ga īānēwa nangugū ga Paūpīriaanēwa. Natūrū yēma nūxna naxo ga Cuáū Marcu, rū Yerucharéūcēx nataegu.

14 Rū Pérupewa inaxīāchi ga Pauru rū Bernabé rū īāne ga Aūtioquíawa nangugū ga Pichídiaanēwa. Rū yēma rū ngūxchigaarū ngunexūgu rū Yudiūgūarū ngutaquēxepataūgu nachocu, rū yēma narūtogū natanūwa ga yema ingutaquēxegūxū.

15 Rū yema ngutaquēxewa rū nūxū nadaumatūgū ga Tupanaārū mugū ga Moīché ūmatūxū rū yema ore ga Tupanaārū orearū uruūgū ūmatūxū. Rū yemawena, rū guma ngutaquēxepataūārū āēxgacūgū, rū Bernabé rū Pauruna nacagū, rū űanagūrūgū: —Pa Toeneēgūx, ngēxguma pexū nangēxmagu i perū ore i taāēxēruū i toxcēx rū marū name i űuxma tomaā nūxū pixu — űanagūrūgū.

16 Rū yexguma inachi ga Pauru, rū naxunagūmēxē na iyanachianexūcēx ga duūxūgū. Rū yexguma duūxūgūmaā nidexa, rū űanagūrū: —Pa Duūxūgū Pa Chautanūxūgūx rū Guxāma i Pema i To i Nachiūānecūāx Ixīgūxex ya Tupanaxū Ngechaūgūxe, rū jiperūxīnūē!

17 —Yima tōrū Tupana i yixema i Yudiūgū, rū tūxū nade ga nuxcūmaūgūxe ga tōrū ōxigū na tūxū nangūxēxūcēx. Rū poraācū tūxū nimuxēē ga yexguma woo to ga nachiūāne ga Equituanēwa tayexmagūgu. Rū yemaācū wūxi ga taxū ga nachiūāne tūxū nixīgūxēē. Rū űuxūchi yemawena, rū norū poramaā tūxū inagaxū ga yema naānēwa.

18 —Rū dauxchitawa ga ngextā taxúema īxāpataxūwa tūxū nagagū. Rū yēma 40 ga taunecū Tupana yaxna tūmamaā naxīnū ga guxema tōrū ōxigū.

19 —Rū Tupana nanadai ga yema 7 ga āēxgacūgū ga Canaāānecūāxgū guxūma ga norū duūxūgūmaāchigū. Rū yemaācū nanaxū na tōrū ōxigūna naxāāxūcēx ga yema naāne na tūmaārūgūxūchi yīxūcēx.

20 —Rū 450 ga taunecū rū yemaācū tūxū narūngūxēē. Rū yemawena rū tūxna nanamu ga togū ga āēxgacūgū ga dauruūgū űuxmata Tupanaārū orearū uruū ga Chamuē ingucuchūx.

21 —Rū yexguma ga duūxūgū rū Tupanana naxcēx nacagū ga wūxi ga āēxgacū ga rei na namaā inacuāxūcēx. Rū Tupana rū nūxna nanamu ga Chau ga Chiche nane ga Beyamītaa ixīcū. Rū nūma nūxna nadau ga duūxūgū ga 40 ga taunecūgu.

22 Rū yemawena ga Tupana rū Inanatēxūchi ga Chau, rū Dabíxū naxuneta na guma norū āēxgacū yīxūcēx. Rū Dabíxū nixuchiga ga Tupana, rū űanagūrū:

“Nūxū chadau rū Dabí ya Ichaí nane rū wūxi ya yatū ya poraācū choxū ngūchaūcū nixī. Rū nūma tá nanaxū i guxūma i ngēma choma chanaxwēxexū”, űanagūrū ga Tupana.

23 Rū nuxcūma ga Tupana rū marū inaxuneta rū wūxi i Dabítaa tá nixī i Cristu ixīxū, rū tá nanamaxēxēē i Yudiūgū. Rū Ngechuchu nixī ga guma maxēxēruū ga tōrū ōxigūmaā nūxū yaxucū ga Tupana.

24 Natūrū naxūpa ga Ngechuchu na Ingūxū, rū Cuáū ga baiūxēēruū rū guxūma ga Yudiūgūmaā nūxū nixuchiga ga ore i mexū rū űanagūrū:

“Rū name nixī i nūxū perūxoe i pecūma i chixexū, rū Tupanacēx pedagū, rū Ípebaiū”, űanagūrū.

25 Rū yexguma marū yangaicaxgu ga tá na nayuxū ga Cuáū, rū űanagūrū:

“Rū tama choma nixī i ngēma pema nagu perūxīnūēxū i Cristu chiīxū. Natūrū chowema ne naxū i nūma ya aixcūma Cristu ixīcū. Rū choma rū napēxewa taxuwama chame, rū bai i norū chatatucunūārū wēgūwaxūra chame erū nūma rū wūxi i āēxgacū i tacūxūchima nixī”, ñanagūrū ga Cuāū.

26 Rū ñanagūrū ga Pauru, —Pa Chautanūxūgū i Abrāūtaagūx, rū Guxāma i Pema i To i Nachiūñānecūāx i Tupanaxū Ngechatūgūxex, rū pexcēx nixī i ñāā ore i tūxū maxēxēēxū.

27 —Rū aixcūma yema Yerucharēūcūāxgū ga duūxūgū rū yema norū āēxgacūgū rū tama nūxū nacūēxgū ga Tupana Nane na yīxū ga Ngechuchu. Rū tama meā nūxū nacūēxgū ga tacūchiga na yīxū ga yema ore ga nuxcūmaūgūxū ga Tupanaārū orearū uruūgū ūmatūxū i ñūxma perū ngutaquēxepataūwa nūxū pedaumatūgūxū i wūxichigū i ngūxchigaarū ngunexūgu. Rū yemaācū nūmagūtama ga yema duūxūgū ga Ngechuchuxū imēxgūxū rū yexguma yamēxgūāgu rū nayanguxēē ga yema ore ga nuxcūma ūmatūxū.

28 —Rū woo taxuūma ga tacū ga chixexū nawa inayangaugū na nayuxēēāxūcēx, natūrū Piratuna naxcēx nacagū na yamāāxūcēx.

29 —Rū ningu ga guxūma ga yema ore ga Tupanaārū orearū uruūgū ūmatūxū ga Ngechuchuchiga ga ñuxācū tá na nayuxū. Rū yemawena rū nanayauxgū ga naxūne ga curuchawa, rū wūxi ga naxmaxūgu nayanaxūcuchigū.

30 —Natūrū ga Tupana rū wena nanamaxēē ga woo marū na nayuxū.

31 —Rū nūma ga Ngechuchu rū muxūma ga ngunexū naxcēx nangox ga yema duūxūgū ga nawe rūxīxū ga yexguma Garirēaanewa ne naxūxgu rū Yerucharēūwa naxūxgu. Rū ngēma duūxūgū nixī i ñūxma i guxū i duūxūgūmaā nūxū ixugūxū i nachiga.

32-33 Rū ngēmaācū i toma rū nūma tangugū na pemaā nūxū tixuxūcēx i ngēma ore i aixcūma mexū. Rū dūcax, rū yema uneta ga nuxcūmaūgūxū ga tōrū oxigūmaā nūxū yaxuxū ga Tupana, rū taxcēx nayanguxēē ga yexguma Ngechuchuxū wena namaxēēgu. Rū wiyægūpanewa i norū taxre i capíturuwa rū ngēmachiga nūxū nixu i ngēxguma:

“Cuma nixī i Chaune, rū choma nixī i Cunatū chiīxū”, ñaxgu.

34 —Rū Tupana rū nuxcūma rū marū nūxū nixu ga wena tá na namaxēēāxū ga Ngechuchu na tama yayixixūcēx ga naxūne. Rū norū orewa rū ñanagūrū:

“Rū choma tá pexcēx chayanguxēē ga yema unetagū i ūūnegūxū i aixcūma ixīgūxū ga nuxcūma Dabímaā nūxū chixuxū”, ñanagūrū.

35 —Rū ngēmacēx toxnamana i Tupanaārū orewa rū ñanagūrū ta:

“Tama cunaxwēxe na yayixixū i naxūne ya Cune ya ūūnecū,” ñanagūrū.

36 —Rū yexguma namaūxgu ga Dabí, rū nūxū narūngūxēē ga norū duūxūgū, yexgumarūū ga ñuxācū Tupana namuxū. Natūrū ñūxūchi nayu, rū nanatū rū naēxūtagu natēx ga naxūne, rū niyixi.

37 —Natūrū guma Tupana wena namaxēēcū ga Ngechuchu rū tama niyixi ga naxūne.

38 —Rū ñūxmax, Pa Chaueneēgūx, rū chanaxwēxe i nūxū pecuēx rū yimatama Ngechuchugagu Tupana tūxū nūxū nangechaū i tōrū pecadugū ngēxgumarūū i pemaā nūxū tixuxūrūū.

39 —Rū ñuxma ya guxāma ya yixema nuxū yaxōgūxe, rū Ngechuchugagu Tupana tūxū nuxū nangechaū i guxūma ga yema pecadugū ga noxri taxucūrūwa tūxū nuxū nangechaūxū ga yexguma nagu taxixgu ga yema mugu ga Moīché ūmatūxū.

40 —Rū pexuāēgū na tama pegu nanguxūcēx i ngēma poxcu i Tupanaārū orearū uruūgū nuxū ixuchigaxū ga yexguma ñagūgu:

41 “Rū dūcax, Pa Duūxūgū i Tupanaārū Orexū Cugūexūx, rū tá peḃaixāchie rū tá peyue erū pema pemaxēyane rū tá chanaxū i tacū i taxū. Rū pema rū tāitāma peyaxōgū i woo texé pemaā nuxū ixuxgu”, ñanagūrū. Rū yexma nayacuēxēē ga Pauru ga norū ore.

42 Rū yexguma guma ngutaquēxepataūwa ínachoxūgu ga Pauru rū namūcūgū, rū yema duūxūgū ga tama Yudiūgū ixīgūxū rū nuxū nacēēxūgū na to ga ngūxchigaarū ngunexūgu rū wenaxārū yematama orexū namaā yaxuxūcēx.

43 Rū yexguma marū nuxū nachauegu ga na nangutaquēxegūxū, rū Pauru rū Bernabéwe narūxī ga muxūma ga Yudiūgū rū muxūma ga togū ga duūxūgū ga tama Yudiūgū ixīgūxū natūrū Yudiūgūrūxū yaxōgūxū. Rū Pauru rū Bernabé rū namaā nidexagū rū nayaxucūxēgū na guxūguma nagu naxīnūēchaxūcēx ga ñuxācū Tupana nuxū ngechaūācūma na nadexū.

44 Rū yema to ga ngūxchigaarū ngunexūgu, rū wixgutaēx guxūma ga yema ñānecūāx nangutaquēxegū na inaxīnūēxūcēx ga Tupanaārū ore.

45 Natūrū nayexma ga ñuxre ga Yudiūgū ga tama ngutaquēxegu chocuxū. Rū yexguma nuxū nadaugūgu ga na namuxūchixū ga duūxūgū ga Paurucēx ngutaquēxegūxū rū poraācū nixāūxāchie. Rū inanaxūgūe ga na Pauruxū nachoxūgagūxū rū namaā nguxchigagūxū.

46 Natūrū ga Pauru rū Bernabé rū tama namuēācūma yema Yudiūgūxū nangāxūgū, rū ñanagūrūgū: —Tupana nanaxwēxe na pemaāxīra nuxū tixuxū i norū ore. Natūrū ñuxma na nuxū pexoexū i ngēma ore rū tama na penayauxgūchaūxū i maxū i taguma gūxū, rū ngēmacēx i ñuxmax i toma rū tá ngēma tama Yudiūgū ixīgūxūtanūwa taxī.

47 —Yerū yemaācū toxū namu ga Cori, rū ñanagūrū:

“Duūxūgū i tama Yudiūgū ixīgūxūārū ngōonexēēruū marū cuxū chixīxēē, na guxūwama i ñoma i naānewa cunangexūcēx i chorū ore i maxēxēēruū”, ñanagūrū.

48 Rū yexguma yema orexū naxīnūēgu ga yema duūxūgū ga tama Yudiūgū ixīgūxū, rū nataāēgū rū ñanagūrūgū: —Rū namexēchi nixī i ñāā Cori ya Tupanaārū ore —ñanagūrūgū. Rū nayaxōgū ga guxūma ga yema duūxūgū ga Tupana marū nuxū unetaxū na nayauxgūāxūcēx i maxū i taguma gūxū.

49 Rū yemaācū guxūwama ga yema naānewa nanguchigū ga Cori ya Tupanaārū ore.

50 Natūrū yema Yudiūgū ga tama Ngechuchuxūxū yaxōgūchaūxū, rū chixexūmaā nayauxcūxēgū ga ñuxre ga ngexūgū ga mexūgū ga Tupanaxū ngechaūgūxū rū guma ñānēārū āēxgacūgū na Pauru rū Bernabéxū ñawoxūxūcēx. Rū yemacēx ñanawoxū ga yema naānewa.

51 Rū yexguma ga Pauru rū Bernabé rū inapagūcutū ga norū ūxaxūcutū na yemawa nuxū yacuēxāchitanūxūcēx ga norū chixexū ga yema ñānecūāxgū ga duūxūgū. Rū ñuxūchi ga Pauru rū Bernabé rū ñāne ga Icūniūwa naxī.

52 Natürü yema yaxōgūxū ga guma ñāne ga nawa ñachoxūnewa yexmagūxū rü poraācū Tupanamaā nataāēgū, rü Naāē i Ūünexū rü aixcūma nawa nayexma.

14

Pauru rü Bernabé rü ñāne ga Ićúniūwa nayexmagū

1 Rū Ićúniūwa rü wūxigu Yudiūgūarū ngutaquēxepataūgu nachocu ga Pauru rü Bernabé. Rū meāma nūxū nixuchiga ga Tupanaārū ore rü yemaācū nayaxōgū ga muxūma ga duūxūgū ga Yudiūgū rü yema tama Yudiūgū ixīgūxū rü ta.

2 Natürü yema Yudiūgū ga tama Ngechuchuaxū yaxōgūxū, rü chixexūmaā nayaxucūxēgū ga yema tama Yudiūgū ixīgūxū na yema yaxōgūxūchi naxaie xūcēx.

3 Rū yemacēx muxūma ga ngunexū yexma narūcho ga Pauru rü Bernabé, rü tama namuñēācūma nūxū nixuchiga ga Cori ya Tupanaārū ore. Rū yema duūxūgūmaā nūxū nixu na ñuxācū Tupana poraācū tūxū nangechaūxū. Rū nūma ga Cori rü yema duūxūgūxū nūxū nadauxēē na namaā nataāēxū ga yema ore. Rū yemacēx Pauru rü Bernabéxū narūngūxēē na inawēxgūāxūcēx ga cuēxruūgū rü na naxūgūāxūcēx ga mexūgū ga Tupanaārū poramaā naxūgūxū.

4 Natürü ga guma ñāncēñāx ga duūxūgū rü nitoye. Rū nūmaxū rü yema Yudiūgūwaama naxūgū rü togū rü Pauru rü Bernabéwaama naxūgū.

5 Rū yexguma ga yema Yudiūgū, rü yema duūxūgū ga tama Yudiūgū ixīgūxū, rü guma ñāneārū āēxgacūgūmaā wūxigu nagu narūxīnūē na Pauruxū rü Bernabéxū yayauxgūxū na nutamaā ñamuxūchigūāxūcēx.

6-7 Natürü yexguma nūxū nacuāchigagūgu ga Pauru rü Bernabé, rü nibuxmū. Rū Dicóniūñewa yexmane ga ñānegū ga Listra rü Derbewa naxī. Rū guma ñānegūwa rü guxūma ga yema naānewa ipeagūxū ga duūxūgūmaā rü ta nūxū nixuchigagū ga ore i mexū.

Nutagūmaā Pauruxū ñamuxūchigū ga Listrawa

8-9 Rū yéma Listrawa nayexma ga wūxi ga yatū ga ñapogūcutūxū norū bucūmatama. Rū yéma narūto rü inarūxīnū ga yema Pauru nūxū ixuxū ga ore. Rū Pauru rü meāma nūxū nadawenū, rü nūxū nadau ga na nūxū nayexmaxū ga norū ō na naxcēx yataanexūcēx.

10 Rū yexguma ga Pauru rü tagaācū ñānagūrū nūxū: —ñinachi, rü meāma ñāngacutū! —ñānagūrū. Rū yexguma inayuxnagū ga guma yatū, rü ñānaxūgū ga na iyaxūxū.

11 Rū yexguma yema muxūma ga duūxūgū nūxū daugūgu ga yema na naxūxū ga Pauru, rü tagaācū yema Dicóniūgawa nidexagū, rü ñānagūrūgū: —Tupānagū i naduūxūgūraūxū ñānarūxīgū, rü tatanūwa nangugū —ñānagūrūgū.

12 Rū Bernabé rü tupana ga Chéumaā nanaxūégagū. Rū Pauru rü Érememaā nanaxūégagū yerū nūma nixī ga yadexaxū.

13 Rū guma ñāne ñixūcūxūwa nayexma ga tupana ga Chéuarū tupauca ga taxūne. Rū guma tupaucaarū pai rü yéma nanagagū ga wocagū ga iyatūxū ga putūramaā ngēxāēgūxū. Rū nūma ga pai rü ga duūxūgū rü nanadaixchaū ga yema wocagū naxcēx ga Pauru rü Bernabé na yemamaā nūxū yacuēxūgūxūcēx.

14 Natürü yexguma nūxū yacuēxāchitanūgu ga Bernabé rü Pauru, rü norū gāuxūchirugu nagāgūē na yema duūxūgū nūxū cuēxgūxūcēx na

tama namexū ga yema naxcèx naxüechaūxū. Rū yema muxūma ga duūxūgūtanūwa nabuxmū, rū ñaxūmaā aita naxüe:

15 –Pa Yatügūx, çtūxcüü toxcèx penaxü i ngéma? Toma rū pexrūü duūxūgūmare tixigū. Rū nuā taxī na pemaā nüxū tayarūxuxūcèx na nüxū perūxoexūcèx i ngéma chixexūgū i taxuwama mexū rū naxcèx pedaugūxūcèx ya Tupana ya maxūcū ga naxūcū ga daxūguxū i naāne, rū ñoma i naāne, rū taxtū i taxū, rū guxūma i nawa ngéxmaxū.

16 –Rū nuxcūmayerū nixī ga Tupana ga yaxna namaā naxīnūxū ga duūxūgū ga woo nūmagū nanaxwèxegūxū naxūgūgu.

17 –Natürü nūma ga Tupana rū taguma nüxū narūchau na duūxūgūxū nangūxèxū. Rū yemaācū tūxū nüxū nacuèxèe na Tupana yīxū i nūmax. Rū nūmatama nixī i nūma namuāxū ya pucū rū meā pexū nayaexèxèaxū i penetügū. Rū nūma nixī i pexna naxāaxū i pewemū na ngémaācū petaāégūxūcèx –ñanagürügū ga Pauru rū Bernabé.

18 Natürü woo yema orexū namaā na yaxugūxū rū poraācū nüxū naguxcha ga Pauru rū Bernabé ga nüxna na nachogūxū ga duūxūgū ga tama naxcèx na nadaiaxūcèx ga yema wocagū na yemamaā nüxū yacuèxūgūxūcèx. Rū dūxwa yemacèx tama naxcèx nanadaī.

19 Natürü yexgumayane rū ínangugū ga ñuxre ga Yudíugū ga Aūtíoquíawa rū Icúniūwa ne íxū. Rū chixexūmaā nayaxucūxégū ga yema muxūma ga duūxūgū na tama Pauru rū Bernabéga naxīnūxūcèx, rū namaā nanuèxūcèx. Rū yemacèx ga yema duūxūgū rū nutamaā Pauruxū ínamuxūchigū, rū íāneārū íxpemawa nanatūchigūgū, yerū nūma nüxū nacuèxgūgu rū marū nayu.

20 Natürü yexguma yema yaxōgūxū naxūtawa ngutaquèxegu, rū inachi ga Pauru, rū wenaxārū nagu naxūcu ga guma íāne. Rū moxūācū inaxūāchi ga yéma, rū Bernabémaā Derbewa naxū.

21 Rū guma íānewa nüxū nixugūe ga ore ga mexū. Rū nanangūxèe ga duūxūgū, rū muxūma Tupanaāxū nayaxōgū. Rū yemawena rū wenaxārū naxcèx nawoegu ga Listra, rū Icúniū, rū Aūtíoquía.

22 Rū guma íānegūwa rū yema yaxōgūxūxū nixucūxégū, rū nüxū nanangūchaūxèégū na guxūguma meā na yaxōgūāxūcèx. Rū namaā nüxū nixugūe, rū ñanagürügū: –Ngéma Tupana āēxgacū íxīxūwa na ixūcūxūcèx, rū tanaxwèxe na muèxpūxcūna guxchaxūgūmaā yaxna íxīnūxū i ñoma i naānewa –ñanagürügū.

23 Rū Pauru rū Bernabé rū wūxichigū ga íānewa rū nüxū nixunetatanū ga ñuxre ga yatügū na yaxōgūxūārū āēxgacūgū yixīgūxūcèx. Rū tama nachibueācūma naxcèx nayumūxégū. Rū yemawena rū yima Cori ya Tupana ga nüxū yaxōgūācūna nanaxuaxūgū na guxūguma namaā inaxūxūcèx rū meā nüxna nadauxūcèx ga yema yaxōgūxūārū āēxgacūgū.

Pauru rū Bernabé rū naxcèx nawoegu ga Aūtíoquía ga Chíriaanewa yexmane

24 Rū Pichídiaanewa nichopetū, rū Paūpíríaanewa nangugū.

25 Rū Pérupe ga íānewa nüxū nixugūe ga Tupanaārū ore, rū ñuxūchi Atária ga íānewa naxī.

26 Rū yéma rū wūxi ga wapurugu nichoū na Aūtíoquíacèx nawoeguxūcèx. Rū guma íāne ga Aūtíoquíawa nixī ga noxri duūxūgū Tupanana namugūxū ga Pauru rū Bernabé na naxūgūāxūcèx ga yema puracū ga ñuxma marū yanguxèégūxū.

27 Rū yexguma ínangugūgu ga Pauru rū Bernabé, rū nanangutaquèxèe ga guxūma ga yema duūxūgū ga yaxōgūxū. Rū namaā nüxū nixugūgū ga

guxŭma ga űuxăcŭ Tupana poraăcŭ nŭxŭ na rŭngŭxĕĕxŭ. Rŭ yexgumarŭŭ ta rŭ namaă nŭxŭ nixugŭgŭ ga űuxăcŭ na yaxŭgŭăxŭ ga yema duŭxŭgŭ ga tama Yudiŭgŭ ixŭgŭxŭ, yerŭ Tupana nŭxŭ nanatauxchaxĕĕ na yaxŭgŭăxŭcĕx.

²⁸ Rŭ muxŭma ga ngunexŭgu yema yaxŭgŭxŭtanŭwa nayexmagŭ ga Pauru rŭ Bernabĕ.

15

Yerucharĕŭwa nangutaquĕxegŭ

¹ Rŭ yexgumaŭcŭŭ rŭ nayexma ga űuxre ga duŭxŭgŭ ga Yudĕaanewa ne űxŭ ga Aŭtioquiawa ngugŭxŭ. Rŭ nŭmagŭ inanaxŭgŭe ga tŭxŭ na nangŭxĕĕxŭ ga guxema yaxŭgŭxe ga Aŭtioquiăcŭăx, rŭ űanagŭrŭgŭ: —Ngĕxguma tama pegŭ ĩpewiŭchĕxmŭpĕxechiraŭgu yema Moĭchĕ tŭxŭ muxŭrŭŭ rŭ taxuacŭma pexŭ nangĕxma i maxŭ i taguma gŭxŭ —űanagŭrŭgŭ.

² Natŭrŭ ga Pauru rŭ Bernabĕ rŭ tama norŭ me nixŭ ga yema, rŭ yemacĕx poraăcŭ nŭgŭ namaă nachoxŭgagŭ ga yema duŭxŭgŭ ga Yudĕaanewa ne űxŭ. Rŭ dŭxwa Pauru rŭ Bernabĕ rŭ űuxre ga togŭ ga Aŭtioquiăcŭăx ga yaxŭgŭxŭxŭ naxunetagŭ na Yerucharĕŭwa naxŭxŭcĕx na yema ngŭxŭgŭ ga Ngechuchu imugŭxŭ rŭ yema yaxŭgŭxŭărŭ âĕxgacŭgŭmaă yamexĕĕgŭăxŭcĕx ga yemachiga.

³ Rŭ yemaăcŭ ga yema yaxŭgŭxŭ ga Aŭtioquiăcŭăx rŭ Yerucharĕŭwa nana-mugŭ ga yema yatŭgŭ na naxĕx űyacagŭxŭcĕx rŭ yamexĕĕgŭăxŭcĕx ga yema ore. Rŭ Penĭchiaanewa rŭ Chamăriaanewa nachopetŭ ga Pauru rŭ Bernabĕ. Rŭ yĕma rŭ duŭxŭgŭmaă nŭxŭ nixugŭe ga űuxăcŭ yema tama Yudiŭgŭ ixŭgŭxŭ rŭ nŭxŭ na naxoexŭ ga nuxcŭmaŭxŭ ga nacŭmagŭ na Tupanawe naxŭxŭcĕx. Rŭ yema oremaă poraăcŭ nanataăĕĕĕgŭ ga guxŭma ga yema yaxŭgŭxŭ.

⁴ Rŭ Yerucharĕŭwa nangugŭ ga Pauru rŭ Bernabĕ. Rŭ guxŭma ga yema yaxŭgŭxŭ rŭ yema ngŭxŭgŭ ga Ngechuchu imugŭxŭ rŭ yema yaxŭgŭxŭărŭ âĕxgacŭgŭ rŭ meăma nanayauxgŭ. Rŭ Pauru rŭ Bernabĕ namaă nŭxŭ nixugŭgŭ ga guxŭma ga űuxăcŭ Tupana poraăcŭ nŭxŭ na rŭngŭxĕĕxŭ na duŭxŭgŭmaă nŭxŭ yaxugŭxŭcĕx ga ore i mexŭ.

⁵ Natŭrŭ űuxre ga Parichĕgŭ ga Ngechuchuaxŭ yaxŭgŭxŭ, rŭ inachigŭ, rŭ űanagŭrŭgŭ: —Name nixŭ na nŭgŭ ĩnawiŭchĕxmŭpĕxechiraŭgŭxŭ i ngĕma tama Yudiŭgŭ ixŭgŭxŭ i ngezwaca yaxŭgŭxŭ. Rŭ name nixŭ na naga naxŭnĕxŭ i ngĕma mugŭ ga Moĭchĕ ŭmatŭxŭ —űanagŭrŭgŭ.

⁶ Rŭ yexguma nangutaquĕxegŭ ga yema ngŭxŭgŭ ga Ngechuchu imugŭxŭ rŭ yema yaxŭgŭxŭărŭ âĕxgacŭgŭ na namexĕĕgŭăxŭcĕx ga yema ore.

⁷ Rŭ yixcama marŭ űuxgumama nŭgŭmaă yĕma yaporagatanŭcŭŭgu, rŭ inachi ga Pedru, rŭ űanagŭrŭ nŭxŭ: —Pa Chaueneĕgŭx, pema nŭxŭ pecuĕx ga na űpamama Tupana choxŭ yaxuxŭ ga petanŭwa na yema duŭxŭgŭ i tama Yudiŭgŭ ixŭgŭxŭmaă nŭxŭ chixuxŭcĕx i norŭ ore i mexŭ i maxĕĕĕruŭ, na nŭmagŭ rŭ ta Ngechuchuaxŭ yaxŭgŭăxŭcĕx.

⁸ —Rŭ yima Tupana ya guxăăxŭ cuăcŭ rŭ tŭxŭ nŭxŭ nadauxĕĕ na nadeăxŭ i ngĕma duŭxŭgŭ i tama Yudiŭgŭ ixŭgŭxŭ, yerŭ nŭxna nanamu ga Naă i Ŭŭnexŭ yema tŭxna namuăxŭrŭŭ.

⁹ —Rŭ Tupanapĕxewa rŭ yixema i Yudiŭgŭ rŭ namaă tawŭxigu i ngĕma duŭxŭgŭ i tama Yudiŭgŭ ixŭgŭxŭ. Yerŭ nŭmagŭ rŭ ta Tupana nŭxŭ nŭxŭ nangechaŭ ga norŭ pecadugŭ ga yexguma nŭxŭ yaxŭgŭăgu.

¹⁰ —ŶRŭ tŭxcŭŭ tama namaă petaăĕ i űuxma i ngĕma Tupana ŭxŭ? ŶRŭ tŭxcŭŭ ngĕma ngezwacĕx yaxŭgŭxŭxŭ penaxŭĕĕchaŭ i ngĕma Moĭchĕarŭ

mugū i guxchaxū ga tōrū oxigū rū taxuacūma naga taxīnūēxū rū woo yixemagū rū ta taxuacūma inguxēēxū?

11 –Rū tama ngēma mugū nixī i tūxū maxēxēēxū. Natūrū yixema rū tayaxōgū na tōrū Cori ya Ngechuchu tamaā mecūmaxūgagu yīxū na tūxna naxāmareāxū i maxū i taguma gūxū. Rū ngēxgumarūū ta nixī i naxcēx i nūmagū i tama Yudiūgū ixīgūxū –ñanagūrū ga Pedru.

12 Rū inanaxūgū ga Bernabé rū Pauru na yadexagūxū. Rū guxūma ga yema duūxūgū rū inarūchianegū rū inarūxīnūēmare. Rū Bernabé rū Pauru rū namaā nūxū nixugūe ga ñuxācū Tupana na nūxū rūngūxēēgūxū na naxūgūāxūcēx ga mexū ga taxūgū ga Tupanaārū poramaā naxūgūxū natanūwa ga yema duūxūgū ga tama Yudiūgū ixīgūxū.

13 Rū yexguma Bernabé rū Pauru igūegagū, rū nūxīxārū nidexa ga Chaūtiāgu, rū ñanagūrū: –Pa Chaueneēgūx, jchoxū iperūxīnūē!

14 –Pedru i Chimāū rū tamaā nūxū nixu na ñuxācū Tupana inaxūgūxū ga nūxū na nangūxēēxū ga yema duūxūgū i tama Yudiūgū ixīgūxū. Rū tamaā nūxū nixu ta na ñuxācū Tupana yema duūxūgūtanūwa nadeāxū ga ñuxre ga duūxūgū na noxrū yixīgūxūcēx.

15 –Rū ngēma Pedru nūxū ixuxū rū nawūxigu namaā ga yema ore ga nuxcūmaūgūxū ga orearū uruūgū ūmatūxū ga ñaxū:

16 “Rū ngēmawena rū tá chataegu, rū tá nūxū charūngūxēē i Dabītaagū i Yudiūgū. Rū woo nawoonemare i ñuxmax, natūrū wena táxarū wūxiwa chanaxīxēē, rū tá ichanadagūxēē na noxrirūū naporaexūcēx.

17 Rū ngēmaācū tá nūxū charūngūxēē na ngēma duūxūgū i tama Yudiūgū ixīgūxū rū chauxcēx nadaugūxūcēx, wūxigu namaā i guxūma i chorū duūxūgū i Yudiūgū i choma chadexū.

18 Rū yemaācū nūxū nixu ga nūma ga Cori ya Tupana ga nuxcūmama tūxū nūxū cuēxēēcū ga yema”, ñanagūrū ga yema ore ga nuxcūma ūmatūxū.

19 Rū ñanagūrū ga Chaūtiāgu: –Rū ngēmacēx, Pa Chaueneēgūx, rū chauxcēx rū tama name na guxū i Moīché ūmatūxū i mugūmaā nūxū ichixewexū i ngēma duūxūgū i tama Yudiūgū ixīgūxū i nūxū rūxoexū i nuxcūmaūxū i nacūmagū na Tupanawe naxīxūcēx.

20 –Rū narūmemaē nixī i naxcēx tanaxūmatū i popera, rū ngēmawa namaā nūxū tixu:

(1) Rū tama name na nangōxgūāxū i ngēma naxūnagūmachi i togū norū tupanenetachicūnēxāgūcēx dējūxū.

(2) Rū tama name na naī i ngemaā rū ēxna naī ya yatūmaā inapexū.

(3) Rū tama name na nangōxgūāxū i namachi i ngēma naēxū rū ēxna naxūna i wēxnaāxū rū ēxna natūgu ngxūxū.

(4) Rū tama name na nangōxgūāxū ya nagū.

Rū ngēxīcatama nixī i inaxwēxexū na naxcēx naxūmatūxū.

21 –Erū guxūne ya iānewa nangēxma ya Yudiūgūarū ngutaquēxepataū i ngextā nuxcūmama guxū i ngūxchigaarū ngonexūgu nawa inangūe rū nūxū nixuchigagū i guxūma i ngēma mugū ga Moīché ūmatūxū –ñanagūrū ga Chaūtiāgu.

Popera ga yema duūxūgū ga tama Yudiūgū ixīgūxūcēx ūmatūxū

22 Rū yema ore rū norū me nixī ga yema ngūexūgū ga Ngechuchu imugūxū, rū yema yaxōgūxūārū āēxgacūgū, rū guxūma ga yema yaxōgūxū. Rū nūgūmaā ñanagūrūgū: –jNgīxā tatanūwa tanade ya taxre ya yatūgū na

Aŭtioquíawa namugüxüçèx namaã ya Pauru rü Bernabé! —ñanagürügü. Rü nüxü naxunetagü ga Yuda ga Barsabágu äegaxü rü Chira. Rü nümagü ga Yuda rü Chira rü äëxgacügü nixí ga natanüwa ga yema yaxögüxü ga Yerucharéüwa yexmagüxü.

²³ Rü namaã yéma nanamugü ga popera, rü ñaã nixí ga yema ore ga nagu naxümatügüxü:

“Pa Toeneëgü i Tama Yudíugü Ixígüxe i Aŭtioquíagu rü Chíríiaanegu rü Chiríchiaanegu Áchiügüxe, rü toma i peeneëgü i Ngechuchu toxü imugüxe rü toma i yaxögüxüârü äëxgacügü ixígüxex, rü pexü tarümoxëgü.

²⁴ Rü nüxü tacuáchigagü rü ñuxre ga duüxügü ga núma ne Ixü rü woo tama toma yéma tanamugü natürü nümagü rü yéma naxí rü Moíchéarü mugümaã pexü nachixewegü rü yemaäcü pexü ínätüxëë.

²⁵ Rü yemacëx guxáma ga toma rü wüxigu nagu tarüxínüë na totanüwa nüxü taxunetaxü ga taxre ga taeneëgü na pexcëx ngema tanamugüxüçèx namaã i taeneëgü i nüxü ingechaügüxü i Bernabé rü Pauru.

²⁶ Rü nümagü i Bernabé rü Pauru nixí ga poraäcü äücümaxüwa nayexmagüxü naxcëx ga tórü Cori ya Ngechuchu ya Cristu.

²⁷ Rü ñuxma rü pexcëx ngema tanamugü i Yuda rü Chira na nümagüxüchi pemaã nüxü yaxugüxüçèx rü pemaã nangoxëëgüäxüçèx i guxüma i torü ore.

²⁸⁻²⁹ Erü Tupanaãe i Üünexüçèx name, rü toxcëx rü ta name na tama muxüma i mugü pexna taxägüxü. Rü ñaã ägümücü i mugüxícatama nixí i pexü tamuxü:

(1) Rü tama name na penangöxü i naxünagümachi i togü norü tupanenetachicünëxägüçèx dëixü.

(2) Rü tama name na penangöxü i namachi i ngëma naxünagü i wëxnaãxü.

(3) Rü tama name na penangöxü ya nagü.

(4) Rü tama name na nai i ngemaã rü ëxna nai ya yatümaã ipepexü.

Rü mexü tá pexügü ega penaxauregu i ngëma mugü. Rü nuãma pexna”, ñanagürü ga yema ore ga naxümatügüxü.

³⁰ Rü natanüxüxü namoxëgüguwena, rü inaxíãchi ga yema yéma mugüxü, rü Aŭtioquíawa naxí. Rü yexguma yéma nangugügu rü nanangutaquëxëë ga guxüma ga yema yaxögüxü ga duüxügü, rü nüxna nanaxägü ga yema popera.

³¹ Rü yexguma nüxü nadaumatügügu, rü poraäcü nataãëgü namaã ga yema ucuxëgü ga nüxna naxägüxü.

³² Rü Yuda rü Chira ga Tupanaãrü orearü uruügü na yixígüxü, rü muxüma ga oremaã nayaxucuxëgü ga yema yaxögüxü, rü nüxü narüngüxëë na yexeraäcü yaxögüäxüçèx.

³³ Rü marü ñuxre ga ngunexü yéma nayexmagüguwena, rü inixí. Rü yema yaxögüxü ga Aŭtioquíacüãx, rü taãëäcüma Yuda rü Chiraxü narümoxëgü rü meãma ínayamugü na naxcëx nawoeguxüçèx ga yema Yerucharéüçüãx ga noxri natanüwa namugüxü.

³⁴ Natürü ga Chira rü nagu narüxínü na yexma Aŭtioquíagu naxäxü, rü yemacëx Yudaxícatama Yerucharéüçèx nataegu.

³⁵ Rü Pauru rü Bernabé rü ta yexma narücho. Rü wüxigu namaã ga muxüma ga togü, rü nanangüxëë ga duüxügü, rü namaã nüxü nixugügü ga Cori ya Tupanaãrü ore i mexü.

Pauru rü wenaxrü inaxüãchi ga to ga nachíüãnegüwa na nangeaxü ga Tupanaãrü ore

³⁶ Rū yexguma marū űuxre ga ngunexŭ ngupetŭgu, rū űanagŭrŭ ga Pauru Bernabŕxŭ: —űNgŭxŕŕ wenaxŕrŭ natanŭgu tanaxŭŕŕne i ngŕma yaxŭgŭxŭ i guxŭne ya űŕne ga ngextŕ nŭxŭ űixuchigaxŭwa ga Cori ya Tupanaŕrŭ ore na nŭxŭ idauxŭcŕx na űuxŕcŭ nŭxŭ űnangupetŭgŭxŭ! —űnanagŭrŭ.

³⁷ Rŭ Bernabŕ rŭ nayagaxchaŭ ta ga Cuŕŭ Marcu.

³⁸ Natŭrŭ ga Pauru rŭ tama nanaxwŕxe ga na yagaŕxŭ, yerŭ Paŭpŕriawa nŭxna naxo ga noxri, rŭ tama űnayaxŭmŭcŭ ga yema puracŭwa.

³⁹ Rŭ poraŕcŭ nŭgŭmaŕ niporagatanŭcŭ naxcŕx ga yema, rŭ dŭxwa nŭgŭna nŭxŭgŭ. Rŭ Bernabŕ nayaga ga Marcu, rŭ Chiprearŭ capaxŭwa naxŭ.

⁴⁰ Rŭ yoxni ga Pauru rŭ Chiraxŭ nŭga. Rŭ yema Aŭtioquŕcŭűŕx ga yaxŭgŭxŭ rŭ naxcŕx nayumŭxŕgŭ na Tupana nŭxŭ rŭngŭxŕŕŕgŭxŭcŕx. Rŭ yexguma inaxŭűchi.

⁴¹ Rŭ Chŕrianea rŭ Chŕrŭchŕanea nachopetŭ, rŭ yŕma Tupanaŕrŭ oremaŕ nanataŕŕŕŕgŭ ga yema yaxŭgŭxŭ.

16

Pauru rŭ Chŕrawe narŭxŭ ga Timutŕu

¹ Rŭ Derbewa rŭ Lŕstrawa nangugŭ ga Pauru rŭ Chŕra. Rŭ yŕma nayexma ga wŭxi ga yaxŭcŭ ga Timutŕugu ŕegacŭ. Rŭ naŕ rŭ wŭxi ga Yudŭ ga yaxŭxcŭ iyŭxŭ. Rŭ nanatŭ rŭ wŭxi ga Grŕgu tŭxŭ.

² Rŭ guxŭma ga yema yaxŭgŭxŭ ga Lŕstracŭűxgŭ rŭ Icŭniŭcŭűxgŭ rŭ nŭxŭ nŭxugŭ na mea maxŭcŭ yŭxŭxŭ ga nŭma ga Timutŕu.

³ Rŭ Pauru rŭ nanaxwŕxe na Timutŕu űyaxŭmŭcŭxŭ. Natŭrŭ naxŭpa ga na yagaŕxŭ rŭ űnanawŕchŕxmŭpŕxechŕraŭ, yerŭ yemaŕcŭ nanaxwŕxegŭ ga yema Yudŭgu ga yema naŕnŕwa yexmagŭxŭ. Yerŭ guxŭma nŭxŭ nacuŕxgŭ ga na Grŕgu tŭxŭ ga nanatŭ.

⁴ Rŭ guxŭnema ga guma űŕnegŭ ga nawa nachopetŭnŕwa, rŭ duŭxŭgŭmaŕ nŭxŭ nŭxugŭetanŭ ga yema ucŭxŕ ga yema Yerucharŕcŭűŕx ga ngŭxŭgŭ ga Ngechuchŭ imugŭxŭ rŭ yema yaxŭgŭxŭŕŕrŭ ŕŕxgacŭgŭ nŭxŭ űxugŭxŭ.

⁵ Rŭ yemaŕcŭ yexeraŕcŭ meŕ nayaxŭgŭ ga guxŭma ga yema yaxŭgŭxŭ, rŭ guxŭ ga ngunexŭ rŭ yexeraŕcŭ nimuŕtanŭ ga yema yexwacŕx yaxŭgŭxŭ.

Pauru nangŭxetŭ rŭ wŭxi ga yatŭ ga Machedŭniŕcŭűxŭ nadau

⁶ Rŭ ŕchŕanea naxŭxchaŭ na yŕma nŭxŭ yaxugŭxŭcŕx ga ore i mexŭ. Natŭrŭ Tupanaŕŕ i űŭnexŭ rŭ nŭxna nanachŭxu ga yema. Rŭ yemacŕx Pŕrŭquiaanŕwa rŭ Gŕrataanŕwaama nachopetŭ.

⁷ Rŭ Mŭchŕaarŭ naŕnŕwa nangugŭ, rŭ yŕma nŭgu narŭxŭnŭŕe ga na Bitŭniŕŕrŭ naŕnŕwa naxŭxŭ. Natŭrŭ yŕma rŭ ta Tupanaŕŕ i űŭnexŭ nŭxna nanachŭxu ga na yŕma naxŭxŭ.

⁸ Rŭ yemacŕx Mŭchŕiaanŕwa nachopetŭmare rŭ űŕne ga Trŭawa nangugŭ.

⁹ Rŭ yema chŭtaxŭgu rŭ Pauru nangŭxetŭ rŭ nŭxŭ nadau ga wŭxi ga yatŭ ga Machedŭniŕcŭűŕx ga napŕxegu chŭcŭ. Rŭ nŭxŭ nacŕcŕxŭ, űnaxŭmaŕ: —űMachedŭniŕwa naxŭ, rŭ toxŭ rŭngŭxŕŕŕ! —űnaxŭmaŕ.

¹⁰ Rŭ yexguma yemaxŭ nadŕŭxgu ga Pauru, rŭ yexgumatama togŭ tamexŕŕgŭ na Machedŭniŕwa taxŭxŭcŕx. Yerŭ nŭxŭ tacuŕxgŭ rŭ aŭcŭmaxŭchŭ nŭxŭ ga Tupana toxŕcŕx caxŭ na yema duŭxŭgŭmaŕ nŭxŭ tŭxŭxŭcŕx ga ore i mexŭ.

Pŕrŭpuwa nayexmagŭ ga Pauru ru Chŕra

¹¹ Rū Tróaarū türewa itaxĩãchi, rü capaxū ga Chamotáchiucèx wéxgu taxĩ. Rū moxūãcü Neãporiwa tangugū.

¹² Rū yéma rü dauxchitagu taxĩ rü Piripuwa tangugū. Rū guma nixĩ ya Dumacũãxgüarū ãne ga Machedóniããnegu naxügüne. Rū guma nixĩ ya guxüne ya ãneärü tamaëne ga yéma. Rū yéma tayexmagū ga ñuxre ga ngunexügū.

¹³ Rū ngüxchigaarū ngunexügu, rü guma ãne iyacuáxüwa taxĩ ga natüpechinüwa, yerü nagu tarüxinüëgu rü yéma nayexma ga Yudíugüarū yumüxëchica. Rū yéma tarütogū, rü namaã tidexagū ga ñuxre ga ngexügū ga yéma ngutaquëxegüxü, rü namaã nüxü tixugū ga Tupanaärü ore.

¹⁴ Rū yéma iyexma ga wüxi ga ngecü ga Díría ga ngíega ga Tupanaxü icuëxüüxcü. Rū Tiatíra ga ãnecũãx iyixĩ. Rū dauxracharaxü ga naxchirumaã itaxe yerü yema nixĩ ga ngírü puracü. Rū ngíma rü meãma yéma irüxinü, yerü nüma ga Cori ya Tupana rü ngíxü nanangüchaüxëë na meã inaxínüxcèx ga yema ore ga Pauru nüxü ixuxü.

¹⁵ Rū yemawena rü ñüxüchi líbaie wüxigu namaã ga guxüma ga ngítanüxügū. Rū yixcama rü toxü icèëxü ñaxümaã: —Ngëxguma pema choxü pedëuxgu na aixcüma nüxü chayaxöxü ya Cori ya Tupana, rü marü name ega chopatagu peyapegügu —ngígürügü. Rū yéma toxü ixixëë.

¹⁶ Rū wüxi ga ngunexügu ga yexguma yumüxëwa taxíxgu ga tomax, rü yexma ngíxü tayangau ga wüxi ga pacü ga corigüxütaxü ixícü ga ngoxoãxcü. Rū yema pacü rü wüxi ga ãcücüxü cuëxcü iyixĩ, rü duüxügümaã nüxü iyaxu ga ãacu tá yixcüra na ngupetüxü. Rū yemacèx ga duüxügü rü dīërumaã ngíxü nanaxütanü na nüxü yaxuxüxcèx na ãacu tá na ngupetüxü. Rū yemaãcü poraãcü dīëruxü itü naxcèx ga ngírü corigü.

¹⁷ Rū ngíma towe ingë ga toma rü Pauru, rü tagaãcü ngígürügü: —Ñãã yatügü rü Tupana ya tacüxüchimaärü duüxügü nixĩ, rü pemaã nüxü nixu na ñuxãcü tá penayaxuxü i maxü i taguma gúxü —ngígürügü.

¹⁸ Rū yemaãcü iyixĩ ga muxüma ga ngunexügu. Rü düxwa nüxü nawëxtümüxü ga Pauru, rü ngíxcèx nadauegu, rü ñanagürü nüxü ga yema ngoxo ga ngíwa yemaxü: —Ngechuchu ya Cristuégagu cuxü chamu, na ngíwa ícuxüxüxcèx —ñanagürü. Rü yexgumatama ngíwa ínaxüxü ga yema ngoxo.

¹⁹ Rü yexguma nüxü nadaugügu ga ngírü corigü ga marü tama ngígagu dīëru ngíxü na nayauxgüxü, rü Pauru rü Chiraxü ínayauxü, rü ãëxgacügüarü ngutaquëxechicawa nanagagü.

²⁰ Rü ãëxgacügüna nanaxuaxü ga yema ngírü corigü, rü ñanagürügü: —Ñãã Yudíugü rü tórü ãñewa nanachixeãëxëëgü i duüxügü.

²¹ —Rü tüxü nangüexëë na naxaurexüxcèx i nacümagü i tüxna chüxuxü i yixema i Dumacũãxgü —ñanagürügü.

²² Rü yexguma ga guxüma ga yema ãnecũãx, rü Pauru rü Chirana nayuxgü. Rü yema ãëxgacügü nanamu na ínacüxüãxüxcèx rü ngexchiruxüma naixmenëxãmaã yaçuaixgüãxüxcèx.

²³ Rü yexguma marü poraãcü yaçuaixgüãguwena, rü poxcupataügu nana-wocu. Rü nüxna naxãga ga yema poxcupataüärü dauruü na meãma nüxna nadauxüxcèx.

²⁴ Rü yexguma yemaxü naxínügu ga yema dauruü, rü poxcupataüärü aixepëguxüchixü ga ucapugu nanawocu, rü meãma nayachotaparagü.

²⁵ Natürü ngãxücüügu rü nayumüxëgü ga Pauru rü Chira, rü nawiyaegü, rü Tupanaxü nicuëxüügü. Rü yema togü ga poxcuexü rü nüxü naxínüë.

26 Rū ngürüächi poraäcü naxĩãxãchiane, rü ñnayangogütanüächi ga guma poxcupataũrũ caxtagü. Rũ yexgumatama niwãxnagü ga guxũma ga ñãxgü ga guma poxcupataũ. Rũ guxũma ga yema poxcuexũrũ cadenaparagü rü niwëgü.

27 Rũ pewa nañaixãchi ga yema poxcupataũrũ dauruũ. Rũ yexguma nüxũ nadëuxgu ga na yawãxnagũxũ ga ñãxgü ga guma poxcupataũ rü nanayaxu ga norũ tara na nügü yamáxüçëx, yerü nüma nüxũ nacüexgu rü marü nibuxmü ga yema poxcuexũ.

28 Natürü tagaäcü aixta naxü ga Pauru, rü ñnanagürü nüxũ: —¡Tãxũ i cugü quimáxũ! Rũ guxãma i toma rü tanuxmagü —ñnanagürü.

29 Rũ yexguma ga yema poxcupataũrũ dauruũ rü naxçëx ñnaca ga wüxi ga omü, rü ñnañaãchiãcuma yema duũxügü ípoxcuexũgu nayangaxi, rü yaduruxãcuma Pauru rü Chirapëxegu nayacaxãpũxü.

30 Rũ yexguma ñãxtüwa Pauru rü Chiraxũ nagagü, rü ñnanagürü nüxũ: —Pa Corigũx, ¿Tacü tá chaxũxũ i choma na choxũ nangëxmaxüçëx i maxũ i taguma gũxũ? —ñnanagürü.

31 Rũ nümagü rü nanangãxũgü rü ñnanagürügü nüxũ: —¡Nüxũ yaxõ ya Cori ya Ngechuchu, rü tá cuxũ nangëxma i maxũ i taguma gũxũ i cuma rü guxũ i cupatacũãx! —ñnanagürügü.

32 Rũ namaã rü guxũma ga yema napatacũãxgũmaã rü ta nüxũ nixugüe ga Cori ya Tupanaãrũ ore.

33 Rũ yematama oragu ga chütacü, rü nüma ga yema poxcupataũrũ dauruũ nayayauxgü ga norü oxrigü ga Pauru rü Chira. Rũ yemawena rü ñuxũchi ñnabaie ga nüma wüxigu tũmamaã ga naxmëx rü naxacügü.

34 Rũ ñuxũchi ga nüma ga poxcupataũrũ dauruũ rü napatawa Pauruxũ rü Chiraxũ nagagü. Rũ õna nüxna naxã rü nataãe ga nüma rü guxũma ga napatacũãxgü ta, yerü Tupanaãxũ nayaxõgü.

35 Rũ moxũäcü pëxmama rü yema ñãneãrũ äëxgacügü rü yema poxcupataũrũ dauruũxtawa nanamugü ga purichíagü na namaã nüxũ yanaxugũxüçëx na Pauru rü Chiraxũ ñnamuxũxũ.

36 Rũ yexguma ga yema poxcupataũrũ dauruũ rü ñnanagürü Pauruxũ: —Rũ ngëma äëxgacügü rü nuã nanamugü i ore na pexũ íchamuxũxüçëx. ¡Rũ ëcü ípechoxũ, rü meã ípixĩ! —ñnanagürü.

37 Natürü ga Pauru rü ñnanagürü nüxũ ga yema purichíagü: —Marü chixri tomaã nachopetü i toma i Dumacũãxũchigü na tixígũxũ, rü tama toxna tomaxiraãcuma toxũ ñicuaixgü ga napëxewa ga guxũma ga duũxügü, rü ñuxũchi poxcupataũgu toxũ nawocu. Rũ ñuxma rü cúaãcuma toxũ ñnamuxũchaũ. Rũ tãütama ngëmaãcü nixĩ. ¡Rũ ëcü nümatama núma naxĩ i äëxgacügü na nümatama toxũ íyamuxũxüçëx! —ñnanagürü ga Pauru.

38 Rũ yexguma ga yema purichíagü rü äëxgacügũmaã nüxũ nayarüxugüe ga yema ore. Rũ poraäcü nañaixãchiãëgü ga yema äëxgacügü ga yexguma nüxũ naxĩnüëgu ga na Dumacũãxũchi yixígũxũ.

39 Rũ yéma naxĩ, rü Pauru rü Chirana nayacagü na nüxũ nüxũ nangechaũgũxüçëx naxçëx ga yema namaã naxügũxũ. Rũ ñnamuxũ, rü nüxũ nacëëxgü na nawa ñnaxoxũxüçëx ga guma ñãne.

40 Rũ yexguma poxcupataũwa ñnaxoxũgü ga Pauru rü Chira, rü Díriapatawa naxĩ. Rũ yema yaxõgũxũmaã nangutaqüëxegü, rü nayaxucuxëgü, rü Tupanaãrũ oremaã nanataãëxëgü. Rũ ñuxũchi yemawena rü ñnaxĩachi.

17

Pauru rü Chiramaã nanuē ga duixūgū ga Techarónicawa

¹ Rū ĩānegū ga Aťfĩpori rü Aporóniāwa nachopetü ga Pauru rü Chira, rü ĩāne ga Techarónicawa nangugü. Rū yéma nayexma ga wüxi ga ngutaquēxepataū ga Yudiūgüarü.

² Rū guma ngutaquēxepataūwa naxūxū ga Pauru, yerü woetama yema nixĩ ga nacüma. Rū tomaēxpūx ga ngüxchigaarü ngunexügu rü Tupanaärü ore ga ũmatüxūchiga yema Yudiūgümaã yéma nidexa.

³ Rū meãma naxcēx nanangoxēē ga yema ore, rü namaã nüxü nixu ga tacücēx na nayuxü ga Cristu rü tüxcüü wena na namaxüxü. Rū ñanagürü: —Rü yima Cristu rü Ngechuchu nixĩ, rü nachiga nixĩ i pemaã nüxü chixuxü —ñanagürü ga Pauru.

⁴ Rū ñuxre ga yéma yexmagüxü ga Yudiūgü rü nayaxögü, rü Pauru rü Chiratanügu naxägü. Rū yexgumarüü ta Ngechuchuauxü nayaxögü ga muxüma ga Griēgugü ga noxri Yudiūgürüü yaxögüxü. Rū muxüma ga ngexügü ga dīeruāxgüxü rü ta nayaxögü.

⁵ Rū yemacēx ga yema Yudiūgü ga tama yaxögüxü, rü nanuē rü nixāüxāchigü yerü muxüma ga duixūgü nüxü nayaxögü ga Pauru rü Chirarü ore. Rū norü numaã nanaxītaquēxexēē ga ñuxre ga yatügü ga chixexügü ga taxuwama mexü. Rū yemaxü namugü na nanuēxēēāxü ga yema ĩānecüāx ga duixūgü. Rū Yachāüpatawa nabuxmü ga yema chixexü ga duixūgü na Pauru rü Chiracēx nadaugüxücēx, yerü yema muxüma ga duixūgüpēxewa nanagagüchaü.

⁶ Natürü yexguma tama yexma nüxü yangaugügu, rü Yachāüxü niyauxgü, rü ñuxre ga yaxögüxüxü rü ta ĩnayauxü. Rū nayagauxütanü, rü guma ĩānēärü āēxgacügüpēxewa nanagagü. Rū tagaäcü ñanagürügü: —Ngēma Pauru rü Chira i guxü i naānēwa duixūgüxü chixexēēgüxü, rü núma rü ta nangugü.

⁷ —Rü Yachāü nixĩ ga nayauxü ga napatawa. Rū guxüma i nümagü i ngēma yatügü rü tama naga naxīnūēchaü i tóru āēxgacü ya Dumacüāxärü mugü, erü nüxü nixugüē rü nangēxma i to i āēxgacü i Ngechuchu —ñanagürügü ga yema chixexü ga duixūgü.

⁸ Rū yexguma nüxü naxīnūēgu ga yema oregü, rü poraäcü nanuē ga yema muxüma ga duixūgü rü yema ĩānēärü āēxgacügü ta.

⁹ Natürü ga Yachāü rü namücügü rü dīerumaã nügü naxütanügü, rü yemacēx nayangēxgü.

Pauru rü Chira rü Beréawa nayexmagü

¹⁰ Rū yematama ga chütaxügu rü yema yaxögüxü ga Techarónicacüāx rü ĩāne ga Beréawa nanamugü ga Pauru rü Chira. Rū yexguma yéma nangugügu, rü Yudiūgüarü ngutaquēxepataūwa naxĩ.

¹¹ Rū yema Yudiūgü ga Beréacüāx, rü yema togü ga Yudiūgü ga Techarónicawa yexmagüxüärü yexera narümemaēgü. Rū norü ngüchaümaã meãma nanayauxgü ga yema ore. Rū guxü ga ngunexügu rü Tupanaärü ore ga ũmatüxüwa nangüē na meã nüxü nacüēxgüxücēx ngoxi aixcüma yixü ga yema ore ga Pauru rü Chira namaã nüxü ixuxü.

¹² Rū muxüma ga yema Beréacüāx ga Yudiūgü rü Ngechuchuauxü nayaxögü. Rū yexgumarüü ta ga muxüma ga Griēgugü ga Yatüxügü rü ngexügü ga āēxgacügü namēx ixīgüxü, rü nayaxögü.

¹³ Natürü yexguma yema Yudiūgü ga Techarónicacüāx nüxü cuächigagügu ga na Beréawa rü ta nüxü na yaxuxü ga Tupanaärü ore ga Pauru, rü yéma

naxī, rü nananuëxëë ga yema ìānecŭāx ga duŭxŭgü na Paurumaā chixri nachopetŭxŭcëx.

14 Natürü yexguma yemaxŭ nacuáchigagü ga yema yaxögŭxŭ, rü paxama Pauruxŭ ínaxŭxŭxëëgü ga guma ìānewa. Rü ñuxre ga yema yaxögŭxŭ rü Pauruxŭ ínixŭmŭcŭgü. Rü dauxchitagu naxī rü ñuxmata taxtŭpechinŭwa nangugü. Natürü ga Chira rü Timutéu rü Beréagu narŭchooma.

15 Rü yema duŭxŭgü ga Pauruxŭ íxŭmŭcŭgŭxŭ, rü wapurugu ínayaxŭmŭcŭgü ñuxmata ìāne ga Atenawa nangugü, rü ñuxŭchi Beréacëx nawoegu. Rü Pauru rü yema duŭxŭgŭxŭ yéma namuga na paxa naxŭtawa naxŭxŭcëx ga Chira rü Timutéu.

Atenawa nayexma ga Pauru

16 Rü yexguma Pauru rü Atenawa Chira rü Timutéuxŭ nanguxëëgu, rü tama nataäcŭraxŭ yerü nüxŭ nadau ga guma ìānewa ga na poraäcŭ naxchicŭnëxāmaāmare na natupanaāxgŭxŭ.

17 Rü yemacëx ga Pauru rü Yudiugŭarŭ ngutaquëxepataŭwa Cristuchigaxŭ nixu namaā ga yema Yudiugŭ rü yema togŭ ga tama Yudiugŭ íxŭgŭxŭ ga Tupanaxŭ icuëxŭŭgŭxŭ. Rü guxŭ ga ngunexŭgu ga ìāneärŭ plaza ga taxŭwa rü ta Cristuchigaxŭ nixu namaā ga yema duŭxŭgü ga yéma āmŭcŭwa Íxŭ..

18 Rü nayexmagŭ ta ga ñuxre ga yatŭgü ga Epicŭriugŭarŭ nguxëëtaewa ngŭexŭ, rü togŭ ga Etoicugŭarŭ nguxëëtaewa ngŭexŭ. Rü nŭmagŭ rü ínanaxŭgŭe ga Paurumaā na yaporagatanŭcŭxŭ. Rü ñuxre ga nŭmagŭ rü ñanagŭrŭgü: —¿Rü tacŭ nixī i nüxŭ yaxuxŭ i ñāa yatŭ i idexaechamarexŭ? —ñanagŭrŭgü. Rü togŭ nanangāxŭgŭ, rü ñanagŭrŭgü: —Maneca wŭxi i to i nachiŭānecŭāxārŭ tupanagŭarŭ orearŭ uruŭ nixī —ñanagŭrŭgü. Rü yemaäcŭ nidexagŭ ga yema duŭxŭgü, yerü Pauru rü nüxŭ nixu ga ore ga mexŭ ga Ngechuchŭhiga ga nuxäcŭ wena na namaxŭxŭ.

19 Rü düxwa norŭ äëxgacŭgŭarŭ ngutaquëxechica ga Areópagu äegaxŭwa nanagagŭ. Rü yéma nüxna nacagŭ, rü ñanagŭrŭgü nüxŭ: —Toma nüxŭ tacuáxchaŭ na tacŭ rü nguxëëtae i ngexwacaxŭxŭ yŭíxŭ i ngëma namaā cinguxëëtaexŭ.

20 Erŭ toxcëx rü wŭxi i taguma nüxŭ taxŭnŭëxŭ nixī i ngëma ore, rü nüxŭ tacuáxchaŭ na tacŭchiga yŭíxŭ i ngëma nüxŭ quixuxŭ —ñanagŭrŭgü.

21 Rü yemaäcŭ nidexagŭ, yerü guxŭma ga Atenacŭāxgŭ rü yema to ga nachiŭānecŭāxgŭ ga yexma áchiŭgŭxŭ, rü woetama yexicagu narŭxŭnŭe ga na nüxŭ yaxuxŭcëx rü nüxŭ naxŭnŭëxŭcëx ga yexwacaxŭxŭ ga oregü.

22 Rü yemacëx ga Pauru rü inachi norŭ ngāxŭtanŭwa ga yema duŭxŭgü ga yema Areópaguwa ngutaquëxegŭxŭ, rü ñanagŭrŭ: —Pa Atenacŭāxgŭxŭ, nüxŭ chadau na poraäcŭ perŭ tupanagŭgu perŭxŭnŭëxŭ.

23 —Erŭ ngëxguma perŭ ngutaquëxechicagŭwa chixŭpetŭchigŭgu, rü nüxŭ chadau i naxchicŭnëxāgŭ i nüxŭ picuëxŭŭgŭxŭ. Rü wŭxi i nachicawa namaā chayarŭxŭ i wŭxi i yumŭxëchica, rü ngëxma naxŭmatŭ i naega i ñaxŭ: “Tupana ya tama nüxŭ icuácŭ”, ñaxŭ. Rü yima Tupana ya tama nüxŭ pecuáácŭma nüxŭ picuëxŭŭgŭcŭ nixī ya choma pemaā nüxŭ chixuchigacŭ.

24 —Rü guma Tupana ga naxŭcŭ ga guxŭma ga naānegŭ rü guxŭma i nawa ngëxmaxŭ, rü nüma nixī i norŭ yora yŭíxŭ i daxŭguxŭ i naāne rŭ ñoma i naāne. Rü ngëmacëx nüma rü tama duŭxŭgü ŭxŭne ya tupaucagŭgu naxāchiŭ.

25 —Rü nŭmatama ya Tupana rü taxucëxma nanaxwëxe i duŭxŭgŭarŭ nguxëë na namaxŭxŭcëx i nŭmax, erŭ taxuŭma nüxŭ nataxu. Rü

nūmatama guxāna nanaxā i maxū, rū tūxna nanaxā ya buanecū ya namaā ingūātanūcūcū. Rū nūmatama tūxna nanaxā i guxūma.

²⁶ —Nūma rū wūxi ga duūxūwatama nanaxū ga guxūma ga duūxūgū na guxū i naānewa nangēxmagūxūcēx. Rū nūma inaxuneta i űuxgu tá na nabuxū i duūxūgū rū ngexta tá naxāchiūxū i wūxichigū.

²⁷⁻²⁸ —Rū yemaācū nanaxū na naxcēx nadaugūxūcēx ga duūxūgū rū űoma ēānexūwa tacūcēx idaugūxūrūū nūxū iyangaugūxūcēx. Natūrū nūma ya Tupana rū woetama guxūguma tūxna nangaicamachirēx, erū nagagu nixī i imaxēxū rū ixīāxtanūcūūxū rū ingēxmaxū, ngēxgumarūū i űuxre i perū poperaarū űmatūxūgū naxūmatūxūrūū, rū űnanagūrūgū:

“Rū Tupanaxācū tixīgū”, űnanagūrūgū.

²⁹ —Rū űuxma na Tupanaxācūgū ixīgūxū, rū tama name i nagu tarūxīnūē rū Tupana rū wūxi i naxchicūnēxā i uirumūwa rū ēxna dīerumūwa rū ēxna nutawa ixūxūrūū nixī. Erū guxūma i ngēma naxchicūnēxāgū rū nūmatama i duūxūgū nagu naxīnūēxūācūma nanaxūgū.

³⁰ —Rū nuxcūma ga duūxūgū rū naēchitamare ínatūe, natūrū nūma ga Tupana rū namaā yaxna naxīnū. Natūrū i űuxma ya Tupana rū nanamu i duūxūgū i guxūwama na naxcēx nadaugūxū rū nūxū naxoexū i nacūma i chixexūgū.

³¹ Yerū nūma ga Tupana rū marū nūxū naxuneta i wūxi i ngunexū i nagu tá aixcūma guxū i űoma i naānecūāx i duūxūgūna naçaxū i norū maxūchiga. Rū marū nūxū naxuneta ya wūxi ya yatū ya Ngechuchu, rū yima tá nixī ya duūxūgūna çacū. Rū Tupana rū guxāxūma nūxū nacūēxēe ga yema ga yexguma Ngechuchuxū wena namaxēēgu —űnanagūrū ga Pauru.

³² Rū yexguma yema wena na namaxēxūchigaxū naxīnūēgu ga duūxūgū, rū űuxre ga nūmagū rū Pauruxū nacugūe. Natūrū ga togū rū űnanagūrūgū: —Rū wenagu táxarū cuxū itarūxīnūē i ngēmachiga —űnanagūrūgū.

³³ Rū yexguma ga Pauru rū ínaxūxū ga natanūwa.

³⁴ Natūrū űuxre ga duūxūgū rū Pauruwe narūxī, rū Ngechuchuxū nayaxōgū. Rū natanūwa nayexma ga Diuníchiu ga wūxi ga Areópagutanūxū, rū wūxi ga ngeçū ga Dámari ga ngēga. Rū űuxre ga togū rū ta nayaxōgū.

18

Corűtiwa nayexma ga Pauru

¹ Rū yemawena rū inaxūāchi ga Pauru ga Atenawa, rū íāne ga Corűtiwa naxū.

² Rū yēma namaā inayarūxū ga wūxi ga yatū ga Aquiru ga Pōtuanecūāx ga yexwacēx Dumawa ga Itáriaanewa ne űxū namēx ga Prisilamaāx. Rū yēma Corűtiwa nayexma yerū Dumacūāxgūarū āēxgacū ga Cāudiū nanamu ga na ínachoxūxūcēx ga guxūma ga Yudíugū ga Dumawa. Rū Pauru rū naxūtagu nanaxūāne.

³ Rū yexma nape rū naxchirunaxcēx ga dūxenūārū űwa nūgūmaā napu-
racūe yerū woetama yema nixī ga norū puracū ga Pauru rū Aquiru rū Prisila.

⁴ Rū guxū ga ngūxchigaarū ngunexūgu rū Yudíugūarū ngutaquēxepataūwa naxūūxū ga Pauru, rū duūxūgūmaā nidexaxū, rū nayaxucūxēgūxū. Rū yexgumarūū ta nayaxucūxēgūxū ga yema duūxūgū ga tama Yudíugū ixīgūxū.

⁵ Rū yixcamaxūra ínangugū ga Chira rū Timutéu ga Machedóniāwa ne íxū. Rū yexguma inanaxūgū ga Pauru ga aixcūma poraācū nūxū na yaxuxū ga

Tupanaārū ore. Rū meāma Yudiūgūxū nangūexēē na Ngechuchu rū Tupana Nane ya Cristu na yīxū.

6 Natūrū nūmagū ga yema Yudiūgū rū inanaxūgūe ga Paurumaā na nanūxū, rū namaā naguxchigagūxū. Rū yexguma inapamūchiru ga Pauru, yerū yema nixī ga wūxi ga cuēxruū naxcēx ga yema duūxūgū na yemawa nūxū yacuēxāchitanūxūcēx ga norū chixexū. Rū űanagūrū nūxū: —Pegagu tātama nixī i na ipeyarūtauxexū, rū marū tama chaugagu tá nixī. Rū űomaūcūū i choma rū tá ngēma tama Yudiūgū ixīgūxūtanūwa chaxū — űanagūrū ga Pauru.

7 Rū inaxūxū ga guma ngutaquēxepataūwa. Rū yēma nayexma ga wūxi ga yatū ga Tīchiu ga Yuchugu āegaxū. Rū nūma rū Tupanaxū nangechaū rū yexma ngutaquēxepataūcwagu naxāpata. Rū yemaxūtawa naxū ga Pauru, rū yexma nape.

8 Rū Cripu ga ngutaquēxepataūārū āēxgacū rū namēx rū guxūma ga naxācūgū rū Cori ya Ngechuchuaxū nayaxōgū. Rū yexgumarū ta rū muxūma ga Corītiucūāxgū rū nayaxōgū ga yexguma nūxū naxīnūēgu ga yema ore, rū űuxūchi Pauru inanabaiūxēē.

9 Rū wūxi ga chūtaxū rū nangoxetū ga Pauru. Rū Cori ya Tupana namaā nidexa, rū űanagūrū: —;Rū tāxū i cumuūxū! ;Rū nūxū ixuama i chorū ore! ;Rū tāxū i curūchianexū!

10 —Erū choma rū chacuxūtagu, rū taxūetāma chixexū cumaā taxū. Erū daa īānewa rū choxū nangēxma i muxūma i chorū duūxūgū —űanagūrū ga Tupana.

11 Rū wūxi ga taunecūarū ngāxū Corītiuwa nayexma ga Pauru. Rū yēma yema duūxūgūtanūwa namaā nangūexēētae ga Tupanaārū ore.

12 Natūrū yexguma Acayaaneārū āēxgacū yixīgu ga Gariōū, rū yema Yudiūgū rū wūxigu Pauruxū niyauxgū, rū āēxgacūpēxewa nanagagū.

13 Rū űanagūrūgū nūxū ga guma āēxgacū: —űāā yatū rū duūxūgūxū naxucuxē na Tupanaxū yacuēxūūgūxūcēx rū tama naga na naxīnūēxūcēx i tachiūāneārū mugū —űanagūrūgū.

14 Rū Pauru marū nachonagūchaū, natūrū nūma ga āēxgacū ga Gariōū rū yema Yudiūgūxū nangāxū, rū űanagūrū: —Rū ngēxguma chi wūxi i taxū i chixexū naxūxgu, rū ēxna namāētagu, rū ngēxguma chi nixī i choma i pexū ichaxīnūxū, Pa Yudiūgūx.

15 —Natūrū ngēma pecūmachiga rū perū mugūchiga rū perū nguxēētaechiga na yīxū, rū choma rū tama nūxū chacuāxchaū i ngēma. ;Rū pematama penamexēēx! Rū choma rū tama ngēmachigaarū āēxgacū chixīxchaū —űanagūrū.

16 Rū yexguma inanawoxū ga yēma.

17 Rū yexguma guxūma ga yema duūxūgū rū Yudiūgūarū ngutaquēxepataūārū āēxgacū ga Chótenegu āegaxūxū yexma niyauxgū. Rū yexmatama āēxgacū ga Gariōūpēxegu nanaçuaixgū. Natūrū nūma ga Gariōū rū taxu űanagūrūama.

Pauru rū Aītiouqiacēx nataegu, rū űuxūchi wenaxārū inaxūāchi na norū tomaēxpūxcūna to ga nachīūānegūwa nangeaxū ga Tupanaārū ore

18 Rū yemawena rū muxūma ga ngunexū yēma Corītiuwa nayexma ga Pauru. Rū yixcama nūxū narūmoxē ga yema yaxōgūxū rū nūxna inaxūāchi. Rū īāne ga Chēcreawa naxū namaā ga Prisila rū Aquiru. Rū Chēcreawa nūgū nidūpūxūeru ga Pauru yerū marū nayanguxēē ga wūxi ga uneta ga Tupana-maā nūxū yaxuxū. [Rū woetama yema nixī ga nacūmagū ga Yudiūgū ga

yexguma yanguxēēgūāxgu ga wūxi ga uneta ga Tupanamaā nūxū yaxuxū.] Rū űuxūchi Chēcrearū türewa rü wūxi ga wapurugu nichoū na Chíríiaanewa naxīxūcēx.

¹⁹ Rū yexguma Epéchiuwa nangugūgu, rü Pauru nūxna nixūgachi ga Prisila rü Aquiru, rü Yudiūgārū ngutaquēxepataūwa naxū. Rū yéma namaā nidexa ga yema Yudiūgū ga guma ngutaquēxepataūwa ngutaquēxegūxūxū.

²⁰ Rū yema Yudiūgū, rü muxūma ga ngunexūgū nūxū nacēxūgū ga yexma na naxāūxūcēx, natürü ga nūma rü tama nanaxwēxe.

²¹ Rū yemacēx nūxū narūmoxēāma, rü űanagürü nūxū: —Rü ngēxguma Tupana naxwēxegu, rü wena táxarū pexcēx chataegu —űanagürü. Rū yemawena rü Epéchiuarū türewa nayarūxūe, rü inaxūāchi.

²² Rū Checharéaarū türewa nangu, rü yéma ínaxūe. Rū űuxūchi Yerucharéuwa naxū na nūxū yanamoxēxūcēx ga guxūma ga yema yaxōgūxū. Rū űuxūchi Aūtioquíawa naxū.

²³ Rū yexguma marū űuxre ga ngunexū yéma Aūtioquíawa nayexmagu, rü wenaxārū inaxūāchi ga Pauru na wūxichigū ga íāne ga Gárateanewa rü Fríyíaanewa yexmagūnewa íyadauxūcēx rü yataāēxēēgūāxūcēx ga guxūma ga yema yaxōgūxū ga guma íānegūwa yexmagūxū.

Aporu rü Epéchiuwa nūxū nixu ga Tupanaārū ore

²⁴ Rū yexgumaūcūü rü Epéchiuwa nangu ga wūxi ga Yudíu ga Aporugu āegaxū. Rū nūma rü íāne ga Aleyādríacūāx nixī, rü nūxū natauxcha ga duūxūgūpēxewa na yadexaxū. Rū meāma nūxū nacuēx ga Tupanaārū ore í űmatūxū.

²⁵ Rū nūma meā nūxū nacuēx ga Cuáū ga baiūxēēruūārū nguxēētae ga Cori ga Ngechuchigga, rü nūxū nacuēx na űuxācū Cuáū duūxūgūxū íbaiūxēēxū. Natürü yexicaxūtama nacuēx ga Ngechuchigga. Natürü poraācū nataāēācūma nidexa rü aixcūma nanangūxēē ga duūxūgū.

²⁶ Rū nūma ga Aporu rü tama namuūācūma inanaxūgū ga na yadexaxū ga Yudiūgārū ngutaquēxepataūwa. Natürü yexguma Aporuxū naxīnūēgu ga Prisila rü Aquiru, rü napatawa nanagagū na yexeraācū namaā inan-guxūxēēāxūcēx ga Ngechuchigga.

²⁷ Rū yexguma Acayaanewa naxūxchaūgu ga Aporu, rü yema yaxōgūxū ga Epéchiucūāx nūxū narūngūxēēgū. Rū popera yéma namugū naxcēx ga yema yaxōgūxū ga Acayacūāx na meā Aporuxū nayauxgūxūcēx. Rū yexguma Acayawa nanguxgu ga Aporu rü poraācū nūxū narūngūxēē ga yema duūxūgū ga Tupanaārū ngechaūgagu Ngechuchuaxū yaxōgūxū.

²⁸ Rū guxū ga duūxūgūpēxewa nūxū nūxū nacuēxēē ga poraācū na ínatūexū ga yema Yudiūgū ga tama Ngechuchuxū cuāxchaūgūxū. Rū nūmagū ga Yudiūgū rü taxucürūwama űuxū űanagürügū, yerü ga Aporu rü Tupanaārū ore ga űmatūxūwa meāma nūxū nanawēx ga na Ngechuchu rü aixcūma Tupana Nane ya Cristu na yiūxū.

19

Epéchiuwa nayexma ga Pauru

¹ Rū yexguma Corťiuwa nayexmayane ga Aporu, rü Pauru rü naxpūxanegu idaxū ga namawa nixūpetū, rü Epéchiuwa nangu. Rū yexma nūxū nayangau ga űuxre ga yaxōgūxū.

² Rū nūxna naca, rü űanagürü nūxū: —¿Marū penayaxuxū í Tupanaāē í űūnexū ga yexguma peyaxōgūgu? —űanagürü. Rū nūmagū nanangāxū, rü

ñanagürügü: —Tama. Taguma nüxŭ taxīnūēchiga na tacü yīxŭ i Tupanaāē i Üünexŭ —ñanagürügü.

³ Rŭ yexguma ga Pauru rŭ nüxna naca rŭ ñanagürü nüxŭ: —¿Texéaxŭ peyaxögŭxŭ ga yexguma ípebaiŭgu? —ñanagürü. Rŭ nŭmagŭ nanangāxŭ, rŭ ñanagürügü: —Toma nüxŭ tayaxō ga yema Cuáŭ ga baiŭxéēruŭārŭ nguxēētae —ñanagürügü.

⁴ Rŭ yexguma ga Pauru rŭ ñanagürü nüxŭ: —Cuáŭ ínanabaiŭxēē ga yema duŭxŭgŭ ga nüxŭ rŭxoexŭ ga nacŭma ga chixexŭ rŭ Tupanacēx daugŭxŭ. Natürŭ yema duŭxŭgŭmaā nüxŭ nixu ta na nüxŭ yaxōgŭāxŭcēx ga Ngechuchu ga naweama ācŭ —ñanagürü ga Pauru.

⁵ Rŭ yexguma yemaxŭ naxīnūēgu ga yema duŭxŭgŭ rŭ ínabaiŭ naegagu ga Cori ya Ngechuchu.

⁶ Rŭ yexguma Pauru rŭ yema yaxōgŭxŭtētŭgu naxŭmēxgu, rŭ nüxna nangu ga Tupanaāē i Üünexŭ, rŭ to ga nagawachigŭ nidexagŭ, rŭ nüxŭ nixugŭe ga Tupanaārŭ ore.

⁷ Rŭ maneca 12 ga yatŭ nixŭgŭ ga yema duŭxŭgŭ.

⁸ Rŭ tomaēxpŭx ga tauemacŭ yēma nayexma ga Pauru. Rŭ Yudiŭgŭarŭ ngutaquēxepataŭwa naxŭŭxŭ rŭ tama namuŭācŭma nüxŭ nixuuxŭ ga Tupanaārŭ ore. Rŭ nanangŭexēē na ñuxācŭ āēxgacŭ na yīxŭ ya Tupana, rŭ nüxŭ nanangŭchaŭxēē na Ngechuchuaxŭ yaxōgŭāxŭcēx.

⁹ Natürŭ nayexma ga ñuxre ga duŭxŭgŭ ga tama nüxŭ cuēxgŭchaŭxŭ rŭ tama yaxōgŭchaŭxŭ. Rŭ nŭmagŭ ínanaxŭgŭe ga na yema muxŭma ga duŭxŭgŭpēxewa chixexŭ yaxugŭexŭ nachigagu ga Cori ga Ngechuchu. Rŭ yemacēx nüxna nixŭgachi ga Pauru, rŭ toxnamana nanagagŭ ga yema yaxōgŭxŭ. Rŭ guxŭ ga ngunexŭgu namaā nüxŭ nixuchiga ga ore nawa ga wŭxi ga ngutaquēxepataŭ ga Tiranuārŭ ngŭepataŭ ga naega.

¹⁰ Rŭ yemaācŭ nanaxŭ ga taxre ga taunecŭ, rŭ yemaācŭ guxŭma ga Áchiacŭŭāxgŭ ga Yudiŭgŭ rŭ Griégugŭ rŭ nüxŭ naxīnūē ga Cori ya Tupanaārŭ ore.

¹¹ Rŭ Tupana Pauruxŭ narŭngŭxēē ga na naxŭāxŭ ga taxŭgŭ ga mexŭgŭ ga Tupanaārŭ poramaā naxŭxŭ.

¹² Rŭ èjrxŭxŭ ga norŭ dechugŭ ga Pauru rŭ naxchirugŭ rŭ duŭxŭgŭ rŭ yema ídaaweexŭxŭtawā nanangegŭ. Rŭ yexguma yema ídaaweexŭ nüxŭ íngōgŭgŭga ga yema naxchiru rŭ éxna dechu, rŭ naxcēx nitaanegŭ. Rŭ yema duŭxŭgŭ ga ngoxoāxgŭxŭ rŭ ta naxcēx nitaanegŭ.

¹³ Natürŭ nayexma ga ñuxre ga Yudiŭgŭ ga íānegŭwachigŭ íxŭētanŭxŭ rŭ ngoxogŭarŭ woxŭwa puracŭexŭ. Rŭ nüxŭ naxŭgŭ na Cori ya Ngechuchuégagu na ínawoxŭāxŭ ga ngoxogŭ nawa ga yema duŭxŭgŭ ga ngoxoāxgŭxŭ. Rŭ ñanagürügü: —Ngechuchu ya Pauru nüxŭ íxuchigacŭégagu pexŭ tamu na ípechoxŭxŭcēx —ñanagürügü ga yema Yudiŭgŭ.

¹⁴ Rŭ yema 7 ga yema ŭgŭxŭ, rŭ wŭxi ga Yudiŭgŭarŭ paigŭarŭ āēxgacŭ ga Echebagu āegaxŭ nanegŭ nixŭgŭ.

¹⁵ Natürŭ wŭxi ga ngunexŭgu ga yexguma wŭxi ga ngoxoxŭ ínatēxŭchigŭchaŭgu, rŭ yema ngoxo nanangāxŭ, rŭ ñanagürü: —Nüxŭ chacuēx ya Ngechuchu, rŭ nüxŭ chacuēx ya Pauru na texé yīxŭ. ¿Natürŭ i pema rŭ texégŭ pixŭgŭ? —ñanagürü.

¹⁶ Rŭ yexguma ga yema yatŭ ga ngoxoāxŭ rŭ yema duŭxŭgŭ ga ínatēxŭchigŭchaŭxŭna nayuxu, rŭ nüxŭ narŭporamaē ga guxŭma, rŭ

inanagáuñxūne. Rū yemaācü ngexchiruxūma rū napíexūma nibuxmū ga guma íwa.

¹⁷ Rū guxūma ga Yudiugū rū Griégugū ga Epéchiuwa yexmagūxū rū nūxū nacuāchiga ga yema. Rū poraācü namuñē ga guxūma. Rū yemaācü yexeraācü natachiga ga Cori ga Ngechuchu ga yéma.

¹⁸ Rū muxūma ga yema yaxōgūxū rū yéma ningugüetanū, rū guxū ga duñxūgüpēxewa nūxū nixugüechigū ga nūma rū ta na nayuüechiréxū, natürü tá nūxū na naxoexū ga yema.

¹⁹ Rū muxūma ga yema iyuüechiréxū, rū yéma nanana ga norü poperagū ga yuüpane ga nawa nangüexū, rū guxāpēxewa ínanagu. Rū yexguma nangugüāgu ga natanū ga yema poperagū, rū maneca 50,000 tachinū ga dīeru ga tatanūxūwa nangu.

²⁰ Rū yemaācü ga Cori ya Tupanaärü ore, rū yexeraācü nixūchigū, rū yexeraācü duñxūgū nūxū nadau na ñuxācü naporaxū ga yema ore.

²¹ Rū yemawena ga Pauru, rū nagu narūxññü ga Machedóniāñnewa rū Acayaanewaxíra na naxūxū, rū yéma ñuxūchi Yerucharéúwa na naxūxū. Yerü yema ñanagürü: —Rū ngema Yerucharéúwa tá chaxū, rū yixcama rū Dumawa rū tá ta chaxū —ñanagürü.

²² Rū yemacèx nügüpēxegu Machedóniāñnewa nanamugū ga taxre ga norü ngüxēeruñ ga Timutēu rū Eratu. Natürü nūma ga Pauru rū ñuxre ga ngunexū Áchiau narūxāñx.

Nanuē ga duñxūgū ga Epéchiuwa

²³ Rū yexgumaācüü rū Epéchiuwa rū nanaxixāchitanūāē ga duñxūgū, rū poraācü nanuē nachigagu ga Cori ya Tupanaärü ore.

²⁴ Rū yemaācü naxūpetü nagagu ga wūxi ga yatü ga dīerumūwa puracūxū ga Demétriuu āegaxū. Rū nūma rū ínanaxūxū ga norü tupana ga Atemíchaarü tupaucachicünēxāgū ga dīerumünaxcèx. Rū nayexma ga muxūma ga norü puracütanūxū ga yemawa puracüexū. Rū guxūma poraācü meā nūxū naxātanū ga yema puracü.

²⁵ Rū nūma ga Demétriu rū nanangutaquēxexēē ga guxūma ga puracütanūxū ga yemawa puracüexū, rū ñanagürü nūxū: —Pa Chomücügūx, meā nūxū pecuēxgū na ñaā tórü dīerumūärü puracügu na ngíxū iyaxuxū i tórü dīeru.

²⁶ Rū marü nūxū pedaugū i ngēma Pauru rū nūxū pexññüē na ñuxācü yaxucūxēgūāxū i duñxūgū, rū ñuxācü namaā nūxū yaxuxū na tama aixcūma tupanagū yíxū i ngēma tupanagū i yixema ixügūxū. Rū ngēmaācü muxūma i duñxūgūxū nūxū narūxoexēē na tama tórü tupanagūāxū yaxōgūāxūcèx. Rū tama nūma Epéchiuwaxicatama ngēxū nawagū natürü wixguxūchi taèx guxū i Áchiaanewa ngēmaācü chixri nayaxucūxēgū i duñxūgū.

²⁷ Rū pema nūxū pecuèx rū tórü puracücèx rū naxāñcūma i ngēma. Rū wūxi i chixexū ta nixí i naxcèx i tórü tupana i Atemíchaarü tupauca ya taxūne. Rū ñuxma rū muxūma i duñxūgū rū ngíxū nangechañ i Atemícha i guxū i Áchiaanewa rū guxū i nañnewa. Natürü ngēma Pauruarü ucūxēgagu rū dūxwa taxuxūtama ngíxū nangechañ i duñxūgū, rū ngēmaācü dūxwa inaärüxo tá ta i tórü puracü —ñanagürü ga Demétriu.

²⁸ Rū yexguma yemaxū naxññüēgu, rū poraācü nanuē, rū tagaācü ñanagürügü: —¡Namaxū i Epéchiucūñxgūarü tupana i Atemícha! —ñanagürügü.

29 Rū guxūma ga yema īānecūāxgū rū poraācū yexma īnatūēāē. Rū īnanayauxū ga Gayu rū Aritārcu ga Machedóniāānecūāxgū ga Paurumūcūgū, rū guma ī ga īānēārū ngutaquēxepataūwa nanagauxūtanū.

30 Rū Pauru rū ta yexma naxūcuchaū na yema duūxūgūmaā yadexaxūcēx, natūrū yema yaxōgūxū nūxna nanachūxu ga yexma na naxūcuxū.

31 Rū yema Áchiaaneārū āēxgacūgūtanūwa rū nayexma ga űuxre ga Paurumūcūgū ixīgūxū. Rū nūmagū rū ta Pauruxūtawa namugagū na tama yema ngutaquēxechicagu naxūcuxūcēx.

32 Rū yoxni ga duūxūgū ga yema īnangutaquēxegūxūwa, rū nūmaxū rū wūxi ga oremaā aita naxūe, rū togū ga to ga oremaā aita naxūe. Yerū poraācū nanaxīxāchiāēgū ga guxūma ga yema duūxūgū ga yēma ngutaquēxegūxū. Rū muxūma rū tama nūxū nacūēxgū ga űacūcēx na nangutaquēxegūxū.

33 Natūrū yēma nayexma ga wūxi ga Yudīu ga Areyāūdrugu āēgaxū. Rū yema togū ga Yudīugū rū namaā nūxū nixu ga űacūcēx na nangutaquēxexū. Rū duūxūgūpēxewa nanamugū na yadexaxūcēx rū naētūwa nachogūxūcēx ga yema Yudīugū ga yēma yexmagūxū. Rū nūma ga Areyāūdrū rū naxunagūmēxē na iyanachianegūxūcēx ga duūxūgū, na namaā yadexaxūcēx.

34 Natūrū yexguma nūxū yacuēxāchitanūgu ga Aré rū Yudīu na yīxū, rū guxūma ga yema duūxūgū rū wūxigu tagaācū aita naxūe. Rū taxre ga ora ninge ga na tagaācū űagūxū: —jNamaxū ī Epēchiucūāxgūārū tupana ī Atemīcha! —űagūxū.

35 Rū dūxwa yema īānēārū āēxgacū nanachiāchixēē ga yema muxūma ga duūxūgū, rū űanagūrū nūxū: —Pa Epēchiucūāxgūx, guxūma ī duūxūgū nūxū nacūēx na Atemīchaarū tupauca ya taxūnēārū dauruū na ixīgūxū. Rū guxūma nūxū nacūēx na nūma tūxū nangēxmaxū ī Atemīchachicūnēxā ī daxūwa rūnguxū.

36 —Rū űuxma na guxūma nūxū na cuāxū na aixcūma yīxū ī ngēma, rū name nixī na pechiāchixū, rū taxūma ī chixexū pexūēxū.

37 —Erū űāā yatūgū ī nuā pegagūxū, rū taxūma ī chixexū ngīmaā naxūgū ī tōrū tupana, rū tama chixexū nixugūe ngīchigagu.

38 —Rū ngēxguma chi Demétriu rū ngēma namūcūgū ī namaā napuracūēxū rū nūxū nangēxmagu ī űacū ī tama norū me ixīxū, rū nangēxma ī ngutaquēxechicagū ī ngextā āēxgacūgū duūxūgūxū űicagūxūwa. Rū name nixī na ngema āēxgacūgūpēxewa namexēēāxū ī űacū ī tama norū me ixīxū.

39 —Rū ngēxguma nangēxmagu ī űacū ī to ī perū guxchaxūgū, rū name nixī ī īānēārū āēxgacūgūārū ngutaquēxewa penamexēē ī ngēma.

40 —Erū űuxma rū taxāūcūmaxūgugū rū ngūrūāchi āēxgacū ya tacū ya Dumawa ngēxmacū rū tūxna tá naxcēx naca ī ngēma űuxma ngupetūxū. Erū aixcūma taxumaāma tanangāxūēga ī āēxgacū, ega tūxna nacaxgu naxcēx ī űāā ngutaquēxe ī nawa pexāūgatanūxū —űanagūrū.

41 Rū yexguma marū yema űaxguwena, rū īnayamugū ga yema duūxūgū.

20

Machedóniāānēwa rū Griégugūchiūānēwa naxū ga Pauru

1 Rū yexguma marū nangupetūgu ga yema na īyacuxcuxū ga duūxūgū, rū Pauru naxcēx nangema ga yema yaxōgūxū na yaxucūxēgūāxūcēx. Rū yexguma marū namaā nūxū nachaugu, rū nūxū narūmoxē, rū inaxūāchi ga Machedóniāānēwa na naxūxū.

2 Rū yexguma yema nañewa yaxüpetügu, rü taãëxü ga oremañ nayaxucuxëgü ga yema yaxögüxü ga wüxichigü ga ñañewa yexmagüxü. Rū yemaäcü Griëgüchüñañewa nangu.

3 Rū yéma nayexma ga tomaëxpüx ga tauemacü. Rū yexguma marü inaxüächichaügu ga Chíríaanewa na naxüxü, rü tama wapurugu nixü yerü nüxü nacuächiga ga na ñuxre ga Yudiügu yamëxgüchaüxü. Rū yemacëx nagu narüxñü ga dauxchitagu na nataeguxü, rü wenaxärü Machedóniñañewa na naxüpetüxü.

4 Rū ñayaxümücügü ga Chópate ga Beréacüñax ga Píru nane, rü Arítarcu rü Següdu ga Techarónicacüñaxgü, rü Gayu ga Derbecüñax, rü Timutéu, rü Tíquicu, rü Turuquínu ga Áchiaanecüñaxgü.

5 Rū yema yatügü rü nüxíra topëxegu naxägü, rü Tróawa toxü narünguxëëgü.

6 Rū nawena ga yema Yudiüguarü peta ga üpetüchiga ga pãu ga ngearü puxëeruñaxü nagu nangöxgüxü, rü wapurugu Piripüwa itaxíachi. Rū wüximëxpüx ga ngunexü ngupetügu, rü Tróagu nüxü tayangaugü ga yema topëxegu ägüxü. Rū yexma tarücho ga 7 ga ngunexü.

Tróagu nanaxüñe ga Pauru

7 Rū yema yüxüarü ngunexügu rü tangutaquëxegü namañ ga yema yaxögüxü na tanangöxücëx ga pãu ga búcüxü yema Ngechuchu toxü ngüxëëxürüü. Rū yema yaxögüxümañ nidexa ga Pauru. Rū nanamëxëë ga norü dexa ñuxmata ngäxücüwa nangu, yerü moxüñacü inaxüächichaü.

8-9 Rū daxüwa ga guma ñpataarü tomaëxpüxchiüwa yexmaxü ga ucapüwa tangutaquëxegü. Rū namu ga omü ga yéma naïgüxü. Rū nayexma ga wüxi ga ngextüxücü ga Eufícugu ägegacü. Rū yéma wüxi ga yema ucapütapüxarü ñaxwa narüto. Natürü ga Pauruarü dexa, rü poraäcü namëx. Rū yemacëx ga guma ngextüxücü rü poraäcü nayaxta, rü düxwa nipeächü rü yema ñaxwa narüngu, rü ñaxtüanegu nangu. Rü yéma yucüma nanayauxgü.

10 Rū ñnarüxü ga Pauru, rü nayanawüxüchi ga guma ngextüxücü, rü düxügüxü ñnagürü: —;Tãxü i peñaixächixü, erü namaxü nixü! —ñnagürü.

11 Rū yexguma wenaxärü daxü naxü, rü inanabücu ga yema pãu, rü nanangöx. Rū wenaxärü nidexa ñuxmata yangune, rü yexguma inaxüächü.

12 Rū guma ngextüxücü rü maxücü napatawa nanagagü. Rū yemacëx poraäcü nataëgü ga guxüma ga nümagü.

Tróawa inaxüächü ga Pauru rü Miretuwa naxü

13 Rū yexguma ga Pauru rü ñnagürü: —Dauxchitagu tá chixü ñuxmatáta ñañe ya Achüwa changu na ngema pexü chixüexücëx —ñnagürü. Rū yemacëx ga toma rü wapurugu tíchoü rü yoxni napëxegu taxü ñuxmata Achüwa tangügü.

14 Rū yexguma Achügu Paurümañ togü tayangauxgu, rü yéma toxü nixüë. Rū tachopetü ga yéma ñuxmata Miterénewa tangügü.

15 Rū yéma itaxíachi rü moxüñacü Quiuarü toxmëxtawa tachopetü. Rū yemaärü moxüñacü Chamowa tangügü. Rū yemaärü moxüñacüama Miretuwa tangügü.

16 Rū yemaäcü ítixü yerü ga Pauru rü tama Áchiaanegu nanuxcüchaü. Yerü nanaxwëxe ga paxa Yerucharéüwa na nanguxü naxcëx ga Pëtecöstarü ngunexü. Rū yemacëx nagu narüxñü na tama Epëchiugu íyadauxü.

Yaxögüxüärü äxgacügü ga Epëchiucüñaxmañ nidexa ga Pauru

17 Natürü yexguma Miretuwa tangugügu rü Epéchiuwa naxcèx namuga ga Pauru na naxütawa naxixüxcèx ga yema yaxögüxüärü äëxgacügü ga Epéchiucüäx.

18 Rü yexguma Pauruxütawa nangugügu, rü ñanagürü nüxü: —Pema meã nüxü pecuèxgü ga ñuxäcü pepèxewa na chamaxüxü ga guxügu ga yexguma noxritama nuã Áchiaanewa chaxüxgu.

19 Rü guxüguuma ga yexguma petanüwa chayexmagu, rü meãma chanaxü ga Cori ya Tupanaärü puracü, taguma chaugü chicuèxüüäcüma. Rü woo muëxpüxcüna poraäcü changechaügu, nagagu ga yema chixexü ga chomaã naxügüchaüxü ga Yudíugü, natürü naetüwa chanaxüama ga yema puracü.

20 Rü taguma íchayachaxächi ga pemaã nüxü na chixuxü ga guxüma ga yema ore ga perü mexüxcèx ixixü. Rü guxü ga duüxügüpèxewa, rü pepatagüwa rü ta pexü changüexëe ga yema ore.

21 Rü Yudíugümaã rü yema tama Yudíugü ixígüxümaã nüxü chixu na namexü ga na nüxü naxoexüxcèx ga norü chixexügü rü Tupanaga naxinüèxüxcèx, rü nüxü na yaxögüäxüxcèx ga tórü Cori ya Ngechuchu.

22 Rü ñuxma rü Yerucharéüwa chaxü erü Tupanaãe i Üünexü rü ngema choxü namu. Natürü tama nüxü chacuèx na tacü tá choxü üpetüxü i ngema.

23 Rü ngëma nüxü chacuáxü nixí i duüxügü tá choxü napoxcu rü guxchaxügü tá choxü naxüpetü i Yerucharéüwa. Rü ngëxícatama nixí i chomaã nüxü yaxuxü i Tupanaãe i Üünexü i guxüne ya ñane i ngextá íchixügüxüwa.

24 Natürü tama ngëma äücümaxügu charüxinü erü nüetama nixí ega woo chayuxgu. Natürü ngëma chanaxwèxexü nixí na taäëäcüma chapuracüamaxü na meã chayangüxëèxüxcèx i ngëma puracü ga tórü Cori ya Ngechuchu choxna äxü rü nüxü chixuxüxcèx i norü ore i mexü na ñuxäcü Tupana tüxü ngechaüxü.

25 Rü ñuxma rü marü nüxü chacuèx rü tagutáma wena choxü pedaügü i pema ga marü pemaã nüxü chixuxe na ñuxäcü äëxgacü na yíixü ya Tupana.

26 Rü ngëmacèx i ñoma i ngunexügu rü pemaã nüxü chixu rü marü tama chaugagu nixí ega texé petanüwa iyarütauxgu.

27 Erü marü meãma pemaã nüxü chixu i guxüma i ngëma Tupana pexü naxwèxexü, rü taxuüma ichicux.

28 Rü ngëmacèx i ñuxma rü penaxwèxe na pexuäëgüxü rü meã nüxna pedaügüxü i guxüma i yaxögüxü i petanüwa ngëxmagüxü. Erü ngëma nixí i Tupanaãxë i Üünexü nagu pexü mugüxü na nüxna pedaügüxüxcèx i ngëma Tupanaärü duüxügü i yaxögüxü i Ngechuchu nagümaãtama naxcèx taxexü.

29 Choma nüxü chacuèx rü ngëxguma íchixüxgu, rü chowena tá pexcèx nuã naxí i togü i duüxügü. Rü tá nanachixexëèchaü i ngëma yaxögüxü ñoma airügü i idüraaxü i carnerugüxü ngíachixëèxürü.

30 Rü woo petanüwatáma nangëxmagü i nümaxü i tá doramaremaã nangüxëèxü i ngëma yaxögüxü na nügüwe naxixëèäxüxcèx.

31 ;Pegüna pedaügü, rü nüxna pecuèxächie na ñuxäcü tomaëxpüx ga taunecügu rü ngunecü rü chütacü rü taguma íchayachaxächixü ga pexcèx chaxauxäcüma na pexü chixucuxëgüxü ga wüxichigü!

32 Rü ñuxmax, Pa Chaueneëgüx, rü Tupanana pexü chamugü. Rü chanaxwèxe i naga pexinüë i norü ore i tüxü nüxü cuèxëèxü na ñuxäcü poraäcü tüxü nangechaüxü. Erü ngëma norü ore tá pexü naporaexëe na tórü Coricèx pemaxëxüxcèx rü pexü nangëxmaxüxcèx i pechica namaã i guxüma i duüxügü i Tupana dexü.

33 Choma rü taxuguma chaugücëx chanaxwëxe ga texéarü dīeru rü texéchiru.

34 Rū pematama rü meã nüxŭ pecuëx ga ñuxãcü daa choxmëxmaã na chapuracüxŭ naxcëx ga yema choxŭ rü chomücügüaxŭ taxuxŭ.

35 Rū guxŭguma meã pexŭ changúexëë na ngëmaãcü pepuracüexŭ na nüxŭ perüngüxëëxŭcëx i ngëma duüxŭgü i nüxŭ nataxuxŭ. Rū name nixŭ na nüxna pecuëxãchixŭ i Cori ya Ngechucharü ore ga nümatama ñaxŭ:

“Rü narümemaë nixŭ i pema na toguena penaxãxŭ rü tama i tüma pexna tanaxãxŭ”, ñaxŭ.

36 Rū yexguma yema ñaxguwena ga Pauru, rü inacaxãpŭxŭ namaã ga guxŭma, rü nayumüxë.

37 Rū guxŭma poraãcü naxauxe, rü Pauruna nanëxãchigü, rü nüxŭ nachüxgü.

38 Yerü poraãcü nangechaüë naxcëx ga yema ore ga namaã nüxŭ yaxuxŭ ga:

“Marü tagutãma wena choxŭ pedaugu” ñaxŭ. Rū nümagü ñayaxümücügü ñuxmata wapuruwa nangu.

21

Yerucharëüwa naxŭ ga Pauru

1 Rū yexguma nüxna itaxiãchi ga yema yaxögüxŭ, rü wapurugu tichoŭ. Rū capaxŭ ga Coscëx noxtacüma tixaŭ. Rū moxŭãcü rü Rodawa taxŭ. Rū yéma itaxiãchi, rü Patarawa tangugü.

2 Rū yexma nüxŭ tayangau ga wüxi ga wapuru ga Peníchiawa üxŭne. Rū nangu tichoŭ, rü itaxiãchi.

3 Rū yixcamaxŭra nüxŭ tadaugu ga Chipre. Rū torü toxwecüwawaama naxü, rü nüxŭ tachopetü. Rū itifñaxwetaxŭ ñuxmata Chíriaanewa tangugü. Rū Tiruwa itachoŭ, yerü yéma nixŭ ga ñnanuüãcuxŭ ga guma wapuru.

4 Rū yexma nüxŭ tayangau ga yëmacŭãx ga yaxögüxŭ, rü 7 ga ngunexŭ yéma natanüwa tayexmagü. Rū Tupanaãë i Üünexŭ nayadexagüxëë ga yema yaxögüxŭ, rü Pauruxŭ ñanagürügü: —¡Tãxŭ i Yerucharëüwa cuxŭxŭ! — ñanagürügü.

5 Natürü yexguma nangupetügu ga yema 7 ga ngunexŭgü, rü itaxiãchi. Rū yema yaxögüxŭ rü towe narüxi. Rū naxmëxmaãchigü rü naxãcügümaãchigü toxŭ ñnixümücügü ga guxŭma ñuxmata guma ñãnechipenüwa tangugü. Rū yexma naxnücügu tacaxgüãpŭxŭ, rü tayumüxëgü.

6 Rū yexguma ga toma rü nüxŭ tarümoxëgü, rü tichoŭ ga wapuruwa. Rū nümagü rü napatacëx nawoegu.

7 Rū toma rü Tiruwa itaxiãchi rü Turemaídawa tangugü. Rū yéma itachoŭ, yerü yexma nayacuëx ga wapurugu na taxŭxŭ. Rū nüxŭ tarümoxëgü ga yema yaxögüxŭ ga yéma yexmagüxŭ, rü wüxi ga ngunexŭ natanügu tarücho.

8 Rū moxŭãcü itaxiãchi ga yéma, rü Checharéawa tangugü. Rū Piripi ga Tupanaãrü orearü uruŭpatawa taxŭ. Rū nüma rü yema 7 ga ngüxëëruŭgü ga tupaucana daugüxŭtanüxŭ nixŭ. Rū yexma naxŭtagu tapegü.

9 Rū nüma nüxŭ iyexma ga ägümücü ga naxãcügu ga taguma ixãtecü ga Tupanaãrü orexŭ ixugüecü.

10 Rū yexguma marü ñuxre ga ngunexŭ yéma tayexmagügu, rü Yudéaanewa ne naxŭ ga wüxi ga Tupanaãrü orearü uruŭ ga Agabugu ägaxŭ.

11 Rū yexguma toxūtawa nanguxgu ga Agabu, rū nanayaxu ga Pauruarū goyexū. Rū namaā nūgū ninēixgūcutū, rū nūgū nináimēx, rū ñanagūrū: —Tupanaāē i Ūñexū marū chomaā nidexa rū ñanagūrū:

“Rū ñaācū tá nayanēixgū i Yudiūgū i Yerucharēūwa i ñaā goyexūārū yora. Rū ngēma duūxūgū i tama Yudiūgū ixīgūxūna tá nanamugū”, ñanagūrū.

12 Rū yexguma yema orexū taxīnūēgu, rū toma rū yema Checharéacūāxgūmaā Pauruxū tacēexūgū ga tama Yerucharēūwa na naxūxūcēx.

13 Natūrū nūma ga Pauru rū toxū nangāxū rū ñanagūrū: —¿Tūxcūū pexauxe rū choxū pengechaūxēē? Choma rū íchamemare na chináixū. Rū ngēxgumarūū ta rū marū íchame na Yerucharēūgu chayuxū naxcēx ya Cori ya Ngechuchu —ñanagūrū.

14 Rū yexguma marū taxuacūma tanachūxugu, rū tachianemare, rū ñatarūgū: —¡Ēcū yangu i Cori ya Tupanaārū ngūchaū! —ñatarūgūgū.

15 Rū yemawena rū togū tamexēēgū, rū Yerucharēūwa taxi.

16 Rū towe narūxī ga ñuxre ga yaxōgūxū ga Checharéacūāxgū, rū Machōūpatawa toxū nagagū. Rū nūma nixī ga wūxi ga Chíperecūāx ga ūpamama woetama yaxōxū. Rū naxūtagu tapegūxū.

Chaūtiáguxūtagu nanaxūāne ga Pauru

17 Rū yexguma Yerucharēūwa tangugūgu, rū yema yaxōgūxū rū taāēacūma toxū nayauxgū.

18 Rū moxūācū ga Pauru rū tomaā Chaūtiáguxūtagu nanaxūāne. Rū yéma nangutaquēxegū ga guxūma ga yaxōgūxūārū āēxgacūgū.

19 Rū nūxū narūmoxē ga Pauru, rū ñuxūchi meāma namaā nūxū nixu ga guxūma ga yema Tupana xūxū ga yexguma yema tama Yudiūgū ixīgūxūmaā nūxū yaxuxgu ga Tupanaārū ore.

20 Rū yexguma Pauruarū orexū naxīnūēgu ga nūmagū, rū Tupanaxū nicuēxūgū. Rū ñanagūrūgū Pauruxū: —Dūcēx, Pa Toeneēx, cuma nūxū cucuēx rū nangēxma i muxūchixū i Yudiūgū i yaxōgūxū. Rū guxūma i nūmagū rū nanaxwēxegū na nagu naxīxū i ngēma mugū ga Moīché ūmatūxū.

21 Natūrū ga togū ga tama yaxōgūxū rū marū namaā nūxū nixugūgū na cuma rū cunangūexēēxū i guxūma i Yudiūgū i togū i nachīūānewa ngēxmagūxū, na tama naga naxīnūēxūcēx i ngēma mugū ga Moīché ūmatūxū. Rū marū namaā nūxū nixugūgū na cunangūexēēxū na tama tūxū ínawīchēxmūpēxechiraūxūcēx ya nanegū, rū na tama naga naxīnūēxūcēx i tacūmagū ga Moīché tūxū muxū.

22 ¿Tacū tá ixūexū i ñuxmax? Erū ngēma Yudiūgū i yaxōgūxū rū aixcūma tá nūxū nacuēxgū na marū nuā cunguxū.

23 ¡Rū ngēmacēx name nixī na cunaxūxū i ngēma tá cumaā nūxū tixuxū! Nuā totanūwa nangēxma i āgūmūcū i yatūgū i yanguxēēchaūxū i wūxi i uneta i Tupanamaā nūxū yaxuxū.

24 ¡Ngēma tupaucā ya taxūnēwa nagagū, rū wūxigu namaā yanguxēē i ngēma tacūma ga Moīché tūxna āxū, rū Tupanapēxēwa pegū peyamexēēgū! ¡Rū nūxū naxūtanū i ñuxregu nūxū naxātānū na yadūpūxūerugūxūcēx i ngēma yatūgū na ngēmaācū yanguxēēgūāxūcēx i norū unetagū! Rū ngēmawa rū guxūma i ngēma Yudiūgū rū tá nūxū nacuēxgū na aixcūma cuma rū ta naga cuxīnūxūxū i ngēma mugū ga Moīché ūmatūxū rū tama aixcūma na yīxū ga yema ore ga cuchiga ga nūxū yaxugūexū.

25 Rū ñuxŭchi ngēma yaxōgūxŭ i tama Yudiūgū ixīgūxŭ, rū marū naxcèx tanaxūmatū ga torū ore na tama nangōxgūāxŭcèx i tacū i namachi i marū togū norū tupananchicūnèxāgūxŭ namaā icuèxūūgūxŭ, rū tama na nangōxgūāxŭcèx ya nagū, rū tama nangōxgūāxŭcèx i naèxūgū rū ēxna naxūnagū i wēxnaāxŭ, rū tama naī i ngemaā rū ēxna naī ya yatūmaā inapexŭcèx –ñanagūrūgū.

Tupaucā ga taxŭnegu Pauruxŭ niyaxugū

26 Rū yexguma ga Pauru rū yēma tupaucā ga taxŭnewa nanagagū ga yema āgūmūcū ga yatūgū. Rū moxŭtācū rū Tupanapēxewa nūgū namexēē ga Pauru wūxigu namaā ga yema yatūgū. Rū ñuxŭchi guma tupaucā ga taxŭnegu namaā naxūcu na paimaā nūxŭ yaxuxŭcèx na 7 ga ngunexūgu tā yīxŭ na yanguxēēgūāxŭ ga yema norū uneta ga Tupanamaā nūxŭ yaxugūxŭ, rū yemawena rū tá na inaxāmaregūāxŭ ga norū āmaregū ga Tupanaxŭ namaā yacuèxūūgūxŭ ga wūxichigū.

27 Rū yexguma marū nagūxchaŭgu ga yema 7 ga ngunexŭ, rū ñuxre ga Yudiūgū ga Áchiaanecūāxgū rū Pauruxŭ nadaugū ga tupaucā ga taxŭnewa. Rū yema Yudiūgū rū duŭxŭgūxŭ nanuèxēē na Pauruxŭ yayaxugūxŭcèx. Rū yemacèx Pauruna nayuxgū.

28 Rū tagaācū aita naxŭe ñaxŭmaā: –Pa Tomūcūgū Pa Yudiūgūx, ¡Paxa toxŭ perūngŭxēēx! Nāā nixŭ i ngēma yatū i guxŭwama yangŭxēēchigūxŭ i duŭxŭgū na taxchi naxaixŭcèx i yixema i Yudiūgū, rū naxchi na naxaixŭcèx i ngēma mugū ga Moiché ūmatūxŭ rū daa tupaucā ya taxŭne. Rū naetūwa i ñuxmax rū nuxa daa tupaucā ya taxŭnegu nanamucu i ñuxre i duŭxŭgū i tama tacūmagu īxŭ, rū ngēmaācū nanaxŭxaxēē i ñaā nachica i ūūnexŭ –ñanagūrūgū.

29 Rū yema ñanagūrūgū yerū ūpaacū Yerucharēŭwa Paurumaā nūxŭ nadaugū ga Turuquīnu ga wūxi ga Epéchiucūāx ga tama Yudiū ixīxŭ. Rū nūxŭ nacūxgūgu rū Pauru marū yexma nanaxŭcuxēē ga tupaucā ga taxŭnegu.

30 Rū guxŭma ga yema īānecūāxgū rū poraācū nanuē. Rū tupaucā ga taxŭnecèx nibuxmū, rū Pauruxŭ niyaxugū, rū tupaucarū īāxtūwa nanatūchigūgū. Rū yexguma paxa nanawāxtagū ga guma tupaucā ga taxŭneārū īāxgū.

31 Rū yexguma Pauruxŭ yamèxgūchaŭgu ga duŭxŭgū, rū Dumacūāx ga churaragūarū āēxgacūxŭtawā nanguchiga ga ore na guxŭwama ga Yerucharēŭwa rū na nanuèxŭ ga duŭxŭgū.

32 Rū yexgumatama ga guma churaragūarū āēxgacū rū nanangutaquèxexēē ga yema norū capitāŭgū namaā ga norū churaragū, rū paxa yema duŭxŭgū īyexmagūxŭwa naxŭ. Rū yexguma guma āēxgacūxŭ rū yema churaragūxŭ nadaugūgu ga duŭxŭgū, rū īnayachaxāchigū ga na Pauruxŭ yamèxgūxŭ.

33 Rū yexguma ga guma āēxgacū rū Paurucèx nixŭ rū nayayaxu. Rū nanamu na taxre ga cadenamaā na yanèixgūāxŭcèx. Rū nūxna naca na texé yīxŭ, rū tacū naxŭxŭ.

34 Natūrū yema muxŭma ga duŭxŭgū rū toxica ga oremaā aita naxŭe ga wūxichigū. Rū yexguma taxuacūma meā nūxŭ nacūxgu ga tacūcèx na nanuèxŭ, rū guma āēxgacū rū nanamu na churaragūpatawā Pauruxŭ nagagūxŭ.

35-36 Rū yexguma churaragūpataarū toxōnewa nanguxgu ga Pauru, rū churaragū nayangetaūgū naxchaxwa ga yema muxūma ga duūxūgū, yerū nanuēxūchi rū nawe nicaetanū rū ñanagūrūgū: —¡Yamēxūchi! —ñanagūrūgū.

Pauru rū duūxūgūpēxewa nūgūētūwa nidexa

37 Rū yexguma marū churaragūpatagu yamucuchigūchaūāgu rū Pauru rū Griégugawa guma āēxgacūna naca rū ñanagūrū: —¿Cuxū namexū na cumaā nūxū chixuxū i wūxi i ore? —ñanagūrū. Rū nūma ga āēxgacū nanangāxū rū ñanagūrū: —Ēxna nūxū cucuēx na Griégugawa quidexaxū.

38 ¿Tama ēxna cuma yīxū i Equitucūāx ga ūpaxūra rū duūxūgūxū cunuēxēēxū na āēxgacūmaā nūgū nadejūcēx rū dauxchitawa ga taxūema íxāpataxūwa cunagagūxū ga 4000 ga yatūgū ga máētaxūgū? —ñanagūrū.

39 Rū yexguma ga Pauru rū nanangāxū, rū ñanagūrū: —Choma rū Yudiú chixī, rū Tarsucūāx chixī. Rū Chiríchiaanewa rū yima nixī ya wūxi ya ñāne ya taxūchine. Rū ngēxguma curū me yixīgu, rū cuxna chaca na duūxūgūmaā chidexaxūcēx —ñanagūrū.

40 Rū yexguma ga guma āēxgacū rū: —Ngū —ñanagūrū. Rū nūma ga Pauru, rū churaragūpataarū toxōnegu nachinagū, rū naxunagūmēxē na nachīachixūcēx ga duūxūgū. Rū yexguma nachīachiegu, rū Yudiúgawa nidexa, rū ñanagūrū nūxū:

22

1—Pa Chautanūxūgūx, jrū choxū iperūxīnūē i ngēma ñuxma tá pemaā nūxū chixuxū na chaugūētūwa chidexaxūcēx! —ñanagūrū.

2 Rū yexguma nūxū naxīnūēgu ga na Yudiúgawa namaā yadexaxū, rū yexeraācū inayarūchianegū. Rū yexguma namaā yadexagu ga Pauru, rū ñanagūrū:

3—Choma rū Yudiú chixī, rū Chiríchiaaneārū ñāne ga Tarsugu chabu. Natūrū doma ñāne ya Yerucharēūwa chaya, rū Gamaniéu nixī ga chorū nguxēēruū. Rū meāma nawa changux ga guxūma ga mugū ga nuxcūmaūgūxū ga tórū oxigū nagu íxū. Rū guxūguma naxcēx chadau na guxūma i chorū ngūchaūmaā Tupanaāxū chapuracūxū, ngēxgumarūū i guxāma i pema i ñuxmax.

4—Rū choma ga ūpa rū poraācū nawe chingēchigū ga yema Ngechuchuaxū yaxōgūxū na chanadējūcēx. Rū íchanayauxū, rū chanapoxcue ga muxūma ga yema yaxōgūxū ga yatūxūgū rū ngexūgū.

5—Rū nūma ya paigūeru rū guxūma i tupauca ya taxūneārū āēxgacūgūerugū rū nūxū nacuēxgū na aixcūma yīxū i ñāā chorū ore. Yerū nūmagū rū choxna nanaxāgū ga popera na choxū nangūxēēgūxūcēx ga tatanūxūgū ga Yudiúgu ga Damacuwa yexmagūxū. Rū yéma Damacuwa chaxū na naxcēx chayadauxū-cēx ga yema Ngechuchuaxū yaxōgūxū, rū nuā Yerucharēūwa na chanagagūxūcēx rū nuxā chayapoxcuēxūcēx.

Pauru nūxū nixu na ñuxācū Ngechuchuaxū yaxōōxū

6—Natūrū yexguma namagu chixūyane rū marū chingaicaxgu ga Damacuwa na changuxū, rū meāma tocuchigu nixī ga yexguma. Rū ngūrūāchi wūxi ga omū ga poraxū ga daxūwa ne baxixū rū choxū nabaxi.

7—Rū ñaxtūanegu chayangu, rū nūxū chaxīnū ga wūxi ga naga ga ñaxū choxū:

“Pa Chaurux, ¿tūxcūū i chowe quingēchigūxū?” ñaxū.

8—Rū yexguma ga choma rū chanangāxū, rū ñacharūgū:

“¿Rū texé quixī Pa Corix?” ñacharügü. Rū nūma ga yema naga rū choxū nangāxū, rū ñanagürü:

“Choma nixī i Ngechuchu ya Nacharétucūāx, rū chorū duūxügü nixī i ngēma nawe quingēchigūxū”, ñanagürü choxū.

⁹ –Rū yema chomücügü rū nūxū nadaugü ga yema omü, rū nabaixāchiāēgü, natürü tama nūxū naxīnūē ga yema naga ga chomaā idexaxū.

¹⁰ –Rū nūxna chaca, rū ñacharügü ga chomax:

“¿Rū tacü tá chaxūxū, Pa Corix?” ñacharügü. Rū yexguma ñanagürü choxū ga Cori:

“¡Írūda, rū inachi, rū Damacuwa naxū, rū ngema tá cumaā nūxū nixu ya wūxi ya yatü na tacü tá cuxūxū!” ñanagürü ga nūma ga Cori.

¹¹ –Rū yexguma ga choma rū chixoxetü yema omüēmamaā, rū yemacèx ga yema chomücügü rū choxmēxgu yangīgüācūma choxū nigagü, rū yemaācü Damacuwa changu.

¹² –Rū yēma nayexma ga wūxi ga yatü ga Ananīāgu āegacü. Rū nūma nixī ga wūxi ga yatü ga aixcūma Tupanaga ĩnücü, rū nūma rū meāma nayanguxēē ga yema mugü ga Moīché ūmatūxū. Rū guxūma ga Yudīugü ga Damacuwa yexmagūxū, rū meā nachiga nidexagü.

¹³ –Rū nūma ga Ananīā rū choxū ĩnayadau. Rū yexguma chauxtāta nanguxgu rū ñanagürü choxū:

“Pa Chaueneē Pa Chaurux, ¡wenaxārü ingoxnaxētü!” ñanagürü. Rū yexgumatama wenaxārü chingoxnaxētü rū meāma nūxū chadau.

¹⁴ –Rū yexguma ñanagürü ta:

“Yima Tupana ya nuxcūmaūgūxū ga tórü oxigüarü Tupana cuxū naxuneta na nūxū cucuáxúcèx i norü ngūchaū, rū na nūxū cudauxúcèx ya yima Cristu ya mecü, rū nañxwatama nūxū cuxīnūxúcèx i naga.

¹⁵ –Erü cuma tá nixī i guxū i duūxügümaā nūxū quixuchigaxū ga ñuxācü na Tupanaxū cudauxū rū cumaā yadexaxū.

¹⁶ –¡Rū ñuxma rū marü taxuūma ícunanguxēē! ¡Rū Írūda rū Ínabaie! ¡Rū Cori ya Ngechuchuégagu naxcèx ínaca na cuxū nūxū nangechaūxúcèx i curü pecadugü!” ñanagürü choxū.

Pauru nūxū nixu na ñuxācü Tupana namuxū na yema tama Yudīugü ixīgūxūttanūwa naxūxúcèx

¹⁷⁻¹⁸ –Rū yexguma Yerucharéūcèx chataeguxgu, rū tupauca ga taxūnewa chaxū na yēma chayumūxēxúcèx. Rū changoxetü, rū nūxū chadau ga Cori ya Tupana. Rū ñanagürü choxū:

“¡Napaxāē, rū inaxūāchi i nuā Yerucharéūwa, erü duūxügü rū tāūtāma naga naxīnūē i ngēma ore i chauchiga nūxū quixuxū!” ñanagürü.

¹⁹ –Rū choma chanangāxū, rū ñacharügü:

“Pa Corix, nūma i duūxügü rū nūxū nacuèxgü ga choma na yīxū ga guxūne ga ngutaquēxepataūgūwa chaxūxū rū íchanayauxūxū rū chanapoxcuexū rū chayaçuaixgūxū ga yema cuxū yaxōgūxū.

²⁰ –Rū yexguma yamēxgūāgu ga guma curü duūcü ga Etébaū ga curü orearü uruū, rū chomatama yēma chayexma, rū chorü me nixī ga na yamēxgūāxū. Rū choma nixī ga nūxna chadauxū ga naxchiru ga yema yamēxgūxū”, ñacharügü nūxū.

²¹ –Natürü nūma ga Cori rū ñanagürü choxū:

“¡Rü paxa cugü namexëë rü inaxüãchi! Erü yaxügxü i nachiüãnegüwa i ngëma duüxügü i tama Yudiügu ixigüxütanüwa tá cuxü chamu” —ñanagürü.

Churaragüarü ãëxgacümëxëwa nayexma ga Pauru

22 Rü yexguma Pauru yema ñaxgu rü yexma nayacuëkëëgü ga na meã nüxü inaxinüëxü ga yema duüxügü. Rü yexguma aita naxüëãcüma ñanagürügü: — ¡Noxtacüma peyamá! Rü name nixi i na nayuxü rü ngëxma na yanaxoxü — ñanagürügü.

23 Rü yexguma aita naxüegu, rü norü gáuxüchirumaã nibuatanücüü, rü ätëxëanexü daxü niwogütanücüü.

24 Rü yexguma yemaxü nadëuxgu ga churaragüarü ãëxgacü, rü nanamu ga churaragüpatagu na yamucuchigüãxüçëx ga Pauru. Rü nanamu na poraãcü naçuaixgüãxüçëx na yadexaxüçëx na nüxü nacuaixüçëx ga tüxcüü yiixü na yemaãcü nachigamaã aita naxüexü ga duüxügü.

25 Rü yexguma marü yanëixgüãgu na naçuaixgüãxüçëx, rü Pauru nüxna naca ga yema capitáü ga yéma yexmaxü, rü ñanagürü: —¿Éxna pexmëxwa nangëxma na penaçuaixixü i wüxi i Dumacüãx ega tama nüxna pecaxiragu? —ñanagürü.

26 Rü yexguma yemaxü naxinügu ga capitáü, rü guma churaragüarü ãëxgacüxütawa naxü, rü namaã nüxü nixu, rü ñanagürü: —¿Tacü tá cuxü? Erü ñaã yatü rü Dumacüãx nixi —ñanagürü.

27 Rü yexguma ga guma churaragüarü ãëxgacü, rü Paurucëx nixü, rü nüxna naca rü ñanagürü nüxü: —¿Aixcüma yiixü na Dumacüãx quiixü i cumax? —ñanagürü. Rü nüma ga Pauru nanangãxü, rü: —Ngü —ñanagürü.

28 Rü yexguma ga guma churaragüarü ãëxgacü rü nanangãxü, rü ñanagürü: —Choma rü poraãcü choxü naxätanü na Dumacüãx chaugü chixixëëxü —ñanagürü. Rü yexguma nachonagü ga Pauru, rü ñanagürü: —Natürü i choma rü woetama chorü bucüma Dumacüãx chixi —ñanagürü.

29 Rü yexgumatama nüxna nixigachi ga yema Pauruxü çuaixgüchaixü. Rü nümatama ga yema churaragüarü ãëxgacü rü ta namuü ga yexguma nüxü nacüëxgu ga Dumacüãx na yiixü ga Pauru, yerü marü cadenamaã nayanëixchirëx.

Yudiügarü ãëxgacügütücumüpëxëwa nayexma ga Pauru

30 Rü yema churaragüarü ãëxgacü meãma nüxü nacuaixchaü ga tüxcüü na inaxuaxügüãxü ga yema Yudiügu. Rü yemacëx ga moxüãcü rü nanamu na nangutaquëxëgüxüçëx ga paigüarü ãëxgacügü rü guxüma ga yema ãëxgacügütücumü ga Yudiügarü. Rü nayawëgü ga Pauruarü cadena rü yéma ãëxgacügüpëxëwa nanagagü.

23

1 Rü Pauru meãma nüxü nadawenü ga yema ãëxgacügü, rü ñanagürü nüxü: —Pa Chautanüxügüx, chomatama nüxü chacuëx rü guxüguma meã chamaxü ga Tupanapëxëwa ñuxmata ñoma i ngunexüwa nangu —ñanagürü.

2 Rü yexguma ga yema paigüeru ga Ananiã rü nanamu ga yema Pauruarü ngaicamana yexmagüxü na naãxwa tayamëxgüxüçëx.

3 Rü yexguma ga Pauru rü ñanagürü nüxü: —Tupana tá cuxü napëax, Pa ãëxgacüx. Cuma rü düxëtüwaxica come natürü aixepena rü nachixe i curü maxü. Rü ñuxma rü ngema curüto na Moiché umatüxü i mugü nüxü ixuxüãcüma choxna cuçaxüçëx. Natürü wüxi i chixëxü cuxü erü cumatama

rū tama naga cuxīnū i ngēma Tupana tūxū muxū erū cunamu na choxū napéaxūcèx –ñanagūrū ga Pauru.

⁴ Rū yexguma ga yema yexmagūxū rū ñanagūrūgū: –¿Tūxūcū i ngēmaācū tacū namaā quixugūxū i paigūeru ya Tupana nūxū unetacū? –ñanagūrūgū.

⁵ Rū Pauru nanangāxū, rū ñanagūrū: –Tama nūxū chacuèx, Pa Chautanūxūgūx, na paigūeru yīxū. Erū Tupanaārū ore i ūmatūxūwa nūxū tadau rū ñanagūrū:

“¡Tama curū āēxgacūmaā chixexū quixugū!”
ñanagūrū.

⁶ Rū yexguma nūxū nacuèxgu ga Pauru ga na Chaduchégū yīxū ga togū, rū na Parichégū yīxū ga togū, rū yema āēxgacūgūpēxewa tagaācūma ñanagūrū: –Pa Chautanūxūgūx, choma rū Parichéu chixī, rū Parichéu nane chixī. Rū ngēmācèx choxna pecagū i ñuxmax, erū chayaxō i wena tá na namaxèxū i yuxū –ñanagūrū.

⁷ Rū yexguma yema ñaxgu ga Pauru, rū yema Parichégū rū Chaduchégū rū inanaxūgūe ga nūgūmaā na iyaporaaxū, rū yexma nūgū nitoye ga yema ngutaquēxewa.

⁸ Erū ngēma Chaduchégū naga rūxīnūēgu rū tama wena namaxē i ngēma yuxū, rū nataxuma i orearū ngerūgū i daxūcūāx, rū nataxuma i naāēgū –ñanagūrūgū. Natūrū ngēma Parichégū rū ñayaxōgū na nangēxmaxū i guxūma i ngēma.

⁹ Rū yemacèx guxūma aita naxūe. Rū ñuxūchi ñuxre ga ngūxēēruūgū ga Moīchéarū mugūwa nguxēētaegūxū ga Parichégūtūcumūwa ūgūxū rū inachigū, rū ñanagūrūgū: –Toxcèx rū taxūma i chixexū naxū i ñāa yatū. Bexmana wūxi i tacū rū naāē namaā nidexa rū ēxna wūxi i orearū ngerū i daxūcūāx –ñanagūrūgū.

¹⁰ Rū yexeraācū norū numaā nanaxixāchiāēgū ga yema duūxūgū. Rū yemacèx naxoegaāē ga guma churaragūarū āēxgacū ga na Paurugu nagaugūgūchaūxū. Rū norū churaragūxū namu na yēma duūxūgūtanūwa Pauruxū napugūxūcèx rū wena churaragūpatawa na nagagūāxūcèx.

¹¹ Rū moxūācūarū chūtaxūgu Paurucèx nangox ga Cori ga Tupana, rū ñanagūrū nūxū: –¡Rū nataāē! Rū ngēxgumarū i nūma Yerucharéūwa choxū na quixuchigaxū, rū ngēxgumarū tū tá ta nixī i Dumawa na choxū quixuchigaxū –ñanagūrū ga Tupana.

Yudíugū naxcèx nadaugū na ñuxācū Pauruxū yamèxgūchaūxū

¹² Rū moxūācū, rū ñuxre ga Yudíugū rū nūgūmaā inaxunetagū ga tāūtāma na nachibūexū rū naxaxegūxū ñuxmatāta Pauruxū yamèxgū. Rū ñanagūrūgū: –Tachixexūgūgū tá ega tacū ingōxgūgu naxūpa na yamāxū i Pauru –ñanagūrūgū.

¹³ Rū 40 arū yexera ga yatūgū nixī ga yema nūgūmaā ixunetagūxū.

¹⁴ Rū paigūarū āēxgacūgūtanūwa rū Yudíugūarū āēxgacūgūgūtanūwa naxī, rū ñanagūrūgū nūxū: –Marū togūmaā itaxuneta rū tachixexūgūgū tá ega tacū tangōxgūgu naxūpa na tayamāxū i Pauru.

¹⁵ Rū name nixī i pema rū ngēma togū i pexrū i āēxgacūgūgūtanūwa ūgūxū, rū churaragūarū āēxgacūna naxcèx peyacagū i ñuxma na moxū wena pepēxewa nagagūāxūcèx i Pauru. ¡Rū namaā nūxū pixu na penaxwèxegūnetaxū na meā nūxū pecuāxchaūxū i nachiga! Rū toma rū tá marū ítamemare na namagu tayamāxūcèx naxūpa na ínanguxū –ñanagūrūgū.

16 Natürü ngīne ga Paurueyèx rü nüxū nacuáchiga ga Pauruxū na yamèxgūchaūxū, rü yemacèx churaragūpatawa naxū na Paurumaā nüxū yanaxuxūcèx.

17 Rū Pauru naxcèx naca ga wūxi ga capitáū, rü ñanagürü nüxū: —jCurū ãëxgacūxūtawa naga i ñaā ngextūxūxū, erü nüxū nangèxma i ore i namaā nüxū yaxuxchaūxū! —ñanagürü.

18 Rū yema capitáū rü ãëxgacūxūtawa nanaga ga yema ngextūxūxū. Rū ñanagürü nüxū: —Ngēma poxcuxū i Pauru rü chauxcèx naca, rü choxna naca na nuā cuxūtawa chanagaxūcèx i ñaā ngextūxūxū, erü nüxū nangèxma i ore i cumaā nüxū yaxuxchaūxū —ñanagürü.

19 Rū naxmèxgu yayauxāchiācūma toxnamana nanaga ga ãëxgacū, rü yéma nüxna naca rü ñanagürü: —¿Tacū yīxū i ngēma chomaā nüxū quixuxchaūxū? —ñanagürü.

20 Rū nüma ga ngextūxūxū nanangāxū, rü ñanagürü: —Ngēma Yudiūgū, rü nügūmaā inaxunetagu na cuxna naxcèx nacagūxūcèx na moxū Yudiūgūarū ãëxgacūgütūcumüpèxewa na cunagaxūcèx i Pauru. Rū tá cumaā nüxū nixugū na meā nüxū nacuèxgūchaūxū i nachiga.

21 —jNatürü tāūtāma nüxū cuyaxō! Erü 40 arū yexera i yatūgū rü marū nügūmaā inaxunetagu, rü ñanagürügū:

“Tachixexūgugū tá ega tacū ingōxgūgu rü éxna ixaxegūgu naxūpa na yamáxū i Pauru”, ñanagürügū. Rū ñuxma rü marū ínamemare, rü namagu nananèixgū, rü curū orexicatama nixī i ñuxma ínanguxēēgūxū —ñanagürü.

22 Rū yexguma ga ãëxgacū rü ínayamu ga yema ngextūxūxū, rü nüxna naxāga na taxúemaā nüxū yaxuxūcèx ga na namaā nüxū yaxuxū ga yemachiga.

Áëxgacū ga Perixūtawa Pauruxū namu

23 Rū yexguma ga guma ãëxgacū rü taxre ga norū capitáūcèx naca, rü ñanagürü nüxū: —jPenamexēē i 200 i churaragū i nacutūmaāmare íxīxū, rü 70 i churaragū i cowarutagu íxū, rü 200 i churaragū i wocaxemaā íxāxnexū na 9 arū oragu i chūtacū Checharéawa naxīxūcèx!

24 —jRū ngèxgumarūū ta penamexēē i ñuxre i cowarugū i Paurucèx na tórū ãëxgacū i Perixūtawa naxūxūcèx rü na taxuūma nüxū üpetūxūcèx i namawa! —ñanagürü.

25 Rū yema capitáūgūmaā yéma nanamu ga wūxi ga popera ga ñaxū:

26 “Choma i Cláudiu Díchiu, rü cuxū charūmoxē Pa Áëxgacū ya Mecūxūchi Pa Perix.

27 Rū yima yatū ya cuxcèx ngema chanamucū, rü Yudiūgū nayayauxgū rü wixguxūchi taèx nayamèxgū. Natürü yexguma nüxū chacuáchigagu na Dumacūāx na yīxū, rü yéma chaxū chorū churaragūmaā, rü nüxna chanapu.

28 Rū nüxū chacuáxchaū ga tacū ga chixexūmaā na ínaxuaxūgūāxū, rü yemacèx Yudiūgūarū ãëxgacūgütūcumüpèxewa chanaga.

29 Rū yexguma nüxū chacuèx ga na Yudiūgūarū muchigacèxmare na ínaxuaxūgūāxū. Natürü taxuūma ga chixexū naxū na tūxcūū yamáxūcèx rü napoxcuxūcèx.

30 Natürü yexguma nüxū chacuáchigagu ga na nügūmaā inaxunetaxū ga Yudiūgū ga na yamèxgūāxūcèx, rü yexgumatama nagu charūxñū na cuxūtawa chanamuxū. Rū yema ínaxuaxūgūxū, rü namaā tá nüxū chixu na cuxūtawa naxīxū rü cumaā nüxū na yanaxugūxūcèx na tacūcèx ínaxuaxūgūāxū”,

ñanagürü.

³¹ Rū yema chütaxūgu inaxīāchi ga yema churaragū, yexgumarūū ga norū āēxgacū na namuxūrūū. Rū Pauruxū nigagū ñuxmata Aūtīpatiwa nangugū.

³² Rū moxūācū rū nawoegu ga yema churaragū ga nacutūmaāmare ixīxū rū naxpataūwa naxī. Rū yema churaragū ga cowarutagu īxū, rū Paurumaā inaxīāma.

³³ Rū yexguma Checharéawa nangugūgu, rū āēxgacū ga Perina nanaxā ga yema popera, rū Pauruxū rū ta inamugū.

³⁴ Rū yexguma nūxū nadaumatūgu ga popera ga āēxgacū ga Peri, rū Pau-runa naca ga ngextācūāx na yīīxū. Rū yexguma nūxū nacuēxgu ga na Chirīchiaanecūāx yīīxū, rū ñanagürü nūxū:

³⁵ —Cuxū tā icharūxīnū i ngēxguma inangugūgu i ngēma cuxū īxuaxūgūxū — ñanagürü. Rū yexguma nanamu ga churaragū na wūxi ga ucapu ga āēxgacū ga Erodepatawa yexmaxūwa nūxna na nadaugūxūcēx.

24

Pauru rū āēxgacū ga Peripēxewa nūgūētūwa nidexa

¹ Rū wūximēēxpūx ga ngunexū ngupetūgu, rū Yerucharéūwa ne naxū ga paigūeru ga Ananiā, namaā ga ñuxre ga Yudīugūarū āēxgacūgūerugū rū wūxi ga yatū ga meāma dexaxū cuāxū ga Téturu ga naega. Rū nūmagū rū āēxgacū ga Perixūtawa naxī na namaā nūxū yanaxugūxūcēx ga tūxcūū Pauruxū na īnaxuaxūgūxū.

² Rū yexguma Pauruxū yéma nagagūgu, rū inanaxūgū ga Téturu ga nūxū na yaxuxū, rū ñanagürü:

—Moxēxūchima i cuma Pa Āēxgacū Pa Perix, erū cugagu nixī i meāma toxū naxūpetūxū i nuā. Rū cugagu nixī i nuā i ñoma i nachīūānewa na toxū nangēxmaxū i muxūma i mexūgū.

³ Rū moxē cuxna taxā erū guxūwama rū guxūguma cuxūtawa tanayauxgū i guxūma i ngēma mexūgū Pa Āēxgacūxūchima, Pa Perix.

⁴ Natūrū tama yexeraācū cuxū chachixewechaū. Rū ngēmacēx cuxna chaca na paxaāchi meā toxū icurūxīnūxū.

⁵ Rū ñuxma rū wūxi i orexū cumaā chixuxchaū. Rū marū nūxū tadau i ñāā yatū rū wūxi i ñaaweanerūū na yīīxū, erū chixexūmaā nayaxucuxēgū i Yudīugū i guxū i naānewa na nūgū yatoyexūcēx. Rū nūma nixī i norū āēxgacū i ngēma duūxūgū i nūxū yaxōgūxū i Ngechuchu i Nacharētucūāx.

⁶ Rū toma tayayauxgū i ñāā yatū ga yexguma tupauca ga taxūne naxūxaxēchaūgu. Rū torū mugū tomaā nūxū ixuxūācūma nūxna tacagūchaū.

⁷ Natūrū īnangu ga churaragūarū āēxgacū ga Dīchiu, rū muxūma ga norū churaragūmaā toxna nanapu. Rū toma i īnaxuaxūgūxe, rū toxū namu na cuxūtawa taxīxūcēx.

⁸ Rū ñuxma rū marū name i cumatama nūxna cuca i ngēma Pauru na nūxū cucuāxūcēx na aixcūma yīīxū i guxūma i ngēma naxcēx ītanaxuaxūgūxū i tomāx —ñanagürü.

⁹ Rū yema togū ga Yudīugū rū ta, rū ñanagürūgū: —Rū aixcūma nixī i ngēma ore —ñanagürūgū.

¹⁰ Rū yexguma ga guma āēxgacū ga Peri rū naxmēxmaā Pauruxū naxuneta na yadexaxūcēx. Rū yexguma ga Pauru, rū ñanagürü: —Chorū taāēmaā cupēxewa chaugūcēx chidexa, erū nūxū chacuēx na mucūma ga taunecū ñoma i nachīūānearū āēxgacū quiīxū.

11 Marū name i cumatama naxcèx ícuca, erū 12 i ngunexūxīcatama nangu-petū ga na Yerucharéúwa changuxū na Tupanaxū chayarūcuèxūxūcèx.

12 Rū bai ga tupauca ga taxūnewa, rū bai ga ngutaquèxepataūgūwa, rū bai ga ngūrūanewamare ga īānewa choxū nadaugū ga Yudíugū ga na texémaā íchaporagacūxū, rū na chananuèxèèxū ga duūxūgū.

13 Rū űuxma i űāā duūxūgū i choxū íxuaxūgūxū, rū bai i wūxiwaxūra cuxcèx nanangoxèègū na aixcūma yīxū i ngēma naxcèx choxū ínaxuaxūgūxū.

14 Natūrū cumaā nūxū chixu, rū nuxcūmaūgūxū ga chorū oxīgūarū Tupanaāxū nixī i chapuracūxū ngēxgumarū i choxū na nanaxwèxexū ya Ngechuchu ya Cristu ya nūxū chayaxōcū. Rū ngēma nixī i nūmagū i Yudíugū naxugūāgu rū na:

“Tomare i ore”, űagūxū. Rū aixcūma nūxū chayaxō i guxūma i Tupanaārū mugū ga Moiché űmatūxū rū guxūma i Tupanaārū ore ga nuxcūmaūgūxū ga norū orearū uruūgū űmatūgūxū.

15 Rū choma rū ta yema nuxcūmaūgūxūrū Tupanaāxū chayaxō. Rū naxrūl chayaxō rū tá wena na namaxèxū i ngēma yuexū i mexūgū rū chixexūgū.

16 Rū ngēmacèx nixī i guxūguma meā chaugūna chadauxū na chauāēwatama nūxū chacuāxūcèx na chamexū i Tupanapèxewa rū duūxūgūpèxewa.

17 Rū dūcax, Pa Āèxgacūx, rū űuxre ga taunecū togū ga nachīūānegu chixūgū, rū dūxwaxarū chauchiūānecèx wena chataegu na nuā chanangexūcèx ga dīeru ga namaā nūxū charūngūxèèchaūxū i chautanūxūgū i Yudíugū i nūxū nataxūxū, rū nuā Tupanana chanaxāxūcèx i chorū āmaregū.

18-19 Rū yema ngunexūgu rū tupauca ya taxūnewa Tupanana íchanaxā ga chorū āmaregū, nawena na chaugū chamexèèxū ga Tupanapèxewa. Rū tama muxū ga duūxūgūmaā chayexma, rū tama chananuèxèè ga duūxūgū ga yexguma űuxre ga Yudíugū ga Áchiaanecūāx choxū daugūgu ga yéma tupauca ya taxūnewa. Rū ngēmagū chi nixī i űuxma nuā íxū na choxū ínaxuaxūgūxūcèx ega űacū nūxū ngēxmagu i chauchiga.

20 Rū ngēxguma tama űacū nūxū ngēxmagu ga yema tupauca ya taxūnewa choxū daugūxū, jrū ècū űāā űuxma nuxmagūxū cumaā nūxū ixugū na űacū ga chixexūxū chowa nadaugūxū ga yexguma Yudíugūarū āèxgacūgūtūcumūpèxewa chayexmagu!

21 Rū űaxūxīcatama nixī ga chorū ore ga tagaācū namaā chachonagūxū ga yexguma yema āèxgacūgūpèxewa chayexmagu:

“Rū űuxma rū choxna pecagū erū choma chayaxō i wena tá na namaxèxū i yuexū”, űacharūgū ga yexguma —űanagūrū ga Pauru.

22 Natūrū ga Peri rū meā nūxū nacuèx ga yema Cristuaxū yaxōchiga. Rū yemacèx ga yexguma Pauruaru orexū naxīnūgu, rū ínayachaxāchi ga na nūxna naxaxū, rū űanagūrū Yudíugūxū: —Ngēxguma churaragūarū āèxgacū ya Díchiu nūma űxgu, rū tá meāma nūxū chacuèx i ngēma naxcèx ípenaxuaxūxū — űanagūrū.

23 Rū yexguma ga Peri rū norū capitāxū namu ga na Pauruna nadauxūcèx. Natūrū tama nanapoxcuxūchi, rū tama nanachūxu ga na naxūtagu naxīānèāxū ga namūcūgū, rū nūxū na nangūxèègūxū.

24 Rū űuxre ga ngunexū marū ngupetūgu rū wena yéma naxū ga Peri ngīmaā ga naxmèx ga Drusila ga Yudíu íxīcū. Rū Paurucèx nayacaxèè, rū nūxū naxīnū ga yema ore ga Pauru namaā nūxū ixuxū ga Cristuaxū na yaxōxūchiga.

²⁵ Natürü yexguma Pauru meãma namaã nüxü ixxgu na ñuxãcü Tupana naxwëxexü na meã imaxüxü rü ñuxãcü nanaxwëxexü na tórü maxümaã meã icuáxü rü ñuxãcü tá tuxna naçaxü i tórü maxüchiga, rü poraãcü nañaixãchiãe ga Peri. Rü düxwa ñanagürü nüxü: —jËcü íixü i ñuxmax! Rü ngëxguma ñuxguacü icharüxãüxmaregu, rü wena táxarü cuxcëx changema —ñanagürü.

²⁶ Yerü Peri ñananguxëë na Pauru chi diëru nüxna íxãxü na yangëãxüçëx, rü yemacëx muëxpüxcüna naxcëx nangemaxü, rü namaã nidexaxü.

²⁷ Rü taxre ga taunecü yemaãcü nixügü. Rü ñanguxuchi ga Peri ga na ãëxgacü yíixü, rü nachicüü ningucuchi ga Pórchiu ga Festu. Natürü nüma ga Peri, rü Yudíugümaã nügü namecümãxëëchaü, rü yemacëx tama ñananguxuchixëë ga Pauru.

25

Ãëxgacü ga Festupëxewa nayexma ga Pauru

¹ Rü Checharéawa nangu ga Festu na yéma ãëxgacüxü yaxücuxüçëx. Rü marü tomaëxpüx ga ngunexü yéma nayexmagu, rü wenaxãrü ñaxüãchi, rü Yerucharéüwa naxü.

² Rü yéma Yerucharéüwa rü yema paigüarü ãëxgacügü rü Yudíugüarü ãëxgacügü rü Pauruxü ñaxuaxügü Festupëxewa.

³ Rü naxcëx ñacagü ga Yerucharéüwa Pauruxü na namuxüçëx. Yerü nümagü rü nagu narüxíñüë na namagu yacuxëügüãxü na yexma yamëxgüãxüçëx.

⁴ Natürü ga Festu rü nanangãxü, rü ñanagürü: —Checharéagu napoxcu i Pauru, rü choma rü tá paxa ngema Checharéawa chaxü.

⁵ Rü ngëmacëx name nixí i perü ãëxgacügü rü chowe narüxí i Checharéawa, rü ngëxguma tacü rü chixexü naxüxgu i ngëma yatü, rü ngëma tá nixí i chomaã nüxü pixügüxü —ñanagürü.

⁶ Rü maneca 8 rü ëxna 10 ga ngunexü Yerucharéüwa nayexma ga Festu, rü ñuxüchi Checharéacëx nataegu. Rü yexguma ñanguxguarü moxüãcü rü yema nachica ga ngextá duüxügüna ñaçaxüwa naxü, rü yéma nayarüto norü tochicaxüwa. Rü Paurucëx nangema na yéma napëxewa nagagüãxüçëx.

⁷ Rü yexguma yexma yaxücuxgu ga Pauru, rü yema Yudíugü ga Yerucharéüwa ne íxü, rü naxcëx naxí. Rü muxüma ga chixexügümaã ñanaxuaxügü. Natürü taxuwama nüxü nüxü nadauxëë na aixcüma yíixü ga yema naxcëx ñaxuaxügüãxü.

⁸ Rü yexguma ga Pauru rü nanangãxü, rü ñanagürü: —Pa ãëxgacüx, taxüma ga chixexü namaã chixügü ga yema mugü ga Moíché ümatüxü, rü bai ga tupauca ya taxünemaã, rü bai ga ãëxgacü ya Chécharumaã —ñanagürü.

⁹ Natürü nüma ga Festu rü Yudíugümaã nügü namecümãxëëchaü, rü yemacëx Pauruna naca, rü ñanagürü nüxü: —¿Cunaxwëxexü na Yerucharéüwa cuxüxü na ngema cuxna chaçaxüçëx naxcëx i guxüma i ngëma naxcëx cuxü ñaxuaxügüxü? —ñanagürü.

¹⁰ Rü yexguma ga Pauru rü nanangãxü, rü ñanagürü: —Choma rü cupëxewa changëxma na choxna cuçaxüçëx, erü cuma nixí i cuxü naxunetaxü i ãëxgacü ya tacü ya Chécharu na ãëxgacü quiixü i núma. Rü ngëmacëx chanaxwëxe i nuã choxna cuca. Erü taxüma i chixexü chaxü i Yudíugümaã, ngëxgumarüü i cuma meãma nüxü cucuëx.

¹¹ Ngëxguma chi tacü i chixexü chaxüxgu rü marü name na naxcëx choxü yamëxgüxü, rü marü name i na chayuxü. Natürü ngëxguma nataxüxguma i

Ƨacü i aixcūma ixīxū i ngēma naxcèx choxū inaxuaxūgūxū, rü taxuacūma texé Yudiugūna choxū tamu. Rü naxcèx íchaca na nūmatama ya āēxgacū ya tacü ya Chécharu choxna naçaxūcèx –ñanagürü ga Pauru.

12 Rü yexguma ga Festu rü norü ucuxēruūgū ga āēxgacūgūmaā nidexa, rü ñuxūchi ñanagürü Pauruxū: –Marū naxcèx ícuca na āēxgacū ya tacü ya Chécharu cuxna çaxūcèx. Ēcū, ñuxma rü naxūtawa tá cuxū chamu –ñanagürü.

Āēxgacū ga Agripapēxewa nayexma ga Pauru

13 Rü ñuxre ga ngunexū ngupetūgu, rü Checharéawa nangugū ga Yudiugūarū āēxgacū ga Agripa rü naēyèx ga Bereníche, na Festuxū yanamoxēgūxūcèx.

14 Rü marū ñuxre ga ngunexū yéma nayexmagūgu, rü Agripamaā nūxū nixu ga Festu ga Pauruchiga, rü ñanagürü: –Nuā nangēxma i wūxi i yatū i poxcuxū ga Peri tama ínguxuchixēēxū.

15 –Rü yexguma choma Yerucharéūwa chayexmagu, rü paigūarū āēxgacūgū rü Yudiugūarū āēxgacūgūerugū rü ínanaxuaxūgū, rü naxcèx ínacagū na namaā chanaxueguxūcèx rü na yamēxgūāxūcèx.

16 –Rü choma chanangāxū, rü tama tocūma nixī i toma i Dumacūāxgū i na tayamáxū i wūxi i duūxū ega tama nūgūétüwa yadexaxíragu napēxewa i ngēma ínaxuaxūgūxū.

17 –Rü yemacèx ga yexguma nūma nangugūgu ga yema Yudiugū, rü yexgumaā rü moxūācū rü chorū tochicaxūwa chitocuchi na nūxna chaçaxūcèx nachiga ga yema, rü yéma naxcèx changema ga yema yatū.

18 –Natürü ga yema Yudiugū ga ínaxuaxūgūxū, rü taxuūma ga Ƨacü ga chixexū ga choma íchananguxēēxūxū nixugū.

19 –Natürü norü Tupanachiga rü wūxi ga yatū ga Ngechuchuchiga nixī ga yema naxu yadexagūxū. Rü nūma ga Yudiugū nūxū nixugū ga na nayuxū ga yema Ngechuchu, natürü Pauru nūxū ixuxgu rü marū wena namaxū.

20 –Rü yexguma ga choma ga tama na nūxū chacuáxū ga ñuxācū tá chanamexēēxū ga yema guxchaxū, rü yemacèx nūxna chaca ga Pauru ngoxi nanaxwēxe ga Yerucharéūwa na naxūxū, na yéma nūxna chaçaxūcèx.

21 –Natürü nūma ga Pauru naxcèx ínaca ga na āēxgacū ya tacü ya Chécharupēxewa naxūxū na nūmatama ya Chécharu nūxna çaxūcèx. Rü yemacèx chanamu na meā nūxna nadaugūxūcèx ñuxmata choma āēxgacū ya Chécharuxūtawa chanamux –ñanagürü.

22 Rü yexguma ga Agripa rü ñanagürü Festuxū: –Choma rü ta nūxū chaxīnūchaū i norü ore i ngēma yatū –ñanagürü. Rü Festu nanangāxū rü ñanagürü: –Moxū tátama nūxū cuxīnū –ñanagürü.

23 Rü moxūācū yema ucapu ga āēxgacūgū íngutaquēxegūxūwa nangugū ga Agripa rü Bereníche rü porācū nangēxāēgū. Rü namaā ínangugū ta ga churagararūarū āēxgacūgū rü yema íānecūāxgū ga corigūxūchi ixīgūxū. Rü ñuxūchi Paurucèx nangema ga Festu na yema āēxgacūgūpēxewa nagagūāxūcèx.

24 Rü ñanagürü ga Festu: –Pa Āēxgacū Pa Agripax, rü Pa Guxāma i Pema ya Nuxmagūxe, ñāā nixī i ngēma yatū i nachigamaā yadexagūxū i guxūma i Yudiugū. Rü chopēxewa ínanaxuaxūgū ga Yerucharéūwa rü nūma rü ta. Rü guxūguma tagaācūma choxna naxcèx nacagū na nayuxū.

25 —Natürü i choma rü taxuŭma i ƭacü i chixexŭ i naxüxŭ nawa chadau na naxcêx yamáxŭ. Natürü nüma ga Pauru rü naxcêx Ínaca na ãêxgacü ya tacü ya Chécharu nüxna çaxŭ, rü ngêmacêx nagu charüxîñü na ngêma chanamuxŭ.

26 —Natürü taxuŭma i ore i aixcüma ixîxŭ i nachiga choxŭ nangêxma na chorü ãêxgacü ya Chécharucêx chanaxümatüxŭcêx. Rü ngêmacêx chanamu na nuã pepêxewa nagagüãxŭcêx, rü cuxcêx türü nixî, Pa Æêxgacü Pa Agripax, na nüxna cuçaxŭcêx, na nüxŭ chachuãxŭcêx i ƭacü tá na chaxümatüxŭ naxcêx ya ãêxgacü ya Chécharu.

27 —Erü chauxcêx rü tama name na ngextá namuxŭ i wüxi i poxcuxŭ ega tama naxümatüxîragu nachiga na ƭacücêx Ínaxuaxŭgüãxŭ.

26

Pauru rü ãêxgacü ga Agripapêxewa nügüétüwa nidexa

1 Rü yexguma ga Agripa rü ñanagürü Pauruxŭ: —Marü name i ñuxma i cugüétüwa quidexa —ñanagürü. Rü yexguma naxunagümêxê ga Pauru, rü inanaxügü ga nügüétüwa na yadexaxŭ, rü ñanagürü:

2 —Chataãê, Pa Æêxgacü Pa Agripax, erü cupêxewa chidexa i ñuxma na chaugüétüwa chachogüxŭcêx i guxŭma i ngêma choxŭ na Ínaxuaxŭgüxŭ i ngêma chautanüxŭ i Yudiügü.

3 —Rü yexeraãcü chataãê erü cuma nüxŭ cucuêx i guxŭma i tocüma i toma i Yudiügü, rü guxŭma i Moïché ümatüxŭ i mugü i naxcêx yadexagüxŭ i chautanüxŭgü. Rü ngêmacêx cuxna chaca na meã choxŭ icurüxîñüxŭcêx.

Pauruarü maxŭ naxŭpa ga Ngechuchuaxŭ na yaxôðxŭ

4 —Rü guxŭma i ngêma chautanüxŭgü i Yudiügü rü nüxŭ nacuèxgü ga ñuxãcü na chamaxŭxŭ ga natanüwa ga chauchiüñanewa rü Yerucharéüwa ga yexguma changextüxŭüragu.

5 —Rü ngêxguma chauchigaxŭ yaxugüechaŭgu, rü nüma nüxŭ nacuèxgü ga choma rü woetama Parichéu na chíixŭ. Rü toma i Yudiügü i Parichéügü na tixîgüxŭ, rü toma nixî i guxŭma i totanüxŭ i Yudiügüarü yexera na poraãcü tanaxaurexŭ i ngêma tocüma.

6 —Rü ñuxma i ngêma chautanüxŭgü i Yudiügü rü nuã pepêxewa choxŭ nagagü erü chayaxô na Cristugagu nangêxmaxŭ i maxŭ i taguma gúxŭ, yema Tupana nuxcümaŭgüxŭ ga torü oxigümaã inaxunetaxŭrŭü.

7 —Rü guxŭma i totanüxŭgü i Yudiügü rü Ínananguxêêgü na nüxŭ nadaugüxŭ rü tá na yanguxŭ i ngêma uneta. Rü ngêmacêx Tupanaxŭ nicuèxŭgü rü guxŭguma i ngunecü rü chütaçü rü Tupanaãxŭ napuracüe. Rü choma rü ta Íchananguxêê na nüxŭ chadauxŭ rü tá na yanguxŭ i ngêma uneta, rü ngêmacêx nixî, Pa Æêxgacüx, i ñuxma i choxŭ Ínaxuaxŭgüxŭ i ngêma chautanüxŭgü i Yudiügü.

8 —¿Rü tŭxcüŭ tama peyaxôgü na Tupana wena namaxêxêxŭ i ngêma yuexŭ?

Pauru rü nüxŭ nixu ga ñuxãcü yema yaxôgüxŭtwe na yangêchigüxŭ

9 —Rü choma nagu charüxîñügu ga noxri rü name ga muxŭma ga chixexŭ namaã na chaxüxŭ ga yema Ngechuchu ya Nacharétucŭãxŭxŭ yaxôgüxŭ.

10 —Rü yemacêx nawe chingêchigü ga Yerucharéüwa. Rü paigüarü ãêxgacügüxŭtawata naxcêx Íchaca ga popera na chanapoxcuexŭcêx ga yema yaxôgüxŭ. Rü yexma chanapoxcue ga muxŭma. Rü yexguma chautanüxŭ ga Yudiügü nadaixgu ga yema yaxôgüxŭ, rü choma rü chorü me nixî.

11 —Rū muēxpūxcūna rū chanapoxcuexū na nūxū naxoexūcēx ga yema na yaxōgūāxū. Rū yemaācū chanaxū ga guxūnema ga ngutaquēxepataūgūwa. Rū poraācū naxchi chaxaxichi ga yema yaxōgūxū, rū yemacēx nawe chingēchigū űuxmata to ga nachiūānegune ga īānegūwa.

Pauru rū wenaxārū nūxū nixu ga űuxācū na yaxōdōxū ga noxrix

12 Rū űanagūrū ga Pauru: —Rū yema yaxōgūxūxū na chapoxcuexūcēx nixī ga Damacuwa chaxūxū. Rū yemacēx ga paigūarū āēxgacūgū rū choxū namugū rū choxna nanaxāgū ga popera ga nawa choxna naxāgagūxū na chanapoxcuexūcēx ga yema yaxōgūxū.

13 —Rū yexguma namagu taxīyane, Pa Āēxgacūx, rū yexguma meāma tocuchiwa nanguxgu, rū nūxū chadau ga wūxi ga omū ga daxūwa ne űxū ga űēxcūarū yexera ixīxū ga choxū baxixū rū yema chomūcūgūxū rū ta baxixū.

14 —Rū guxāma ga toma rū űaxtūanegu tayayi. Rū choma rū nūxū chaxīnū ga wūxi ga naga ga Yūdīugawa choxū űaxū:

“Pa Chauru Pa Chaurux, űtūxcūi i chowe quingēchigūxū? Poraācū cugūtama cuchixexēē űoma wūxi i űacū i āmaguxūgu cucuxgūxūrū”, űanagūrū choxū.

15 —Rū choma chanangāxū, rū űacharūgū:

“űTexē quixī, Pa Corix?” űacharūgū. Rū nūma ga Cori rū űanagūrū choxū:

“Choma nixī i Ngechuchu rū chorū duūxūgū nixī i ngēma nawe quingēchigūxū.

16 —űNatūrū Írūda rū inachi! Rū marū cuxcēx changox i űuxmax, erū cuxū chamuxchaū na choxū cupuracūxūcēx rū nūxū quixuchigaxūcēx i ngēma űuxma na choxū cudauxū rū ngēma yixcūra tá chauxūtawa nūxū cudauxū.

17 —Rū cuxna tá chadau i natanūwa i cutanūxūgū i Yūdīugū rū ngēma tama Yūdīugū ixīgūxū i űuxma tá natanūwa cuxū chamuxū.

18 —Rū ngema cuxū chamu na ngēma duūxūgūxū choxū cucuēxēxūcēx rū nūxū naxoexūcēx i nacūma i chixexūgū rū chauga naxīnūēxūcēx. Rū ngema tá cuxū na Chatanāmēxēwa ĩcunanguxūxēēxūcēx i ngēma duūxūgū na chowe naxīxūcēx rū choxū yaxōgūāxūcēx na choma rū nūxū nūxū changechaūxūcēx i norū pecadugū, rū nūxū nangēxmaxūcēx i nachica namaā i guxūma i chorū duūxūgū i űūnegūxū”, űanagūrū choxū ga Cori.

Pauru rū naga naxīnū ga yema Ngechuchu namaā nūxū ixuxū

19 —Rū yemacēx ga chomax, Pa Āēxgacū Pa Agripax, rū naga chaxīnū ga yema ore ga Ngechuchu chomaā nūxū ixuxū ga yexguma choxū nabaxixgu ga yema omū ga daxūwa ne űxū.

20 —Natūrū noxri rū Damacucūāxgūmaā nūxū chixuchiga ga Tupanaārū ore. Rū yixcama ga Yerucharēcūāxgūmaā, rū yemawena rū guxū ga Yūdēaanewa, rū űuxūchi yema tama Yūdīugū ixīgūxūmaā nūxū chixu. Rū űacharūgū:

“űNūxū perūxoe i pecūma i chixexūgū, rū Tupanacēx pedaugū, rū meā pemaxē na duūxūgū nūxū daugūxūcēx na aixcūma peyaxōgūxū!” űacharūgū.

21 —Rū yemacēxtama nixī ga tupauca ya taxūnegu choxū yayauxgūxū rū choxū yamēxgūchaūxū ga chautanūxūgū i Yūdīugū.

22-23 —Natūrū Tupana choxū narūngūxēē rū ngēmacēx taguma íchayachaxāchi na guxūma i duūxūgūmaā nūxū chixuxū rū woo buxū rū yaxū. Rū namaā nūxū chixu ga yema ore ga nuxcūmaūgūxū ga Tupanaārū orearū uruūgū rū Moiché nūxū ixugūxū na űuxācū tá nūxū nangupetūxū ga

Cristu rü ñuxãcü tá na nayuxŭ, natürü yemawena rü nüma tá yĩxŭ ga nüxĩra yuwa ínadxŭ. Rü namaã nüxŭ chixu ta ga yema nuxcũmaũgũxũãrũ ore ga ñaxŭ:

“Rü Cristu rü tatanũxŭ i Yudĩugũmaã rü ngẽma to i duũxũgũ i tama Yudĩugũ ixĩgũxũmaã tá naxunagũãxŭ i ore i tüxŭ maxẽxẽẽxŭ”, ñaxŭ. Rü yemachigaxũĩcatama nixĩ ga namaã chixuxŭ –ñanagürü ga Pauru.

Pauru rü Agripaxŭ nanangũchaxŭẽẽ na yaxõõxũcẽx

²⁴ Rü yexguma yemaãcü nügüetüwa yadeaxgu ga Pauru, rü ñanagürü ga Festu tagaãcüma: –Cungẽãẽmare Pa Paurux. Rü ngẽma na yeũcürü cungũchaũ, rü düxwa nawa cungẽãẽ –ñanagürü.

²⁵ Natürü ga Pauru rü nanangãxŭ, rü ñanagürü: –Tama changẽãẽ Pa ãẽxgacũxũchi, Pa Festux. Erü ñãã ore i nüxŭ chixuxŭ, rü aixcũmaxũchima nixĩ.

²⁶ –Rü daa ãẽxgacũ ya Agripa rü meãma nüxŭ nacuẽx i guxũma i ngẽma pemaã nüxŭ chixuxŭ. Rü ngẽmacẽx tama chamuũãcüma chorü taãẽmaã napẽxewa nüxŭ chixu, erü nüxŭ chacuẽx na nüma rü ta nüxŭ nacuãxŭ i ƣacũchiga na yĩxŭ i guxũma i ñãã ore. Erü tama ngextãmare cúãcü naxũpetũ i ngẽma.

²⁷ –¿Cuyaxõõxŭ, Pa Agripax, i ngẽma Tupanaãrũ orearü uruũgũ nüxŭ ixuxŭ? Choma nüxŭ chacuẽx rü cuyaxõ –ñanagürü ga Pauru.

²⁸ Rü Pauruxŭ nangãxŭ ga Agripa, rü ñanagürü: –¿Éxna cuma nagu curũĩnũgu rü ngẽmaãcü noxre i curũ oremaã na choxũ cuyaxõxẽẽxŭ? –ñanagürü.

²⁹ Rü ñanagürü ga Pauru: –Woo noxre i oremaã rü woo muxŭ i oremaã rü Tupana nanaxwẽxe na cuyaxõxŭ. Rü tama i cuxicatama, natürü guxũma i ñãã nuã choxũ ñnũxŭ rü ta, rü Tupana nanaxwẽxe na chauxrũũ yixĩgũxŭ, natürü tama chauxrũũ daa cadenagũmaã na yanẽjxgũxŭ –ñanagürü ga Pauru.

³⁰ Rü yexguma inachigũ ga Agripa, rü Festu, rü Bereniche, rü guxũma ga yema namaã yẽma rütogũxŭ.

³¹ Rü yexguma ga nümagũ rü noxrũwama naxĩ na yẽma nügũmaã Pauruchiga yadexagũxũcẽx. Rü ñanagürũgũ: –Rü ngẽma yatũ, rü taxuũma i chixexŭ naxũ na naxcẽx yamãxŭ rü éxna naxcẽx napoxcuxŭ –ñanagürũgũ.

³² Rü Festuxŭ ñanagürü ga Agripa: –Ngẽxguma chi tama nümatama naxcẽx ñacaxgu na Chécharu nüxna çaxũcẽx, rü chi ítananguxuchixẽẽ –ñanagürü.

27

Pauruxŭ Dumawa namugũ

¹ Rü yema ãẽxgacũgũ rü düxwa nagu narũĩnũẽ na norü ãẽxgacũ ga Chécharu ga Itáriaanewa yexmacũxũtawana na toxŭ namugũxŭ. Rü norü churagarãarũ capitãũna nanamu ga Pauru namaã ga ñuxre ga togũ ga poxcuexŭ na Chécharuxũtawana nagagũãxũcẽx. Rü guma capitãũ rü Yúriu nixĩ ga naega, rü norü churagarãgũtũcumũ rü Chécharuarũ Dauruũgũ nixĩ ga naega.

² Rü nagu tichoũ ga wũxi ga wapuru ga buanecũmaã ixũxũne ga Adamíchiuwa ne ũxũne ga Áchiaarũ ñãnegũwa ũxchaxũne. Rü towe ta nixũe ga Aritárcu ga Machedóniããneçũãx ga Techarónicawa ne ũxŭ.

³ Rū moxūācū rū Chidāūārū türewa tangugū. Rū Paurumaā namecūma ga capitāū ga Yūriu. Rū Inanaxūexēē na yēmacūāx ga namūcūgūxūtagu naxūāneāxūcēx ga Pauru, na nūmagū nūxū nangūxēēgūxūcēx.

⁴ Rū yēma itaxīāchi. Rū Chiprearū capaxūārū tocūwaguama taxī, naxchaxwa ga buanecū, yerū towaama nabu.

⁵ Rū yēma Chiprewa tixāū ga taxtū rū Chirīchiaanecutūwa tarūyicu. Rū yemacutūgu taxī, rū Paṭṭipriaanewa tachopetū rū ṅuxmata Dīchiaanewa yexmane ga īāne ga Mirawa tangugū.

⁶ Rū yema capitāū yexma nūxū nayangau ga wūxi ga wapuru ga Aleyādriawa ne ūxūne ga Itāriaanewa ūxūne. Rū gumagu toxū nichoūxēē, rū tomaā inaxūāchi.

⁷ Natūrū Irarūwatama itīñaxwetaxū ga muxūma ga ngunexūgu, rū guxchaācūma Guīduarū toxmēxtawa tangugū. Natūrū towaama nabuema ga buanecū, rū yemacēx capaxū ga Chamonaārū toxmēxtawa tachopetū rū capaxū ga Crétaxū itachoeuguāchi.

⁸ Rū guxchaācūma nacutūgu taxī ga yema capaxū, rū wūxi ga nachica ga Mexū ga Tūregu āegaxūwa tangugū. Rū īāne ga Dācheaarū ngaicamana nayexma.

⁹ Natūrū marū poraācū namagu tanuxcū ga na itaxīxū, rū marū naxāūcūma ga na itaxīāmaxū yerū marū nawa nangu ga guma tauemacūgū ga nagu nagāuanecū. Rū yemacēx ga Pauru rū nayaxucūxē ga duūxūgū, rū ṅanagūrū:

¹⁰ —Pa Chomūcūgūx, nūxū chacuēx i ngēxguma chi ixīāmagu, rū tā naxāūcūma. Rū daa wapuru rū tā inayarūtaxu namaā i guxūma i naācu. Rū ngūrūāchi i yixema rū tā ta tayue —ṅanagūrū.

¹¹ Natūrū yema churaragūārū capitāū rū yexeraācū guma wapuruarū yoragaama naxīnū, rū marinerugūārū capitāūgaama naxīnū, rū tama aixcūma Pauruga naxīnū.

¹² Natūrū yema türe rū tama name ga yēma na tanangupetūxēēxū ga gāuanexū. Rū yemacēx wixguxūchi guxūma ga duūxūgū nagu narūxīnūē rū narūmemaē nixī ga na itaxīāchixū ga yēma. Rū nanaxwēxegū ga chi Cuenīchewa na tangugūxū na yēma tanangupetūxēēxū ga gāuanexū, yerū yema nixī ga wūxi ga Crétaarū türe ga mexū ga tama poraācū buanecū ga taxū nawa nguxū.

Taxtūarū ngāxūtūgu nūxū naxū ga buanecū ga tacū

¹³ Rū inanaxūgū ga na meāma topēxewaama nabuxū ga buanecū, rū yemacēx ga nūmagū ga marinerugū rū nūxū nacuēxgūgu rū chi meā itangugū ga yema itaxīxūwa. Rū yemacēx itaxīāchi, rū nacutūarū ngaicamagu taxī ga yema Crétaarū capaxū.

¹⁴⁻¹⁵ Rū natūrū ngūrūāchi yixcamaxūra rū wūxi ga buanecū ga taxūchicū ga capaxūārū tocūwawa ne ūxcū ngāxūtūwaama nanacue ga guma wapuru. Rū taxuacūma itixūtaū nawaama ga buanecū. Rū yemacēx dūxwa itayachaxāchi ga na tanatochinūxū, rū toxū ínicuetaū.

¹⁶ Rū wūxi ga capaxūxācū ga Caudagu āegaxūārū tocūwawaama tachopetū ga ngextā tama poraācū íyabuaxūwa. Rū yēma poraācū tapuracūe na guma wapurugu tanatūnagūxū ga norū ngue ga yatūchigūne.

¹⁷ Rū yexguma marū natūnagūgūāgu ga guma ngue, rū napanaxāgū ga tanūtaxūmaā nayanēixgūtūwe ga guma wapuru. Rū ṅuxūchi nayawēgū ga yema naxchirutachinūgū ga namaā yacuetaūxū ga noxrix, yerū namūē

ga na Chírutearü naxnücüwa yanangaixtaüügüxü. Rü yema buanecü toxü nicuetaümare.

¹⁸ Rü moxüäcü ga buanecü rü tama nangupetüéga, rü yemacèx inanaxügu ga na Ínawoüäcuäxü.

¹⁹ Rü norü tomaëxpüx ga ngunexügu, rü naxmëxmaâtama Ínanawoü ga yema natüxügu ga guma wapuru, rü guxüma ga to ga norü yemaxügu.

²⁰ Rü muxüma ga ngunexügu, rü tama nangox ga üèxcü rü èxtagü, rü tama nangupetüéga ga guma buanecü ga taxüchicü. Rü düxwa nagu tarüxínüë ga marü täütáma na tamaxëxü.

²¹ Rü yexguma marü muxüma ga ngunexü tingegügu ga tama na tachibüexü, rü yexguma guxüma ga yema duüxügütanüwa ínachi ga Pauru, rü ñanagürü: —Narümemaë chi nixí, Pa Chomücügüx, ga chauga na pexínüëxü, rü täü chima na ixíächixü ga Crétawa, rü täü chima ñuxmarüü tüxü naxüpetü i ñaä äücümáxü rü taxuxü chima i chixexü tüxü nangupetü.

²² —Natürü ¡petaäëgü! erü wapuruxica tá inayarütaxu, natürü i yixema rü taxüetáma tayue.

²³ —Erü ngewëxarü chütaxügu ya Tupana ya nüxü chapuracücü ya chorü cori ixícü rü núma nanamu i wüxi i norü orearü uruü i daxücüäx i chauxcèx ngóxü.

²⁴ —Rü ñanagürü choxü:

“¡Täxü i cumuüxü, Pa Paurux! Erü äëxgacü ya Chécharupëxewa tá cingu, rü cugagu tá Tupana nanamaxëxëë i guxüma i ngëma cumücügü i cumaä ngëxma wapurugu Íxü”, ñanagürü choxü.

²⁵ —Rü ngëmacèx, Pa Chomücügüx, ¡rü petaäëgü! erü choma rü aixcüma Tupanaäxü chayaxö, rü aixcüma tá nixí i ngëmaäcü tá nangupetüxü ngëxumarüü i ngëma chomaä nüxü yaxuxü.

²⁶ —Natürü wüxi i capaxüwa tá tayarücüxcuchitaügu —ñanagürü ga Pauru.

²⁷ Rü yexguma taxre ga yüxü tingexgu ga na itaxíxü, rü taxü ga taxtü ga Ariaticuwa tayexmagü, yerü ga buanecü rü núxica toxü nacuetá. Rü ngäxücüügu nüxü nicuëxächitanü ga yema marinerugü ga na dauxchitacutüwa tangugüchaüxü.

²⁸ Rü Ínanaeügü ga norü ngugütamaxü rü 36 ga metru nixí ga norü mátama. Rü yexguma marü Írarüwa yaxüguxüra itaxíxgu rü wenaxärü nanangugütamagü, rü 27 ga metru nixí ga norü mátama ga yexgumax.

²⁹ Rü namüë ga na nutamaä yanañataüügüxü ga naxänacüwa, rü yemacèx guma wapuruchinüwa Ínanawoü ga ägümücü ga aüclagü ga achugünaxcèx ga napanaxámaä ixätüxüxü na yemaäcü Íyachaxächigüxëëäxüçèx ga guma wapuru. Rü nayumüxëgü ga paxa na yangunexüçèx.

³⁰ Natürü ga yema marinerugü rü nibuxmüchaü ga guma wapuruwa, rü yemacèx nanawäixëgü ga guma wapuruarü ngue, rü ñanagürügü: —Ngëma wapurupëxearü aüclagü tá Ítawoü na nataixüçèx ya wapuru —ñanagürügünetá.

³¹ Natürü ga Pauru rü churaragüarü capitáümaä rü norü churaragümaä nüxü nixu rü ñanagürü: —Ngëxguma ñaä marinerugü rü täütáma nuxá wapuru nachoxgu, rü guxáma i pema rü tá peyue —ñanagürü.

³² Rü yexguma ga yema churaragü rü nayadaecunügü ga guma ngue, rü inananguxëëgü.

³³ Rü yexguma marü yangunechaügu, rü Pauru nayaxucuxëgü ga guxüma na nachibüexüçèx, rü ñanagürü: —Taxre i yüxü nixí i ñuxma na taguma

aixrŭgumarŭŭ pechibŭexŭ, rŭ bai i tacŭ na pengŭxŭ yerŭ poraãcŭ pexoe-gaãĕgŭ.

³⁴ Rŭ ñuxma rŭ pemaã nŭxŭ chixu na pechibŭexŭ na peporaexŭcĕx, rŭ taxuŭma pexŭ ũpetŭxŭcĕx. Erŭ taxuĕtãma itayarŭtaxu rŭ bai i wŭxi i peyaexŭra inayarŭtaxu –ñanagŭrŭ.

³⁵ Rŭ yexguma marŭ yema ñaxgu, rŭ nanayaxu ga wŭxi ga pãu, rŭ Tupanana moxĕ naxã napĕxewa ga guxŭma. Rŭ inanabŭcu ga yema pãu, rŭ inanaxŭgŭ ga na nangŭŭxŭ.

³⁶ Rŭ yexguma nataãĕgŭ ga guxŭma, rŭ nŭmagŭ rŭ ta nachibŭe.

³⁷ Rŭ 276 tixĭgŭ ga guxãma ga toma ga guma wapuru gu ĩxĕ.

³⁸ Rŭ yexguma marŭ nangãxĕgu, rŭ inanawoŭ ga yema trigu ga wapuru namaã ãacuxŭ na nangŭnagŭãchixŭraxŭcĕx ga guma wapuru.

Inangu ga guma wapuru

³⁹ Rŭ yexguma yangunegu, rŭ yema marinerugŭ tama nŭxŭ nacuãane ga yema. Natŭrŭ nŭxŭ nadaugŭ ga wŭxi ga axcuchixŭ ga naxnŭcŭpechinŭãxŭ, rŭ nagu narŭxŭnŭĕ ga yema na yanangaixĕĕgŭãxŭ ga wapuru.

⁴⁰ Rŭ yexguma nanadaŭ ga norŭ ngaxŭxŭ ga aŭclagŭ, rŭ yema nanawogŭ. Rŭ nayawĕgŭ ga norŭ toxchinŭxŭãrŭ nĕxruŭgŭ, rŭ inananga ga yema napĕxewa ũxŭ ga naxchirutachinŭ ga namaã iticuetãxŭ. Rŭ itanaxŭgŭ ga nŭxŭ na tingaicaxŭ ga yema naxnŭcŭpechinŭ.

⁴¹ Natŭrŭ wŭxi ga naxnŭcŭarŭ nuxtamaxŭwa tayarŭngaixtaŭ. Rŭ yema naxnŭcŭwa nayarŭwãpĕxe ga guma wapuru rŭ marŭ tama yema itaxŭãchi. Rŭ yoxni ga nachinŭwa, rŭ yuape nayapuxĕĕ.

⁴² Rŭ yema churaragŭ rŭ nagu narŭxŭnŭĕ ga na nadaiãxŭ ga yema poxcuexŭ na taxuŭma ñaxŭcĕx ga yexguma naxãnacŭwa nangugŭgu.

⁴³⁻⁴⁴ Natŭrŭ yema norŭ capitãŭ ga churaragŭ, rŭ Pauruxŭ namaxĕĕchaŭ, rŭ yemacĕx tama nanaxwĕxe ga na nadaiãxŭ ga yema poxcuexŭ. Natŭrŭ nanamu na yema ixãnŭxŭ rŭ nŭxŭra ñayuxgŭxŭ na naxãnacŭwa nawĕgxŭxŭcĕx, rŭ yema togŭ rŭ mŭrapewagŭgu rŭ ĕxna yema wapurutŭchigŭgu meã na ñachoŭxŭcĕx. Rŭ yemaãcŭ guxãma meãma naxãnacŭwa tangugŭ.

28

Capaxŭ ga Mãrtawa nayexma ga Pauru

¹ Rŭ yexguma meãma naxãnacŭwa tangugŭgu ga guxãma rŭ yexguma nŭxŭ tacuĕxgŭ na Mãrta na yŭxŭ ga naega ga yema capaxŭ.

² Rŭ yema yemacŭãxgŭ ga duŭxŭgŭ rŭ meãma toxŭ nayauxgŭ ga guxãma. Rŭ nanangixtagŭ ga wŭxi ga ũxŭ ga taxŭne. Rŭ toxĕx nacagŭ ga guxãma na yema togŭ tanaixŭgŭxŭcĕx, yerŭ napu rŭ nagãuane.

³ Rŭ Pauru nanadetaquĕxe ga ñuxre ga naŭchacuŭgŭ, rŭ ũxŭxetŭwa naya-wocu. Natŭrŭ yexguma yema yawocuãgu, rŭ ũxŭarŭ naŭmaxŭchaxwa ñayago ga wŭxi ga ãxtape. Rŭ Paurumĕxĕwa nayuxu, rŭ yema nayarŭtuãchi.

⁴ Rŭ yexguma yema yemacŭãxgŭ nŭxŭ daugŭgu ga yema ãxtape ga Paurumĕxĕwa na natuxŭ, rŭ nŭgŭmaã ñanagŭrŭgŭ: –Ñãã yatŭ rŭ maneca wŭxi i mãtaxŭ nixŭ. Rŭ woo taxtŭwa yuwa na yañaxŭ, natŭrŭ Tupana tama nanamaxĕĕchaŭ –ñanagŭrŭgŭ.

⁵ Natŭrŭ guma ũxŭxetŭgu nanamaxŭ ga yema ãxtape, rŭ taxuŭma nŭxŭ naxŭpetŭ ga Pauru.

⁶ Natürü guxūma ga yema duūxūgū rü inananguxēēgū rü ngoxi tá nachamé rü éxna nayux. Rū marū nuxcūxūrama ga yema nūxū na nadaunūxū rü taxuūma nūxū na ūpetūxū, rü dūxwa togu narūxīnūē rü inanaxūgūe ga na űagūxū: —Maneca wūxi ya tupana nixī —űagūxū.

⁷ Rū yema nachicaarū ngaicamana nayexma ga norū naāne ga yema capaxūarū āēxgacū ga Pūbiru ga naega. Rū nūma meāma toxū nayaxu, rü yexma toxū napegūxēē ga tomaēxpūx ga ngunexū. Rū tomaā namecūmaxūchi.

⁸ Rū guxema Pūbiru nanatū rü ngūrūcarewa tayexma, yerū tixaxūne rü taduū. Rū yéma tūmaxūtawa nangu ga Pauru, rü tūmamaā nayumūxē, rü tūmaētūgu naxūxmēx, rü tūxū narūmexēē.

⁹ Rū yexguma yemaxū nadaugūgu, rü Paurucēx yéma naxī ta ga guxūma ga togū ga idaaweexū ga yema capaxūcūāx, rü narūmeē.

¹⁰ Rū nūmagū rü muxūma toxna naxāmaregū. Rū yexguma itaxīāchigu, rü toxna nananagū ga guxūma ga tanaxwēxexū ga torū namawaū ga ōna.

Dumawa nangu ga Pauru

¹¹ Rū tomaēxpūx ga tauemacū yéma capaxūwa tayexmagū. Rū űuxūchi nagu tichoū ga wūxi ga wapuru ga yema capaxūwa gāuanexū ngupetūxēxene. Rū Aleyādriacūāx nixī ga guma wapuru. Rū napēxeraūwa nayexmagū ga taxre ga norū tūpanachicūnēxāgū ga Catu rü Porugu āegagūxū.

¹² Rū Chiracūchaarū tūrewa tangugū, rü tomaēxpūx ga ngunexū yéma tayexmagū.

¹³ Rū yéma itaxīāchi, rü nacutūarū ngaicamagu taxī űuxmata Dequūwa tangugū. Rū moxūācū űnangu ga wūxi ga buanecū ga itaxīxūwaama bucū rü toxū űnicuetaū. Rū yemaarū moxūācūma rü Puteriwa tangugū.

¹⁴⁻¹⁵ Rū yexma nūxū tayangau ga űuxre ga duūxūgū ga yaxōgūxū. Rū toxna naxu na wūxi ga yūxū yexma naxūtagu tarūchoxūcēx. Rū marū wūxi ga yūxū ngupetūgu rü itaxīāchi na namagu Dumawa taxīxūcēx. Rū marū toxū nacūāchigagū ga yema yaxōgūxū ga Dumagugūxū. Rū yema nama ga Ápiugu āegaxūgu naxī na yexma toxū yangaugūxūcēx. Rū űuxre rü yema nachica ga Tomaēxpūx ga Taxepataūgu āegaxūwa toxū nayarūnguxēēgū Rū togū rü nachopetū űuxmata yema nachica ga Ápiuarū Ngūēchicagu āegaxūwa nangugū. Rū yexguma Pauru nūxū dēuxgu ga yema yaxōgūxū, rü Tupanana moxē naxā rü poraācū nataāē. Rū yemaācū Dumawa tangugū.

¹⁶ Rū yexguma Dumawa tangugūgu rü wūxi ga űpatawa nananguxēēgū ga Pauru nūxīca namaā ga wūxi ga churara ga nūxna dauxū.

Dumawa nayexma ga Pauru

¹⁷ Rū tomaēxpūx ga ngunexū marū yéma nayexmagu, rü Pauru naxcēx nangema ga yema Yudiūgūarū āēxgacūgū ga Dumawa yexmagūxū. Rū yexguma nangutaquēxegūgu, rü űnanagūrū ga Pauru nūxū: —Choma, Pa Chaueneēgūx, rü taxuūma i chixexū chaxū namaā i tatanūxūgū, rü bai i nuxcūmaūgūxū i tōrū oxīgūcūmagūmaā. Natürü Yerucharēūgu choxū niyaxugū ga tatanūxūgū, rü Dumacūāx ga churaragūna choxū namugū.

¹⁸ Rū yexguma marū choxna nacagūegu ga Dumacūāxgū, rü choxū ningēxgūchaū, yerū taxuūma ga űacū ga chixexū chowa nadaugū na choxū yamēxgūxūcēx.

¹⁹ Natürü yema tatanūxūgū ga Yudiūgū rü nayamuētanū na tama choxū yangēxgūxūcēx, rü yemacēx dūxwa naxcēx űchaca na nūmatama ya āēxgacū

ya Chécharu choxna çaxŭcèx. Natŭrŭ tama tatanŭxŭgŭxŭ na íchaxuaxŭxŭcèx nixŭ ga yemacèx íchaçaxŭ.

²⁰ Rŭ ngèmacèx nixŭ i pexcèx nuã changemaxŭ na pexŭ chadauxŭcèx rŭ pemaã chidexaxŭcèx. Pema nŭxŭ pecuèx rŭ yixema i Yudiŭgŭ rŭ ítananguxèè i na ínanguxŭ ya Cristu. Rŭ yima Cristucèx nixŭ i choma i ñuxma i daa cadenamaã chináixŭ —ñanagŭrŭ.

²¹ Rŭ nŭmagŭ nanangãxŭgŭ, rŭ ñanagŭrŭgŭ: —Toma rŭ taxuŭma i popera i Yudéawa ne muxŭ i cuchigagu ũmatŭxŭ tayauxgŭ. Rŭ ngèma taeneègŭ i ngema ne íxŭ rŭ núma ngugŭxŭ rŭ bai i wŭxi i nŭxŭ ixuxŭ i íacŭ rŭ ore i chixexŭ i cuchiga.

²² Rŭ cuxŭtawa nŭxŭ taxŭnŭèchaŭ rŭ çñuxŭ ñacuxŭ i cumax? Erŭ nŭxŭ tacuèxgŭ rŭ guxŭwama i Yudiŭgŭ rŭ chixri nachiga nidexagŭ i ngèma ore i ngexwacaxŭxŭ i Ngechuchuchiga —ñanagŭrŭgŭ.

²³ Rŭ yexguma Paurumaã inaxunetagŭ ga wŭxi ga ngunexŭ, rŭ napatawa naxŭ ga muxŭma ga duŭxŭgŭ. Rŭ Pauru namaã nŭxŭ nixu ga Tupanaãrŭ ore ga ñuxãcŭ ãèxgacŭ na yŭixŭ ya Tupana. Rŭ pèxmama inanaxŭgŭ, rŭ ñuxmata nachŭtaxŭ rŭ nŭxŭ nanangŭchaŭxèè ga yema duŭxŭgŭ na Ngechuchuaŭxŭ yaxŭgŭãxŭcèx. Rŭ yemacèx Moiché ũmatŭxŭ ga mugŭwa rŭ nuxcŭmaŭgŭxŭ ga Tupanaãrŭ orearŭ uruŭgŭ ũmatŭxŭ ga orewa namaã nŭxŭ nixu ga Ngechuchuchiga.

²⁴ Rŭ nŭmaxŭ rŭ nayaxŭgŭ ga yema Pauru namaã nŭxŭ ixuxŭ natŭrŭ ga togŭ rŭ tama nayaxŭgŭ.

²⁵ Rŭ yexguma tama wŭxigu naxŭnŭègu ga yema duŭxŭgŭ, rŭ inanaxŭgŭ ga na íyaxŭxŭ. Rŭ yemacèx ga Pauru rŭ ñanagŭrŭ nŭxŭ: —Meã perŭ oxigŭmaã nidexa ga Tupanaãè i Ũnèxŭ ga yexguma Ichaxŭaxŭ yadexaxèègu rŭ ñaxgu:

²⁶ “;rŭ ngema naxŭ, rŭ ngema duŭxŭgŭmaã nŭxŭ yarŭxu rŭ ñacurŭgŭ tá nŭxŭ: Rŭ woo nŭxŭ pexŭnŭègu rŭ táutáma aixcŭma nŭxŭ pecuèxgŭ. Rŭ woo nŭxŭ perŭdaunŭgu rŭ táutáma aixcŭma peyaxŭgŭ.

²⁷ Rŭ ngèmaãcŭ pixŭgŭ i ñuxmax, erŭ tama choxŭ pecuáxchaŭ i pemax. Rŭ tama nŭxŭ pexŭnŭè i chorŭ ore erŭ tama nŭxŭ pexŭnŭèchaŭ. Rŭ tama nŭxŭ peyaxŭgŭ i ngèma choma pexŭ nŭxŭ chadauxèèxŭ erŭ tama nŭxŭ peyaxŭgŭchaŭ. Rŭ tama peãewa chaugu perŭxŭnŭè erŭ tama nŭxŭ perŭxoechaŭ i pecŭma i chixexŭgŭ rŭ tama chauxcèx pedaugŭchaŭ na choma pexŭ chamaxèxèèxŭcèx!”

ñanagŭrŭ ga Tupanaãè i Ũnèxŭ.

²⁸ Rŭ ñanagŭrŭ ta ga Pauru: —Rŭ name nixŭ i pema rŭ ta nŭxŭ pecuèx rŭ ñuxma rŭ marŭ inaxŭgŭ na ngèma tama Yudiŭgŭ íxŭgŭxŭtanŭwa naxunagŭxŭ i ñaã Tupanaãrŭ ore i tŭxŭ maxèxèèxŭ. Rŭ nŭmagŭ tá nixŭ i aixcŭma inaxŭnŭèxŭ —ñanagŭrŭ.

²⁹ Rŭ yexguma Pauru yema ñaxgu, rŭ ínixŭ ga yema Yudiŭgŭ, rŭ poraãcŭ nŭgŭmaã íniporagatanŭcŭ.

³⁰ Rŭ taxre ga taunecŭ ga mecŭ yéma nayexma ga Pauru nawa ga guma í ga naxŭtanŭne ga nugu na napexŭcèx. Rŭ yéma meãma nanayaxuxŭ ga guxŭma ga duŭxŭgŭ ga naxŭtawa íyadaugŭxŭxŭ.

³¹ Rŭ nŭxŭ nixuchiga ga ñuxãcŭ ãèxgacŭ na yŭixŭ ga Tupana. Rŭ taxŭema nŭxna tanachŭxu na nangŭxèèãxŭ ga Cori ya Ngechuchu ya Cristuchiga. Rŭ taxŭema naxcèx tanachixewe.

POPERA GA DUMAWA YEXMAGŪXŪ GA YAXŌGŪXŪTANŪWA NAMUXŪ GA PAURU

Pauru rü nüxŭ narümoxē ga yema yaxōgūxŭ ga Dumaārü tānēwa yexmagūxŭ

¹ Pa Chaueneēgūx, choma i Pauru nixī i pexcèx chanaxūmatūxŭ i ñaā popera. Rü choma nixī i Ngechuchu ya Cristuarü duŭxŭ chīxŭ. Rü choma nixī ga Tupana choxŭ yaxuxŭ na choxŭ yamuxŭcèx na duŭxŭgūmaā nüxŭ chixuxŭcèx i norü ore i mexŭ i tüxŭ maxēxēxŭ.

² Rü nuxcūmaxŭchima Tupana nanamu ga norü orearü uruŭgü na naxūmatūgūāxŭcèx ga norü ore i mexŭ. Rü yemaācü tüxŭ nüxŭ nacuèxēē ga ñaā ore i mexŭ.

³ Rü ñaā ore i mexŭ rü tōrū Cori ya Ngechuchu ya Cristuchiga nixī. Rü nüma rü woo Tupana Nane na yīxŭ, natürü duŭxŭgürüü nabu ga yexguma ñoma ga naānēwa nanguxgu. Rü nuxcūmaŭcü ga āēxgacü ga Dabīta nixī.

⁴ Natürü nümatama ya Ngechuchu rü üüncü nixī. Rü yexguma yuwa ínadxgu rü Tupana tüxŭ nüxŭ nadauxēē na aixcūma Nanexŭchi na yīxŭ. Rü nüxna nanaxā ga guxŭma ga pora.

⁵ Rü Ngechuchu ga Cristugagu nixī ga chomaā namecūmaxŭ rü choxŭ naxunetaxŭ ga Tupana na norü puracü chaxŭxŭcèx. Rü yemacèx Ngechuchuégagu choxŭ namu na guxŭ i nachīūānēwa nüxŭ chixuxŭcèx i norü ore na yaxōgūāxŭcèx i duŭxŭgü rü Tupanaga naxīnūxŭcèx.

⁶⁻⁷ Rü pema rü ta, Pa Dumacŭāxgūx, rü ngēma duŭxŭgūtanūwa pengēxmagü yerü Tupanaāxŭ peyaxōgü rü naga pexīnūē. Rü nüma rü pexŭ nangechaŭ rü marü pexŭ naxuneta na Ngechuchu ya Cristuarü duŭxŭgü pixīgūxŭcèx rü ngēma norü duŭxŭgūtanūxŭ na pexīgūxŭcèx. Rü ñuxmax, Pa Chaueneēgü i Dumacŭāxgūx, rü chanaxwèxe i nüma ya Tanatü ya Tupana rü tōrū Cori ya Ngechuchu ya Cristu pemaā namecūmagü rü pexŭ narūngŭxēēgü na meā pexŭ naxūpetūxŭcèx rü aixcūma petaāēgūxŭcèx.

Pauru rü nüxŭ nangúchaŭ na íyadaūxŭ ga yema yaxōgūxŭ ga Dumawa yexmagūxŭ

⁸ Rü ñuxma rü Ngechuchu ya Cristuégagu Tupanana moxē chaxā pexcèx, erü guxŭwama i guxŭ i naānēwa rü duŭxŭgü nüxŭ nixugügü na aixcūma Cristuaxŭ peyaxōgūxŭ rü Tupanacèx pemaxēxŭ.

⁹ Rü nüma ya Tupana choxŭ nadau rü nüxŭ nacuèx na aixcūma guxŭguma pexcèx chayumūxŭxŭ. Rü yimaāxŭ nixī i guxŭma i chorü ngúchaūmaā chapuracūxŭ rü nüxŭ chixuxŭ i norü ore i mexŭ i Nanechiga.

¹⁰ Rü guxŭguma nüxna chaca na choxŭ ngema namuxŭcèx rü ngēmaācü düxwa pexŭ íchayadauxŭcèx ega norü ngúchaŭ yixīgu.

¹¹ Erü aixcūma choxŭ nangúchaŭ na pexŭ chadauxŭ na pemaā nüxŭ chixuxŭcèx i Tupanaārü ore na aixcūma meā peyaxōgūxŭcèx rü yexeraācü peporaexŭcèx.

¹² Rü ngēxguma ngēmaācü wūxiwa ingēxmagügu, rü tá wūxichigü yigü tataāēgūxēē rü yigūxŭ tanangúchaŭxēē. Erü choma rü tá nüxŭ chadau na ñuxācü tōrū Coriaxŭ peyaxōgūxŭ rü pema rü tá ta nüxŭ pedau na ñuxācü chayaxōxŭ.

¹³ Pa Chaueneēgūx, chanaxwèxe i nüxŭ pecuèx na muēxpūxcūna pexŭ íchayadauxchaŭxŭ, natürü ñuxmarüta rü choxŭ naguxcha. Natürü ngema

petanūwa chaxūxchaŭ, erū chanaxwèxe na pemaã nüxŭ chixuxŭ i Tupanaãrū ore yema toxnamana yexmagūxŭ ga duŭxŭgūmaã nüxŭ chixuxŭrū. Erū chanaxwèxe i ngēma duŭxŭgŭrū meã peyaxōgŭ na ngēmaãcŭ Cristuwe naxŭŭcèx i ngēma petanūxŭgŭ i ñuxma tama yaxōgŭxŭ.

14 Rū aixcūma ngēma changuxchaŭ erū nūmatama ya Tupana choxŭ namu na guxŭ i duŭxŭgūmaã nüxŭ na chixuxŭcèx i norū ore. Rū nanaxwèxe i duŭxŭgŭ i meã poperaxŭ icuáxŭmaã nüxŭ na chixuxŭ rŭ duŭxŭgŭ i tama poperaxŭ icuáxŭmaã ta nüxŭ chixuxŭ i ngēma norū ore. Rū ngēxgumarūŭ ta nanaxwèxe na ngēma duŭxŭgŭ i cuèx nüxŭ ngēxmaxŭmaã nüxŭ na chixuxŭ rŭ ngēma duŭxŭgŭ i taxuguma rŭxŭnŭxŭmaã nüxŭ na chixuxŭ.

15 Rū ngēmacèx, Pa Chaueneēgŭ i Dumagu Āchiŭgŭxŭ, rŭ choma rŭ marŭ íchamemare na petanūwa na chaxūxŭ, na pemaã rŭ ta nüxŭ chixuxŭcèx i Tupanaãrū ore i mexŭ.

Tupanaãrū ore rŭ napora

16 Rū taxucèxma naxcèx chaxāne i ngēma ore i mexŭ. Erū ngēma ore rŭ napora, rŭ ngēmamaã nixŭ i napuracūxŭ ya Tupana na guxāma ya yixema Cristuaxŭ yaxōgŭxe rŭ tūxŭ nangēxmaxŭcèx i maxŭ i taguma gúxŭ. Rū ngēma maxŭ, rŭ Yudiŭgŭcèxirachirèx nixŭ, natŭrŭ i ñuxma rŭ guxŭma i ngēma tama Yudiŭgŭ ixŭgŭxŭcèx rŭ ta nixŭ.

17 Rū ngēma norū orewa nixŭ i tamaã nüxŭ yaxuxŭ ya Tupana na tórŭ ōgaguxicatama yŭxŭ na napèxewa imexŭ. Erū norū ore i ūmatŭxŭwa rŭ ñanagŭrŭ:

“Rū yŭxema tūmaãrŭ ōgagu Tupanapèxewa mexē, rŭ tá tūxŭ nangēxma i maxŭ i taguma gúxŭ”,
ñanagŭrŭ.

Nagagutama nixŭ i duŭxŭgŭ inapoxcuexŭ

18 Rū nüxŭ tadaugŭ na Tupana daxŭguxŭ i naãnewa ne namuxŭ i norŭ poxcu i āucūmaxŭ naxcèx i guxŭma i ngēma duŭxŭgŭ i tama naga ñnŭxŭ rŭ chixexŭ ŭgŭxŭ rŭ ngēma norŭ chixexŭmaã togŭaxŭ naguxchaxēēgŭxŭ na tama nüxŭ nacuèxgŭxŭcèx i ngēma ore i aixcūma ixŭxŭ.

19 Rū ngēma duŭxŭgŭ i chixexŭ ŭgŭxŭ rŭ meã nüxŭ nacuèxgŭchirèx na ñuxācŭ yŭxŭ ya Tupana yerŭ nūmatama ga Tupana rŭ marŭ nüxŭ nüxŭ nadauxēē ga yema.

20 Rū woo tama nüxŭ idaugŭgu ya Tupana, natŭrŭ guxŭma i tacŭ i naxŭxŭwa nixŭ i nüxŭ idaugŭxŭ. Rū yexguma noxri naãne naxŭxgumama nixŭ ga meãma duŭxŭgŭxŭ nüxŭ nadauxēēxŭ na aixcūma Tupana na yŭxŭ rŭ guxŭguma na naporaxŭ. Rū ngēmacèx i ngēma duŭxŭgŭ i chixexŭ ŭgŭxŭ, rŭ taxucŭrŭwama tacŭmaã nŭgŭ ñnapoxŭgŭ i Tupanapèxewa.

21 Yerŭ woo nüxŭ nacuèxgŭchirèx na ñuxācŭ yŭxŭ ga Tupana, natŭrŭ tama nanayauxgŭchaŭ na norŭ Tupana yŭxŭcèx, rŭ bai na moxē nüxna naxāgŭxŭ. Natŭrŭ yema ore ga taxuwama mexŭguama narŭxŭnŭē, rŭ yemaãcŭ naēchitamare namaxē rŭ yexeraãcŭ chixexŭgu narŭxŭnŭē.

22-23 Rū nŭgŭ yaxugŭegu rŭ duŭxŭgŭ i nüxŭ icuáxŭ nixŭgŭ natŭrŭ taxuguma narŭxŭnŭē. Yerŭ nüxna nixŭgachitanŭ ga Tanatŭ ya Tupana ya mexèchicŭ ya taguma yucŭ, na nawe naxŭxŭcèx ga norŭ naxchicŭnèxāgŭmare ga duŭxŭgŭ i yuxwèxexŭchicŭnèxāmare ixŭgŭxŭ rŭ werigŭchicŭnèxāmare ixŭgŭxŭ rŭ naèxŭgŭchicŭnèxāmare ixŭgŭxŭ rŭ āxtapegŭchicŭnèxāmare ixŭgŭxŭ.

²⁴ Rū yemacèx ga Tupana rü düxwa yemawa nanawogü ga yema duüxügü na naxügüäxüçèx ga guxüma ga yema chixexü ga nüxü ngüchaügüxü rü nügümaä na naxügüäxüçèx ga naxünearü ngüchaügü i äne tuxna äxü.

²⁵ Rū yemaäcü nüxna nixigachi ga guma aixcümäxüchi Tupana ixicü na nawe naxüçèx ga norü tupanagü ga tama aixcüma ixigüxü. Rū yema Tupana üxpèxewa nayumüxègü rü yemaxü nicuèxüügü, natürü tama nüxü nicuèxüügü ga Tanatü ya Tupana ga naxücü rü inaxwèxecü na guxügüma nüxü icuèxüügüxü. Rū ngëmaäcü yixi.

²⁶ Rū yemacèx ga Tupana rü düxwa yemawa nanawogü ga yema duüxügü na naxügüäxüçèx ga naxünearü ngüchaü i äne tuxna äxü. Rū èixrüü ga ngexügü rü naxrüü ngexügümaätama nangëäëgü rü tama yatügümaä.

²⁷ Rū yexgumarüü ta ga yatügü rü naxrüü yatüxümaätama nangëäëgü, rü tama ngexügümaä. Rū yema naxünearü ngüchaü ga chixexügü rü nüxü napora na naxrüü yatüxümaä namaxèxü. Rū yemaäcü ga yema yatügü rü nügümaä nanaxügü ga yema naxünearü ngüchaü i äne tuxna äxü, rü düxwa yemagagu nidaawee rü naturaxünegü.

²⁸ Rū yema na tama Tupanaxü nacuèxgüchaüxü, rü yemacèx ga nüma ga Tupana rü düxwa yemawa nanawogü ga yema duüxügü na norü chixexüga na naxünearüçèx rü na naxügüäxüçèx ga yema chixexü.

²⁹ Rū düxwa ga yema duüxügü rü guxütraüxü ga chixexü naxügü ga Tupanapèxewa. Rū tama aixcüma meä naxmèxmaä rü natemaä namaxè. Rū naxaü rü nügünaxicatama nananugüchaü i guxüma i tacü. Rū toguäxü nachixexèëgüchaü. Rū nixäüxächiwèxegü, rü namäëtagü, rü nanuèwèxe, rü nawomüxèëwèxegü, rü naxünearü ngüchaü nüxü napora, rü naxoregütèëxgü.

³⁰ Rū chixexümaä toguäxü nixugüe, rü Tupanachi naxaie, rü toguäxmaä naguxchigagü. Rū nügüga naxünuëgu rü togüarü yexera nixigü, rü nügü nicuèxüügü. Rū naxcèx nadaugü na yexera chixexü naxügüxü. Rū tama nanatüga rü naëga naxünuëchaü.

³¹ Rū tama inarüxünuëchaü. Rū tama aixcüma nayanguxèë i ngëma nüxü yaxugüxü. Rū taxüexüma nangechaügü. Rū tama togüaxü nüxü nangechaü i tacü rü guxchaxü. Rū tama toguäx nüxü tangechaütümüügü.

³² Rū nümagü i ngëma duüxügü rü meäma nüxü nacuèxgüchirèx rü Tupana rü marü namaä nanaxuegu na noxtacüma nayuexü i ngëma duüx-ügü i ngëmaäcü maxèxü. Natürü woo meäma nüxü nacuèxgüchirèx i guxüma i ngëma, natürü nanaxügüma i ngëma chixexü, rü nataäëgü ega togü naxüxgu.

2

Ngëxguma Tupana duüxügüxü poxcugu, rü tama chixexü naxü, erü ngëma duüxügü rü norü chixexügagutama nanapoxcue

¹ Rū ngëmacèx, Pa Duüxüx, rü woo texé quixigü rü taxuacüma Tupanapèxewa cugüétüwa cuchogü, ega togüxü quixuechagu. Erü ngëxguma togüxü quixuechagu na nachixexü rü cugütama cupoxcu, erü cuma na cumücüxü quixuechaxü rü cuma rü ta cunaxü i ngëma chixexü i cumücüxü naxcèx quixuechaxü.

² Rū nüxü tacuèx rü Tupana tá nanapoxcue i ngëma duüxügü i namücügüxü ixugüechaxü. Rū ngëxguma napoxcueägu, rü tama chixexü naxü ya Tupana, erü ngëma duüxügü rü norü chixexügagutama nixi i napoxcueäxü.

³ Rū dücax, Pa Duüxüx, rü ngëxguma togüxü quixu-echagu, natürü cuma rü ta cunaxüxgu i ngëmatama chixexü i nüma naxüxü, çrü ñuxücürüwa tá i nagu curüxñüxü na Tupanachaxwa iquicüxü na tama cuxü napoxcuxüçèx?

⁴ ÇRü tüxcüü tama nagu curüxñü i ngëma mexü i Tupana cuxçèx üxü? Nüma rü poraäcüxüchi cumaä namecüma rü yaxna cumaä naxñü rü tama paxa curü chixexüçèx cuxü napoxcuchaü. ÇRü ñuxma rü tüxcüü nüxü cuxo? ÇTama éxna nüxü cucuèx na Tupana ngëmaäcü cumaä mecümaxü na nüxü curüxoxüçèx i curü chixexü rü naxçèx na cumaxüxüçèx ya Tupana?

⁵ Natürü cuma rü tama Tupanaxü cucuáxchaü rü tama nüxü curüxoxchaü i curü chixexü. Rü ngëmaäcü cugüçèxtama cunayexeraxëë i curü poxcu i tá cuyaxuxü i ngëma ngunexü i nagu Tupana napoxcuexü i ngëma chixexü ügüxü. Rü ngëma ngunexügu rü Tupana tá aixcüma ngëma duüxügümaä nanaxuegu na ñuxäcü tá na napoxcuaeüxü.

⁶ Rü ngëxguma tá nixi i Tupana nüxü yaxügütanüxü i wüxichigü i duüxü naxçèx i ngëma naxügüxü.

⁷ Rü maxü i taguma gúxümaä Tupana tá tüxü nanaxütanü ya yixema guxüguuma mexü taxügüäcüma naxçèx daugüxe na Tupana tümamaä taäèxü rü naxçèx daugüxe na aixcüma Tupanaxütawa tangugüxü.

⁸ Natürü Tupana tá tümamaä nanu rü tá tüxü napoxcu ya yixema tügüxucatama rüxñüèx rü tama naga ñnüèchaüxë i ore i aixcüma ixixü rü naxçèx daugüxe na ngëma chixexü taxügüxü.

⁹ Rü guxüma i ngëma duüxügü i chixexü ügüxü rü tá ngüxü ningegü rü poraäcü tá chixexü nüxü naxüpetü. Rü ngëma Yudiugü i chixexü ügüxüxira tá nixi i Tupana inapoxcuexü. Rü ngëmawena rü tá nanapoxcue i guxüma i ngëma togü i duüxügü i chixexü ügüxü.

¹⁰ Natürü ngëma duüxügü i mexü ügüxü, rü Tupana tá namaä nataäë, rü tá nanatachigaxëë, rü tá nanataäëxëë. Rü ngëma Yudiugü i mexü ügüxüçèxira tá nixi i ngëma. Rü ngëxgumarüü i guxüma i togü i duüxügü i mexü ügüxüçèx rü tá ta nixi.

¹¹ Erü Tupanapëxewa rü nawüxigu i ngëma duüxügü i Yudiugü ixigüxü rü ngëma togü i duüxügü i tama Yudiugü ixigüxü. Rü guxäma ya texé ya chixexü ügüxe rü tá tanayaxu i tümäärü poxcu, natürü guxäma ya texé ya mexü ügüxe rü tá Tupana tümamaä nataäë.

¹² Rü guxüma i duüxügü i pecadu ügüxü i tama nüxü cuèxgüxü i ngëma mugü ga Moïché ümatüxü, rü tá inayarütauxe. Rü ngëxgumarüü ta i guxüma i ngëma pecaduäxgüxü i nüxü cuèxgüxü i ngëma mugü ga Moïché ümatüxü, rü ngëma mugü nüxü ixuxüäcüma Tupana tá nanapoxcue.

¹³ Erü Tupanapëxewa rü taxuwama name i ngëma duüxügü i nüxü ñnüëmarexü natürü tama nagu maxèxü i norü mugü. Natürü ngëma duüxügü i Tupanaärü mugüga ñnüèxü nixi i aixcüma Tupanapëxewa imexü.

¹⁴ Düçèx, i ngëma duüxügü i tama Yudiugü ixigüxü. Nümagü rü tama nüxü nacüèxgü i Tupanaärü mugü. Natürü ngëxguma nüèchamatama naxügümareägu i ngëma Tupana tüxü muxü, rü tüxü nüxü nadauxëë na nüxü nacüèxgüxü i çacü na yixü i mexü rü çacü na yixü i chixexü, woo tama nüxü na nacüèxgüchiréxü i Tupanaärü mugü.

¹⁵ Erü nacümagüwatama nixi i tüxü nüxü nadauxëëxü na nüxü nacüèxgüxü na çacü yixü i mexü rü çacü na yixü i chixexü. Rü ngëma duüxügü rü ngëxguma chixexü naxügügu, rü naäëwatama nixi i nüxü nacüèxgüxü na nachixexü i ngëma naxügüxü. Rü ngëxgumarüü ta i ngëxguma mexü

naxügügu, rü naãewatama nixĩ i nüxũ nacuëxgüxũ na namexũ i ngëma naxügüxũ.

¹⁶ Rü ngëma ngunexũ i nagu Tupana Cristuxũ namuxũ na guxũ i duũxügüxũ yacagüxüçèx i norü maxũchiga, rü ngëma duũxügü i tama Tupanaärü mugüxũ cuëxgüxũ rü naãewa tátama nixĩ i nüxũ nacuëxgüxũ na chixexũ naxügüxũ rü êxna mexũ naxügüxũ. Rü ngëxguma tá nixĩ i nangóxũ i guxũma i ngëma chixexũ i cúácüma naxügüxũ i duũxügü, rü ngëma chixexũ i nüxĩcatama nagu naxĩnüëxũ. Rü Tupanaärü ore i pemaã nüxũ chixuxũ nixĩ i tüxũ nüxũ cuëxëëxũ i ngëma.

Yudiügüchiga rü mugü ga Moïché ümatüxũchiga

¹⁷ Natürü pema Pa Chaueneëgü i Yudiügüx, rü ñaperügügü:

“Toma rü Yudiügü tixĩgü rü meãma nüxũ tacuëx i Tupanaärü mugü ga Moïché ümatüxũ”, ñaperügügü. Rü ngëmaãcü nagu perüxĩnüë na Tupanapëxewa pimexũ erü meãma nüxũ pecuëx i ngëma Tupanaärü mugü ga Moïché ümatüxũ. Rü ngëmaãcü Tupanamaã pegü picuëxüügü erü nagu perüxĩnüë na Tupana pexũ nangechaũxũ erü Yudiügü pixĩgü.

¹⁸ Rü nüxũ pixu na meãma nüxũ pecuáxũ i tacü nixĩ i Tupanaärü ngúchaũ rü tacü nixĩ i mexũ rü tacü nixĩ i chixexũ. Rü Tupanaärü mugüwa naxcëx pengüë na naxcëx pedauxũ i ngëma aixcüma mexũ ixĩxũ.

¹⁹ Rü pema rü ñaperügügü:

“Toma rü meãma nüxũ tacuëx na tanaxucuxëxũ i ngëma togü i duũxügü i tama Tupanaxũ cuëxgüxũ. Rü meãma nüxũ tacuëx na itayanawëxãchixëëxũ i ngëma togü i chixexüwa ngëxmagüxũ”, ñaperügügü.

²⁰ Rü pema nagu perüxĩnüëgu rü nüxũ pecuëx na ñuxãcü penaxucuxëxũ i ngëma togü i duũxügü i tama Tupanaxũ cuëxgüxũ rü ñuxãcü penangüexëëxũ i ngëma duũxügü i ngëxwacëx yaxögüxũ. Rü ngëmaãcü nagu perüxĩnüë na togüarü ucuxëruügü pixĩgüxũ, erü Tupanaärü mugüwa pengüë rü ngëmacëx meãma nüxũ pecuëx i tacü nixĩ i mexũ rü tacü nixĩ i ore i aixcüma ixĩxũ.

²¹ Rü dücax, Pa Chaueneëgü i Yudiügüx, pema na togüxũ pengüexëëxũ, çrü tüxcüü tama pegütama pengüexëë? Pema nüxũ pixu na tama namexũ na ingĩxũ, çrü tüxcüü i pema ipengĩëxũ?

²² Rü pema nüxũ pixu na tama namexũ na naĩ i ngëmaã ipexũ, çrü tüxcüü i pema i ngëmaãcü pemaxëxũ? Rü pema na naxchi pexaixũ i togüarü tupanagünetachicünëxãgü, çrü tüxcüü i naxcëx pengĩëxũ i norü tupaucagüarü ngëmaxügü?

²³ Pema nüxũ pixu na namexũ i Tupanaärü mugü i ümatüxũ, rü petaãë erü meã nüxũ pecuëxgü i ngëma mugü. Natürü Tupanamaã chixexũ pexüë, erü tama naga pexĩnüë i ngëma pexũ namuxũ i norü mugüwa.

²⁴ Rü ngëmacëx i Tupanaärü ore i ümatüxüwa rü ñanagürü:

“Rü pegagu nixĩ na chixri Tupanachiga yadexagüxũ i ngëma duũxügü i tama Yudiügü ixĩgüxũ”, ñanagürü.

²⁵ Pema rü pegü ipewiechëxmüpëxechiraügü na Tupanaärü duũxügü pixĩgüxüçèx. Rü name nixĩ na penaxüxũ i ngëma, ega aixcüma naga pexĩnüëgu i Tupanaärü mugü. Natürü ngëxguma chi tama naga pexĩnüëgu i Tupanaärü mugü, rü woo Yudiügü pixĩgügu, natürü Tupanapëxewa rü taxuwama pexũ name i ngëma na pegü ipewiechëxmüpëxechiraügüxũ.

26 Rū ngēma togū i duūxūgū i tama nūgū íwiechēxmūpēxechiraūgūxū, rū woo tama ngēma naxūgūgu, natūrū Tupanaārū duūxūgū tá nixīgū ega naga naxīnūēgu i norū mugū.

27 Rū dūcax, Pa Chaueneēgū i Yudíugūx, rū ngēma duūxūgū i tama íwiechēxmūpēxechiraūgūxū natūrū naga ínūēxū i Tupanaārū mugū, rū ngēma duūxū rū tá Tupana-pēxewa pexū nixu na ñuxácū pechixēxū. Rū ngēmaācū tá pexū naxūpetū erū tama naga pexīnūē i Tupanaārū mugū i woochirēx na nūxū pecuáxū i ngēma mugū, rū woochirēx na ípewiechēxmūpēxechiraūgūxū.

28 Rū dūcax, rū tama ngēma na Yudíuxacūgū pixīgūxūcēx nixī na aixcūma Tupanaxácūgū pixīgūxū. Rū tama ngēma na ípewiechēxmūpēxechiraūgūxūcēx nixī na Tupanaārū duūxūgū pixīgūxū.

29 Erū yixema aixcūma tūmaārū maxūnewa Tupanaga ínūē tixī ya aixcūma Tupanaxácū ixīxē. Rū ngēxguma aixcūma taāēwa yaxōxgu nixī i aixcūma Tupanaārū ixīxū. Rū Tupanaāē i Ūūnexū nixī i tūxū rüngūxēēxū na yaxōxūcēx, rū tama ngēma mugū ga Moiché ūmatūxūgagu nixī. Rū yixema aixcūma Tupanaārū ixīxē, rū Tupana rū tūmamaā nataāē woo duūxūgū tama tūmamaā taāēgūgu.

3

1 ¿Rū ñuxma rū ūcūwa tūxū namexū na Yudíugū ixīgūxū? ¿Rū ūcūwa namexū na íwiechēxmūpēxechiraūgūxū?

2 Rū poraācūxūchima tūxū name na Yudíugū ixīgūxū. Yerū nūma ga Tupana rū tūxnaxūchi nixī ga naxāāxū ga norū mugū i ūmatūxū.

3 ¿Rū ūcū tá ngupetūxū i ñuxma ega ñuxre i tatanūxū i Yudíugū rū tama meā yanguxēēgūāgu i ngēma Tupana tūxū muxū? ¿Rū pexcēx rū ngēmacēx tāūtāma yanguxēēāxū ya Tupana i ngēma tamaā inaxunetaxū?

4 Rū tama ngēmaācū nixī. Erū woo guxū i duūxūgū rū yadoratēēxūgū, natūrū Tupana rū taguma nidora rū guxūguma nayanguxēē i ngēma nūma tamaā inaxunetaxū. Rū yemacēx norū ore ga Dabí ūmatūxūwa rū ñanagūrū: “Cumax, Pa Tupanax, rū aixcūma nixī i curū ore i nūxū quixuxū. Rū ngēxguma cuxū tangugūgūgu rū nūxū tadaugū na aixcūma cumexū”, ñanagūrū.

5 Natūrū duūxūgū rū ínātūe erū ñanagūrūgū:

“Rū nūētama nixī na chixexū ixūgūxū erū ngēmaācū yexeraācū nangōx na namecūmaxū ya Tupana”, ñanagūrūgū. Rū ñanagūrūgū ta:

“Rū ngēxguma chi tórū chixexūgagu yexeraācū nangōxgu na aixcūma namecūmaxū ya Tupana, rū maneca tama name ega tórū chixexūcēx tūxū napoxcūegu”, ñanagūrūgū.

6 Natūrū ngēma ñaxūgu na naxīnūēxū i duūxūgū rū poraācū ínātūe, erū tama ngēmaācū nixī. Erū ngēxguma chi tama namexgu ya Tupana, ¿rū ñuxácū chi i meā duūxūgūxū yacagūxū i naāneārū guxgu?

7 Natūrū i duūxūgū rū ñanagūrūgū:

“Rū ngēxguma chi chorū chixexūgagu yexeraācū nangōxgu na ñuxácū aixcūma namexū ya Tupana, ¿rū tūxcūū yīxū i choxna naçaxū naxcēx i chorū chixexū rū choxū napoxcuxū naxcēx i ngēma?” ñanagūrūgū.

8 Natūrū ngēma ñaxūgu na naxīnūēxū i duūxūgū rū poraācū ínātūe. Erū ngēxguma chi aixcūma yixīgu i ngēma nagu naxīnūēxū i duūxūgū, rū chi narūmemaē nixī na yexeraācū chixexū naxūgūxū na yexeraācū mexū na íngxuchixūcēx. Rū dūcax, Pa Chaueneēgūx, nangēxma i chixexū i duūxūgū i choxū ūgagūmarexū i nūxū ixugūexū na ngēma yīxū i chorū ngxēētae i

duŭxŭgŭxŭ namaã changúexēēxŭ. Natürü ngēma duŭxŭgŭ i ngēma ñagŭxŭ rŭ nagagu tátama napoxcue.

Guxāma i yixema rŭ taxüetüxŭgŭ

⁹ ¿Rŭ ñuxácü nixŭ i ñuxmax? ¿Pexcèx rŭ yixema i Yudiŭgŭ rŭ togŭ i duŭxŭgŭarŭ yexera Tupanapēxewa imexŭ? Pemaã nüxŭ chixu rŭ tama ngēmaãcü nixŭ. Erŭ guxŭma i duŭxŭgŭ i Yudiŭgŭ ixŭgŭxŭ rŭ guxŭma i duŭxŭgŭ i tama Yudiŭgŭ ixŭgŭxŭ, rŭ naxüetüxŭgŭ.

¹⁰ Erŭ Tupanaärŭ ore i ũmatüxŭwa rŭ ñanagŭrŭ:

“Rŭ tataxuma ya texé ya aixcüma Tupanapēxewa mexē, rŭ bai ya wüxie.

¹¹ Rŭ tataxuma ya texé ya aixcüma nüxŭ cuáxe i Tupanaärŭ ore na ñuxácü nanaxwèxexŭ na naxcèx imaxèxŭ. Rŭ tataxuma ya texé ya aixcüma Tupanacèx dauxe.

¹² Rŭ guxāma ítatüe, rŭ guxāma itayarütauxe rŭ chixexŭ taxŭgŭ i Tupanapēxewa. Rŭ tataxuma ya texé ya aixcüma mexŭ üechaxe, rŭ bai ya wüxie.

¹³ Rŭ tŭmaāx rŭ wüxi i yuetamaxŭ i ingenaxŭrŭŭ nixŭ erŭ ngēma ítanaxŭxŭxēē i nagŭxŭraŭxŭ i dexa i chixexŭ. Rŭ tŭmaärŭ conŭmaã rŭ poraãcü tidorae. Rŭ ngēma tŭmaärŭ dexa rŭ ñoma äxtapeguchatarŭŭ nixŭ erŭ togŭxŭŭ nachixexēē.

¹⁴ Rŭ chixexŭ i ore i duŭxŭgŭãēwa ngŭxŭmaãŭcatama tidexagŭ.

¹⁵ Rŭ ítamemare na duŭxèxŭ timáxŭ.

¹⁶ Rŭ ngextá ítaxŭxŭwa rŭ togŭxŭŭ tachixexēē rŭ tanangechaŭxŭxēē rŭ chixexŭgu tanayixēē.

¹⁷ Rŭ tama nüxŭ tacuèx na ñuxácü togŭ i duŭxŭgŭxŭŭ tangechaŭgŭxŭŭ rŭ meã natanŭwa tamaxèxŭ.

¹⁸ Rŭ tama nüxŭ tacuáxchaŭ na Tupanaxŭ tamuñèxŭ”, ñanagŭrŭ i ngēma ore i ũmatüxŭwa.

¹⁹ Rŭ nüxŭ tacuèx rŭ ngema poxcu i Tupanaärŭ mugŭwa nüxŭ yaxuxŭ rŭ naxcèx nixŭ i ngema Yudiŭgŭ ga natanŭwa nanguxŭ ga yema mugŭ. Rŭ woo ngema tama Yudiŭgŭ ixŭgŭxŭ i duŭxŭgŭcèx rŭ ta nixŭ i ngema poxcu. Erŭ taxúema aixcüma naga taxŭnŭ i ngēma mugŭ. Rŭ ngēmacèx taxucŭrŭwa texé Tupanapewa tŭgŭ ítapoxŭ i ngēxguma Tupana tŭxŭ icagŭgu i tŭmaärŭ pecaduchiga.

²⁰ Rŭ ñuxma na taxúema aixcüma naga ñnŭxŭŭ i ngēma mugŭ, rŭ ngēmacèx taxucŭrŭwama texé tŭgŭ tixu na ngēma mugŭ taxaurexŭgagu Tupanapēxewa tamexŭ. Erŭ ngēma mugŭ tŭxŭŭ nüxŭ cuèxèēxŭ nixŭ na poraãcü ípecaduāxgŭxŭŭ.

Tórü ðgagu nixŭ i Tupana tŭxna naxāxŭŭ i maxŭ

²¹⁻²² Rŭ ñuxma na taxucŭrŭwama Tupanapēxewa tŭxŭ yamexèēxŭŭ i ngēma mugŭ, rŭ ngēmacèx ya Tupana rŭ tŭxŭŭ nüxŭ nacuèxèē na ñuxácü yŭŭxŭŭ i tŭxŭŭ yamexèēxŭŭ na napēxewa imexŭcèx. Rŭ pemaã nüxŭ chixu rŭ Ngechuchu ya Cristuaxŭŭ na yaxŭgŭxŭgagu nixŭ i tŭxŭŭ yamexèēxŭŭ ya Tupana na aixcüma napēxewa imexŭcèx. Rŭ yema mugŭ ga Moŭché ũmatüxŭŭ rŭ yema ore ga nuxcümaŭgŭxŭŭ ga orearŭ uruŭgŭ ũmatüxŭŭ rŭ tŭxŭŭ nüxŭŭ nacuèxèē i ngēma. Rŭ yema mexŭŭ ga Tupana taxcèx ŭxŭŭ ga yexguma núma namuāgu ga Nane na tórü pecadu naxŭtanŭxŭcèx, rŭ guxŭŭ i duŭxŭgŭŭ i yaxŭgŭxŭcèx nixŭ, erŭ Tupanapēxewa rŭ nawŭxigu i guxŭma i ngēma duŭxŭgŭ.

²³ Rŭ guxāma tŭpecaduāxgŭŭ rŭ nüxna tayaxŭgugŭŭ ya Tupana ya tŭxŭŭ maxèxèēcü.

24 Natürü ga Tupana rü poraäcü tamaã namecüma rü yemacèx tüxü nange-tanüäcüma tüxü nimexëëgü na napëxewa imexüçex. Rü ñuxma rü tüxü nangëxma i maxü i taguma güxü, yerü Ngechuchu ya Cristu rü marü tüxü nanaxütanü ga tórü pecadugü.

25-26 Rü Tupana rü aixcüma núma nanamu ga Cristu na nayuxüçex rü yemaäcü tórü pecadu naxütanüxüçex na Tupana tüxü nüxü rüngümaxüçex i ngëxguma aixcüma Cristuaxü yaxögügu. Rü yemaäcü nanaxü ga Tupana na tüxü nüxü nadauxëëxüçex na ñuxäcü núma nügüçex tüxü yamexëëxü na aixcüma napëxewa imexüçex. Rü nuxcüma ga Tupana rü yaxna namaã naxinü ga duüxügü ga yexguma chixexü naxüegu, rü tama paxa nanapox-cue. Rü ñuxma rü ta tüxü nanawëx na ñuxäcü aixcüma namexü i ngëma núma naxüxü erü tüxü ñanapi i tórü pecadugü. Rü ngëmaäcü tüxü nüxü nadauxëë na ñuxma rü ta aixcümacü yixü i ngëxguma tüxü yaxuxgu na napëxewa marü timexü ya guxäma ya yixema Ngechuchuaaxü yaxögüxe.

27 Rü ngëmacèx i ñuxma rü taxucürüwama yigü ticuëxüügü rü nüxü tixu na yixematama yigü imexëëgüxü i napëxewa. Erü taxucürüwama texé tügü tamexëë i Tupanapëxewa. Rü tama ngëma na naxaurexüçex i ngëma mugü nixi i imexü, rü tama ngëma na mexü ixügüxüçex nixi i imexü. Natürü Tupanapëxewa time i ñuxma, erü Cristuaxü tayaxögü.

28 Rü yixema nüxü tacuèx rü ngëxguma Cristuaxü yaxögügu nixi i Tupanapëxewa imexü, rü tama ngëma mugü na ixauregüxüçex nixi i napëxewa imexü.

29 ¿Éxna pexçex rü Tupana rü Yudíugüarü Tupanaxicatama yixü? ¿Rü tama éxna i ngëma togü i duüxügüarü Tupana rü ta yixü? Ngëmaäcüx, ngëma togü i duüxügü i tama Yudíugü ixígüxüärü Tupana ta nixi.

30 Rü nüxü tacuèxgü na nangëxmaxü ya wüxitama ya Tanatü ya Tupana. Rü guxüma i duüxügü i Cristuaxü yaxögüxü, rü núma ya Tupana rü nayamexëë na napëxewa yamexüçex. Rü ngëmaäcü i núma ya Tupana rü Yudíugüxü nimexëë i ngëxguma yaxögüägu. Rü ngëxgumarüü ta nayamexëë i guxüma i togü i duüxügü i ngëxguma Cristuaxü yaxögüägu.

31 Rü ñuxma na Cristuaxü yaxögüxü, rü bexmana nagu perüxinüë na ngëmaäcü iyanaxoxëëxü i ngëma mugü. Natürü tama ngëmaäcü nixi. Erü ñuxma na Cristuaxü yaxögüxü rü aixcüma tayanguxëë i ngëma Tupana tüxü muxü.

4

Abráü rü Tupanaäxü nayaxö rü yemacèx Tupana nüxü nixu na namexü

1 ¿Rü ñuxma rü nüxü ñagüxü tá i nachiga ga nuxcümaäcü ga tórü oxü ga Abráü? ¿Rü ñuxäcü nixi ga nüxü naxüpetüxü ga Tupanapëxewa? ¿Rü tüxücüü yixü ga Tupana nüxü ixuxü ga Abráü rü mecü na yixü?

2-3 Rü dücax, yexguma chi wüxi ga norü puracü ga mexüçex Tupanapëxewa namexgu ga Abráü, rü yexguma chi waxi nixi ga nüxü nayexmaxü ga tacüçex nügü na yacuëxüxü. Natürü taxucëxma Tupanapëxewa nügü nicuëxüü ga Abráü, erü Tupanaärü ore i ümatüxüwa rü ñanagürü:

“Abráü rü Tupanaäxü nayaxö, rü yemacèx Tupana nanayaxu rü nüxü nixu na namexü”,
ñanagürü i ngëma ore.

4 Rü ngëxguma texé wüxi i puracü üxgu rü tüxü naxütanügu rü woetama tümaärü natanü nixi rü tama ämare nixi i ngëma.

⁵ Natürü tama ngēmaācü nixī i ngēxguma Tupanaāxū yaxōxgu. Erü ngēxguma yaxōxgu, rü tama tacü rü puracü i mexücex nixī i Tupanapēxewa imexū, natürü Tupanapēxewa time erü tayaxō. Rü ngēmaācü Tupana tüxū nayaxu ya yixema yaxōxē woo taxuūma i tacü rü puracü i mexū taxūxgu na ngēmacèx Tupana tüxū rüngūxēxū.

⁶ Rü nuxcümaūcü ga āēxgacü ga Dabí rü ta tūmachiga nidexa ga guxema duūxē ga yaxōxē. Rü nüxū nixu ga na tataāēxū ga guxema duūxē yerü Tupanapēxewa tame, woo tama tacü rü mexū taxūxgu na yemaācü Tupanapēxewa tamexücèx.

⁷ Rü nüma ga Dabí rü ñanagürü:

“Rü tataāēgü ya yixema duūxēgü ya Tupana tūmaārü chixexūgūxū ngechaūxē rü tūmaārü pecadugūxū iyanangūmaxē.

⁸ Rü tataāē ya yixema duūxē ya Tupana tama tüxū nagu naxīnūxē i tūmaārü pecadu”,

ñanagürü ga Dabí.

⁹ Rü dücax, ¿pexcèx rü ngēma taāē rü ngēma duūxūgü i Yudiūgü ixīgūxūcèxicatama yīixū, rü ēxna ngēma togü i duūxūgücèx ta yīixū? Dücèx, rü marü pemaā nüxū tixu rü Tupanapēxewa name ga Abráū yerü nayaxō. Rü yemacèx Tupana nanayaxu.

¹⁰ ¿Natürü ñuxgu nixī ga nayauxāxū? ¿Éxna marü ínawiechèxmüpēxechiraūguwena, rü ēxna naxūpa ga na ínawiechèxmüpēxechiraūxū? Rü pemaā nüxū chixu rü naxūpa nixī ga na Tupana nayaxuxū ga Abráū.

¹¹ Rü Tupana nayaxuxguwena nixī ga ínawiechèxmüpēxechiraūxū ga Abráū. Rü yema nixī ga norü cuēxruū ga nawa nüxū nacuāxū na aixcüma Tupana marü nayaxuxū rü nüxū nadauxū na namexū yerü nüxū nayaxō. Rü ngēmacèx i ñuxma ya Abráū rü tūmanatü yīixū ya guxāma ya yixema yaxōgūxe woo tama ítawiechèxmüpēxechiraūgūgu. Rü ngēmaācü ya Tupana rü tüxū nayaxu ya guxāma ya yixema yaxōgūxe, rü tüxū nadau na timexū erü tayaxōgü.

¹² Rü ngēxgumarūū ta ya Abráū rü tūmanatü nixī ya guxāma ya yixema íwiechèxmüpēxechiraūgūxe rü Abráūrūū yaxōgūxe. Natürü tama ngēma na tūgü ítawiechèxmüpēxechiraūgūxūcèx nixī i tūmanatü yīixū. Natürü tūmanatü nixī erü tayaxōgü yexgumarūū ga na yaxōōxū ga nüma ga tanatü ga Abráū naxūpa ga na ínawiechèxmüpēxechiraūxū.

Abráū rü Tupanaāxū nayaxō rü yemacèx Tupana nayanguxēē ga norü uneta ga Abráūmaā nüxū yaxuxū

¹³ Rü Tupana rü Abráūmaā inaxuneta na nüma ya Abráū rü guxūma i naxrūū yaxōgūxū rü tá na nayauxgūāxū i ñoma i naāne na noxru yīixūcèx. Natürü tama yema na mugü naxaurexücèx nixī ga Tupana yemaācü Abráūmaā ixunetaxū. Natürü yemaācü namaā inaxuneta yerü Abráū nayaxō, rü yemacèx Tupanapēxewa name.

¹⁴ Natürü ngēxguma chi ngēma duūxūgü i mugü aurgūxūcèxicatama yixīgu i ngēma Tupanaārü uneta, rü natücèxmamare chi nixī i ngēma na yaxōgūxū, rü chi ngēma Tupanaārü uneta rü taxuwama name.

¹⁵ Nüxū tacuèx rü ngēma mugü ga Moiché úmatūxū rü poxcuwa tüxū naga erü taxúema aixcüma meā tayanguxēē. Natürü yexguma chi natauxguma ga yema mugü rü tataxu chima na texé chixri yanguxēēxū.

16 Rū yexguma Tupana Abráũmaã ixunetagu na nüxũ tá nangũxêẽxũ, rü Abráũãrũ õgagu nixĩ ga namaã inaxunetaxũ. Rü ngẽmacêx i guxãma i yixema na Abráũrũũ yaxõgũxũ rü taxcêx ta nixĩ ga yema Tupanaãrũ uneta ga Abráũmaã nüxũ yaxuxũ. Rü ngẽmawa nüxũ tacuêx rü tama yixema mugũ auregũxecêxicatama nixĩ i ngẽma Tupanaãrũ uneta, natürũ guxãma ya yixema Abráũrũũ Tupanaãxũ yaxõgũxecêx ta nixĩ. Rü ñuxma rü guxãma i yixema na Abráũrũũ meã yaxõgũxũ rü Abráũxãcũgũ tixĩgũ rü nüma rü tanatũ nixĩ i Tupanapêxewa yerũ nüxĩra nayaxõ.

17 Rü Tupanaãrũ ore i ñmatũxũwa rü Abráũchigaxũ nixu rü ñanagürũ: “Rü muxũma i duũxũgünatũ tá cuxũ chixĩxêẽ”, ñanagürũ. Rü Abráũ rü Tupanaãxũ nayaxõ, rü yemacêx Tupana nayanguxêẽ ga norũ uneta ga namaã nüxũ yaxuxũ. Rü yima Tupana nixĩ ya wena namaxêẽcũ i yuexũ. Rü yimatama nixĩ ya naxücũ i ngẽma woo ñuxma taxuxũ.

18 Rü nüma ga Abráũ rü aixcũma nayaxõ ga yexguma Tupana nüxũ ñaxgu: “Rü tá namuxũchi i cutaagũ”, ñaxgu. Rü woo ga Abráũ ga marũ yaguãxũchichirêx na yĩxũ rü na nangexacũxũ, natürũ nayaxõõma ga yema Tupanaãrũ uneta rü meã ínananguxêẽ na wũxi ga nane tá nüxũ yexmaxũ. Rü yemaãcũ ningu na muxũma i duũxũgünatũ yĩxũ, yema Tupana namaã nüxũ ixuxürũũ.

19 Rü Abráũ rü wixguxuchi 100 ga tauncũ nüxũ nayexma ga yexguma. Natürũ tama inayarũmaãchi ga na yaxõõxũ woo nüxũ na nacuáxũ ga paxa tá na nayuxũ ga nüma rü namêx ga Chara rü marũ poraãcũ nangupetũarũ tauncũãxgũxũ ga na naxãxãcũgũxũcêx.

20 Rü yemaãcũ ga Abráũ rü nayaxõõma na nüxũ tá nayexmaxũ ga wũxi ga nane yema Tupana namaã ixunetaxürũũ. Rü tama nagu narũxĩnũ na Tupana ngürũãchi nawomũxêẽxũ. Natürũ yexeraãcũ Tupanaãxũ nayaxõõma, rü nüxũ nicuêxũũ.

21 Rü aixcũmaxũchi nayaxõ na naporaxũ ya Tupana na yanguxêẽãxũcêx i guxũma i ngẽma norũ uneta.

22 Rü yemacêx ga Tupana rü nüxũ nixu na napêxewa namexũ ga Abráũ. Yerũ Tupana nüxũ nadau ga ñuxãcũ aixcũma nüxũ na yaxõõxũ.

23 Rü tama Abráũchigaxicatama nixĩ ga naxũmatũxũ ga Tupanaãrũ ore ga ñaxũ:

“Rü Tupana rü nüxũ nixu na napêxewa namexũ ga Abráũ, yerũ nüxũ nadau ga ñuxãcũ aixcũma nüxũ na yaxõõxũ”, ñaxũ.

24 Natürũ guxãma i yixema na yaxõgũxũchiga ta nixĩ i ngẽma ore. Erũ Tupana rü tórũ õgagu tũxũ nade na napêxewa imexũ i yixema i nüxũ na yaxõgũxũ ya yima yuwa tórũ Cori ya Ngechuchuxũ írũdaxêẽcũ.

25 Rü Ngechuchuxũ nixĩ ga namuxũ ga Tupana na tórũ pecaducêx nayuxũcêx. Rü ñuxũchi nüma ga Tupana rü wenaxãrũ Ngechuchuxũ ínarũdaxêẽ na nagagu imexũcêx i Tupanapêxewa.

5

Ñuxma rü Tupanapêxewa tame erũ Cristuaxũ tayaxõgũ

1 Rü ñuxma rü Tupanapêxewa time erũ tayaxõgũ. Rü ngẽmacêx marũ tama Tupanamaã taxuwanũãxgũ i ñuxmax, erũ tórũ Cori ya Ngechuchu ya Cristu rü marũ tamaã nanangũxmũxêẽ ya Tupana.

² Rū Cristugagu nixī na tamaã namecūmaxū ya Tupana i ñuxmax erū tayaxōgū. Rū nūxū tacuēx rū guxūgutāma tamaã namecūma. Rū tataāēgū erū nūxū tacuēx na tūxū tá nangēxmaxū i tachica i mexū i Tupanaxūtawa.

³ Rū ngēxgumarūū ta tataāēgū i woo ngūxū ingegūgu. Erū nūxū tacuēx rū ngēma ngūxū rū tūxū narūngūxēē na yexeraācū iporaexū rū yaxna namaã ixīnūēxūcēx.

⁴ Rū ngēxguma yaxna namaã ixīnūēgu rū Tupana rū tamaã nataāē. Rū ngēma na tamaã nataāēxū rū ngēmacēx meã itananguxēē na tūxū tá nangēxmaxū i tachica i mexū i Tupanaxūtawa.

⁵ Rū ñuxma na ínanguxēēxū na tūxū tá nangēxmaxū i tachica i Tupanaxūtawa, rū ngēmacēx taxucēxma tangechaūgū. Erū Tupana rū poraācū tūxū nangechaū. Rū ngēma Naāē i Ūñexū i tūxna namuxū nixī i tūxū nūxū cuēxēēxū i ngēma.

⁶ Rū yexguma taxucūrūwama yigūtama imaxēxēēgu, rū nawa nangu na Tupana yanguxēēxū ga yema norū uneta. Rū yexguma nixī ga ñoma ga naānewa namuāxū ga Cristu na pecaduāxgūxūcēx nayuxūcēx.

⁷ Rū tama natauxcha na wūxie rū to i duūxūcēx tayuxū, woo wūxi i duūxū i mexūcēx yixīgu. Rū woo tangēxmagu ya texé ya naxcēx yuchaūchirēxe i wūxi i duūxū i aixcūma mexēchixū, natūrū tama tūxū natauxcha i ngēma.

⁸ Natūrū Tupana tūxū nūxū nadauxēē na ñuxācū tūxū nangechaūxū yerū yexguma ipecaduāxgūgu nixī ga taxcēx nayuxū ga Cristu.

⁹ Rū ñuxma rū Tupanapewa time yerū taxcēx nayu ga Cristu. Rū ngēmacēx meāma nūxū tacuēx rū nūma rū aixcūma tá tūxū ínanguxūxēē na tama tūxū napoxcuēxūcēx ya Tupana.

¹⁰ Rū yexguma norū uwanūgū ixīgūgu, rū nūmatama ga Tupana rū nūgūmaā tūxū narūngūxmūēē ga yexguma nayuxgu ga Nane. Rū ñuxma na marū namaã irūngūxmūēēxū, rū yexeraācū nūxū tacuēx na tūxū nangēxmaxū i maxū i taguma gūxū nagagu na namaxūxū i nūmax.

¹¹ Rū tama ngēxīcatama nixī. Natūrū i ñuxma rū tórū Cori ya Ngechuchu ya Cristugagu rū Tupanamaā tataāēgū, yerū Cristugagu nixī ga Tupana ga tamaā nangūxmūxū.

Adáūchiga rū Cristuchiga

¹² Rū nūxiraxūcū ga yatū ga Adáūgagu nixī ga guxūma ga duūxūgūwa nanguxū ga pecadu. Rū pecadugagu ínangu i yu. Rū yemaācū guxūma ga duūxūgūwa naxūe na nayuxēū, yerū guxūma nipecaduāx.

¹³ Rū naxūpa na Tupana Moīchéna naxāxū ga yema mugū ga naxūmatūxū, rū duūxūgū rū chixexū naxūgūecha, rū yemacēx nayue. Natūrū yema mugū rū tauta nayexma ga yexguma, rū yemacēx taxucūrūwa texé nūxū tixu ga yema duūxūgū ga na chixri naga naxīnūēxū ga yema mugū.

¹⁴ Rū yema duūxūgū ga Adáūwena buexū rū tama Adáūrūū nanangōx ga yema orīx ga Tupana nūxna chūxuxū. Natūrū chixexū naxūgū, rū yemacēx nayue. Rū yemaācū nixī ñuxmata Tupana Moīchéna naxā ga yema mugū ga naxūmatūxū. Rū Adáūwa ínaxūgū na nayuxēū ga duūxūgū, natūrū Cristuwa ínaxūgū na nayaxuxū i maxū i taguma gūxū.

¹⁵ Natūrū yema chixexū ga Adáū ūxū rū taxuacū nagu tanangu i ngēma āmare ga Tupana tūxna āxū, erū tama namaā nawūxigu. Rū aixcūma nixī ga wūxi ga yatūarū chixexūgagu na nayuxēū i guxūma i duūxūgū. Natūrū tama yemaācū tamaā nanaxū ga Tupana. Yerū nūma rū tūxū nangetanūācūma nūma nanamu ga Nane ya Ngechuchu ya Cristu na tórū

pecaducèx nayuxùcèx. Rù yemaäcù guma Cristugagu Tupana nanamaxèxèè i muxùma i duùxùgù.

16 Rù yema pecadu ga Adáù ùxù rù taxuacùma nagu tanangu ga yema ämare ga Tupana tùxna äxù. Yerù wùxítama ga Adáùärù pecadugagu, rù Tupana nùxù nixu rù tá nayu naxcèx ga yema. Natürù Ngechuchu ya Cristugagu rù Tupana nùxù nixu na napèxewa imexù rù nùxna ínguxùxù i guxùma i tórù pecadugù.

17 Rù guxùma i duùxùgù nayue yerù wùxítama ga yatù ga Adáù rù pecadu naxù. Natürù tama yemaäcù tamaä nanaxù ga Tupana, yerù ga nùma rù poraäcù tamaä namecùma rù tùxù nangetanüacùma tùxù narüngùxèè. Rù ngèmacèx i ñuxma rù guxùma i ngèma duùxùgù i Tupana nùxù ixuxù na napèxewa yamexù, rù nùmatama ya Tupana rù Nane ya Ngechuchu ya Cristugagu nanamaxèxèè na namaä wùxigu äèxgacùgù yixìgùxùcèx.

18 Rù yema Adáùärù chixexù rù poxcuwa nanagagù ga guxùma ga duùxùgù. Natürù yema mexù ga Ngechuchu ya Cristu ùxù rù pecaduwa ínananguxùxèè i guxùma i duùxùgù i yaxögùxù, rù nùxna nanaxä i maxù i taguma gùxù.

19 Rù guma nùxíraücù ga yatù ga Adáù rù tama Tupanaga naxínù. Rù yemaäcù wùxítama ga yatùgagu rù muxùma ga duùxùgù rù nipecaduäx. Natürù ínangu ga guma yatù ga Ngechuchu, rù meä Tupanaga naxínù. Rù gumagagu rù muxùma i duùxùgù rù tá nime i Tupanapèxewa.

20 Rù Tupana rù Moíchéna nanaxä ga norù mugù na duùxùgùxù nùxù nacuèèxùcèx na ñuxäcù poraäcù pecadu naxùgùxù. Natürù yexguma yexeraäcù pecadu naxùgùgu ga duùxùgù, rù yexeraäcù Tupanaäxù nangechaütümùgù.

21 Rù ñuxma woo pecadugagu na iyuexù, natürù Tupanaäxù tangechaütümùgù i guxùguma. Rù ngèmaäcù pecaduwa tùxù ínanguxùxèè na napèxewa imexùcèx rù tórù Cori ya Ngechuchu ya Cristugagu tùxù nangèxmaxùcèx i maxù i taguma gùxù.

6

Ñuxma rù tama pecadu ixügùxùcèx nixì i imaxèxù, natürù Cristucèx nixì i imaxèxù

1 Rù ñuxma na Tupanaäxù ingechaütümùgùxù, ¿rù ñuxäcù tá imaxèxù i ñuxmax? ¿Rù pexcèx rù namexù na pecadu ixügùechaxù na yexeraäcù Tupanaäxù ingechaütümùgùxùcèx?

2 Rù dücax, tama ngèmaäcù nixì. Erù ñuxma pecaduchaxwa rù ñoma iyuexürù tixìgù, erù marù tama naga taxínüè. Rù ngèmacèx tama name i yeücürù pecadu taxügüecha.

3 ¿Tama èxna nùxù pecuèx na tacùcèx yìxù na íbaiùxù? Rù ítabaiù na ngèmaäcù duùxùgùxù nawéxùcèx na aixcùma Ngechuchu ya Cristuarù duùxùgù na ixìgùxù. Rù yexguma íbaiùgu, rù nùma nayuxürù yexma nayu ga tacùma ga nuxcùmaùxù.

4 Rù yexguma íbaiùgu, rù Cristu yuxürù yexma nayu ga tacùma ga nuxcùmaùxù, rù Cristu itáxürù inatèx ga yema tacùma ga nuxcùmaùxù. Rù yemaäcù naxùpetù na wena imaxèxùcèx rù tùxù nangèxmaxùcèx i maxù i ngexwacaxùxù, yexgumarù ga Ngechuchu na yuwa írudaxù rù wena namaxùxù ga yexguma Nanatù ga Tupana norù poramaä ínadaxèègu.

⁵ Rū ñuxma na Cristumaã wüxigu nayuxŭ ga tacüma ga nuxcümaũxŭ, rü nüxŭ tacuèx na aixcüma Cristumaã tüxŭ nangëxmaxŭ i maxŭ i ngexwacaxŭxŭ.

⁶ Rü nüxŭ tacuèx rü yema tóru maxŭ ga nuxcümaũxŭ rü Cristumaã wüxigu curuchagu nayu na yexma yanaxoxŭcèx ga yema tacüma ga chixexŭ. Rü ñuxma rü tama pecadutüŭwa tangëxmagŭ, rü ngëmacèx marü tama naga taxŭnŭë.

⁷ Erü yíxema yúxe rü marü tama pecadutüŭwa tangëxma na yeŭcürü pecadu taxüechaxŭcèx.

⁸ Rü ñuxma na Cristumaã nayuxŭ ga tóru maxŭ ga nuxcümaũxŭ, rü nüxŭ tacuèx na Cristurŭŭ tüxŭ nangëxmaxŭ i maxŭ i ngexwacaxŭxŭ.

⁹ Rü nüxŭ tacuèx rü ñuxma na yuwa ínadaŭŭ ya Cristu, rü tagutáma wena nayu. Yerü nüma rü marü yuxŭ narüyexera.

¹⁰ Rü yexguma nayuxgu ga Cristu rü pecaducèx nixŭ ga nayuxŭ, rü noxtacüma yexma wüxicana ningutanü ga guxüma ga duŭxŭgüarü pecadugü. Natürü ñuxma na namaxŭxŭ, rü Tupanacèx nixŭ i namaxŭxŭ na Tupanaärü ngúchaŭŭ naxüxŭcèx.

¹¹ Rü ngëxgumarŭŭ ta i pema rü name nixŭ i pegügu perüxŭnŭë na marü peyuxŭ pecaduchaxwa rü Tupanacèx pemaxèxŭ, erü Ngechuchu ya Cristurü duŭxŭgü pixigü.

¹² Rü ngëmacèx rü tama name i pecadutüŭwa pegü pengëxmagüxèë na pemaã inacuáxŭcèx. Rü tama name i penaxüchica i pecadu na pexeneärü ngúchaŭgü i chixexŭ pexŭ naxüxèëxŭcèx.

¹³ Rü tama name i pecaduna penaxägü i pexene na ngëmamaã chixexŭ pexügüxŭcèx. Rü name nixŭ i Tupanana pegü pexägü, erü ñoma duŭxŭgü i yuexŭ rü wena maxèxŭrŭŭ pixigü. Rü ngëmacèx name nixŭ i Tupanana penaxägü i pexene na ngëmamaã mexŭ pexügüxŭcèx.

¹⁴ Rü ñuxma rü täütáma pecadutüŭwa pengëxmagü na pemaã inacuáxŭcèx. Rü yexguma yema mugü ga Moiché umatüxŭwe perüxŭxgu, rü pemaã inacuèx ga pecadu. Natürü i ñuxma rü Cristugagu Tupana pemaã namecüma, rü nüma nixŭ i pemaã inacuáxŭ i ñuxmax.

Ngëxguma wüxi i corimëxëwa yigü ingëxmagüxèëgu, rü ngëmaga nixŭ i ixŭnŭëxŭ

¹⁵ Rü ñuxma na tama yema Moiché umatüxŭ ga mugütüŭwa ingëxmagüxŭ, rü ñuxma na Tupana rü Cristugagu tamaã mecümaxŭ, ¿rŭ ñuxácü tá imaxèxŭ? ¿Rü pexcèx nameŭŭ na yeŭcürü pecadu ixügüechaxŭ? Rü dücax, tama name na ngëmaäcü imaxèxŭ.

¹⁶ Rü pema nüxŭ pecuèx rü ngëxguma wüxi i corimëxëwa pegü pengëxmagüxèëgu na naga pexŭnŭëxŭcèx rü ngëma tá nixŭ i perü cori ixŭxŭ, rü pema rü norü duŭxŭgü tá pixigü i ngëma cori i naga pexŭnŭëxŭ. Rü ñuxma rü pema tá nüxŭ pedaugü ngoxi ngëxŭrŭüxŭ perü me yixŭ na ngëmaga pexŭnŭëxŭcèx. Rü ngëxguma pecadu i yuwa tüxŭ gagüxŭ perü me yixŭgu, rü ngëma tá nixŭ i pemaã icuáxŭ. Rü ngëxguma perü me yixŭgu na Tupanaga na pexŭnŭëxŭ, rü yimaga tá pexŭnŭë na napëxewa pimexŭcèx.

¹⁷ Natürü Tupanana moxë chaxã, yerü woo pecaduga na pexŭnŭëchiréxŭ, natürü i ñuxma rü aixcüma naga pexŭnŭë i ngëma ngüxèëtae i marü peyaxuxŭ i Cristuchiga.

¹⁸ Rü ñuxma rü Tupanaärü duŭxŭgü pixigü erü nüma rü chixexŭna pexŭ ínanguxŭxèë na tama pecadu pexügüechaxŭcèx. Rü ngëmaäcü pexŭ narüngüxèë na napëxewa pimexŭcèx rü meã naxcèx pemaxèëxŭcèx.

19 Rū ñoma i naānecūāx i duūxūgūmaā chidexarūū nixī i tauxchaxū i oremaā pemaā chidexaxū i ñuxmax, erū pema rū woetama taguma nūxū pexīnūē i ñaā ore, rū ngūruāchi tāūtama nūxū pecuēx i tacūchiga na yīixū i ngēma pemaā nūxū chixuxū. Rū dūcax, rū nuxcūma rū ipenaxā ga pexene na namaā penaxūgūxūcēx ga nagūxūraūxū ga chixexū. Natūrū i ñuxma rū name nixī i Tupanana pegū pexā na aixcūma napēxewa pexūūnegūxūcēx rū naxcēxicatama pemaxēxūcēx.

20 Rū yexguma pecadutūūwa peyexmagūgu, rū taxucūrūwama Tupanapēxewa mexū pexūgū ga yexguma.

21 ¿Natūrū tacūwa pexū namexū ga yema chixexū i ñuxma rū wūxi i āne pexna āxū? Yerū yema chixexū rū yuwamare pexū nagagū, rū tama i maxūwa.

22 Natūrū marū tama pecadutūūwa pengēxmagū i ñuxmax, erū marū nūxna ípenguū rū marū Tupanaārū duūxūgū pixīgū. Rū ngēma waxi nixī i poraācū pexū mexū erū ngēmagagu penayaxu i maxū i Tupanapēxewa ūūnexū rū ngēmawena tá penayaxu i maxū i taguma gūxū.

23 Rū ngēma natanū na pecadu ixūxū, rū yu nixī. Natūrū yíxema tórū Cori ya Ngechuchuauxū yaxōgūxe, rū Tupana tūxna nanaxāmare i maxū i taguma gūxū.

7

Wūxi i ngecū rū ngēxguma nayutegu rū marū tama ngītemēxēwa ingēxma. Rū ñuxma na taxcēx nayuxū ya Cristu, rū marū tama yema Moiché ūmatūxū ga mugūtūūwa tangēxmagū

1 Pa Chaueneēgūx, rū pema na nagu pexīxū i ngēma mugū, rū nūxū pecuēx rū ngēxguma tamaūxguxicatama nixī na ngēma mugūtūūwa tangēxmaxū ya wūxichigū ya duūxē.

2 Rū dūcax, rū wūxi i ngecū i ātecū rū ngītemēxēwa ingēxma ega namaxyane ya ngīte, erū ngēma ñanagūrū i ore i mugū. Natūrū ngēxguma nayuxgu ya ngīte, rū marū tama ngītemēxēwa ingēxma. Rū yema mugū ga ngītemēxēwa ngīxū yexmaxēēxū ga noxri rū marū tama ngīmaā inacuēx.

3 Rū ngēmaācū i ngēxguma namaxyane ya ngīte rū to i yatūmaā inapexgu, rū pecadu ixū. Natūrū ngēxguma marū nayuxgu ya ngīte, rū marū nūxna ínguxuchi i ngēma mugū ga ngītemēxēwa ngīxū yexmaxēēxū ga noxrix. Rū ngēxguma wenaxārū naxātegu rū taxuūma i chixexū ixū.

4 Rū ngēxgumarūū ta i pemax, Pa Chaueneēgūx, rū marū tama yema Moiché ūmatūxū ga mugūtūūwa pengēxmagū yerū nūma ga Cristu rū pexcēx nayu. Rū ngēmacēx i ñuxma rū Cristu ga yuwa írudacūarū pixīgū. Rū ngēmaācū nanaxū ya Tupana na naxcēx imaxēxūcēx, rū norū ngūchaū ixūgūxūcēx.

5 Rū yexguma nuxcūmaūxū ga tacūmawe rūixgu rū poraācū tanaxū ga taxūneārū ngūchaūgū woo yema mugū tūxna na nachuxuxū ga yema. Natūrū yexguma nūxū icuēxgu na nachuxuxū ga yema pecadu ga ixūxū, rū yexeraācū tanaxūxchaū. Rū yemaācū ga yema tórū pecadugū rū yuwa tūxū nagagū.

6 Natūrū i ñuxma rū marū tama ngēma mugūtūūwa tangēxmagū, erū Tupana rū marū nūxna tūxū ínanguxūxēē. Rū ngēmacēx i ñuxma rū ñoma duūxūgū i iyuxūrūū tixīgū i napēxewa i ngēma mugū, erū marū tama tamaā inacuēx. Rū ngēmacēx tama nagu taxī i ngēma nuxcūma ūmatūxū ga mugū,

erū marū nūxna ítanguxū na Tupanaārū ngúchaū ixügūxūcèx rü naxcèx na imaxèxūcèx namaā i tórū maxū i ngexwacaxūxū i Naāē i Ūünexū tūxna āxū.

Ngēma pecadu i chowa ngēmaxū rü chomaā inacuèx

7 ¿Rü ñuxū ñagūxū tá i ñuxmax? ¿Rü pexcèx rü yema mugū yīxū ga tūxū pecaduāxèèxū? ¿Rü dücax, tama name i ngēmaācū nagu tarūxīnūē! Natürü yexguma chi yema mugū rü tama choxū nūxū nacuèxèègu, rü tāū chima nūxū chacuèx na pecadutūūwa chayexmaxū. Rü dücax, rü yexguma chi yema mugū rü tāū chima choxū nūxū cuèxèègu na wūxi i pecadu yīxū na toguāxārū ngēmaxūcèx chiauxāchixū, rü tāū chima nūxū chacuèx na pecadu yīxū i ngēma.

8 Natürü yexguma yema mugū choxū nguxèègu na nachixexū na toguāxārū ngēmaxū choxū ngúchaūxū, rü yexguma ga pecadu rü nayoxniē na yexeraācū choxū na nangúchaūxèèāxū. Rü ngēmaācū nūxū tadau rü ngēxguma chi natauxgu i ngēma mugū, rü tāū chima nūxū tacuèxgū na ñuxācū wūxi i chixexūchixū na yīxū i ngēma pecadu.

9-10 Rü noxri tauta yema mugūxū chacuèxgu, rü choma nagu charūxīnūgu rü chame. Natürü yexguma yema mugūxū chacuèxgu, rü nūxū chicuèxāchi na chixexū chaxūxū rü ngēma chixexūcèx rü tá na chayuxū. Rü yemaācū ga yema mugū ga Tupana Moīchéna āxū na duūxūgūxū namaxèxèèxūcèx, rü choxū nayuxèèama.

11 Rü nūma ga pecadu rü nayoxniē namaā ga yema mugū. Yerü yexguma yema mugū choxū nguxèègu na ñuxācū nachixexū ga yema pecadu, rü yexeraācū choxū nangúchaū ga yema pecadu. Rü yemaācū ga yema pecadu rü choxū nawomūxèē rü nayoxniē namaā ga yema mugū rü yuwa choxū naga.

12 Natürü yema mugū rü aixcūma naxūüne i Tupanapèxewa. Rü guxūma i ngēma Tupana tamaā nūxū ixuxū rü naxūüne rü aixcūma name rü tūxū narūngūxèē.

13 ¿Natürü ñuxācū nixī i ngēma i ñuxmax? ¿Éxna pexcèx rü yema mugū yīxū ga yuwa choxū gaxū? Rü dücax, rü tama ngēmaācū nixī. Erū ngēma pecadu nixī i Tupanaārū mugūmaā yoxnièxū na yuwa choxū nagaxūcèx. Rü ngēmaācū nūxū tacuèx na ñuxācū poraācū nachixexū i pecadu. Rü yexguma yema mugū choxū nguxèègu na ñuxācū poraācū nachixexū ga yema pecadu, rü yexeraācū choxū nangúchaū ga yema chixexū rü yexeraācū chanaxūama ga pecadu.

14 Nūxū tacuèx i ngēma mugū rü Tupanaāē i Ūünexūwa ne naxū. Natürü choma rü duūxūmare chixī, rü ngēmacèx nixī i chomaā inacuáxū i ngēma pecadu i chaxūxū.

15 Rü tama nūxū chacuèx na tacū choxū ūpetūxū erū tama chanaxū i ngēma mexū i chanaxwèxexū na chaxūxū, natürü ngēma chixexū i tama chanaxwèxexū na chaxūxū rü ngēmaāma nixī i chaxūxū.

16 Natürü i ñuxma na chanaxūxū i ngēma tama chanaxwèxechirèxū na chaxūxū, rü ngēmawa nūxū chicuèxāchi na namexū i ngēma mugū.

17 Rü ngēmacèx i ñuxma rü tama chauechama nixī i chanaxūxū i ngēma chixexū. Natürü ngēma pecadu i chowa ngēmaxū nixī i chomaā icuáxū, rü ngēma nixī i chixexū choxū ūxèèxū.

18 Rü choma nūxū chacuèx rü wūxi i pecaduāxū i duūxūmare chixī, rü ngēmacèx chowa rü nataxuma i tacū i mexū. Erū woo chanaxwèxe na mexū chaxūxū, natürü tama chomaā nanguxū na chanaxūxū.

19 Erü ngēma mexū i chanaxwēxexū na chaxūxū, rü tama chanaxū. Natürü chanaxūama i ngēma chixexū i tama chanaxwēxexū na chanaxūxū.

20 Rü ngēxguma chi chanaxūamagu i ngēma chixexū i tama chanaxwēxexū na chaxūxū, rü meāma nangox na tama chauēchama chanaxūxū. Natürü ngēma pecadu i chowa ngēxmaxū nixī i chomaā icuáxū rü chixexū choxū ūxēxū.

21 Rü ngēmaācū nüxū chadau i ñuxācū na chiīxū. Rü ngēxguma mexū chaxūxchaūgu rü choxū natauxcha na chixexūāma chaxūxū.

22 Choma rü chauāēwa rü chorū me nixī i Tupanaārū mugū, rü naga chaxīnūchaū.

23 Natürü ñāā chaxune i ñoma i naānecūāx ixīxūwa, rü nangēxma i tacū i tama naxūxchaūxū i ngēma chauāē naxwēxexū. Rü ngēma pecadu i chowa ngēxmaxū nixī i chomaā icuáxū rü chixexū choxū ūxēxū.

24-25 Rü ngēmaācū i choma rü chauāēwa chayanguxēēchaū i Tupanaārū mugū, natürü ñoma i naānecūāx i chaxune rü nanaxūxchaū i ngēma nanaxwēxexū i pecadu. Rü taxucēxma chataāē i chomax. ¿Rü texé tá nüxna choxū itanguxuchixēē i ñāā pecadu i chowa ngēxmaxū rü yuwa choxū gaxchaūxū? Rü Tupanana moxē chaxā erü tórü Cori ya Ngechuchu ya Cristu rü tá choxū nüxna inanguxuchixēē.

8

Tupanaāē i Ūünexū naxwēxexūācūma tamaxē

1 Rü ñuxma ya Tupana rü marū taxucēxma nanapoxcue i ngēma duūxūgū i Ngechuchu ya Cristuarū duūxūgū ixīgūxū.

2 Erü Tupanaāē i Ūünexū i Ngechuchu ya Cristugagu tūxū maxēxēxū, rü nüxna tūxū inanguxūxēē i pecadu na tama yuwa tūxū nagagūxūcēx.

3 Rü yema taxūneārū ngúchaūgū rü marū nüxū narūyexera ga yema mugū ga Moiché ūmatūxū. Rü yemacēx ga yema mugū rü taxucürüwa mexū tūxū naxūxēē. Natürü nüma ga Tupana rü marū nanaxū ga yema taxucürüwa naxūxū ga yema mugū. Yerü ga Tupana rü ñoma ga naānewa nanamu ga Nanexūchi. Rü woo taxūne i pecaduāxūrūū nixī ga naxūne, natürü nüma ga Nane rü taguma napecaduāx. Rü nüma ga Nane rü tórü pecaducēx nayu, rü yemaācū inayanaxoxēē ga norū pora ga yema pecadu ga taxūnewa yexmaxū.

4 Rü yemaācū nanaxū ga Tupana na tūxū na natauxchaxūcēx na yanguxēēxū i ngēma tūxū namuxū i ngēma mugū. Erü ñuxma rü tama ñoma i taxūne naxwēxexūācūma tamaxē, natürü Tupanaāē i Ūünexū naxwēxexūācūma nixī i imaxēxū.

5 Rü yixema tūmaxūne naxwēxexūācūma maxēxē, rü naxcēx tadaugū i ngēma ñoma i naānecūāx naxwēxexū. Natürü yixema Tupanaāē i Ūünexū naxwēxexūācūma maxēxē, rü ngēma Tupanaāē i Ūünexū naxwēxexū nixī i naxcēx tadaugūxū.

6 Rü yixema Tupanaāē i Ūünexū naxwēxexūcēx daugūxe rü tataāēgū, rü tá tūxū nangēxma i tūmaārū maxū i taguma gūxū. Natürü yixema tūmaxūne naxwēxexūcēx daugūxe rü ngēma rü tá yuwa tūxū nagagū.

7 Rü yixema tūmaxūne naxwēxexūcēx daugūxe rü Tupanamaā tarūxuanūgū. Rü tama Tupanaga taxīnūēchaū erü taxucürüwama naga taxīnūē.

8 Rü ngēmacēx ya yixema tūmaxūneārū ngúchaūwe rüxīxē, rü taxucürüwa Tupanaārū ngúchaū taxūgū.

⁹ Natürü ngëxguma aixcüma pewa nangëxmagu i Tupanaãe i Üünexũ rü tama pexeneärü ngúchaũ pexü, natürü Naãe i Üünexũärü ngúchaũ nixĩ i pexüxũ. Rü yixema tama tüxũ nangëxmaxe i Tupanaãe i Üünexũ i Cristu tüxna äxũ, rü tama Cristuarü duũxũ tixĩ.

¹⁰ Natürü ngëxguma pewa namaxũxgu ya Cristu, rü peãxë rü namaxũ erü Cristugagu Tupana pexũ nüxũ inayarüngüma i perü pecadugu. Rü woo i pexene rü pecadugagu tá nayuama, natürü peãxë rü Cristugagu tá namaxũ, erü Tupana pexũ nadau na pimexũ.

¹¹ Rü ngëxguma pewa namaũxgu i Naãe ya yima Tupana ga Ngechuchu ya Cristuxũ írüdaxëécü, rü nümatátama ya yima Cristuxũ írüdaxëécü tá wena nanamaxëe i pexene i yuxwëxexũ, rü Naãe i Üünexũ i pewa maxũxũ tá nixĩ i nanaxũ i ngëma.

¹² Rü ngëmacëx, Pa Chaueneëgüx, rü tanaxwëxe i Tupanaärü ngúchaũ taxü, rü tama tanaxwëxe i taxüne i pecaduãxũärü ngúchaũ taxü.

¹³ Erü ngëxguma chi pexeneärü ngúchaũ pexüxgu rü tá ipeyarütaxe. Natürü ngëxguma Tupanaãe i Üünexũärü ngüxëemaã ipeyanaxoxëegu i ngëma pexene üxchaũxũ, rü aixcüma tá pexũ nangëxma i maxũ i taguma güxũ.

¹⁴ Erü guxãma ya yixema Tupanaãe i Üünexũ tümamaã icuáxe, rü aixcüma Tupanaxácügü tixígü.

¹⁵ Yerü tama penayauxgü ga wüxi ga naãxë ga pecaduwa pexũ gagüxũ rü ngemagagu wenaxarü Tupanaarü poxcucëx pemuñë. Natürü yema Naãxë ga peyauxgüxũ rü Tupanaãxë i Üünexũ i naxacügü pexũ ixígüxëxũ nixĩ. Rü ngëmatama Naãe i Üünexũ nixĩ i tüxũ rüngüxëxũ na tama imuñëxücëx na Tupanana ingaicamagüxũ rü:

“Pa Chaunatüx”, ñagüxũ nüxũ.

¹⁶ Rü ngëmatama Naãe i Üünexũ nixĩ i aixcüma tüxũ nüxũ cuëxëxũ na Tupanaxácügü na ixígüxũ.

¹⁷ Rü ñuxma na Tupanaxácügü ixígüxũ i yixema, rü nüxũ tacuëx rü daxüguxũ i naãnewa tá tanayaxu i ngëma mexügü i Tupana tüxna äxchaũxũ. Rü ngëmaãcü Cristumaã tá tüxũ nangëxma i tachica i mexũ i Tupanaxütawa, erü Cristurüü ngüxũ tingegü na yixcüra wüxigu namaã mexüwa ingëxmagüxücëx.

Ngëma mexũ i yixcüra tá nüxũ idauxũchiga

¹⁸ Rü dücax, choma nagu charüxĩnũ rü ngëma ngüxũ i ñuxma ñoma i naãnewa ingegüxũ, rü taxuũma nixĩ i ngëxguma nagu nanguxgu i ngëma mexũ i yixcüra tá nüxũ idauxũ i ngëxguma Cristumaã ingëxmagügu i daxüguxũ i naãnewa.

¹⁹ Rü ñuxma rü guxüma i tacü i Tupana üxũ rü taxũ i norü ngúchaũmaã ínananguxëëgü i ngëma ngunexũ i nagu tá nataeguxü ya Cristu na Tupana guxüpëxewa naxácügüxũ iwëxũ.

²⁰ Rü nüxũ tacuëxgü rü yexguma pecadu naxüxgu ga guma nüxĩraũcü ga yatü rü yexguma nixĩ ga nachixexũ ga guxüma ga yema Tupana üxũ. Rü tama yema Tupana üxũärü ngúchaũ nixĩ ga yema, natürü yemaãcü nüxũ naxüpetü yerü ga Tupana rü yemaãcü inaxuneta ga yexguma pecadu naxüxgu ga guma yatü. Natürü i ñuxma rü guxüma ga yema Tupana üxũ rü ínananguxëe na ngëma chixexüwa ínanangüxücëx.

²¹ Erü ngëma ngunexũ i Tupana tá nagu nadexũ i naxácügü na naxütawa nangëxmagüxücëx, rü ngëxguma tá ta nixĩ i chixexüwa ínanangüxëëxũ i

guxūma ga yema nūmatama naxūxū. Rū ngēmaācū wenaxārū noxrirū tā name i guxūma.

²² Rū nūxū tacuèx rū ñaa naane rū guxūma i nawa ngexmaxū rū ñoma wūxi i nge i ixraxacūchaxūcūrūxū poraācū ngūxū ninge ñuxmatáta nawa nangu i ngema ngunexū i nagu Tupana wena nangexwacaxūxēxū i guxūma..

²³ Rū tama ñaa naanexīcatama nixī i ngūxū ingexū i ñuxma, natūrū yixema i tūxū ngexmaxū i Tupanaāxē i Ūūnexū rū ta ngūxū tingegū ñxmatáta nawa nangu na Tanatū tūxū dexū rū ngexwacaxūxū i taxūnegū tūxna āxū. Rū woo tūxū nangexma i Naāxē i Ūūnexū ya Tupana tūxna muxū na norū ūgū yixūxūcèx i ngema mexūgū i Tupana tá tūxna naxāxū i dauxūguxū i naanewa, natūrū tanaxwēxe na ngemaxūchi ingūxūxū.

²⁴ Cristu tūxna nanaxā i maxū i taguma gūxū, natūrū ítananguxēēgūmare na naxū-tawa ingūxūxū na nayauxgūxūcèx i ngēma maxū. Natūrū nūxū tacuèx rū ngēxguma chi marū nūxū idaugūgu i ngēma írūnguxēēgūxū, rū taxucèxma tūxūcū ítananguxēēgū. Erū ngēma marū nūxū idauxū, rū taxucèxma ítananguxēē.

²⁵ Natūrū ngēxguma tauta nūxū idaugūgu i ngēma írūnguxēēgūxū, rū tanaxwēxe i meā ítananguxēēgūecha ñuxmatáta nūxū idaugū. Rū ngēmaācū nixī i Cristuxū írūnguxēēgūxū.

²⁶ Rū Tupanaāē rū tūxū narūngūxēē ta na iporaexūcèx i ngēxguma ituraegu i tórū ōwa. Rū yixema rū tama nūxū tacuèx na ñuxācū Tupanamaā idexagūxū rū tacūcèx iyumūxēgūxū. Natūrū Naāē i Ūūnexū rū naxauxācūma ore i tama nūxū icuáxūmaā Tupanamaā nidexa rū taxcèx nayumūxē.

²⁷ Rū Tupana ya meā tūxū cuácū rū nūxū nacuèx na ñuxū ñaxūchiga yīxū i ngēma Naāē i Ūūnexū nūxū ixuxū. Erū ngēma Naāē i Ūūnexū rū Tupana naxwēxūācūma Tupanaxū nacèxū tūmacèx ya yixema Tupanaārū duūxūgū ixīgūxe.

Cristu rū tūxū naporaexēēāma na taxūma i guxchaxūgū tūxū narū-yexeraxūcèx

²⁸ Rū nūxū tacuèx rū tūmaārū mexūcèx nixī i Tupana ínanguxēēxū i guxūma i ngēma tūxū ūpetūxū ya yixema nūxū ngechaūgūxe ga nūma nanaxwēxūācūma tūxū nadexe.

²⁹ Rū woetama nuxcūmama ga Tupana rū marū tūxū nacuèx na texégū tá tixīgūxū ya yixema noxrū ixīgūxe. Rū noxritama naāne ixūgūgumama tūxū nade na Nanerū timexū i napēxewa, rū yima Nane rū tūmamaā nayaxūcèx rū tūmamaā inacuáxūcèx ya guxāma ya yixema naēneēgū ixīgūxe.

³⁰ Rū guxema noxri naāne ixūgūgumama Tupana tūxū dexe, rū tūmacèx naca na noxrū tixīgūxūcèx. Rū guxema tūmacèx naçaxe, rū nūgūcèx tūxū nimexēēgū. Rū guxema nūgūcèx tūxū yamexēēgūxe, rū daxūwa tá tūxū nagagū na guxūgutāma naxūtawa tangēxmagūxūcèx.

³¹ ¿Rū ñuxū ñagūxū tá i ñuxma i ngēmachiga? Rū ngēxguma Tupana taétūwa chogūgu, ¿rū texé tá tūxū ruyexeraxū?

³² Yerū nūma ga Tupana rū tama tūxna nayanuxū ga Nanexūchi. Natūrū taxcèx inanamu ga Nane na taxcèx nayuxūcèx i guxāma i yixema. Rū ñuxma na yemaācū taxcèx inamuāxū ga Nane, ¿rū taux ēxna tūxna naxāāxū i guxūma i tacū i inaxwēxū na naxcèx imaxēxūcèx?

³³ Rū Tupana tūxū nade rū tūxū nixu na napēxewa imexū. Rū ngēmacèx ¿rū texé tá napēxewa tūxū tixugū na ichixexū? Erū Tupanatama nixī ya tūxū ixucū na tūxū nataxūma i chixexū.

34 ¿Rü texé tá poxcuwa tüxü tamugü i ñuxmax? ¿Pexcèx rü Cristu tá yïixü? Dücèx, taxucürüwama ngēmaācü nixī yerü Cristu nixī ga taxcèx yucü na tüxü namaxēxēxüçèx. Rü tama ngēxīcatama taxcèx naxü, natürü wenaxārü ínarüda. Rü ñuxma rü Tupanaxütawa nangēxma rü ngēma āēxgacü nixī. Rü ngēma taētüwa nachogü rü Tupanaxü taxcèx nacèèxü.

35 ¿Rü ñuxma rü ñacü tá Cristuna tüxü ixīgachixēèxü na tama tüxü nangechaüxüçèx? Rü woo ngúxü ingegügu, rü éxna guxchaxügü tüxü ngēxmagu, rü éxna duüxügü Cristugagu taxchi aiegu, rü éxna itaiyaegu, rü éxna ingexchirugügu, rü éxna āücūmaxüwa ingēxmagügu, rü éxna duüxügü tüxü daixchaügu, natürü woo guxüma i ngēma tüxü üpetügu, natürü ya Cristu rü täütáma nüxü narüchau na tüxü nangechaüxü.

36 Natürü guxüguma āücūmaxüwa tangēxmagü, ngēma Tupanaärü ore i ümatüxü nüxü ixüürüü. Erü ngēma ore rü ñanagürü:

“Rü cugagu duüxügü toxü nadaixchaü rü duüxügüpēxewa rü ñoma carnerugü i daiwa íxürüü tixīgü”,

ñanagürü i ngēma ore.

37 Natürü woo guxüma i ngēma tüxü na ngupetüxü, rü Ngechuchu ya Cristu ya tüxü ngechaücü, rü tüxü naporaexēèäma na taxuüma i guxchaxügü tüxü narüyexeraxüçèx, rü bai i ñacü.

38-39 Rü ngēmacèx aixcüma chayaxó na taxucürüwama ñacü Tupanana tüxü ixīgachixēèxü na ngēmaācü tama tüxü nangechaüxüçèx. Rü woo iyuxgu rü woo imaxēgu, natürü Tupana tá tüxü nangechaüècha. Rü taxucürüwama Tupanana tüxü nixīgachixēè i ñacü i norü orearü ngeruügü, rü éxna ñacü rü ngoxogü rü éxna ñacü i to i poraxü. Rü bai i ñacü i ñuxma tüxü üpetüxü, rü bai i ñacü i yixcüra tá ngēxmaxü, rü bai i ñacü i daxüwa ngēxmaxü, rü bai i ñacü i naānetüüwa ngēxmaxü, rü bai i ñacü i to i Tupana üxü, rü taxucürüwama Tupanana tüxü nixīgachixēè na tama tüxü nangechaüxüçèx. Rü ngēmaācü nixī i tüxü nangechaüxü ya Tupana nagagu ya törü Cori ya Ngechuchu ya Cristu.

9

Tupana rü nanade i Yudiügü na norü duüxügü na yixīgüxüçèx

1 Dücèx, Pa Chaueneēgüx, rü pemaã tá nüxü chixu i wüxi i ore. Rü ngēma ore i pemaã tá nüxü chixuxü rü aixcüma nixī erü Cristuarü duüxü chixī. Rü tama chidora. Rü chauāēwatama nüxü chacuèx na aixcüma na yïixü i ngēma ore erü Tupanaãe i Üünexü nixī i chauāēmaã icuáxü.

2 Rü poraäcü changechaü, rü choxü nangüecha i chauāēwa, erü tama nayaxögü i chautanüxügü i Yudiügü.

3 Rü aixcüma pemaã nüxü chixu rü guxüguma ngēma chautanüxügü charüxīnü, rü poraäcü chanaxwèxe na Cristuaxü yaxögüäxü. Rü choma rü aixcüma íchamemare na poxcuwa choxü namuxü ya Tupana rü Cristuna choxü yaxügachixēèxü ega ngēmaācü chi nüxü chayaxögüxēègu rü chana-maxēxēègu i ngēma chautanüxügü i Yudiügü.

4 Rü nümagü rü chauxrütü Yudiügü nixīgü. Rü Tupana rü nuxcümaxüchima namaã inaxuneta na naxäcügü yixīgüxüçèx. Rü norü oxigü rü nüxü nadaügü na ñuxäcü namexèchixü ga Tupana ga yexguma naxcèx nangoxgux. Rü Tupana rü norü oxigümaã inaxuneta rü ñanagürü nüxü:

“Rü ngēxguma chauga pexīnüègu rü tá pexü charüngüxèé”,

ñanagürü nüxü. Rū Tupana rū nüxna nanaxā ga yema mugü ga Moïché ümatüxü. Rū nanangüexēē na ñuxācü nüxü yacuèxüüügüxcèx. Rū meāma namaā inaxuneta na Cristu rū naxcèx núma tá namuāxü na namaxèxēēāxüccèx rū nüxna na naxāāxüccèx i maxü i taguma gúxü.

5 Rū yema nuxcūmaüügüxü ga tóru oxigütaa nixigü i ngēma Yudíugü, rū ngēmacèx naxcèx ta nixí ga yema uneta ga tóru oxigümaā nüxü yaxuxü ga Tupana. Rū ngēma Yudíugütanüxüwatama nixí ga nabuxü ga Cristu ya Tupanaxüchi ixícü ya guxüetüwa ngēxmacü. Rū tanaxwèxe i guxüguma nüxü ticuèxüüügü. Rū ngēmaācü yíi.

6 Rū ñuxma rū woo tama guxü i Yudíugü na yaxögüxü, natürü taxucürüwama texé nüxü tixu na Tupana rū tama yanguxèēāxü i ngēma norü uneta. Erü ngēma Yudíugü rū tama aixcüma guxüma Tupanaärü duüxügü nixigü.

7 Rū tama guxüma i duüxügü i Abráütaagü ixigüxü, rū aixcüma Abráütanüxü nixigü i Tupanapèxewa. Yerü ga Tupana rū Abráümaā nüxü nixu, rū ñanagürü:

“Rü cune ya Ichaátanüxügü tá nixí i aixcüma cutanüxügü ixigüxü i chopèxewa”,

ñanagürü. Rū yemaācü namaā inaxuneta woo na nayexmaxü ga togü ga Abráüxācügü.

8 Rū ngēmawa meāma nüxü tacuèx rū tama ngēma na Abráütaa tixigüxüccèx nixí i Tupanaxācügü tixigüxü. Natürü yíxema aixcüma Tupanaärü uneta nüxü ixuxürüüācüma yaxögüxe waxi tixí ya aixcüma Abráütaa ixigüxe i Tupanapèxewa.

9 Yerü naxüpa ga na nabuxü ga Abráü nane, rū yema Tupanaärü uneta ga Abráümaā nüxü yaxuxü, rū ñanagürü:

“Rü naí ya taunecüarü ñúxgumaācü tá wena nuā chaxü, rū cuxmèx i Chara rū tá ixāxācü i ngēxguma”,

ñanagürü.

10 Natürü tama Abráümaāxīcatama nixí ga yemaācü yadexaxü ga Tupana. Yerü tóru oxí ga Ichaá namèx ga Rebecamaā rū ta nidexa ga Tupana. Rū ngīma rū ngīteaxü ixāxācü rū nataxreèxpüx ga ngīne.

11-13 Natürü yexguma tauta nabuegu rū taxuüma ga mexü rū éxna chixexü naxüegu ga yema ngīnegü, rū Rebecamaā nidexa ga Tupana, rū ñanagürü:

“Rü ngēma nüxíra buxü i cune, rū ngēma wixweama buxüärü duüxü tá nixí”, ñanagürü ngíxü. Rū yema dexa rū namaā nawüxigu i Tupanaärü ore i ümatüxü i ñaxü:

“Marü chanayaxu ya Acobu, natürü nüxü chaxo ya Echaú”,

ñaxü. Rū yemaācü ga Tupana rū ngīmaā nanangoxèē na namèxwa nangèxmaxü na tüxü nayaxuxü ya yíxema woetama nüxü ngúchaüxè na tümacèx naçaxü tama nagu naxínüācüma i ñacü rū mexü rū éxna ñacü rū chixexü na taxüxü.

14 ¿Rü ñuxü ñagüxü i ñuxmax? ¿Pexcèx rū Tupana rū chixexü naxüxü ga yexguma tama Acobuxü nangechaüxürüü nüxü na nangechaügu ga Echaú? Rū dücac, tama chixexü naxü.

15 Yerü norü orewa rū Tupana rū Moïchéxü ñanagürü:

“Rü ngēxguma chi texémaā chamecümachaügu, rū tümamaā tá chamecüma. Rū choxü tá tangechaütümüü ya yíxema choxü ngechaütümüüchaüxè”, ñanagürü.

16 Rū ngēmaācū tama ngēma tūmatama tanaxwēxēxūgagu rū ēxna ngēma taxūxūgagu nixī i Tupana tūxū yaxuxū ya texé. Natürü tūxū nayaxu erū nūxū tangechaütümūl.

17 Rū yexgumarūl ta ga Tupana rū norū ore i ūmatūxūwa rū ñanagürü nūxū ga Equituaneārū āēxgacū:

“Rū āēxgacūxū cuxū chingucuchixēē na cuwa duūxūgūxū nūxū chadauxēēxūcēx i ñuxācū na chaporaxū. Rū ngēmaācū chanaxū na guxū i duūxūgū i guxū i naānewa ngēxmāgūxū, nūxū na cuāxūcēx i chauchiga”,

ñanagürü.

18 Rū ngēmaācū ya Tupana rū nūxūl tangechaütümūl ya yixema nūxū ngechaütümūlchaūxē. Rū ngēxguma tūxū nataiāchiarū maxūāxēēchaūgu rū tūxū nanataiāchiarū maxūāxēē ya yixema tama nūxū cuāxchaūxē.

19 Natürü bexmana tá ñacurūgū choxū:

“Rū ngēxguma chi ngēmaācū yixīgu ya Tupana, ¿rū tūxcūl nūxū nixu na tagaga yīxū na chixexū ixūgūxū rū tama naga ixīnūēxū? ¿Rū texé tapora na itayanaxoxēēxūcēx i Tupanaārū ngūchaū?” ñacurūgū tá.

20 Natürü Pa Duūxūx, ¿texé quixī i cuma rū ngēmacēx ngēmaācū Tupanaxū cuyaxūgaxū? ¿Cuxcēx rū ēxna wūxi i tūxū i waixūmūwa ūxū rū namexū i ngēma norū ūruūmaā na ñaxū?

“¿Rū tūxcūl ngēmaācū choxū cuxū na ngēmaācū chixīxūcēx i ñuxmax?” ñaxū.

21 Rū ngēma tūxūārū ūruū rū waixūmūwa nanaxū i ñacū i nūma naxūxchaūxū. Rū ngēxguma nanaxwēxegu, rū ngēma waixūmūwa nanaxū i wūxi i tūxū na norū meruū yīxūcēx. Rū ngēxguma nanaxwēxegu, rū ngēmatama waixūmūwa nanaxū i wūxi i tūxū na norū guxchirechixū yīxūcēx.

22 Rū ngēxgumarūl tama nixī i naxūāxū ya Tupana. Erū tūxū nanawēxchaū na ñuxācū naporaxū i nūma rū ñuxācū napoxcūēxū i ngēma duūxūgū i chixexū ūgūxū, natürü poraācū yaxna namaā naxīnū i ngēma duūxūgū, rū tama paxa nanapoxcūe i ngēma ímemaregūxū na napoxcūēxū.

23 Natürü ga Tupana rū inanawēxchaū na ñuxācū poraācū tamaā namecūmaxū i yixema na yaxōgūxū. Rū ngēmacēx nixī i nūxūl ingechaütümūlūgūxū, rū nuxcūmamata tūxū nadexū na naxūtawa ingēxmagūxūcēx i daxūgūxū i naānewa i ngextá ínamexēchixūwa.

24 Rū ngēmaācū i yixema na Yudiūgū ixīgūxū, rū tatanūwa Tupana tūxū nidexechi ya ñuxre na norū duūxūgū tixīgūxūcēx. Rū ngēxgumarūl ta i ngēma tama Yudiūgū ixīgūxūtanūwa rū nayadexechi i togū.

25 Rū ngēmacēx rū Tupanaārū ore ga Ochéa ūmatūxūwa rū ñanagürü:

“Rū ngēma duūxūgū i tama chorū duūxūgūchirēx ixīgūxū, rū: ‘Pema rū chorū duūxūgū pixīgū i ñuxmax’, ñacharūgū tá nūxū. Rū ngēma duūxūgū i tama Yudiūgūrūl nūxū changechaūchirēxū, rū: ‘Pexū changechaū i ñuxmax’, ñacharūgū tá nūxūl.

26 Rū noxri ga Tupana rū yema duūxūgū ga tama Yudiūgū ixīgūxūmaā nūxūl nixu, rū ñanagürü nūxū: ‘Pema rū tama chorū duūxūgū pixīgū’, ñanagürü nūxū. Natürü yematama nachica ga ngextá nūxū íyemañaxūwa, rū wenaxārū yema duūxūgū ga tama Yudiūgū ixīgūxūmaā nidexa ga Tupana ya Maxēēxēruū, rū ñanagürü nūxū: ‘Pema rū chaucacūgū tá pixīgū’, ñanagürü nūxūl”.

Rū yema nixī ga Tupanaārū ore ga Ochéa ūmatūxū.

27-28 Rū Yudiūgüchiga rü ta nidexa i Tupanaärü ore, yerü nuxcūmañcū ga norü orearü uruñ ga Ichaxía rü ñanagürü:

“Rü woo namuxüchichirëx i Yudiūgü yima naxnücü ya taxtúpechinüwa yimacürüñ, natürü noxre tátama nixí i aixcūma nayauxgüñ i maxü i taguma güxü. Rū paxa tá ínangu ya tórü Cori na napoxcueäxücëx i güxüma i ngëma tama noxrü ixīgüñ”,

ñanagürü ga Ichaxía.

29 Rū nūmatama ga Ichaxía, rü ñanagürü ga ũpa:

“Rü ngëxguma chi nūma ya tórü Cori ya güxü i nañeärü yora rü tãu chima iyaxügüxëëagu i ñuxre i tatanüxügü i Yudiūgü, rü chi itayarüxoxochi, yexgumarüñ ga na iyanaxogüñ ga guma ñānegü ga Chodoma rü Gomora namaā ga güxüma ga yema duñxügü ga yēma yexmagüñ”,

ñanagürü ga Ichaxía.

Yudiūgü rü tama nayaxögüchañ i ore i mexü i Cristuchiga

30 ¿Rü ñuxü ñagüñ i ñuxmax? Rū pemaā nüxü chixu rü ngëma duñxügü i tama Yudiūgü ixīgüñ ga tama Tupanacëx daugüñ ga noxrix, rü ngëmatama duñxügü nixí i ñuxma Tupanapëxewa imexü yerü nayaxögü.

31 Natürü yema Yudiūgü ga nagu ñchañxü ga yema Moïchéärü mugü na Tupanapëxewa yamexücëx, rü ínatüe.

32 ¿Rü ñuxācü ínatüe? Dücëx, ínatüe yerü yema mugüguama naxí na Tupanapëxewa yamexücëx, rü tama Ngechuchuaxü nayaxögüchañ. Rū yemaācü ga Ngechuchu rü yema duñxügüçëx rü wüxi ga guxchaxü nixí.

33 Rū ngëmachiga nixí i Tupanaärü ore i ũmatüñ i ñaxü:

“Choma rü Yudiūgütanüwa chanamu ya Cristu. Rū nūma rü ngëma Yudiūgüçëx rü wüxi i guxchaxü tá nixí erü ngëxguma tama nüxü yaxögüāgu rü tá inayarütauxe. Natürü ngëma duñxügü i nüxü yaxögüñ, rü aixcūma tá namaxë”,

ñanagürü.

10

1 Pa Chaueneëgüx, rü ngëma poraācü chanaxwëxexü rü chorü yumüxëwa Tupanana naxcëx chaçaxü, rü ngëma nixí na güxüma i chautanüxügü i Yudiūgü na yaxögüñ rü ngëmaācü aixcūma Tupanaärü na yixīgüñcëx.

2 Rū aixcūma pemaā nüxü chixu, rü nūmagü i Yudiūgü rü aixcūma poraācü Tupanagu narüññüñ rü nanaxügüchañ i Tupanaärü ngüchañ. Natürü ínatüe erü tama Cristuaxü nayaxögüchañ na ngëmaācü Tupanapëxewa yamexücëx.

3 Rū woo Tupana ñoma ga nañewa nanamu ga Cristu na gumagagu Tupanapëxewa yamexücëx i duñxügü, natürü nūmagü i Yudiūgü rü tama nüxü nacüëxgüchañ i ngëma. Rū nügütama nimexëëgüchañ, rü ngëmacëx nagu naxíāma i ngëma mugü ga Moïché ũmatüñ rü tama Cristuaxü nayaxögüchañ na nagagu Tupanapëxewa yamexücëx.

4 Natürü nūma ga Cristu rü nayangüxëë ga yema mugü rü yemaācü inayanaxoxëë na tama tamaā inacuáñcëx i ngëma mugü. Rū yemaācü nanaxü ga Cristu na güxüma i duñxügü i nüxü yaxögüñ rü aixcūma Tupanapëxewa yamexücëx.

5 Rū Moïché nanaxümatü nachiga na ñuxācü Tupanapëxewa tamexü ya wüxie ega naga taxñügu i ngëma mugü, rü ñanagürü:

“Tupana pexü namu na güxügütama meā peyangüxëëñ i güxüma i ngëma mugü erü ngëxguma naga pexññüëgu i güxüma i ngëma mugü rü tá

pemaxe. Natürü ngëxguma tama naga pexinüëgu i wüxitama i ngëma mugü, rü täütama pemaxe”,

ñanagürü.

⁶ Natürü ñuxma rü Tupanapëxewa time ega Cristuaxü yaxögügu. Rü ngëmacëx taxucëxma i cuãëwa rü ñacurügü:

“¿Texé tá daxüguxü i naãnewa taxü na Cristucëx tayaçaxü na nuã naxüxcëx rü tüxü yanangüëëxcëx na imexüxcëx i Tupanapëxewa?” ñacurügü.

⁷ Rü taxucëxma cuãëwa ñacurügü:

“¿Rü texé tá yuexütanüwa taxü na ngëxma Cristucëx tayadauxüxcëx na nuã tanagaxüxcëx?” ñacurügü.

⁸ Erü tama ngëmaãcü nixi i Cristucëx idauxü, yerü yema ore ga Moiché ümatüxü rü ñanagürü:

“Rü marü cuxütawa nangëxma i Tupanaärü ore. Rü cuëxwa nangëxma na nüxü quixuxüxcëx. Rü cuãëwa nangëxma na naga curüxinüxcëx”,

ñanagürü. Rü ñuxma Pa Chaueneëgüx, rü pemaã nüxü chixu rü ngëmatama ore nixi i guxüwama duüxügümaã nüxü tixuxü. Rü ngëma ore nixi i pexü nüxü cuëxëxü na ñuxäcü pexü nangëxmaxü i maxü ega aixcüma peyaxögügu.

⁹ Erü ngëxguma cuëxmaã nüxü quixuxgu na curü Cori yixü ya Ngechuchu, rü ngëxguma cuãëwa cuyaxöxgu na yuwa Tupana ínadxëëxü, rü tá cuxü nangëxma i maxü i taguma güxü.

¹⁰ Erü taãëwa tayaxögü na ngëmaãcü Tupanapëxewa imexü. Rü taëxmaã nüxü tixu na Ngechuchu rü törü Cori yixü, rü ngëmaãcü tanayaxu i maxü i taguma güxü.

¹¹ Rü Tupanaärü ore i ümatüxüwa rü ñanagürü:

“Rü guxäma ya yixema ya Ngechuchuaxü yaxöxë, rü nüma ya Ngechuchu rü taxütäma tüxü narümaãchiixëë erü tá nayanguxëë i guxüma i ngema tümamaã inaxunetaxü”,

ñanagürü.

¹² Rü Tupanapëxewa rü guxüma i duüxügü rü nawüxigu. Rü woo Yudügu yixü rü ëxna woo tama Yudügu yixügu, natürü Tupanapëxewa rü nawüxigu i guxüma i duüxügü. Erü nüma ya törü Cori, rü guxäärü Cori nixi. Rü nüma rü aixcüma tüxü namaxëxëë ya guxäma ya texé ya nüxna çaxe na tüxü namaxëxëëxcëx.

¹³ Erü Tupanaärü ore i ümatüxüwa rü ñanagürü:

“Rü guxäma ya texé ya törü Corina çaxe na tüxna naxäxüxcëx i maxü, rü tá tanayaxu i tümäärü maxü i taguma güxü”,

ñanagürü.

¹⁴ ¿Natürü ñuxäcü tá törü Corina naxcëx tacagü, ega tama nüxü tayaxögügu? ¿Rü ñuxäcü tá nüxü tayaxögü, ega taguma nüxü taxinüëgu i nachiga? ¿Rü ñuxäcü tá nüxü taxinüë i norü ore, ega taguma texé tümamaã nüxü ixuxgu?

¹⁵ ¿Rü ñuxäcü tá texé nüxü tixu i Cristuchiga ega taxüema tüxü nüxü yarüxuxëëgu? Rü ngëmacëx nixi i Tupanaärü ore i ümatüxü i ñaxü:

“Rü wüxi i taãë nixi na ínangugüxü i Tupanaärü orearü urügü na duüxügümaã nüxü yaxugüxcëx i Tanatüarü ore i mexü i Cristuchiga”,

ñaxü.

¹⁶ Natürü tama guxüma i duüxügü naga naxinüë i ngëma ore i mexü. Rü Ichaxia nüxü ixuxürü nixi. Yerü ga nüma rü ñanagürü:

“Pa Corix, noxretama nixi i ngëma duüxügü i toxü yaxögüxü i ngëma ore i nüxü tixuxü”,

ñanagürü.

17 Rū dücax, rū ngēma na Cristuchigaxū naxīnūēxūwa nixī i ne naxūxū na yaxōgūāxū i duūxūgū. Rū ngēma nūxū naxīnūēxū, rū ore i mexū i Cristuchiga nixī.

18 Natürü i ñuxma rū pexna chaca, ¿éxna pexcèx rū ngēma Yudiügü rū taguma nūxū naxīnūē i ngēma ore i mexū i Cristuchiga? Dücèx, ngēmáācū marü nūxū naxīnūē. Erü Tupanaärü ore i ümatūxūwa rū ñanagürü:

“Rū ngēma Tupanaärü orearü uruügü, rū guxūwama i ñoma i naānewa rū nūxū nixugüe i norü ore. Rū ngextá ínangēxmagūxūwa i Yudiügü, rū ngema rū ta nūxū nixugügü”,

ñanagürü i ngēma ore.

19 Natürü wena pexna chaca, ¿rū ngēma Yudiügü rū tama éxna nūxū nicuèxāchitanü na Cristugagu yīxū na Tupana nadexū i duūxūgü i ñuxmax? Rū ngēmáācū nūxū nacuèxgü. Yerü Tupanaärü ore ga Moíché ümatūxūwa rū ñanagürü:

“Dücèx, Pa Yudiügüx, choma rū tá chanamaxèxè i ngēma duūxūgü i tama Yudiügü ixīgūxū, rū ngēmacèx i pema rū tá pixāüxāchigü. Rū ngēxguma chanamaxèxègu i ngēma togü i duūxūgü i tama choxū cuèxgüchirèxū, rū pema i Yudiügü rū tá penuè erü nūxū charüngüxèè i ngēma togü”,

ñanagürü.

20 Rū yemawena ga Ichaxía, rū tama namuñ ga yema Yudiügümañ nūxū na yaxuxū ga yema Tupanaärü ore ga ñaxū:

“Rū ngēma duūxūgü i tama Yudiügü ixīgūxū i tama chauxcèx daugūxū, rū choxū tá inayangaugü. Rū choma rū tá chaugü changoxèè naxcèx i ngēma duūxūgü i tama chauxcèx ícagüchirèxū”,

ñaxū.

21 Rū Tupana rū Ichaxíawa Yudiügüchiga nidexa rū ñanagürü:

“Rū guxū i ngunexūgu rū nūxna chaxuecha i ngēma duūxūgü i tama chauga ínūēchaūxū rū chomañ nuèxū. Natürü tama choxū inarūxīnūēchaū”,

ñanagürü.

11

Nangēxma i ñuxre i Yudiügü i Tupana dexū na aixcūma noxrü yixīgüxcèx

1 Ñuxma pexna chaca rū, ¿pexcèx éxna ya Tupana rū marü nūxū naxo i norü duūxūgü i Yudiügü? Tama nixī i nūxū naxoxū. Erü choma i Pauru rū Yudiü chixī. Rū Abráütanūxū chixī, rū Abráütaa ya Beyamítanūxū chixī.

2 Rū nuxcūmamatama Tupana Yudiügümañ inaxuneta na norü duūxūgü yixīgüxcèx, rū ñuxma rū tama Yudiügüxū naxo. ¿Tama éxna nūxū pecuèx na ñuxū ñaxū ga Tupanaärü orearü uruñ ga Ería? Rū Tupanaärü orewa nūxū tadaugü rū Ería rū Tupanapèxewa poraācū yema Yudiügüxū nixugü.

3 Rū ñanagürü ga Ería:

“Pa Corix, ngēma Yudiügü rū marü nanadai i curü orearü uruügü. Rū nagu napogüe i ngēma nachicagü i ngextá duūxūgü cuxū ícuèxūügüxūwa. Rū chaxicatama íchayaxūāchi. Rū choxū rū ta nimèxgüchaū”,

ñanagürü ga Ería.

4 Natürü Tupana nanangāxū, rū ñanagürü:

“Dücèx, choma rū marü choxū nangēxma i 7000 i yatügü i chaugūxū chidexechixū. Rū nūmagü rū taguma nūxū nicuèxūügü i ngēma tupanane-tachicünèxā i Baá”,

ñanagürü.

⁵ Rū ngēxgumarūđ ta nixī i űuxmax. Rū woo muxđma i Yudíugū tama nayaxōgū, natūrū nangēxma i űuxre i Tupana namaā mecūmaxđgagu dexđ.

⁶ Rū űuxma na Tupana tūxđ ngechađxđgagu tūxđ nadexđ, rū taxucūrūwama texé nūxđ tixu na řacū rū mexđ na ixūgūxđgagu na yixīxđ. Erū ngēxguma chi řacū rū mexđ ixūgūxđgagu yixgu na tūxđ nadexđ, rū natūcēxmamare chi nixī na nūxđ ingechađtūmūxđgūxđ.

⁷ ¿Rū űuxācū yīxđ i űuxmax? Rū ngēma rūmumaēxđ i Yudíugū rū tama nūxđ inayangaugū i ngēma maxđ i naxcēx nadaugūxđ. Natūrū ngēma noxretama i Yudíugū i Tupana dexđ, rū ngemagū nixī i nūxđ iyangaugūxđ. Rū guxđma ga yema togū ga Yudiugū rū Tupana ínanawogū yerū tama naga naxīnūe.

⁸ Rū ngēmachiga nixī i Tupanaārū ore i űumatūxđ i űaxđ:

“Tupanatama ngēma duđxđgūaxđ nanaguxchaxēē. Rū ngēmacēx woo nūxđ nadaugūgu i ngēma ore i aixcūma ixīxđ, rū tama nūxđ nacuēxgūēga. Rū woo nūxđ naxīnūēgu i ngēma ore, rū tama nayaxōgū. Rū űuxma rū ta ngēmaācū nixī”,

ńnanagūrū.

⁹ Rū Dabí rū ta rū ńnanagūrū:

“Rū ngēma duđxđgū rū norū petacēx naxūgūxđ i ōnagūgagu rū norū muxđma i ngēmaxđgūgagu rū chixexđgu tá nayi rū ngēmacēx tá napoxcue.

¹⁰ Rū naāēwa rū táūtāma nūxđ nacuēxgū, rū guxchaxđgū tá nūxđ nangēxma. Rū űoma wūxi i duđxđ i řacū i yaxđ ípaxixđrūđ tá nixīgū namaā i norū guxchaxđgū”,

ńnanagūrū.

Tupana nanamaxēē i ngēma tama Yudiugū ixīgūxđ

¹¹ Rū pexna chaca, rū űuxma na Cristuxđ naxoexđ i ngēma Yudiugū, ¿rū pexcēx ēxna rū ngēmacēx ya Tupana rū tá nūxđ naxoxochixđ? Tama nūxđ naxo. Natūrū űuxma na tama Cristuaxđ yaxōgūāxđ i ngēma Yudiugū, rū ngēmacēx ya Tupana rū nūxđ narūngūxēē rū nanamaxēēē i ngēma tama Yudiugū ixīgūxđ. Rū ngēmaācū nanaxū ya Tupana na yaxāūxāchixēcēx i ngēma Yudiugū, rū Cristuaxđ na yaxōgūāxđcēx.

¹² Rū yema na ínatūexđ ga yema Yudiugū, rū yemagagu muxđma ga togū ga duđxđgū nanayauxgū ga Tupanaārū ngūxēē i taxđ. Rū yema na noxretama ga Yudiugū nayaxōgūxđ, rū yemagagu Tupana nanamaxēēē ga yema tama Yudiugū ixīgūxđ. Natūrū ngēxguma tá Tupanacēx nawoeguxgu i guxđma i Yudiugū, rū Tupana rū tá yexeraācū nūxđ narūngūxēē i guxđma i ngēma duđxđgū i tama Yudiugū ixīgūxđ.

¹³⁻¹⁴ Rū űuxma Pa Duđxđgū i Tama Yudiugū Ixīgūxđx, rū choxđ nangēxma i wūxi i ore i pemaā nūxđ chixuxchađxđ. Rū dūcax, petanūwa nixī i choxđ namuxđ ya Tupa na pemaā nūxđ chixuxcēx i norū ore. Rū űuxma rū aixcūma meā chayanguxēē i ngēma puracđ, erū chanaxwēxe na pexđ nadaugūxđ i ngēma chautanūxđ i Yudiugū na űuxācū Tupana pexđ na rūngūxēēxđ. Rū ngēmaācū tá nixāūxāchie i űuxre i nūmagū, rū tá Cristuaxđ nayaxōgū, rū ngēmaācū tá nanayauxgū i maxđ i taguma gūxđ.

¹⁵ Nūxđ tacuēx rū ngēma Yudiugū rū tama Cristuaxđ nayaxōgūchađ i űuxmax. Rū ngēmacēx ya Tupana rū nanade i ngēma togū i duđxđgū i tama Yudiugū ixīgūxđ. Natūrū űuxma na ngēmaācū yīxđ, ¿rū űuxācū tá nixī i ngēxguma Cristuaxđ yaxōgūāgu i ngēma Yudiugū, rū wena Tupana nadexgu? Rū wūxi i mexēchixđ tá nixī naxcēx i ngēma Yudiugū. Erū űoma wūxi i duđxđ i yuxđ rū wenaxārū maxđxđrūđ tá nixīgū.

16 Rū Tupana rū wena tá nanade i ngēma Yudiūgū i ngēxguma yaxōgūāgu. Rū ngē-maācū tá nixī, yerū nuxcūmaūcū ga nanatū ga Abrāū rū Tupanaārū duūxūgū nixī. Rū ngēmacēx i nataagū i Yudiūgū rū Tupanaārū duūxūgū ta nixīgū. Rū űoma wūxi i pāū i Tupanana ixāxūrūū tá nixī. Erū ngēxguma ngēma pāūwa íraxū Tupanaārū yixīgu, rū ngēmawa nūxū tacuēx na guxūma i ngēma pāū rū noxrū na yīxū. Rū ngēma wūxi i nanetū i Tupanana ixāxūrūū tá nixī. Rū ngēxguma ngēma nanetūchumēxā rū Tupanaārū yixīgu, rū ngēmawa nūxū tacuēx na guxūma i ngēma nanetū rū noxrū na yīxū. Rū ngēmaācū tá nixī i ngēma Yudiūgūmaā nangupetūxū, erū wūxi i ngunexūgu rū guxūma i nūmagū rū Tupanacēx tá nawoegu.

17 Tupana nūxū naxo ga yema Yudiūgū ga tama yaxōgūchaūxū. Rū űoma wūxi i orīxchacūū i idaexūrūū nixī ga yema Yudiūgūxū naxoxū. Natūrū nachicūū Tupana pexū nade woo tama Yudiūgū na pixīgūxū. Rū wūxi i naīxncēcūāx i orīxchacūū rū orīx i toxūwa yarūñaxcuchixūrūū pixīgū. Rū űuxma i pema rū ta pexū nangēxma i pechica i natanūwa i ngēma duūxūgū i Tupanaārū ixīgūxū. Rū Tupana rū pexū narūngūxēē rū pexū rū ta namaxēxē.

18 Natūrū pema i tama Yudiūgū na pixīgūxū, rū tama name i pegū picuēxūū rū nūxū pixu na ngēma Yudiūgūarū yexera pixīgūxū. Rū ngēxguma chí ngēmaācū pegū picuēxūūgūchaūgu, rū name nixī i nūxna pecuēxāchie na tama petanūwa ne naxūxū ga Cristu ya pexū maxēxēēcū, natūrū Yudiūgūtanūwa nixī ga ne naxūxū. Rū ngēma Yudiūgūgagu nixī i Tupana pexū dexū rū pexū namaxēxēēxū i űuxmax.

19 Natūrū bexmana tá űaperūgūgū:

“Tupana rū marū nūxū naxo ga yema Yudiūgū rū yemacēx nachicūū tūxū nade”, űaperūgūgū tá.

20 Ngēmāācū aixcūma nixī ga Tupana nūxū oxū ga yema Yudiūgū yerū tama nayaxōgū. Rū ngēma na peyaxōgūxūcēxicatama nixī i nachicūū Tupana pexū dexū i űuxmax. Rū ngēmacēx tama name i pegū picuēxūūgū. ¡Natūrū pexuāēgū na tama yema Yudiūgūxū ūpetūxūrūū pexū ūpetūxūcēx!

21 Yerū yema Yudiūgū ga noxri Tupanaārū ixīgūxū, rū Tupana nūxū naxo yerū tama nayaxōgū. Rū yexguma yemaācū Tupana nūxū oxgu ga yema duūxūgū rū pexū rū tá ta naxo ega tāūtama peyaxōgūechagu.

22 Dūcēx, na űuxācū namecūmaxū ya Tupana. Natūrū tūxū napoxcu ta ega tama aixcūma yaxōgūgu. Rū nanapoxcue ga yema duūxūgū ga chixexūgu yixū, natūrū pemaā rū namecūma. Natūrū penaxwēxe i guxūguma nūma nanaxwēxexūācūma pemaxē rū peyaxōgū na guxūguma pemaā namecūmaēchaxūcēx. Erū ngēxguma tama nūma nanaxwēxexūācūma pemaxēgu rū tama peyaxōgūechagu, rū tāūtama pemaā namecūma. Rū pexū rū tá ta naxo, rū tá pexū ínawogū.

23 Natūrū ngēxguma yaxōgūāgu i ngēma Yudiūgū i űuxma maxēxū, rū woo Tupana na nūxū oxū ga noxrix, natūrū wena táxarū nanade erū nūxū nangēxma i pora na wenaxārū nadeāxūcēx ega aixcūma yaxōgūāgu.

24 Rū pema na tama Yudiūgū na pixīgūxū, rū tama Tupanaārū duūxūgū pixīgū ga noxrix. Natūrū Tupana pexū nade na noxrū pixīgūxūcēx. Rū űuxma na yemaācū Tupana pexū dexū, rū ngēxguma yaxōgūāgu i ngēma Yudiūgū, rū Tupana rū pexū nadexūārū yexera tá nūxū natauxcha na nadeāxū i ngēma Yudiūgū, yerū woetama norū duūxūgūchirēx nixīgū ga noxrix.

Wixi i ngunexū rū guxūma i Yudiūgū tá nanayauxgū i maxū i taguma gūxū

²⁵ Pa Chaueneēgū i Yaxōgūxū, nangēxma i wūxi i ore ga noxri tama duūxūgūxū nūxū nacuēxēēxū ga Tupana. Natūrū chanaxwēxe i nūxū pecuēx i ngēma ore na tama nagu perūxīnūēxūcēx na duūxūgū i nūxū cuēxūchixū pixīgūxū, rū pexicatama Tupana pexū dexū. Rū dūcax, noxretama nixī i ngēma Yudiūgū i aixcūma yaxōgūxū. Rū ngēmaācū tá nixī űuxmatáta yaxōgūā i guxūma i ngēma togū i duūxūgū i Tupana dexū.

²⁶ Natūrū ngēmawena rū guxūtáma i Yudiūgū rū tá ta nayaxōgū, rū tá nanayauxgū i maxū i taguma gūxū. Erū Tupanaārū ore i űmatūxūwa rū űnanagūrū:

“Yima Cristu ya ínanguxūxēēcū, rū Yudiūgūtanūwatama ne naxū. Rū nūma rū tá Yudiūgūxū chixexūwa ínanguxūxēē.

²⁷ Rū aixcūma norū pecaduwa tá íchananguxūxēē i ngēma Yudiūgū. Rū ngēxguma tá nixī na aixcūma chayanguxēēxū i ngēma chorū uneta ga űpaxūchima Abráūmaā nūxū chixuxū”, űnanagūrū ga Tupana.

²⁸ Natūrū i űuxma ya Tupana rū Yudiūgūxū nadau na norū uwanūgū yīxū erū tama nayaxōgū i ngēma ore i mexū. Natūrū ngēmaācū naxūpetū na pexū natauxchaxūcēx na peyaxōgūxū i pema i tama Yudiūgū na pixīgūxū. Natūrū nūma ya Tupana rū űuxma rū ta ngēma Yudiūgūxū nangechaū yerū nuxcūmaūgūxū ga norū oxīgūmaā inaxuneta na nūxū tá nangūxēēxū.

²⁹ Rū ngēxguma Tupana rū tacū i mexūmaā inaxunetagu, rū aixcūma nayan-guxēē i ngēma, rū taguma nūxū inayarūngūma. Rū ngēxgumarūū ta i ngēxguma texēcēx nacaxgu, rū taguma nūxū inayarūngūma i ngēma.

³⁰ Rū pema na tama Yudiūgū pixīgūxū, rū űpa rū tama Tupanaga pexīnūē. Natūrū űuxma na tama naga naxīnūēxū i Yudiūgū, rū ngēmacēx Tupanaāxū pengechaūtūmūūgū erū peyaxōgū i pemax.

³¹ Rū ngēma pexū ngupetūxūrūū nixī i ngēma Yudiūgūxū nangupetūxū. Nūmagū rū tama Tupanaga naxīnūē i űuxmax, natūrū ngēmaācū nūxū nangu-petū na Tupanaāxū pengechaūtūmūūgūxūcēx, rū nūmagū rū ta Tupanaāxū nangechaūtūmūūgūxūcēx i űuxmax.

³² Yerū nūma ga Tupana rū guxūma ga duūxūgūmaā nanaxuegu na chix-exūwa nangēxmagūxū nagagu ga norū pecadugū. Natūrū yemaācū na-māā nanaxuegu ga Tupana na nūxū nangechaūtūmūūgūxūcēx i guxūma i duūxūgū.

³³ Rū namexēchi ya tórū Tupana, rū poraācūxūchima tūxū narūngūxēē. Rū nūma rū nūxū nacuēxūchi erū guxūxūma nacuēx. Rū yixema rū taxucūrūwama nūxū tacuēx i tūxcūū yīixū i tūxū nadexū, rū taxucūrūwama nūxū tacuēx i guxūma i ngēma naxūxū i nūmax.

³⁴ ¿Erū texé i tatanūwa nūxū tacuēx i guxūma i ngēma tórū Cori nagu rūxīnūxū? ¿Rū texé nūxū tacuēx na tórū Corixū taxucūxēxū?

³⁵ ¿Rū texé tūxira tacū rū āmare tórū Corina taxā, na yixcama nūxī tacūmaā tūxū nataeguxēēāxūcēx?

³⁶ Erū guxūma i tacū ingēxmaxū rū Tupanaxūtawa ne naxī. Rū nūma nixī ga naxūāxū ga guxūma na noxru yīxūcēx. Rū name nixī i guxūguma nūxū ticuēxūūgū rū tanataxēē. Rū ngēmaācū yīī.

12

Pexū chacēēxū na pegūtama Tupanana pexāgūxū na wixi i āmare i maxūxū

na pixīgūxūcèx

1 Rū dūcax, Pa Chaueneēgūx, űuxācū Tupana poraācūxūchima tamaā namecūma. Rū ngēmacèx pexū chacèxū na pegūtama Tupanana pexāgūxū na wūxi i āmare i maxūxū na pixīgūxūcèx. Rū ngēma āmare nixī i aixcūma napēxewa űunexū rū namaā nataāēxū. Rū ngēmaācū nixī ya Tupana i nanaxwèxexū na nūxū picuèxūūgūxū.

2 Rū tama name i űoma i naānecūāx i duūxūgūcūmagu pexī. Natūrū name nixī i Tupanana pegū pexāgū na nūma pexū naxūchicūūxūcèx rū ngexwacaxūxū i peāē pexū ngēmaxūcèx rū ngēmaācū naxcèxicatama pemaxèxūcèx. Rū ngēmaācū tá nūxū pecuèx i űacū nixī i Tupana pexū naxwèxexū na penaxūxū, rū űacū nixī i aixcūma mexū i napēxewa, rū űacū nixī i namaā nataāēxū.

3 Rū Tupana ya chomaā mecūmacū, rū choxū namu na pemaā nūxū chixuxūcèx i guxāma i pema na tama namexū na texé i petanūwa tūgū írūtaxū rū tūgūgu tarūxīnūxū na togūarū yexera tīxū. Natūrū name nixī na wūxichigū meā tūgū ngugūarū maxūāxū rū tūgūgu rūxīnūxū na űuxācū Tupana tūxna naxāxū i tūmaārū cuèx wūxigu namaā i tūmaārū ō.

4 Rū dūcax, rū taxūnewa nangēxma i taeru rū tachacūūgū rū taparagū rū muxūma i to i taxūnearū ngēmaxūgū. Rū wūxichigū i ngēma taxūnearū ngēmaxūgū rū nūxū nangēxma i noxrūtama puracū.

5 Rū ngēxgumarū űa i yixema na yaxōgūxū, rū woo na imuxū natūrū wūxitama i duūxūgū tixīgū, erū Cristuarū duūxūgū tixīgū. Rū ngēmacèx i guxāma i yixema rū yigūmūcūgū tixīgū, erū woetama wūxitama i duūxūgū tixīgū.

6 Rū wūxichigū i yixema, rū Tupana tūxna nanaxā i tōrū cuèx i nūma nanaxwèxexū na tūxū nangēxmaxū. Rū tanaxwèxe i meāma nagu taxī i ngēma cuèx i Tupana tūxna āxū. Rū ngēxguma tūxna naxāāgu i tōrū cuèx na norū orearū urū űixīgūxūcèx, rū name nixī i ngēma ō i tūxū ngēxmaxūmaā tanaxū i ngēma puracū.

7 Rū ngēxguma tūxna naxāāgu i tōrū cuèx na togūxū rūngūxēēgūxūcèx, rū name nixī i meāma tanaxū i ngēma. Rū ngēxguma texēna naxāāgu i tūmaārū cuèx na togūxū tangūxēēxūcèx, rū name nixī i meāma tanaxū i ngēma.

8 Rū yīxema nūxū cuāxe na Tupanaārū oremaā togūxū tataāēxēēxū, rū name nixī i meāma tanaxū i ngēma. Rū yīxema nūxū cuāxe na togūmaā tangauxū i tūmaārū ngēmaxū, rū name nixī i tūmaārū ngūchaūmaā tanaxū i ngēma. Rū yīxema āēxgacū űixīxē rū name nixī i meāma tayanguxēē i ngēma puracū. Rū yīxema nūxū cuāxe na togū tūxū ngechaūtūmūūgūxū, rū name nixī i taāēācūma tanaxū i ngēma.

űuxācū nanaxwèxe na namaxèxū i duūxūgū i Cristuaxū yaxōgūxū

9 Rū name nixī i aixcūma meāma pegū pengechaūgū i wūxichigū. ¡Rū nūxū pexo i guxūma i űacū i chixexū űixīxū! ¡Rū nagu pexī i ngēma aixcūma mexū űixīxū!

10 Rū name nixī i wūxichigū pegū pengechaūgū, űoma pegūeneēxūchixū pengechaūxūrū. Rū name nixī i naxcèx pedaugū na űuxācū peeneēgūxū petaxēēxū rū űuxācū pegū perūngūxēēxū.

11 Rū tama name i cuxo ega űacū rū puracū cuxū namuxgu ya tōrū Cori. Natūrū name nixī i curū ngūchaūmaā cunaxū i norū puracū.

12 Rū name nixī i petaāēgū erū īpenanguxēē na Tupanaxūtawa pengugūxū. Rū ngēxguma ſacū rū ngūxū pexū ngupetūgu, rū name nixī i yaxna namaā pexīnūē. ;Rū tama name i nūxū perūchawe na peyumūxēgūxū!

13 Rū ngēxguma nūxū pedēuxgu na ſacū nūxū taxuxū i ngēma togū i yaxōgūxū, rū name nixī i nūxū perūngūxēē. ;Rū meā penayaxu i ngēma duūxūgū i pexūtagu naxīānēxū!

14 Rū ngēxguma chi texē chixri pemaā ūpetūgu, rū name nixī i tūmacēx peyumūxēgū na meā tūxū naxūpetūxūcēx. Rū ngēmaācū name nixī i Tupanana tūmacēx peca na tūxū nangūxēēxūcēx rū tama tūxū napoxcuxūcēx.

15 ;Rū wūxigu tūmamaā petaāēgū ya yīxema taāēgūxe! ;Rū wūxigu tūmamaā pexauxe ya yīxema ngechaūgūxe rū auxexe!

16 ;Rū meā pegū pengechaūgū i wūxichigū! ;Rū tama pegū picuēxūūgū! ;Rū namaā pegū pewūxiguxēē i ngema tama nūgū icuēxūūgūxū! ;Rū tama pegūgu perūxīnūē na togūarū yexera nūxū cuēxūchigūxū na pixīgūxū!

17 Rū ngēxguma texē chixexū pemaā ūxgux, ;rū tāūtāma chixexūmaā pexūtānū! Natūrū name nixī i naxcēx pedau na mexū pexūxū i guxū i duūxūgūpēxewa.

18 ;Rū naxcēx pedau na guxūma i duūxūgūmaā meā pemaxēxū rū namaā na iperūngūxmūxūcēx i guxūguma!

19 Pa Chaueneēgū ya Pexū Changechaūgūxe, tama name i pegūtama pexūtānū ega texē ſacū rū chixexū pemaā ūxgu. Natūrū name nixī i Tupanamēxēgu penaxū i ngēma na nūma napoxcuāxūcēx. Erū Tupanaārū ore i ūmatūxūwa rū űnanagūrū:

“Rū choxmēxwa nangēxma na duūxūgūxū chapoxcuxū i norū chixexūcēx. Rū choma tá nūxū chanaxūtānū i ngēma duūxū i chixexū ūxū”, űnanagūrū ya tōrū Cori.

20 Rū ngēxguma ſacū rū chixexū cumaā naxūxgu i togū, rū tama name i chixexūmaā cunataeguxēē. Natūrū name nixī i nāgu quixū i Tupanaārū ore i űnaxū,

“Rū ngēxguma curū uwanū taiyēxgu, ;rū nachibūxēē! Rū ngēxguma yaſawaxgu, ;rū naxaxexēē! Erū ngēxguma ngēmaācū cunaxūxgu, rū poraācū tá cunaxānēxēē”,

űnaxū.

21 Rū ngēxguma togū chixexū cumaā ūxgux, rū name nixī i cuxuāē na tama chixexūgu cunguxūcēx. Rū name nixī na mexū cuxūxū namaā i ngēma duūxū. Rū ngēmaācū tá icuyanaxoxēē i ngēma chixexū i cumaā naxūxchaūxū.

13

1 Rū name nixī i guxūma i duūxūgū rū meā nōrū āēxgacūga naxīnūē. Erū Tupana nixī ya nūxū unetacū i guxūma i āēxgacūgū. Erū nataxuma i āēxgacū i tama Tupana ingucuchixēēxū.

2 Rū ngēmacēx, texē ya tama tūmaārū āēxgacūga űnūchaūxē, rū Tupanaga nixī i tama taxīnūxū. Rū yīxema tama naga űnūēchaūxē, rū tá tapoxcūe.

3 Erū ngēma āēxgacūgū rū tama ngēma mexū ūgūxūārū poxcuruū nixī, natūrū ngēma chixexū ūgūxūārū poxcuruū nixī. Rū ngēxguma cunaxwēxegu na tama nūxū cumuūxū i wūxi i āēxgacū, rū name nixī i meā cumaxū. Rū nūma i āēxgacū rū tá cumaā nataāē.

4 Erū nūma i āēxgacū rū Tupanaārū ngūxēēruū nixī rū ngēmacēx nanamu na cuxū nangūxēēxūcēx. Natūrū ngēxguma chixri cumaūxgu, rū ngēxguma tá waxi nixī i nūxū cumuūxū. Erū nūma i āēxgacū rū tama natūcēxma nixī na

nūxū nangēxmaxū i pora na cuxū napoxcuxū. Erū woetama Tupana nanamu na napoxcuāxūcēx i ngēma duūxū i chixri maxūxū.

⁵ Rū ngēmacēx name nixī i naga cuxīnū i curū āēxgacūgū. Rū tama ngēma poxcuxū na cumuūxūcēxicatama nixī i namexū na naga cuxīnūxū, natūrū name nixī i naga cuxīnū erū marū nūxū cucuēx na namexū i ngēma.

⁶ Rū ngēmacēx name nixī i meā nūxū penaxūtanū i ngēma dīeru i perū āēxgacūgūcēx ixīxū i ngēma nūmagū nagu naxunetaxūēxpūx na nūxū penaxūtanūxūcēx. Erū ngēma āēxgacūgū rū Tupanaāxū nixī i napuracūexū i ngēxguma naxūāgu i ngēma puracū na pemaā inacuāxū.

⁷ Rū wūxichigū i ngēma āēxgacūgū, rū name nixī i nūxna penaxā i ngēma nūxna ūxū. ¡Rū nūxū penaxūtanū i ngēma dīeru i perū āēxgacūgū nagu unetaxūēxpūx na nūxū penaxūtanūxū! ¡Rū penaxūx i ngēma īāneārū puracū i perū āēxgacūgū pexū muxū na penaxūxūcēx! ¡Rū nūxū pengchaūgū rū naga pexīnūe i ngēma perū āēxgacūgū! Erū ngēmaācū nixī i namexū na penaxūxū.

⁸ Rū tama name i texēaxū ſacū pengetanū. Natūrū nangēxma i wūxitama i ngetanū i taguma tūxū ingutanūxū. Rū ngēma nixī na yigū ingechaūgūxū. Rū ngēmacēx ya yīxema aixcūma tūmamūcūxū ngechaūxē rū marū tayanguxēē i gūxūma i ngēma Tupana tūxū muxū.

⁹ Rū ñanagūrū i Tupanaārū mugū:

“¡Rū tāūtāma naī i ngemaā icupe! ¡Rū tāūtāma cumāēta! ¡Rū tāūtāma cungīx!

¡Rū tāūtāma toguāxārū ngēmaxū cuxū nangūchaū!”

ñanagūrū. Natūrū ngēma mugū rū guxūma i togu i Tupanaārū mugūmaā rū wūxigu nanu nagu i norū ore i ñaxū:

“¡Rū nūxū nangechaū i cumūcū na cugūtama cungechaūxūrū!”
ñaxū.

¹⁰ Rū yīxema tūmamūcūxū ngechaūxē, rū taxuūma i chixexū namaā taxū. Rū ngēmacēx i ngēxguma tamūcūxū ingechaūgu, rū aixcūma tayanguxēē i Tupanaārū mugū.

¹¹ Rū name nixī i tanaxū i guxūma i ngēma, erū ñomaūcūū rū nangēxma i muxūma i guxchaxūgū. Rū name nixī i pegū īpemexēē rū paxa penaxū i tórū Coriarū puracū. Erū ñuxma rū noxri yaxōgūguarū yexera ningaicamachigū i ngēma ngunexū i nagu tá taxcēx nataeguxū ya tórū Cori.

¹² Rū woo na naporaxū i Chataná i ñoma i naānewa i ñuxmax, natūrū paxa tá nagux i ngēma, rū paxa tá īnangu ya Cristu na nūgūxūtawa tūxū nagagūxūcēx. Rū ngēmacēx name nixī i nūxū tarūxoe i guxūma i chixexū ixūgūxū. Rū ñuxma na nūxū icuāxū i Tupanaārū ore, ¡rū ngīxā yigūna tadaugū na tama nagu iyixūcēx i ſacū rū chixexūgū! ¡Rū ngīxā meā tamaxē na ngēmaācū nūxū rūyexeragūxūcēx i guxūma i chixexū!

¹³ ¡Rū ngīxā mexū taxūgū rū meā tamaxē! Erū aixcūma Cristuarū duūxūgū tixīgū, rū tanaxwēxe i nūma nanaxwēxēxūācūma tamaxē. Rū tama name na ingāxēxū rū na naxūgūxū i petagū i chixexū i duūxūgū nawa āūgatanūxū. Rū tama name i tingēāēmare rū ēxna to i chixexū taxūgū, rū bai na yigū ichoxūgagūxū, rū bai i togūchi ixaixēxū naxcēx i norū ngēmaxūgū.

¹⁴ Natūrū name nixī i nacūmagu pexī ya tórū Cori ya Ngechuchu ya Cristu, rū nūxna naxcēx peca na pexū nangūxēēxūcēx na meā naxcēx pemaxēxūcēx. Rū tama name i naxcēx pedaugū na ñuxācū pexeneārū ngūchaū na pexūgūxū.

14

Tama name i nūxū quixu i cueneē i yaxōxī

1 Rū ngēxguma petanūgu naxāxchaūgu i wūxi i peeneē i tama perūū meā Tupanaārū orexū cuāxū, rū name nixī i meā penayaxu. Natūrū tama name i namaā pegū pechoxūga naxcēx i nacūmagū i nagu yaxūxū i Tupanapēxewa.

2 Rū dūcax, nangēxma i ñuxre i taeneēgū i nagu rūxīnūēxū na namexū na guxūraūxū i ōna nangōxgūxū. Natūrū nangēxma i togū i taeneēgū i tama aixcūma meā Tupanaārū orexū cuēxgūxū i tama namachi ngōxgūchaūxū. Rū nūmagū nūxū nacuēxgūgu rū Tupanapēxewa nachuxu na tacū rū namachi nangōxgūxū, rū ngēmacēx nixī i nabū rū orixgūxicatama nangōxgūxū.

3 Rū ngēxguma tangēxmagu ya texē ya namachi ngōxē, rū tama name i nūxū taxoox i ngēma togū i duūxūgū i tama namachi ngōxgūxū. Rū ngēxgumarūū ta ya yīxema tama namachi ngōxē, rū tama name na nūxū tixuxū i ngēma duūxūgū i namachi ngōxgūxū, erū nūmagū rū ta Tupanaārū duūxūgū nixīgū.

4 ¿Rū texē quixī i cuma rū ngēmacēx nūxū quixu i to i coriarū duūxūgū? Rū dūcax, pemaā nūxū chixu rū ngēma norū cori tá nixī i nangugūxū rū ngoxi mexū naxūx i ngēma norū duūxū, rū ēxna tama. Rū ngēma duūxū rū Tupanapēxewa rū tá name, erū nūma ya tōrū Cori ya Cristu rū nūxū nangēxma i pora na nūgūcēx namexēēāxū i ngēma duūxū.

5 Rū dūcax, nangēxma i ñuxre i duūxūgū i nagu rūxīnūēxū na ngūxchigaarū ngunexū rū togū i ngunexūārū yexera namexū na nagu Tupanaxū yacuēxūūgūxū. Rū nangēxma i togū i duūxūgū i nagu rūxīnūēxū na guxūma i ngunexūgū rū nawūxiguxū i Tupanapēxewa. Natūrū wūxichigū i yīxema rū tanaxwēxe i meā taāēwa nūxū tacuēx na aixcūma Tupanapēxewa namexū i ngēma taxūxū rū tixōxū.

6 Rū yīxema duūxē ya tacū rū ngunexū Tupanacēx íxūxūchixe, rū ngēmaācū tanaxū na ngēma ngunexūgū tōrū Corixū ticuēxūūxūcēx. Rū yīxema namachi ngōxē, rū ngēmaācū tanangōx na tōrū Corixū ticuēxūūxūcēx, rū Tupanana moxē taxā naxcēx i ngēma tangōxū. Rū yīxema tama namachi ngōxē, rū ngēmaācū tanaxū na tōrū Corixū ticuēxūūxūcēx, rū tūma rū ta Tupanana moxē taxā naxcēx i ngēma nabū i tangōxū.

7 Rū ñuxma na ñoma i naānewa imaxēxū, rū taxūema tūgūcēxtama tamaxū rū ēxna tūgūcēxtama tayu.

8 Erū ñuxma na imaxēxū, rū tōrū Coriarū ngūchaū na ixūgūxūcēx nixī i imaxēxū. Rū ngēxguma iyuegu, rū ngēma rū ta tōrū Corimēxēwa nangēxma. Rū ngēmaācū nūxū tadau rū woo imaxēgu rū ēxna woo iyuegu, rū tōrū Coriarū duūxūgū tixīgū, rū namēxwa tangēxmagū.

9 Rū yemacēx nixī ga nayuxū ga Cristu rū wenaxārū namaxūxū na tūmaārū Cori yīxūcēx ga guxāma ga guxema yaxōgūxe ga marū yuexe rū guxāma ya yīxema yaxōgūxe ya ñuxma rū ta maxēē.

10 Rū ngēmacēx Pa Chaueneēx, ¿rū tūxcūū i nūxū quixuxū i cueneē i yaxōxū? Rū cumax, Pa To i Chaueneēx, ¿rū tūxcūū i nūxū cuxoxū i cueneē? Erū guxātāma i yīxema rū Tupanapēxewa tá tangugū na nūma tūxū nangugūxūcēx rū ngoxi ime rū ēxna tama.

11 Erū Tupanaārū ore i ūmatūxūwa rū ñanagūrū ya tōrū Cori:

“Ngēma aixcūma na chamaxūxūrūū tá ta nixī i aixcūma guxūtāma i duūxūgū chopēxegu caxāpūxūgūxū, rū guxūtāma choxū icuēxūūgūxū”, ñanagūrū.

12 Rū ngēmaācū nūxū tacuēx na wūxichigū i yīxema rū aixcūma tá Tupanapēxewa na ingugūxū na namaā nūxū íxūxūcēx na ñuxācū imaxēxū rū tacū na ixūxū.

Tama name i chixexūgu cunanguxēē i cueneē i yaxōxū

13 Rū ngēmacèx nixī, Pa Chaueneēgūx, i tama namexū na tamūcūgūxū ixuechaū. Natūrū narūmemaē nixī i nūxū perūxoe i guxūma i ʔacū i peeneēgūxū pecadugu yixēēxū rū ēxna norū ōxū chixexēēxū.

14 Choma nūxū chacuèx rū nataxuma i ōna i Tupanapēxewa chixexū. Rū aixcūmaxūchi nūxū chacuèx i ngēma erū tōrū Cori ya Ngechuchu ya Cristuarū duūxū chixī, rū nūma choxū nūxū nacuèxēē i ngēma. Natūrū ngēxguma chi texé nagu rūxīnūgu na tama Tupanapēxewa namexū i ʔacū rū ōna na tangōxū, rū name nixī i noxtacūma tama na tanangōxū ega nagu tarūxīnūgu na tama namexū i ngēma.

15 Rū ngēxguma ngēma cungōxūcèx tūmaāēwa cunanguxēēgu ya cueneē, rū cuma nūxū chixu rū tama aixcūma tūxū cungechaū. Rū tama name i ngēma cungōxūgagu chixexūgu tūxū cunguxēē rū tūxū icuyarūtauxēē ya yīxema cueneē ya Cristu tūmacèx yuxe.

16 Rū ngēmacèx, woo cuxcèx namexgu i ngēma cuxūxū, natūrū tama name na cunaxūamaxū ega ngēmacèx togū tā cuxū ixuxgu na pecadu yīxū i ngēma cuxūxū.

17 Rū ngēma Tupanapēxewa na imexūcèx rū tama ʔacū rū ōna na ingōxū rū ēxna ʔacū rū axexū na ixaxūxūgagu nixī. Natūrū napēxewa na imexūcèx rū tanaxwèxe i Naāē i Ūūnexūārū ngūxēēmaā meā tayanguxēē i ngēma Tupana naxwèxexū rū yigūmaā itarūngūxmūē rū aixcūma tataāēgū napēxewa ya Tupana.

18 Rū yīxema ngēmaācū Cristucèx maxūxē, rū Tupana rū tūmamaā nataāē, rū guxūma i duūxūgū rū ta tūmamaā nataāēgū.

19 Rū ngēmacèx, jngīxā naxcèx tadaugū i guxūma i nacūma i mexū i yigūmaā tūxū rūngūxmūēxēēxū! jRū ngīxā yigū tarūngūxēē na yexeraācū iyaexūcèx i tōrū ōwa rū Tupanaārū orewa!

20 Rū tama name i ʔacū rū ōna na cungōxūgagu icuyanax-oxēē i Tupanaārū puracū i cueneēārū maxūwa. Rū aixcūma nixī i guxūma i ōnagū i namexū i Tupanapēxewa. Natūrū wūxī i chixexū nixī ega ngēma ōna i ingōxūgagu chixexūgu nayixēēgu i taeneēgū.

21 Rū ngēmacèx tama name i cunangōx i namachi, rū ēxna cuyaxaxū ya binu, rū ēxna cunaxū i ʔacū i to, ega ngēmagagu chixexūgu cunanguxēēgu i cueneē i yaxōxū.

22 Rū ngēxguma cuma nagu curūxīnūgu na namexū na cunangōxū i ngēxūrūūxūmare i ōna, rū Tupanapēxewa rū name nixī i cuxicatama nūxū cucuèx i ngēma. Rū tataāē ya yīxema tūmaāēwa nūxū cuāxe na Tupanapēxewa namexū i ngēma taxūxū.

23 Natūrū ngēxguma wūxie nagu rūxīnūgu na tama namexū i Tupanapēxewa na ʔacū rū ōna na tangōxū, rū pemaā nūxū chixu rū chixexū taxū ega tanangōxomagū, erū tūmaāēwa nagu tarūxīnū na tama aixcūma namexū i ngēma taxūxū. Rū guxūma i ngēma tūmaāēwa nagu tarūxīnūxū na nachixexū rū aixcūma pecadu taxū ega tanaxūamagu.

15

Name nixī i cumūcūxū cutaāxēxēē

1 Rū yixema na iporaexū i tōrū ōwa, rū name nixī i nūxū tarūngūxēē i ngēma tamūcūgū i turaexū i norū ōwa. Rū tama name i yigūguxicatama tarūxīnūē rū tōxrucèxicatama tadaugū.

² Natürü wüxichigü i yixema rü name nixī i taeneēāxū tanangūchaūxēē na ngēmaācū nüxū rüngūxēēxūcèx na yexeraācū yaxōōxūcèx.

³ Yerü woo ga Cristu rü tama noxrütama ngúchaū naxū. Natürü nayan-guxēē ga yema Tupanaārü ore ga ñaxū:

“Pa Chaunatūx, rü ngēma duūxūgü i cumaā guxchigagūxū, rü chomaā nixī i naguxchigagūxū”,

ñaxū.

⁴ Rü guxūma ga yema nuxcūma ūmatūxū ga Tupanaārü orewa, rü naxūmatū na tūxū nanguxēēxūcèx na taguma nüxū rüxoexū ega woo tacū rü guxchaxū tūxū ūpetūgu. Rü yema Tupanaārü ore rü naxūmatū na tūxū nataāēxēēxūcèx rü tūxū nüxū nacuēxēēxūcèx na aixcūma Tupanaārü ixīgūxū.

⁵ Rü Tupana nixī ya tūxū rüngūxēēcū na yaxna namaā ixīnūēxūcèx i guxūma i guxchaxūgü. Rü nūma nixī i tūxū nataāēxēēxū. Rü chanaxwæe i nūma ya Tupana pexū narūngūxēē na aixcūma ngēma Cristu pexū naxwæexūācūma pemaxēxū.

⁶ Rü chanaxwèxe na ngēmaācū pemaxēxū na guxāma i pema rü wūxigu nüxū picuēxūūgūxūcèx ya Tupana ya Nanatū ya tōrū Cori ya Ngechuchu ya Cristu.

Duūxūgü i tama Yudiūgü ixīgūxūmaā nüxū nixu i ore i mexū

⁷ Rü ngēmacèx, yema Cristu pexū na dexūrūū rü name nixī i wüxichigü meā pegū peyaxu na ngēmaācū Tupanaxū yacuēxūūgūxūcèx i duūxūgü.

⁸ Rü pemaā nüxū chixu rü Cristu nūma naxū na Yudiūgūxū yanangūxēēxūcèx, na yemaācū yanguxēēāxūcèx ga yema uneta ga nuxcūmaūgūxū ga tōrū oxigūmaā nüxū yaxuxū ga Tupana. Rü yemaācū ga Cristu rü tūxū nüxū nadauxēē na aixcūmacū na yīxū ya Tupana rü aixcūma yanguxēēāxū i ngēma norū uneta.

⁹ Rü yexgumarūū ta ga Cristu rü nūma naxū naxcèx i ngēma duūxūgü i tama Yudiūgü ixīgūxū na nūmagū rü ta Tupanaxū yacuēxūūgūxūcèx naxcèx na poraācū Tupanaāxū nangechaūtūmūūgūxū. Rü yemachiga nixī ga yema Tupanaārü ore ga Dabí ūmatūxū ga ñaxū:

“Rü ngēmacèx guxū i nachīūānecūāx i duūxūgūpēxewa tá cuxū chicuēxūū.

Rü tá chorū wiyæewa cuxū chataxēē”,

ñaxū.

¹⁰ Rü toxnamana i Tupanaārü ore i ūmatūxūwa rü ñanagürü:

“Pa Duūxūgü i Tama Yudiūgü Ixīgūxū, rü name nixī i pema rü wūxigu chorū duūxūgü i Yudiūgūmaā petaāēgü”,

ñanagürü.

¹¹ Rü toxnamana, rü ñanagürü ta:

“Pa Duūxūgü i Tama Yudiūgü Ixīgūxūx, rü name nixī i nüxū picuēxūūgü ya tōrū Cori. Rü Pa Guxūma i Nachīūānecūāx i Duūxūgūx, rü name nixī i penataxēē”,

ñanagürü.

¹² Rü Ichaxía rü ta nanaxūmatū rü ñanagürü:

“Rü Dabí nanatū ya Ichaīwa tá ne naxū i wūxi i nataa i tá Cristu ixīxū. Rü nūma tá nixī i norū āēxgacū yīxū i guxūma i ngēma duūxūgü i tama Yudiūgü ixīgūxū. Rü ngēma duūxūgü rü tá aixcūma nüxū nayaxōgü rü tá inananguxēēgü na yimagagu Tupana nüxū rüngūxēēgūxū”,

ñanagürü.

¹³ Rü ñuxma i pema na nüxū peyaxōgūxū rü chanaxwèxe i poraācū pexū nataāēxēē ya yima Tupana ya pexū rüngūxēēcū na meā Cristuxū

ípenanguxēēgūxūcèx. Rū ngēmaācū i Tupanaāē i Ūūnexū rū tá pexū napo-
raexēē na yexeraācū Cristuxū ípenanguxēēgūxūcèx.

¹⁴ Pa Chaueneēgūx, meāma nūxū chacuèx na guxū i duūxūgūmaā pe-
mecūmaxū, rū aixcūma Tupanaxū na pecuáxū, rū aixcūma meāma pegū
pixucūxēgūxū.

¹⁵ Natūrū ñaā poperawa rū meāma pexcèx chanaxūmatū i ñuxre i Tupanaārū
ucuxēgū, erū tama chanaxwèxe i nūxū ipexarūngūmaē. Rū tama chamuū
na pexcèx chanaxūmatūxū i ngēmachiga yerū Tupana nixī ga choxū mucū na
pemaā nūxū chixuxūcèx.

¹⁶ Rū nūma nixī ga choxū namuxū na Ngechuchu ya Cristuarū puracū
chaxūxūcèx i natanūwa i ngēma duūxūgū i tama Yudiūgū ixīgūxū. Rū ngēma
puracū ga nawa choxū namuxū nixī na ngēma duūxūgūmaā nūxū chixuxū
i ore i mexū na Tupanaxūtawa chanagagūxūcèx, na wūxi i āmare i Tupana
namaā taāēxū i ngēma duūxūgū i Naāē i Ūūnexū imexēēgūxū.

¹⁷ Rū ñuxma na Ngechuchu ya Cristuarū duūxū na chiixū, rū ngēmacèx
chataāē namaā i ngēma puracū i Tupanaāxū chaxūxū.

¹⁸⁻¹⁹ Rū ñuxma rū yema Cristu chorū maxūwa ūxūchigaxūxīcatama nixī i
chixuxū. Rū nūma nixī ga choxū nangūxēēxū na Tupanaxūtawa chana-
gagūxūcèx ga yema duūxūgū i tama Yudiūgū ixīgūxū, na nūmagū rū ta
Tupanaga naxīnūēxūcèx. Rū yemaācū chorū oremaā, rū chorū puracūmaā,
rū cuèxruūgū ga taxū ga Tupana ūxūmaā, rū Naāē i Ūūnexūārū poramaā
Tupanaxūtawa chanagagū ga yema duūxūgū. Rū yemaācū Yerucharéūwa
rū guxūwama ñuxmata Iliricuarū naānewa meāma chayanguxēē na nūxū
chixuxū ga yema ore i tūxū maxēxēēxū i Cristuchiga.

²⁰ Rū yemaācū chapuracū na nūxū chixuxūcèx ga Tupanaārū ore i mexū ga
ngextá taguma ñuxgu Cristuchigaxū ínaxīnūēxūwa ga duūxūgū. Yerū tama
chanaxwèxe ga marū togū nūxū íxuxūwa rū duūxūgū marū nūxū ícuáxūwa
nūxū na chixuxū ga yema ore.

²¹ Rū yemachiga nixī ga Tupanaārū ore ga Ichaxía ūmatūxū ga ñaxū:

“Rū yíxema taguma Cristuchigaxū cuèxgūxe, rū taguma nachigaxū ínūēxē, rū
tá nūxū tacuèxgū i nachiga”,
ñaxū.

Pauru rū Dumawa naxūxchaū

²² Rū yema toxnamana na chapuracūxūcèx nixī ga taxucūrūwa petanūwa
chaxūxū woo muēxpūxcūnachirēx yēma chaxūxchaū.

²³ Natūrū ñuxma na marū chanaguxēēxū i ngēma puracū i toxnamana, rū
nagu charūxīnū na petanūwa chaxūxū. Yerū ñuxgumamatama nixī ga nagu
charūxīnūchaxū na petanūwa chaxūxchaūxū.

²⁴ Rū ngēxguma Españawa chaxūxgu, rū nagu charūxīnū na woe pexūtagu
íchidauxū. Rū nagu charūxīnū na ñuxre i ngunexū ngēxma petanūgu
charūxāūxū. Rū wūxi i chorū taāē tá nixī i ngēma. Rū ngēmawena rū
chanaxwèxe i choxū perūngūxēē na Españawa chaxūxūcèx.

²⁵ Natūrū i ñuxma rū Yerucharéūwa tá chaxū, na ngēma chanangexūcèx i
ñuxre i dīeru naxcèx i taeneēgū i ngēma ngēxmagūxū.

²⁶ Erū ngēma taeneēgū i yaxōgūxū i Machedoniānewa rū Acayaanewa
ngēxmagūxū, rū norū ngūchaūmaā nagu narūxīnūē na ngīxū
nanutaquēxegūxū i ñuxre i dīeru na ngēmaācū nūxū nangūxēēgūxūcèx i
taeneēgū i nūxū nataxuxū i Yerucharéūwa ngēxmagūxū.

²⁷ Rū ngēma taeneēgū i Machedóniācūāx rū Acayacūāx rū norū me nixī na ngēmaācū naxūgūāxū. Rū ngēma duūxūgū rū aixcūma nūxū nangēxma i norū ngetanū i taeneēgū i Yudiugūtanūwa. Erū ngēma taeneēgū i Yudiugūgagu nixī i ngēma togū i duūxūgūtanūwa nanguxū i Tupanaārū ore. Rū űuxma rū name nixī i ngēma togū i duūxūgū rū norū ngēmaxūmaā taeneēgū i Yudiugū i yaxōgūxūxū narūngūxēēgū.

²⁸ Rū ngēxguma chanaguxēēgu i ngēma puracū, rū ngēxguma taeneēgū i Yudiugūna marū ngīxū chaxāxgu i ngēma dīēru, rū Españawa tá chaxū. Rū ngēxguma ngēma chaxūxgu, rū tá woe pexūtagu Ichidau.

²⁹ Rū nūxū chacuēx rū ngēxguma petanūwa changuxgu, rū wūxigu tá tataāēgū, erū nūma ya Cristu tá tūxū nataāēxēē i ngēxguma ngēmaācū wūxiwa ingēxmagūgu.

³⁰ Pa Chaueneēgūx, tórū Cori ya Ngechuchu ya Cristuēgagu, rū ngēma na Naāēārū ngūxēēmaā choxū pengechaūxūgagu pexū chacēēxū na Tupanana chauxcēx pecaxū i perū yumūxēwa. Rū ngēmaācū tá choxū perūngūxēē nawa i űaā puracū i Tupana choxna āxū.

³¹ ¡Rū Tupanana peça na choxū ínapoxūxūcēx nūxna i ngēma Yudiugū i Yudéaanewa ngēxmagūxū i tama yaxōgūxū! ¡Rū nūxna peça naxcēx i ngēma taeneēgū i yaxōgūxū i Yerucharēūwa ngēxmagūxū, na taāēācūma nayauxgūāxūcēx i ngēma dīēru i ngema naxcēx changexū!

³² Rū ngēmaācū ngēxguma Tupana naxwēxegu, rū taāēācūma petanūwa tá changu, na wūxigu pemaā chataāēxūcēx.

³³ Rū chanaxwēxe na pemaā inaxāūxū ya Tupana ya tūxū taāēxēēcū. Rū ngēmaācū yīi.

16

Pauru rū nūxū narūmoxē ga yema duūxūgū ga yaxōgūxū ga Dumawa yexmagūxū

¹ Rū űuxma na petanūwa naxūxchaūxū i taeyēx i Febe, rū pemaā ngīxū chixu rū wūxi i taeyēx i mecū iyixī. Erū ngīma rū nūxū irūngūxēē i ngēma yaxōgūxū i Chēcreaarū íānewa ngēxmagūxū.

² Rū chanaxwēxe i meā ngīxū peyaxu, naegagu ya tórū Cori ya Ngechuchu, erū ngēma nixī i mexū na penaxūxū namaā i guxūma i yaxōgūxū. Rū chanaxwēxe i guxūma i tacū i ngīxū taxuxūwa rū ngīxū perūngūxēē, erū ngīma rū poraācū togūxū irūngūxēē, rū choxū rū ta irūngūxēē.

³ ¡Rū nūxū perūmoxēgū i Prisila rū Aquiru! Rū nūmagū rū chomūcūgū nixīgū i Ngechuchu ya Cristuarū puracūwa.

⁴ Rū nūmagū rū āucūmaxūwa nichocu na chauétūwa nachogūexūcēx, na tama chayuxūcēx ga chomax. Rū ngēmacēx moxē nūxna chaxā. Rū tama chaxicatama moxē naxcēx nūxna chaxā, natūrū moxē nūxna naxāgū ta i guxūma i taeneēgū i yaxōgūxū i tama Yudiugū ixīgūxū.

⁵ ¡Rū nūxū perūmoxēgū ta i guxūma i taeneēgū i Aquirupatawa ngutaquēxegūxū! ¡Rū ngēxgumarūū ta nūxū perūmoxēgū ya chomūcū ya nūxū changechaūcū ya Epenétu! Rū nūma nixī ga nūxīra Cristuaxū yaxōxū ga Áchiaanewa.

⁶ ¡Rū ngīxū perūmoxēgū i María ga poraācū petanūwa Tupanaāxū puracūcū!

⁷ ¡Rū nūxū perūmoxēgū i chautanūxūgū i Aūdruñicu rū Yūniā ga wūxigu chomaā poxcuexū! Rū nūmagū nixī i yatūgū i aixcūma Tupana imugūxū

i guxūma i yaxōgūxū nūxū ngechaūgūxū. Rū nūmagū rū nūxīra chauxūpa Cristuaxū nayaxōgū.

⁸ ;Rū nūxū perūmoxēgū ya Aūpriātu ya chomūcū ya nūxū changechaūcū ya chauxrūū tōrū Coriaxū yaxōcū!

⁹ ;Rū nūxū perūmoxēgū ya Urubānu ya tomūcū ixīcū i Cristuarū puracūwa! ;Rū ngēxgumarūū ta nūxū perūmoxēgū ya Estaqui ya nūxū changechaūcū!

¹⁰ ;Rū nūxū perūmoxēgū ya Apere ya aixcūma tūxū nūxū dauxēēcū na űuxācū Cristuaxū yaxōōxū! ;Rū ngēxgumarūū ta nūxū perūmoxēgū i Ar-itūburutanūxūgū!

¹¹ ;Rū nūxū perūmoxēgū i chautanūxū i Erudiū! ;Rū ngēxgumarūū ta nūxū perūmoxēgū i Narsīchutanūxū i tōrū Coriaxū yaxōgūxū!

¹² ;Rū ngīxū perūmoxēgū i Trifena rū Trifocha! Rū ngīmagū rū tōrū Coriaxū ipuracūe. ;Rū ngēxgumarūū ta ngīxū perūmoxēgū i taeyèx i Péchida i ngīxū ingechaūgūcū! Rū ngīma rū marū poraācū tōrū Coriaxū ipuracū.

¹³ ;Rū nūxū perūmoxēgū ya Rufu ya aixcūma meā tōrū Coriaxū yaxōcū! ;Rū ngēxgumarūū ta ngīxū perūmoxēgū i naē ga chauerūū chomaā ixīcū!

¹⁴ ;Rū nūxū perūmoxēgū i Achīcritu, rū Peregūte, rū Erme, rū Patroba, rū Erma, rū guxūma i togū i taeneēgū i natanūwa ngēxmagūxū!

¹⁵ ;Rū nūxū perūmoxēgū ta i Firōrugu, rū Yúria, rū Neréu, rū naēyèx, rū Oripa, rū guxūma i togū i taeneēgū i yaxōgūxū i natanūwa ngēxmagūxū!

¹⁶ Rū chanaxwèxe i pegū pengechaūgūācūma pegū perūmoxēgū i wūxichigū. Rū guxūma i ngēma yaxōgūxū i toxnamana ngēxmagūxū, rū pegū narūmoxēgū.

¹⁷ Pa Chaueneēgūx, pexū chacèexū na pegūna pedaugūxūcèx nūxna i ngēma duūxūgū i pexū itoyechaūxū rū chixexūgu pexū yixēēgūchaūxū. Erū ngēma duūxūgūarū nguxēētae rū tama namaā nawūxigu i ngēma nguxēētae ga noxri peyaxūgūxū ga yexguma noxri peyaxōgūgu. Rū name nixī i noxtacūma nūxna pixīgachi i ngēma duūxūgū rū tama natanūgu pexāgū.

¹⁸ Erū ngēma duūxūgū rū tama tōrū Cori ya Ngechuchu ya Cristuarū ngūchaū naxūgū, natūrū noxrūtama ngūchaū nixī i naxūgūxū. Rū ore i tauxchaxūgūmaā nayaxucuxēgū i duūxūgū, rū ngēmaācū nanawomūxēēgū i ngēma duūxūgū i tama meā nūxū cuēxgūxū.

¹⁹ Rū guxūma i duūxūgū nūxū nacuēxgū na aixcūma meā Tupanaga pexīnūēxū i pemax. Rū ngēmacèx pemaā chataāē i chomax. Rū chanaxwèxe na meā nūxū pecuāxū i űacū nixī i mexū i Tupanapēxewa na penaxūxūcèx i ngēma. Natūrū ngēma Tupanapēxewa chixexū, rū ;nūxna pixīgachi na tama naga peyixūcèx!

²⁰ Rū ngēxguma ngēmaācū meā pemaxēgu rū nūma ya Tanatū ya Tupana ya tūxū taāēxēēcū rū tá pexū naporaexēē na aixcūma nūxū perūyexeraxūcèx i Chataná. Rū chanaxwèxe i tōrū Cori ya Ngechuchu ya Cristu pemaā inarūxāūx rū pexū narūngūxēē.

²¹ Rū pexū narūmoxē ya Timutéu ya chomūcū ixīcū i Tupanaārū puracūwa. Rū ngēxgumarūū ta pexū narūmoxēgū i chautanūxūgū i Dúchiu, rū Yachóū rū Sochīpatru.

²² Rū choma i Téchiu na chanaxūmatūxū i űaā popera, rū choma rū ta pexū charūmoxē naegagu ya tōrū Cori.

²³ Rū pexū narūmoxē ta ya Gayu ya napatawa changēxmacū. Rū nūma rū inanaxā ya daa napata na nawa nangutaquēxegūxūcèx i guxūma i yaxōgūxū.

Rü ngëxgumarüü ta pexü narümoxëgü i Eratu i daa ããneärü dïëruarü dauruü ixïxü, rü taeneë i Cuartu.

²⁴ Rü chanaxwëxe i tóru Cori ya Ngechuchu ya Cristu pexü narüngüxëë i guxãma i pemax. Rü ngëmaäcü yï.

Pauru rü Tupanaxü yacuëxüüãcüma nanagüxëë i norü popera

²⁵⁻²⁶ ;Rü ñuxmax, rü ngïã nüxü ticuëxüügü ya Tanatü ya Tupana! Rü nüma nüxü nangëxma i pora na pexü naporaexëëxüçëx na meã peyaxögüamaxüçëx i ngëma norü ore i tüxü maxëxëëxü tamaã nüxü ixuxürüü. Rü ngëma nixï i ore i guxüwama nüxü chixuxü rü namaã changüexëëtaexü i Ngechuchu ya Cristuchiga. Rü ngëmatama ore i Cristuchiga rü taxchaxwa naxëxügu ga noxrix, natürü i ñuxma ya Tupana rü marü tüxü nüxü nacuëxëë i ngëma. Rü nuxcüma tauta naãne üxgu rü Tupanaxïcatama nüxü nacuëx ga yema, natürü i ñuxma rü norü orearü uruügü ümatüxü ga orewa taxcëx nanangoxëë. Rü ngëma ore rü namaã nawüxigu ga yema ore ga nuxcüma nüxü yaxuxü ga Tupana ya guxüguma maxëchacü. Rü ñuxma ya Tupana rü guxüwama nanamugü i norü orearü uruügü na guxü i duüxügümaã nüxü na yaxugüexüçëx i ngëma ore i Cristuchiga na nüxü yaxögüãxüçëx rü naga na naxïnüëxüçëx.

²⁷ Rü nüma ya Tupana rü nüxïcatama nixï i Tupana yïxü, rü nüxïcatama nixï i guxüxü nacuáxü. ;Rü ñuxmax, rü ngïã guxüguma nüxü ticuëxüügü, erü Nane ya Ngechuchu ya Cristu rü poraäcü tüxü narüngüxëë! Rü ngëmaäcü yï.

Rü nuãma pexna,
Pauru

NŪXĪRAŪXŪ GA POPERA GA CORŪTIUCŪĀX GA YAXŌGŪXŪTANŪWA NAMUXŪ GA PAURU

Pauru rü nüxĭl narümoxē ga yema yaxōgüxĭl ga Corŭtiuarü ĩānewa yexmagüxĭl

¹⁻² Pa Chaueneēgü i Corŭtiucŭāxgüx, choma i Pauru nixĭ i Tupana yaxuxŭ norü ngüchaxŭmaā na Ngechuchu ya Cristu norü puracŭwa choxŭ namuxŭcēx. Rü choma rü namaā i taeneē i Chótene nixĭ i pexŭ tarümōxēgüxŭ rü pexcēx tanaxŭmatŭxŭ i űāā popera. Pa Chaueneēgü ya Tupanaārü Ixĭgüxex, pema rü marü Tupanapēxewa pixüüne yerü Ngechuchu ya Cristu marü pexŭ nixüünexēē. Rü Tupana rü marü pexŭ nade na norü duŭxŭgü pixĭgüxŭcēx wüxigu namaā i guxŭma i ngēma duŭxŭgü i guxŭwama tórü Cori ya Ngechuchu ya Cristuxŭ icuēxŭügüxŭ. Rü nüma ya Ngechuchu ya tórü Cori ixĭcŭ, rü ngēma duŭxŭgüarü Cori ta nixĭ.

³ Rü chanaxwēxe ya Tanatü ya Tupana rü tórü Cori ya Ngechuchu ya Cristu norü ngechaxŭgagu poraācŭ pexŭ narüngŭxēē rü pexŭ nataāēxēē.

Tupana tŭxĭl narüngŭxēē erü Cristuarü duŭxŭgü tixĭgü

⁴ Rü taguma nüxŭ charŭchau na Tupanana moxē pexcēx chaxāxŭ. Rü moxē nüxna chaxā naxcēx i ngema ngŭxēē i Ngechuchu ya Cristugagu Tupana pexna āmarexŭ.

⁵ Yerü Cristugagu Tupana pexna nanamu ga Naāxē i Üünexŭ na pemaxā inaxāŭxŭcēx. Rü pexna nanaxā ga norü ore, rü naétü pexŭ nanatauxchaxēē na nüxŭ pecuāxŭcēx na űuxŭ űaxŭchiga yixĭxŭ.

⁶ Rü yemaācŭ yexguma nüxŭ pexĭnŭēgu ga yema ore ga Cristuchiga rü aixcŭma peyaxōgŭ.

⁷ Rü ngēmacēx i űuxma na ĩpenanguxēēxŭ na wena táxarü núma naxŭxŭ ya tórü Cori ya Ngechuchu ya Cristu, rü Tupana pexna nanaxā i taxŭ i cuēx na taxuŭma pexŭ taxuxŭcēx na naxcēx pemaxēxŭ.

⁸ Rü ngēmaācŭ tá pexna nadau ya Tupana űuxmatáta nagü i naāne, rü guxŭgutáma pexŭ naporaexēē na aixcŭma peyaxōgŭamaxŭcēx rü naxcēx pemaxēxŭcēx, na taxuēma chixexŭmaā pexŭ ixugŭxŭcēx i ngēxguma wenaxārü núma naxŭxgu ya tórü Cori ya Ngechuchu ya Cristu.

⁹ Rü Tupana rü guxŭguma nayanguxēē i norü uneta. Rü nüma nixĭ ga pexŭ nadexŭ na aixcŭma Nane ya tórü Cori ya Ngechuchu ya Cristumŭcŭgü pixĭgüxŭcēx.

Nügü nitoye ga yema yaxōgüxĭl

¹⁰ Pa Chaueneēgüx, tórü Cori ya Ngechuchu ya Cristuégagu pexŭ chacēēxŭ na wüxigu pegümaā perŭxĭnŭēxŭ rü tama pegü pitoyexŭcēx. Rü name nixĭ i aixcŭma pegü pengechaŭgü rü aixcŭma wüxigutama perŭxĭnŭē i peāēwa.

¹¹ Pa Chaueneēgüx, pemaā nüxŭ chixu i ngēma ore, yerü Croétanŭxŭtanŭwa nüxŭ chacuāchiga ga pegümaā na penuēxŭ, rü tama aixcŭma wüxigu na perŭxĭnŭēxŭ.

¹² Rü pemaā nüxŭ chixu i ngēma erü űuxre i pema rü űaperŭgŭgü:

“Choma rü Pauruwe charŭxŭ”, űaperŭgŭgü. Rü togue rü:

“Choma rü Aporuwe charŭxŭ”, űaperŭgŭgü. Rü togue rü:

“Choma rŭ Pedruwe charŭxŭ”, ņaperŭgŭgŭ. Rŭ togue rŭ:

“Choma rŭ Cristuwe charŭxŭ”, ņaperŭgŭgŭ.

¹³ ¿Rŭ ņuxăcŭ nixŭ i ngĕma? ¿Pexcĕx rŭ Cristu rŭ marŭ niyauxye? ¿Ēxna pema nŭxŭ pecuĕxgu rŭ choma i Pauru chŭixŭ ga curuchawa pexcĕx chipotaxŭ rŭ chayuxŭ? ¿Rŭ ĕxna pema nŭxŭ pecuĕxgu rŭ chauĕgagu yŭixŭ ga ŭpebaiŭxŭ?

¹⁴ Rŭ Tupanana moxĕ chaxă, yerŭ taxŭema pexŭ ŭchabaiŭxĕĕ ga pemax. Rŭ Crispu rŭ Gayuxicatama nixŭ ga ŭchabaiŭxĕĕxŭ.

¹⁵ Rŭ ngĕmacĕx taxucŭrŭwa texĕ tŭgŭ tixu na chauĕgagu ŭtabaixŭ.

¹⁶ Rŭ yemăăcŭ aixcŭma ŭchanabaiŭxĕĕ ga Estĕfanatanŭxŭgŭ ta, natŭrŭ chauxcĕx rŭ taxŭema ga togue tŭxŭ ŭchabaiŭxĕĕ.

¹⁷ Yerŭ nŭma ga Cristu rŭ tama choxŭ namu ga duŭxŭgŭxŭ na ŭchabaiŭxĕĕxŭcĕx, natŭrŭ choxŭ namu na duŭxŭgŭmaă nŭxŭ chixuxŭcĕx i norŭ ore i mexŭ i tŭxŭ maxĕxĕĕxŭ. Rŭ nanaxwĕxe i tauxchaxŭ i oremaă nŭxŭ chixu i ngĕma ore. Erŭ ngĕxguma chi ņoma nŭxŭ cuĕxŭchixŭrŭ ŭxŭ chixuxgu i ngĕma ore, rŭ ngŭrŭăchi i duŭxŭgŭ rŭ tă chauguama narŭxŭnŭĕ rŭ tă nŭxŭ inayarŭngŭmaĕ na Cristu yŭixŭ ga tŭxŭ maxĕxĕĕcŭ ga yexguma curuchagu nayŭxgux.

Cristuwa nixŭ ga Tupana inawĕxŭ ga norŭ pora rŭ norŭ cuĕx

¹⁸ Rŭ ngĕma ore na ņuxăcŭ tŭrŭ pecaducĕx curuchagu nayuxŭ ga Cristu, rŭ wŭxi i natŭcĕxmamare nixŭ naxcĕx i ngĕma duŭxŭgŭ i poxcuwa ŭxŭ. Natŭrŭ yixema na Tupana tŭxŭ maxĕxĕĕxŭ, rŭ nŭxŭ tacuĕx na ngĕma ore rŭ Tupanaărŭ pora yŭixŭ.

¹⁹ Erŭ norŭ ore i ŭmatŭxŭtwa rŭ ņanagŭrŭ ga Tupana:

“Rŭ tă ichayanaxoxĕĕ i guxŭma i norŭ cuĕx i ngĕma duŭxŭgŭ i nŭxŭ cuĕxŭchigŭxŭ. Rŭ tă nŭxŭ chaxo i ngĕma duŭxŭgŭarŭ cuĕx”, ņanagŭrŭ.

²⁰ Rŭ ņuxmax, Pa Chaueneĕgŭx, ¿Tupanapĕxewa rŭ tacŭwa namexŭ i ngĕma duŭxŭgŭ i poraăcŭ nŭxŭ cuĕxŭchixŭ? ¿Rŭ tacŭwa namexŭ i ngĕma duŭxŭgŭ i Moŭchĕ ŭmatŭxŭ i mugŭwa ngŭxĕĕtaegŭxŭ? ¿Rŭ tacŭwa namexŭ i ngĕma duŭxŭgŭ i meă nŭxŭ cuĕxgŭxŭ i ņoma i naăneărŭ cuăchigagu na yadexagŭxŭ? Erŭ guxŭma i ngĕma cuĕx i duŭxŭgŭ nagu rŭxŭnŭĕxŭ rŭ Tupanacĕx rŭ taxuwama name.

²¹ Natŭrŭ nŭma ya Tupana ya guxŭxŭma cuăcŭ, rŭ tama nanaxwĕxe na ņoma i naănecŭăx i duŭxŭgŭarŭ cuăgagu na yŭixŭ i naxŭtawa nangugŭxŭ i nŭmagŭ. Natŭrŭ nanaxwĕxe na ngĕma norŭ ore i mexŭgagu na yŭixŭ i namaxĕxĕĕăxŭ i ngĕma duŭxŭgŭ i yaxŭgŭxŭ woo togŭcĕx rŭ natŭcĕxmamare yixŭgu i ngĕma ore.

²² Ngĕma Yudiŭgŭ rŭ nŭxŭ nadaugŭchaŭ i cuĕxrŭŭgŭ i Tupanaărŭ poramaă ŭxŭ. Rŭ ngĕma Griĕgŭgŭ rŭ naxcĕx nadaugŭ i ņoma i naăneărŭ cuĕx.

²³ Natŭrŭ ngĕma ore i toma nŭxŭ tixuxŭ, rŭ Cristu ga curuchawa ipotacŭchiga nixŭ. Rŭ ngĕma ore rŭ naăĕwa nangux i ngĕma Yudiŭgŭ. Rŭ ngĕma duŭxŭgŭ i tama Yudiŭgŭ ixŭgŭxŭcĕx rŭ wŭxi i natŭcĕxmamare nixŭ.

²⁴ Natŭrŭ ngĕma duŭxŭgŭ i Tupana dexŭ i Yudiŭgŭ rŭ ĕxna tama Yudiŭgŭ ixŭgŭxŭ rŭ ngĕma duŭxŭgŭcĕx Tupana inanawĕx i norŭ pora rŭ norŭ cuĕx ga yexguma pecaducĕx nayŭxgu ga Cristu.

²⁵ Rŭ yema Tupana ŭxŭ ga yexguma nayŭxgu ga Cristu rŭ muxŭma i duŭxŭgŭcĕx rŭ wŭxi i ngĕăĕmare nixŭ. Natŭrŭ ngĕma Tupana nagu rŭxŭnŭxŭ rŭ guxŭma i ņoma i naănecŭăx i duŭxŭgŭarŭ cuĕxarŭ yexera nixŭ. Rŭ

yexguma curuchagu nayuxgu ga Cristu rŭ muxŭma ga duŭxŭgŭcèx rŭ natura ga Tupana ga yexguma. Natŭrŭ yexguma nixŭ ga inawèaxŭ ga ñuxácŭ guxŭ i duŭxŭgŭarŭ yexera na naporaxŭchixŭ.

²⁶ Pa Chaueneègŭx, name nixŭ i nagu perŭxŭnŭè na ñuxácŭ Tupana pexŭ dexŭ na norŭ duŭxŭgŭ pixŭgŭxŭcèx. Rŭ noxretama pixŭgŭ na nŭxŭ pecuèxŭchixŭ ega duŭxŭgŭ pexŭ ngugŭgu, rŭ noxretama pixŭgŭ na àèxgacŭgŭ pixŭgŭxŭ, rŭ noxretama pixŭgŭ i ngèma itaarŭ dŭèruaxŭtanŭxŭ pixŭgŭxŭ. Natŭrŭ woo ngèma na pixŭgŭgu rŭ Tupana rŭ pexŭ nade na norŭ duŭxŭgŭ pixŭgŭxŭcèx.

²⁷ Rŭ Tupana nanade ga yema duŭxŭgŭ ga togŭ ga duŭxŭgŭ nŭxŭ ixuxgu rŭ taxuŭma icuáxŭ. Rŭ yemaácŭ nanaxŭ ga Tupana na naxàneèxèèxŭcèx i ngèma duŭxŭgŭ i nŭxŭ icuèxŭchixŭ. Rŭ Tupana nanade ga yema duŭxŭgŭ ga togŭ nŭxŭ ixuxgu rŭ turaexŭ. Rŭ yemaácŭ nanaxŭ ga Tupana na naxàneèxèèxŭcèx i ngèma duŭxŭgŭ i poraexŭ.

²⁸ Rŭ Tupana nanade ga yema duŭxŭgŭ ga togŭ nŭxŭ oexŭ, rŭ ñoma i naànewa taxuŭma ixŭgŭxŭ. Rŭ yemaácŭ Tupana nanaxàneèxèè i ngèma duŭxŭgŭ i ñoma i naanewa norŭ ngemaxŭgŭmaà nŭgŭ icuèxŭgŭxŭ.

²⁹ Rŭ ngèmacèx taxucŭrŭwama texè tŭgŭ ticuèxŭi i Tupanapèxewa.

³⁰ Rŭ nŭmatama ga Tupana nixŭ ga Ngechuchu ya Cristuarŭ duŭxŭgŭxŭ pexŭ yaxŭgŭxèèxŭ. Rŭ tatanŭwa nanamu ga Cristu na nŭma tŭxna naxàaxŭcèx i cuèx i aixcŭma ixŭxŭ, rŭ pecaduwa tŭxŭ ínanguxŭxèèxŭcèx. Rŭ nŭma ya Cristu nixŭ i tŭxŭ namaxèxèèxŭ rŭ tŭxŭ yamexèègŭxŭ na aixcŭma ixŭŭnexŭcèx napèxewa ya Tupana.

³¹ Rŭ ngèmacèx i Tupanaarŭ ore i ũmatŭxŭwa rŭ ñanagŭrŭ:

“Rŭ ngèxguma texè tŭgŭ icuèxŭŭchaŭgu rŭ name nixŭ i tŭrŭ Corixŭ ticuèxŭi”, ñanagŭrŭ.

2

Cristu ga curuchawa ipotacŭchiga

¹ Pa Chaueneègŭx, yexguma noxri petanŭwa chaxŭxgu na pemaã nŭxŭ chixuxŭcèx ga Tupanaarŭ ore i aixcŭma ixŭxŭ i Cristuchiga, rŭ tama ñoma nŭxŭ cuèxŭchixŭrŭŭácŭma pemaã chidexa, rŭ tama ore ga guxchaxŭmaã nixŭ ga pemaã nŭxŭ chixuxŭ.

² Yerŭ yexguma petanŭwa chayexmagu, rŭ Cristuchigaxŭxŭcatama nixŭ ga pemaã chixuxŭ. Rŭ taxuŭma ga tacŭ ga togu charŭxŭnŭ. Rŭ yemaácŭ Ngechuchu ya Cristu ga curuchawa ipotacŭguxŭcatama nixŭ ga charŭxŭnŭxŭ.

³ Rŭ yexguma petanŭwa changuxgu rŭ nŭxŭ chadau ga taxŭ ga guxchaxŭgŭ ga petanŭwa, rŭ yemacèx poraácŭ chaxoegaãè rŭ Tupanapewa chorŭ muŭmaã chidurux.

⁴ Rŭ yexguma pemaã chideaxgu rŭ pemaã nŭxŭ chixuxgu ga Tupanaarŭ ore, rŭ tama ñoma nŭxŭ cuèxŭchixŭrŭŭácŭma pemaã nŭxŭ chixu na yemaácŭ pexŭ chanangŭchaŭxèèxŭ na peyaxŭgŭxŭcèx. Natŭrŭ Tupanaãè i Ũnexŭarŭ ngŭxèèma rŭ Tupanaarŭ poramaã nixŭ ga pexŭ chanangŭchaŭxèèxŭ.

⁵ Rŭ yemaácŭ Tupanaarŭ poramaã pemaã nŭxŭ chixu ga yema ore na Tupanagagu yŭxŭ na nŭxŭ peyaxŭgŭxŭ, rŭ tama ñoma i naàneçŭāx i duŭxŭgŭarŭ cuágagu na yŭxŭ.

Tupana rŭ Naãè i Ũnexŭwa nŭgŭ tŭxŭ nacuèxèè

⁶ Natŭrŭ pemaã nŭxŭ chixu, rŭ ngèxguma natanŭwa changèxmagu i ngèma duŭxŭgŭ i marŭ meãma yaxŭgŭxŭ, rŭ ngèxguma nixŭ i chanangŭxèèxŭ i ngèma aixcŭma Tupanaarŭ cuèx i ũnexŭ. Natŭrŭ ngèma cuèx rŭ tama ñoma

i naānewa ne naxū, rü bai i ñoma i naāneārū ãēxgacügü i paxa tá iyarūxoxūwa ne naxū.

⁷ Natürü ngēma cuèx rü Tupanawa nixī i ne naxūxū. Rü ngēma cuèx nixī ga noxri tauta naāne ūxgu Tupanaxīcatama nūxū cuáxū ga na ñuxácū tá tūxna naxāāxū i maxū i taguma gūxū.

⁸ Natürü yema Tupana nagu rüxīnūxū, rü taxuūma ga ñoma ga naānecūāx ga ãēxgacū nūxū nacuèx. Yerü yexguma chi aixcūma nūxū nacuèxgūgu ga yema Tupana nagu rüxīnūxū rü tāū chima curuchawa nayapotagū ga guma mecū ya tórū Cori.

⁹ Rü ngemachiga nixī i Tupanaārū ore i ūmatūxūwa i ñaxū:

“Rü ngēma duūxūgū i Tupanaxū ngechaūgūxūcèx, rü nūma nanamexēē i tacū i taxúema nūxū dauxū, rü taguma texé nūxū ĩnūxū, rü bai i texé nagu rüxīnūxū”,

ñaxū.

¹⁰ Rü ngēma Tupana mexēēxū naxcèx i ngēma duūxūgū i nūxū ngechaūgūxū, rü ñuxma rü tūxū nūxū nacuèxēē i ngēma, yerü nūma nanamu ga Naāē i Ūūnexū na taxcèx nangoxēēāxūcèx. Rü ngēma Naāē i Ūūnexū rü guxūxūma nacuèx, rü èjxrūxū i ngēma Tupanaxīcatama nūxū cuáxū rü ta nūxū nacuèx.

¹¹ Rü duūxūgūtanūwa rü ¿texé nūxū tacuèx na tacūgu naxīnūxū i wūxi ya yatū? Rü naāēxīcatama nixī i nūxū cuáxū i ngēma nagu naxīnūxū i ngēma yatū. Rü ngēxgumarūū ta Tupanaāē i Ūūnexūxīcatama nixī i nūxū cuáxū na tacūgu naxīnūxū ya Tupana.

¹² Rü yixema rü tama ñoma i naānecūāx i naāē nixī ga iyauxgūxū. Natürü tanayauxgū i ngema Naāē i Ūūnexū ga Tupana taxcèx nūma muxū na aixcūma nūxū icuáxūcèx i guxūma i ngēma mexūgū ga Tupana norū ngechaūmaā tūxna āmarexū.

¹³ Rü ñuxma na pemaā nūxū tixuxū i ngēmachiga, rü Tupanaāē i Ūūnexū toxna āxū i oremaā nixī i pemaā nūxū tixuxū. Rü tama ore i torū cuèxwa tayaxuxūmaā nixī i pemaā nūxū tixuxū. Rü ngēmaācū nūxū tixu i Tupanaāē i Ūūnexūārū ore namaā i ngēma duūxūgū i aixcūma Tupanaāē nawa ngēmagūxū.

¹⁴ Rü texé ya tama Tupanaāē i Ūūnexū tūmawa ngēxmaxē, rü taxucūrūwa tanayaxu i ngēma Tupanaāē i Ūūnexū tūxū nguxēēxū, erū tūmacèx ya yixema duūxē rü natūcèxmamare nixī. Rü tama nūxū tacuèxéga erū yixema Tupanaāē i Ūūnexū tūmawa ngēxmaxēxīcatama tixī ya nūxū cuáxe na tanangugūxū na ñuxū ñaxūchiga yīxū i ngēma Tupanaāē i Ūūnexū tūxū nguxēēxū.

¹⁵ Rü yixema duūxē ya Tupanaāē i Ūūnexū tūmawa ngēxmaxē, rü meā tanangugū i guxūma. Natürü ngēma togū i duūxūgū i tama Tupanaxū cuèxgūxū, rü taxucūrūwama tūmaārū maxūxū nangugū ya yixema duūxē ya aixcūma Tupanaāē tūmawa ngēxmaxē.

¹⁶ Erū Tupanaārū ore i ūmatūxūwa rü ñanagūrū:

“¿Texé nūxū tacuèx na tacūgu naxīnūxū ya tórū Cori? ¿Rü texé nūxū tacuèx na Tupanaxū taxucūxēxū?”

ñanagūrū. Natürü yixema nixī i aixcūma nūxū icuáxū i ngēma Cristu nagu rüxīnūxū.

3

1 Pa Chaueneēgūx, yexguma noxri petanūwa changuxgu, rū taxucūrūwa ngēma duūxūgū i Tupanaāē nawa ngēxmaūmaā chidexaxūrūūācū pemaā chidexa. Natūrū űoma i naānecūāx i tama Tupanaxū cuēxgūxūmaā chideaxgurūū nixī ga pemaā chidexaxū. Yerū pema rū yexwacēx, peyaxōgū ga yexguma, rū yemacēx yexwacēx yaxōgūxūmaā chideaxūrūūācū pemaā nūxū chixu ga Cristuchiga.

2-3 Rū tauxchaxū ga oremaā pexū changūexēē, ngēxgumarūū i wūxi i ōxchana ega noxri nabuxgu rū naēgūnenixū ya tauxchaācū yaxaxūne nūxna taxā. Rū yemaācū tauxchaxū ga oremaā pemaā nūxū chixu ga Tupanaārū ore ga noxrix, yerū taxucūrūwa nūxū pecuēxēga ga Tupanaārū ore ga guxchaxū. Rū űuxma rū ta tama nūxū pecuēxēga i Tupanaārū ore i guxchaxū, erū űoma tama yaxōgūxū i duūxūgūrūūtama pemaxē. Rū dūcax, ngēxguma űuxma rū ta pixāūxāchiwēxegu rū pegūmaā penuēgu, rū ngēmawa nangox na ngēma tama yaxōgūxūrūūācūtama nagu perūxīnūēxū rū űoma i naānecūāxūrūūācūtama na pemaxēxū.

4 Rū ngēxguma petanūwa wūxie űāgūgu rū:

“Choma rū Pauruwe charūxū”, űāgūgu, rū toge rū:

“Choma rū Aporuwe charūxū”, űāgūgu, rū ngēmawa nūxū tacuēx na ngēma duūxūgū i tama yaxōgūxūrūūācūma na pemaxēxū.

5 Rū ngēxguma meā nagu rūxīnūēgu, űrū űacū chixī i choma i Paurux? rū űtacū nixī i nūma i Aporux? Toma rū Tupanaārū duūxūgūmare tixīgū, rū togagu nixī ga nūxū peyaxōgūxū ga tōrū Cori ya Ngechuchu. Rū wūxichigū ga toma rū tanaxū ga yema puracū ga tōrū Cori toxna āxū.

6 Rū chauxūtawa nixī ga nūxū pexīnūēxū rū peyaxōgūxū ga Tupanaārū ore ga noxrix. Rū Aporu nixī ga pexū rūngūxēēcū na yexeraācū meā peyaxōgūxū ga yema ore. Natūrū Tupana nixī ga pexū maxēxēēcū.

7 Rū ngēmacēx woo yīxema tūxira duūxūgūmaā nūxū ixuxe i Tupanaārū ore rū woo yīxema wixwena yexeraācū duūxūgūxū ngūexēxē, rū taxuūma tixīgū. Natūrū Tupana nixī ya guxūma űcū, erū nūma nixī i duūxūgūxū namaxēxēēxū.

8 Rū ngēmaācū ya yīxema tūxira duūxūgūmaā nūxū ixuxe i Tupanaārū ore, rū yīxema wixwena yexeraācū duūxūgūxū ngūexēxē rū tawūxigumare i ngēma puracūwa. Natūrū Tupana rū tá tūxū nanaxūtanū i tūmaārū puracū ya wūxichigū ngēxgumarūū na űuxācū tanaxūxū i ngema puracū..

9 Rū ngēmaācū i toma rū wūxigu Tupanaāxū tapuracūe. Rū ngēmaācū nixī i perū maxūwa napuracūxū ya Tupana na nūma nanaxwēxexūācūma pixīgūxūcēx.

10 Rū choma nixī ga Tupana choxū muxū na chaxira pemaā nūxū chixuxūcēx ga Cristuchiga. Rū togū nixī ga chowena yexeraācū pexū ngūexēēxū. Natūrū guxāma ya texē ya naxūxe i űāā puracū rū name nixī i taxuāē na meā tanaxūxūcēx.

11 Rū űāā puracū rū Ngechuchu ya Cristuwa nixī ga inaxūgūxū, rū ngēmacēx taxucūrūwama texē tayangucuchixēē i to i tūxū maxēxēēxū.

12 Rū űuxma na norū puracū ixūxū i wūxichigū i yixema, rū tanaxwēxe i taxuāē na aixcūma meā naxūxū i ngēma. Erū yīxema aixcūma meā naxūxe i norū puracū, rū űoma wūxi i űpataarū űruū i űurūmū rū dīerumū rū nuta i mexēchixūmaā űpataxūrūū tixī. Natūrū yīxema tama aixcūma meā naxūxe i ngēma Cristuarū puracū rū űoma űpataarū űruū i chixexū i naī rū naīxātū rū dexnemenēxāmaremaā űpataxūrūū tixī.

¹³ Natürü ngëxguma naguxgu i naãne, rü tá nangox na ñuxãcü naxüãxü i Tupanaärü puracü i wüxichigü i duüxü. Erü ngëma ngunexügu rü tá nangëxma ya üxü ya taxüchine. Rü ñoma tacü üxüwa iguxürüü tá nixi i Tupana nüxü na üxü i wüxichigü i duüxüärü puracü na nüxü nacuáxcèx ngoxi aixcüma name rü êxna tama.

¹⁴ Rü yixema aixcüma meã naxüxe i Cristuarü puracü, rü yima ïpata ya taixüne ya tama üxümaã ixaxünerüü tá nixi i ngëma tümaärü puracü. Rü tá Tupanaxütawa tanayaxu i tümaärü natanü naxcèx i ngëma taxüxü.

¹⁵ Natürü yixema tama aixcüma meã naxüxe i ngëma puracü, rü yima ïpata ya tama taixüne ya üxümaã ixaxünerüü tá nixi i ngëma tümaärü puracü. Rü tá ngëxma inayarüxomare i guxüma i ngëma taxüxü. Rü tüxicatama täütáma tixa ñoma wüxi i duüxü i üxüemawa iyagoxürüü.

¹⁶ ¿Tama êxna nüxü pecuèx i pema rü Tupanapata na pixigüxü, rü ngema Naãe ya Tupana rü pewa na namaxüxü?

¹⁷ Rü ngëxguma texé pexü chixetanüxëëgu, rü Tupana tá tüxü napoxcu, erü Tupanapata ya nawa namaxüne rü naxüüne. Rü pematama nixi ya yima Tupanapata na pixigüxü.

¹⁸ Tama name i texé tügütama tawomüxëë. Rü ngëxguma petanüwa texé tügügu rüxñügu na wüxi i duüxü i nüxü cuáxe na tiixü i ñoma i naãnewa, rü name nixi i ñoma taxuüma tacuáxüüü tügü tixixëë. Rü ngëxguma tá nixi i wüxi i duüxü i aixcüma nüxü cuáxe tá tiixü.

¹⁹ Erü ñoma i naãneärü cuèx rü wüxi i ngëãemare nixi i Tupanacèx. Erü Tupanaärü ore i umatüxüwa rü ñanagürü:

“Rü ngëma duüxügü i nügügu rüxñüëxü na nüxü cuèxüchigüxü yixü, rü norü cuèxgutama ñanatüxëë ya Tupana”, ñanagürü.

²⁰ Rü toxnamana i Tupanaärü orewa rü ñanagürü ta:

“Tóru Cori ya Tupana rü nüxü nacuèx na taxuwama namexü i ngëma norü ñnü i ngëma duüxügü i ñoma i naanewa cuèxwa ngugüxü”, ñanagürü.

²¹ Rü ngëmacèx tama name i texé tügü ticuèxüxü ega duüxügüärü cuèxwamare tarüxüxgu.. Erü Tupana rü marü pexna nanaxã i guxüma na pexrü yixüxcèx.

²² Rü ngëmacèx i choma i Pauru, rü taeneë ya Aporu, rü taeneë ya Pedru, rü ñoma i naãne, rü torü maxü, rü torü yu, rü ñomatama i ngunexü, rü moxüärü ngunexü, rü guxüma i ngëma rü pexrü nixi.

²³ Rü pematama rü Cristuarü pixigü. Rü Cristu rü Tupanaärü nixi.

4

Yema ngüexügü ga Ngechuchu imugüxüärü puracüchiga

¹ Rü ngëmacèx tanaxwëxe i tomaã nagu perüxñüë na Cristuarü puracütanüxümare na tixigüxü. Rü nüma nixi i toxü namuxü na pexü tangüxëëxüxcèx ga yema ore ga noxri Tupanaxicatama nüxü cuáxü.

² Rü ngëxguma texé tacü rü puracü tüxna äxgu, rü name nixi i aixcüma tayangüxëë i ngëma puracü i tüxna taxãxü na ngëmaãcü itanawéxüxcèx na aixcüma wüxi i duüxü i mexü tixixü.

³ Rü ngëmacèx i ñuxma na meã chayangüxëëchaüxü i ngëma puracü i Tupana choxna äxü, rü taxucèxma chaugüxcèx chaxoegaãë ega woo choxna pecagu rü êxna tacü rü äëxgacügü choxna caxgu naxcèx i ngëma puracü i chaxüxü. Rü woo i chomatama rü taxuxüxcèxma íchicüèx na ngextá chixri chanaxüxü i ngëma puracü.

⁴ Natürü ñuxma na chomatama nagu charüxīnūxū na nataxuūma i chorū chixexū i Tupanapēxewa, rü tama ngēmacèx Tupana choxū nadau na changearū pecaduāxū. Erü nūmatama ya tórū Cori ya Tupana nixī i aixcūma choxū nacuaárū maxūāxū.

⁵ Rü ngēmacèx tama name na toxū pengugüarū maxūāxū naxūpa na nūma naxūxū ya tórū Cori. Natürü name nixī i nūxū ĩpenanguxēē, erü nūma tá nixī i nangoxēēāxū i guxūma i ngēma ñuxma icūxū rü guxūma i ngēma duūxūgū naāēwa nagu rüxīnūēxū. Rü ngēxguma tá nixī ya Tupana i tūmamaā nataāēxū ya wüxichigū ya yixema aixcūma mexū ũgūxe.

⁶ Pa Chaueneēgūx, perü mexūcèx nixī i pemaā nūxū tixuxū i ngēma ore na ngema Tupana naxwèxexūācūma pemaxēxū. Rü choma rü Aporu nixī i perü cuèxruūgū tixīgūxū na towa pengūexū na Tupanaārū ore pemaā nūxū ixuxūrūācū penaxūxū. Rü ngēmacèx tama name na wūxi i perü nguxēētaexūmaā petaāēgūxū rü to rü nūxū pexoexū.

⁷ Rü ñuxma rü pexna chaca, ¿rü texé tixī ya yixema pemaā nūxū ixuxe na togüarū yexera pexū ixīxēxē? ¿Erü guxūma i ngema cuèx i pexū ngēxmaxū rü Tupana pexna nanaxā? Rü ñuxma na nūma pexna naxāāxū i ngēma cuèx ¿rü tūxcūū pegū picuēxūūgū ñoma pematama perü poramaā penayaxuxūrūū?

⁸ Rü pegūgu perüxīnūēgu rü aixcūma marū meāma Tupanaxū picuēxūchi rü marū pexū nangēma i guxūma i tacū i penaxwèxexū na naxūtawa pengugūxūcèx. Rü pegūgu perüxīnūēgu rü ñoma āēxgacūgū i taxūrūū pixīgū rü taxuūma toxūtawa penaxwèxe i ñuxmax. ¡Chierū aixcūma Tupanapēxewa āēxgacūgū pixīgūgu na toma rü ta wūxigu pemaā āēxgacūgū na tixīgūxūcèx!

⁹ Rü toma na Ngechuchu toxū imugūxū, rü chauxcèx rü wixwe toxū nawogū ya Tupana. Rü ñoma poxcexū i yuewa ĩxūrūū tixīgū. Rü ñoma wūxi i tacū i nūxū nacugūexūrūū tixīgū i napēxewa i Tupanaārū orearū ngeruūgū i daxūcūāx, rü napēxewa i ñoma i naānecūāx i duūxūgū, rü napēxewa i guxūma i tacū i Tupana ũxū.

¹⁰ Rü ñuxma na Cristuwe tarūxīxū, rü ngēmacèx taxuūma icuāxū toxū nawogū i duūxūgū, natürü i pema rü pegūgu perüxīnūēgu rü guxūxūma pecuèx i Cristuchiga. Toma nūxū tacuèx na duūxūgūpēxewa taturaexū, natürü i pema rü pegūgu perüxīnūē na aixcūma peporaexū. Rü duūxūgū toxū naxo, natürü pexū nangechaūgū.

¹¹ Rü ñuxma rü ta tama inayacuèx na ngūxū tingegūxū, erü ñuxma rü ta taiya toxū nangux, rü titawae, rü tangexchiru. Rü duūxūgū rü chixri tomaā nachopetū, rü tangepata.

¹² Rü tipae na yetūcūrū toxmēxmaā tapuracūeechaxū. Rü duūxūgū rü tacū tomaā nixugūē, natürü i toma rü mexū i oremaā tanangāxūgū. Rü towe ningēxūtanū, natürü yaxna namaā taxīnūē.

¹³ Rü chixri tochiga nidexagū, natürü i toma rü meā nachiga tidexagū. Rü ñoma guxchirexū nadaugūxūrūū tomaā nixīgū, rü ñoma duūxūgū i taxuwama mexūācū toxū nixīxēē. Rü ñuxma rü ta ngemagutama tomaā naarūxīnūē.

¹⁴ Tama pexcèx chanaxūmatū i ñaā popera na pexū chaxānēēxēxūcèx. Natürü pexcèx chanaxūmatū na pexū chixucuxēgūxūcèx chauxacūgūxūchirūū, erü pexū changechaū.

¹⁵ Erü woo nangēxmagu i muxūma i perü nguxēēruūgū i Cristuchiga pexū ngūēxēxū, natürü chaxicatama nixī i penatū chiīxū ga Cristuxū na peyaxuxūwa. Yerü chauxūtawa nixī ga noxri ga penayaxuxū ga Ngechuchu ya Cristuarū ore i tūxū maxēxēēxū. Rü ngēmacèx chaxicatama nixī i penatū

chiixū i perū ōwa.

¹⁶ Rū ngēmacēx pexū chacèexū na chauxrūxū meā pemaxēxū.

¹⁷ Rū ngēmacēx pexūtawa chanamu ya Timutéu ya poraācū nūxū changechaūcū ya chaune ixiū i tórū Coriarū orewa. Rū nūma rū aixcūma meā nayanguxēē i guxūma i ngēma nagu chanamuxū. Rū nūma tá pexna nūxū nacuēxāchixēē na űuxācū Ngechuchu ya Cristu naxwēxexūācūma meā chamaxūxū rū chanangūxēēxū ga wema yaxōgūxū ga natanūgu chixūgūxū.

¹⁸ Rū űuxre i pemagū rū pegū picuēxūūgū, erū nagu perūxīnūē na tagutāma pexūtawa íchayadauxū.

¹⁹ Natūrū ngēxguma nanaxwēxegu ya tórū Cori, rū paxa tá ngēma chaxū na pexū íchayadauxūcēx. Rū ngēxguma rū tá chomaxūchi nūxū chadau ngoxi ngēma duūxūgū i nūgū icuēxūūgūxū nūxū nangēxma i Tupanaārū pora rū ēxna yadoragūmare.

²⁰ Erū Tupanaarū pora rū tama nūxū tixumare, natūrū nagu ítamaxē i ngēma pora.

²¹ ¿Rū űuxma rū űacū ēxna nixī i penaxwēxexū i pema? ¿Penaxwēxe na pexū chingagūxū i ngēxguma ngēma changuxgu, rū ēxna penaxwēxe na pexū changechaūācūma rū pemaā chamecūmaācūma pexū na íchayadauxū?

5

Duūxūgū i chixri maxēxūchiga

¹ Rū duūxūgū nūxū nixugūgū rū wūxi i yatū i petanūwa rū naērūcūmaātama naxāmēx. Rū ngēma nixī i pecadu i poraācū chixexūchixū, erū woo ngēma duūxūgū i tama yaxōgūxūtanūwa rū fama ngēmaācū naxūpetū.

² ¿Rū űuxācū i pema i ngēxguma i pegū picuēxūūgūamaxū? Rū narūmemaē chi nixī na poraācū pengechaūgūxū. Rū ngēma yatū i ngēma chixexū ūxū rū name nixī na ípenamuxūchixū i petanūwa.

³ Rū woo tama petanūwa changēxmagu i chomax, natūrū guxūguma pegu charūxīnū. Rū űoma pexūtawa changēxmaxūrū rū tórū Cori ya Ngechuchu ya Cristuégagu pemaā nūxū chixu na űacū tá namaā pexūxū i ngēma duūxū.

⁴ Rū name nixī i tórū Cori ya Ngechuchu ya Cristuégagu pengutaquēxegū. Rū nūma ya tórū Cori ya Ngechuchu rū tá napetanūgu na pexū naporaexēxūcēx. Rū choma rū tá pexna chacuēxāchi i chorū yumūxēwa.

⁵ Rū ngēma norū poxcu i tá nūxna pexāxū i ngēma yatū, rū ngēma tá nixī na ípenamuxūchixū i petanūwa na Chataná ngūxū nūxū ingexēxūcēx. Rū ngēmaācū tá inayarūxo i naxūneārū ngūchaū i chixexū, natūrū naāē rū tá namaxū i ngēxguma wena nūma naxūxgu ya tórū Cori ya Ngechuchu.

⁶ ¿Rū tama name i pema rū pegū picuēxūū naxcēx i ngēma pexūxū! ¿Tama ēxna nūxū pecuēx i ngēma ore i űaxū:

“Wūxi i íraxū i pāūārū puxēēruū rū taxūma i pāūchara nipuxēē”, űaxū?

⁷ Rū ngēmacēx name nixī i nūxū perūxoe i guxūma i nuxcūmaūxū i pecūma i pexū chixexēēxū. Rū ngēxguma ngēmaācū penaxūxgu, rū űoma ngexwacaxūxū i pāū i ngearū puxēēruūāxū i Ūpetūchigaarū petawa ingōxūrūū tá pime. Rū űuxma i pema rū aixcūma ngexwacaxūxū i duūxūgū pixīgū, yerū Cristu rū űoma wūxi i carnerurūū marū tachicūū tórū pecaducēx nayu.

⁸ Rū ngēmacēx name nixī i nūxū tarūxoe i nuxcūmaūxū i tacūma i chixexūgū rū aixcūma Tupanagu tarūxīnūē rū meā naxcēx tamaxē, erū ngexwacaxūxū i norū duūxūgū tixīgū.

⁹ Nūxīraūxū ga chorū poperawa rū pemaā nūxū chixu na tama natanūgu pexāgūxū i ngēma duūxūgū i naī i ngemaā naxūneārū ngūchaū ūgūxū.

¹⁰ Natūrū yexguma yema űachagu pexū, rū tama pemaā nūxū chixu na nūxna pixīgachitanūxūchixū i ngēma duūxūgū i tama yaxōgūxū i naī i ngemaā maxēmarexū, rū ēxna ngēma duūxūgū i guxūma i űacū nūgūna nugūchaūgūxū, rū ēxna ngīteēxgūxū, rū ēxna ngēma duūxūgū i tupanametachicūnēxāxū icuēxūūgūxū. Erū ngēxguma chi naxchaxwa īpechoūxgu i ngēma duūxūgū, rū chi taxucūrūwa i űoma i naānewa pengēxmagū.

¹¹ Natūrū yexguma pemaā nūxū chixuxgu na tama natanūgu pexāgūxū i ngēma duūxūgū i chixri maxēxū, rū nachiga chidexa i ngēma duūxūgū i nūgū ixugūxū na peeneēgū i yaxōgūxū na yixīgūxū natūrū naī i ngemaā maxēxū, rū ēxna aūexū, rū ēxna tupanametachicūnēxāxū icuēxūūgūxū, rū ēxna oregūtēēxgūxū, rū ēxna ngāxēwēxegūxū, rū ēxna ngīteēxgūxū. Rū ngēma duūxūgū nixī i pemaā nūxū chixuxū na tama namexū na natanūgu pexāgūxū rū bai i namaā na pechibūexū.

¹²⁻¹³ Erū tama choxmēxwa nangēxma na nūxna chaçaxū i ngēma duūxūgū i tama Tupanaāxū yaxōgūxū. Rū Tupana tá nixī ya nūxna çacū i ngēma duūxūgū. Natūrū i pema rū pemēxwa nangēxma na nūxna peçaxū i ngēma peeneēgū i yaxōgūxū i tama meā maxēxū. Rū name nixī i petanūwa īpenamuxūchi i ngēma duūxū i chixri maxūxū.

6

Ngēxguma űacū rū guxchaxū tūxū ngēxmagu taeneēmaā, rū tama name i āēxgacūgū i tama yaxōgūxūpēxewa tayamexēē i ngēma

¹ Rū ngēxguma wūxie i pema pexū nangēxmagu i űacū rū guxchaxū i wūxi i peeneē i yaxōxūmaā, çrū tūxcūū wūxi i āēxgacū i tama yaxōxūārū ngūxēēcēx īpeyaca na nūma pexū namexēēāxūcēx i ngēma perū guxchaxūgū? ÇRū tama ēxna inamexū i ngēma peeneēgū i yaxōgūxū na namexēēgūxū i ngēma perū guxchaxūgū?

² ÇTama ēxna nūxū pecuēx na yixema na yaxōgūxū tá yīixū i naāneārū guxgu nūxna icagūxū i guxūma i űoma i naānecūāx i duūxūgū? Rū űuxma na pema tá yīixū i űoma i naānecūāx i duūxūgūxū picagūxū, çrū tūxcūū taxucūrūwa i pematama penamexēē i ngēma perū guxchaxūgū i īrachirēxū?

³ ÇTama ēxna nūxū pecuēx rū woo ngēma daxūcūāx i Tupanaārū orearū ngeruūgū, rū yixema tá yīixū i nūxū icagūxū? Rū ngēmacēx nixī i yexeraācū pemēxwa nangēxmaxū na űuxācū penamexēēxū i ngēma guxchaxūgū i űoma i naānewa pexū ngēxmagūxū.

⁴ Rū ngēmacēx, ngēxguma űacū rū guxchaxū pexū ngēxmagu i űoma i naānewa, çrū tūxcūū i ngēma āēxgacūgū i tama yaxōgūxūxūtawa pegū īpeyaxuaxūgūxū na pexū namexēēgūāxūcēx i ngēma?

⁵ Rū pemaā nūxū chixu i ngēma ore na pexāneēxūcēx. ÇÉxna tataxuma i petanūwa ya wūxie ya nūxū cuāxe na tanamexēēxū i ngēma guxchaxūgū i petanūwa ngēxmaxū?

⁶ Rū tama pegūmaā penuēxīcatama, natūrū naetū rū āēxgacūgū i tama yaxōgūxūxūtawa pexī na penamexēēxūcēx i ngēma perū guxchaxūgū.

⁷ Rū ngēma na pegūmaā penuēxū, rū ngēma rū poraācū chixexū nixī. ÇRū tūxcūū tama yaxna namaā pexīnūē i ngēma guxchaxūgū i peeneē pemaā xūxū? ÇRū tūxcūū tama namaā peporae ega texē perū űacūcēx ngīxgux?

8 Natürü i pema rü poraäcü chixexü pexüe, erü woo peeneëgü i yaxögüxüäxü rü ta pengix..

9-10 ¿Tama êxna nüxü pecuèx na ngēma duüxügü i chixexü ügüxü rü nataxuxütáma i nachica i ngextá Tupana äëxgacü íyíxüwa? ¿Rü tama name i pegütama pewomüxëëgü! Erü ngextá Tupana äëxgacü íyíxüwa rü nataxütáma i nachica i ngēma duüxügü i naí i ngemaá ipexü, rü ngēma duüxügü i tupananetachicünëxäxü icuèxütügüxü, rü ngēma duüxügü i naxmëxëchita rü êxna nateechita ngëäëxü, rü ngēma yatügü i naxrüü yatüxümaá ngëäëxü, rü ngēma ngítëëxgüxü, rü ngēma duüxügü i nügünaxica nanuxüchixü i norü ngëmaxügü, rü ngēma duüxügü i ngäxëwëxëgüxü, rü ngēma duüxügü i oregütëëxgüxü, rü ngēma duüxügü i womüxëëwëxëgüxü. Rü guxüma i ngëmagü rü nataxütáma i nachica i ngextá Tupana äëxgacü íyíxüwa.

11 Rü yexgumarüütama pixígü ga ñuxre ga pema ga üpax. Natürü i ñuxma ya Tupana rü marü pexü ínanapi i perü chixexü na noxrüicatama pixígüxüçëx. Rü ñuxma rü aixcüma napëxewa pime yerü Naäë i Üünexü rü tórü Cori ya Ngechuchu ya Cristuégagu marü perü pecaduna pexü ínanguxüxëë.

Ñuxäcü naxüüne i taxüne

12 Rü ñuxre i pema rü ñaperügü:

“Rü marü name na chanaxüxü i ngēma chanaxwëxexü”, ñaperügü. Rü aixcüma nixí i ngēma, natürü tama guxü i ngēma ixügüxü rü tüxü name. Rü aixcüma nixí i Tupana choxü ínguxuchixëëxü na chanaxüxüçëx i ngēma chanaxwëxexü, natürü tama name na íacü rü chixexügu chaugü changuëëxü na chomaá inacüaxüçëx.

13 Rü ngëxgumarüü ta rü ñuxre i duüxügü rü ñanagürügü:

“Rü ñna rü taxüncëx nixí, rü taxüne rü ñnacëx nixí”, ñanagürügü. Rü aixcüma ngëmaäcü nixí, natürü ya Tupana rü tá inayanaxoxëë i guxüma i ngēma. Rü taxüne rü tama naí i ngemaá namaá na íngëäëmarexüçëx nixí. Erü taxünamaá nixí i naxüxü i tórü Coriarü ngücháü. Rü tórü Cori nixí ya taxünexü maxëëcü.

14 Rü yema Tupana wena namaxëëxürüü ga tórü Cori ya Ngechuchu, rü ngëxgumarüü tá ta norü poramaá wena tüxü namaxëxëë.

15 ¿Rü tama êxna nüxü pecuèx na ngēma pexene rü Cristuarü na yíixü? ¿Rü ñuxäcü i ngēma chaxune i Cristuarü íxíxü rü ngexü i ngëäëxümaá ínapexü? Taxucürüwama ngëmaäcü nixí.

16 ¿Rü êxna tama nüxü pecuèx ega wüxi i ngexü i ngëäëxümaá ínapexgu ya wüxi ya yatü rü ngēma taxre i naxüne rü wüxitama i naxüne yíixü? Erü Tupanaärü ore i ümatüxüwa rü ñanagürü:

“Ngēma taxre i naxüne rü wüxitama i naxüne tá nixí”, ñanagürü.

17 Natürü ngëxguma wüxi i duüxü rü tórü Cori ya Cristuaxü yaxöðxgu, rü ngēma naäë i ngēma duüxü rü Cristuäëmaá wüxigutama narüxínüë.

18 Rü ngëmaxëx name nixí na nüxü perüxoexü i pexeneärü ngücháü na pexüxü. Rü guxüma i togü i pecadu i wüxi i duüxü üxü rü tama naxünexü nachixëxëë. Natürü ngēma na naí i ngemaá nangëäëxü rü ngēma waxi nixí i naxünexü chixëxëëxü.

¹⁹ ĶTama ēxna nūxū pecuēx i pexene rū Tupanaāē i Ūūnexūpata na yīixū? Rū pegu nixī i naxāchiūxū i ngēma Naāē i Ūūnexū i Tupana pexna muxū. Rū ngēmacēx i pema rū tama pegūarū yoratama pixīgū.

²⁰ Erū Tupana rū marū pexcēx nataxe rū poraācū nūxū petatanū. Rū ngēmacēx penaxwēxe i ngēma pexenemaā meā Tupanacēx pemaxē na ngēmaācū namaā penataxēēxū ya Tupana.

7

Ucuxēgū i āmēxchiga

¹ Rū ņuxma rū tá pexū changāxū ga yema āmēxchiga ga choxna naxcēx pecaxū ga perū poperawa. Rū narūmemaē chi nixī i noxtacūma tama naxāmax ya yatū.

² Natūrū ngēma na naxūneārū ngūchaū na naxūgūmarexū i duūxūgū, rū narūmemaē nixī i wūxichigū ya yatū rū na naxāmaxū, rū wūxichigū i nge rū na naxātexū.

³ Rū yima yatū ya āmacū rū taxucūrūwama naxmēxna nūgū ninuxū. Rū ngēma nge i ātecū rū taxucūrūwama ngītena ngīgū iyanuxū.

⁴ Erū ngēma nge i ātecū rū tama ngīgūxūneārū yoratama iyixī, erū ngīte nixī ya ngīxīneārū yora ixīcū. Rū ngēxgumarūū ya ngīte rū tama nūgūxūneārū yora nixī, erū naxmēx iyixī i naxūneārū yora ixīcū.

⁵ Rū tama name i wūxi ya yatū rū namēxna nūgū ninuxū, rū ēxna wūxi i ngecū rū ngītena ngīgū iyanuxū, ega tama nūgūmaā namexēēāgu na ņuxre i ngunexū tama nūgūmaā namaxēxū naxcēx na nayumūxēgūxū. Rū ngēmawena rū name nixī na wenaxārū noxrirūū nūgūmaā namaxēxū na tama Chataná nūxna ņnūxūcēx na chixexūgu nayixēēāxūcēx.

⁶ Rū guxūma i ņāā ore i pemaā nūxū chixuxū i āmēxchiga rū ātechiga rū tama wūxi i mu nixī i ngēma. Natūrū pemaā nūxū chixumare na nūxū pecuāxūcēx na namexū i ngēmaācū na penaxūxū.

⁷ Rū chomatama nagu charūxīnū rū chierū name nixī ega choma chamaxūxūrūū namaxēgu i guxūma i duūxūgū. Natūrū Tupana rū wūxichigū i duūxūna nanaxā i nacūma na ņuxācū namaxēxūcēx rū ņuxācū nagu naxīnūxūcēx. Rū ngēmacēx tama guxāma tawūxīgu.

⁸ Rū ngēma ngemēxgūxū rū ngetegūxū rū yutegūxū rū namaā nūxū chixu rū narūmemaē nixī i chauxrūū tama naxāmēx rū tama naxāte.

⁹ Natūrū ngēxguma wūxi i duūxū taxucūrūwa naxūneārū ngūchaūmaā naporagu, rū name nixī na naxāmaxū rū ēxna naxātexū. Erū narūmemaē nixī i noxtacūma naxāmēx rū ēxna naxāte na tama ngema norū ngūchaūgagu dūxwa chixexūgu nanguxūcēx.

¹⁰ Natūrū yīxema marū āmaxē rū ātexe, rū tūmamaā nūxū chixu na tama namexū na tūmatexū na ítátāxū. Rū ngēma mu rū tórū Coriarū mu nixī, rū tama choxrū nixī.

¹¹ Natūrū ngēxguma chi ngūrūāchi wūxi i ngexū natexū ítēxgu, rū name nixī i noxtacūma nangete rū ēxna wena natecēx nataegu. Rū ngēxgumarūū ta ya yatū rū tama name i namēxū ítātēx.

¹² Rū ņuxma rū choxū nangēxma i wūxi i ore i tūmacēx ya yīxema āmaxē ngīmaā i wūxi i nge i tama yaxōxcū. Rū ngēma ore rū choxrūtama nixī rū tama tórū Coriarū nixī. Rū ngēxguma wūxi ya yatū ya ōcū ngīmaā āmaxgu i wūxi i nge i tama yaxōxcū, rū tama name i ngīxū ítātēx, ega ngīma rū aixcūma namaā naxātechaūgu.

13 Rū ngēxguma wūxi i nge i yaxōxcū ātegu namaã ya wūxi ya yatū ya tama yaxōcū, rū tama name i ínatēx ya yima ngīte ega nūma ya yima yatū rū aixcūma ngīmaã naxāmēxchaūgu.

14 Rū yima yatū ya tama yaxōcū, rū namēx i yaxōxcūgagu Tupana nūxū nacuēx. Rū ngēma ngecū i tama yaxōxcū, rū ngīte ya yaxōcūgagu Tupana ngīxū nacuēx. Erū ngēxguma chi tama ngēmaācū yixīgu, rū chi ngēma naxācūgū rū duūxūgū i tama yaxōgūxūācūgūrūū tā nixīgū. Natūrū i űuxma ya naxācūgū rū marū Tupana tūxū nacuēx.

15 Natūrū ngēxguma yima yatū ya tama yaxōcū rū namēxū ínatāxchaūgu rū jnoxtacūma ngīxū ínatá! Rū ngēxgumarūū ega ngēma ngecū i tama yaxōcū rū ngītēxū ínatāxchaūgu, rū jnoxtacūma ngītēxū ínatá! Rū ngēxguma ya yima yatū ya yaxōcū rū marū name ega wena naxāmēxgu. Rū ngēma ngecū i yaxōcū rū marū name ega wena naxātegu. Erū Tupana pexū nade na pegū pengechaūgūxūcēx.

16 Rū ngēmacēx, Pa Ngecū i Tupanaāxū Yaxōxcūx, rū ngēxguma cute i tama yaxōxū cuxū ítāxchaūgu, namē nixī i tama cunachūxu, erū tama nūxū cucuēx ngoxi tá nūxū cuyaxōxēē i ngēma cute rū ēxna tama. Rū cumax, Pa Yatū ya Yaxōxcūx, rū ngēxguma cuxmēx i tama yaxōxū cuxū ítāxchaūgu, rū name nixī i tama cunachūxu, erū tama nūxū cucuēx ngoxi tá ngixū cuyaxōxēē i ngēma cuxmēx rū ēxna tama.

17 Rū űuxma rū pemaã nūxū chixu rū nūma ga Tupana rū wūxichīgū ga duūxēna nanaxā ga tūmaārū cuēx na tūmaārū maxūmaã itacuáxūcēx rū meā tanaxūxūcēx i ngēma puracū ga noxri tūxū yexmaxū ga tauta Tupana tūmacēx caxgu. Rū ngēma nguxēētae nixī i namaã chanangūexēēxū i guxūma i yaxōgūxū i wūxichīgū ya tupaucawa ngēxmagūxū.

18 Rū ngēxguma Tupana naxcēx caxgu i wūxi i duūxū i marū Yudīgūrūū íwiechēxmūpēxechiraūxū, rū nūētama nixī ega ngēmaācūtama yixīgu. Rū ngēxguma Tupana nayauxgu i wūxi i duūxū i tama íwiechēxmūpēxechiraūxū, rū nūētama nixī ega ngēmaācūtama yixīgu.

19 Erū Tupanapēxewa rū nūētama nixī ega wūxi i duūxū rū ínawiechēxmūpēxechiraūgu rū ēxna tama. Erū ngēma Tupana aixcūma naxwēxēxū nixī na naga naxīnūxū i wūxichīgū i duūxū.

20 Rū wūxichīgū i duūxū rū name nixī i nawatama napuracū ga yema puracū ga nūxū yexmaxū ga yexguma Tupana noxri naxcēx caxgu.

21 Rū yexguma wūxi ga coriarū duūxū quixīyane Tupana cuxcēx caxgu, rū tama name i ngēmacēx cuxoegaē. Natūrū ngēxguma cuxū natauxchagu na nūxna ícunguxuchixū i ngēma cori, rū marū name na ícunguxuchixū.

22 Rū cuma ga na cucoriāxyane cuxcēx naçaxū ga Tupana, rū name nixī i nūxna cucuēxāchi na Cori ya Cristu pecaduwa cuxū ínguxuchixēēxū. Rū cuma ga na cungearū coriāxyane cuxcēx naçaxū ga Tupana, rū name nixī i nūxna cucuēxāchi na tórū Cori ya Cristuarū duūxū quixū i űuxma na nūxū cupuracūxūcēx.

23 Tupana rū marū pexcēx nataxe rū poraācū nūxū petatanū. jRū ngēmacēx i űuxma rū tāūtama naga pexīnūē i ngēma duūxūgū i wenaxārū űoma i naāneārū chixexūwa pexū gagūchaūxū!

24 Rū name nixī, Pa Chaueneēgūx, i wūxichīgū i pema rū meā Tupanapēxewa penaxūama ga yema puracū ga noxri pexū yexmaxū ga yexguma Tupana pexcēx caxgu.

25 Rū űuxma rū tá pemaã nūxū chixu i nachiga i ngēma duūxūgū i

ngemēxgūxū rū ngetegūxū. Rū tórū Cori ya Ngechuchu rū taxuūma i mu choxna naxā i ngēmachiga. Natūrū tā pemaā nūxū chixu i űuxācū nagu charūxīnū i ngēmachiga. Rū ngēma chorū ore rū aixcūma nixī erū choma nixī i wūxi i duūxū ga nūxū changechaūttūmūūācūma choxū nayaxuxū ga tórū Cori.

²⁶ Natūrū ngema űuxma nūxū idauxū i guxchaxūgūgagu rū chauxcēx rū chi name i tama nixāmēx i ngēma yatūgū i ngemēxgūxū.

²⁷ Rū ngēxguma marū cuxāmēxgu rū tama name i ngīxū ícutēx. Natūrū ngēxguma cungemēxgu rū name i tama cuxāmēx.

²⁸ Natūrū ngēxguma cuxāmēxgu rū tama pecadu nixī i ngēma. Rū ngēxguma wūxi i paxū ātegu rū tama pecadu nixī i ngēma. Natūrū ngēma ixāmēxgūxū rū ixātegūxū rū tā nayexera i norū guxchaxūgū i űoma i naānewa, rū ngēma nixī i tama chanaxwēxexū na nūxū nangupetūxū.

²⁹ Pa Chaueneēgūx, pemaā nūxū chixu rū tama muxū i ngunexū tūxū nangēxma na naxūxcēx i Tupanaārū puracū. Rū ngēmacēx ya yīxema ixāmēxgūxe rū name nixī i meā tanaxūgū i Tupanaārū puracū űoma tangemēxgūxūrū.

³⁰ Rū yīxema ngexwaca yutanūgūxe rū yīxema peta űgūxe rū yīxema itaxegūxe, rū tama name i ngēmacēx Tupanaārū puracū na itangēxgūxū.

³¹ Rū yīxema tūxū nangēxmaxē i tūmaārū ngēmaxūgū i űoma i naānewa, rū tama name i ngēmacēx Tupanaārū puracū na itangēxgūxū. Erū űoma i naāne i űuxma nūxū idauxū rū paxa tā nagux.

³² Rū tama chanaxwēxe na tačūcēx pexoegaāēgūxū. Rū ngēxguma wūxi i yatū ngemēxgu, rū Tupanaārū puracūgu narūxīnū rū nagu narūxīnū na űuxācū Tupanaārū ngūchaū naxūxū.

³³⁻³⁴ Natūrū ngēxguma naxāmēxgu ya wūxi ya yatū, rū űoma i naāneārū ngēmaxūgu narūxīnū rū nagu narūxīnū na űuxācū namēxū nataāēxēēxū. Rū ngēmaācū muxūgu narūxīnū. Rū ngēxgumarūū ta nixī i ngexūgū. Rū ngēma ngexū i ngetexū rū Tupanaārū puracūgu narūxīnū, erū marū Tupanana nūgū naxā rū guxū i naxūnemaā rū naāēmaā naxcēx namaxū. Natūrū ngēma ngexū i ātēxū rū űoma i naāneārū ngēmaxūgu narūxīnū, rū nagu narūxīnū na űuxācū natēxū nataāēxēēxū.

³⁵ Rū perū mexūcēx nixī i pemaā nūxū chixuxū i ngēma, rū tama pexna na chanachuxuxūcēx nixī. Natūrū ngēma űacharūgū na meā pemaxēxūcēx rū aixcūma penaxūxūcēx i tórū Coriarū puracū.

³⁶ Rū ngēxguma texé nagu rūxīnūgu na tūmaxācū rū marū na napaxū, rū tūmacēx namēxgu na naxātexū, rū marū name i ngīxū taxūte ega aixcūma tūmacēx namēxgu. Rū ngēma na naxātexū i tūmaxācū rū tama pecadu nixī.

³⁷ Natūrū ngēxguma wūxi i yatū nūxū nangēxmagu i norū pacū rū tama nanaxwēxegu na ngīxū naxūtexū, rū ngēma rū ta marū name. Erū naxmēxwa ingēxma rū taxucēxma texé tanachixewe na ngīxū naxūtexūcēx.

³⁸ Rū ngēmawa nūxū tadau rū ngēma yatū i naxācū ngīxū űtexū rū mexū naxū. Rū ngēma yatū i tama naxācū ngīxū űtexū rū yexeraxū i mexū naxū.

³⁹ Rū wūxi i nge i ātecū rū ngītemēxēwa ingēxma i ngēxguma namaūxgu ya ngīte. Natūrū ngēxguma nayūxgu ya ngīte, rū marū name ega to i yatū i ngīma ngīxū ngūchaūxūmaā naxātegu. Natūrū inaxwēxe na wūxi ya yatū ya yaxōcūmaā naxātexū.

⁴⁰ Natūrū chauxcēx rū yexeraācū chi itaāē i ngēxguma chi tāū chima wena naxātegu. Rū ngēma ore rū choxrūtama nixī, natūrū nagu charūxīnū rū Tupanaāē i űūnexūārū űnū ta nixī.

8

Tupanenetachicünèxāgūna naxuaxūgūxū ga ðnachiga

¹ Ņuxma rü tá pemaā nüxū chixu i nachiga i ngēma ðnagū i ngēma duūxūgū i tama Ngechuchuaxū yaxōgūxū norū tupanenetachicünèxāgūna uaxūgūxū. Rü aixcūma nixī i wūxichigū i yixema i meāma nüxū icuáxū i ngēmachiga. Natürū ngēma nüxū na icuáxūgagu rü ñuxguacū rü yigū namaā ticuèxūxū. Natürū ngēma na yigū ingechaūxū rü tüxū narūngūxēē na yexeraācū meā yaxōgūchigūxū.

² Rü ngēxguma chi texé nagu rüxīnūgu na űacūxū tacuáxū, rü name nixī i nüxna tacuèxāchi na ngēxguma rü ta tama aixcūma nüxū tacuáxū i guxūma i ngēma cuèx i aixcūma ixīxū.

³ Natürū ngēxguma texé aixcūma Tupanaxū ngechaūgu, rü Tupana rü tüxū nacuèx ya yixema.

⁴ Rü ngēma na nangōxū i ngēma ðnagū i tupanenetachicünèxāgūna naxuaxūgūxū i duūxūgū, rü meāma nüxū tacuèx na taxuwama namexū i ngēma tupanenetachicünèxāgū erū tama aixcūma Tupanaxūchi nixīgū. Erū wūxixicatama nixī ya aixcūma Tupana ixīcū, rü nataxuma ya naī.

⁵ Rü woo duūxūgū nagu narūxīnūe rü nangexma i muxūma i tupanagū i ñoma i naanewa rü dauxūguxū i naanewa, natürū taxcèx rü tama ngemaācū nixī.

⁶ Erū yixema nüxū tacuèx na wūxitama yixīxū ya Tupana ya Tanatū ixīcū. Rü nūma ya Tanatū nixī i naxūāxū i guxūma i űacū i ngēxmaxū, rü naxcèx nixī i imaxèxū i yixemax. Rü ngēxgumarūū ta nangēxma i wūxitama ya tórū Cori ya Ngechuchu ya Cristu. Rü yimagagu nixī na nangēxmaxū i guxūma, rü yimagagu nixī i tüxū nangēxmaxū i maxū.

⁷ Natürū tama guxūma i yaxōgūxū nüxū nacuèx na nangēxmaxū ya wūxitama ya Tupana rü wūxitama ya tórū Cori. Rü ñuxre i nūmagū ga űpa rü nüxū nayapue na nüxū yaxōgūāxū i ngēma tupanenetachicünèxāgū, rü ñuxma rü ta tama aixcūma nüxū nacuèxgū i ngēma mexū i Tupana nüxū naxwèxexū. Rü ngēmacèx nixī i ñuxma i nagu naxīnūèxū na chixexū naxūgūxū i ngēxguma nangōxgūāgu i ngēma naxūnamachi i togū i duūxūgū norū tupanenetachicünèxāgūna uaxūgūxū na nüxū namaā yacuèxūgūxūcèx.

⁸ Rü yixema nüxū tacuèx na tama űacū rü namachi na ingōxūgagu yīxū na Tupana tüxū dexū. Rü tāūtāma yexera time i napèxewa ega nangōxgūgu i ngēma namachi. Rü tāūtāma yexera tichixe i napèxewa ega tama nangōxgūgu.

⁹ Natürū i pema i nüxū na pecuáxū na tama pecadu yīxū na nangōxū i ngēma namachi, jrū pexuāègū erū ngürūāchi ngēma na pengōxūgagu chixexūgu tá penayixēē i ngēma peeneègū i tauta aixcūma meā nüxū cuèxgūxū na űacū yīxū i Tupana nüxū naxwèxexū!

¹⁰ Erū cuma na meā Tupanaxū cucuáxū, rü ngēxguma chi cunangōxgu i ngēma namachi i ngextá tupanenetachicünèxāgūxū iyacuèxūgūxūtwa, rü ngürūāchi wūxi i cueneē i tauta meā Tupanaxū cuáxū tá cuxū nadau. Rü ngürūāchi nūma rü tá ta nanangōx i ngēma namachi woo naāēwa nagu naxīnūgu na wūxi i chixexū yīxū na nangōxū i ngēma namachi.

¹¹ Rü ngēmaācū i cuma na meā Tupanaxū cucuáxū, rü tá icuyanatauxēē i ngēma cueneē i Cristu naxcèx yuxū i tauta meā Tupanaxū cuáxū.

12 Rū ngēmacèx i ngēxguma chixexūgu cunanguxēēxgu i ngēma cueneē i tauta meā Tupanaxū cuáxū, rū Cristumaā rū ta chixexū cuxū.

13 Rū ngēmacèx i ngēxguma ngēma namachi i changōxūgagu chixexūgu chananguxēēxgu i chaueneē, rū narūmemaē nixī i noxtacūma taguma namachi changōx na tama pecadugu chananguxēēxcèx i ngēma chaueneē.

9

Yíxema Cristu tūxū muxē na nūxū tapuracūxcèx, rū tūxna naxū i tūmaārū natanū

1 Rū pemaā nūxū chixu rū tórū Coritama nixī ya choxū yaxucū rū choxū mucū na norū puracū chaxūxcèx, rū ngēmacèx taxuūma i duūxūgūmēxēwa changēxma i űuxmax. Rū chomatama chauxetūmaā tórū Cori ya Ngechuchuxū chadau, rū ngēma puracū i nūxū chaxūxūgagu nixī i peyaxōgūxū i pemax.

2 Rū woo togū i duūxūgū tama choxū cuēxgūchaūgu na tórū Cori choxū muxū, natūrū i pema rū meāma nūxū pecuèx na nūma yīxū ga choxū namuxū. Yerū chauxūtawa nixī ga tórū Coriaxū peyaxōgūxū, rū ngēmawa nūxū pecuèx na aixcūma yīxū na nūma choxū namuxū.

3-4 Rū űaā nixī i chorū dexa i namaā chanangāxūxū i ngēma duūxūgū i chauchiga idexagūxū:

“¿Éxna tama name na duūxūgū choxna naxāxū i chorū ōna rū chorū axexū naxcèx i chorū puracū?

5 ¿Éxna tama inamexū ta na wūxi i ngexū i yaxōxūmaā na chaxāmaxū na chayagaxūcèx ngēxgumarūū na naxāmaxū i Pedru, rū naēneēgū ya tórū Cori, rū ngēma togū i yatūgū i Tupana imugūxū?

6 ¿Rū éxna pema nagu perūxīnūēgu rū choma rū Bernabéxicatama i tama namexū na toxū perūngūxēēgūxū ngēma togū i orearū uruūgūxū na perūngūxēēgūxūrūū?

7 ¿Tacū rū duūxū i churarawa ūxū i nūgūxūtama naxūtanūxū i norū ōna? ¿Rū tacū rū duūxū i orix itoxū i tama namūxū i norū o? ¿Rū tacū rū duūxū i carnerugūna dauxū i tama nagūnenixū ne ixaxūxū?” Ngēma űacharūgū nūxū i ngēma duūxūgū i chauchiga idexagūxū.

8 ¡Rū űuxma rū tāūtāma nagu perūxīnūē na chorū orexicatama yīxū i űaā nūxū chixuxū! Erū Tupanaārū ore ga Moiché ūmatūxūwa rū ta ngēma űanagūrū.

9 Erū ngēma ore rū űanagūrū:

“¡Rū ngēma woca i arucharū putēxewa puracūxū, rū tāūtāma cunawēxnagu na tama yima aruchuwa nachibūxcèx!”

űanagūrū i ngēma ore. Rū nūxū tacuèx na tama wocagūgu naxīnūxū ga Tupana ga yexguma yema űaxgu.

10 Natūrū pemaā nūxū chixu rū tagu nixī ga naxīnūxū ga yexguma yema űaxgu ga Tupana. Rū tachiga nixī ga naxūmatūxū ga yema ore. Erū yíxema aruchunecū ūxe rū yíxema norū oarū puxwa puracūxe, rū ngēxguma tapuracūeyane rū tanaxwēxegū na ítananguxēēgūxū i ngēma norū o i tūxna ūxū.

11 Rū toma rū wūxi ya nanetūchire ya itatoxūnerū tixīgū ga yexguma pemaā nūxū tixuxgu ga Tupanaārū ore. ¿Rū űuxma rū tama éxna i pexcèx namexū na toxna penaxāxū i tacū i toxū taxuxū?

12 Rū ngēxguma ngēma togū i orearū uruūgū petanūwa nayauxgūgu i ngēma nūxū taxuxū, rū maneca toma rū yexera name nixī i petanūwa tanayaxu

i ngēma toxū taxuxū. Natūrū i toma rū tama ngēmaācū tanaxū. Erū toma rū guxū i guxchaxūmaā taporae na tama pexū tanaguxchaxēēxūcēx na Cristuaxū peyaxōgūxū.

13 Pema nūxū pecuēx rū guxūma i duūxūgū i tupauca ya taxūnewa puracūexū, rū ngēma ōna ya yima tupaucawa ngēxmaxūtama nangōxgū. Rū ngēma duūxūgū i tupaucagu Tupanacēx naxūnagū dēixū, rū nanade i űuxre i ngēma namachi norū ngōxruū.

14 Rū ngēxgumarūū ta ya yīkema nūxū ixugūxe i ore i tūxū maxēxēēxū, rū tōrū Cori nūxū nixu rū name nixī i tanayauxtanū i ngema tūmaarū puracū..

15 Natūrū i choma rū taguma ngēmaācū chanaxū. Rū űuxma na pexcēx chanaxūmatūxū i űāā popera, rū tama űacū choxna pexāxūcēx nixī. Erū ngēma na taguma texēxūtawa űacūcēx íchaçaxū, rū wūxi i chorū taāē nixī. Rū narūmemaē chierū nixī na chayuxū naxūpa na texē choxna nayaxuxū i űāā taāē i choxū ngēxmaxū.

16 Rū űuxma na nūxū chixuxū i ngēma ore i tūxū maxēxēēxū, rū taguma ngēmacēx chaugū chicuēxūū. Erū woetama ngēma nixī i chorū puracū ga Tupana choxna āxū, rū ngēmacēx taxucūrūwama chanangexrū. Erū poraācū chí chachixexūgū i ngēxguma tāū chima nūxū chixuxgu.

17 Rū ngēxguma chi chaugagu chitama chanaxūxgu i ngēma puracū, rū nagu chí charūxīnū na choxū naxātanūxū. Natūrū ngēxguma Tupana choxū muxūācūma chanaxūxgu, rū chanaxūama erū woetama ngēma nixī i chorū puracū ga Tupana choxna āxū.

18 Rū űuxma rū űacū tā nixī i chorū natanū naxcēx i ngēma puracū i chaxūxū? Rū dūcax, rū chorū natanū nixī i ngēma taāē i chayaxuxū i ngēxguma nge-tanūācūma nūxū chixuxgu i ngēma ore i tūxū maxēxēēxū. Rū ngēmaācū woo Tupanapēxewa name na petanūwa chanayaxuxū i chorū natanū na ngēmamaā chamaxūxūcēx, natūrū taguma texena naxcēx chaca..

19 Rū woo taxūxemēxēwa changēxma i chomax, natūrū guxāmēxēwa chaugū changēxmaxēē, na ngēmaācū yexeraācū muxūma i duūxūgū ūxū charūngūxēēxūcēx na Cristuaxū yaxōgūāxūcēx.

20 Rū ngēxguma chautanūxū i Yudiūgūtanūwa changēxmagu, rū namaā chaugū chawūxigūēē na ngēmaācū nūxū charūngūxēēxūcēx na Cristuaxū yaxōgūāxūcēx. Rū woo tama yema Moīché ūmatūxū ga mugūtūūwa changēxmagu, natūrū chayanguxēēāma i ngēma mugū na ngēmaācū Cristuxūtawa chanagagūxū i ngēma duūxūgū i űuxma rū ta nagu íxū i ngēma mugū ga Moīché ūmatūxū.

21 Rū ngēxguma natanūwa changēxmagu i ngēma duūxūgū i tama Yudiūgū íxīgūxū, rū ngēma duūxūgūmaā chaugū chawūxigūxēē na ngēmaācū nūxū charūngūxēēxūcēx na Cristuaxū yaxōgūāxūcēx. Natūrū taguma íchanangēx i Tupanaārū mugū erū guxūguma Cristuarū mugūtūūwa changēxma.

22 Rū ngēxguma natanūwa changēxmagu i ngēma duūxūgū i tama poraācū Cristuchigaxū cuēxgūxū, rū choma rū ta ngēma duūxūgūmaā chaugū chawūxigūxēē, na ngēmaācū nūxū charūngūxēēxūcēx na Cristuaxū yaxōgūāxūcēx. Rū ngēmaācū guxūma i duūxūgūrūū chaugū chixīxēē, rū nagūxūraūācūma naxcēx chadau na ngēmaācū dūxwa Tupanaxūtawa chanagagūxūcēx i űuxre i nūmagū.

23 Rū ngēmaācū nixī i chapuracūxū na guxūwama nanguxūcēx i ngēma ore i tūxū maxēxēēxū. Erū chanaxwēxe na choma rū ta choxū nangēxmaxū i ngēma maxū i taguma gūxū, naxrūū i guxūma i ngēma duūxūgū i nūxū yaxōgūxū.

24 Pema rü meāma nūxū pecuèx i wūxi i inūca i nawa iñāāchixū rü muxūma inaxūāchi, natürü wūxixicatama nixī i ngēma nūxīra īnguxū rü nayaxuxū i norū āmare. Rü name nixī i pegūna pedau na Tupana pexna naxāxūcèx i ngēma perū āmare.

25 Guxūma i ngēma duūxūgū i nūgū ngūexēēxū naxcèx i wūxi i inūca na togegūxū naporamaexūcèx, rü meā nūgūna nadaugū na ngēmaācū nayauxgūāxūcèx i norū āmare i paxaāchiruū ixīxū. Natürü yixema na yaxōgūxū rü yigūna tadaugū na meā naxūgūxūcèx rü meā imaxēxūcèx na nayauxgūxūcèx i tōrū āmare i taguma gūxū.

26 Rü ngēmacèx i choma rü tama ñoma chauechitamare chiñaxūrū chixī, rü tama ñoma tacū i nūgū dēixū i ngūrūanegumare idagūxūrū chixī.

27 Rü ngēmacèx meā chaugūmaā ichacuèx na taxūma i chaxuneārū ngūchaū chaxūxūcèx. Erū tama chanaxwèxe i mexūmaā togūxū changūxēēchirēxācūma chixexū chaxū rü ngemagagu tama chanayaxu i chorū āmare.

10

Nayaxucuxēgū na tama nūxū yacuēxūūgūxūcèx i tupananetachicūnēxāgū

1 Pa Chauenēēgūx, chanaxwèxe i nūxna pecuèxāchie ga tacū nūxū na ngu-petūxū ga yema nuxcūmaūgūxū ga tōrū oxigū ga Moīchéwe rūxīxū. Rü pema nūxū pecuèx rü yexguma nawe naxīxgu rü wūxi ga caixanexū napēxegu nixū rü nayadūxū. Rü guxūma ga yema duūxūgū rü wūxigu Moīchémaā natūūgu nixīxūtanū. Rü yexgumarū ta Moīchémaā nawa nichoū ga yema Taxtū ga Dauchiūxū.

2 Rü guxūma ga yema duūxūgū rü yexguma wūxigu Moīchémaā yema caixanexūpechitatūūgu yaxīxūtanūgu rü yema Taxtū ga Dauchiūxūwa yachōūgu, rü yemaācū nūgū nangōxēēgū na Moīchéweama naxīxū.

3 Rü yexgumarū ta ga guxūma ga yema duūxūgū nanangōxgū ga yema pāu ga daxūwa rüyixū.

4 Rü guxūma ga yema duūxūgū nayaxaxgū ga yema dexá ga Cristu nūxna āxū. Yerū Cristu rü yema duūxūgūxū īnixūmūcū ga yema īnaxīxūwa, rü nūxna nanaxā ga yema dexá ga yaxaxgūxū.

5 Natürü narūmumaē ga yema duūxūgū ga tama Tupanaārū ngūchaū ūgūxū. Rü yemacèx ga yema duūxūgū rü yexma nayue rü yéma nawogū ga naxūnegū ga dauxchitawa ga taxūema íxāpataxūwa.

6 Rü guxūma ga yema nangupetū na tōrū cuèxruū yīxūcè rü tama tōrū oxigūrūxū chixexūcèxama idaugūxūcèx.

7 Rü ngēmacèx tama name i nūxū picuèxūūgū i tacū rü tupanane-tachicūnēxāgū, yexgumarū ga ñuxre ga nūmagū naxūgūxūrū. Erū Tupanaārū ore i ūmatūxūwa rü tōrū oxigūchigaxū nixu rü ñanagūrū:

“Rü duūxūgū īnarūtogū na nachibūxūcèx rü na naxaxegūxūcèx, rü ngēmawena rü inachigū na íyayūxexūcèx”,
ñanagūrū i ngēma ore.

8 Rü tama name i yixema rü naī i ngemaā itape yexgumarū ga ñuxre ga nūmagū naxūgūxūrū. Rü yemacèx wūxitama ga ngunexūgu rü nayue ga 23,000.

9 Rü tama name i nūxū taxū ya tōrū Cori na ñuxācū yaxna tamaā naxīnūxū yexgumarū ga ñuxre ga nūmagū naxūgūxūrū. Rü yemacèx nixī ga yema duūxūgūxū nangōxcuxū ga āxtapegū rü nayuxū.

10 Rū tama name i chixexū Tupanamaã pixugū yema ñuxre ga nuxcūmaũgūxū ga tórū oxigürüū. Rū yemacèx ga Tupanaarū orearū ngeruū ga daxūcūāx rü nanadaī.

11 Rū guxūma ga yema nuxcūmaxūgūxū ga duũxūgūxū ngupetūxū, rü ñomaxūcūū rü tórū cuèxruū nixī. Rū naxūmatū na ngēmawa nūxū icuáxūcèx na ñuxācū Tupana naxwèxexū na imaxèxū i yixema i ñomaūcūū.

12 Rū ngēmamacèx ya yixema tūgūgu rüxīnūxē na taporaxū i Tupanapèxewa, rü name nixī na meã tūgūna tadauxū na tama chixexūgu tanguxūcèx.

13 Rū ñuxma rü ta taguma pexcèx íngu i ngúchaxū i chixexū i taxucürüwama namaã yaxna pexīnūxū. Rū name nixī i Tupanana perüyoū erü nüma rü aixcūma nayanguxēē i ngema tamaã inaxunetaxū rü taxūtáma nawa pexū nawogū i ngúchaxūgū i taxucürüwama yaxna namaã pexīnūxū. Natürü ngexguma tá ngúchaxūgū i chixexū pexcèx ínguxgu rü nüma rü tá pexū ínapoxū na tama nagu peyixūcèx.

14 Rū ngēmamacèx, Pa Chaueneégū ya Pexū Changechaũgūxex, jrü nūxū perüxoe i ngema nacūmagū i tupananetachicünèxāgūcèx naxūgūxū i ngema duũxūgū i tama yaxōgūxū!

15 Pemaã nūxū chixu i ngēma ore, erü chauxcèx rü duũxūgū i nūxū cuáxū pixīgū. Rū pema tátama nagu perüxīnūē i ngēma pemaã nūxū chixuxū.

16 Rū ngēxguma òna i üünexūcèx íngutaquēxegūgu, rü yaxaxgūgu ya yima binu ya üüncē rü moxē naxcèx íxāgūgu, rü ngēmaācū yigū tangoxēē na Cristu ya taxcèx nagū ibacūwe rüxīxū. Rū ngēxguma nangōxgūgu i ngēma pāu i íbūcuxū, rü ngēmaācū yigū tangoxēē na Cristu ya taxcèx naxūne íxācūwe rüxīxū.

17 Rū woo na imuxū i yixema, natürü wūxítama i pāu tangōxgū. Rū ngēmaācū nixī i wūxítama íxīgūxū erü wūxíwetama tarūxī.

18 jrü dücax i ngēma Yudíugū i nangōxgūxū i ngēma naxūnamachi i Tupanacèx nadèjxū! Rū ngēxguma wūxigu nūgūmaã nangōxgūāgu, rü guxūma i ngēma nangōxgūxū rü ngēmaācū nūgū nangoxēē na wūxigu Tupanawe naxīxū.

19 Rū ñuxma na ngēma ñachaxū, rü tama chanaxwèxe i nagu perüxīnūē na naxūnuxū i ngēma namachi i ngēma duũxūgū i tama yaxōgūxū norü tupananetachicünèxācèx dèjxū. Rū tama chanaxwèxe i nagu perüxīnūē na tacūwa namexū i ngēma norü tupananetachicünèxāgū, erü nangearū maxūāx.

20 Natürü pemaã nūxū chixu rü ngēxguma ngēma duũxūgū i tama Tupanaxū cuèxgūxū, norü tupananetachicünèxācèx nadaiāgu i tacū rü naxūna, rü tama Tupanacèx nixī i nadaiāxū, natürü ngoxogūcèx nixī i nadaiāxū. Rū tama chanaxwèxe i ngoxogūtanūxūxū pegū pixīgūxēē.

21 Rū pema na peyaxaxgūxū ya yima binu ya tórū Corixū namaã picuèxūũgūcū rü taxucürüwama namaã pexāmūcū i ngēma duũxūgū i Chatanáwe rüxīxū. Rū pema na tórū Coriarū mechawa penangōxū i ngēma òna i nūxū namaã picuèxūũgūxū rü taxucürüwama ngēma duũxūgū i Chatanáwe rüxīxūārū mechawa peyachibüe.

22 ¿Rü ñuxū ñapegūxū i ñuxmax? ¿Éxna penanuxēēchaū ya tórū Cori? ¿Éxna pexcèx rü nūxū tarūporamaégū i yixemax?

Name nixī i taeneëarū mexūc èx tadaugū rü tama i tóxrütama

23 Pema rü ñaperügūgū:

“Marū name na tanaxūxū i tacū i tanaxwèxegūxū”, ñaperügūgū. Rū aixcūma nixī i ngēma, natürü tama tūxū name i guxūma i ngēma íxūchaxūxū.

Rū ngēmaācū Cristu tūxū ínanguxūxēē na naxūxūcēx i ngēma inaxwēxēxū, natūrū tama guxūma i ngēma íxūxū tūxū narūngūxēē na yexeraācū meā yaxōgūamachigūxūcēx.

24 Rū tama name nixī i tóxrūtama mexūcēx tadaugū, natūrū name nixī i togūarū mexūcēx tadaugū.

25 Rū marū name i penangōx i nagúxūraūxū i namachi i namaā nataxegūxū, natūrū taxucēxma tūxcūū naxcēx ípeca ngoxí marū tupananetagūxū namaā yacuēxūxūgūxū i namachi yixī.

26 Erū ñoma i naāne rū guxūma i nawa ngēxmaxū, rū tórū Cori ya Tupanaarū nixī.

27 Rū ngēxguma chi wūxi i duūxū i tama yaxōxū pexna uxgu na naxūtawa peyachibūxūcēx, rū chi ngema pexīxgu, rū marū name i penangōx i guxūma i ōna i pepēxegu yaxūxūchixū. Rū taxucēxma tūxcūū naxcēx pexoegaāē rū nūxna peca na ngextá ne naxūxū i ngēma namachi i pemaā nangōxū.

28 Natūrū ngūrūāchi wūxie tá pemaā nūxū tixu rū ñatarūgū:

“Ñāā namachi rū tupananetachicūnēxācēx yamēxgūxū i naxūnawa ne ūxū nixī”, ñatarūgū. Rū ngēxguma i pema rū tama name na penangōxū i ngēma namachi na tama chixexūgu tūxū penguxēēxūcēx ya yíxema pemaā nūxū íxuxe, rū tama ngēmacēx taxoegaāēxūcēx i tūmax.

29 Rū tama pechiga nixī i chidexaxū i ngēxguma:

“Na tama taxoegaāēxūcēx”, ñachagu. Natūrū yíxema pemaā nūxū íxuxechiga nixī i chidexaxū. Natūrū bexmana ngūrūāchi wūxi i yaxōxū tá cuxna naca rū ñanagūrū tá cuxū:

“¿Tūxcūū i togū naxcēx oegaāēxūgagu choxna cunachūxu na tama chanaxūxū i tacū i chanaxwēxēxū?”

30 Rū ngēxguma chí Tupanana moxē chaxāxgu naxcēx i ngēma ōna i changōxū, ¿rū tūxcūū i ngēma ōnacēx choxū quixu?” ñanagūrū.

31 Dūcēx, pemaā nūxū chixu rū name nixī i guxūma i ngēma pexūxūmaā Tupanaxū picuēxūxūgū. Rū ngēxguma tacū pengoxgūgu rū exna tacū pixaxgūgu rū ēxna tacū i to pexūgūgu, rū name nixī i ngēmamaā Tupanaxū picuēxūxūgū.

32 Rū tama name i penaxū i tacū i togūxū chixexūgu yixēēxū, rū woo Yudíugū yixīgūgu rū ēxna tama Yudíugū yixīgūgu, rū ēxna yaxōgūxū yixīgūgu.

33 Rū choma rū guxūwama guxūxūma chataāēxēēchaxū. Rū ngemacēx tama chanaxū i ngema chomatama namaā chataāxēxū, natūrū chanaxū i ngema togū namaā taāxēxū na ngemaācū nūmagū rū ta nuxū nangūchaxū na yaxōgūāxū rū nayauxgūāxū i maxū i taguma gūxū.

11

1 Rū name nixī i nagu pexī i chaucūma ngēxgumarūū i choma na Cristucūmagu chixūxūrūū.

Name nixī i ngexūgū rū mexū i nacūmagu naxī

2 Pa Chaueneēgūx, pemaā chataāē erū guxūguma chaugu perūxīnūē rū nagu pexī ga yema nguxēētae ga pexū changūexēēxū.

3 Natūrū chanaxwēxe i nūxū pecuēx na Cristu rū wūxichigū i yatūeru na yīxū. Rū yatūxūgū rū naxmēxēru nixīgū ngēxgumarūū ya Tupana rū Cristueru na yīxū.

4 Rū ngēmācēx i ngēxguma wūxi ya yatū ngutaquēxewa yumūxēgu rū ēxna Tupanaārū orexū yaxuxgu, rū tama inangēxūchipatēxegu, rū ngēma rū wūxi i chixexū nixī i Cristupēxewa naxūxū.

5 Natūrū ngēxguma chi wūxi i ngecū ngutaquēxewa yumūxēgu rū ēxna Tupanaārū orexū yaxuxgu, rū chi tama ngīgū natūerugu, rū ngēma rū wūxi i chixexū nixī i ngītepēxewa naxūxū. Rū fioma ngīgū yadūeruxūrū īyixī.

6 Erū ngēxguma chi tama ngīgū natūeruchaūgu, rū narūmemaē nixī i noxtacūma ngīgū ibèixeru. Natūrū ngēxguma chi wūxi i ngīrū āne yixīgu i ngēma na ngīgū nabèixeruxū rū ēxna ngīgū yadūeruxū, rū narūmemaē nixī i ngīgū itūeru.

7 Natūrū yatūgū rū tama name na nūgū natūerugūxū. Yerū ga Tupana rū nūgūraūācū nanaxū ga yatū rū Tupanachipeta nixī. Rū yima yatūwa nixī i nangóxū na űuxācū namexēchixū ga Tupana. Rū ngēma ngecūwa nixī i nangóxū na űuxācū namexū ya yatū.

8 Yerū yexguma noxri Tupana naxūxgu ga yatū, rū tama ngecūwa nixī ga naxūāxū. Rū ngīma waxi nixī ga yatūwa ngixū naxūxū.

9 Rū yatūcēx nixī ga Tupana ngīxū ūxū ga ngecū, rū tama ngecūcēx nixī ga Tupana naxūxū ga yatū.

10 Rū ngēmācēx name nixī i ngīgū itūeru na duūxūgūpēxewa rū Tupanaārū orearū ngeruūgū i daxūcūāxgūpēxewa nangóxūcēx na ngītemēxēwa nangēxmaxū.

11 Natūrū Tupanapēxewa rū taxūma nixī ya yatū ega natauxgu i ngecū. Rū ngēxgumarū ta i ngecū rū taxūma iyixī ega natauxguma ya yatū.

12 Yerū yexguma noxri Tupana ngīxū ūxgu ga ngecū, rū yatūwa nixī ga ngīxū naxūxū. Rū ngēxgumarū ta ya yatū rū ngecūwa nixī i nabuxū. Natūrū Tupana nixī ya naxūcū i guxūma i duūxūgū.

13 Rū pematama tá penangugū rū ngoxi name na wūxi i ngecū rū tama ngīgū natūeruācūma nayumūxēxū.

14 Rū woetama tórū bucūma nixī i nūxū na icuāxū na wūxi i āne yīxū na nūgū namēxyaexēxū i wūxi i yatūxū.

15 Natūrū ngecūcēx rū wūxi i mexēchixū nixī na namēxyaexū. Erū Tupana rū ngīxna nanaxā i ngīyae na ngēmamaā ngīgū natūeruxūcēx.

16 Natūrū ngēxguma chi texē ngēmachiga tūgū choxūgagūgu, rū name nixī i nūxū tacūx na ngēmatama yīxū i tacūma rū nacūma i guxūma i yaxōgūxū i guxūnema ya tupaucagūwa.

Duūxūgū rū chixri namaā inacūxgū ga Coriarū ōna i ūūnexū

17 Rū űuxma i űāā popera i pexcēx chaxūmatūxūwa rū pemaā nūxū chixu rū nangēxma i wūxi i pecūma i chixexū i tama namaā chataāēxū. Erū chauxcēx i ngēma perū ngutaquēxegū rū pexū nachixexēē, rū tama aixcūma perū meruūgū nixī.

18 Erū duūxūgū chomaā nūxū nixugūgū rū ngēxguma tórū Coricēx pengutaquēxegūxgu rū pegū pitoye. Rū ngāxūgu chayaxō na aixcūma yīxū i ngēma nūxū yaxugūxū.

19 Choma rū nūxū chacūx na aixcūma woe tátama yīxū i pegū pitoyexū na ngēmawa nūxū icuāxūcēx na texégū tīxū ya yīxema aixcūma Cristuarū duūxūgū ixīgūxe.

20 Rū ngēma pegū na pitoyexūgagu nixī na tama aixcūma tórū Corixū picūxūgūācūma yīxū i penangōxū i tórū Coriarū ōna i ūūnexū i ngēxguma pengutaquēxegūxgu.

21 Erū ngēxguma penangōxgu i ngēma ōna i Ūūnexū rū wūxichigū rū peñuxāēgū na pexira na penayaxuxūcēx i ngēma ōna. Rū yoxni i ngēma togū rū ngēxma nataiyae, rū togū rū nayaxaxgū ya binu ñuxmata nangāxē.

22 ĶĒxna pengechiūgū ecēx tama ngēma pechibūexū rū pexaxegūxū? ĶTūxcūl nūxū pexoe i ngēma togū i yaxōgūxū rū penaxāneēxēē i ngēma yaxōgūxū i ngearū ngēmaxūāxgūxū? ĶRū tacūxū tá pemaā chixu i ñuxmax? ĶPexcēx rū tá pemaā chataāēxū? Dūcēx, pemaā nūxū chixu rū tama pemaā chataāē naxcēx i ngēma pexūgūxū.

Tórū Coriarū ōna i ūūnexūchiga

23 Rū ngema nguxēētae i pemaā nūxū chixuxū rū tórū Corixūtawatama chanayaxu. Rū yexguma tórū Cori ga Ngechuchuxū inaxuaxūgu, rū yematama chūtaxūgu rū nūma rū nanayaxu ga wūxi ga pāū.

24 Rū Tupanana moxē naxā, rū yemawena rū inanabūcu, rū ñanagūrū:

“Ñāā nixī i chaxune i pexcēx ichaxāxūchiga. ĶRū penangō i ñāā pāū na ngēmaācū peāēwa choxna pecuēxāchiexūcēx!” ñanagūrū.

25 Rū yexgumarūū ta ga chibūwena rū Ngechuchu nanayaxu ga wūxi ga pochiyu ga binuchiūmaā āācuxū, rū ñanagūrū:

“Rū daa binu rū wūxi i cuēxruū nixī na ngexwacēx Tupana duūxūgūmaā ixunetaxū i maxū i taguma gūxūchiga. Rū chaugū ya pexcēx ibacūmaā nixī i Tupana pexū nūxū cuēxēēxū i ngēmachiga. Rū ngēxguma ñuxguacū daa binu pixaxgūgu rū ñuxma choma na chanaxūxūrūū tá penaxū na peāēwa choxna pecuēxāchiexūcēx”, ñanagūrū ga Ngechuchu.

26 Rū guxūguma i ngēxguma penangōxgu i ñāā pāū rū peyaxaxgūgu ya daa binu rū ngēmawa tá duūxūgūxū nūxū picuēxēē na ñuxācū tórū pecaducēx nayuxū ga tórū Cori. Rū ngēmaācū tá penaxū ñuxmatāta wena nataegu i nūmax.

Texegūcēx nixī i tórū Coriarū ōna i ūūnexū

27 Natūrū ngēxguma chi texe tama tūgū tamexēēarū maxūxācūma nangōxgu i Coriarū pāū i ūūnexū rū tayaxaxūxgu ya yima binu ya ūūnecū, rū pecadu taxū napewa ya tórū Cori ya taxcēx yucū rū nagū ibacū.

28 Rū ngēmacēx naxūpa na tanangōxū i ngēma pāū rū na tayaxaxūxū ya yima binu, rū name nixī i wūxichigū meā tūmaarū maxūgu tarūxīnū ngoxi natakuma i tacū rū chixexū i tūmaarū maxūwa.

29 Erū ngēxguma tama tūgū tamaxēēarū maxūācūma tanangōxgu rū tayaxaxūxgu, rū tūgūtama poxcuwa taga. Erū tama aixcūma tayaxō na tórū Corichiga yixīxū i ngema pāū rū yima binu.

30 Rū ngēmacēx nixī i muxūchixe i petanūwa rū pīdaaweexū rū peturaexū, rū ñuxre i togū rū marū nayuexū.

31 Natūrū ngēxguma chi tórūtama maxūgu rūxīnūegu naxūpa na nangōxū i ngēma Coriarū ōna, rū nūma rū taxucēx tūxū napoxcūe.

32 Natūrū ngēxguma tórū Cori ñoma i tórū maxūwa tūxū poxcugu, rū ngēmaācū tūxū inayarūwēxāchixēē na tama yixcūra naāneārū guxgu tūxū napoxcuxūcēx wūxigu namaā i ngēma duūxūgū i tama yaxōgūxū.

33 Rū ngēmacēx, Pa Chaueneēgūx, ngēxguma pengutaquēxegūgu na penangōxūcēx i ngēma ōna i ūūnexū, name nixī i pegū ipenanguxēē na guxāma wūxigu meā penangōxūcēx.

34 Rū ngēxguma chi texē taiyēxgu, rū name nixī i tūmapatawatama tachibū na tama Tupana pexū poxcuexūcēx naxcēx na chixexū pexūexū i perū

ngutaquēxegūwa. Rū ngēma to i guxchaxūgū i pexū ngēxmaxū, rū choma tá chanamexēē i ngēxguma petanūwa chaxūxgu.

12

Ngēma cuèx i Tupanaāē i Ūūnexū tūxna āxūchiga

¹ Pa Chaueneēgūx, chanaxwēxe i nūxū pecuèx na űuxācū yīxū i ngēma cuèx rū űuxacū na yixīxū i ngema tauxcha i Tupanaāē i Ūūnexū tūxna āxū. Rū ngēmachiga nixī i pemaā nūxū chixuxchaūxū i űuxmax.

² Rū pema meāma nūxū pecuèx ga yexguma tauta Cristuaxū peyaxōgūgu, rū pegū nūxna pexāgū ga tupanametachicūnēxāgū ga tama idexaxū.

³ Rū ngēmacèx i űuxma rū chanaxwēxe i meā nūxū pecuèx rū taxucūrūwama texe ya Tupanaāē i Ūūnexū tūmawa ngexmaxe rū chixri Ngechuchuchuga tidexa. Rū ngexgumarūxū ta rū taxucūrūwama texe ngūrūmare tūechama rū:

“Ngechuchu rū tōrū Cori nixī”, űatarūgū ega tama Tupanaāē i Ūūnexū tūxū muxgu na ngēmaācū tidexaxūcèx.

⁴ Rū nūma ya Tupana rū duūxūgūna nanaxā i naguxūraū i tauchagū. Natūrū ngema Naāxē i Ūūnexū i nawa ne naxīxū i ngema tauchagū rū wūxitama nixī.

⁵ Nangēxma i nagūxūraūxū i Tupanaarū puracū, natūrū yima tōrū Cori ya tūxna naxācū i ngema puracūgū rū wūxitama nixī.

⁶ Rū Tupanaarū pora rū nagūxūraūācū nangox. Natūrū wūxitama nixī ya yima Tanatū ya tawa gūxūraūācū nangoxēēcū i ngema norū puracū.

⁷ Rū ngema Naāē i Ūūnexū wūxixewachigū nanangoxēē i Tupanaarū pora i norū duūxūgūtanūwa na ngemaācū guxāarū ngūxēēruū yixīxūcèx.

⁸ Rū Naāē i Ūūnexū rū tūmāxena rū nanaxā i tauxcha na ucūxēxū tacuáxūcèx. Rū ngēmatama Naāē i Ūūnexū rū togeāxū rū nanatauxchaxēē na nūxū tacuáxū na mea tangūxēētaexū i Tupanaarū ore.

⁹ Rū toge rū ngēmatama Naāē i Ūūnexū tūxū nanatauxchaxēē na Tupanana tarūyoexūcèx. Rū toge rū tūxna nanaxā i pora na ngēmamaā naxcèx tay-ataanegūxēēxūcèx i ngēma idaaeweexū.

¹⁰ Rū toge rū tūxna nanaxā i pora na tanaxūxūcèx i mexūgū i Tupanaarū poramaā ūxū. Rū toge rū tūxū nanatauxchaēē na nūxū tixuxūcèx i Tupanaarū ore. Rū toge rū tūxna nanaxā i cuèx na nūxū tacuáxūcèx i tacū yīxū i ngoxogūarū ixīxū rū tacū yīxū i Tupanaāē i Ūūnexūārū ixīxū. Rū toge rū tūxna nanaxā i tauxcha na ngēma tama nūxū tacuáxū i nagawa tidexaxūcèx. Rū toge rū tūxna nanaxā i cuèx na tanangoxēēxūcèx na tacūchiga yīxū na tidexaxū ya yixema to i nagawa idexāxe.

¹¹ Rū guxūma i ngēma rū Tupanaāē i Ūūnexūtama nixī i naxūxū. Rū nūma nixī i wūxichigū i duūxūna naxāāxū i ngēma cuèx i nūma nanaxwēxexū na nūxna naxāāxū.

Guxāma i yaxōgūxū rū wūxitama i naxūnewa naxūgū

¹² Rū duūxūxūne rū woo muxūgu nixūye, natūrū wūxitama i naxūne nixī. Rū ngexgumarūxū ta i ngema Cristuāxū yaxōgūxū rū woo namu, natūrū wūxitama i naxūnewa naxūgū.

¹³ Rū yexguma fibaiūgu rū Tupanaāē i Ūūnexū rū wūxitama i naxūne tūxū nixīgūxēē. Rū woo Yudūgū na ixīgūxū, rū ēxna tama Yudūgū na ixīgūxū, rū woo togūmēxēwa ingexmagūxū rū ēxna taxūxemēxēwa ingēxmagūxū, natūrū

wūxitama i naxūne tūxū nixīgūxēē i nūma i Naāē i Ūūnexū i nūxicatama ixīxū. Rū guxāma i yixema rū marū tūxna nangu i ngēma Naāē i Ūūnexū.

14 Wūxi i naxūne rū tama naxāmenāxamare, natūrū muxūgu nixūye.

15 Rū ngēxguma chi yima nacutū űaxgu:

“Rū űuxma na tama naxmēx chiīxū, rū ngēmacēx tama ngēma naxūnewa changēxma”, űaxgu, rū tama ngēmacēx nūxū narūxo na ngema naxūnewa nangexmaxū.

16 Rū ngēxguma chi yima naxpaxchinū űaxgu:

“Rū űuxma na tama naxētū chiīxū, rū ngēmacēx tama naxūnewa changēxma”, űaxgu, rū tama ngēmacēx nūxū narūxo na ngema naxūnewa nangexmaxū.

17 Rū ngēxguma chi guxūma i naxūne rū naxētū yixīgu, űrū űacūmaā chi i nūxū naxīnūxū i ngema naxūne? Rū ngēxguma chi guxūma i naxūne rū naxmachixē yixīgu, űrū űacūmaā chi i nūxū nawāxīxū?

18 Natūrū Tupana ga naxūcū ga taxūne, rū ngexta nūma ínanaxwēxexūwa nanangexmaxēē i taeru rū tachacūgū rū taparagū.

19 Rū ngēxguma chi nataxūxgu i norū űyechigū i taxūne rū chi naxāmenēxāmare.

20 Rū ngema naxūne rū woo muxūgu nixūye, natūrū wūxitama i naxūne nixī.

21 Rū taxetū rū taxucūrūwa taxmēxū űnanagūrū:

“Choma rū tama chacuxwēxe”, űnanagūrū. Rū ngēxgumarū ű ta i taeru rū taxucūrūwa tacutūgūxū űnanagūrū:

“Choma rū tama chapexwēxe”, űnanagūrū.

22 Natūrū ngēma yexeraācū ācūmaxū i taxūnewa, rū ngēma nixī i yexera nanaxwēxexū i taxūne.

23 Rū ngēma taxūnewa yexeraācū naxcēx ixānexū, rū ngēma nixī i yexera meā ixūxchiruxū. Rū ngēma taxūnewa ngēxmaxū i tama ínaxwēxexū na nangóxū, rū ngēma nixī i yexera meā idūxūxū.

24 Natūrū tama ngēmaācū tanaxū namaā i ngēma taxūnewa ngēxmaxū i guxāxūma iwéxū. Rū ngēmaācū Tupana nanaxū i taxūne, na yexeraācū nūxna idaūxūcēx i ngēma yexera naxcēx ixānexū.

25 Rū ngēmaācū Tupana nanaxū i taxūne na wūxichigū i norū űye nūgūgu naxīnūxūcēx rū nūgū nangūxēēgūxūcēx.

26 Rū ngēxguma chi wūxi i ngēma taxūnearū űye nūxū nguxgux, rū guxūma i ngēma togū i natanūxūgū rū ta nūxū nangux. Rū ngēxguma chi wūxi i ngēma taxūnearū űye taāēxgu, rū guxūma i ngēma togū i natanūxūgū rū ta nataāēgū.

27 Rū űuxma i wūxichigū i pema rū Cristuxūnearū űye pixīgū, rū ngema naxūnewa pexūgū.

28 Rū ngēmacēx ya Tupana rū nanaxwāe na űnaacū nūgū ínanuxū i norū duūxūgū: Rū yixema tūxira tūxū naxunetaxūe tixī ya norū puracūwa tūxū namugūxe. Rū tūxū naxuneta ya toguēgū na nūxū tixugūxūcēx i norū ore. Rū tūxū naxuneta ya toguēgū na duūxūgūxū tangūxēēxūcēx i norū ore, rū toguēgū na tanaxūgūxūcēx i mexūgū i Tupanaārū poramaā taxūgūxū. Rū toguēgū rū tūxū nanatauxchaxēē na tanameexēēxūcēx i idaaweexū, rū toguēgū na nūxū tarūngūxēēgūxūcēx i ngema űacū nūxū taxūxū, rū toguēgū yaxōgūxūārū āēxgacūgū na tixīgūxūcēx. Rū tūxū nanatauxchaxēē ya toguēgū na ngēma naga i tama nūxū tacuāxūwa tidexagūxūcēx.

²⁹ Rū tama guxāma Tupana tūxū imugūxe tixīgū, rū tama guxāma Tupanaārū orearū uruū tixīgū. Rū tama guxāma norū orewa nguxēetaegūxe tixīgū, rū tama guxāma nūxū tacuèx na tanaxūxū i mexūgū i taxūgū i Tupanaārū poramaā ūxū.

³⁰ Rū tama guxāma nūxū tacuèx na tanameēxēēxū i duūxūgū i idaaweexū. Rū tama guxāma nūxū tacuèx na nawa tidexagūxū i wūxi i naga i tama nūxū tacuáxū. Rū tama guxāma nūxū tacuèx na tanangoxēēxū na tacūchiga yadexaxū i ngēma duūxūgū i tama nūxū nacuáxū i nagawa idexaxū.

³¹ Rū name nixī inaxcèx pedèux na Tupana pexna naxāxūcèx i ngēma cuèx rū tauxchagū i rümemaegūxū.

Yigū na ingechaūgūxūchiga

Natūrū i űuxma rū tá pexū changúexēē i tacū nixī i guxūma i ngēma pemaā nūxū chixuxūārū yexera rümemaēxū.

13

¹ Rū woo togū i nagawa chideaxgu, rū woo Tupanaārū orearū ngeruūgū i daxūcūāxgawa chideaxgu, natūrū űoma wūxi i tacū i āgaxūrūūmare chixī ega tama guxāxū changechaūgu.

² Rū woo nūxū chacuèxgu na meā duūxūgūmaā nūxū chixuxū i Tupanaārū ore, rū woo nūxū chacuèxgu i guxūma i tacū i ēxūguxū i Tupanachiga, rū woo choxū natauxchagu na chorū ōmaā chayaxīgachixēēxū ya mēxpūnegū, natūrū taxuwama chame ega tama guxāxū changechaūgu.

³ Rū woo ngēma duūxūgū i ngearū diēruāxgūxūxū chayanuxgu i guxūma i tacū i choxū ngēmaxū, rū woo Tupanaārū oreçèx chaugū ichaxāxgu na ūxūwa choxū yagugūxūcèx, rū taxuwama choxū name i ngēma ega tama guxāxū changechaūgu.

⁴ Rū yīxema guxāxū ngechaūxē, rū yaxna namaā taxīnū, rū namaā tameçūma. Rū tama tixāūxāchiwēxe, rū tama togūxū tūgū tarūyexera rū tama tūgū ticuèxū.

⁵ Rū yīxema aixçūma guxāxū ngechaūxē, rū tama taguxchigawēxe, rū tama tūgūguxicatama tarūxīnū, rū tama tanuxwēxe, rū tama nagu tarūxīnūēcha ega texé chixexū tūmamaā ūxgu.

⁶ Rū tama namaā tataāē i chixexūgū, natūrū namaā tataāē i ngēma ore i aixçūma ixīxū.

⁷ Rū yīxema aixçūma guxāxū ngechaūxē, rū yaxna namaā taxīnū, rū guxūguma nūxū tayaxō, rū guxūguma mexūgu namaā tarūxīnū, rū taguma naxchi taxai woo tacū tūmamaā naxūxgu i togū.

⁸ Rū ngēma yigū na ingechaūxū rū tagutāma inayacuèx. Natūrū ngēma na nūxū ixuxū i Tupanaārū ore rū wūxi i ngunexūgu tá inayacuèx. Rū ngēma tama nūxū icuáxū i nagawa na idexaxū, rū tá ta inayacuèx. Rū ngēma űuxma nūxū icuáxū rū wūxi i ngunexūgu rū marū taxuwatāma tūxū name.

⁹ Erū ngēma tórū cuèx i űuxma tūxū ngēmaxū, rū Tupanapēxewa rū naxīra. Rū ngēxgumarūū ta i ngēma norū orexū na ixuxū, rū wūxi i íramarexūtama nixī.

¹⁰ Rū guxūma i ngēma rū tá inayarūxo i ngēxguma Tupanapēxewa ingugūgu rū nūma tá guxūxūma tūxū nacuèxēēgu.

¹¹ Yexguma chabuxga chomax, rū wūxi ga buxūrūū chidexa, rū buxū nagu rūxīnūxūgu charūxīnū, rū tama meā chauāēxū chacuèx. Natūrū yexguma marū chayèxgu, rū nūxū charūxo ga guxūma ga yema chorū bucūma.

12 Rū ngēma ñuxma nūxū idauxū i Tupanachiga, rū ñoma wūxi i worua ya ūxachametūxewa yigū idauxūrūū nixī na taxcèx naxèxū. Natūrū yixcūra rū tá aixcūma meā nūxūxūchi tadau ya Tupana. Rū ñuxma rū írarūwatama nūxū chacuèx i Tupanachiga. Natūrū wūxi i ngunexūgu rū tá meā nūxū chacuèx i guxūma i nachiga, ngēma na Tupana meāma choxū cuáxūrūū.

13 Rū ñuxma rū nangēxma i tomaèxpūx i nacūmagū i guxūgutáma ngexmaxū. Rū ñaāgū nixī:

1 Rū Tupanaāxū tayaxōgū

2 Rū nūxū ítananguxēē na nataeguxū ya Cristu

3 Rū nūxū tacuèx na tamūcūxū ingechaūxū.

Natūrū ngēma tomaèxpūxtanūwa rū ngēma rümemaexū nixī na guxāxū ingechaūxū.

14

Ngēma tama nūxū icuáxū i nagawa na idexaxūchiga

1 ¡Rū naxcèx pedèux na guxāxū pengechaūxū! Rū ngēxgumarūū ta name nixī i naxcèx pedau i ngema tauxchagū rū ngema cuèx i Naāē i Ūūnexūwa ne íxū. Rū ngēma cuèx i yexeraācū penaxwæxū nixī na pexū natauxchaxū na nūxū pixuxū i Tupanaarū ore.

2 Yíxema duūxē ya tama nūxū tacuáxū i nagawa idexaxe, rū Tupanamaā nixī i tidexaxū rū tama i duūxūgūmaā, erū taxúema nūxū tacuèx na ñuxū ñaxūchiga yīíxū. Rū Tupanaāē i Ūūnexū nixī i tūxū idexaxēēxū, natūrū ngēma ore i nūxū tixuxū rū èxūguxū nixī.

3 Naturū yíxema nūxū ixuxe i Tupanaarū ore rū ngema yaxōgūxūdarū ngūxēeruxū tixī, erū yexeraācū cuèxwa tanangugūxēē rū nūxū tanangūchaxūxēē i ngema ore rū tanataāèxēē i ngema yaxōgūxū i ngexguma guxchaxū nūxū ūpetūgu.

4 Rū yíxema duūxē ya tama nūxū tacuáxū i nagawa idexaxe, rū tūmacèxtama nixī i ngema na yexeraācū mea Tupanaāxū tayaxōxūcèx. Natūrū yíxema nūxū ixuxe i Tupanaarū ore rū nūxū tixu na yexeraācū Tupanaāxū yaxōgūāxūcèx i guxūma i yaxōgūxū.

5 Choma chierū chanaxwèxe na guxāma i pema rū ngēma tama nūxū pecuáxū i nagawa na pidexagūxū. Natūrū yexeraācū chanaxwèxe na duūxūgūmaā nūxū pixuxū i Tupanaarū ore. Erū ngēma to i nagawa na pidexagūxūārū yexera narūmemaē na togūmaā nūxū pixuxū i Tupanaarū ore. Natūrū ngēma to i nagawa na idexaxū, rū name ega ngēma yaxōgūxūmaā nūxū ixuxgu na tacūchiga yīíxū i ngēma dexa, na nūmagū rū ta yexeraācū meā Tupanaāxū yaxōgūāxūcèx.

6 Rū ngēmacèx, Pa Chaueneēgūx, rū ngēxguma chi pexūtawa chaxūxgu, rū chi to i nagawa chideaxgu, ¿rū íacuwa chi pexū namexū i ngēma? Natūrū ngēxguma chi pemaā nūxū chixuxgu i ngēma Tupana tūxū nūxū cuèxēēxū, rū èxna ngēma chomatama nūxū chacuáxū na aixcūma yīíxū, rū èxna ngēma èxūguxū i ñuxma Tupana tūxū nūxū cuèxēēxū, rū èxna íacu rū to i nguxēētae i Tupanachiga, rū ngēma waxi nixī i pexū mexū.

7 ¡Rū dūcax ngēma paxetarūū i quena rū èxna arpa! Rū ngēxguma tāū chima texē meā napaūxgu, rū tāū chima nūxū tacuèx na íacuū tanapaxūxū.

8 Rū ngēma churaragū, rū ngēxguma norū uwanūgūmaā nūgū nadaixchaūgu, ¿rū ñuxācū tá nūgū namexēē na nūgū nadejūcèx ega tama meā nangōgagu ya yima corneta ya dejxcèx naxcèx çaxūne?

⁹ Rū ngēxgumarūū ta pexđ nangupetū. Rū ngēxguma chi perū conūmaā nūxđ pixuxgu i dexta i taxúema nūxđ cuáxđ, ¿rū űuxácū tá nūxđ tacuēx na űuxđ űaxđchiga yīxđ i ngēma nūxđ pixuxđ? Rū űoma ngūrūanewa pidexagūxđrūū tá pixīgū.

¹⁰ Rū aixcūma nixī i namuxđ i nagagū i űoma i naānewa. Rū guxđma i ngēma nagagū rū name naxcēx i ngēma duđxđgū i nawa idexagūxđ.

¹¹ Natūrū ngēxguma chi tama nūxđ chacuēxgu i ngēma naga i to i duđxđ chomaā nawa idexaxđ, rū ngēma duđxđcēx rū űoma to i nachiūānecūāxđrūū chixī, rū chauxcēx rū űoma to i nachiūānecūāx i duđxđrūū nixī i nūmax.

¹² Choma nūxđ chacuēx rū pema rū pexđ nangúchađ na pexđ nangēxmaxđ i ngēma nacūmagū i Tupanaāē i Ūūnēxđ tūxna āxđ. Natūrū name nixī i naxcēx pedau na guxđārū yexera pexna naxāāxđ i ngēma nacūmagū i namaā nagū perūngūxēxđ i guxđma i yaxōgūxđ na yexeraācū meā Tupanaāxđ yaxōgūāxđcēx.

¹³ Rū ngēmacēx yīxema duđxē ya taxúema nūxđ cuáxđ i nagawa idexaxe, rū name nixī i Tupanana naxcēx taca na tūxna naxāāxđcēx i cuēx na togūmaā nūxđ tixuxđcēx na űuxđ űaxđchiga yīxđ i ngēma nūxđ tixuxđ.

¹⁴ Rū ngēxguma chi taxúema nūxđ cuáxđ i nagawa chayumūxēgu, rū chauāē nixī i ngēma yumūxēxđ. Natūrū chomatama rū taxuđma chacuēx na tacūchiga yīxđ i ngēma.

¹⁵ ¿Rū űuxácū tá chayumūxēxđ i űuxmax? Rū marū name nixī ega taxúema nūxđ cuáxđ i nagawa chayumūxēgu, natūrū chanaxwēxe i guxāma nūxđ cuáxđ i nagawa rū ta chayumūxē. Rū marū name nixī ega taxúema nūxđ cuáxđ i nagawa chawiyae, natūrū chanaxwēxe i guxāma nūxđ cuáxđ i nagawa rū ta chawiyae.

¹⁶ Erū ngēxguma chi taxúema nūxđ cuáxđ i nagawa Tupanaxđ quicuēxūđgu, rū yīxema duđxēgū ya ngēma irūxīnūēxē, rū taxucūrūwa cumaā wūxigu Tupanaxđ ticuēxūđgū, erū tama nūxđ tacuēx na űuxđ űaxđchiga yīxđ i ngēma nūxđ quixuxđ.

¹⁷ Rū woo ngēma curū yumūxē rū namēxēchixgu, natūrū yīxema duđxēgū ya ngēma irūxīnūēxē rū taxuđma i mexđ nawa tayaxu ega to i nagawa quideaxgu.

¹⁸ Tupanana moxē chaxā, erū perū yexera taxúema nūxđ cuáxđ i nagawa chidexa.

¹⁹ Natūrū woo muxđma i ore i taxúema nūxđ cuáxđ i nagawa na chidexaxđ, natūrū ngēma yaxōgūxđārū ngutaquēxēgūwa rū chauxcēx rū narūmemaē chi nixī ega woo noxre i ore i meāma nūxđ icuáxđwa namaā nūxđ chixuxgu i Tupanaārū ore na ngēmaācū ngēmamaā meā chanangūxēxēxđcēx.

²⁰ Pa Chaueneēgūx, tama name i űoma buxđgūrūū chixri nagu perūxīnūe i ngēma ore i pemaā nūxđ chixuxđ. Rū narūmemaē nixī i űoma buxđgūrūxđ pegū pixīgūxēē naxchēxwa i ngēma chixēxđ, natūrū ngēma peru īnūwa rū penaxwēxe i duđxđgū i marū yaxđrūū meā nagu perūxīnūe rū nagu pexī i ngēma ore i pemaā nūxđ chixuxđ.

²¹ Tupanaārū ore ga nuxcūmaūxđ ga norū orearū uruū ūmatūxđ rū űanagūrū:

“Rū nuā tá chanamagū i to i nachiūānecūāx i duđxđgū na to i nagawa yadexagūxđcēx namaā i űāā Yudiūgū i tama yaxōgūxđ. Natūrū woo ngēmaācū chanaxđxgu, rū tāūtāma chauga naxīnūe i ngēma Yudiūgū i tama irūxīnūēchaūxđ”,
 űanagūrū ga Tupana.

22 Rū ngēmācēx ngēma na taxúema nūxū cuáxū i nagawa idexaxū, rū wūxi i cuèxruū nixī naxcēx i ngēma duūxūgū i tama irūxīnūēchaūxū. Rū tama duūxūgū i marū yaxōgūxūcēx nixī i ngēma. Natūrū ngēma Tupanaārū orexū na ixuxū, rū duūxūgū i marū yaxōgūxūcēx nixī na yexeraācū meā Tupanaāxū yaxōgūāxūcēx. Rū tama duūxūgū i tama irūxīnūēchaūxūcēx nixī i ngēma.

23 Rū ngēxguma chi pema i yaxōgūxe pengutaquēxegūgu, rū guxā chima to i nagawa pidexagūgu, ¿rū ñuxū ñaxū tá ega petanūgu naxūcuxgu i wūxi i duūxū i ngēma iyarūxīnūxū rū ēxna wūxi i duūxū i tauta yaxōxū? ¿Taux ēxna i nagu tá naxīnūxū na pexāūāēgūxū i pemax?

24 Natūrū ngēxguma chi guxāma i pema nūxū pixuxgu i Tupanaārū ore, rū chi petanūgu naxūcuxgu i wūxi i duūxū i tama yaxōxū rū ēxna wūxi i duūxū i ngēma iyarūxīnūxū, rū tá nūxū naxīnū i ngēma Tupanaārū ore i nūxū pixuxū. Rū ngēmaācū tá nūxū nacuēx na nūma rū wūxi i pecaduāxū na yīxū. Rū nūgūgu tátama inarūxīnū i ngēxguma nūxū naxīnūgu i ngēma nūxū pixugūexū.

25 Rū ngēma chixexū i nūxīcatama nūxū nacuāxū rū tá naxcēx īnicuēx. Rū nūma rū ngēxma tá nacaxāpūxū, rū tá Tupanaxū nicuēxūū. Rū tá nūxū nixu na aixcūma Tupana petanūwa nangēxmaxū.

Tama name i penaxīxāchiāxēgū i perū ngutaquewa, rū name i meamare penaxū

26 Dūcēx, Pa Chaueneēgūx, ñuxma tá pemaā nūxū chixu na ñuxācū tá penaxūxū ega ngēxguma pengutaquēxegūgu. Rū ñuxre i pema rū marū name na Tupanaārū wiyaeagu pewiyaeagūxū, rū togue rū tanguxēētaegūxū, rū togue rū nūxū tixuxū i ngēma ore i Tupana tūxū nūxū cuèxēxū, rū togue rū nawa tidexagūxū i naga i tama nūxū tacuēxgūxū, rū togue rū tanangoxēēgūxū i ngēma dexa i to i nagawa nūxū yaxugūxū. Natūrū guxūma i ngēma rū tanaxwēxe i yaxōgūxūārū ngūxēēcēx na yīxū, na yexeraācū yaxōgūāxūcēx rū meā Tupanacēx namaxēxūcēx.

27 Rū ngēxguma to i naga i pema tama nūxū pecuāxūwa pidexagūgu, rū name nixī i taxre rū ēxna tomaēxpūxicatama tidexagū. Rū tanaxwēxe i wūxiexira tidexa i noxri rū yixcama ya togue. Rū ngēxguma chi texē to i nagawa ideaxgu, rū name nixī na tangēxmaxū ya wūxie ya nūxū ixuchigūxe na ſacūchiga yīxū i ngēma ore i to i nagawa nūxū yaxuxū.

28 Natūrū ngēxguma chi tatauxgu na texē nūxū ixuchigūxū na ſacūchiga yīxū i ngēma ore i to i nagawa nūxū yaxuxū, rū narūmemaē nixī na nox-tacūma tama to i nagawa pidexagū i perū ngutaquēxewa. Rū narūmemaē i wūxichigū tūxica Tupanamaāxīcatama bexma tidexa.

29 Rū ngēxgumarūū ta ngēxguma pengutaquēxegūgu, rū name nixī i taxre rū ēxna tomaēxpūxicatama nūxū tixu i Tupanaārū ore. Rū ngēma togū i ngutaquēxetanūxū rū name nixī na meā nangugūūāxū i ngēma ore.

30 Natūrū ngēxguma chi iyadexayane i wūxi i duūxū, rū Tupana tūmamaā ideaxgu ya togue ya ngēma rūtoxe, rū name nixī na iyanachianexū i ngēma nūxīra idexaxū na tidexaxūcēx ya yixema duūxē ya Tupana tūmamaā idexaxe.

31 Rū ngēmaācū guxāma i pema na Tupana pemaā idexaxū, rū name nixī i wūxichigū īpenanguxēē na pewa nanguxū na pidexagūxū i Tupanaārū ore. Rū ngēmaācū i ngēma togū i ngutaquēxetanūxūgū rū tá Tupanachiga meā nangūe rū tá nataāēgū.

32 Rū ngēmaācū tanaxwēxe i meāma tūmaāēmaā itacuēx ya wūxichigū ya yīxema Tupanaārū orexū ixuxe.

33-34 Erū perū ngutaquēxegūwa rū Tupana nanaxwēxe na meā penaxūxū i guxūma, rū tama nanaxwēxe na ngema pexāūgatanūxū rū pegū ipetūexēēxū. Rū guxūma i togū i yaxōgūxūdārū ngutaquēxegūwa rū marū nūxū nayapue na tama yadexagūxū i ngexūgū. Rū name nixī i pema rū ta ngēmaācū penaxū, erū nachuxu na yadexagūxū i ngexūgū i ngutaquēxegūwa. Rū name nixī na yatūgūga naxīnūēxū i ngexūgū, ngēma Tupanaārū ore tūxū muxūrū.

35 Rū ngēxguma chi tacūxū nacuáxchaūgu i wūxi i ngexū, rū name nixī i nachīūwatama natena naca i nachiga i ngēma. Erū wūxi i āne nixī ega ngutaquēxewa yadeaxgu i wūxi i ngexū.

36 Pa Corītiucūāxgūx, name nixī na nūxna pecuēxāchiexū na tama pewaxira ne naxūxū i Tupanaārū ore. Rū tama pexicatama nixī i penayauxgūxū i ngēma.

37 Rū ngēxguma chi texé tūgūgu rūxīnūgu na Tupanaārū orearū uruū tīxū rū ēxna tūgūgu tarūxīnūgu na Tupanaāē i Ūnēxū tūxna naxāxū i tacū rū cuēx, rū name nixī i nūxna tacuēxāchi na tōrū Coriarū ore yīxū i űāā ore i pexcēx chaxūmatūxū.

38 Natūrū ngēxguma chi texé tama nūxū cuáxchaūgu i ngēma pemaā nūxū chixuxū, rū name nixī i tama tūxū pecuáxchaū.

39 ¡Rū ngēmacēx, Pa Chaueneēgūx, rū Tupanana naxcēx peca i cuēx na meāma nūxū pixuxūcēx i norū ore! ¡Rū tama penachuxu na to i nagawa yadexagūxū i duūxūgū!

40 Rū perū ngutaquēxegūwa, rū name nixī na meā penaxūxū i guxūma. Rū tama name i ngēma pexāūgatanū rū pegū ipetūexēē.

15

Cristu na yuwa írūdaxūchiga

1 Rū űuxmax, Pa Chaueneēgūx, rū chanaxwēxe i nūxna pecuēxāchie i ngēma Tupanaārū ore i tūxū maxēxēēxū ga pemaā nūxū chixuxū. Rū yematama ore nixī ga pema peyauxgūxū. Rū űuxma rū ngēmatama oregagu nixī i meā peyaxōgūxū.

2 Rū ngēma oregagu nixī i pexū nangēxmaxū i maxū i taguma gūxū, ega aixcūma guxūguma peyaxōgūmagu. Natūrū ngēxguma tama guxūguma peyaxōgūgu, rū natūcēxmamare nixī i ngēma perū ō.

3 Rū yexguma noxri petanūwa changuxgu, rū yema nūxira pexū changūxēēxū nixī ga yema chaxira togū choxū nguxēēxū na Cristu rū tōrū pecaducēx nayuxū, ngēma Tupanaārū ore i ūmatūxūwa nūxū yaxuxūrū.

4 Rū yexgumarū ta pexū changūxēē ga űuxācū inatēxgūāxū, rū űuxācū norū tomaēxpūx ga ngunexūgu rū wena na namaxūxū, ngēma Tupanaārū ore i ūmatūxūwa nūxū yaxuxūrū.

5 Rū yexgumarū ta pexū changūxēē ga űuxācū Pedrucēx na nangóxū ga Cristu, rū űuxācū yixcūra rū norū ngūxūgū ga yamugūxūcēx na nangóxū.

6 Rū yemawena ga Cristu rū noxtacūma 500 arū yexera ga yaxōgūxūcēx nangox. Rū muxūma i ngēma duūxūgū rū űuxma rū ta namaxē, natūrū nūmaxū rū marū nayue.

7 Rū yemawena rū Chaūtiágucēx nangox, rū yixcama guxūma ga yema togū ga ngūxūgūcēx nangox.

8 Rū dūxwa chowa inayacuēx ga chauxcēx rū ta na nangóxū, woo ngūrūāchimare nixī ga yema, ngēxgumarū i wūxi i buxū i tautama norū ngunexūwa nanguyane buxūrū.

⁹ Rū choma rū guxūma i ngēma togū i Tupana imugūxūtūtūwa chaxū. Rū ngemacēx tama name i Tupana imuxūmaā choxū naxugūxū i duūxūgū, yerū nawe chingēchigū ga Tupanaārū duūxūgū rū poraācū chixexū chaxū.

¹⁰ Natūrū ga Tupana rū chomaā namecūma, rū ngēmacēx i űuxma rū choxū pedau na űacū chūxū rū űuxācū na chūxū. Rū yema chomaā na namecūmaxū rū tama natūcēxma nixī. Yerū choma rū guxū ga togū ga yamugūxūārū yexera chanaxū ga Tupanaārū puracū. Natūrū tama chauechama chanaxū ga yema puracū, natūrū Tupana ga chomaā mecūmacū rū chomaā puracūcū nixī ga naxūcū ga yema puracū na nūxū chixuxūcēx ga norū ore.

¹¹ Natūrū i űuxma rū nūetama nixī ega woo choma chixīgu rū ēxna togū yixīgu ga pemaā nūxū ixuxū ga yema ore. Yerū yema ore ga pemaā nūxū tixuxū, rū Tupanaārū ore i tūxū maxēxēēxū nixī, rū yema nixī ga pixōgūxū.

űuxācū wena tá namaxē i duūxūgū i yuexū

¹² Marū pemaā nūxū tixu na Cristu rū yuwa ínadxū. ¿Rū tūxcūū űuxre i pema rū űaperūgūgū:

“Yuexū rū tagutāma wena namaxē”, űaperūgūgū?

¹³ Rū ngēxguma chi ngēma yuexū rū tagu chima wena namaxēgu rū yima Cristu rū tāū chima wena namaxū.

¹⁴ Rū yexguma chi Cristu tama wena maūxgu, rū ngēma ore i nūxū tixuxū i nachiga rū taxuwa chima name, rū natūcēxmamare chi nixī i perū ō.

¹⁵ Rū ngēxguma chi ngēmaācū yixīgu, rū toma i Tupanaārū orearū uruūgū rū doratēēxgūxū tixīgū. Erū nūxū tixu na Tupana Cristuxū wena maxēēxū. Rū ngēxguma chi tama aixcūma yixīgu na wena namaxēxū i yuexū, rū chi wūxi i doramare nixī na Tupana Cristuxū wena maxēēxū.

¹⁶ Rū ngēxguma chi ngēma yuexū rū tagu chima wena namaxēgu, rū ga Cristu rū chi ta tāū chima wena namaxū.

¹⁷ Rū yexguma chi Cristu tama wena maūxgu, rū natūcēxmamare chi nixī i peyaxōgūxū, rū űuxma rū chi ta perū pecadugagu ipeyarūtauxe.

¹⁸ Rū chi ngēmaācū yixīgu rū ngēma duūxūgū i Cristuaxū yaxōgūxū i marū yuexū, rū chi ta tāū chima nūxū nangēxma i maxū i taguma gūxū.

¹⁹ Rū ngēxguma chi űoma i maxūcēxicatama yixīgu na Cristuaxū yaxōgūxū, rū chi guxū i togū i duūxūgūarū yexera tangechaūtūmūgū.

²⁰ Natūrū aixcūmaxūchi nixī ga Cristu ga yuwa na ínadxū. Natanūwa i guxūma i ngēma yuexū i yixcūra tá írūdagūxū, rū Cristu nixī ga namaā inaxūgūcū na ínadxū, yerū nūma nixī ga nūxīra wena namaxūxū.

²¹ Rū yexgumarūū wūxi ga yatūgagu na nayuexū ga duūxūgū, rū ngēxgumarūū tá ta nixī na wūxi i yatūgagu wena namaxēxū i ngēma marū yuexū.

²² Rū ngema na Adāūgagu guxāma na yuexū, rū ngēxgumarūū ta Cristugagu tá namaxēxū i guxūma i duūxūgū i nūxū yaxōgūxū.

²³ Natūrū wūxichigū tá tūmawa nangu na wena tamaxūxū. Rū Cristu nixī ga nūxīra maxūcū. Rū ngēxguma wena nūma naxūxgu i nūmax, rū ngēxguma tá nixī i wena namaxēxū i ngēma duūxūgū i noxrū ixīgūxū.

²⁴ Rū ngēmawena tá nixī i nagūxū i naāne. Rū ngēxguma tá nixī ya Cristu i nūxū naporamaēxū i guxūma i norū uwanūgū. Rū ngēxguma tá nixī i Nanatū ya Tupanana naxāāxū i guxūma na nūma namaā inacuāxūcēx.

²⁵ Erū nūma ya Cristu rū āēxgacū tá nixī űuxmatáta nūxū naporamaē i guxūma i norū uwanūgū.

²⁶ Rū ngēma nawa iyacuáxū i norū uwanū i tá nūxū naporamaēxū, rū yu nixī.

²⁷ Yerū Tupana rū marū Cristumēxēwa nanayexmagūxēē ga guxūma. Natūrū woo Tupanaārū ore nūxū ixuxgu na Cristumēxēwa nangēxmagūxū i guxūma, natūrū nūmatama ya Tupana rū tama Cristumēxēwa nangēxma. Yerū nūma ga Tupana nixī ga Cristumēxēwa nayexmagūxēēāxū ga guxūma.

²⁸ Rū ngēxguma guxūma Cristumēxēwa ngēxmagūgu, rū űuxūchi nūmatama ya Cristu ya Tupana Nane rū tá Nanatūmēxēwa nūgū nangēxmaxēē. Yerū nūma ga Tupana nixī ga Cristumēxēwa nayexmagūxēēāxū ga guxūma. Rū ngēmaācū ya Tupana rū guxūmaā tá inacūex.

²⁹ Rū nangēxma i űuxre i duūxūgū i petanūwa i Tupanaegagu yuexūchicūū íbaiūxū. ¿Rū tūxcūū ngēma naxūgū? Rū ngēxguma chi tama wena namaxēgu i duūxūgū i yuexū, ¿rū tūxcūū ngēma yuexūchicūū ínabaiū?

³⁰ ¿Rū tūxcūū i toma rū guxūguma āucūmaxūwa tangēxmagū?

³¹ Pemaā nūxū chixu, Pa Chaueneēgūx, rū guxū i ngunexūgu rū āucūmaxūwa changēxma, rū tama nūxū chacuēx i űacū rū ngunexūgu Tupanaārū oregagu tá na chayuxū. Rū ngēma rū aixcūmaxūchi nixī, ngēxgumarūū na aixcūma yīxū na choxū nangēxmaxū i wūxi i taāē i taxū i űuxma na tórū Cori ya Ngechuchu ya Cristuaxū peyaxōgūxū.

³² Choma rū nuā Epēchiuwa rū Tupanaārū orechigagu chorū uwanūmaā poraācū togū tachoxūgagū. Rū űoma naēxū i idūraexūmaā togū tadēixūrūū tixīgū. ¿Natūrū űacūwa choxū namexū ga yema ega chorū maxū i űoma i naānewa choxū ngēxmaxūcēxicatama yixīgu? Rū ngēxguma chi aixcūma yixīgu na tama wena namaxēxū i yuexū, rū marū name i űatarūgūgū:

“¡Ngīxā tachibūe rū taxaxegū, erū paxa tá tayue!” űatarūgūgū.

³³ ¡Natūrū tāūtāma nawe perūxī i ngēma duūxūgū i ngēmaācū chixri idex-agūxū! Erū aixcūma nixī i ngēma ore i űaxū:

“Rū texé ya chixexū i duūxūmaā āmūcūxe, rū tūxū inayanaxoxēē i tūmacūmagū i mexū”, űaxū.

³⁴ Rū name nixī i meā pegūāēgu perūxīnūē rū nūxū perūxoe i ngēma perū chixexūgū. Rū wūxi i perū āne nixī na pemaā nūxū chixuxū rū űuxre i pema rū tama aixcūma Cristuarū duūxūgū pixīgūxū rū tama aixcūma Tupanaxū pecuēxgūxū.

űuxācū wena namaxē i yuexūgū

³⁵ Natūrū ngūrūāchi tá texe pexna taca rū űatarūgū pexū:

“¿űuxācū tá wena namaxēxū i yuexū? ¿Rū nañuxraūxū i naxūnemaā tá ínadagūxū?” űatarūgū tá pexū.

³⁶ Pa Duūxū i Ngēāēmarexūx űrū dūcax! Rū ngēxguma wūxi ya nanetūchire itoxgu, rū nūma ya yima naxchire rū nayu na ngēmaācū naxūxūcēx i ngēma nanetū.

³⁷ Rū ngēma waixūmūgu itoxū, rū tama marū nanetū ixīxū nixī, natūrū naxchire nixī ya yima itoxūne woo triguchire rū ēxna ngexūrūūxūmare i to i nanetūchire yixīgu.

³⁸ Rū ngēxguma marū inatoxguwena, rū Tupana nixī i yanaxūxēēcū ya yima nachire na nūma nanaxwēxēūācūma yīxūcēx i ngēma nanetū.

³⁹ Rū tama guxū i naxūnegū nawūxīgu. Rū duūxēxūne rū nanatoraxū, rū naēxūgūxūne rū to nixī, rū werīgūxūne rū to nixī, rū choxnīgūxūne rū to nixī.

⁴⁰ Rū ngēxgumarūū ta nangēxma i naxūnegū i daxūguxū i naānecūāx, rū nangēxma i naxūnegū i űoma i naānecūāx. Rū ngēma daxūguxū i naānecūāx i

naxūnegū rū nūxū nangēxma i noxrūtama mexū, rū ngēma űoma i naānecūāx i naxūnegū rū ta nūxū nangēxma i noxrūtama mexū. Natūrū tama nawūxigu i ngēma norū mewa.

⁴¹ Rū űēxcūarū yauracūū rū tama namaā nawūxigu i tauemacūarū yauracūū. Rū woramacurīgūarū yauracūū rū to nixī. Rū nūgūtanūwa ya woramacurīgū, rū tama nawūxigu i norū yauracūūwa.

⁴² Rū ngēxgumarūū tá ta naxūpetū namaā i naxūnegū i ngēma duūxūgū i yuexū. Erū ngēma naxūne i noxri nūxū ngēxmaxū rū iyarūxoxwēxexū nixī. Natūrū ngēma naxūne i tá nūxū ngēxmaxū i ngēxguma wena namaxēgu, rū ngēma rū tagutāma inayarūxo.

⁴³ Rū ngēma naxūne i yuxū rū taxuwama name i ngēxguma inatēxgux. Natūrū ngēxguma wena namaūxgu rū tá namexēchi. Rū ngēma naxūne i űuxma turaxū rū ngēxguma wena namaūxgu rū tá napora.

⁴⁴ Rū itanatēx i ngēma naxūne i űoma i naānecūāx ixīxū. Natūrū ngēxguma inadxgu, rū daxūcūāx i naxūne tá nixī. Rū űuxma na nangēxmaxū i naxūne i űoma i naānecūāx rū ngēmawa nūxū tacuēx na nangēxmaxū ta i naxūne i daxūcūāx.

⁴⁵ Tupanaārū ore i űmatūxūwa rū űanagūrū:

“Guma nūxīraūcū ga yatū ga Adāū rū nūxū nayexma ga űoma ga naānecūāx ga naxūne ga paxaāchi maxūxū”,
űanagūrū. Natūrū ya Cristu rū daxūcūāx nixī. Rū nūma nixī i tūxna naxāāxū i maxū i taguma gūxū.

⁴⁶ Noxri rū tūxū nangēxma i űoma i naānecūāx i taxūne. Natūrū yīxcama rū Tupana tá tūxna nanaxā i to i taxūne i daxūcūāx ixīxū.

⁴⁷ Guma nūxīraūcū ga yatū ga waixūmūwa űcū, rū űoma ga naānecūāx nixī. Natūrū tōrū Cori ya Cristu rū daxūguxū i naānecūāx nixī.

⁴⁸ Rū ngēma taxūnegū i űoma i naānēwa tūxū ngēxmaxū, rū guma Adāūxūne ga waixūmūwa űcūrūū nixīgū. Natūrū ngēma naxūnegū i daxūwa nūxū ngēxmaxū i duūxūgū, rū Cristuxūnerūū nixīgū.

⁴⁹ Rū űgēxgumarūū na Adāū ga waixūmūwa űcūrūū na yīixū i taxūne, rū ngēxgumarūū tá ta Cristu ya daxūwa ngēxmacūrūū nixī i taxūne i yīxcūra.

⁵⁰ Rū dūcax, Pa Chaueneēgūx, pemaā nūxū chixu rū űaā taxūne i namachinaxcēx rū naxchinēānaxcēx, rū taxucūrūwa Tupana āēxgacū űyīxūwa nangu. Erū ngēma iyarūxoxū, rū taxucūrūwama Tupanaxūtawa i ngextā taxūma űyarūxoxūwa nixūcu.

⁵¹ Natūrū chanaxwēxe na nūxū pecuáxū i wūxi i ore i ēxūguxū ga noxri Tupanaxīcatama nūxū cuáxū. Rū dūcax, tāūtāma guxā tayue, natūrū guxāxūne rū tá naxūchicūū.

⁵² Rū ngūrūāchimare wūxi i peāxētūgu tá nixī i ngēma na naxūchicūūxū i taxūne i ngēxguma naānēarū guxgux naxāgagu ya corneta. Rū tá naxāga ya yima corneta, rū ngēxguma i ngēma duūxūgū i yuexū rū tá űnarūdagu na tagutāma wena nayuexūcēx. Rū yīxema na imaxēxū rū tá naxūchicūū i taxūnegū.

⁵³ Erū ngēma taxūne i yuxwēxexū rū woetama tama taixū rū tá naxūchicūū. Rū wūxi i ngēxwacaxūxū i naxūne i aixcūma taixū rū tagutāma yuxū tá nixī.

⁵⁴ Rū ngēxguma ngēmaācū naxūchicūūgu i taxūne i yuxwēxexū, rū tūxū nangēxmagu i taxūne i ngēxwacaxūxū i taguma yuxū, rū ngēxguma tá nixī i yanguxū i Tupanaārū ore i űmatūxū i űaxū:

“Marū inayarūxo na nayuexū i duūxūgū. Rū Tupana rū marū yuxū narūyexera.

55 Rŭ dücax, Pa Yux, ¿ngëxŭ i curŭ pora i namaã toxŭ curŭyexeraxŭ? ¿Rŭ ngëxŭ i ngëma cuxne i namaã toxŭ cudëixŭ?”
ñanagŭrŭ i ngëma Tupanaãrŭ ore.

56 Rŭ ngëma naxne i yu, rŭ pecadu nixŭ. Erŭ ngëma pecadu nixŭ i naporaxëëxŭ i ngëma yu na tŭxŭ nadëixŭcëx. Rŭ ngëma mugŭ ga Moïché ũmatŭxŭ nixŭ i naporaxëëxŭ i pecadu, erŭ woo namexgu i ngëma mugŭ, natŭrŭ taxucŭrŭwama texë aixcŭma tayanguxëë.

57 Natŭrŭ name nixŭ i Tupanana moxë taxã yerŭ nŭma nanamu ga tŭrŭ Cori ya Ngechuchu ya Cristu na ngëma yuxŭ tŭxŭ naporamaëxëëxŭcëx.

58 Rŭ ngëmacëx, Pa Chaueneëgŭ ya Pexŭ Changechaŭgŭxex, rŭ name nixŭ i meã peyaxŭgŭama rŭ taguma ïpenatëx i Tupanaãrŭ ore. Rŭ name nixŭ i guxŭguma meã penaxŭ i tŭrŭ Coriarŭ puracŭ, erŭ pema nŭxŭ pecuëx rŭ ngëma puracŭ i nŭxŭ pexŭxŭ, rŭ tama natŭcëxma nixŭ.

16

Togŭ i yaxŭgŭxŭcëx inanutaque ga dŭeru

1 Rŭ ñuxma tá pemaã nŭxŭ chixu i nachiga i ngëma dŭeru i penutaquëxexŭ na namaã nŭxŭ perŭngŭxëëgŭxŭcëx i taeneëgŭ i yaxŭgŭxŭ i Yudëaanewa ngëmagŭxŭ. Rŭ ngëma yaxŭgŭxŭ i Gárataanewa ngëmagŭxŭ rŭ marŭ namaã nŭxŭ chixu na ngŭxŭ nanutaquëxegŭxŭ i ngëma dŭeru. Rŭ chanaxwëxe i pema rŭ ta ngëxgumarŭ penaxŭ.

2 Rŭ ngëma dŭeru i perŭ puracŭwa ngixŭ peyaxucŭwa rŭ guxcŭ i yŭxŭarŭ ngunexŭgu rŭ tá ngixŭ pexã i ngëma dŭeru i Tupanaãrŭ ixicŭ. Rŭ ngŭmaã tá penguxŭ na tama ngëxguma ngëma changuxguama ngŭxŭ na pedexŭcëx.

3 Rŭ ngëxguma petanŭwa changuxgu, rŭ tá chanaxŭmatŭ i ñuxre i poperagŭ naxcëx i taeneëgŭ i Yerucharëŭwa ngëmagŭxŭ. Rŭ ñuxŭchi ngëma poperamaã tá Yerucharëŭwa chanamugŭ i ngëma duŭxŭgŭ i pema nŭxŭ pexunetaxŭ na ngëma ngŭxŭ nangegŭxŭcëx i ngëma dŭeru i taeneëgŭcëx ngŭxŭ penutaquëxecŭ.

4 Rŭ ngëxguma chi choxŭ natauxchagu na ngëma Yerucharëŭwa chaxŭxŭ, rŭ nŭmagŭ rŭ tá wŭxigu chomaã ngëma naxŭ.

Pauru nagu narŭxŭnŭ na CorŦtiuwa naxŭxŭ

5 Choma rŭ Machedóniãanewa tá chaxŭpetŭ na íchayadauxŭcëx i taeneëgŭ i ngëma ngëmagŭxŭ. Rŭ ngëmawena rŭ tá petanŭwa changu na pexŭ íchayadauxŭcëx.

6 Rŭ ngŭrŭãchi tá ñuxre i ngunexŭgŭ ngëxma petanŭgu charŭxãŭx, rŭ bexmana ngŭrŭãchi ngëma petanŭwa tá chanangupetŭxëë ya mucŭ. Rŭ ngëxguma rŭ tá pexŭ natauxcha na choxŭ perŭngŭxëëgŭxŭ na ngëma íchaxŭxchaxŭxŭwa chaxŭxŭcëx.

7 Erŭ tama chanaxwëxe i paxaãchimare pexŭ chadau. Natŭrŭ petanŭgu charŭxãŭxchaxŭ i ñuxre i ngunexŭ ega chi norŭ ngŭchaxŭ yixŭxgu ya tŭrŭ Cori.

8 Natŭrŭ nuã Epëchiuarŭ ñanewa tá changëxma ñuxmatáta Pëtecŭstearŭ ngunexŭwa nangu.

9 Erŭ nuã rŭ tŭrŭ Cori poraãcŭ choxŭ nanatauxchaxëë na nŭxŭ chapuracŭxŭcëx rŭ nŭxŭ yaxŭgŭãxŭcëx i muxŭma i duŭxŭgŭ woo namu i ngëma tama naxwëxegŭxŭ na nuã chapuracŭxŭ.

10 Rŭ ngëxguma chi Timutëu petanŭwa nguxgu, rŭ chanaxwëxe i meãma penayaxu na petanŭwa nataãëxŭcëx. Erŭ nŭma rŭ ta chauxrŭŭ tŭrŭ Coriarŭ puracŭwa napuracŭ.

11 Rū ngēmacèx tama chanaxwèxe i texé petanūwa nūxū taxoe. Natürü chanaxwèxe i nūxū perüngūxēē na taāēācūma nuā naxūxū na choxū iyadauxūcèx. Erū poraācū ichananguxēē na nuā nanguxūcèx namaā i ngēma togū i taeneēgū.

12 Rū ngēma taeneē i Aporu rū poraācū nūxū chacèxū na petanūwa iyadauxūcèx namaā i ngēma togū i taeneēgū. Natürü tama ngema naxūxchaū i űuxmax. Natürü ngēxguma naxāchicagu rū tá ngema naxū.

Pauru nūxū narūmoxē ga yema yaxōgūxū

13 űRū pexuāēgū na taxuūma i chixexūgu peyixūcèx! űRū meāma peyaxōgūama woo tacū pexū űpetūgu! Rū name nixī i peporaeama rū taxucèxma pemuūē.

14 Rū guxūma i ngēma pexūxū, rū name nixī i pegū pengechaūgūācūma penaxū.

15 Rū dūcax, Pa Chaueneēgūx, pema nūxū pecuèx na Estéfanatanūxūgū yīxū ga nūxīra yaxōgūxū ga Acayaanewa. Rū meāma nūxū pecuèxgū na űuxācū poraācū taeneēgū i yaxōgūxūxū na nangūxēēgūxū.

16 Rū chanaxwèxe i naga pexīnūē i ngēma duūxūgū i Estéfanatanūxūgūrūū ixīgūxū. Rū ngēxgumarūū ta chanaxwèxe i naga pexīnūē i guxūma i ngēma duūxūgū i űāā Tanatūarū puracūwa puracūxū rū ngūxēētaegūxū.

17-18 Rū űuxma na taxucūrūwama chauxūtawa pengēxmagūxū, rū wūxi ga chorū taāē nixī na nūma naxīxū ga taeneēgū ga Estéfana rū Fortunátu rū Acáicu. Rū yema taeneēgū ga nūma űxū rū pexū nixuchigagū rū yemaācū choxū nataāēxēēgū ga yema pexū na nataāēxēēgūxūrūū. Rū tanaxwèxe i naga pexīnūē rū nūxū pengechaū i ngēma duūxūgū i ngēmagūrūū ixīgūxū.

19 Rū guxūma i taeneēgū i yaxōgūxū i Áchiaaneārū űānegūwa ngēxmagūxū, rū moxē pexcèx ngema namugū. Rū Aquiru rū Prisila rū guxūma i ngēma yaxōgūxū i Aquirupatawa ngutaquēxegūxū, rū moxē pexcèx ngema namugū naegagu ya tórū Cori.

20 Rū guxūma i taeneēgū i nūma ngēxmagūxū rū moxē pexcèx ngema namu. Rū chanaxwèxe i wūxichigū i pema rū pegū pengechaūgūācūma pegū perūmoxēgū.

21 Choma i Pauru rū choxmēxmaātama pexcèx chanaxūmatū i űāā chorū moxē.

22 Rū ngēxguma chi texé tama tórū Cori ya Ngechuchu ya Cristuxū ngechaūgu, rū Tupana tá tūxū napoxcu. Rū paxa tá űnangu ya tórū Cori.

23 Rū chanaxwèxe i tórū Cori ya Ngechuchu ya Cristu poraācū pexū narüngūxēē..

24 Rū guxūma i pema, rū poraācū pexū changechaūācūma pexū charūmoxē naegagu ya tórū Cori ya Ngechuchu ya Cristu.

Rū nuāma pexna,
Pauru

NORŪ TAXRE GA POPERA GA CORĪTIUCŪĀX GA YAXŌGŪXŪTANŪWA NAMUXŪ GA PAURU

Pauru rü nüxŭ narümoxē ga yema yaxōgūxŭ ga Corītiwa yexmagūxŭ

¹ Pa Chaueneēgū i Corītiucūāxgū i Tupanaāxŭ yaxōgūxŭ, rü Pa Chaueneēgū i Guxŭma i Acayaanewa Ngēxmagūxŭ, choma i Pauru nixī i pexcēx chanaxūmatūxŭ i űāā popera wūxigu namaā i taeneē i Timutéu. Rü choma nixī i Tupana choxŭ yaxuxŭ na Ngechuchu ya Cristu choxŭ muxŭ na nüxŭ chixuxŭcēx i norū ore.

² Rü tanaxwēxe na Tanatū ya Tupana rü tōrū Cori ya Ngechuchu ya Cristu pexna nanaxā i norū ngechaxŭ rü norū taāxŭ.

Pauru rü ngūxŭ ninge

³ Rü toma rü nüxŭ ticuēxŭdūgū ya Tupana ya Nanatū ya tōrū Cori ya Ngechuchu ya Cristu. Erū nūma nixī ya Tanatū ya nüxŭ ingechaŭtūmūdūgūcū rü tōrū Tupana ya guxŭguma tūxŭ taāxēēcū.

⁴ Rü nūma ya Tupana rü toxŭ nataāxēē i ngēxguma ngūxŭ tingexgu, na toma rü ta tanataāxēēgūxŭcēx i ngēma togū i duŭxŭgū i ngūxŭ ingegūxŭ. Rü ngēmaācū ngēma Tupana toxŭ na taāxēēxŭrūŭ toma rü ta tanataāxēēgū i ngēma togū i duŭxŭgū.

⁵ Rü űuxma na Cristurūŭ poraācū ngūxŭ tingegūxŭ, rü ngēxgumarūŭ nūmatama poraācū toxŭ nataāxēē.

⁶ Rü ngēmacēx, ngēxguma toma ngūxŭ tingegūgu, rü ngēmaācū toxŭ nangupetū na pema rü pexŭ nangēxmaxŭcēx i perū taāē rü perū maxŭ i taguma gūxŭ. Rü ngēxguma Tupana toxŭ taāxēēgu, rü ngēmaācū tomaā nanaxū na pema rü ta pexŭ nangēxmaxŭcēx i perū taāē rü yaxna namaā pexīnūēxŭcēx i ngēxguma ngēmatama ngūxŭ i toma tingegūxŭ pexŭ ngēxmagu.

⁷ Toma rü aixcūma tayaxōgū na pema rü tagutāma īpenatāxŭ i Tupanaārū ore. Erū nüxŭ tacuēx rü ngēma na toxrūŭ ngūxŭ pingegūxŭ, rü ngēxgumarūŭ tá ta toxrūŭ pexŭ nangēxma i ngēma taāē i Tupanawa ne ŭxŭ.

⁸ Pa Chaueneēgūx, tanaxwēxe i nüxŭ pecuēx na űuxre ga guxchaxŭgū toxŭ ngupetūxŭ ga Áchiaanewa. Rü yema na poraācū toxŭ naguxchaxŭ, rü dūxwa marū tama namaā taporae, rü nagu tarūxīnūē na marū tāūtāma tamaxēxŭ.

⁹ Rü nagu tarūxīnūē rü űoma yuwa taxīxŭrūŭ tixīgū. Natūrū yemaācū toxŭ naxūpetū, erū Tupana ya yuexŭxŭ írūdagūxēēcū toxŭ nangūxēēchaŭ na nüxīcatama nüxŭ nangēxmaxŭ i pora na yuwa toxŭ ínanguxŭxēēxŭcēx, rü taxucūrūwama togūtama na ítanguxŭxēēxŭ.

¹⁰ Rü Tupana rü toxŭ ínanguxŭxēē nawa ga yema guxchaxŭ ga yuwa toxŭ gagūchaŭxŭ. Rü ngēxgumarūŭ tá ta toxŭ ínanguxŭxēē nawa i űāā taxŭ i guxchaxŭ i űuxma toxŭ ngēxmaxŭ. Rü aixcūma tayaxōgū na nūma rü guxŭgutāma ngēmaācū toxŭ nangūxēēxŭ.

¹¹ Natūrū tanaxwēxe i pema rü perū yumūxēmaā toxŭ perūngŭxēē. Rü ngēxguma chi ngēmaācū penaxŭxgux, rü muxŭma i duŭxŭgū rü tá Tupanana moxē naxāgū naxcēx i ngēma na űuxācū toxŭ nangūxēēxŭ.

Tūxcūŭ tama Corītiwa naxū ga Pauru

¹² Nangēxma i facū i toxū taāxēēxū. Rū ngēma nixī na toōēwa nūxū tacuáxū na ñoma i naānewa rū aixcūma Tupana naxwēxexūācūma meā tamaxēxū. Rū pepēxewa nixī ga guxūārū yexera yemaācū tamaxēxū. Natūrū tama togagu nixī ga yema, yerū Tupana ya tomaā mecūmacū nixī ga toxū rūngūxēēcū na yemaācū pepēxewa tamaxēxūcēx.

¹³⁻¹⁴ Rū yema poperagū ga pexcēx taxūmatūxūwa, rū nataxuma ga facū ga icūxū. Natūrū yema toma tamaxēxūācūma nixī ga pexcēx tanaxūmatūxū na yemawa meā nūxū pecuáxūcēx na ñuxācū tixīgūxū. Rū woo i ñuxma rū tama aixcūma meā toxū na pecuáxū, natūrū chanaxwēxe i wūxi i ngunexūgu rū aixcūma meā toxū pecuēx. Rū ngēxguma meā toxū pecuēxgu rū pema rū tá tomaā petaāēgū i ngēxguma inanguxgu ya tórū Cori ya Ngechuchu, rū ngēxgumarū i i toma rū tá ta pemaā tataāēgū.

¹⁵⁻¹⁶ Rū yemagu charūxīnūxūcēx nixī ga noxri ga pexūtawa na chaxūxchaūxū na pexū íchayadauxūcēx rū yemaācū pexū na charūngūxēēxūcēx. Rū nagu charūxīnū ga Machedóniāānewa chaxūxgu na pexūtagu íchidauxū, rū yexguma Machedóniāānewa ne chaxūxgu rū wenaxārū pexūtagu íchidauxū. Rū yemaācū chanaxūxchaū, yerū nagu charūxīnū na yemawena choxū perūngūxēēxū na Yudéaanewa chaxūxūcēx.

¹⁷ Bexmana pema nagu perūxīnūēgu rū tama aixcūma chayanguxēēgaācūma nagu charūxīnū ga yema pexūtawa na chaxūegaxū. Ĵéxna pema nagu perūxīnūēgu rū ñoma wūxi i duūxū i tama Tupanaāxū yaxōxūrūūācūma chamaxū, rū “Ngū” ñacharūgūchirēx woo tama chayanguxēēgagu i ngēma nūxū chixuxū?

¹⁸ Natūrū Tupana toxū nacuēx na aixcūma yīxū i ngēma torū ore ega pemaā itaxunetagu.

¹⁹ Erū yima Ngechuchu ya Cristu ya Tupana Nane ga guma Chiribánu rū Timutéu rū choma pemaā nūxū tixuchigacū, rū ore i aixcūma ixīxūxūxícatama nixu. Rū nūma rū aixcūma nayanguxēē i ngēma nūxū yaxuxū.

²⁰ Rū Cristu nixī ya yima yanguxēēcū ga guxūma ga yema unetagū ga Tupana nuxcūmaxūchi nūxū ixuxū. Rū ngēmacēx ngēxguma Ngechuchuégagu Tupanaxū icuēxūūgūgu, rū ñatarūgūgū:

“Rū aixcūma nixī i ngēma”, ñatarūgūgū.

²¹ Rū ñuxma na Cristuarū duūxūgū ixīgūxū, rū Tupana nixī ya toxū poraexēēcū rū pexū poraexēēcū na taguma Cristuna ixīgachixūcēx. Rū nūmatama nixī ga tūxū nadexū na noxru ixīgūxūcēx.

²² Rū nūma ya Tupana rū naega tagu naxū erū tórū yora nixī. Rū nūma rū tūxna nanamu i Naāe i Ūūnexū na wūxi i tórū cuēxruū yīxūcēx, rū ngēmawa nūxū icuáxūcēx na yixcūra tá tūxna naxāāxū i muxūma i to i mexūgū.

²³ Pema nūxū pecuēx ga noxri rū Corítiuwa chaxūxchaū, natūrū tama yema petanūwa chaxū yerū tama chanaxwēxe na pexū changechaūgūxēēxū. Rū yemacēx tama pexūtawa íchayadau, yerū tama pexū chingagūchaū. Rū Tupana nūxū nacuēx na aixcūma na yīxū ga yema.

²⁴ Rū tama tanaxwēxe na pexū tamuxū na ñuxācū tá Tupanaāxū peyaxōgūxū. Erū pema rū marū aixcūma meāma peyaxōgū. Natūrū ngēma tanaxwēxexū nixī na pexū tarūngūxēēgūxū na yexeraācū petaāēgūxūcēx.

2

1 Rū yemacēx nixī ga tama wena pexūtawa chaxūxū, yerū tama

chanaxwèxe ga pexŭ na changechaŭxēēxŭ.

² Erŭ ngēxguma chi pexŭ changechaŭxēēgu, ģrŭ texé tá choxŭ tataāēxēē? ģRŭ ņuxācŭ tá choxŭ petaāēxēē, ega pexŭ changechaŭxēēgu?

³ Rŭ yemacèx nixī ga yemaācŭ pexcèx popera chaxūmatŭxŭ na penamexēēgŭxŭcèx i perŭ guxchaxŭgŭ naxŭpa na pexŭtawa chaxŭxŭ. Yerŭ tama chanaxwèxe ga yexguma chi yéma chaxŭxgu na choxŭ pengechaŭxēēxŭ. Erŭ pema nixī i chanaxwèxexŭ na choxŭ petaāēxēēgŭxŭ. Rŭ aixcŭma nagu charŭxŭnŭ rŭ ngēxguma choma chataāēxgu rŭ pema rŭ tá ta petaāēgŭ.

⁴ Rŭ yexguma pexcèx chanaxūmatŭgu ga yema popera, rŭ poraācŭ chanaxixāchiāē, rŭ dŭxwa yema chorŭ ngechaŭmaā chaxaxu. Natŭrŭ tama pexcèx chanaxūmatŭ na pexŭ changechaŭxēēxŭcèx, natŭrŭ pexcèx chanaxūmatŭ na nŭxŭ pecuāxŭcèx na ņuxācŭ poraācŭ pexŭ changechaŭxŭ.

Pauru rŭ nŭxŭ nŭxŭ nangechaŭ ga yema duŭxŭ ga chixexŭ namaā ŭxŭ

⁵ Rŭ yema yatŭ ga choxŭ ngechaŭxēēxŭ, rŭ tama choxŭxŭcatama nixī ga nangechaŭxēēxŭ, natŭrŭ pexŭ rŭ ta nangechaŭxŭ. Natŭrŭ tama chanan-gupetŭxēēchaxŭ na pexna chacaxŭ i ngemachiga..

⁶ Rŭ yema poxcu ga nŭxna pexāxŭ ga yema duŭxŭ ga yexguma pengutaquēxegŭgu, rŭ chauxcèx rŭ marŭ name na ngēxŭcatama na yŭxŭ.

⁷ Rŭ ngēmacèx i ņuxma rŭ chanaxwèxe i nŭxŭ nŭxŭ pengechaŭ i norŭ chixexŭ rŭ nŭxŭ perŭngŭxēē na tama yexeraxŭ i chixexŭwa nagaāxŭcèx i ngēma norŭ ngechaŭ.

⁸ Rŭ ngēmacèx chanaxwèxe i wenaxārŭ noxrirŭ nŭxŭ nŭxŭ pedauxēē na aixcŭma nŭxŭ pengechaŭxŭ.

⁹ Rŭ yemacèx nixī ga yemachiga marŭ pexcèx chanaxūmatŭxŭ, yerŭ pexŭ chaxŭxchaŭ, rŭ nŭxŭ chacuāxchaŭ ngoxi marŭ aixcŭma chauga pexŭnŭē.

¹⁰ Rŭ ņuxma pemaā nŭxŭ chixu rŭ yixema pema tŭxŭ nŭxŭ pengechaŭxē i tŭmaārŭ chixexŭ, rŭ choma rŭ tá ta tŭxŭ nŭxŭ changechaŭ. Rŭ ngēxguma chi tacŭ rŭ chixexŭxŭ tŭxŭ changechaŭgu, rŭ pegagu nixī i Cristupēxewa tŭxŭ nŭxŭ changechaŭxŭ i ngēma.

¹¹ Rŭ ngēmaācŭ chanaxŭ na tama nayoxniēxŭcèx i Chataná na chixexŭgu tŭxŭ nayixēēxŭcèx. Erŭ yixema rŭ meāma nŭxŭ tacuèx i nacŭma i Chataná na ņuxācŭ chixexŭgu tŭxŭ nayixēēchaŭxŭ.

Tróaarŭ ŭānewa rŭ nanaxixāchiāē ga Pauru

¹² Rŭ yexguma Tróaarŭ ŭānewa changuxgu na nŭxŭ chixuxŭcèx ga Cristu-arŭ ore, rŭ poraācŭ choxŭ natauxcha na yéma tórŭ Coriaxŭ chapuracŭxŭ.

¹³ Natŭrŭ tama aixcŭma chataāē ga yéma, yerŭ tama yexma nŭxŭ chayangau ga taeneē ga Titu. Rŭ yemacèx nŭxŭ charŭmoxē ga yemacŭāx ga duŭxŭgŭ, rŭ ichaxŭāchi, rŭ Machedóniānewa chaxŭ.

Cristu rŭ Paurumaā napora

¹⁴ Rŭ Tupanana moxē taxāgŭ erŭ norŭ duŭxŭgŭxŭ toxŭ nixŭgŭxēē. Rŭ ņuxma na Cristuarŭ duŭxŭgŭ tixŭgŭxŭ, rŭ nŭma ya Tupana rŭ guxŭguma tomaā nanaxŭpēxe. Rŭ nŭma nixī i toxŭ namuxŭ na duŭxŭgŭxŭ nŭxŭ tacuēēxŭcèx i norŭ ore. Rŭ ngēma norŭ ore rŭ guxŭwama nangu rŭ guxŭguma nipuema ņoma wŭxi i pumara i yixichixŭrŭ.

¹⁵ Rŭ ņuxma i toma i Cristugagu Tupanapēxewa na timexŭ, rŭ guxŭwama tanguchigagŭ natanŭwa i ngema yaxōgŭxŭ rŭ ngema tama yaxōgŭxŭ.

¹⁶ Rū ngēma duūxūgū i tama yaxōgūxū rū nūxū nawēxtūmūxū i tochiga, erū ngema ore i nūxū tixuxū rū norū poxcuchigaxū namaā nixu. Natūrū ngēma yaxōgūxū rū namaā nataxēgū i tochiga erū ngema ore i nūxū tixuxū rū ore i namaxēxēxū nixī. Rū ngēmacēx ζtexēāxū natauxcha i űāā puracū na nūxū tixuxū i ngēma ore?

¹⁷ Rū yixema toxrūū ixīgūxexicatama tixī ya tūxū natauxchaxe. Rū toma rū tama Tupanaārū oregu dīeru ngīxū tayaxu ngēma togū naxūgūxūrūū. Natūrū Tupanapēxewa rū aixcūma meā nūxū tixu i ngēma norū ore, erū nūma toxū nimugū rū Cristuarū tixīgū.

3

Tupanaārū uneta i ngexwacaxūxūchiga

¹ Rū űuxma na pemaā nūxū tixuxū na aixcūma Tupana yīxū ga toxū mucū, rū bexmana tá nagu perūxīnūē na wenaxārū togūētūwa tidexagūxū. ζĒxna penaxwēxe na wūxi i carta i cuēxruū pexū tawéxū na nawa nūxū pecuāxūcēx na aixcūma Tupanaārū orearū uruūgū tixīgūxū, rū ěxna penaxwēxe na pexūtawa naxcē itačaxū i cartagū na ngēmawa duūxūgū toxū cuāxūcēx naxrūxū i ngema togū?

² Rū pemaā nūxū tixu rū tama tanaxwēxe i űacū rū carta na duūxūgū toxū cuāxūcēx, erū pematama nixī i ngēma cartarūū pixīgūxū, rū pewa nixī i nangóxū na aixcūma Tupana yīxū ga toxū mucū. Rū meāma tođēwa nūxū tacuēx i ngēma. Rū yema na naxūchicūūxū ga perū maxū, rū ngēmawa guxūma i duūxūgū nūxū nadau na aixcūma wūxi ga mexū ga puracū taxūxū ga petanūwa.

³ Rū űuxma rū meāma nangox na pema rū űoma wūxi i carta i Cristutama űmatūxūrūū na pixīgūxū. Rū torū puracūgagu nixī i ngēma. Natūrū tama wūxi i carta i űacū rū űmatūxūmaā űmatūxū pixīgū, natūrū pema nixī i carta i Tupana ya Maxūcūāē i Ūūnexū űmatūxū. Rū ngēma carta rū tama popera rū ěxna nutawa iwūcuchixū nixī, natūrū perū maxūwa nixī i nangóxū i ngēma.

⁴ Rū ngēmacēx tama tamuūē na ngēmaācū togūcēxtama tidexagūxū, erū tayaxōgū na Cristugagu Tupana toxū dauxū na timexū.

⁵ Rū tama toxrūtama cuēxmaā nixī i tanaxūxū i űacū rū mexū. Natūrū guxūma i ngēma taxūxū rū Tupanaārū ngūxēēmaā nixī i tanaxūxū.

⁶ Rū Tupana rū toxū narūngūxēē na duūxūgūmaā nūxū tixuxū i ngēma ngexwacaxūxū i norū uneta na űuxācū Cristugagu tā tūxna naxāāxū i maxū i taguma gūxū. Rū ngēma maxū rū tama yema mugū ga Moīché űmatūxūgagu tanayaxu, natūrū tanayaxu erū Tupanaāē i Ūūnexū tūxna nanaxā. Rū yema mugū ga Moīché űmatūxū rū yuwa tūxū nagagū, natūrū Tupanaāē i Ūūnexū rū tūxna nanaxā i maxū i taguma gūxū.

⁷ Rū yema mugū ga Moīchéna naxāxū ga Tupana, rū nutagu nixī ga naxūmatūxū. Rū yexguma Moīché nayauxgu ga yema mugū, rū porācū niyaurachiwecūxū. Rū yemacēx ga duūxūgū rū taxucūrūwama Moīchéhiwegu narūdaumū. Natūrū yema norū yaurachiwecūū rū nixochīgū. Natūrū ga yema mugū ga Moīché tūxna āxū i yuwa tūxū gagūxū, rū taxū ga yauracūūxūmaā ínangu. Rū yemaācū namexēchi ga yexguma ínanguxgu.

⁸ Natūrū yexeraācū namexēchi nixī i ngēma uneta i ngexwacaxūxū i Tupanaāē i Ūūnexū taxcēx ngoxēēxū.

⁹ Rū yemaācū woo namexēchi ga yema mugū ga yuwa tūxū gagūxū, natūrū yexeraācū namexēchi i ngēma uneta i ngexwacaxūxū i Tupanapēxewa tūxū mexēxū.

¹⁰ Rū yema mugū ga noxri mexēchixū, rū űuxma rū taxuwama name, ega namaā nūgū nangugū i ngēma Tupanaārū uneta i ngexwacaxūxū i yexeraācū mexēchixū.

¹¹ Rū yemaācū woo namexēchi ga yema mugū ga paxaāchi ixīxū, natūrū yexeraācū namexēchi i ngēma uneta i ngexwacaxūxū i guxūgutāma ixīxū.

¹² Rū toma aixcūma nūxū tacuēx na guxūgutāma yīxū i ngēma Tupanaārū uneta i ngexwacaxūxū i mexēchixū, rū ngēmacēx tama cūācūma duūxūgūmaā nūxū tixu.

¹³ Rū ngēmacēx tama duūxūgūchaxwa iticuxgū yema Moīché ūxūrū. Yerū ga Moīché rū nūgū nidūxchiwe na tama nūxū nadaugūxūcēx ga yema Yudīgū ga űuxācū na yaxochigūxū ga norū yaurachiwecū.

¹⁴ Natūrū ga yema duūxūgū ga Moīchéxū űixūmūcūgūxū rū űoma yadūxgūchiwexūrū nixīgū yerū tama nūxū nacuēxgūēga ga űacūchiga na yīxū ga yema mugū. Rū űuxma rū ta i ngēma Yudīgū rū tama nūxū nacuēxgūēga i ngēxguma nawa nangūegu i ngēma mugū. Erū nangēxma i űacū i űoma yadūxgūchiwexūrū nūxū naguxchaxēxū na tama nūxū nacuēxgūxūcēx. Rū űuxma rū ta tama nūxna űnanguēga i ngēma nacūma erū Cristuxicatama nixī ya yima nūxna űnanguxēcū.

¹⁵ Rū űuxma rū ta i ngēma Yudīgū, rū ngēxguma nawa nangūegu i ngēma ore ga Moīché tūxna āxū, rū nangēxma i űacū i űoma yadūxgūchiwexūrū nūxū naguxchaxēxū na tama nūxū nacuēxgūēgaxūcēx na űacūchiga yīxū i ngēma ore.

¹⁶ Natūrū ngēxguma wūxi i duūxū nūxū rūxoxgu i nacūma i chixexū, rū tōrū Coriaxū yaxōōgu, rū ngēxguma nixī i nūxna űnanguxū i ngēma nūxū naguxchaxēxū.

¹⁷ Erū nūma ya tōrū Cori rū Naāē i Ūūnexū rū wūxitama nixī rū ngextā űnanguēxmaxūwa i tōrū Coriāē i Ūūnexū, rū tūxū nanatauxchaxēē na Tupanana ingaicamagūxū.

¹⁸ Rū ngēmacēx guxāma i yixema na Cristuaxū yaxōgūxū rū űoma wūxi i woruarū tawa nangōchipeta na űuxācū namexēchixū ya tōrū Cori erū nataxuma i űacū i tūxū idūxūxū naxchaxwa. Rū nūma ya tōrū Cori i Naāē i Ūūnexū ixīcū, rū guxūguma yexeraācū tūxū nimexēchigū na naxrū āixcūma imexūcēx.

4

¹ Rū ngēmacēx taguma nūxū tarūchau i űāā puracū, erū Tupana ya nūxū tangechaūtūmūcū nixī ga toxū mucū na tanaxūxūcēx i űāā puracū na duūxūgūmaā nūxū tixuxūcēx i norū ore.

² Rū yemacēx nūxū tarūxoe ga guxūma ga űacū ga chixexū i āne tūxna āxū i cūācū ūxū. Rū tama tanawomūxēēcūma nixī i namaā nūxū tixuxū i ore rū tama tanaxūchicū i ngēma ore. Natūrū ngēma ore i aixcūma ixīxūxīcatama nixī i nūxū tixuxū. Rū ngēmaācū Tupanapēxewa tamaxē rū duūxūgūpēxewa togū itawēx na nūxū nacuēxgūxūcēx na űuxācū tixīgūxū i tomāx.

³ Rū ngēxguma chi texēcēx naguxchagu i ngēma ore i mexū i nūxū tixuxū, rū ngēma duūxūgū i iyarūtauxexūcēxicatama nixī i naguxchaxū.

⁴ Erū nūmagū rū tama nayaxōgū. Rū ngēmacēx i űoma i naāneārū āēxgacū i Chataná rū nūxū nanaguxchaxēē na tama nūxū nacuēxgūxūcēx na űuxācū

namexēchixū i norū ore ya Cristu ya Ūūnecū. Rū Cristuwa nixī i nangóxū na ñuxácū na yīixū ya Tupana.

⁵ Rū ngēxguma duñxūgūmaā nūxū tixuxgu i ngēma ore, rū tama tochi-gaxūtama tixugū. Natūrū nūxū tixu na Ngechuchu ya Cristu rū tórū Cori yīixū, rū nūma tūxū na nangechañxūgagu perū ngūxēeruūgū na tixīgūxū.

⁶ Erū nūmatama ya Tupana ga noxri naāne naxūxgux rū ēānexūwa nangoxēēcū ga ngóonexū, rū nūmatama nixī i ñuxma i tūxū yangoxnaāēxēēgūxū na ngēmawa nūxū icuáxūcēc na ñuxácū namexēchixū i nūmax. Rū ngēma norū mexū rū Ngechuchu ya Cristuchiwewa nixī i nūxū idauxū.

Tayaxōgūama ega woo ngūxū ingegūgu

⁷ Rū ngēma nūxū na icuáxū na ñuxácū namexēchixū ya Tupana, rū ngēma cuēx rū wūxi i mexēchixū nixī. Natūrū ngēma cuēx i mexēchixū rū taxūne i mañraxūñaxcēwa nangēxma, na nangóxūcēc na Tupanawa ne naxūxū i guxūma i pora rū tama i tawatama.

⁸ Rū guxūwama toxū nangēxma i guxchaxūgū, natūrū taguma nūxū tarūchau i ñaā puracū. Rū woo poraācū taxoegaāēgūgu, natūrū taguma ítanangēx.

⁹ Rū woo togū towe ingēxūtanūgu, natūrū ya Tupana rū taguma toxū ínawogū. Rū woo duñxūgū toxū napíexēēgu, natūrū tama ngēxma tayacuēxē i ñaā puracū.

¹⁰ Rū guxūwama i ngextá ítaxīxūwa rū āñcūmaxūwa tangēxmagū, yexgu-marūū ga Ngechuchu na āñcūmaxūwa nayexmaxūrūū. Natūrū ngēmaācū toxū naxūpetū na duñxūgū nūxū daugūxūcēc na ñuxácū towa namaxūxū ya Ngechuchu.

¹¹ Rū ñuxma na tamaxēxū, rū guxū i ngunexūgu rū Ngechuchugagu āñcūmaxūwa tangēxmagū. Natūrū ngēmaācū toxū naxūpetū na Ngechuchu inawéxūcēc i norū pora nawa i ñaā toxone i yuxwēxexū.

¹² Rū ngēmaācū Tupanaārū orecēc āñcūmaxūwa tangēxmagū, natūrū ngēmaācū toxū naxūpetū na pema rū pexū nangēxmaxūcēc i maxū i taguma gūxū.

¹³ Tupanaārū ore i ūmatūxūwa rū ñanagūrū:

“Nūxū chayaxō rū yemacēc Tupanachiga chidexa”,

ñanagūrū. Rū ngēxgumarūūtama tixīgū i toma na tayaxōgūxū rū Tupanachiga tidexagūxū.

¹⁴ Erū nūxū tacuēxgū rū Tupana ga yuwa ínadaxēēcū ga Ngechuchu ya tórū Cori, rū yimatama Tupana tá nixī ya toxū írūdagūxēēcū, erū Ngechuchuarū duñxūgū tixīgū. Rū ngēmaācū wūxigu pemaā nūgūxūtawa tá toxū nagagū.

¹⁵ Rū guxūma ga yema toxū ngupetūxū rū perū mexūcēc nixī na yexeraācū yamuētanūxūcēc i ngēma duñxūgū i Tupana nūxū rūngūxēēgūxū. Rū ngēmaācū tá dūxwa namuxūchi i ngēma duñxūgū i moxē Tupanana āgūxū rū nūxū icuēxūūgūxū.

¹⁶ Rū ngēmacēc taguma nūxū tarūxoe na nūxū tixuxū i ngēma ore. Rū woo yayachigūgu rū yaturachigūgu i toxone, natūrū toōēwa rū guxū i ngunexūgu rū yexeraācū tiporaetanū.

¹⁷ Erū ngēma ngūxū i toxū ūpetūxū i ñaā torū maxūwa, rū ngēma rū wūxi i paxaāchimare nixī rū paxa tá nangupetū. Natūrū ngēmaācū tá tanayaxu i wūxi i maxū i mexēchixū i tagutáma gūxū i ñoma i naānecūāx i maxūārū yexeraxūchi íxīxū.

18 Rŭ tama ngĕma ņuxma nŭxŭ idauxŭgu nixŭ itarŭxŭnŭĕxŭ, natŭrŭ nagu tarŭxŭnŭĕ i ngĕma ņuxma tama nŭxŭ idauxŭ. Erŭ ngĕma ņuxma nŭxŭ idauxŭ rŭ tama natai, natŭrŭ ngĕma ņuxma tama nŭxŭ idauxŭ, rŭ guxŭgutŭma nangĕmaĕcha.

5

1 Rŭ nŭxŭ tacuĕxgŭ ega ngĕxguma iyanaxoxgu i ņaĕ toxone i paxaĕchi ņuxma toxŭ ngĕmaxŭ, rŭ daxŭguxŭ i naĕnewa tŭ tanayaxu i wŭxi i toxone i tagutŭma iyarŭxoxŭ i Tupanatama toxĕx mexĕĕxŭ rŭ tama i duŭxŭgŭ.

2 Rŭ ngĕmacĕx i ņuxma i ņaĕ toxonewa tamaxĕyane, rŭ tama aixcŭma tataĕĕgŭ. Erŭ tanaxwĕxe na paxa toxŭ nangĕmaxŭ i ngĕma toxone i daxŭguxŭ i naĕnewa ngĕmaxŭ.

3 Rŭ ngĕma toxone i daxŭguxŭ i naĕnewa tŭ toxŭ ngĕmaxŭ rŭ ņoma wŭxi i naxchirurŭ tŭ toxŭ nidŭxŭ, na ngĕmaĕcŭ naxĕxŭnĕxŭcĕx i toĕ.

4 Rŭ ņaĕ toxone i ņuxma toxŭ ngĕmaxŭwa tamaxĕyane, rŭ tanaxŭxĕchiĕĕgŭ rŭ tama aixcŭma tataĕĕgŭ. Rŭ tama aixcŭma itanatŭxĕaŭ i toxone i ņoma i naĕnewa toxŭ ngĕmaxŭ, natŭrŭ tanaxwĕxegŭ na tanayaxuxŭ i toxone i ngexwacaxŭxŭ na ngĕmaĕcŭ ngĕma maxŭ i ngexwacaxŭxŭ iyanaxoxĕĕxŭcĕx i toxone i ņuxma toxŭ ngĕmaxŭ.

5 Rŭ Tupana nixŭ ya toxŭ imexĕĕcŭ naxĕx i ngĕma ngexwacaxŭxŭ i maxŭ rŭ ngĕma ngexwacaxŭxŭ i toxone. Rŭ toxna nanamu ga Naĕ i Ŭnĕxŭ na ngĕmawa nŭxŭ tacuĕxŭcĕx na aixcŭma tŭ tanayaxuxŭ i ngĕma.

6 Rŭ ngĕmacĕx taxucĕxma taxoegaĕĕgŭ. Erŭ nŭxŭ tacuĕx rŭ ņuxma ņaĕ toxonewa tamaxĕyane, rŭ taxucŭrŭwama tŭrŭ Corixŭtawa tangĕmagŭ i daxŭguxŭ i naĕnewa.

7 Rŭ woo tama nŭxŭ tadaugŭgu ya yima tŭrŭ Cori i ņuxmax, natŭrŭ tayaxŭgŭ na wŭxi i ngunĕxŭ rŭ tŭ nŭxŭ tadaugŭxŭ. Rŭ ngĕma nixŭ i toxŭ poraxĕĕxŭ i ņaĕ torŭ maxŭwa.

8 Rŭ ngĕmacĕx taxucĕxma taxoegaĕĕgŭ ega tayuegu. Erŭ toxĕx rŭ narŭmemaĕ nixŭ na nŭxna itachoxŭxŭ i ņaĕ toxone, na tŭrŭ Corixŭtawa tayangĕmagŭxŭcĕx.

9 Rŭ ngĕmacĕx, woo ņoma i toxonewa tangĕmagŭgu rŭ ĕxna tama nawa tangĕmagŭgu, rŭ tanaxwĕxe na guxŭguma tŭrŭ Coriarŭ ngŭchaŭ na taxŭxŭ. Rŭ ngĕmacĕx naxĕx tadaugŭ na tanaxŭxŭ i ngĕma nanaxwĕxexŭ i nŭmax.

10 Erŭ guxŭatama i yixema rŭ Cristupĕxewa tŭ tangugŭ na wŭxichigŭ nayaxŭxŭcĕx i ngĕma tŭxna ŭxŭ. Rŭ nŭma tŭ wŭxichigŭxŭ nangugŭarŭ maxŭĕx. Rŭ ngĕxgumarŭ na ņuxĕcŭ meĕ imaxĕxŭ rŭ ĕxna chixri imaxĕxŭ ga yexguma ņoma ga taxŭnewa iyexmagŭgu, rŭ ngĕmaĕcŭ tŭ tŭxna nanaxŭ ya wŭxichigŭ.

Cristu rŭ taxĕx Tupanaxŭ narŭngŭxmŭĕĕ

11 Rŭ ngĕmacĕx Tupanaarŭ orearŭ uwa tapuracŭe rŭ tayaxucuxĕgŭ i duŭxŭgŭ na yaxŭgŭĕxŭcĕx. Erŭ toma rŭ aixcŭma tŭrŭ Corixŭ tamuĕĕ. Rŭ Tupana toxŭ nacuĕx na ņuxĕcŭ yŭxŭ i tŭrŭ maxŭ, rŭ chierŭna pema rŭ chi ta toxŭ pecuĕxgux.

12 Rŭ tama tanaxwĕxe i wenaxŭrŭ togŭĕtŭwa tidexagŭ, natŭrŭ pexŭ tarŭngŭĕĕchaŭ na pexŭ nangĕmaxŭcĕx na ŭacŭcĕx tomaĕ petaĕĕgŭxŭ na nŭxŭ pecuĕxĕcĕx na ņuxĕcŭ penangŭxŭxŭ i ngĕma duŭxŭgŭ i pepĕxewa nŭgŭ ŭrŭmegŭnetaxŭ natŭrŭ norŭ maxŭwa rŭ tama ixaxcŭmagŭxŭ.

13 Rŭ woo duŭxŭgŭ toxŭ daugŭgu na Tupanagu taxŭĕĕgŭxŭ, rŭ nŭĕtama nixŭ i ngĕma erŭ nŭmatama ya Tupana rŭ meĕma toxŭ nacuĕx. Natŭrŭ i pema

rū meāma toxū pecuèx na meāma toðèxū tacuáãcūma pemaã nūxū tixuxū ga norū ore.

¹⁴ Rū Cristu ya poraãcū toxū ngechañcū nixī ya ñuxma tomaã icuácū, erū tayaxō na nūma rū guxāārū pecaducèx nayuxū na yexma yanaxoxūcèx ga guxāārū chixexūgū.

¹⁵ Rū yemaãcū guxūma ga duñxūgūcèx nayu ga Cristu, na ngēma duñxūgū i ñuxma maxèxū, rū tama nūmatama nagu naxīnūèxūgu namaxèxūcèx, natūrū naxcèx na namaxèxūcèx ya yima naxcèx yucū rū wena írūdacū.

¹⁶ Rū ngēmaccèx i toma rū tama ñoma i naãnecūāx i duñxūgū nagu rūxīnūèxūrūū texèxū tangugūarū maxūāx. Rū woo ga ūpa rū ñoma ga naãnecūāx ga duñxūgū nagu rūxīnūèxūrūū Cristuxū tangugū, natūrū i ñuxma rū tama ngēmaãcū namaã nagu tarūxīnūè.

¹⁷ Rū ngēxguma texé Cristuaxū yaxōxgu, rū ngexwacaxūxū i duñxū tixī. Rū nuxcūmaūxū ga tūmacūma rū marū tūxna inayarūxo, rū ngexwacaxūxū i maxū tūxū nangèxma.

¹⁸ Rū guxūma i ngēma rū Tupana nixī ya naxūcū. Rū nūma nixī ga Cristugagu tamaã inangūxmūxū. Rū ñuxma rū toxū namu na duñxūgūmaã nūxū tixuxū na namaã inangūxmūèxūcèx.

¹⁹ Yerū Tupana rū Cristugagu duñxūgūmaã nūgū narūngūxmūxūèè. Rū tama duñxūgūarū pecadugu naxīnūãcūma nanaxū ga yema. Rū ñuxma rū toxū namu na ngēmachigaxū duñxūgūmaã tixuxū.

²⁰ Rū ngēmaãcū Cristuarū orearū ngeruūgū tixīgū, rū towa nixī i Tupana pexū cèxèxūxū na namaã iperūngūxmūèxūcèx. Rū ngēmaccèx Cristuégagu pexū tacèxèxūgū na Tupanamaã iperūngūxmūèxūcèx.

²¹ Cristu rū taguma pecadu naxū. Natūrū tagagu nixī ga Tupana ga ñoma pecaduāxūrūūãcūma namaã naxūāxū na yemaãcū nagagu tūxū inangūxūèèxūcèx nawa i tórū chixexū na aixcūma napèxewa imèxūcèx.

6

¹ Rū ñuxma na Tupanaārū ngūxēerūū tixīgūxū, rū pexū tacèxū na tama nūxū pexoexūcèx ga yema pemaã na namecūmaxū ga yexguma nayuxgu ga Nane.

² Erū Tupana rū norū ore i ūmatūxūwa, rū ñanagūrū:

“Rū yema ngunexū ga nagu namexūga na choxū peyaxuxū, rū yexguma nixī ga pexū chaxīnūxū. Rū yexguma pexna çanaxuāxūgu ga maxū i taguma gūxū, rū yexguma nixī ga pexū charūngūxēèxū”, ñanagūrū. Rū ñuxma nixī i ngēma ngunexū i nagu namexū na Tupanaxū peyaxuxū, rū ñuxma nixī i ngēma ngunexū i pexna naxuaxūāxū i maxū i taguma gūxū.

³ Rū toma rū guxūguma naxcèx tadau na guxāpèxewa meã tamaxèxū na taxucèxma texé chixri torū puracūchiga idexaxūcèx.

⁴⁻⁵ Rū guxūwama duñxūgūxū nūxū tadauxēèchañ na aixcūma Tupanaārū duñxūgū tixīgūxū. Rū ngēmaccèx yaxna namaã taxīnūè i ngēxguma woo ngūxū toxū ngupetūgu, rū éxna çacū toxū tauxgu, rū éxna çacū rū guxchaxū toxū ngēxmagu, rū éxna toxū yaçuaixgūgu, rū éxna toxū napoxcuegu, rū éxna naxixāchiãètanūgu rū tomaã nanuègu. Rū poraãcūxūchima tapuracūe, rū ñuxguacū rū tama tapee, rū ñuxguacū rū taiya toxū nangux. Natūrū yaxna namaã taxīnūè i guxūma i ngēma.

⁶ Rū ngexgumarūxū ta duñxūgūxū nūxū tadauxēè na aixcūma namexū i torū maxū, erū aixcūma Tupanapèxewa meã tamaxè, rū meã Tupanaxū tacuèx,

rū yaxna duūxūgūmaā taxīnūē, rū namaā tamecūma. Rū nūxū nūxū tadauxēē na towa nangēxmaxū i Tupanaāē i Ūūnexū rū aixcūma guxū i duūxūgūxū tangechaūxū.

⁷ Rū duūxūgūxū nūxū tadauxēē na aixcūma namexū i torū maxū, erū namaā nūxū tixu i ngēma ore i aixcūma ixīxū, rū itanawēx i Tupanaārū pora i towa ngēxmaxū. Rū ngēma toxne ixīxū rū ngēma nixī i torū maxū i aixcūma mexū i Tupanapēxewa. Rū ngēmamaā nixī i togū ítapoxūxū i torū uwanūgūpēxewa.

⁸ Rū űuxguacū i duūxūgū rū toxū nicuēxūgū, rū űuxguacū rū űacū tomaā nixugūē. Rū űuxguacū rū meā tochiga nidexagū, rū űuxguacū rū chixri tochiga nidexagū. Rū woo aixcūmachirēx yixīgu i ngēma ore i nūxū tixuxū, natūrū doratēx toxū nawogūe.

⁹ Rū woo meā toxū nacuēgūchirēxgu, natūrū űoma tama toxū nacuáxūrūū tomaā nixīgū i duūxūgū. Rū űuxguacū rū wixgutaēx tayue, natūrū naētūwa tamaxēāma. Rū toxū napoxcue, natūrū tama toxū nadaixichi.

¹⁰ Rū woo tangechaūgūgu, natūrū guxūguma tataāēgūama. Rū woo űoma i naānewa tama tamuārū ngēmamaxūāxgūgu, natūrū muxūma i duūxūna tanaxā i taxū i mexū erū togagu nanayaxu i maxū i taguma gūxū. Rū woo taxuūma toxū ngēxmēxgu i űoma i naānewa, natūrū daxū-guxū i naānewa rū toxū nangēxma i guxūma.

¹¹ Pa Chaueneēgū i Corītiucūāx, dūcax aixcūma pemaā nūxū tixu rū guxū i torū maxūnemaā pexū tangechaūgūxūchi.

¹² Rū toma rū tama pexū taxoe, natūrū pema waxi nixī i tama petoxwēxexū.

¹³ Rū dūcax, Pa Chaueneēgūx, rū űoma wūxi i papā naxācūgūxū cèēxūxūrūū pexū chacēēxū na choxū pengechaūgūxūcēx ngēma choma pexū changechaūxūrūū.

Tupana ya maxūcūpata tixīgū

¹⁴ ¡Rū tāūtāma namaā pexāmūcū i ngēma duūxūgū i tama yaxōgūxū! Erū ngēxguma chi ngēmaācū penaxūxgu rū tāūtāma guxā wūxigu perūxīnūē. ¿Rū űuxācū nawūxiguxū i ngēma mexū namaā i ngēma chixexū? ¿Rū űuxācū nawūxigu i ngōonexū namaā i ēānexū?

¹⁵ ¿Rū űuxācū nawūxiguxū ya Cristu namaā i Chatanā? ¿Rū űuxācū nawūxiguxū i wūxi i duūxū i yaxōxū namaā i wūxi i duūxū i tama yaxōxū?

¹⁶ ¿Rū űuxācū Tupanapatawa nangēxmaxū i tupananetachicūnēxāgū? Erū yixema rū Tupana ya maxūcūpata tixīgū, rū tawa namaxū i nūmax. Rū Tupana rū pechiga nidexa ga yexguma űaxgu:

“Rū ngēma duūxūgūwa tá chamaxū, rū natanūgu tá chayarūxūūxū. Rū norū Tupana tá chixī, rū nūmagū rū tá chorū duūxūgū nixīgū”,
ñaxgu.

¹⁷ Rū yemacēx ñanagūrū ta ga tórū Cori:

“¡Rū ípechoxū i natanūwa i ngēma duūxūgū i tama chorū duūxūgū ixīgūxū!
¡Rū tāxū i nūxū pingōgūxū i ngēma chopēxewa chixexū! Rū choma rū tá pexū chayaxu.

¹⁸ Rū choma rū Penatū tá chixī, rū pemagū rū tá chaunegū rū chaucacūgū pixīgū”,

ñanagūrū ya tórū Cori ya Tupana ya guxūārū yexera poraxūchicū.

7

¹ Rū dūcax, Pa Chaueneēgū ya Pexū Changechaūgūxex, rū ngēma Tupanaārū unetagū i pemaā nūxū chixuxū, rū taxcēx nixīgū. Rū ngēmacēx

tanaxwèxe na yigūna idaugūxū na tama taxūnemaã rŭ ěxna taãemaã naxūxúcèx i ngēma Tupanapèxewa tama mexū. Rŭ tanaxwèxe i aixcūma Tupanaxū imuđēācūma nūxna yigū taxāgū rŭ naxcèxicatama tamaxē.

Pauru rŭ ngema CorŦtiucŭāxgūmaã nataãē

² Rŭ tanaxwèxe i toxŭ pengechaŭgū. Rŭ dŭcax ga toma rŭ taxūxemaãma chixexū taxūgū. Rŭ taxūxexūma chixexūgu tanguxēē. Rŭ taxūxexūma tawomūxēēgū.

³ Rŭ tama pexū chixuxúcèx nixī i pemaã nūxū chixuxū i ngēma. Yerū marū pemaã nūxū chixu na ņuxācū guxŭ ga chorū maxūmaã pexū changechaŭxū. Rŭ ngema pexū na changechaŭxūgagu rŭ íchamemare na petanūwa chamaxūxū rŭ ěxna wūxigu pemaã chayuxū.

⁴ Rŭ ņuxma rŭ taxucèxma pexū chaxāneācūma pemaã chidexa erū poraācū pemaã chataāē. Rŭ woo ngūxū na tingegūxū, natŭrŭ aixcūma choxŭ penangūchaŭxēē rŭ choxū petaāēxēē.

⁵ Rŭ yexguma Machedóniāñewa tangugūcŭrŭwa rŭ taguma itarŭngŭgū. Yerū guxŭwama ga nexta itaxŭŭwa rŭ nūxū itayangau ga guxchaxŭgū. Rŭ duŭxŭgū rŭ toxŭ nanaguxchaxēē na tanaxūxū i Tupanaarū puracū rŭ yemacèx poraācū taxoeaãxēgū..

⁶ Natŭrŭ ya Tupana ya tŭxŭ taãēxēēcū ya yíxema ngechaŭgūxe, rŭ toxŭ rŭ ta nataāēxēē ga yexguma toxŭtawa nanguxgu ga taeneē ga Títu.

⁷ Rŭ tama yema toxŭtawa na nanguxŭcèxicatama tataāēgū, natŭrŭ tataāēgū ta yerū ga pema rŭ poraācū nūxŭ penangūchaŭxēē rŭ penataāēxēē ga guma taeneē ga Títu. Rŭ nūma ga Títu rŭ tomaã nūxŭ nixu na ņuxācū poraācū penaxwèxexū na toxŭ pedauxŭ. Rŭ tomaã nūxŭ nixu na ņuxācū naxcèx pengechaŭgūxū ga yema chomaã pexūxŭ, rŭ na ņuxācū chauxcèx pexoeaãgūxŭ. Rŭ guxūma ga yema oremaã rŭ yexeraācū chataāē.

⁸ Choma nūxŭ chacuèx rŭ yema popera ga pexcèx chaxūmatŭxŭ rŭ pexŭ nangechaŭgūxēē, natŭrŭ ņuxma rŭ marū tama naxcèx changechaŭ na chanaxūmatŭxŭ ga yema popera. Rŭ noxri rŭ yemaācū naxcèx changechaŭ ga yexguma nūxŭ chacuèxgu ga na pexŭ nangechaŭgūxēēxŭ ga yema popera ga yexguma penayauxgu.

⁹ Natŭrŭ i ņuxma rŭ chataāē na pexcèx chanaxūmatŭxŭ ga yema popera. Rŭ tama yema na pengechaŭgūxŭcèx chataāē, natŭrŭ chataāē yerū yema perū ngechaŭgagu Tupanana pecuèxāchie rŭ penaxūchicūū ga perū maxŭ. Rŭ pema rŭ aixcūma Tupanana pecuèxāchieācūma namaã peporae ga yema ngechaŭ, rŭ yemaācū taxūma ga chixexū pemaã taxū ga yexguma pexcèx tanaxūmatŭgu ga yema popera.

¹⁰ Rŭ ngēma ngechaŭ i Tupana naxwèxexŭācūma namaã iporaexŭ, rŭ name nixī, erū ngēma ngechaŭgagu naxūchicūū i tórŭ maxŭ rŭ ngēmagagu tanayaxu i maxŭ i taguma gúxŭ. Rŭ ngēmacèx taxucèxma naxcèx pixāŭxāchie i ngēma ngechaŭ. Natŭrŭ ngēma ngechaŭ i ņoma i naānecŭāx i duŭxŭgū nūxŭ ngēmaxŭ rŭ taxuwama name erū yuwa nanaga.

¹¹ Rŭ yexguma yema poperaã pexŭ changechaŭxēēgu, rŭ Tupana naxwèxexŭācūma nixī ga namaã peporaexŭ ga yema ngechaŭ. ¡Rŭ dŭcax i ņuxma i ŭacū Tupana pemaã ŭxŭ i ngēma perū ngechaŭgagu! Yerū yema perū ngechaŭgagu rŭ aixcūma nagu perŭxŭnŭē ga yema chixexū ga petanūwa ŭpetŭxŭ, rŭ meãma chomaã nūxŭ pixu ga yema. Rŭ yema perū ngechaŭgagu rŭ peãewa nangux ga yema chixexŭ, rŭ poraācū Tupanaxŭ pemuđē. Rŭ yemacèx penaxwèxe na yema chaxūxŭ na pexŭ chayarŭngŭxēēxŭcèx yerū penamexēēgūchaŭ ga yema chixexŭ. Rŭ yema perū ngechaŭgagu rŭ aixcūma

penaxucuxē ga yema duūxū ga chixexū ūxū. Rū guxū ga yemawa rū ipenawēx na tama pegagu yīxū ga yema chixexū ga ngupetūxū.

¹² Rū yemacēx, yexguma pexcēx chanaxūmatūgu ga yema popera, rū tama yema duūxū ga chixexū ūxūgu charūxīnūācūma chanaxūmatū, rū tama yema duūxū ga namaā chixexū naxūxūgu charūxīnūācūma chanaxūmatū. Natūrū chanaxūmatū ga yema popera na yemawa Tupanapēxewa nūxna pecuēxāchixēxcēx na űuxācū aīxcūma toxū pengechaūgūxū.

¹³ Rū yema na toxū pengechaūgūxū, rū wūxi ga taāē nīxī ga toxcēx. Natūrū yema taāēārū yexera nīxī ga yema taāē ga toxū yexmaxū ga yexguma nūxū tadēuxgu ga Titu ga űuxācū taxū ga taāē petanūwa na nayaxuxū. Rū aīxcūma guxāma ga pema nīxī ga wenaxārū poraācū nūxū penangūchaūxēēxū.

¹⁴ Rū noxri tauta yēma naxūxgu ga Titu, rū namaā nūxū chixu na mexū i duūxūgū na pixīgūxū. Rū űuxma rū taxucēxma chaxāne, erū guxūma ga yema Titumaā nūxū chixuxū ga pechiga rū aīxcūma ngēmaācū nīxī, yexgumarūū na aīxcūma yīxū ga guxūma ga yema Tupanaārū ore ga pemaā nūxū tixuxū.

¹⁵ Rū űuxma i Titu rū yexeraācū pexū nangechaū i ngēxguma nūxna nacūēxāchigu na űuxācū meā naga pexīnūēxū rū űuxācū nūxū pengechaūācūma meā penayaxuxū.

¹⁶ Rū choma rū ta poraācū pemaā chataāēxūchi, erū nūxū chacuēx na aīxcūma peyanguxēēxū ga guxūma ga yema pemaā nūxū chixuxū.

8

Yema yaxōgūxū rū woo tama na namuārū dīēruāxgūxū, natūrū yema nūxū yexmacū ga dīērumaā meā togūxū narūngūxēēgū

¹ Rū űuxmax, Pa Chaueneēgūx, rū pemaā nūxū tixuxchaū na űuxācū Tupana namaā mecūmaxū i ngēma yaxōgūxū i Machedóniāāneārū īānegūwa ngēxmagūxū.

² Rū woo taxū ga guxchaxūgū nūxū na ūpetūgūxū, natūrū nataāēgūama. Rū woo tama na namuārū dīēruāxgūxū, natūrū yema nūxū yexmacū ga dīērumaā meā togūxū narūngūxēēgū.

³ Rū choma nūxū chadau rū pemaā nūxū chixu rū nūmagū rū taāēācūma ngīxū inaxāgū ga guxcūma ga dīēru ga nūxū tauxchacū na ngīxū inaxāgūxū. Rū ngīētū yemaārū yexera taāēācūma ngīxū inaxāgū.

⁴ Rū poraācū toxū nacēēxūgū na tama nūxna tanachūxuxūcēx na yemaācū yema togū ga taeneēgūxū nangūxēēgūxūcēx.

⁵ Rū yema nagu tarūxīnūēxūārū yexera ngīxū inaxāgū ga yema yaxōgūxū ga Machedóniāāneācūāx. Yerū Tupananaxīra nūgū naxāgū rū yemawena toxna nūgū naxuaxūgū na toga naxīnūēxūcēx, yema Tupana naxwēxēxūrūū.

⁶ Rū yemacēx Tituxū tacēēxū na wena petanūwa naxūxūcēx na ngīxū pinguxēēxūcēx ga yema dīēru ga marū pemaā ngīxū inaxūgūcū na ngīxū penutaqēxexū naxcēx i ngēma togū i taeneēgū i nūxū nataxuxū.

⁷ Pema rū guxūwama meā ipexī erū meā peyaxōgū, rū pexū natauxcha na meā nūxū pixuxū i Tupanaārū ore erū meā nūxū pecuēx na tacūchiga yīxū. Rū aīxcūma togūxū perūngūxēēchaū, rū yema pexū tangūxēēxūācūma pegū pengechaūgū. Rū űuxma rū ngēxgumarūū ta penaxwēxe na aīxcūma meā ipexīxū nawa i ngēma mexū i nacūma na dīēru ngīxū ipexāxū naxcēx i ngēma taeneēgū i nūxū nataxuxū.

⁸ Tama wūxi i mu nīxī i ngēma pemaā nūxū chixuxū. Natūrū chanaxwēxemare na nūxū pecuāxū na űuxācū taāēācūma ngīxū inaxāgūxū

ga togū ga yaxōgūxū. Rū pemaā nūxū chixu i ngēma na pema rū ta ngīxū ipexāgūxūcēx i ngēma dīeru i togū i taeneēgūarū ngūxēcēx ixīcū, na ngēmaācū ipenawēxūcēx na aixcūma nūxū pengechaūgūxū.

⁹ Erū pema rū marū nūxū pecuēx na űuxācū tamaā namecūmaxū ga tōrū Cori ya Ngechuchu ya Cristu. Rū woo nūxū nayexma ga guxūma, natūrū űoma wūxi ga ngearū yemaxūāxūrū pēxcēx nūgū nixīcē na ngēmaācū pexū nangēxmacūcēx i muxūma i mexūgū.

¹⁰ Rū űuxma rū perū mexūcēx nixī i pemaā nūxū chixuxū i ngēma dīeruarū nutaquēxechiga. Rū taunecū ga ngupetūcūgutama nixī ga ipenaxūgūxū ga ngīxū na penutaquēxexū. Rū yema rū aixcūma perū ngūchaūmaā nixī ga penaxūxū.

¹¹ Rū űuxma rū yema noxri na meā ipenaxūgūxūrū, rū name nixī i taāēācūma rū perū ngūchaūmaā peyanguxēē rū ngēma dīeru i pexū ngēxmacūwa ngīxū ipexā naxcēx i ngēma peeneēgū i nūxū nataxuxū.

¹² Erū ngēxguma aixcūma wūxi ya duūxē tūmaārū ngūchaūmaā ngēma dīeru i tūxū ngēxmēxcūwa tūmaēneēcēx ngīxū itaxāxgu, rū Tupana rū taāēācūma ngīxū nayaxu. Erū nūma ya Tupana rū taguma tūxna ngīxcēx naca i ngēma tūxū tauxcū.

¹³ Rū ngēmacēx tama chanaxwēxe i ngēma togūxū na perūngūxēēxūgagu pexū nataxu i pemax.

¹⁴ Natūrū chanaxwēxe i guxāma tūxū nangēxma i űacū i tanaxwēxexū, erū tama name na texéaxū nataxuxū i űacū. Rū űuxma na pexū nangēxmaxū i perū dīeru, rū name nixī i nūxū perūngūxēēgū i ngēma taeneēgū i nūxū nataxuxū. Rū ngūrūāchi to i ngunexūgu i pema pexū natauxgu, rū nūmagū rū tá nūxī nūxū nangēxma na pexū nangūxēēgūxūcēx. Rū ngēmaācū tá guxātama tawūxigu.

¹⁵ Rū Tupanaārū ore i űmatūxūwa rū űnanagūrū:

“Guxema muxūma tūxū yexmaxē rū taxūma tūxū űnayaxū. Rū guxema noxretama tūxū yexmaxē rū tama tūxū űnayataxu”, űnanagūrū.

Titu rū namūcūgūchiga

¹⁶ Natūrū Tupana noxē chaxā, erū nūma rū Tituxū nagu narūxīnūxēē na aixcūma pexū nangūxēēxūcēx, ngēma choma pegu charūxīnūxūrū.

¹⁷ Rū nūma ga Titu rū: “Ngū” űnanagūrū na wena petanūwa chanamuxū. Yerū nūma rū woetama poraācū pegu narūxīnū. Rū ngēmacēx i űuxma rū wena petanūwa naxū, erū nūxū nangūchaū.

¹⁸ Rū Titumaā ngema tanamu i wūxi i taeneē i guxūma i yaxōgūxū nūxū ngechaūgūxū erū nūma rū aixcūma meā nūxū nixu i Tupanaārū ore i tūxū maxēxēxū.

¹⁹ Rū tama ngēmacēxicatama nixī. Erū guxūma i ngēma yaxōgūxū rū ngēma taeneēxū naxunetagu na toxū űyaxūmūcūxūcēx rū toxū nangūxēēxūcēx i ngēxguma Yerucharēūwa ngīxū tangexgu i ngēma dīeru, na ngēmaācū nūxū ticuēxūgūxūcēx ya tōrū Cori, rū na guxāma nūxū dauxūcēx na űuxācū taāēācūma yigū rūngūxēēgūxū.

²⁰ Rū űtayaga i ngēma taeneē, erū tama tanaxwēxe i texé toxū tixu i yixcama ngīxcēx i ngēma űacū i dīeru i taeneēgūcēx ngīxū inutaquēxegūcū.

²¹ Erū tama Tupanapēxewaxicatama tanaxwēxe na meā tanaxūxū, natūrū guxū i duūxūgūpēxewa rū ta tanaxwēxe na meā tanaxūxū.

²² Rū Titumaā rū ngēma to i taeneēmaā petanūwa tanamu i wūxi i to i taeneē i toxū nūxū dauxēēxū na aixcūma nūxū nangúchaū na naxūāxū i Tupanaārū puracū. Rū űuxma rū yexeraācū petanūwa naxūxchaū i nūmax, erū nūxū nacuēx na űuxācū pema rū taāēācūma togūxū na perūngūxēēgūchaūxū.

²³ Rū ngēxguma texē pexna caxgu na texe yīixū ya Titu, jrū tūmamaā nūxū pixu na nūma rū chomūcū ya wūxiwa chomaā pexcēx puracūcū na yīixū! Rū ngēma taxre i togū i namūcūgū, rū ngēma nixī i yatūgū i guxūma i yaxōgūxū nūxū unetagūxū na Cristuarū puracū naxūgūxūcēx. Rū nūmagū rū aixcūma norū maxūmaā Cristuxū nicuēxūūgū.

²⁴ Rū ngēmacēx chanaxwēxe i ngēma taeneēgūxū nūxū pedauxēē na aixcūma nūxū pengechaūgūxū, na guxūma i yaxōgūxū nūxū cuēxgūxūcēx i ngēmachiga. Rū ngēmaācū guxūma i ngēma yaxōgūxū tā nūxū nacuēxgū na aixcūma yīixū i ngēma mexū i ore i pechiga namaā nūxū tixuxū.

9

Yema dīeru ga yema togū ga yaxōgūxūcēx ngīxū inutaquēxecūchiga

¹ Rū taxucēxma tūxcūū pexcēx chanaxūmatū ngīchiga i ngēma dīeru i ngīxū penutaquēxegūcū naxcēx i ngēma taeneēgū i yaxōgūxū i Yudéanewa ngēxmagūxū.

² Erū marū nūxū chacuēx rū perū ngúchaūmaā ipenaxā i ngēma dīeru. Rū guxūguma taāēācūma ngēma yaxōgūxū i Machedóniāānewa ngēxmagūxūmaā nūxū chixu na űuxācū i pema i Acayaanewa ngēxmagūxe rū naī ya taunecūgutama marū ipememarexū na ngīxū ipexāgūxū i ngēma dīeru. Rū yema rūmumaēxū ga yaxōgūxū ga Machedóniāānecūāx, rū yexguma nūxū naxīnūēgu na űuxācū taāēācūma togūcēx ngīxū na ipexāgūxū i perū dīeru, rū nūmagū rū tā inanaxūgū na ngīxū inaxāgūxū.

³ Natūrū i űuxma rū ngema petanūwa chanamugū i ngēma taeneēgū na nūxū nadaugūxūcēx, na aixcūma yīixū i ngēma nūxū chixuxū i pechiga. Rū chanaxwēxe na aixcūma ipememarexū na ngīxū ipexāxū i ngēma dīeru, ngēma taeneēgūmaā nūxū chixuxūrūū.

⁴ Erū ngēxguma chi űuxre i taeneēgū i Machedóniāānecūāx rū ngūrūāchi chomaā petanūwa naxīxgu, rū tama chanaxwēxe na pexū na iyangauxū na tama aixcūma ipememarexū na ngīxū ipexāxū i ngēma dīeru. Rū toxū rū chi wūxi i ānexūchi nixī, erū marūchirēx namaā nūxū tixu na űuxācū aixcūma ipememarexū na ngīxū ipexāxū i ngēma dīeru. Rū maneca pexū rū chi ta wūxi i ānexūchi nixī.

⁵ Rū ngēmacēx nixī i chauxcēx namexū na naxcēx íchaçaxū i ngēma taeneēgū na nūxīra petanūwa naxīxūcēx rū nūmatama pexū yanangūxēēgūxūcēx na ngīxū penutaquēxegūxūcēx i ngēma dīeru ga űpanama ngīxū pixucū. Rū ngēmaācū aixcūma tā ímemare i ngēma dīeru i ngēxguma ngema changuxgu. Rū togū tā nūxū nadaugū na aixcūma perū ngúchaūmaā yīixū na ngīxū ipexāgūxū rū tama aūācūma na yīixū.

⁶ jrū nūxna pecuēxāchie i ngema dexa i űaxū:

“Rū yīxema noxretama i nanetūchire itoxe, rū noxretama i norū o tayaxu. Natūrū yīxema muxū i nanetūchire itoxe, rū muxūma i norū o tayaxu”, űaxū!

⁷ Rū wūxichigū tanaxwēxe na ngīxū itaxāxū i ngēma ngīgu tarūxīnūcū na űuxre ngīxū itaxāxchaūxū. Rū tama name i aūācūma ngīxū itaxā rū ēxna texē tūxū muācūma ngīxū itaxā. Erū Tupana rū nūxū nangechaū i ngēma duūxū i taāēācūma ngīxū ixāxū.

8 Rū Tupanamēxēwa nangēxma na poraācū pexna naxāāxūcēx i guxūma i mexū i pexū taxuxū, na guxūguma pexū nangēxmaxūcēx i ngēma penaxwēxexū rū naētū na pexū iyaxūxūcēx na togūxū namaā perūngūxēēgūxūcēx.

9 Tupanaārū ore i ūmatūxūwa rū űnanagūrū:

“Yima yatū ya mecū rū norū ngūchaūmaā meā inanaxā nūxna i ngēma duūxūgū i taxuūma nūxū ngēxmaxū. Rū Tupana rū tá guxūgu nūxna nacuēxāchi na űuxācū namecūmaxū i nūmax”,
 űnanagūrū.

10 Tupana nixī ya tūxna naxācū ya nanetūchire na inatoxūcēx, rū tūxna naxācū i ōna na nangōxūcēx. Rū nūma tá nixī i pexna naxāāxū ya guxūnema ya nanetūchire ya penaxwēxene na ipenatoxūcēx. Rū nūma tá nanaxūxēē rū nanayaxēē ya yima nanetūchire. Rū tá nanamuxēē i norū o, na muxūchixū nawa peyaxuxūcēx na ngēmamaā togūxū perūngūxēēgūxūcēx.

11 Rū ngēmaācū i pema rū tá pexū nangēxma i guxūma i mexū na tauxchaācūma nūxū perūngūxēēgūxūcēx i togū. Rū ngēxguma ngēma togū i taeneēgūxtawa ngīxū tangegūgu i ngēma dīeru i naxcēx ngīxū ipexācū, rū nūmagū rū tá poraācū Tupanana moxē naxāgū ngixcēx.

12 Erū ngēxguma nūxna ngīxū taxāxgu i ngēma dīeru i nūxū ngīmaā perūngūxēēgūcū i ngēma taeneēgū, rū tama űacū i nūxū taxuxūcēxicatama ta nixī, natūrū naētū i nūmagū i taeneēgū rū perū āmaregagu tá poraācū Tupanana moxē naxāgū.

13 Rū nūmagū i ngēma taeneēgū rū tá Tupanaxū nicuēxūūgū, erū ngēma perū āmaremaā tá nūxū nūxū pedauxēē na aixcūma naga pexīnūēxū i Cristuarū ore i mexū. Rū nūmagū rū tá Tupanana moxē naxāgū naxcēx i ngēma perū āmare i perū ngūchaūmaā nūxna rū guxūma i yaxōgūxūna pexāgūxū.

14 Rū ngēxgumarūū i ngēma taeneēgū rū tá poraācū pexcēx nayumūxēgū, erū pexū nangechaūgū. Rū tá Tupanana moxē naxāgū naxcēx na űuxācū nūma ya Tupana poraācū pexū nangūxēēxū na yemaācū pexū natauxchaxūcēx na nūxū perūngūxēēgūxū.

15 Rū ngēmacēx i űuxma rū Tupanana moxē taxā, yerū tūxna nanamu ga Nane na tōrū āmare yīxūcēx. Rū nataxuma i ore i nagu mexū na nūxū ixuxūcēx na űuxācū namaā itaāēgūxūchixū i ngēma āmare.

10

Pauruarū ore rū aixcūma nixī yerū Tupana nixī ga nūxna āgacū

1 Rū űuxma rū yema Cristu yaxna tamaā naxīnūxūrūū rū tamaā namecūmaxūrūū, rū choma rū ta pemaā yaxna chaxīnūācūma rū pemaā chamecūmaācūma pexū chacēēxū na chauga pexīnūēxūcēx. Erū nūmaxū i duūxūgū rū nūxū nixugū na pexū chamuūxū ega pexūtawa changēxmagu natūrū ngēxguma pexna chayaxūgu rū tama pexū chamuū.

2 Natūrū ngēxguma ngema petanūwa chaxūxgu, rū chierū natauxguma na űacūcēx namaā chaporagaxū rū na chanaxucuxēxū i ngēma duūxūgū i petanūwa toxū ixuxū na űōma tama yaxōgūxūrūū na tamaxēxū. Erū choma rū īchamemare na namaāxūchi na chidexaxū.

3 Rū aixcūma woo duūxūgū tixīgū natūrū tama űōma i naanecūāxrxūxū togū tada i ngexguma ītanapoxūgu i Tupanaarū ore.

4-5 Erū ngēma toxne i namaā ītanapoxūxū i Tupanaarū ore rū tama űōma i naānecūāx namaā āxnexū nixī. Erū toma rū toxū nangēxma i Tupanaarū

pora na ngēmamaã itayanaxoxēēxūlcēx i Chatanäärü pora. Rū ngēmaācū itayanaxoxēē i guxūma i chixexū i ore i Tupanaxū namaā yaxugūgūxū i duūxūgū. Rū ngēmaācū itayanaxoxēē i guxūma i Tupanaārū uwanūgūarū ore i nūgū namaā yacuēxūūgūācūma duūxūgūmaā nūxū yaxugūgūxū na tama Tupanaāxū yaxōgūāxūlcēx. Rū guxūma i ꝑacū i nagu naxīnūēxū i ngēma duūxūgū i chixexū, rū Cristuna tanaxuaxū na nūma namaā inacuāxūlcēx.

⁶ Rū wūxicana marū meā Cristuga pexīnūēgu, rū toma rū itamemare na tūxū tapoxcuexū ya guxāma ya texé ya tama naga īnūēxē i Cristuarū ore.

⁷ Pema rū norū dūxētūxūnewaxicatama nixī i penangugūxū i wūxi i duūxū. Natūrū ngēxguma texé tūgū cuēxgu na Cristuarū duūxū tīxū, rū name nixī i nūxū tacuēx na toma rū ta tūmarū Cristuarū duūxūgū tixīgūxū.

⁸ Rū woo īrarūwa chanangupetūxēē na chaugū chicuēxūūxū namaā i ngēma na Tupana toxū muxū, natūrū taxucēxma naxcēx chaxāne. Erū aixcūma Cori nixī ya toxū mucū na pexū tarūngūxēēgūxūlcēx na yexeraācū meā peyaxōgūxūlcēx. Rū tama ꝑacū rū chixexūgu pexū na tayixēēxūlcēx nixī i toxū namuxū.

⁹ Rū tama chanaxwēxe i nagu perūxīnūē na pexū íchabaijgūchaūxū namaā i ngēma poperagū i pexcēx chaxūmatūxū.

¹⁰ Erū nūmaxū i duūxūgū rū nūxū nixugū na chorū poperawaxicatama pexū íchabaijgūxū, natūrū chomaxūchi pexūtawa changexmagu rū tama aixcūma nūxū chacuēx na űuācū mea chidexaxū na ngemaācū chauga pexū chaxīnūēxēēxūlcēx, űaxūmaā choxū nixugūe.

¹¹ Natūrū texe ya ngemaācū idexāxe i nagu tarūxīnū rū ngēma pexna tayaxūguācūma torū poperawa pemaā nūxū tixuxūrū tātama tixīgū i ngēxguma petanūwa tangēxmagūgu.

¹² Toma rū tama tanaxwēxe i namaā togū tawūxiguxēē rū ēxna nagu togū tangugū i ngēma duūxūgū i nūgūtama icuēxūūgūxū. Nūmagū rū nūgūtama nawomuxēēgū, erū nūgūmaā nūgū nawūxiguxēē rū nūgūtama nūgū nangugū.

¹³ Natūrū toma rū tama togū namaā ticuēxūūgū i ngēma yaxōgūxū i tama Tupana toxmēxwa ngēxmagūxēēxū. Yerū Tupana nixī ga tomaā nūxū ixucū na ngextā nanaxwēxexū na tapuracūexū. Rū nūma nixī ga noxri Corītiuwa ga petanūwa toxū nangugūxēēxū na pemaā nūxū tixuxūlcēx ga norū ore.

¹⁴ Rū yemaācū toxira nixī ga noxri petanūwa tangugūxū na pemaā nūxū tixuxūlcēx ga yema Cristuarū ore. Rū ngēmacēx i űuxma na petanūwa taxīxū, rū tama tanangupetūxēē ga yema Tupana tomaā nūxū ixuxū, yerū nūma nixī ga toxū namuxū na pexū tarūngūxēēgūxūlcēx.

¹⁵ Rū ngēmacēx tama togūarū puracūmaāmare nixī i togū ticuēxūūgūxū. Rū tama nūxū tachopetūchaū i ngēma Tupana tomaā nūxū ixuxū na pexū tangūxēēxū. Natūrū ngema pexū tanaxwāexū nixī na yexeraācū nūxū pecuāxū i Tupanaarū ore na ngemaācū yexera peyaxōgūxūlcēx.

¹⁶ Rū ngēxguma marū petanūwa tangugūguwena rū tanaxwēxe i ngēma duūxūgū i perū yéamaxūra ngēxmagūxū i ngextā taguma texé nūxū íixuxūwa taxī na ngēmamaā rū ta nūxū tixuxūlcēx i ore i mexū. Erū tama tanaxwēxe i togūarū puracūmaā togū ticuēxūūgū.

¹⁷ Erū Tupanaārū ore i űumatūxūwa rū űnanagūrū: “Rū ngēxguma texé tūgū icuēxūūchaūgu, rū name nixī i tórū Corixū ticuēxū, erū nūma nixī i tūxū nangūxēēxū”, űnanagūrū i ngēma ore.

¹⁸ Erū ngēma yatū i aixcūma Tupanapēxewa mexū rū tama nūgūtama nicuēxū. Natūrū ngēma yatū i tórū Cori nūxū icuēxūūxū nixī i aixcūma

Tupanapēxewa mexū.

11

Pauru rü nüxū nixuchiga ga yema orearū uruūgūneta ga tama Tupana imugūxū

¹ Rū ņuxma i ngēma tá pemaã nüxū chixuxū, rü bexmana pexcèx rü wūxi i ngēāēmare nixī, natürü chanaxwēxe i choxū iperūxīnūēmare rü yaxna chomaã pexīnūē.

² Erū Tupana pexū inuxūxūrūū pexū chinuxū. Erū chaugagu nixī i Cristuaxū peyaxōgūxū, rü marū Cristuna pexū chaxuaxū na noxrūxicatama pixīgūxūcèx. Rū ngēmacèx chanaxwēxe i ngearū chixexūāē Cristuxū pexū chawēx ņoma wūxi i pacū i taguma yatūxū cuèxcürūū.

³ Natürü chaxoegaāē rü yema āxtape norū doramaã Ebauxū na womūxēēxūrūū, ngürūāchi tá ta texé pexū tawomūxēē, na nüxū perūxoexūcèx na Cristugu perūxīnūēxū rü naxcèxicatama na pemaxēxū.

⁴ Erū pema rü tauxchaacū nixī na pexū nawomūxēēgūxū. Rū ngēxguma ínanugūgu i duūxūgū i pemaã nüxū ixuxū i to i Ngechuchigiga ya tama yima toma nüxū tixuchigacū, rü pema rü nüxū peyaxōgū i ngēma duūxūgū. Rū pema rü taāēācūma penayaxu i to i naāē i tama Tupanaāē i Ūūnexū ga marū peyaxuxū ixīxū. Rū peyaxōgū i to i ore i tama Tupanaārū ore i mexū ga noxri peyaxuxū ixīxū.

⁵ Dücèx, rü woo nawe perūxīxgu i ngēma togū i orearū uruūgūneta, natürü chauxcèx rü taxuwama choxū narūyexeragū.

⁶ Rū woo tama choxū nangēxmagu i tauxcha na duūxūgūpēxewa chidexaxū, natürü aixcūma meã nüxū chacuèx i ngēma nachiga chidexaxū. Rū ngēma rü guxūma i torū puracūwa marū pexū nüxū tadauxēē i guxūguma.

⁷ ¿Pexcèx rü chixexū pemaã chaxū ga yexguma chaugū ícharūxíragu na pexū chataxēēxūcèx rü choxmēxmaã chapuracūgu na ngetanūācūma pemaã nüxū chixuxū ga Tupanaārū ore i tūxū maxēxēēxū?

⁸ Rū aixcūma yema toga ga yaxōgūxū choxna ngīxū āgücū ga dīeru ngīxū chayaxu na yemamaã petanūwa chapuracūxūcèx rü pexū charūngūxēēxūcèx.

⁹ Rū yexguma petanūwa chayexmagu rü aixcūma choxū itaxu ga dīeru, natürü taguma texéna ngīxcèx chaca. Rū taeneēgū ga Machedóniāānēwa ne íxū rü choxna ngīxū naxāgū ga yema choxū tauxcū. Rū yemaācū tama pexūtawa ngīxcèx íchaca ga yexguma. Rū ņuxma rü ta tagutáma tacūcèx pexna chaca.

¹⁰ Rū Cristu ya chowa ngexmacūégagu pemaã nüxū chixu i ngema na aixcūma ngetanūācūma petanūwa chapuracūxū. Rū ngema rü chorū taāxē nixī. Rū taxucürūwa texe i guxū i Acáyaanēwa choxna tanayaxu i ngema taāxē.

¹¹ ¿Rū tacūcèx yīixū i ngēmaācū chidexaxū? ¿Éxna pexcèx rü tama pexū changechaūxūcèx yīixū i ngēmaācū chidexaxū? Dücèx, pemaã nüxū chixu rü Tupana nüxū nacuèx na ņuxācū aixcūma pexū changechaūxū.

¹² Natürü ngēma na ngetanūācūma pemaã nüxū chixuxū i ngēma ore, rü ngēmaācū tá chanaxūecha na taxucürūwa chixri chauchiga yadexagūxūcèx i ngēma togū i orearū uruūgūneta i nūgū ixuxū na toxrūū naxūgūāxū i Tupanaārū puracū.

13 Nūmagū rū aixcūma orearū uruūḡūneta nixīḡū, rū duūxūḡūxū na-womūxēēḡū. Rū nūmagū rū togu nūḡū nicūxḡū, rū nūḡū nixugū na Cristu yamugūxū.

14 Rū ngēma rū taxucēxma namaā peḡaixāchiāēḡū. Erū woo i Chataná rū ta rū Tupanaārū orearū ngeruūḡū i daxūcūāx i yauracūxūrūācū nūḡū nangoxēē.

15 Rū ngēmacēx woetama ngēmaācū nixīḡū i ngēma duūxūḡū i Chatanāāxū puracūexū. Rū nūmagū rū duūxūḡū i mexū ūḡūxūḡū nūḡū nicūxḡū. Natūrū ngēma ngēmaācū ixīḡūxū, rū Tupana tá nanapoxcūe naxcēx i ngēma chixexū i naxūḡūxū.

Pauru rū yema puracū ga Ngechuchu nawa namuxīwa ngūxū ninge

16 Rū wena pemaā nūxū chixu rū tama chanaxwēxe i nagu perūxīnūē na wūxi i āūāēxū chīxū. Natūrū ngēxguma chi ngēmaācū chomaā nagu perūxīnūēḡū, rū tama chanaxwēxe i chozna penachūxu na űoma wūxi i āūāēxūrūū chaugūētūwa chidexaxū, na ngēmaācū choma rū ta írarūwa chaugūtama chīcūēxūūxūcēx.

17 Rū űuxma na chaugūētūwa chidexaxū rū ngēma rū tama tórū Coriarū mu nixī. Natūrū űoma wūxi i āūāēxū nūḡū icūēxūūxūrūū nixī i chidexaxū.

18 Rū űuxma na nangēxmaxū i muxūchixū i duūxūḡū i űoma i naānewa nūḡū icūēxūūḡūxū, rū choma rū tá ta írarūwa chaugū chīcūēxūū.

19 Pema rū nagu perūxīnūē rū nūxū cuēxūchīḡūxū pixīḡū. Natūrū taāēacūma yaxna namaā pexīnūē i ngēma duūxūḡū i tama naāēxū icuáxū.

20 Rū yaxna namaā pexīnūē i ngēma duūxūḡū i nūḡūxū pexū puracūexēēxū, rū ngēma ngetanūācūma pexū puracūexēēmarexū, rū ngēma pexū womūxēēḡūxū, rū ngēma chixri pexū yaxūḡūxū, rū ngēma pemaā guxchī-gāḡūxū.

21 Rū woo wūxi i ānexūchi nixī na pemaā nūxū chixuxū, natūrū chauxcēx rū tama aixcūma pexū nūxū tadauxēē ga torū pora ga yexguma petanūwa tayexmagūgu. Natūrū űuxma na tama namuūēxū na nūḡū yacuēxūūḡūxū i ngēma togū i duūxūḡū, rū choma rū ta taxucēxma chamuū na chaugūētūwa chidexaxū woo pexcēx rū taxuwama namexgu i ngēma nūxū chixuxū.

22 Nūmagū rū nūḡū yaxugūgu rū Yudíḡū nixīḡū. Natūrū choma rū ta Yudíu chixī. Rū nūmagū nūḡū yaxugūgu rū Iraétanūxūḡū nixīḡū. Natūrū choma rū ta rū Iraétanūxū chixī. Rū nūmagū rū nūḡū yaxugūgu rū Abráūtanūxū nixīḡū. Natūrū choma rū ta Abráūtanūxū chixī.

23 Nūmagū rū nūḡū yaxugūgu rū Cristuaxū napuracūe. Natūrū choma rū norū yexera Cristuaxū chapuracū. Rū ngēma űachagūrū pexū woo pema nagu perūxīnūēgu na űoma wūxi i āūāēxūrūū chidexaxū. Rū ngēma duūxūḡūārū yexera poraācū Tupanaāxū chapuracū. Rū norū yexera chapoxcu, rū norū yexera choxū naḡuaixḡū ga duūxūḡū. Rū muēxpūxcūna rū āūcūmaxūchixūwa chayexma rū wixḡūxūchi taēx choxū nimēḡū.

24 Rū 5 ēxpūxcūna nixī ga 39 ga cūaxīmaā choxū napoxcu-gūxū ga chau-tanūxūḡū ga Yudíḡū.

25 Rū tomaēxpūxcūna nixī ga naīmaā choxū naḡuaixḡūxū, rū wūxicana ga nutamaā choxū inamuxūchīḡūxū. Rū tomaēxpūxcūna nixī ga guma wapuru ga nagu chixūūne rū chomaā inanguxū. Rū wūxicana ga yexguma chomaā inanguxgu ga wapuru rū wūxi ga chūtaxū rū wūxi ga ngunexū chinge na taxū ga taxtūarū ngāxūūḡūgu mūrāpewaētūgu chatunagūācūma chīwēxēxū.

26 Rū poraācū nu ne chanaxū, rū poraācū āūcūmaxūwa chayexma yerū natūgū ga āūcūmaxūgu chixūgū, rū ngītēēxgūxū rū chixexū chomaā naxūgūchaū. Rū woo chautanūxūgū ga Yūdūgūtanūwa, rū woo yema duūxūgū ga tama Yūdūgū ixīgūxūtanūwa, rū woo īānegūwa, rū woo namagūwa, rū woo taxūwa rū āūcūmaxūwa chayexma. Rū yema duūxūgū ga chomūcūgūneta ixīgūxūtanūwa rū ta āūcūmaxūwa chayexma.

27 Rū poraācū chataarū puracūāx, rū muxūchixū ga guxchaxūgū choxū nangupetū. Rū muēxpūxcūna rū tama chape, rū chataiya, rū chiḡawa. Rū muēxpūxcūna rū tama chachibū, rū choxū nanadeyu, rū choxū nataxu ga chauxchiru.

28 Rū naetūwa i guxūma i ngēma, rū guxū i ngunexūgu rū chaxoegaāē naxcēx i guxūma i ngēma yaxōgūxū i guxū i īānewa ngēxmagūxū.

29 Rū ngēxguma chi texē tama poragu, rū choxū rū ta nangux. Rū ngēxguma chi wūxie texēxū pecadugu nguxēēgu, rū chauāēwa nangux i ngēma.

30 Natūrū ngēxguma chi chaugū chicuēxūūchaūgu, rū tā chaugū chicuēxūū naxcēx na duūxūgū choxū daxū na taxuwama chamexū.

31 Rū Tupana ya tōrū Cori ya Ngechuchu ya Cristunatū ya mecū na guxūguma nūxū icuēxūūgūxū, rū nūxū nacuēx na aixcūma yīxū i ngēma nūxū chixuxū.

32 Rū yexguma Damacuwa chayexmagu, rū guma īāneārū āēxgacū ga Aretaarū ngūxēēru, rū norū churaragūxū namu na nūxna nadaugūxūcēx ga guma īāneārū poxeguxūārū īāxgū na choxū yayauxgūxūcēx ga yexguma chi yēma īchaxūūxgu.

33 Natūrū yema īāneārū poxeguxūārū īāxācūwa rū wūxi ga pexchigu choxū īnarūchūxūetaūgū ga chomūcūgū. Rū yemaācū chiña naxchaxwa ga yema āēxgacū.

12

Tōrū Cori rū Pauruxū nangoxetūxēē rū nūxū nūxū nacuēxēē ga tacū ga ēxūguxū

1 Taxuwama name na texē tūgū icuēxūūxū. Natūrū tā pemaā nūxū chixuama na űuxācū tōrū Cori choxū nangoxetūxēēxū rū űuxācū choxū nūxū na nacuēxēēxū ga tacū ga ēxūguxū.

2 Rū 14 ga taunecū marū nangupetū ga na Tupana daxūguxū ga naānewa ga nūma īnayexmaxūwa choxū nagaxū. Natūrū tama nūxū chacuēx rū chauāēwaxicatama nixī ga yēma choxū nagaxū, rū ēxna guxū ga chaxunemaā yīxū ga yēma choxū nagaxū. Rū Tupanaxīcatama nūxū nacuēx i ngēma.

3-4 Rū aixcūma meāma nūxū chacuēx na daxūguxū ga naānewa choxū nagaxū ga Tupana, natūrū tama nūxū chacuēx rū guxū ga chaxunemaā yēma choxū naga rū ēxna tama. Rū Tupanaxīcatama nixī ya nūxū cuācū i ngēma. Rū yēma nūxū chaxīnū ga ore ga ēxūguxū i guxūma i duūxūgūna chuxuxū na nūxū yaxugūxū.

5 Rū choma rū chi name na chaugū naxcēx chicuēxūūxū i ngēma, natūrū tāūtāma ngēmaācū chanaxū. Erū ngēma ngūxū na chingexūmaāxīcatama tā nixī i chaugū chicuēxūūxū.

6 Natūrū ngēxguma chi chaugū chicuēxūūchaūgu, rū tāū chima wūxi i ngēāēmare nixī i ngēma, erū aixcūma nixī i ngēma ore i nūxū chixuxū i chauchiga. Natūrū tama chaugū chicuēxūū na taxūema nagu rūxīnūxūcēx na ngēma chowa nūxū naxīnūēxū rū nūxū nadaugūxūārū yexera chiīxū.

⁷ Natürü tórü Cori rü tama nanaxwèxe i poraãcũxũchima chaugũ namaã chicuèxũxũ ga yema èxũguxũ ga mexèchixũ ga choxũ nüxũ nacuèxèèxũ. Rü yemacèx chaxunewa nananguxèè ga wũxi ga choxũ ngũxũ ñoma wũxi ya tuxu chaxunewa ingaxixũrũd. Rü yema rü ñoma wũxi ga Chatanäärü orearü ngeruũrũd chauxtawa nangu na choxũ nachixewexũcèx na tama chaugũ chicuèxũxũcèx.

⁸ Rü tomaèxpũxcũna tórü Corina chaca na choxũ iyanaxoxèèãxũcèx ga yema choxũ ngũxũ.

⁹ Natürü nüma ya tórü Cori rü ñanagũrũ choxũ:

“Rü cuma nüxũ cucuèx na guxũguma cuxũ changechaũ, rü ngèxĩcatama nixĩ i cunaxwèxexũ. Rü ngèma duũxũgũ i tama poraexũwa nixĩ i aixcũma chanangoxèèxũ i ñuxãcũ na chaporaxũ”, ñanagũrũ choxũ. Rü ngèmacèx chataãe ga tama chaporagu. Erü ngèxguma tama chaporagu rü ngèxguma nixĩ i chowa inawèãxũ i norü pora ya Cristu.

¹⁰ Rü ngèma na Cristuxũ na changechaũxũgagu nixĩ i yaxna namaã chaxĩnũxũ ega woo chaturagu rü woo ñacũ chomaã yaxugũegu i duũxũgũ. Rü woo choxũ natauxgu i chorü ngèmaxũgũ, rü woo duũxũgũ rü chowe yangèxũtanũgu, rü woo guxchaxũgũ choxũ ngèxmagu rü Cristucèx rü yaxna namaã chaxĩnũ i guxũma i ngèma. Erü ngèxguma chaturagu, rü ngèxguma nixĩ i yexeraãcũ Cristu choxũ poraxèèxũ.

Pauru rü naxcèx naxoegaãe ga yema yaxõgũxũ ga Corŷtiuwa yexmagũxũ

¹¹ Maneca ñoma wũxi i ãũãèxũrũd chidexa, erü ngèmaãcũ chaugũ chicuèxũ. Natürü pegagutama nixĩ i dũxwa ngèmaãcũ chaugũètũwa chidexaxũ, yerü pema chi nixĩ ga choxũ picuèxũũgũxũ, rü tama i chomax. Rü woo taxuwama chame i chomax, natürü taxuwama choxũ narũyexeragũ i ngèma orearü uruũgũneta i nawe perũxĩxũ.

¹² Rü yexguma petanũwa chayexmagu, rü yaxna pemaã chaxĩnũãcũma pexũ nüxũ chadauxèè na aixcũma Cristu choxũ muxũ na nüxũ chixuxũcèx ga norü ore. Rü cuèxruũgũmaã pexũ nüxũ chacuèxèè ga yema. Rü pexũ nüxũ chadauxèè ga taxũ ga mexũgũ ga Tupanaäärü poramaã xũ.

¹³ Rü yexguma petanũwa chayexmagu rü pemaã chamecũma yema guxũma ga togũ ga yaxõgũxũmaã na chamecũmaxũrũũtama. Natürü wũxiwaxicatama nixĩ ga íchatũxũ yerü ga petanũwa rü tama ngĩxũ chayaxu ga dũeru yema togũ ga yaxõgũxũtanũwa ngĩxũ chayaxuxũrũd. Rü chanaxwèxe i choxũ nüxũ pengechaũ i ngèma.

¹⁴ Rü ñuxma rü marü íchamemare na norü tomaèxpũxcũna pexũ íchayadauxũ. Rü tãũtama ñacũcèx pexna chayaca. Erü tama perü ngèmaxũgũcèx petanũwa chaxũ, natürü pexcèxũchi nixĩ i ngema chaxũxũ. Pema rü chauxacũgũ pixĩgũ i Tupanaäärü orewa. Rü ngèma papá rü mamaäärü puracũ nixĩ na naxãcũgũna naxããxũ i ngèma nüxũ taxuxũ. Rü tama naxãcũgũarũ puracũ nixĩ na nanatũna rü naèna naxãgũãxũ.

¹⁵ Rü choma rü íchamemare na chorü ngũchaũmaã pexcèx ichanaxãxũ i guxũma i ñacũ i choxũ ngèxmaxũ rü woo chaugũtama rü ta na ichaxãxũ na aixcũma meã peyaxõgũxũcèx. Natürü chauxcèx rü ngèxguma yexeraãcũ pexũ changechaũgu, rü pema rü yexeraãcũ nüxũ perũxoetanũ na choxũ pengechaũxũ.

¹⁶ Rü nümaxũ i duũxũgũ i petanũwa, rü woo nüxũ nacuèxgũ na taguma ñacũcèx pexũtawa íchaxaxũ, natürü nümagũ rü nüxũ nixugũama na pexũ chawomũxèècũma perü dũeru ngĩxũ chayaxuxũ.

17 ¿Ēxna pema nagu perūxīnūēgu rū yema duūxūgū ga petanūwa chamugūxūwa pexū chawomūxēē?

18 Rū Titumaā nūxū chixu na petanūwa íyadauxūcèx. Rū namaā yéma chanamu ga yema to ga taeneē. ¿Ēxna pema nagu perūxīnūēgu ga Titu rū pexū yéma nayawomūxēē? ¿Tama ēxna aixcūma yīxū na chauxrūū meā na namaxūxū rū chauxrūū mexūgu naxīnūxū ga Titux?

19 Bexmana pema tá nagu perūxīnūē rū ngēmaācū tidexagū, erū togūétūwatama tachogūchaū. Natūrū, Pa Chaueneēgū ya Pexū Tangechaūgūex, rū Tupanapēxewa rū Cristuégagu nixī i tidexagūxū na yexeraācū meā Tupanaāxū peyaxōgūxūcèx rū yexeraācū meā na pemaxēxūcèx.

20 Erū chaxoegaāē rū ngēxguma wena pexū íchayadēuxgu, rū ngūrūāchi tama choma chanaxwēxexūācūma ípemaxē, rū ngēmacèx i pema rū tāūtáma chomaā petaāēgū. Rū chaxoegaāē erū ngūrūāchi tá pexū ichayangau na pegūchi ípexaixū, rū pegūarū ngēmaxūcèx pixāūxāchigūxū, rū pegūmaā penuēxū, rū pegūguxicatama íperūxīnūēxū, rū pexoregūtèēxgūxū, rū toguāxū pixuxū, rū pegū picuēxūūgūxū, rū chixexū ípexūexū rū ngēmaācū chixri ípemaxēxū.

21 Rū chaxoegaāē rū ngēxguma wena petanūwa chaxūxgu, rū ngūrūāchi Tupana rū pegagu tá choxū naxānēxē. Rū ngūrūāchi ngechaū tá choxna pexā, erū muxēma i petanūwa rū marū űuxgumama pecadu taxūgūecha, rū tama nūxū tarūxōechaū na Tupanapēxewa chixexū taxūgūxū rū naī i ngemaāmare na tamaxēxū rū guxūma i togū i chixexū na taxūgūxū.

13

Pauru nayaxucuxē ga yema yaxōgūxū ga CorŦtiucūāx rū űuxūchi nūxū narūmoxē

1 űuxma rū norū tomaēxpūxcūna tá nixī na petanūwa chaxūxū. Rū Tupanaārū ore rū tamaā nūxū nixu rū ngēxguma texē chixexū űuxgu rū taxre rū ēxna tomaēxpūx i duūxūgū nūxū daugūgu rū nūxū yaxugūgu na aixcūma yīxū, rū aixcūma tá poxcu tūmamaā taxuegu ya yixema chixexū űxe.

2 Rū ngēmacèx i pema i űpamamatama pecadu űgūechaxe rū guxāma i pema ya chixri maxēxē, rū űuxma na woo pexna chayaxūguxū rū wenaxārū pexna nūxū chacuēxāchixēē rū ngēxguma tá ngema chaxūxgu rū aixcūma tá chanamexēē i guxūma i ngēma chixexū i petanūwa ngēxmaxū, rū tāūtáma chanangupetūxēēmare i ngēma.

3 Rū pema na naxcèx íperūdaunūxū na Cristu chowa idexaxū, rū ngēxguma ngema chaxūxgu, rū ngēxguma tá nixī i nūxū pedauxū na aixcūma chowa na yadexaxū ya Cristu. Rū nūma ya Cristu rū chowa tá pexū nūxū nadauxēē na tama naturaxū natūrū aixcūma yanguxēēāxū i norū ore rū tūxū napoxcuxū ya yixema chixexū űgūxe.

4 Rū aixcūma nixī ga Cristu ga űnoma wūxi ga duūxū i turaxūrūū nūgū yaxīxēēxū ga yexguma curuchawa yapotagu. Natūrū i űuxma rū Tupanaārū poragagu namaxū. Rū ngēxgumarūū i toma na norū duūxūgū tixīgūxū, rū taturae i toxonewa. Natūrū ngēma na norū duūxūgū tixīgūxū, rū Tupanaārū poragagu tá tamaxē na pexū tarūngūxēēgūxūcèx.

⁵ Rū name nixī i pegūtama pengugū na nūxū pecuáxūcèx ngoxi aixcūma meā peyaxōgū. Rū name nixī i pegū pengugūarū maxūāx rū ngoxi Tupanapēxewa pime. ¿Tama ēxna nūxna pecuēxāchie na Ngechuchu ya Cristu rū pewa nangēmaxū ega aixcūma peyaxōgūgu?

⁶ Rū chierūna nūxū pecuēxgu na toma rū tama orearū uruūgūnetamare na tixīgūxū.

⁷ Rū Tupanana naxcèx taca na taxuūma i chixexū na pexūgūxūcèx. Rū tama duūxūgūpēxewa togū itarūtagūxūcèx nixī na ngēmaācū tayumūxēgūxū. Natūrū Tupanana naxcèx taca i ngēma na aixcūma meā naxcèx pemaxēxūcèx woo duūxūgū nagu rūxīnūēgu na toma rū itatūemarexū.

⁸ Toma rū taxucūrūwama chixri nachiga tidexagū i Tupanaārū ore i aixcūma ixīxū, erū toma rū naētūwa tachogū i ngēma ore.

⁹ Rū tá tataāēgū ega aixcūma peporaegu i perū maxūwa rū ngēmacèx natauxgu i tacūcèx pemaā na taporagaexū. Rū Tupanana tá naxcèx tacaama na pexū naporaexēxūcèx i perū maxūwa na dūxwa aixcūma mexū i norū duūxūgū na pixīgūxūcèx.

¹⁰ Rū naxūpa na pexū na ichayadauxū nixī i pexcèx chanaxūmatūxū i ñāā popera, na ngēxguma ngēma changuxgu rū nataxuxūcèx i tacūcèx pemaā na chaporagaxū. Erū tórū Cori choxū namu na pexū charūngūxēēxūcèx na yexeraācū meā peyaxōgūxūcèx, rū tama chixexū pemaā na chaxūxūcèx nixī i choxū namuxū.

¹¹ Rū ñuxma na ichayacuēxēēxū i ñāā popera, Pa Chaueneēgūx, rū chanaxwēxe i meā pexū naxūpetū rū naxcèx pedau na ñuxācū aixcūma meā Tupanacèx pemaxēxū. Rū name nixī i pegū petaāēxēēgū rū wūxigu perūxīnūē rū meā yaxna pegūmaā pexīnūē rū aixcūma pegū pengechaūgū. Rū nūma ya Tupana ya tūxū ngechaūcū rū tūxū rūngūxmūēxēēcū, rū guxūgutāma pemaā inarūxāūx.

¹² Rū chanaxwēxe i wūxichigū i pema rū pegū pengechaūgūācūma pegū perūmoxēgū.

¹³ Rū guxūma i togū i taeneēgū i yaxōgūxū rū pexū narūmoxēgū.

¹⁴ Rū ñuxma rū chanaxwēxe i tórū Cori ya Ngechuchu ya Cristu pexū narūngūxēē, rū Tanatū ya Tupana rū pexū nangechaū, rū Naāē i Ūūnexū rū guxūguma pemaā inarūxāūx.

Rū nuāma pexna,
Pauru

POPERA GA GÁRATAANEWA YEXMAGÜXÜ GA YAXÖGÜXÜTANÜWA NAMUXÜ GA PAURU

Pauru rü nüxü narümoxe ga yema yaxögüxü ga Gárataaneärü iānegüwa yexmagüxü

¹⁻² Pa Toeneëgü i Yaxögüxü i Gárataaneärü Iānegüwa Ngëxmagüxüx, choma i Pauru rü namaā i guxüma i taeneëgü i nuā chauxütawa ngëxmagüxü nixi i pexcëx tanaxümatüxü i ñaā popera. Rü choxü nixi ga namugüxü ga Ngechuchu ya Cristu rü Tanatü ya Tupana. Rü aixcüma tama duüxügü nixi ga choxü unetagüxü na chanaxüxcëx i ñaā Tupanaärü puracü. Natürü Tanatü ya Tupana ga Ngechuchuxü írüdaxëecü rü nümatam ya Ngechuchu ya Cristu nixi ga choxü naxunetagüxü.

³ Rü chanaxwëxe i Tanatü ya Tupana rü tórü Cori ya Ngechuchu ya Cristu poraäcü pexü narüngüxëë rü pexü nataäëxëë.

⁴ Rü nüma ga tórü Cori ya Ngechuchu rü nügü inaxā na tórü pecaducëx nayuxcëx na nüxna tüxü inanguxüxëëxcëx i guxüma i ñoma i naāneärü chixexü. Rü yemaäcü nanaxü, yerü yema nixi ga Tanatü ya Tupanaärü ngüchaü.

⁵ ¡Namexëchi ya Tupana i guxüguma! Rü ngëmaäcü yii.

Nataxuma i to i ore i tüxü maxëxëxü

⁶ Rü yema na Cristuaxü pengechaütümüügüxcëx nixi ga pexna naxuxü ya Tupana na penayaxuxcëx i maxü i taguma güxü. Rü ñuxma rü poraäcü chabaixächiaë, erü paxaxüchi ipenaxügü na Tupanana pixigachixü, na nawe perüxüxcëx i to i nguxëëtae i nagu perüxinüëgu rü pexü maxëxëxü.

⁷ Natürü tama aixcüma nangëxma i to i nguxëëtae i nawa nayaxuxü i maxü i taguma güxü. Natürü nangëxma i ñuxre i duüxügü i pexü naguxchaxëchaüxü, rü nanaxüchicüügüchaü i ngëma nguxëëtae i mexü ga pemaā nüxü chixuxü ga Cristuchiga.

⁸ Rü toma rü marü pexna tanaxā ga yema nguxëëtae i aixcüma ixixü i Ngechuchuchiga. Rü ngëxguma chi texé pexü ngüxëëgu i to i nguxëëtae, rü name nixi i noxtacüma Tupana tüxü napoxcu. Rü woo choma chixügu, rü éxna tacü rü Tupanaärü orearü ngerü i daxücüāx yixügu i pexü nguxëëxü i to i nguxëëtae, rü name nixi i noxtacüma Tupana tüxü napoxcu.

⁹ Rü ñuxma rü wena pemaā nüxü chixu ga yema noxri pemaā nüxü chixuxü. Rü ngëxguma chi texé pexü ngüxëëgu i wüxi i to i nguxëëtae i tama yema noxri peyaxuxürüü ixixü, rü name nixi i noxtacüma Tupana tüxü napoxcu.

¹⁰ Rü tama chomaā na petaāëgüxcëx nixi i ngëma ñachaxü. Erü tama naxcëx chadau na duüxügü chomaā taāëgüxü, natürü Tupana chomaā taāëxcëx nixi i chadauxü. Erü ngëxguma chi duüxügüxüxicatama chataäëxëëchaügu, rü tãu chima Cristuarü puracütanüxü chixi.

Ñuxäcü Pauruxü nayaxu ga Tupana na norü puracüwa namüxüxcëx

¹¹ Natürü, Pa Chaueneëgüx, chanaxwëxe i nüxü pecuëx na ñaā ore i mexü i nüxü chixuxü, rü tama duüxügüāëwa yixü na ne naxüxü.

¹² Yerü tama wüxi ga duüxüxtawa naxcëx changux. Natürü Ngechuchu ya Cristutama nixi ga choxü nüxü cuëxëecü.

13 Pema rü marü nüxü pexinüechiga na ñuxäcü chamaxüxü ga üpa ga yexguma Yudiügücümagu chixüxgu. Rü nüxü pexinüechiga na ñuxäcü poraäcü nawe chingëchigüxü ga guxüma ga Tupanaärü duüxügü ga yaxögüxü rü ñuxäcü chixri namaã na chaxüpetüxü na yemaäcü nüxü nüxü charüxoxëëxüçëx ga yema na Ngechuchuaxü yaxögüäxü.

14 Rü muxüma ga chautanüxügü ga Yudiügü ga chorü nayaãxgüräxüärü yexera nagu chixü ga yema Yudiügücüma. Yerü norü yexera meãma chayanguxëë ga nacümagü ga nuxcümaügüxü ga chorü oxigü nagu İxü.

15-16 Natürü yexguma tautama chabuxgu, rü woetama Tupana choxü naxuneta na choxü namuxüçëx na chanaxüxüçëx i norü puracü. Rü nüma rü chauxçëx naca na noxru chixixüçëx yerü poraäcü choxü nangechaü. Rü yexguma Tupana naxwëxegu, rü choxü nüxü nacüxëë ga Nane ya Cristu. Rü yemaäcü nanaxü na ngëma duüxügü i tama Yudiügü ixigüxümaã nüxü chixuxüçëx na ñuxäcü Ngechuchugagu tüxü nangëxmaxü i maxü i taguma güxü. Rü yexguma yemaäcü Tupana choxü nüxü cuëxëëgu ga Nane, rü taxüenama chayaca.

17 Rü bai ga Yerucharéüwa na chaxüxü na nüxna chayaçaxüçëx ga yema togü ga ngüexügü ga nüxıra Tupana imugüxü. Natürü ga choma rü yexgumatama Arábiaanewa chaxü. Rü yemawena, rü Damacuarü İānecëx chataegu.

18 Rü tomaëxpüx ga taunecüguwena rü düxwa Yerucharéüwa chaxü na Pedruxü chacuáxüçëx. Rü 15 ga ngunexütama naxütawa chayexma.

19 Rü yéma nüxü chadau ta ga Chaütiágu ga tórü Cori naēneë. Natürü taxüma ga togü ga ngüexügü ga tórü Cori imugüxüxü chadau.

20 Rü Tupana choxü nadau na aixcüma yïxü i ngëma ore i ñuxma pexçëx chaxümatüxü.

21 Rü yemawena, rü Chíríaaanewa rü Chiríchiaanewa chaxü.

22 Natürü yema taeneëgü ga Cristuaxü yaxögüxü ga Yudéaanewa yexmagüxü, rü taguma choxüxüchi nadaugü.

23 Rü yema nüxü naxinüëxü ga chauchiga rü ñaãxícatama nixí:

“Rü ngëma Pauru ga üpa tawe ingëchigüxü, rü ñuxma rü duüxügümaã nüxü nixu i Tupanaärü ore i mexü, rü namaã nayaxucüxë na Cristuaxü yaxögüäxüçëx. Rü ngëmaäcü nanaxü i ñuxma rü woo ga noxri rü inayanaxoxëëchaü ga yema ore”, ñaxü. Rü yexicatama nixí ga chauchiga ga nüxü naxinüëxü.

24 Rü yexguma ga yema duüxügü rü Tupanaxü nicuëxüügü nagagu ga yema Tupana chomaã üxü.

2

Yema togü ga ngüexügü ga Tupana imugüxü rü meã Pauruxü nayauxgü

1 Rü 14 ga taunecüwena rü wemaxärü Yerucharéüwa chaxü namaã ga Bernabé. Rü Titu rü ta İchayaga.

2 Rü yéma chaxü yerü Tupana choxü nüxü nacüxëë ga na nanaxwëxëxü na yéma chaxüxü. Rü yéma Yerucharéüwa, rü yema yaxögüxüärü äëxgacügümaãxícatama changutaquëxe. Rü meãma namaã nüxü chixu ga nachiga ga yema Tupanaärü ore i mexü ga nüxna chaxäxü ga yema duüxügü i tama Yudiügü ixigüxü. Rü yemaäcü meãma namaã nüxü chixu na ñuxäcü na yïxü ga chorü ngüxëëtae, yerü tama chanaxwëxe na yixcürä rü choxü nüxü naxoexü rü ngëmaäcü natüçëxmamare na yïxü i ngëma puracü i chaxüxü.

³ Rū yema yaxōgūxū, rū nūmagū rū ta norū me nixī ga yema chorū ngxēētae. Rū yemacèx rū woo tama Yudiū na yīxū ga Titu rū taguma na inawiechēxmūpēxechiraūxū, natūrū yema āēxgacūgū rū tama nanamu na inawiechēxmūpēxechiraūxūcèx.

⁴ Natūrū aixcūma nixī ga űuxre ga taeneēgūneta ixīgūxū ga bexmare tatanūgu nachocuxū. Rū yemagū nixī ga naxwēxegūxū na inawīuchēxmūpēxechiraūxū i ngēma yaxōgūxū i tama Yudiūgū ixīgūxū. Rū űuxma na Ngechuchu ya Cristuarū duūxūgū ixīgūxū, rū yema taeneēgūneta rū bexma tatanūgu nachocu na tūxū nangugūgūxūcèx na űuxācū Cristu nūxna tūxū inguxūxēēxū ga yema mugū ga Moiché űmatūxū. Yerū nūmagū nanaxwēxegū na wenaxārū nagu ixīxū ga yema mugū ga guxchaxū ga Moiché űmatūxū.

⁵ Natūrū bai ga írarūwa naga na taxīnūēxū ga yema duūxūgū. Yerū tama tanaxwēxegū na texé pexū naxūchicūūxū i ngēma ore i mexū i aixcūma ixīxū i tamaā nūxū ixuxū i űuxācū tūxū na nangēxmaxū i maxū i taguma gūxū ega Cristuaxū yaxōgūgū.

⁶ Natūrū yexguma yema yaxōgūxūārū āēxgacūgū ga Yerucharēūwa yexmagūxū nūxū ĩnūēgu ga űuxācū na yīxū ga chorū ngxēētae, rū namaā nataāēgū rū taxūūma ga űacu ga togū ga mugū choxna naxāgū na namaā changūxēētaexūcèx. Natūrū tama yema na āēxgacūgū yixīgūxūgu charūĭnū, erū nūxū chacuèx na Tupanapēxewa rū guxāma na wūxīguxū.

⁷ Natūrū nūmagū ga yema āēxgacūgū, rū nūxū nicuēxāchigū na choxū yīxū ga namuxū ga Tupana na yema duūxūgū ga tama Yudiūgū ixīgūxūmaā nūxū chixuxūcèx ga norū ore i mexū, yexgumarūū ga Pedruxū na namuxūrūū ga Tupana na Yudiūgūmaā nūxū yaxuxūcèx ga yema ore.

⁸ Rū gumatama Tupana ga Pedruxū mucū na Yudiūgūmaā nūxū na yaxuxū ga ore i mexū, rū gumatama Tupana nixī ga choxū mucū na yema duūxūgū ga tama Yudiūgū ixīgūxūmaā nūxū chixuxūcèx ga yema ore.

⁹ Rū yemacèx ga Chaūtiāgu rū Pedru rū Cuāū ga yaxōgūxūārū āēxgacūgū, rū nūxū nicuēxāchigū na choxū naxunetaxū ga Tupana na chanaxūxūcèx i ngēma puracū. Rū yemacèx ga yema āēxgacūgū, rū tomēx niyaxūxāchigū ga choma rū Bernabé na toxū nūxū nadauxēēgūxūcèx na aixcūma namūcūgū tixīgūxū i ngēma puracūwa. Rū nūmagū rū ta norū me nixī na ngēma duūxūgū i tama Yudiūgū ixīgūxūtanūwa na tanaxūxū i Tupanaārū puracū rū nūmagū i Yudiūgūtanūwa.

¹⁰ Rū toxna naxcèx naca na nūxū tarūngūxēēgūxūcèx ga yema yaxōgūxū ga ngearū dīeruāxgūxū. Rū yexicatama nixī ga toxna nūxū nacuēxāchixēēxū. Rū choma rū ta ngēmatama nixī i guxūguma woetama meāma chaxūxū.

Pauru rū Aūtioquíawa Pedruxū naxucūxē

¹¹ Natūrū yixcūra ga yexguma Aūtioquíawa naxūxgu ga Pedru, rū noxtacūma nūxū nūxū chaxīnūxēē, yerū tama aixcūma name ga yema naxūxū namaā ga yema yaxōgūxū ga tama Yudiūgū ixīgūxū.

¹² Yerū noxri rū yema duūxūgū ga tama Yudiūgū ixīgūxūmaā nachibū ga Pedru. Natūrū yexguma yēma nangugūgu ga űuxre ga Yudiūgū ga yaxōgūxū ga Chaūtiāgu yēma mugūxū, rū Pedru rū marū tama yema duūxūgū ga tama Yudiūgū ga yēma ngugūxū ga nagu ĩxū ga yema nacūma na Tupanacèx inawiechēxmūpēxechiraūgūxū.

¹³ Rū yema togū ga Yudiūgū ga yaxōgūxū, rū yexguma nūxū nadaugūgu ga yema Pedru űxū, rū nūmagū rū ta nanaxūgū ga yema chixexū rū naxcèx

nawoeguchañ ga yema nuxcūmañgūxñ ga nacūmagū. Rū dūxwa ga Bernabé rū ta natanūgu naxā ga yema chixexñ ūgūxñ.

¹⁴ Natūrū yexguma nūxñ chadēuxgu na tama Tupanaārū ore i mexñ tūxñ nguxēēxñācūma na namaxēxñ ga yema yatūgū, rū guxñ ga yaxōgūxñpēxewa Pedruxñ nūxñ chaxīnūxēē. Rū ñacharūgū nūxñ:

“Rū dūcax i cuma na Yudīuchirēx quīxñ, cuma rū tama aixcūma Yudīugūcūmagu quixñ. ¿Rū ñuxācū i ñuxma i cunamuxñ na Yudīugūcūmagu naxīxñ i ngēma duñxūgū i tama Yudīugū ixīgūxñ?” ñacharūgū nūxñ.

Yudīugū rū woo ngēma duñxūgū i tama Yudīugū ixīgūxñ rū norū ōgagu nixī i nayauxgūāxñ i maxñ i taguma gūxñ

¹⁵ Rū pemaā nūxñ chixu rū toma rū aixcūma torū bucūmatama Yudīugū tixīgū rū Tupanaxñ tacuēxgū. Rū ngēmaācū tama duñxūgū i tama Tupanaxñ cuēxgūxñ tixīgū.

¹⁶ Rū nūxñ tacuēxgū rū yema nuxcūmañgūxñ ga mugū ga Moīché ūmatūxñ rū tama tūxñ nimexēē i Tupanapēxewa, erū taxucūrūwama texē aixcūma naga taxīnūē i ngēma mugū. Natūrū i ñuxma rū Tupana tūxñ nadau na imexñ ega Ngechuchu ya Cristuaxñ yaxōgūgu. Rū yemacēx ga toma rū ta Ngechuchu ya Cristuaxñ tayaxōgū na torū ōgagu Tupana toxñ nadauxñ na timexñ. Erū nūxñ tacuēxgū rū tama ngēma mugūgagu nixī na Tupanapēxewa tamexñ ya wūxie, erū taxucūrūwama texē aixcūma naga taxīnū i ngēma mugū na ngēmaācū Tupanapēxewa tamexūcēx.

¹⁷ Rū ñuxma i yixema rū Cristuaxñ tayaxōgū, rū ngēmacēx nixī i Tupanapēxewa imexñ. Natūrū ngēxguma chi wūxi i ngunexūgu rū yixema nagu rūxīnūēgu rū mugūgu na ixīxūgagu yixīgu na Tupanapēxewa imexñ, rū maneca tá nagu tarūxīnūē na Cristu tūxñ pecaduāxēēxñ. Natūrū dūcax, rū tama ngēmaācū nixī erū Cristu rū tagutāma texēxñ napecaduāxēē.

¹⁸ Choma rū marū nūxñ charūxo na nagu charūxīnūxñ na mugūgu chixūxūgagu Tupanapēxewa chamexñ. Natūrū ngēxguma chi wenaxārū naxcēx chataegugu i ngēma nuxcūmañgūxñ i mugū rū chi nūxñ charūxoxgu na Cristuaxñ chayaxōxñ, rū chi aixcūma wūxi i pecaduāxñ chixī.

¹⁹ Yerū yexguma yema mugūwa changuxgu, rū dūxwa nūxñ chicuēxāchi na tama yanguxñ ga yema mugū na choxñ namexēēxñ Tupanapēxewa. Yerū taxucūrūwama aixcūma naga chaxīnū ga guxñma ga yema mugū. Rū ngēmacēx i ñuxma rū Cristuaxñ chayaxō na Tupanapēxewa chamexūcēx rū naxcēxīcatama chamaxūxūcēx. Rū Cristu rū curuchagu nayu na iyanaxoxūcēx ga nuxcūmañxñ ga chorū maxñ ga choxñ yexmaxñ ga yexguma yema mugūgu chixūxgu.

²⁰ Rū ñuxma rū marū tama chaugūmaātama ichacuēx, natūrū Cristu nixī ya chomaā icuācū erū chowa namaxñ. Rū ñuxma rū Tupana Nane ya Cristuaxñ chayaxōcūma nixī i chamaxūxñ i ñoma i naānewa. Rū nūma nixī ga choxñ nangechañxñ, rū nūgū inaxāxñ na chauxcēx nayuxūcēx.

²¹ Rū tama nūxñ chaxoxchañ i ngēma mexñ ga Tupana taxcēx ūxñ ga yexguma nayuxgu ga Cristu. Yerū yexguma chi yema mugūgu ixīxūgagu Tupanapēxewa imexgu, rū natūcēxmamare chi nixī ga na nayuxñ ga Cristu.

3

Ñuxma rū tama ngēma mugūgu taxī erū marū Cristuaxñ tayaxōgū

¹ Pa Chaueneēgū i Gárataanecūāx, pema rū pengēāēgūmare. Rū yexguma petanūwa tayexmagūgu rū meāma guxāpēxewa pemaā nūxñ tixu rū pexcēx

tanangoxēē na ñuxācū curuchagu taxcèx nayuxū ga Ngechuchu ya Cristu. ¿Rū texé pexū tawomūxēē i ñuxma na tama naga pexīnūēxūcèx i ngēma ore i aixcūma ixīxū ga pemaā nūxū tixuxū?

2 Rū wūxi i orecèx pexna chaca, rū ¿ñuxācū yīixū ga penayaxuxū ga Tupanaāē i Ūñexū? ¿Éxna pexcèx rū yema mugū na pinguxēēgūxūdgagu yīixū ga penayaxuxū, rū éxna ngēma ore i mexū ga nūxū pexīnūēxū rū pixōgūxūdgagu yīixū?

3 Pema rū pengēāēgūmare rū poraācū ípetüe. Noxri rū Cristuaxū peyaxōgū yerū Tupanaāē i Ūñexū pewa napuracū. ¿Rū ñuxācū i ñuxma i nagu perūxīnūēxū na wenaxarū naxcèx pewoeguxū i ngema nuxcūmaxūxū i mugū i taguma maxū pexna āxū?

4 Pema rū poraācū Tupana pexū narūngūxēē. Rū chierū tama natūcēxmamare yixūga ya yema, erū taxucūruwa natūcēxmamare nixī.

5 Rū yexguma Tupana pexna namuxgu ga Naāē i Ūñexū rū petanūwa naxūāgu ga taxū ga mexūgū ga norū poramaā naxūxū, rū ¿tacūgagu nixī ga naxūāxū ga yema? ¿Pexcèx rū mugū na pinguxēēxūdgagu yīixū ga Tupana naxūxū ga yema? Tama yemagagu nixī. Tupana rū petanūwa nanaxū ga yema taxū ga mexūgū yerū nūxū peyaxogū ga norū ore ga nūxū pexīnūēxū.

6 Rū dūcax, pemaā nūxū chixu rū name nixī i nuxcūmaūcū ga torū oxī ga Abráurū pixīgū. Yerū Abráurū rū Tupanaāxū nayaxō, rū yemacèx Tupana nūxū nadau ga na namexū.

7 Rū ngēmawa nūxū pedau rū ngēma duūxūgū i Tupanaāxū yaxōgūxū nixī i aixcūma Abráurūtanūxū ixīgūxū i Tupanapēxewa.

8 Rū Tupanaārū ore i ūmatūxūwa rū nūxū nixu na ñuxācū Tupanapēxewa tá na yamexū i ngēma duūxūgū i yaxōgūxū i woo tama Yudiūgū ixīgūxū. Rū yemaācū nūxū nixu naxūpa ga na nangupetūxū. Yerū Tupana rū nuxcūmamataama Abráurūmaā nūxū nixu ga ñaā ore i mexū i ñaxū:

“Rū cugagu tá nūxū charūngūxēē i guxūma i nachīūñānecūāx i duūxūgū”, ñaxū. Rū yemaācū nūxū tacuèx rū Cristu rū Abráurūtaa na yīixū.

9 Rū ngēmacèx i ñuxma rū Tupana nanayaxu i guxūma i duūxūgū i yaxōgūxū, yexgumarū ga Abráurū ga yaxōcūxū na nayaxuxūrū.

10 Natūrū chixexūwa nangēxmagū i guxūma i ngēma duūxūgū i nagu rūxīnūēxū na mugū yanguxēēgūxūdgagu Tupanapēxewa yamexū. Erū Tupanaārū ore i ūmatūxūwa rū ñanagūrū:

“Rū guxūma i duūxūgū i tama aixcūma yanguxēēgūxū i guxūma i ngēma mugū i ūmatūxū, rū chixexūwa nangēxmagū”,

ñanagūrū. Erū nūxū tacuèxgū na taxucūruwama aixcūma texé yanguxēēxū i guxūma i ngēma mugū.

11 Rū ngēmaācū meāma nangox na tama ngēma mugū tinguxēēxūcèx yīixū na texé Tupanapēxewa mexū. Erū Tupanaārū ore i ūmatūxūwa rū ñanagūrū:

“Rū yīxema tūmaārū ōgagu Tupanapēxewa mexē, rū yīxema tá tixī ya aixcūma tūxū nangēxmaxē i maxū i taguma gūxū”,

ñanagūrū.

12 Natūrū ngēxguma nagu rūxīnūēgu na mugū inguxēēxūcèx yīixū na Tupanapēxewa imexū, rū taxucèx chima tūxcūū tayaxōgū. Erū Tupanaārū orewa rū ngēmachiga naxūmatū, rū ñanagūrū:

“Rū yīxema aixcūma meāma yanguxēēxē i guxūma i mugū, rū ngēmagagu tá tūxū nangēxma i tūmaārū maxū”,

ñanagürü. Natürü ngēma mugü rü düxwa chixexüwa tüxü naga erü taxucürüwama texé aixcúma meã tayanguxēē.

13 Natürü ga Cristu rü nawa tüxü ñanguxüxēē ga yema mugü ga chixexüwa tüxü yexmagüxēēxü. Rü taxcèx nixī ga chixexüwa nayexmaxü ga yexguma curuchagu nayuxgu. Erü Tupanaärü ore i ümatüxüwa, rü ñanagürü:

“Rü guxäma ya yixema wüxi i naiwa tüxü natuxēēgüäcúma yúxe, rü chixexüwa tangèxma”,

ñanagürü.

14 Rü yemaäcü curuchagu nayu ga Ngechuchu ya Cristu na nüxü nangüxēēxücèx i guxüma i ngēma duüxügü i tama Yudiügü ixīgüxü, yema Tupana Abráümaã ixunetaxürü. Rü taxcèx rü ta nayu ga Cristu na yixema rü ta nüxü yaxögüxücèx rü nayauxgüxücèx i Tupanaäe i Üünexü i tamaã inaxunetaxü.

Tupanaärü uneta rü ngēma mugüari yexera name

15 Pa Chaueneëgüx, ñuxma rü tá pemaã nüxü chixu i wüxi i cuèxruü na ñuxäcü duüxügü tacü nügümaã mexēēxü. Rü dücax, ngēxguma chi wüxi ya yatü rü texémaã tacücèx inaxunetagu rü chi wüxi i poperagu meã naxümatüägu i ngēma, rü taxucürüwa texé itayanaxoxēē rü éxna tanaxüchicüü i ngēma norü uneta.

16 Rü dücax, rü yexgumarüütama nixī ga nangupetüxü ga yexguma Tupana rü Abráümaã rü Abráütaamaã inaxunetagu. Rü Tupanaärü ore i ümatüxüwa rü tama “Abráütaagü” ñanagürü, yerü tama muxüma ga duüxügüchiga nidexa. Natürü yema ore rü “Abráütaa” ñanagürümare, yerü wüxitama ga duüxüchiga nixī ga yadexaxü. Rü yema rü Cristuchiga nixī.

17 Rü ngēmaäcü pemaã chanangoxēē na Tupana rü Abráümaã namexēēxü rü namaã inaxunetaxü na Cristugagu tá yixü i duüxügüxü nangüxēēxü. Rü ngēmacèx i ñuxma rü yema Moiché ümatüxü ga mugü ga 430 ga taunecü yema unetawena ínguxü, rü taxucürüwama inayanaxoxēē ga yema Tupanaärü uneta ga nüxira Abráümaã nüxü yaxuxü. Rü ngēmacèx i ñuxma rü ta napora i ngēma uneta.

18 Rü ngēxguma chi mugü ínguxēēgüxügagu yixigu na Tupana tüxü rüngüxēēxü, rü natücèxmamare chi nixī ga yema Tupanaärü uneta ga nüxira Abráümaã nüxü yaxuxü. Natürü aixcúma nixī na ngetanüäcúma Abráüxü nangüxēēxü ga Tupana, yerü yemaäcü marü namaã inaxuneta.

19 Rü ñuxma rü çtacüwa namexü ga yema mugü ga Moiché ümatüxü? Rü dücax, Tupana rü marü Abráümaã inaxunetaguwena nixī ga duüxügüna naxäxü ga yema mugü, na yemaäcü duüxügüxü nüxü nadauxēēxücèx na ñuxäcü poraäcü pecadu naxüexü. Rü yemaäcü nixī ñuxmata íngu ga guma Abráütaa ya Cristu. Rü gumachiga nixī ga Abráümaã inaxunetaxü ga Tupana ga noxrix. Rü yexguma ínguxgu ga yema mugü, rü Tupana rü daxüçüäx ga norü orearü ngeruügümaãxira nüxü nixu. Rü yemagü nixī ga nüxī Moichémaã nüxü íxügüxü, rü nüma ga Moiché rü duüxügümaã nüxü nixu.

20 Natürü yexguma Tupana Abráümaã ixunetagu, rü nümaxüchima ga Tupana nixī ga Abráümaã nüxü yaxuxü ga yema norü uneta. Rü tama togümaãxira nüxü nixu na yemagü nüxī Abráümaã nüxü íxügüxücèx.

Tacücèx duüxügüna nanaxä ga Tupana ga yema mugü

21 ¿Rü ñuxü ñapegüxü i ñuxmax? ¿Pexcèx éxna rü yema Moiché ümatüxü ga mugü rü inayanaxoxēē i Tupanaärü unetagu? Rü dücax, tama ngēmaäcü

nixī. Yerū yexguma chi naporagu ga yema mugū na tūxna naxāāxū i maxū i taguma gūxū, rū chi Tupanapēxewa time i ngēxguma meāma yanguxēēgu.

²² Natūrū tama ngēmaācū nixī. Erū Tupanaārū ore i ūmatūxūwa nūxū tatau na guxūma i duūxūgū rū pecadutūūwa nangēxmagūxū. Rū ngēmacēx i űuxma rū yixema Ngechuchu ya Cristuaxū yaxōgūxexicatama tixī ya nayauxgūe i ngēma maxū i aixcūma mexū i Tupana tamaā ixunetaxū.

²³ Rū yexguma tauta Inanguxgu ga Cristu na nūxū yaxōgūxūcēx, rū mugūtūūwa tayexmagū rū tamaā inacūe. Rū yemaācū tixīgū rū űuxmata Tupana taxcēx nangoxēē ga Ngechuchu ya Cristu na nūxū yaxōgūxūcēx.

²⁴ Rū yemaācū ga yema mugū rū tamaā inacūe űuxmata Cristuxūtawa tūxū nagagū na nūxū yaxōgūxūcēx rū ngēmaācū Tupanapēxewa imexūcēx.

²⁵ Natūrū i űuxma na marū nūma nanguxū ya Cristu na nūxū yaxōgūxūcēx, rū marū tama ngēma mugūtūūwa tangēxmagū. Rū űuxma rū marū taxcēxma tūxcūū tamaā inacūe i ngēma mugū.

²⁶ Rū űuxma na Ngechuchu ya Cristuaxū peyaxōgūxū, rū Tupanaxācūgū pixīgū i guxāma i pemax.

²⁷ Rū űuxma na Cristuégagu ípebaiūxū, rū Cristuarū pixīgū rū nūma rū pemaā inacūe na naxrūū pixīgūxūcēx.

²⁸ Rū űuxma rū Tupanapēxewa rū nūetama nixī ega woo Yudiūgū pixīgūgu rū ēxna tama. Rū nūetama ega woo wūxi i coriarū duūxūgū pixīgūgu rū ēxna taxūxearū duūxūgū pixīgūgu. Rū nūetama ega woo piyatūgu rū ēxna pingexgu. Erū űuxma na Ngechuchu ya Cristuarū duūxūgū na pixīgūxū, rū wūxitama i duūxū pixīgū i guxāma i pemax.

²⁹ Rū űuxma na Cristuarū pixīgūxū, rū ngēmacēx waxi nixī na aixcūma Abrāūtaagū pixīgūxū. Rū ngēmacēx i pema rū tá ta penayaxu i guxūma ga yema Abrāūmaā inaxunetaxū ga Tupana.

4

¹ Rū dūcax, ngēxguma wūxi i buxū yunatūgu, rū ngēma buxū rū tama ngēxgumatama nanayaxu i nanatūarū ngēmaxūgū. Rū woo guxūma i nanatūarū ngēmaxūārū yora yixīgu, natūrū ngēxūrūūxū i nanatūarū pucacūtanūxūrūmāre nixī űuxmata nayēx.

² Rū ngēmacēx nangēxma i ngēma nanatūarū dauruū i namaā icuáxū rū nūxū nūxna dauxū i ngēma nanatūarū ngēmaxūgū űuxmata nawa nangu ya yima tauncēy ya noxri nanatū nagu unetacū na ngēma buxū rū nūgūmaā inacūáxūcēx.

³ Rū yexgumarūū nixī ga tamaā nangupetūxū ga noxrix. Yerū yexguma tauta Cristuā icuēxgu, rū natūūwa tayexmagū ga yema naāēgū i chixexūgū i űoma i naānemaā icuēxgūxū.

⁴ Natūrū yexguma nawa nanguxgu ga yema ngunexū ga inaxunetaxū ga Tupana, rū nūma nanamu ga Nane. Rū duūxūgūrūū wūxi ga ngewa nabu ga guma Nane. Rū yema Moīché ūmatūxū ga mugūtūūwa nayexma ga yexguma nabuxgu.

⁵ Rū yemaācū nūma nangu ga Tupana Nane na tūxū Inanguxūxēēxūcēx i guxāma i yixema ga noxri mugūtūūwa na iyexmagūxū. Rū yemaācū tūxū narūngūxēē ga nūma ga Tupana Nane na Nanatū ya Tupanamaā tūxū yaxūxūcēx na aixcūma naxācūgūxūchi ixīgūxū.

6 Rū Tupana pexna nanamu ga Naãe i Ūünexũ na pexũ nüxũ nadauxëëxũcëx na aixcũma naxãcũgũxũchi pixĩgũxũ. Rū ngëmacëx i ñuxma rü marũ name i “Pa Chaunatũx”, ñaperũgũ nüxũ ya Tupana.

7 Rū ngëmacëx i ñuxma rü Tupanaxãcũxũchi quixĩ, rü tama wũxi i norũ duũxũmare quixĩ. Rū ñuxma na naxãcũxũchi quĩxũ, rü norũ ngũchaũ nixĩ na cuxna naxããxũ i guxũma i ñacũ i noxrũ ixĩxũ.

Pauru rü yema yaxõgũxũcëx naxoegaãe

8 Rū ũpa ga yexguma tauta Tupanaxũ pecuëxgu, rü perũ tupanane-tagütũtwa peyexmagũ rü nüxũ picuëxũlgũ ga yema tama aixcũma Tupana ixĩgũxũ.

9 Natürũ i ñuxma na Tupanaxũ pecuãxũ rü nüma rü na pexũ nacuãxũ, rü ñtũxcũũ wena naxcëx pewoeguchaũ i ngëma naãëgũ i chixexũgũ i ñoma i naãnemaã icuëxgũxũ? ¿Rü tũxcũũ penaxwëxe na wena natũtwa pegũ pengëxmagũëëxũ i ngëma naãëgũ i tama aixcũma poraexũ i natũcëxmamare ixĩgũxũ?

10 Rū dücax i pemax, rü ñuxma rü ta ngëma nuxcũmaũgũxũ i Yudiũgũcũmagu pexĩãma woo Cristuaxũ na peyaxõgũxũ. Erũ penaxaure i ñuxre i ngunexũgũ rü ñuxre ya tauemacũgũ rü ñuxre ya taunecũgũ rü ñuxre i petagũ, erũ nagu perũxĩnũe na ngëmaãcũ Tupanapëxewa tá pimexũ.

11 Rū ngëmacëx poraãcũ chaxoegaãe, erũ ngürũãchi natũcëxmamare tá nixĩ ga yema puracũ ga petanũwa chaxũxũ.

12 Pa Chaueneëgũx, pexũ chacëxũ na chauxrũũ nüxũ perũxoexũ na nagu pexĩxũ i ngëma Yudiũgũarũ mugũ. Erũ ñuxma na Cristuwe charũxũxũ rü marũ nüxũ charũxo na nagu chixũxũ ga yema mugũ ga ũpa tama nagu pexĩxũ. Rū dücax, yexguma noxri petanũwa chayexmagu rü tama choxũ pexo, rü ngëmacëx chanaxwëxe i ñuxma rü ta chauga pexĩnũe.

13 Rū pema rü marũ nüxũ pecuëx rü yexguma noxri pemaã nüxũ chixuxgu ga Tupanaãrũ ore i mexũ, rü yema na chĩãawexũgagu nixĩ ga petanũgu charũxãxũxũ rü pemaã nüxũ chixuxũ ga Tupanaãrũ ore.

14 Rū yema ñaawe ga choxũ yexmaxũ, rü woo pexcëx rü wũxi ga wëxtũmũũ nixĩ, natürũ tama choxũ pexo rü tama choxũ ípetëxũchi. Natürũ meãma choxũ peyaxũgũ ñoma wũxi ga Tupanaãrũ orearũ ngeruũ i daxũcũãx chĩxũrũũ. Rü ñoma Ngechuchu ya Cristu chĩxũrũũ, meãma choxũ peyaxũgũ.

15 ¿Natürũ ñacũ ëxna nangupetũ namaã ga yema perũ taãe ga noxri pexũ yexmaxũ? Erũ pemaã nüxũ chixu rü noxri petanũwa chayexmagu rü poraãcũ chomaã petaãëgũ. Rū yexguma chi pexũ natauxchagu, rü pemaã nanguxũgu, rü chi pexetũ peyaxu na choxna penaxãxũcëx, yerũ yemaãcũ poraãcũ chomaã petaãëgũ ga yexguma.

16 ¿Natürũ ñacũ pexũ naxũpetũ i ñuxmax? ¿Pexcëx rü ëxna perũ uwanũ chixĩ yerũ pemaã nüxũ chixu ga Tupanaãrũ ore i aixcũma ixĩxũ?

17 Rū ngëma duũxũgũ i pexũ ngũexëëxũ na Yudiũgũcũmagu na pexĩxũcëx, rü pegu narũxĩnũëneta, tama aixcũma ñacũ rü mexũcëx nadaugũ. Erũ nümagũ rü toxna pexũ nixĩgachixëëchaũ na ngëmaãcũ naga pexĩnũëxũcëx.

18 Rū ngëma togũ rü marũ name na pegu naxĩnũëxũ, natürũ nanaxwëxe na perũ mexũcëx nadaugũxũ i guxũguma. Rü tama name na petanũwa changëxmaguxicatama perũ mexũcëx na nadaugũxũ i ngëma togũ.

19 Pa Chauxacũgũx, wenaxãrũ ñoma wũxi i mama ngĩxãcũmaã ngũxnecacürũũ poraãcũ pexcëx ngũxũ chinge na aixcũma meã Cristuaxũ

peyaxōgūxūcēx rü aicxūma naxcēx na pemaxēxūcēx. Rü ngēmaācū tá chixī ñuxmatáta Cristu naxwēxerūü pixīgū i perū maxūwa.

²⁰ Rü chierū ñuxmatama pexūtawa changēxmagu na pemaā chidexaxūchixūcēx, rü tama ñuxmarūü pexcēx chanaxūmatūmarexūcēx. Erū ñuxma rü tama nüxū chacuēx na ſacūgu pemaā charūxīnūxū.

Ore i cuēxruū i Abráūxūtaxū ga Agáchiga rü namēxūchi ga Charachiga

²¹ Rü pema na ngēma Moiché ūmatūxū i mugūtūüwa pegū pengēxmagūxēēchaūxū, rü chanaxwēxe i chomaā nüxū pixu ngoxi aicxūma nüxū pecuá na ñuxū ñaxū i ngēma mugū.

²² Erū ngēma mugūwa nüxū tadau rü Abráū rü nüxū nayexma ga taxre ga nane. Rü wūxi ga nane rü naxūtaxū ga Agáwa nüxū nayexma, rü naī ga nane rü namēxūchi ga Charawa nüxū nayexma.

²³ Rü guma nane ga naxūtaxūwa nüxū yexmacū, rü nabu yerū yema nixī ga norū ngūchaū ga Abráū. Natürū guma nane ga namēxūchiwa nüxū yexmacū, rü nabu yerū yemaācū inaxuneta ga Tupana.

²⁴⁻²⁵ Rü pemaā nüxū chixu i ngēma ore erū ngēmawa nangēxma i ſacū i aicxūma ixīxū i pexcēx changōxēēchaūxū. Rü yema taxre ga ngexūgū rü taxre i cuēxruūgū nixīgū na ngēmawa nüxū icuáxūcēx na ñuxācū Tupana duūxūgūxū rüngūxēēxū na naxūtawa nangugūxūcēx. Rü yema nüxūraūxū ga norū ngūxēē nixī ga yexguma Chinaīārū mēxpūnewa Moichéna naxāāgu ga norū mugū na naga naxīnūēxūcēx ga duūxūgū. Rü yema mugū ga Moichéna naxāxū ga Chinaīwa rü Agá iyixī ga norū cuēxruū. Rü yema nge ga Agá rü naxūtaxū iyixī ga Abráū rü yemacēx ga ngīxācūgū rü ngīxūūtama togūtūüwa nayexmagū rü tama ínanguxū. Rü yemaācū ga yema nge rü wūxi i cuēxruū iyixī nachiga i ngēma Yudiūgū i ñuxma maxēxū rü ngēma mugūwe rüxīxū. Erū nūmagū rü ñuxma rü ta natūüwa nangēxmagū i ngēma mugū ga Moiché yaxuxū ga mēxpūne ga Chinaī ya Arábíaanewa ngēxmanewa. Rü ñuxma rü ta ngēma mugūga naxī rü tama nüxū narūxoe.

²⁶⁻²⁸ Natürū yema nge ga Abráū namēxūchi rü tama Agárūü iyixī. Rü ngīne ga Ichaā rü nabu yerū Tupanaāxū nayaxō ga Abráū ga yexguma Tupana namaā nüxū ixuxgu rü tá na nüxū nayexmaxū ga wūxi ga nane. Rü ñuxma Pa Chaueneēgūx, yixema rü ta tayaxō i ngēma Tupana tamaā ixunetaxū. Rü ngēmacēx i ñuxma rü tama ngēma nuxcūmaūgūxū i mugūtūüwa tangēxmagū. Rü ngēmaācū Abráū namēxūchixacūgūrūü tixīgū. Rü ngēmaācū nüxū tadau na aicxūma Tupana yanguxēēxū i norū ore ga Abráū namēxūchichiga ūmatūxū i ñaxū:

“¡Nataāē, Pa Ngecū i Ngexacūcū! ¡Rü curū taāēmaā rüxáíxmaxū woo tagu-machirēx na cuxāxācūxū! Erū tá cuxāxācū, rü ngēma ngexū i cuxūtaxū i cuteaxū āxācūxūārū yexera tá cuxū nangēxma i cuxacūgū”,

ñaxū.

²⁹ Natürū guma Abráū nane ga naxūtaxūwa nüxū yexmacū, rü chixri namaxū namaā ga guma Abráū nane ga Tupanaārū unetagagu bucū. Rü ngēxgumarūü ta i ñuxma rü yixema i Tupanaāē i Üünexūgagu tūxū na nangēxmaxū i maxū, rü chixri tamaā nachopetū i ngēma Yudiūgū i naxwēxegūxū na nagu ixīxū i ngēma mugū ga Moiché ūmatūxū.

³⁰ ¿Natürū ñuxū ñaxū i Tupanaārū ore i ūmatūxūwa? Rü dūcax, ngēmawa Abráūmaā nüxū nixu ga na ngīxū ínatāxūcēx ga naxūtaxū ngīnemaā, yerū taxucūrūwama yema ngīnemaā nayayauxye ga norū yemaxū ga namēxwaxūchixūcū ga naneārū tá ixīxū.

31 Rū ngēmaācū, Pa Chaueneēgūx, rū nūxū tadau rū tama Abráú naxūtaxūxācūgūrūū tixīgū, erū tama ngēma mugūtūūwa tangēxmagū. Natūrū Abráú namēxūchixacūgūrūū tixīgū, erū Tupanaārū unetagagu tūxū nangēxma i tórū maxū.

5

Meā pegūna pedaugū na tama wena ngēma mugūtūūwa pengēxmagūxūcēx

1 Rū űuxma ya Cristu rū marū tūxū ínanguxūxēē na tama ngēma mugūtūūwa ingēxmagūxūcēx. Rū ngēmacēx name nixī i pegūna pedaugū na tama wena natūūwa pegū pengēxmagūxūcēx i ngēma mugū.

2 ŹRū choxū iperūxīnūē! Rū choma i Pauru rū pemaā nūxū chixu, rū ngēxguma chi nagu pexīxgu na pegū ípewiehēxmūpēxechiraūxū na ngēmaācū penayaxuxūcēx i perū maxū, rū ngēxguma ya Cristu rū chi taxuwama pexū name.

3 Rū wena pemaā nūxū chixu rū ngēxūrūū i yatū i nūgū íwiechēxmūpēxechiraūchaūxū na ngēmaācū Tupanapēxewa namexūcēx, rū name nixī i nūxna nacuēxāchi na taxucūrūwa ngēmaācū na nayauxāxū i norū maxū ega tama aixcūma naga naxīnūgū i guxūma i togū i mugū.

4 Rū guxāma i pema i nagu rūxīnūēxē na Tupanapēxewa pimexū ega nagu pexīxgu i ngēma mugū, rū pemaā nūxū chixu rū marū Cristuna pixīgachi i ngēxgumax. Rū ngēxgumarūū ta pegū nūxna peyaxūxēē i ngēma ngechaū ga noxri Tupana namaā pexū ngechaūxū.

5 Natūrū Tupanaāē i Ūūnexū nixī i tūxū rūngūxēēxū na yaxōgūxūcēx. Rū ngēmacēx nixī i ínanguxēēxū na Cristugagu Tupanapēxewa imexū.

6 Rū ngēmacēx i űuxma na Ngechuchu ya Cristuarū duūxūgū ixīgūxū, rū nūētama nixī ega woo íwiechēxmūpēxechiraūgū rū ēxna tama, erū tama ngēma nixī i Tupanapēxewa tūxū mexēēxū. Rū ngēma Tupana naxwēxexū i űuxma nixī na aixcūma yaxōgūxū rū ngēmaācū yigū na ingechaūgūxū.

7 Pema rū meāma ipenaxūgū na Cristuwe perūxīxū. ŹRū texē ēxna pexū nūxū taxoōx na tama naga pexīnūēxūcēx i norū ore i aixcūma ixīxū?

8 Rū pemaā nūxū chixu, rū tama Tupana ga noxri pexcēx çacū nixī ya yima pexū nūxū oócū.

9 Rū name nixī i nūxna pecuēxāchie rū wūxitama i duūxū i chixexū ūxū, rū nanachixexēē i guxūma i togū i natanūxūgū, űoma wūxi i íraxū i pāūārū puxēēruū rū wūxi i taxū i pāūchara ipuxēēxūrūū nixī.

10 Choma rū chayaxō na tórū Cori tá pexū rūngūxēēxū na choma nagu charūxīnūxūrūū nagu perūxīnūēxūcēx. Natūrū Tupana tá nanapoxcu i ngēma duūxū i pexū chixeāēxēēxū, rū nūētama nixī ega woo texē tixīgū.

11 Rū nūmaxū i duūxūgū rū chauchiga nidexagū, rū nūxū nixugūe na choma rū duūxūgūxū changūexēēxū na nūgū ínawīūchēxmūpēxechiraūxūcēx rū mugū na yanguxēēgūxūcēx na ngēmaācū nūxū nangēxmaxūcēx i maxū i taguma gūxū. Natūrū, Pa Chaueneēgūx, rū ngēxguma chi ngēmaācū duūxūgūxū changūexēēgū, rū tāū chima chowe ningēxūtanū i Yudiugū, erū tāū chima naāēwa nangux i ngēma ore i nūxū chixuxū nachiga ya Cristu ga curuchagu taxcēx yucū.

12 Natūrū ngēma duūxūgū i pexū chixeāēgūxū rū pexū ucuxēgūxū na pegū ípewīūchēxmūpēxechiraūxūcēx, rū Źtūxcūū ēxna i nūmagū i tāū noxtacūma nūgū yacaugūpūxūcharexēgūxū ta?

13 Natürü pemax, Pa Chaueneëgüx, rü Tupana pexcèx naca na ngēma mugüna ípenguxüxcèx. Natürü ñuxma na nüxna ípenguxüxü, rü tama name i ngēmacèx pexeneärü ngúchaü pexügü. Natürü name nixí na pegü pengechaügüxü rü ngēmaäcü pegü perüngüxëëgüxü i wüxichigü.

14 Erü guxüma i Tupanaärü mugü rü wüxi i muwatama nangox rü ñanagürü:

“¡Rü nüxü nangechaü i cumücü na cugütama cungechaüxürü!”
ñanagürü.

15 Natürü name nixí i pexuäëgü erü ngëxguma chi pegümaä penuëgu rü pegüchi pexaiegu, rü ngürüächí tá pegü pewoone rü tá ipeyanaxoxëë i Tupanaärü ore i pewa ngëxmaxü.

Ngēma taxüneärü ngúchaü rü tama Tupanaäë i Üünexüärü ngúchaümaä nawüxigu

16 Pemaä nüxü chixu, rü name nixí i Tupanaäë i Üünexü naxwëxexüäcüma pemaxë. Rü ngëxguma ngēmaäcü pemaxëgu, rü täütama pexeneärü ngúchaü pexügü.

17 Erü ngēma taxüneärü ngúchaü rü tama Tupanaäë i Üünexüärü ngúchaümaä nawüxigu. Rü ngēma Tupanaäxë i Üünexüärü ngúchaü rü tama taxüneärü ngúchaümaä nawüxigu. Erü ngēma taxre i ngúchaügü, rü nügüchi naxaie erü wüxichigü i ngēma rü tamaä inacuíxchaü. Rü ngēmacèx i pema rü taxucürüwa penaxü i ngēma pematama penaxwëxexü.

18 Natürü ngëxguma Tupanaäë i Üünexü pemaä icuëxgux, rü marü tama ngēma nuxcümaügüxü i mugütüüwa pengëxmagü.

19 Rü meäma nangox na ñuxäcü namaxëxü i ngēma duüxügü i naxüneärü ngúchaü ügüxü, rü naí i ngemaä maxëxü, rü airugürümare ixügüxü. Rü tama naxäneë na ñacü rü chixexü naxügüxü.

20 Rü tupanenetachicünëxägüxü nicuëxüügü, rü nayuüe rü nangõxwëxegü, rü aigu narüxíñüë, rü nachoxügawëxegü, rü togüchi naxaie norü ngëmaxügücèx, rü nanuxwëxegü, rü duüxügüxü naxucuxëgü na to i ngxëëtaegu naxíxcèx, rü ngēmaäcü nayatoye i duüxügü na tama wüxigu naxínüëxüçèx.

21 Rü togüarü ngëmaxügücèx nixäüxächigü, rü nangäxëwëxegü, rü peta naxügüecha, rü nanaxügü i muxüma i togü i chixexügü i ngëxgumarüü ixüxü. Rü ngēmacèx, wena pemaä nüxü chixu rü guxüma i ngēma duüxügü i ngēmaäcü maxëxü, rü nataxütama i nachica i ngextá Tupana äëxgacü íyüxüwa.

22 Natürü ngëxguma Tupanaäë i Üünexü tamaä icuëxgu, rü nüma nixí i tüxü nangüxëëxü na yigü ingechaügüxcèx, rü itaäëgüxcèx, rü meä yigümaä imaxëxüçèx, rü yaxna namaä ixínüëxüçèx i togü, rü togümaä imecümagüxcèx, rü togüxü rüngüxëëgüxcèx, rü aixcüma yanguxëëxüçèx i ngēma nüxü ixuxü.

23 Rü ngëxgumarüü ta Naäë i Üünexü tüxü narüngüxëë na tama chixexümaä nataeguxëëxüçèx ega togü chixexü tamaä üxgux. Rü tüxü narüngüxëë na meäma yigünatama idauxüçèx na tama chixexügu iyixüçèx. Rü nataxuma i mugü i nachuxuxü na naxüxü i ngēma mexügü.

24 Rü ngēma duüxügü i aixcüma Ngechuchu ya Cristuarü duüxügü ixügüxü, rü marü nüxü narüxoe ga yema nuxcümaüxü ga norü maxü ga chixexü, rü

yema naxŭneārŭ ngŭchaŭgŭ ga chixexŭ, rŭ guxŭma ga ŭacŭ ga to ga ngŭchaŭ ga tama mexŭ.

²⁵ Rŭ űuxma na Tupanaãe i Ūunexŭ tŭxna naxãxŭ i tórŭ maxŭ, rŭ name nixŭ i nŭma tórŭ maxŭmaã na inacuãxŭ.

²⁶ Rŭ tama name i yigŭ ítarŭta rŭ togŭmaã tanuãe, rŭ bai na ŭacŭcèx ixãŭxãchixŭ.

6

Name nixŭ i guxãma i pema rŭ pegŭ perŭngŭxèegŭ i wŭxichigŭ

¹ Pa Chaueneegŭx, ngèxguma chi texéxŭ pedèuxgu na ŭacŭ rŭ chixexŭgu tanguxŭ, rŭ pema na Tupanaãe i Ūunexŭ naxwèxexŭãcŭma na pemaxèxŭ, rŭ name nixŭ i tŭxŭ pengechaŭãcŭma tŭxŭ perŭngŭxèe na itayarŭwèxãchixŭcèx. ¡Natŭrŭ pexuãegŭ i wŭxichigŭ, na tama pema rŭ ta nagu peyixŭcèx i ngèma chixexŭ!

² ¡Rŭ pegŭ perŭngŭxèegŭ i ngèxguma texé petanŭwa guxchaxŭgŭ tŭxŭ ngèxmagu! Erŭ ngèxguma ngèmaãcŭ pegŭ perŭngŭxèegŭ, rŭ ngèmaãcŭ tá peyanguxèe i ngèma Cristu pexŭ muxŭ.

³ Rŭ ngèxguma texé nagu rŭxŭnŭgu na wŭxi i ŭacŭ tixŭxŭ, rŭ tŭgŭtama tawomŭxèe, erŭ Tupanapèxewa rŭ taxuŭmachirèx tixŭ.

⁴ Rŭ ngèmacèx i wŭxichigŭ, rŭ name nixŭ i tŭgŭarŭ maxŭtama tangugŭ. Rŭ ngèxguma namexgu i tŭmaãrŭ maxŭ, rŭ tŭgŭmaã tátama tataãe, rŭ taxucèxma tŭxŭcŭŭ togŭarŭ maxŭwa tŭgŭ tangugŭarŭ maxŭŭx.

⁵ Erŭ tanaxwèxe ya wŭxichigŭ na tŭmaãrŭ maxŭnatama tadauxŭ i Tupanapèxewa.

⁶ Rŭ yŭxema nayaxuxe i nguxèetae i Tupanaãrŭ orewa rŭ name nixŭ na tŭmaãrŭ nguxèeruŭmaã tangauxŭ i gŭxŭ i tŭmaãrŭ ngèmaxŭgŭ.

⁷ ¡Rŭ pexuãegŭ na tama ípetŭexŭcèx i perŭ maxŭwa! Erŭ taxucŭrŭwa texé Tupanaxŭ tawomŭxèe. Rŭ yŭxema chixexŭ ŭxe, rŭ chixexŭ tá tayaxu. Rŭ yŭxema mexŭ ŭxe, rŭ mexŭ tá nixŭ i tayaxuxŭ.

⁸ Rŭ yŭxema tŭmaxŭneãrŭ ngŭchaŭ ŭxe, rŭ ngèma tŭmaxŭneãrŭ ngŭchaŭ rŭ tá yuwa tŭxŭ naga. Natŭrŭ yŭxema Tupanaãe i Ūunexŭãrŭ ngŭchaŭ ŭxe, rŭ ngèma Tupanaãe i Ūunexŭwa tá tanayaxu i maxŭ i taguma gŭxŭ.

⁹ Rŭ ngèmacèx tama name na nŭxŭ rŭchauexŭ na mexŭ ixŭexŭ. Erŭ ngèxguma chi tama nŭxŭ rŭchauegu, rŭ dŭxwa mexŭ tá tayaxu i Tupanaxŭtawa.

¹⁰ Rŭ ngèmacèx ngèxguma tŭxŭ nangèxmagu na ŭacŭmaã togŭxŭ rŭngŭxèexŭ, rŭ name nixŭ i guxãxŭma tarŭngŭxèe. Natŭrŭ yexera tanaxwèxegŭ na nŭxŭ rŭngŭxèegŭxŭ i ngèma taeneegŭ rŭ taeyèxgŭ i yaxögŭxŭ.

Pauru rŭ nŭxŭ narŭmoxè ga yema yaxögŭxŭ, rŭ nayaxucŭxègŭ

¹¹ Rŭ nuã tá ichanaxŭgŭ na chomaxŭchima choxmèxmaã pexcèx chanaxŭmatŭxŭ i ñaã popera. ¡Rŭ dŭcax, nŭxŭ pedèux i ngèma choma chaxŭmatŭxŭ na űuxãcŭ natamatŭxŭ!

¹² Rŭ ngèma Yudiŭgŭ i pexŭ ngŭexèexŭ na pegŭ ípewiechèxmŭpèxechiraŭgŭxŭcèx, rŭ ngèmaãcŭ pexŭ namu erŭ nanataãxèegŭchaŭ i ngèma togŭ i Yudiŭgu na tama naxchi naxaixŭcèx nanaga na Ngechuchu ya Cristu ga curuchagu yucŭaxŭ na yaxögŭãxŭ.

¹³ Erŭ woo i nŭmagŭ na ínawiŭchèxmŭpèxechiraŭxŭ, rŭ tama nayan-guxèe i guxŭma i mugŭ. Natŭrŭ nŭmagŭ rŭ nanaxwèxegŭ na pegŭ ípewiŭchèxmŭpèxechiraŭxŭ, na yixcama nŭgŭ yacuèxŭgŭxŭcèx rŭ togŭ i

Yudiŋgũmaã nüxũ na yaxuxũcèx na pema rü ta naxrũũ nagu pexĩxũ i ngẽma nuxcũmaũgũxũ i mugũ.

¹⁴ Natürü i choma rü chaugü chicuèxũũ erü nüxũ chayaxõ ya tórü Cori ya Ngechuchu ya Cristu ga curuchagu yucü. Rü ngẽmacèxicatama nixĩ i chaugü chicuèxũũxũ. Rü ñuxma na Cristu ga curuchagu yucüaxũ chayaxõxũ, rü marü tama nagu charũxĩnũ i ñoma i naãne rü norü ngẽmaxũgũ. Rü ngẽxgumarũũ ta i ñoma i naãne rü marü tama choxũ nacuáxchaũ.

¹⁵ Erü ngẽxguma Ngechuchu ya Cristuarü duũxũgũ ixĩgũgu, rü Tupanapẽxewa rü taxuũma nixĩ i ngẽma na íiwiechẽxmüpẽxechiraũxũ rü ẽxna tama. Natürü ngẽma aixcũma napẽxewa mexũ nixĩ na naxũchicüũxũ i tórü maxũ na ngexwacaxũxũ i duũxũgũ ixĩgũxũcèx.

¹⁶ Rü Tupanana naxcèx chaca na pexũ nataãẽxẽẽgũxũcèx rü nüxũ pengechaũtũmũũgũxũcèx i guxãma i pema i aixcũma yanguxẽẽgũxe i ngẽma pemaã nüxũ chixuxũ, rü guxãma ya yĩxema aixcũma Tupanaãrũ duũxũgũ ixĩgũxe.

¹⁷ Rü ñuxmawena rü tama chanaxwèxe na texé facü rü guxchaxũgũ choxna ãxũ. Erü choma rü aixcũma tórü Cori ya Ngechucharü duũxũ chixĩ. Rü ngẽma chorü oxrigũchica i chowa ngẽxmagũxũwa nüxũ pecuèx na aixcũma yĩxũ i ngẽma.

¹⁸ Pa Chaueneẽgũx, chanaxwèxe i tórü Cori ya Ngechuchu ya Cristu pexũ narũngũxẽẽ i guxãma i pemax. Rü ngẽmaãcü yĩ.

Rü nuãma pexna,
Pauru

POPERA GA EPÉCHIUWA YEXMAGÜXÜ GA YAXÖGÜXÜTANÜWA NAMUXÜ GA PAURU

Pauru rü nüxü narümoxë gayemayaxögüxü ga Epéchiuarü ïänewa yexmagüxü

¹ Pa Chaueneëgü ya Epéchiuwa Ngëxmagüxe, choma i Pauru nixi i pexcëx chanaxümatüxü i ñaã popera. Rü choma i Pauru chixi i Tupana choxü yaxuxü na Ngechuchu ya Cristu choxü muxüçëx na duüxügümaã nüxü chixuxüçëx i norü ore. Rü pexcëx chanaxümatü i guxäma i pema ya Epéchiuarü ïänewa ngëxmagüxe rü Tupanaärü duüxügü ixigüxe rü Ngechuchu ya Cristuaxü yaxögüxe.

² Rü chanaxwëxe i pexü narüngüxëë rü pexü nataëxëë ya Tanatü ya Tupana rü törü Cori ya Ngechuchu ya Cristu.

Tupana rü poraäcü tüxü narüngüxëë erü Cristuarü duüxügü tixigü

³ Rü name nixi i nüxü ticuëxüügü ya Tanatü ya Tupana ya törü Cori ya Ngechuchu ya Cristunatü ixücü. Erü nüma ya Tupana rü Cristugagu tüxna nanaxä i naguxüraüxü i ngüxëëgü i üünexü i dauxügüxü i naanewa taxcëx ne namugüxü.

⁴⁻⁵ Rü tautama naäne üxgu, rü Cristugagu Tupana tüxü nade na napëxewa ixüünegüxüçëx rü na nataxuxüçëx i törü chixexü i napëxewa. Rü Tupana rü poraäcü tüxü nangechaü. Rü yemacëx nuxcümamatama tüxü naxuneta na naxäcügüxü tüxü nadexüçëx Ngechuchugagu. Rü yemaäcü nanaxü yerü yema nixi ga norü ngüchaü.

⁶ Rü ngëmacëx name nixi i guxüguma nüxü ticuëxüügü ya Tupana. Erü nüma rü poraäcüxüchima tamaã namecüma rü poraäcü tüxü narüngüxëë ga yexguma taxcëx nüma namuäxgu ga Nane ya nüxü nangechaüxüchicü.

⁷ Rü Tupana rü poraäcü tüxü nangechaü, rü yemacëx nanamu ga Nane na taxcëx nayuxü rü nagü inabaxü na yemaäcü tüxü ïnanguxüxëëçëx rü tüxü nüxü nangechaüxüçëx ga törü pecadugü.

⁸ Rü Tupana tüxü nüxü nadauxëë na ñuxäcü poraäcü tüxü nangechaüxü ga yexguma tüxna naxäãxgu ga guxüma ga törü cuëx na taäëxü icuáxüçëx rü tüxü natauxchaxüçëx i norü ore.

⁹ Rü tüxü nüxü nacuëxëë ga norü ngüchaü ga noxri nüxicatama nüxü nacuáxü. Rü yema norü ngüchaü ga nuxcümäxüchima Cristumaã nagu naxinüxü ga Tupana, rü yema nixi ga ñoma ga naänewa na namuäxü na tüxü yamaxëëxüçëx.

¹⁰ Rü yema nagu naxinüxü nixi na Cristumëxëwa nangëxmaxëëäxü i guxüma i daxügüxü i naänewa ngëxmaxü rü guxüma i ñoma i naänewa ngëxmaxü. Rü ngëmaäcü tá nanaxü ya Tupana i ngëxguma nawa nanguxgu na yanguxëëäxü.

¹¹ Yerü naxüpa ga ñoma ga naane naxüxü ga Tupana, rü woetama tomaã nanaxuegu na Cristugagu tanayauxgüxüçëx i ngëma maxü i taguma gúxü i nüma toxna naxäxchaüxü na aixcüma naxcëx tamaxëxüçëx. Rü aixcüma yemaäcü nanaxü yerü yema nixi ga norü ngüchaü ga Tupana ya guxüma ücü, ngëma nüma nagu naxinüxüäcüma.

¹² Rü yemaäcü Tupana tomaã nanaxuegu na toma i toxira Cristuaxü yaxögüxe naxcëx tamaxëxüçëx rü nüxü ticuëxüügüxüçëx naxcëx i norü pora i üünexü.

13 Rū yexgumarūū ta ga pema i Epéchiucūāxgū, rū yexguma nūxū pexīnūēgu ga yema ore i aixcūma ixīxū i tūxū maxēxēēxū, rū yexguma Cristuaxū peyaxōgūgu, rū namūcūgū pixīgū. Rū Tupana ga tamaā ixunetacū na tūxna namūāxūcēx i Naāē i Ūūnexū, rū marū pexna nanamu i ngēma Naāē na nūxū pecuāxūcēx na aixcūma norū duūxūgū pixīgūxū.

14 Rū ngema Naāē i Ūūnexū ga Tupana tūxna muxū, rū ngemaawa nixī i nūxū icuāxū na aixcūma Tupana tá tūxna naxāxū i guxūma i ngema tamaā inaxunetaxū. Rū ngēxguma wena nūma naxūxgu ya Cristu na nūgūxūtawa tūxū nagagūxūcēx rū aixcūma tá tanayaxu i guxūma i ngema Tupana tomaā nūxū ixuxū. Rū ngēmacēx name nixī na nūxū icuēxūgūxū ya Tanatū ya Tupana ya ūxūnecū.

Pauru rū yaxōgūxūcēx nayumūxē.

15-16 Rū ngēmacēx, űuxma na nūxū chacuāxū na aixcūma tōrū Cori ya Ngechuchuaaxū peyaxōgūxū rū na aixcūma nūxū pengechaūgūxū i guxūma i ngēma togū i Tupanaārū ixīgūxū, rū ngēmacēx taguma nūxū charūchau na pexcēx moxē nūxna chaxāxū rū pexna chacuēxāchixū i chorū yumūxēwa.

17 Rū ngēxguma namaā chideaxgu ya Tanatū ya Tupana ya mexēchicū ya Nanatū ya tōrū Cori ya Ngechuchu ya Cristu, rū naxcēx nūxna chaca na pexna naxāāxūcēx i ngēma cuēx i Naāē i Ūūnexūwa ne ūxū. Rū ngēma Naāē i Ūūnexū tá nixī i pexcēx nangoxēēxū i Tupanaārū ore i mexū na yexeraācū nūxū pecuāxūcēx ya Tupana.

18 Rū Tupanana naxcēx chaca na nūmatama pexū yangoxnaāēxēēxūcēx, na nūxū pecuāxūcēx na űacū yīxū i ngēma ípenanguxēēxū i naxcēx pexū nadexū. Rū nūxna naxcēx chaca na pexū nūxū nacuēxēēxūcēx na űuxācū namexēchixū i ngēma maxū i taguma gūxū i nūma norū duūxūgūcēx namexēēxū i daxūguxū i naānewa.

19-20 Rū ngēxgumarūū ta rū nūxna naxcēx chaca na pexū nūxū nacuēxēēxūcēx na űuxācū nataxūchixū i norū pora i tawa ngēxmaxū rū namaā tūxū nangūxēēxū i yixema na yaxōgūxū. Rū ngēmatama pora i taxūmaā nixī ga napuracūxū ga Tupana ga yexguma yuwa Cristuxū ínadaxēēgu rū daxūguxū ga naānewa nagaāxgu rū nūgūarū tūgūnecūwawa yanatoxēēāgu na guxāārū āēxgacū yīxūcēx.

21 Rū yemaācū guxūētūwa nanayexmaxēē. Rū ngēmacēx i űuxma rū Cristumēxēwa nangēxmagū i guxūma i daxūguxū i naānecūāx i āēxgacūgū rū guxūma i űoma i naānecūāx i āēxgacūgū. Rū ngēmaācū namxēxwa nangēxmagū i guxūma i pora i űuxma ngēxmagūxū rū guxūma i pora i tá ngēxmagūxū. Rū ngēmaācū i nūma rū guxū i āēxgacūgūarū āēxgacū tá nixī i guxūguma.

22 Rū yemaācū ga Tupana rū marū Cristumēxēwa nanayexmagūxēē ga guxūma. Rū yexgumarūū ta Cristuxū ningucuchixēē na guxūma i yaxōgūxūēru na yīxūcēx.

23 Rū űuxma rū guxūma i yaxōgūxū rū wūxigu Cristuarū nixīgū. Rū nūma nixī i tawa nangēxmaxū i guxāma i yixema i nūxū na yaxōgūxū. Rū ngēxgumarūū ta nūma nixī i nangēxmaxēēāxū i guxūma i űacū i ngēxmaxū i guxūwama.

2

Tamaxē erū Tupana tūxū nangechaū

¹ Rū ūpa ga pema rū perū pecadugagu rū perū chixexūgagu űoma peyuxūrūū pixīgū.

² Yerū ga pema rū nagu pexī ga yema chixexū i űoma i naānecūāx i duūxūgū nagu īxū. Rū pema rū naga pexīnūē ga Chataná i ngoxogūarū āēxgacū ixīxū. Rū nūma nixī i nūxū nangūchaūxēēxū na chixexū naxūgūxūcēx i guxūma i ngēma duūxūgū i tama Tupanaga īnūēxū.

³ Rū guxāma ga yixema rū yemaācū chixri tamaxē ga ūpa. Rū tanaxū ga tóxrūtama ngūchaū, rū nagu taxī ga yema taxūne naxwēxexū rū yema taāē naxwēxexū. Rū yemagagu yema togū ga duūxūgū ga chixexū ūgūxūrūū nawa taxūgū i ngēma poxcu i āicūmaxūchixū i Tupana mexēēxū.

⁴ Natūrū ga Tupana rū poraācū nūxū tangechaūtūmūūgū rū poraācū tūxū nangechaū.

⁵ Rū yemacēx, woo tórū pecadugagu űoma iyuxūrūū tixīgū, natūrū ga Tupana rū tūxna nanaxā ga maxū ga yexguma Cristuxū īnadaxēēgu. Rū űuxma rū pexū nangēxma i maxū i taguma gūxū, erū Tupana pemaā namecūma.

⁶ Rū yema na Ngechuchu ya Cristuxū wena namaxēēxūrūū rū tūxū rū ta namaxēxēē ga Tupana. Rū yemaācū nanaxū na yixema rū ta Cristumūcūgū ixīgūxūcēx, rū namaā āēxgacūgū ixīgūxūcēx i daxūguxū i naānewa.

⁷ Rū yemaācū nanaxū ga Tupana na guxūgutāma duūxūgūxū nawéaxūcēx na űuxācū Cristugagu poraācū tūxū nangechaūxū rū tamaā namecūmaxū.

⁸ Rū yemaācū pemaā namecūma ga Tupana. Rū yemacēx penayaxu ga maxū i taguma gūxū yerū peyaxōgū. Rū ngēma maxū rū taxucūrūwama pegūnatama penaxā, natūrū Tupana nixī ga pexna naxāmarecū ga yema.

⁹ Rū tama űacu i mexū i pexūxūgagu nixī i pexū nangēxmaxū i ngēma maxū, natūrū Tupana nixī ya pexna naxāmarecū na ngēmaācū taxūema tūgū icuēxūxūcēx.

¹⁰ Rū Tupana nixī ga tūxū maxēxēēcū. Rū űuxma rū tūxū nangēxma i ngēma maxū yerū Ngechuchu ya Cristu tórū pecaducēx nayu. Rū Tupana tūxna nanaxā i ngēma maxū na meā imaxēxūcēx rū mexū ixīgūxūcēx. Rū yemaācū tūxū narūngūxēē ga Tupana yerū woetama nuxcūmaxūchima marū yemagu narūxīnū.

Cristu nixī ya yigūmaā tūxū rūngūxūmūēēcū

¹¹⁻¹² Rū ngēmacēx i pema na tama Yudiūgū pixīgūxū, rū name nixī i nūxna pecuēxāchie na tama toxrūū na pixīgūxū ga noxri rū tama Tupanaxū na pecuēxgūxū. Rū yema na tama toxrūū pixīgūxū rū yemacēx ga toma ga Yudiūgū i togū na itawiechēxmūpēxechiraūgūxū, rū nūxū tixugūe na pema rū tama Tupanapēxewa na pimexū yerū tama toxrūū pegū īpewiechēxmūpēxechiraūgū. Rū yexguma ga pema rū tama Cristuxū pecuēxgū, yerū tama Tupanaārū duūxūgū i Yudiūgūtanūxū pixīgū. Rū tama nūxū pecuēxgū ga Tupana nūma na namuxū ga Nane na duūxūgūarū pecaducēx nayuxūcēx na nūxna naxāāxūcēx i maxū i taguma gūxū. Rū woo ga yema mexūgū ga Yudiūgūmaā inaxunetaxū ga Tupana, rū taxucūrūwa penayaxu. Yerū űoma ga naānewa rū pemaxēmare, rū tama nūxū pecuēx ga űacu chi pexū na ūpetūxū ga yexguma chi peyuegu yerū tama Tupanaxū pecuēx.

¹³ Natūrū woo ga noxri rū tama Tupanaxū na pecuāxū, natūrū i űuxma rū nūgūxūtawa pexū nagagū. Rū Ngechuchu ya Cristuarū duūxūgū pixīgū yerū pexcēx nayu rū nagū inanaba.

14-15 Rū ñuxma rü Cristu nixī ya tūxū rüngüxmüëxëëcū. Rū noxri ga toma ga Yudiügü rü pexchi taxaie yerü tama toxrūü Yudiügü pixīgü. Natürü i ñuxma rü Cristu marü yigümaā tūxū narüngüxmüëxëë. Rū yemaäcū wūxitama i duüxügüxū tūxū nixīgüxëë rü inayanaxoxëë na yigüarü uwanü ixīgüxū. Rū yexguma nayuxgu ga Cristu rü tūxū inangüxüxëë na tama natüüwa iyexmagüxüxcëx ga yema nuxcūmatügüxū ga mugü ga toma ga Yudiügü nagu taxīxū. Rū wūxitama i duüxügü i ngexwacaxüxū tūxū nixīgüxëë i toma i Yudiügü na tixīgüxū rü pema i tama Yudiügü na pixīgüxū. Rū yemaäcū nanaxū na guxāma i yixema rü norü duüxügü na ixīgüxüxcëx. Rū yemaäcū yigümaā tūxū inarüngüxmüëxëë.

16 Rū yexguma curuchagu nayuxgu ga Cristu, rü inayanaxoxëë ga yigüchi na ixaieü. Rū yemaäcū ga Cristu rü Tupanamaā tūxū inarüngüx-müëxëë, rü wūxitama i duüxügüxū tūxū nixīgüxëë.

17 Rū yexguma Cristu núma üxgu, rü taxcëx núma nanange ga ore ga mexü ga marü yigümaā rü Tupanamaā na rüngüxmüëxū. Rū yema ore rü toxcëx nixī i toma i Yudiügü ga toxira Tupanaxū na tacuáxū. Rū yema ore rü pexcëx rü ta nixī ga woo tama Tupanaxū na pecuëxgüxū ga noxrix.

18 Rū ñuxma rü guxāma i yixema rü Cristugagu tūxū natauxcha na Tanatü ya Tupana ingaicamagüxū. Rū ngëmatama Naäë i Üünexū nixī i tūxū rüngüxëëxū na núxna ingaicamagüxüxcëx ya Tanatü ya Tupana.

19 Rū ngëmacëx i pema rü woo tama Tupanaxū pecuëxgü ga noxrix, rü woo tama norü duüxügü pixīgü ga yexguma, natürü tama ngëmaäcū pixīgü i ñuxmax. Erü ñuxma rü natanüxū pixīgü i guxūma i ngëma duüxügü i Tupanaärü ixīgüxū. Rū aixcūma Tupanaxäcügüxüchi pixīgü i ñuxmax.

20-22 Guxāma i pema rü wüxi ya İpata ya mexüne ya Tupana nawa maxüne pixīgü. Rū ngëma cemento i ladriyu naëtügu nugüxū, rü ngëma rü Tupanaärü ngüexügü ga imugüxū rü norü orearü uruügü nixī. Rū yima ladriyu ya nüxirama cementuëtüwa ixücuchicü rü Cristu nixī. Rū ngëma inanaxügü na naxüäxū ya guxünema ya yima İ. Rū düxwa ningu na wüxi ya tupauca ya taxüne ya Cristugagu üünene na yüxū. Rū ngëmaäcū i pema na Cristuarü pixīgüxū rü wüxigu tomaä peyangüxëë ya wüxi ya tupauca ya taxüne i ngextä Tupanaäë i Üünexū İmaxüdüwa.

3

Tupana rü Pauruxū namu na ore i mexüxū yaxuxū namaā ga yema duüxügü ga tama Yudiügü ixīgüxū

1 Rū ñuxma na yemaäcū Tupana pexü rüngüxëëxū, rü choma i Pauru rü pexcëx chayumüxë. Rū pemaā nüxū chixu rü núma poxcupataüwa changëxma erü Ngechuchu ya Cristuarü duüxū chixī. Rū nuxma chapoxcu erü guxüwama nüxū chixuchiga na pema rü ta pexü nangëxmaxü i pëchica i Tupanaxütawa woo na tama Yudiügü pixīgüxū.

2 Rū maneca marü nüxū pecuächiga na ñuxäcū Tupana choxü nangechaüäcūma choxü muxü na pexü charüngüxëëxüxcëx rü pemaā nüxū chixuxüxcëx i norü ore i mexü.

3 Rū Tupana chomaä nanangoxëë rü choxü nüxü nacüxëë ga yema ore ga pëchiga ga noxri nüxücatama nüxü nacuáxū. Rū yemachiga nixī ga İrarüwa marü pexcëx chanaxümatüxū ga noxrix.

4 Rū yexguma pexcëx chanaxümatügu rü pemaā nüxū chixu ga yema noxri ëxügüxū ga ore i ñuxäcū Tupana rü Cristugagu duüxügüxū namaxëxëëxū. Rū

ngēxguma meā nawa pengúegu i ngēma popera rü tá nüxŭ pecuèx na aixcúma yíixŭ ga yema ore ga noxri èxŭguxŭ ga nachiga pexcèx chaxūmatūxŭ.

⁵ Rŭ yema nixŭ ga ore ga èxŭguxŭ ga Tupana taxuèxŭma meā nüxŭ nacuèxèèxŭ ga noxrix. Natürü i ñuxma rü ngēma Naāe i Üünexŭ rü marü nanangoxèè i ngēma ore naxcèx i Tupanaärü duŭxŭgü i üünexŭ i yamugŭxŭ rü norü orearü uruŭgü.

⁶ Rŭ ñuxma rü tá pemaā nüxŭ chixu i ñuxácü na yíixŭ i ngēma ore ga noxri èxŭguxŭ. Rŭ dücax, woo tama Yudíugü pixígu natürü i ñuxma rü pexcèx rü ta nixŭ i ngēma maxŭ i taguma gúxŭ ga noxri Tupana tomaā ixunetaxŭ. Rŭ ñuxma i pema rü ta norü duŭxŭgü pixígu. Rŭ pexcèx nixŭ i guxŭma i ngēma Tupanaärü unetagü ga noxri tomaā nüxŭ yaxuxŭ. Rŭ ngēmaäcü i ñuxma rü Ngechuchu ya Cristugagu pexŭ nangèxma i guxŭma i ngēma mexŭgü erü peyaxögü i norü ore i tüxŭ maxèxèèxŭ.

⁷ Rŭ woo taxuwama chame na chanaxŭxcèx i norü puracü, natürü ya Tupana rü choxŭ namuāma rü choxŭ naporaxèè na nüxŭ chixuxŭcèx i ngēma norü ore i mexŭ.

⁸ Rŭ chaugücèx i Tupanapèxewa rü choma nixŭ i guxŭ i norü duŭxŭgüarü ñaxtūwaama chaxŭxŭ. Rŭ woo ngēmaäcü chixŭ, natürü Tupana choxŭ nangechaŭ rü choxna nanaxā i ngēma puracü i mexŭ na ngēma tama Yudíugü ixíguŭmaā nüxŭ na chixuxŭcèx i norü ore i mexŭ na ñuxácü namexèchixŭ rü taguma iyagúxŭ ga yema taxcèx naxŭxŭ ga Cristu.

⁹ Rŭ nŭma ga Tupana ya guxŭärü ũruŭ ixíxŭ, rü choxŭ namu na guxŭ i duŭxŭgüxŭ nüxŭ chacuèxèèxŭcèx na ñuxácü yíixŭ i ngēma norü ngúchaŭ ga nuxcúma èxŭguxŭ ga noxri nüxŭcatama nüxŭ nacuáxŭ. Rŭ ngēma norü ngúchaŭ nixŭ i Cristugagu tüxŭ na namaxèxèèxŭ.

¹⁰ Rŭ yemaäcü choxŭ namu ga Tupana na ngēma duŭxŭgü i tama Yudíugü ixíguŭmaā nüxŭ chixuxŭcèx i ore i mexŭ na yaxögüäxŭcèx. Rŭ nŭma ya Tupana nanaxwèxe na yaxögüäxŭ na ngēmaäcü guxŭma i äèxgacügü i daxŭcŭāx nüxŭ nadaugŭxŭcèx na ñuxácü nüxŭ nacuèxŭchixŭ ga Tupana ga yexguma duŭxŭgüaxŭ natauxchaxèèägu na naxŭtawa nangugŭxŭcèx.

¹¹ Rŭ yemaäcü nüxŭ nanatauxchaxèè ga Tupana yerü woetama nuxcūmaxŭchima guxŭguma nagu narŭxŭnŭ na tórü Cori ya Ngechuchu ya Cristugagu tá na namaxèxèèäxŭ i duŭxŭgü. Rŭ yemaäcü nayanguxèè.

¹² Rŭ ñuxma na Cristuarü duŭxŭgü ixíguŭxŭ rü nüxŭ na yaxögüxŭ, rü tüxŭ natauxcha na Tupanana ingaicamagŭxŭ rü taxucèxma nüxŭ na imuŭèxŭ.

¹³ Rŭ ngēmaccèx i ñuxma na pexcèx ngúxŭ chingexŭ rü pexŭ chacèèxŭ na tama chauxcèx pexoegaägüxŭcèx. Erü ngēma ngúxŭ na chingexŭ i ñuxma rü perü merü nixŭ i ngēma.

Cristu rü poraäcü tüxŭ nangechaŭ

¹⁴ Rŭ ngēmaccèx, ngēxguma nagu charŭxŭnŭgu na ñuxácü Tanatü ya Tupana taxcèx namexèèxŭ na naxácügü ixíguŭxŭcèx, rü napèxegu chacaxäpŭxŭ na nüxŭ chicuèxŭxŭcèx.

¹⁵ Rŭ nŭma nixŭ i Nanatü yíixŭ i guxŭma i norü duŭxŭgü i ñoma i naānewa rü daxŭguxŭ i naānewa ngèxmagŭxŭ.

¹⁶ Rŭ Tanatü ya guxŭguma poraäcü tamaā mecūmacüna chaca na Naāe i Üünexŭärü ngüxèemaā pexŭ naporaxèèxŭcèx na aixcúma peporaexŭcèx i perü maxŭwa.

¹⁷⁻¹⁸ Rŭ ngèxgumarŭŭ ta nüxna naxcèx chaca na perü ögagu pewa namaxŭxcèx ya Cristu. Rŭ ngèxguma ngēmaäcü perü maxŭwa peporaegu rü

pexŭ nangēxmagu i ngēma ngechaŭ i aixcūma ixīxŭ, rŭ tá wūxigu guxŭma i yaxōgūxŭmaā nūxŭ pecuēx na űuxācŭ nataxŭchixŭ i norŭ ngechaŭ i namaā tŭxŭ nangechaŭxŭ ya Cristu.

¹⁹ Rŭ woo tama yanguxgu i tŏrŭ cuēx na nūxŭ icuáxŭcēx na naűuxraŭxŭ i ngēma ngechaŭ i namaā Cristu tŭxŭ ngechaŭxŭ, natŭrŭ Tupanana naxcēx chaca na pexcēx nangoxēēāxŭcēx na űuxācŭ na yīxŭ i ngēma ngechaŭ na aixcūma pewa nangēxmaxŭ i guxŭma i Tupanacŭmagŭ.

²⁰ Rŭ űuxma rŭ name nixī i guxāma i yixema rŭ nūxŭ ticuēxŭŭgŭ ya Tupana. Ērŭ nŭma rŭ nūxŭ nangēxma i pora na naxŭāxŭ i guxŭma i ngēma naxcēx ícaxŭ rŭ ēxna nagu rŭxīnŭēxŭārŭ yexeraxŭchi. Rŭ ngēma norŭ pora i tawa ngēxmaxŭmaā nixī i naxŭāxŭ i guxŭma i ngēma.

²¹ Rŭ űuxma rŭ name nixī i guxŭma i norŭ duŭxŭgŭ i yaxōgūxŭ rŭ guxŭgutāma Tupanaxŭ nicuēxŭŭgŭ naxcēx i ngēma Ngechuchu ya Cristu ŭxŭ. Rŭ ngēmaācŭ yī.

4

Tupanaāe i Ūūnexŭ rŭ wūxigutama tŭxŭ narŭxīnŭēxēē

¹ Rŭ űuxma na ngēmaācŭ Tupana tŭxŭ rŭngŭxēēxŭ, rŭ choma i Cristu-gagu na chapoxcuxŭ, rŭ pexŭ chacēēxŭ na Tupana naxwēxexŭācūma meā pemaxēxŭ. Rŭ name nixī i ngēmaācŭ pemaxē erŭ pexŭ nixī ga nadexŭ ga Tupana, rŭ norŭ duŭxŭgŭ pixīgŭ i űuxmax.

² Rŭ tama name i pegŭ picuēxŭxŭgŭ. Rŭ name nixī i guxŭguma pecŭcŭmagŭ rŭ yaxna namaā pexīnŭē i togŭ rŭ nūxŭ pengechaŭgŭ.

³ Rŭ chanaxwae i wūxigu perŭxīnŭē rŭ űoma wūxitama i duŭxŭrŭŭ pixīgŭ erŭ pewa nangēxma i Tupanaāe i Ūūnexŭ. Rŭ name nixī i naxcēx pedau na guxŭguma pegŭ pengechaŭgŭxŭ rŭ ngēmaācŭ taguma űacŭcēx pegŭ pitoyexŭ.

⁴ Erŭ yixema na Cristuarŭ duŭxŭgŭ ixīgŭxŭ, rŭ űoma wūxitama i duŭxŭrŭŭ tixīgŭ. Rŭ ngēxgumarŭŭ ta wūxitama nixī i Naāe i Ūūnexŭ i guxāwama maxŭxŭ. Rŭ ngēxgumarŭŭ ta Tupana pexŭ nade na guxāma ípenanguxēēgŭxŭcēx i wūxitama i maxŭ i taguma gŭxŭ.

⁵ Rŭ wūxitama nixī ya tŏrŭ Cori, rŭ wūxiaxŭtama nixī i yaxōgūxŭ rŭ wūxicēxicatama nixī ga íbaiŭxŭ ga guxāma.

⁶ Rŭ wūxitama nixī ya Tupana ya guxānatŭ ixīcŭ. Rŭ nŭma rŭ guxāetŭwama nangēxma rŭ guxāwama namaxŭ. Rŭ nŭma rŭ guxāxŭ narŭngŭxŭēē na tanaxŭxŭcēx i norŭ puracŭ.

⁷ Natŭrŭ wūxichigŭ i yixema rŭ tanayaxu i ngēma nacūma rŭ ngēma cuēx i Cristu tŭxna āmarechaŭxŭ na naxŭgŭxŭcēx i norŭ puracŭ.

⁸ Rŭ ngēmacēx i Tupanaārŭ ore i ũmatŭxŭwa rŭ űanagŭrŭ:

“Rŭ yexguma daxŭguxŭ ga naānewa naxŭxgu, rŭ yēma tŭxŭ nagagŭ ga guxema marŭ tŭxŭ ínanguxŭxŭēē nawa ga tŭmaarŭ chixexŭ. Rŭ norŭ duŭxŭgŭna nanaxā ga cuēx na ngemamaā Tupanaarŭ puracŭ naxŭgŭxŭcēx”,

űanagŭrŭ i ngēma ore.

⁹ Rŭ űuxma Pa Chaueneēgŭx, rŭ pexna chaca, rŭ űacŭchiga nixī i ngēma ore i űaxŭ, “Daxŭwa naxŭ”, űaxŭ? Rŭ dŭcax, ngēmawa nūxŭ tacuēx ga noxri rŭ űoma ga naānegu na ínaxŭxŭ ga nŭmax.

10 Rū gumatama Cristu ga ñoma ga nañegu írūxīcū, rū gumatama nixī ga daxūgūxū i nañe i Tupana íngēxmaxūwa ūxcū na guxāetūwa nangēxmaxūcēx rū guxūwama nangēxmaxūcēx.

11 Rū nūmatama nixī ga guxema norū duūxēgūna naxāāxū ga tūmaārū cuèx rū tūmaārū puracū. Rū tūxū naxuneta ga ñuxre na toxnamana norū orexū tayarūxugūxūcēx. Rū toguēgū rū tūxna nanaxā ga cuèx na duūxūgūmaā nūxū tixuxūcēx i ngema norū ore i tūxū nūxū nacuèxēēxū. Rū toguēgū rū tūxna nanaxā ga cuèx na duūxūgūaxū tanangūchaūxēēxū i Tupanaarū ore na yaxōgūāxūcēx. Rū toguēgū rū tūxna nanaxā ga cuèx na ngema yaxōgūxūārū dauruxūgū tixīgūxūcēx. Rū toguēgū rū tūxna nanaxā ga cuèx na norū oremaā tangūxēētaegūxūcēx.

12 Rū yemaācū norū duūxēgūna nanaxā ga tūmaārū puracū rū tūmamaā inanangūxūcēē na ngēma yaxōgūxūxū tarūngūxēēgūxūcēx na ngēmaācū guxūma i ngēma yaxōgūxū rū yexeraācū nūxū yacuáetanūxūcēx i norū ore.

13 Rū Cristu nanaxwēxe na ngēma norū orewa iyaetanūxū i guxāma i yixema ñuxmatáta wūxigu aixcūma meā yaxōgū rū meā nūxū icuèxgū ya Tupana Nane. Rū ngēmaācū tá dūxwa nawa tangugū na aixcūma Tupana naxwēxēūācūma ixīgūxū, rū tá tīyaetanū i norū orewa ñuxmatáta ñoma Cristu ya aixcūma mexēchicūrūú ixīgū.

14 Rū tāūtáma ñoma buxūgūrūú tixīgū i tórū maxūwa. Erū ngēma buxūgū rū tauxchaācū toguama narūxīnūē. Rū ngēxguma űacū rū to i nguxēētaexū naxīnūēgu rū ngēmawe narūxī ñuxmata naga naxīnūē i ngēma duūxūgū i chixexū i norū doramaā nawomūxēēgūxū rū nachixexēēgūchaūxū. Natūrū i yixema rū tama name na ngēxgumarūú ixīgūxū.

15 Rū name nixī i yigū ingechaūgūācūma nagu taxī i ngēma ore i aixcūma ixīxū, na ngēmaācū yexeraācū naxrūú ixīgūxūcēx ya Cristu ya guxūma i yaxōgūxūārū āēxgacū ixīcū.

16 Rū taeru ya Cristuwa nixī i ne naxūxū i tórū pora na naxcēx imaxēxūcēx. Rū guxāma i yixema rū wūxigu naxmēxwa tangēxmagū. Rū ngēxguma Cristu-gagu meā wūxigu ipuracūegu rū yigū rūngūxēēgu rū guxūma meāma inixū. Rū ngēmaācū yigū ingechaūgūācūma norū orewa tīyaetanū na dūxwa nūma nanaxwēxēūācūma ixīgūxūcēx.

Maxū i ngexwacaxūxū i Cristugagu tūxū ngēxmaxū

17 Rū ñuxma rū Cristuégagu pexū chaxucuxē na tama nagu pexīxū i ngēma chixexū ga noxri nagu pexīxū ga yexguma tauta Cristuaxū peyaxōgūgu. Rū tama name i nagu pexī i nacūmagū i ngēma duūxūgū i tama Tupanaxū cuèxgūxū i naēchitamare maxēxū.

18 Erū Chataná rū nanatoōēgū i ngēma duūxūgū, rū ngēmacēx chixexūguxicatama narūxīnūē. Rū nagagugūtama nūxū nataxuma i maxū i taguma gūxū i Tupanawa ne ūxū, erū tama nūxū nacuèxgūchaū.

19 Rū tama naxāneē na űacū rū chixexū na naxūgūxū, rū ngēmacēx nagu naxī rū nūxū namepua i guxūraūxū i chixexūgū na naxūgūxū.

20 Natūrū i pema rū tama ngēmaācū na pemaxēxūcēx nixī i Cristuaxū peyaxōgūxū.

21 Yerū pema rū marū meā nūxū pexīnūē ga Cristuchiga. Rū toxūtawa naxcēx pengūe, rū nūxū pecuèx i norū ore i aixcūma ixīxū na ñuxācū Ngechuchu naxwēxēūācūma na pemaxēxū.

22 Rū ngēmacēx name nixī i nūxū perūxoe i ngēma nuxcūmaūxū i pecūmagū ga ūpa nagu pexīxū. Yerū yema nuxcūmaūxū ga perū maxū rū nachixexūchi.

Rū pexŭ napora rū pexŭ nawomŭxēēgŭ na nagu pexŭxŭcēx ga yema pexeneārŭ ngŭchaŭgŭ i tama mexŭ. Natŭrŭ i űuxma rū name nixŭ i nŭxŭ perŭxoe i guxŭma i ngēma.

²³ Rŭ ngēmacēx i űuxma na Cristuarŭ duŭxŭgŭ pixŭgŭxŭ rū name nixŭ na Tupanaguxicatama perŭxŭnŭēxŭ. Rŭ name nixŭ i Tupanaŭma pegŭ pexāgŭ na Naāē i Ūŭnexŭ pewa puracŭxŭcēx rū na nangexwacaxŭxŭcēx i pecŭma i Tupana norŭ ngŭchaŭmaā pexcēx mexēēxŭ. Rŭ ngēma nacŭma i ngexwacaxŭxŭ rū perŭ maxŭ i mexŭwa tá nangox i ngēxguma nagu pexŭxgu i ngēma ore i aixcŭma ixŭxŭ rū tama nawe perŭxŭxgu i pexeneārŭ ngŭchaŭ.

²⁴ Rŭ name nixŭ i penayaxu i ngexwacaxŭxŭ i pecŭma i Tupana norŭ ngŭchaŭmaā pexcēx mexēēxŭ. Rŭ ngēma nacŭma i ngexwacaxŭxŭ rū perŭ maxŭ i mexŭwa tá nangox i ngēxguma nagu pexŭxgu i ngēma ore i aixcŭma ixŭxŭ rū tama nawe perŭxŭxgu i pexeneārŭ ngŭchaŭ.

²⁵ Rŭ ngēmacēx i űuxma na Cristuarŭ pixŭgŭxŭ rū tama name na pido-rateēxgŭxŭ. Natŭrŭ name nixŭ i wŭxichigŭ rū tŭmamŭcŭmaā aixcŭmaxŭ tixu. Erŭ guxāma i yixema rū yigŭtanŭxŭ i yaxŭgŭxŭ tixŭgŭ.

²⁶ Rŭ ngēxguma texé tacŭ peāēwa nguxēēgu rū ꞑpegŭna pedaŭgŭ na tama pecadu pexŭxŭcēx! Rŭ tama name i nagu perŭxŭnŭēēcha natŭrŭ name nixŭ i paxa ngēmatama i ngunexŭgu nŭxŭ ipeyarŭngŭma i ngēma naxŭpa na yanaxŭcuxŭ ya ŭēxcŭ.

²⁷ Rŭ pegŭna pedaŭgŭ na tama penaxŭchicaxŭcēx i Chataná na ngēmaācŭ nayoxniēxŭcēx rū pemaā inacuāxŭcēx.

²⁸ Rŭ ngēxguma texé tacŭ petanŭwa ngŭtēēxgu ga ŭpa, rū name nixŭ i nŭxŭ tarŭxo i ngēma. Rŭ name nixŭ i tŭmamēxēmaā meā tapuracŭ na ngēmaācŭ tŭxŭ nangēxmaxŭcēx i tŭmaārŭ ngēmaxŭ na toguāx ya tŭxŭ nataxŭmaā tangauxŭcēx.

²⁹ Rŭ tama name i chixexŭ i oremaā pidexagŭ. Rŭ name nixŭ i ore i mexŭmaā pidexagŭ na ngēmaācŭ ngēma duŭxŭgŭ i pexŭ inŭēxŭxŭ perŭngŭxēēgŭxŭcēx na yexeraācŭ Tupanaga naxŭnŭēxŭcēx rū nataāēgŭxŭcēx.

³⁰ ꞑRŭ pexuāēgŭ na tama penangechaŭxēēxŭcēx i Tupanaāē i Ūŭnexŭ! Erŭ ngēma Naāē i Ūŭnexŭ nixŭ i Tupana pexna muxŭ na nŭxŭ pecuāxŭcēx na aixcŭma norŭ duŭxŭgŭ pixŭgŭxŭ űuxmatáta ngēma ngunexŭ i nagu pexcēx nŭma naxŭxŭ ya Cristu.

³¹ ꞑRŭ nŭxŭ perŭxoe na nagu perŭxŭnŭēēchaxŭ ega texé tacŭ rū chixexŭ pemaā ŭxgux! Rŭ ngēxgumarŭŭ ta name nixŭ na nŭxŭ perŭxoeŭŭ na aigu perŭxŭnŭēxŭ, rū ēxna penuēxŭ, rū ēxna pegŭ na pengaxŭ, rū ēxna peguxchigawēxegŭxŭ. Rŭ ngēmaācŭ name nixŭ na nŭxŭ perŭxoeŭŭ i guxŭma i ngēma chixexŭ i dexagŭ.

³² Rŭ name nixŭ i pegŭ perŭngŭxēēgŭ rū pegŭmaā pemecŭmagŭ, rū pegŭxŭ pengechaŭtŭmŭŭgŭ i wŭxichigŭ. Rŭ ngēxguma petanŭwa texé tacŭ rū chixexŭ pemaā ŭxgux, rū name nixŭ i pegŭxŭ nŭxŭ pengechaŭgŭ i wŭxichigŭ yema na Cristugagu Tupana pexŭ nŭxŭ nangechaŭxŭrŭŭ.

5

Name nixŭ i meā namaxē i Tupanaxācŭgŭ

¹ Rŭ űuxma rū Tupanaxācŭgŭ ya pexŭ nangechaŭgŭxe pixŭgŭ. Rŭ ngēmacēx name nixŭ i naxcēx pedau na naxrŭŭ meā pemaxēxŭ rū naxrŭŭ pimexŭ.

² Rŭ name nixŭ i pegŭ pengechaŭgŭ yema Cristu tŭxŭ na ngechaŭxŭrŭŭ. Rŭ nŭma rū taxcēx nŭgŭ inaxā rū taxcēx nayu. Rŭ yemaācŭ Tupanaxŭ nataāēxēē yerŭ yemaācŭ tŭxŭ namaxēxēē.

³ Rū ñuxma rū Tupanaārū duñxügü pixīgü. Rū ngēmacèx tama name i naī i ngemaā rū ěxna naī ya yatümaā na ipepexü. Rū tama name na pexeneārū ngüchañwe perüxixü rū ěxna pegüna penanugüchañxü i tacü i ngēmaxügü. Rū ngēmacèx name nixī i nüxü perüxoe i guxüma i ngēma chixexügü, rū bai i nachiga na pidexagümarexü.

⁴ Rū tama name i tacü rū ore i äüächixüxü pixu, rū bai i tacü rū ngeäëxümare pixu, rū bai i texéxü pecugücüraxü. Erü ngēma ore i chixexügü rū taxuwama name. Rū narümemaē nixī i Tupanana moxē pexägü.

⁵ Rū aixcüma pemaā nüxü chixu rū ngēxguma texé naī i ngemaā rū ěxna naī ya yatümaā ipexgu, rū ěxna tümaxüñeārū ngüchañ taxüxgu, rū taxucürüwama taxächica i ngextá tórü Cori ya Cristu rū Tanatü ya Tupana äëxgacü íixüwä. Rū ngēxgumarüü ta taxucürüwama texé ngema taxächica ega tügüna tananugüchañxgu i tacü rū ngēmaxügü. Erü yíxema ngēma nacüma tüxü ngēmaxē rū düxwa namaā tatupanaāx i ngēma nacüma i chixexü.

⁶ ¡Rū tama naga pexinüē ega texé tacü rū ore i ngēäemarexümaā pexü womüxēēchañgu na penaxüxcèx i ngēma chixexügü! Erü ngēma chixexügügagu nixī i Tupana tá poraäcü napoxcuxü i ngēma duñxügü i tama naga inüëxü.

⁷ Rū ngēmacèx tama name i ngēma duñxügümaā pexämücügü na pema rū ta tama penaxüxcèx i ngēma chixexügü.

⁸ Rū üpa ga pema rū äänexüwa peyexmagü, yerü tama Tupanaxü pecuèx rū chixri pemaxē. Natürü i ñuxma na Tupanaxü pecuáxü rū tórü Coriarü duñxügü na pixīgüxü, rū ngóonexüwa pengëxmagü. Rū ngēmacèx name nixī i duñxügü i ngóonexüwa ngëxmagüxürüü meā na pemaxëxü.

⁹ Erü ngēxguma ngóonexüwa ingëxmagu, rū mexü taxügü, rū nagu taxī i ore i aixcüma íixü, rū meā tamaxē.

¹⁰ Rū ngēmacèx name nixī i naxcèx pedau na nagu pexixü i ngēma maxü i tórü Cori namaā taäëxü.

¹¹ Rū tama name i pema rū ta penaxü i ngēma chixexügü i taxuwama mexü i ngēma togü i duñxügü i äänexüwa ngëxmagüxü ügüxü. Natürü narümemaē nixī i penangoxëē na nachixexü i ngēma naxügüxü.

¹² Erü ngēma chixexü i cúcüma naxügüxü i ngēma yatügü rū ngexügü, rū woo nachiga idexagümaregu rū wüxi i änexüchi nixī.

¹³ Natürü ngēxguma ngóonexü nagu baxigu i tacü rū chixexügü rū meā tá nangox na ñuxäcü nachixexü.

¹⁴ Erü guxüma i tacü i ngëxmaxü, rū ngëxguma ngóonexüwa nangëxmagu, rū meāma nangox na ñuxäcü yíixü. Rū ngēmacèx i Tupanaārü orewa rū ñanagürü:

“¡Nabaixächi i cuma na cupexü! ¡Rü írüda i cuma na icuyarütaxuxü! ¡Rü nagu rüxñü na ñuxäcü nachixexü i ngēma curü pecadugü! Rū Cristu tá cuxcèx nanangóonexëē rū tá cuxü narüngüxëē na Tupanaxü cu-cuáxcèx”,

ñanagürü i ngēma ore.

¹⁵ Rū ngēmacèx name nixī i pexuäëgü rū meā pemaxē. Rū tama name i ngēma duñxügü i tama Tupanaārü orexü cuëxgüxürüücüma na pemaxëxü, natürü name na duñxügü i meā Tupanaga inüëxürüü meā na pemaxëxü.

¹⁶ Rū ñuxma na Tupana pexü yatauxchaächixëëxü rū ¡pexaxäëgü na nüxü pepuracüxü rū penaxüxü i ngēma nüma nanaxwëxexü! Erü ñomaücüü i duñxügü rū poraäcü chixexü naxügü.

17 Rū ñuxma na ngēmaācū namaxēxū i togū i duūxūgū, rū tama name na naxrūū pixīgūxū. Rū tama name i duūxūgū i ngēāēmarexūrūū pixīgū. Natūrū name nixī i Tupanaārū orewa pengūe na nūxū pecuáxūcēx i ƒacū na yīixū i tórū Cori pexū naxwēxēxū na penaxūxū.

18 Rū tama name i ƒacū rū axexū i ngúchixáxūmaā pengāxē, erū ngēma rū chixexū tūxū naxūxēē i ngēxguma ngēmaācū imaxēgu. Natūrū name nixī i Tupanaāē i Ūūnexūna pegū pexāgū na pewa nangēxmaxūcēx rū pemaā inacúáxūcēx.

19 Rū name nixī i Tupanaārū orechigagu rū norū wiyaeģūgu pegūmaā pidexagū rū pegūmaā nūxū pixu. Rū name nixī i nagúxūraūxū i norū wiyaeģūgu pewiyaeģū, na ngēmaācū guxūne ya perū maxūnemaā tórū Corixū picuēxūūgūxūcēx.

20 Rū name nixī i guxūguma tórū Cori ya Ngechuchu ya Cristuégagu moxē nūxna pexāgū ya Tanatū ya Tupana naxcēx i guxūma.

Ñuxācū meā nūgūmaā namaxē i wūxi ya ƒpatacūāx i Cristuaxū yaxōgūxū

21 Rū ñuxma na Cristumēxēwa pengēxmagūxū, rū name nixī i pegūga pexīnūē i wūxichigū, erū Cristuxū pengechaūgū rū naga pexīnūē.

22 Rū pema, Pa Ngexūgūx, rū ngēma tórū Cori naxwēxēxūrūū rū name nixī na petega pexīnūēxū.

23 Erū nūma ya yatū rū namēxēru nixī, ngēxgumarūū ya Cristu na guxūma i yaxōgūxūēru na yīixū. Rū nūmagū i yaxōgūxū rū Cristuxūne nixīgū rū nūma ya Cristu nixī i norū maxēxēēruū yīixū.

24 Rū ngēxgumarūū na Cristuga naxīnūēxū i ngēma yaxōgūxū, rū ngēxgumarūū ta i ngexūgū rū name nixī na guxūguma natega naxīnūēxū.

25 Rū name nixī i namēxū nangechaū ya yatū, yema Cristu guxāma ga yaxōgūxēxū na nangechaūxūrūū. Rū yema na tūxū nangechaūxūcēx nixī ga nayuxū ga Cristu.

26 Rū yemaācū nanaxū ga Cristu na nūgūxū tūxū nadexūcēx rū tūxū yaxūūnexēxūcēx i guxāma i yixema na yaxōgūxū. Rū norū oremaā rū ngēma dexá i nawa íbaiūxūmaā tūxū nimexēē na aixcūma napēxewa imexūcēx.

27 Rū yemaācū tūxū nimexēē na nūgūtama tūxū nawéxūcēx na aixcūma guxūwama imexū rū na nataxuxūma i ƒacū i tórū chixexū rū bai i írarūwa i ngēxguma napēxewa ingugū. Erū tūxū nade na ixūūnegūxūcēx rū guxūwama imexūcēx i napēxewa.

28 Rū yema Cristu tūxū na ngechaūxūrūū, rū wūxichigū ya yatū rū nanaxwēxe na namēxū nangechaūxū ñoma nūgūxūnēxū na nangechaūxūrūūtama. Rū yixema tūmamēxū ngechaūxē rū tūgūtama nixī i tangechaūxū.

29 Erū tataxuma ya texé ya tūmaxūnechitama aixe, natūrū tanaxūwemū rū meāma nūxna tadau ngēma Cristu guxūma i yaxōgūxūna dauxūrūū.

30 Rū guxāma i yixema na yaxōgūxū rū Cristutanūxū tixīgū rū ngēmaācū wūxigu namūcūgū tixīgū. Rū nūma nixī i tūxna nadauxū.

31 Rū ngēmacēx i Tupanaārū ore i ūmatūxūwa rū ñanagūrū:
 “Rū wūxichigū ya yatū rū nanatūna rū naēna tá nixūgachi na namēxmaā inaxāūxūcēx. Rū ngēma taxre rū wūxi tátama nixīgū”,
 ñanagūrū i ngēma ore.

32 Rū ngēma ore i yatūchiga rū namēxchiga rū wūxi i ore i aixcūma mexū nixī. Natūrū ñuxma na pemaā nūxū chixuxū i ngēma rū Cristuchiga rū yaxōgūxūchiga nixī i chidexaxū.

33 Natürü ngēma ore rü pechiga ta nixī. Rü ngēmacèx i wüxichigü i pema i yatügü rü name nixī i pemèxü na pengechaüxü ngēma pegütama na pengechaüxürü. Rü ngēxgumarü ta i pema i ngexügü rü penaxwèxe i petega pexīnūē.

6

1 Pa Buxügüx, ñuxma na Cristuarü pixīgüxü, rü name nixī i penatüga rü peega pexīnūē, erü ngēma nixī i aixcūma mexü.

2-3 Yerü yema mugü ga Tupana Moïchéna äxütanüwa rü yema mu ga nüxīra wüxi ga unetamaä Tupana nüxü ixuxü, rü ñanagürü:

“jRü tüxü nangechaü rü tüxü rüngüxèē ya cunatü rü cue na aixcūma cutaäxüxcèx rü namáxcèx i curü maxü i ñoma i nañewa!”
ñanagürü.

4 Rü pemax, Pa Papágü rü Pa Mamágüx, rü tama name i penangamare rü penanuèxèē i pexacügü. Rü name nixī i meä penayaexèē, rü peyaxucuxègü rü penangüxèē na meä tórü Coriaxü yaxögüäxüxcèx.

5 Rü pemagü, Pa Duüxügü ya Ixäärü Coriäxgüe, rü name nixī i meä naga pexīnūē i perü corigü i ñoma i nañewa. Rü penaxwèxe i nüxü pengechaügüäcūma rü nüxü pemuüèäcūma meä naga pexīnūē ñoma Cristuaxü pepuracüexürü.

6 Rü tama name ega perü corigü pexü dawenüguxicatama meä nüxü pepuracüe na ngēmaäcü pemaä nataäèxüxcèx. Natürü ñuxma na Cristuarü duüxügü pixīgüxü, rü name nixī i guxüma i perü ngüchaümaä penaxü i ngēma Tupana pexü naxwèxexü.

7 Rü ngēma puracü i perü cori pexna äxü, rü name nixī i petaäèäcūma penaxü, ñoma tórü Cori ya Ngechuchaxü pepuracüexürü. Erü aixcūma nüxü nixī i pepuracüexü rü tama i duüxügüaxü.

8 Rü name nixī i ngēmaäcü meä pepuracüe, erü nüxü pecuèx rü wüxichigü i duüxü rü woo wüxi i coriarü duüxü yixīgu rü éxna taxüxearü yixīgu, natürü tórü Cori ya Ngechuchu tá nüxü nanaxütanü naxcèx i ngēma mexü i naxüxü.

9 Rü pemax, Pa Corigüx, rü name nixī i ngēxgumarü ta meä namaä pemaxè i perü duüxügü. Rü tama name i tacü rü chixexümaä penaxüxüne. Rü nüxna pecuèxächie na pema rü ta perü duüxügürü tórü Cori ya daxügucümèxèwa na pengèxmagüxü. Rü aixcūma guxäma i yixema rü tawüxigu i napèxewa ya tórü Cori ya Cristu.

Cristuarü duüxügüarü poxürü i Tupana nüxna äxü na nügü namaä inapoxügüxcèx naxchaxwa i Chataná

10 Rü ñuxma na tórü Corimücügü pixīgüxü, Pa Chaueneègüx, rü name nixī i pegü peporaexèē na penayaxüxcèx i ngema pora i nawa ne üxü. Erü nüma rü naporaxüchi.

11 jRü pegü panaxü i guxüma i ngema poxürüügü i Tupana pexna äxü na ngēmamaä pegü ipexoxüxcèx i ngèxguma Chataná pexü womüxèèchaügu!

12 Erü tama duüxügü i taxrüü ämachixü rü äxchinaxäxümaä nixī i yigü idaixü. Natürü ngēma namaä yigü idaixü nixī i Chatanáärü duüxügü i ngoxogü i chixexügü i poraxü. Rü nümagü rü namuxüchi rü tüxü narüporamaègüchaü. Rü tama nüxü tadaugü erü naäègü nixī, natürü guxüwama nangèxmagü i ñoma i nañewa. Rü namaä inacuèx i ñoma i naäne i chixexü.

13 Rū ngēmacèx name nixī i penayauxgū i guxūma i ngēma poxūruūgū i Tupana pexna āxū, na ngēmaācū pegū īpepoxūxūcèx i ngēxguma ngēma naāēgū pexū nachixexeēchaūgu. Rū ngēmaācū tāūtāma nūxū penguxū i ngēma naāēgū i chixexū rū tá nūxū perūporamaēgū.

14 Rū ngemacèx name nixī i mea pegūna pedaugū na tama perū uwanūmēxēgu peyixūcèx. Rū penaxwae na pixaixcūmagūxū na taxuwama nachixexūcèx i perū maxū.

15 Rū name nixī i guxūguma īpememaregū na nūxū peyarūxugūexūcèx i ngema ore i ngūxmūxēeruxū.

16 Rū ngema guxūarū yexera ixīxū nixī na aixcūma Cristuaxū peyaxōgūxū na ngēmaācū pegū īpepoxūxūcèx nūxna i Chatanāne i āūcūmaxū i namaā tūxū nachixexeēchaūxū.

17 Rū name nixī i penayaxu i ngema maxū i taguma gūxū na ngemamaā pegū īpepoxūxūcèx űnoma wūxi i churara i napatēxemaā nūgū īpoxūxūrūxū. Rū ngema Tupanaarū Ore i Naāē i Ūūnexū pexna āxū, rū ngema nixī i pexne ixīxū.

18 Rū tama name i nūxū perūchaue na peyumūxēgūxū. Natūrū name nixī i guxūguma Tupanaāē i Ūūnexūārū ngūxēēmaā Tupanaxū pecèèxū. Rū penaxwae i pexuāē na taguma nūxū perūxoxūcèx. Rū ngemaācū name nixī i naxcèx peyumūxēgū i guxūma i Tupanaarū duūxūgū.

19 Rū ngēxgumarūū ta chanaxwēxe i chauxcèx peyumūxēgū na Tupana choxū rūngūxēēxūcèx rū choxna naxāāxūcèx i ngēma ore i nūma nanaxwēxexū na nūxū chixuxū. Rū chanaxwēxe i Tupanana naxcèx peca na choxū naporaxēēxūcèx na tama chamuūācūma nūxū chixuxūcèx rū mea chanangoxēēxūcèx i ngema norū ore i Cristuchiga ga noxri exūguxū i űuxma maxū tūxna āxū.

20 Rū ngēma orexū na chixuxūcèx nixī ga Tupana nūgūchicū choxū inamuxū. Rū ngēmagagu nixī i chapoxcuxū i űuxmax. Rū chanaxwēxe i chauxcèx peyumūxēgū na tama chamuūācūma meāma nūma nanaxwēxexūācūma nūxū chixuxūcèx i ngēma norū ore.

Pauru nanaguxēē ga norū popera rū wenaxārū yema duūxūgūxū narūmoxē

21 Rū taeneē ya nūxū ingechaūcū ya Tīquicu, rū chauxrūū aixcūma meāma napuracū i tōrū Coriarū puracūwa. Rū nūma tá pemaā nūxū nixu i guxūma i chauchiga na űuxācū choxū naxūpetūxū i nuā.

22 Rū ngēmacèx nixī i pexūtawa chanamuxū, na pemaā nūxū yaxuxūcèx na űuxācū toxū naxūpetūxū, na ngēmaācū pexū nataāēxēēxūcèx.

23 Pa Toeneēgū i Yaxōgūūx, chanaxwēxe i Tanatū ya Tupana rū tōrū Cori ya Ngechuchu ya Cristu pexū narū-ngūxēēgū i guxāma i pema na meā pegūmaā pemaxēxūcèx, rū aixcūma petaāēgūxūcèx, rū pegū pengechaūgūxūcèx rū meā peyaxōgūxūcèx.

24 Rū chanaxwēxe i Tanatū ya Tupana nūxū narūngūxēē i guxūma i ngēma duūxūgū i aixcūmaxūchi tōrū Cori ya Ngechuchu ya Cristuxū ngechaūgūxū. Rū ngēmaācū yīi.

Rū nuāma pexna,
Pauru

POPERA GA PIRIPUWA YEXMAGŪXŪ GA YAXŌGŪXŪTANŪWA NAMUXŪ GA PAURU

Pauru rü nüxŭ narŭmoxē ga yema yaxŏgŭxŭ ga Piripuwa yexmagŭxŭ

¹ Pa Toeneēgŭ ya Piripuwa Ngēxmagŭxex, choma i Pauru rü namaā i taeneē i Timutēu nixŭ i pexcēx tanaxŭmatŭxŭ i űaā popera. Rŭ toma rü Ngechuchu ya Cristuarŭ puracŭtanŭxŭ tixŭgŭ. Rŭ pexcēx tanaxŭmatŭ i pema i yaxŏgŭxŭārŭ āēxgacŭgŭ na pixŭgŭxŭ, rŭ pema i tupaucawa ngŭxēetaeruŭgŭ na pixŭgŭxŭ, rŭ guxāma i pema i Ngechuchu ya Cristuaxŭ yaxŏgŭxe.

² Rŭ chanaxwēxe i Tanatŭ ya Tupana rŭ tŏrŭ Cori ya Ngechuchu ya Cristu poraācŭ pexŭ narŭngŭxēē rŭ pexŭ nataāēxēē.

Pauru rŭ yema yaxŏgŭxŭcēx nayumŭxē

³ Rŭ guxŭguma i ngēxguma pexna chacuēxāchigu rŭ Tupanana moxē chaxā i pexcēx.

⁴ Rŭ ngēxguma chayumŭxēgux, rŭ guxŭguma chataāēācŭma pexcēx chayumŭxē i guxāma i pemax.

⁵ Erŭ pema rŭ noxritama Tupanaārŭ orexŭ pexŭnŭēgumama rŭ poraācŭ choxŭ perŭngŭxēē na nüxŭ chixuxŭcēx i norŭ ore i mexŭ. Rŭ űuxma rŭ ta choxŭ perŭngŭxēēgŭecha.

⁶ Rŭ Tupana rŭ marŭ inanaxŭgŭ i wŭxi i mexŭ i puracŭ i perŭ maxŭwa. Rŭ nüxŭ chacuēx rŭ nŭma rŭ guxŭgutāma nanaxŭecha i ngēma puracŭ űuxmatāta yanguxēē i ngēxguma űnanguxgu ya Ngechuchu ya Cristu.

⁷ Rŭ aixcŭma name na ngēmaācŭ pemaā nagu charŭxŭnŭxŭ, erŭ poraācŭ pexŭ changechaŭ rŭ aixcŭma Tupana wŭxigu tŭxŭ narŭngŭxēē i guxāma i yixema. Rŭ woo űuxma na chapoxcuxŭ rŭ ēxna ega āēxgacŭgŭpēxewa choxŭ nagagŭgu, rŭ Tupana choxŭ narŭngŭxēē i ngēxguma norŭ ore i mexŭtŭwa chideaxgu rŭ namaā nüxŭ chixuxgu i āēxgacŭgŭ na aixcŭma yŭxŭ i ngēma orewa nüxŭ iyarŭngauxŭ i tŏrŭ maxŭ i taguma gŭxŭ. Rŭ nüxŭ chacuēx rŭ ngēma choxŭ nangŭxēēxŭācŭma, rŭ pexŭ rŭ ta narŭngŭxēē.

⁸ Rŭ Tupana nüxŭ nacuēx na űuxācŭ poraācŭ pexŭ chadauxchaŭxŭ rŭ pexŭ na changechaŭxŭ i guxāma i pemax, ngēma Ngechuchu ya Cristu pexŭ na ngechaŭxŭrŭ.

⁹ Rŭ chorŭ yumŭxēwa naxcēx űchaca na yexeraācŭ pegŭ pengechaŭgŭxŭcēx rŭ Tupanaxŭ pengechaŭgŭxŭcēx. Rŭ naxcēx űchaca na yexeraācŭ nüxŭ pecuāxŭcēx i guxŭma i Tupanachiga rŭ yexeraācŭ nüxŭ pecuāxŭcēx na űuxācŭ nanaxwēxexŭ na naxcēx pemaxēxŭ.

¹⁰ Rŭ ngēmaācŭ pexcēx chayumŭxē erŭ chanaxwēxe na meā penangugŭxŭ i űacŭ nixŭ i aixcŭma mexŭ i Tupanapēxewa na penaxŭxŭcēx i ngēma. Rŭ chanaxwēxe na aixcŭma namexŭ i perŭ maxŭ na taxucēxma űacŭcēx Tupana pexna çaxŭcēx i ngēxguma űnanguxgu ya Cristu.

¹¹ Rŭ naxcēx űchaca na Ngechuchu ya Cristu pexŭ narŭngŭxēēxŭ na aixcŭma namexŭcēx i perŭ maxŭ rŭ aixcŭma penaxŭxŭcēx i ngēma Tupanapēxewa mexŭ na ngēmaācŭ meā pemaxēācŭma Tupanaxŭ picuēxŭgŭxŭcēx.

Chauxcēx rŭ Cristuarŭ ngŭchaŭ na chaxŭxŭcēx nixŭ i chamaxŭxŭ

12 Pa Chaueneēgūx, rü chanaxwèxe i nüxü pecuèx rü guxüma i ngēma choxü üpetüxü, rü aixcüma ngēmaācü choxü naxüpetü na yexeraācü natachigaxüxcèx i Tupanaärü ore i mexü.

13 Rü ñuxma i núma rü guxüma i churaragü i ãëxgacüpataarü dauruügu rü guxüma i togü rü ta nüxü nacuèxgü na chapoxcuxü naxcèx na Cristuarü duüxü chíxü.

14 Rü ñuxma na chapoxcuxü rü muxüma i taeneēgü i yaxōgüxü rü tama namuēācüma nüxü nangüchaü na nüxü yaxugüexü i Tupanaärü ore i mexü. Rü yexeraācü tōrü Coriaxü nayaxōgü.

15 Rü aixcüma nixi i ñuxre i duüxügu rü togüxü na yaxāüxächixēēxüxcèxmare nüxü nixugüexü i Cristuchiga, erü togüxü narüyexerachaü. Natürü nangēxma i togü i duüxügu i aixcüma mexügu naxinüēācüma meā nüxü ixugüexü i ngēma ore.

16 Rü ñuxre i duüxügu rü Cristuchigaxü nixugüe erü choxü nangechaügu rü nüxü nacuèxgü na Tupana nuxma choxü muxü na ichanapoxüxcèx i norü ore i mexü.

17 Natürü nangēxma i togü i noxrütama ngüchaüxcèx daugüxü rü ngēmacèx nüxü ixugüexü i ngēma ore. Rü nūmagü rü tama mexügu narüxünüē, natürü naxcèx nadaugü na yexeraācü choxü naguxchaxēēgüāxü i ñuxma na chapoxcuxü.

18-19 Natürü nüētama nixi ega woo ngēmaācü yixiġu. Erü woo mexü i norü ngüchaümaā yixiġu rü ēxna tama, natürü Cristuchigaxü nixugüe. Rü ngēma rü wüxi i taāē nixi i chauxcèx. Rü guxügutáma chataāēēcha erü nüxü chacuèx rü guxüma i ngēma rü chorü mexüxcé tá nixi erü chauxcèx peyumüxēgü rü choxü narüngüxēē i Tupanaāē i Üünexü i Ngechuchu ya Cristuxü rüngüxēēxü.

20 Rü ngēma poraācü chanaxwèxexü nixi na taguma tacü rü chixexü chaxüxü na taxucèxma chaugüxcèx chaxānèxüxcèx. Rü chanaxwèxe i guxüguma ichamemare na guxāpèxewa tama chamuēācüma Cristuchigaxü chixuxü. Rü ñuxma na chamaxüxü rü woo chayuxgu rü chanaxwæe i guxüguma aixrügumarüütama chaugagu Cristuxü nicuēüüġü i duüxügu.

21 Erü chauxcèx rü Cristuarü ngüchaü na chaxüxcèx nixi i na chamaxüxü. Natürü ngēxguma chayuxgux rü ngēma rü ta name, erü Cristuxütawa tá changēxma i ngēxguma.

22 Natürü tama nüxü chacuèx i tacü nixi i rümemaèxü i chauxcèx, ngēma na chayuxü rü ēxna na chamaxüxü. Erü ñuxma na chamaxüxü rü choxü natauxcha na chanaxüxü i tōrü Coriarü puracü.

23 Rü ngēmacèx tama nüxü chacuèx na tacü yixü i chauxcèx rümemaèxü i ngēma taxrewa. Erü ñuxguacü rü chanaxwèxe na chayuxü na Cristuxütawa changēxmaxüxcèx. Rü ngēma nixi i aixcüma yexera rümemaèxü i chauxcèx.

24 Natürü i pexcèx rü nagu charüxñü rü narümemaē nixi na ñoma i chaxunemaātama na chamaxüxü na ngēmaācü pexü charüngüxēēxüxcèx.

25 Rü ñuxma na aixcüma meā nüxü chacuáxü na pechoxwèxexü, rü ngēmawa nüxü chacuèx na tātáma paxa chayuxü. Rü ngēmaācü tá chamaxāma na pexü charüngüxēēxüxcèx na yexeraācü Cristucèx pemaxēxüxcèx rü yexeraācü taēācüma nüxü peyaxōgüxüxcèx.

26 Rü ngēmaācü wena táxarü petanüwa changēxma. Rü ngēxguma wena choxü pedaugügu rü aixcüma tá petaāēgü erü tá pexü nangēxma na tacüxcèx Ngechuchu ya Cristuxü picuèxüüġüxü.

²⁷ Rū ngēma guxūārū yexera rümemaēxū nixī na naxcèx pedauxū na meā pemaēxū, ngēma Cristuarū ore pemaā nūxū ixuxūrūū. Rū ngēxguma petanūwa chaxūxgu rū ēxna woo tama ngema chaxūxgu, natūrū nūxū chaxīnūchaū na guxāma wūxigu pegū peporaexēēxū na taguma nūxū perūchaxūcèx na aixcūma peyaxōgūxū, rū ngēmaācū Tupanaāxū pepuracūexū na yexeraācū yaxūchigūxūcèx i norū ore i mexū.

²⁸ Rū ngēmacèx penaxwèxe i tama texéxū pemuūēācūma nūxū pixugūama i ngēma ore. Rū ngēma na tama nūxū pemuūēxū rū ngēma rū wūxi i cuèxruū tá nixī nūxū i perū uwanūgū. Rū ngēmawa tá nūxū nacuèxgū na poxcuwa tá naxīxū i nūmagū natūrū pema rū tá maxūwa na pexīxū. Rū Tupana tá nixī ya pexū rūngūxēēcū na tama nūxū pemuūēxūcèx i ngēma perū uwanūgū.

²⁹ Rū Tupanaga nixī na Cristuaxū peyaxōgūxū. Rū ngēxgumarūū ta naga nixī na Cristucèx ngūxū pingegūxū. Rū ngēma rū wūxi i ngūxēē nixī i pexna naxāxū ya Tupana.

³⁰ Pema rū choma rū wūxigu Tupanaārū puracūwa tangēxmagū, rū tanaxūama i ngēma puracū ega woo texé tūxū naguxchaxēēgux. Rū ūpa rū marū choxū pedau na űuxācū meā chanaxūxū i ngēma puracū, rū űuxma rū ta nūxū picuāchiga na űuxācū chanaxūamaxū woo namu i chorū guxchaxūgū.

2

Cristu rū űoma taxuūma yīxūrūū nūgū nixīxēē rū yemacèx ga Tupana rū guxūārū āēxgacūxū nayaxīxēē

¹ Rū dūcax, Pa Chaueneēgūx, rū űuxma na Cristuarū duūxūgū pixīgūxū, ĵrū aixcūma yīxū i nūma pexū nataāēxēēxū? ĵRū aixcūma yīxū i petaāēgūxū erū nūma pexū nangechaū? ĵRū aixcūma yīxū i Tupanaāē i Ūūnexū pexūtawa ngēxmaxū? ĵRū aixcūma yīxū i pegū pengechaūgūxū rū pegūxū pengechaūtūmūgūxū?

² Rū ngēxguma chi ngēmaācū yixīgu, rū chanaxwèxe i guxāma wūxigu perūxīnūē, rū aixcūma guxāma pegū pengechaūgū, rū aixcūma guxāma űoma wūxitama piixūrūū na yīxū i peāē, rū guxāma wūxitama i ngūchaūcèx pedau. Rū ngēxguma ngēmaācū pemaxēgu rū wūxi i chorū taāē tá nixī.

³ Rū tama name na togūarū yexera pegū pixīgūxēēxū rū pegū picuèxūxūgūxū. Natūrū narūmemae nixī i nagu perūxīnūēxū na ngema togū rū perū yexera nūxū nacuēgūxū.

⁴ ĵRū tama pegūguxicatama perūxīnūē, natūrū pegū peporaexēē na togūxū perūngūxēēgūxūcèx!

⁵ Rū name nixī ga yema Ngechuchu ya Cristu nagu rūxīnūxūgu na perūxīnūēxū i pema.

⁶ Yerū nūma rū woo ga Tupanaxūchi na yīxū, natūrū tama nūgū nicuèxūxū na Tupana yixīxū.

⁷⁻⁸ Rū yemacèx yēma nanatèx ga norū mexūgū ga daxūgūxū ga naānewa. Rū wūxi i duūxū i togūaxū puracūxūrūū nūgū nixīxēē. Rū űoma wūxi i duūxūrūū űoma ga naānegu nabu. Rū yexguma marū duūxū yixīgu ga nūmax, rū űoma taxuūma yīxūrūū nūgū nixīxēē. Rū Tupanaga naxīnū, rū yemaācū curuchagu nayu woo wūxi ga ānexūchi na yīxū ga yema.

⁹ Rū yemacèx ga Tupana rū guxūētūwa nanangexmaxēē rū nayangu-cuchixēē na guxūma i āēxgacūgūētūwa nangēxmaxūcèx.

¹⁰ Rū yemaācū nanaxū ga Tupana na Ngechuchupēxegu tacaxāpūxūgūxūcèx rū nūxū ticuèxūūgūxūcèx ya guxāma ya texé ya

daxūguxū i naānewa ngēxmagūxe, rü guxāma i ñoma i naānewa ngēxmagūxe, rü guxāma ya texé ya marū yuexe.

11 Rü yemaācü Tupana āēxgacūxū nayaixēē na guxāma nūxū ixuxūcēx na tórū Cori yīxū ya Ngechuchu ya Cristu rü ngēmaācü nūxū icuēxūgūxūcēx ya Tanatū ya Tupana.

Cristuarū duīxūgū rü ñoma omūgūrūl nixīgū i natanūwa i ngēma duīxūgū i tama yaxōgūxū

12 Rü ñuxma na nūxū pecuáxū na ñuxācü Nanatūga naxīnūxū ga Cristu, rü chanaxwēxe i chauga pexīnūē, Pa Chaueneēgū ya Pexū Changechaūgūxe. Rü yēma petanūwa chayexmagu chauga na pexīnūēxūrū yexera chanaxwēxe i chauga pexīnūē i ñuxma na tama petanūwa changēxmaxū. Rü chanaxwēxe i Tupanaxū pemuēācüma naxcēx pedaugūama i perū maxū i taguma gūxū.

13 Erū Tupana nixī ya perū maxūwa puracūcü na mexūgu perūxīnūēxūcēx. Rü nūma nixī i pexū nangūxēēxū na naga pexīnūēxūcēx rü peyanguxēēxūcēx i ngema norū ngūchaxū.

14 Rü guxūma i ngema Tupanacēx pexūxūwa rü tama name i oōcü penaxū rü pegū naxcēx pechoxūgagū!

15-16 Rü name i ngēmaācü meā pemaxē na taxúema tacū rü chixexūxū pewa iyangauxūcēx. Rü penaxwēxe i mexū i Tupanaxācügū pixīgū i natanūwa i ngēma duīxūgū i chixexū rü chixēāēgūmarexū. Rü ngēxguma ngēma duīxūgūmaā nūxū pixugūyane i ngēma ore i mexū i tūxū maxēxēēxū, rü yoxni natanūwa rü ñoma woramacurigū ya ēānexūwa ibáixgücūrūl tá pixīgū. Rü ngēmaācü i ngēxguma wena nūma naxūxgu ya Cristu rü poraācü tá pemaā chataāē erū tá nūxū chadau na tama natūcēxmamare yīxū ga yema puracū ga petanūwa chaxūxū.

17 Rü ngēma ñuxma na meā peyaxōgūxū, rü ngēma nixī i perū āmare i Tupanana pexāxū. Rü ngēma na meā yanguxūcēx i ngēma perū āmare i Tupanapēxewa, rü choma rü íchamemare na Tupanacēx ichanaxāxū i chorū maxū rü chayuxū. Rü ngēmacēx woo chayuxgu rü wūxi i taēē tá nixī i chauxcēx. Rü chanaxwēxe i pemagū rü tá ngēmacēx wūxigu chomaā petaāēgū.

18 Rü ngēmacēx ega ngēma ore i mexūcēx chayuxgux, rü tama name na pengechaūgūxū natūrū chanaxwēxe na wūxigu chomaā petaāēgūxū.

Timutéu rü Eporu- dítuchiga

19 Rü ngēxguma tórū Cori ya Ngechuchu naxwēxegu rü paxa petanūwa chanamuēga ya taeneē ya Timutéu na pexū na íyadauxūcēx rü chataāēxūcēx i ngēxguma nūma nangeāgu i pechiga.

20 Rü aixcūma nataxuma i to i chorū ngūxēēruū i choma nagu charūxīnūxūgu rūxīnūxū, rü Timutéuxicatama nixī. Rü nataxuma i to i naxrūl aixcūma pegu rūxīnūxū rü pexū rūngūxēēchaūxū.

21 Erū guxūma i togū rü naxcēx nadaugū i noxrūtama ngūchaūgū, rü tama aixcūma nagu narūxīnūē i ngēma Ngechuchu ya Cristuarū ngūchaū.

22 Natūrū i pema rü marū nūxū pecuēx na ñuxācü meā namaxūxū i Timutéu, rü ñuxācü choxū nangūxēēxū i Tupanaārū orearū uchigawa, ñoma wūxi i buxū i nanatūxū rūngūxēēxūrūl.

23 Rü ngēmacēx i ngēxguma nūxū chacuēxgu na ñuxācü tá choxū na naxūpetūxū i nūma, rü ñuxūchi ngema petanūwa chanamuxchaū i Timutéu na pexū íyadauxūcēx.

24 Rū ngēxgumarūl ta nagu charūxīnū rū tórū Cori rū aixcūma tá choxū narūngūxēē na chomatama ngema petanūwa íchayadauxūcēx.

25 Rū ngēxgumarūl ta chauxcēx name nixī i ngema petanūwa chanamuxū i taeneē i Eaporudítu. Rū nūma nixī ga pematama chauxcēx nūma penamuxū na choxū nangūxēēxūcēx. Rū nūma rū chomūcū nixī i Tupanaārū puracūwa, rū poraācū choxū narūngūxēē i Tupanaārū orearū uwa.

26 Rū poraācū nūxū nangūchaūl na pexū íyadauxū i guxāma i pemax. Rū poraācū naxoegaāē, yerū pema rū nūxū pecuáchiga ga na yaḍaawexū ga nūmax.

27 Rū aixcūma nixī ga na yaḍaawexū, rū wixguxūchi taēx nayu. Natūrū Tupanaāxū nangechaūtūmūl rū choma rū ta nūxūl changechaūtūmūl, rū yemacēx naxcēx nayataanexēē na tama yexeraācū changechaūxūcēx.

28 Rū ngēmacēx rū yexeraācū chanaxwēxe na paxa petanūwa chanamuxū i Eaporudítu, na pema rū petaāēgūxūcēx i ngēxguma wena nūxū pedaugūgu. Rū ngēxguma i choma rū tá ta chataāē i ngēxguma nūxū chacuēxgu na petanūwa nangēxmaxū na pexū nangūxēēxūcēx.

29 Rū chanaxwēxe i tórū Coriéagu petaāēgūācūma meā penayaxu erū peeneē nixī. Rū name nixī i nūxūl pengechaūgū i guxūma i ngēma duūxūgū i Eaporudíturūl ixīgūxūl.

30 Yerū nūma ga Eaporudítu rū yema na poraācū nawa napuracūxū ga Cristuarū puracū, rū yemacēx wixguxūchi taēx nayu. Rū āucūmaxūwa nūgū nayexmaxēē na pechicūl choxū nangūxēēxūcēx.

3

Ngēma na Cristuxūl icuáxūl rū ngēma nixī i guxūārū yexera rūmemaēxūl

1 Rū nūxma Pa Chaueneēgūx, rū chanaxwēxe i petaāēgū erū tórū Coriarū duūxūgū pixīgū. Rū yema ore ga noxri pexcēx chaxūmatūxūl rū tama choxū nawēxtūmūl na wena pexcēx chanaxūmatūxūl erū aixcūma pexū name i ngēma ore.

2 ¡Rū pegūna pedēux nūxna i ngēma duūxūgū i chixri maxēxūl rū chixexūmaā pexū ixucūxēgūxūl! Rū nūmagū nixī i nūxūl yaxugūexūl rū ngēxguma tama yīgū íiwiechēxmūpēxechiraūgu, rū taxucūrūwama Tupanapēxewa time.

3 Natūrū yīxema aixcūma Tupanapēxewa imexē, rū yixema tixīgū. Rū Tupanaxūl tīcūxūūgū i Naāē i Ūūnexūārū ngūxēēmaā. Rū tataāēgū erū Ngechuchu ya Cristuarū duūxūgū tixīgū. Rū tama tayaxōgū na ngēma yīgū íiwiechēxmūpēxechiraūxūcēx Tupanapēxewa imexūl.

4 Rū choma chi waxi nixī i guxūl i togūarū yexera chayaxōxūl i ngēma wiechēxmūpēxechiraūchiga. Rū tataxu chima ya togue ya texē chauxrūl yaxōxē i ngēmachiga.

5 Yerū yexguma 8 ga ngunexū chauētū yixīgū ga na chabuxūl, rū choxū ínawiechēxmūpēxechiraūgū, erū Yudíu chixī. Rū Beyamítanūxūl chixī. Rū chaunatū rū chauē rū Yudíugū tixīgū, rū ngēmacēx i choma rū Yudíuxūchi chixī. Rū choma rū Parichēuchirēx chixī, rū pema nūxūl pecuēx rū ngēma Parichēgūl rū meāma nanaxaure i Tupanaārū mugū ga Moíché ūmatūxūl.

6 Rū yema na meā chayanguxēēchaūxūcēx ga yema mugū ga Moíché ūmatūxūl, rū yemacēx nawe chīngēchīgū ga yema duūxūgū ga Ngechuchuxūl yaxōgūxūl. Rū yema na aixcūma meā chanaxaurexūcēx ga yema mugū ga Moíché ūmatūxūl, rū yemacēx taxucūrūwama taxé chauchigaxūl tixu ga tama na chaxaurexūl.

⁷ Natürü guxūma ga yema ūpa chauxcèx mexū, rü ñuxma rü taxuwama choxū name erü marü íchanatèx na Cristuaxūīcatama chayaxōxūcèx.

⁸ Rū ñuxma na Ngechuchu ya Cristu ya chorü Corixū na chacuáxū, rü chauxcèx rü guxūma ga yema ūpa nagu chixūxū rü taxuwama name, erü ngēma na Cristuxū na chacuáxū rü guxūārū yexera narūmemaē. Rū guxūma ga yema mugū ga noxri nagu chixūxū rü marü nūxū charūxo na Cristuwe charūxūxūcèx. Rū chauxcèx rü ñoma guxchirerū nixī ga yema ūpa nagu chixūxū ega Cristumaā nūgū chananguxgu.

⁹ Rū yemaācū nūxū charūxo ga guxūma nagagu ga yema na Cristuarū duūxū na chíxūcèx. Rū ñuxma rü Tupanapēxewa chame erü Cristuaxū chayaxō. Rū tama ngēma na chamecūmaxūcèx rü ēxna mugū chaxaurexūcèx nixī na chamexū i napēxewa. Natürü ngēma na Cristuaxū chayaxōxūcèx nixī i nūgūcèx choxū namexēēxū ya Tupana.

¹⁰⁻¹¹ Rū ngēma ñuxma chanaxwēxexū nixī na aixcūma Cristuxū chacuáxū rü chowa na nangēxmaxū i ngēma pora ga wena Cristuxū írūdaxēēxū i ñuxma nūxū ngēxmaxū. Rū yema ngúxū na yangexū ga nūma rü na nayuxū rü ngēxgumarūītama chanaxwēxe i íchamemare na naxcèx ngúxū chingexū rü naxcèx chayuxū na yixcama choma rü ta yuwa ícharūdaxūcèx.

Pauru naxcèx nadau na Cristucèx namaxūxū ñuxmatáta Tupanax- ūtawa nangu

¹² Rū ñuxma na ngēma ñachaxū pemaā rü tama chanaxwēxe i nagu perūxīnūē na guxūxū chacuáxū i Cristuchiga, rü ēxna guxūwama na chamexū. Natürü guxū i ngunexūgu rü naxcèx chadauama na Ngechuchu ya Cristuarū ngúchaū na chaxūxūcèx, yerü yemacèx nixī ga nūma ga chauxcèx nadauxū ga noxrix.

¹³ Pa Chaueneēgūx, pemaā nūxū chixu rü chomatama meāma nūxū chacuèx rü ñuxma rü ta tautama nawa changu i ngēma naxcèx chadauxū. Natürü i ñuxma rü marü nūxū icharūngūma i guxūma ga yema noxri nagu chixūxū. Rū ñuxma rü chaugū chaporaxēē na aixcūma Cristucèx na chamaxūxū na nawa changuxūcèx i ngēma maxū i chopēxewaama ngēxmaxū.

¹⁴ Rū ngēmacèx i ñuxma rü naxcèx chadau na aixcūma Cristucèx chamaxūxū ñuxmatáta Tupanaxūtawa changu. Erü chanayauxchaū i ngēma āmare i nūma daxūguxū i naānewa naxcèx taxcèx nangemaxū i yixema na Ngechuchu ya Cristuarū duūxūgū ixīgūxū.

¹⁵ Rū guxāma i yixema na aixcūma Cristuaxū yaxōgūxū, rü name nixī i ngēmaācū nagu tarūxīnūē. Natürü ngēxguma chi texé i petanūwa toguama tarūxīnūgu, rü Tupana tá tūxū nūxū nacuèxēē i ngēma nūma nanaxwēxexū na nūxū tacuáxū.

¹⁶ Rū ngēma inaxwēxexū nixī na aixcūma naga ixīnūēēchaxū rü meāma nagu ixīxū i ngēma ore i marü nūxū icuáxū.

¹⁷ Pa Chaueneēgūx, chanaxwēxe i chauxrūū nagu pexī i ngēma pexū nūxū chadauxēēxū na namexū. ¡Rū penangugū na ñuxācū meā namaxēxū i ngēma togū i duūxūgū i toma tamaxēxūācūma maxēxū!

¹⁸ Rū marü muēxpūxcūna pemaā nūxū chixu, rü ñuxma rü changechaūācūma rü chaxauxācūma wena pemaā nūxū chixu rü nangēxma i muxūma i duūxūgū i Cristuarū uwanūrūūācūma maxēxū. Rū nūmagū rü tama nūxū nacuèxgūchaū na Cristu curuchagu naxcèx yuxū.

¹⁹ Natürü ngēma duūxūgū rü tá düxwa Tupana nanapoxcue. Rü ngēma naxūneärü ngūchaū nixī i namaā natupanaāxū. Rü woo nüxū nacuēxchirēx na wūxi i āne na yīxū i ngēma chixexū natürü namaā nataāēgūama. Rü űoma i naāneärü ngēmaxūguxicatama narūxīnūē.

²⁰ Natürü i yixema rü daxūguxū i naānewa tūxū nangēxma i tachica. Rü itananguxēē na daxūguxū i naānewa taxcēx ne naxūxū ya tórü Cori ya Ngechuchu ya Cristu ya tórü Maxēxēēruū.

²¹ Rü űaā taxūne i yuxwēxexū rü nūma ya Cristu tá nanaxūchicūü na naxūne i mexēchixūrūū yīxūcēx. Rü ngēma norū pora i namaā guxūdetūwa nangēxmaxū, rü ngēmamaātama tá nanaxūchicūü i taxūne na noxrūrūū yīxūcēx.

4

Ñuxma na tórü Coriarü ixīgūxū rü name nixī na guxūguma namaā itaāēgūxū

¹ Pa Chaueneēgūx, rü pexū changechaxū rü poraācū pexū íchayadauxchaxū. Rü ngēma pemaā nüxū chixuxūrūū chanaxwēxe i meā tórü Coricēx pemaxē erū pema nixī i chorū taāē rü chorū āmare i Tupana choxna āxū pixīgūxū.

² Rü nüxū chacēēxū i taeyēxgū i Ebódia rü Chitique na nūgūmaā nangūxmūēxūcēx, erū nūmagū rü tórü Corixacūgū nixīgū.

³ Rü cumax, Pa Chomūcū ya Mecū i Wūxigu Tupanaārū Puracūwa Chomaā Puracūcūx, rü cuxna naxcēx chaca na nüxū curūngūxēēxūcēx i ngēma taxre i taeyēxgū, erū nūmagū rü wūxigu chomaā rü Cremetemaā rü ngēma togū i chomūcūgū i Tupanaārū poperawa marū ngoxégagūxūmaā napuracūe i Tupanaārū orearū uwa.

⁴ Rü űuxma na tórü Coriarū pixīgūxū, Pa Chaueneēgūx, rü name nixī i guxūguma namaā petaāēgū. Rü wena pemaā nüxū chixu, rü ¡petaāēgū!

⁵ Rü chanaxwēxe i meā pemaxē na guxūma i duūxūgū pexū nacuēxgūxūcēx na aixcūma mexū i duūxūgū na pixīgūxū. ¡Rü nūxna pecuēxāchie na tórü Cori rü paxa tá nataeguxū na nūma naxūxū!

⁶ ¡Rü taxucēxma penaxīxāchiāēgū! ¡Rü Tupanamaā nüxū pixu i perū yumūxēwa i guxūma i ¡tacū i pexū ngupetūxū! ¡Rü naxcēx ¡peca rü moxē nūxna pexā!

⁷ Rü ngēmaācū i nūma ya Tupana rü tá pexū nataāēxēē namaā i wūxi i taāē i mexēchixū i guxūma i taāē i nüxū icuáxūlārū yexera mexēchixū. Rü űuxma na Ngechuchu ya Cristuarū duūxūgū pixīgūxū, rü ngēma taāē i Tupana pexna āxū rü tá nūxna pexū ínapoxū i ngēma chixexū i nagu perūxīnūēchaxū.

Name nixī i nagu tarūxīnūē i guxūma i ¡tacū i aixcūma mexū ixīxū

⁸ Rü űuxma Pa Chaueneēgūx, rü name nixī i nagu perūxīnūē i guxūma i ngēma ore i aixcūma ixīxū, rü guxūma i ngēma nacūma i taxucūrūwama texē chixri nachiga ídexaxū. Rü name nixī i nagu perūxīnūē i guxūma i ngēma ore i aixcūma meā iwēxū rü guxūma i ngēma Tupanapēxewa mexū, rü guxūma i ngēma mexū i duūxūgū namaā taāēxū, rü guxūma i ngēma mexū i Tupanaxū naxcēx icuēxūxūgūxū. Rü name nixī i ngēmagu perūxīnūē.

⁹ Rü chanaxwēxe i aixcūma penaxū i ngēma pexū changūxēēxū, rü ngēma pexū namaā chixucuxēgūxū, rü ngēma chauxūtawa nüxū pexīnūēxū, rü ngēma chauxūtawa nüxū pedauxū na chanaxūxū. Rü ngēxguma ngēmaācū pemaxēgū rü pemaā tá inarūxāūx ya Tupana ya tamaā irūngūxmūcū rü tūxū taāēxēcū.

Yema Piripucūāx ga yaxōgūxū rü dīerumaā Pauruxū narūngūxēēgū

10 Rū ñuxma na chorü Coriarü chīixū, rū poraācū chataāē erü wenaxārū choxna pecuēxāchie rū choxū perüngūxēē. Rū choma nūxū chacuēx rū pema rū guxūguma choxū perüngūxēēchaū, natürü taguma pexū natauxcha ga na penaxūxū ga yema.

11 Rū tama ngēma na tacū choxū taxuxūcēx nixī i pemaā nūxū chixuxū i ngēmachiga. Erü choma rū marū chomaā nixū na namaā chataāēxū i ngēma choxū ngēmaxū.

12 Rū nūxū chacuēx na ñuxācū na yīixū ega guxū choxū tauygux, rū nūxū chacuēx na ñuxācū na yīixū ega choxū namuxūchixgu. Rū marū chomaā nixū na namaā chataāēxū i ngēma choxū ngēmaxū woo changaxpütüwegu, rū ēxna woo chataiyaxgu, rū ēxna woo choxū namuxūchixgu rū ēxna woo choxū natauxguma.

13 Rū Cristu nixī ya choxū poraxēēcū, rū ngēmacēx chomaā nanguxū na chanaxūxū i guxūma i ngēma Tupana naxwēxexū na chanaxūxū.

14 Natürü ga pema rū wūxi ga mexū choxū pexūgū ga yexguma guxchaxūwa chayexmagu rū choxū perüngūxēē.

15 Rū pema, Pa Yaxōgūxū i Piripucūāx, rū meāma nūxū pecuēx rū yexguma noxri Machedóniāānewa nūxū chixuxgu ga Tupanaārū ore, rū yexguma yéma íchaxūxūgu, rū pexicatama nixī ga āmare choxna pexāxū naxcēx ga yema ngūxēē ga chauxūtawa peyaxuxū.

16 Rū yexguma Techarónicaarū iānewa chayexmayane, rū pema rū yéma chauxcēx penamugū ga perü āmare na choxū perüngūxēēgūxūcēx. Rū tama nixī ga yexgumaríca choxū perüngūxēēxū.

17 Rū woo perü āmaremaā chataāē, natürü yexeraācū chataāē erü ngēma choxū na perüngūxēēgūxūcēx rū Tupana tá āmare pexna naxā.

18 Rū ñuxma rū marū choxū nangēxma i guxūma i tacū i chanaxwēxexū, rū aixcūma ngēmaārū yexera choxū nangēxma. Rū ñuxma na Epaporudítu nūma nangexū i perü āmare, rū taxuūma choxū nataxu. Rū ngēma perü āmare i chauxcēx nūma pemuxū, rū Tupanapēxewa rū ñoma wūxi i pumara i yixixūrūxū nixī, rū nūma rū poraācū namaā nataāē.

19 Rū ngēmacēx ya chorü Tupana rū norü ngēmaxūgū i mexēchixūwa tá pexna nanaxā i guxūma i tacū i pexū taxuxū. Rū ngēmaācū tá nanaxū erü Ngechuchu ya Cristuarū duūxūgū pixīgū.

20 Rū name nixī i guxūguma nūxū ticuēxūgū ya Tanatū ya Tupana. Rū ngēmaācū yīi.

Pauru nanaguxēē ga norü popera rū wenaxārū yema duūxūgūxū narūmoxē

21 Rū chanaxwēxe i chauégagu nūxū perūmoxēgū i guxūma i taeneēgū i Ngechuchu ya Cristuaxū yaxōgūxū. Rū ngēxgumarūū ta pexū narūmoxēgū i ngēma taeneēgū i chauxūtawa ngēxmagūxū.

22 Rū ngēxgumarūū ta pexū narūmoxēgū i guxūma i taeneēgū i nūma Dumawa ngēxmagūxū. Rū ngēma yexera pexū rūmoxēgūxū rū ngēma nixī i taeneēgū i Dumaārū āēxgacū ya tacūxū-tawa puracūxū.

23 Rū chanaxwēxe i tórū Cori ya Ngechuchu ya Cristu pexū narüngūxēē i guxūma i pemax. Rū ngēmaācū yīi.

Rū nuāma pexna,
Pauru

POPERA GA COROCHAWA YEXMAGŪXŪ GA YAXŌGŪXŪTANŪWA NAMUXŪ GA PAURU

Pauru rü nüxü narümoxē ga yema yaxōgūxū ga Corochawa yexmagūxū

1-2 Pa Chaueneēgū ya Corochaarū Īānewa Ngēxmagūxex, choma i Pauru rü wūxigu namaā i taeneē i Timutéu nixī i pexcēx tanaxūmatūxū i ñāa popera. Rü choxū nixī ga Tupana ga inamuāchixū na guxūwama nüxū chixuchigūxūcēx i Ngechuchu ya Cristuarū ore. Rü pexcēx chanaxūmatū i guxāma i pema ya chaueneēgū ya aixcūma Tupanaarū duūxūgū ixīgūxe ya Cristuaxū yaxōgūxe. Rü chanaxwēxe i Tanatū ya Tupana pexū narūngūxēē na meā pegūmaā pemaxēxūcēx rü petaāēgūxūcēx.

Pauru rü yema yaxōgūxūcēx nayumūxē

3 Rü guxūguma i ngēxguma pexcēx tayumūxēgūgu, rü moxē nüxna taxā ya Tupana ya Nanatū ya tōrū Cori ya Ngechuchu ya Cristu.

4 Rü ngēmaācū tanaxū erū marū nüxū tacuāchiga na ñuxācū aixcūma meā Ngechuchu ya Cristuaxū peyaxōgūxū, rü aixcūma nüxū pengechaūgūxū i guxūma i ngēma duūxūgū i Tupanaarū ixīgūxū.

5 Rü nüxū tacuēxgū na ngēmaācū meā Tupanapēxewa pemaxēxū erū penayauxgūchaū i ngēma mexūgū i Tupana pexū namaā nguxūxū i daxūguxū i ñānewa. Rü ñuxma rü meā ĩpenanguxēē na penayauxgūxūcēx i ngēma mexūgū yerū marū nüxū pexīnūē ga Tupanaarū ore i mexū i aixcūma ixīxū.

6 Rü ngēmatama ore i mexū ga pexūtawa nguxū, rü guxūwama nangu i ñuxmax. Rü guxūwama ningūchigū rü duūxūgūarū maxūxū naxūchicūū, yema perū maxūxū na naxūchicūūxūrūū ga yexguma nüxū pexīnūēgu rü nüxū pecuēxgūgu na ñuxācū Tupana aixcūma pexū na ngechaūxū rü pexū rūngūxēēchaūxū.

7 Rü ngēma ore i mexū nixī ga pexū nangūxēēxū ga Epáparu ya tomūcū ya nüxū tangechaūgūcū ya wūxigu tomaā Tupanaarū orewa puracūcū. Nūma rü Cristuarū puracūtanūxū ya mecū nixī, rü nūma nixī i tochicūū pexū nangūxēēxū.

8 Rü nūma ya Epáparu nixī i tomaā nüxū yaxuxū i pechiga na ñuxācū Tupanaāē i Ūūnexūārū ngūxēēmaā choxū pengechaūgūxū.

9 Rü ngēmacēx i toma ga noxritama pexū tacuāchigagu, rü taguma nüxū itayarūngūmaē na pexcēx tayumūxēgūxū. Rü guxūguma Tupanana naxcēx tacagū na meā pexū nüxū nacuēxēēxūcēx i ngēma nūma nanaxwēxexū na penaxūxū. Rü nüxna naxcēx tacagū na pexna naxāāxūcēx i nagūxūraūxū i cuēx i Naāē i Ūūnexūwa ne ūxū.

10 Rü nüxna naxcēx tacagū na meā tōrū Cori naxwēxexūācūma na pemaxēxūcēx rü guxūguma penaxūxūcēx i ngēma nūma nanaxwēxexū. Rü nüxna naxcēx tacagū na pexū natauxchaxēēāxūcēx na togūxū perūngūxēēgūxūcēx rü guxū i ngunexūgu yexeraācū Tupanaxū pecuāxūcēx.

11 Rü nüxna naxcēx tacagū na norū pora i mexēchixūmaā pexū napo-raexēēxūcēx, na namaā peporaexūcēx i guxūma i guxchaxūgū rü yaxna namaā pexīnūēxūcēx.

12 Rü ñuxūchi tanaxwēxe i taāēācūma Tanatū ya Tupanana moxē pexā, erū nūma pexū nimexēēgū na pema rü ta penayauxgūxūcēx i ngēma mexūgū i

naxūtawa ngēxmagūxū i nūma tá nūxna naxāxū i ngēma duūxūgū i noxru ixīgūxū.

13 Yerū nūma ga Tupana rū marū Chatanámēxēwa tūxū inanguxūxēē rū Nane ya nūxū nangechaūcūmēxēwa tūxū nangēxmagūxūxēē.

14 Rū guma Nanegagu nixī ga tūxū namaxēxēxū rū tūxū nūxū nangechaūxū ga tórū pecadugū.

Rū yexguma pecaducēx nayuxgu ga Cristu rū Tupana nūgūmaā nanangūxmūxēē ga duūxūgū

15 Taguma texé Tupanaxū tadau, natūrū nūma rū nūma nanamu ga Nane na duūxūgū nūxū daugūxūcēx rū nūxū nacuēxgūxūcēx na űuxācū na yīxū i nūma ya Tupana. Rū naxūpa ga guxūma ga űacū i űuxma ngēxmaxū, rū nūxīra marū nayexma ga Tupana Nane.

16 Rū Nanexū nixī ga namuxū ga Tupana na naxūāxūcēx ga guxūma i űacū i űuxma ngēxmaxū i daxūguxū i naānewa rū űoma i naānewa, rū guxūma i ngēma nūxū idauxū rū ngēma tama nūxū idauxū. Rū yemaācū nanaxū ga guxūma ga norū orearū ngeruūgū i daxūcūāxārū āēxgacūgū rū guxūma ga ngoxogūarū āēxgacūgū. Rū yemaācū nanaxū ga guxūma na nūxū yacuēxūgūxūcēx.

17 Rū naxūpa i guxūma i űacū i űuxma ngēxmaxū, rū Cristu rū marū nūxīra nayexma. Rū nagagu nixī i meā inanuxū i guxūma erū nūma nixī i namaā inacuāxū.

18 Rū nūma ya Cristu rū naēru nixī i guxūma i ngēma yaxōgūxū. Rū nūma nixī ga naxūāxū rū nūxna naxāāxū ga maxū. Rū nūma nixī ga nūxīra yuwa inadxū na guxūārū āēxgacū yīxūcēx.

19 Rū Cristu rū Tupanaxūchi nixī, yerū yemaācū nanaxwēxe ga Tupana.

20 Rū Tupana rū űoma ga naānewa nanamu ga Cristu na curuchagu pecaducēx nayuxūcēx. Rū yemaācū nixī ga Tupana nūgūmaā nangūxmūxēēxū ga guxūma i űoma i naānewa ngēxmaxū rū guxūma i daxūguxū i naānewa ngēxmaxū. Rū yemaācū nanaxū ga Tupana yerū yemaācū nanaxwēxe.

21 Rū pema ga űpa rū tama Tupanamūcūgū pixīgū yerū naxchi pexaie nagagu ga perū chixexū ga nagu perūxīnūxū rū pexūxū.

22 Natūrū i űuxma ya Tupana rū nūgūmaā pexū narūngūxmūxēē na namūcūgū i mexū pixīgūxūcēx. Rū yemaācū nanaxū ga Tupana ga yexguma Cristu duūxūxū ixīxgu rū curuchawa ngūxū yangexgu rū yexma nayuxgu. Rū yemaācū nayu ga Cristu na nūgūxūtawa pexū nagagūxūcēx rū napēxewa pimexūcēx rū nataxuxūcēx i perū chixexū.

23 Natūrū ngema na pengugūxūcēx, rū penaxwēxe na guxūguma mea peyaxōgūxū rū meā naga pexīnūxū rū taguma nūxū perūxoexū i ngēma norū ore i mexū ga marū nūxū pexīnūxū. Rū ngematama ore nixī i űuxma nūxū yaxugūxū i gūxū i naanewa.

Tupana rū Pauruxū namu na guxūma ga yaxōgūxūxū nangūxēēxūcēx

24 Rū űuxma na woo pexcēx ngūxū chingexū rū chataāē erū nūxū chacuēx rū űāā chaxunemaā choma rū ta chayanguxēē ga yema ngūxū ga Cristu ingexū naxcēx i norū duūxūgū i yaxōgūxū.

25 Rū űuxma ya Tupana rū choxū namu na nūxū charūngūxēēxūcēx i guxūma i ngēma norū duūxūgū i yaxōgūxū. Rū perū mexūcēx nixī i choxū namuxū na guxūwama meā nūxū chixuxūcēx i norū ore.

26-27 Rū ngēma Tupanaārū ore rū űanagūrū:

“Rü Cristu rü pewa nangēxma i ñuxmax, rü nagaguxicatama nixī i pexū nangēxmaxū i pechica i daxūguxū i naānewa i ngextá ínamexēchixūwa”, ñanagürü. Rü yema nuxcūmañgūxū ga duñxūgū rü tama nüxū nacuèxgū ga yemachiga, natürü ñuxma ya Tupana rü norū duñxūgūxū nüxū nacuèxēē. Erü nüma ya Tupana rü norū duñxūgūxū nüxū nadauxēēchañ na ñuxácū poraācū pexū nangechañxū rü pexū nangūxēēxū i guxāma i pema i tama Yudiūgū ixīgūxe. Rü ñuxma i pema na woo tama Yudiūgū pixīgūxū, natürü pema rü ta pexū nangēxma i pechica i daxūguxū i naānewa erü Cristuaxū peyaxōgū.

²⁸ Rü ñuxma i toma rü Cristuchigaxū nixī i tixuxū. Rü ngema ore i Tupanaarū cuèx nawa ngexmaxūmaā nixī i guxūma i duñxūgūxū tixucuxēgūxū rü tanangūxēēxū na ngemaācū ngearū chixexñāxū Cristuxūtawa tagagūxū.

²⁹ Rü ngēmatama puracū nixī i nawa poraācūxūchima chapuracūamaxū woo ñacū rü guxchaxū chauxcèx ínguxgu. Rü guxūma i ngēma pora i Cristu choxna āxū i chowa ngēxmaxū nixī i choxū poraxēēxū na chanaxūamaxūcèx i ngēma puracū.

2

¹ Pa Chaueneēgūx, chanaxwèxe i nüxū pecuèx na ñuxácū poraācū pexcèx chapuracūxū. Rü ngēxgumarūñ ta chanaxwèxe i nüxū pecuèx na ñuxácū poraācū chapuracūxū naxcèx i ngēma taeneēgū i Laodichēaarū íānewa ngēxmagūxū rü guxūma i petanūxūgū i taguma choxñ daugūxū.

² Rü ngēmaācū poraācūxūchima chapuracū na nüxū rü ta chanangūchañxēēxūcèx. Erü chanaxwèxe i guxūma aixcūma nūgū nangechañgū rü nüxū nangēxma i ngēma mexū i cuèx i aixcūma ixīñ. Rü ngēmaācū tá meāma nüxū nacuèxgū ga yema noxri Tupanaxīcatama nüxū cuáxū. Rü yima rü Cristutama nixī.

³ Rü nüma nixī i nüxū nangēxmaxū i guxūma i cuèx i aixcūma mexū. Rü nüma nixī i taxcèx nangoxēēāxū i Tupanachiga.

⁴ Rü pemañ nüxū chixu i ngēma ore erü tama chanaxwèxe na texé pexū womūxēēgūxū namaā i ñacū rü ore i chixexñwa pexū gagūxū.

⁵ Rü woo na tama ngema petanūwa changēxmaxū, natürü chauāēwa rü poraācū pegu charūññ. Rü wūxi i chorū taāē nixī na nüxū chacuáxū na ñuxácū meā pegū ipinuxñ na meā pegūmaā ipecuáxūcèx rü ñuxácū tama nüxū perūxoexñ na Cristuaxū peyaxōgūxū.

Ñuxma na Cristuarū ixīgūxū rü ngexwacaxūxū i maxū tūxū nangēxma

⁶ Rü pema ga noxri rü meāma tórū Cori ya Ngechuchu ya Cristuxū peyaxūgū. Rü ñuxma rü yema noxri meāma na penayauxgūñrūñ rü name nixī i guxūguma nüxna penaxā i perū maxū na nüma pexū namaā inacuáxūcèx.

⁷ Rü wūxi i nanetū nanaxwèxe i naxchūmèxā na nataixūcèx rü na namaxūxūcèx. Rü ngēxgumarūñ ta i pema rü penaxwèxe na meā Cristuna peyaxūxgūxū na meā nawa piyaetanūxūcèx rü meā naxcèx pemaxēxūcèx rü meā nüxū peyaxōgūamaxūcèx yema noxri Epáparu pexū ngūxēēgurūñ. Rü name nixī i guxūguma Tupanana moxē pexā.

⁸⁻⁹ Rü naxcèx pexuāēgū i ngēma duñxūgū i pexū womūxēēgūchañxūñ! Rü tama name i nüxū iperūxññē i ngēma norū ore i tama aixcūma ixīñ rü taxuwama mexū. Erü ngēma duñxūgū rü pexū nangūxēēchañ na nagu pexīxūcèx i ngēma nacūmagū ga nuxcūmañgūxū ga duñxūgū nagu íñ. Rü ñoma i naāneārū ngxēētaegū nixī i inaxññēxū. Rü tama aixcūma Cristuchiga

nixī i ngēma pexū nangūxēēxū. Rū name nixī i nūxna pixīgachi i guxūma i ngēma nguxēētaeruūgū i chixexūgū rū Cristuwe perūxī. Erū Cristu rū Tupanaxūchī nixī rū guxūma i Tupanaārū pora rū Cristuwa nangēxma.

10 Rū űuxmax, rū Tupanaārū maxū rū norū pora rū aixcūma pewa nangēxma erū namēxwa pengēxmagū ya Cristu ya namaā icuācū i guxūma i daxūcūāxārū āēxgacūgū rū guxūma i ngoxogūarū āēxgacūgū.

11 Rū ngēma Yudiūgū rū nūgū īnawiechēxmūpēxechiraūgū na Tupanapēxewa yamexūcēx. Natūrū ngēxguma Cristuaxū yaxōgūgū rū tama ngēmaācū tamaā nanaxū ya Cristu na imexūcēx. Erū nūma ya Cristu rū tōrū maxūwa napuracū rū tūxū īnanguxūxēē nawa i taxūneārū ngūchaūgū. Rū ngēmaācū nixī i tūxū yamexēēxū na Tupanapēxewa imexūcēx.

12 Rū yexguma īpebaiūgū, rū Cristu na itāxūrūū yexma natēx ga yema nuxcūmaūxū ga perū maxū. Rū yema Cristu na īrūdaxūrūū rū pema rū ta penayaxu i maxū i ngexwacaxūxū, yerū peyaxōgū na Tupana norū poramaā Cristuxū īrūdaxēēxū.

13 Rū űpa ga pema rū tama aixcūma pexū nayexma ga maxū i taguma gūxū yerū pepecaduāxgū rū pexeneārū ngūchaū pexūgū. Natūrū i űuxma rū Cristuxū namaxēēxūrūū pexū namaxēēē ya Tupana erū Cristuarū duūxūgū pixīgū. Rū Tupana rū marū Cristugagu tūxū nūxū nangechaū ga guxūma ga tōrū pecadugū.

14 Rū noxri rū tachixe yerū tama aixcūma naga taxīnūē ga yema mugū ga Moīché tūxna āxū, rū tōrū pecadugū rū yuwa tūxū nagagū. Natūrū ga Cristu rū curuchagu tōrū pecaducēx nayu, rū yemaācū Tupana tūxū nayanganūxēē ga yema tōrū pecadugū.

15 Rū yexguma curuchagu nayūxgu ga Cristu, rū yexguma nixī ga Chatanaxū naporamaēxū ga Tupana. Rū yexguma nixī ga guxū ga duūxūgūpēxewa Chatanaxū naxānēxēēxū űoma wūxi i churaragūarū āēxgacū i norū uwanū i nūxū naporamaēxūxū naxānēxēēxūrūū.

Name nixī i naxcēx tadaugū i ngēma mexūgū i daxūguxū i naānewa ngēxmagūxū

16 Rū űuxma rū taxucēxma tūxcūū pexū nixu i ngēma Yudiūgū ega woo tama naxrūū penaxūxgux. Nūmagū rū űuxre i űnagūxicatama nangōxgū, rū űuxre i axeūxīcatama nixaxgū, rū űuxre i petaarū ngunexūgū naxauregū na ngēmaācū Tupanaxū yacuēxūūgūxūcēx. Rū nangēxma i norū peta i gucū ya taunecūgu Tupanacēx naxauregūxū rū togū i petagū i gucū ya tauemacūgu naxauregūxū. Rū nūxū nangēxma i nacūmagū na űuxācū ngūxchigaarū ngunexūgū naxauregūxū.

17 Rū aixcūma yema nuxcūmaūgūxū ga Yudiūgū rū nanaxauregū ga yema nacūmagū yerū ga Cristu rū tauta īnangu ga yexguma. Natūrū i űuxma rū marū īnangu ya Cristu rū tōrū pecaducēx nayu. Rū űuxma rū name nixī na naga ixīnūēxū rū tama nagu ixīxū i ngēma nuxcūmaūgūxū i nacūmagū.

18 Rū tāūtāma naga pexīnūē i ngēma duūxūgū i nūxū ixugūxū na īpeyarūtauxexū ega tama daxūcūāx i orearū ngeruūgūxū picūxūūgūgū! Nūmagū rū tama nūgū nicūxūūgūneta rū nūgū nixugū na yangōxetūgūxū. Rū noxrūtama cuēxmaāmare nūgū nicūxūūgū.

19 Natūrū i nūmagū rū tama aixcūma naga naxīnūē ya yima taeru ixīcū ya Cristu ya tūxū poraxēēcū rū tūxū īyaetanūxēēcū i tōrū űwa i guxāma i yixema i norū duūxūgū ixīgūxe. Rū nūma ya Cristu nixī i wūxigu tūxū naxīnūēxēēxū i wūxichigū i yixema ngēma Tupana naxwēxexūrūū.

20 Rū yexguma nayuxgu ga Cristu rū yexma nayu ga nuxcūmaũxũ ga perũ maxũ, rū yexma nayarũxo ga guxũma ga nuxcūmaũgũxũ ga pecũmagũ i űoma i naãneçũĀx i duũxũgũ nagu rūxĩnũexũ. Rū ngẽmacẽx i űuxmax çrũ tũxcũũ nixĩ i űoma i naãneçũĀx maxẽxũrũũ nagu pemaxẽxũ i pemax, rū tũxcũũ nixĩ i ngẽma Yudiũgũcũmagu pexĩxũ?

21 Rū nũmagũ i Yudiũgũ rū nũxũ nixugũe rū űanagũrũgũ:

“Tama name i nũxũ quingõgũ i ngẽã, rū tama name i cunangõx i yea, rū tama name i cunayaxu i ngẽma”, űanagũrũgũ.

22 Natũrũ guxũma i ngẽma nacũmagũ rū paxa tá inayarũxo erũ duũxũgũarũ nixĩgũ. Rū ngẽma pexũ namuxũ rū duũxũgũarũ mugũmare nixĩ. Rū ngẽma pexũ nangũxẽẽxũ rū duũxũgũarũ ngũxẽẽtaemare nixĩ.

23 Rū guxũma i ngẽma pexũ namuxũ rū pexcẽx namexcũraxũ erũ pexũ naxucũxẽgũ na facũ pexauregũxũcẽx, rū tama pegũ picũxũũgũxũcẽx, rū meã pexenemaã ipecuẽxgũxũcẽx. Natũrũ guxũma i ngẽma mugũ rū tama aixcũma pexũ narũngũxẽẽ na nũxũ perũxoexũcẽx i pexeneãrũ ngũchaũgũ.

3

1 Rū űuxma i pemax, rū Cristu wena maxũxũrũũ rū pexũ nangẽxma i maxũ i ngexwacaxũxũ. Rū ngẽmacẽx name nixĩ i naxcẽx pedau i ngẽma mexũgũ i daxũgũxũ i naãnewa ngẽmaxũ, i ngextã Cristu rū Tupanaãrũ tũgũnecũwawa írũtoxũwa rū namaã ãẽxgacũ íyĩxũwa.

2 Rū name nixĩ i guxũguma nagu perũxĩnũẽ i ngẽma daxũgũxũ i naãnewa ngẽmaxũ i ngemaxũgũ rū tama i ngẽma űoma i naãnewa ngẽmaxũ.

3 Yerũ yexguma nayuxgu ga Cristu rū yexma nayu ta ga nuxcūmaũxũ ga perũ maxũ. Rū űuxma rū pexũ nangẽxma i perũ maxũ i ngexwacaxũxũ erũ Cristutanũxũ pixĩgũ rū Tupanamẽxewa pengẽxmagũ.

4 Rū nũmatama ya Cristu nixĩ i pexũ namaxẽxẽẽxũ. Rū ngẽxguma wena nũma nangõxgu, rū namaã tá pengõe, rū naxrũũ tá pimexẽchi.

Marũ nũxũ tarũxo i nuxcūmaũxũ i tacũma i chixexũgũ rū tanayaxu i ngexwacaxũxũ i torũ maxũ

5 Rū űuxma rū name nixĩ i nũxũ perũxoe i guxũma i űoma i naãneãrũ chixexũ i pewa ngẽmaxũ. Rū tama name i pemẽxna naĩ i ngemaã pemaxẽ, rū tama name i petena naĩ ya yatũmaã pemaxẽ. Rū tama name i penaxũ i pexeneãrũ ngũchaũ rū bai i nagu perũxĩnũẽmare. Rū tama name i pexũ nangũchaũ i tacũ rũ to i chixexũgũ. Rū tama name i pegũnaxĩcatama penanux-uchigũchaũ i guxũma i ngẽmaxũgũ, erũ yĩxema ngẽma nacũma tũxũ ngẽmaxẽ rū dũxwa namaã tatupanaãx.

6 Rū guxũma i ngẽma chixexũgũcẽx tá nixĩ i Tupana napoxcuexũ i ngẽma duũxũgũ i ngẽmaãcũ maxẽxũ rū tama naga inũẽchaũxũ.

7 Rū pema ga űpa rū penaxũ ga yema chixexũgũ, rū yemaãcũ pemaxẽ.

8 Natũrũ i űuxma rū name nixĩ i nũxũ perũxoe i guxũma i ngẽma na pegũchi pexaĩxũ, rū pegũmaã peneũxũ, rū chixri pemaxẽxũ, rū pegũmaã peguchigagũxũ, rū guxũma i ngẽma chixexũ i dexa i nũxũ pixuxũ.

9 Rū tama name i pegũmaã pidorae, erũ marũ ípenatẽx ga nuxcūmaũxũ ga pecũma rū guxũma ga yema chixexũgũ ga űpa pexũgũxũ.

10 Rū űuxma rū marũ penayaxu i ngexwacaxũxũ i perũ maxũ rū ngexwacaxũxũ i duũxũgũ pixĩgũ. Rū guxũ i ngunexũgu rū Tupana pexũ ningexwacaxũxẽẽchigũ na yexeraãcũ pimexũcẽx naxrũũ rū yexeraãcũ nũxũ na pecuẽxgũxũcẽx ya Tanatũ ya Tupana ya maxũ tũxna ãcũ.

11 Rū ñuxma rü Tupanacèx rü nüetama nixī ega Yudiu quixīgu rü ěxna tama. Rū nüetama nixī ega icuwiehèx-müpèxechiraŭgu rü ěxna tama. Rū nüetama nixī ega tacü rü nachiuñanecŭĭax i duŭxŭ quixīgu, rü ěxna tacü rü duŭxŭ quixīgu. Rū nüetama nixī ega wüxi i coriarü duŭxŭ quixīgu, rü ěxna taxüxearüma duŭxŭ quixīgu. Erü ñuxma rü ngëma guxŭârü yexera aixcüma tüxŭ mexŭ nixī na Cristu rü guxŭârü âëxgacü yüixŭ rü guxâwama nangëxmaxŭ.

12 Rū ñuxma ya Tupana rü pexŭ nangechaŭ i pema rü pexŭ nadei na noxru pixīgüxŭcèx. Rū ngëmacèx name nixī i guxŭguma pexŭ nangechaŭtümüŭgü i togü, rü namaã pemecümagü, rü tauxaãcüma nüxna penaxã, rü taguma napèxewa pegü picuèxüxŭgü. Rū ngëxguma woo tacü pemaã naxŭxgux rü name nixī i yaxna namaã pexinüë.

13 Rū name nixī i wüxichigü i pema na pegümaã yaxna pexinüëxŭ. Rū ngëxguma chi texé tacü pemaã ŭxgux, rü name nixī i pegüxŭ nüxŭ pengechaŭgü i ngëma. Rū yexgumarüŭ ga tórü Cori na pexŭ nüxŭ ngëchaŭxŭrŭŭ, rü name nixī i togüaxŭ nüxŭ pengechaŭgü.

14 Rū guxŭârü yexera mexŭ nixī na pegü pengechaŭgüxŭ. Erü ngëxguma aixcüma pegü pengechaŭgügu rü aixcüma wüxigu tá perüxŭnüë, rü meã pegümaã tá pemaxë.

15 Rū name nixī na pemaã inacuáxŭ i ngëma taãe i Cristu pexna äxŭ na ngëmaãcü aixcüma pegü pengechaŭgüxŭcèx. Yerü yemacèx nixī ga Tupana pexŭ dexŭ na wüxitama i duŭxŭgü pixīgüxŭcèx rü meã wüxigu perüxŭnüëxŭcèx. Rü name nixī i moxë nüxna pexãgü ya Tupana.

16 Rū name nixī i guxŭguma peãëwa nangëxma i Cristuarü ore rü taãeãcüma naga pexinüë. Rü name nixī i meã peãëxŭ pecuããcüma namaã pegü pengüexëë rü pegü pixucuxëgü na ngëmaãcü pegüaxŭ penangüchaŭxëëxŭcèx. Rü name nixī i aixcüma Tupanana moxë pexãgüãcüma nagu pewiyaegü i nagüxŭraŭxŭ i norü wiyægü.

17 Rū guxŭma i ngëma pexüxŭ rü nüxŭ pixuxŭ rü name nixī i tórü Cori ya Ngechuchuegagu penaxü. Rü name nixī i ngëmaãcü Ngechuchuegagu Tanatü ya Tupanana moxë pexãgü.

Tupana nanaxwëxe na meã namaxëxŭ i duŭxŭgü i Cristuaxŭ yaxögüxŭ

18 Pa Ngexŭgü i Ätegüxŭx, rü name nixī i petega pexinüë. Erü woetama ngëma nixī i mexŭ na penaxüxŭ erü tórü Cori ya Cristuarü duŭxŭgü pixīgü.

19 Pa Yatügü i Ämaxgüxŭx, rü name nixī i ngŭxŭ pengechaŭgü i pemëxgü. Rü tama name na ngŭmaã pechixecümagüxŭ.

20 Pa Buxŭgüx, rü name nixī i guxŭwama penatü rü peega pexinüë, erü ngëma nixī i namaã nataãëxŭ ya tórü Cori.

21 Pa Papágüx, rü tama name i penanuëxëë i pexacügü. Erü ngëxguma ngëmaãcü penaxŭxgux rü ngürüãchi tá nüxŭ nawëxtümüŭ i ngëma namaã nüxŭ pixuxŭ.

22 Pa Duŭxŭgüx i Ixãârü Coriãxgüxŭx, rü name nixī i guxŭwama naga pexinüë i perü corigü i ñoma i naãnewa pemaã icuëxgüxŭ. Rü tama name i pexŭ nadaugügüxicatama meã pepuracüë na ngëmaãcü penataãëxëëxŭcèx. Natürü name nixī i mexŭ i perü ngüchaŭmaã guxŭguma meã pepuracüë erü tórü Corixŭ pemuëë.

23 Rū guxŭma i ngëma perü puracü i pexüxŭwa rü name nixī i perü ngüchaŭmaã penaxü ñoma tórü Cori ya Cristuaxŭ pepuracüëxŭrŭŭ rü tama i duŭxŭgüaxŭ.

24 Rū marū nüxŭ pecuèx rü daxŭguxŭ i nañewa rü tórü Cori ya Cristu tá pexna nanaxā i perü āmare i maxŭ i taguma gúxŭ. Erü yima Cristu ya aixcūma perü Cori ixīcūaxŭ nixī i pepuracūexŭ.

25 Natürü yixema chixexŭ üxe rü tá ta tanayaxu i tūmaärü natanü naxcèx i ngēma chixexŭ i taxŭxŭ, rü aixcūma Tupana tá tūxŭ napoxcu. Erü Tupanapèxewa rü guxŭma i duŭxŭgü rü nawūxigu, rü taxucürüwama texé Tupanachèxwa tiña ega chixexŭ taxŭxgux.

4

1 Rū pemax, Pa Corigŭx, rü name nixī i perü duŭxŭgūmaā pemecūmagŭxŭ, rü tama penawomüxèèxŭ. ¡Rü nüxna pecuèxāchie na pema rü ta pexŭ nangèxmaxŭ ya perü Cori ya daxŭgucŭ!

2 ¡Rü guxŭguma peyumüxègü, rü pexuāègü na tama chixexŭgu peyixŭcèx! ¡Rü Tupanana moxè pexāgŭ!

3 ¡Rü toxcèx rü ta peyumüxègü na Tupana toxŭ natauxchaxèèxŭcèx na nüxŭ tixuxŭcèx i norü ore i mexŭ, rü meāma duŭxŭgūmaā nüxŭ tixuxŭcèx i ngēma ore ga noxri tama nüxŭ nacuèxgŭxŭ i Cristuchiga! Rü ngēma orecèx nixī i ñuxma ichapoxcuxŭ.

4 Rū chanaxwèxe i chauxcèx peyumüxègü na meā duŭxŭgŭcèx chanangoxèèxŭ i ngēma ore, erü ngēma nixī i mexŭ na chanaxŭxŭ.

5 ¡Rü meā pemaxè napèxewa i ngēma duŭxŭgŭ i tama yaxŭgŭxŭ! ¡Rü ñuxma na pexŭ natauxchaxŭ, rü yoxni paxa penaxŭx i Tupanaärü puracŭ! ¡Rü taxŭ i perüchomarexŭ!

6 Rū ngexguma togü i duŭxŭgūmaā pidexagŭgu, rü name nixī i penataāèxèè namaā i ngema dexa i namaā nüxŭ pixuxŭ. ¡Rü ngemaācŭ mea penangaxŭ i ngema pexna cèxŭ nachiga i perü òl!

Pauru nanagŭxèè ga norü popera rü wenaxärü yema duŭxŭgŭxŭ narümoxè

7 Rū nüma ya taeneè ya Tíquicu ya nüxŭ ingechaŭgŭcŭ rü aixcūma choxŭ narüngŭxèè rü wūxigu chomaā Cori ya Tupanacèx napuracŭ. Rü nüma tá pemaā nüxŭ nixu i chauchiga.

8 Rü ñuxma rü petanüwa chanamu na pexŭ nataāèxèèxŭcèx rü pemaā nüxŭ yaxuxŭcèx na ñuxācŭ toxŭ nangupetŭxŭ i tomax.

9 Rü Tíquicumaā petanüwa chanamu i Onéchimu ya taeneè ya nüxŭ ingechaŭgŭcŭ ya aixcūma meā Tupanaärü puracŭ ücŭ. Rü nüma rü petanŭxŭ nixī. Rü nümagŭ tá nixī i pemaā nüxŭ yaxugŭxŭ na űacŭ ngupetŭxŭ i núma.

10 Rü pexŭ narümoxè i Aritācu i wūxigu chomaā poxcuxŭ. Rü ngèxgumarŭŭ ta pexŭ narümoxè i Marcu i Bernabéeneè ixīxŭ. Rü marü pemaā nüxŭ chixu i Marcuchiga na meā penayauxgŭxŭcèx i ngèxguma petanüwa nanguxgu.

11 Rü ngèxgumarŭŭ ta pexŭ narümoxè ya taeneè ya Ngechuchu ya Ix-aixcūmacŭgu āegacŭ. Rü ngēma tomaèxpŭx i yatŭgŭ rü ngèxicatama nixī i Yudŭgŭ i yaxŭgŭxŭ i wūxigu chomaā puracūexŭ i Tupanaärü puracūwa. Rü nümagŭ rü poraācŭ choxŭ nataāèxèègŭ.

12 Rü ngèxgumarŭŭ ta pexŭ narümoxè i Epáparu. Rü nüma rü petanŭxŭ nixī, rü aixcūma nanaxŭ i Cristuarŭ puracŭ. Rü nüma rü norü yumŭxèwa rü guxŭguma Tupanaxŭ nacèèxŭ pexcèx na aixcūma meā pemaxŭcèx rü peyaxŭgŭamaxŭcèx rü aixcūma penaxŭxŭcèx i ngēma Tupana naxwèxexŭ.

13 Rü choma rü marü nüxŭ chadau rü pemaā nüxŭ chixu i ñuxācŭ Epáparu poraācŭ pexcèx napuracŭ rü naxcèx napuracŭ i ngēma taeneègŭ i Laodichéaarü iñewa rü Iráporiarŭ iñewa ngèxmagŭxŭ.

14 Rū Luca ya duturu ixīcū ya nūxŭ ingechaŭgücū, rŭ pexŭ narŭmoxē. Rŭ ngēxgumarŭŭ ta pexŭ narŭmoxē i Dema.

15 ¡Rŭ chauégagu nūxŭ perŭmoxēgŭ i taeneēgŭ i Laodichéawa ngēxmagŭxŭ! ¡Rŭ ngēxgumarŭŭ ta nūxŭ perŭmoxēgŭ i Nifa rŭ guxŭma i taeneēgŭ i yaxōgŭxŭ i napatawa ngutaquēxegŭxŭ!

16 Rŭ ngēxguma marŭ nūxŭ pedamatŭguwena i ñaã popera, rŭ chanaxwèxe i Laodichéawa penamu na ngemacŭāx i taeneēgŭ rŭ ta nūxŭ nadaumatŭgŭxŭcèx. Rŭ ngēxgumarŭŭ ta i ngēma popera i Laodichéawa chamuxŭ, rŭ ngēxguma pexŭtawa nanguxgu rŭ chanaxwèxe i nūxŭ pedamatŭgŭ.

17 Rŭ chanaxwèxe i Ariquípumaã nūxŭ pixu, rŭ ñapegŭgŭ nūxŭ:

“¡Rŭ meã napuracŭ rŭ yanguxēē i ngēma puracŭ i tórŭ Cori cuxna āxŭ!” ñapegŭgŭ nūxŭ.

18 Choma i Pauru rŭ choxmēxmaātama pexcèx chanaxŭmatŭ i ñaã chorŭ moxē. ¡Rŭ nūxna pecuèxāchie na chapoxcuxŭ! Rŭ chanaxwèxe i Tupana pexŭ narŭngŭxēē.

Rŭ nuãma pexna,
Pauru

NŪXĪRA ŪXŪ GA POPERA GA TECHARÓNICAWA YEXMAGŪXŪ GA YAXŌGŪXŪTANŪWA NAMUXŪ GA PAURU

Pauru rŭ nŭxŭ narŭmoxē ga yema yaxŏgŭxŭ ga Techarónicawa yexmagŭxŭ

¹ Pa Toeneēgŭ i Techarónicawa Ngēxmagŭxŭ i Tanatŭ ya Tupana rŭ Tŏrŭ Cori ya Ngechuchu ya Cristuarŭ Duŭxŭgŭ Ixŭgŭxŭ, choma i Pauru rŭ namaā i taeneē i Chiribānu rŭ Timutéu nixŭ i pexcēx tanaxŭmatŭxŭ i űāā popera. Rŭ tanaxwēxe i Tanatŭ ya Tupana rŭ tŏrŭ Cori ya Ngechuchu ya Cristu pexŭ narŭngŭxēē rŭ pexŭ nataāēxēē.

Meāma nayaxŏgŭ ga yema Techarónicawa yexmagŭxŭ rŭ yemaācŭ wŭxi ga cuēxruŭ ga mexŭ nixŭgŭ

² Rŭ torŭ yumŭxēwa rŭ guxŭguma pexna tacuēxāchigŭ, rŭ pexcēx Tupanana moxē taxā.

³ Rŭ guxŭguma i ngēxguma Tanatŭ ya Tupanamaā tidexagŭgu, rŭ taguma nŭxŭ itayarŭngŭmaē na űuxācŭ meā peyaxŏgŭācŭma penaxŭxŭ i Tupanaārŭ puracŭ, rŭ űuxācŭ nŭxŭ pengechaŭgŭācŭma togŭxŭ perŭngŭxēēxŭ. Rŭ taguma nŭxŭ itayarŭngŭmaē na űuxācŭ aixcŭma meā ĩpenangŭxēēxŭ ya tŏrŭ Cori ya Ngechuchu ya Cristu rŭ ngēmacēx yaxna namaā pexŭnŭē i ngēma ngŭxŭ i űuxma pingexŭ.

⁴ Pa Chaueneēgŭx, Tupana pexŭ nangechaŭ, rŭ nŭxŭ tacuēx rŭ nŭmatama nixŭ ga pexŭ nadexŭ.

⁵ Rŭ yexguma pemaā nŭxŭ tixuxgu ga Tupanaārŭ ore i tŭxŭ maxēxēēxŭ, rŭ tama toechama tidexagŭmare, yerŭ Tupanaāē i Ūnēxŭ toxŭ narŭngŭxēē na norŭ poramaā pemaā nŭxŭ tixuxŭ. Rŭ meā nŭxŭ tacuāācŭma pemaā nŭxŭ tixu ga yema ore yerŭ tođewatama nŭxŭ tacuēx na aixcŭma yŭxŭ. Rŭ pematama nŭxŭ pecuēx ga űuxācŭ meā pepēxewa na tamaxēxŭ ga yexguma na yemaācŭ pexŭ tarŭngŭxēēgŭxŭcēx.

⁶ Rŭ pema rŭ meāma penaxŭgŭ ga yema pexŭ tangŭxēēxŭ rŭ yema tŭxŭ nangŭxēēxŭ ga tŏrŭ Cori ya Ngechuchu. Rŭ Tupanaāē i Ūnēxŭ pexŭ taāēxēēācŭma penayauxgŭ ga yema ore ga woo yemacēx poraācŭ ngŭxŭ na pingēgŭxŭ.

⁷ Rŭ yemaācŭ ga pema rŭ wŭxi ga cuēxruŭ ga mexŭ pixŭgŭ naxcēx ga guxŭma ga yema yaxŏgŭxŭ ga Machedóniāānewa rŭ Acayaanewa yexmagŭxŭ.

⁸ Rŭ yema na peyaxŏgŭxŭgagu rŭ tŏrŭ Cori ya Ngechucharŭ ore rŭ guxŭwama ninguchigŭ. Rŭ ngēmacēx i űuxma rŭ Machedóniāānewa rŭ Acayaanewa rŭ guxŭwama nŭxŭ nacuēxgŭ na űuxācŭ meā Tupanaāxŭ peyaxŏgŭxŭ. Rŭ ngēmacēx marŭ taxucēxma tŭxcŭŭ i toma rŭ namaā nŭxŭ tixu i ngēma ore i mexŭ i pechiga.

⁹ Erŭ nŭmagŭtama i ngēma duŭxŭgŭ rŭ marŭ nŭxŭ nixugŭgŭ ga űuxācŭ ga pema rŭ meā toxŭ na peyauxgŭxŭ ga yexguma petanŭwa taxŭxgu. Rŭ nŭxŭ nixugŭgŭ ta ga űuxācŭ nŭxŭ na perŭxoexŭ ga perŭ tupanenetachicŭnēxāgŭ na Tupanaxŭchi ya maxŭcŭ rŭ ĩaixcŭmacŭwe perŭxŭxŭcēx rŭ nŭxŭ pepuracŭxŭcēx.

10 Rū nüxŭl nixugŭgü ta na ñuxăcŭ aixcŭma İpenanguxêêxŭl na wenaxărŭ daxŭwa ne naxŭxŭl ya Ngechuchu ya Tupana Nane ga yuwa İnadaxêêăcŭ. Rŭ yima Ngechuchu nixŭl ya tŭxŭl İnguxŭxêêcŭ nüxna i ngêma poxcu i âucŭmaxŭl tá İnguxŭl.

2

Pauruarŭ puracŭ ga Techarónicawa

1 Pa Chaueneêgŭx, rŭ pematama nüxŭl pecuêx rŭ tama natŭcêxmare nixŭl na pexŭtawa taxŭxŭl.

2 Rŭ pema nüxŭl pecuêx rŭ naxŭpa ga pexŭtawa na tangugŭxŭl rŭ chixri tomaă nachopetŭ ga Pirŭpucŭăxgŭ rŭ tomaă naguxchigagŭ. Natŭrŭ Tupana toxŭl narungŭxêê na pemaă nüxŭl tixuxŭcêx ga norŭ ore i tŭxŭl maxêxêêxŭl. Rŭ yemacêx tama tamuêêăcŭma pemaă nüxŭl tixu ga yema ore woo ga torŭ uwanŭgŭ rŭ poraăcŭ toxŭl na naguxchaxêêgŭăxŭl.

3 Rŭ yexguma pemaă nüxŭl tixuxgu ga yema ore, rŭ tama İtatŭeăcŭma pemaă nüxŭl tixu. Rŭ tama chixexŭl pemaă taxŭgŭchaŭăcŭma rŭ tama pexŭl tawomŭxêêgŭchaŭăcŭma pemaă nüxŭl tixu ga yema ore.

4 Yerŭ Tupana nixŭl ga toxŭl unetacŭ rŭ toxŭl mucŭ na pemaă nüxŭl tixuxŭcêx ga norŭ ore i mexŭl i tŭxŭl maxêxêêxŭl. Rŭ yemacêx Tupana naxwêxŭlăcŭma pemaă nüxŭl tixu ga yema ore. Rŭ tama duŭxŭgŭxŭlmare na tataăxêêgŭxŭcêx pemaă nüxŭl tixu, natŭrŭ nüxŭl tixu na Tupanaxŭl tataăxêêgŭxŭcêx. Rŭ nŭma ya Tupana nixŭl i tŭxŭl nacuăxŭl rŭ tŭxŭl nadauxŭl rŭ nangugŭăxŭl i ngêma nagu rŭxŭnŭêxŭl.

5 Rŭ pema nüxŭl pecuêx rŭ taguma pepêxewa pexŭl ticuêxŭgŭ na toga pexŭlŭxŭcêx, rŭ taguma pexŭl tawomŭxêêgŭ na ngŭxŭl tayauxgŭxŭcêx ga perŭ đŭeru. Rŭ Tupana nixŭl ya toxŭl daucŭ na taguma yemaăcŭ na tanaxŭxŭl.

6 Rŭ taguma naxcêx tadaugŭ na duŭxŭgŭ toxŭl icuêxŭgŭxŭcêx, rŭ woo i pema rŭ bai i togŭ i duŭxŭgŭ.

7 Rŭ woo Cristutama toxŭl namu na yaxôgŭxŭărŭ âêxgacŭgŭ na tixŭgŭxŭl natŭrŭ tama ñoma wŭxi ga âêxgacŭrŭl pepewa tixŭgŭ. Natŭrŭ meămare pemaă itacuêx, ñoma wŭxi i mamá i ngŭăcŭgŭna meă deŭxcŭrŭl pemaă tixŭgŭ.

8 Rŭ poraăcŭ pexŭl tangechaŭ, rŭ yemacêx pemaă nüxŭl tixu ga Tupanaărŭ ore. Rŭ tama yemaxicatama pexna taxăxchaŭ ga yexguma. Natŭrŭ marŭ İtamemare ta ga pexcêx na tayuxŭl, yerŭ poraăcŭ pexŭl tangechaŭgŭ.

9 Pa Chaueneêgŭx, pema nüxŭl pecuêx ga ñuxăcŭ poraăcŭ na tapuracŭexŭl na torŭ đnacêx tataxegŭxŭcêx. Rŭ ngunecŭ rŭ woo chŭtacŭ tapuracŭe na taxŭeaxŭma wŭxi ga guxchaxŭl tixŭgŭxŭcêx ga yexguma petanŭwa tayexmagŭgŭ rŭ pemaă nüxŭl tixuxgu ga Tupanaărŭ ore.

10 Pa Duŭxŭgŭ i Tupanaăxŭl Yaxôgŭxŭl, pema nixŭl ga toxŭl pedaugŭxŭl rŭ Tupana rŭ ta toxŭl nadau ga ñuxăcŭ meă na tamaxêxŭl ga petanŭwa, rŭ ñuxăcŭ taxŭlma ga chixexŭl na taxŭxŭl ga yexguma.

11 Rŭ pema nüxŭl pecuêx ta ga ñuxăcŭ pexŭl na tanangŭchaŭxêêxŭl. Rŭ yexguma pengechaŭgŭgŭ, rŭ pexŭl tataăxêêgŭ ñoma wŭxi i papá i naxăcŭgŭxŭl taăxêêgŭxŭrŭl.

12 Rŭ ñuxma na Tupanaărŭl pixŭgŭxŭl, rŭ pexŭl taxucŭxêgŭ na meă naxcêx pemaxêxŭl. Rŭ nŭma nixŭl i pexcêx nangemaxŭl na ngextá âêxgacŭ İyŭxŭwa pengugŭxŭcêx na ngêma mexŭwa pengêxmagŭxŭcêx.

¹³ Rū ngēmacèx guxūguma pexcèx Tupanana moxē taxā, yerū yexguma noxri nūxū pexīnūēgu ga yema norū ore ga pemaā nūxū tixuxū, rū meā penayauxgū, yerū nūxū pecuèxgū rū aixcūma Tupanaārū ore nixī rū tama duūxūgūarū oremare nixī. Rū yema ore nixī ga naxūchicūūxū ga perū maxū ga yexguma peyaxōgūgu.

¹⁴ Pa Chaueneēgūx, nūxū tacuèx na űuxācū ngūxū pingegūxū yerū petanūxūgūtama pexchi naxaie rū chixri pemaā nachopetū. Natūrū yemaācūtama nūxū nangupetū ga Tupanaārū duūxūgū ga Ngechuchu ya Cristuaxū yaxōgūxū ga Yudéaanewa yexmagūxū. Yerū natanūxūgūtama ga Yudiūgū rū chixri namaā nachopetū.

¹⁵ Rū yema Yudiūgū nixī ga tōrū Cori ga Ngechuchuxū imèxgūxū, yexgumarūū ga norū oxigū rū nuxcūmaūgūxū ga Tupanaārū orearū uruūgūxū na nadèixūrūū. Rū yema Yudiūgū nixī ga towe ingèxūtanūxū. Rū Tupanamaā rū guxū i duūxūgūmaā narūxuwānūgū.

¹⁶ Rū ngèxguma ngēma duūxūgū i tama Yudiūgū ixīgūxūmaā nūxū tixuxchaūgu i Tupanaārū ore na nūmagū rū ta nūxū nangèxmagūxūcèx i maxū, rū ngēma Yudiūgū rū toxna nanachuxu. Rū ngēmaācū i ngēma Yudiūgū rū poraācūxūchima chixexū naxūgū. Rū ngēmacèx i űuxma rū dūxwa marū nūxna nangu i ngēma Tupanaārū poxcu i ācūmaxūchixū.

Pauru rū nūxū nangūchaū na wenaxārū natanūwa naxūxū ga yema yaxōgūxū ga Techarónicawa

yexmagūxū

¹⁷ Pa Chaueneēgūx, yexguma pexna ítixīxguwena, rū woo tama pexūtawa na tayexmagūechaxū, natūrū guxūguma pegu tarūxīnūē, rū poraācū toxū nangūchaū na pexūtawa taxīxū na wenaxārū pexū ítayadaugūxūcèx.

¹⁸ Rū aixcūma ngema taxīxchaū. Rū chomatama i muēxpūxcūna rū chanaxwèxe na ngema pexūtawa taèx chaxūūxūdegaxū natūrū ngoxo i Chanatā rū guxūguma toxū nanaguxchaxēē na tama ngema taxīxūcèx.

¹⁹ Natūrū pexū ítayadaugūchaūāma erū ngèxguma wenaxārū nūma naxūxgu ya tōrū Cori ya Ngechuchu ya Cristu rū űtècūcèx tá nixī i Tupanapèxewa tataāēgūxū i tomax? Rū aixcūma pewa tá nixī i ítananguxēēxū na tomaā nataāēxū ya Tupana. Rū pema tá nixī i torū taāē pixīgūxū. Rū pegagu tá nixī i aixcūma togūmaātama tataāēgūxū i napèxewa.

²⁰ Rū ngēmaācū pegagu nixī i togūmaātama tataāēgūxū, rū pema nixī i torū taāē pixīgūxū.

3

¹ Rū yema na taxuacūma űuxācū wenaxārū petanūwa na chaxūxū, rū dūxwa nagu charūxīnū na Atenagutama na charūxāūxū.

²⁻³ Rū pexūtawa chanamu ga taeneē ga Timutéu na pexū íyadauxūcèx. Erū nūma nixī i Tupanaārū puracūtanūxū i wūxigu namaā tapuracūexū na tanaxunagūxūcèx i ngēma ore i mexū i Cristuchiga. Rū ngema petanūwa chanamu na pexū nangūxēēxūcèx na yexeraācū peyaxōgūxūcèx rū aixcūma petaāēgūxūcèx rū ngēmaācū taguma texé i petanūwa nūxū rūxoxūcèx ega űacū rū guxchaxū pexū ngèxmagu. Erū pematama marū nūxū pecuèx na guxāma i yixema na yaxōgūxū rū ngūxū tá űingegū.

⁴ Rū yexguma petanūwa tayexmagūgu rū marū pemaā nūxū tixu na ngūxū tá pexū űpetūxū. Rū pema marū nūxū pecuèx na aixcūma yemaācū pexū nangupetūxū.

⁵ Rū yemacèx ga yexguma marù tama namaã chaporagu ga yema tama paxa pechigaxù na chacuáxù, rù yemacèx dùxwa Timutéuxù yéma petanüwa chamu na pexna yaxaxùcèx ngoxi meã ípeyaxögüama i Tupanaärü ore. Yerü chaxoegaãè rù bexmana ngoxo i Chataná rù chixexùgu pexù nayixèè, rù chi ngémaäcü yixügu, rù natücèxmamare chi nixi ga pemaã nüxù tixuxù ga Tupanaärü ore.

⁶ Natürü ñuxma na ínanguxù i Timutéu na petanüwa ne naxùxù, rù mexù i ore i pechiga ngema ne nange. Rù tomaã nüxù nixu na ñuxäcü meã peyaxögüxù, rù ñuxäcü guxâma meã pegü pengechaügüxù. Rù tomaã nüxù nixu ta na ñuxäcü guxüguma toxù pengechaügüäcüma togu perüxínüèxù, rù ñuxäcü poraäcü wena toxù pedaugüchaüxù rù ngexgumarüxù ta i toma rù toxù nangüchaü na wena pexù tadaugüchaüxù.

⁷ Rù ngëmacèx, Pa Chaueneëgüx, rù woo guxchaxù toxù na ngëxmaxù rù ngüxù na tingegüxù, rù poraäcü toxù nataäèxèè i ngëma pexù na tacuáchigaxù na meã ípemaxèxù rù meã peyaxögüamaxù.

⁸ Rù ñuxma na nüxù tacuáchigaxù na aixcüma meã tórü Coriaxù peyaxögüamaxù, rù poraäcü tataäëgü.

⁹ ¿Rü ñuxäcü tá Tupanana moxè taxã naxcèx i ngëma taäè i taxù i toxna pexáxù? Erü aixcüma pegagu nixi i toxù nangëxmaxù i wüxi i taäè i taxù i napëxewa.

¹⁰ Rù ngunecü rù chütacü rù tayumüxëgü, rù Tupanana naxcèx tacagü na petanüwa toxù nawoeguxëèxùcèx na wena pexù tadaugüxùcèx rù pexù tarüngüxëègüxùcèx na yexeraäcü nüxù peyaxögüxùcèx.

¹¹ Rù poraäcü tanaxwëxegü na Tanatü ya Tupana rù tórü Cori ya Ngechuchu ya Cristu toxù natauxchaxëèxù na wena petanüwa itayadaugüxùcèx.

¹² Rù tanaxwëxegü na tórü Cori ya Ngechuchu pexù rüngüxëèxù na yexeraäcü pegü pengechaügüxùcèx rù guxù i duüxügüxù na pengechaügüxùcèx, ngëxgumarüü i toma rù poraäcü pexù na tangechaügüxùrüü.

¹³ Rù tanaxwëxegü na tórü Cori ya Ngechuchu pexù rüngüxëèxù na peäëwa rù aixcüma meã peyaxögüxùcèx rù norü duüxügü i aixcüma mexügü na pixügüxùcèx rù na nataxuxùcèx i perü pecadugü i napëxewa ya Tanatü ya Tupana i ngëxguma wena núma naxüxgu ya tórü Cori ya Ngechuchu ya Cristu namaã i guxüma i norü duüxügü. Rù tanaxwëxe na ngëmaäcü yüxù.

4

Maxù i Tupanaxù taäèxëèxùchiga

¹ Rù ñuxma Pa Chaueneëgüx, rù tórü Cori ya Ngechuchuégagu pexù tacèèxù rù pexù tamu na guxüguma Tupanacèx meã pemaxèxù yema pexù tangüxëèxùrüü rù ñuxma marü penaxüxüüü.

² Pema rù marü nüxù pecuèx ga yema torü ucuxëgü ga tórü Cori ya Ngechuchu toxù muxù na pexù tangüxëèxùcèx.

³ Rù Tupana nanaxwëxe na aixcüma namexù i perü maxù rù naxcèxicatama na pemaxèxù. Rù tama name i chixri pemaxè i napëxewa rù to i ngëxügümaã pengëäëgümare.

⁴ Rù wüxichigü tanaxwëxe na aixcüma tümamèxù tangechaüxù, rù ngümaäxícatama na tamaxùxù.

⁵ Rù tama name i ngüxù na pecuáxchaümarexùcèx ngümaã pexämèx i wüxi i nge erü ngëmaäcü namaxè i ngëma duüxügü i tama Tupanaäxù yaxögüxù.

⁶ Rū tama name i texé ngĩmaã tamaxũ i naxmèx ya tũmaẽneẽ. Erũ yexgumarũũ ga marũ pemaã nüxũ tixuxũrũũ, rũ Tupana tá poraãcũ tüxũ napoxcu ya guxãma ya yixema ngẽmaãcũ maxẽxẽ.

⁷ Erũ Tupana tüxũ nade na meã imaxẽxũcèx rũ tama chixexũ ixügũxũcèx.

⁸ Rũ ngẽmacèx ega texé tama naga Ìnũgu i ñãã nguxẽẽtaegũ, rũ pemaã nüxũ chixu rũ tama wũxi i duũxũga nixĩ i ngẽma nüxũ taxoxũ, natũrũ Tupanagatama nixĩ i nüxũ taxoxũ. Rũ guma nixĩ ga pexna namucũ ga Naãe i Üünexũ.

⁹ Rũ ngẽma na pegũ pengechaũgũxũchiga, rũ taxucèxma pexcèx chanaxũmatũ i poperawa. Yerũ Tupanatama marũ pexũ nangũxẽẽ i ngẽma na ñuxãcũ aixcũma pegũ pengechaũgũxũ.

¹⁰ Rũ aixcũma nixĩ i guxũguma meã nüxũ pengechaũgũxũ i guxũma i taeneẽgũ i Machedóniããnewa ngẽxmagũxũ. Natũrũ, Pa Toeneẽgũx, pexũ tacèxũgũ na yexeraãcũ meã nüxũ pengechaũgũxũcèx.

¹¹ ;Rũ meã pegũ pengechaũgũ, rũ pexrũtama maxũgu perũxĩnũe, rũ tama i togũarũ maxũgu! ;Rũ pematama naxcèx pepuracũe i perũ ngẽmaxũgũ yema marũ pemaã nüxũ tixuxũrũũ!

¹² Rũ ngẽxguma ngẽmaãcũ pemaxẽgu, rũ ngẽma duũxũgũ i tama yaxõgũxũ rũ tá pexũ nangechaũgũ, rũ taxuũtãma pexũ nataxu.

Ñuxãcũ tá nixĩ i ngẽxguma nataegugu ya tórũ Cori

¹³ Pa Chaueneẽgũx, rũ ñuxma rũ tá pexũ nüxũ chacuèxẽẽ i ngexta tá naxĩxũ i ngema yaxõgũxũ i yuexũ na ngemaãcũ tama pengechaũgũxũcèx naxrũxũ i ngema tama nüxũ cuèxgũxũ na wena tá namaxẽxũ i ngema yuexũ.

¹⁴ Erũ yixema na yaxõgũxũ na nayuxũ rũ wena namaxũxũ ga Ngechuchu, rũ ngẽxgumarũũ ta tayaxõgũ na Tupana tá ìnadagũxẽẽxũ i guxũma i ngẽma Ngechuchuxũ yaxõgũãcũma yuexũ.

¹⁵ Rũ ngẽmacèx pemaã nüxũ tixu i ngẽma ore ga tórũ Cori ya Ngechuchu namaã nguxẽẽtaexũ. Rũ ngẽxguma wena núma naxũxgu ya tórũ Cori ya Ngechuchu rũ yixema na imaxẽxũ i ñoma i naãnewa rũ tãũtãma yixira napèxe taxĩ i ngẽma yuexũ.

¹⁶ Erũ nũmatama ya Cori ya Ngechuchu rũ daxũwa tá ìnarũxĩ, rũ tá nangẽxma i wũxi i naga i taxũ i daxũwa ìnaxũxũ i tüxũ muxũ, rũ tá nüxũ taxĩnũe i Tupanaãrũ orearũ ngeruũgũarũ ãẽxgacũ i tagaãcũ daxũwa icagũxũ, rũ tá yacuegũxũ ya Tupanaãrũ corneta. Rũ ngẽxguma i ngẽma yuexũ i Cristuaxũ yaxõgũxũ rũ tá ìnarũdagũ.

¹⁷ Rũ ngẽmawena i yixema na imaxẽxũ rũ Tupana tá wũxigu caixanexũgu tüxũ nigagũ namaã i ngẽma duũxũgũ i yuwa ìrudagũxũ. Rũ ngẽmaãcũ tá daxũgu tórũ Cori ya Ngechuchuxũ tayangaugũ na guxũgutãma naxũtawã ingẽxmagũxũcèx.

¹⁸ Rũ ngẽmacèx chanaxwèxe i ñãã oremaã pegũ petaãẽxẽegũ.

5

¹ Natũrũ, Pa Chaueneẽgũx, rũ ngẽma norũ ngunexũ rũ taunecũ i tá nagu nangupetũxũ i ngẽma pemaã nüxũ chixuxũ, rũ taxucèxma pexcèx chanaxũmatũ i ngẽmachiga.

² Erũ pematama meã nüxũ pecuèx rũ ngẽma ngunexũ i taxũema nagu ìnanguxẽẽxũgu tá nixĩ i ìnanguxũ ya tórũ Cori ya Ngechuchu. Rũ ñoma wũxi i ngĩtèxãxũ i ngũrũãchi chũtacũ ìnguxũrũũ tá nixĩ.

³ Rū ngēxguma duūxūgū nāgū írūxīnūēgū nā guxūma nā mexū rū taxūma nā nūxū ūpetūxū, rū ngēma ngunexūgūgū rū tā ngūrūāchi nāgūx i guxūma. Rū űoma wūxi i ngecū i āxācūcū rū ngūrūāchi ngīxācūmaā ngūxnecacūrūū tā nixī nā taxūema naxchaxwa īfāxū i ngēma.

⁴ Natūrū pemax, Pa Chaueneēgūx, rū marū meāma nūxū pecuēx i Cristuarū nguchiga. Rū ngēmacēx taxucēma ngūrūāchi pexū īnayabaixgū ya Cori ya Ngechuchu űoma wūxi i ngītēxāxū tūxū ībaixgūxūrūū.

⁵ Erū guxāma i pema rū Tupanaārū duūxūgū pixīgū, rū ngēmacēx ngóonexūwa pengēxmagū rū meāma nūxū pecuēx nā űuxācū meā pemaxēxū. Rū yixema rū tama Chatanāārū duūxūgū tixīgū, rū ngēmacēx tama ēānexūwa tangēxmagū rū tama tanaxū i ngēma chixexū i ēānexūwa ūxū.

⁶ Rū ngēmacēx tama name i taechita tamaxēmare naxrūū i ngēma duūxūgū i tama yaxōgūxū. Rū name nixī i taxūāēgū, rū meā taāēgū tarūxīnūē.

⁷ Erū ngēma duūxūgū i naēchitamare maxēxū rū űoma duūxūgū i chūtacū peexūrūū nixīgū. Rū ngēma duūxūgū i axegūxū rū chūtacū nixī i nūgū nangāxēxēxū.

⁸ Natūrū i yixema rū ngóonexūwa tangēxmagū, rū ngēmacēx tanaxwēxe i guxūguma taxūāēgū. Rū name nixī i aixcūma meā Tupanaāxū tayaxōgū, rū yigū tangechaūgū, rū meā ītananguxēē nā Tupana tūxna naxāxūcēx i ngēma maxū i taguma gūxū. Rū ngēxguma ngēmaācū imaxēgū, rū ngēmaācū tā yigū ītapoxū i ngēxguma Chatanā chixexūgū tūxū yixēēchaūgū.

⁹ Erū Tupana rū tama tūxū nade nā tūxū napoxcuexūcēx, natūrū tūxū nade nā tōrū Cori ya Ngechuchu ya Cristugagu nayauxgūxūcēx i maxū i taguma gūxū.

¹⁰ Rū Ngechuchu ya Cristu rū taxcēx nāyū nā wūxigu namaā imaxēxūcēx i daxūgūxū i naānewa. Rū nūētama ega woo marū iyuyane īnanguxgū rū ēxna imaxēyane īnanguxgū, erū daxūgūxū i naānewa rū wūxiwa tā namaā tamaxē.

¹¹ Rū ngēmacēx, Pa Chaueneēgūx, rū name nixī i wūxichigū pegū petaāxēxēgū rū pegū peporaexēē i perū ōwa ngēxgumarūū i űuxma nā marū īpenaxūgūxū.

Pauru rū nayaxucūxēgū ga yema yaxōgūxū

¹² Pa Chaueneēgūx, pexū tacēxūgū nā nūxū pengechaūgūxūcēx i ngēma taeneēgū i petanūwa puracūexū rū pemaā icuēxgūxū rū pexū ngūxēxēxū i Cori ya Ngechucharū ore.

¹³ Rū name nixī i namaā petaāēgū rū aixcūma meā nūxū pengechaūgū i ngēma taeneēgū, erū nūmagū nixī i pexū nangūxēēgūxū. Rū name nixī i pegū pengechaūgūācūma pemaxē.

¹⁴ Rū pemaā nūxū tixū tā nā penaxucūxēgūxū i ngēma duūxūgū i oexū i tama pura-cūchaūxū. ¡Rū nūxū penangūchaūxēēgū i ngēma duūxūgū i marū nūxū rūxoechaūxū nā yaxōgūāxū! ¡Rū nūxū perūngūxēēgū i ngēma duūxūgū i turaexū i norū ōwal! ¡Rū name nixī i yaxna namaā pexīnūē i guxūma i ngēma taeneēgū!

¹⁵ Rū ngēxguma texē chixexū pemaā ūxgū, rū tama name i chixexūmaā penataeguxēē. ¡Natūrū name nixī i naxcēx pedau nā guxūguma mexū pexūgūxū i pegūtanūwa rū ngema togūtanūwa rū tā!

¹⁶ Rū name nixī i guxūguma petaāēgū.

¹⁷ ¡Rū guxūguma peyumūxēgū!

18 ¡Rü woo ꞑacü pexü ngupetügu, rü Tupanana moxë pexãgü! Erü ngëmaãcü nanaxwëxe ya Tupana na pemaxëxü i pema i Ngechuchu ya Cristuarü duñxügü na pixíggüxü.

19 Rü tama name i nüxü pexoe i Tupanaãë i Üünexü.

20 Rü tama name i nüxü pexoe i Tupanaãrü ore ega texéwa pemaã yadeaxgu ya Tupana.

21 Natürü name nixí i meãma penangugü i guxüma i oregü na nüxü pecuáxücëx rü ngoxi aixcüma yíixü i ngëma ore rü éxna tama. ¡Rü ngëma ore i aixcüma mexüxícatama pixóggü!

22 ¡Rü nüxna pixíggachi i nagüxüraüxü i chixexügü!

23 Rü chanaxwëxe i nümatama ya Tupana ya tüxü taãëxëëcü pexü imexëë na aixcüma napëxewa pimexüçëx. Rü chanaxwëxe i guxüwama pexna nadau i peãëwa rü pexenewa na nataxuxücëx i ꞑacü i perü chixexü i ngëxguma wenaxãrü núma naxüxgu ya tórü Cori ya Ngechuchu ya Cristu.

24 Rü nüma ya Tupana ya pexü decü rü nixaixcüma na yanguxëëãxü i guxüma i ngëma tamaã inaxunetaxü.

Pauru rü wenaxãrü yema duñxügüxü narümoxë rü naxcëx ínaca na Cori ya Ngechuchu ya Cristu meã nüxü rüngüxëëxü ga

yema yaxóggüxü

25 Pa Chaueneëggüx, ¡Toxcëx peyumüxëggü!

26 Rü chanaxwëxe i chauégagu nüxü perümoxëggü i guxüma i taeneëggü.

27 Rü Cori ya Ngechuchuégagu pexü chamu na guxü i taeneëggüpëxewa na nüxü pedaumatüxü i ñaã popera i pexcëx ngëma chamuxü.

28 Rü chanaxwëxe i tórü Cori ya Ngechuchu ya Cristu pexü narüngüxëë i guxãma i pemax.

Rü nuãma pexna,
Pauru

NORŪ TAXRE GA POPERA GA TECHARÓNICAWA YEXMAGŪXŪ GA YAXŌGŪXŪTANŪWA NAMUXŪ GA PAURU

Pauru rŭ nŭxŭ narŭmoxē ga yema yaxŏgŭxŭ ga Techarónicawa yexmagŭxŭ

¹ Pa Techarónicawa Ngēxmagŭxŭ i Toeneēgŭ i Yaxŏgŭxŭ i Tanatŭ ya Tupana rŭ tŏrŭ Cori ya Ngechuchu ya Cristuarŭ Duŭxŭgŭ Ixŭgŭxŭx, choma i Pauru rŭ taeneē i Chiribánu rŭ Timutéu nixŭ i pexcēx tanaxŭmatŭxŭ i űaā popera.

² Rŭ tanaxwēxe i Tanatŭ ya Tupana rŭ tŏrŭ Cori ya Ngechuchu ya Cristu pexŭ narŭngŭxēē rŭ pexŭ nataāēxēē.

Ngēma chixexŭ ŭgŭxŭ rŭ Tupana tá nanapoxcue i ngēxguma wenaxārŭ nŭma naxŭxgu ya Cristu

³ Pa Toeneēgŭx, rŭ guxŭguma pexcēx Tupanana moxē taxā, erŭ name nixŭ na ngēmaācŭ tanaxŭxŭ. Erŭ guxŭguma yexeraācŭ peyaxŏgŭetanŭ rŭ yexeraācŭ pegŭ pingechaŭgŭetanŭ.

⁴ Rŭ ngēmacēx tomatama taāēācŭma pechigaxŭ tixu natanŭwachigŭ i ngēma duŭxŭgŭ i Tupanaāxŭ yaxŏgŭxŭ. Rŭ namaā nŭxŭ tixu na űuxācŭ meā peyaxŏgŭxŭ, rŭ űuxācŭ namaā peporaexŭ i guxŭma i ngēma guxchaxŭgŭ rŭ ngŭxŭgŭ i pexŭ ngupetŭxŭ.

⁵ Rŭ ngēma guxchaxŭgŭ i pexŭ ngupetŭxŭwa nŭxŭ tacuēx na aixcŭmacŭ yŭxŭ ya Tupana, erŭ pexŭ nangugŭ na aixcŭma pimexŭ na pichocuxŭcēx i ngextá nŭma āēxgacŭ űyŭxŭwa. Rŭ ngēma na pichocuxŭcēx nixŭ i ngŭxŭ pingegŭxŭ i űuxmax.

⁶ Rŭ aixcŭma name nixŭ na Tupana napŏxcuexŭ i ngēma duŭxŭgŭ i ngŭxŭ pexŭ ingegŭxēēxŭ.

⁷ Natŭrŭ i pema i űuxma ngŭxŭ ingegŭxe rŭ name nixŭ i wŭxigu tomaā pexŭ inarŭngŭēxēē ya Tupana. Rŭ ngēma rŭ tá nanaxŭ ya Tupana i ngēxguma ŭxŭemagu daxŭwa ne naxŭxgu ya tŏrŭ Cori ya Ngechuchu ya Cristu wŭxigu namaā i norŭ orearŭ ngeruŭgŭ i poraexŭ.

⁸ Rŭ aixcŭma nŭma tá naxŭ i nŭma ya tŏrŭ Cori ya Ngechuchu na napoxcueāxŭcēx i ngēma duŭxŭgŭ i tama Tupanaxŭ cuāxchaŭgŭxŭ rŭ tama naga űnŭxŭ i ngēma ore i mexŭ i tŏrŭ Cori ya Ngechuchu ya Cristuchiga.

⁹ Rŭ ngēma duŭxŭgŭ rŭ wŭxi i poxcu i taguma gŭxŭgŭ tá napoxcue erŭ tŏrŭ Cori ya Ngechucharŭ yaxŭwa tá nawogŭ. Rŭ ngēma rŭ tagutáma nŭxŭ nadaugŭ na űuxācŭ namexēchixŭ rŭ naporaxŭ ya tŏrŭ Cori ya Ngechuchu.

¹⁰ Rŭ ngēmaācŭ tá ngēma duŭxŭgŭmaā nangupetŭ i ngēxguma tŏrŭ Cori ya Ngechuchu nŭma ŭxgu. Rŭ nŭma tá nangu na norŭ duŭxŭgŭ nŭxŭ icuēxŭgŭxŭcēx, rŭ tá nabaűxāchiāēgŭ rŭ nataāēgŭ erŭ tá nŭxŭ nadaugŭ na űuxācŭ namexēchixŭ i nŭmax. Rŭ pema rŭ tá ta wŭxigu namaā pengēxmagŭ, yerŭ peyaxŏgŭ ga yema Tupanaārŭ ore ga pemaā nŭxŭ tixuxŭ.

¹¹ Rŭ ngēmacēx guxŭguma pexcēx tayumŭxēgŭ. Rŭ Tupanana taca na nŭma pexŭ nadauxŭ na aixcŭma mexŭ i norŭ duŭxŭgŭ pixŭgŭxŭ i űuxma na pexŭ nadexŭ. Rŭ ngēxgumarŭŭ ta nŭxna taca na nŭmatama norŭ poramaā yanguxēēāxŭcēx i guxŭma i ngēma mexŭ i peāēwa nagu perŭxŭnŭxŭ rŭ guxŭma i ngēma puracŭgŭ i mexŭ i perŭ ŏgagu pexŭxŭ.

12 Rū ngēxguma Tupana ngēmaācū pexū rūngūxēēgu, rū perū maxū i mexūgagu rū guxūma i duūxūgū tá nūxū nicuēxūūgū ya tórū Cori ya Ngechuchu ya Cristu. Rū nūmatama ya tórū Cori rū tá pemaā nataāē erū nūma rū wūxigu Tanatū ya Tupanamaā pexū nangechaūgū.

2

Pauru rū nanangoxēē i űuxācū tá na yīxū i ngēxguma ínanguxgu ya Cori ya Ngechuchu

1-2 Rū űuxma Pa Chaueneēgūx, rū pemaā nūxū chixuxchaū i nachiga na űuxācū tá na yīxū i ngēxguma tórū Cori ya Ngechuchu ya Cristu wena nūma űxgu rū tūxū nangutaquēxexēēgūgu na wūxiwa namaā ingēxmagūxūcēx. Rū pemaā nūxū tixu na tama ngūrūāchi togumare perūxīnūēxū rū paxa peyaxōgūxū i űacū rū ore i tama toma pemaā nūxū tixuxū. Erū tama tanaxwēxe na peḃaixāchiāēgūxū ega texé pemaā idoraegu rū pemaā nūxū ixuxgu na marū ínanguxū ya tórū Cori ya Ngechuchu. Rū ngēxguma texé pemaā nūxū ixuxgu na nagu taxānegūxū na Cristu rū marū ínanguxū, rū tama name i tūmaga pexīnūē. Rū woo pemaā nūxū tixugūgūgu na tanayauxgūxū i wūxi i torū popera i nūxū ixuxū na marū ínanguxū ya tórū Cori ya Ngechuchu, jűū tāūtāma tūxū peyaxōgū!

3 jRū tāūtāma naga pexīnūē i ngēma duūxūgū i ngēmaācū pexū womūxēēgūchaūxū! Erū naxūpa na Ngechuchu nūma űxū rū tá ínangu i ngēma yatū i Tupanaārū uwanū ixīxū, rū tá nananuēxēē i muxūma i duūxūgū i yaxōgūchirēxū. Natūrū ngēma yatū rū Tupana marū namaā nanaxuegu rū tá napoxcu.

4 Rū ngēma Tupanaārū uwanū rū tá Tupanamaā rū guxūma i ngēma Tupanaārū ixīxūmaā narūxuanū. Rū tá naxchi naxai i guxūma i űacū i mexū i duūxūgū Tupanaxū namaā icuēxūūgūxū. Rū Tupanaārū tupauca ya taxūnewa tá nayarūto űoma Tupana yīxūrūū. Rū tá nūgū nixu na Tupana yīxū.

5 ¿Tama ēxna nūxna pecuēxāchie ga yexguma petanūwa chayexmagu rū marū meāma pemaā nūxū chixu nachiga ga yema?

6 Rū pema marū nūxū pecuēx na tūxcūū yīxū i tauta nūma naxūxū i ngēma Tupanaārū uwanū. Tauta nūma naxū, erū tauta nawa nangu i ngema ngunexū i nagu nua naxūxū.

7 Rū ngēma chixexū i Tupanaārū uwanū űxū, rū marū cúācū inaxūgū. Natūrū nūmatama i Tupanaārū uwanū rū tāūtāma nangox űuxmatāta ngēma norū chogūruū nūxū ingé.

8 Rū ngēxguma tá nixī i ínanguxū i ngēma Tupanaārū uwanū. Natūrū nūma ya tórū Cori ya Ngechuchu rū wūxi i “cue” űaxūmaā tá nayamēx. Rū ngēxguma ínanguxgu ya tórū Cori ya Ngechuchu rū ngēma norū yaxracūūxūmaā tá ínanaxoxēē i ngēma norū uwanū.

9 Rū ngēma Tupanamaā rūxuanūāxū, rū ngēxguma ínanguxgu rū tá nūxū nangēxma i Chatanáārū pora rū ngēmācēx tá naporaxūchi. Rū tá nanaxū i nagūxūraūxū i cuēxruūgū i Chatanáārū poramaā naxūxū i namaā duūxūgūxū nawomūxēēxū..

10 Rū nagūxūraūxū i chixexū tá naxū na nawomūxēēāxūcēx i ngēma duūxūgū i Tupana tá poxcexū. Rū ngēmaācū tá nūxū naxūpetū i ngēma duūxūgū, yerū tama nanayauxgūchaū rū tama nūxū nangechaū i ngēma Tupanaārū ore i aixcūma ixīxū i tūxū maxēxēēxū.

11 Rū ngēmacèx ya Tupana rü nanangexrü i ngēma duūxūgü na poraäcü inatüexüxcèx rü yaxögüäxüxcèx i ngēma ore i doramare ixixü.

12 Rū ngēmacèx düxwa Tupana tá namaä nanaxuegu na napoxcuexü i guxüma i ngēma duūxūgü i tama yaxögüchaüxü i norü ore rü namaä taäëgüxü i ngēma chixexü na naxügüxü.

Tupana tüxü nade na tüxü nangēxmaxüxcèx i maxü i taguma gúxü

13 Natürü, Pa Chaueneëgüx i Tórü Cori ya Ngechuchu Pexü Ngechaügüxex, rü guxüguma Tupanana moxë pexcèx taxä yerü nüma ga Tupana rü noxri-tama naäne ixügüyugumama pexü nade na pexira penayauxgüxüxcèx i maxü i taguma gúxü ga yexguma pexü nangüxëëgu ga Naäë i pexü üünexëëxü rü peyaxögügu ga yema ore i aixcüma ixixü.

14 Rū yemacèx Tupana pexcèx naca ga yexguma pemaä nüxü tixuxgu ga norü ore i mexü i tüxü maxëxëëxü. Erü nüma nanaxwëxe na pexü nangēxmaxüxcèx i pechica i tórü Cori ya Ngechuchu ya Cristuxütawa i ngextä inamexëchixüwa.

15 Rū ngēmacèx, Pa Chaueneëgüx, rü chanaxwëxe i meä peyaxögüama rü tama nüxü ipeyarüngümaë ga yema ore ga tomatama pexü tangüxëëxü rü yema ore ga poperagu pexcèx taxümatüxü.

16-17 Rū chanaxwëxe i tórü Cori ya Ngechuchu ya Cristu rü Tanatü ya Tupana pexü nataäëxëëgü rü pexü narüngüxëë na guxüguma mexü i oremaä pidexagüxüxcèx rü mexü pexügüxüxcèx. Rü yima Tanatü ya Tupana nixi ya tamaä namecümaäcüma tüxü ngechaücü rü guxüguma tüxü taäëxëëcü rü tamaä ixunetacü na wüxi i ngunexü tá naxütawa ingëxmagüxü.

3

Pauru naxcèx ínaca na naxcèx nayumüxëgüxü

1 Rū ñuxma Pa Chaueneëgüx, rü chanaxwëxe na toxcèx peyumüxëgüxü na paxa guxüwama nanguxüxcèx i tórü Cori ya Ngechuchuarü ore i mexü, rü duūxūgü norü ngüchaümaä na nayauxgüxüxcèx ga yema pema na penayauxgüxüürü.

2 ¡Rü toxcèx peyumüxëgü ta na tama ñacü rü chixexü tomaä naxügüxüxcèx i ngēma duūxūgü i chixexügü! Erü tama guxüma i duūxūgü nayaxögü.

3 Natürü tórü Cori ya Ngechuchu rü aixcüma nayanguxëë i ngēma tamaä inaxunetaxü. Rü nüma tá pexü naporaexëë rü pexna nadau na tama chixexügu peyixüxcèx.

4 Rü tórü Cori ya Ngechuchu toxü nüxü nacüxëë na aixcüma penaxüxü i ngēma pexü tamuxü rü tagutáma nüxü perüxoexü na ngēmaäcü penaxüxü.

5 Rü tanaxwëxe i tórü Cori ya Ngechuchu pexü narüngüxëë na aixcüma pegü pengechaügüxüxcèx, ngēma Tupana tüxü ngechaüxüürü. Rü naxcèx ítaca na pexü naporaexëëxüxcèx na Cristurü namaä peporaexüxcèx i ngēma ngüxügü i ngëxguma pexcèx ínanguxgu.

Name nixi na ipuracüexü i wüxichigü

6 Pa Chaueneëgüx, tórü Cori ya Ngechuchu ya Cristuégagu pexü tamu na tama namaä pixämücügüxüxcèx i ñacü i taeneë i tama puracüchaüxü rü tama ngēma pexü tangüxëëäcüma maxüxü.

7 Erü pema rü marü nüxü pecüex na ñuxäcü tá pemaxëxü na toxrüü penaxüxüxcèx. Yerü toma ga yexguma petanüwa tayexmagügu rü torü ñnacèx tapuracüe, rü tama yexma tarüchomare.

⁸ Rū toma rū taguma texéarū ðna ngetanüãcūma tangõx. Natürü ngunecü rū chütacü rū torü ðnacèx tapuracüe na tama wüxi ga guxchaxü pexü tixigüxüçèx.

⁹ Rū woochirèx Tupanapèxewa rū name nixī ga perü ngüxèècèx na ítaçaxü, natürü tama yemaãcü tanaxü. Rū torü ðnacèx tapuracüe yerü pexü nüxü tadauxèèchaü na ñuxãcü meã imaxüxü.

¹⁰ Yerü yexguma petanüwa tayexmagügu, rū pemaã nüxü tixu rū yíxema tama puracüchaüxè, rū noxtacüma ngexrüma nixī na tachibüxü.

¹¹ Rū pexcèx tanaxümatü i ngëmachiga, erü marü nüxü taxīnüè na petanüwa nangëxmaxü i ñuxre i duüxügü i oexü rū tama puracüechaüxü rū toguechigagumare rüxīnüèxü.

¹² Rū tórü Cori ya Ngechuchu ya Cristuégagu tanamu na meãmare ínapuracüexüçèx i ngëma duüxügü na nümatama norü ðnacèx nataxegüxüçèx.

¹³ Pa Chaueneëgüx, jtama nüxü perüchau na mexü pexüexü!

¹⁴ Rū ngëxguma texé tama naga ñügu i ñaã ore i poperawa pemaã nüxü tixuxü jrü marü tüxü pecuèx na texé tixü! Rū tama name i tümamaã pexãmücü na taxãnexüçèx i tümãx.

¹⁵ ¡Natürü tãütãma namaã perüxuwanü! Rū name nixī i ñoma peeneëxü pexucüxèxüãcūma meã tüxü pexucüxèmare.

Pauru rū naxcèx ínaca na Cori ya Ngechuchu nüxü rüngüxèèxü ga yema yaxõgüxü

¹⁶ Rū chanaxwèxe i nümatama ya tórü Cori ya taãearü yora pexü narüngüxèè na guxüguma i guxüwama petaãëgüxüçèx. Rū chanaxwèxe na nüma rū petanüwa na nangëxmaxü i guxãma i pemãx.

¹⁷ Choma i Pauru rū choxmëxmaãtama pexcèx chanaxümatü i ñaã chorü moxè. Rū ngëmaãcü nixī i chaugü nagu chawüégaxü i guxüma i chorü popera. Rū ngëmaãcü nixī i chanaxümatüxü.

¹⁸ ¡Rü nüma ya tórü Cori ya Ngechuchu ya Cristu rū pexna naxãã i ngema norü ngechaxü i guxãma i pemãx!

Rü nuãma pexna,
Pauru

NÜXĪRAÜXÜ GA POPERA GA TIMUTÉUCAḂ NAXÜMATÜXÜ GA PAURU

Timutéuxü narümoxē ga Pauru

¹⁻² Pa Timutéux, choma i Pauru nixī i cuxcèx chanaxümatüxü i ñaã popera. Rü choxü nixī ga yamuxü ga Ngechuchu ya Cristu na norü puracü chaxüxüçèx, yerü yemaäcü nanaxwèxe ga Tupana ya tüxü maxèxèècü rü törü Cori ya Ngechuchu ya Cristu ya ínanguxèègücü. Rü cuma Pa Timutéux, rü chaune quixī i Tupanaärü orewa yerü chauxütawa nixī ga cunayaxuxü ga Tupanaärü ore ga noxrix. Rü chanaxwèxe ya Tanatü ya Tupana rü törü Cori ya Ngechuchu ya Cristu rü cuxna nanaxā i norü ngechaxü rü norü mecüma rü norü taäe.

Timutéuxü naxucuxē ga Pauru nachiga ga yema nguxēetaegü ga tama aixcüma ixīxü

³ Yexguma cuxna ichaxüächigu na Machedóniãñewa na chaxüxüçèx rü cumaã nüxü chixu na Epéchiuarü ñānegu na curüxāüxü na ícuyachaxächigüxèxèçèx i ngema duüxügü i doramaãmare ngéma nguxēetaegüxü.

⁴ Rü chanaxwèxe i ngéma duüxügümaã nüxü quixu na nüxü naxoexüçèx na namaã nangüexèèxü i ngéma nacümagü ga nuxcümaügüxü ga duüxügü nagu íxü. Erü guxüma i ngéma oregü rü doramare nixī, rü ngēmagagu düxwa nügümaã nanuē i duüxügü. Rü ngéma oregü rü tama aixcüma nüxü narüngüxèe i duüxügü na meã Tupanaäxü yaxögüaxüçèx.

⁵ Natürü Tupana nanaxwèxe i törü maxünewa na ingearü pecaduãxgüxü, rü na mexügu rüxñüxèxü, rü aixcüma meã na yaxögüxü. Rü nüma tüxü namu na ngémaäcü imaxèäcüma yigü na ingechaügüxü.

⁶ Natürü ñuxre i duüxügü rü marü nüxna nixīgachi i Tupanaärü ore na nawe naxüxüçèx i ngéma ore i taxuwama mexü i nuēwa nagagümarexü.

⁷ Erü nümagü tüxü nangüexèèchaü i ngéma mugü ga Moiché tüxna äxü, natürü tama nüxü äexgacüga íñüxü, rü ngéma chixexü ügüxü, rü ngéma tamaã nüxü yaxügüxü rü tüxü nangüexèèxü woo nüma nagu naxñüegu rü meãma nüxü nacüexgü.

⁸ Rü nüxü tacuèx rü ngéma mugü ga Moiché tüxna äxü rü tüxü name ega Tupana naxwèxexüäcüma naga íññüegu.

⁹⁻¹⁰ Natürü nüxü tacuèxgü rü guxüma i ngema mugü rü duüxügü i chixexü ügüxüçèx nixī. Rü ngéma nixī i ngéma duüxügü i tama irüxñüèchaüxü, rü ngéma tama norü äexgacüga íñüxü, rü ngéma chixexü ügüxü, rü ngéma pecaduãxgüxü, rü ngéma tama Tupanaga íñüxü, rü ngéma nanatüxü rü naèxü imèxgüxü, rü guxüma i ngéma máetagüxü, rü ngéma naxüñearü ngüchaüwe rüxixü, rü ngéma yatügü rü ngexügü i naxrüü yatüxü rü ngexümaã ngēãgüxü, rü ngéma duüxègümaã taxegüxü, rü ngéma idorateèxgüxü, rü ngéma äexgacügümaã idoragüxü, rü guxüma i ngéma naxügüxü i íacü rü chixexü i yatoxyepexü i ngema nguxèetae i mexü.

¹¹ Rü ngéma nguxèetae i mexü rü Tupanaärü orewa nangexma, rü ngemagu nixī i nüxü iyarüngauxü i ngema maxü i taguma gúxü. Rü nge-maarü uruxü nixī ya Tupana ya mecümaxüchicü i choxü namuxü.

Pauru rü Tupanana moxë naxã yerü nüxü nüxü nangechaü ga norü chix-xülgü

¹² Rü moxë nüxna chaxã ya Ngechuchu ya Cristu ya tórü Cori erü nüma choxü naporaxëë rü choxü nangugü na wüxi i mexü i norü duüxü chixixü. Rü ngëmacëx choxü naxuneta na nüxü chapuracüxü.

¹³ Üpa ga choma rü chixri nachiga chidexa ga Cristu, rü naxchi chaxai ga yema duüxülgü ga nüxü yaxögüxü. Rü nawe chingechigü rü namaã chixexü chixugü. Natürü woo yemaäcü na chamaxüxü, rü Tupanaãxü changechaütümüxü yerü tama aixcüma nüxü chacuëx ga tacü na chaxüxü, yerü tauta Cristuaxü chayaxö.

¹⁴ Rü yemaäcü ga tórü Cori ya Ngechuchu rü poraäcüxüchima chomaã namecüma yerü choxü narüngüxëë na nüxü chayaxöxüçëx rü nagagu nüxü changechaüxüçëx i guxüma i duüxülgü.

¹⁵ Rü pemaã nüxü chixuxchaü i wüxi i ore i aixcümaxüchi ixixü i in-axwëxegüxü na guxãma nüxü cuáxü. Rü Ngechuchu ya Cristu rü ñoma ga naãnewa nangu na namaxëxëäxüçëx i pecaduãxgüxü. Rü natanüwa rü choma nixi ga guxüärü yexera na chixexü chaxüxü.

¹⁶ Natürü Tupana choxü nüxü nangechaü ga yema chorü chixexü na chowa duüxülgüxü nüxü nadauxëxüçëx ga ñuxäcü nüma ga Ngechuchu ya Cristu yaxna chomaã na naxinüxü ga woo guxü ga pecaduãxgüxüärü yexera chixecü na chixüxü. Rü ngëmaäcü wüxi i cuëxruü chixi naxcëx i guxüma i duüxülgü na nümagü rü ta nüxü nangëxmaxüçëx i maxü i taguma güxü.

¹⁷ Rü ñuxma tanaxwëxe i guxügutãma nüxü ticuëxüülgü rü tanataxëëgü ya yima nüxicatama Tupana ixixü. Rü woo tama nüxü tadaugü i ñuxma natürü guxüguma tórü Äëxgacü nixi rü tagutãma nayu. Rü ngëmaäcü yüi.

¹⁸⁻¹⁹ Pa Chaune, Pa Timutéux, ñaã nixi i chorü ore i cumaã nüxü chixuxü. Rü üpa ga yexguma Tupana yadexaxëëgu ga ñuxre ga taeneëgü, rü nüxü nixugügü na cuma rü tá mexü i Tupanaärü orearü uruü quixü. Rü ñuxma chanaxwëxe i yemagü nüxü ixuxürü meã cuyanguxëë i ngëma puracü i mexü i Tupana nawa cuxü muxü. Rü chanaxwëxe na aixcüma cuyaxöxü rü cuäëwa cumatama nüxü cucuáxü na aixcüma namexü i ngëma puracü i ícuxüxü. Ñuxre i duüxülgü rü nüxü nacuëxgüchirëx i tacü nixi i mexü na naxügüãxü, natürü chixexüãma naxügü. Rü ngëmacëx düxwa nüxü narüxoe na Cristuaxü yaxögüãxü.

²⁰ Rü yemaäcü nüxü naxüpetü ga Imenü rü Areyáüdrü. Rü düxwa choma Chatanána chanawogü ga yema taxre na Chataná ngüxü nüxü ingëxëgüxüçëx na ngëmawa nüxü nacuëxgüxüçëx na tama namexü na chixri Tupanachiga yadexagüxü.

2

Name nixi i guxüma i duüxülgüçëx tayumüxëgü

¹ Rü ñuxma rü tá pemaã nüxü chixu na ñuxäcü namexü na peyumüxëgüxü. Rü pexü chamu na guxüma i duüxülgüçëxira peyumüxëgüxü. ¡Rü Tupanana naxcëx peca na nüxü nangüxëxüçëx rü nüxü nüxü nangechaüxüçëx i norü pecadugü! ¡Rü moxë nüxna pexã ya Tupana naxcëx i guxüma i norü ngüxëë i guxü i duüxülgüna naxãxü!

² Rü ngëxgumarü ta name nixi i naxcëx peyumüxë i guxüma i nachiüãnegüarü äëxgacügü i tacügü rü guxüma i ngëmatüüwa ngëxmagüxü i

ãêxgacügü na ngêmaãcü itaãêgüxcêx rü tüxü nangêxmaxüxcêx i wüxi i maxü i mexü i Tupanapêxewa rü guxü i duüxügüpêxewa.

³ Rü ngêma nixi i namaã nataãêxü ya yima Tupana ya tüxü maxêxêcü.

⁴ Erü nûma nanaxwêxe na guxâma tüxü nangêxmaxü i maxü i taguma gúxü rü guxâma nüxü cuâxü i ngêma ore i aixcüma ixixü.

⁵ Rü nûma ya Tupana rü wüxitama nixi. Rü ngêxgumarüü ta wüxitama nixi i taétüwa chogüxü na Tupanaxütawa tüxü nangugüxcêx. Rü nûma nixi ya Ngechuchu ya Cristu ya Tupana Nane ga duüxüü ixixü.

⁶ Rü nûma ga Ngechuchu rü nügü inaxâ rü nayu na guxü i duüxügüaxü naxütanüâxüxcêx na Tupanaxütawa nangugüxcêx. Rü yexguma Ngechuchu yuxgu nixi ga Tupana yanguxêxü ga yema üpaacü duüxügümaã nüxü yaxuxü na ñuxâcü tá namaxêxêxü.

⁷ Rü Tupana choxü naxuneta na norü orearü ngerüü chiüxcêx. Rü choxü namu na chanangüxêxüxcêx i ngêma duüxügü i tama Yudügü ixigüxü na nûmagü rü ta yaxögüâxüxcêx rü nüxü nacüxgüxcêx i ngêma ore i aixcüma ixixü. Rü ngêma pemaã nüxü chixuxü, rü aixcüma nixi, rü tama chidora.

⁸ Rü ñuxma chanaxwêxe i guxüwama nayumüxêgü i yatügü. Rü chanaxwêxe i ngearü pecaduâxücüma naxugümêxê rü ngêmaãcü tama texémaã nanuêücüma rü tama tacüchiga nügü nachoxügagüücüma nayumüxêgü.

⁹ Rü chanaxwêxe i ngexügü rü meamare üxü i naxchirugu nicuxgü, rü meamare nügü namexêéyaegü, rü tama poraãcü nügü nangêxãegü uirumaã rü meruxügümaã rü naxchiru i tatanüxümaã.

¹⁰ Natürü narümemae nixi i meãmارة Tupanacêx namaxê, rü mexü i puracü naxügü, erü ngêmaãcü nanaxwêxegü na namaxêxü i ngêma ngexügü i aixcüma Tupanaaxü yaxögüxü.

¹¹ Rü chanaxwêxe i ngexügü rü meã inaxinüe i ucuxêgü. Rü tama name na nachoxügawêxegüxü.

¹² Erü ngexügüna rü chanachuxu na yatügüxü nangüxêxêxü, rü yatüarü ãêxgacü na yixü. Rü name nixi i inarüxinüemare i perü ngutaquêxegüwa.

¹³ Yerü Tupana rü Adáüxüira naxü rü yixcama ga Ebaxü.

¹⁴ Rü Chataná rü tama Adáüxü nawomüxêe, natürü yema ngecüxü nixi ga nawomüxêxü. Rü yemaãcü pecadugu ingu ga yema ngecü.

¹⁵ Rü yemacêx Tupana nüxü nixu rü tá poraãcü nüxü nangüx i ngêma ngexügü i ngêxguma naxiraxacügügu. Natürü ngîma i ngecü rü tá inayaxu i maxü i taguma gúxü ega meã ngixacügümaã inacuêxgu, rü mexügu naxinüücüma yaxöôgu, rü guxügüma duüxügüxü nangechaügu rü meã Tupanapêxewa namaxêgü.

3

Yaxögüxüârü ãêxgacügüchiga

¹ Rü pemaã nüxü chixuxchaü i wüxi i ore i aixcüma ixixü. Rü ngêxguma chi texê naxwêxegu na yaxögüxüârü ãêxgacü tiixü, rü mexü i puracü nixi i naxcêx tadauxü.

² Rü yixema yaxögüxüârü ãêxgacü rü tanaxwêxe na aixcüma mecü tiixü na taxüema tümachiga chixri idexaxüxcêx. Rü tanaxwêxe i wüxixicatama tixi ya tümamêx, rü aixcüma meã tamaxü rü mexügüxicatama tarüxinü na guxü i duüxügü tüxü ngechaügüxcêx. Rü tanaxwêxe i guxügüma meã duüxügüxü tayaxu i tümapatawa, rü mexü i ngüxêêruü tixi.

³ Rū tama name i wūxi i ngāxwèxexū rū nuwèxexū tīxū, rū tama name i tūmaārū dīeruguama rūxīnūxē tīxū. Natūrū name nixī i guxū i duūxūgūmaā yaxna taxīnū rū namaā tamecūma.

⁴ Rū tanaxwèxe i meāma tūmachiūmaā itacuèx, rū tūmaxācūgū rū meā tūmaga naxīnūē, rū tūxū nangechaūgū.

⁵ Erū ngēxguma chi tama tūmachiūmaā meā itacuèxgu rū ċñuxācū i guxūma i Tupanaāxū yaxōgūxūmaā meā itacuāxū?

⁶ Rū yīxema ngema yaxōgūxūmaā icuāixē rū tama name na ngexwacèx yaxōxē tīxū, erū ngūrūāchi tā tūgū ticuèxū. Rū ngēmagagu dūxwa nagu tangu i ngēma poxcu i Chatanāxū namaā napoxcuxū ya Tupana.

⁷ Rū tanaxwèxe i woo i ngēma duūxūgū i tama yaxōgūxū rū tūxū nangechaūgū na taxūema chixri tūmachiga idexagūxūcèx rū tama Chatanā chixexūgū tūxū na nguxēēxūcèx.

Yatūgū i diácunugū i tupaucawa ngūxēētaegūxūchiga

⁸ Rū ngēxgumarū tā i ngēma yatūgū i tupaucawa ngūxēētaegūxū ixīgūxū rū nanaxwèxe i mexūguxicatama rūxīnūxū nixīgū. Rū nanaxwèxe i aixcūma nayanguxēēgū i ngēma nūxū yaxugūexū. Rū tama nanaxwèxe i ngāxēēchagūxū nixīgū rū ēxna norū dīeruguama rūxīnūxū nixīgū.

⁹ Rū name nixī i meāma nūxū nacuèxgū i guxūma i Tupanaārū ore, na nūxū nacuèxgūxūcèx na řacūcèx na yaxōgūāxū. Rū nanaxwèxe i nūgūāēwatama nūxū nacuèxgū na norū maxū rū aixcūma yamexū i Tupanapēxewa.

¹⁰ Rū tanaxwèxe i to i puracūwa nūxū taxūgūxira i noxrix. Rū ngēxguma marū taguma chixexū naxūgūgu, rū marū name i tupaucawaarū ngūxēēruū tayaxīgūxēē.

¹¹ Rū ngēma yatūgū i tupaucawa ngūxēētaegūxū ixīgūxū rū tanaxwèxe i naxmèxgū rū tā mexūguxicatama narūxīnūē. Rū tama name i oregūtèèxgūxū nixīgū, natūrū tanaxwèxe i meā namaxē rū aixcūma nayanguxēēgū i ngēma nūxū yaxugūxū.

¹² Rū ngēma yatūgū i tupaucawa ngūxēētaegūxū ixīgūxū rū tanaxwèxe i wūxixicatama tixī ya naxmèx. Rū tanaxwèxe i meāma napatacūāxgūmaā inacuèx, rū naxācūgū rū meā naga naxīnūē.

¹³ Rū ngēma yatūgū i tupaucawa ngūxēētaegūxū, rū ngēxguma meāma naxūgūāgu i norū puracū i tupaucawa rū guxūma i duūxūgū tā nūxū nangechaūgū. Rū ñuxūchi i nūmagūtama i ngēma yatūgū rū tā yexeraācū nūxū natauxcha na nūxū yaxugūexū i ñuxācū Tupana nanaxwèxexū i Ngechuchu ya Cristuaxū na yaxōgūāxū i duūxūgū.

Aixcūma nixī i ngēma ore i Tupana tūxū nūxū cuèxēēxū i Cristuchiga

¹⁴⁻¹⁵ Rū choma chanaxwèxe i paxa ngema chaxū na cuxū íchayadauxūcèx. Natūrū ngūrūāchi tama paxa ngema chaxū, rū ngēmacèx cuxcèx chanaxūmatū i ñaā popera na nūxū cucuāxūcèx i ñuxācū tā cugūmaā icucuāxū napewa i ngema duūxgū i Tupanaxū yaxōgūxū. Erū nūmagū nixī i Tupana ya maxūcūarū duūxūgū yixīgūxū rū nūxū yaxugūgūxū rū ínapoxūgūāxū i norū ore i aixcūma ixīxū..

¹⁶ Rū yixema nūxū tacuèx rū aixcūma namexēchi i ngēma ore ga noxri ēxūgūxū i ñuxma Tupana tūxū nūxū cuèxēēxū i Cristuchiga. Rū nūma ga Cristu rū duūxūgūxū nūgū nawèx ga yexguma ñoma ga naānewa nayexmagu. Rū Naāē i Ūūnexū nūxū nixu na mecū yīxū. Rū Tupanaārū orearū ngeruūgū i daxūcūāx nūxū nadaugū. Rū guxū i nachīūānegūwa rū duūxūgū nūxū

nixugüe i nachiga, rü guxüwama duüxügü nüxü nayaxögü. Rü Nanatü rü wenaxärü daxüguxü i nañewa nanaga i ngextá ínamexëchixüwa.

4

Duüxügü i nüxü rüxoexü na yaxögüäxüchiga

1 Tupanaäe i Üünexü rü nüxü nixu rü ngëxguma yangaicagu na nagüxchaüxü i naäne rü nümaxü i duüxügü rü tá nüxü narüxoe na yaxögüäxü i Tupanaärü ore i mexü. Rü tá nawe narüxü i duüxügü i doramare i orexü ixugüxü i Chatanaärü ngxëëtae nangüexëëxü.

2 Rü ngëma yaxögüxü rü tá nüxü inarüxünüë i ngëma duüxügü i meä maxënetaxü rü idoratëëxgüxü. Rü ngëma duüxügü rü yeücürü nanaxügü i ngëma chixexü rü düxwa namaä nixü na chixexügxuciatama naxünüëxü.

3 Rü ngëma duüxügü rü nanachuxu na iyangügüxü i duüxügü. Rü nanachuxu na duüxügü nangögüxü i ñuxre i ðnagü rü woochirëx Tupana nanaxü i guxüma i ðnagü na moxë naxcëx inaxägüäcüma nangögüäxüçëx i norü duüxügü i yaxögüxü rü nüxü cuëxgüxü i norü ore i aixcüma ixüxü.

4⁵ Natürü guxüma i Tupana üxü rü name. Rü taxuacüma nüxü taxo ega Tupanana moxë naxcëx ixäxiraäcüma nayauxgu. Erü Tupanaärü ore rü ngëma yumüxë rü nanaxüünexëë i ngëma ðna i Tupanapëxewa, rü ngëmacëx name nixü na nangögüxü.

Wüxi i mexü i Ngechuchuya Cristuarü ngüxëëruü rü mexümaä nangüxëëtae

6 Rü ngëxguma ngëma cumaä nüxü chixuxü i oremaä cunangüexëëgu i taeneë i yaxögüxü, rü ngëxguma nawa cüngüechagu i ngëma ore i marü quixöxü, rü ngëxguma nagu quixüëchagu i ngëma mexü i ngüxëëtae i marü nagu quixüxü, rü ngëxguma tá nixü i wüxi i mexü i Ngechuchuya Cristuarü ngüxëëruü quixüxü.

7 Rü tama name na naga cuxünüxü i ñoma i nañecüäxärü dexagümare i tama aixcüma ixüxü. Natürü name nixü i guxügüma cugü cuporaxëë na yexeraäcü Tupanaxü cungechaüxüçëx rü nawe curüxüxüçëx rü naxcëx cumaxüxüçëx.

8 Rü wüxi i mexü nixü na naporaxëëxü rü yaxüäxcüxëëxü i taxüne na aixcüma naporaxüçëx. Natürü ngëmaärü yexera narümemaë nixü na yigü iporaxëëxü na Tupanaxü ingechaüxüçëx erü ngëma rü guxüwama tüxü name i ñoma i nañewa rü daxüguxü i nañewa rü ta.

9 Rü aixcüma nixü i ngëma ore i cumaä nüxü chixuxü, rü name nixü i guxäma tayaxögü.

10 Rü ngëmacëx nixü i ipuracüexü rü yigü iporaexëëxü na nüxü ixuxüçëx i ngëma ore i mexü, erü nüxü tayaxögü ya törü Tupana ya maxüçü ya guxäärü maxëxëëruü ixüçü. Erü nüma nixü i namaxëxëëäxü i ngëma duüxügü i nüxü yaxögüxü.

11 Rü chanaxwëxe i cunangüexëë i ngëma ore rü duüxügüxü cumu na naga naxünüexüçëx.

12 ¡Meä cügüna nadau na taxüema cuxü naxoxüçëx naxcëx i ngëma na cüngextüxüxü! Rü name nixü i wüxi i mexü i cuëxruü quixü naxcëx i guxüma i ngëma yaxögüxü. Rü ngëmacëx cunaxwëxe i mexü i oremaä quidexa, rü meä duüxügüpëxewa cumaxü, rü aixcüma nüxü cungechaü i guxüma i duüxügü, rü meä Tupanaäxü cuyaxü, rü napëxewa meä cumaxü.

13 Rü chanaxwëxe i ngutaquëxewa rü guxü i duüxügüpëxewa nüxü cudadu-matü i Tupanaärü ore, rü duüxügümaä nüxü quixu na ñuxü ñaxüchiga yixü.

Rü chanaxwèxe i ngēmaācū cunangúexēē rü nüxū cunangúchaūxēē i ngēma taeneēgū ñuxmatáta ngema changu i chomax.

¹⁴ Rü ngēmacèx name nixī i aixcūma namaā cupuracū i ngēma cuèx ga Tupana cuxna āxū ga yexguma norū puracūcèx cuxū naxunetagu rü yema yaxōgūxūārū āēxgacūgū cuxū yangōgūācūma cumaā nüxū yaxuxgu na cuxna naxāāxū ga yema cuèx.

¹⁵ ¡Meā naxū i guxūma i ngēma cumaā nüxū chixuxū, na ngēmaācū guxū i duūxūgū nüxū daugūxūcèx na ñuxācū guxū i ngunexūgu yexeraācū meā Tupanacèx na cumaxūxū!

¹⁶ ¡Inaxuāē na ñuxācū meā cugūna cudauxū rü ñuxācū meā cunangúexēēxū i ngēma togū! Erū ngēxguma meā cunaxūxgu i guxūma, rü tá cunayaxu i maxū i taguma gūxū rü ngēma togū i cuxū irūxīnūēxū rü tá ta nüxū curūngūxēē na nūmagū rü ta nayauxgūāxūcèx i ngēma maxū.

5

Ñuxācū nixī i namexū na nüxū ingechaūxū i ngēma yaxōgūxū

¹ Taguma name i cunanga i wūxi i yatū i cuxū rüyamaēxū. Rü narūmemaē nixī i meāma cunaxucuxē ñoma cunatūrūū. Rü ngēma ngextūxūcūgū rü name nixī i meāma namaā quidexa ñoma cueneēgūxūchirūū.

² Rü yixema yaguāxgū ya ngexegū rü name nixī i meāma tūmamaā quidexa cuexūchirūū. Rü ngēxgumarūū ta i paxūgū rü name nixī i meāma namaā quidexamare wūxi i cueyèxūchirūū, rü tama name i chixexūgu namaā curūxīnū.

³ ¡Tūxū rūngūxēē ya yixema yutegūxe ega aixcūma tacū tūxū taxūgu!

⁴ Natūrū ngēxguma chi wūxi i yutecū ngīxū nangēxmagu i ngīxācūgū rü ēxna ngītaagū, rü name nixī i nūmagū ngīxū narūngūxēēgū rü ngīxna nanaxā i tacū i ngīxū taxuxū. Erū Tupana nanaxwèxe na ngītanūxūīra ngīxna daugūxū na ngēmaācū yangutanūxēēgūāxūcèx ga yema naē na nayaexēēxū.

⁵ Natūrū yixema yutexe ya tūxica irūxāūxē rü tūxū nataxūxe i tūmatanūxū, rü Tupanaxūtawaxicatama itananguxēē i tūmaārū ngūxēē rü guxūguma woo chūtacū rü ngunecū rü tayumūxē na tūxū nangūxēēxūcèx ya Tupana.

⁶ Natūrū yixema yutexe ya tūmaārū ngūchaūguxicatama rūxīnūxē, rü Tupanapēxewa rü ñoma tayuxūrūū tixī.

⁷ Rü ngēma nixī i ore i tá cunangúexēēxū i ngēma yaxōgūxū na nūgūna nadaugūxūcèx na taxūma i chixexū naxūgūxūcèx rü taxūema nachiga chixri idexagūxūcèx.

⁸ Erū ngēxguma chi wūxie rü tama meā nüxna tadēuxgu i tūmapatacūāxgū rü tūmaē rü tūmanatū, rü maneca tama aixcūma meā Tupanaāxū tayaxō. Rü wūxi i tama yaxōxūārū yexera chixecū tixī.

⁹ Rü ngēxguma chi wūxi i ngexū i yutexū naxcèx ícaxgu na ngēma yaxōgūxū ngīxū rūngūxēēgūxūcèx rü tanaxwèxe i 60 ya taunecūarū yexera ngīxū nangēxma rü wūxitama nixī ga ngīte ga ngīxū yexmacū ga noxrix.

¹⁰ Rü tanaxwèxe i guxūma i duūxūgū ngīxū nacuxgū na wūxi i mexū xūcū na yīxū. Rü name i meā ngīxācūxū yaexēēcū iyixī, rü meā ngīpatawa duūxūgūxū yaxucū iyixī, rü yaxōgūxūārū ngūxēēruū iyixī, rü daaweexūārū ngūxēēruū iyixī. Rü ngēmaācū tanaxwèxe i guxūraūxū i mexū na naxūxū.

¹¹ Natūrū tama tanaxwèxe i yaxōgūxūārū puracū nixī i ngīxna na nadaugūxū i wūxi i yutecū ega tama 60 wa nanguxgu ya ngīrū taunecū.

Erü wüxi i yutecü i pacü, rü ngëxguma ngĩrũ ngúchaũ Cristuna ngĩxũ ixũgachixiëëgu, rü tá inaxwëxe na wena naxãtexũ.

12 Rũ duũxũgũ tá chixri ngĩchiga nidexagũ, erü tama aixcũma iyanguxëë ga yema Cristumaã inaxunetaxũ ga noxrix.

13 Rũ ngĩma rü düxwa ngextã iyaxãuchigũmare, rü nãí ya ĩ rü nagu iyarũxãũx, rü düxwa tama ipuracũchaũ. Rũ tama ngẽmaxĩcatama ixũ, natũrũ düxwa ixoregũtëëx, rü iyangëxmachigũ nawa i ngẽma dexa i tama mexũ i togũchiga, rü guxũwama nüxũ iyaxu i ngẽma ore i tama mexũ.

14 Rũ ngẽmacëx chanaxwëxe i ngẽma yutegũxũ i paxũgũ na wenaxãrũ naxãtegũxũ, rü naxãxãcũgũxũ, rü mexũ i napataarũ dauruũgũ na yixĩgũxũ. Rũ ngẽmaãcü i ngẽma duũxũgũ i ngĩxchi aiexũ, rü taxucũrũwa chixri ngĩchiga nidexagũ.

15 Cumaã nüxũ chixu i ñãã ore, erü ñuxre i yutecü rü marũ nüxũ irũxoe i ore i mexũ rü Chatanãwe irũxĩ.

16 Rũ ngëxguma chi wüxi i ngecü i yaxõxcü rü ngĩxũ nangëxmagu i ngĩtanũxũ i yutecü, rü name nixĩ i ngĩxũ irũngũxëë. Rũ ngẽmaãcü tãütãma togũ i yaxõgũũãrũ puracũ tá nixĩ na ngĩxna na nadaugũxũ. Rũ ngëxguma tá nüxũ natauxcha i ngẽma togũ i yaxõgũxũ na ngĩxũ nangũxëëgũxũ i ngẽma yutecü i aixcũma ngĩxũ natauxcũma i ngĩtanũxũgũ i ngĩxũ rũngũxëëgũxũ.

17 Rũ ngẽma yaxõgũũãrũ ãëxgacũgũ i aixcũma meãma ngema yaxõgũũmaã icuãxũ, rü name nixĩ i ngẽma yaxõgũxũ aixcũma nüxũ nangechaũgũ rü namaã nataãëgũ. Rũ guxũãrũ yexera tanaxwëxe i nüxũ nangechaũgũ rü nüxũ narũngũxëëgũ i ngema Tupanaarũ orexũ ixugũxũ rü nangũxëëxũ.

18 Erü Tupanaãrũ orewa rü ñanagũrũ:

“Tama name i nüxna taxaũ i ngẽma taxaũna i puracũxũ”, ñanagũrũ. Rũ ñanagũrũ ta:

“Wüxi i puracũtanũxũ rü tanaxwëxe i nüxũ na naxũtanũxũ i norũ puracũ”, ñanagũrũ i ngẽma Tupanaãrũ orewa.

19 Rũ ngëxguma chi texé nüxũ ixuxgu na chixexũ naxũxũ i wüxi i yaxõgũũãrũ ãëxgacũ, rü tãütãma tũxũ icuxĩnũ ega natauxxguma i taxre rü ëxna tomaëxpũx i togũ i duũxũgũ i nüxũ daugũxũ na aixcũma chixexũ naxũxũ.

20 Natũrũ ngẽma yaxõgũũãrũ ãëxgacũgũ i aixcũma pecadugu maxëxũ, rü name nixĩ i guxũ i yaxõgũũpëxewa cunaxucuxë, na guxũma i ngẽma togũ i yaxõgũũãrũ ãëxgacũgũ rü ta namuũëxũcëx na naxũgũãxũ i tacũ rü chixexũ.

21 Rũ ñuxma Tupanapëxewa rü tóru Cori ya Ngechuchu ya Cristupëxewa rü ngẽma daxũcũũãx i orearũ ngeruũgũ i Tupana nüxũ ngechaũgũxũpëxewa, rü cuxũ chamu na naga cuxĩnũxũ i ñãã ore i cumaã nüxũ chixuxũ. Rũ chanaxwëxe i ngẽma cumaã nüxũ chixuxũrũ meã cunaxucuxë i guxũma i ngẽma yaxõgũxũ rü nüetama ega woo texé tixĩgu.

22 Rũ ngëxguma texexũ quingucuchixiëëchaũgu na ngema yaxõgũũãrũ ãëxgacũ tixĩxũcëx, jũ taxũ i cuũuxãëxũ na namaã cuyumũëxũ i wüxi i duũxũ i tama nüxũ cucuãxũ i norũ maxũ! Natũrũ name nixĩ i noxri rü meã nagu curũxĩnũ i ngẽma erü ngũrũãchi tá wüxi i duũxũ i pecadu uechaxũ quingucuchixiëë, rü cugagu tá nixĩ erü tama icuxuãë. jũ meã cugũna nadau na tama pecadugu cunguxũcëx!

23 Rũ ngẽma na cunguxnecaũxũ i ñuxguacũ, rü name nixĩ i írarũwa binune cuyaxaxũ, rü tama i dexãxicatama.

24 Rũ nangëxma i duũxũgũãrũ pecadugũ i noxtacũma ngõxũ naxũpa na Tupana nüxna çaxũ. Natũrũ nangëxma i to i pecadugũ i duũxũgũãrũ rü

tāutāma nangox ñuxmatáta naāneārū guxwa nanguxgu rü Tupana tūxna icagūgu.

²⁵ Rū ngēxgumarū ta nangēxma i duūxūgūarū puracūgū i mexū i Tupanacèx naxūgūxū i ñuxma marū nūxū idauxū. Rū nangēxma ta i puracūgū i mexū i ñuxma tama nūxū idauxū natürü yixcūra tá nūxū idagūamaxū.

6

¹ Guxāma ya yixema yaxōgūxe rü ixāārū coriāxē, rü tanaxwēxe i tūmaārū corixū tangechaū na ngēmaācū taxucürüwa texé Tupanachiga rü tōrū nguxēētaechiga chixri idexaxūcèx.

² Rū ngēxguma chi wūxi ya duūxē ya Tupanaāxū yaxōxē rü wūxi i cori i tūmarūū yaxōxūmaā tacoriāxgu, rü tama tanaxwēxe i ngēma na tūmaēneē yīxūcèx nūxū tarūxo na nūxū tangechaūxū i tūmaārū cori. Natürü tanaxwēxe i yexeraācū meā nūxū tapuracū erū tūmaārū cori i nūxū tarūngūxēēxū i tūmarūū yaxōxū nixī rü tūmaēneē i Tupana nūxū ngechaūxū nixī. Pa Timutéux, chanaxwēxe i meāma cunangūxēē i ngēma ore i cumaā nūxū chixuxū, rü guxūma i yaxōgūxūpēxewa nūxū quixu.

Tupanaārū ore rü aixcūma tūxū name

³ Rū cumaā nūxū chixu rü nangēxma i duūxūgū i namaā nguxēētaegūxū i ngēma nguxēētae i tama namaā wūxiguxū i tōrū nguxēētae, rü tama namaā wūxiguxū i tōrū Cori ya Ngechuchu ya Cristuarū nguxēētae i mexū, rü tama namaā wūxiguxū i ngēma nguxēētae i Tupanaārū orewa ngóxū.

⁴ Rū cumaā nūxū chixu rü yixema ngēmaācū nguxēētaexe rü tūgū ticuèxūū rü taxuūma tacuèx. Rū ngēmacèx ngēxūrūūxūmare i dexa rü naxcèx tachoxūgawēxe, rü tama texéga taxīnūchaū, rü dūxwa ñoma tiḍaawexūrūū tixī namaā i ngēma tūmacūma. Rū ngēmagagu rü taxāūxāchiwēxe, rü tanuxwēxe, rü togūmaā taguxchiga, rü taxūxeaxūma tayaxō.

⁵ Rū ngēmaācū i ngēma duūxūgū i chixēāēgūxū, rü nūgūmaā nanuēēcha, rü tama nūxū nacuèxgū i ngēma ore i aixcūma ixīxū, rü nagu narūxīnūē rü Tupanaārū orewa nixī i dīeru ngīxū nayauxgūxū.

⁶ Rū aixcūma nixī i Tupanaārū orewa nūxū iyarūngauxū i taxūma i mexū, natürü ngēma mexū rü tūmacèxicatama nixī ya yixema namaā taāēgūxe i ngēma marū tūxū ngēxmaxū.

⁷ Rū yixema rü yexguma noxri ixīraegu, rü ngearū yemaxūlāxēmaā tabue i ñoma i naānewa. Rū ngēxguma iyuxgu rü taxucürüwa tayange i tōrū ngēmaxūgū.

⁸ Natürü ngēxguma tūxū nangēxmagu i taxchiru rü tōrū òna rü name nixī i ngēmamaātama tātaāēgū.

⁹ Natürü ngēma duūxūgū i dīeruāxgūchaūxū, rü tama yaxna namaā naxīnūē i ngēxguma ngēma dīeruarū ngūchaū nūxū poragu. Rū ngēmacèx nagu nayi i muxūma i ngūchaūgū i taxuwama mexū i chixexūwa nagagūxū, rü ngēmacèx dūxwa i ngēma duūxūgū rü poraācū nachixe rü norū guxūmaāma inayarūtauxe.

¹⁰ Erū ngēma na dīeruguama rūxīnūxū rü ngēma nixī i guxūma i chixexūgūarū ūgū. Rū nangēxma i ñuxre i duūxūgū i dīeruguama rūxīnūēxū rü ngēmacèx Tupanana nixīgachi. Rū ngēmaācū nūgūnatama guxchaxū naxāgū rü nūgūxūtamā ngechaū nanguxēēgū.

Tupanaāxū yaxōgūamaxūchiga

11 Natürü cumax, Pa Timutéux, rü wüxi ya yatü ya Tupanaxü yaxöcü quixi. ¡Rü ngëmacëx nüxna ixügachi i guxüma i ngëma chixexü! ¡Rü meã Tupanapëxewa namaxü, rü norü ngüchaü naxü, rü meã nüxü yaxö, rü nüxü nangechaü i duüxügü, rü yaxna namaã naxinü! Rü tama name i cugü quicuëxüxü.

12 ¡Cugü naporaxëë na meã cuyaxöðmaxüçëx rü cunaxüamaxüçëx i Tupanaârü puracü ega woo ñacü rü guxchaxü cuxü üpetügux! ¡Rü cugüna nadau na ngëmaäcü taguma cuxna iyanaxoxüçëx i ngëma maxü i taguma güxü! Yerü yema maxüçëx nixi ga noxri Tupana cuxü yaxuxü ga yexguma muxüma ga duüxügüpëxewa nüxü quixuxgu na ñuxäcü Ngechuchu ya Cristuaxü na cuyaxöxü.

13-14 Rü ñuxna Pa Timutéux, rü napëxewa ya Tupana ya guxäxüma maxëxëëcü, rü napëxewa ya Ngechuchu ya Cristu ga äëxgacü ga Piratumaã nüxü ixücü ga ñuxäcü Nanatü ya Tupanaaxü na yaxöðxü, rü cuxü chamu na naga cuxinüxü i ngëma ore i cumaã nüxü chixuxü. Rü tama chanaxwëxe i cunaxüchicüü i ngëma ore, na taxüema texé ñacüçëx cuxü oregüxüçëx rü chixri cuchiga idexaxüçëx. Rü chanaxwëxe i ngëmaäcü meã cunaxü ñuxmatáta ínangu ya tórü Cori ya Ngechuchu ya Cristu.

15 Erü ngëma ngunexü i Tupana nagu naxwëxexügu rü tá Cristuxü nangoxëë. Erü nüxicatama Tupana nixi, rü nüma nixi i aixcüma mecü yixü rü guxüçëtüwama nangëxmaxü. Rü guxü i äëxgacügüarü Äëxgacü yixü, rü guxü i corigüarü Cori yixü.

16 Rü nüxicatama nixi na taguma nayuxü. Rü nüma rü poraäcü ínangónexüwa namaxü, rü taxucürüwa texé ngëma ngónexüna tangaicama. Taguma wüxi i duüxü nüxü nadau, rü taxuacüma texé nüxü tadau. Nüma rü guxüguma naporaxüchi rü taguma inayarüxo na Äëxgacü yixü. Rü ngëmacëx tanaxwëxe i guxäma nüxü ticuëxüügüecha. Rü ngëmaäcü yii.

17 Rü yixema muarü dïëruáxe i ñoma i naãnewa, ¡rü tümamaã nüxü pixu na tama ngëmamaã tügü ticuëxüügüçëx rü tama nagu tarüxinüëxüçëx na ngëma tümäärü dïëruwa nüxü itayangaugüxü i tümäärü maxü! Erü ngëma dïëru rü paxa tá nagux. Natürü narümemaë nixi i Tupanaga taxinü, erü yimawa nixi i nüxü itayangaugüxü i tümäärü maxü. Rü nüma nixi i poraäcü tüxna naxäaxü i guxüma i ñacü i inaxwëxexü na itaãëgüxüçëx.

18 ¡Rü namaã nüxü ixi i ngëma muârü dïëruäxgüxü, rü name na ngëmamaã mexü naxügüxü rü togü i duüxügüxü nangüxëëgüxü! Rü ngëmaäcü tá namu i ngëma mexügü i naxügüxü i Tupanapëxewa. Rü tanaxwëxe i nümagü i muârü dïëruäxgüxü rü na ínamemaregüxü na togüna naxäaxü rü namaã nangauxü i ngëma norü ngëmaxügü.

19 Rü ngëmaäcü tá nüxü nangëxma i norü mexügü i daxügüxü i naãnewa, rü tá nanayauxgü i ngëma maxü i aixcüma ixixü.

Paurü rü Timutéuxü namu, rü yemaäcü inayacuëxëë ga norü popera

20 Pa Timutéux, ¡meã namaã nangüexëëtae i guxüma i ngëma ore i cuxü chamuxü! Rü tama name na icurüxinüxü i ñoma i naãnecüäxärü dex-agümare i taxuwama mexü rü ngëma ore i doramare ixixü i duüxügü nüxü ixugügünetaxü na ore i nawa nüxü icuáxü yixü.

21 Erü ñuxre i nümagü i ngëma noxrütama cuëxgu íxü, rü düxwa ngëmagagu Tupanana nixigachi. Rü chanaxwëxe i Tupana meã pexü narüngüxëë.

Rü nüma pexna,
Paurü

NORÜ TAXRE GA POPERA GA TIMUTÉUCA_X NAXÜMATÜXÜ GA PAURU

Timutéuxü narümo_xe ga Pauru

¹ Pa Timutéux, choma i Pauru nixi i cuxcèx chanaxümatüxü i ñaã popera. Rü choxü nixi ga namuxü ga Ngechuchu ya Cristu, yerü yemaäcü nanaxwèxe ga Tupana. Rü nüma choxü namu na nüxü chixuxüçèx na ñuxäcü tüxü nangèxmaxü i maxü i taguma gúxü, ega aixcüma Ngechuchu ya Cristuaxü yaxögügu.

² Cuxü changechaü, Pa Chaune, Pa Timutéux. Rü chanaxwèxe ya Tanatü ya Tupana rü Ngechuchu ya Cristu ya tóru Cori na cuxü nangüxèëgüxü rü nüxü cungechaütümüügüxü rü cuxü nataäxèëgüxü.

Tama name i taxäne na Cristuchigaxü ixuxü

³ Guxüguuma i chütacü rü ngunecü rü cuxna chacuèxächixü i chorü yumüxèwa, rü poraäcü cuxcèx moxè Tupanana chaxä. Rü nüxü nixi i chapuracüxü i mexü i chauäemaã, yexgumarüü ga nuxcümaügüxü ga chorü oxigü naxüguürüü.

⁴ Choma rü nüxna chacuèxächi na ñuxäcü poraäcü chauxcèx cungechaüxü rü chauxcèx cuxaxuxü ga yexguma cuxna íchixüxgu. Rü wenaxärü cuxü chadauxchaü na aixcüma chataäxüçèx.

⁵ Erü nüxna chacuèxächi na ñuxäcü aixcüma Tupanaäxü cuyaxöxü. Rü curü noxè ga Loída rü cue ga Euníchia rü tüma rü woetama tüxira Tupanaäxü tayaxögü rü nüxü chacuèx i ñuxma rü cuma rü ta aixcüma cuyaxöxü.

⁶ Rü ngèmacèx cumaã chixu na cügü cuporaxèëxü na yexeraäcü cunaxüamaxüçèx i ngèma Tupanaärü puracü ga naxcèx cuxna naxäãxü ga cuèx ga yexguma noxri cuxü chingögüäcüma cumaã chayumüxègu.

⁷ Yerü Tupana rü tama tüxna nanamu ga naãe i tüxü muüëëxü. Natürü tüxna nanamu ga Naãe i Üünexü na tüxü naporaxèëxüçèx na aixcüma duüxüügüxü ingechaügüxüçèx rü meã yigümaã icuáxüçèx.

⁸ Rü tama chanaxwèxe na cuxänexü na nüxü quixuxü i nachiga ya tóru Cori. Rü ngèxgumarüü ta tama chanaxwèxe i chauxcèx cuxäne i ngèma na chapoxcuxü naxcèx i Tupanaärü ore. Rü name nixi i yaxna namaã cuxínü i ngèma ngúxü i cuxcèx ínguxü nagagu i ngèma ore i mexü i nüxü quixuxü. Rü Tupana tá cuxü naporaxèë.

⁹⁻¹⁰ Rü Tupana tüxü namaxèxèë rü tüxü nade na naxcèxicatama imaxèxüçèx. Natürü tama tacü rü mexü na ixüxügagu nixi ga yemaäcü tamaã namecümaxü ga Tupana. Natürü yemaäcü tüxü narüngüxèë yerü woetama yema nixi ga nanaxwèxexü yerü Ngechuchu ya Cristugagu tüxü nangechaü. Rü nüma ya Tupana ga tautama naãne üxgumama tüxü ngechaücü, rü yexguma ínanguxgu ga tóru maxèxèëruü ga Ngechuchu ya Cristu, rü yexguma nixi ga Tupana tüxü nüxü dauxèëxü na ñuxäcü poraäcü tüxü nangechaüxü. Rü nüma ga Cristu nixi ga iyanaxoxèëäxü na iyuxuchixü yerü nüma rü yuwa ínarüda rü wena namaxü. Rü norü orewa tüxü nüxü nacuèxèë na yixema rü ta tüxü nangèxmaxü i ngèma maxü i taguma gúxü ega nüxü yaxöxgu.

11 Rû Tupana choxû ningucuchixêê na nüxû chixuxûcêx i ngêma norû ore i mexû. Rû choxû namu na ngêma oremaã chanangûexêêxûcêx i duûxûgû i guxûwama.

12 Rû ngêmacêx nixî i poraãcü ngûxû chingexû rû chapoxcuxû i ñuxmax. Natürü tama naxcêx chaxâne i ngêma, erü choma nüxû chacuêx na texéaxû chayaxôxû. Rû nüxû chacuêx na naporaxû i nûma na nüxna nadauxûcêx i ngêma puracû i choxna naxãxû rû namaã inacuaáxûcêx i chauãê i guxûgutáma ñuxmatáta ngêma ngunexû i nagu wena núma naxûxû.

13 Rû chanaxwêxe i meãma nagu quixû i ngêma nguxêêtae i mexû ga chauxûtawa naxcêx cungûxû. Rû name nixî i meã nüxû cuyaxôôma ya Ngechuchu ya Cristu rû meã nüxû cungechaû i guxûma i duûxûgû, erü Cristuarü duûxû quixî.

14 Rû name nixî i Tupanaãê i Üünexû i tawa maxûxûãrû ngûxêêmaã icunapoxû i ngêma nguxêêtae i mexû i Tupana cuxna ãxû.

15 Cuma marü nüxû cucuêx rû guxûma ga yema yaxôgûxû ga Áchiaarü naãnewa ne íxû rû marü choxna naxîgû. Rû yematanüwa nayexma ga Figueru rû Ermóquene.

16 Onesíferu rû muêxpûxcüna choxû nataãêxêê, rû tama chauxcêx naxâne i ngêma na chapoxcuxû. Rû ngêmacêx chanaxwêxe i tórü Coriaxû nangechaütümüügû i guxûma i natanûxûgû.

17 Rû yexguma noxritama Dumawa nanguxgu ga nümax, rû chauxcêx nadauecha rû ñuxmata choxû iyangau.

18 Cuma meãma nüxû cucuêx ga ñuxãcü tüxû na nangûxêêxû ga Onesíferu ga Epéchiuarü ñanewa. Rû ngêmacêx chorü yumûxêwa naxcêx íhaca na Tupanaãxû nangechaütümüügûcêx i ngêxguma wena ñoma i naãnewa naxûxgu ya tórü Cori ya Ngechuchu.

2

Ngechuchu ya Cristuarü puracütanûxû i mexûchiga

1 Rû ñuxma, Pa Chaune, Pa Timutéux, jrü cugû naporaxêê namaã i ngêma pora i Ngechuchu ya Cristu cuxna ãxû!

2 Yema ore ga chauxûtawa nüxû cuxînüxû ga yexguma muxûma ga duûxûgûpêxewa nüxû chixuxgu, rû chanaxwêxe i ñuxma cuxi ngêma oremaã cunangûexêê i togû i yatügû i meã naãêxû cuêxgûxû na nüxî togûxû nangûexêêxûcêx namaã i ngêma ore.

3 Rû tama name i naxcêx cumuû na Ngechuchu ya Cristuarü oregagu ngûxû quingexû. Natürü name i namaã cupora ñoma wüxi i mexû i norü churararüü.

4 Rû wüxi i duûxû i churarawa ngêxmaxû, rû taxucüruwama to i puracû i tama churaraarü íxîxûgu narûxînú. Natürü ngêma norü âêxgacû nagu namuxû i puracûgu nixî i naxînüxû na ngêmaãcü norü âêxgacûxû nataãêxêêxûcêx.

5 Rû ngêxgumarüü ta wüxi i duûxû i wüxi i ñucawa nügû ingucuchixêêxû, rû taxuacüma nanayaxu i norü ãmare ega chixri naxînücêxwêxegu rû tama ngêma ñucaarü âêxgacûga naxînúgu.

6 Rû texé ya naãnewa puracûxe rû name nixî i tüxira tanayaxu i tümanetüarü o.

7 jrû guxûguma nagu rûxînú i ñaã ore i cumaã nüxû chixuxû! Rû nüma ya Cori ya Ngechuchu tá cumaã inananguxûxêê i guxûma na nüma nanaxwêxêxûãcûma cunaxûxûcêx i ngêma puracû.

⁸ ¡Rü nüxna nacuèxãchi ya Ngechuchu ya Cristu ya Dabítanüxü ga guma yuwa írudacü! Rü yimachiga nixí i ngëma ore i mexü i duüxügümaã nüxü chixuxü.

⁹ Rü ngëma oregagu nixí i ngüxü na chingexü rü ñoma wüxi i máêtaxürüü nüma poxcupataüwa cadenamaã chichotaxü. Natürü Tupanaärü ore i mexü, rü guxüwama nanguama rü taxucürüwama texé tayachota.

¹⁰ Rü ngëmacèx yaxna namaã chaxínü i ngëma ngüxü i chingexü naxcèx i ngëma duüxügü i Tupana dexü. Erü chanaxwëxe i nümagü rü ta Ngechuchu ya Cristuaxü nayaxögü, rü ngëmaäcü na nayauxgüãxüçèx i maxü i mexü i taguma güxü.

¹¹ Rü pemaã nüxü chixuxchaü i wüxi i ore i aixcüma ixíxü. Rü ngëxguma Cristu yuxürüü norü orecèx iyuegu, rü naxrüü tá ta wena tamaxé na nüma íngängëmaxüüwa íngëxmagüxüçèx.

¹² Rü ngëxguma ñoma i nañewa yaxna namaã íxínüëgu ega ngüxü íngexgu, rü daxüguxü i nañewa rü wüxigu namaã äëxgacü tá tixígü. Rü ngëxguma tama Cristuxü icuáxchaügu i ñoma i nañewa, rü nüma rü tãütãma tüxü nacuáxchaü i daxüguxü i nañewa.

¹³ Natürü woo ñuxgacü i yixema rü tama aixcüma naxüxgu i ngëma Tupanamaã ixunetaxü, natürü nüma ya Tupana rü guxüguma nayanguxëé i ngëma tamaã ínaxunetaxü, erü taxuacüma nügütama nawomüxëé.

Wüxi i mexü i puracütanüxü i Tupana namaã taëxüchiga

¹⁴ Rü ngëma yaxögüxü i cuxütawa ngëxmagüxü, rü name nixí i Tupanaegagu nüxna nüxü cucuèxãchixëé na tama nuxcümaüügüxü i ore i taxuwama mexüçèx nügümaã na yaporagatanücüüxüçèx. Erü ngëma rü wüxi i chixexü nixí, rü nanachixeãëxëé i ngëma duüxügü i nüxü ínüëxü.

¹⁵ ¡Rü cügü naporaxëé na meã cunaxüxü i Tupanaärü puracü na cumaã nataãëxüçèx i ngëxguma napëxewa cunguxgux rü ngemaäcü taxucèxma cuxãnexüçèx i ngëxguma nüma cuxna nacaxgu naxcèx i curü puracüchiga! ¡Rü ngëmacèx name i aixcüma meã namaã cungüxëëtae i ngëma ore i mexü i aixcüma ixíxü!

¹⁶ ¡Rü nüxü rüxo i ñoma i nañecüãxãrü dexagümare i taxuwama mexü! Erü ngëma duüxügü i ngëma dexagümaregu íxü, rü guxüguma yexeraäcü chixexügu nayi.

¹⁷ Rü ngëma norü nguxëëtae i ngëma duüxügü, rü ñoma wüxi i ñaaweane i tüxü íyimachixëëxürüü nixí. Rü yema nixí ga nüxü ngupetüxü ga Imenéu rü Firetu.

¹⁸ Yerü nidoragümare ga nüxü na yaxugüexü rü marü na nangupetüxü i yuetaarü dachiga. Rü yemaäcü nanawomüxëëgu ga ñuxre ga duüxügü na tama noxrirüü yaxögüãxüçèx i Tupanaärü ore.

¹⁹ Natürü Tupanaärü ore rü taguma inayarüxo rü taguma naxüchicüü. Rü ngëma norü orewa rü ñanagürü:

“Törü Cori ya Tupana nüxü nacuèx i texé tixí ya norü duüxügü íxígüxe. Rü guxãma ya yixema nüxü íxuxe na Ngechuchu ya Cristu rü tumaärü Cori yíxü, rü name nixí i nüxna tixígachi i guxüma i chixexü”, ñanagürü i ngëma norü orewa.

²⁰ Wüxi i duüxü i dïeruãxüchixü rü napatawa nangëxma i poratu i uirunaxcèx rü dïerümünaxcèx. Rü nangëxma ta i poratu i naíñaxcèx rü waixümünaxcèx. Rü ngëma poratu i uirunaxcèx rü dïerümünaxcèx rü mexü i norü ñnacèx nixí. Natürü ngëma poratu i naíñaxcèx rü waixümünaxcèx rü guxchirechixü nixí.

21 Rû ngêxguma wûxi i yaxõxû naxwêxegu na aixcûma mexû i Tupanaârû puracûtanûxû na yîixû, rû name nixî i nûxna nixûgachi i guxûma i chixexû. Rû ngêxguma tá nixî i Tupanapêxewa aixcûma naxûûnexû na naxûâxûcêx i nagûxûraûxû i puracû i Tupana namaã nûxû ixuxû.

22 ¡Nûxû rûxo i guxûma i ngêma chixexû i ngextûxûcûgû nagu rûxîñûêxû! ¡Rû meã Tupanapêxewa namaxû rû aixcûma nûxû yaxõ! ¡Rû nûxû nangechaû i guxûma i duûxûgû, rû tâxû i namaã cunuxû! ¡Rû ngêmaãcû namaxû wûxigu namaã i guxûma i ngêma duûxûgû i aixcûma Tupanacêx maxêxû rû ngemaãcû yumûxêgûxû!.

23 Rû tama name i naxcêx icurûxîñû i ngêma dexagû i taxuwama mexû. Erû ngêma dexagûgagu rû dûxwa nûgûchi naxaie i duûxûgû.

24 Rû wûxi i Tupanaârû puracûtanûxû rû tama name na texemaã núcêx nadauxû. Rû narûmemae nixî na guxûma namecûmaxû. Rû nanaxwêxe i yaxna namaã naxîñûãcûma meã duûxûgûxû nangûxêê i Tupanaârû ore.

25-26 Rû wûxi i Tupanaârû puracûtanûxû rû name na yaxna namaã naxîñûãcûma meã nayaxucuxêgûãxû i ngêma duûxûgû i tama irûxîñûêchaûxû. Rû name i ngêmaãcû ínananguxêê na Tupana nûxû rûngûxêêxû i ngêma duûxûgû na nûxû naxoexêcêx i norû chixexû rû nûxû nacuêxgûxûcêx i ngêma ore i aixcûma ixîxû. Erû Tupana nanaxwêxe na naxûãêgûxû i ngêma duûxûgû rû nawa ínananguxûxû i ngêma chixexû i ngoxo i Chataná nagu nayixêêxû na noxrûtama ngûchaû namaã naxûxûcêx.

3

Nuxâcû tá nixî i duûxûgûcûma i ngêxguma nagûxchaûgu i naãne

1 Rû chanaxwêxe i nûxû cucuêx rû ngêxguma nagûxchaûgu i naãne rû tá nangêxma i ãcûmaxûgû rû guxchaxûgû naxcêx i duûxûgû.

2 Rû duûxûgû rû tá nûgûguxicatama narûxîñûê, rû norû dîerugama tá narûxîñûê. Rû tá nûgû nicuêxûxûgû, rû ngêmaãcû tâûtâma nûxû nacuêxgûchaû i togû i duûxûgû i tama naxrûû taarû dîeruãxgûxû. Rû chixri Tupanachiga tá nidexagû, rû tâûtâma nanatûga rû naêga naxîñûêchaû. Rû tâûtâma moxê inaxâ i ngêxguma Tupana nûxû rûngûxêêgu, rû ngêmaãcû tâûtâma nûxû nacuêxgûchaû i Tupanaârû ore.

3 Rû tâûtâma nagu narûxîñûê i togû i duûxûgûxû na nangechaûgûxû, rû tâûtâma nûxû nangechaûtûmûgû. Rû tá naxoregûtêêxgû, rû tâûtâma nûgû naporaexêê na yaxna namaã naxîñûêxûcêx i naxûñeârû ngûchaûgû. Rû tá nichixecûma, rû tá naxchi naxaie i guxûma i ngema mexû.

4 Rû duûxûgûêchitawêxegûxû tá nixîgû, rû nuêwêxexû tá nixîgû, rû nûgû icuêxûgûxû tá nixîgû. Rû tá norû ngûchaûcêxama nadaugû, rû tâûtâma Tupanaxû nacuêxgûchaû.

5 Rû tá nûgû nayaxõgûxûchinetaxêê natûrû ngêma norû chixexû i naxûgûxûwa tá nangoxoma na tama aixcûma yaxõgûãxû i ngêma ore i mexû. Rû ngêma duûxûgû i ngêmaãcû maxêxû, rû tama name na namaã cuxâmücûxû rû natanûgu cuxâxû.

6-7 Erû ngêma duûxûgûtanûwa nangêxmagû i nûmaxû i îpatagu ichocuetanûxû. Rû norû nguxêêtaemaã nayawomûxêêgu i ngêma ngexûgû i ngema ngêxmagûxû i tama naãêxû icuáxû rû chixri maxêxû. Rû ngêma ngexûgû, rû norû ngûchaûgûtama chixexûwa nanagagû, rû ngêmacêx woo guxûguma nangûe natûrû taguma aixcûma nûxû nacuêxgû i ngêma ore i aixcûma ixîxû.

⁸ Rû ngêma duûxûgû i chixexûmaã nguxêêtaegûxû, rû chixexûguxicatama narûxinûê, rû tama aixcûma nayaxôgû i Tupanaârû ore. Rû naxchi naxaie i ngêma ore i aixcûma ixîxû, naxrûl ga yema yuûxûgû ga Yane rû Yáûbre ga tama Moîchéga inûêchaûxû.

⁹ Natûrû tâtûtama muxû i duûxûgû nûxû nayaxôgû. Erû guxûwama i duûxûgû rû tá nûxû nicuêxâchitanû na wûxi i duûxûgû i chixexûgu rûxinûexû rû ngeãemarexû yixîgûxû naxrûxû ga yema taxre ga tama Moîchéga inûêchaûxû.

Ucuxêmaã inyacuêxêê ga Pauru na Timutéumaã yadexaxû

¹⁰⁻¹¹ Natûrû cumax, Pa Timutéuix, marû nûxû cucuêx ga ñuxâcû meã na chanangûexêêxû ga duûxûgû, rû ñuxâcû meã chamaxûl, rû ñuxâcû nagu charûxinûxû rû meã chayaxôxû, rû ñuxâcû yaxna namaã chaxînxûl ga duûxûgû rû nûxû changechaûxû. Rû cuma nûxû cucuêx ga ñuxâcû na chaugû chaporaxêêxû na yaxna namaã chaxînxûl i guxchaxûgû. Yerû ga duûxûgû rû chowe ningexûtanû na choxû yamêxgûxûcêx. Rû cuma rû nûxû cucuêx ga tacû choxû na ûpetûxû ga Aûtioquîawa rû Icûniûwa rû Listrawa, rû ñuxâcû chowe na yangexûtanûxû rû poraâcû ngûxû chingexû. Natûrû tórû Cori ya Tupana choxû inapoxû na tama choxû yamêxgûxûcêx.

¹² Rû aixcûma cumaã nûxû chixu rû guxâma ya yîxema naxwêxegûe na Ngechuchu ya Cristucêx tamaxêxû, rû togû tá tûmachi naxaie rû chixri tá tûmamaã nachopetû.

¹³ Natûrû ngêma duûxûgû i chixecûmagûxû rû ngêma duûxûgû i idorateêxgûxû rû yexeraxû i chixexûgu tá nayi. Erû Chataná marû naya-womûxêêgû, rû ngêmacêx nûxî togûxû nawomûxêêgû.

¹⁴ Natûrû i cuma rû name nixî i guxûguma meã nagu quixû i guxûma i ngêma ore i marû cungûxû. Erû cumatama rû nûxû cucuêx na aixcûma yîxûl i ngêma ore, rû nûxû cucuêx na texégû tixîgûxû ga guxema namaã cuxû nguxêêgûxe.

¹⁵ Rû cuma nûxû cucuêx rû cubuxgumamatama nawa cungux i ngêma Tupanaârû ore i ûûnexû. Rû ngêmawa cunayaxu i cuêx na nûxû cucuáxûcêx i ñuxâcû tûxû na nangêxmaxûl i maxû i taguma gûxûl ega Ngechuchu ya Cristuaxû yaxôgûgu.

¹⁶ Rû guxûma i Tupanaârû ore i ûmatûxûl rû nûgûãêwatama nanayaxu ga Tupana. Rû ngêma ore rû name na duûxûgûxûl namaã ingûexêêxû, rû namaã yaxucuxêgûxûl rû namaã iyanawêxâchixêêgûxûl, rû namaã nangûexêêxûl na meã Tupanapêxewa namaxêxûcêx.

¹⁷ Rû ngêmaâcû i ngêma ore rû tûxûl narûngûxêê ya yîxema Tupanaârû ixîxê, na meã nûxû tacuáxûcêx i ngêma Tupana naxwêxexû rû itamemarexû na tanaxûxû i nagûxûraûxû i puracû i Tupana tûmamaã nûxû ixuxû.

4

¹⁻² Rû nûma ya Ngechuchu ya Cristu ya nûma tá ûcû na nûxû yacagûxûcêx i ngêma duûxûgû i maxêxû rû ngêma marû yuechirêxû, rû yimapêxewa rû Tupanapêxewa cuxû chamu na nûxûl quixuxûcêx i ngêma ore i mexû. Rû ngêxguma cuxûl yatauxchaâchigu rû woo cuxû naguxchagu, rû chanaxwêxe i nûxûl quixuame i ngêma ore. Rû ngêmaâcû chanaxwêxe na icuyanawêxâchixêêgûxûl rû meã cuyaxucuxêgûxûl rû nûxûl cunangûchaûxêêxûl i duûxûgû. Rû name nixî i yaxna namaã cuxînúâcûma meã cunangûexêê.

³ Erü yixcūra i duũxügü rü täütáma nüxü naxĩnũechaũ i ngẽma nguxẽẽtae i mexü. Erü ngẽma duũxügü rü nichixecüma. Rü ngẽmacèx naxcèx nadaugü i norü ngüxèèruũgü i nũma nanaxwèxegüxüãcũma nangüxèèxü.

⁴ Rü täütáma nüxü naxĩnũechaũ i Tupanaãrũ ore i aixcũma ixĩxü. Erü ngẽma ore i doramare ixĩxüguama tá narüxĩnũe.

⁵ ¡Natürü cuma rü meã cugüna nadau, rü ínaxuãe, rü namaã naporã ega ngüxü cuxü üpetügu! ¡Rü nüxü ixuama i ore i mexü i tüxü maxèxèèxü, rü meã yanguxèe i ngẽma puracü i Tupana cuxna ãxü!

⁶ Täütáma muxü i ngunexü ñoma i naãnewa changèxma erü marü choxü ningaica na Tupanaãrũ puracü chaxüũgagu chayuxü rü choxü na yamèxgüxü i duũxügü.

⁷ Rü choma rü marü chayanguxèe i ngema puracü i Tupana choxna ãxü. Rü ñuxma na nagüxü i ngema puracü rü taguma nüxü charüxo na chayaxõxü.

⁸ Rü ñuxma rü marü Tupana choxü namaã nanguxü i ngẽma ãmare i mexèchixü ya tórü Cori ya Ngechuchu ya ãèxgacü ya mecü tá choxna ãxü i ngèxguma wenaxãrũ ñoma i naãnewa naxüxgu. Rü täütáma chaxica choxna nanaxã i ngẽma ãmare, natürü tá tüxna nanaxã ya guxãma ya yixema tümaãrũ ngüchaũmaã ñanguxèègüxe na wenaxãrũ nũma naxüxü.

Timutéuxü naxucyxè ga Pauru

⁹ Cumaã nüxü chixu rü chanaxwèxe i paxa nuã cuxü, rü choxü ícuyadau.

¹⁰ Demã rü ñoma i naãneãrũ ngẽmaxügu naxĩnũxügagu choxna nixü rü ñãne ga Techarónicawa naxü. Rü Crechéüte rü Gárataanewa naxü, rü Titu i Darumáchiaanewa.

¹¹ Rü Lucaxicatama nixi i ñuxma chauxütawa ngèxmaxü. Rü chanaxwèxe i naxcèx cudau i Marcu na nuã cunagaxüçèx. Erü nũma rü chauxcèx name na choxü na nangüxèèxü i ñãã puracüwa.

¹² Rü Tíquicu rü ñãne ya Epèchiuwa chanamu.

¹³ ¡Ngèxguma nuã cuxüxgu rü nuã nange i chorü gáxüchiru ga ñãne i Tróawa ngèxmaxü ga Carpupatawa chatáxü! Rü chanaxwèxe i nuã cunana i chorü poperagü. Rü guxüãrũ yexera chanaxwèxe na nua cunanaxü i chorü poperagü i idixgüpütaxü.

¹⁴ Areyáũdru i cobrenaxcèx i buetarearü üwa puracüxü rü porãcü chixri chomaã naxüpetü. Natürü Tupana nüxü nacüxè i ñuxãcü tá na napoxcuãxü naxcèx ga yema chixexü ga chomaã naxüxü.

¹⁵ ¡Meã cugüna nadau na tama chixexü cumaã naxüxüçèx! Erü porãcüxüchima naxchi naxai i Tupanaãrũ ore i mexü.

¹⁶ Yexguma noxrixüchima ãèxgacügüpèxewa chaugëtüwa chideaxgu rü taxüema choxü tarüngüxèe. Guxüma choxna nibuxmü. Natürü tama chanaxwèxe ya Tupana rü nagu narüxĩnü i ngẽma.

¹⁷ Natürü tórü Cori choxü naporaxèe rü choxü narüngüxèe na choxü natauxchaxüçèx na nüxü chixuxüçèx ga norü ore i mexü i tüxü maxèxèèxü. Rü yemaãcü guxüma ga yema duũxügü ga tama yaxõgüxü ga yema yexmagüxü rü nüxü naxĩnũe ga yema ore. Rü yemaãcü tórü Cori ya Ngechuchu choxü ñanguxuchixèe ga yexguma taxü ga ãücũmaxüwa chayexmagu.

¹⁸ Rü nũma ya tórü Cori tá choxü ñanguxuchixèe nawa i guxüma i chixexügü. Rü tá choxna nadau na ngextã ãèxgacü íyĩxüwa choxü nagaxüçèx. Rü name i guxüguma nüxü ticüxüxügü. Rü ngẽmaãcü yĩi.

Pauru rü wenaxãrũ Timutéuxũ narümoxẽ rü naxcèx ínaca na Cori ya Ngechuchu ya Cristu nüxũ rüngüxêẽxũ

¹⁹ Chanaxwèxe i chauégagu nüxũ curümoxẽ i Prisila, rü Aquiru, rü Onechéperutanüxügü.

²⁰ Eratu rü ããne i Corñtiugu narüxãũx. Rũ Turuquínu rü idaaawexũma ããne i Miretuwa chanatèx.

²¹ Rũ naxũpa i gáuanexũ rü chanaxwèxe i nuã cuxũ. Rũ cuxũ narümoxẽgü i Eubúru, rü Prudète, rü Linu, rü Cândia, rü guxũma i taeneëgü i yaxõgüxũ.

²² Rũ chanaxwèxe i tórü Cori ya Ngechuchu ya Cristu cumaã nangẽxma, rü Tupana pexũ narüngüxêẽ ya guxãma i pemax.

Rü nuãma pexna,
Pauru

POPERA GA TITUCAX NAXÜMATÜXÜ GA PAURU

Tituxü narümoxë ga Pauru

¹⁻² Pa Titux, choma i Pauru i Tupanaärü puracütanüxü nixi i cuxcëx chanaxümatüxü i ñaã popera. Rü Ngechuchu ya Cristu nixi ga choxü mucü na ngëma duüxügü i Tupana dexümaã nüxü chixuxüçëx i norü ore na Tupanaãxü yaxögüãxüçëx rü nüxü nacüëxgüxüçëx i ngëma norü ore i aixcüma ixixü i tüxü rüngüxëëxü na naxcëx imaxëxüçëx. Rü ngëmaãcü Tupanaãxü tayaxögü rü naxcëx tamaxëchaü erü tanayauxgüchaü i ngëma maxü i taguma güxü. Rü ngëma maxü i taguma güxü nixi ga nuxcümaxüchima ga yexguma tauta naãne üxgu Tupana ya taguma idoracü nüxü ixuxü.

³ Rü ñuxma rü marü nawa nangu na Tupana tüxü nüxü cuëxëëxü i ngëma norü ore i mexü i tüxü maxëxëëxü. Rü ngëmacëx nümatama ya Tupana ya törü maxëxëëruü choxü namu na nüxü chixuxüçëx i ngëma norü ore.

⁴ Pa Titux, cuma rü chaune quixi i Tupanaärü orewa yerü chauxütawa cunayaxu ga Tupanaärü ore ga noxri rü ñuxma rü chauxrüü cuyaxö. Rü chanaxwëxe i cuxü narüngüxëëgü rü cuxü nataãëxëëgü ya Tanatü ya Tupana rü Ngechuchu ya Cristu ya törü maxëxëëruü.

Tituarü puracü ga yexguma Crétawa nayexmagu

⁵ Rü yexguma Crétaarü capaxügu cuxü chamüxgux, rü cumaã nüxü chixu na yema yaxögüxütanüwa cunaxüxü ga yema puracü ga tama chinguxëëxü ga yexguma cuxna yëma chataegugu. Rü yemacëx cumaã nüxü chixu na wüxichigü ya ñänewa rü nüxü cuxunetaxü i tupaucarü äëxgacügü na ngema yaxögüümaã inacüëxgüxüçëx, yema cuxü chamuxrüü.

⁶ Rü wüxi i äëxgacü i yaxögüxüärü, rü name i meã namaxü na taxüema chixri nachiga idexagüxüçëx. Rü name i wüxitama tixi ya namëx. Rü naxäcügü rü name na yaxögüãxü rü meã namaxëxü na taxüema nüxü ixuxüçëx na chixri namaxëxü rü tama nanatüga naxinüëxü.

⁷ Erü yixema yaxögüxüärü äëxgacü ixixë, rü Tupanaärü puracü nixi i taxüxü. Rü ngëmacëx tanaxwëxe i aixcüma meã tamaxü. Rü tama name i wüxi i yatü i chixecümaxü tixi rü chixexügu rüxünüxü tixi. Rü tama name na tangäxüxü, rü nucëx tadauxü, rü togü i duüxügüxü tawomüxëëxü norü dïerucëx.

⁸ Natürü narümemae na guxüguma meã duüxügüxü tayaxuxü i tümapatawa, rü aixcüma nüxü tangechaü i ngëma duüxügü i meã maxëxü. Rü tanaxwëxe i wüxi i yatü i aixcüma tümääëxü cuáxe tixi, rü guxüguma duüxügümaã mecümaxë tixi, rü aixcüma Tupanacëx maxüxë tixi, rü guxüguma meã tügümaã icuáxe tixi.

⁹ Rü yixema yaxögüxüärü äëxgacü ixixë rü name i nagu tixü i ngëma ore i aixcüma ixixü ga tümamaã nüxü ixuxü na tümä rü ta togüxü tangüxëëxüçëx i ngëma ore i mexü, na ngëmaãcü nüxü tanangüchaüxëëxüçëx rü nüxü tayaxögüxëëxüçëx i ngëma duüxügü i noxri tama yaxögüchaüxü.

¹⁰ Erü nangëxma i muxüma i yaxögüchirëxü i tama aixcüma irüxinüëchaüxü. Rü ngëma guxüärü yexera tama irüxinüëchaüxü nixi i ngëma Yudiügü i yaxögüchirëxü i ñuxma naxwëxegüxü na nuxcümaügüxü i nacümauwe naxixü

i ngēma yaxōgūxū. Rū nūmagū rū ore i taxuwama mexūxū nixugūgū, rū ngēmaācū duūxūgūxū nawomūxēēgū.

¹¹ Natūrū ngēma duūxūgū i ngēmaācū chixri nguxēētaegūxū, rū chanaxwēxe i noxtacūma icuyanangeēxgūxēē. Erū muxūma i duūxūgūxū nachixexēēgū rū űuxmata űuxre ya ĩpatawachigū rū nanachixexēē i guxūma i duūxūgū na tama aixcūma Tupanaāxū yaxōgūāxūcēx. Rū ngēma ore i taxuwama mexūmaā duūxūgūxū nangūxēē na ngēmaācū tūxū nawomūxēēgūācūma ngīxū nayauxgūxūcēx i dīēru.

¹² Rū wūxi ga yematama capaxūcūāx ga norū tupanaārū orearū uruū nixī ga natanūxūgūxūtamā ixuxū rū űaxū:

“Rū űāa Cretacūāx i duūxūgū rū guxūguma doratēēxgūxū nixīgū, rū űoma naēxūgūrūū nidūrae, rū nitaanū, rū nixoxochi”, űaxū.

¹³⁻¹⁴ Rū aixcūma nixī ga yema ore ga nūxū yaxuxū ga yema yatū. Rū ngēmacēx chanaxwēxe i poraācū cuyaxucūxēgū i ngēma yaxōgūxū na aixcūma meā yaxōgūāxūcēx, rū tama naga naxīxūcēx i ngēma Yudiugūcūma. Rū chanaxwēxe i namaā nūxū quixu na tama naga naxīnūēxūcēx ega űacū namuāxgu i ngēma duūxūgū i tama nūxū cuēxgūchaūxū i ore i aixcūma ixīxū.

¹⁵ Rū yīxema aixcūma Tupanapēxewa mexē rū guxūwama tame. Natūrū yīxema tama aixcūma Tupanapēxewa mexē, rū taxucūrūwa űacū rū nacūma i naga tixūxūmaā tūgū tamexēē. Rū woo tūmaāēwa naga tarūxīnūxūwa rū tachixe erū ngēma nacūma i naga tixūxūmaā Tupanapēxewa tūgū tamexēēchaū.

¹⁶ Rū ngēma duūxūgū i ngēmagu rūxīnūēxū rū nūgū yaxugūgūgu rū Tupanaxū nacūēx, natūrū ngēma nūmagū naxūgūxūwa nūxū tacūēx na tama aixcūma yīxū na Tupanaxū nacūēxgūxū. Rū nūmagū rū Tupanapēxewa nichixe, rū tama naga naxīnūē, rū taxuwama nime na űacū rū mexū naxūgūxū.

2

Nguxēētae i aixcūma mexū

¹ Natūrū i cuma, Pa Titux, rū name i guxūgutāma ngēma mexū i nguxēētaemaā cunangūxēē rū taguma nūxna quixūgachi.

² ¡Rū meā yaxucūxēgū i ngēma yatūgū i yaguāxgū na aixcūma meā naāēxū nacūāācūma namaxēxūcēx, rū taguma nadauxcūraxūwēxegūxūcēx, rū guxūguma meā naga na naxīnūēxūcēx! ¡Rū nangūxēē na aixcūma meā Tupanaāxū yaxōgūāxūcēx, rū guxū i duūxūgūxū nangechaūgūxūcēx, rū yaxna namaā naxīnūēxūcēx ega woo űacū rū guxchaxū nūxū űepētūgux!

³ Rū ngēxumarūū ta chanaxwēxe i meā cuyaxucūxēgū i ngēma ngexūgū i yaguāxgū na meā Tupanapēxewa namaxēxūcēx. Rū tama name na yax-oregūtēēxgūxū, rū nangāxēwēxegūxū. Rū name nixī i guxū i duūxūgūpēxewa rū meā namaxē.

⁴⁻⁵ Rū ngēma ngexūgū i yaguāxgū rū name nixī i meā na nangūxēēāxū i ngēma ngexūgū i paxūgū na aixcūma natexū rū naxācūgūxū nangechaūgūxūcēx, rū meā naāēxū nacūēxgūxūcēx, rū mexūguxicatama na naxīnūēxūcēx, rū meā napatana nadaugūxūcēx, rū guxū i duūxūgūmaā namecūmagūxūcēx, rū aixcūma natega naxīnūēxūcēx na taxūema chixri Tupanaārū orechiga idexagūxūcēx.

6 ¡Rü ngëxgumarüü ta meãma yaxucuxëgü i ngëma ngextüxcügü na aixcüma meã naãëxü nacuaãcüma namaxëxcëx rü tama nadauxcüraxüwëxëgüxcëx!

7 ¡Rü cumatama rü name nixi i meã napëxewa cumaxü i guxüwama na ngëmaãcü wüxi i norü cuëxruü i mexü quiixüxcëx! Rü ngëxguma cunangüxëëgu, rü cunaxwëxe i mexügu curüxinüãcüma cunangüxëë rü tama inücaãcüma namaã nüxü quixu i ngëma ore.

8 Rü ngëxguma ngëmaãcü meã cunangüxëëgu i ngëma ore i mexü, rü taxüetáma texé chixri nachiga tidexa. Rü ngëmaãcü ya yixema chixri tachiga idexagüchaüxë rü tá taxãneë erü taxucürüwa tacü rü chixexüxü tixugü i tachiga.

9 ¡Rü meãma yaxucuxëgü i ngëma duüxügü i coriãxgüxü! ¡Rü namaã nüxü ixu na guxüguma meã norü coriga naxinüëxüxcëx, rü norü corimaã namecümagüxcëx, rü taguma norü corixü nachoxüdgagüxcëx!

10 Rü tama name i norü coriaxü nangixgü, natürü nanaxwëxe i aixcüma meãma norü corimaã namaxë rü taguma nanawomüxëëgü. Rü ngëxguma ngëmaãcü namaxëgu, rü guxüma i togü i duüxügü tá nüxü nadaugü na ñuxäcü aixcüma namexëchixü i ngëma ore i duüxügüxü namaã ingüxëëxü nachiga ya Tupana ya törü maxëxëëruü.

11 Tupana rü poraãcüxüchima tamaã namecüma, rü yemacëx núma nanamu ga Nane na guxüma i duüxügüaxü nangëxmaxüxcëx i maxü i taguma güxü ega nüxü yaxögüãgu.

12 Rü ngëma na Tupana tamaã mecümamaxüwa nüxü tacuëx na namexü na nüxü rüxoexü i ñoma i naãnecüãxärü ngüchaügü rü guxüma i to i chixexügü i napëxewa ixixü. Rü ngëma Tupana taxcëx üxü tüxü nanguxëë na meã yigümaã icuëxgüãcüma togü i duüxügüpëxewa rü Tupanapëxewa meã imaxëxü i ñoma i naãnewa.

13 Rü tüxü nanguxëë ta na guxüguma meã inanguxëëgüxcëx na nataeguxü ya Ngechuchu ya Cristu ya törü maxëxëëruü ya törü Tupana ya tacü ixücü. Erü Tanatu rü Tupana rü tamaã inaxuneta na wena tá nataeguxü ya Ngechuchu, rü wüxi i taãë tá nixi i ngëxguma inanguxgu.

14 Rü núma ga Ngechuchu rü taxcëx nayu na tüxü inanguxüxëëxüxcëx nawa i guxüma i chixexü, rü tüxü yamexëëgüxcëx na aixcüma norü duüxügü i mexü ixigüxcëx rü aixcüma naxcëx idaugüxcëx na guxüguma mexü ixigüxcëx.

15 Rü ngëma ore tá nixi i duüxügüxü namaã cungüxëëxü rü nüxü cunangüchaüxëëxü na Tupanacëx namaxëxüxcëx. Rü ngëma oremaã tá aixcüma cuyaxucuxëgü i duüxügü erü Tupanatama nixi ya cuxü mucü na ngëmaãcü cunaxüxü. Rü tama name na texé cuxü oxü.

3

Ñuxäcü name na namaxëxü i ngëma yaxögüxü

1 Rü ngëma yaxögüxü i duüxügü, ¡rü namaã nüxü ixu na nachixüanearü äëxgacügüga naxinüëxü rü guxüma i ngema togü i äëxgacügüga naxinüëxüxcëx! ¡Rü yaxucuxëgü na inamemaregüxcëx na naxügüãxüxcëx i guxüma i mexü i puracügü i äëxgacügü unagüxü!

2 Rü tama name i texëchiga chixri nidexagü rü texëmaã nanuë. Natürü name nixi i guxü i duüxügümaã namecümagü rü aixcüma guxü i duüxügüxü nangechaügü rü tama nügü nicuëxüxügü.

³ Rū name nixī i yaxna namaã taxīnūē i ngēma tama yaxōgūxū, yerū yixema rū ta ga ūpa rū chixri tamaxē, rū tama Tupanaga taxīnūē. Rū itayarūtauxe rū tōrū ngúchaū tūxū napora. Rū chixexūgu rūxīnūēacūma tamaxē rū taxāūxachiwēxegū. Rū naxchi taxaie ga togū, rū nūma rū ta taxchi naxaie.

⁴ Natūrū yexguma Tupana ya tōrū maxēxēruū tūxū nūxū dauxēēgu i norū ngechaxū naxcēx i guxūma i duūxūgū, rū nūma rū tūxū namaxēxēē.

⁵ Rū yema na tūxū namaxēxēēxū rū tama ūacū rū mexū na ixūgūxūgagu nixī, natūrū tūxū namaxēxēē yerū nūxū tangechaūtūmūgū. Rū Naã i Ūūnexū i tūxū ngexwacaxūxēēxūrū poramaã Tupana tūxū inayanaxoxēē ga tōrū pecadu na ngexwacaxūxū i duūxūgū ixīgūxūcēx.

⁶ Rū Ngechuchu ya Cristu ya tōrū Maxēxēruūgagu nixī ga Tupana ga guxūma ga norū ngúchaūmaã tūxna namuāxū ga Naã i Ūūnexū.

⁷ Rū yemaãcū tamaã namecūma rū tūxū narūngūxēē ga Tupana na aixcūma imexūcēx i napēxewa, rū na nayauxgūxūcēx i ngēma írūnguxēēgūxū i maxū i taguma gūxū.

⁸ Rū guxūma i ngēma marū cumaã nūxū chixuxū rū aixcūma nixī. Rū ngēmacēx chanaxwēxe i guxūguma nūxū quixu i ngēma ore na aixcūma mexū naxūgūxūcēx i ngēma duūxūgū i Tupanaāxū yaxōgūxū. Erū ngēma ore rū guxūwama name i guxācēx.

⁹ ¡Natūrū nūxna ixūgachi i ngēma dexagū i taxuwama mexū i duūxūgū nawa nūgū choxūgagūxū rū ngēma oregū i nuxcūmaūgūxū i duūxūgūchigamare ixīgūxū! ¡Rū nūxna ixūgachi i ngēma nūgū ngaexū! ¡Rū tama name na natanūgu cuxāxū i ngēma duūxūgū i nūgūmaã nūxū rūnuētanūcūūxū nachiga i ngēma mugū ga Moíché ūmatūxū! Erū guxūma i ngēma na nūxū rūnuētanūcūūxū rū taxuwama name, rū natūcēxmamare nixī.

¹⁰ Rū ngēxguma chi wūxie i petanūwa rū chixexū i nguxēētaemaã ngēma yaxōgūxūxū titoyegu, rū name nixī i tūmamaã nūxū quixu na tama ngexū tawagūxūcēx. Rū ngēxguma tanaxūamagu, rū name nixī na wena tūmamaã nūxū quixuxū. Rū ngēxguma tama cuga taxīnūchaūgu rū tanaxūamagu i ngēma chixexū rū name nixī i noxtacūma tūxū ícumuxūchi natanūwa i ngēma yaxōgūxū.

¹¹ Erū ngēma chixri na tamaxūxūwa rū tá nangox na tachixēāēxū ya yíxema duūxē rū tūmaārū pecadugagu tá nixī na tapoxcuxū.

Tituxū naxucūxē ga Pauru

¹² Rū ngēxguma cuxūtawa chanamuxgu i Artema rū ēxna Tíquicu, rū chanaxwēxe i paxa Nicaporíchiuwa cuxū na choxū ícuyadauxūcēx. Erū ngēma tá nixī i chanangupetūxēēxū ya yima tauemacūgū ya nagu nagáuanecū.

¹³ Rū guxūma i cuxū tauxchaxūmaã chanaxwēxe i nūxū curūngūxēē i āēxgacū i Chena i Dumacūāxgūarū mugūxū cuāxū rū Aporu na paxa nūma naxīxūcēx. Rū chanaxwēxe i nūxna cunaxā i ngēma nanaxwēxexū i norū namawaū na taxuūma nūxū taxuxūcēx.

¹⁴ Rū ngēma taeneēgū i yaxōgūxū, rū name nixī i naxcēx nangúe na mexū naxūgūxū rū togūxū nangūxēēgūxū ega ūacū nūxū tauxgux. Rū ngēmaācū i ngēma togū rū tá nayaxōgū.

Pauru rū wenaxārū Tituxū narūmoxē rū naxcēx ínaca na Tupana nūxū rūngūxēēxūcēx

¹⁵ Rū guxŭma i taeneēgŭ i nuã chauxŭtawa ngēxmagŭxŭ rŭ cuxŭ narŭmoxēgŭ. Rŭ ngēxgumarŭŭ ta i choma rŭ chanaxwèxe i nŭxŭ curŭmoxē i taeneēgŭ i yaxōgŭxŭ i cuxŭtawa ngēxmagŭxŭ. Rŭ chanaxwèxe i Tupana pexŭ narŭngŭxēē i guxãma i pemax.

Rŭ nuãma cuxna,
Pauru

POPERA GA FILEMÚŮCAŮ NAXŮMATŮXŮ GA PAURŮ

Pauru rŮ nŮxŮ narŮmoxŮ ga FilemŮŮ

¹ Pa ToeneŮ i FilemŮŮ i ToxrŮxŮ TupanaarŮ PuracŮwa PuracŮxex, choma i Pauru rŮ taeneŮ i TimutŮumaã cuxcŮx tanaxŮmatŮ i űãã popera. RŮ choma rŮ nuxa chapoxcu nagagu na nŮxŮ chixuxŮ i Ngechuchu ya CristuarŮ ore.

² RŮ űãã popera i cuxcŮx taxŮmatŮxŮ, rŮ naxcŮx ta nixŮ i ngŮma taeneŮgŮ i cupatawa ngutaquŮxegŮŮxŮ rŮ ngixcŮx ta nixŮ i taeyŮx i Ápia rŮ naxcŮx ta nixŮ i taeneŮ i AriquŮpu i taxrŮxŮ TupanaarŮ puracŮwa puracŮxŮ.

³ RŮ chanaxwŮxe i TanatŮ ya Tupana rŮ tŮrŮ Cori ya Ngechuchu ya Cristu pexŮ narŮngŮxŮeŮ rŮ pexŮ nataãŮxŮeŮ.

FilemŮŮ rŮ aixcŮma NgechuchuaxŮ nayaxŮ rŮ yema yaxŮgŮxŮxŮ nangechaŮ

⁴ RŮ guxŮguma i ngŮxguma cuxna chacuŮãchigu i chorŮ yumŮxŮewa, rŮ Tupanana moxŮ chaxã cuxcŮx.

⁵ ErŮ nŮxŮ chacuãchiga na űuxãcŮ nŮxŮ cuyaxŮxŮ ya tŮrŮ Cori ya Ngechuchu rŮ űuxãcŮ nŮxŮ na cungechaŮxŮ i guxŮma i duŮxŮgŮ i TupanaarŮ ixŮgŮxŮ.

⁶ RŮ Tupanana naxcŮx chaca na cuxŮ nangŮxŮeŮxŮcŮx na duŮxŮgŮmaã nŮxŮ quixuxŮcŮx na űuxãcŮ CristuaxŮ yaxŮgŮxŮ i yixemax, erŮ chanaxwŮxe na meã nŮxŮ cucuãxŮ na űuxãcŮ Ngechuchu ya Cristugagu poraãcŮ tŮxŮ nangŮxŮeŮxŮ ya Tupana.

⁷ RŮ choma rŮ poraãcŮ chataãŮxŮchi na űuxãcŮ nŮxŮ cungechaŮxŮ i ngŮma yaxŮgŮxŮ. ErŮ cugagu nixŮ, Pa ChaueneŮx, na nataãŮgŮxŮ i ngŮma togŮ i yaxŮgŮxŮ.

Pauru rŮ FilemŮŮna naca na mea OnŮchimuxŮ nayaxuxŮcŮx

⁸⁻⁹ RŮ ngŮmacŮx nangŮxma i wŮxi i ngŮxŮeŮ i cuxŮtawa naxcŮx íchacaxchaŮxŮ. RŮ dŮcax, Cristu nixŮ ya choxŮ mucŮ rŮ ngŮmacŮx choxŮ nangŮxma i pora na cuxŮ chamuxŮ na cunaxŮxŮcŮx i ngŮma ngŮxŮeŮ i mexŮ i tá cumaã nŮxŮ chixuxŮ. NatŮrŮ tama ngŮmaãcŮ cuxŮ chamuxchaŮ erŮ cuxŮ changechaŮ, rŮ ngŮmacŮx chauxcŮx narŮmemaŮ nixŮ na cuxŮ chacŮŮxmarexŮ naxcŮx i ngŮma. RŮ choma i Pauru rŮ marŮ chaya rŮ űuxma rŮ chapoxcu Ngechuchu ya CristucŮx.

¹⁰ RŮ ngŮmacŮx cuxna naxcŮx chacaxchaŮ i wŮxi i ngŮxŮeŮ naxcŮx i OnŮchimu i nuã poxcupataŮwa chauxŮtawa CristuxŮ yaxuxŮ. RŮ ngŮmacŮx i űuxma rŮ TupanaarŮ orewa rŮ chaune nixŮ.

¹¹ RŮ űpa ga OnŮchimu rŮ wŮxi ga curŮ duŮxŮ ga taxuwama cuxŮ mexŮ nixŮ. NatŮrŮ i űuxma rŮ cuxŮ rŮ choxŮ rŮ ta name.

¹² RŮ űuxma rŮ cuxcŮx chanataeguxŮeŮ i nŮma i OnŮchimu. RŮ chanaxwŮxe i meã cunayaxu, űoma choxŮ cuyaxuxŮrŮŮ.

¹³ ChierŮ chanaxwŮxe na nuxma chauxŮtagu naxãŮxŮ, rŮ na cuchicŮŮ choxŮ nangŮxŮeŮxŮcŮx i űuxma na chapoxcuxŮ naxcŮx i TupanaarŮ ore i mexŮ.

¹⁴ NatŮrŮ tama chanaxŮxchaŮ i űacŮ i tauta “NgŮ” űacuxŮ choxŮ. ErŮ ngŮma ngŮxŮeŮ i cuxna naxcŮx chaçaxŮ, rŮ chanaxwŮxe na curŮ ngŮchaŮtama yŮxŮ i ngŮma rŮ tama i chorŮ mugagu na yŮxŮ.

¹⁵ Rũ bexmana Tupana nanaxwèxe na paxaãchi cuxna yaxũxũ ga Onéchimũ na yixcama rũ wenaxãrũ cuxcèx nataeguxũcèx rũ ngẽmaãcũ guxũgutáma cuxũtawã nangẽxmaxũcèx.

¹⁶ Natũrũ i ñuxma rũ tama ngẽxũrũxũmare i curũ duũxũrũ nixĩ, erũ wũxi i curũ duũxũãrũ yexera nixĩ i ñuxmax, erũ taeneẽ i nũxũ ingechaũxũ nixĩ. Rũ aixcũma porããcũ nũxũ changechaũ i chomax, natũrũ chanawae i cuma rũ yexeraãcũ nũxũ cungechaũ. Erũ ñuxma rũ tama wũxi i curũ duũxũmare nixĩ, natũrũ wũxi i cueneẽ i tórũ Coriaxũ yaxõxũ nixĩ i ñuxmax.

¹⁷ Rũ ngẽmacèx, rũ ngẽxguma choxũ cudèuxgu na aixcũma cueneẽ chiĩxũ, rũ chanaxwèxe i meã cunayaxu i Onéchimũ, ñoma choxũ cuyaxuxũrũ.

¹⁸ Rũ ngẽxguma ñacũ rũ chixexũ cumaã naxũxgu rũ ãxna ñacũ cuxũ nangetanũgu, rũ chanaxwèxe i chomaã nũxũ quixu na ñuxre yĩxũ, na cuxũ chanaxũtanũxũcèx.

¹⁹ Rũ chomatama i Pauru rũ choxmẽxmaãxũchi chanaxũmatũ i ñãã popera. Rũ aixcũma chomatama tá cuxũ chanaxũtanũ. Rũ tãtũtãma cuxna nũxũ chacuèxãchixẽẽ na ñuxãcũ choxũ cunangetanũxũ i curũ maxũ i taguma gũxũ i chaugagu Tupanaxũtawã cuyaxuxũ.

²⁰ Rũ ngẽmaãcũ, Pa Chaueneẽx, rũ chanaxwèxe i tórũ Corigagu chauxcèx cunaxũ i ngẽma ngũxẽẽ. Rũ chanaxwèxe i choxũ cutaãẽxẽẽ, erũ chaueneẽ i Cristuaxũ yaxõxũ quixĩ.

²¹ Rũ cuxcèx chanaxũmatũ i ñãã popera erũ nũxũ chacuèx na aixcũma chauga cuxĩnũxũ rũ tá cunaxũxũ i ngẽma cuxna naxcèx chaçaxũãrũ yexera.

²² Rũ ngẽxgumarũũ ta chanaxwèxe na chauxcèx cunamexẽẽxũ i wũxi i nachica i ngextã tá nawa changuxũ. Erũ íchananguxẽẽ na Tupana tá nangãxũxũ i perũ yumũxẽgũ, rũ tá choxũ nangũxẽẽxũ na pexũ íchayadauxũcèx.

Pauru rũ wenaxãrũ Filemũũxũ narũmoxẽ rũ naxcèx ínaca na Cori ya Ngechuchu ya Cristu nũxũ rũngũxẽẽxũ

²³ Rũ moxẽ cuxcèx ngema namu i Epáparu. Rũ nũma rũ wũxigu chomaã napoxcu naxcèx ya Ngechuchu ya Cristu.

²⁴ Rũ ngẽxgumarũũ ta moxẽ cuxcèx ngema namugũ i Marcu, rũ Aritãrcu, rũ Demã rũ Luca. Rũ nũmagũ rũ chomũcũgũ nixĩgũ i Tupanaãrũ puracũwa.

²⁵ Rũ chanaxwèxe i tórũ Cori ya Ngechuchu ya Cristu pexũ narũngũxẽẽ i guxãma i pemax.

Rũ nuãma cuxna,
Pauru

POPERA GA YUDÍUGÛ GA YAXŌGÛXÛCA_X ÛMATÛXÛ

Tupana rü Nanewa tamaã nidexa

¹ Nuxcûma ga Tupana rü muëxpüxcûna rü nagúxûraûxûãcûma norü orearü uruûgüwa tórü oxigümaã nidexa, rü namaã nüxû nixu ga tacü nüxû na nanaxwëxexû.

² Natürü i ñomaücüü ya Tupana rü Nanewatama nixî i tamaã yadexaxû rü tüxû nüxû nacuëxëëxû na ñuxäcü tüxû nangüxëëchaûxû. Rü gumaxû nixî ga namuxû na naxûäxûcëx ga ñoma ga naãne rü daxûguxû ga naãne rü üëxcü rü tauemacü rü woramacurigü rü êtagü. Rü ñuxûchi guma Nanena nanana ga guxûma ga yema na noxrü yîixûcëx.

³ Rü Nanewa nixî i nüxû idauxû na ñuxäcü namexëchixû i nüma ya Tupana. Rü nüma ya Nane rü Nanatü ya Tupanarüütama nixî. Rü ñuxma na guxûârü äëxgacü yîixû ya Nane, rü guxûmaãma inacüx rü norü ore i poraxûmaã nanamu i guxûma na nüma nanaxwëxexûãcûma na yîixûcëx. Rü nüma ya Nane nixî ga taxcëx nayuxû na nüxû rüxoexûcëx ga tórü pecadugü. Rü yemawena rü Nanatüxütawa naxû i daxûguxû i naãnewa. Rü yéma Nanatüarü tügüneçüwawa nayarüto erü guxûârü äëxgacü nixî i ñuxmax.

Tupana Nane rü guxûma i orearü ngeruüügü i daxû- cûãxétüwa nangëxma

⁴ Rü ñuxma i nüma ya Nane rü guxûma i Tupanaârü orearü ngeruüügü i daxûcûãxârü yexera nixî rü naçtüwa nangëxma yerü yemaäcü nanaxuegu ga Nanatü.

⁵ Rü ngëmaäcü nixî i ñuxma yerü ga Tupana rü taguma wüxi ga norü orearü ngeruüxû ñanagürü:

“Cuma nixî i Chaune. Rü ñuxma chanangoxëë na aixcûma Chaune quiixû”, ñanagürü. Rü taguma wüxi ga norü orearü ngeruüchiga ñanagürü:

“Choma nixî i Nanatü chîxû rü nüma rü Chaune nixî”, ñanagürü.

⁶ Natürü yexguma ñoma ga naãnewa namuãgu ga Nane ya guxûçetüwa ngëxmacü, rü ñanagürü ga Tupana:

“Chanaxwëxe i guxûma i chorü orearü ngeruüügü i daxûcûãx rü nüxû nicuëxüügü ya Chaune”,

ñanagürü.

⁷ Rü yexguma norü orearü ngeruüügü ga daxûcûãxchiga yadeaxgu ga Tupana, rü ñanagürü:

“Choma chanaxwëxexûãcûma chanamu i ngëma chorü orearü ngeruüügü i chorü ngüxëëruüügü ixîgüxû. Rü ngëxguma chanaxwëxegu rü ñoma buanecü rü ñoma üxüemarüü chayaxîgüxëë, rü chanaporaexëë na naxûgüãxûcëx i chorü ngüchaû”,

ñanagürü.

⁸ Natürü yexguma Nanechiga yadeaxgu ga Tupana rü ñanagürü:

“Cuma rü chauxrüü Tupana quixî. Rü guxûgutáma äëxgacü quixî. Rü aixcûma meã guxûmaã icucuëx erü aixcûmacü quixî.

⁹ Rü nüxû cungechaû i guxûma i ngëma nacüma i mexû natürü naxchi cuxai i guxûma i ngëma nacüma i chixexû. Rü ngëmacëx i choma na Cumatü ya

Tupana chiixŭ rŭ guxãĕtŭwa cuxŭ changĕxmaxĕĕ rŭ guxãârŭ yexera cuxŭ chataãĕxĕĕ”, ñanagŭrŭ.

¹⁰ Rŭ yexgumarŭŭ ta Nanexŭ ñanagŭrŭ ga Tupana:

“Cuma rŭ guxŭârŭ Cori quixĭ. Rŭ noxriarŭ ŭgŭgumama ga yexguma natauxgutama ga ñoma ga naãne, rŭ cuma nixĭ ga cunaxŭxŭ. Rŭ cumatama nixĭ ga cunaxŭxŭ ga ŭĕxcŭ rŭ tauemacŭ rŭ guxŭma ga ĕxtagŭ.

¹¹ Rŭ guxŭma i ngĕma rŭ tá nagux, natŭrŭ i cuma rŭ guxŭgutáma cungĕxmaĕcha. Rŭ guxŭma i ngĕma rŭ ñoma naxchirurŭŭ tá nangaue.

¹² Rŭ ñoma wŭxi i naxchiru i ngauxŭ i ngema itĕxmarexŭrŭŭ tá ĭcunawogŭ i ñoma i naãne rŭ guxŭma i daxŭwa nŭxŭ idauxŭ. Rŭ to i ngexwacaxŭxŭmaã tá cunaxŭchicŭŭ, ñoma wŭxi i naxchiru i ngauxŭ i ngexwacaxŭxŭmaã ixŭchicŭŭxŭrŭŭ. Natŭrŭ i cuma rŭ tá cunaxĕixrŭgumaraxŭĕcha rŭ tagutáma cuyŭ”, ñanagŭrŭ ga Tupana.

¹³ Rŭ Tupana rŭ ñanagŭrŭ nŭxŭ:

“ĭNuã chauxŭtawa rŭto ñŭxmatáta nŭxŭ cuxŭ charŭporamaĕxĕĕ i guxŭma i curŭ uwanŭgŭ!”

ñanagŭrŭ. Natŭrŭ ga Tupana rŭ taguma yema ñanagŭrŭ nŭxŭ ga ngĕxŭrŭŭxŭ ga norŭ orearŭ ngeruŭgŭ ga daxŭcŭãx.

¹⁴ Rŭ guxŭma i Tupanaârŭ orearŭ ngeruŭgŭ i daxŭcŭãx rŭ naãĕgŭ i Tupanaãxŭ puracŭxŭ nixĭgŭ. Rŭ nŭma ya Tupana rŭ nŭma nanamugŭ na nŭxŭ yanangŭxĕĕgŭxŭcĕx i guxŭma i ngĕma duŭxŭgŭ i Tupana naxwĕxexŭ na nayauxgŭãxŭ i maxŭ i taguma gŭxŭ.

2

Tama name i nŭxŭ taxoe i ngĕma maxŭ i Tupana tŭxna uaxŭxŭ

¹ Rŭ ñŭxma na nŭxŭ icuáxŭ na guxŭma i Tupanaârŭ orearŭ ngeruŭgŭ i daxŭcŭãxârŭ yexera yĭxŭ ya Nane, rŭ ngĕmacĕx name na yexeraãcŭ meã naga ixĭnŭĕxŭ i ngĕma ore i nachiga ixĭxŭ. Erŭ tama tanaxwĕxe na nŭxŭ rŭxoexŭ na yaxŭgŭxŭ.

² Rŭ yexguma tauta Nane ya Cristuxŭ nŭma namuxgu ga Tupana, rŭ norŭ orearŭ ngeruŭgŭ ga daxŭcŭãxgŭwa duŭxŭgŭmaã nŭxŭ nixu ga norŭ mugŭ na naga naxĭnŭĕxŭcĕx. Rŭ yema mugŭ rŭ aixcŭma napora yerŭ guxŭma ga yema duŭxŭgŭ ga tama naga ĩnŭĕxŭ, rŭ yema mugŭ nŭxŭ ixŭxŭãcŭma Tupana nanapoxcŭe.

³ Rŭ yexguma yemaãcŭ napoxcŭeãgu ga yema duŭxŭgŭ ga tama naga ĩnŭĕxŭ, ĭrŭ ñŭxŭcŭrŭwa i yixema i naxchaxwa ibuxmŭxŭ na tama tŭxŭ napoxcŭeŭcĕx ega nŭxŭ ixoegu i ngĕma maxŭ i mexĕchixŭ i ñŭxma Cristugagu tŭxna naxuaxŭxŭ? Rŭ dŭcax, nŭmatama ya tŭrŭ Cori nixĭ ga nŭxĭra naxunagŭãxŭ ga yema maxŭ, rŭ ñŭxŭchi yixcama nixĭ ga yema nŭxŭ ĩnŭĕxŭ ga nŭxĭ meã tŭxŭ nŭxŭ nacŭĕxĕĕxŭ na aixcŭma yĭxŭ i tŭxŭ nangĕxmaxŭ i ngĕma maxŭ ega nŭxŭ yaxŭgŭgu ya Cristu.

⁴ Rŭ nŭmatama ga Tupana rŭ ta taxcĕx nanangoxĕĕ na aixcŭma yĭxŭ i Cristugagu tŭxŭ nangĕxmaxŭ i ngĕma maxŭ. Yerŭ nŭma ga Tupana rŭ Naãĕ i Ŭĭnĕxŭwa tŭxŭ nanawĕx ga naguxŭraxŭxŭ ga taxŭ ga mexŭgŭ rŭ cŭĕxruŭgŭ ga norŭ poramaã naxŭxŭ yema nŭma nanaxwĕxexŭãcŭma. Rŭ yemaãcŭ nixĭ ga wenaxârŭ tŭxŭ nŭxŭ nadauxĕĕxŭ na aixcŭma yĭxŭ na Cristugagu tŭxŭ nangĕxmaxŭ i ngĕma maxŭ.

Tupana rü ñoma ga naãnewa nanamu ga Ngechuchu ya Cristu na taxrüü duüxüxü yüxüxcèx

⁵ Rü ñuxma rü guxüma i ngëma mexügu i Cristugagu tüxü ngëxmaxü i pemaã nüxü tixuchigaxü, rü Tupana rü taguma daxücüãx ga norü orearü ngeruügüna namaãga na namaã inacuëxgüxcèx. Natürü duüxügüxü nixi ga namuxü na naxaã inacuëxgüxcèx ga guxüma ga yema mexügu.

⁶ Erü Tupanaärü ore i ümatüxüwa rü ñanagürü:

“Pa Tupanax, ¿rü tacü nixi i duüxügu rü ngëmacèx nagu curüxüxü? ¿rü tacüwa name rü ngëmacèx nüxü cungechaüxü?”

⁷ Rü paxaãchi curü orearü ngeruü ga daxücüãxgütüüwa cunayexmagüxëë ga duüxügu, natürü i ñuxma rü aixcüma namaã cutaãë rü nüxü quicuëxüxü.

⁸ Rü naxmëxwa cunangëxmaxëë i guxüma ga yema cuxüxü”, ñanagürü i ngëma orewa. Rü yemaãcü nixi ga Tupana ga duüxügümëxëwa nayexmagüxëëãxü i guxüma i ñoma i naãnewa ngëxmaxü. Rü nataxuma i tacü i ñoma i naãnewa i tama naxmëxwa nangëxmaxëëxü. Natürü woo na ngëmaãcü yüxü, rü ñuxma rü ta tauta nüxü tatau na duüxügümëxëwa nangëxmaxü i guxüma i ñoma i naãnewa ngëxmaxü.

⁹ Natürü nüxü tatau ya Ngechuchu ya aixcüma guxümaãma icuácü. Rü yexguma Tupana ñoma ga naãnewa namuxgu rü paxaãchi norü orearü ngeruü ga daxücüãxgüarü ñaxtüwaama nanaxüxëë. Natürü i ñuxma ya Tupana rü poraãcü Ngechuchuxü nataxëë rü äëxgacü ya tacü nayaxixëë yerü ngüxü ninge rü guxüma ga duüxügücèx nayu yerü yemaãcü nanaxwëxe ga Tupana yerü tüxü nangechaü rü tüxü narüngüxëëchaü.

¹⁰ Yerü ga Tupana rü nanaxwëxe na guxüma i naxãcügu nüxü nangëxmaxüxcèx i nachica i mexü i naxütawa. Rü yemacèx ñoma ga naãnewa nanamu ga Ngechuchu ya Cristu na ngüxü yangexüxcèx rü taxcèx nayuxüxcèx na aixcümaxüchi tüxü nangëxmaxüxcèx i maxü i taguma güxü. Rü name nixi na yemaãcü naxüãxü ga Tupana yerü nümatama nixi ga naxüãxü ga guxüma rü namëxwa nangëxma na nüma nanaxwëxexüãcüma namaã inacuãxüxcèx.

¹¹ Rü Ngechuchu nixi ya tüxü imexëëgücü na Tupanapëxewa ixüünegüxüxcèx. Rü ñuxma i nüma ya Ngechuchu ya tüxü imexëëgücü rü guxãma i yixema na tüxü yaxüünexëëgüxü rü wüxitama nixi ya Tanatü. Rü ngëmacèx nixi i nüma ya Ngechuchu ya Tupana Nane, rü tama taxcèx naxänexü na naëneëgümaã tüxü naxuxü.

¹² Erü Tupanaärü ore i ümatüxüwa rü ñanagürü ga Nane:

“Rü chaueneëgüxü tá nüxü chacuëxëë i cuchiga, Pa Chaunatüx. Rü norü ngutaquëxegüwa rü tá cuxcèx chawiyae na ngëmaãcü cuxü chicuëxüxüxcèx”, ñanagürü.

¹³ Rü toxnamana i Tupanaärü ore i ümatüxüwa rü ñanagürü ta ga Nane:

“Cuxü chayaxö, Pa Chaunatüx, erü nüxü chacuëx rü tá choxü curüngüxëë”, ñanagürü. Rü ñanagürü ta:

“Rü daxe chixi, Pa Chaunatüx, namaã i cuxacügu i chaueneëgü i choxna cumugüxü”,

ñanagürü.

¹⁴ Rü nüma ga Ngechuchu rü woo Tupana na yixixü natürü duüxürüxüãcü ñoma ga naanewa naxü na taxrüxü naxãmachixüxcèx rü naxãgüxüxcèx na tachicüü nayuxüxcèx rü yemaãcü yanaxoxëëãxüxcèx ga Chatanárü pora ga namaã tüxü iyanatauxëëxchaüxü.

¹⁵ Rü yemaãcü nanaxü ga Ngechuchu na Chatanamëxëwa tüxü inanguxüxëëxüxcèx ya guxãma ya yixema noxri naxcèx muüxë ga na tayuxü.

16 Rū yemacèx ñoma ga naãnewa nangu ga Ngechuchu na taxcèx nayuxùcèx i guxàma i yixema na Abráürüü yaxògùxù. Rū tama daxùcùãx i orearü ngeruüügücèx nayu, natürü taxcèx nixi ga numa naxùxù rü nayuxù.

17 Rū nūma ga Ngechuchu rü nanaxwèxe na yixema i naëneëgü ixigùxürüütama nügü na yaxixèèxù na yemaäcü aixcüma mecümacü ya nüxù ingechaütümüügücü ya tóru chogüruü yixücèx i Tupanapèxewa. Rū yemacèx nixi ga nügü inaxàxù rü nayuxù na yemaäcü Tupana duüxügüaxù nüxù ngechaüxücèx i norü pecadugü.

18 Rū yema nümatama ngúxù na yangexù ga yexguma Chataná nüxna ñnūgu, rü ngèmacèx i ñuxma rü nüxù natauxcha na tüxù nangüxèèxù ya yixema Chataná tüxna ñnūxè.

3

Ngechuchu rü Moïchéxù narüyexera

1 Rū ñuxma Pa Chaueneëgü ya Tupanapèxewa Üünegüxe, rü pexù nixi ya Tupana inadexù na norü duüxügü pixigüxücèx. Rū ngèmacèx name nixi i aixcüma meã nagu perüxnüè ya Ngechuchu ya Cristu ya Tupana nūma namucü. Rū nūma ya Ngechuchu nixi i tóru chogüruü i Tupanapèxewa tüxù ixüünexèècü. Rū yimaäxù nixi i yaxògùxù.

2 Rū Tupana rü marü Ngechuchuxù naxuneta na naxüãxücèx ga yema puracü ga Tupana nüxna àxù. Rū nūma ga Ngechuchu rü aixcüma Nanatüga naxinü rü nayanguxèè ga yema puracü yexgumarüü ga Moïché meãma na naxùxù ga yema puracü ga Tupana nüxna àxù na nüxna nadauxücèx ga Tupanaärü duüxügü ga Yudiügü.

3 Rū woo ga noxri rü Moïchéxù nitaégacüüxèè ga Tupana, natürü i ñuxma rü Moïchéarü yexera Ngechuchuxù nixi i yataégacüüxèèxù. Rū wüxi ya ñpata ya ngexwacèx ixüxünerüü nixi, erü woo ngéma ñpatamaã tataãè, natürü ngéma yexeraäcü nüxù icuèxüüxù nixi i ngéma ñpataarü üruü.

4 Rū guxünema ya i rü nüxù nangèxma i norü üruü. Natürü guxüma i tacü i ngèmxaxù, rü Tupana nixi ya naxücü.

5 Rū Moïché rü wüxi ga Tupanaärü duüxù ga aixcüma mexü nixi yerü meã nüxna nadau ga Tupanaärü duüxügü ga Yudiügü, yema Tupana namaã nüxù ixuxürüü. Rū nūma ga Moïché nixi ga yema duüxügümaã nüxù yaxuxù ga ñuxäcü Tupana tá yixcüra nüxù na rüngüxèèxù.

6 Natürü nūma ya Ngechuchu rü Moïchéarü yexera nixi erü Tupana Nanexüchi nixi. Rū nūma nixi i nüxna nadauxù i guxüma i ngéma Tupanaärü duüxügü ixigüxù. Rū yixema rü ta Tupanaärü duüxügü tixigü ega aixcüma Ngechuchuaaxù yaxògügu rü taguma nüxù rüxoegu. Rū Tupana nanaxwèxe na guxügüma Ngechuchumaã itaãègüxù erü nüxù tacuèx na wüxi i ngunexù rü tá taxcèx nataeguxù na wüxiwa namaã ingèmxagüxücèx.

Tupanaärü duüxügü rü tá inarüngüè

7-8 Rū ngèmacèx i Tupanaärü ore i ümatüxüwa rü ñanagürü i Naãè i Üünexù: “Rü ñuxma na nüxù pexinüèxù i ngéma Tupana pemaã nüxù ixuxù, rü tama name na nüxù pexoexù, yexgumarüü ga na naxügüãxù ga yema duüxügü ga Tupanaxù ügüxù rü tama naga ñnūèxù ga yexguma Moïchéwe naxixgu ga yema naãne ga ngextá taxüema ñãpataxüwa”.

9 Rū yemacèx ga Tupana rü ñanagürü:

“Rü yema nixi ga chixexù naxügüxù ga nuxcümaügüxù ga perü oxigü yerü choxù naxügü yerü tama choxù nayaxògüchaü. Rū yemaäcü

nanaxügü woo 40 ga tauncëgu nüxü na nadaugüxü ga yema mexügü ga üünexü ga napëxewa chaxüxü.

10 Rü yemacëx namaã chanu ga yema duüxügü, rü ñacharügü nüxü: 'Pema rü guxüguma chixexüguxicatama perüxñüëëcha, rü taguma penaxüchaü i ngëma chanaxwëxexü na penaxüxü', ñacharügü nüxü.

11 Rü yemacëx nixi ga namaã chanuxü ga yema duüxügü, rü aixcümamaxüchi namaã nüxü chixu na täütama yema naãne ga noxri namaã ichaxunetaxüwa nangugüxü na ngëxma nangüëxücëx", ñanagürü ga Tupana.

12 Rü ñuxma Pa Chaueneëgüx, rü name nixi i pegüna pedaugü na tama ngürüächi pechixearü maxüáxücëx, rü ngëmagagu na nüxü perüxoexü na Tupana ya maxücüaxü na peyaxögüxü.

13 Natürü ñuxma pexü natauxchagu, rü name nixi na wüxichigü pegüaxü penangüchaüxëëxü i guxü i ngunexügu na taxüema i petanüwa Tupanaxü taxoxücëx nagagu i ngëma pecadu i pexü womüxëëchaüxü.

14 Rü ngema na Cristuxütawa nayauxgüxücëx i maxü i taguma gúxü, rü tanaxwae na guxüguma aixcüma yaxögüechaxü. Rü ngëxguma noxrürütama guxüguma meã nüxü yaxögüechagu rü tama nüxü rüxoegu, rü tá namaã tüxü nangëxma i tachica i daxüguxü i naãnewa.

15 Natürü ñuxma nixi i namexü na meãma yaxögüxü. Rü ngëmacëx i Tupanaärü ore i ümatüxüwa rü ñanagürü:

"Rü ñuxma na nüxü pexñüëxü i ngëma Tupana pemaã nüxü ixuxü, rü tama name na nüxü pexoexü, yexgumarüü ga yema duüxügü ga tama Tupanaga ñnüëxü ga yexguma Moïchéwe naxixgu ga yema naãne ga ngextá taxüema íxâpataxüwa", ñanagürü.

16 ¿Rü texégü tixi ga guxema nüxü ñnüëxë ga yema Tupana tümamaã nüxü ixuxü, rü ñüxüchi tama Tupanaga ñnüëxë? Rü pemaã nüxü chixu rü yemagü nixi ga yema duüxügü ga Moïché Equituanewa ínguxüxëëxü.

17 ¿Rü texémaã nixi ga nanuxü ga Tupana ga 40 ga tauncëgu? Rü pemaã nüxü chixu rü namaã nanu ga yema duüxügü ga chixexü ügüxü. Rü yemacëx yema nachica ga ngextá taxüema íxâpataxügu nayue.

18 ¿Rü texégümaã nixi ga aixcümamaxüchi inaxunetaxü ga Tupana na täütama yema naãnewa nangugüxü na yexma nangüëxücëx? Rü pemaã nüxü chixu, rü yemagü nixi ga yema duüxügü ga tama naga ñnüëxü.

19 Rü ngëmawa nüxü tacuëx na taxucürüwama yema naãne ga noxri Tupana namaã ixunetaxüwa nangugüxü ga yema duüxügü, yerü tama nüxü nayaxögü.

4

¹ Rü ngëmacëx i ñuxma na Tupana tamaã ixunetaxü na nügüxütawa tá tüxü yachocuxëëxü na ngëxma rüngüëxücëx, rü tanaxwëxe i taxuãëgü, na tama ngürüächi wüxie i tatanüwa tama ngëxma taxücüxü.

² Erü ñuxma i yixema rü marü nüxü taxñüë i Tupanaärü ore i mexü, yexgumarüü ga yema nuxcümaügüxü ga duüxügü nüxü na naxñüëxü. Natürü nümagü ga yema duüxügü rü taxuwaama nüxü name ga nüxü na naxñüëxü ga yema ore yerü tama yema naga ñnüëxürüü aixcüma nüxü nayaxögü.

3-4 Natürü i yixema na yaxōgūxū, rü tá aixcūma Tupanaxūtawa tichocu na ngēxma rüngūēxūcēx. Rü wūxiwa i Tupanaārū ore i ūmatūxūwa rü ngūxchigaarū ngunexūchigaxū nixu, rü ñanagürü:

“Rü 6 ga ngunexūgu nixī ga naguxēēāxū ga norū puracū ga Tupana. Rü yexguma norū 7 ga ngunexūwa nanguxgu rü guxūma ga norū puracūna narūngū”,

ñanagürü. Rü nuxcūma ga Tupana rü nanaxwēxe na nangūēxū ta ga yema nuxcūmaūgūxū ga tōrū oxigū ga Moīchéwe rūxixū. Natürü ga nūmagū rü tama nūxū nayaxōgūchaū rü tama naga naxīnūē. Rü yemacēx ga Tupana rü norū ore i ūmatūxūwa rü ñanagürü:

“Yema duūxūgū rü tama choxū nayaxōgū rü yemacēx namaā chanu rü aixcūmaxūchi namaā nūxū chixu na tāūtāma yema naāne ga namaā ichaxunetaxūwa nangugūxū na ngēxma nangūēxūcēx”,

ñanagürü.

5-6 Rü yemaācū ga yema duūxūgū ga nūxīra nūxū ñnūēxū ga Tupanaārū ore i mexū, rü tama nawa nichocu ga yema nachica ga Tupana namaā nūxū ixuxū, yerū tama naga naxīnūē. Rü ngēmacēx nixī i Tupanaārū ore i ūmatūxūwa i ñaxū:

“Ngēma duūxūgū i tama chauga ñnūēxū rü tāūtāma ngēma nachica i namaā ichaxunetaxūwa nichocu na ngēxma nangūēxūcēx”,

ñaxū. Natürü ñuxma rü ta nangēxma i nachica i tūmacēx ya yixema ngēxma Tupanaxūtāgu chouchaūxē na ngēxma tarūngūēxūcēx.

7-8 Rü ngēma nachica i ngextā nagu nangūēxū i duūxūgū rü tama yema naāne ga nuxcūmaūgūxū ga tōrū oxigūxacūgū tūmaārū āēxgacū ga Yochuēmaā tayauxgūxū nixī. Yerū yexguma chi yema naāne yixīgu, rü Tupana rü tāū chima wenaxārū nūxū naxuneta ga to ga ngunexū na nagu naxūtāwa yachocuxūcēx na ngēxma nangūēxūcēx i duūxūgū. Rü yemacēx ga Tupana rü wenaxārū nūxū naxuneta i wūxi i to i ngunexū na naxūtāwa yachocuxūcēx i duūxūgū na ngēxma nangūēxūcēx. Rü ngēma ngunexū rü ñuxma nixī. Rü yemacēx ga Tupana rü mucūma ga taunecū ga Moīchéwena rü Dabīmaā nūxū nixu ga yema norū ore ga ūmatūxū i ñaxū:

“Rü ñuxma na nūxū pexīnūēxū i ngēma Tupana pemaā nūxū ixuxū, rü tama name na nūxū pexoexū”,

ñaxū. Rü yematama nixī ga ore ga marūchirēx pemaā nūxū chixuxū.

9 Rü ngēmacēx i ñuxma rü ta nangēxma i wūxi i nachica i ūnūexū i nagu tá aixcūma nangūēxū i ngēma Tupanaārū duūxūgū ixīgūxū.

10 Rü yixema Tupanaxūtāwa ichocuxe na ngēxma tarūngūēxūcēx, rü nūxna tarūngūē i guxūma i tūmaārū puracūgū yexgumarūū ga Tupana rü nūxna na nangūxū ga norū puracūgū ga yexguma naāne naxūxguwena.

11 Rü ngēmacēx name na meā yaxōgūxū rü naga ixīnūēxū na ichocuxūcēx i ngextā Tupana tūxū írūngūēxūcēxūwa. Erū tama tanaxwēxe na texē ngūrūāchi yema nuxcūmaūgūxū ga duūxūgū ga tama Tupanaga ñnūēxūrūū norū orexū na taxoxū.

12 Erū Tupanaārū ore rü namaxū rü naporaxūchi. Rü wūxi i tara i guxūcūwawa meā waixmaguxūārū yexera nixī na natéxū. Erū ngēma ore rü tawa nixūcu ñuxmata taāēwa nangu, rü ñuxmata nawa nangu i ngēma wūxichigū nagu rūxīnūxū. Rü ngēmaācū meāma nanangoxēēāma i guxūma i ngēma yixicatama nagu rūxīnūxū rü tūxū ngūchaūxū.

13 Rü nataxūtāma i facū i Tupana ūxū i tā naxchaxwa nūgū icūxū erū napēxewa rü guxūma meā nangox. Rü guxūxū nadau rü guxūxū nacūēx ya yima tá tūxna cacū na namaā nūxū ixuxūcēx i tōrū maxūchiga.

Ngechuchu rü mecüxüchi ya tórü ngüxēeruü nixī i Tupanapēxewa

¹⁴ Ngechuchu ya Tupana Nane rü mecüxüchi ya tórü ngüxēeruü nixī i Nanatüpēxewa. Rü ñuxma rü daxüguxü i naānewa i Nanatüxütawa nangēxma na ngema taétüwa nachogüxücèx. Rü ngēmacèx tanaxwèxe i guxütguma nüxü tayaxögüecha rü taguma nüxü tarüxoe.

¹⁵ Rü nūma ya Ngechuchu rü aixcūma nüxü nacuèx na tüxü nangüxēèxü erü nüxü nacuèx na ñuxácü tüxü naguxchaxü i ngēxguma Chataná tüxna İnügu rü pecadugu tüxü nanguxēèchaügu, yerü nüxna rü ta naxīnü ga Chataná, ngēma tüxna na naxīnūxürüü. Natürü nūma ga Ngechuchu rü taguma chixexü naxü.

¹⁶ Rü ñuxma na tüxü nangēxmaxü ya tórü ngüxēeruü ya Ngechuchu, rü name nixī i tama imuüēācūma nüxna tangaicamagü ya tórü āēxgacü ya Tupana ya tüxü ngechaücü. Rü tanaxwèxe na ngēmaācü nüxna ingaicamagüxü na nüxü ingechaütümüügüxücèx rü tüxü nangechaüācūma tüxü nangüxēèxücèx i ngēxguma guxchaxügü tüxna ngaicamagu.

5

¹ Nuxcūma ga Tupana rü Moičémaã nüxü nixu na Arāü yīixücèx ga Yudügüarü paigüeru ixīcü na guma duüxügüétüwa chogüxücèx ga Tupanapēxewa. Rü guxüma ga yema Arāüwena ügüxü ga paigüeru rü duüxügütanüwa nüxü naxunetagu na yema duüxügüarü ngüxēeruü yīixücèx ga Tupanapēxewa rü Tupanana naxāāxücèx ga āmaregü rü Tupanacèx nadaiāxücèx ga naxünagu na yemaācü nüxü nüxü nangechaüxücèx ga norü pecadugü.

² Natürü ngēma paigüeru rü guxüma i duüxügürüütama nixī na pecadugu nanguxü. Rü ngēmacèx nüxü nacuèx na ñuxácü yaxna namaã naxīnūxü i duüxügü i ngēxguma naèchitamare pecadu naxüegu rü tama aixcūma Tupanawe naxīxgu.

³ Rü ngēma paigüeru rü tama ngēma duüxügüarü pecaducèxicatama nixī i nadaiāxü i naxünagu, natürü nanaxwèxe i noxrütama pecaducèx rü ta na nadaiāxü i naxünagu na ngēmaācü Tupana nüxü nüxü nangechaüxücèx i ngēma pecadugü.

⁴ Rü taxüema tügütama tingucuchixēè na paigüeru tīixücèx. Natürü Tupana nixī ya tüxü unetacü rü tüxna naxācü i ngēma puracü na paigüarü āēxgacü tīixücèx, yexgumarüü ga Tupana rü Arāüxü na yangucuchixēèxürüü na paigüeru yīixücèx.

⁵ Rü yexgumarüü ga Ngechuchu rü tama nügütama ningucuchixēè na Tupanapēxewa tórü ngüxēeruü i paigüeru yīixücèx. Natürü Tupana nixī ga yangucuchixēècü. Yerü Tupanatama nixī ga nüxü ñacü:

“Cuma nixī i Chaune. Rü ñuxma chanangoxēè na Chaune quiixü”, ñacü.

⁶ Rü toxnamana i Tupanaärü ore i ümatüxüwa rü ñanagürü ta:

“Cuma nixī i guxügutáma duüxügüarü ngüxēeruü i paigüeru quiixü, guma pai ga Melquisederüü”, ñanagürü.

⁷ Rü yexguma Cristu ñoma ga naānewa maüxgu, rü poraācü nayumüxè rü tagaācü rü naxauxácü Tupanana naca na nüxü nangüxēèxücèx na naga naxīnūxücèx. Rü yemaācü nanaxü ga Cristu, yerü Tupana rü napora na nüxü nangüxēèxücèx na tama yuxü namuüxücèx. Rü Tupana rü Cristuxü naxīnü yerü nūma ga Cristu rü aixcūma Tupanaga naxīnü.

8 Rû nûma ga Cristu rû woo Tupana Nane na yîixû, natürü ngûxû ninge naxcèx na Tupanaga naxînxû.

9 Rû yemaäcü nûgü inaxâ rû curuchagu nayu na tûmaârü maxêxêëruü yîixûcèx ya guxâma ya yîxema naga Ìnûêxê.

10 Rû Nanexû nixî ga naxunetaxû ga Tupana na guxûgutâma nûgûpêxewa tórü ngûxêëruü i paigüeru yîixûcèx yexgumarüü ga pai ga Melquisedé ga norü yumûxêwa nuxcûmaücü ga tórü oxî ga Abráücèx Tupanana çacü na guma Abráüxû nangûxêëxûcèx ga Tupana.

Wüxi i äcümaxûchixû nixî na nûxû rûxoexû na yaxôgûxû

11 Rû ñuxma rû toxû nangêxma i muxûchixûma i ore i Cristuchiga ixîxû i pemaâ nûxû tixuxchaûxû. Natürü naguxchaxûchi na meâma pemaâ tanangoxêëxû i ngêma, erü pema rû tama pexû natauxcha na nûxû pecuáxû.

12 Rû marü ñuxgumama nûxû na pecuáxû i Tupanaârü orechiga, rû pema rû chi marü namaâ pengúxêëtae. Natürü i pema rû ñuxma rû ta penaxwêxe na wena pemaâ tanangoxêëxû i ngêma Tupanaârü ore i tauxchaxû i nawa inaxügûxû na Tupanachigaxû icuáxû. Rû ngêmaäcü i pema, rû ñoma ôxchana i naégünenixûwa maixûrûütama pixîgü.. Erü tama nûxû pecuêxgüéga i guxûma i ngêma Tupanaârü ore i yexeraäcü tamaâ nûxû ixuxû i Cristuchiga na ñuxâcü Tupana naxwêxexû na naga pexînxûêxû.

13 Rû yîxema yaxôxê ya tama nûxû cuêxégaxe na ñuxâcü Tupanacèx tamaxûxû, rû wüxi i ôxchana i maixûrûü tixî. Rû ngêmaäcü pixîgü i pemax.

14 Natürü yîxema yaxôxê ya tûmamaâ yaxûxe na tanangugûxû na çacü yîixû i nguxêëtae i mexû rû êxna chixexû, rû aixcûma nûxû tacuèx na ñuxâcü Tupanacèx tamaxûxû. Rû yîxema rû ñoma wüxi i duûxû i yaxû i namachimaâ äwemûxûrûü tixî. Natürü i pema rû tama ngêmaäcü pixîgü.

6

1 Rû ngêmacèx name nixî i yexeraäcü tingúeetanü na aixcûma meâ nûxû icuáxûcèx i Cristuchiga. Rû tanaxwêxe na nûxû ichopetûxû ga yema ore ga nawa inaxügûxû na Cristuchigaxû icuáxû. Rû täütâma yeücürü yema ore ga nawa inaxügûxûchiga tidexagüecha. Rû taxucèxma tûxcüü wena pemaâ nûxû tixu na nûxû perûxoexûcèx na nagu pexîxû i ngêma mugü ga Moîché ûmatûxû i tama tûxû maxêxêëxû. Rû ngêxgumarüü ta taxucèxma tûxcüü wena pemaâ nûxû tixu i nachiga na ñuxâcü Tupanaâxû yaxôgûxû.

2 Rû ngêxgumarüü ta taxucèxma tûxcüü wena pexû tangúxêë na ñuxâcü Tupanacèx íbaitûxû rû ñuxâcü duûxûgûxû ingôgüäcüma namaâ iyumûxexû. Rû ngêxgumarüü ta taxucèxma tûxcüü wena pexû tangúxêë na ñuxâcü tá wena namaxêxû i duûxûgü i yuexû rû ñuxâcü naâneârü guxgu rû Tupana tá wüxichigü i duûxûgüna çaxû na ñuxâcü namaxêxû i ñoma i naânewa.

3 Rû ngêmacèx i ñuxma rû ngêxguma Tupana tama tûxna nachuxgu rû tanaxwêxe i yexeraäcü tingúeetanü na aixcûma guxûma i Cristuchigaxû icuáxûcèx rû nûxû na icuáxûcèx na aixcûma ngêma nûma nanaxwêxexûäcüma meâ naxcèx na imaxêxû.

4-5 Natürü ngêxguma chi wüxie Cristuxû yaxuxgu, rû chi meâma Tupanaxû tacuèxgu, rû chi Naâe i Üünexûxû tayauxgu, rû chi nûxû tacuèxgu na ñuxâcü namexû i Tupanaârü ore rû ñuxâcü na namexû i daxûguxû i naâne, rû name nixî i taxuâe.

6 Erü ngêxguma chi ngêmaäcü meâ tayaxôxgu i noxrix rû ñuxûchi Cristuxû ítatêxûchixgu, rû marü taxucürûwama texé wenaxârü Tupanacèx

tüxü tataeguxêê. Erü ngêxguma ngêmaâcü ítanatèxüchixgu ya Tupana Nane, rü ñoma wena curuchawa tayapotaxürüü tayaxixêê, erü guxü i duüxügüpêxewa âne nüxü tingexêê.

⁷ Rü dücax, wüxi i naâne i pucü nagu nguxü rü meâma nanetü nawa nayae tümacêx ya yixema nagu üanexê, rü Tupanaarü ngüxêégagu nixi i ngema.

⁸ Natürü ngêxguma ngêma naâne rü tuxu rü natüanegü i chixexü nawa yaegu, rü Tupana rü tá chixexü namaâ naxuegu rü üxüwa tá nigu i guxüma i nawa yaexü. Rü ngêxgumarüü tá tixi ya yixema Cristuxü ítáxe.

Ítananguxêê na nayauxgüxü i maxü i taguma gúxü rü ngêmacêx tama nüxü tarüxoe na yaxögüxü

⁹ Natürü, Pa Chaueneëgü ya Pexü Tangechaügüxe, rü woo ngêmaâcü pemaâ tidexagügu, natürü aixcüma nüxü tacuêx na tama ngêma duüxügü i nüxü rüxoexürüü pixigüxü. Erü pema rü pexü nangêxma i maxü i taguma gúxü, rü Tupana rü tá aixcüma poraâcü pexü narüngüxêê na naxcêx pemaxêxücêx.

¹⁰ Erü nüma ya Tupana rü aixcümacü nixi. Rü nüma rü táütama nüxü inayarüngüma ga yema mexü ga pexüxü rü ñuxâcü taeneëgü i yaxögüxüxü na pengechaügüxü ga yexguma nüxü perüngüxêégügu, ngêma ñuxma ípenaxüxürüütama.

¹¹ Rü ñuxma rü tanaxwêxe i wüxichigü i pema rü ngêmaâcü noxrirüü mexü i perü ngüchaümaâ nüxü perüngüxêégüecha i taeneëgü ñuxmatáta wena nüma naxü ya Cristu. Rü tanaxwêxe na ngêmaâcü pemaxêxü na düxwa aixcüma Cristuxütawa pengugüxü ngêma ípenanguxêêxürüü.

¹² Rü tama tanaxwêxe na nüxü perüxoetanücüxü na Cristuwe perüxixü. Natürü tanaxwêxe i naxrüü pixigü i ngêma duüxügü i guxüguma meâ yaxögüâcüma Cristuwe rüxiâmaxü rü nayauxgüxü i guxüma i ngêma mexügü ga Tupana namaâ ixunetaxü.

¹³ Rü dücax, yexguma tóru oxí ga Abráümaâ inaxunetagu ga Tupana rü nügüégagutama inaxuneta, yerü tataxuma ga texê ga norü yexera ixixê na tümægagu inaxunetaxücêx.

¹⁴ Rü yemacêx ga Tupana rü Abráüxü ñanagürü:
 “Rü aixcümaxüchi tá poraâcü cuxü charüngüxêê. Rü tá cuxü nangêxma i muxüchixütama i cutaagü”,
 ñanagürü.

¹⁵ Rü Abráü rü meâma ínananguxêê ga guma nane ga Tupana namaâ ixunetacü. Rü yemacêx nabu ga guma nane ga Ichaá ga Tupana namaâ nüxü ixucü.

¹⁶ Rü ngêxguma duüxügü tacücêx ixunetagügu, rü to i norü yexera ixixüégagu inaxunetagü. Rü wüxicana tacücêx ngêmaâcü inaxunetagügu, rü nüxü tacuêx rü aixcüma tá nanaxügü i ngêma naxcêx inaxunetagüxü, rü marü taxucürüwama yeüürü nachiga nidexagüecha.

¹⁷ Rü yemacêx ga Tupana rü yexguma inaxunetagu namaâ ga yema duüxügü ga nayauxgüxü tá ga yema ngüxêê ga Tupana nüxna äxchaüxü, rü nügüégagutama inaxuneta, yerü nanaxwêxe na meâma nüxü nacuêxgüxü na aixcüma tá yanguxêêxü rü tagutáma naxüchicüüâxü ga yema namaâ inaxunetaxü.

¹⁸ Rü nüxü tacuêx rü ngêxguma tacücêx nügüégagu inaxunetagu ya Tupana, rü taxucürüwama tüxü nawomüxêê rü nanaxüchicüü i ngêma. Rü ñuxma i guxäma i yixema na Tupanacêx ibuxmüxü na tüxü nangüxêêxücêx rü tüxü namaxêêxücêx, rü nüma ya Tupana rü nügüégagu tamaâ inaxuneta na ngêmaâcü tá tüxü nangüxêêxü. Rü ngêmaâcü tüxü nanangüchaüxêê rü tüxü

narüngüxêê na nüxü icuáxüçêx na aixcüma tá nayauxgüxü i ngêma maxü i taguma gúxü i tamaã inaxunetaxü.

¹⁹ Rû ñuxma na inanguxêêxü na aixcüma tá nayaxuxü i ngêma maxü i taguma gúxü, rû taxucêxma taxoegaãêgü, erü nüxü tacuêx na aixcüma daxügüxü i naãnewa i Tupana íngêmaxüwa tá ingugüxü.

²⁰ Rû ngema nangêxma ya Ngechuchu i ñuxma yerü nüxíra yexma naxücu na Tupanapêxewa taétüwa nachogüxüçêx. Rû ngêmaacü guxüguma törü ngüxêêruü i paigüeru nixí, guma Melquisedé ga Tupanapêxewa Abráütüwa chogüçürüü.

7

Ngechuchu rû guma nuxcümaücü ga pai ga Melquisedé rüütama nixí

¹ Rû guma Melquisedé rü íane ga Charéüârü âêxgacü nixí ga yexguma namaüxgu ga Abráü. Rû nüma ga Melquisedé, rû duüxügüarü pai nixí ga Tupanapêxewa. Rû yexguma Abráü rü to ga nachüíaneârü âêxgacügümaã nügü nadaixgu rü nüxü nayexeragu, rû Melquisedé rü namawa Abráüpêxegu nayangu ga yexguma Abráü napatacêx taegugu. Rû nüma ga Melquisedé rü Tupanaégagu Abráümaã mexü naxuegu.

² Rû Abráü rü nüxü nayexma ga guxüma ga yemaxügü ga yema âêxgacügü ga namaã nügü nadêxüna napuxüxü. Rû yemawa ínanaxüxüchi ga yema Tupanana üxü, rû Melquisedéna nanaxã. Rû ngêma naega i Melquisedé rü Äêxgacü ya Ixaixcümacü ñaxüchiga nixí. Rû norü íane ga Charéü rü Taãêxêêruü ñaxüchiga nixí. Rû ngêmacêx i naega i Melquisedé rü Äêxgacü ya Taãêxêêruü ñaxüchiga ta nixí.

³ Rû Tupanaârü ore ga nuxcüma ümatüxüwa rü tama nüxü nixu na texé tíixü ga nanatü rü naê rü norü oxigü ga Melquisedé. Rû ngêxgumarüü ta tama nüxü nixu i norü buxhiga rü norü yuxhiga. Rû ngêmacêx Tupana Nanerüü guxüguma duüxügüarü ngüxêêruü ya pai nixí i Tupanapêxewa.

⁴ Rû ñuxma rü name nixí i nagu perüxínuê na ñuxácü aixcüma âêxgacü ya tacü yíixü ga Melquisedé. Yerü nuxcümaücü ga törü oxí ga Abráü rü Melquisedéna nanaxã ga yema Tupanana üxü ga natanüwa ga yema yemaxügü ga togü ga âêxgacügüna napuxüxü. Rû ngêmawa nüxü tacuêx na Tupanapêxewa törü oxí ga Abráüârü yexeracü yíixü ga Melquisedé.

⁵ Rû ñuxma i Yudiügü, rü guxüma i norü ngêmaxüwa ínanaxüxüchigü i ngêma Tupanana üxü, rü ñuxüchi norü paigüna nanaxã yerü yemaacü nixí ga namuãxü ga yema mugü ga Moiché ümatüxü. Natürü guxüma i ngêma paigü rü Lebítaagü nixígü. Rû nüma ga Lebí rü guxüma i Yudiügürüü Abráütaa nixí. Rû ngêmaacü i ngêma Yudiügü rü norü paigüna nanaxã i ngêma Tupanana üxü, woo natanüxügü i Yudiügü na yíixü i ngêma paigü.

⁶ Natürü ga Melquisedé rü woo tama Lebítaa nixí, natürü Abráümeêxewa nanayaxu ga yema Tupanana üxü. Rû nüxü tacuêx na Abráü yíixü ga noxri nayaxucü ga Tupanaârü uneta. Rû Melquisedé rü Tupanana naca na Abráümaã mexü naxuegüxüçêx.

⁷ Rû guxüma meãma nüxü tacuêx rü ngêxguma texé toguêcêx Tupanana caxgu na tüxü nangüxêêxüçêx, rü Tupanapêxewa rü yíxema nüxna çaxe rü ngêma togü i naxcêx itaçaxüârü yexera tixí. Rû ngêmaacü nüxü tacuêx na Abráüârü yexera yíixü ga Melquisedé i Tupanapêxewa.

⁸ Rû ñuxma i nuã tatanüwa rü ngêma paigü i ngíxü yauxgüxü i ngêma díeru i Tupanana ücü, rü duüxügümare nixígü rü tá nayue. Natürü ngêxguma

Melquisedéchiga yadexagu i Tupanaārū ore, rū ñoma namaxūxūrū nixī i nachiga yadexaxū. Rū ngēmawa nūxū tacuèx na Cristu ya guxūguma maxūcūrū na yīxū ga Melquisedé.

9-10 Rū Abráūtaa ga Lebī, rū guxūma i paigū i Lebītaagū ixīgūxū i ñuxma ngīxū yauxgūxū i ngēma dīeru i Tupanana ūcū, rū nūmagū rū ta Abráūmaa Melquisedéna nanaxāgū ga yema Tupanana ūxū. Yerū nūma ga Lebī rū guxūma ga nataagū i ñuxma Yudīugūarū paigū ixīgūxū, rū woo ga na tauta nabuexū ga yexguma, natūrū marū Abráūxūnēwa nayexmagū ga yexguma Melquisedé namawa Abráūpēxegu yanguxgu. Rū ngēmawa nūxū tacuèx na guxūma i ngēma paigūarū yexera yīxū ya Melquisedé.

11 Rū nuxcūmaūgūxū ga tórū oxigū ga Yudīugū, rū Lebītaagū ga paigūmēxēwa nixī ga nayauxgūāxū ga Tupanaārū mugū. Natūrū pemaā nūxū chixu rū yexguma chī yema paigū aixcūma yema Yudīugūxū imexēēgūga ga Tupanapēxewa, rū taxucèx chima Tupana nūxū naxuneta ga naī ga pai ga Melquisedérū ixīcū ga tama Lebītaa ga Arāūrū ixīcū. Rū yemacèx ga Tupana rū nūxū naxuneta ga Nane ga Ngechuchu na tórū chogūruū ya pai yīxūcèx.

12 Rū yemacèx ga Tupana rū yema Yudīugūarū paigūchicūxū nayangu-cuchixēē ga Cristu. Rū nūma nixī i ñuxma i aixcūma Tupanapēxewa tūxū yamexēēgūxū. Rū guxūma ga Lebītaa rū paigū nixīgū yerū yemaācū nixī ga naxueguxū nawa ga yema mugū ga Moīché ūmatūxū. Natūrū nūma ga Cristu rū marū nanaxūchicū ga guxūma ga yema.

13-14 Erū meāma nūxū tacuèx rū nūma ya tórū Cori ya Ngechuchu ya yima nachiga idexagūcū rū tama Lebītaa nixī erū nūma rū Yudātaa nixī. Rū nūxū tacuèx rū taxuūma ga Yudātaa rū pai nixī, yerū ga Moīché rū yexguma yema paigūchiga yadeaxgu rū taxuūma ga Yudātaaxū naxuneta na pai yīxūcèx.

15 Rū ngēmaācū meā nangox na Tupana iyanaxoxēēxū ga guxūma ga yema mugū ga Moīché ūmatūxū ga paigūchiga. Yerū nūma ga Tupana rū nūxū naxuneta ga wūxi ga pai ga yexwacaxūcū ga tama Lebītaa ixīcū. Rū nūma nixī i tórū Cori yīxū ya Melquisedérū ixīcū, erū guxūma i ngēma togū i paigūarū yexera nixī.

16 Rū guxūma ga yema togū ga paigū rū nangucu yerū Lebītaa nixīgū. Natūrū nūma ga Cristu rū paixū ningucuchi yerū poramaā yuwa ínarūda rū guxūguma namaxēcha na tūxū nangūxēēxūcèx.

17 Rū ngēmacèx i Tupanaārū ore i ūmatūxūwa rū tórū Corichiga ñanagūrū: “Cuma rū guxūgutāma duūxūgūarū ngūxēēruū ya pai quixī Melquisedérū”, ñanagūrū.

18-19 Rū yemacèx ga Tupana rū ñoma ga naānēwa nanamu ga Nane, yerū yema mugū ga paigūchiga naxūmatūxū ga Moīché rū tama poraācū tūxū narūngūxēē yerū tama aixcūma tūxū nimesēēgū ga Tupanapēxewa. Rū yemacèx Nanexū namu ga Tupana na tórū pecaducèx nayuxūcèx na ngēmaācū tūxū nangēmaxūcèx i maxū i taguma gūxū rū aixcūma Tupanamūcūgū ixīgūxūcèx.

20-21 Rū yexguma Tupana yema togū ga paigūxū ngucuxēēgu, rū nanangu-cuxēēmare. Natūrū yexguma Cristuxū yangucuchixēēgu na tórū ngūxēēruū ya pai yīxūcèx, rū nūgūégagutama inaxuneta. Rū yemacèx ga yexguma Cristuxū yangucuchixēēgu rū ñanagūrū:

“Choma i Cori ya Tupana rū marū cuxū chaxuneta na guxūgutāma duūxūgūarū ngūxēēruū ya pai quixūcèx. Rū ngēma rū tagutāma

chanaxüchicüü erü chaugüégagu ichaxuneta”,
ñanagürü.

²² Rū ñuxma na yemaãcü nügüégagutama inaxunetaxü ga Tupana, rü nüxü tacuèx na aixcümamaxüchima yema paigüarü yexera na yiixü ya Cristu erü guxügutáma Tupanapëxewa tüxü narüngüxëë.

²³ Rü yema togü ga paigü rü namuxüchi, yerü niyuetanü. Rü yemacèx taxucürüwama guxüguma paigü nixügü.

²⁴ Natürü ñuxma na tórü ngüxëëruü ya paixü yangucuchixü ya Ngechuchu, rü ngëmacèx marü taxucèxma texé ya togue tingucuchi, erü nüma ya Ngechuchu rü tagutáma nayu.

²⁵ Rü ngëmacèx nixi i ñuxma i nüxü natauxchaxü na aixcüma tüxü namaxëxëëxü ya guxáma ya yixema norü ngüxëëmaã Tupanaxütawa ngugüxe. Erü nüma ya Ngechuchu rü guxüguma namaxëcha na tümagtüwa nachogüxüçèx.

²⁶ Rü ngëmaãcü ya Ngechuchu, rü nüxücatama nixi i pai ya tórü ngüxëëruü yiixü i Tupanapëxewa. Erü nüma rü aixcüma naxüüne, rü nataxuma i chix-exü i nawa, rü nangearü pecaduãx yerü taguma taxrüü pecadu naxü. Rü ñuxma rü guxüetüwa nangëxma i daxüguxü i naãnewa i Tupana íngëxmaxüwa.

²⁷ Rü Ngechuchu rü tama ngëma togü i paigüerurüü nixi. Erü nümagü rü nanaxwëxe na guxü i ngunexügu Tupanacèx naxünagü nadëixü na ngëmaãcü Tupana nüxü nüxü ngechaüxüçèx i noxrütama pecadugü rü guxü i duüxügüarü pecadugü ta. Natürü nüma ga Ngechuchu rü yexguma nügü inaxãngu, rü wüicanatama pecaducèx nayu. Rü ngëma rü guxügutama name i Tupanapëxewa.

²⁸ Rü yema mugü ga Moïché ümatüxü, rü duüxügümarexü naxuneta na paigüerugü yixügüxüçèx. Natürü nümagü rü ta nipecaduãxgü. Natürü yemawena ga Tupana rü nügüégagu Nanexü naxuneta na tórü ngüxëëruü yiixüçèx. Rü yima Nane rü guxüguma mecüxüchi ya tórü Maxëxëëruü nixi. Rü nüma rü guxüguma tüxü narüngüxëë i Tupanapëxewa.

8

Ngechuchu nixi ya tórü ngüxëëruü i Tupanapëxewa

¹ Rü ngëma pemaã nüxü tixuxchaüxü i ñuxma nixi na tüxü nangëxmaxü ya tórü ngüxëëruü ya mexëchicü i Tupanaxütawa. Rü nüma rü Tupana Nane ya Cristu nixi. Rü daxüguxü i naãnewa i Tupanaärü tügüneçüwawa narüto erü guxüärü äëxgacü nixi.

² Rü ngëma daxüguxü i naãnewa i ngëma nachica i üünexü ga Tupana üxüwa nixi i taxcèx inaçaxü. Rü tama ngëma Yudiügüarü paigürüü wüxi ya ípata ya duüxügü üxünewa Tupanana taxcèx ínaca.

³ Rü guxüma i ngëma Yudiügüarü paigüeru rü nangucu na Tupanana naxägüãxüçèx i ãmaregü rü naxcèx nadaiãxüçèx i naxünagü na Tupana nüxü nüxü ngechaüxüçèx i duüxügüarü pecadugü. Rü yemacèx ga Ngechuchu rü Tupanana nügü naxámare na duüxügüarü pecaducèx nayuxüçèx.

⁴ Rü ñuxma i nüma ya Ngechuchu rü daxüguxü i naãnewa nangëxma na ngëma tórü ngüxëëruü ya pai yiixüçèx i Tupanapëxewa. Rü ngëmacèx tama ñoma i naãnewa nixi i pai yiixü. Natürü ngëxuma chi ñoma i naãnewa nangëxmagu rü tãu chima pai nixi erü ñoma i naãnewa nangëxmagü i ngëma Yudiügüarü paigü i Tupanana ãmare ägüxü yema Moïchéarü mugü nüxü ixuxürüü.

5 Natürü ngēma puracü i ñoma i nañewa naxügüxü i ngēma Yudíugüarü paigü, rü naxcèx nadauxütaegümare i ngēma Ngechuchu daxügüxü i nañewa üxü. Rü ngēma nachica i nawa Tupanacèx napuracüexü i ngēma paigü, rü nanaxüchicünèxägümare i ngēma nachica i Ngechuchu nawa ngèxmaxü. Rü meäma nüxü tacuèx i ngēma, yerü yexguma Moïché naxüxchaügu ga Tupanapata, rü Tupana rü ñanagürü nüxü:

“jDücèx, meä nangugü i ngēma cuèxruü ga cuxü chawéxü ga mèxpüne ga Chinafwa! Rü chanaxwèxe i ngēmaäcü na cunaxüxü”, ñanagürü.

6 Natürü nüma ya tóru ngüxèëruü ya Cristu rü daxügüxü i nañewa nangèxma, rü ngēma aixcümäxüchi Tupanapèxewa taétüwa nachogü. Rü ngēma Yudíugüarü paigü rü nagu naxiäma ga yema nuxcümäxü ga uneta ga Moïché ümatüxü. Natürü nüma ya Tupana rü marü tüxna nanaxä i wüxi i ngèxwacaxüxü i uneta erü tamaä nüxü nixu na Cristu yixü ya aixcüma tóru ngüxèëruü ixïcü. Rü nüma rü nayu na Tupanapèxewa tüxü yamexèëxücèx, rü ngēma Tupanaxütawa nangèxma i ñuxma na taétüwa nachogüxücèx. Rü ngēmaäcü nüxü tadau na Tupanaärü uneta i ngèxwacaxüxü rü yema nuxcümäxü ga unetaarü yexera yixü na namexü.

7 Yerü yexguma chi yema nüxiraüxü ga uneta ga Moïché ümatüxü rü aixcüma namexgu na duüxügüxü namaxèëxücèx, rü marü taxucèx chima tanaxwèxe i to i ngèxwacaxüxü i Tupanaärü uneta.

8 Natürü nüma ga Tupana rü nüxü nadau na tama aixcüma napèxewa duüxügüxü yamexèëxü ga yema nüxiraüxü ga uneta ga Moïchéna naxäxü. Rü yemacèx ga Tupana rü ñanagürü:

“Wüxi i ngunexü rü wena táxarü guxüma i chorü duüxügümaä ichaxuneta.

9 Natürü ngēma chorü uneta i ngèxwacaxüxü, rü täütäma namaä nawüxigu ga yema nüxiraüxü ga chorü uneta ga nuxcümäxügüxü ga perü oxigümaä nüxü chixuxü ga yexguma nüxü charüngüxèëgu na ñachoxüxücèx ga Equitarü nañewa. Yerü nümagü ga yema duüxügü rü tama chauga naxinüë rü tama nayanguxèë ga yema nüxiraüxü ga chorü uneta, rü yemacèx íchanawogü.

10 Natürü ngèxguma nawa nanguxgu na wena namaä ichaxunetaxü, rü ñaäcü tá nixi i guxüma i Yudíugümaä ichaxunetaxü: ‘Rü tá meäma ngēma duüxügüxü nüxü chacuèxèë i chorü mugü na aixcüma naäëwa nangèxmagüxücèx. Rü choma rü tá norü Tupana chixi, rü nümagü rü tá chorü duüxügü nixigü’.

11 Rü guxüma i ngēma duüxügü i choxü yaxögüxü, rü aixcüma tá choxü nacüèxgü. Rü ngēmacèx taxucèxtäma tüxcüü nügümaä nüxü nixugügü i chauchiga na ngēmaäcü choxü nacüèxgüxücèx. Erü guxüma i chorü duüxügü rü aixcüma tá meä choxü nacüèxgü woo buxü rü éxna yaxü.

12 Rü tá nüxü nüxü changechaü i norü chixexügü, rü tá nüxü ichayarüngümaxüchi i norü pecadugü”, ñanagürü ga Tupana.

13 Rü dücax, ñuxma na Tupana ngèxwacaxüxü i unetachiga idexaxü, rü ngēmawa nüxü tacuèx na yema nüxiraüxü ga uneta rü marü nangu-petüchaüxü. Rü nüxü tacuèx rü guxüma i ngēma marü ngupetüchaüxü, rü paxa tá inayarüxo. Rü ngēmaäcü i ngēma Yudíugüarü paigü, rü marü inayarüxoxchaü na Tupanapèxewa duüxügüxü nangüxèëxü. Erü nüma ya Tupana rü marü Cristuxü ningucuchixèë na tóru ngüxèëruü yixücèx i napèxewa.

9

Tupanapata ga duũxũgũ üxũnechiga rũ Tupanapata ya daxũguxũ i naãnewa ngẽxmanechiga

¹ Rũ yexguma nuxcũma Moĩchémaã yadeaxgu rũ nüxna naxããgu ga yema nüxĩraũxũ ga uneta, rũ Tupana namaã nüxũ nixu na ñuxãcũ nanaxwẽxexũ na nüxũ yacuẽxũũgũxũ. Rũ yexgumarũũ ta namaã nüxũ nixu na ñuxãcũ nanaxwẽxexũ na naxcẽx naxũãxũ ga wũxi ga ĩpata ga naxchirunaxcẽx na yéma nüxũ yacuẽxũũgũxũcẽx ga paĩgũ.

² Rũ guma ĩpata ga naxchirunaxcẽx rũ nitũyemachĩã. Rũ yema naxmachĩã ga nüxĩra nawa ixũcuxũ, rũ “Nachica i Üünexũ” nixĩ ga naega. Rũ yéma nayexma ga werachica rũ mecha ga pãũ ga üünexũ nagu nuxũ.

³ Rũ yema to ga naxmachĩã ga yema tũyemachĩãxũcẽxwena üxũ rũ “Nachica i Üünexũchixũ” nixĩ ga naega.

⁴ Rũ yéma nayexma ga yema mecha ga uirunaxcẽx ga ngextá nawa yagugũãxũ ga pumara ga yixixũ ga yexguma yaguxgu. Rũ yéma nayexma ta ga yema baũ ga Tupanaãrũ mugũ nagu namaã nanguxũgũxũ. Rũ yema baũ rũ guxũwama uirumaã natũxũne. Rũ yematama baũarũ aixepewa nayexma ga wũxi ga tũxũãcũ ga uirunaxcẽx ga yema pãũ ga daxũwa rũyixũmaã ããcuxũ. Rũ yexgumarũũ ta yema baũarũ aixepewa nayexma ga Arãũarũ caxũruũ ga rũxũxũne, rũ guma nutagũ ga Tupanaãrũ mugũ nagu ũmatũgũcũ.

⁵ Rũ yema baũétũwa nayexmagũ ga yema taxre ga daxũcũãxchicũnẽxãgũ ga ixãxpẽxatũxũ. Rũ naxpẽxatũgũmaã nayadũxétũgũ ga yema baũãtaũ. Rũ yema daxũcũãxchicũnẽxãgũarũ ngãxũwa nixĩ ga nügũ nangoxẽẽxũxũ ga Tupana. Natũrũ taxucẽxma tũxcũũ yexeraãcũ nüxũ tixu i ngẽmachiga.

⁶ Rũ wũxicana yemaãcũ na namexẽẽgũãxũ ga guxũma ga yema, rũ ñuxũchi ga paĩgũ rũ guxũguma yema nüxĩraũxũ ga naxmachĩãgu nachocuxũ na yéma Tupana namaã nüxũ ixuxũãcũma nüxũ yacuẽxũũgũxũcẽx.

⁷ Natũrũ yema to ga naxmachĩãwa rũ yema paĩgũarũ ãẽxgacũxicatama nixĩ ga yexma ũcuxũ. Rũ tama guxũguma yexma naxũcu, natũrũ wũxicanatama yexma naxũcu ga wũxichigũ ga taunecũgu. Rũ yexguma yexma naxũcuxgu rũ yéma nanange ga naxũnagũ rũ guma nagũmaã yema baũxũ namaxcuétũ. Rũ yemaãcũ ga yema paĩgũarũ ãẽxgacũ rũ inanaxã ga guma nagũ na noxrũtama pecadu rũ guxũma ga duũxũgũarũ pecaduxũ iyanangũmaxũcẽx ga Tupana.

⁸ Natũrũ yema paĩgũarũ ãẽxgacũxicatama nixĩ ga yema Nachica ga Üünexũchixũgu ũcuxũ ga Tupana ĩyexmaxũwa. Rũ ngẽmaãcũ Tupanaãe i Üünexũ tũxũ nüxũ nacuẽxẽẽ na taxucũrũwama yexma Tupana ĩyexmaxũgu nachocuxũ ga guxũma ga duũxũgũ yerũ yexguma nagu naxĩxgu ga yema mugũ ga Moĩché ũmatũxũ rũ nachũxu ga yema.

⁹ Rũ guxũma i ngẽma pemaã nüxũ chixuchigaxũ, rũ wũxi i cuẽxruũ nixĩ i taxcẽx i yixema na ñuxma imaxẽxũ. Rũ ngẽmawa nüxũ tadau rũ yema ãmaregũ ga Tupanana naxãgũxũ rũ yema naxũnagũ ga Tupanacẽx nadẽixũ rũ taxucũrũwama yema duũxũgũxũ nimexẽẽ na aixcũma Tupanapẽxewa yamexũcẽx.

¹⁰ Rũ yema nuxcũmaũgũxũ ga mugũ ga ðnagũchiga rũ axeũgũchiga rũ nacũmagũchiga ixĩxũ, rũ yema duũxũgũarũ dũxëtũxũnecẽxicatama nixĩgũ. Rũ yemacẽx tama yema duũxũgũxũ nimexẽẽ na aixcũma Tupanapẽxewa yamexũcẽx. Rũ woo napora ga yema mugũ ga noxrĩx, natũrũ yexguma inanguxgu ga Cristu rũ marũ yexma nayacuẽx na duũxũgũmaã naporaxũ.

11 Natürü i ñuxma rü marü ínangu ya Cristu. Rü nüma nixī i aixcūma tórü ngüxēeruū yīxū i Tupanapēxewa, rü nagagu nixī i nangēxmaxū i maxū i taguma gūxū. Rü ngēma nachica i ngextá taétūwa ínachogūxūwa rü aixcūma naxūüne erü tama guma ĩpata ga naxchirunaxcēx ga duūxūgūmare üxūnerūū nixī erü daxūguxū i naānewa nangēxma.

12 Rü Cristu rü marü daxūguxū i naānegu naxūcu i ngextá Tupana íngēxmaxūwa. Rü taxucēxma tūxcūū wūxichigū ya taunecūgu ngēxma naxūcu, erü marü guxūguma ngēma nangēxmaēcha. Rü yexguma yexma naxūcuxgu, rü tama yēma nanange ga chibugūgū rü wocaxacūgūgū na Tupanana naxāāxūcēx. Natürü nüma ga Cristu rü nagūtama inaxā na yemaācū naxūtanāxūcēx ga tórü pecadugū rü tūxū nangēxmaxūcēx i maxū i taguma gūxū.

13 Rü yema mugū ga Moīché ūmatūxū rü ñanagūrū:

“Ngēxguma texé yuetaxū íngōgūgu, rü taxucūrūwama Tupanapata ya naxchirunaxcēxgu taxūcu”,

ñanagūrū. Rü yemacēx ga yema Yudūgū, rü yexguma wūxi ga yuetaxū yangōgūgūgu rü nanaxwēxegū ga na norū paixūtawa nagaāxū ga wūxi ga woca na yema pai Tupanacēx yamáxūcēx rü na yaguāxūcēx na yemaācū ga guma tanimaca rü dexágu nagūāxūcēx na yema duūxūgūxū namaā namaxcuxūcēx na yemaācū nūxna ínayixūcēx ga norū chixexū. Natürü yema rü duūxūgūarū dūxētūxūnewaxicatama nanamexēē rü tama norū maxūxū namexēē.

14 Natürü nagū ya Cristu rü yema naxūnagūgūarū yexera name erü tórü maxū namexēē na aixcūma Tupanapēxewa imexūcēx. Rü Cristu rü woo Tupana Nane na yīxū rü na nataxuxū ga norū chixexū, natürü Tupanana nügū naxā rü tórü pecaducēx nayu yerū Naāē i Üünexū nanaporaxēē. Rü yemaācū curuchagu nanabaxēē ga nagū. Rü ñuxma ya yima nagū rü ningu na tūxū namexēēxūcēx i Tupanapēxewa. Rü ngēmacēx taxucēxma tanaxwēxe na nagu ixīxū ga yema mugū ga Moīché ūmatūxū ga tama tūxna naxāxū i maxū i taguma gūxū. Rü ñuxma na Cristugagu Tupanapēxewa imexū, rü nüma ya Cristu rü tūxū narūngūxēē na naxūxūcēx i ngēma Tupana ya maxūcū tūxū naxwēxexū.

15 Rü ñuxma na tórü pecaducēx nayuxū ga Ngechuchu ya Cristu, rü nüma nixī i tórü ngüxēeruū i Tupanapēxewa, ngēma Tupanaārū uneta i ngexwacaxūxū nüxū ixuxūrū. Rü ñuxma i yixema na Tupana tūxū dexū, rü tūxū nangēxma i maxū i taguma gūxū ega yima Naneāxū yaxōgūgu. Rü ngēxgumarūū ta i guxūma i Tupanaārū duūxūgū ga nuxcūma yaxōgūxū, rü nüxū nangēxma i maxū i taguma gūxū yerū Cristu nayu na norū pecaduna ínanguxūxēēāxūcēx.

16 Rü ngēxguma nayuxchaŭgu i wūxi i duūxū, rü wūxi i poperagu nanaxūmatū na texé tá nayaxuxū i norū ngēmaxūgū. Natürü ngēxguma namaūxgu i ngēma duūxū, rü taxucūrūwama texé tanayaxu i norū ngēmaxūgū.

17 Rü ngēmacēx i ngēma popera rü tama natora i ngēxguma namaūxgu i ngēma duūxū. Rü ngēxguma nayuxguxicatama nixī i naporaxū.

18 Rü nüma ga Cristu rü norū yumaā nixī ga Tupanapēxewa tūxū yamexēēgūxū. Yerū ga Moīché rü nüxū nixu rü yexguma texé pecaduāxgu rü tanaxwēxe na tūmaārū paixūtawa tanagaxū ga wūxi ga naxūna na tūmagagu nayuxēēāxūcēx rü inabaāxūcēx ga nagū na Tupana tūxū nüxū ngechaūxūcēx ga tūmaārū pecadu.

19 Rü Moīché rü guxūma ga duūxūgūpēxewa nüxū nixu ga guxūma ga

Tupanaârü mugü. Rû yemawena nanayaxu ga wocaxacügügü rû chibuxacügügü, rû dexámaã nanaxüéü. Rû ñuxüchi nanayaxu ga wüxi ga naïxchacüüxacü rû ñuxre ga tüëxmü ga dauñne, rû yema naïxchacüügu nanabagümü. Rû yemamaã guma nagüwa nanacúe rû ñuxüchi nanamaxcuétü ga yema popera ga Tupanaârü mugü nawa yexmaxü. Rû yexgumarüü ta nayamaxcutanü ga guxüma ga duñxügü.

²⁰ Rû ñuxüchi ga Moïché rû ñanagürü nüxü ga duñxügü:

“Tupana rû marü inaxuneta na pexü tá nangüxëëxü. Rû daa nagümaã pexü chimaxcutanü i ñuxma erü ngëmaäcü nixü i choxü namuxü na ngëmawa nüxü pecuáxüçex na aixcüma tá pexü nangüxëëxü”, ñanagürü.

²¹ Rû ñuxüchi ga Moïché rû guma nagümaã nanamaxcuétü ga guma ñpata ga naxchirunaxcëx ga nawa Tupanaxü yacuëxüügüne. Rû yexgumarüü ta nayamaxcutanü ga guxüma ga yemaxügü ga namaã Tupanaxü yacuëxüügüxü ga guma ñpataarü aixepewa yexmagüxü.

²² Rû nüxü tacuëx rû yema duñxügü ga yexguma pecadu naxügügu rû Tupanapëxewa nügü yamexëëgüchaügu, rû norü paigüxütawa nanaga ga wüxi ga naxüna na nüxü yamáaxüçex rû inabagüxëëxüçex na Tupana tama napoxcuexüçex. Natürü ñuxma ya Tupana rû tüxü nüxü nangechaü i tórü chixexü yerü tórü pecaducëx nayu ga Ngechuchu rû nagü inanaba. Rû yexguma chi täu chima nayuxgu rû nagü inabaägu, rû taxucürüwa chima Tupana tüxü nüxü nangechaü i tórü pecadugü.

Cristu rû nayu na iyanaxoxëëxüçex i pecadu

²³ Rû yemacëx ga Tupana rû nüxcümaxüchima Moïchémaã nüxü nixu na paigü duñxügüarü pecaducëx nadëixü ga naxünaügü rû inabaaxü ga nagü na yemaäcü Tupana tama napoxcuexüçex ga duñxügü. Natürü i ñuxma i yixema na Tupana tüxü dexü, rû tüxü nangëxma i tachica i daxügüxü i nañnewa yerü Nane ya Cristutama tórü pecaducëx nayu rû inanaba ga nagü. Rû yima nagü rû Tupanapëxewa rû poraäcü ngëma naxünaügüarü yexera narüporamaë.

²⁴ Rû ngëmacëx i ñuxma rû taxucëxma tüxcüü guma ñpata ga naxchirunaxcëx ga duñxügü üxünegu naxücu ya Cristu na ngema taétüwa nachogüxüçex. Erü nüma ya Cristu rû marü Tupanaxütawaxüchi nangu i daxügüxü i nañnewa. Rû ngema Nanatüpëxewa nangëxma i ñuxma na ngema taétüwa nachogüxüçex.

²⁵ Rû ngëmacëx i ñuxma rû taxucëxma tüxcüü guxüguma Nanatüna nügü naxäëcha na ngëmaäcü taxcëx nayuuuxüçex. Rû yema Yudüguarü paigüarü äëxgacügü rû gücü ga taunecügügu guma ñpata ga ünenegu nachocuxü na yéma Tupanana naxägüäxüçex ga guma naxünaügü.

²⁶ Natürü ya Cristu, rû taxucëxma tüxcüü gücü ya taunecügügu Tupanana nügü naxäëcha, erü ngëxguma chi ngëmaäcü yixügu rû chi noxri nañne ixügügumama rû chi marü muëxpüxcüna taxcëx nayu. Natürü ñomaäcüü ga Cristu rû marü ñoma ga nañnewa nangu na wüxicanatama nügü inaxäxüçex rû pecaducëx nayuxüçex.

²⁷⁻²⁸ Rû ngëma na wüxicanatama nayuxü i duñxügü naxüpa na Tupanapëxewa nangugüxü, rû yexgumarüütama ga Cristu rû wüxicanatama nügü inaxä rû nayu na iyanaxoxëëxüçex i muxüma i duñxügüarü pecadugü. Natürü wena taxarü núma naxü. Rû ngëxguma wena núma naxüxgu rû tama pecaduarü oxëëwa tá núma naxü. Natürü tá núma naxü na namaxëxëëxüçex i guxüma i ngëma duñxügü i aixcüma ínanguxëëgüxü.

10

¹ Rū yema mugū ga Moīché ūmatūxū rū írarūwatama yema duūxūgūcèx nanangoxēē ga ſacū tá na naxūxū ga Cristu. Natūrū ga yema mugū rū tama aixcūma Cristurūū napora, yerū taxucūrūwama Tupanapēxewa nayamexēē ga yema duūxūgū woo gūcū ga taunecūgūgu Tupanacèx nanadaiixū ga naxūnagū na yemaācū Tupanana nangaicamagūxūcèx. Rū yemaācū ga yema mugū rū taxucūrūwama Cristurūū nanamaxēxēē ga yema duūxūgū.

² Rū yexguma chi yema mugū aixcūma yema duūxūgūxū imexēēgu ga Tupanapēxewa, rū tāū chima nagu narūxīnūēēcha na yapecaduāxū, rū chi nūxū narūxoe na naxūnagū Tupanacèx nadēixū.

³ Natūrū woo gūcū ga taunecūgūgu Tupanacèx naxūnagū nadēixū ga duūxūgū, rū tama norū pecadu inayarūxoxēē. Rū yema rū norū pecaduarū cūxāchixēērūmare nixī.

⁴ Yerū guma nagū ga yema wocagū rū chibugū rū tama napora na iyanaxoxēēāxūcèx ga pecadugū.

⁵ Rū yemacèx ga Cristu ga yexguma ñoma ga nañewa naxūxchaūgu, rū Nanatūxū ñanagūrū:

“Tama cunaxwèxe na naxūnagū cuxcèx nadēixū i duūxūgū na naxūtanūgūāxūcèx i norū pecadugū. Natūrū cunamexēē i ñāa chaxune na ngēmamaā chanaxūtanūxūcèx i pecadu.

⁶ Rū tama namaā cutaāē i ngēma naxūnagū i cuxna naxāmaregūxū rū cuxcèx nadēixū rū yagugūxū na naxūtanūgūāxūcèx i norū pecadugū.

⁷ Rū yemacèx rū ñacharūgū: ‘Dūcèx, Pa Chaunatūx, daxe chixī, rū nuā cupēxewa changēxma na chanaxūxūcèx i curū ngūchaū rū na chayuxūcèx, ngēma curū orewa chauchiga naxūmatūxūrūū’, ñacharūgū”.

⁸ Rū yemaācū ga Cristu rū nūxū nixu na Tupana rū tama aixcūma namaā nataāēxū ga yema na naxcèx nadaiāxū ga naxūnagū rū naxcèx yagugūāxū na naxūtanūgūāxūcèx ga norū pecadugū woo yema mugū ga Moīché ūmatūxūwa rū duūxūgūxū namu na naxūgūāxū ga guxūma ga yema.

⁹ Rū yemawena ga Cristu, rū ñanagūrū ta:

“Dūcèx, Pa Chaunatūx, daxe chixī, rū nuā cupēxewa changēxma na chanaxūxūcèx i curū ngūchaū rū duūxūgūarū pecaducèx na chayuxūcèx”,

ñanagūrū. Rū yemawa nūxū tacuèx na Tupana rū marū iyanaxoxēēāxū na naxūnagū naxcèx nadēixū, yerū Nanexū ningucuchixēē na pecaducèx nayuxū.

¹⁰ Rū ñuxma na Ngechuchu ya Cristu naxūxū ga yema Tupanaārū ngūchaū, rū ngēmācèx nixī i ñuxma i Tupanapēxewa ixūūnēxū i yixema. Yerū nūma ga Cristu rū Tupanana nūgū naxā na wūxicanatama guxāārū pecaducèx nayuxū.

¹¹ Rū guxūma i Yudīgūarū paigū rū wūxichigū i ngunexūgu rū tupaucawa nangēxmagūxū na Tupanana naxāgūāxūcèx i naxūnagū i naxcèx nadaiixū. Rū guxūguma yemaācū nanaxūgūxū natūrū taguma aixcūma inayarūxo ga norū pecadugū woo yemaācū na naxūgūxūāxū.

¹² Natūrū nūma ga Ngechuchu ya Cristu rū wūxicanatama Tupanana nūgū naxā na guxāārū pecaducèx nayuxūcèx. Rū yemawena rū ñuxūchi daxūwa naxū rū Tupanaārū tūgūnecūwawa nayarūto, erū guxāārū āēxgacū nixī i ñuxmax.

¹³ Rū ngēma nixī i nangēxmaxū ñuxmatáta ya Tupana rū guxūma i norū uwanūgūxū nūxū nayexeraxēē.

14 Rū nūma ga Ngechuchu ya Cristu rū wūxicanatama Tupanana nūgū naxā rū nayu na guxūguma Tupanapēxewa timexūcēx ya yīxema Tupanacēx tūxū yaxūūnēxēēgūxe. Rū ngēmacēx i űuxma rū taxucēxma tūxcūū wena nūgū inaxā rū nayu, yerū wūxicanatama guxūma ningutanūxēē.

15-16 Rū Tupanaāē i Ūūnēxū rū tūxū nūxū nacuēxēē na aixcūma yīxū i ngēma, yerū nūma ga Tupana rū űanagūrū:

“Ngēxguma nawa nanguxgu na wena ngēma Yudiūgūmaā ichaxunetaxū, rū wūxi i ngexwacaxūxū i uneta tā nūxna chaxā. Rū tā meā ngēma duūxūgūxū nūxū chacuēxēē i chorū mugū na aixcūma naāēwa nangēxmagūxūcēx rū guxūguma naga naxīnūēxūcēx.

17 Rū tā nūxū ichayarūngūmaxūchi i ngēma duūxūgūarū pecadugū rū ngēma chixexū i naxūgūxū. Rū tagutāma wena nūxna chacuēxāchi”, űanagūrū.

18 Rū ngēmaācū nūxū tacuēx rū ngēxguma Tupana duūxūgūaxū nūxū ngechaūgu i norū pecadugū, rū marū taxucēxma tūxcūū nanaxwēxe na wena tacū i naxūnagū nūxna naxāgūxū naxcēx i pecadu.

Name nixī i Tupanana tangaicamagū

19-20 Rū ngēmacēx i űuxma, Pa Chaueneēgū, rū taxucēxma tūxcūū tamuūē na Tupana īngēmaxūwa ichocuxū na namaāxūchi idexagūxūcēx. Rū nuxcūmaxūchima rū paigūarū āēxgacūxicatama yexma naxūcu nagu ga guma īpata ga naxchirunaxcēx ga Tupana nawa yexmane. Rū taxucūrūwama ngexerūxūxemare yexma taxūcu. Natūrū nūma ga Ngechuchu ya Cristu rū marū inayanaxoxēē ga guxūma ga yema ga yexguma curuchagu nayuxgu rū nagū inabaāgu na Tupana īngēxmaxūwa tūxū yachocuxēēxūcēx rū namaāxūchi idexagūxūcēx. Rū woo taxucūrūwama Tupanana tangaicamagū ga noxrix, natūrū nūma ga Cristu rū nayu na tūxū namaxēxēēxūcēx. Rū nagagu nixī i űuxma i Tupanaxūtawa ingugūxū.

21 Rū nūma nixī i Tupanapēxewa tūxū nangūxēēxū i guxāma i yixema i Tupanaārū duūxūgū ixīgūxe.

22 Rū űuxma na tūxū nangēxmaxū ya tōrū ngūxēēruū i Tupanapēxewa, rū tanaxwēxe i ngearū chixexūācūma Tupanana tangaicamagū na namaāxūchi idexagūxūcēx. Rū tanaxwēxe i aixcūma tayaxōgū na nūma rū tā meā tūxū nayaxuxū yerū Cristu rū taxcēx nayu na tūxū iyanaxoxēēāxūcēx i tōrū chixexū rū yemacēx marū naegagu ītabaiū.

23 Rū tanaxwēxe i aixcūma meā Cristuaxū tayaxōgūecha yerū nagūmaā tūxū inayanaxoxēē ga tōrū chixexū. Rū ngēmacēx ītananguxēē na wena taxarū nūma naxūxū na Nanatūxūtawa tūxū nagagūxū. Rū taguma tanaxwēxe na nūxū rūxoexū na yaxōgūxū, rū bai i īrarūwa. Erū Tupana ga tamaā ixunetacū na tūxū nangūxēēxū, rū aixcūmaxūchi tā nayanguxēē i guxūma ga yema tamaā nūxū yaxuxū.

24 Rū űuxma na ngēmaācū tūxū nangūxēēxū ya Tupana, rū name nixī i guxūguma naxcēx tadaugū na űuxācū wūxichigū yigū rūngūxēēgūxū na yexeraācū yigū ingechaūgūxūcēx rū mexū ixūgūxūcēx.

25 Rū name nixī i guxūguma tōrū ngutaquēxegūwa na īngugūūxū. Erū nūmaxū rū marū nūxū narūxoe na ngutaquēxewa naxīxū, rū tama tanaxwēxe na ngēxgumarūū ixīgūxū. Rū ngēmacēx name nixī i yigūaxū tanangūchaūxēē na ingutaquēxegūxū. Rū űuxma na nūxū icuāxū na marū yangaicaxū ya tōrū Cori, rū yexeraācū tanaxwēxe na yigūaxū nangūchaūxēēxū.

²⁶ Natürü ngëxguma chi texé Cristuaxū yaxōchirëxgu ga noxrix rü ñuxūchi noxtacūma nūxū tarūxoḡgu, rü marū nataxuma na ñuxācū namexëëxū i ngēma tūmaārū pecadu i Tupanapëxewa.

²⁷ Erū ngëxguma chi ngēmaācū noxtacūma Cristuxū tarūxoḡgu, rü aixcūmaxūchi tá tanayaxu i ngēma poxcu i āücūmaxū i Tupana tá tūxū namaā poxcuxū rü yima ūxū ya iyaurane ya nawa tá ímaguxūne i ngēma Tupanamaā rüxuwantūgūxū. Rū ngëxīcatama nixī i tūxū ínanguxëëxū ya yixema Cristuxū rüxoxe.

²⁸ Rū nūxū tacuëx rü yexguma texé tama Moīchearū mugūga Ínūgu rü nayexmagu ga taxre rü éxna tomaëxpūx ga duūxūgū ga tūxū daugūxū rü tūxū ixigūëxū na aixcūma tama naga taxīnūxū, rü āëxgacūgū rü noxtacūma tūxū nimëxgū rü tama nūxū tangechaūtumūgū.

²⁹ Natürü Tupana rü aixcūma yexeraācū tá nanapoxcue i ngēma duūxūgū i tama Nanega Inūëxū rü yima nagū ya pecaduarū piruūxū oexū rü Naāë i Ūñexū i nūxū ngechaūxūmaā guxchigagūxū.

³⁰ Rū meāma nūxū tacuëx rü Tupana rü tama natūcëxma ñanagūrū: “Choma tá nixī i namaā nūxū chacuáxū na ſacū tá namaā chaxūxū i guxūma i ngēma chixexū ūgūxū. Rū aixcūma tá chanapoxcu”, ñanagūrū. Rū yexgumarū tā ñanagūrū: “Choma tátama nixī i nūxna chaçaxū i wūxichigū i chorū duūxūgū i norū maxūchiga”, ñanagūrū.

³¹ Rū dūcax, rü aixcūma namaxū ya Tupana, rü ngēmacëx ega tama naga ixīnūëgu rü wūxi i āücūmaxūchixū nixī na namëxgu inguxū na tūxū napox-tūcëx.

³² Rū dūcax, name nixī i nūxna pecuëxāchie ga ñuxācū na yiixū ga yexguma noxri Cristuxū peyaxugū. Rū yexguma ga pema rü yema na peyaxōgūxūgagu rü poraācū guxchaxūgū pexū nangupetū, natürü tama Cristuxū perūxoe rü bai ga írarūwa.

³³ Rū ñuxre ga pema rü duūxūgū pemaā naguxchigagū rü guxāpëxewa pexū niçuaixgū. Rū ſoguāx ga pema rü pegū ipeyaxāgū na yema pemūcūgūrū ngūxū pingegūxūcëx.

³⁴ Rū pema rü pexū nangechaūtumūgū ga yema petanūxūgū ga yaxōgūxū ga poxcupataūwa yexmagūxū. Rū taāëācūma yaxna namaā pexīnūë ga yema tama yaxōgūxū ga pexna napuxūxū ga perū yemaxūgū. Rū tama naxcëx pexoegaāë, yerū meāma nūxū pecuëx rü daxūgūxū i naānewa pexū nangëxma i ngēma perū ngēmaxūgūarū yexera ixīxū, erū tagutāma nagux.

³⁵ Rū ngēmacëx i ñuxmax, rü tama name na nūxū perūxoexū na Cristuaxū peyaxōgūxū woo ſacū pexū ūpetūgu. Erū marū nūxū pecuëx rü Tupana rü aixcūmaxūchi tá pexna nanaxā i perū āmare i maxū i taguma gūxū, erū Cristuaxū peyaxōgū.

³⁶ Rū ngēma guxchaxūgū i pexū ngupetūxū, rü name nixī i yaxna namaā pexīnūë na penaxūxūcëx i Tupanaārū ngūchaū rü penayaxuxūcëx i ngēma āmare i pemaā inaxunetaxū.

³⁷ Erū Tupanaārū ore i ūmatūxūwa rü ñanagūrū: “Paxaxūchi tá wenaxārū nūma naxū ya Cristu. Rū aixcūma tāūtāma nuxcū ínangu.

³⁸ Natürü yixema tūmaārū ōgagu chopëxewa mexë, rü name nixī i guxūguma tayaxōcūma chauxcëx tamaxū. Natürü ngëxguma nūxū tarūxoḡgu na tayaxōxū, rü choma rü tāūtāma tūmamaā chataāë”,

ñanagürü.

³⁹ Natürü i yixema rü tama ngēma duñxügü i nüxü rüxoexü i Tupana tá poxcuexürü tixigü. Erü yixema rü ngēma yaxögüxütanüxü tixigü, rü ngēmacèx tüxü nangēxma i maxü i taguma güxü.

11

Tóru òchiga

¹ Rü ñuxma rü tóru ògagu nixi i nüxü icuáxü na aixcüma tá nayauxgüxü i guxüma i ngēma irünguxēēgüxü ga Tupana tamaã ixunetaxü. Rü ngēma tóru ògagu nixi i nüxü icuáxü na aixcüma Tupana tá yanguxēēxü i ngēma norü uneta i ñuxma tauta nüxü idauxü.

² Rü ñuxre ga nuxcúmaügüxü ga tóru oxigü rü Tupanaãxü nayaxögü, rü yemacèx ga Tupana rü namaã nataãe.

³ Rü ngēma tóru ògagu nixi i nüxü icuáxü na aixcüma yixü na Tupana rü norü oremaãmare nangoxēēãxü ga ñoma ga naãne rü üexcü rü tauemacü rü woramacurigü rü èxtagü. Rü yemaãcü ga Tupana, rü ngürüwa nanangoxēēmare ga guxüma i ngēma ñuxma nüxü idauxü.

⁴ Rü guma nuxcúmaücü ga Abé rü Tupanaãxü nayaxö. Rü yemacèx Tupanaga naxinü rü nüxna nanaxã ga wüxi ga naxüna ga Tupanacèx yamáxü. Natürü ga naēneē ga Caí rü tama Tupanaga naxinü rü tama nüxna nanaxã ga yema ãmare ga Tupana nüxü naxwèxexü. Rü yemacèx ga Tupana rü woo tama Caímaã nataãe, natürü Abémaã nataãe rü nüxü nixu na mecü yixü yerü nayaxö rü naga naxinü. Rü ngēmacèx i ñuxmax na woo nayuxü ga Abé, natürü wüxi i tóru cuèxruü nixi. Erü nawa nixi i nüxü icuáxü na Tupana naxwèxexü na yaxögüxü rü naga ixinüèxü.

⁵ Rü Enó rü ta Tupanaãxü nayaxö rü naga naxinü. Rü yemacèx nixi ga namaxácütama yagaãxü na tama nayuxüçèx. Rü namücügü rü taguma nüxü inyangaugü, yerü Tupana nayaga. Rü Tupanaãrü ore i ümatüxüwa nüxü nixu rü yexguma tauta yagaãgu, ga Enó rü nanaxü ga yema Tupana naxwèxexü.

⁶ Natürü taxuacüma Tupana tamaã nataãe ega tama nüxü yaxögügu. Rü yixema namaã ãmücüchaüxè, rü tanaxwèxe na tayaxöxü na aixcúmaxüchi nangēxmaxü i nüma rü aixcüma tüxü nangüxèèxü ya yixema naxcèx daugüxe rü naga ñnüèxè.

⁷ Rü yexguma Noëmaã yadeaxgu ga Tupana, rü nüma ga Noë rü nayaxö rü naga naxinü. Rü Tupana rü namaã nüxü nixu rü tá na ñanguxēēãxü ga mucü ga taxüchicü ga taguma duñxügü nüxü daucü rü tá guxüwama inanguanexèècü. Rü namaã nüxü nixu ga na naxüãxüçèx ga wüxi ga wapuru ga taxüne na tama nayuxüçèx ga nüma rü namèx rü nanegü rü naneãxgü. Rü Tupanaga naxinü ga Noë, rü nanaxü ga guma wapuru, rü yemaãcü tama nayue ga nüma rü napatacüãx. Rü yemaãcü Tupanaãxü nayaxö. Natürü yema togü ga duñxügü rü tama nayaxögü, rü yemacèx Tupana nanapoxcue. Natürü nüma ga Tupana rü Noëxü nixu na napèxewa namexü, yerü nüxü nayaxö.

⁸ Rü guma tóru oxí ga Abráü, rü Tupanaãxü nayaxö. Rü yemacèx nixi ga naga naxinüxü rü nüxna yaxüxü ga nanatüchiüãne na nawa naxüçèx ga yema naãne ga Tupana tá nüxna ãxü na noxrüxüchi yixüçèx. Rü yemaãcü nanaxü ga yexguma Tupana namuxgu. Rü nanatüchiüãnewa inaxüãchi ga Abráü woo tama nüxü na nacuáxü ga ngextá tá na naxüxü.

⁹ Rū yexguma nawa nanguxgu ga yema naāne ga Tupana namaā ixunetaxū, rū űoma yexma naxūāneāxūrūūmare ĩpata ga naxchirunaxcēxmaāmare naxāchiū. Rū yexgumarūūttama nixīgū ga nane ga Ichaá rū nataa ga Acobu, yerū yexguma nayaegu rū Abráūrūū űoma yexma naxīāneāxūrūūmare nixīgū ga yema naānewa. Rū yemaācū nixīgū ga guxūma ga nūmagū ga na woo Tupana rū namaā inaxunetaxū ga na noxrūxūchi yīxūcēx ga yema naāne.

¹⁰ Rū yemaācū ga Abráū, rū woo űoma yexma naxūāneāxūrūūmare yēma nayexma, natūrū Tupanaāxū nayaxōchigūama, yerū nūxū nacuēx na Tupana tá daxūguxū i naānewa na nagaxū nawa ya yima ĩāne ya nūmatama naxūūne ya tagutāma iyarūxoxūne.

¹¹ Rū yexgumarūūttama iyixī ga Abráū namēx ga Chara. Rū woo ga na taguma naxāxācūchiréxū yerū marū iyaxūchi, natūrū ixāxācū yerū iyaxōōma na Tupana rū aixcūma tá yanguxēēāxū ga yema norū uneta ga tá na naxāxācūxū.

¹² Rū yemaācū ga Abráū rū woo marū yaguāxūchi na yīxū, natūrū dūxwa nūxū nayexma ga wūxi ga nane, rū gumawa ne naxī ga muxūma ga nataagū. Rū űuxma rū űoma ēxtagūrūū namuxūchi, rū űoma naxnūcū ya taxuacūma yaxugūcūrūū nixīgū, yerū yemaācū Abráūmaā inaxuneta ga Tupana.

¹³ Natūrū nūmagū ga Abráū rū Ichaá rū Acobu rū nayue, rū yemacēx tama nūxū nadaugū ga guxūma ga nataagū i űuxma ngēxmagūxū, rū tama namaā inacuēxgū ga yema naāne ga noxri Abráūmaā nūxū yaxuxū ga Tupana. Natūrū Tupanaāxū nayaxōgūama, rū yemacēx nūxū nacuēxgū rū Tupana rū tá aixcūma na yanguxēēāxū ga yema norū uneta ga namaā nūxū yaxuxū. Rū nataāēgū yerū nūxū nacuēxgū na tāūtāma guxūguma űoma ga naānewa na nayexmagūechaxū, rū yemacēx nūxū nixugūe na to i nachīūānecūāxūrūūmare yixīgūxū ga űoma ga naānewa.

¹⁴ Rū nūmagū rū yema oremaā meāma tūxū nūxū nacuēxēē na tama űoma ga naāneguxicatama naxīnūēxū natūrū ĩnanguxēēgūāxū i to i nachica i daxūguxū i naānewa ngēxmaxū.

¹⁵ Rū nūmagū rū yexguma chi nanaxwēxegūgu ga naxcēx na nawoeguxū ga yema naāne ga noxri nawa ne naxīxū, rū tāū chima nūxū naguxcha rū chi naxcēx nawoegu.

¹⁶ Natūrū ga nūmagū rū nūxū nangūchaūgū i ngēma naāne i mexēchixū i daxūwa ngēxmaxū i Tupanaxūtawa. Rū yemacēx nixī ga Tupana ga tama naxānēxū na nūgū yaxuxū na norū Tupana yīxū. Yerū nūma ga Tupana rū naxcēx nanamēxēē ga wūxi ga ĩāne ya daxūguxū i naānewa ngēxmane.

¹⁷⁻¹⁸ Rū Tupana ga noxri rū Abráūmaā nūxū nixu rū űanagūrū:

“Cune ya Ichaāwa tá cuxū nangēxma i muxūchixūtama i cutaagū”, űanagūrū. Rū Abráū rū nayaxō na Tupana rū aixcūmaxūchi tá na yanguxēēāxū ga yema namaā inaxunetaxū. Rū yemacēx ga yexguma Tupana nūxū űxgu rū Ichaācēx nūxna nacaxgu na naxcēx yamāāxūcēx, rū nūma ga Abráū rū tama nanachuxu. Rū ĩnamemare na Tupanacēx yamāāxū ga guma nane ga nūgūmaā wūxicacū.

¹⁹ Yerū nūma ga Abráū rū nayaxō na Tupanaāxū natauxchaxū na wena namaxēxēēāxū i yuexū. Rū yemacēx ga Abráū rū ĩnamemare na Tupanacēx nanēxū yamāxū yerū nayaxō na Tupana rū wena tá namaxēēāxū. Rū aixcūmaxūchi yemaācū Abráūcēx nanaxū ga Tupana, yerū woo űoma marū nayuxūrūū nixī ga nane, natūrū ga Tupana rū maxūcū nūxna nanamu. Rū yema rū wūxi ga tōrū cuēxruū nixī na űuxācū aixcūma yaxōōxū ga Abráū.

20 Rū guma Ichaá rü ta Tupanaãxũ nayaxõ. Rū yemacèx ga yexguma marü nayèxgu, rü nayumüxè rü Tupanana naca na nanegü ga Acobu rü Echaúxũ nangüxèèxũcèx. Rū yemaãcü nayumüxè yerü aixcüma nayaxõ na Tupana tá yangüxèèxũ ga yema nüxna naxcèx naçaxũ.

21 Rū guma Acobu rü ta Tupanaãxũ nayaxõ. Rū yemacèx ga yexguma marü nayèxgu rü nayuxchaũgu, rü norü caxũxümaã nügü inachixèè rü Tupanaxũ nicuèxũ. Rū nayumüxè rü Tupanana naca na nataagü ga Yúche nanegüxũ nangüxèèxũcèx. Rū yemaãcü nayumüxè yerü aixcüma nayaxõ na Tupana tá yangüxèèxũ ga yema Abráũmaã inaxunetaxũ.

22 Rū guma Yúche rü ta Tupanaãxũ nayaxõ. Rū yemacèx ga yexguma nayuxchaũgu, rü natanüxũgümaã nüxũ níxu rü ñanagürü:

“Tataagü rü yixcüra rü tá ínachoxũ i nuã Equituanewa na nawa naxĩxũcèx i ngèma naãne ga Tupana tórü oxí ga Abráũmaã nüxũ ixuxũ. Rū ngèxguma ngèma naxĩxgu, rü chanaxwèxe ya chauxchinèxägü rü ta ngèma nanana na ngèxma yatèxgüãxũcèx”,

ñanagürü.

23 Rū yemawena rü mucüma ga tauncügü rü nimu ga yema duũxũgü ga Equituanewa. Rū yema nachiuãneãrũ ãèxgacü, rü tama nanaxwèxe na yexeraãcü yamuètanüxũ, rü yemacèx nanamu na tüxũ nadèjüxècèx ga guxãma ga buxe ga iyatüxe ga yexwacèx ibuetanüxè. Natürü nanatü rü naè ga guma tórü oxí ga Moïché, rü aixcüma Tupanaãxũ tayaxõgü. Rū yemacèx ga yexguma noxri nabuxgu ga Moïché, rü tomaèxpüx ga tauemacügu itayacüxgü, yerü nüxũ tadaugü na namexèchixũ rü tama naxcèx tamuüè ga yema Equituanearü ãèxgacüarü ore ga woo na naxunagüãxũ ga na buxe tüxũ nadèjüxũ.

24-25 Rū Moïché rü ta Tupanaãxũ nayaxõ. Rū yemacèx ga yexguma marü nayèxgu rü tama nanaxwèxe na nügü yaxuxũ na Equituanearü ãèxgacüxacü ngène na yĩxũ, yerü naxcèx rü narümemaè na natanüxũgü ga Yudiügümaã wüxigu ngúxũ yangexũ. Rū tama nanaxwèxe na tacü ga ñoma ga naãneãrũ chixexũmaã nügü na nataãèxèèxũ, yerü nüxũ nacuèx rü yema taãè rü paxaãchiruũmare níxí.

26 Rū yexgumarüũ na daxüguxũ ga naãnena na yaxüxũ ga Cristu na ngúxũ yangexũcèx, rü yexgumarüũ ta níxí ga Moïché ga ãèxgacüpatana na yaxüxũ, yerü naxcèx rü narümemaè na natanüxũgü ga Yudiügümaã wüxigu ngúxũ yangexũ. Natürü taxucèxma yema ngúxũgu narüxĩnũ, yerü nüxũ nacuèx rü tá wüxi i ngunèxũgu Tupanaxütawa na nayauxãxũ i norü natanü.

27-28 Rū yema na yaxõõxũcèx níxí ga Tupanaga naxĩnüxũ ga Moïché. Rū yemacèx ga yexguma Tupana namuxgu ga na naxüãxũ ga üpetüchiga, rü nayangüxèè ga yema Tupana namuxũ. Rū nüma ga Moïché rü guxũma ga natanüxũgü ga Yudiügüxũ namu na wüxichigü ga İpatawa yamaãxũcèx ga wüxi ga carneruxacü na yemagümaã namaxcüãxũcèx ga naãxpatagü. Rū ñanagürü nüxũ:

“Ñoma i chütaxũgu rü tá Tupana núma Equituanewa nanamu i wüxi i norü orearü ngeruũ i daxüçüãx rü tá nanadai ya yima nüxira bucü ya Equituanecüãxgü nane i wüxichigü ya İpatawa. Natürü ngèxguma yima nagümaã penamaxcuxgu i perü İãxpata, rü tãitãma pechiũgu naxücu”, ñanagürü. Rū yemaãcü ga Moïché rü Tupanaga naxĩnũ yerü nüxũ nayaxõ. Rū yemacèx ga yema orearü ngeruũ ga daxüçüãx rü taxuũma ga Yudiügünexũ nimèx. Rū yema na yaxõõxũcèx níxí ga İnaxüxũxũ ga Equituarü naãnewa,

rū tama naxcèx namuðxđ na guma Equituanearū ãëxgacū tá namaã nanuxđ. Rū taguma nūxđ narūxo ga Tupanawe na naxūxđ, yerū Tupana ya ãxđgucūarū ngūchađ naxū.

²⁹ Rū yema duðxđgū ga Moichéwe rūxixđ rū ta nayaxōgū. Rū yemacèx ga yexguma yema Taxtū ga Dauchiūxūwa nangugūgu, rū yema dexá rū nūgūna nixīgachi, rū nipaaneāchi, rū yéma nichođ. Natūrū yexguma yema Equituanecūāx ga churaragū ga nawe ngēgūxđ nawe ichođgu, rū yexma nayiama, yerū wenaxārū nūgūna naxī ga yema dexá.

³⁰ Rū yexguma guma Iāne ga Yericúwa nangugūgu ga yema duðxđgū, rū taxucūrūwama nichocu, yerū guxūwama naxāxtapūx. Natūrū Tupanaāxđ nayaxōgū, rū yemacèx Tupanaga naxīnūē rū 7 ga ngunexđ nūxđ ínichoegūāchitanūcūū, yema Tupana namaã nūxđ ixuxūrūđ. Natūrū yexguma norū 7 ga ngunexūwa nanguxgu, rū nūēchama niwēxgūtāpūx, rū yemaācū nichocu.

³¹ Natūrū yema nge ga Yericúūāx ga Raá, rū woo chixri imaxđ ga noxrix, natūrū yexguma yéma nangugūgu ga yema taxre ga Yudiūgū ga bexma ngugūtaewa yéma Ixđ, rū ngīma iyixī ga nūxđ nangūxēēxđ. Rū yemacèx tama yema togū ga Yericúūāx ga tama Tupanaga Inūēxūrūđ iyu, yerū Tupanaāxđ iyaxō.

³² ¿Rū ñuxma rū taçū i togū i duðxđgūchigaxđ tá pemaã chixuxđ? Rū changechica na pemaã nūxđ chixuxđcèx i nachiga ga yema nuxcūmađgūxđ ga ãëxgacūgū ga Yedeū rū Bará rū Chañchóđ rū Yeté rū Dabí rū Chamue, rū guxūma ga nuxcūmađgūxđ ga Tupanaārū orearū uruđgū.

³³ Rū yema na yaxōgūāxđcèx nixī ga Tupana nūxđ rūngūxēēxđ. Rū yemaācū to ga nachitāneguarū ãëxgacūgūxđ narūporamaēgū, rū meāma norū duðxđgūmaā inacuèxgū rū aixcūma nanayauxgū ga yema Tupana namaã ixunetaxđ. Rū yemacèx ga yexguma woo aitanūgu yatēxcuchigūāgu, rū taxuđma namaã naxū ga aigū yerū Tupana nūxna nadau.

³⁴ Rū yexguma norū uwanūgū ūxūxetūwa yawocuxgu, rū taxuđma nūxđ naxūpetū rū tama nixae, yerū Tupanaāxđ nayaxōgū rū nūma rū nūxna nadau. Rū yexguma togū taramaã nadaixchađgu, rū Tupana nūxđ narūngūxēē na taxuđma nūxđ ūpetūxđcèx. Rū yexguma naturaegu rū norū uwanūgū nadaixchađgu, rū Tupana nanaporaexēē. Rū yexguma to ga nachitāneārū churaragūmaā nūgū nadaixgu, rū yema togū ga churaragūxđ narūyexeragū.

³⁵ Rū nayexma ga ngexđgū ga yuexacūxđ, natūrū yema naxācūgū rū wenaxārū inarūdagū yerū Tupanaāxđ nayaxōgū. Natūrū nayexma ga togū ga poraācū ngūxđ ingegūxđ yerū norū uwanūgū yemaācū namaã nachopetū na Tupanaxđ inatēxgūxđcèx. Natūrū ga nūmagū rū tama Tupanaxđ inatēxgū rū yemacèx nayue, yerū naxcèx rū narūmemaē nixī na wena namaxēxđ rū nayauxgūāxđ i ngēma maxđ i taguma gūxđ.

³⁶ Rū nayexma ta ga ñuxre ga togū ga yaxōgūxđ ga duðxđgū nūxđ cugūexđ, rū yaçuaixgūxđ, rū cadenamaã yanēixgūxđ, rū poxcupatađgu nawocuxđ.

³⁷ Rū ñuxre ga nūmagū rū nutamaã inanamuxūchigū rū yemaācū nanadai. Rū togū rū nayawāixyegū rū nayue. Rū ñuxre ga togū rū ngūxđ nūxđ ningexēēgū na Tupanaxđ inatēxgūxđcèx. Rū togū rū taramaã nanadai. Rū ñuxre ga nūmagū rū nu ne nanaxīmare rū carneruchēxmūđ rū chibuchēxmūđmaāmare nixāxchiru. Rū taxuđma nūxđ nayexma, rū nanaxīxāchiāēgū yerū norū uwanūgū rū chixri namaã nachopetū.

³⁸ Rū ñoma ga naānecūāx rū naxchi naxaie, natūrū Tupana rū nūxđ

nangechaũ. Rũ ñoma ga naãnewa rũ norũ uwanũgũchaxwa nu ne nanaxĩmare ga taxũema İxãpataxũwa. Rũ ngũrianegu nipexũtanũmare yerũ nangepatagũ. ³⁹ Rũ guxũma ga yema nuxcũmaũgũxũ ga duũxũgũ woo norũ õgagu Tupana namaã na taãẽxũ, natũrũ taxũma ga yema duũxũgũ rũ nũxũ nadau ga yema mexũgũ ga Tupana namaã nũxũ ixuxũ.

⁴⁰ Rũ yemaãcũ namaã nangupetũ ga yema duũxũgũ, yerũ ga Tupana rũ tagu narũxinũ rũ tama nanaxwẽxe na nũxĩra nũxĩca yamexẽẽgũãxũ, natũrũ nanaxwẽxe na tamaã wũxigu yamexẽẽgũãxũ. Rũ ñuxma i yixema na yaxõgũxũ, rũ yema nuxcũmaũgũxũ ga duũxũgũrũ Tupanaãrũ duũxũgũ tixĩgũ, yerũ Nane ya Ngechuchu rũ guxãcẽxma nayu. Rũ wũxi i ngunexũ rũ tá taxcẽx nũma naxũ na nũgũxtawa tũxũ nagagũxũcẽx na ngema ingẽxmagũechaxũcẽx.

12

Name nixĩ i Ngechuchucũmagu taxĩ

¹ Rũ ñuxma na nũxũ icuáxũ na ñuxãcũ aixcũma Tupanaãxũ yaxõgũãxũ ga guxũma ga yema nuxcũmaũgũxũ ga duũxũgũ, rũ ngẽma rũ wũxi i tórũ cuẽxruũ nixĩ na ñuxãcũ Tupana naxwẽxexũ na naxcẽx imaxẽxũ. Rũ ngẽmacẽx i ñuxmax, ¡rũ ngĩã nũxũ tarũxoe i guxũma i ngẽma pecadu i tũxũ ítũxẽẽxũ rũ tũxũ naguxchaxẽẽxũ na meã yaxõgũxũ! ¡Rũ ngĩã paxa naxcẽx tadaugũ na meã Tupanacẽx imaxẽxũ rũ guxũguma aixcũma naxũxũ i ngẽma tũxũ nanaxwẽxexũ!

² Rũ name nixĩ i tanangugũ na ñuxãcũ namaxũxũ ga Ngechuchu rũ nagu taxĩ i nacũma. Yerũ nũma nixĩ ga nuxcũma nagu naxĩnũxũ na ñuxãcũ tórũ õgagu tá tũxũ namaxẽẽxũ rũ nũma nixĩ i tũxũ nangũxẽẽxũ na aixcũma meã yaxõgũechaxũcẽx na ngẽmaãcũ naxũtawa ingugũxũcẽx. Rũ nũma rũ tama nũgũ nachũxu na curuchawa ngũxũ yangexũ, rũ tama nagu narũxinũ ga yema ãne na yangexũ, natũrũ nataãẽxũchi yerũ nũxũ nacuẽx na yemawena rũ tá muxũma i duũxũgũ nayauxgũxũ i maxũ i taguma gũxũ. Rũ ñuxma rũ Tupanaãrũ tũgũnecũwawa narũto na ngema guxããrũ ãẽxgacũ yĩxũcẽx.

³ Rũ name nixĩ i penangugũ rũ nagu perũxinũe na ñuxãcũ ga Ngechuchu rũ yaxna namaã naxĩnũxũ ga yema ngũxũ ga nũxũ yangexẽẽgũxũ ga yema duũxũgũ ga pecaduãxgũxũ. Rũ nũma ga Ngechuchu rũ yemaãcũ yema ngũxũmaã yaxna naxĩnũ na pema rũ tama nũxũ perũchaxũcẽx rũ tama nũxũ perũxoe xũcẽx na nũxũ peyaxõgũxũ.

⁴ Rũ ñuxma i pema na peyaxõgũxũ, rũ ngũxũ pingegũ erũ pecaduxũ perũxoe. Natũrũ taxũema ga petanũwa rũ yemacẽx Cristurũ yuwa tangu.

⁵ Rũ name nixĩ i nũxna pecuẽxãchie i norũ ore ya Tupana i namaã pexũ yaxucũxẽgũxũ i ñuxma na naxãcũgũ pixĩgũxũ. Erũ ngẽma norũ ore i ũmatũxũwa rũ ñanagũrũ.

“Pa Chaunex, ¡tãxũ i nũxũ cuxoxũ i ngẽxguma cuxũ icharũwẽxãchixẽẽgu! ¡Rũ tãxũ i cuyarũmaxãchixũ i ngẽxguma cuxũ chaxucũxẽgu!

⁶ Erũ nũma ya Cori ya Tupana rũ tũxũ inayarũwẽxãchixẽẽ ya yixema tũxũ nangechaũxẽ. Rũ tũxna nanaçuaixca ya yixema naxãcũxũ tũxũ nayaxũxe, na ngẽmaãcũ tũxũ nangũxẽẽxũcẽx na ñuxãcũ nanaxwẽxexũ na naxcẽx tamaxũxũ”, ñanagũrũ.

⁷ Rũ ngẽmacẽx i pemax, rũ name nixĩ na yaxna namaã pexĩnũẽxũ i ngẽxguma Tupana pexna naçuaixcagu. Erũ ngẽxguma ngẽmaãcũ pemaã yixĩgu, rũ pexũ

nūxū nacuèxēē na aixcūma naxācūgū pixīgūxū. Erū guxūma i papá rū inayanawēxāchixēē i ngēma aixcūma naxācūgū ixīgūxū.

⁸ Natūrū ngēxguma chi Tupana tama pexū iyarūwēxāchixēēgu, naxācūgūxū iyanawēxāchixēēxūrūū, rū ngēmawa tá nūxū pecuèx na tama aixcūma naxācūgū pixīgūxū, rū ngenatūxū pixīgūxū.

⁹ Rū wūxichigū i yixema ga yexguma ibuegu, rū tanatūgū rū tūxū taxucuxēgū, rū yixema rū tūmaga taxīnūē rū tūxū tangechaūgū. Rū ngēmacèx i ñuxma rū yexeraācū tanaxwēxe na naga ixīnūēxū ya Tanatū ya daxūgucū na ngēmaācū nayaxuxūcèx i maxū i taguma gūxū.

¹⁰ Rū tanatūgū rū wūxi i paxaāchicèxmare tūxū taxucuxēgū na tūma tanaxwēxegūxūācūma imaxēxūcèx. Natūrū ya Tupana rū aixcūma tórū mexūcèx nixī i tūxū iyanawēxāchixēēxū na naxrūū ixūūnegūxūcèx.

¹¹ Rū aixcūma tama tataāgū i ngēxguma Tupana tūxū iyarūwēxāchixēēgu, erū tūxū nangux. Natūrū ngēmawena i ngēxguma naga ixīnūēgu rū yanguxēēgu i ngēma tamaā nūxū yaxuxū, rū aixcūma tataāgū.

Naxācūma na tama Tupanaga ixīnūēxū

¹² Rū ngēmacèx i ñuxma na ngūxū pingegūxū rū pipaexū na Tupanawe perūxūxū, rū name nixī i pegū peporaexēēāma na noxrirūūtama meā peyaxōgūxūcèx.

¹³ Rū name nixī i naxcèx pedaugū na Tupana pexū naxwēxexūācūma aixcūma meā pemaxēxū, na yixema ñuxma tama meā yaxōgūxe rū meā tayaxōgūxūcèx.

¹⁴ ¡Rū naxcèx pedèux na guxū i duūxūgūmaā pemecūmaxū! Rū ngēxgumarūū ta name nixī i naxcèx pedau na Tupanapēxewa naxūūnēxū i perū maxū. Erū yixema tama Tupanapēxewa ūūnēx rū tāūtāma tórū Corixū tadau.

¹⁵ ¡Rū pegūna pedaugū na taxūema nūxū oxūcèx i ngēma ngūxēē i Tupana tūxū nangechaūācūma tūxna āxū! Erū tama tanaxwēxe na texé petanūwa Cristuchi aixū rū ngēmaācū togūxū chixexūmaā taxucuxēxū na Cristuna tixūgachixūcèx.

¹⁶ Rū tama name i texé i petanūwa rū naī i ngemaā na itapexū. Rū tama name na texé tūmaārū ngēmāxūcèx Tupanaxū na oxū. Rū yemaācū nanaxū ga guma nuxcūmaūcū ga Acobueneē ga Echaū. Yerū yexguma nataiyagu rū wūxi ga ōnacèx nūxū naxo ga guxūma ga yema nūxna ūxū ga nanatū chi nūxna āxū.

¹⁷ Rū pema nūxū pecuèx rū yemawena ga yexguma nayauxchaūāgu ga yema noxri nūxna ūxū, rū marū taxucūrūwama nanayaxu, yerū marū naēneē ga rūbumaēcūna tanaxā ga nanatū. Rū nūma ga Echaū rū woo poraācū naxaxu, natūrū marū taxucūrūwama ñuxācū nanayaxu. Rū ngēmawa nūxū tacuèx na ñuxācū naxāūcūmaxū na tórū ngēmāxūcèx Tupanaxū ixoxū.

¹⁸⁻²¹ Rū nuxcūma ga tórū oxigū ga Moīchéwe rūxīxū, rū nūxū naxīnūē ga Tupanaga ga yexguma nūxū yangaicagūgu ga guma mēxpūne ga Chinaīgu āegane. Rū nūxū nadaugū ga na yayauraxū ga guma mēxpūne rū poraācū naxēānēxū rū poraācū buanecū ixūxū rū yabēixbēxanēxū rū yaduruanēxū. Rū poraācū namuūē ga yema duūxūgū, yerū nūxū naxīnūē ga wūxi ga corneta ga tagane rū Tupana ga tagaācū yēma ñacū:

“Ngēxguma chi wūxie i petanūwa daa mēxpūnewa ūxgu ¡rū noxtacūma nutamaā tūxū ípemuxūchiācūma tūxū pimá! Rū woo wūxi i pexūna yixūgu ¡rū ngēxgumarūū ta ípenamuxūchiācūma peyamá!”

ñanagürü. Rū yexguma yadeaxgu ga Tupana, rū poraācü namuñē ga yema duñxügü. Rū norü muñmaā Tupanaxü nacēxügü na íyachaxāchixüçex ga namaā na yadexaxü. Rū yema na poraācü naxāüçümaxüchixü ga yema nüxü nadaugüxü, rū yemacēx nixī ga nūmatama ga Moïché ga ñaxü:

“Chorü muñmaā chidurux i ñuxmax”,

ñaxü. Rū yemaācü nixī ga namaā nangupetüxü ga yema duñxügü ga Moïchémaā nayaugüxü ga yema nüñrañxü ga Tupanaärü mugü. Natürü i pemax, Pa Chaueneēgüx, rū tama yemaācü pexü naxüpetü ga yexguma penayaugügu ga Tupanaärü ore i ngexwacaxüxü i Cristuchiga ixixü.

²² Rū ñuxma i pema rū taxucēxma pemuñē, yerü ga Cristu rū taxcēx nayu na Tupana ya guxüguma maxüçüxtawa tüxü nagagüxüçex, na guxüguma norü ñāne ya daxügune ya Yerucharéügu āeganewa ingēxmagüxüçex. Rū ngema tá tangutaquēxegü namaā i ngēma muxüchixüma i norü orearü ngeruñgü i daxüçāx na wüxigu namaā Tupanaxü icüexüügüçex.

²³ Rū ñuxma i pemax, rū marü natanüxügü pixigü i guxüma i ngēma togü i duñxügü i Tupanaärü poperawa ngoxégagüxü. Rū marü naxcēx pexī ya Tupana ya yima guxānatāma cacü. Rū marü natanüwaama pexügü i guxüma ga yema duñxügü ga mecümagüxü ga yuexü ga Tupana imexēgüxü.

²⁴ Rū marü naxcēx pexī ya Ngechuchu ga taxcēx yucü na tüxü namaxēxēxüçex, ngēma Tupanaärü uneta i ngexwacaxüxü tamaā nüxü ixuxürü. Rū nagümaā pexü iyanaxoxēē ga perü chixexügü na aixcüma Tupanapēxewa pimexüçex. Rū yexguma nüxcümaxüçü ga Abégü inabaxēē ga naeneē rū Tupana rū poxcu naxuegu. Natürü yexguma Cristugü ibaxgu rū Tupana rū duñxügümaā nanaxuegu i maxü i taguma güxü.

²⁵ Rū ngēmacēx name nixī i pexuāēgü na tama nüxü pexoxēxüçex ya yima Tupana ya ñuxma tamaā idexacü. Rū dücax yema nuxcümañgüxü ga tórü oxigü ga Moïchéwe rüñxü rū taxucürüwa Tupanachaxwa nibxümü na tama napoxcūēxüçex ga yexguma Tupanaxü naxoegu rū tama naga naxññēgu ga yexguma Moïchéwa Tupana yaxucüxēgügu. Rū yema na taxucürüwa Tupanachaxwa yabuxmüxü ga nūmagü, rū yexeraācü tüxü naguxcha i yixema na naxchaxwa ibuxmüxü ega tama naga ixññēgu i ñuxma na Cristuwa tüxü yaxucüxēgüxü i nüma ya Tupana i daxügüxü i nañnēwa ngēxmacü.

²⁶ Rū yexguma Moïchéwe naxixgu ga tórü oxigü, rū Tupana rū nagamaā nayaduruxanexēē. Natürü i ñuxma rū ñanagürü:

“Wena táxarü chayaduruxanexēē. Natürü ngēxguma ngēmaācü chanaxüxgu rū táütāma ñoma i naññexica chiduruxēē, natürü üēxcü rū woramacurigü rū ēxtagü rū tá ta chayaduruxgüxēē”,

ñanagürü.

²⁷ Rū yema na:

“Wena táxarü chayaduruxanexēē”, ñaxü, rū ngēmawa nüxü tacuēx rū guxüma ga yema naxüxü i tama guxügüçex ixixü, rū Tupana tá inayanaxoxēē na ngēma guxügüçex ixixüñcatama na íyaxügüxüçex.

²⁸ Rū ngēma na tórü āēxgacü na yixü ya Tupana, rū guxügüçex nixī, rū tagutāma inayarüxo na noxrü ixigüxü. Rū ngēmacēx name nixī na Tupanana moxē ixāgüxü, rū nüxü ingechañgüācüma rū nüxü imuñēācüma nüxü icüexüñgüxü, ngēma nüma nanaxwēxexürü.

²⁹ Erü tórü Tupana, rū ñoma wüxi ya üxürüññ aixcüma inayanaxoxēē i guxüma i tórü chixexü.

13

Ñuxācū Tupanaxū tataāēxēē

1 Rū ñuxma rū tama name na nūxū perūch̄auexū na wūxichigū pegū pengechaūgūxū ñoma peeneēxū pengechaūxūrūū.

2 Tama name na nūxū ipeyarūngūmaēxū na meāma penayaxuxū i ngēma duūxūgū i pepatawa ngugūxū. Erū nūxū tacuēx rū nūmaxū ga yemaācū naxūgūxū rū ñuxguacū rū tama nūxū nacuaācūma bexma Tupanaārū orearū ngeruūgū i daxūcūāxū meā nayauxgū.

3 Rū name nixī i nūxna pecuēxāchie i ngēma duūxūgū i poxcuexū, ñoma pema rū ta naxrūū pepoxcuexūrūū. Rū ngēxgumarūū ta name nixī nūxna pecuēxāchie i ngēma duūxūgū i togū ngūxū nūxū ingexēēgūxū, erū ngūrūāchi tā ta ngēmaācū pexū nangupetū.

4 Rū ngēma yatūgū i āmaxū rū name nixī i meā naxmēxmaā namaxē rū tūxū nangechaūgū. Rū ngēxgumarūū ta i ngexūgū, rū name nixī i meā natemaā namaxē rū nūxū nangechaūgū. Erū Tupana rū aixcūma tā nūxna naca rū tā nanapoxcue i ngēma duūxūgū i naī i ngemaā rū ēxna naī ya yatūmaā ipexū. Rū ngēxgumarūū tā ta tūxū napoxcue ya guxāma ya yīxema ngemēxācūma rū ngeteācūma tūgūmaā maxēmarexe.

5 Rū tama name na dīeruguama perūxīnūēxū. Rū name nixī i namaā petaāēgū i ngēma marū pexū ngēmaxū. Yerū Tupana rū ñanagūrū:
“Tagutāma cuxna chixū, rū tagutāma cuxū íchatèx”,
ñanagūrū.

6 Rū ñuxma na nūxū icuáxū na ngēmaācū tamaā inaxāūxū, rū ngēmacèx tama taxāne na ñagūxū:

“Nūma ya Cori nixī ya choxū rūngūxēēcū. Rū ngēmacèx taxucèxma chamuū.
Erū taxucūrūwama texé tacū rū chixexū chomaā taxū”,
ñagūxū.

7 Rū name nixī i nūxna pecuēxāchie ga yema perū dauruūgū ga noxri pemaā icuáxū rū pemaā nūxū ixugūxū ga Tupanaārū ore. Rū name nixī i nagu perūxīnūē ga na ñuxācū meā namaxēxū pepēxewa rū ñuxācū meā yaxōgūācūma nayuexū. Rū name nixī ga nūma yaxōgūāxūrūū meā peyaxōgū i pemax.

8 Rū nūma ya Ngechuchu ya Cristu rū guxūguma nayanguxēē i ngēma tamaā nūxū yaxuxū. Rū nuxcūma rū nayanguxēē ga norū ore, rū ñuxma rū ta nayanguxēē. Rū guxūgutāma ngēmaācū nixī. Rū ngēmacèx tanaxwēxe na aixcūma nūxū yaxōgūxū.

9 Rū tama name i peyaxōgū i ngēma nguxēētaegū i tama toma pexū namaā tangūexēēxū i tama Tupanaārū ixīgūxū. Rū nuxcūma rū nagu taxī ga yema mugū ga Moiché ūmatūxū ga tūxna nachuxuxū na tacū ixūxū rū tacū ingōxū. Natūrū yema mugū rū taguma tūxū naporaexēē ga na Tupanacèx imaxēxū. Rū ngēmacèx tanaxwēxe na Tupana ya tūxū ngechaūcūwa nayaxuxū i tórū pora na aixcūma naxcèx imaxēxūcèx.

10 Rū ngēma duūxūgū i Moichéarū mugūgu íxū, rū Tupanacèx naxūna nadai na tama napoxcueāxūcèx naxcèx i norū pecadu. Natūrū tama nūxū nayaxōgū ya Cristu ga tórū pecaducèx yucū. Rū ngēmacèx taxucūrūwama taxrūū nanayauxgū i ngēma ngūxēē i Cristu nūxna uaxūxū.

11 Rū ngēma duūxūgūarū paigūarū āēxgacū, rū tupaucawa nanange ya nagū i naxūnagū na Tupana naxāāxūcèx na tama Tupana napoxcuexūcèx i ngēma duūxūgū. Natūrū naxūnegū i ngēma naxūnagū, rū ñāneārū íxpemawa nayanagugū.

12 Rū yexgumarūū ta ga Ngechuchu rū ĩāneārū ĩxpemawa ngúxū ninge rū nayu na nagūmaātama Tupanacēx yaxūūnegūxēēāxūcēx i duūxūgū.

13 Rū ngēmacēx i yixema, rū name nixī i nūxna tixīgachi i ngēma mugū ga Moīché ūmatūxū, rū name nixī i Ngechuchucēx taxī. Rū woo duūxūgū tūxū cugūegu, yema Ngechuchuxū na nacugūexūrūū, rū name nixī i naxrūū yaxna namaā taxīnūē.

14 Erū yixema na yaxōgūxū, rū tāūtāma űoma i naāne i paxa tá gūxūwa tangēxmagūecha. Erū daxūguxū i naānewa tūxū nangēxma i tachica. Rū ngēma tá nixī i ingūgūxū na guxūgutāma Tupanamaā ingēxmagūechaxūcēx.

15 Rū ngēmacēx tanaxwēxe i Ngechuchu ya Cristuégagu guxūguma Tupanaxū ticuēxūgū. Rū ngēma na taēxmaā nūxū icuēxūgūxū, rū ngēma nixī i āmare i mexū i nūxna ixāxū.

16 ¡Rū tāxū i nūxū ipeyarūngūmaēxū na togūxū perūngūxēēxū rū namaā pengauxū i perū ngēmaxūgū! Erū ngēma nixī i āmare i Tupanana pexāxū i aixcūma namaā nataāēxū.

17 ¡Rū naga pexīnūē i ngēma perū dauruūgū i pemaā icuēxgūxū, rū penaxūx i ngēma pemaā nūxū yaxuxū! Erū nūmagū rū Tupanapēxewa pexna nadaugū na meā pemaxēxūcēx erū nūxū nacuēxgū na Tupana tá nūxna çaxū i nachiga na űuxācū pexna nadaugūxū. Rū name nixī i meā namaā pemaxē i ngēma perū dauruūgū na wūxi i taāē na yīxūcēx i ngēma norū puracū rū tama wūxi i norū guxchaxū na yīxūcēx. Erū ngēxguma chi worū i norū guxchaxū yixīgu i ngēma norū puracū na pexna nadauxū, rū pema rū chi taxūma i mexū nawa peyaxu i ngēma norū puracū.

18 Rū name i toxcēx peyumūxēgū. Erū tođēwa nūxū tacuēx na aixcūma meā tayanguxēēxū i ngēma puracū i Tupana toxna āxū rū tanaxwēxe na gūxūguma ngēmaācū tanaxūxū.

19 Rū ngēma guxūlārū yexera pexna naxcēx chaçaxū nixī na peyumūxēgūxū na Tupana paxa pexcēx choxū taeguxēēxūcēx.

Yema duūxūgūxū narūmoxē rū naxcēx ínaca na Tupana nūxū rūngūxēēxū

20-21 Rū űuxma chanaxwēxe i poraācū pexū narūngūxēē ya Tupana ya tórū taāexēēruū rū tórū ngūxmūxēēruū ixīcū. Rū nūma nixī ga yuwa ínadxēēāxū ga tórū Cori ya Ngechuchu ya Cristu ya guxūma i yaxōgūxūlārū dauruū ya guxāārū yexera ixīcū. Rū űuxma na curuchagu taxcēx nabaāxū ga guma nagū ga tūxū nūxū cuēxēēcū na űuxācū guxūguma tūxū nangechaūxū ya Tupana, rū chanaxwēxe na nūma ya Tupana pexū yamexēēgūxū rū pexū nangūxēēxū na aixcūma guxūma i perū maxūwa pimexūcēx. Rū ngēxgumarūū ta chanaxwēxe na Ngechuchu ya Cristuwa tūxū nangūxēēxūcēx ya Tupana na nūma nanaxwēxexūācūma ixīgūxūcēx. Rū űuxma tanaxwēxe i guxūguma yima Cristuxū ticuēxūgū. Rū ngēmaācū yīi.

22 Pa Chaueneēgūx, pexū chacēēxū na yaxna namaā pexīnūēxū i űāā noxretama i ore i pexū namaā chataāēxēēxū rū pexū namaā chaxucuxēxū.

23 Rū chanaxwēxe na nūxū pecuāxū rū taeneē ya Timutéu rū marū ínanguxuchi ga na napoxcuxū. Rū ngēxguma paxa nuā chauxūtawa nanguxgu, rū tá ngēma petanūwa chanaga i ngēxguma pexū íchayadēuxgu.

24 ¡Rū nūxū perūmoxēgū i guxūma i ngēma perū dauruūgū i pemaā icuāxū! ¡Rū ngēxgumarūū ta nūxū perūmoxēgū i guxūma i togū i taeneēgū i yaxōgūxū! Rū taeneēgū i Itáriaanewa ngēxmagūxū rū ta pexū narūmoxēgū.

25 ¡Rū Tupana poraācū pexū rūngūxēēx i guxāma i pemax! Rū ngēmaācū yīi. Rū nuāma pexna.

TUPANAARŪ ORE GA CHAŪTIÁGU ŪMATŪXŪ

Chaŭtiágu nūxŭ narūmoxē ga natanūxŭgū ga Yudiugū ga yaxōgūxŭ

¹ Pa Chautanūxŭgū i Yudiugū i Ngechuchuaŭxŭ Yaxōgūxŭ i Guxŭ i Nañnewa Ngēxmagūxŭx, choma i Chaŭtiágu pexŭ charūmoxē. Rū choma nixŭ i Tanatū ya Tupana rū tōrū Cori ya Ngechuchu ya Cristuaŭxŭ chapuracūxŭ.

Ngēma cuèx i aixcūma Tupanawa ne ūxŭchiga

² Pa Chaueneēgū i Yaxōgūxŭx, name nixŭ na petaāēgūxŭ i ngēxguma nagūxŭraŭxŭ i guxchaxŭgū pexcèx ínguxgu.

³ Erū pema nūxŭ pecuèx rū ngēxguma meā peyaxōgūamagu ega woo ŭacū rū guxchaxŭ pexŭ ūpetūgu rū wūxi i mexŭ nixŭ i ngēma. Erū ngēmaācū nixŭ ya Tupana i pexŭ naporaexēēxŭ na yexeraācū meā nūxŭ peyaxōgūxŭcèx.

⁴ Rū name nixŭ na peporaexŭ na aixcūma Tupanapēxewa pimexŭcèx, rū naxcēicatama pemaxēxŭcèx, rū taxuwama nachixexŭcèx i perū maxŭ.

⁵ Ngēxguma chí wūxie i petanūwa tama meā nūxŭ cuèxgu na ŭacū tūxŭ nanaxwēxexŭ ya Tupana, rū name nixŭ i nūxna naxcèx taca i cuèx, rū nūma tá guxŭma i norū ngūchaŭmaā tūxna nanaxā. Erū Tupana meāma guxŭ i duŭxŭgūna nanaxā i cuèx, rū tama nayanuxŭ, rū taxŭxŭma nanga.

⁶ Natūrū ngēxguma naxcèx ítacaxgu rū tanaxwēxe na aixcūma tayaxōxŭ rū tá na tanayaxuxŭ i ngēma naxcèx ítaçaxŭ. Rū tama name na nagu tarūxŭnūxŭ rū tātūta ma tanayaxuxŭ. Erū yíxema tama meā yaxōxē, rū űoma taxtūarū yuape i buancūmaā guxŭwama cuexŭrūŭ tixŭ i tūmaārū maxŭŭwa.

⁷⁻⁸ Rū yíxema duŭxē ya űuxma meā yaxōxē rū moxŭ rū tama meā yaxōxē, rū taxucūrūwama nagu tarūxŭnū na ŭacū Tupanaxŭtawa tayaxuxŭ. Erū yíxema duŭxē ya ngēmaācū yaxōxē, rū tūmaārū maxŭŭwa rū tama aixcūma wūxigutama tarūxŭnū.

⁹ Rū yíxema yaxōxē ya tama muārū dīeruāxē, rū name nixŭ i tataāē erū Tupanaxācū tixŭ rū tūmamaā nataāē.

¹⁰ Rū yíxema yaxōxē ya muārū dīeruāxē rū name nixŭ i tataāēāma ega woo wūxi i ngunexŭ tūxŭ natauxgu i tūmaārū dīeru. Erū ngēma dīeruāxŭ i duŭxŭgū, rū űoma putŭrachacurūŭ tama natai.

¹¹ Rū ngēxguma nangunagūgu ya ūèxcū rū poraācū nanguxetūgu, rū narūñexē i ngēma putŭra rū narūngu i nachacu, rū ngēxma nagux na namexŭ. Rū ngēxgumarūŭ tá ta nayu i ngēma dīeruāxŭchixŭ rū ngēxma tá nayarūxo i norū guxŭma.

Tupana tūxŭ naxŭ, natūrū tama chixexŭgu tūxŭ nanguxēēxŭcèx

¹² Rū nataāē ya yima yatū ya meāma yaxōŭmacū i ngēxguma Tupana nūxŭ ūxgu. Erū ngēxguma ngēmaācū yaxna namaā naxŭnūāmagu, rū Tupana tá namaā nataāē rū tá nūxna nanaxā i norū āmare i mexŭ i taguma gūxŭ. Rū ngēma nixŭ i āmare i Tupana tūmamaā ixunetaxŭ ya yíxema nūxŭ ngechaŭgūxe.

¹³ Natūrū ngēxguma texe űnū i chixexŭ tūmacèx ínguxgu na chixexŭ taxŭxŭcèx rū tama name i nagu narūxŭnū na Tupana tūmaāēwa ínanguxēēxŭ i ngema űnū i chixexŭ. Erū ya Tupana rū taguma naāēwa nangu na chixexŭ naxŭxŭ, rū ngexgumarūxŭ ta taguma chixexŭ i űnū texeāēwa nanguxēē na chixexŭ taxŭxŭcèx.

¹⁴ Natūrū ngēma chixexŭ i tūmatama nagu tarūxŭnūxŭ nixŭ i chixexŭgu tūxŭ nguxēēxŭ.

15 Rū ngēma chixexū i tūmatama nagu tarūxīnūxū nixī i tūxū pecaduāxēxū. Rū ngēma pecadugagu tá nixī i dūxwa itayarūtaxuxū.

16 Pa Chaueneēgū ya Pexū Changechaūgūxex, tama name i pegūtama pewomūxēēgū.

17 Erū guxūma i ngēma aixcūma mexū i tūxū ngēxmaxū, rū naxūtawane naxū ya Tupana ya daxūgucū ga naxūcū ga ūēxcū rū tauemacū rū woramacurigū rū ēxtagū. Rū nūma rū guxūguma nanaxēixrūgumaraxū rū taguma naxūchicū.

18 Rū nūma nixī ga tūxna naxāāxū ga norū ore i aixcūma ixīxū na ngēmaācū tūxū nangēxmaxūcēx i maxū i taguma gūxū. Rū yemaācū nanaxū yerū nanaxwēxe na yixira nūxū na yaxōgūxū, rū yixcama i togū.

Nūxācū aixcūma Tupanaāxū tayaxō

19 Pa Chaueneēgū ya Pexū Changechaūgūxex, rū ngēxguma texé pemaā nūxū ixuxgu i Tupanaārū ore, rū name nixī i meā iperūxīnūē. Rū tama name i tūxū pechoxūgagū.

20 Erū ngēxguma nanuxgu i wūxi i duūxū, rū tama Tupanaārū ngūchaū naxū.

21 Rū ngēmacēx name nixī i nūxū perūxoe i guxūma i ngēma chixexūgū i guxūwama ngēxmagūxū. jRū meā penayaxu i ngēma ore i Tupana pexna āxū! Erū ngēmawa pexū nangēxma i maxū i taguma gūxū.

22 Rū tama name i iperūxīnūēmare i ngēma ore, natūrū name nixī i penaxū i ngēma pemaā nūxū yaxuxū. Erū ngēxguma iperūxīnūēmaregu rū tama penaxūxgu, rū pegūtama pewomūxēēgūmare.

23 Erū yīxema irūxīnūmarexe i Tupanaārū ore natūrū tama naxūxe i ngēma nūxū yaxuxū, rū wūxi i yatū i daucūwa nūgū dauchametūxūrū tixī.

24 Erū nūgū nadauchametū, natūrū ngēxguma yaxūgachigu rū marū nūxū inayarūngūma na nañuxchametūraūxū i noxrix.

25 Natūrū yīxema guxūguma meā nūxū daumatūxe rū naga īnūxē i ngēma ore i aixcūma ixīxū i pecaduwa tūxū īnguxuchixēēxū, rū Tupana rū tá aixcūma guxūwama tūxū narūngūxēē. Erū tama ngēma orexū taxīnūmare, natūrū tanaxū i ngēma tūmamaā nūxū yaxuxū.

26 Rū ngēxguma chi wūxie nagu rūxīnūgu na meāma Tupanaxū tacuáxū natūrū tama nūxna tadēuxgu ya tūmaārū conū i tūmaārū orewa, rū tūgūtama tawomūxēē, rū tama aixcūma Tupanaāxū tayaxō.

27 Natūrū ngēma nacūma i Tanatū ya Tupanapēxewa aixcūma ūūnēxū, rū ngēma nixī na nūxū tarūngūxēēxū i tacutagū rū yutegūxū rū tūgūna tadauxū na tama űoma i naāneārū chixexūgu taxūcuxū.

2

Name nixī i guxū i duūxūgūxū tangechaū

1 Pa Chaueneēgū, pema rū nūxū peyaxōgū ya tōrū Cori ya Ngechuchu ya Cristu ya mexēchicū. Rū ngēmacēx tama name na chixriācū penayaxuxū i űuxre i duūxūgū rū meā penayaxuxū i togū.

2 Rū ngēxguma chi perū ngutaquēxegu naxūcuxgu i wūxi i yatū i uirumaā aneraāxū rū mexchiruxū, rū ngēxgumarūū chi ta ngēxma naxūcuxgu i wūxi i yatū i ngearū diēruāxū rū wexachiruxū, rū name nixī i guxūxūma wūxigu meā peyaxu.

3 Natūrū tama name ega meā penayauxgu i ngēma mexchiruxū rū:

“¡Nuã mexũ i naxmëwëxewa rüto!” ñapegũxũ nüxũ, natürü ngëma wëxachiruxũxũ rü:

“¡Cuma rü ngëxmatama nachi, rü ëxna yea ñatüanewa rüto!” ñapegũxũ nüxũ.

4 Rũ ngëxguma tama wüxigu meã penayauxgu i ngëma taxre, rü pewatama nangox na tama aixcũma guxãxũ pengechaũgũxũ rü chixexũ i duũxũgũ pìxìgũxũ ega ngëmaãcũ chixri penayauxgu i duũxũgũ.

5 Pa Chaueneëgũ ya Pexũ Changechaũgũxex, ¡perüxínüë i ñãã ore! Tupana tüxũ nade ya yíxema ngearü dïëruãxgũxe i ñoma i naãnewa na meã nüxũ tayaxõgũxũcëx. Erü nanaxwëxe i tanayauxgũ i ngëma maxũ i taguma gũxũ i tümamaã inaxunetaxũ ya yíxema nüxũ ngechaũgũxe.

6 Natürü pema rü chixri penayaxu i ngëma duũxũgũ i ngearü dïëruãxgũxũ rü meã penayaxu i ngëma duũxũgũ i dïëruãxgũxũ. ¿Taux ëxna ngëma dïëruãxgũxũ yíxũ i ngëma chixri pemaã maxëxũ rü ãëxgacũgũxũtawa pexũ íyaxuaxũgũxũ?

7 Rũ ngëma dïëruãxgũxũ nixĩ i chixexũ namaã ixugüxëxũ ya Cristu ya perü Cori ya mexëchicü.

8 Tupanaãrũ orewa nangëxma i norü mu i guxũ i mugüarü yexeraxũ i ñaxũ: “¡Nüxũ nangechaũ i cumücü ngëma na cugütama cungechaũxürü!” ñaxũ. Rũ ngëxguma aixcũma naga pexínüëgu i ngëma mu, rü mexũ nixĩ i pexũxũ.

9 Natürü ngëxguma meã penayauxgu i wüxi i yatü i mexchiruxũ rü chixri penayauxgu i ngëma wëxachiruxũ, rü pecadu pexũ. Rũ Tupanapëxewa pechixexũgu erü tama naga pexínüë i ngëma pexũ namuxũ.

10 Erü ngëxguma chi texé naga ñnügu i guxũma i Tupanaãrũ mugü natürü chi wüxiwatama ítatüxgu na tama naga taxínüxũ, rü chi ñoma guxũma i Tupanaãrũ mugüga tama taxínüxũrũ tachixexũgu.

11 Erü nümatama ya Tupana ga ñacü:

“¡Tãütãma naĩ i nge i ätecũmaã cungeãë!” ñacü, rü ñanagürü ta:

“¡Tãütãma cumãëta!”

ñanagürü. Rũ ngëxguma chi tama naĩ i nge i ätecũmaã cungeãëxgu, natürü cumãëtagu, rü tama aixcũma meã naga cuxínü i ngëma Tupana tüxũ muxũ.

12 Rũ ngëmacëx name nixĩ na meã pidexagũxũ rü meã pemaxëxũ. Erü Tupana tá pexna naca i perü maxũchiga ngoxi Cristu pexũ muxũãcũma pemaxë rü ëxna tama. Rũ ngëma Cristu tüxũ muxũ nixĩ na yigü ingechaũgũxũ.

13 Erü guxãma ya yíxema tama tümamücügü tüxũ ngechaũtümüügũxe, rü Tupana rü tãütãma nüxũ tangechaũtümüügüãcũma tüxna naca i tümããrũ maxũchiga. Natürü yíxema tümamücügü tüxũ ngechaũtümüügũxe, rü tãütãma tamuüë i ngëxguma Tupana tüxna caxgu, erü nüxũ tangechaũtümüügüãcũma tá tüxna naca.

Ega aixcũma yaxõgũgu, rü tanaxwëxe i mexũ taxügu rü nüxũ tarüngũxëë i togü

14 Pa Chaueneëgũx, ¿Tacüwa namexũ ega wüxie:

“Choma rü Tupanaãxũ chayaxõ”, ñagügu, natürü tama mexũ taxüxgu? ¿Pëxcëx rü Tupana tá tüxũ maxëëxũ ega ngëmaãcũ tayaxõxgux?

15-16 Rũ ngëxguma chi wüxi i taeneë rü ëxna taeyëx i yaxõxũ rü nangexchirugu rü nangewemügu, rü chi wüxie i pema rü ñapegügu:

“¡Mexũ cuxũ üpetü, rü icüxcuchi na tama cuxũ nadeyuxũcëx, rü meã nachibü!” ñapegügu, rü ¿tacüwa name i ngëma ega tama nüxna penaxãxgu i ngëma nüxũ taxuxũ?

17 Rū ngēxguma yaxōmaregu natürü tama mexü ixüxgu, rü tama togüxü rüngüxēēgu, rü ꞥtacüwa namexü i ngēmaācü na yaxōxü?

18 Erü ngēxguma cuyaxōmaregu natürü tama mexü cuxüxgu, rü ngürüāchi tá wüxie ñatarügü cuxü:

“Cuma rü cuyaxōmare natürü taxuxüma i mexü cuxü Natürü choma rü chayxō rü naétü mexü chaxü. ꞥRü ñuxācü tá nüxü chacuáxü na cuyaxōxü ega tama mexü cuxüxgu? Natürü choma rü chorü ü i mexümaā tá cuxü chanawē na aixcüma chayaxōxü”, ñatarügü tá cuxü.

19 Cuma cuyaxō na nangēxmaxü ya wüxitama ya Tupana. Marü name. Natürü ngoxogü rü ta ngēmaācü nayaxōgü, rü poraācü niduxruxe erü Tupanaxü namuē.

20 Pa Yatü ya tama Meā Nagu Rūxñücüx, cuma rü tama nüxü cucuèx i ngēxguma cuyaxōmaregu rü tama mexü cuxüxgu, rü taxuwama name i ngēmaācü na cuyaxōxü.

21 Tupana nüxü ixuxgu rü nuxcümañcü ga tórü oxi ga Abráü rü wüxi ga yatü ga mecü nixí. Yerü mexü naxü rü Tupanaga naxñü ga yexguma namaā nüxü yaxuxgu na naxcèx yamáāxücèx ga nane ga Ichaá.

22 Rū ngēmawa nüxü tacuèx rü tama nayaxōmare ga Abráü, natürü mexü naxü ta. Rü yema naxüñwa tüxü nüxü nacuèxēē na aixcüma Tupanaāxü yaxōxü.

23 Rū yemaācü ningu ga yema ore ga ümatüxü ga ñaxü:

“Abráü rü Tupanaāxü nayaxō rü yemacèx Tupana nüxü nixu na mecü yñxü yerü nüxü nayaxō. Rü nüxü nixu ta na namücü yñxü ga Abráü”.

24 Rū ngēmawa nüxü tatau na Tupana namaā taāxü ya yima yatü ya mexü ücü rü tama yaxōmarecü.

25 Rū yemaācü ta ngīmaā nangupetü ga nuxcüma ga Raá. Rü Tupana ngīmaā nataāē yerü mexü ixü ga yexguma meā nayauxāgu ga ngīpatawa ga yema orearü ngeruñgü ga Yudíugü. Rū ngígagu namaxē ga yema orearü ngeruñgü yerü to ga namagu iyamugü ga yexguma norü uwanügü nadaixchañgu. Rü woo ga ngīma rü chixri na namaxüxü ga noxrix, natürü mexü ixü yerü iyaxō, rü yemacèx Tupana ngīmaā nataāē.

26 Rü wüxi i naxüñe rü taxuwama name rü nayumare ega natauxguma i naāē. Rū ngēxgumarüü ta nixí na taxuwama namexü na yaxōmarexü ega taxüma i mexü ixüxgux.

3

Tórü conüchiga

1 Pa Chaueneēgüx, tama name i muxēma i pema rü nguxēētaexüñgü pegü pixíñgüxēēchañ. Erü pema nüxü pecuèx na yixema i nguxēētaexüñgü na ixíñgüxü, rü guxü i duñüñgüarü yexera tá tüxna naca ya Tupana tórü maxüchiga rü tórü puracüchiga.

2 Guxāma i yixema rü muēxpüxcüna chixexü taxüe. Yima yatü ya taguma chixexüñü ixücü rü aixcüma mecü nixí, erü nüxü nacuèx na ñuxācü guxüñwama nügüna nadauxü na tama chixexü naxüñcèx.

3 Rū ngēma na taga naxññüñcèx i wüxi i cowaru, rü tanaxwèxe na naxütüñññguxü na ngēmaācü yixema inaxwèxexüñcüma meā iyaxüñcèx.

4 ¡Düçex nagu perüñññe ya wapurugü ya buanecüarü poramaā ixüññe! Rü woo nitaxüñi rü buanecü ya taxüñicümaā inicueñgü, natürü íracü ya quiyamaā nanatoxchinü i norü toxpèxerüñ, rü ngextá nüma ínanaxwèxexüñwa nanaxüñcè.

⁵⁻⁶ Rū ngēxgumarūū ta nixī ya tórū conū rū woo na naxírachiréxū, natūrū namuxūchi i norū ore. Rū wūxitama i ūxūarū yauraxū i íraxūwa inaxūgū na yaxaxū i taxūma i naāne. Rū tórū conū rū ñoma wūxi ya ūxūrūū nixī. Rū taxūnewa rū wūxi i taxū i chixexū nixī ya yima tórū conū erū nanachixexēē i guxūma i tórū maxū. Rū ngēma Tupana ngoxogūxū ípoxcuexūgune ya ūxūemawa ne naxū i ngēma chixexū i namaā yadexaxū ya tórū conū. Rū ngēma chixexūmaā nanachixexēē i guxūma i tórū maxū.

⁷ Duūxūgū rū nūxū nacuèx na íyapuxēēāxū rū nūxna nachogūxū i nagūxūraūxū i naēxūgū i idūraexū, rū werigū, rū āxtapegū, rū choxnigū.

⁸ Natūrū taxūema nūxū tacuèx na nūxna tachogūxū ya tūmaārū conū. Erū wūxi i chixexū i taxū i taxucūrūwama texé iyarūxoxēēxū nixī. Rū ngēma norū dexa rū ūūrūū tūxū nayuxēē.

⁹ Rū yima tórū conūmaā nūxū ticuèxūū ya Tanatū ya Tupana, rū yima-maātama chixexū namaā tixugūe ta i duūxūgū i Tupana nūgūācū ūxū.

¹⁰ Rū ngēma taēxmaā, rū meā duūxūgūchiga tidexagū, natūrū ngēmatama taēxmaā rū namaā taguxchigagū ta. Pa Chaueneēgūx, tama name na ngēmaācū yīxū.

¹¹ Wūxi i dexāarū chuxchuxūwatama rū taxuacūma ínaxūxū i dexá i mexū rū dexá i chixexū.

¹² Pa Chaueneēgūx, wūxi i iguera rū taxuacūma oríbuarū omaā naxo, rū wūxi i uba rū taxuacūma igueraarū omaā naxo. Rū ngēxgumarūū ta wūxi i dexāarū chuxchuxū i yucūrachiūxūwa, rū taxuacūma ínaxūxū i dexá i mexū.

Ngēma cuèx i aixcūma íxū

¹³ Ngēxguma chi petanūwa nangēxmagu i wūxi i duūxū i nūxū cuáxū rū meā naāēxū cuáxū, rū name nixī na meā namaxūxū rū mexū na naxūxū rū tama nūgū yacuèxūxū na ngēmaācū pexū nūxū nadauxēēxūcèx na aixcūma wūxi i duūxū i nūxū cuáxū yīxū.

¹⁴ Natūrū ngēxguma chi pixāūxāchiwèxegūgu rū togūchi pexaiegu rū norū yexera pegū pixīxēēchaūgu, rū taxuacūma pegūgu perūxīnūē na mexūgū rū nūxū cuèxgūxū pixīgūxū. Rū wūxi i dora i taxū nixī i ngēma ega ngēmaācū pixīgūgu.

¹⁵ Erū ngēma na íxāūxāchiwèxegūxū rū duūxūgūchi na íxaixū rū norū yexera yigū na íxīgūxēēchaūxū, rū tama Tupanawa ne naxū, natūrū ñoma i naānecūāxwa rū ngoxo i Chatanáwa nixī i ne naxūxū.

¹⁶ Erū ngextá āūxāchi ítaxūwa rū duūxūgū nūgū írūyexeraxēēchaūxūwa, rū ngema rū taxuūma meā inixū rū nagūxūraūxū i chixexū nangēxma.

¹⁷ Natūrū guxāma ya yíxema aixcūma tūxū nangēxmaxē i ngēma cuèx i Tupanawa ne ūxū, rū aixcūma meā tamaxē rū guxāmaā tamedūmagū, rū meā duūxēxū tayauxgū i tūmapatawa, rū meā ítarūxīnūē i tūmamūcūarū ucuxē, rū guxū i duūxūgū tūxū nangechaūtūmūūgū, rū guxāmaāma tūgū tawūxīgūxēēgū, rū tixaixcūmagū, rū mexū taxūgū.

¹⁸ Rū yíxema naxcèx daugūxe na duūxūgū nūgūmaā irūngūxmūēxū, rū wūxi i mexū taxūgū. Erū ngēmawa tá nūxū tadaugū na aixcūma meā Tupanacèx namaxēxū i ngēma duūxūgū.

4

Duūxūgū i ñoma i naāneārū ngūchaūcèx daugūxūchiga

¹ ¿Tūxcūū pegūmaā penuē rū pegū pedai? Pegūmaā penuē erū pexū nangēxma i ngēma perū ngūchaūgū i chixexūgū.

² Pema pexũ nangúchaũ i ngẽma pexũ taxuxũ natürũ taxuacũma pexũ nanguxũ, rü ngẽmacẽx peyamẽx i togũ. Rũ norũ ngẽmaxũcẽx pixãũxãchie natürũ taxuacũma pexũ nanguxũlega, rü ngẽmacẽx pegũmaã penuẽ, rü pegũ pedai. Rũ tama penayauxgũ i ngẽma penaxwẽxexũ erũ tama Tupanana naxcẽx peca.

³ Rũ ngẽxguma naxcẽx ípexaxgu, rü tama penayaxu, erũ naxcẽx ípeca i ngẽma tama Tupana pexũ naxwẽxexũ. Rũ ngẽma pematama penaxwẽxexũ nixĩ i naxcẽx ípexaxũ na namaã pegũtama petaãẽxẽmarexũcẽx.

⁴ Pa Duũxũgũ i Chixri Maxẽxũx, ¿Tama ẽxna nüxũ pecuẽx rü ngẽxguma ñoma i naãnexũ pengechaũgu rü Tupanamaã perũxuanũxũ? Erũ texẽ ya ñoma i naãnexũ ngechaũxẽ rü Tupanamaã tarũxuanũ.

⁵ Rũ tama natũcẽxma nixĩ i ngẽma Tupanaãrũ ore i ñaxũ:

“Ngẽma Naãẽ i Üünexũ i Tupana tũxna muxũ rü tũxũ ninuxũ erũ noxrũ tixĩ rü tũxũ nangechaũ”,
ñaxũ.

⁶ Natürũ Tupana rü tũxũ narũngũxẽẽ na namaã iporaexũcẽx i guxũma i ñoma i naãneãrũ ngúchaũ i chixexũ. Rũ ngẽmacẽx norũ orewa rü ñanagürũ:

“Tupana rü tũmamaã nanu ya yíxema tũgũ icuẽxũxũgũxe, natürũ tũxũ narũngũxẽẽ ya yíxema tama tũgũ icuẽxũxũgũxe”,
ñanagürũ.

⁷ Pa Chaueneẽgũx, ¡Meã Tupanaga pexĩnũe! ¡Rũ nüxũ pexoó i ngoxo i Chataná! Rũ nüma rü tá pexna niña.

⁸ ¡Tupanana pengaicamagũ! Rũ nüma rü tá ta pexna nangaicama. Rũ pemax, Pa Pecaduãxgũxũx, ¡nüxũ perũxoe i pecũma i chixexũ! Rũ pemax, i Tupanawe rüxĩxchaũxẽ natürũ ñoma i naãnewe rü ta rüxĩxchaũxẽ, ¡penamexẽẽx i perũ maxũ na Tupanacẽxicatama pemaxẽxũcẽx!

⁹ ¡Pegũmaã pengechaũgu rü pexauxe erũ pipecaduãx! Rũ texẽ ya ñoma i naãneãrũ taãẽwa cugũxe, rü name nixĩ i tũgũmaã taxauxe. Rũ texẽ ya tũmacũma i chixexũmaã taãxexẽ, rü name nixĩ i Tupanapẽxewa tũgũmaã tangechaũ.

¹⁰ Rũ name nixĩ i Cori ya Tupanapẽxegu pecaxãpũxũgũ rü namaã nüxũ pixu na taxuwama pimexũ. Rũ ngẽxguma i nüma rü tá pexũ nicuẽxũũ rü pexũ nataxẽẽ.

Tama name i chixexũgu cueneẽmaã curũxĩnũ

¹¹ Pa Chaueneẽgũx, ¡Tãxũ i chixexũmaã pegũ pixugũxũ! Erũ yíxema chixexũmaã tũmaẽneẽchigagu idexáxe rü ẽxna chixexũmaã nüxũ dawenũxẽ, rü chixe nüxũ tawogũ ta i Tupanaãrũ ore. Rũ ngẽxguma chixexũgu Tupanaãrũ oremaã curũxĩnũgu, rü Tupanaãrũ orearũ yexera cugũ quixĩxẽẽchaũ erũ tama aixcũma naga cuxĩnũ.

¹² Tupanaxĩcatama nixĩ ya tũxna naxãcü i norũ mugũ rü ñũxũchi tá tũxna cacũ rü ngoxi naga ixĩnũe i ngẽma norũ ore. Rũ nümatama nixĩ i nüxũ nangẽxmaxũ i pora na tũxũ namaxẽxẽẽxũ rü ẽxna tũxũ nayuexẽẽxũ. ¿Natürũ texẽ quixũ i cumax rü ngẽmacẽx cunangugũxũ na ñuxãcü namaxũxũ i cumũcü?

Taxũema nüxũ tacuẽx na tacũ tá tũxũ ngupetũxũ i moxũãrũ ngunexũgu

¹³ ¡Choxũ iperũxĩnũe i pema na ñapegũgũxũ!

“Ñũxma rü ẽxna moxũ tá ná i ya ñãnewa taxĩ, rü wũxi ya taunecũ tá ngẽxma tayayaxu, rü tá ngẽma tataxegũ na mucũ i diẽru ngĩxũ iyaxuxũcẽx”,
ñaperũgũgũ!

¹⁴ Pema rü tama nüxü pecuèx na tacü tá pexü üpetüxü i moxü. ¿Tacü nixi i perü maxü? Perü maxü rü ñoma wüxi i cherena i paxaächi nüxü idaüxü rü ngëxgumatama ngupetüxürüü tá inayarüxo.

¹⁵ Rü narümemaë nixi na ñapegüxü:

“Ngëxguma chi nanaxwëxegu ya Cori ya Tupana na imaxëxü, rü chi tanaxü i ñaã puracü i nagu rüxîñüëxü”, ñapegüxü.

¹⁶ Natürü i pema rü pegü picuëxüüügüchaü. Rü guxüma i ngëma rü tama name.

¹⁷ Yixema nüxü cuáxe na ñuxácü Tupanapëxewa meã tamaxüxü, natürü tama naxúxe, rü pecadu taxü.

5

Ucuxë i diëruãxgüxüxcë

¹ Pa Duüxüügü i Diëruãxgüxüx, ¡perüxîñüë i ñaã ore! ¡Pexauxe rü aita pexüerü chixëxü tá pexü naxüpetü!

² Perü ngëmaxüügü rü marü nangaue, rü ngëma pexchiru i mexëchixü rü nawe nanangómü.

³ Perü uiru rü perü diëru rü ngëxma naxäütanü rü ngëxma nangaue. Rü ngëma norü äütanü rü wüxi i perü cuëxruü tá nixi na pema rü tá ta ipeyarütauxëxü ñoma tacü üxüwa ixaxürüü. Tupana ngixü nadau i perü diëru i ngïmaã penguüxcü, rü ngëmacëx tá pexü napoxcu i naãneärü guxgu.

⁴ Rü yema perü puracütanüxü ga tama meã nüxü penaxütanüxü, rü ñuxma rü ngixcëx nidexagü ga yema diëru ga tama nüxna ngixü pexácü. Rü Tupana ya guxäärü Cori rü ngëma duüxüügüxü naxîñü na ngixcëx yadexagüxü ga yema diëru ga nüxü ngixü pengëtanücü ga peanewa na napuracüëxüxcëx.

⁵ Rü ñoma i naãnewa rü pegü pengëxãëgü rü pemepata rü pemuärü ngëmaxüãxgü rü petaãëgü rü meã pechibüë. Natürü nawa tá nangu na ngëmacëx Tupana tá pexü poxcuëxü.

⁶ Rü pema penapoxcue rü penadai i ngëma duüxüügü i taxuüma i chixëxü pemaã üchirëxü. Rü nümagü rü pexü narüturamaëgü, rü taxuacüma nügü inapoxüügü.

Tanaxwëxe i tayümüxë rü meã ítananguxëë ya Cori ya Tupana

⁷ Rü ñuxma Pa Chaueneëgüx, rü name nixi i meã ípenanguxëë ñuxmatata ínangu ya Cori ya Tupana. Rü dücac, yixema naãnewa puracüxe rü meã ítananguxëë ya pucü na naxügüxüxcëx i tümanetü. Rü ñuxüchi ñuxre ya tauemacü ítananguxëë na nayaxü i tümanetüarü o, rü ngëxguma rü tá tayabuxgü.

⁸ Rü pema rü ta penaxwëxe na meã ípenanguxëëxü na ínanguxü ya Cori ya Tupana. ¡Rü petaãëgü, rü táxü i nüxü perüçhauëxü na ípenanguxëëxü! Erü marü ñingaica na ínanguxü ya tórü Cori.

⁹ Pa Chaueneëgüx, name nixi i nüxü perüxoe na pegüchigaxü pixuechaü na tama ngëmacëx pexna naçaxüxcëx ya Tupana. Erü marü ñingaica na ínanguxü na duüxüügüxü yacagüxüxcëx i norü maxüchiga.

¹⁰ Pa Chaueneëgüx, name nixi i nüxna pecuëxächie ga yema nuxcümaüügüxü ga Tupanaärü orearü uruügü ga na ñuxácü yaxna namaã naxîñüëxü ga yexguma ngüxü yangegü. Rü name nixi i pema rü ta ngëxgumarüü yaxna namaã pexîñüëãma rü Tupanacëx pemaxëãma ega ngüxü pingëgügu.

¹¹ Rü yixema nüxü tacuëx na nataãëgüxü ga yema duüxüügü ga meã Tupanacëx maxëãmaxü ga yexguma ngüxü nüxü üpetügu. Rü pema nüxü

pecuèx ga ñuxãcü meã namaxama ga guma Yox ga yexguma ngúxü nüxü üpetügu. Rü nüxü pecuèx ga yixcama ga na ñuxãcü tórü Cori ya Tupana poraãcü nüxü rüngüxëèxü. Erü nüma ya tórü Cori ya Tupana rü namecümáxüchi rü poraãcü nüxü tangechaütümüügü.

¹² Rü guxüãrü yexera, Pa Chaueneëgüx, rü ngëxguma ñacücèx ipexunetagu, rü tama name i Tupanaegagu ipexuneta, rü éxna ñoma i naãneegagu ipexuneta, rü éxna ñacü i to i naegagu ipexuneta. Natürü ngëxguma aixcüma yixügu i wüxi i ore ;rü noxtacüma: “Ngü” ñapegü! Rü ngëxguma tama aixcüma yixügu i wüxi i ore ;rü noxtacüma: “Tama” ñapegü! Rü ngëxguma ya Tupana rü tãütãma pexü napoxcue naxcèx i ngëma perü uneta.

¹³ Rü ngëxguma wüxie i petanüwa naxixãchiãëgu, rü name nixü na tayumüxëxü. Rü ngëxguma wüxie taãëgu, rü name nixü na tawiyaexü rü Tupanaxü ticuèxüüxü.

¹⁴ Rü ngëxguma wüxie i petanüwa idaawexgu, rü name nixü i naxcèx peyaca i yaxögüxüãrü äëxgacügü na tümacèx nayumüxëgüxüçèx rü Cori ya Tupanaegagu chixümaã tüxü yangögügüxüçèx.

¹⁵ Rü ngëxguma aixcüma Tupanaãxü yaxögüãcüma nayumüxëgügu, rü tá tümacèx nitaane, rü nüma ya Cori ya Tupana tá tüxü ñnarüdaxëë nawa i tümããrü daawe. Rü ngëxguma chi ñacü rü pecadu taxüxgu, rü Tupana tá tüxü nüxü nangechaü.

¹⁶ Rü ngëmacèx name nixü i pegümaã nüxü pixu i perü pecadugü rü pegücèx peyumüxëgü i wüxiechigü na pexcèx yataanegüxüçèx. Rü yima mecü ya yatüãrü yumüxë rü aixcüma napora erü Tupana nanangãxü.

¹⁷ Tupanaãrü orearü uruü ga Ería nixü ga wüxi ga yatü ga taxrüü ixücü. Natürü yexguma nüma guxü ga norü ngüchaümaã nayumüxëgu na tama napuxüçèx, rü tomaëxpüx ga taunecüãrü ngãxügu rü tama napu ga yema naãnewa.

¹⁸ Natürü yemawena rü wenaxãrü nayumüxë ga Ería rü pucücèx ñnaca. Rü wenaxãrü napu. Rü narüxü ga guxüma ga nanetügü.

¹⁹ Pa Chaueneëgüx, ngëxguma chi texé petanüwa Tupanana ixügachigu, rü tangëxmagu ya wüxie ya tüxü taeguxëëxë na wenaxãrü Tupanawe tarüxüçèx, rü mexü taxü.

²⁰ Erü ngëxguma texé Tupanacèx nataeguxëëgu i wüxi i duüxü nüxna i norü chixexü, rü tümagagu Tupana tá nanamaxëë i ngëma duüxü, rü tá nüxü nüxü nangechaü i norü pecadugü.

Rü nuãma pexna,
Chaütüágu

NÜXĨRAÜXÜ GA POPERA GA PEDRU ÜMATÜXÜ

Pedru nüxü narümoxë ga yema yaxögüxü ga to ga nachiiänegu woonexü

¹ Pa Chaueneëgüx, choma i Pedru nixi i pexcëx chanaxümatüxü i ñaã popera. Rü choma nixi i Ngechuchu ya Cristu choxü muxü na duixügümaã nüxü chixuxüçëx i norü ore. Rü pexcëx chanaxümatü i pema na perü naãnena to i nachiiänegü penawoonexü i Pötuanewa rü Gárataanewa rü Capadochiaanewa rü Áchiaanewa rü Bitíniãñewa ngëxmagüxe.

² Rü pexü nixi ga nadexü ga Tanatü ya Tupana, yerü woetama yema nixi ga nuxcümáxüchima nagu naxĩnüxü. Rü nanamu ga Naãë i Üünexü na pexü yamexëëgüxüçëx na aixcüma napëxewa pixüünegüxüçëx rü Ngechuchu ya Cristuga na pexĩnüxüçëx rü nagümaã na piyauxgüxüçëx na nataxuxüçëx i perü chixexügü. Rü chanaxwëxe i Tanatü ya Tupana poraãcü pexü narüngüxëë rü pexü nataãëxëë.

Ítananguxëë na wena tá imaxëxü

³ Rü ngĩxã nüxü ticuëxüügü ya Tupana ya tórü Cori ya Ngechuchu ya Cristu Nanatü! Yerü yexguma Ngechuchu ya Cristuxü wena namaxëëgu, rü tüxna nanaxã ga maxü ga yexwacaxüxü, yerü poraãcü nüxü tangechaütümügü. Rü ngëmacëx i ñuxma i yixema rü ta ítananguxëë na wena tá imaxëxü.

⁴ Rü pema rü wüxi i ngunexügu rü aixcüma tá penayauxgü i guxüma i ngëma mexügu i Tupana tá pexna äxü i ñuxma daxüguxü i naãnegu pexü namaã nanguxüxü. Rü ngëma tá pexna naxãxü rü tagutáma inayarüxo, rü tagutáma naxãüãchi, rü tagutáma nangau.

⁵ Rü ñuxma na Tupanaãxü peyaxögüxü rü nüma rü norü poramaã tá pexna nadau ñuxmatáta aixcüma penayauxgü i ngëma maxü i taguma gúxü i tá pexna naxãxü i ngëxguma naguxgu i naãne.

⁶ Rü ngëmacëx name nixi i poraãcü petaãëgü, rü nüetama nixi ega woo ñuxma ñaã perü maxüwa rü paxaxãchi muxüma i guxchaxügu pexü üpetügu.

⁷ Erü ngëmaãcü nixi i pexü naxüxü ya Tupana na nüxü nacuáxüçëx rü ngoxi aixcüma peyaxögü rü éxna tama. Rü ngëxguma peyaxögüamagu ega woo guxchaxügu pexcëx inguxgu, rü ngëma perü õ rü wüxi i uiruarü yexera nixi na namexü erü ngëma uiru rü woo namexëchi natürü düxwa nangau. Rü ngëma uiru rü üxümaã nüxü taxü na nüxü icuáxüçëx rü ngoxi aixcüma uiruxüchi yĩxü. Rü ngëxgumarü ta nixi i perü õ na guxchaxügümaã Tupana nüxü üxü na nüxü nacuáxüçëx rü ngoxi aixcüma nüxü peyaxögü na yixcama pexü yacuëxüxüçëx rü mexü i pëchica pexna naxãxüçëx rü pemaã nataãëxüçëx i ngëxguma wena núma naxüxgu ya Ngechuchu ya Cristu.

⁸⁻⁹ Pema rü Ngechuchu ya Cristuxü pengechaügü woo taguma nüxü na pedaugüxü. Rü ñuxma rü ta woo tama nüxü pedaugü, natürü nüxü peyaxögü, rü poraãcü petaãëgü. Rü ngëma perü taãëmaã rü taxuacüma nüxü pixuéga na ñuxãcü petaãëgüxüchixü, erü marü penayauxgü i perü maxü i taguma gúxü. Rü ngëmacëx nixi i nüxü peyaxögüxü.

¹⁰ Rü nuxcümáxüchima ga Tupanaãrü orearü uruügü, rü nüxü nixugüe ga na ñuxãcü tá Tupana pexü narüngüxëëxü. Rü nümagü rü poraãcü nangúe rü naxcëx nadaugü i ngëma maxü i taguma gúxü.

11 Rū nūmagū ga yema orearū uruūgū rū Tupanaārū poperawa nangúe na nūxū nacuèxgūxcèx na ñuxácū tá na yīxū rū ñuxguacū tá na nangóxū ga guma Maxèxēēruū ga Cristu. Rū Cristuāē i Ūūnexū ga yema orearū uruūgūwa yexmaxū, rū nūxū nūxū nacuèxēē ga na Cristu rū tá ngūxū yangexū rū tá nayuxū rū yixcama rū wena tá na namaxūxū rū ñuxūchi daxūguxū i naānewa tá na naxūxū na guxūārū āēxgacū yīxūxcèx.

12 Natūrū Tupana rū yema nuxcūmaūgūxū ga orearū uruūgūxū nūxū nacuèxēē na tāūtáma nūmagū nūxū nadaugūxū ga guma Maxèxēēruū ga naxcèx nadaugūcū, natūrū pema tá yīxū na nūxū pedaugūxū. Rū dūcax, Pa Chaueneēgūx, gumatama Maxèxēēruūchiga nixī ga perū orearū uruūgū pemañ nūxū ixugūgūxū ga yexguma Tupanaāē i Ūūnexū ga daxūwa ne muxū yadexagūxēēgu. Rū guxūma i ngēma ore i yima Maxèxēēruūchiga, rū woo Tupanaārū orearū ngeruūgū i daxūcūāx rū nūxū nangūchaūgū na yexeraācū nūxū nacuèxgūxū.

Tupana rū taxcèx naca na napèxewa naxūūnexūxcèx i tóru maxū

13 Rū ñuxma na Cristuarū duūxūgū pixīgūxū, rū penaxwèxe na pexuāēgūxū rū ípememarexū na penaxūxū i norū ngūchaū. Rū name nixī i aixcūma meā ípenanguxēē i guxūma i ngēma mexūgū i Tupana tá pexna āxū i ngēxguma Ngechuchu ya Cristu nūma ūxgu.

14 Rū ñuxma na Tupanaxācūgū pixīgūxū, rū penaxwèxe na aixcūma naga pexīnūxū. Rū tama name i nagu pexī ga yema nuxcūmaūxū ga perū ngūchaū ga ūpa nagu pexīxū ga yexguma tauta Tupanaxū pecuēxgu.

15 Natūrū penaxwèxe i aixcūma meā pemaxē na Tupanapèxewa naxūūnexūxcèx i perū maxū. Erū nūma ya Tupana ya pexū decū, rū naxūūne.

16 Rū norū ore i ūmatūxūwa rū ñanagūrū:
 “Chanaxwèxe i chauxrūū pixūūne, erū choma rū chaxūūne”,
 ñanagūrū.

17 Rū pema na “Pa Tonatūx” ñapegūxū nūxū ya Tupana, rū ñuxma na ñoma i naānewa pemaxēxū rū name nixī i guxūguma nūxū pemuūē. Erū nūma rū aixcūmaxūchi nanangugū i wūxichigū i duūxūgūarū maxū na ñuxácū yīxū. Rū tūxū napoxcu ya guxāma ya texé ya chixexū ūgūxe, rū nūētama nixī ega woo texé tixūgū, erū napèxewa rū nawūxigumare i guxūma i duūxūgū.

18-19 Rū Tupana rū marū pexū ínanguxūxēē nawa ga yema nuxcūmaūxū ga perū maxū ga taxuwama mexū ga perū oxīgūxūtawa peyaxuxū. Rū yema na nawa pexū ínanguxūxēēxūcèx rū pexna naxāāxūcèx i maxū i ngezwacaxūxū, rū poraācū nūxū naxātanū. Yerū tama uiru rū éxna dīēru i ngauxwèxexūmaā nanaxūtanū, natūrū Cristugū ya mexēchicūmaā nixī ga naxūtanūāxū. Yerū nūma ga Cristu rū ñoma wūxi i carneru i taxuwama nañuxraūxū i Tupanacèx imāxūrūū pexcèx nayu na pexū naxūtanūxūcèx.

20 Rū nūma ga Tupana rū woetama nuxcūmaxūchima tauta naāne ixūgūgu, rū marū Cristuxū naxuneta na pexcèx nayuxūcèx. Natūrū ñomaūcūū nixī ga nangóxū ga guma Cristu na pexū nangūxēēxūcèx.

21 Rū ñuxma rū Cristugagu nixī i nūxū peyaxōgūxū ya Tupana ga yuwa Cristuxū írudaxēēcū rū daxūwa nagacū. Rū ngēmacèx nixī i ñuxma i Tupanaāxū peyaxōgūxū rū ípenanguxēēgūxū na daxūwa pexū nagagūxūcèx.

22 Rū ñuxma na naga pexīnūxū i Tupanaārū ore i aixcūma ixīxū rū pexū natauxcha na pegū pengechaūgūxū erū Tupana rū marū pexū inayanaxoxēē i perū chixexūgū. Rū ngēmacèx penaxwèxe i aixcūma guxū i perū ngūchaūmaā pegū pengechaūgū.

23 Rū ñuxma i pema rü marü penayauxgü i ngexwacaxüxü i perü maxü. Rū ngëmacëx ñoma ngexwacëx pebuexürüü pixigü. Natürü ngëma maxü rü tama penatü rü pee ya yuewëxëxewa nixi i penayaxuxü. Natürü Tupanaärü ore i maxüxü i taguma iyarüxoxüwa nixi i penayaxuxü.

24 Erü Tupanaärü ore i ümatüxüwa rü ñanagürü:

“Guxüma i duüxügü rü ñoma wüxi i natüanerüümare nixi. Rū guxüma i norü mexü, rü wüxi i nanetüchacurüümare nixi. Rū ngëma natüane rü nayu, rü nachacu rü narüngu. Rū ngëxgumarüü ta nixi i duüxügü na tama nataixü i norü maxü i ñoma i nañewa.

25 Natürü törü Coriarü ore rü taguma inayarüxo”, ñanagürü i Tupanaärü orewa. Rū ngëma Tupanaärü ore i mexü nixi ga pemaã nüxü yaxugüxü.

2

1 Rū ngëmacëx name nixi i nüxü perüxoe i guxüma i chixexügü, rü ngëma na pidoratëexgüxü, rü ngëma na togüpëxewa meã na pemaxënetaxü rü ngëma na pixäüxächiwëxegüxü, rü ngëma na pexoregütëexgüxü.

2-3 Rū ngëxguma chi aixcüma nüxü picüëxächitanügu na ñuxäcü namecümaxüchixü ya törü Cori, rü ñoma wüxi i õxchana i ngexwacëx buxü i naëgünenixü nüxü ngüchaüxürüü penaxwëxe i poraäcü pexü nangüchaü i norü ore na ngëmawa peporaexüçëx rü meã peyaexüçëx i perü õwa na ngëmaäcü guxüwama namexüçëx i perü maxü i taguma güxü.

Cristu nixi ya nuta ya maxücü

4 Rū ñuxma rü name nixi i törü Corina pengaicamagü. Erü nüma ya törü Cori nixi ya yima nuta ya maxücü ya Tupana nayaxucü na namaã inaxügüxüçëx ya napata. Rū woo duüxügü nüxü oexü, natürü yima nixi ya Tupana nayaxucü erü naxcëx rü namexëchi.

5 Rū ngëxgumarüü ta i pemax, rü Tupana pexü nade na napataarü nutagü ya maxëcü pixigüxüçëx. Rū pema nixi i Tupanaärü ngüxëëruügü i üünexü i Ngechuchu ya Cristuégagu Tupanana ämare pexägüxü. Rū ngëma ämare i nüxna pexägüxü i namaã nataäxü rü ngëma nixi i perü maxü i mexü i napëxewa.

6 Rū Tupana rü norü ore i ümatüxüwa rü Cristuchigaxü nixu rü ñanagürü: “Ñuxma na ichanaxügüxü ya chopata, rü yima nuta ya nüxira chayaxüchicü, rü yima nixi ya nuta ya mexëchicü ya chomatama chanayaxucü na chopata namaã ichaxügüxüçëx. Rū yima nuta rü chaunchiga nixi. Rū yixema nüxü yaxõxë, rü aixcüma tá tanayaxu i ngëma maxü i taguma güxü i tümamaã ichaxunetaxü”, ñanagürü.

7 Rū pema na nüxü peyaxögüxü, rü Cristu rü pexcëx rü guxüwama name rü naporaxüchi. Natürü ngëma tama yaxögüxüçëx, rü taxuwama name. Rū ngëmacëx ya Tupana rü norü ore i ümatüxüwa rü ñanagürü:

“Yima nuta ya ipataarü üruügü nüxü ocü, rü chauxcëx rü gucü ya nutaarü yexera namexëchi. Rū ngëmacëx yimaetüwa nixi ichanaxügüxü ya chopata”, ñanagürü.

8 Rū Tupanaärü ore rü ñanagürü ta:

“Guxüma i ngëma tama yaxögüxü rü tama irüxñüëchaüxü rü yima nutagu tá nayarüpcutügü”,

ñanagürü. Rü ngēmaācü i guxūma i ngēma tama yaxōgūxū rü tá chixexūgu nayi erü tama Tupanaga naxīnūēchaū rü tama Cristuaxū nayaxōgūchaū. Rü ngēmacēx Tupana tá nanapoxcue yema nūma nūxū yaxuxūrū.

⁹ Natürü pema nixī i duūxūgü i tōrū āēxgacū ya Tupana pexū dexū na norü ngūxēerūgü pixīgūxūcēx. Rü pema nixī i duūxūgü i napēxewa ixūūnexū erü nūmatama ya Tupana rü norü duūxūgūxū pexū nixīgūxēē na nūxū pixuxūcēx i norü ore i aixcūma mexēchixū. Rü nūmatama ya Tupana nixī ga chixexūwa pexū ínguxūxēēxū na norü ngōonexū i mexēchixūgu pechocuxūcēx.

¹⁰ Rü ūpa ga pema rü tama Tupanaārū duūxūgü pixīgü, natürü i ñuxma rü aixcūma norü duūxūgü pixīgü. Rü ūpa rü taxūeaxūma pengechaūtümūgü, natürü i ñuxma rü Tupanaāxū pengechaūtümūgü.

Ñuxma na Tupanaārū duūxūgü pixīgūxū, rü name nixī i meā naxcēx pemaxē

¹¹ Pa Chaueneēgü ya Pexū Changechaūgūxex, rü ñuxma na Tupanaārū duūxūgü pixīgūxū, rü tama ñoma i naānecūāx pixīgü. Rü ngēmacēx pexū chacēēxū na nūxū perūxoexūcēx i guxūma i ngēma ngūchaūgü i chixexū i ñoma i naānecūāx nagu íxū. Erü ngēma ngūchaūgü i chixexū rü taāēxū chixexūgu nanguxēēchaū.

¹² Rü name nixī i meā pemaxē napēxewa i ngēma duūxūgü i tama Tupanaxū cuēxgūxū. Rü ngēxguma woo poraācü chixri pechiga yadexagūgu i nūmagü, rü tá nūxū nadaugü na ñuxācü mexū pexūgūxū, rü tá Tupanaxū nicuxūūgü i ngēxguma Cristu wena nūma ūxgu.

¹³ Rü name nixī na tōrū Cori ya Ngechuchugagu tūmaga pexīnūēxū ya guxāma ya yíxema perū āēxgacūgü ixīgūxe. Rü ngēmaācü name nixī i meā naga pexīnūē ya āēxgacū ya tacū ya Dumawa ngēxmacū, erü nūma nixī i guxū i togü i āēxgacūgüētūwa nangēxmaxū.

¹⁴ Rü ngēxgumarūū ta name nixī i naga pexīnūē i ngēma togü i āēxgacūgü i petanūwa namugūxū ya yima āēxgacū ya tacū na napoxcueāxūcēx i ngēma chixexū ūgūxū rü namaā nataāēgūxūcēx i ngēma mexū ūgūxū.

¹⁵ Erü Tupana nanaxwēxe na mexū pexūgūxū na ngēmaācü ipeyanangeēxgūxēēxūcēx i ngēma duūxūgü i tama Tupanaārū orexū cuāxchaūgūxū rü chixri ngēma orechiga idexagūxū.

¹⁶ Rü ñuxma na Cristu pexū ínguxūxēēxū, rü name nixī i duūxūgü i aixcūma ínguxūxūrūūācü meā pemaxē. Natürü ñuxma na ípenguxūxū rü tama name na ngēmamaā pegü ípepoxūxū na tacū rü chixexū pexūgūxūcēx. Erü ñuxma na Tupanaārū duūxūgü pixīgūxū, rü name nixī i norü ngūchaūxīcatama pexūgü.

¹⁷ Rü name nixī i meā penayauxgü i guxūma i duūxūgü. ¡Rü nūxū pengechaū i taeneēgü i yaxōgūxū! ¡Rü nūxū pemuūē ya Tupana! ¡Rü naga pexīnūē ya āēxgacū ya tacū ya Dumacūāx!

Tanaxwēxe i Cristurūū yaxna namaā taxīnūē i ngēxguma ngūxū ingegūgu

¹⁸ Pa Duūxūgü i Coriāxgūxūx, ¡rū nūxū pengechaūgü rü naga pexīnūē i perū corigü! Rü tama name i ngēma perū corigü i pemaā mecūmaxūxūxīcatama pengechaūgü, natürü name nixī i nūxū pengechaūgü ta i ngēma perū corigü i chixecūmaxū.

¹⁹ Erü Tupana rü pemaā nataāē ega nūxū na pengechaūgūxūcēx yaxna namaā pexīnūēgu i ngēxguma texé natūcēxmamare chixexū pemaā ūxgu rü ngūxū pexū tingexēēgu.

20 Natürü çtacüwa pexü namexü ega yaxna namaã pexĩnũegu i ngẽxguma wüxi i perü chixexücex pepoxcuegu? Natürü ngẽxguma tacü rü mexü i pexüxügagu ngüxü pingegügu rü yaxna namaã pexĩnũegu, rü ngẽma waxi nixĩ i Tupanapêxewa mexü.

21 Rü ngẽma na mexü pexüxügagu ngüxü pingegüxücex nixĩ i Tupana pexü dexü. Yerü ga Cristu rü ta pexcex ngüxü ninge. Rü yemaãcü pexü nüxü nadauxẽe na ñuxãcü nũma nanaxwêxexü na naxrũü yaxna namaã pexĩnũexü i ngẽma ngüxü.

22 Nũma ga Cristu rü taguma pecadu naxü, rü taguma texexü nawomüxẽe.

23 Rü yexguma duüxügü chixexü namaã ixugüegu, rü nũma rü taxuüma ga chixexümaã nanangãxü. Rü yexguma ngüxü nüxü yangexẽegügu, rü nũma rü tama tacü rü chixexümaã nanaxãxüne. Natürü Tupanamaã nüxü nixu na nũma namaã namexẽãxücex ga yema duüxügü ga chixri namaã chopetüxü. Yerü nüxü nacuex rü Tupana rü aixcüma meã nanangugü i guxüma i duüxügüarü maxü.

24 Rü nũmatama ga Cristu rü nügüxünegu nayange ga tórü pecadugü ga yexguma curuchagu nayuxgu. Rü yemaãcü nanaxü na nüxü rüxoexücex i tórü chixexü na naxcëxicatama imaxëxücex. Nũma rü pexcex nanapix na yemaãcü pexü namexẽxẽxüxẽ.

25 Rü pema ga ðpa rü ñoma carnerugü i nu ne naxĩmarexürüü pixĩgü. Natürü i ñuxma rü marü Cristucex pewoegu. Rü nũma nixĩ i perü dauruü yĩxü, rü nũma nixĩ i pexna nadauxü.

3

Ñuxãcü Tupana nanaxwêxe na namaxẽxü i ngẽma ixãmaxü rü ixãtexü

1-2 Rü pemax, Pa Ngexügüx, rü name nixĩ i petega pexĩnũe na ngẽma pete i tama yaxõxü nüxü dauxücex i perü maxü i mexü i Tupanapêxewa rü duüxügüpêxewa rü ngẽmacex na yaxõõxücex woo taxuüma i Tupanaarü orexü namaã pixugu.

3 Rü ngẽma na aixcüma pimexücex, rü tama name i nagu perüxĩnũe na ñuxãcü pegü pemexẽeyaexüchixü, rü êxna uirunaxcex i ngẽãeruümaã pengẽãegüxü, rü êxna tatanüxüchixü i naxchirugu na picuxgüxü.

4 Natürü name nixĩ i perü maxüwa pegü pimexẽegü rü guxüma i duüxügümaã pimecümagü rü taguma texémaã penuãegü, erü ngẽma nixĩ i perü mexü i taguma iyarüxoxü i aixcüma mexü i Tupanapêxewa.

5 Rü yemaãcü norü maxü i mexümaã nixĩ ga nügü yangẽãegüxü ga yema nuxcümaügüxü ga ngexügü ga Tupanapêxewa ixüünexü. Rü nümagü rü Tupanaãxü nayaxõgü rü natega naxĩnũe.

6 Rü yemaãcü ta iyixĩ ga Chara ga ngĩte ga Abrãüga na naxĩnũxü, rü ngĩrü corimaã naxuaxü. Rü pemagü rü tá ta ngĩrüü pixĩgü ega mexü pexügügu. Rü ñuxüchi taxucëxtama tüxcüü petecex pemuẽe.

7 Rü ngẽxgumarüü ta i pemax, Pa Yatügüx, rü name nixĩ i meã pemëxü pengechaügü rü aixcüma yaxna ngĩmaã pexĩnũe, erü ngĩma rü irüturamaẽ. Rü name nixĩ i ngĩmaã petaãegü erü Tupana rü pexna naxããxürüü ngĩxna nanaxã i ngẽma maxü i taguma güxü. Rü name nixĩ i ngẽmaãcü meã ngĩmaã pemaxẽ na Tupana nüxü inüxücex i perü yumüxegü.

Yixema mexü ügüxe ya ngüxü ingegüxechiga

8 Rü ngẽmaãcü chanaxwêxe i guxãma i pema rü pegüxü pengechaütümüügü rü wüxigu perüxĩnũe, rü aixcüma nüxü pengechaügü i

guxđma i taeneėgü i yaxōgüxđ. Rū chanaxwexe i aixcūma pemecūmagü rü guxāmaā pegü pewüxiguxēē.

⁹ Rū ngēxguma texé chixexđ pemaā üxgu, rü tama name i pema rü ta chixexđ tūmamaā pexđ. Rū ngēxguma texé pemaā guxchigagu, rü tama name i pema rü ta tūmamaā peguxchiga. Natürü narümemaē nixī i mexđ i oremaā tūxđ pengāxđga rü tūxđ perüngüxēē, erü Tupana pexđ nadei na pexđ nangüxēēxčex.

¹⁰ Erü Tupanaārü ore i ümatüxđwa rü ñanagürü:

“Ngēxguma texé taāēācūma maxchađgu, rü name nixī i nüxna tadau ya tūmaārü conü na tama chixexđ i oremaā yadeaxđčex. Rū ngēxgumarüđ ta name nixī i nüxna tadau i tūmaāx na tama doraxđ yaxuxđčex.

¹¹ Rū name nixī i nüxna tayaxđ i guxđma i chixexđgü, rü mexđ taxđ. Rū ngēxgumarüđ ta name nixī i guxđguma naxčex tadau na togūmaā tataāēxđ.

¹² Erü törü Cori rü tūxna nadau ya yixema aixcūma ímexē, rü nüxđ naxīnū i tūmaārü yumüxē. Natürü tūmamaā nanu ya yixema chixexđ ügüxe”, ñanagürü i ngēma Tupanaārü ore.

¹³ ¿Rü texé tá chixexđ pemaā üxđ ega pema rü aixcūma guxđguma mexđ pexđgügu?

¹⁴ Natürü ngēxguma chi ngēma mexđ na pexügüxđčex ngüxđ pingegügu, rü name nixī i petaāēgü. ¡Rü taxucēxma texexđ pemuñē, rü taxucēxma tacucēx pexogaāēgü!

¹⁵ Rū name nixī i perü Corixđ peyaxīxēē ya Cristu rü aixcūma naga pexīnūē, rü guxđguma ípememare na meā penangāxđxđčex i guxđma i duđxđgü i pexna çaxđ na tūxcüđ Cristuaxđ peyaxōgüxđ.

¹⁶ Natürü name nixī i nüxđ pengechađācūma penangāxđ rü tama pegügu perüxīnūēācūma na norü yexera pixīgüxđ. Rū name nixī i meā pemaxē na taxucēxma pexogaāēxđčex. Rū ngēxguma ngēmaācü pemaxēgu rü tá naxānē i ngēma duđxđgü i chixri pechiga ídexagüxđ na ñuxācü Cristucēx pemaxēxđ.

¹⁷ Yixema rü ngüxđ tingegü ega chixexđ ixügügu. Natürü narümemaē nixī na mexđ ixügüxđčex ngüxđ na ingegüxđ, ega ngēmaācü Tupana naxwēxegu.

¹⁸ Yerü nümatama ga Cristu rü ngüxđ ninge, rü wüxicanatama guxāārü pecaducēx nayu. Rü woo na mecü yīxđ rü taxcēx nayu i yixema i chixexđ i duđxđgü ixīgüxđ. Rü yemaācü nanaxđ na Tupanaxđtawa tūxđ nagagüxđčex. Rü woo nayu ga naxđne, natürü rü naāē rü tama nayu.

¹⁹ Rü yexguma naxđne yuxgu rü naāē rü natanüwa naxđ ga yema naāēgü ga Tupana poxcuexđ, rü orexđ namaā nayarüxu.

²⁰ Rü yema naāēgü ga yexma poxcuexđ, rü yema nixī ga naāēgü ga yema duđxđgü ga Noē maxđgu tama ixīnūēchađxđ woo Tupana yaxna namaā naxīnū ga yexguma Noē naxüyane ga guma wapuru. Rū 8 ga duđxđgüxicatama nixī ga guma wapurugu ichođxđ, rü yema nixī ga guma mucü ga taxüchicüarü dexāétüwa maxēxđ.

²¹ Rü yema dexá rü wüxi ga cuēxruđ nixī. Erü ngēxguma dexáwa íbaiegu, rü duđxđgüxđ nüxđ tacuēxēē na Ngechuchu ya Cristu wena maxđxđgagu yīxđ i tūxđ nangēxmaxđ i maxđ i taguma güxđ. Rü tama taxüneārü düxētüwa na imexđčex nixī i íbaieđxđ, natürü ítabaie yerü marü Tupanana naxčex taca na tūxđ yanaxoxēāxđčex ga törü pecadugü na aixcūma napēxewa imexđčex rü aixcūma mexđgu rüxīnūēxđčex.

²² Rü nüma ga Ngechuchu ya Cristu, rü daxđgüxđ i naānewa naxđ, rü ñuxma rü Tupanaārü tügüncüwawa nangēxma. Rü ñuxma rü namēxwa nangēxmagü

i guxŭma i Tupanaârŭ orearŭ ngeruŭgŭ i daxŭcŭăx rŭ guxŭma i âĕxgacŭgŭ i daxŭcŭăx.

4

Tanaxwĕxe i ngĕma cuĕx i Tupana tŭxna âxŭmaâ nŭxŭ tarŭngŭxĕĕ i taeneĕgŭ

¹⁻² Rŭ ngĕmacĕx name nixŭ na ípememarexŭ na ngŭxŭ pingegŭxŭ yexgumarŭŭ ga Cristu na ngŭxŭ yangexŭ. Erŭ yĭxema ngŭxŭ ingexe rŭ marŭ nŭxŭ tarŭxo i tŭmaârŭ pecadu na guxŭguma meâ Tupana naxwĕxexŭăcŭma tamaxŭxŭcĕx, rŭ tama i tŭmaxŭne naxwĕxexŭăcŭma na tamaxŭxŭcĕx.

³ Ūpa ga pemax, rŭ mucŭma ga taunecŭ penaxŭecha i ngĕma chixexŭ i űuxma i ngĕma duŭxŭgŭ i tama Tupanaxŭ cuĕxgŭxŭ ŭgŭxŭ. Rŭ yexguma ga pema rŭ pecadu pexŭgŭăcŭma pemaxĕ, rŭ penaxŭ ga pexeneârŭ ngŭchaŭ, rŭ pengăxĕ, rŭ peta ga nawa pexăŭgatanŭxŭ pexŭgŭ, rŭ űacŭ i nguchiĕxgŭxŭ poraăcŭ pixaxcugŭ, rŭ tupanantachicŭnĕxăgŭxŭ picuĕxŭŭgŭ i woo Tupana na pexna nachŭxŭxŭ i ngĕma.

⁴ Rŭ yema duŭxŭgŭ ga namaă pexămŭcŭgŭxŭ ga yexguma chixri pemaxĕgu, rŭ űuxma rŭ poraăcŭ nagu narŭxŭnŭe na űacŭcĕx tama natanŭgu pexăgŭxŭ rŭ tama nawe perŭxŭxŭ i ngĕxguma norŭ chixexŭ naxŭgŭgu. Rŭ ngĕmacĕx nixŭ i űuxma i chixri pechiga yadexagŭxŭ.

⁵ Natŭrŭ nŭmagŭ rŭ tá ta Cristupĕxewa nangugŭ na namaă nŭxŭ yaxugŭxŭcĕx na űuxăcŭ namaxĕxŭ. Rŭ nŭma ya Cristu rŭ ínamemare na nŭxna yacachigŭxŭcĕx i guxŭma i duŭxŭgŭ i maxĕxŭ rŭ yuexŭ.

⁶ Rŭ ngĕmacĕx ya Tupana rŭ naxŭpa na nayuexŭ i duŭxŭgŭ rŭ marŭ nŭxna nanaxuaxŭ i maxŭ i taguma gŭxŭ. Erŭ nanaxwĕxe na naxrŭŭ guxŭguma mexŭwa namaxĕĕchaxŭ ega woo űoma i naănewa nayuegu i naxŭnegŭ.

⁷ Rŭ marŭ ningaica na nagŭxŭ i űoma i naăne rŭ guxŭma i űacŭ i nawa ngĕmaxŭ. Rŭ ngĕmacĕx name nixŭ na ípexuăĕxŭ rŭ meâ peăĕ ta ípexŭgŭxŭ rŭ guxŭguma peyumŭxĕgŭxŭ.

⁸ Rŭ guxŭârŭ yexera i ngĕma pexŭ chanaxwĕxexŭ nixŭ na aixcŭma pegŭ pengechaŭgŭxŭ i wŭxichigŭ. Erŭ ngĕxguma aixcŭma yĭgŭ ingechaŭgŭgu rŭ ngĕmaăcŭ inayarŭxo i muxŭma i pecadugŭ.

⁹ Rŭ meâ pegŭ peyaxugŭ i wŭxichigŭ i pechiŭwa! Rŭ tama name i tŭmamaă penuăĕăcŭma tŭxŭ peyaxu.

¹⁰ Rŭ wŭxichigŭ i pemax, rŭ Tupana pexna nanaxă i perŭ cuĕx. Rŭ ngĕma perŭ cuĕxmaă rŭ name nixŭ i wŭxichigŭ pegŭ perŭngŭxĕĕgŭ, na aixcŭma Tupanaârŭ ngŭxĕeruŭ i mexŭ na pixŭgŭxŭcĕx rŭ meâ namaă pepuracŭxŭcĕx i guxŭma i ngĕma cuĕx i Tupana pexna âxŭ.

¹¹ Rŭ ngĕxguma texĕ nŭxŭ ixuxgu i ore, rŭ name nixŭ i aixcŭma Tupanaârŭ orexŭ tixu. Rŭ ngĕxguma texĕ togŭxŭ rŭngŭxĕĕgu, rŭ name nixŭ i Tupana tŭxna âxŭ i poramaă tanaxŭ. Rŭ guxŭma i ngĕma pexŭxŭ rŭ name nixŭ i meăma penaxŭ na ngĕmaăcŭ Ngechuchu ya Cristugagu Tupanaxŭ picuĕxŭŭgŭxŭcĕx. Erŭ nŭma ya Tupana rŭ guxŭguma namexĕchi rŭ naporaxŭchi. Rŭ ngĕmaăcŭ yĭ.

Ngĕxguma Cristuaxŭ yaxŭxgu rŭ ngŭxŭ tinge

¹² Pa Chaueneĕgŭ ya Pexŭ Changechaŭgŭxex, űuxma na taxŭ i guxchaxŭgŭ i perŭ nguxĕeruŭ pexcĕx ínguxŭ, rŭ tăxŭ i peĭaixăchiăĕgŭxŭ, űoma űacŭ i taguma nŭxŭ pedauxŭ ngupetŭxŭrŭŭ!

13 Natürü narümemaë nixi na petaãëgüamaxü, yerü yema Cristu ngúxü na ingexürüü nixi i ngúxü na pingegüxü i ñuxmax na petaãëgüxüçex i ngëxguma wena núma naxüxgu i nümax.

14 Rü ngëxguma Cristuaxü na peyaxögüxügagu texé pemaã guxchigagu, rü wüxi i perü taãë nixi i ngëma. Erü ngëmaäcü nüxü pecuëx na Tupanaãë i Üünexü rü pewa na nangëxmaxü.

15 Rü ngëxguma chi ngúxü pingegügu, rü name nixi na wüxi i mexü na pexügüxügagu na yïixü rü tama wüxi i chixexügagu na yïixü, ngëxgumarüü i máëta rü éxna ngítèèx rü éxna togüarü guxchaxüwa na pegü pengëxmagüxëëxü.

16 Natürü ngëxguma texé Cristuaxü tayaxögüxügagu ngúxü tingexgu, rü taxucëxma tüxücüü ngëmacëx taxäne. Rü name i ngëmacëx Tupanaxü ticuëxüü.

17 Rü ñuxma rü marü nawa nangu na Tupana ngúxü tüxü ingexëëxü na ngëmaäcü tüxü iyanawëxächixëëxüçex i yixema na naxäcügu ixügüxü. Rü ngëxguma ngëmaäcü tamaã inaxügüãgu, rü ¿ñuxäcü tá nüxü naxüpetü i ngëma duüxügü i tama Tupanaärü ore i mexüga Inüëchaüxü?

18 Erü Tupanaärü ore i ümatüxüwa rü ñanagürü:

“Ngëma duüxügü i mexü ügüxü rü guxchaäcüma nanayauxgü i maxü i taguma gúxü. Rü ñuxma na ngëmaäcü yïixü, ¿rü ñuxäcü tá nüxü nangupëtüxü i ngëma duüxügü i chixexü ügüxü rü pecaduãxgüxü?” ñanagürü.

19 Rü ngëmacëx ya yixema Tupana naxwëxexüäcüma ngúxü ingegüxe, rü name nixi na mexü taxügüechaxü rü Tupana ya tüxü ücüméxëgu na tanaxüxü i tümaãë na nüxna tüxü nadauxüçex. Erü nüma ya Tupana rü mecü nixi rü taguma texëxü nawomüxëë.

5

Ucuxëgü naxcëx i ngëma yaxögüxü

1 Rü ñuxmax, Pa Yaxögüxüärü Äëxgacügüx, rü pexna chanaxäxchaü i wüxi i ucuxë i mexü, erü choma rü ta pexrüü yaxögüxüärü äëxgacü chixi. Rü chomaxüchima nixi ga nüxü chadauxü ga ñuxäcü ngúxü na yangexü ga Cristu. Rü choma rü tá ta pexrüü choxü nangëxma i chauchica i mexü i ngëxguma wena núma naxüxgu.

2 Rü chanaxwëxe i nüxna pedau rü nüxü perüngüxëë i guxüma i Tupanaärü duüxügü i pemëxwa ngëxmagüxü. Rü name i mexü i perü ngúchaümaã Tupana naxwëxexüäcüma penaxü i ngëma puracü, rü tama texé pexü muxguxica penaxü rü éxna dïërucëx penaxü.

3 Rü tama name i namaã penuëäcüma rü penangaäcüma penamu i ngëma duüxügü. Natürü chanaxwëxe i mexü i perü maxü nüxü pewëx na ñuxäcü Tupana naxwëxexü na namaxëxü.

4 Rü ngëxguma wena núma naxüxgu ya tórü Dauruüxüchi ya Cristu, rü pema rü tá penayauxgü i wüxi i perü ämare i ngëxcuerüü i mexëchixü i taguma ngauxü.

5 Rü ngëxgumarüü ta i pemax, Pa Ngextüxücügüx, rü name nixi i naga pexinüë i ngëma perü äëxgacügü i Tupanaärü puracüwa puracüexü. Rü guxäma i pema i yaxögüxü, rü name nixi i wüxichigü pegü perüngüxëë rü taguma pegügu perüxünüë na pemücügüarü yexera pixügüxü. Erü Tupanaärü ore i ümatüxüwa rü ñanagürü:

“Tupana rü tama norü me nixi i ngēma duūxūgü i nügü icuèxūxūgūxū.

Natürü nüxū narüngūxēē rü namaã namecūma i ngēma duūxūgü i tama nügü icuèxūxūgūxū”,

ñanagürü i ngēma ore.

⁶ Rü ngēmacèx tama name i pegü picuèxūxū. Rü narümemaē i Tupanaméxē ya poranetūxūwa pegü pengēxmagūxēē na nūma pexū yacuèxūxūgūxūcèx i ngēxguma nawa nanguxgu na ngēmaäcü pemaã naxūãxū.

⁷ Rü name nixi i Tupanaméxēgu penaxū i guxūma i perü oegaãēgü, erü nūma ya Tupana rü guxūguma pegu narūxinū rü aixcūma pexna nadau.

⁸ Rü name nixi i guxūguma pegūna pedaugü rü ipexuãēgü, erü perü uwanü i Chataná rü doma wūxi ya ai ya idüraxūchicürü nanañaane rü tūmacèx nadau na texéxū tá nachixexēēxū.

⁹ ¡Rü peporaeamèx rü peyaxōgūamèx i ngēxguma tacü rü chixexū pemaã naxūxchaūgu! Erü nüxū pecuèx rü guxūma i taeneēgü i guxūwama ngēxmagūxū rü pexrū ngēmatama ngūxū ningegü.

¹⁰ Natürü ngēxguma paxaxāchi ñoma i naãnewa ngūxū pingegūguwena, rü Tupana rü tá pexū nimexēē na aixcūma napēxewa pimexūcèx, rü tá pexū narüngūxēē na taguma nüxū perūxoexūcèx, rü tá pexū naporaexēē na aixcūma perü maxūwa peporaexūcèx. Rü daatama Tupana nixi ya tūxna naxācü i guxūma i mexū i tūxū ngēxmaxū, rü tūxū deicü na naxūtawa tūxū nangēxmaxūcèx i tachica i mexū i taguma gūxū, erü Ngechuchu ya Cristuarü duūxūgü tixīgü.

¹¹ Rü name nixi i guxūguma nüxū ticuèxūgü ya Tupana, erü nūma nixi i guxūārū ãēxgacü yīxū i guxūguma. Rü ngēmaäcü yī.

Pedru rü yema yaxōgūxūxū narūmoxē

¹² Taeneē ya Chiribánu ya meã yaxōcūmaã petanūwa chanamu i ñaã nuxmarexū i popera na pexū chixucuxēgūxūcèx rü pemaã nüxū chixuxūcèx na ngēma pexū nangechaūxūgagu yīxū ya Tupana i aixcūma pexū nangūxēēxū. Rü ñuxma na ngēmaäcü pexū nangechaūxū, rü name nixi i guxūguma naxcèx pemaxē.

¹³ Rü pexū narūmoxēgü i guxūma i taeneēgü i yaxōgūxū i pexrū Tupana dexū i nūma Dumawa ngēxmagūxū. Rü ngēxgumarū ta pexū narūmoxē i chorü ngūxēēru i Marcu ya chaunerū ixīcü.

¹⁴ Rü chanaxwēxe i wūxichigü i pema rü pegü pengechaūgūäcüma pegü perūmoxēgü. Rü ngēxgumarū ta chanaxwēxe na aixcūma petaãēgūxū i guxūma i pema na Ngechuchu ya Cristuarü duūxūgü pixīgūxū. Rü ngēmaäcü yī.

Rü nuãma pexna,
Pedru

NORÜ TAXRE GA POPERA GA PEDRU ÜMATÜXÜ

Pedru nüxü narümoxë ga yema yaxögüxü

1 Pa Chaueneëgüx, choma i Chimáü i Pedru nixi i pexcëx chanaxümatüxü i ñaã popera. Rû choma rû Ngechuchu ya Cristuarü ngüxëëruü chixi, rû nüma nixi ga choxü namuxü na nüxü chixuxüçëx i norü ore. Rû pexcëx chanaxümatü i pema na toxrüü aixcüma peyaxögüxü, erü tórü Tupana rû tórü Maxëxëëruü ya Ngechuchu ya Cristu rû aixcüma nimexëchi.

2 Rû ñuxma na Tanatü ya Tupanaxü pecuáxü rû tórü Cori ya Ngechuchuxü pecuáxü, rû chanaxwëxe i nümagü aixcüma pemaã namecüma rû aixcüma pexü nataãëxëë.

Yaxögüxüçümagüchiga

3 Rû Tupana rû noxrütama poramaã marü tûxna nanaxã ga guxüma i ngëma nacüma i mexü i inaxwëxexü na aixcüma meã naxcëx imaxëxüçëx. Rû yemaãcü nanaxü ga yexguma tûxü nüxü nacüxëëgü ga guma tórü Cori ya mexëchicü ga norü poramaã tûxü decü.

4 Rû yematama norü poramaã tûxna nanaxã ga guxüma ga norü ngüxëë i mexëchixü ga inaxunetaxü na naxrüü pimexüçëx rû nüxna pixigachixüçëx i guxüma i chixexügü i duüxügüarü ngüchaü i chixexügagu ñoma i naãnewa ngëxmaxü.

5 Rû ngëmacëx penaxwëxegü na pegü peporaexëëxü na yexeracü peyaxögüxü rû meã togüpëxewa pemaxëxü. Rû ñuxuchi name na meãma nüxü pecuáxü na ñacü yixü i Tupana pexü naxwëxexü.

6 Rû ngëxgumarüü ta penaxwëxegü na meã pegümaã ipecuáxü na tama chixexügu peyixüçëx. Rû ñuxüchi name na yaxna pegümaã pexinüëxü. Rû ngëxgumarüü ta name na aixcüma Tupanaxü pengechaügüxü.

7 Rû ñuxüchi penaxwëxegü na pegü pengechaügüxü ya guxãma i pemax. Rû ngëxgumarüü ta name na guxüma i duüxügüxü pengechaügüxü.

8 Rû ngëxguma aixcüma ngëma pexü chaxucuxëxüácüma pemaxëgu, rû tãütãma natüçëxma nixi i perü maxü, rû tãütãma natüçëxma nixi na nüxü pecuáxü ya tórü Cori ya Ngechuchu ya Cristu.

9 Natürü yixema tama ngëma pexü chaxucuxëxüácüma maxüxë, rû ñoma tangexetüxürüü tixi. Rû ñoma wüxi i duüxü i tama nagu rüxinüxü i ngëma yixçüra tá nüxü ngupetüxürüü tixi, erü nüxü itayarüngüma na ñuxãcü Tupana tûxü nüxü ngechaüxü ga tümaãrü pecadugü.

10 Rû ngëmacëx, Pa Chaueneëgüx, name nixi na yexeraãcü meã Tupanacëx pemaxëxü na ngëmaãcü ipenawëxüçëx na aixcüma Tupanaãrü duüxügü ya pexcëx naçaxe rû pexü dexe na pixigüxü. Rû ngëxguma ngëmaãcü pemaxëgu rû tagutãma chixexügu peyi rû tagutãma Tupanaxü ipetëx.

11 Rû ngëmaãcü ya Tupana, rû tá meã pexcëx nayawãxna i iãx na tauxchaãcü pichocuxüçëx i ngextã guxügutãma ãëxgacü iyixüwa ya tórü Cori ya Ngechuchu ya Cristu ya tórü Maxëxëëruü.

12 Rû ngëmacëx woo marü nüxü na pecuáxü rû nagu na pexixü i ngëma ore i aixcüma ixixü, natürü guxügutãma pexna nüxü chacuëxãchixëëëcha ga yema pexü namaã chaxucuxëxü.

13 Erü ñuxma na chamaxũxũ i chomax, rü nagu charũxĩnũ na namexũ na pexna nüxũ chacuexächixẽexũ i ngẽma ore i namaã pexũ chixucuxẽgũxũ, na ngẽmaãcü pexũ changũxchaũxẽxũcẽx na meã Tupanacẽx pemaxẽxũ.

14 Rü pemaã nüxũ chixu i ngẽma, erü törü Cori ya Ngechuchu ya Cristu choxũ nüxũ nacuexẽe na paxa tá chayuxũ.

15 Rü ñoma rü ta na chamaxũxũ, rü meã pexũ chixucuxẽgũ na ngẽxguma chayuxguwena rü guxũguma nüxna pecuexächixẽx i ngẽma chorũ ucuxẽgũ na ñuxãcü Tupana naxwexexũ na pemaxẽxũ.

Pedru rü namüçügü rü aixcüma Cristuxũ nadaugü ga na ñuxãcü namexẽchixũ

16 Rü yexguma pexũ tangúexẽẽgu na ñuxãcü naporaxũ ya törü Cori ya Ngechuchu ya Cristu rü ñuxãcü tá wena na nataeguxũ, rü tama tomatama togüãewa tayaxuxũ i ore nixĩ. Yerü tomatama toxetümaã nüxũ tadau na ñuxãcü namexẽchixũ i nüma ya törü Cori.

17 Rü nüxũ tadau ga yexguma Tanatũ ya Tupana nüxũ icuexũũgu. Rü nüxũ taxĩnũe ga yexguma gumatama Tanatũ ya Tupana ya Mexẽchicü ñaxgu:

“Daa nixĩ ya Chaune ya nüxũ changechaũxũchicü. Rü choma rü poraãcü namaã chataãexũchi”,
ñaxgu.

18 Rü aixcüma tomaxũchima nüxũ taxĩnũe ga yema Tupanaga ga daxũguxũ ga naãnewa inaxũxũ, yerü tomatama rü törü Corimaã tayexmagü nawa ga guma mexpũne ga üunene ga yexguma yema ngupetügu.

19 Rü yemaãcü nüxũ tadau na aixcüma yĩxũ ga yema ore ga nuxcümaũgũxũ ga Tupanaãrũ orearũ uruũgũ nüxũ ixugũgũxũ. Yerü yema nüxũ yaxugũgũxũrũtama nixĩ ga nüxũ tadauxũ. Rü name nixĩ i pema rü ta aixcüma meã nagu perũxĩnũe i ngẽma ore, erü wüxi i omü i íraxetũxũ i eãnexũwa ibaxixũrũxũ nixĩ. Rü ngẽma ore rü tá pexũ nüxũ nacuexẽe i Tupanachiga ñuxmatáta ínangu ya törü Cori ya Ngechuchu ya Cristu ya yima woramacuri ya ngunetũxũ ngócürũxũ ixicü. Rü ngẽxguma ínanguxgu i nüma rü aixcüma tá meã pexũ nüxũ nacuexẽe i guxũma i nachiga.

20 Natürü chanaxwexe na guxũãrũ yexera nüxũ pecuáxũ i ñaã ore i tá pemaã nüxũ chixuxũ. Rü dücax, taxúema tüechamatama nüxũ tacuex i tacũchiga na yĩxũ i Tupanaãrũ ore i ümatũxũ, ega Tupanaãe i Üünexũ tama tũxũ rüngũxẽẽgu.

21 Yerü taxuũma ga Tupanaãrũ orearũ uruũ rü nüechamatama nügüãewa nanayaxu ga yema ore ga nüxũ yaxugũgũxũ. Natürü yexguma yema orexũ yaxugũgũgũ, rü Naãe i Üünexũ nixĩ ga yadexagũxẽexũ.

2

Doramaã duũxũgũxũ ngúexẽxũchiga

1 Natürü nuxcüma rü nayexma ta ga Tupanaãrũ orearũ uruũgũneta ixĩgũxũ ga Yudiũgũtanũwa. Rü ngẽxgumarũxũ tá ta petanũwa nangẽxma i duũxũgũ i nguxẽerũgũneta ixĩgũxũ. Rü nümagü rü tá doramaã nanaxũchicüü i Tupanaãrũ ore, rü ngẽmaãcü tá pexũ nangúexẽe i ore i dora ixĩxũ na pexũ nawomũxẽẽgũxũcẽx. Rü nümagü rü tãtũtama naga naxĩnũexaũ ya yima törü Cori ya Ngechuchu ya Cristu ya norü Maxẽxẽerũchirẽx ixicü. Rü ngẽmagagu ya Tupana rü ngürũãchi tá nanapoxcue i ngẽma duũxũgũ i ngẽmaãcü maxẽxũ, rü tá inayanaxoxẽe.

² Rū nūmagū rū tá nūxū nixugū na tama wūxi i chixexū yīxū ega woo taxūneārū ngúchaū ixūxgu. Rū muxūma i togū i duūxūgū rū tá nawe narūxī i ngēma chixexū i naxūgūxūwa. Rū ngēma chixri pexū ngūexēēxūgagu rū muxūma i togū i duūxūgū rū tá chixri nachiga nidexagū i Tupanaārū ore i mexū i aixcūma ixīxū.

³ Rū nūmagū i ngēma duūxūgū i chixexū rū tá nūgūna nananugūchaū i guxūma. Rū ngēmacēx tá pemaā nūxū nixu i ore i chixexū ixīxū na ngēmaācū pexū nawomūxēēgūxūcēx rū pexū ngīxū nayauxgūxūcēx i perū diēru. Natūrū tá napoxcue i ngēma duūxūgū, rū tāūtāma nibuxmū. Erū Tupana rū woetama nuxcūmama nanamexēē i ngēma poxcu.

⁴ Yerū ga Tupana rū tama nūxū nūxū nangechaū ga norū orearū ngeruūgū ga daxūcūāx ga pecadu ūgūxū. Rū yemacēx īnaxēānexūwa i ngoxogūxū īnapoxcuxēūwa nanawogū. Rū cadenamaā nayanēīxgū na ngema nangēxmagūxūcēx nūxmatáta nawa nangu i ngēma ngunexū i nagu Tupana nūxna çaxū i guxūma i duūxūgū.

⁵ Rū yexgumarūū ta ga Tupana rū tama nūxū nūxū nangechaū ga yema nuxcūmaūgūxū ga duūxūgū ga chixexū ūgūxū. Rū yemacēx mucū ga taxūchicū naxcēx yēma nanamu na gumamaā nadaiāxūcēx ga yema duūxūgū ga chixexū ūgūxū. Natūrū ga Tupana rū Noēxū nadau ga na meāma duūxūgūxū yaxucūxēgūxū na nūxū naxoexūcēx ga norū chixexūgū. Rū yemacēx ga Tupana rū Noēxū namaxēē namaā ga 7 ga natanūxūgū. Natūrū nanadai ga guxūma ga yema togū ga duūxūgū.

⁶ Rū Tupana rū yexgumarūū ta inayanaxoxēē ga guma īānegū ga Chodoma rū Gomora ga poraācū chixri duūxūgū nawa maxēne. Rū īnanagu ga guma īānegū nūxmatata norū tanimacaxicatama īyaxū. Rū yemaācū nanaxū na guma īānegū rū wūxi ga cuēxruū na yīxūcēx nūxū ga yema duūxūgū ga chixexū ga yemawena maxēxū.

⁷ Natūrū ga Chodomawa rū Tupana nanamaxēē ga Lox ga wūxi ga yatū ga mecū ixīcū ga poraācū ngechaūcū ga yexguma nūxū nadēuxgu ga nūxācū chixri na namaxēxū ga yema duūxūgū ga natanūwa nayexmaxū.

⁸ Rū guxū ga ngunexūgu rū nūma ga Lox ga meā maxūcū rū poraācū naāēwa nangux ga yexguma nūxū nadēuxgu rū nūxū naxīnūgu ga yema chixexūgū ga naxūgūxū ga yema duūxūgū ga natanūwa nayexmaxū.

⁹ Rū yema Loxū na namaxēēxūrūū ga Tupana, rū nūxū natauxcha na tūxū īnanguxūxēēxū i ngēxguma Chataná tūxna īnūgu ya yīxema meā maxēxē. Rū ngēxgumarūū ta ya yīxema chixexū ūgūxe, rū nūxū natauxcha na poxcuwa tūxū nangēxmagūxēēxū nūxmatáta nawa nangu i ngēma ngunexū i nagu guxūma i duūxūgūxū yacagūxū.

¹⁰⁻¹¹ Rū Tupana rū aixcūma tá nanapoxcue i ngēma duūxūgū i naxūneārū ngúchaūgu ixū i tama naga īnūēchaūxū ya tórū Cori. Rū ngēma duūxūgū rū taxūegama naxīnūēchaū, rū nadauxcūraxūwēxegū rū nūgūguxicatama narūxīnūē. Rū tama namuūē na namaā naguxchigagūxū i ngēma āēxgacūgū i daxūcūāx i Tupanatūūwa ngēxmagūxū. Rū ngēmaācū namaxē i ngēma duūxūgū. Natūrū woo Tupanaārū orearū ngeruūgū i daxūcūāx i ngēma duūxūgūxū rūyexeraxūchichirēxū, rū namuūē na ngēmaācū namaā naguxchigagūxū i ngēma āēxgacūgū i daxūcūāx i Tupanatūūwa ngēxmagūxū.

¹²⁻¹³ Rū ngēma nguxēēruūgūneta, rū nōma naēxūgūrūū nixīgū, rū naēxūgūrūū taxūma nacūxēgū. Rū ngēma naxūnegū naxwēxexū nixī i naxūgūxū. Rū nabue na nōma naēxūgū i yayauxgūxū rū nadējūrūū

yixīgüxüçèx. Rû chixri nachiga nidexagü i ngêma tama nüxü nacuèxgüxü. Natürü ngêma chixexü i naxügüxüçagü tá inayarütauxe, rû ngêmaäcü ngüxü tá ningegü nagagu i ngêma ngüxü i toguäxü yangexèégüxü. Rû nümagü rû namaâ nataäëgü i ngêma chixexü i ngunecütama naxügüxü. Rû ngêxguma pemaâ nachibüëgu, rû wüxi i chixexüchixü rû ânexüchi nixigü erü ngema rû ta nanaxügü i norü chixexügü i namaâ pexü nawomüxèégüchaüxü.

14 Rû ngêma duüxügü rû taxuacüma wüxi ya ngeäxü nadaugümare, erü naäëwa rû nagu narüxinüë na nüxü tangüchaüxü. Rû tama nüxü ninguéga na pecadu naxügüechaxü. Rû naxcèx nadaugü na ñuxäcü chixexügu tüxü nayixèëxü ya yixema duüxègü ya turaearü maxüäxgüxe. Rû nüxü nicuèxüchi na ñuxäcü tacü nügüna nanugüexü. Natürü Tupana rû marü namaâ nanaxuegu na napoxcueäxü.

15 Rû ngêma duüxügü rû tama nagu naxi i ngêma Tupana nüxü naxwèxexü, rû ngêmacèx inayarütauxe. Rû nagu naxi ga yema chixexü ga nagu yaxüxü ga nuxcümaüxü ga Tupanaärü orearü uruü ga Baráü ga Beü nane ga chixexü üxü na yemaäcü diëru ngixü nayaxuxüçèx.

16 Rû noxrütama buru ga woo taguma idexachiréxcü, rû wüxi ga duüxürüü namaâ iyadexa rû inanga naxcèx ga yema chixexü ga naxüxchaüxü. Rû yemaäcü Baráxü iyachaxächixèë na tama naxüäxüçèx ga yema chixexü ga naxüxchaüxü.

17 Rû ngêma duüxügü rû taxuwama nime ñoma wüxi i puchu i ngearü dexaäxüdüü. Rû ñoma wüxi i caixanexü i buanecü icuexürüümare nixi na taxuwama yamexü. Natürü Tupana rû marü nanamexèë i wüxi i nachica i èänexüchixü i ngextá guxügutáma ínapoxcueäxüwa i ngêma duüxügü.

18 Rû ngêmaäcü tá nanapoxcue i ngêma duüxügü, erü nügü yacuèxüügüäcüma chixri nidexagü i ore i taxuwama mexümaâ. Rû tüxü nixucuxègü na tümaxüneärü ngüchaügu na taxüxüçèx ya yixema marü ngexwacèx ngêmaxü rüxoechiréxe.

19 Rû tümamaâ nüxü nixu rû ngêxguma nawe tarüxixgu rû tá tüxü íngangüxüçèë na taxuümèxèwa tangèxmagüxüçèx rû tümataanaxwèxexüäcüma tamaxèxüçèx. Natürü ngêma duüxügü i ngêmaäcü chixri idexagüxü, rû nümagütama rû norü chixexütüüwa nangèxmagü. Erü guxüma i duüxügü, rû ngêma nüxü rüyexeramaèxütüüwa nügü nangèxmagüxèë.

20 Rû guxäma ya yixema marü tóru Cori ya Ngechuchu ya Cristu ya tóru Maxèëëruüxü cuèxgüxe, rû marü nawa ítangüxü i ñoma i naäneärü chixexügü. Natürü ngêxguma chi wenaxärü naxcèx tawoegugu i ngêma chixexü i nawa ítangüxüchiréxü, rû tümäärü me yixigu na wena ngêma chixexütüüwa tangèxmagüxü, rû aixcüma noxrüarü yexera tichixe.

21 Erü ngêxguma chi nüxü tacuèxgüguwena nüxü tarüxoegu i ngêma ore i mexü ga noxri tayauxgüxü, rû narümmaè chi nixi ga noxtacüma täü chima nüxü na tacuèxgüxü i ngêma maxü i aixcüma mexü.

22 Tupanaärü ore i ümatüxüüwa rû ñanagürü:

“Ngêma airu i nügü oxgüxü, rû wenaxärü naxcèx nataegu i norü oxü na yaweaxüçèx. Rû ngêma cuchi i norü yora meäma aiyachiréxü, rû ngêxgumatama wenaxärü norü ayanecèx nataegu”, ñanagürü i ngêma orewa. Rû ngêxgumarüü nixi i ngêma duüxügü i marü Tupanaärü orexü cuèxgüchiréxü rû ñuxüchi wenaxärü naxcèx woegüxü i norü chixexügü ga noxri nawa íngangüxüchiréxü.

3

Tórü Coriarü taeguchiga

1 Pa Chaueneëgü ya Pexü Changechaügüxex, ñaã nixí i ngëma norü taxre i popera i pexcëx chaxümatüxü. Rü yema nüxíraüxü ga poperawa pemaã nüxü chixuxürüü, rü wena pexü chixucuxëgü rü pexna nüxü chacuëxächixëë na aixcüma meã Tupanaärü oregu perüxínüëxüçëx.

2 Rü chanaxwëxe i nüxna pecuëxächie i ngëma ore ga nuxcümaügüxü ga Tupanaärü orearü uruügü ga ixüünexü nüxü ixugügüxü. Rü ngëxgumarüü ta chanaxwëxe i nüxna pecuëxächie i ngëma tórü Cori ya Ngechuchu ya tórü Maxëëürüärü mugü ga pexü nangüexëëxü ga norü orearü uruügü ga nüma pexütawa namugüxü.

3-4 Natürü chanaxwëxe i guxüärü yexera nagu perüxínüë i ñaã ore i pemaã tá nüxü chixuxü. Rü dücax, rü ngëxguma nagüxchaügu i ñoma i naãne, rü tá ínangugü i duüxügü i chixexü i nagu íxü i naxüneärü ngüchaügu. Rü nümagü rü tá nacugüëcüma ñanagürügü:

“Dücëx, Cristu ínaxuneta na wena núma naxüegaxü. ¿Rü tacü namaã nangupetü i ñuxma na tama ínanguxü? Rü marü düxwa nayue ga tórü oxigü ga yaxögüxü, natürü noxri naãne üxgumama rü nanangëxgumaraüëchatama i guxüma”, ñanagürügü tá.

5-6 Natürü ngëma duüxügü i ngëmaäcü idexagüxü rü tama nüxü nacuëxgüchaü ga yema ngupetüxü ga yexguma Tupana ñoma ga naãnewa namuägu ga guma mucü ga tacü ga íyanaxoxëëcü ga guxüma ga tacü ga ñoma ga naãnewa yexmaxü. Rü nuxcümaxüchima naxüpa ga guma mucü rü woetama nayexma ga ñoma ga naãne rü guxüma i daxüwa nüxü idauxü ga Tupana ngoxëëxü ga yexguma namuägu na nangóxüçëx. Rü yemaäcü dexächüüwa nangox ga ñoma ga naãne rü dexáarü ngäxütüchiüwa nayexma, yerü yemaäcü nanamu ga Tupana.

7 Natürü ngëma ñuxma ngëxmaxü i daxüwa nüxü idauxü rü ñoma i naãne rü Tupana namaã nanguxü na yixcama üxüwa yaxaxüçëx, yerü yemaäcü namaã nanaxuegu. Rü ngëma ñoma i naãne rü ngëma daxüwa nüxü idauxü, rü yima üxü ya Tupana nüxü íxuxünewa tá nixí i aixcüma ínaguäxü i ngëma ngunexü i nagu naxunetaxügu na napoxcueäxü rü chixexüwa nawogüäxü i ngëma duüxügü i tama naga ínüëchaüxü.

8 Rü ñuxmax, Pa Chaueneëgü ya Pexü Changechaügüxex, tama chanaxwëxe i nüxü ípeyarüngümaë na wüxitama i ngunexü rü tórü Coricëx rü 1000 ya taunecürüü yíxü. Rü ngëxgumarüü ta, 1000 ya taunecü rü tórü Coricëx rü wüxitama i ngunexürüü yíxü.

9 Rü ñuxre i duüxügü rü nagu narüxínüë na täütama paxa ínanguxü ya tórü Cori yema tamaã ínaxunetaxürüü. Natürü nüma ya tórü Cori rü tama nanuxcüäe na yanguxëëäxü i ngëma norü uneta, natürü nüma rü tamaã yaxna naxínümare. Erü nüma rü tama nanaxwëxe na texé íyarütaxuxü, natürü nanaxwëxe na guxäma nüxü rüxoexü i tümacüma i chixexü.

10 Natürü ngëma ngunexü i tórü Cori nagu ínguxü, rü taxüema nagu ínanguxëëxügu tá nixí. Erü ngürüächimare tá ínangu ñoma wüxi i ngítëxáxü ínguxürüü. Rü ñuxüchi guxüma i tacü i daxügüxü i naãnewa ngëxmagüxü rü tá tagaäcü niwäixgü rü ngëmaäcü tá ínayarütauxe. Rü yima üëxcü rü tauemacü rü woramacurígü rü éxtagü rü tá nixae rü ngëxma tá nayarüxogü. Rü ngëxgumarüü tá ta i ñoma i naãne rü tá nixa namaã i guxüma i tacü i nawa ngëxmagüxü.

11 Rû ñuxma na ngẽmaãcü tá namaã nangupetüxü i guxüma i tacü i ngẽxmaxü, rü yexeraãcü penaxwẽxe na aixcüma Tupanapëxewa pixüünexü rü nüma nanaxwẽxexüãcüma na pemaxëxü.

12 Rû name nixi i meã ípenanguxëë i ngẽma ngunexü i ñagu tá ínanguxü ya tórü Cori ya Tupana. ¡Rü paxa guxüwama nüxü pixu i norü ore rü aixcüma naxcëx pemaxë na ngẽmaãcü ípenanguxëëxüxcëx! Rû ngẽma ngunexügu rü guxüma i daxüwa nüxü idauxü rü tá nixa rü tá inachaxichigü. Rû ñoma i naãne rü üëxcü rü tauemacü rü ëxtagü rü yima üxümaã tá inachaxichigü.

13 Natürü yixema na yaxögüxü rü ítananguxëë i ngẽma ngexwacaxüxü i daxüguxü i naãne rü ngexwacaxüxü i ñoma i naãne ga Tupana tamaã ixunetaxü. Rû ngema rü guxütáma name, rü yixema rü tá ta aixcüma time.

14 Rû ngẽmacëx, Pa Chaueneëgü ya Pexü Changechaügüxex, rü ñuxma na ípenanguxëëxü i ngẽma, rü name nixi i aixcüma meã pemaxë rü aixcüma pegü pengechaügu na taxuwama nachixexüxcëx i perü maxü rü aixcüma petaãëgüxüxcëx i ngëxguma wena núma naxüxgu.

15 Rû name nixi i nüxna pecuëxãchie na yaxna tamaã naxínüxü ya tórü Cori, erü nanaxwẽxe na tüxü nangëxmaxü i tórü maxü i taguma gúxü. Rû ngẽmatama pexcëx chanaxümatüxürüü ta nixi ga pexcëx naxümatüãxü ga taeneë ya nüxü ingechaügücü ya Pauru ga yexguma Tupana naporaxëëãcüma pexcëx naxümatüãgu.

16 Rû guxüma ga norü poperawa rü ñaã pexcëx chaxümatüxüchiga nanaxümatü ga Pauru. Natürü yema pexcëx naxümatüxüwa rü nangëxma i ñuxre i ore i guxchaxü na nüxü icuáxü na tacüchiga yíixü. Rû ngẽma duüxügü i tama aixcüma Tupanaxü cuëxgüxü rü tama aixcüma yaxögüxü, rü nanaxüchicüügü i ngẽma ore ngëxgumarüü na guxüma i Tupanaãrü ore i ümatüxü naxüchicüügüxürüü. Natürü ngẽma chixexü na naxügüxügagu rü nügü tátama inayarütauxexëë.

17 Rû ngẽmacëx, Pa Chaueneëgü ya Pexü Changechaügüxex, rü ñuxma na nüxü pecuáxü i tacü tá na ngupetüxü, rü name nixi i pexuãëgü na tama pexü nawomüxëëgüxüxcëx i ngẽma chixexü i duüxügü rü tama nüxü perüxoëxüxcëx na meã peyaxögüxü.

18 Rû ngẽmacëx, Pa Chaueneëgüx, penaxwẽxe na pegü peporaexëëxü na wüxichigü i ngunexü yexeraãcü tórü Cori ya Ngechuchu ya Cristu ya tórü Maxëëëruüxü pecuáxüxcëx rü yexeraãcü nüxü picuáetanüxüxcëx na ñuxãcü aixcüma pexü nangechaüxü. ¡Rü ngẽmacëx rü guxügutáma rü ngíã nüxü ticuëxüügü! Rû ngẽmaãcü yíi.

Rü nüãma pexna,
Pedru

NÜXĨRAÜXÜ GA POPERA GA CUÁŮ ÜMATÜXÜ

Ore i tüxü maxëëxüchiga

¹ Pexcëx tanaxümatü nachiga ya Tupana Nane ya Cristu ya yima woetama marü nüxıra yexmacü ga yexguma noxritama tauta naäne üxgu. Rü nüma rü Ore i Maxëëëruü nixi i naega erü nüma nixi i tamaã nüxü yaxuxü i Tupanachiga rü tüxü namaxëëëxü. Rü toma ga norü ngüexüğü na tixigüxü, rü nüxü taxinüë rü toxetümaã nüxü tadaugü rü tomëxmaã nüxü tingögüğü.

² Rü yima Maxëëëruü ya Cristu rü toxü nüğü nawëx. Rü nüxü tadaugü rü duüxüğümaã nüxü tixu na ñuxäcü yïxü. Rü ñuxma rü pemaã rü ta nüxü tixuchiga ya yima Cristu ya tüxna naxäcü i maxü i taguma güxü. Rü noxri rü Nanatüxütawa nayexma, natürü ñoma ga nañnewa nangu rü toxcëx nangox.

³ Rü yema toma nüxü tadaugüxü rü nüxü taxinüëxü rü pemaã nüxü tixu na tomücüğü pixigüxüxcëx, ngëxgumarüü i toma na Tanatü ya Tupana rü Nane ya Ngechuchu ya Cristumücüğü tixigüxürrüü.

⁴ Rü ngëmacëx pexcëx tanaxümatü i ñaã ore na wüxigu aixcümäxüchi itaãëgüxüxcëx.

Ñoma ngóonëxürrüü name ya Tupana

⁵ Rü ñaã nixi ga ore ga tomaã nüxü yaxuxü ga Ngechuchu ya Cristu. Rü pemaã nüxü tixu na ñoma ngóonëxürrüü namexü ya Tupana, rü nawa rü nataxuma i chixexü i ñoma ëänëxürrüü ixixü, rü bai i íraxü.

⁶ Rü ngëxguma chi:

“Tanatü ya Tupanamücüğü tixigü”, ñagüğü, natürü chixri imaxëğü, rü tidoraemare erü tama aixcüma meã tamaxë.

⁷ Rü ngëxguma chi Tupanarüü ngóonëxüwa imaxëğü, rü yigümücüğü tixigü i yixema, rü Tupana Nane ya Ngechuchu rü nagümaã tüxü inayanatauxëë i guxüma i tóru chixexü.

⁸ Ngëxguma chi nüxü ixuxgu rü:

“Changearü pecaduãx”, ñagüğü, rü yigütama tawomüxëë, rü tidoraemare.

⁹ Natürü ngëxguma chi Tupanamaã nüxü ixuxgu i tóru pecadugü, rü nüma tüxü nüxü nangechaü rü tüxü inayanatauxëë i guxüma i tóru chixexü, erü nüma rü mecü nixi rü taguma tüxü nawomüxëë.

¹⁰ Natürü ngëxguma chi:

“Tangearü pecaduãxgü”, ñagüğü, rü doratëëx nüxü tawogü ya Tupana rü tama aixcüma tawa nangëxma i norü ore.

2

Cristu rü tóru chogürrüü nixi

¹ Pa Chauxacügüx, pexcëx chanaxümatü i ñaã ore na tama chixexü pexügüxüxcëx. Natürü ngëxguma chi wüxie chixexü üxgu, rü nangëxma ya tümaëtüwa chogücü nüxna ya Tanatü ya Tupana na tama tüxü napoxcuxüxcëx. Rü yima nixi ya Ngechuchu ya Cristu ya aixcüma mecü ixicü.

² Rü guma Ngechuchu ya Cristu rü nüğü inaxã rü nayu na naxütanüãxüxcëx ga tóru pecadugü. Rü tama tóru pecadugüxicatama naxütanü, natürü guxüma i duüxüğüarü pecadugü ta naxütanü.

³ Rü ngëxguma chi naga ixinüëğü i ngëma tüxü namuxü ya Tupana, rü nüxü tacuëx na aixcüma nüxü icuáxü.

4 Rû ngëxguma chi wüxie:

“Choma rû Tupanaxü chacuèx”, ñagügu, natürü tama naga taxĩnûgu i ngëma tüxü namuxü ya Tupana, rû wüxi i doratëxáxü tixí.

5 Natürü yixema naga ñnuxë i ngëma tüxü namuxü ya Tupana, rû aixcümáxüchi Tupanaxü tangechaü. Rû ngëmawa nüxü tacuèxgü na aixcüma Tupanaärü duüxügü ixĩgüxü.

6 Rû yixema:

“Tupanaärü duüxü chixí”, ñagüxe, rû name nixí na meã tamaxüxü yema Ngechuchu ya Cristu meã maxüxürrü.

Tupanaärü mu i ngexwacaxüxüchiga

7 Pa Chaueneëgüx, tama wüxi i ngexwacaxüxü i Tupanaärü mu nixí i pexcèx chaxümatüxü. Natürü ñaãtama noxriarü ügügumama pexü yexmaxü ga mu nixí. Rû ñaãtama nixí i Tupanaärü mu ga nuxcümaüxü ga marü nüxü pexĩnüèxü.

8 Natürü ñaã Tupanaärü mu i pexcèx chaxümatüxü rû guxüdguma nangexwacaxü. Rû ngëxguma naga pexĩnüègu i ñaã Tupanaärü mu na pegü pengechaügüxü, rû tama êanexüwatama pemaxë, natürü Cristurüü ngëma ngóonexü i aixcüma ixĩxüwa pengëxmagü.

9 Rû ngëxguma chi wüxie:

“Choma rû ngëma ngóonexüwa changëxma”, ñagügu, natürü tümaëneëchi taxaixgu, rû êanexüwatama tangëxma.

10 Yixema tümaëneëxü ngechaüxë rû ngóonexüwa tamaxü, rû taxucèxma tüxcüü pecadu taxü.

11 Natürü yixema tümaëneëchi aixe, rû êanexüwatama tamaxü, rû êanexügu tixü. Rû tama nüxü tacuèx na ngextá taxüxü, erü tümacèx naxëãne.

12 Pa Chauacügüx, pexcèx chanaxümatü erü Cristugagu Tupana marü pexü nüxü nangechaü i perü pecadugü.

13 Pa Papágüx, pexcèx chanaxümatü i ñaã ore erü nüxü pecuèxgü ya Tanatü ya Tupana ga noxriarü ügügumama yexmacü. Pa Ngextüxücügüx, pexcèx chanaxümatü erü marü nüxü perüyexera i ngëma ngoxo i Chataná i chixexüärü üruü.

14 Pa Buxügüx, pexcèx chanaxümatü erü marü nüxü pecuèxgü ya Tanatü ya Tupana. Pa Papágüx, pexcèx chanaxümatü erü marü nüxü pecuèxgü ya Tanatü ya Tupana ga noxriarü ügügumama yexmacü. Pa Ngextüxücügüx, pexcèx chanaxümatü erü peporae, rû guxüdguma peãëwa nangëxma i Tupanaärü ore, rû marü nüxü perüyexera i ngëma ngoxo i Chataná i chixexüärü üruü.

15 ¡Tãxü i pexü nangüchaüxü i ñoma i naãne rû norü ngëmaxügü! Ngëxguma chi texéaxü nangüchaügu i ñoma i naãne rû tama Tanatü ya Tupanaxü tangechaü.

16 Erü guxüma i ngüchaügü i ñoma i naãnewa ngëmaxü rû ñoma i naãneärütama nixí rû tama Tupanaärü nixí. Rû ngëma ngüchaügü rû ngëma nixí i taxüneärü ngüchaügü, rû taxetüarü ngüchaügü, rû yigü na icuèxüüügüxü tóru ngëmaxügümaã.

17 Natürü ñoma i naãne rû guxüma i ngüchaügü i nawa ngëmaxü rû tá nagux. Natürü yixema Tupanaga ñnuxë rû guxügutáma tamaxü.

Ore i aixcüma ixĩxüchiga rû ore i dora ixĩxüchiga

18 Pa Chauxacügüx, paxa tá nagux i ñoma i naãne. Pema rü marü nüxü pexĩnũchiga rü tá ínangu i wüxi i Cristuarü uwanü, natürü marü ínangugü i muxüma. Rü ngẽmawa nüxü tacuèx na marü nagüxchaũxü i ñoma i naãne.

19 Rü ngẽma Cristuarü uwanügü rü tatanüwatama nangẽxmagüchirẽx, natürü tama aixcüma tatanüxü nixĩgü, erü ngẽxguma chi tatanüxü yixĩgügu rü tatanügü chitama narũcho. Natürü marü tatanüwa ínachoxü na meãma nüxü icuáxüçèx na tama aixcüma tatanüxü yixĩgüxü.

20 Natürü pema rü Cristu marü pexna nanamu i Naãe i Üünexü, rü ngẽmacèx meãma nüxü pecuèx i Tupanaärü ore.

21 Rü ñuxma rü tama nixĩ na tama nüxü pecuáxüçèx na pexcèx chaxümatüxü. Natürü pexcèx chanaxümatü erü marü meãma nüxü pecuèx i ngẽma ore i aixcüma ixĩxü. Rü nüxü pecuèx rü ngẽma ore i aixcüma ixĩxüwa rü nataxuma i dora.

22 ;Texè tixü ya yixema idoratèxáxe? Yixema:

“Ngechuchu rü tama aixcüma Cristu ya Tupana Nane nixĩ”, ñagüxe, tixĩ ya idoratèxáxe. Yixema tixĩ ya Cristuarü uwanü, erü tama nüxü tacuáxchaũ ya Tanatü ya Tupana rü Nane ya Ngechuchu.

23 Guxãma ya yixema tama nüxü cuáxchaũxè ya Tupana Nane ya Ngechuchu, rü tama nüxü tacuáxchaũ ta ya Tanatü ya Tupana. Natürü yixema Ngechuchuauxü yaxõxè, rü Tanatü ya Tupanaãxü rü ta tayaxõ.

24 Rü ngẽmacèx name nixĩ i peyaxõgüama i ngẽma ore ga noxri nüxü pexĩnũèxü. Rü ngẽxguma peyaxõgüamagu i ngẽma ore ga noxri nüxü pexĩnũèxü, rü aixcüma norü duũxügü pixĩgü ya Tanatü ya Tupana rü Nane ya Ngechuchu.

25 Rü nümatama ya Ngechuchu ya Cristu nixĩ i tamaã inaxunetaxü na tũxna naxããxüçèx i maxü i taguma gúxü.

26 Nangẽxma i duũxügü i chixexüwa pexü gagüchaũxü. Rü ngẽmachiga nixĩ i pexcèx chanaxümatüxü i ñãã ore.

27 Natürü pema rü marü Cristu pexna nanamu i Naãe i Üünexü, rü guxüguma pewa nangẽxma. Rü ngẽmacèx tama penaxwèxe i to i perü ngüexèèxü erü nümatama i Naãe i Üünexü rü pexü nangüexèè i guxüma. Rü norü nguxèètae rü aixcüma nixĩ rü tama dora nixĩ. Rü ngẽmacèx name nixĩ na guxüguma Cristuauxü peyaxõgüxü, ngẽma Naãe i Üünexü pexü ngüexèèxüãcüma.

28 Rü ñuxmax, Pa Chauxacügüx, rü name nixĩ na meãma Cristuauxü peyaxõgüxü na tama nüxü imuũèxüçèx, rü tama ixãneèxüçèx napèxewa i ngẽxguma wena nuã naxüxgu.

29 Pema nüxü pecuèx na Cristu rü aixcüma mecü yĩxü. Rü ngẽxgumarüü ta name nixĩ na nüxü pecuáxü na guxüma i duũxügü i mexü ügüxü rü Tupanaxãcügü na yixĩgüxü.

3

Tupanaxãcügüchiga

1 ;Dücèx, Pa Chaueneëgüx, ñuxãcü poraãcü tũxü nangechaũ ya Tanatü ya Tupana! Rü ngẽmacèx nixĩ i naxãcügümaã tũxü naxuxü i nümax. Rü aixcüma naxãcügü tixĩgü. Rü ngẽmacèx ñoma i naãnecüãx i duũxügü rü tama tũxü nacuáxchaũ erü Tupanaxü rü ta tama nacuáxchaũgü.

2 Pa Chaueneëgü ya Pexü Changechaũgüxe, ñuxma rü marü Tupanaxãcügü tixĩgü woo tama tũxü nüxü nacuèxèè na ñuxãcü tá ixĩgüxü i yixcüra. Natürü

nüxü tacuèxgü na Ngechuchurüü tá ixīgüxü i ngëxguma nangoxgu, erü tá nüxü tadaügü na ñuxäcü yïxü i nümax.

³ Rü guxäma ya yixema yaxöxë na Ngechuchurüü tá tiixü, rü tügüna tatau na Ngechuchu ya Cristurüü aixcüma Tupanaxëwema tamexü.

⁴ Natürü guxäma ya yixema pecadu üxe, rü Tupanamaä chixexü taxü. Erü ngëxguma tama Tupanaga taxinügu, rü tapecaduäx.

⁵ Pema nüxü pecuèx rü Ngechuchu ya Cristu rü ñoma ga nañewema naxü na iyanaxoxëäxüxcèx i törü pecadugü. Rü nüma rü taguma pecadu naxü.

⁶ Rü ngëmაცèx guxäma ya yixema aixcüma nüxü yaxögüxe, rü tama pecadu taxügüecha. Natürü guxäma ya yixema pecadu üechaxe, rü ngëmaäcü tamaxë erü taguma Cristuxü tatau, rü taguma nüxü tacuèx.

⁷ Pa Chauzacügüx, jtäxü i naga pexinüèxü i ngëma duixügü i pexü iyarütauxexëèchaüxü! Yixema mexü üxe rü aixcüma mecü tixi, ngëxgumarüü ya Cristu na aixcüma mecü yïxürüü.

⁸ Natürü yixema pecadu üechaxe rü ngëmawa tüxü tacuèx na Chatanáärü duixü tiixü, erü nüma i Chataná rü noxriarü ügügumama pecadu naxüecha. Rü yemacèx ga Tupana Nane rü ñoma ga nañewema naxü na iyanaxoxëäxüxcèx ga yema Chataná üxü.

⁹ Rü yixema Tupanaxäcü ixixë rü tama pecadu taxüecha, erü naxäcüxüchi tixi. Rü taxuacüma pecadu taxüecha erü Tupana nixi ya tümanatü.

¹⁰ Yixema chixexü üxe rü tümaëneëchi aixe, rü tama Tupanaxäcü tixi. Rü ngëmawa nüxü tacuèx na texé tixīgüxü ya Tupanaxäcügü rü texé tixīgüxü ya Chatanáäcügü.

Name nixi na yigü ingechaügüxü

¹¹ Rü yexguma noxritama pexü tangüxëègu, rü pemaä nüxü tixu na guxäma yigü ingechaxügüxü.

¹² Rü tama tanaxwëxe na Caïrüü ngoxo i Chatanáäcü ixīgüxü. Yerü nüma rü naëneèxü nimèx. ¿Rü tacüçèx nixi ga yamaäxü? Nayamèx yerü yema nüma naxüxü rü tama name, rü yema naëneë üxü rü name.

¹³ Pa Chaueneëgüx, jtäxü i pebaixächiaëgüxü ega pexchi naxaiegu i ñoma i nañecüäx i duixügü!

¹⁴ Yixema rü marü nüxna itanguxü i ngëma yu rü ñuxma rü marü maxüwaama tangëxmagü. Nüxü tacuèxgü i ngëma erü nüxü tangechaügü i taeneëgü. Yixema tama tümaëneèxü ngechaüxë rü yuwatama tangëxma.

¹⁵ Rü yixema tümaëneëchi aixe rü wüxi i máëtaxürüü tixi. Rü pema nüxü pecuèxgü i wüxi i máëtaxü rü nüxü nataxuma i norü maxü i taguma güxü.

¹⁶ Rü Ngechuchu ya Cristu rü törü pecaducèx nayu, rü yemaäcü tüxü nüxü nadauxëë i ngëma ngechaü i aixcüma ixixü. Rü ngëxgumarüü ta i yixema, rü tanaxwëxe na ímëmæxü na nüxü rüngüxëèxü i taeneëgü woo ngemagu iyuxgu.

¹⁷ Natürü ngëxguma chi wüxi i yatüäxü nangëxmagu i muxüma i norü ngëmæxügü, rü chi nüxü nadëuxgu i namücü na nüxü nataxuxü, rü taxuacüma:

“Choma rü Tupanaxü changechaü”, ñanagürü, ega tama nüxü nangüxëègu i namücü.

¹⁸ Pa Chauzacügüx, tama name i taëxmaä rü törü oremaäxicatama nüxü tangechaü i taeneë. Natürü tanaxwëxe i törü maxümaä rü törü ü i mexümaä nüxü tangechaü.

Tama taxäneë na Tupanana ingaicamagüxü

19-20 Rû ngêxguma aixcûma yigü ingechaũgügu, rû nüxü tacuèx na aixcûma naga ixĩnüèxü i ngêma ore i aixcûma ixĩxü, rû Tupanapêxewa rû aixcûma naxácügu ixĩgüxü, woo ngêxguma taãewa nagu rüxĩnũgu rû:

“Tama Tupanaxãcü chixĩ”, ñagügu. Erü nüxü tacuèx rû Tupana nixĩ i taãearü yexera, rû nüma nüxü nacuèx i guxüma.

21 Pa Chaueneëgü ya Pexü Changechaũgüxex, ngêxguma taãewa nüxü icuèxgu na Tupanaxãcüxüchi ixĩgüxü, rû tama taxãneé na nüxna ingaicam-agüxü ya Tanatü ya Tupana.

22 Rû nüma tá tüxna nanaxã i guxüma i tacü i naxcèx ícaxü erü naga taxĩnüè i ngêma tüxü namuxü rû tanaxü i ngêma nüma namaã nataãèxü.

23 Rû nüma tüxü namu na Nane ya Ngechuchu ya Cristuaxü yaxõgüxü rû yigü ingechaũgüxü, yema nüma tüxü namuxüãcü.

24 Rû yíxema naga Ìnüèxè i ngêma Tupana tüxü muxü, rû aixcûma Tupanaärü duũxügu tixĩgü rû nüma ya Tupana rû aixcûma tûmawa namaxü. Rû ñuxma rû nüxü tacuèx na aixcûma Tupanaärü duũxügu ixĩgüxü rû tawa namaxüxü, erü Naãè i Üünexü ga tüxna namuxü tüxü nüxü nacuèxèè.

4

Yíxema tüxü nangêxmaxè i Tupanaãè i Üünexü rû yíxema tüxü nangêxmaxè i Cristuarü uwanüãè

1 Pa Chaueneëgü ya Pexü Changechaũgüxex, jTãxü i nüxü peyaxõgüxü i guxüma i orearü uruũgü i nügu ixugügüxü na aixcûma Tupanaärü orearü uruũgü yixĩgüxü! Natürü name nixĩ i penangugü i norü ore na nüxü pecuáxücèx ngoxita aixcûma Tupanaãè yĩxü i nawa idexaxü rû éxna tama. Erü ñoma i naãnewa rû guxüwama nangêxma i muxüma i idoratèèxgüxü i nügu ixugüxü na Tupanaärü orearü uruũgü yixĩgüxü.

2 Rû tá pemaã nüxü chixu na ñuxãcü tá nüxü pecuáxü na texé tíxü ya yíxema aixcûma Tupanaãè tûmawa ngêxmaxè. Rû dücax, guxüma i orearü uruũgü i nüxü ixugüxü na Tupana duũxüxü yaxĩxèèxü ya Ngechuchu ya Cristu, rû ngêma nixĩ i aixcûma Tupanaãè nawa idexaxü.

3 Natürü guxüma i ngêma orearü uruũgü i tama nüxü ixugüxü na Tupana duũxüxü yaxĩxèèxü ga Ngechuchu, rû ngêma rû tama nüxü nangêxma i Tupanaãè i Üünexü. Natürü Cristuarü uwanüãè nixĩ i nawa ngêxmaxü. Marü nüxü pexĩnüè na ñanguxchaũxü i Cristuarü uwanü, natürü ñuxma rû marü ñoma i naãnewa nangêxma.

4 Pa Chauacügüx, pema rû Tupanaxãcügu pixĩgü. Rû marü nüxü perüyexera i ngêma tama aixcûma Tupanaärü orearü uruũgü ixĩgüxü. Erü ngêma Tupanaãè i Üünexü i peãewa ngêxmaxü rû nüxü narüyexera i ngêma Cristuarü uwanüãè i ñoma i naãnecüãxgüwa ngêxmaxü.

5 Rû nüma i Cristuarü uwanüärü duũxügu rû ñoma i naãnecüãxgü nixĩ. Rû ngêmacèx ñoma i naãnecigagu nidexagü. Rû ñoma i naãnecüãx i duũxügu rû nüxü inarüxĩnüè.

6 Natürü i yixema rû Tupanaxãcügu tixĩgü. Rû yíxema Tupanaxü cuáxe rû tüxü itarüxĩnü. Natürü yíxema tama Tupanaxü cuáxe rû tama tüxü itarüxĩnü. Rû ngêmawa nüxü tacuèxgü na texé tixĩgüxü ya aixcûma Tupanaärü duũxügu ixĩgüxe rû texé tixĩgüxü ya Cristuarü uwanüärü duũxügu ixĩgüxe.

Tupana tüxü nangechail

7 Pa Chaueneëgü ya Pexü Changechaũgüxex, name nixĩ na yigü ingechaũgüxü, erü Tupana nixĩ ya tüxü ngüxèècü na yigü ingechaũgüxü. Rû

guxāma ya yixema tūmaēneēxū ngechaūxē rü Tupanaxācü tixīgü rü Tupanaxū tacuèx.

⁸ Yixema tama tūmaēneēxū ngechaūxē rü tama Tupanaxū tacuèx, erü Tupana nixī ya tūxū ngūexēēcü na yigü ingechaūgūxū.

⁹ Tupana rü ñoma ga naānewa nanamu ga Nane ya nügūmaā wūxicacü na yimagagu tūxū nangēxmaxūcèx i maxū i taguma gūxū. Rü yemawa Tupana tūxū nüxū nadauxēē na ñuxācü tūxū nangechaūxū.

¹⁰ Rü woo Tupanaxū tangechaūgü, natürü ngēma ngechaū i guxūārü yexera ixīxū nixī na nūma tūxū nangechaūxū rü ñoma ga naānewa na namuāxū ga Nane na taxcèx nayuxūcèx rü naxūtanūāxūcèx ga tórü pecadugü.

¹¹ Pa Chaueneēgü ya Pexū Changechaūgūxex, yexguma yemaācü tūxū nangechaūgu ga Tupana, rü ngēmacèx name nixī i yixema rü ta yigü tangechaūgü.

¹² Taguma texé Tupanaxū tadau. Natürü ngēxguma aixcūma yigü ingechaūgūgu, rü Tupana rü tawa namaxū rü norü ngechaū rü aixcūmaxūchi tórü maxūwa nangox.

¹³ Rü nūma rü marü tūxna nanamu ga Naāē i Üünexū. Rü ngēmawa nüxū tacuèx na aixcūma norü duūxūgü ixīgūxū rü nūma rü tawa na namaxūxū.

¹⁴ Rü tomatama nüxū tadaugü rü nüxū tixuchigagü na Tanatü ya Tupana nūma namuxū ga Nane na guxūma i duūxūgūxū namaxēxēēxūcèx.

¹⁵ Rü yixema yaxōxē rü nüxū ixuchigaxe na Tupana Nane yiixū ya Ngechuchu, rü aixcūma Tupanaārü duūxū tixī, rü Tupana rü tūmawa namaxū.

¹⁶ Rü yixema nüxū tacuèxgü rü tayaxōgü na Tupana rü poraācü tūxū nangechaūxū, erü nūma nixī i aixcūma guxāxū nangechaūxū. Rü yixema aixcūma tūmaēneēxū ngechaūxē, rü Tupanaārü duūxū tixī, rü nūma ya Tupana rü aixcūma tūmawa namaxū.

¹⁷ Rü ngēxguma aixcūma Tupanaxū ingechaūgūgu, rü tórü maxūwa nangox i ngēma, rü tāūtāma nüxū tamuūē i ngēma ngunexū i nagu tūxū yacagūxūgu naxcèx i tórü maxū. Erü woo ñoma i naānewa tangēxmagü, natürü napēxewa rü Cristurū tixīgü.

¹⁸ Rü ngēxguma aixcūma Tupanaxū ingechaūgūgu, rü nüxū tacuèx na tāūtāma tūxū napoxcuexū, rü ngēmacèx taxucèxma nüxū tamuūē. Natürü ngēxguma chi nüxū imuūēgu, rü nüxū tacuèx na tama aixcūma nüxū ingechaūgūxū.

¹⁹ Rü yixema rü Tupanaxū tangechaūgü, yerü nüxīra tūxū nangechaū ga nūmax.

²⁰ Ngēxguma chi texé:

“Choma rü Tupanaxū changechaū”, ñagūgu, natürü tūmaēneēchi taxaixgu, rü tidora. Erü ngēxguma tama nüxū tangechaūgu i tūmaēneē i nüxū tadauxū çrü ñuxūcürüwa tá nüxū tangechaū ya Tupana ya tama nüxū tadaucü?

²¹ Rü Ngechuchu ya Cristu tūxū namu rü ñanagürü:

“Yixema Tupanaxū ngechaūxē, rü name nixī na tūmaēneēxū rü ta tangechaūxū”, ñanagürü.

5

1 Ngechuchu rü Tupana Nane ya Cristu nixĩ. Rü guxãma ya yixema nüxũ yaxõxê, rü Tupanaxãcü tixĩgü. Rü yixema Tanatü ya Tupanaxũ ngechaũxê, rü nüxũ tangechaũ ta i guxũma i naxãcügü.

2 Rü ngêxguma Tupanaxũ ingechaũgügu rü naxũxgu i ngêma nüma tüxũ namuxũ, rü nüxũ tacuêx na aixcüma nüxũ ingechaũgüxũ i ngêma naxãcügü ixĩgüxũ.

3 Rü ngêxguma aixcüma Tupanaxũ ingechaũgügu rü naga taxĩnüê i ngêma tüxũ namuxũ. Rü ngêma tüxũ namuxũ rü tama naguxcha na naga ixĩnüêxũ.

4 Erü guxãma ya aixcüma Tupanaxãcü ixĩxê, rü tama ñoma i naãneãrũ ngúchaũ i chixexũgu tarũxĩnü. Rü yixema rü tayaxõgü, rü ngêmacêx tama name i ñoma i naãneãrũ ngúchaũ i chixexũgu tarũxĩnüê.

5 Rü yixema yaxõxê na Tupana Nane yĩxũ ya Ngechuchu, rü yixema tixĩ ya tama ñoma i naãneãrũ ngúchaũ i chixexũgu rüxĩnüxê.

Ore i Tupana Nanechiga

6 Rü nüxũ tacuêx na aixcüma Tupana Nane yĩxũ ya Ngechuchu. Yerü yexguma ñoma ga naãnewa nayexmagu rü dexãwa ínabaiegu, rü nümatama ga Tupana nüxũ nixu na Nanexũchi yĩxũ. Rü yexguma curuchagu nayuxgu rü nagü inabaãgu ga Ngechuchu, rü Tupana rü wenaxãrũ inanawêx na aixcüma Nane na yĩxũ. Rü ngêxgumarũũ ta i ngêma Naãê i Üünexũ i taguma idoraxũ, rü tüxũ nüxũ nacuêxêê na aixcümaxũchi Tupana Nane na yĩxũ.

7 Rü ngêmaãcü tüxũ nangêxma i tomaêxpüx i cuêxruũgü i tüxũ nüxũ cuêxêxũ na aixcüma Tupana Nane yĩxũ ya Ngechuchu.

8 Rü ngêma norü wüxi nixĩ i Naãê i Üünexũ, rü ngêma norü taxre nixĩ ga yema Tupanaga ga yexguma Ngechuchu dexãwa íbaiegu, rü ngêma norü tomaêxpüx nixĩ ga yema Tupana üxũ ga yexguma curuchagu nagü inabaãgu ga Ngechuchu. Rü guxũma i ngêma tomaêxpüx, rü wüxigu nüxũ nixu na aixcüma Tupana Nane yĩxũ ya Ngechuchu.

9 Nüxũ tayaxõgü i duũxũgü ega tacüxũ tamaã yaxugügu. Natürü Tupanaãrũ ore nixĩ i yexeraãcü aixcümaxũchi ixĩxũ. Rü Tupana nixĩ ya tamaã nüxũ ixucü na Ngechuchu rü Nane yĩxũ.

10 Rü yixema nüxũ yaxõxê ya Tupana Nane rü nüxũ tacuêx na aixcüma yĩxũ i ngêma ore i Tupana nüxũ ixuxũ i Nanechiga. Natürü yixema tama Tupanaãxũ yaxõxê rü doratêêx nüxũ tawogü ya Tupana erü tama tayaxõ i ngêma ore i Tupana nüxũ ixuxũ i Nanechiga.

11 Rü ñaa nixĩ i norü ore ya Tupana i tamaã nüxũ yaxuxũ, rü ñanagürü: “Chomatama marü pexna chanaxã i maxũ i taguma gúxũ. Rü ñaa maxũ rü Chaunegagu pexũ nangêxma”, ñanagürü.

12 Yixema nüxũ yaxõxê ya Tupana Nane rü tüxũ nangêxma i ngêma maxũ i taguma gúxũ. Natürü yixema tama nüxũ yaxõxê ya yima Tupana Nane rü tama tüxũ nangêxma i ngêma maxũ.

Cuáũ rü ñuxre ga norü ucüxêmaã inayacuêxê ga norü popera

13 Pa Chaueneêgüx ya Tupana Naneãxũ Yaxõgüxex, pexcêx chanaxümatü i ñaa ore na nüxũ pecuáxücêx na pexũ nangêxmaxũ i ngêma maxũ i taguma gúxũ.

14 Rü ngêmacêx tama taxãneê na nüxna ingaicamagüxũ ya Tupana. Rü nüxũ tacuêxgü ega tacücêx nüxna icaxgu, rü nüma tüxũ naxĩnü i ngêxguma norü ngúchaũ yixĩgu i ngêma naxcêx nüxna icaxũ.

¹⁵ Rŭ ngēxguma nŭxŭ icuèxgu na nŭma tŭxŭ naxĩnŭxŭ i ngēxguma ŧacŭcèx nŭxna icaxgu, rŭ nŭxŭ tacuèx ta na tŭxna naxããxŭ i ngēma naxcèx nŭxna icaxŭ.

¹⁶ Rŭ ngēxguma chi texé nŭxŭ dèuxgu i tŭmaēneē na pecadu naxŭxŭ, rŭ name nixĩ na naxcèx tayumŭxèxŭ ega tama pecadu i iyanatauxèèxŭ yixĩgu. Rŭ Tupana tá nanamaxèē i ngēma tŭmaēneē ega tama pecadu i iyanatauxèèxŭ yixĩgu. Nangēxma i pecadu i tŭxŭ iyarŭtauxèèxŭ. Rŭ ngēxguma ngēma pecaduwe naxŭãmagu i wŭxi i peeneē, rŭ tama pemaã nŭxŭ chixu na naxcèx peyumŭxègŭxŭ.

¹⁷ Guxŭma i chixexŭ i ixŭxŭ, rŭ pecadu nixĩ. Natŭrŭ nangēxma i pecadu i tama tŭxŭ iyarŭtauxèèxŭ.

¹⁸ Rŭ nŭxŭ tacuèx, rŭ yixema Tupanaxãcŭ ixĩxè, rŭ tama pecadu taxŭecha, erŭ nŭma ya Tupana Nane rŭ tŭxna nadau. Rŭ taxuacŭma tŭxna nangaicama i ngoxo i Chataná i tŭxŭ pecaduãxèèchaŭxŭ.

¹⁹ Nŭxŭ tacuèxgŭ na Tupanaxãcŭgŭ ixĩgŭxŭ, natŭrŭ guxŭma i ñoma i nañecŭãx rŭ ngoxo i Chatanámxèewa nangēxmagŭ.

²⁰ Rŭ nŭxŭ tacuèx ta na ñoma ga nañewa nanguxŭ ga Tupana Nane, rŭ tŭxna nanaxã ga cuèx na nŭxŭ icuèxgŭxŭcèx ya yima aixcŭmaxŭchi Tupana ixĩcŭ. Rŭ norŭ duŭxŭgŭ tixĩgŭ ya yima aixcŭmaxŭchi Tupana ixĩcŭ, erŭ Nane ya Ngechuchu ya Cristuarŭ duŭxŭgŭ tixĩgŭ. Rŭ nŭma ya Tupana Nane nixĩ i aixcŭmaxŭchi Tupana yĩxŭ rŭ tŭxna naxããxŭ i maxŭ i taguma gŭxŭ.

²¹ Pa Chauzacŭgŭx, ¡Pegŭna pedaugŭ na tama nŭxŭ peyaxŭgŭxŭcèx i tupanachicŭgŭ! Rŭ ngēxcatama nixĩ i chorŭ ore i pemaã nŭxŭ chixuxŭ.

Rŭ nuãma pexna,
Cuãŭ

NORŨ TAXRE GA POPERA GA CUÁŨ ÜMATŨXŨ

Cuáŭrũ moxê

1 Pa Chaueneëgũ i Yaxôgũxe ya Tupana Pexũ Dexex, pexcêx chanaxũmatũ i choma i Cuáũ i yaxôgũxũrũ ãêxgacũ na chiĩxũ. Choma rũ aixcũma pexũ changechaũ. Rũ tama i chaxica, natũrũ guxũma i ngẽma nũxũ cuêxgũxũ i Tupanaãrũ ore i aixcũma ixĩxũ, rũ ngêxgumarũũ ta pexũ nangechaũgũ.

2 Pexũ tangechaũ erũ toxrũũ nũxũ pecuêxgũ i ngẽma ore i aixcũma ixĩxũ i guxũgutãma tawa ngêxmaxũ.

3 Rũ nũma ya Tanatũ ya Tupana rũ Nane ya Ngechuchu ya Cristu rũ poraãcũ tá pexũ narũngũxêëgũ rũ nũxũ pengechaũtũmũtũgũ rũ pexũ nataãêxêëgũ, erũ nũxũ pecuêx i ngẽma ore i aixcũma ixĩxũ rũ pegũ pengechaũgũ.

4 Rũ poraãcũ chataãê ga yexguma nũxũ chadêuxgu na ñuxãcũ ñuxre i petanũxũgũ rũ aixcũma meã naga na naxĩnũêxũ i ngẽma ore i aixcũma ixĩxũ, yema Tanatũ ya Tupana tũxũ muxũrũũ.

5 Rũ ñuxmax, Pa Chaueneëgũ ya Pexũ Changechaũgũxex, rũ pexna nũxũ chacuêxãchixêê na namexũ na yigũ ingechaũgũxũ. Rũ ngẽma rũ tama wũxi i ngexwacaxũxũ i Tupanaãrũ mu nixĩ. Natũrũ yematama nixĩ ga mu ga noxriarũ ügũgumama Tupana tũxna ãxũ.

6 Ngêxguma Tupanaxũ ingechaũgũgu, rũ tanaxũ i guxũma i ngẽma tũxũ namuxũ. Erũ nũma rũ noxriarũ ügũgumama tamaã nũxũ nixu na yigũ ingechaũgũxũcêx i wũxichigũ.

Orearũ uruũgũ i womũxêëruũchiga

7 Guxũwama i ñoma i naãnewa rũ nanaxĩãne i muxũma i womũxêëruũgũ ixĩgũxũ. Rũ nũxũ nixuchigagũ na tama Tupana duũxũxũ yaxixêëxũ ga Ngechuchu ya Cristu. Rũ ngẽma ngẽmaãcũ idexaxũ, rũ wũxi i womũxêëruũ nixĩ, rũ Cristuarũ uwanũ nixĩ.

8 ¡pexuãêëgũ na taxũema pexũ womũxêëgũxũcêx rũ na tama natũcêxma yĩxũcêx i torũ puracũ! ¡Natũrũ meã peyaxôgũama na aixcũma penayax-uxũcêx i guxũma i ngẽma Tupana pexna ãxchaũxũ!

9 Rũ yixema nangupetũxêëxê ga yema Cristu tũxũ ngũexêëxũ, rũ tama aixcũma Tupanaxũ tacuêx. Natũrũ yixema tama nũxna íchoxũxê ga yema Cristu tũxũ ngũexêëxũ, rũ aixcũma nũxũ tacuêx ya Tanatũ ya Tupana rũ Nane ya Ngechuchu.

10 Rũ ngêxguma chi wũxi i duũxũ petanũwa ngxgu rũ tama yema Cristu tũxũ ngũexêëxũmaã pexũ nangũexêëgu, rũ ¡tãtãma penayaxu i pechiũwa rũ bai i nũxũ perũmoxêëgũ!

11 Erũ ngêxguma wũxie tũmachĩũwa nayauxgu, rũ tananaãêraxũ rũ natanũxũ tũgũ tixĩxêê nawa i ngẽma norũ chixexũ.

Cuáŭrũ ore ga nawa iyacuãxũ

12 Choxũ nangêxma i muxũma i to i ore i pemaã nũxũ chixuxchaũxũ. Natũrũ tama chanaxwêxe na ñaã poperawa pemaã nũxũ chixuxũ, erũ paxa tá petanũwa íchayadauxchaũ na chomatama pemaãxũchi nũxũ chixuxũcêx na ngẽmaãcũ wũxigu aixcũma itaãêgũxũcêx.

¹³ Rŭ ngēma nuā natanŭwa changēxmaxŭ i yaxōgŭxŭ i peeneēgŭ ixīgŭxŭ i Tupana dexŭ, rŭ pexŭ narŭmoxēgŭ. Rŭ ngēxīcatama nixī i chorŭ ore i pemaā nŭxŭ chixuxŭ.

Rŭ nuāma pexna,
Cuáŭ

NORŨ TOMAËXPŨX GA POPERA GA CUÁŨ ŨMATŨXŨ

CuáŨ rŭ Gayumaã nataã

1 Pa Chaueneẽ, Pa Gayu i Aixcŭma Cuxŭ Changechaŭxẽx, rŭ cuxcẽx chanaxŭmatŭ i choma i CuáŨ i yaxõgŭxŭãrŭ ãẽxgacŭ na chiixŭ.

2 Pa Chaueneẽx, Tupanana chaca na meã cuxna nadauxŭcẽx i curŭ maxŭwa rŭ cuxunewa, ngẽma curŭ õwa cuxna na nadauxŭrŭi.

3 Rŭ poraãcŭ chataãẽ ga yexguma núma naxŭxgu ga ñuxre ga taeneẽgŭ, rŭ chomaã nŭxŭ yaxugŭga ga cuchiga na ñuxãcŭ meã cuyaxõxŭ i Tupanaãrŭ ore i aixcŭma ixixŭ, rŭ guxŭguma meã naga na cuxŭnŭxŭ.

4 Rŭ guxŭguma chataãẽxŭchi i ngẽxguma nŭxŭ chaxŭnŭgu na ñuxãcŭ Tupanaãrŭ ore nŭxŭ ixuxŭãcŭma meã namaxẽxŭ i chauxacŭgŭ. Rŭ aixcŭma nataxuma i to i taãẽ i ngẽmaãrŭ yexera ixixŭ.

5 Pa Chaueneẽ i Cuxŭ Changechaŭxẽx, mexŭ cuxŭ erŭ nŭxŭ curŭngŭxẽẽ i ngẽma togŭ i taeneẽgŭ i toxnamana ne ãxŭ i cuxŭtawa ngugŭxŭ.

6 Rŭ nŭmagŭ rŭ nuã nangugŭ, rŭ torŭ ngutaquẽxepataŭwa nŭxŭ nixugŭe na ñuxãcŭ nŭxŭ cungechaŭxŭ rŭ namaã cumecŭmaxŭ. Rŭ chanaxwẽxe i nŭxŭ curŭngŭxẽẽ i ngẽma taeneẽgŭ i ngẽxguma wena cuxŭtawa nangugŭga. Rŭ ngẽxguma cuxna iyaxŭxgu rŭ ñnŭxna naxã i tacŭ i nŭxŭ taxuxŭ i norŭ namawaŭ! Erŭ Tupanaãrŭ me nixŭ na ngẽmaãcŭ nŭxŭ rŭngŭxẽẽxŭ i norŭ orearŭ uruŭgŭ.

7-8 Rŭ nŭmagŭ, rŭ Ngechuchu ya Cristuarŭ puracŭ nixŭ i naxŭgŭxŭ, rŭ ngẽmacẽx norŭ oremaã nanaxŭãne. Natŭrŭ tama nanayauxgŭ i ngẽma tama yaxõgŭxŭãrŭ ngŭxẽẽ, rŭ ngẽmacẽx name nixŭ i yixema na nŭxŭ rŭngŭxẽẽgŭxŭ na ngẽmaãcŭ yixema rŭ ta wŭxigu namaã naxŭgŭxŭcẽx i Tupanaãrŭ puracŭ.

Diótepe rŭ chixexŭ naxŭ natŭrŭ Demétriu rŭ mexŭ naxŭ

9 Choma rŭ marŭ chanaxŭmatŭ i wŭxi i popera naxcẽx i ngẽma tupaucatanŭxŭgŭ i curŭ ãnewa ngẽxmagŭxŭ. Natŭrŭ nŭma i Diótepe rŭ tama naga naxŭnŭchaŭ i ngẽma nŭxŭ tixuxŭ, erŭ nanaxwẽxe na nŭmatama namuãxŭ i ngẽma tupaucatanŭxŭ.

10 Rŭ ngẽxguma ngẽma chaxŭxgu rŭ tá nŭxŭ chaxoregŭ erŭ tochiga i chixexŭmaã inayarŭdexanexŭ. Rŭ woo tomaã na ngexŭ nawagŭxŭ, rŭ naetŭwa to i chixexŭ naxŭ, erŭ tama nanayauxchaŭ i ngẽma taeneẽgŭ i ngẽma ngugŭxŭ. Rŭ nanachuxu na texé nayaxuxŭ i ngẽma taeneẽgŭ. Rŭ yixema nayauxchaŭxẽ, rŭ ngutaquẽxepataŭwa tŭxŭ ãnawoxŭ.

11 Pa Chaueneẽ i Cuxŭ Changechaŭxẽx, jTãxŭ i nŭxŭ cuyadauxŭxŭ i ngẽma togŭ i chixexŭ ŭgŭxŭ! Natŭrŭ name nixŭ i nŭxŭ cuyadauxŭ i ngẽma mexŭ ŭgŭxŭ. Erŭ yixema guxŭguma mexŭ ŭxe rŭ Tupanaxãcŭ tixŭ. Natŭrŭ yixema chixexŭ ũechaxe rŭ tama Tupanaxŭ tacuẽx.

12 Guxŭma i duŭxŭgŭ nŭxŭ ixuxgu i Demétriu rŭ wŭxi ya mecŭ nixŭ. Rŭ toma rŭ ta nŭxŭ tacuẽx na meã naga naxŭnŭxŭ i Tupanaãrŭ ore i aixcŭma ixixŭ. Rŭ ngẽmacẽx toma rŭ ta nŭxŭ tixu na aixcŭma mecŭ yixŭ. Rŭ cuma nŭxŭ cucuẽx na aixcŭma na yixŭ i ngẽma nŭxŭ tixuxŭ.

Cuáŭãrŭ ore ga nawa iyacuãxŭ

¹³ Choma choxŦ nangēxmachirēx i muxŦma i chorŦ ore i cumaã nŦxŦ chixuxchaŦxŦ, natŦrŦ tama ñãã poperagu cuxcēx chanaxŦmatŦchaŦ.

¹⁴ ErŦ choma rŦ paxa ngēma chaxŦxchaŦ, rŦ ngēxguma rŦ meã tá yigŦmaã tidexagŦ.

¹⁵ ¡Meã cuxŦ naxŦpetŦ rŦ tãxŦ i cuxoegaãēxŦ! TamŦcŦgŦ i númacŦŦãx rŦ moxē cuxcēx ngēma namugŦ. RŦ chanaxwēxe i nŦxŦ curŦmoxē i wŦxichigŦ i tamŦcŦgŦ i ngēma ngēxmagŦxŦ. RŦ ngēxŦcatama nixŦ i chorŦ ore i cumaã nŦxŦ chixuxŦ.

RŦ nuãma cuxna,
CuãŦ

POPERA GA YUDA ÜMATÜXÜ

Yema yaxögüxüxü narüimoxë ga Yuda

1 Pa Yaxögüxü i Guxüwama Ngëxmagüxüx, choma i Yuda nixi i pexcëx chanaxümatüxü i ñaã popera. Rü choma nixi i Chaütiágueneë chiüxü, rü Ngechuchu ya Cristuarü duüxü chixi. Rü pexcëx chanaxümatü i pema na Tanatü ya Tupana pexü dexü rü pexü ngechaüxü rü Ngechuchu ya Cristu pexna dauüxü.

2 Rü pexcëx chayumüxë na guxüguma Tupanaãxü pengechaütümüügüxüxcëx, rü pexü nataãëxëëgüxüxcëx, rü pexü nangechaüxüxcëx.

Duüxügü i doramaã ngüexëëtaegüxüchiga

3 Pa Chaueneëgü ya Pexü Changechaügüxex, noxri rü poraãcü choxü nangüchaü na pexcëx chanaxümatüxü nachiga i ngëma maxü i taguma güxü i tüxü ngëxmaxü. Natürü ñuxma na petanügu nachocuxü i ñuxre i duüxügü i íyatoxëëgüchaüxü i Tupanaãrü ore, rü ngëmacëx chanaxwëxe na pexcëx chanaxümatüxü na pexü chaxucuxëxüxcëx rü ípenapoxüxüxcëx i ngëma ore i aixcüma ixüxü ga nuxcüma wüxicanatama Tupana norü duüxügüna äxü.

4 Rü ngëma duüxügü i pexü nawomüxëëäcüma petanügu chocuxü nixi i pexü ngüexëëxü rü ñaxü:

“Tupana rü namecümaxüchi rü ngëmacëx täütama pexü napoxcue ega woo chixri pemaxëgu”, ñaxü. Rü ngëxgumarüü ta tama nüxü nacüëxgüchaü ya törü Cori ya Ngechuchu ya Cristu ya törü yora ixücü. Natürü ngëma duüxügü i ngëmaãcü maxëxü, rü woetama nuxcü mama Tupanaãrü ore i ümatüxüwa rü marü nüxü nixu na Tupana tá napoxcuexü.

5 Rü woo na marü nüxü pecuáxü natürü pexna nüxü chachuëächixëëchaü na ñuxäcü namaã nangupetüxü ga yema nuxcümaügüxü ga Yudiügu ya Moíchéwe rüxüxü. Rü törü Cori ya Tupana rü poraãcü nüxü narüngüxëë na Equituanewa ínanguxüxüxcëx, natürü yixcama rü nanadai ga yema tama naga ínüëchaüxü.

6 Rü ngëxgumarüü ta pexna nüxü chachuëächixëë na ñuxäcü namaã nangupetüxü ga yema daxücüäx ga orearü ngeruügü ga noxri ixüünechirëxü natürü yixcama nagagutama pecadu ügüxü. Rü yemacëx ga Tupana rü ëänexüwa nanawogü, rü ngëxma nanapoxcue ñuxmatáta nawa nangu i ngëma ngunexü i nagu tüxü yacagüxü.

7 Rü yexgumarüü ta nüxü nangupetü ga guma íänegü ga Chodoma rü Gomora rü guma íänegü ga norü ngaicamagugüne. Yerü guma íänecüäxgü, rü poraãcü chixri nügümaã namaxë, rü yemacëx ga Tupana rü üxümaã ínanagu. Rü yemaãcü inayanaxoxëë ga guma íänegü na yemawa tüxü nüxü nacüëxëëxüxcëx na nangëxmaxü i wüxi i poxcu naxcëx i guxüma i ngëma chixexü ügüxü.

8 Natürü woo ngëmaxü na nacüëxgüxü i ngëma idoraexü i petanügu chocuxü, natürü norü chixexügu narüxüñüëäma. Rü poraãcü chixri nügümaã namaxë, rü tama törü Cori ya Tupanaga naxüñüëchaü, rü chixri Tupanaãrü orearü ngeruügü i daxücüäxchigagu nidexagü.

9 Rü ngëma duüxügü rü naëchitamare nidexagü rü tama Tupanaãrü orearü ngeruü ga Miguérerüü nügüna nadau i norü orewa. Rü guma Miguére rü woo

guxü i Tupanaärü orearü ngeruügü i daxüçüâxârü âëxgacü na yîixü, natürü tama ngoxo ga Chatanámaã naguxchiga ga yexguma Moïchéxüncëx yéma nügümaã yaporagatanüçüüxgu, na nüxü nacüëxgüçüçëx na texëarü tá yîixü ga Moïchéxüne. Natürü nüma ga Miguére rü ñanagürümare:

“Cori ya Tupana tá cuxü nanga”,
ñanagürümare.

10 Natürü ngëma duüxügü i doramaã i petanügu chocuxü, rü tama Tupanaxü nacüëxgüäcüma chixri nachiga nidexagü, rü chixri norü orearü ngeruügü i daxüçüâxchiga nidexagü. Rü ñoma naëxügürüü naxüneärü ngüchaüwemare narüxü, rü ngëmaäcü namaxë. Natürü ngëma chixexü i naxügüçüçëx, rü Tupana tá nanapoxcue.

11 Rü wüxi i ngechaüxüchi nixi naxcëx i ngëma duüxügü erü ngëmaäcü namaxë. Rü Caï ga naëneëxü imáxürüü nixigü. Rü âëxgacü ga Baráürüü dïerucëx chixexü naxügü. Rü Corérüü tama Tupanaga naxinüëchaü, rü ngëmacëx Tupana tá nanapoxcue.

12 Rü ngëxguma tupaucawa tórü Coriarü ðnacëx pengutaquëxegügu, rü wüxi i ânëxüchi nixigü. Erü narücutanüxü, rü poraäcü nachibüe rü naxaxegü, rü nügügüxicatama narüxünüë. Rü ñoma caixanexü i ngearü pucüâxü i paanexüetüwa üpetüxü natürü tama nanetüxü ixaiyagüxürüü taxuwama nime. Rü ngëma nanetügü i ngëxguma norü owa nanguxgu rü tama ixoxürüü nixigü. Rü ñoma naigü i guxüma i naxchümëxãmaã napuxü rü yuxuchixürüü taxuwama nime i ngëma duüxügü.

13 Rü ñoma yuape i taxü i norü chixixü i äüächixü naxãnacüwa yataxürüü nixigü, erü poraäcü chixexü naxügü. Rü ñoma woramacurigü ya nu ne naxïmarecürüü nixigü. Natürü Tupana rü marü namaã nanaxuegu na ngëma waanexüchixüwa guxügütama nawogüâxü.

14-15 Rü nuxcümaäcü ga Enó ga Adáütaa ixïcü rü ngëma duüxügüchiga nidexa ga yexguma Tupana yadexaxëëgu, rü ñanagürü:

“Rü nüxü chadau ya Cori ya Tupana na muxüchixü i norü orearü ngeruügü i daxüçüâxmaã núma ücü na duüxügüna naçaxüçëx i norü maxüchiga rü napoxcueäxüçëx i guxüma i ngëma duüxügü i chixexü ügüxü rü namaã guxchigagüxü”,
ñanagürü.

16 Rü ngëma duüxügü rü tacüçëx idexagüwëxëxüchixü nixigü, rü toguâxü ixuxwëxëgüxüchixü nixigü. Rü noxrütama ngüchaüçëx daugüxü nixigü. Rü nügü icüëxüügüxü nixigü. Rü nümaxü meã tümachiga nidexagüneta ya duüxëgü, na tümaxütawa tacü na nayauxgüçüçëxmare.

Yuda nayaxucüxëgü ga yema yaxögüxü

17 Pa Chaueneëgü ya Pexü Changechaügüxex, jnünxna pecüëxächie ga yema ore ga pemaã nüxü yaxügügüxü ga tórü Cori ya Ngechuchu ya Cristuarü ngüexügü ga imugüxü!

18 Rü nümagü rü ñanagürügü pexü:

“Ngëxguma nagüxchaügu i naäne rü tá nangëxma i duüxügü i tá nüxü cügüexü i Tupanaärü ore rü noxrütama ngüchaü i chixexügumare maxëxü”,
ñanagürügü pexü.

19 Rü ngëma duüxügü nixi i pexü itoyexü na tama wüxigu perüxünüëxüçëx rü tama meã peyaxögüçüçëx. Rü nümagü rü naxüneärü ngüchaüwe narüxü, rü tama nawa nangëxma i Tupanaãe i Üünexü.

²⁰ Natürü pemax, Pa Chaueneëgü ya Pexü Changechaüggüxex, jrü pegü perüngüxëëx na guxüguma yexeraäcü nagu pexixü rü peyaxögüxü i ngëma ore i üünexü i marü peyaxgüxü! jrü guxüguma Tupanaäë i Üünexüärü ngüxëëmaä peyumüxëgü!

²¹ jrü guxüguma nagu pexi i ngema Tupanaarü ngechaxü! jrü meä ípenangüxëëx i ngëma ngunexü i nagu tá nüma naxüxü ya tórü Cori ya Ngechuchu ya Cristu na nüxü ingechaütümüüggüäcüma tüxna naxäâxüçëx i maxü i taguma güxü!

²² jrü pexü nangechaütümüüggü i ngëma tama aixcüma yaxögüxü, rü nüxü perüngüxëëgü na meä yaxögüäxüçëx!

²³ Rü togü, jrü paxa norü pecaduwa ípenayaxuchi na namaxëxüçëx rü tama yima üxü ya Tupana mexënegu yanatauxexüçëx! Rü woo ngëma tama yaxögüchaüxü, jrü pexü nangechaütümüüggü! jrü Natürü pegüna pedaugü na tama norü chixexügu peyixüçëx! Rü ngëma norü chixexü i pexçëx mexçüraxüxü, jrü nüxü pexo!

Tupanaxü yacuëxüüäcüma inayacuëxëë ga norü popera

²⁴⁻²⁵ Rü yima wüxitama ya Tupana ya tórü Maxëxëëruü ixícü, rü nüxü nangëxma i pora na pexna nadauxüçëx na tama pecadugu peyixüçëx. Rü nüxü nangëxma i pora na iyanaxoxëëäxüçëx i guxüma i perü chixexügü na petaäëgüäcüma nügüpëxewa pexü nagagüxüçëx i ngextá äëxgacü íyixüwa. Rü ngëmacëx tanaxwëxe i tórü Cori ya Ngechuchu ya Cristuégagu Tupanaxü ticuëxüüggü, erü nüma rü guxüärü yexera name rü napora, rü guxüetüwa nangëxma, rü guxümaä inacüëx. Rü yemaäcü nixi ga nuxcümamaxüchima, rü ngëmaäcü nixi i nüxmax, rü guxügutäma ngëmaäcü yí.

Rü nuäma pexna,
Yuda

YEMA CUÁŪ NŪXŪ DAUXŪ I YIXCŪRA TÁ NGUPETŪXŪCHIGA

Ore ga Cuáŭxŭ nŭxŭ nacuèxèèxŭ ga Ngechuchu ga Cristu

¹ Ñaã nixŭ i ngēma ore ga Tupana Ngechuchu ya Cristuxŭ nŭxŭ cuèxèèxŭ na nŭxŭ norŭ duŭxŭgŭxŭ nŭxŭ nacuèxèèxŭcèx i ngēma paxa tá ngupetŭxŭ. Rŭ nŭma ga Ngechuchu ya Cristu nixŭ ga norŭ orearŭ ngeruŭ ga daxŭcŭŭxŭ namuxŭ na norŭ duŭcŭ ga Cuáŭmaã nŭxŭ na yaxuxŭcèx.

² Rŭ choma i Cuáŭ chixŭ ga aixcŭma meãma nŭxŭ chadauxŭ rŭ chanaxŭmatŭxŭ ga guxŭma ga yema Tupanaãrŭ ore ga Ngechuchu chauxcèx ngoxèèxŭ.

³ Rŭ tataãe ya yŭxema duŭxŭgŭpèxewa nawa ngŭxe i ñaã Tupanaãrŭ ore, rŭ ngèxgumarŭŭ ta tataãegŭ ya yŭxema nŭxŭ Ìnŭèxè rŭ naga Ìnŭèxè i ñaã ore i ũmatŭxŭ, erŭ paxa tá ningŭ i ngēma nŭxŭ yaxuxŭ.

Cuáŭ nanaxŭmatŭ naxcèx ga yema 7 tŭcumŭ ga yaxŭgŭxŭ ga Áchiaanewa yexmagŭxŭ

⁴ Rŭ choma i Cuáŭ rŭ chanaxŭmatŭ i ñaã ore pexcèx i yaxŭgŭxe ya yima 7 ya ìãne ya Áchiaarŭ naãnewa ngèxmagŭnewa ngèxmagŭxe. Rŭ chanaxwèxe i pexŭ narŭngŭxèè rŭ pexŭ nataãèxèè ya yima Tupana ya woetama ngèxmaèchacŭ. Rŭ ngèxgumarŭŭ ta chanaxwèxe i pexŭ narŭngŭxèè rŭ pexŭ nataãèxèè i ngēma Naãe i Üñexŭ i naxŭtawa ne ũxŭ i perŭ dauruŭ ixŭxŭ i pema i yaxŭgŭxe ya yima 7 ya ìãnewa na pengèxmagŭxŭ.

⁵ Rŭ ngèxgumarŭŭ ta chanaxwèxe na pexŭ nangŭxèèxŭ rŭ pexŭ nataãèxèèxŭ ya Ngechuchu ya Cristu ga aixcŭma meãma nŭxŭ ixucŭ ga Tupanaãrŭ ore ga ñoma ga naãnewa. Rŭ nŭma nixŭ ga nŭxŭra yuwa Ìnadaxŭ. Rŭ nŭma rŭ guxŭma i ñoma i naãnewa ngèxmagŭxŭ i nachŭŭãneãrŭ àèxgacŭgŭarŭ àèxgacŭ nixŭ. Rŭ nŭma rŭ tŭxŭ nangechaŭ, rŭ nagŭmaã tŭxŭ Ìnayanaxoxèè i tŭrŭ pecadugŭ.

⁶ Rŭ ñŭxma na guxŭãrŭ àèxgacŭ yŭŭxŭ i nŭmax, rŭ tŭxŭ naxŭchica i ngextá nŭma àèxgacŭ íyŭŭxŭwa. Rŭ paigŭxŭ tŭxŭ nixŭgŭxèè na Nanatŭ ya Tupanaãxŭ ipuracŭexŭcèx rŭ nŭxŭ icuèxŭŭgŭxŭcèx. Rŭ name nixŭ i guxŭgutáma Cristuxŭ ticuèxŭŭgŭ, erŭ nŭma rŭ guxŭgutáma guxŭãrŭ àèxgacŭ nixŭ. Rŭ ngēmaãcŭ yŭŭ.

⁷ Rŭ dŭcax, marŭ ningaica na caixanexŭgu Ìnanguxŭ ya Cristu! Rŭ guxŭtáma i duŭxŭgŭ nŭxŭ nadau, rŭ woo ga yema nacanapacŭtŭŭgŭxŭ rŭ tá ta nŭxŭ nadaugŭ. Rŭ guxŭ i duŭxŭgŭ i guxŭ i nachŭŭãnecŭŭxŭ i tama yaxŭgŭxŭ rŭ norŭ muŭmaã rŭ norŭ ngechaŭmaã tá naxauxe i ngèxguma Ìnanguxŭ i nŭmax. Rŭ aixcŭma ngēmaãcŭ tá nixŭ.

⁸ Rŭ nŭma ya tŭrŭ Cori ya Tupana ya guxŭãrŭ àèxgacŭ ixŭcŭ ya woetama ngèxmaèchacŭ, rŭ ñanagŭrŭ:

“Chowa nixŭ ga Ìnaxŭgŭxŭ ga guxŭma, rŭ nataxuma i ŭacŭ i chorŭ yexera ngèxmaèchaxŭ”, ñanagŭrŭ.

Cuáŭcèx nangox ga Cristu ya mexèchicŭ

⁹ Rŭ choma i Cuáŭ na pexcèx chanaxŭmatŭxŭ i ñaã popera, rŭ peeneè chixŭ. Rŭ ngēma na Ngechuchuna na chaxŭxŭ rŭ chaxŭchica i ngextá nŭma àèxgacŭ íyŭŭxŭwa. Rŭ Ngechuchucèx pexrŭŭ ngŭxŭ chinge, natŭrŭ nŭma

pexũ naporaexẽẽxũrũũ choxũ naporaxẽẽ na yaxna namaã chaxĩnũxũcẽx i guxũma i ngẽma ngũxũ i choxũ ùpetũxũ. Rũ choma rũ capaxũ ga Pátmugu chapoxcu naxcẽx na nũxũ chixuxũ ga Tupanaãrũ ore ga Ngechuchuchiga.

10-11 Rũ wũxi ga yũxũarũ ngunexũgu rũ Tupanaãe i Ûnẽxũ chomaã inacuẽx, rũ changoxetũ rũ choweama nũxũ chaxĩnũ ga wũxi ga naga ga tagaxũ ga ñoma cornetagarũũ ixĩxũ ga ñaxũ choxũ:

“Chowa nixĩ ga inaxũgũxũ ga guxũma, rũ nataxuma i tacũ i chorũ yexera ngẽxmaẽchaxũ. Rũ ñũxma chanaxwẽxe na wũxi i poperagu cunaxũmatũxũ i ngẽma nũxũ cudauxũ. Rũ ñũxũchi chanaxwẽxe i ngẽma yaxõgũxũ ya yima 7 ya ñane ya Áchiaarũ naãnewa ngẽxmagũnẽwa ngẽxmagũxũtanũwa cunamu. Rũ yima 7 ya ñane nixĩ ya Epẽchũ rũ Esmira rũ Pẽrgamu, rũ Tiatĩra rũ Chardi rũ Firadẽfia rũ Laodichẽa”, ñanagũrũ.

12 Rũ chaugũ íchidau na nũxũ chacuáxũcẽx na tacũ yĩxũ ga yema chomaã idexaxũ. Rũ yexguma chaugũ íchidẽuxgu rũ nũxũ chadau ga 7 ga weraarũ ùruũgũ ga uirunaxcẽx ixĩgũxũ.

13 Rũ yema 7 ga weraarũ ùruũgũarũ ngãxũtanũwa nũxũ chadau ga wũxi ga duũxũ ga chauxcẽx nangechuchu ga duũxũxũ ixĩcũraũxũ. Rũ wũxi ga naxchiru ga máxũmaã naxãxchiru. Rũ wũxi ga goyexũ ga uirunaxcẽxmaã niyogeremũ.

14 Rũ nayae rũ nachoxochi ñoma tacũ i choxochixũrũũ. Rũ naxẽtũ rũ ñoma ùxũemarũũ niyauracũũ.

15 Rũ nacutũ rũ ta niyauracũũ ñoma cobrexũchi i meãma ípixũrũũ. Rũ yexguma yadexagu rũ natagaxũchi ñoma taxũ i dexá i chuxchuxũ ágaxũrũũ.

16 Rũ norũ tũgũnemẽxẽwa nũxũ nayexma ga 7 ga woramacurigũ. Rũ naãxwa nayexma ga wũxi ga tara ga guxũcũwawa téxũ. Rũ nachuwe rũ ñoma ùẽxcũ poraãcũ nguxetũgurũũ nixĩ.

17 Rũ yexguma nũxũ chadẽuxgu, rũ napẽxegu chayangu ñoma chayuxũrũũ. Natũrũ ga nũma rũ norũ tũgũnemẽxẽmaã choxũ ningõgũ, rũ ñanagũrũ choxũ:

“¡Tãxũ i cumuũxũ! Choma nixĩ i chaxira chayexmaxũ rũ guxũgutãma changẽxmaẽchaxũ.

18 Rũ choma nixĩ i yuwa ícharũdaxũ rũ ñũxma rũ chamaxũ. Rũ ùpa rũ chayũ, natũrũ i ñũxma rũ marũ guxũgutãma chamaxẽcha. Rũ choxmẽxwa nangẽxma na ñũxgu tá nayuxũ i wũxichigũ i duũxũ. Rũ ngẽxgumarũũ ta choma nixĩ i namaã ichacuáxũ i ngẽma nachica i ngextá ínangẽxmagũxũtwa i guxũma i duũxũgũ i yuexũ.

19 Rũ ñũxma rũ chanaxwẽxe i cunaxũmatũ i ngẽma nũxũ cudauxũ. Rũ ngẽma nixĩ i ñũxma ngẽma yaxõgũxũmaã ngupetũxũ, rũ ngẽma yixcũra tá ngupetũxũ.

20 Rũ ñũxma rũ tá cuxcẽx chanangoxẽẽ i ngẽma ẽxũguxũ i ngẽma 7 i woramacurigũ i chorũ tũgũnemẽxẽwa nũxũ cudauxũchiga rũ ngẽma 7 i weraarũ ùruũgũ i uirunaxcẽxchiga. Rũ ngẽma 7 i woramacurigũ i nũxũ cudauxũ, rũ ngẽma ãẽxgacũgũ i ngẽma 7 tũcumũ i yaxõgũxũtẽtwa ngẽxmagũxũchiga nixĩ. Rũ ngẽma 7 i weraarũ ùruũgũ rũ ngẽma 7 tũcumũ i yaxõgũxũ i yima 7 ya ñanẽwa ngẽxmagũxũchiga nixĩ”.

2

Ore ga yema 7 tũcumũ ga yaxõgũxũcẽx ùmatũxũ Ore ga yema yaxõgũxũ ga Epẽchũarũ ñanẽwa yexmagũxũcẽx ùmatũxũ

¹ “Rü ñuxma chanaxwèxe i ngēma Epéchiuwa ngēxmagüxü i yaxögüxüârü âëxgacücèx cunaxümatü, rü ñacurügü nüxü: ‘Ñaa nixi i norü ore ya yima ngēma yaxögüxütanügu yarüxüüüücü rü norü tügünemëxëmaã nüxna daücü i ngēma yaxögüxüârü âëxgacügü’.

² Rü ñanagürü i nümax:

‘Choma nüxü chacuèx i guxüma i ngēma cuxüxü. Rü nüxü chacuèx na ñuxäcü poraäcü choxü cupuracüxü rü ñuxäcü cunaxüamaxü i ngēma puracü woo ngēmacèx muxüma i guxchaxüügü cuxcèx ínguxgu. Rü nüxü chacuèx na tama curü me yixü i ngēma duüxügü i chixexü ügüxü. Rü ngēxgumarüü ta nüxü chacuèx na meã cunangugüarü maxüäxü i ngēma duüxügü i nügü ixugüxü na Tupana imugüxü yixigüxü natürü tama aixcüma ixigüxü na Tupana yamugüxü. Rü cuma rü nüxü cucuèxama na idoratèëxmaregüxü yixigüxü.

³ Rü woo naguxcha i ngēma puracü i chauxcèx cuxüxü, natürü cunaxüama. Rü woo chaugagu poraäcü ngüxü na quingexü, natürü yaxna namaã cuxinü, rü tama nüxü curüchau.

⁴ Natürü nangëxma i wüxi i cuxüxü i tama chorü me ixixü. Rü ngēma nixi na tama noxrirüü choxü cungechaüxü i ñuxmax.

⁵ Rü ngēmacèx i ñuxma na ngēma chixexügu cunguxü, rü name nixi i nüxna cucuèxächi na ñuxäcü choxü cungechaüxü ga noxrrix. Rü name nixi i nüxü curüxo i curü chixexü rü noxrirüü choxü cungechaüäcüma mexü cuxü. Natürü ngēxguma chi tama nüxü curüxoogu i curü chixexü, rü paxa tá cuxü íchayadau, rü tá cuxü chaxo na tama ngēma togü i yaxögüxütanüwa cuxächicaxücèx.

⁶ Natürü nangëxma i wüxi i cuxüxü i chorü me ixixü. Rü ngēma nixi na naxchi cuxaixü i ngēma chixexü i naxügüxü i ngēma Nicoraitagü. Rü choma rü ta naxchi chaxai i ngēma chixexü i naxügüxü’.

⁷ Rü yixema ächixexë rü name nixi i naga taxinü i ngēma Tupanaãe i Üünexü nüxü ixuxü namaã i ngēma yaxögüxütücumügü”. Rü ñanagürü:

“Yixema nüxü rüporamaëxë i chixexü rü tá tüxü nüxü chamuxnetaxëë i norü o i ngēma orix i tüxü maxëxëxü i Tupanaârü orixnecüwa ngëxmaxü”, ñanagürü i Naãe i Üünexü.

Ore ga yema yaxögüxü ga Esmiraarü ñanewa yexmagüxülcèx ümatüxü

⁸ Rü yema chomaã idexaxü rü ñanagürü ta:

“Chanaxwèxe i Esmirawa ngēxmagüxü i yaxögüxüârü âëxgacücèx cunaxümatü, rü ñacurügü tá: ‘Ñaa nixi i norü ore ya yima nüxira yexmacü rü gugüguma ngēmaëchacü ga paxaächi yücü rü wenaxarü maxücü’.

⁹ Rü ñanagürü i nümax:

‘Choma nüxü chacuèx i guxüma i ngēma cuxüxü. Rü nüxü chacuèx na ñuxäcü ngüxü quingexü. Rü nüxü chacuèx na cungearü dïeruäxü i ñoma i naãnewa, natürü daxügüxü i naãnewa cuxü nangëxma i ngēma taguma gúxü. Rü nüxü chacuèx na ñuxäcü chixri cuchiga yadexagüxü i ngēma duüxügü i nügü ixugüxü na Yudügu yixigüxü. Natürü i nümagü rü aixcüma Chatanaârü duüxügümare nixigü.

¹⁰ ¡Rü täxü i cumuüxü naxcèx i ngēma ngüxü i tá quingexü! Rü ngoxo i Chataná rü tá norü duüxügüxü namu na poxcupataügu pexü napoxcuxücèx i ñuxre i pema na ngēmaäcü pexü naxüxücèx. Rü ñuxre i ngunexü tá ngüxü pingegü. Natürü woo ngēmaäcü ngüxü pingegügu rü chanaxwèxe i

choxū cuyaxōōma ñuxmatáta cuyux. Rū choma rū tá cuxna chanaxā i curū āmare i maxū i taguma gūxū'.

¹¹ Rū yixema āchixexē rū name nixī i naga taxīnū i ngēma Tupanaāē i Ūūnexū nūxū ixuxū namaā i ngēma yaxōgūxūtūcumūgū". Rū ñanagūrū:

"Yixema ñoma i naānema nūxū rūporamaēxē i chixexū, rū tāūtáma Tupana ngoxogūxū ipoxcuxēwa tūxū nawogū", ñanagūrū i Naāē i Ūūnexū.

Ore ga yema yaxōgūxū ga Pérgamuārū iānema yexmagūxūlcèx ūmatūxū

¹² Rū yema chomaā idexaxū rū ñanagūrū ta:

"Chanaxwēxe i Pérgamuwa ngēxmagūxū i yaxōgūxūārū āēxgacūcèx cunaxūmatū, rū ñacurūgū tá: 'Naā nixī i norū ore ya yima nūxū nangēxmacū i ngēma tara i guxūcūwawa téxū'.

¹³ Rū ñanagūrū i nūmax:

'Choma nūxū chacuèx na yima iāne ya Chataná poraācū namaā ícuáxūnema na cumaxūxū. Natūrū woo ngēxma na cuxāchiūxū, rū tama choxū ícutèx. Rū woo yexguma chorū orearū uruū ga mecū ga Atípaxū yamēxgūgu nagu ga guma iāne ga nawa Chataná duūxūgūmaā ícuáxūne, rū tama nūxū curūxo na choxū cuyaxōōmaxū.

¹⁴ Natūrū nangēxma i ñuxre i facū i cuxūxū i tama chorū me íxīxū. Rū ngēma nixī na cugūxūtawa cunangēxmagūxēxū i ñuxre i curū duūxūgū i tama nūxū rūxoechaūxū i ngēma nguxēētae ga nuxcūma Barāū Yudiūgūarū āēxgacū ga Barāxū namaā ucuxēxū na chixexūgu Yudiūgūxū nayixēēxūcèx. Rū yema Yudiūgū rū yema ucuxēgagu nawa naxī ga yema petagū ga togū ūgūxū naxcèx ga norū tupanetachicūnēxāgū. Rū yexgumarūū ta yema ucuxēgagu nixī ga naī ga ngemaā namaxēxū ga Yudiūgū. Rū ñuxma i ñuxre i curū duūxūgū i Pérgamuwa ngēxmagūxū rū nagu naxī ga yema nuxcūmaūxū ga nguxēētae ga chixexū, rū tama nūxū narūxoechaū.

¹⁵ Rū ngēxgumarūū ta ngema cunangēxmagūxēē i ñuxre i duūxūgū i tama nūxū rūxoechaūxū i ngēma Nicoraītagūarū nguxēētae i Barāūārū nguxēētaerūū chixexū.

¹⁶ Rū ngēmacèx chanaxwēxe i nūxū curūxo i ngēma chixexū. Rū ngēxguma chi tama nūxū curūxoxgu, rū paxa tá ngema cuxūtawa chaxū rū ngēma tara i chauèxwa ngēxmaxūmaā tá ngēma duūxūgūxū chadai'.

¹⁷ Rū yixema āchixexē rū name nixī i naga taxīnū i ngēma Tupanaāē i Ūūnexū nūxū ixuxū namaā i ngēma yaxōgūxūtūcumūgū". Rū ñanagūrū:

"Yixema nūxū rūporamaēxē i chixexū rū tá tūxna chanaxā i pāū i daxūcūāx. Rū tá tūxna chanaxā ya wūxi ya nuta ya hócū i wūxi i naega i ngexwacaxūxū nagu ūmatūxū. Rū yixema nayaxuxecatama tixī ya nūxū cuáxe i ngema naéga", ñanagūrū i Naāē i Ūūnexū.

Ore ga yema yaxōgūxū ga Tiatíraarū iānema yexmagūxūlcèx ūmatūxū

¹⁸ Rū yema chomaā idexaxū rū ñanagūrū ta:

"Chanaxwēxe i Tiatírawa ngēxmagūxū i yaxōgūxūārū āēxgacūcèx cunaxūmatū, rū ñacurūgū tá: 'Naā nixī i norū ore ya yima Tupana Nane ya ñoma ūxūemarūū iyauraxetūcūcū rū nacutūgū rū ñoma cobre i meāma ípīxūrūū íxīxūne'.

¹⁹ Rū ñanagūrū i nūmax:

'Choma nūxū chacuèx i guxūma i ngēma mexū i cuxūxū. Rū nūxū chacuèx na ñuxācū cumūcūgūxū cungechaūxū, rū ñuxācū meāma choxū na cuyaxōxū, rū ñuxācū nūxū na curūngūxēxū i ngēma togū i yaxōgūxū, rū ñuxācū yaxna

namaã cuxĩnũxũ i guxchaxũgũ. Rũ nũxũ chachuẽx i ñuxma na noxriarũ yexera cunaxũxũ i ngẽma cuxũ chanaxwẽxexũ.

²⁰ Natũrũ nangẽxma i wũxi i cuxũxũ i tama chorũ me ixĩxũ. Rũ ngẽma nixĩ na ngema cunangẽxmaxẽẽchaxũ i ngẽma ngexũ i Yechabé i nũgũ ixuxũ na Tupanaãrũ orearũ uruũ na yĩxũ, natũrũ norũ nguxẽẽtaemaã chorũ duũxũgũxũ ngema womũxẽõxũ na chixri namaxẽxũcẽx, rũ naĩ i ngemaã inapẽgũxũcẽx, rũ nangõxgũãxũcẽx i ngẽma õnagũ i togũ norũ tupananetachicũnẽxãgũcẽx dẽixũ na ngẽmamaã nũxũ yacuẽxũũgũxũcẽx.

²¹ Rũ choma rũ marũ ngĩxũ íchananguxẽẽ rũ yaxna ngĩmaã chaxĩnũ na nũxũ naxoxũcẽx i ngẽma ngĩcũma i chixexũ, natũrũ tama inaxwẽxe na nũxũ naxoxũ rũ ínataãxũ i ngẽma ngĩrũ chixexũ i naxũxũ.

²² Rũ ñuxma i ngẽma nge rũ tá ngĩxũ chĩdaawexẽẽ na ngĩrũ ngĩrũcarewa ngũxũ yangexũcẽx, rũ ngẽma duũxũgũ i ngĩmaã ipexũ i ngẽma nge rũ nũmagũ rũ tá ta ngũxũ na yangegũxũcẽx ega tama nũxũ naxoegu i ngẽma chixexũ i ngĩmaã naxũgũxũ.

²³ Rũ tá chanadai i ngĩxãcũgũ i ngẽma nge. Rũ ngẽmawa tá nũxũ nacuẽxgũ i guxũma i yaxõgũxũ na aixcũma nũxũ chachuáxũ i ngẽma naãewa nagu naxĩnũxũ i wũxichigũ i duũxũ. Rũ wũxichigũ i pemax rũ tá pexũ chanaxũtanũ ngẽma na ñuxãcũ pemaxẽxũãcũma rũ ñuxãcũ penaxũxũãcũma.

²⁴⁻²⁵ Natũrũ pemagũ i Tiatĩracũãx i tama nagu íxẽ i ngẽma ngexũãrũ nguxẽẽtae i chixexũ rũ taguma nawa ngũxe i ngẽma ore i togũ naxugũgu rũ Chatanaãrũ ore i ẽxũguxũ ixĩxũ, rũ pemaã nũxũ chixu rũ ngẽma pexũ chanaxwẽxexũ nixĩ na meã namaã penguxũgũxũ rũ naga pexĩnũẽxũ i ngẽma chorũ ore ñuxmatáta íchangu i chomax. Rũ ngẽxĩcatama nixĩ i pexũ chanaxwẽxexũ.

²⁶ Rũ yĩxema nũxũ rũporamaẽgũxe i ngẽma chixexũ rũ naxũgũamaxẽ i ngẽma tũxũ chanaxwẽxexũ ñuxmatáta tayuemare, rũ tá chaugũxũtawata tũxũ chaxũchica na wũxigu chomaã guxũãrũ ãẽxgacũ tixĩgũxũcẽx.

²⁷ Rũ yema Chaunatu ãẽxgacũxũ choxũ na ixĩxẽẽxũrũũ tá tũxna chanaxã i pora na guxũ i nachĩũãnegũmaã taporaexũcẽx. Rũ ngẽxguma ñoma i naãnecũãx i duũxũgũ tama tũmaga ñũẽgu rũ ñoma wũxi i tũxũ ngĩxũ ipuxẽẽxũrũũ tá namaã tixĩgũ rũ poraãcũ tá tanapoxcue.

²⁸ Rũ tá tũxna chanaxã ya yima woramacuri ya pẽxmama nũxũ idaucũ'.

²⁹ Rũ yĩxema ãchixẽxẽ rũ name nixĩ i naga taxĩnũ i ngẽma Tupanaãẽ i Üünexũ nũxũ ixuxũ namaã i ngẽma yaxõgũxũtũcumũgũ" ñanagũrũ.

3

Ore ga yema yaxõgũxũ ga Chardiarũ tãnewa yexmagũxũcẽx ùmatũxũ

¹ Rũ yema chomaã idexaxũ rũ ñanagũrũ ta:

"Chanaxwẽxe i Chardiwa ngẽxmagũxũ i yaxõgũxũãrũ ãẽxgacũcẽx cunaxũmatũ, rũ ñacurũgũ tá: 'Ñaa nixĩ i norũ ore ya Tupana Nane ya Naãẽ i Üünexũ nawa ngẽxmacũ ya yima 7 ya woramacuri nũxũ ngẽxmacũ'. Rũ ñanagũrũ i nũmax: 'Choma nũxũ chachuẽx i guxũma i ngẽma cuxũxũ. Rũ nũxũ chachuẽx ta rũ woo guxũwama duũxũgũ nũxũ ixugũgu na Tupanacẽx namaxẽxũ i ngẽma yaxõgũxũ i cuxũtawata ngẽxmagũxũ natũrũ tama aixcũma nixĩ i ngẽma, erũ ngẽma yaxõgũxũ rũ tama aixcũma choxũ nayaxõgũ rũ tama aixcũma chauxcẽx namaxẽ.

² Rū name nixī i cubaixāchi rū cugū íquicuxē rū cuyangūxēē i ngēma íraxū i mexū i cuxū íyaxūxū i marū iyarūoxochaūxū. Erū nūxū chadau rū ngēma cuxūxū rū tama Tupanapēxewa name.

³ ¡Rū nūxna nacuēxāchi ga yema nguxēētae ga mexū ga noxri nūxū cuxīnūxū rū cuyaxuxū, rū naga ixū! ¡Rū nūxū rūxo i ngēma chixexū i cuxūxū! Natūrū ngēxguma tama nūxū curūoxogu i curū chixexū, rū ñoma wūxi i ngētēxāxū i ngūrūāchi ínguxūrū tū tá cuxūtawa chaxū. Rū tāūtāma nūxū cucuēx na ñuxguacū yīxū.

⁴ Natūrū ngema Chardiwa cuxū nangēxma i ñuxre i duūxūgū i mexū i tama ñoma i naāneārū chixexūmaā nūgū āūāchiarū maxūāxgūxū. Rū nūmagū rū tá cōmūxūmaā nixāxchiru rū ngēmaācū tá chomaā inaxī, erū nūmagū rū duūxūgū i mexū i chauxcēx maxēxū nixīgū.

⁵ Rū yíxema nūxū rūporamaēgūxe i chixexū, rū tá cōmūxūmaā tixāxchiru. Rū tāūtāma nawa tūxū íchapiēga i ngēma chorū popera i naga chayawūgūxū i ngēma duūxūgū i nūxū nangēxmaxū i maxū i taguma gūxū. Rū Chau-natūpēxewa rū guxūma i norū orearū ngeruūgū i daxūcūāxgūpēxewa tá tūxū chixu na chorū duūxūgū tixīgūxū'.

⁶ Rū yíxema āchixēxē rū name nixī i naga taxīnū i ngēma Tupanaāē i Ūūnexū nūxū ixuxū namaā i ngēma yaxōgūxū tūcumūgū'.

Ore ga yema yaxōgūxū ga Fíradérfiarū íānēwa yexmagūxūcēx ūmatīxū

⁷ Rū yema chomaā ídexaxū rū ñanagūrū ta:

“Chanaxwēxe i Fíredérfiawa ngēxmagūxū i yaxōgūxūārū āēxgacūcēx cunaxūmatū rū ñacurūgū tá: ‘Ñāā nixī i norū ore ya yima Ūūnecū ya aixcūma Cristu íxīcū ya Dabírū āēxgacū ya tacū íxīcū ya nūxū nangēxmacū i pora na yawāxnaāxūcēx rū nawāxtaāxūcēx i daxūgūxū i naāne. Rū ngēxguma texécēx yawāxnaāgu, rū taxucūrūwama texé tūmachēxwa tanawāxta. Rū ngēxguma texéchēxwa nawāxtaāgu, rū taxucūrūwa texé tūmacēx tayawāxna’.

⁸ Rū ñanagūrū i ñumax:

‘Choma nūxū chacuēx i guxūma i ngēma cuxūxū. Rū dūcax, cuxū chanatauxchaxēē na togūmaā nūxū quixuxūcēx i chorū ore, rū taxucūrūwa texé cuxna tanachūxu na cunaxūxūcēx i ngēma puracū. Rū choma nūxū chacuēx na tama aixcūma cuporaxūchixū, erū noxretama nixī i ngēma yaxōgūxū i cuxūtawa ngēxmagūxū. Natūrū cuma rū naga cuxīnū i chorū ore, rū tama icuyacux na chorū duūxū quīxū.

⁹ Rū ngēmacēx i ngēma duūxūgū i Chatanárū íxīgūxū i nūgū íxūgūxū na chorū duūxūgū yixīgūxū natūrū tama aixcūma choxrū íxīgūxū, rū tá chanamu na cupēxegu nacaxāpūxūgūxūcēx na nūxū nacuēxgūxūcēx na aixcūma cuxū changechaūxū.

¹⁰ Cuma rū meāma cuyangūxēē i ngēma cuxū chamuxū na aixcūma cuyaxōmaxū naētūwa i ngēma guxchaxūgū i cuxū ngupetūxū. Rū ngēmacēx tá cuxū íchapoxū na tama cuxna nanguxūcēx i ngēma guxchaxū i taxū i ñoma i naānēwa tá ínguxū na guxūma i ñoma i naānecūāx i duūxūgūxū naxūxūcēx.

¹¹ Rū paxa tá ngema cuxūtawa chaxū. Rū chanaxwēxe i ñuxma meā cumaxūxūrū meā cumaxecha, na taxūema cuxna napuxūcēx i ngēma curū āmare.

¹² Rū yíxema nūxū rūporamaēgūxe i guxūma i chixexū, rū Chaunatū ya Tupanaxūtawa tá tūxū changēxmagūxēē na tagutāma ngema ítachoxūxūcēx. Rū tūmagu tá chanaxūmatū i naēga ya Chaunatū ya Tupana. Rū ngēxgumarū tū tá ta tūmagu chanaxūmatū i naēga ya Tupanaārū íāne ya Yerucharēū ya

ngexwacaxũne ya Tupanaxũtawa i daxũguxũ i naãnewa írũxĩxũne. Rũ ngẽxgumarũũ tá ta tũmagu chanaxũmatũ i chauẽga i ngexwacaxũxũ'.

¹³ Rũ yĩxema ãchixexẽ rũ name nixĩ i naga taxĩnũ i ngẽma Tupanaãe i Ûunexũ nũxũ ixuxũ namaã i ngẽma yaxõgũxũtũcumũgũ'.

Ore ga yema yaxõgũxũ ga Laodichẽawa yexmagũxũcẽx ùmatũxũ

¹⁴ Rũ yema chomaã idexaxũ rũ ñanagũrũ ta:

“Chanaxwẽxe i Laodichẽawa ngẽxmagũxũ i yaxõgũxũãrũ ãẽxgacũcẽx cunaxũmatũ rũ ñacurũgũ tá: ‘Ñãã nixĩ i norũ ore ya yima aixcũma ixĩcũ ya aixcũma yanguxẽcũ i ngẽma nũxũ yaxuxũ rũ ore i aixcũma ixĩxũxũxĩcatama ixucũ. Rũ nũma nixĩ ga inaxũgũãxũ ga guxũma ga yema Tupana ùxũ’.

¹⁵ Rũ ñanagũrũ i nũmax:

‘Choma nũxũ chacuẽx i guxũma i ngẽma cuxũxũ. Rũ nũxũ chacuẽx na tama wũxi i duũxũ i chauxchi aixũ quĩxũ, natũrũ tama wũxi i duũxũ i aixcũma choxũ ngechaũxũ quixĩ. Rũ chierũ noxtacũma wũxi i duũxũ i chauxchi aixũ quixĩgũ rũ ãxna noxtacũma wũxi i duũxũ i aixcũma choxũ ngechaũxũ quixĩgũ.

¹⁶ Natũrũ ñũxma na Írarũwatama choxũ cungechaũxũ, rũ ngẽmacẽx tá cuxũ íchatẽx. Erũ tama noxtacũma wũxi i duũxũ i chauxchi aixũ quixĩ rũ tama noxtacũma wũxi i duũxũ i aixcũma choxũ ngechaũxũ quixĩ.

¹⁷ Rũ cuma cugũ quixuxgu rũ cumuãrũ dũerũãx, rũ cumuãrũ ngẽmaxũãx, rũ meãma cuxũ naxũpetũ, rũ taxuũma cuxũ nataxu. Natũrũ i cuma rũ tama nũxna cucuẽxãchi na chopẽxewa rũ wũxi i taxuwama mexũ quĩxũ, rũ wũxi i ngechaũxũchi quĩxũ, rũ wũxi i taxuũma cuxũ ngẽxmaxẽ quĩxũ, rũ ñoma wũxi i ngexetũxũrũ quĩxũ, rũ ñoma wũxi i ngexchiruxũrũ quĩxũ.

¹⁸ Rũ ñũxma rũ cuxũ chaxucuxẽ na chauxũtawa naxcẽx cutaxexũcẽx i uiru i marũ ùxũwa iguxũ i nũxĩcatama ixĩxũ. Rũ ngẽmaãcũ tá aixcũma cuxũ nangẽxma i curũ ngẽmaxũ. Rũ ngẽxgumarũũ ta cuxũ chaxucuxẽ na chauxũtawa naxcẽx cutaxexũcẽx i cuxchiru i cõmũxũ na ngẽmagu quicũxũcẽx na taxũema cuxũ dauxũcẽx na cunexchiruxũ. Rũ ngẽxgumarũũ ta cuxũ chaxucuxẽ na chauxũtawa naxcẽx cutaxexũcẽx i curũ meĩxetũxũ na curũmexetũxũcẽx na wena quidauchixũcẽx.

¹⁹ Choma rũ tũxũ chaxucuxẽ rũ tũxũ ichayarũwẽxãchixẽẽ ya guxãma ya yĩxema tũxũ changechaũxẽ. Rũ ngẽmacẽx name nixĩ i nũxũ curũxo i cucũma i chixexũ, rũ aixcũma choxũ cungechaũ rũ cunaxũ i ngẽma cuxũ chanaxwẽxexũ.

²⁰ Rũ dũcax, choma rũ ìãxwa tũmacẽx chacagũecha. Rũ ngẽxguma chi texẽ choxũ ñnũgu rũ chauxcẽx tayawãxnagu, rũ tá tũmaxũtagu chaxũcu. Rũ tũmamaã tá chachibũ rũ tũma i chomaã.

²¹ Rũ yĩxema nũxũ rũporamaẽgũxe i chixexũ, rũ tá chaugũxũtawa tũxũ charũtogũxẽẽ na chomaã ãẽxgacũ tixĩgũxũcẽx, yexgumarũũ ga choma rũ nũxũ na charũporamaẽxũ ga chixexũ, rũ ñũxũchi Chaunatũxũtawa na charyũtoxũrũ na namaã ãẽxgacũ chĩxũcẽx’.

²² Rũ yĩxema ãchixexẽ rũ name nixĩ i naga taxĩnũ i ngẽma Tupanaãe i Ûunexũ nũxũ ixuxũ namaã i ngẽma yaxõgũxũtũcumũgũ”, ñanagũrũ ga yema chomaã idexaxũ.

4

Tupanaxũ nataxẽẽgũ i daxũguxũ i naãnewa

¹ Rũ yemawena ga choma ga Cuãũ rũ nũxũ chadau ga wũxi ga ìãx ga iwãxnaxũ ga daxũguxũ ga naãnewa. Rũ yema naga ga nacornetagaraxũ ga noxri nũxũ chaxĩnũxũ ga chomaã idexaxũ, rũ ñanagũrũ choxũ:

“¡Nuxã naxĩnagü! Rũ tá cuxũ nüxũ chadauxẽẽ i ngẽma yixcũra tá ngu-petũxũ”, ñanagũrũ.

² Rũ yexgumatama ga choma rũ Tupanaãe i Üünexũ rũ chauãemaã inacuèx, rũ daxũwa nanaga. Rũ yẽma daxũguxũ ga naãnewa nüxũ chadau ga wũxi ga tochicaxũ ga mexẽchixũ ga yẽma Tupana nawa rũtoxũ.

³ Rũ guma yema tochicaxũwa rütocũ, rũ ñoma nuta ya mexẽchicũ ya yasperũü nixĩ na namexũ rũ ñoma nuta ya cornalĩnarũü nixĩ na namexũ. Rũ yema tochicaxũetũwa nayexma ga wũxi ga chirapa ga ñoma nuta ga esmerãdarũü mexẽchicũ.

⁴ Rũ yema tochicaxũcũwawa nayexmagũ ga 24 ga togũ ga tochicaxũgũ ga nüxũ inumaẽguãchixũ. Rũ yema tochicaxũgũwa narütogũ ga 24 ga ãẽxgacũgũ ga yaxõgũxũãrũ ixĩgũxũ. Rũ cõmũxũmaã nixãxchiru rũ uirunaxcèx nixĩ ga norũ ngẽxcuerũgũ.

⁵ Rũ yema nachica ga Tupana írũtoxũwa inaxũxũ ga bèjxbẽxanexũ rũ duruanexũ rũ nagagũ. Rũ yema tochicaxũpẽxewa nayexma ga 7 ga omũgũ ga yẽma naĩgũxũ. Rũ yema omũgũ nixĩ ga Tupanaãe i Üünexũ ga yema 7 ga yaxõgũxũtũcumũmaã icuáxũ.

⁶ Rũ yema Tupanaãrũ tochicaxũpẽxewa rũ ñoma dexaétũwarũü ixĩxũmaã nachaxu rũ nichipetũ woruarũü. Rũ yema tochicaxũxũ inachomaẽguãchi ga ãgũmũcũ ga daxũcũãx ga maxẽxũ ga guxũwama ãxètũxũ naweama rũ napẽxewa.

⁷ Rũ wũxi ga yema daxũcũãx ga maxẽxũ rũ nanaxairaxũ. Rũ yema to rũ nanawocaraxũ. Rũ yema norũ tomaẽxpũx rũ nanaduũxũchiweraxũ. Rũ yema norũ ãgũmũcũ rũ nanaxiyũ i gonagũxũtraxũ.

⁸ Rũ yema ãgũmũcũ ga daxũcũãx ga maxẽxũ, rũ wũxichigũ nüxũ nayexma ga 6 ga naxpẽxatũgũ. Rũ guxũwama ga naxpẽxatũetũwa rũ naxpẽxatũtũwa rũ namuxètũ. Rũ ngunecũ rũ chũtacũ rũ ñanagũrũgũeche:

“Naxũũne, naxũũne, naxũũne nixĩ ya tórũ Cori ya Tupana ya guxũetũwa ngẽxmacũ rũ woetama ngẽxmaẽchacũ”, ñanagũrũgũeche.

⁹⁻¹⁰ Rũ yema daxũcũãx ga maxẽxũ, rũ yexguma nüxũ yacuèxũgũxũgu ga guma tochicaxũwa rütocũ, rũ moxẽ nüxna naxãgũgu, rũ yema 24 ga ãẽxgacũgũ ga yaxõgũxũãrũ rũ yima woetama ngẽxmaẽchacũpẽxegu nacaxãpũxũgũ, rũ nüxũ nicuèxũgũ, rũ napẽxegu nananu ga norũ ngẽxcuerũgũ.

¹¹ Rũ ñanagũrũgũ:

“Pa Torũ Cori, Pa Torũ Tupanax, cuxũ nixĩ i namexũ na ticuèxũgũxũ rũ cuxũ tataxẽẽgũxũ, erũ guxũetũwa cungẽxma. Yerũ cuma cunaxũ ga guxũma rũ curũ ngũchaũgagu nixĩ i nangõxũ i ñũxmax”, ñanagũrũgũ.

5

Popera ga idixixũchiga rũ Tupana Nane ga ñoma wũxi ga carnerurũü imãcũchiga

¹ Rũ ñũxũchi nüxũ chadau ga guma tochicaxũwa rütocũ, rũ norũ tũgũnemẽxẽwa nanange ga wũxi ga popera ga idixixũ. Rũ dũxètũwa rũ aixepewa rũ naxãmatũ ga yema popera. Rũ 7 wa niãxatachipẽxe.

² Rũ nüxũ chadau ga wũxi ga norũ orearũ ngerũü ga daxũcũãx ga poraxũchixũ ga tagaãcũ icaxũ rũ ñaxũ:

“¿Texẽ tixĩ ya yixema mexe na tayagautanũxũ i norũ ñaxtachipẽxexũ rũ itayadixgũxũ i ñaã popera?” ñaxũ.

³ Natürü woo ga daxūguxū ga nañnewa rü bai ga ñoma ga nañnewa rü bai ga yuexūtanüwa, rü tataxuma ga texé ga mexe na itayadixgūxū rü nüxū tadaumatūxū na ñuxū ñaxū ga yema popera.

⁴ Rü choma rü poraäcü chaxaxu yerü tataxuma ga texé ga mexé na itayadixgūxū rü nüxū tadaumatūxū na ñuxū ñaxū ga yema popera.

⁵ Natürü wüxi ga yema 24 ga äëxgacügü ga yaxögüxūärü, rü ñanagürü choxū:

“jTāxū i cuxaxuxū! Erü yima Cristu ya Yudáta ya airüxū poracü ya äëxgacü ya Dabítaa ixícü, rü marü nüxū narüyexera i guxūma i chixexū. Rü ngëmacëx nüma nixī i namexū na yagautanüäxüçëx i ngëma 7 i norü ñaxtachipëxexū i ngëma popera rü na iyawëgüäxüçëx”.

⁶ Rü ñuxūchi nüxū chadau ga Tupana Nane ga ñoma wüxi ga carneruxacü ga mëxwa írüdaxürüü yexma chicü naxūtagu ga guma tochicaxūwa rütocü rü natanügu ga yema ägümücü ga daxüçüäx ga maxëxü rü yema 24 ga äëxgacügü. Rü nüxū nayexma ga 7 ga nachataçuxre ga norü poraarü cuëxruü rü 7 ga naxëtü. Rü guma 7 ga naxëtü rü ngëma nixī i Tupanaäë i Üünexū i guxūma i ñoma i nañnewa namuxūärü cuëxruü ixīxū.

⁷ Rü guma pecaduarü ütänüçëx yucü rü guma tochicaxūwa rütocüçëx nixū, rü nanayaxu ga yema popera ga norü tügünemëxëwa yexmaxū.

⁸ Rü yexguma nayauxägu ga yema popera, rü yema ägümücü ga daxüçüäx ga maxëxü rü yema 24 ga äëxgacügü rü inacaxgüäpüxü napëxegu ga guma pecaduarü ütänüçëx yucü. Rü wüxichigü ga yema äëxgacügü rü nüxū nayexma ga wüxi ga norü paxetarüü ga arpa. Rü yexgumarüü ta nüxū nayexma ga copa ga uirunaxçëx ga pumaratëxemaã napagüxū. Rü yema pumaratëxe rü nayixichi ga yexguma yaxaxgu. Rü yema pumaragü, rü ngëma nixī i Tupanaärü duñxügüärü yumüxëgüärü cuëxruügü.

⁹ Rü nagu nawiyaegü ga wüxi ga wiyae ga yexwacaxūxū ga ñaxū:

“Cuma nixī i cumexū na cunayaxuxū i ngëma popera rü cuyagautanüxū i ngëma norü ñaxtachipëxexū. Yerü cuma rü marü quimëxchirëx, rü cugümaã Tupanaäxū naxçëx cutaxe i nagúxüraüxū i duñxügü i nagúxüraüxū i nachiüñnecüäx i nagúxüraüxū i nagawa idexagüxū.

¹⁰ Rü ngëmagüxū cuxüchica i ngextá äëxgacü íquiüxüwa, rü Tupanaärü ngüëëruügüxū cuyaxīgüxëë na cumaã wüxigu guxū i naänemaã inacüëxgüxüçëx”, ñanagürügü.

¹¹ Rü yemawena ichadawenü, rü nüxū chaxīnū ga naga ga muxüchixüma ga Tupanaärü orearü ngeruügü ga daxüçüäx. Rü norü ngäxüwa nayexma ga yema tochicaxū rü yema ägümücü ga daxüçüäx ga maxëxü rü yema 24 ga äëxgacügü. Rü namuxüchima ga yema Tupanaärü orearü ngeruügü ga daxüçüäx ga yema yexmagüxū.

¹² Rü tagaäcü ñanagürügü:

“Daa nixī ya yima ñoma wüxi i carneruacürüü imácü ga pecaduarü ütänüçëx yucü. Rü nüma nixī i namexū na guxūärü äëxgacü yīxū, rü guxūärü yora yīxū, rü guxū i cuëx nüxū ngëxmaxū, rü guxūärü yexera naporaxū. Rü nüma nixī i namexū na guxāma nüxū ngechaügüxū rü nataxëëgüxū rü nüxū icuëxüügüxū”, ñanagürügü.

¹³ Rü nüxū chaxīnū ta ga naga ga guxūma ga yema Tupana üxū i daxūguxū i nañnewa rü ñoma i nañnewa rü naänetüüwa rü taxtü i taxüwa ngëxmagüxū ga ñagüxū:

“Name nixĩ na guxũgutáma guxãma nũxũ icuèxũũgũxũ rũ nũxũ ngechaũgũxũ rũ nataxêégũxũ ya yima pecaduarũ ũtanũcèx yucũ rũ yima ngẽma tochicaxũwa rũtocũ, erũ nũmagũ nixĩ i guxũguma ãẽxgacũgũ yixĩgũxũ”, ñanagũrũgũ.

¹⁴ Rũ yema ãgũmũcũ ga daxũcũãx ga maxẽxũ rũ ñanagũrũgũ:

“Ngẽmaãcũ yĩ”, ñanagũrũgũ. Rũ yema 24 ga ãẽxgacũgũ rũ inacaxgũãpũxũ rũ nũxũ nicuèxũgũ.

6

Yema 7 ga ñaxtachipẽxe-ruĩchiga

¹ Rũ ñũxũchi nũxũ chadau ga yexguma guma pecaduarũ ũtanũcèx yucũ yagauyegu ga yema nũxĩraũxũ ga norũ ñaxtachipẽxexũ ga yema popera. Rũ nũxũ chaxĩnũ ga wũxi ga yema daxũcũãx ga maxũxũ ga tagaãcũ ñoma duruanexũrũ ñaxũ choxũ:

“¡Nuã naxũ!” ñaxũ.

² Rũ ichadawenũ rũ nũxũ chadau ga wũxi ga cowaru ga cómuxũ. Rũ yema naetũwa rũtoxũ rũ nũxũ nayexma ga wũxi ga norũ wũra. Rũ wũxi ga ngẽxcuerũ nũxna naxã. Rũ poraãẽcũma norũ cowarumaã inaxũãchi na duũxũgũxũ nayexeraxũcèx.

³ Rũ yexguma guma pecaduarũ ũtanũcèx yucũ yagauyegu ga yema norũ taxre ga yema poperaarũ ñaxtachipẽxexũ, rũ nũxũ chaxĩnũ ga yema norũ taxre ga yema daxũcũãx ga maxũxũ ga ñaxũ choxũ:

“¡Nuã naxũ!” ñaxũ.

⁴ Rũ yema naxũ ga wũxi ga cowaru ga dauxũ. Rũ yema naetũwa rũtoxũ rũ wũxi ga tara ga taxũ nũxna naxã. Rũ yexgumarũ ta pora nayaxu na iyanaxoxẽãxũcèx na nũgũ nangechaũgũxũ ga duũxũgũ. Rũ yemaãcũ nanaxũ na nũgũ nadẽjũcèx ga duũxũgũ.

⁵ Rũ yexguma guma pecaduarũ ũtanũcèx yucũ yagauyegu ga yema norũ tomaẽxpũx ga yema poperaarũ ñaxtachipẽxexũ, rũ nũxũ chaxĩnũ ga yema norũ tomaẽxpũx ga yema daxũcũãx ga maxũxũ ga ñaxũ choxũ:

“¡Nuã naxũ!” ñaxũ. Rũ ichadawenũ rũ nũxũ chadau ga wũxi ga cowaru ga waxũxũ. Rũ yema naetũwa rũtoxũ rũ naxmẽxwa nũxũ nayexma ga wũxi ga tacũarũ yaruũ ga balanza.

⁶ Rũ nũxũ chaxĩnũ ga wũxi ga naga ga yema daxũcũãx ga maxẽxũãrũ ngãxũtanũwa inaxũxũ ga ñaxũ:

“Wũxi i ngunexũãrũ puracũtanũ rũ naxãtanũ i wũxi i kilo i trigu. Rũ wũxi i ngunexũãrũ puracũtanũ naxãtanũ i tomaẽxpũx i kilo i chebada. ¡Natũrũ tãxũ i cuyanatauxẽẽxũ i ngẽma chixũ rũ yima binũ!” ñanagũrũ.

⁷ Rũ yexguma guma pecaduarũ ũtanũcèx yucũ yagauyegu ga yema norũ ãgũmũcũ ga yema poperaarũ ñaxtachipẽxexũ, rũ nũxũ chaxĩnũ ga yema norũ ãgũmũcũ ga yema daxũcũãx ga maxẽxũ ga ñaxũ choxũ:

“¡Nuã naxũ!” ñaxũ.

⁸ Rũ ichadawenũ rũ nũxũ chadau ga wũxi ga cowaru ga dexexũ. Rũ yema naetũwa rũtoxũ rũ Yu nixĩ ga naega. Rũ yema naweama ne xũ, rũ Yũexũchica nixĩ ga naega. Rũ yema taxre nanayauxgũ ga pora na ñoma ga naãnewa rũ wũxi ga yema norũ ãgũmũcũtũcumũ ga duũxũgũmaã inacuèxgũxũcèx na daimaã rũ taiyamaã rũ ãaaweanemaã rũ ngoxo idũraexũmaã nayuexẽãxũcèx.

⁹ Rũ yexguma guma pecaduarũ ũtanũcèx yucũ yagauyegu ga yema norũ wũximẽxpũx ga yema poperaarũ ñaxtachipẽxexũ, rũ nũxũ chadau ga wũxi ga nachica ga ngextã Tupanacèx naxũnagũ nawa yagugũxũ na nũxna

naxăgüăxüçêx. Rû yema nachicatüüwa nüxü chadau ga naăêgü ga yema duüxügü ga Tupanaârü orexü na yaxugüxüçêx nadêjxü.

¹⁰ Rû yema naăêgü rû tagaăcü ñanagürügü:

“Pa Torü Cori ya Guxüšetüwa Ngêxmacü rû Üüneçü rû Ixaixcümăcûx, çñuxgura tá ta i nüxna cucaxü rû cunapoxcuexü i ngêma duüxügü i chixexü ga toxü dêjxü?” ñanagürügü.

¹¹ Rû ñuxüchi ga Tupana rû wüxichigü ga yema duüxügüna nanaxă ga naxchiru ga máxü rû cómüxü. Rû yema duüxügüăêgüxü ñanagürü:

“¡Paxaăchi iperüngüê ñuxmatăta yangu i peeneêgü i Cristuaxü puracüexü i pexrüü tá dêjxü!” ñanagürü.

¹² Rû yexguma guma pecaduarü ütanüçêx yucü yagauyegu ga yema norü 6 ga yema poperaarü ñaxtachipêxexü, rû nüxü chadau ga poraăcü na naxiăxăchianexü. Rû üêxcü rû wüxi ga naxchiru ga waxcharaxürüü nixi. Rû tauemacü rû guxüwama nagürüü naduema.

¹³ Rû woramacurigü rû êxtagü rû daxüwa narüyi rû ñoma ga naănegu nayi. Rû ñoma orix i doxüxüma buanecü ya tacü rüyixêêxürüü nixi.

¹⁴ Rû guxüma i daxüwa nüxü idauxü rû inayarütaxu. Rû ñoma wüxi i popera i dixcumüăchixü rû iiyarütaxuxürüü nixi. Rû guxüma ga mëxpünegü rû capaxügü rû nixigachi ga nachicawa.

¹⁵ Rû ñoma ga naănewa yexmagüxü ga nachiüănegüarü âêxgacügü, rû mëxpünemagu rû mëxpüneârü nutatanügu nicuxgü. Rû wüxigu yexma namaă nicuxgü ga yema togü ga âêxgacügü ga taxügü ga ñoma ga naănemaă icuêxgüxü, rû churaragüarü âêxgacügü ga taxügü, rû yema duüxügü ga muârü dîeruăxgüxü, rû yema duüxügü ga ñoma ga naănewa poraexü, rû guxüma ga duüxügü ga coriăxgüxü, rû guxüma ga duüxügü ga ngearü coriăxgüxü.

¹⁶ Rû guxüma ga nümagü, rû guma mëxpünexü rû guma nutagüxü ñanagürügü:

“¡Toétügu peyi na toxü ipicuxgüxüçêx naxchaxwa ya yima ngêma tochi-caxüwa rütocü, rû naxchaxwa ya yima pecaduarü ütanüçêx yucü erü tama tanaxwêxe na toxü napoxcuexü!”

¹⁷ Erü marü inangu i ngêma ngunexü i äüçümaxü i nagu napoxcuexü i ngêma duüxügü i tama Tupanaârü ixigüxü. ¿Rû texê tá namaă tapora i ngêma?” ñanagürügü.

7

Yema Yudiugü ga nacatüwa cuêxruüăxgüxüchiga

¹ Rû yemawena rû nüxü chadau ga ägümücü ga Tupanaârü orearü ngeruügü ga daxüçüăx ga ñoma ga naăneârü ägümücüpêxegu chigüxü. Rû inapoxüügü ga guçüma ga buanecügü na tama waixümüăneetügu naxüxüçêx, rû tama taxü i taxtüétügu naxüxüçêx, rû bai i çacü rû naiétügu naxüxüçêx.

² Rû yexgumarüü ta nüxü chadau ga wüxi ga Tupanaârü orearü ngeruü ga daxüçüăx ga üêxcü iyarügoxüwaama ne üxü. Rû nüxü nayexma ga Tupana ya Maxüçüarü çacüarü üegarü. Rû nüma rû tagaăcü nüxna nacagü ga yema togü ga ägümücü ga Tupanaârü orearü ngeruügü ga nayauxgüxü ga pora na nachixexêêgüăxüçêx ga guxüma ga waixümü rû guxüma ga taxü ga taxtü.

³ Rû ñanagürü nüxü:

“¡Tãxũ i yatacũma penachixexẽẽxũ i waixũmũ rũ taxtũ i taxũ rũ naĩgũ, ñuxmatáta nacatũwa tayaxũarũ cuẽxruũãxgũ i ngẽma Tupanaãrũ duũxũgũ ixĩgũxũ!” ñanagũrũ.

⁴ Rũ nũxũ chaxĩnũ ga ñuxre na yĩxũ ga yema cuẽxruũãxgũxũ. Rũ guxũma ga Yudiũgũtanũwa rũ 144,000 nixĩ.

⁵⁻⁸ Rũ yema cuẽxruũãxgũxũ ga Yudiũgũ, rũ ñaã nixĩ:

Yudátaagũ - 12,000

Rubẽũtaagũ - 12,000

Gadutaagũ - 12,000

Achetaagũ - 12,000

Netarítaagũ - 12,000

Manachétaagũ - 12,000

Chimeũtaagũ - 12,000

Lebítaagũ - 12,000

Ichacátaagũ - 12,000

Chaburãũtaagũ - 12,000

Yúchetaagũ - 12,000

Beyamítaagũ - 12,000

⁹ Rũ yemawena ichadawenũ, rũ nũxũ chadaw ga muxũchixũma ga nagũxũraũxũ ga duũxũgũ ga nagũxũraũxũ ga nagawa idexagũxũ ga guxũma ga nachĩñawena ne ixũ. Rũ yema tochicaxũpẽxegu rũ guma pecaduarũ ũtanũcẽx yucũpẽxegu nachigũ. Rũ yema na namuxũchixũ rũ taxucũrũwa texé tayaxugũ na ñuxre yĩxũ. Rũ naxchiru ga icómũxũ rũ imáxũmaã nixãxchiru. Rũ naxmẽxwa nanangegũ ga wairaátũgũ.

¹⁰ Rũ guxũma ga nũmagũ rũ tagaãcũ ñanagũrũgũ:

“Yima tórũ Tupana ya tochicaxũwa rũtocũ rũ yima pecaduarũ ũtanũcẽx yucũ nixĩ ya tũxũ maxẽxẽgũcũ”, ñanagũrũgũ.

¹¹ Rũ guxũma ga Tupanaãrũ orearũ ngeruũgũ ga daxũcũãx rũ nũxũ ínachimaẽguãchi ga yema tochicaxũ rũ yema 24 ga ãẽxgacũgũ rũ yema ãgũmũcũ ga daxũcũãx ga maxẽxũ. Rũ yema tochicaxũpẽxegu nanangũcuchitanũ ga yema orearũ ngeruũgũ, rũ Tupanaxũ nicuẽxũũgũ.

¹² Rũ ñanagũrũgũ:

“Rũ ngẽmaãcũ yĩ. Rũ nũma nixĩ i namexũ na guxũgũma guxãma nũxũ icuẽxũũgũxũ, rũ nataxẽẽgũxũ, rũ moxẽ nũxna ixãgũxũ, rũ nũxũ ingechaũgũxũ, erũ guxũ i cuẽx nũxũ nangẽxma, rũ guxũtũwa nangẽxma, rũ guxũãrũ yexera napora. Rũ ngẽmaãcũ yĩ”, ñanagũrũgũ.

¹³ Rũ ñuxũchi wũxi ga yema 24 ga ãẽxgacũgũ rũ choxna naca, rũ ñanagũrũ:

“¿Texẽgũ tixĩgũ ya yĩxema cómũchirugũxe, rũ ngextá ne taxĩ?” ñanagũrũ.

¹⁴ Rũ choma chanangãxũ, rũ ñacharũgũ:

“Pa Corix, cuma nixĩ i nũxũ cucuáxũ na texẽgũ tixĩgũxũ”, ñacharũgũ. Rũ yexguma ga nũma rũ ñanagũrũ:

“Yĩxemagũ tixĩgũ ga nawa ngupetũtanũxẽ ga yema ngũxũ ga taxũ rũ marũ tũgũ iyaxũgũchiruxe nagũwa ga guma pecaduarũ ũtanũcẽx yucũ. Rũ ngẽmacẽx nixĩ i ticómũchiruxũ.

¹⁵ Rũ ngẽmacẽx nixĩ i Tupanaãrũ tochicaxũpẽxewa tangẽxmagũechaxũ rũ ngunecũ rũ chũtacũ rũ Tupana ingẽxmaxũwa nũxũ tapuracũexũ. Rũ nũmatama ya Tupana ya tochicaxũwa rũtocũ rũ tũxna nadau.

¹⁶ Rũ marũ tagutáma wenaxãrũ taiya tũxũ nangux, rũ tagutáma tiãawae. Rũ marũ tagutáma uẽxcũ tũxũ nigu, rũ tagutáma uẽxcũarũ naianexũ tũxũ nangux.

17 Erü yima pecaduarü ütanücèx yucü i ngëma tochicaxüxütawa ngëxmacü, rü tá aixcüma meã tüxna nadau ñoma carnerugüna idauxrüü. Rü nawa tá tüxü nagagü i ngëma dexáarü chuxchuxügü i maxëëruü. Rü Tupana tá tüxü ínanapi i guxüma i tümagüüxëtü”, ñanagürü.

8

Yema norü 7 ga ñaxtachipëxeruüchiga rü yema buetare ga uirunaxcèxchiga

1 Rü yexguma guma pecaduarü ütanücèx yucü yagauyegu ga yema norü 7 ga yema poperaarü ñaxtachipëxexü, rü ngäxü ga ora nachipetüanemare ga daxüguxü ga naãnewa.

2 Rü ñuxüchi nüxü chadau ga yema 7 ga Tupanaärü orearü ngeruügü ga daxüçüãx ga yexma Tupanapëxegu chigüxü. Rü wüxichigü nanayaxu ga norü corneta ga nüxna naxãüne.

3 Rü yemawena ñangu ga wüxi ga to ga Tupanaärü orearü ngeruü ga daxüçüãx. Rü yéma nanange ga wüxi ga norü buetare ga uirunaxcèx ga pumaraarü gutëxeruü. Rü yema uirunaxcèx ga pumaraarü gutëxeruütaxmüpëxegu nachí. Rü nanayauxtëxe ga taxü ga pumara ga nüxna naxãü na yema tochicaxüpëxewa yexmaxü ga pumaraarü gutëxeruütaxmüwa yaguãxüçèx, na yemaãcü Tupanana naxããxüçèx ga yema pumaratëxe na yema pumaraema rü wüxigu Tupanaärü duüxügüarü yumüxëmaã Tupanaxütawa nanguxüçèx.

4 Rü yema pumaratëxe ga yema orearü ngeruüãxü yexmaxü rü daxü naxüema wüxigu namaã ga Tupanaärü duüxügüarü yumüxëgü ñuxmata Tupanaxütawa nangu.

5 Rü ñuxüchi ga yema orearü ngeruü rü nanayaxu ga yema buetare ga pumaraarü gutëxeruü. Rü yema pumaraarü gutëxeruütaxmüwa nanayaxu ga ñwe ga nalcü, rü gumamaã nanaxüãcu ga guma buetare. Rü ñuxüchi ñoma ga naãneetügu nanaña. Rü yexgumatama poraãcü naduruãchiane, rü poraãcü nicuxcuane rü nibëjxbëxane rü naxíãxãchiane.

Tupanaärü orearü ngeruügü ga daxüçüãxärü cornetachiga

6 Rü yexguma ga yema 7 ga Tupanaärü orearü ngeruügü ga daxüçüãx ga icornetaãxü, rü nügü ínaxexëgü na nagu yacuegüxüçèx.

7 Rü wüxi ga yema Tupanaärü orearü ngeruü rü nüxíra nayacue ga norü corneta. Rü yexgumatama ñoma ga naãneetügu narüyi ga gáuxü rü üxüema ga nagümaã ãeüxü. Rü wüxi ga yema norü tomaëxpüxarü üye ga ñoma ga naãne rü nixa. Rü yexgumarüü ta wüxi ga yema norü tomaëxpüxarü üye ga naixnecü rü nixa. Rü guxüma ga natüane rü nixae.

8 Rü yema norü taxre ga Tupanaärü orearü ngeruü rü nayacue ga norü corneta. Rü ñuxüchi wüxi ga tacü ga taxüchixü ga namëxpüneraüxü ga iyauxraxü, rü yexma taxtü ga taxügu nanaña. Rü wüxi ga yema norü tomaëxpüxarü üye ga taxtü rü nagüxü nananguxuchi.

9 Rü wüxi ga yema norü tomaëxpüxarü üyetücumü ga yema taxtüwa maxëxü, rü nayue. Rü yexgumarüü ta wüxi ga yema norü tomaëxpüxarü üyetücumü ga wapurugü, rü inayi.

10 Rü yema norü tomaëxpüx ga Tupanaärü orearü ngeruü, rü nayacue ga norü corneta. Rü ñuxüchi wüxi ga taxüchicü ga woramacuri ga taemaxüchicü rü daxüwa narüngu. Rü wüxi ga omü ga ixaxrüü nixí. Rü nagu nangu ga wüxi ga yema norü tomaëxpüxarü üye ga natügü rü natüxacügü.

11 Rū guma woramacuri rū Ūxūxū nixī ga naega. Rū wūxi ga yema norū tomaēxpūxarū ūye ga guxūma ga dexá rū naxūxchiū. Rū muxūma ga duūxūgū rū yema dexáwa nayue yerū naxūxchiū.

12 Rū yema norū āgūmūcū ga Tupanaārū orearū ngeruū rū nayacue ga norū corneta. Rū wūxi ga yema norū tomaēxpūxarū ūye ga ūēxcū rū nixo. Rū yexgumarūū ta wūxi ga yema norū tomaēxpūxarū ūye ga tauemacū rū woramacurīgū rū ēxtagū rū nixo. Rū yemaācū wūxi ga yema norū tomaēxpūxarū ūye ga guxūma ga yema rū naxēāne. Rū ga ngunecū rū āgūmūcū ga ora naxēāne. Rū ga chūtacū rū āgūmūcū ga ora nataxuma ga tauemacū rū bai ga woramacurīgū rū bai ga ēxtagū.

13 Rū yemawena ichadawenū rū nūxū chaxīnū ga wūxi ga īyū ga daxūgu íxexeūxū ga tagaācū űaxū:

“Nangechaūtūmūgū i ngēma duūxūgū i yea pecaduāxū i naānewa maxēxū i ngēxguma yacuegūāgu tá ya norū cornetagū i ngēma togū i tomaēxpūx i Tupanaārū orearū ngeruūgū”, űaxū.

9

1 Rū yema norū wūximēēxpūx ga Tupanaārū orearū ngeruū, rū nayacue ga norū corneta. Rū nūxū chadau ga wūxi ga woramacuri ga daxūwa rūngucū ga űoma ga naānegu ngucū. Rū guma woramacuri nanayaxu ga yema āxmaxū ga taguma iyacuāxūārū chawī.

2 Rū yemawāxna ga yema āxmaxū ga taguma iyacuāxū. Rū yēma inaya-goema ga caxixū űoma wūxi i taxū i ūxearū caxixūrūū. Rū yema caxixū rū nanaxēēmaxēē ga ūēxcū.

3 Rū yema caxixūwa ínachoxū ga munūgū ga naāneetūgu yixū. Rū yema munūgū rū nanayauxgū ga pora ga nūxna naxāxū na űoma tuxchinawerūū duūxūgūxū nachixūcēx.

4 Rū yema munūmaā nūxū nixu na tama natūanexū nachixexēēxūcēx rū bai i tacū rū nanetūgū rū bai i tacū rū naīgū. Natūrū nanamu na nachix-exēēgūāxūcēx ga yema duūxūgū ga tama Tupanaārū cuēxruū nacatūwa yexmaxū.

5 Natūrū tama nanamu na yema duūxūgūxū nadējxūcēx. Natūrū nanamu na ngūxū nūxū yangexēēmaregūxūcēx ga wūximēēxpūx ga tauemacū. Rū yema ngūxū ga nūxū yangexēēgūxū, rū űoma tuxchinawe duūxūgūxū chixūrūū nixī.

6 Rū ngēma ngunexūgūgu rū duūxūgū tá naxcēx nadaugū na nayuexū, natūrū tāitāma nayue. Rū woo nanaxwēxegūxūchi na nayuexū, natūrū taxucūrūwatāma nayue.

7 Rū yema munūgū rū űoma cowaru i guerawa īxūrūū nixīgū. Rū naēruwa nūxū nayexma ga tacū ga űoma ngēxcueruū ga uirunaxcēxruū īxīgūxū. Rū nachiwe rū nanaduūxūchiweraxūgū.

8 Rū nayaegū rū űoma ngeāxyaerūū nixīgū. Rū napūtagū rū űoma aipūtagūrūū nixīgū.

9 Rū naxūnewa nayexma ga norū poxūruū ga fierunaxcēx. Rū naxpēxatūgūga rū űoma muxūchine ya caru ya guerawa cowaru tūgūnegarūū īxīxū.

10 Rū nareexūgū rū űoma tuxchinawerūū naxānegu. Rū yema naneguwa rū naxāguchata na wūximēēxpūx ya tauemacū duūxūgūxū ngūxū yangexēēgūxūcēx.

¹¹ Rū yema munügüarü ãëxgacü, rū yema ãxmaxü ga taguma iyacuáxüârü dauruü nixî. Rū Yudiugügawa ga yema munügüarü ãëxgacü, rū Abadóü nixî. Rū Griégügüga rū Apolióü nixî. Rū ngëma rū: “Chixexëëruü”, ñaxüchiga nixî.

¹² Rū yexma nayacuëx ga yema nüxîraüxü ga chixexü ga taxü, natürü ínayaxüama ga to ga taxre.

¹³ Rū yema norü 6 ga Tupanaârü orearü ngeruü rū nayacue ga norü corneta. Rū nüxü chaxînú ga wüxi ga naga ga yema Tupanapëxewa yexmaxü ga uirunaxcëx ga pumaraarü gutëxeruütaxmüwa inaxüxü.

¹⁴ Rū yema naga rū nanamu ga yema orearü ngeruü ga cornetaãxü, rū ñanagürü nüxü:

“¡Yawëgüxü i ngëma ägümücü i orearü ngeruüga i Chatanaârü ixîgüxü i taxtü i Eufrátegu ngãxügüxü!” ñanagürü.

¹⁵ Rū yemaäcü niwëgüxü ga yema ägümücü ga orearü ngeruüga na nadaiaüxcëx ga wüxi ga yema norü tomaëxpüxaruü üyetücumü ga duüxügü. Yerü ga yema orearü ngeruüga rū woetama yemacëx ínamemaregü na yema ora rū yema ngunexü rū guma tauemacü rū guma taunecü nadaiaüxcëx ga yema duüxügü.

¹⁶ Rū nüxü chaxînú na ñuxre na yîxü ga yema orearü ngeruügarü churagü ga cowaruétügu íxü. Rū 200 miyónegü nixîgü.

¹⁷ Rū yemaäcü nixî ga nüxü chadauxü ga yema cowarugü ga yexguma changoxetügu. Rū yema churagü ga yema cowaruétügu íxü rū nüxü nayexma ga norü ngëxcuxüñexü ga poxüruü ixîxü ga ñoma üxüxetürüü iyauraxü. Rū yema poxüruü rū nixâmatü rū nidaumatü rū niyëuxmatü rū nîdexmatü. Rū yema cowaruerugü rū ñoma aierurüü nixîgü. Rū naãxgüwa ínaxüxü ga üxüema rū caxixü rū azufre.

¹⁸ Rū wüxi ga norü tomaëxpüxaruü üyetücumü ga duüxügü rū nayue namaã ga yema tomaëxpüx ga chixexëëruü ga üxüema rū caxixü rū azufre ga yema cowarugüëxwa íchoxüxü.

¹⁹ Yerü ga yema cowarugü rū naãxwa rū nareexüwa nixî ga nüxü nayexmaxü ga norü pora na duüxügüxü nadëjüxcëx. Yerü ga nareexügü rū ñoma äxtaperüü nixîgü, rū yemamaã nanangõx ga duüxügü rū ngüxü nüxü ningexëë rū nanadai.

²⁰ Natürü ga yema togü ga duüxügü ga tama yema poxcuruügümaã yuexü, rū tama nüxü narüxoe ga yema chixexügü ga naxügüxü. Rū tama nüxü narüxoe na nüxü yacuëxüügüxü ga ngoxogü rū norü tupanantachicünëxägü ga uirunaxcëx rū dîerumünaxcëx rū cobrenaxcëx rū nutagünaxcëx rū nañnaxcëx. Rū yemaäcü nüxü nicuëxüügüama ga yema norü tupanantachicünëxägü ga ngearü maxüãxü rū tama nüxü dauxü rū tama nüxü ínüxü rū tama ixüxü.

²¹ Rū tama nüxü narüxoe na namáëtagüxü, rū yayuüexü, rū nangëãëgüxü rū nangîtëëxgüxü.

10

Orearü ngeruü ga nüxü yexmaxü ga popera ga idixixüchiga

¹ Rū nüxü chadau ga wüxi ga to ga Tupanaârü orearü ngeruü ga daxüguüxü ga naãnewa íruxîxü. Rū wüxi ga caixanexüârü ngãxüwa nayexma, rū wüxi ga chirapa naétügu nabo. Rū nachiwe rū ñoma üëxcürüü niyauracüü. Rū naparagü rū ta ñoma üxüemarüü niyauracüü.

² Rû naxmêxwa nüxü nayexma ga wüxi ga poperaxacü ga íiwêgüxü. Rû norü tügünepara rû taxtü i taxüetügu nachicutü. Rû norü toxwepara rû waixüümüânegu nachicutü.

³ Rû ñuxüchi ga nüma rû tagaãcü aita naxü ñoma wüxi ya ai ya tagaãcü aita ücürüü. Rû yexguma aita naxüxgu rû 7 êxpüxcüna naduruächiane.

⁴ Rû yexguma yema 7 êxpüxcüna na naduruächianexüguwena rû chanaxümatüchaü. Natürü nüxü chaxínü ga wüxi ga naga ga daxügüxü ga naãnewa inaxüxü ga ñaxü choxü:

“¡Tãxü i cunangoxêëxü i ngêma 7 i duruanexü nüxü ixuxü! ¡Rû ngexrüma na cunaxümatüxü!” ñaxü choxü.

⁵ Rû ñuxüchi ga yema Tupanaärü orearü ngerüü ga nüxü chadauxü na taxtü ga taxüetügu rû waixüümüetügu nachicutüxü, rû daxü naxunagü ga norü tügünehacüü.

⁶ Rû inaxuneta naegagu ga Tupana ya yima guxüguma maxücü ya yima naxücü i daxügüxü i naãne rû ñoma i naãne rû taxtü i taxü rû guxüma i íacü nawa ngêxmagüxü. Rû ñanagürü ga yema orearü ngerüü:

“Ñuxma rû marü täütáma nuxcü ningu i ngêma Tupana nüxü ixuxü.

⁷ Erü ngêxguma nawa nanguxgu na ngêma norü 7 i Tupanaärü orearü ngerüü inaxügüxü na yacueãxü ya norü corneta, rû ngêxguma tá nixü i yangüxü ga yema noxri êxügüxü ga Tupanaärü uneta, yema nuxcümaügüxü ga norü orearü uruügümaã nüxü yaxuxü”, ñanagürü.

⁸ Rû yema naga ga noxri nüxü chaxínüxü ga daxügüxü ga naãnewa inaxüxü, rû wenaxärü chomaã nidexa. Rû ñanagürü choxü:

“¡Naxütawa naxü i ngêma Tupanaärü orearü ngerüü i taxtü i taxüetügu rû waixüümüãnetügu chicutüxü! ¡Rû nüxna nayaxu i ngêma poperaxacü i marü íiwêgüxü i naxmêxwa ngêxmaxü!” ñanagürü.

⁹ Rû naxütawa chaxü ga yema orearü ngerüü, rû nüxna naxcêx chaca ga yema poperaxacü na choxna naxããxcêx. Rû nüma rû ñanagürü choxü:

“Ñãã nixü. ¡Rû nayaxu rû nangõx! Rû cuèxwa rû berurerüü tá namaicura. Natürü cuanüwa rû tá nanaxüãchi”, ñanagürü choxü.

¹⁰ Rû yema orearü ngerüümêxêwa chanayaxu ga yema poperaxacü, rû chanangõx. Rû chauèxwa rû berurerüü namaicura. Natürü yexguma chanangõxguwena rû chauanüwa rû nanaxüãchi rû changüxneca.

¹¹ Rû ñuxüchi chomaã nüxü nixu, rû ñanagürü choxü:

“Name nixü na wenaxärü Tupanaärü orexü quixuxü namaã i muxüma i nagüxüraüxü i duüxügü, rû muxüma i nachiüãnecüãxgü i duüxügü, rû muxüma i duüxügü i to i nagawa idexagüxü, rû muxüma i nachiüãnegüarü äëxgacügü”, ñanagürü choxü.

11

Taxre ga orearü uruüchiga

¹ Rû yemawena chanayaxu ga wüxi ga dextrnemenêxã ga ngugürüü ixixüne ga choxna naxãüne. Rû guma choxna naxãcü rû ñanagürü choxü:

“¡Inachi rû nangugü ya yima Tupanapata rû ngêma pumaraarü gutêxerüütaxmü! ¡Rû yaxugü rû ñuxre yíixü i ngêma duüxügü i ngêma Tupanaxü icuèxüügüxü!

² Natürü ngêma naãxtü ya Tupanapata, rû täütáma cunangugü! Erü ngêma duüxügü i tama Tupanaãxü yaxögüxüna marü nanaxã. Rû nümagü rû tomaêxpüx ya taunecüarü ngãxü tá chixexü namaã naxügü ya yima íãne ya üünene ya Yerucharéü.

3 Rû choma rû tá chanamu i taxre i chorû orearû uruûgû na 1,260 i ngunexû duûxûgûmaã nûxû yaxugûxûcêx i chorû ore. Rû nûmagû i ngêma taxre rû tá niwêxchiru na ngêmawa duûxûgû nûxû cuêxgûxûcêx na ngechaû nûxû nguxgûxû", ñanagûrû choxû.

4 Rû ngêma taxre i orearû uruûgû nixî i norû cuêxruû i ngêma taxre i nanetû i oribu rû ngêma taxre i weraarû uruûgû i tórû Cori ya ñoma i naâneârû yora ixîcûpêxewa ngêxmagûxû.

5 Rû ngêxguma texé chixexû namaã ügûchaûgu i ngêma taxre i orearû uruûgû, rû nûmagû rû üxûema ya naãxwa ñacuexechinemaã tûxû tá ñagu. Rû ngêmaãcû tá inayanaxoxêê i norû uwanûgû. Rû ngêmaãcû tá tûxû nadai ya yixema chixexû namaã ügûchaûxê.

6 Rû ngêma taxre i orearû uruûgû rû nûxû nangêxma i pora na ñyachaxâchixûcêx ya pucû na tama napuxûcêx i guxûma i ngêma 1,260 i ngunexûgû i nagu Tupanaârû orexû yaxugûxû. Rû ngêxgumarûû ta nûxû nangêxma i pora na nagûxû yaxîxêêgûãxûcêx i dexá. Rû ngêxgumarûû ta nûxû nangêxma i pora na ñoma i naãnewa namugûãxûcêx i nagûxûraûxû i poxcuruûgû na ngêmaãcû ngûxû duûxûgûxû yangexêêgûxûcêx i ngêxguma ngêma taxre naxwêxegû.

7 Natûrû ngêxguma ngêma taxre i orearû uruûgû naguxêêgû na nûxû yaxugûxû i Tupanaârû ore, rû ngêma ngoxo i ngêma ãxmaxû i taguma iyacuãxûwa ñxûxûxû, rû tá ngema taxrena nayuxu. Rû tá nûxû narûyexera, rû tá nanadai.

8 Rû ngêma naxûnegû i ngêma taxre rû tá yima ñâne ga tórû Cori nawa curuchawa ipotane ya Yerucharêûârû ñtamûgûwa nawogû. Rû yima ñâne rû naxixe rû ngêmacêx Chodomaârû ñanemaã rû Equitanemaã nanaxugû.

9 Rû tomaêxpûx i ngunexûârû ngãxû rû muxûma i nagûxûraûxû i duûxûgû rû muxûma i guxû i naxîñanecûax i duûxûgû rû muxûma i duûxûgû i to i nagawa idexagûchigûxû, rû tá nûxû nadaugû i naxûnegû. Rû tãûtama nanaxwêxegû na texé ñatêxgûxû.

10 Rû ngêma duûxûgû i ñoma i naãnewa maxêxû rû tá nataãêgû na marû nayuxexû i ngêma taxre. Rû ngêma na poraãcû nataãêgûxûchixû rû tá nûgûna ãmare naxãgû, yerû yema taxre ga orearû uruûgû rû poraãcû nanachixewe rû naãewa nananguxêêgû.

11 Natûrû yema tomaêxpûx ga ngunexûârû ngãxûguwena, rû Tupana wenaxârû nanamaxêxêê ga yema taxre. Rû wenaxârû ñnarûdagû. Rû guxûma ga yema duûxûgû ga nûxû daugûxû rû poraãcûxûchi namuûê.

12 Rû ñuxûchi ga yema taxre ga orearû uruûgû, rû nûxû naxîñê ga wûxi ga naga ga tagaãcû daxûguxû ga naãnewa ñaxûxû ga ñaxû:

"¡Nuã daxûwa pexî!" ñaxû. Rû yemaãcû ga nûmagû rû wûxi ga caixanexûgu daxûguxû ga naãnewa naxî. Rû norû uwanûgû rû yema nûxû narûdaunû.

13 Rû yexgumatama poraãcû naxîñaxâchiane. Rû wûxi ga yema norû 10 arû üye ga yema ñâne, rû niwêxgû. Rû 7,000 ga duûxûgû nayue namaã ga yema ñaxâchiane. Rû yema togû ga duûxûgû ga maxêxû rû poraãcûxûchi namuûê. Rû Tupana ya daxûguxû i naãnewa ngêxmacûxû nicuêxûgû.

14 Rû yexma nayacuêx ga yema norû taxre ga chixexû. Natûrû paxa tá ñnagu i ngêma norû tomaêxpûx ixîxû.

15 Rû yema norû 7 ga Tupanaârû orearû ngeruû, rû nayacue ga norû corneta. Rû nayexma ga nagagû ga tagaâcû daxûguxû ga naânewa inaxûgûxû ga ñagûxû:

“Ñuxma rû yima mecû na namaâ inacuèxgûxû i ñoma i naâne, rû nûma nixî ya tórû Cori ya Tupana rû Nane ya Cristu. Rû nûma rû guxûgutáma namaâ inacuèxgû”, ñagûxû.

16 Rû nûmagû ga yema 24 ga âêxgacûgû ga norû tochicaxûgûwa rûtogûxû ga Tupanapêxewa, rû yexma nanangûcuchitanû, rû Tupanaxû nicuèxûgû.

17 Rû ñanagûrûgû:

“Pa Torû Cori ya Tupana ya Guxûârû Yexera Poracûx, cuma rû woetama cuyexmaêcha, rû ñuxma rû ta cungêxmaêcha. Rû moxê cuxna taxâgû, erû marû cugûmêxêwa cunangêxmaxêê i guxûma, rû marû icunaxûgû na namaâ icucuâxû.

18 Rû ngêma duûxûgû i tama cuxrû ixîgûxû rû poraâcûxûchi nanuê, natûrû nawa nangu i ngêma ngunexû i nagu tá cunapoxcuexû. Rû ngêxgumarûû ta marû nawa nangu na nûxû quicagûxû i guxûma i duûxûgû i yuexû. Rû marû nawa nangu na nûxû cunaxûtanûxû i ngêma curû duûxûgû i curû orearû uruûgû, rû ngêma duûxûgû i cupêxewa imexû, rû guxûma i ngêma duûxûgû i cuxû muûêxû i yaexû rû buexû. Rû marû nawa nangu na icuyanaxoxêêxû i ngêma duûxûgû i nachixexêêxû i ñoma i naâne”, ñanagûrûgû.

19 Rû ñuxûchi Tupanapata ga daxûguxû ga naânewa yexmane, rû niwâxna. Rû yéma norû aixepewa nûxû chadau ga yema béa ga Tupanaârû uneta ga nutagu ûmatûxû. Rû nibêixbêxane, rû poraâcû nicuxcuane, rû naxîâxâchiane rû poraâcû gáuxû narûyi.

12

Wûxi ga nge rû wûxi ga coya ga taxû

1 Rû ñuxûchi daxûwa nangox ga wûxi ga cuèxruû ga taxû. Rû iyexma ga wûxi ga nge ga ûexcûrûû iyaurachirucûûcû. Rû ngitûûcutûwa nayexma ga tauemacû. Rû yema ngîrû ngêxcueruû ga ngîeruwa yexmaxû, rû 12 ga woramacurigû nixîgû.

2 Rû yema nge rû itacharaû. Rû poraâcû aita ixû yerû ixîraxacûchaû rû poraâcû inguxnecaxûchi.

3 Rû yemawena daxûwa nangox ga to ga cuèxruû. Rû yéma nayexma ga wûxi ga coya ga taxûchixû ga dauxû ga 7 ga naêru nûxû yexmaxû rû 10 ga naxchatacuxre. Rû wûxichigû ga naêruwa rû nûxû nayexma ga norû ngêxcueruû.

4 Rû narexûmaâ inayatûchigû ga wûxitûcumû ga norû tomaêxpûxarû ûye ga woramacurigû, rû ñoma ga naâneûgû nanawogû. Rû yema coya rû ngîpêxegu nayachi ga yema nge ga íraxacûchaûcû, yerû tûxû nangõxchaû ga guxema ngîxâcûxe ga yexguma tabuxgu.

5 Rû yema nge rû ixîraxacû, rû nayatû. Rû nûma rû tá guxû i nachîûâneârû âêxgacû nixî, rû tá namaâ inacuèx. Natûrû ga guma ngîne rû Tupana ngxina nanayaxu rû yema ínatoxûwa nanaga.

6 Rû yema nge rû wûxi ga nachica ga ngextá taxúema íxâpataxûwa íña. Rû yéma Tupana ngîxcê nanamexêê ga wûxi ga ngîchica na yéma ngîxna nadauxûcêx rû ngîxû naxûwemûxûcêx ga 1,260 ga ngunexû.

7 Rû yemawena ga daxûwa rû nûgû nadai. Rû Miguere ga Tupanaârû orearû ngeruûgûarû âêxgacû ixîcû rû guxûma ga natanûxû ga orearû ngeruûgû, rû nûgû nadai namaâ ga yema coya ga taxûchixû rû norû orearû ngeruûgû.

Rü yema coya rü ñuxüchi norü orearü ngeruüğü i chixexü rü poraäcü Tupanaärü orearü ngeruüğümaã nüğü nadai.

8 Natürü ga yema coya rü norü orearü ngeruüğü rü tama Tupanaärü orearü ngeruüğüxü narüporamaëğü. Rü ñuxüchi ga yema coya rü norü orearü ngeruüğü rü nangechica ga daxüğüxü ga naãnewa.

9 Rü yemaäcü ínatëxüchi ga daxüğüxü ga naãnewa ga yema coya ga yema nuxcümaüxü ga äxtape. Rü nüma rü ngoxogu rü Chatanágu naxãega. Rü nüma nixi i güxüma i ñoma i naãnecüax i duüxüğüxü nawomüxëëxü. Rü nüma rü norü orearü ngeruüğümaã ñoma ga naãnegu narüwoü.

10 Rü ñuxüchi nüxü chaxínü ga wüxi ga naga ga daxüğüxü ga naãnewa tagaäcü ñaxü:

“Ñuxma rü marü nawa nangu na tóru Tupana rü norü duüxüğüxü namaxëëëxü. Rü ñuxma rü nüma tüxü nüxü nadauxëë na güxüärü yexera naporaxü rü güxüärü äëxgacü yíixü. Rü Nane ya Cristu rü marü tüxü nüxü nadauxëë na güxümaã ínacüaxü. Yerü marü daxüğüxü ga naãnewa ínatëxüchi ga Chataná ga ngunecü rü chütacü tóru Tupanapëxewa taeneëğüxü yeüürü ixuechaxü.

11 Rü nümagü ga yema taeneëğü, rü marü Chatanáxü narüyexeragü nagügagu ga guma pecaduarü ütanücëx yucü rü nagagu ga Tupanaärü ore ga nüxü yaxüğüxü. Yerü ga nümagü rü tama nayanuxüğü ga norü maxü, rü ínamemaregü na Tupanacëx nayuexü.

12 ¡Rü ngëmacëx petaäëğü i güxüma i pema i daxüğüxü i naãnewa ngëxmagüxe! ¡Natürü pengechaütümüüğü i pema i yea naãne i pecadüaxüwa ngëxmagüxe rü taxtü i taxüwa ngëxmagüxe! Erü ngëma ngoxo i Chataná rü marü petanügu narütáe. Rü poraäcü nanu i nüma erü marü noxretama i ngunexü nüxü ínayaxü na chixexü naxüxü, erü paxa tá napoxcu”, ñanagürü ga yema naga.

13 Rü yema coya ga taxüchixü ga Chataná nagu icüxü rü yexguma nüğü yacuëxächigu ga ñoma ga naãnegu na natáexü, rü ngíwe ningëchigü ga yema nge ga íraxacücü.

14 Natürü ga Tupana rü ngixü naxüxpexatü ga yema nge. Rü nanaxíyüpexatügüraxü. Rü yemaäcü nachica ga ngextá taxüema íxápataxüwa íña naxchaxwa ga yema coya ga Chataná nagu icüxü. Rü yema nachicawa nixi ga Tupana ngíxna dauxü, rü ngíxü üwemüxü ga tomaëxpüx ga taunecüarü ngäxü.

15 Rü yema coya ga Chataná rü dexá nügüëxwa ínaxüxüxëë na wüxi ga natü naxüxüçëx, rü yema natümaã ngíxü yachaxëëxüçëx ga yema nge.

16 Natürü ga waixüümü rü ningëx na iyachexëëaxüçëx ga yema dexá ga coya nügüëxwa íxüxüxëëxü.

17 Rü ñuxüchi ga yema coya ga Chataná, rü poraäcüxüchima ngímaã nanu ga yema nge. Rü ínixü na nüğü namaã yadëixüçëx ga yema togü ga ngíxäcügü ga yema nge. Rü ngëma ngíxäcügü i ngëma coyamaã nüğü dëixü, rü ngëma nixi i ngëma duüxüğü i meã Tupanaärü orega ínúëxü rü meã yaxögüechaxü i Ngechuchu ya Cristuarü ore i aixcüma íxíxü. Rü ñuxüchi ga yema coya rü norü numaã taxtü ga taxüñnacügu nayarüñu.

13

Taxre ga ngoxogüchiga

1 Rü nüxü chadau ga wüxi ga ngoxo ga taxü ga taxtügu íñuächixü ga 7 eruxü rü 10 chatacuxrexü. Rü wüxichigü ga naxchatacuxrewa rü nüxü

nayexma ga norü ngèxcueruũ. Rũ naërugügu naxümatü ga ñuxre ga naegagü ga Tupanamaã guxchigagüxü.

² Rũ yema ngoxo ga nüxü chadauxü, rũ wüxi ga airüü nixi. Rũ naxmëxgü rü chatü ga taxüméxëgürüü nixi. Rũ naãx rü wüxi ga aiëxrüü nixi. Rũ yema coya ga Chataná rü yema ngoxoxü naporaxëë na naxrüü naporaxücëx rü naxrüü ãëxgacü yïixücëx na ñoma ga naãnemaã inacuáxücëx.

³ Rũ wüxi ga naëruwa ga yema ngoxo, rũ nüxü nayexma ga wüxi ga taxü ga norü oxri ga namaã nayuxchauxü. Natürü ga yema norü oxri rü nüxü nixë, rü naxcëx nitaane. Rũ guxüma ga ñoma ga naãnecüãx ga duüxügü rü poraãcü yema ngoxomaã nabaixãchie, rü nawe narüxi.

⁴ Rũ ga duüxügü rü yema coya ga Chatanáxü nicuëxüügü yerü yema ngoxoxü naporaxëë na ãëxgacü yïixücëx. Rũ yexgumarüü ta yema ngoxoxü nicuëxüügü, rü ñanagürügü:

“¿Texé tangëxma ya ñaã ngoxorüü poraxe? ¿Rü texé tapora na namaã tügü tadëjxü?” ñanagürügü.

⁵ Natürü ga Tupana rü tama yema ngoxona nanachuxu na nügü yacuëxüüxücëx rü facü Tupanamaã yaxugüxücëx rü ãëxgacü na yïixücëx ga 42 ga tauemacü.

⁶ Rũ yemaãcü chixexü naxü ga yema ngoxo. Rũ poraãcü facü Tupanamaã nixugü. Rũ Tupanamaã naguxchiga, rü napatamaã rü ta naguxchiga, rü tümamaã naguxchiga ya guxäma ya yixema daxügüxü i naãnewa ngëxmagüxe.

⁷ Rũ yema coya ga Chataná rü yema ngoxoxü naporaxëë na Tupanaärü duüxügümaã nügü nadëjxücëx ñuxmatáta tüxü nayexera. Rũ ãëxgacüxü nayaxixëë na namaã inacuáxücëx ga nagüxürauxü ga duüxügü ga guxüma ga nachüãnecüãx ga nagüxürauxü ga nagawa idexagüxü.

⁸ Rũ tá ngëma ngoxoxü nicuëxüügü i guxüma i duüxügü i ñoma i naãnewa maxëxü i noxritama naãne üxgu ngeëgagüxü nawa i norü popera ya yima pecaduarü ütänücëx yücü i nagu yawügüãxü i ngëma duüxügü i marü Tupana nüxna naxãxü i maxü i taguma güxü.

⁹⁻¹⁰ Rũ ngëxguma texé äxchixëgu, rü name nixi i naga taxinü i ñaã tá pemaã nüxü chixuxü. Rũ ngëxguma texé tümamaã naxuegugu na tüxü yayauxgüxü, rü noxtacüma tá tiyaxu. Rũ ngëxguma texé tümamaã naxuegugu na tüxü yamëxgüxü, rü noxtacüma tá tüxü nimëxgü. Rũ ngëmacëx ya yixema Tupanaärü duüxügü ixigüxe, rü woo facü rü guxchaxü tüxü ngupetügu, rü tanaxwëxe na yaxna namaã taxinüëxü rü tayaxögüamaxü.

¹¹ Rũ yemawena nüxü chadau ga wüxi ga to ga ngoxo ga taxrechatacuxrexü ga waixümüãnewa ixüxüxü. Rũ yema naxchatacuxre rü ñoma carneruchatacuxrerüü nixi. Natürü ga naga rü wüxi ga coya ga taxüchixügarüü nixi.

¹² Rũ yexguma yema nüxürauxü ga ngoxopëxewa nayexmagu, rü naxrüütama napora. Rũ ñoma ga naãnemaã inacuëx, rü nanamu ga ñoma ga naãnewa maxëxü ga duüxügü na yema nüxürauxü ga ngoxo ga ixëärü oxriáxüxü na yacuëxüügüxücëx.

¹³ Rũ yema ngoxo nanaxü ga taxü ga cuëxruügü ga duüxügü tama nüxü cuáxü na naxügüãxü. Rũ daxüwa nanayixëë ga üxü, rü ñoma ga naãnegu nayi napëxewa ga duüxügü.

¹⁴ Natürü ga Tupana rü tama yema ngoxona nanachuxu na ñoma ga naãnewa maxëxü ga duüxügüxü nawomüxëëxü namaã ga yema cuëxruügü ga yema nüxürauxü ga ngoxopëxewa naxüxü. Rũ yemaãcü ga yema ngoxo rü

duñxügüxü namu na naxügüãxüçex ga naxchicünèxã ga yema nüxírañxü ga ngoxo ga taramaã chexexü rü poraãcü rüxóxü rü tama yuxü.

¹⁵ Rü Tupana rü tama yema to ga ngoxona nanachuxu na namaxëëãxüçex ga yema nüxírañxü ga ngoxochicünèxã. Rü yemaãcü ga yema ngoxo rü nanamaxëë ga yema naxchicünèxã na yadexaxüçex rü na nadaiãxüçex ga guxüma ga yema duñxügü ga tama nüxü icuèxüñxü.

¹⁶ Rü yexgumarüü ta guxüma ga duñxügüxü namu na norü tügünemëxëwa rü ëxna nacatüwa nüxü na nayexmaxüçex ga wüxi ga cuèxruñü ga yema ngoxoéga ixíxü. Rü yemaãcü nanamu ga guxüma ga duñxügü rü woo buxü rü ëxna yaxü, rü woo duñxügü i muärü diëruãxgüxü rü ëxna ngearü diëruãxgüxü, rü woo duñxügü i ngearü coriãxgüxü rü ëxna duñxügü i ixãärü coriãxgüxü.

¹⁷ Rü taxucürüwa texé tümaärü tacüçex tataxe rü ëxna tümaärü tacümaã tataxe ga yexguma tümaärü tügünemëxëwa rü ëxna tümacatüwa tüxü natauxgu ga yema ngoxoéga rü ëxna yema ngoxoégaarü cuèxruñü ga número.

¹⁸ Rü ñaã orexü na icuáxüçex, rü tanaxwëxe na tüxü nangëxmaxü i torü cuèx. Rü yíxema tüxü nangëxmaxë i tümaärü cuèx, rü name nixí i tanangugü i ngëma número i ngëma ngoxoéga ixíxü. Erü ngëma número rü wüxi i yatüégachirëx nixí. Rü ngëma número rü 666 nixí.

14

Yema 144,000 ga duñxügüarü wiyae

¹ Rü yemawena ichadawenü, rü nüxü chadau ga guma pecaduarü ütanüçex yucü ga guma mëxpüne ga Siõügu äeganëëtügu chicü. Rü naxütawa nayexma ga 144,000 ga duñxügü ga nacatüwa ixãëgaxü namaã ga guma pecaduarü ütanüçex yucüéga rü Nanatü ya Tupanaega.

² Rü ñuxüchi nüxü chaxínü ga wüxi ga naga ga tagaxü ga daxügüxü ga naãnewa inaxüxü ga ñoma taxü i cotüna i chuxchuxügarüü ixíxü rü ñoma poraãcü yaduruanexürüü ixíxü rü ñoma muxüchixü i duñxügü i arpawa ipaxetagüxürüü ixíxü.

³ Rü yema 144,000 ga duñxügü rü nagu nawiyaegü ga wüxi ga yexwacaxüxü ga wiyae napëxewa ga Tupanaärü tochicaxü rü napëxewa ga yema ägümücü ga daxüçüãx ga maxëxü rü napëxewa ga yema 24 ga äëxgacügü. Rü taxucürüwama texé ga togue nüxü tacuèxéga ga yema wiyae. Rü yema 144,000 ga duñxügüxicatama nixí ga nüxü cuèxgüxü. Rü yema nixí ga Tupana ñoma ga naãnewa deixü na namaxëëëãxüçex.

⁴ Rü yema nixí ga duñxügü ga tama ñoma ga naãnearü ngüchañ i chixexümaã nügü äüächiarü maxüãxgüxü rü tama nüxü rüxoexü na Tupanaãxü yaxögüãxü. Rü nümagü rü yima Tupana Nane ga pecaduarü ütanüçex yucüwe narüxí i ngextá inaxüxüwa. Rü yemagü nixí ga ñoma ga naãnecüãxtanüwa nüxira Tupana naxçex taxexü na noxrü rü Naneärü duñxügü i üünexü yixígüxüçex.

⁵ Rü yematanüwa rü taguma texé nüxü taxínü na doraxü yaxugüxü, erü Tupanapëxewa rü nataxuma i norü chixexü.

Orearü ngeruñgü ga daxüçüãxärü orechiga

⁶ Rü ñuxüchi nüxü chadau ga wüxi ga to ga orearü ngeruñü ga daxügüxü ga naãnegu íxexüxü ga iyangexü ga Tupanaärü ore i guxügutáma ixíxü, na guxü i nachüãnecüãxgümaã rü nagúxürañxü i duñxügümaã rü guxüma i duñxügü i nagúxürañxü i nagawa idexagüxümaã nüxü yaxuxüçex. Rü

yemaãcũ inayange ga yema Tupanaãrũ ore na guxũma i ñoma i naãnewa maxẽxũ i duũxũgũmaã nũxũ yaxuxũcẽx.

⁷ Rũ tagaãcũ ñanagũrũ:

“¡Nũxũ pemuũẽ ya Tupana rũ nũxũ picuẽxũũgũ! Erũ marũ nawa nangu na guxũma i duũxũgũna naçaxũ. ¡Rũ nũxũ picuẽxũũgũ ya yima naxũcũ i daxũguxũ i naãne rũ ñoma i naãne rũ taxtũ i taxũ rũ guxũma i natũxacũgũ!” ñanagũrũ.

⁸ Rũ yemawena nangox ga to ga orearũ ngeruũ ga daxũcũãx, rũ ñanagũrũ:

“Marũ nagu nayarũchixe ya yima ñãne ya taxũne ya Babirõniã, rũ nagu napogũe rũ nayawẽxtaũgũxẽẽ ya norũ ñgũ. Yerũ yema ñãnecũãx rũ nanachix-xẽẽ ga guxũma ga to ga nachũãnecũãx ga duũxũgũ. Rũ guxũma ga yema duũxũgũxũ namu na naxũgũãxũcẽx ga yema chixexũ ga guma ñãnewa naxũgũxũ ga Tupanapẽxewa poraãcũ chixexũ”, ñanagũrũ.

⁹⁻¹⁰ Rũ yemawena nangox ga to ga orearũ ngeruũ ga tagaãcũ ñaxũ:

“Ngẽxguma chi texẽ nũxũ icuẽxũũgu i ngẽma ngoxo rũ naxchicũnẽxãxũ ticuẽxũũgu rũ tũgũ itaxãxgu na tũmacatũwa rũ êxna tũmamẽxẽwa ngẽma ngoxoégamaã tacuẽxruũãxũ, rũ Tupana rũ poraãcũxũchi tá tũxũ napoxcu namaã i ngẽma poxcu i guxũãrũ yexera ixĩxũ i nũmatama ya Tupana norũ numaã namexẽẽxũ. Rũ ùxũmaã rũ azufre i iyauraxũmaã tá ngũxũ tũxũ ningexẽẽ napẽxewa i norũ orearũ ngeruũgũ rũ napẽxewa ya yima Nane ga pecañarũ ùtanũcẽx yucũ.

¹¹ Rũ naẽma ya yima ùxũ ya nawa Tupana ngũxũ tũxũ ingexẽene, rũ guxũgutãma ngema nicaixqueecha. Rũ bai i írarũwa tá tũxũ narũna i ngẽma ngũxũ ya yixema ngẽma ngoxoxũ rũ ngẽma ngoxochicũnẽxãxũ icuẽxũũgũxe rũ tũgũ ixãxẽ na ngẽma ngoxoégamaã taxãgaxũ. Rũ bai i ngunecũ rũ bai i chũtacũ tá tũxũ narũna i ngẽma ngũxũ”, ñanagũrũ.

¹² Rũ ngẽmacẽx ya yixema Tupanaãrũ duũxũgũ ixĩgũxe rũ norũ orega ñnũẽxẽ rũ Ngechuchua xũ yaxõgũxe, rũ name nixĩ na yaxna namaã taxĩnũẽxũ rũ tayaxõgũamaxũ ega woo ñacũ rũ guxchaxũ tũxũ ngupetũgu.

¹³ Rũ ñũxũchi nũxũ chaxĩnũ ga wũxi ga naga ga daxũguxũ ga naãnewa inaxũxũ ga ñaxũ choxũ:

“¡Naxũmatũ i ñãã ore i tá cumaã nũxũ chixuxũ! Rũ ñũxmaũcũũ tá tataãẽgũ ya yixema tórũ Coriaxũ meã yaxõgũãcũma yuexe. Erũ Tupanaãẽ i Ûnẽxũ rũ ñanagũrũ: ‘Ngũ, ngẽmaãcũ tá tataãẽgũ ya yixema, erũ tá itarũngũẽ nũxna i tũmaãrũ puracũgũ. Rũ ngẽma mexũ i taxũgũxũ rũ tũmamaã wũxigu daxũguxũ i naãnewa tá naxũ’”, ñanagũrũ.

Ñoma i naãnewa nanade i ngẽma duũxũgũ i Tupanaãrũ ixĩgũxũ

¹⁴ Rũ ñũxũchi ichadawenũ rũ nũxũ chadau ga wũxi ga caixanexũ ga cõmũxũ. Rũ yema caixanexũẽtũwa narũto ga Tupana Nane ga duũxũxũ ixĩcũ. Rũ naẽruwa nayexma ga wũxi ga norũ ngẽxcueruũ ga uirunaxcẽx. Rũ namẽxwa nayexma ga wũxi ga cũxchi ga ñapomaguxũ ga tẽxechixũ.

¹⁵ Rũ Tupanapatawa ñnaxũxũ ga wũxi ga to ga orearũ ngeruũ ga tagaãcũ ñaxũ nũxũ ga guma caixanexũẽtũwa rũtocũ:

“¡ñaxũgũ na cunadexũ i ngẽma duũxũgũ i cuxrũ ixĩgũxũ! Erũ marũ nawa nangu na cugũxũtawã cunagagũxũ, erũ ngẽma curũ duũxũgũ i ñoma i naãnewa ngẽxmagũxũ rũ ñnamemare na cunadexũ”, ñanagũrũ.

¹⁶ Rũ ñũxũchi ga guma yema caixanexũẽtũwa rũtocũ rũ ñoma trigu i buxuxũrũ ñãnẽtũgu ngĩmaã nayabuãchi ga norũ cũxchi. Rũ nanade ga yema norũ duũxũgũ ga ñoma ga naãnewa yexmagũxũ.

17 Rū ñuxūchi daxūguxū i naānewa ngēxmane ya Tupanapatawa ínaxūxū ga wūxi ga to ga orearū ngeruū ga nūxū nayexmacū ga wūxi ga cūxchi ga ínapomaguxcū ga tēxechixcū.

18 Rū yema pumaraarū gutēxeruūtaxmūwa ínaxūxū ga wūxi ga to ga orearū ngeruū ga ūxūmaā icuáxū. Rū nūma rū tagaācū ñanagūrū nūxū ga yema to ga orearū ngeruū ga yema cūxchi ga ínapomaguxcū ga tēxechixcū nūxū yexmaxū:

“Ínaxūgū na cunadexū i ngēma duūxūgū i yéa naānewa ngēxmagūxū i tama Tupanaārū íxīgūxū! Erū marū nawa nangu na Tupana napoxcuexū”, ñanagūrū.

19 Rū yema orearū ngeruū rū ñoma ga naāneētūgu ngīmaā nayabuāchi ga norū cūxchi. Rū nayadexechi ga yema duūxūgū ga tama Tupanaārū íxīgūxū ga ñoma ga naānewa yexmagūxū. Rū wūxi ga taxū ga nachicagu nanawocu na yexma Tupana norū numaā nadējūcèx, ñoma ubagū imējtxūxūrū.

20 Rū yema nachica ga íāneārū Íxpemawa yexmaxūgu nanadai. Rū guma nagū ga yéma íyaxūchicū, rū 300 ga kilómetru inayarūbaichi, rū wūxi ga metruarū ngāxū níxī ga norū mátama ga guma nagū.

15

Tupanaārū orearū ngeruūgū ga nūxū nayexmaxū ga 7 ga poxcuruūgū

1 Rū ñuxūchi ga daxūguxū ga naānewa rū nūxū chadau ga wūxi ga to ga taxū ga cuēxruū ga namaā íbaixāchixū. Rū nayexma ga 7 ga orearū ngeruūgū ga daxūcūāx ga nūxū yexmagūxū ga 7 ga poxcuruū. Rū yema poxcugu níxī ga dagūxū ga norū nū ga Tupana.

2 Rū yexgumarūū ta nūxū chadau ga ñoma wūxi ga nanaxtaaétūwaraūxū ga woruarūū iyauraétūcūxū ga ūxūema nawa inachixū. Rū yéma tayexmagū ga guxema nūxū rüyexeraxe ga yema ngoxo rū yema ngoxochicūnēxā rū yema ngoxoéga rū yema nūmeru ga yema ngoxoéga íxīxū. Rū yema nanaxtaaétūraūxūgu tachigū. Rū tūxū nayexmagū ga tūmaārū paxetarūgū ga arpa ga Tupana tūxna āxū.

3 Rū nagu tawiyaeū ga Moíché ga Tupanaārū duūxū íxīcūarū wiyae. Rū yexgumarūū ta nagu tawiyaeū ga yema wiyae ga guma Tupana Nane ga pecaduarū ūtanūcèx yucūarū íxīxū ga ñaxū:

“Pa Torū Cori ya Tupana ya Guxūārū Yexera Poracūx, nataxūchi rū namexēchi i guxūma i ngēma cuxūxū. Rū cuma rū guxūgutāma guxūma i nachīūānegūarū āēxgacū quixī. Rū cuma rū aixcūma meāma namaā icucuèx rū taguma quidora.

4 ¿Rū texé tāūtāma cuxū tamuū, Pa Corix? ¿Rū texé tāūtāma cuxū ticuèxūū? Erū cuma rū cuxicatama níxī i ūūnecū quīxū. Rū guxūma i nachīūānecūāx rū nuā tá naxī, rū tá cuxū nicuèxūūgū. Yerū marū nūxū nadaugū na quix-aixcūmaxū i guxūma i ngēma nūxū quixuxūwa rū aixcūma mea cunangugūxū i guxūma i ngēma chixexū ūgūxū rū ngēma mexū ūgūxū”, ñanagūrū ga yema wiyae.

5 Rū yemawena ichadawenū rū nūxū chadau ga daxūguxū ga naānewa na yawāxnaxū ga yema nachica ga ūūnecū ga Tupanapataarū aixepewa yexmaxū ga ngexta namaā ínanguxūgūxūwa ga guma nuta ga Tupanaārū mugū nagu ūmatūcū.

6 Rū guma Tupanapatawa ínachoxū ga yema 7 ga orearū ngeruūgū ga daxūcūāx ga nūxū nayexmagūxū ga yema 7 ga poxcuruūgū. Rū naxchiru ga

mexêchixũmaã rü iyaauracũxũmaã nixãxchiru. Rũ yema norũ goyeremũũgũ rü uirunaxcêx nixĩ.

⁷ Rũ ñuxũchi wũxi ga yema ãgũmũcũ ga daxũcũãx ga maxũxũ, rü wũxichigũ ga yema 7 ga orearũ ngerũũgũna nanaxã ga wũxi ga copa ga uirunaxcêx ga Tupana ya guxũguma maxêchacũarũ nu i ãũcũmaxũmaã ixããcuxũ.

⁸ Rũ guma Tupanapata rü namaã naxããcu ga yema caixema ga Tupana ya mexêchicũ rü poracũwa ne ũxũ. Rũ taxucũrũwama texê yexma taxũcu ñuxmata nagũ ga yema 7 ga poxcurũ ga yema 7 ga orearũ ngerũũgũaxũ yexmaxũ.

16

copagũ ga Tupanaãrũ numaã ixããcuxũchiga

¹ Rũ ñuxũchi nũxũ chaxĩnũ ga wũxi ga naga ga tagaãcũ guma Tupanapatawa inaxũxũ ga ñaxũ nũxũ ga yema 7 ga orearũ ngerũũgũ:

“¡Ngẽma pexĩ, rü naãneẽtũwa peyabagũãcu i ngẽma 7 i copagũ i Tupanaãrũ nu i ãũcũmaxũmaã ixããcuxũ!” ñanagũrũ.

² Rũ yema naxũ ga wũxi ga Tupanaãrũ orearũ ngerũũ, rü naãneẽtũgu nayabaãcu ga norũ copa. Rũ guxũma ga duũxũgũ ga yema ngoxoẽgamaã ixãegaxũ rü yema ngoxochicũnẽxãxũ icuẽxũũgũxũ, rü nawa inayarũgogũ ga taixna ga nguxuchixũ ga taguma ixẽxũ.

³ Rũ yema norũ taxre ga orearũ ngerũũ, rü taxũ ga taxtũtũtũgu nayabaãcu ga norũ copa. Rũ nagũxũ nananguxuchi ga dexã, rü ñoma wũxi i duũxũ i texê imãxũgũrũũ nixĩ ga dexã. Rũ guxũma ga ñacũ ga taxtũwa maxẽxũ rü nayue.

⁴ Rũ yema norũ tomaẽxpũx ga orearũ ngerũũ rü natũgũtũtũgu rü natũxacũgũtũtũgu nayabaãcu ga norũ copa. Rũ guxũma ga yema natũgũ rü natũxacũgũ, rü nagũxũ nanacẽxichi.

⁵ Rũ ñuxũchi nũxũ chaxĩnũ ga yema Tupanaãrũ orearũ ngerũũ ga guxũma ga dexãmaã icuãxũ ga ñaxũ:

“Pa Torũ Cori ya Tupana ya Ũũnecũ ya Woetama Yexmaẽchacũ rü Ñuxma Ngẽxmaẽchacũ, cuma rü wũxi i mexũ cuxũ na ngẽmaãcũ dexã nagũxũ cunacẽxichixẽẽxũ naxchaxwa i ngẽma duũxũgũ.

⁶ Yerũ nũmagũ rü nanadai ga yema curũ duũxũgũ rü curũ orearũ uruũgũ, rü inanaba ga nagũ. Rũ ñuxma i cuma rü wũxi i mexũ nixĩ i cuxũxũ na ngẽma dexã nagũxũ cunacẽxichixẽẽxũ na nawa naxaxegũxũcêx. Yerũ yema nixĩ ga yema nanaxwẽxegũxũ rü yemacêx nixĩ ga curũ duũxũgũxũ nadẽjxũ”, ñaxũ.

⁷ Rũ nũxũ chaxĩnũ ga wũxi ga naga ga yema pumaraarũ gutẽxerũtaxmũwa inaxũxũ ga ñaxũ:

“Ngũ, Pa Cori ya Tupana ya Guxũãrũ Yexera Poracũx, aixcũma nixĩ i namexũ i ngẽma cuxũxũ”, ñaxũ.

⁸ Rũ yema norũ ãgũmũcũ ga orearũ ngerũũ rü uẽxcũtũtũgu nayabaãcu ga norũ copa. Rũ yemaãcũ poraãcũ nananaiemaxẽẽ ga uẽxcũ na yema norũ naĩemãxũmaã inaguãxũcêx ga duũxũgũ.

⁹ Rũ guxũma ga duũxũgũ rü poraãcũ nũxũ nanguxema, natũrũ tama nũxũ narũxoe ga nacũma ga chixexũ rü tama Tupanaxũ nicuẽxũũgũ. Rũ naguxchigagũama namaã ga Tupana ya guxũma i ngẽma poxcurũmaã icuãcũ.

¹⁰ Rũ yema norũ wũximẽẽxpũx ga orearũ ngerũũ, rü yema ngoxoarũ tochicaxũtũtũgu nayabaãcu ga norũ copa. Rũ guxũwama ga ngextã ãẽxgacũ

íyíxúwa ga yema ngoxo, rü naxëãne. Rü yema na poraãcü nüxü nangúxü ga duúxügü, rü nügü nangõörü conüãxgü.

¹¹ Natürü woo yemaãcü nüxü na nangupetüxü ga duúxügü, rü tama nüxü narüxoechaü ga yema chixexü ga naxügüxü. Natürü yema na poraãcü nüxü nangúxü ga norü taixnagü, rü naguxchigagüama namaã ga Tupana ya daxügücü.

¹² Rü yema norü 6 ga orearü ngeruü, rü yema taxtü ga Euférateétügu nayabaãcu ga norü copa. Rü inayache ga yema taxtü na wüxi ga nama na yíxüçex naxçex ga yema nachüãnegüarü ãëxgacügü ga üëxcü íyarügoxúwa ne íxü.

¹³ Rü nüxü chadau rü yema coyaãxwa, rü yema nüxíraüxü ga ngoxoëxwa, rü yema to ga ngoxo ga yema orearü uruñnetaëxwa, rü wüxiëxwachigü ínaxüxü ga wüxi ga naãë ga chixexü ga ñoma curururüü íxíxü.

¹⁴ Rü yema ngoxoãëgü nixí ga naxügüxü ga yema taxü ga cuëxruügü ga duúxügü taxucüruwa ügüxü. Rü yema ngoxogü rü ínaxoxü na nangutaquëxexëgüãxüçex i guxüma i ñoma i naãnewa ngëxmagüxü i nachüãnegüarü ãëxgacügü na Tupana ya Guxüarü Yexera Poracümaã nügü nadaixüçex i ngëxguma nawa nanguxgu i naãneärü gux.

¹⁵ Natürü dücax, rü pexuãëgü erü tórü Cori ya Ngechuchu ya Cristu rü ñanagürü:

“Choma rü ngürüãchi taxúetãma choxü ínanguxëëyane íchangü, ñoma wüxi i ngítëxãxü ínguxürüü. Rü tataãë ya yíxema ímemarexe ñoma wüxi i duúxü i naxchiru ímexëëxürüü na tama tangexchiruxüçex rü taxãnëxüçex i ngëxguma íchanguxgu”, ñanagürü.

¹⁶ Rü yema ngoxogü, rü nanangutaquëxexëë ga guxüma ga ñoma ga naãnewa yexmagüxü ga nachüãnecüãxgüarü ãëxgacügü. Rü yema nachica ga nawa nangutaquëxegüxü, rü Armaguedóügu naxãega i Yudíugügawa.

¹⁷ Rü yema norü 7 ga orearü ngeruü, rü buanecügmare nayabaãcu ga norü copa. Rü guma Tupanapata ya daxügüxü i naãnewa ngëxmanewa inanaxü ga wüxi ga naga ga tagaxü ga yema Tupanaärü tochicaxúwa ínaxüxü ga ñaxü: “Marü ningü”, ñaxü.

¹⁸ Rü nibëixbëxane, rü poraãcü nicuxcuane, rü niduruane. Rü poraãcü naxíãxãchiane. Rü noxri Tupana duúxügüxü üxgumama rü taguma nayexma ga wüxi ga íãxãchiane ga yemarüü poraxü.

¹⁹ Rü guma ñane ga taxüne ga Babiróniã, rü tomaëxpüxgu ningüxyeane. Rü guma ñanegü ga ñoma ga naãnewa yexmagüne rü niwëxtaügü. Rü Tupana rü nüxna nacuaxãchi ga guma ñane ga Babiróniãärü chixexü. Rü yemacëx norü numaã poraãcü nanapoxcu ga guma ñane, yerü poraãcüxüchi namaã nanu.

²⁰ Rü guxüma ga capaxügü rü guxünema ga mëxpünegü, rü inayarüxogü.

²¹ Rü daxúwa narüyi ga gáuxü ga itapütaxü, rü duúxügüëtügu nayi. Rü wüxpütachigü ga yema gáuxü, rü 40 ga kilogu nixí ga nayaxü. Rü ga duúxügü rü Tupanamaã naguxchigagü nagagu ga yema poxcuruü ga gáuxü, yerü poraãcü nüxü nangux ga yema poxcu ga Tupana namaã napoxcuexü.

17

Ñane ga Babiróniã ga wüxi ga nge ga ngëãxü- chicügu íxuxüne

¹ Rü yema 7 ga orearü ngeruügü ga nüxü yexmagüxü ga 7 ga copagü, rü yematanüwa rü wüxi ga orearü ngeruü, rü chauxçex nixü, rü ñanagürü choxü:

“¡Nuã naxũ! Rũ tá cuxũ nüxũ chadauxẽẽ i tacũ tá nixĩ i ngĩrũ poxcu i ngẽma nge i ngeãxũchicũ i taxũ i dexágũétũwa rũtoxcũ.

² Rũ ñoma i naãnewa ngẽxmagũxũ i nachiũãnegũarũ ãẽxgacũgũ, rũ ngĩmaã namaxẽ, rũ yemaãcũ poraãcũ chixexũ naxũgũ. Rũ guxũma i ñoma i naãnecũãx, rũ ngĩrũ chixexũ nüxna naxũe”, ñanagũrũ.

³ Rũ yexguma Tupanaãẽ i Ûunexũ yemaãcũ choxũ ngoxetũxẽẽgu, rũ yema orearũ ngeruũ rũ wũxi ga nachica ga ngextá taxũema íxãpataxũwa choxũ naga. Rũ yema ngĩxũ chadau ga wũxi ga nge ga wũxi ga ngoxo ga dauxũetũwa rũtoxcũ. Rũ yema ngoxo rũ guxũwama naxãegaxũne, rũ yema naegagũ rũ Tupanamaã naguxchiga. Rũ 7 nixĩ ga naẽru rũ 10 ga naxchatacxre.

⁴ Rũ yema nge rũ wũxi ga naxchiru ga dauxracharaxã rũ dauxũmaã íxãxchiru. Rũ uirumaã rũ nutagũ ga mexẽchicũmaã ingãxãe. Rũ ngĩxmẽxwa ngĩxũ nayexma ga wũxi ga copa ga uirunaxcẽx. Rũ yema copa rũ namaã naxããcu ga nagũxũraũxũ ga yema Tupanapẽxewa chixexũ rũ nagũxũraũxũ ga chixexũgũ ga yema nge ùxũ.

⁵ Rũ ngĩcatũgu naxũmatũ ga wũxi ga naega ga taxũema nüxũ cuáxũ na ñuxũ ñaxũchiga yĩixũ. Rũ yema naega rũ ñanagũrũ:

“Rũ yima Babiróniã rũ guxũma i ngema duũxũgũ i chixexũ ùgũxũ i ñoma i naãnewa maxẽxũarũ mamá nixĩ”, ñanagũrũ.

⁶ Rũ ngĩxũ chadau ga yema nge ga na nangãxũxũ namaã ga guma nagũ ga yema duũxũgũ ga Tupanaãrũ íxĩgũxũ rũ yema duũxũgũ ga Ngechuchuarũ orexũ na yaxugũxũcẽx deĩxũ. Rũ yexguma yemaxũ chadẽuxgu, rũ chabaixãchi.

⁷ Rũ yexguma ga yema orearũ ngeruũ rũ ñanagũrũ choxũ:

“¿Tacũcẽx cubaixãchi? Dũcẽx, tá cumaã nüxũ chixu na tacũchiga yĩixũ i ngẽma nge, rũ tacũchiga yĩixũ i ngẽma ngoxo i 7 eruxũ rũ 10 chatacxrexũ i naetũwa natoxũ.

⁸ Rũ ngẽma ngoxo i nüxũ cudauxũ, rũ yema nixĩ ga nuxcũmaxũchi maxchirẽxũ natũrũ ñuxma rũ marũ yuxũ rũ ngẽma ãxmaxũ i taxuguma iyacuáxũwa ngẽxmaxũ. Natũrũ paxa tá ngẽma íxũxũxũ, rũ ñuxũchi ngẽma nachica i guxũgutãma nagu napoxcuxũwa tá ùxũ. Rũ ngẽma ngoxoma ã tá nabaixãchiãẽgũ i ngẽma duũxũgũ i ñoma i naãnewa maxẽxũ i tama nawa ngoxẽgagũxũ i ngẽma Tupanaãrũ popera i noxritama naãne íxũgũgu Tupana nagu yawũgũxũ i ngẽma duũxũgũ i nüxũ nangẽxmaxũ i maxũ i taguma gũxũ. Rũ nümagũ i ngẽma duũxũgũ rũ aixcũma tá namaã nabaixãchiãẽgũ i ngẽxguma nüxũ nadaugũgu i ngẽma ngoxo ga nuxcũmaxũchi maxchirẽxũ rũ yuxũ natũrũ wena táxarũ ínguxũ.

⁹ Rũ ñaã nixĩ i wũxi i ore naxcẽx i ngẽma duũxũgũ i nüxũ natauxchaxũ na nüxũ nacũxgũxũ. Rũ ngẽma 7 i naẽru i ngẽma ngoxo, rũ yima nixĩ ya 7 ya mẽxpũnechiga. Rũ yima 7 ya mẽxpũneetũwa nixĩ i natoxũ i ngẽma nge. Rũ ngẽxgumarũũ ta i ngẽma naẽrugũ, rũ 7 i nachiũãnegũarũ ãẽxgacũgũchiga nixĩ.

¹⁰ Rũ wũximẽẽxpũx i ngẽma ãẽxgacũgũ rũ marũ togũ nüxũ narũyexeragũ, rũ ñuxma rũ marũ tama ãẽxgacũgũ nixĩgũ. Rũ ngẽma norũ 6 i ngẽma ãẽxgacũgũ, rũ nüma rũ ñuxma rũ ãẽxgacũ nixĩ. Rũ ngẽma norũ 7 tá nixĩ i yixcũra ínguxũ. Natũrũ ngẽxguma ínanguxgu i ngẽma norũ 7 i nawa iyacuáxũ i ngẽma ãẽxgacũgũ, rũ paxaãchimare tá nixĩ i ãẽxgacũ yĩixũ.

¹¹ Rũ ngẽma ngoxo ga nuxcũmaxũchi maxchirẽxũ rũ ñuxma rũ marũ yuxũ, rũ ngẽma nixĩ i norũ 8 i ngẽma ãẽxgacũgũ. Rũ nüma rũ ngẽma 7 tanũxũ nixĩ. Natũrũ i nüma rũ ngẽma nachica i guxũgutãma nagu napoxcuxũwa naxũ.

¹² Rû ngêma 10 i naxchatacuxre i nûxû cudauxû, rû 10 i nachiuânegûarû âêxgacûgûchiga nixî. Natûrû i nûmagû rû tauta inanaxûgûe na duûxûgûmaâ inacuêxgûxû. Natûrû yixcûra tá nanayauxgû i pora na wûxítátama i ora ngêma ngoxomaâ wûxigu âêxgacûgû yixîgûxûcêx.

¹³ Rû ngêma 10 i âêxgacûgû rû wûxigu nagu narûxînuê na ngêma ngoxona naxâgûâxûcêx i norû pora, na ngêma ngoxo namaâ icuâxûcêx.

¹⁴ Rû ñuxûchi i ngêma âêxgacûgû rû ngêma ngoxo rû tá nûgû nadai namaâ ya yima Tupana Nane ga pecaduarû útanûcêx yucû. Natûrû ya yima Tupana Nane rû tá nûxû narûyexera, erû nûma rû guxû i corigûarû Cori nixî, rû guxû i nachiuânegûarû âêxgacûgûarû Âêxgacû nixî. Rû yixema namûcûgû ixîgûxe, rû yixemagû tixîgû ya Tupana tûxû dexe rû tûmacêx naçaxe. Rû tûmagû rû aixcûma naga taxînuê”, ñanagûrû choxû.

¹⁵ Rû yema orearû ngeruû rû ñanagûrû ta choxû:

“Ngêma taxû i dexá i nûxû cudauxû i naetuwa natoxû i ngêma nge i ngêâexûchicû, rû nagûxûraûxû i duûxûgûchiga nixî, rû guxûma i duûxûgû i to i nagawa idexagûxûchiga nixî, rû guxûma i nachiuânecûâxgû i duûxûgûchiga nixî.

¹⁶ Rû ngêma 10 i naxchatacuxre i nûxû cudauxû i nûxû ngêmaxû i ngêma ngoxo, rû tá ngêma nge i ngêâexûchicûchi naxaie. Rû tá ngêma ngena nanapuxû i guxûma i ñacû i ngixû ngêmaxû, rû ngêmaâcû ngexchiruâcûma tá ngêma irûxâûx. Rû tá ngixû nangôxgû, rû úxûwa tá ngixû nigugû.

¹⁷ Yerû ga Tupana rû yema 10 ga âêxgacûgûxû nagu narûxînuêxêê na naxûgûâxûcêx i ngêma nanaxwêxexû i nûma ya Tupana. Rû ngêmacêx i ngêma âêxgacûgû, rû tá wûxigu nagu narûxînuê na ngêma ngoxoxû naporaxêêgûxû na norû âêxgacû yixûcêx ñuxmatáta Tupana yanguxêê i ngêma nûxû yaxuxû.

¹⁸ Rû ngêma nge i ngixû cudêuxcû, rû yima nixî ya yima îâne ya taxûne ya guxûma i nachiuânegûarû âêxgacûgûmaâ icuâxûne”, ñanagûrû.

18

Nagu nayarûchixe ga îâne ga Babiróniã

¹ Rû yemawena nûxû chadau ga wûxi ga to ga orearû ngeruû ga daxûguxû ga naânewa irûxixû ga taxû ga âêxgacû ixixû. Rû yema orearû ngeruûarû yauracûxûmaâ nangóone ga ñoma ga naâne.

² Rû tagaâcû ñanagûrû:

“Marû nagu nayarûchixe ya yima îâne ya Babiróniã ya itaégacûxûne. Rû ñuxma rû ngoxogûchiû nixî rû nagûxûraûxû i naâe i chixexûgûchiû nixî. Rû ñuxma rû ngêma naxâchiû i nagûxûraûxû i ngurucugû rû werigû i chixexû i duûxûgû naxchi aiexû.

³ Yerû guxûma ga nachiuânecûâxgû, rû guma îâneârû chixexû nûxna naxûe. Rû norû âêxgacûgû, rû yema poraâcû chixri namaxê. Rû guxûma ga ñoma ga nachiuânecûâxgû ga taxetanûxûgû, rû nûgû namuârû dîeruâxêêgû namaâ ga yema îâneârû yemaxûgû ga tama Tupanapêxewa mexû”, ñanagûrû.

⁴ Rû ñuxûchi nûxû chaxînu ga to ga naga ga daxûguxû ga naânewa inaxûxû ga ñaxû:

“¡Dúcêx i guxâma i pema ya chorû duûxûgû ixîgûxe, rû ípechoxû nawa ya yima îâne na tama ngêma îanecûâxruû pipecaduâxgûxûcêx rû tama nagu peyixûcêx i ngêma poxcu i tá yima îanewa nguxû!

⁵ Erü ngēma iānecūāxārū pecadugū, rü nügüētüwa narünucue, rü düxwa marü daxüguxū i naānewa nangu. Rü ñuxma ya Tupana rü nüxna nacuēxāchi i ngēma chixexū i naxügüxū, rü ngēmacēx tá yima iānexū napoxcu.

⁶ Rü ngēma poraācü chixexū na naxügüxūrū, rü ngēxgumarūū tá ta nixī na chixexūmaā nüxū penaxūtanūxū i pemax. ¡Rü ñuxma na ngēma iānecūāx togūmaā chixexū naxügüxū, rü taxreēxpūxcūna tá penachixexē i pemax! ¡Rü ngēma chixexū ga yema iānecūāx togücēx mexēēgüxū, rü pema rü taxreēxpūxcūna tá ngēmaācü naxcēx penamexēē!

⁷ ¡Rü ngēma na nügü yacuēxūūgüxū rü mexēchixūwa na namaxēxū, rü ngēxgumarūū tá ta nixī na ngūxū nüxū pingexēēgüxū rü ngechaū nüxū pingexēēgüxū! Erü ñuxma i ngēma iānecūāx rü nügüāēwa ñanagürügü: ‘Yixema rü ñoma wüxi i āēxgacürūū mexēchixūwa tangēxmagü. Rü tagutāma wüxi i yutexürūū tangechaūgü’, ñanagürügü nügüāēwa i ngēma iānecūāx.

⁸ Rü ngēmacēx tá nixī i wüxitātama i ngunexügu ínanguxū i ngēma iāneārū poxcuruū. Rü ngēma iānecūāx rü ngūanemaā tá nayue, rü poraācü tá nangechaūgü, rü poraācü taiya tá nüxū nangux, rü norü iāne rü üxūmaā tá nigu. Erü naporaxūchi ya yima Tupana ya guxūārū Cori ixīcü i ngēma iānexū poxcucü”, ñanagürü ga yema naga.

⁹ Rü ngēma nachüñānegüarū āēxgacügü ga yema iānewa poraācü chixri maxēxū rü mexēchixūwa yexmagüxū, rü tá poraācü norü ngechaūmaā yima iānecēx naxauxe i ngēxguma nüxū nadaugügu i ngēma üxüema i namaā yaxaxū.

¹⁰ Natürü ngēma āēxgacügü rü ngēma poxcuxū na namuēxūchēxwa rü tá yaxūwa nüxū narüdaunū, rü ñanagürügü tá:

“Cungechaūtümü, Pa Itaégacüxüne ya Iāne ya Babirónia ya Guxū i Nachiñānegūmaā Porachirénex. Erü wüxitama i oragu cuxcēx ínangu i curü poxcu”, ñanagürügü tá.

¹¹ Rü guxūma i ñoma i naānecūāx i taxetanūxū, rü tá poraācü norü ngechaūmaā naxcēx naxauxe ya yima iāne. Erü marü taxúetāma naxcēx nüxū tataxe i norü ngēmaxügü i ngēma nangegüxū.

¹² Rü marü taxúetāma naxcēx nüxū tataxe i norü uiru, rü norü dīerumü, rü norü nutagü i mexēchixū, rü naxpügü i mexēchixū i dauxracharaxū rü idauxcharaū i ngēma nangegüxū. Rü ngēxgumarūū ta taxúetāma naxcēx nüxū tataxe i nagüxūraūxū i norü nañchipanügü i yixixū, rü norü ngēmaxügü i marfilnaxcēx rü mürapewa i mexēchixūnaxcēx rü cobrenaxcēx rü fierunaxcēx rü nutanaxcēx i ngēma nangegüxū.

¹³ Rü taxúetāma naxcēx nüxū tataxe i norü canela rü togü i norü üexüwemüxügü i yixixū, rü pumaratēxe i guruū ixīxū, rü togü i pumaragü i yixixū, rü binugü rü chixügü, rü arina i mexēchixū, rü trigu i ngēma nangegüxū. Rü ngēxgumarūū ta ngēma nanagagü i wocagü, rü carnerügü, rü cowarugü, rü autügü i cowaru itūchigüxū, rü duñxügü i puracürügü. Rü ngēmaācü woo duñxügü rü ngēma tūxū nagagü na tūmamaā nataxegüxūcēx.

¹⁴ Rü ngēma taxetanūxū, rü ñanagürügü tá nüxū ya yima iāne:

“Cuwa rü marü nataxuma i ngēma orix i curü duñxügüarü me ixīxū. Rü marü nataxuma i guxūma i ngēma meruügü ga noxri cuxū yexmaxū, rü tagutāma wenaxārū cuxū nangēxma”, ñanagürügü tá.

¹⁵ Rü ngēma taxetanūxū i guxūma i ngēma orixgūmaā rü ngēma meruügūmaā taxegüxū rü guma iānegu nügü muārü dīeruāxēēxūchigüxū, rü yaxūwa tátama nüxū narüdaunū ya yima iāne, erü nüxū namuē i ngēma poxcu i yima iānexū üpetüxū. Rü tá poraācü norü ngechaūmaā naxauxe.

16 Rû ñanagürügü tá:

“Nangechaütümüü ya yima ñâne ya itaégacüxüne. Erü noxri rû ñoma wüxi i nge i mexêchixü i naxchiru i dauxracharaxü rû dauxcharaxümaã äxchirucü i uirumaã rû nutagü ya mexêchicümaã ngêxãêxcürüü nixi.

17 Natürü ngürüächi nagux i guxüma i ngêma ñâneärü meruügü”, ñanagürügü tá. Rû guxüne ya wapurugüarü äêxgacügü, rû guxüma i norü duüxügü ya yima wapuruwa puracüexü, rû guxüma i duüxügü ya yima wapurugu ñxü, rû guxüma i taxetanüxügü i wapurugu yarüxüüxü, rû yaxüwa tátama nayachaxgütanüächi, rû ngema tá nüxü narüdaunü.

18 Rû ngêxguma nüxü nadaugügu i norü caxixü na yaxaxü ya yima ñâne, rû tagaäcü tá ñanagürügü:

“Nataxuma ya naï ya ñâne ya daa ñâne ya itaxégacüxünerüü ixixüne”, ñanagürügü.

19 Rû norü ngechaümaã nügüétügu tá waixüümü nagünagügü, rû tá poraäcü naxauxe, rû tagaäcü ñanagürügü tá:

“Nangechaütümüü ya yima ñâne ya itaxégacüxüne. Rû noxri rû norü yemaxügümaã nügü nimuärü dîeruãxêëgü ga guxüne ga wapurugüarü yoragü. Natürü i ñuxma rû ngürüächi wüxi i oragutama rû inayarüxo i guxüma i ngêma.

20 Natürü ñuxma na napoxcuxü ya yima ñâne, rû name nixi i petaäëgü i pema i daxüguxü i naãnewa ngêxmagüe, rû pema i Tupana pexü imugüe, rû pema i Tupanaärü orexü ixugüe, rû guxäma i pema i Tupanaärü duüxügü ixigüe. Erü ñuxma na napoxcuxü ya yima ñâne, rû ngêmaäcü Tupana pexü naxütanü naxcêx ga yema chixexü ga pemaã naxügüxü ga guma ñanecüãx”, ñanagürügü.

21 Rû ñuxüchi wüxi ga Tupanaärü orearü ngeruü ga daxücüãx rû nananagenagü ga wüxi ga nuta ga taxüchicü ga ñoma ñacüarü caruürüü ixicü. Rû yema orearü ngeruü rû taxtü ga taxügu nanaña ga guma nuta ga taxüchicü, rû ñanagürü:

“Ngêxgumarüü tá quixi na icuyarüxoxü, Pa ñâne ya Itaxégacüxüne ya Babiróniãx, rû tagutäma texé wena cuxü nadau.

22 Rû tagutäma wena curü ñtamügüwa texé nüxü taxinü i paxetarüügü i arpagü rû quenagü rû cornetagü. Rû ngêxgumarüü ta cuwa nataxütäma i puracütanüxügü i ñacüwa puracüexü, rû tagutäma texé nüxü taxinü na cuwa ñnapuracüexü i chawüarü caruügü.

23 Rû marü tagutäma texé nüxü tadau i cuwa i omü. Rû marü tagutäma texé nüxü taxinü i ngügüchigaarü petagüarü cuxcuane. Rû ngêmaäcü tá cumaã nangupetü woo ga noxri rû yema taxetanüxü ga cuwa taxegüxü rû guxüma ga togü ga taxetanüxüärü yexera nixigü. Rû ngêmacêx tá poraäcü cupoxcu nagagu ga yema chixexü ga namaã cunawomüxêëxü ga guxüma ga togü ga nachüãnecüãx ga duüxügü”, ñanagürü.

24 Yerü guma ñanecüãx ga duüxügü nixi ga nadêjxü rû inabaxêëgüxü ga nagü ga Tupanaärü orearü uruügü rû yema duüxügü ga Tupanaärü ixigüxü rû guxüma ga duüxügü ga ñoma ga naãnegu Tupanaarü oregagu nadêjxü.

19

1 Rû yemawena nüxü chaxinü ga muxüma ga duüxügüga ga daxüguxü ga naãnewa tagaäcü ñagüxü:

“¡Ngêãxä Tupanaxü ticuëxüügü! Erü nüma nixi i tüxü namaxêëëxü. Rû nüma ya törü Tupana nixi i guxüärü yexera namexêchixü rû naporaxüchixü.

² Rû nûma rû aixcûma meãma nanangugû i guxûma i duûxûgûarû maxû, rû aixcûma tá nanapoxcue i ngêma chixexû ügûxû. Rû ngêmacêx marû nanapoxcu ya yima îãne ya itaxêgacûxûne ya chixene ya norû chixexûmaã nachixexêene i guxûma i ñoma i naãnecûãx i duûxûgû. Rû ñuxma i nûma ya Tupana rû norû duûxûgû ga guma îãnecûãx dêixûxû naxûtanû”, ñanagûrûgû.

³ Rû ñuxûchi wenaxârû ñanagûrûgû:

“¡Ngîxã Tupanaxû ticuêxûügû! Erû ngema norû caxixû na yaxaxû ya yima îãne, rû tagutãma ngêma nayarûxo”, ñanagûrûgû.

⁴ Rû yema 24 ga ãêxgacûgû rû yema âgûmücû ga daxûcûãx ga maxêxû rû yexma nanangûcuchitanû, rû Tupana ya norû tochicaxûwa rûtocûxû nicuêxûügû. Rû ñanagûrûgû:

“Rû ngêmaãcû yî. ¡Rû ngîxã nûxû ticuêxûügû ya tórû Cori!” ñanagûrûgû.

⁵ Rû ñuxûchi yema tochicaxûtawã inanaxû ga wûxi ga naga ga ñaxû:

“Name nixî i tórû Tupanaxû picuêxûügû i guxãma i pemax Pa Buxûgû rû Pa Yaxûgûx i norû duûxûgû na pixîgûxû rû nûxû na pemuêxû”, ñaxû.

Tupana Nane ga pecaduarû îtanücêx yucûarû ngîgûarû petachiga

⁶ Rû ñuxûchi nûxû chaxînú ga tacû ga ñoma muxûchixû ga duûxûgû idex-agûxûrûü ixîxû ga ñoma taxû i dexá i chuchuxûrûü ixîxû ga ñoma poraãcû yaduruanexûrûü ixîxû ga ñaxû:

“¡Ngîxã Tupanaxû ticuêxûügû! Erû nûma ya tórû Cori ya Tupana ya guxûârû yexera poracû, rû marû ningucuchi na guxûmaã inacûáxû.

⁷ ¡Rû ngîxã tataãêgû rû guxû i tórû taãêmaã nûxû ticuêxûügû! Erû marû nawa nangu na iyangîxû ya yima Tupana Nane ga pecaduarû îtanücêx yucû. Rû ngêma norû duûxûgû i ñoma namêxûrûü ixîgûxû rû marû nûgû ñanimexêêgû.

⁸ Rû yima Tupana Nane rû ngêma nûxû yaxôgûxûxû namu na mexêchixû rû cómuxû rû iyauracûxû i naxchirumaã na yaxãxchiruxû. Rû ngêma naxchiru i mexêchixû rû ngêma nixî i ngêma duûxûgûarû maxû i mexûchiga”, ñanagûrûgû.

⁹ Rû ñuxûchi ga Tupanaârû orearû ngeruû, rû ñanagûrû choxû:

“Chanaxwêxe i cunaxûmatû i ñaã ore i cumaã tá nûxû chixuxû: ‘Tataãêgû ya yîxema tûxna naxuxe i norû ngîgûarû petawa ya yima Tupana Nane ga pecaduarû îtanücêx yucû’”, ñanagûrû. Rû ñuxûchi ñanagûrû ta:

“Ngêma ore i cumaã nûxû chixuxû, rû Tupanaârû orexûchitama nixî”, ñanagûrû.

¹⁰ Rû choma rû yema orearû ngeruûpêxegu chacaxãpûxû na nûxû chicuêxûüxûcêx. Natûrû ga nûma rû ñanagûrû choxû:

“¡Tãxû i ngêma cuxûxû! Erû choma rû ta Tupanaârû duûxû chixî, ngêxgumarûü i cuma rû cueneêgû i Ngechuchuarû ore i aixcûma ixîxû ixôgûechaxûrûü ta chixî. Rû name nixî i Tupanaxû quicuêxûü”, ñanagûrû. Erû ngêma ore i Ngechuchuchiga ixîxû, rû yematama ore nixî ga Tupanaârû orearû uruügû nûxû ixugûexû ga yexguma Tupanaãê i Üünexû nawa ideaxgu.

Guma Tupana Nane ga cowaru ga cómuxûetûgu tonagûcûchiga

¹¹ Rû ñuxûchi nûxû chadau ga daxûguxû ga naãne na yawãxnaxû. Rû yema nangox ga wûxi ga cowaru ga cómuxû. Rû guma naetûwa rûtocû rû Îaixcûmacû rû Aixcûma Yanguxêcû nixî i naega. Rû nûma rû aixcûma guxûma i duûxûgûarû maxûxû nacuêx, rû aixcûma tá guxûma i ngêma chixexû ügûxûmaã nûgû nadai rû tá nanapoxcue.

¹² Rū naxētūgū, rū ñoma üxüemarūü niyauracūü. Rū naēruwa rū namu ga norū ngèxcueruūgū. Rū nacatūgu naxūmatū ga wūxi ga naega ga nūxīcatama nūxū nacuáxū.

¹³ Rū wūxi ga naxchiru ga ducharaxūgu nicūx. Rū naega rū Tupanaārū Ore nixī.

¹⁴ Rū nawe narūxī ga guxūma ga norū churaragū ga daxūcūāx. Rū nūmagū rū naxchiru ga imexēchixū rū cōmūxūmaā nixāxchiru. Rū cōwarugū ga icōmūxūētūgu naxī.

¹⁵ Rū naāxwa nayexma ga wūxi ga tara ga tēxechixū na yemamaā napīxēēāxūcēx i guxūma i ngēma duūxūgū i tama nūxū yaxōgūxū. Rū tá nūma nanaxwēxēxūācūma ngēma duūxūgūmaā inacuēx. Rū nūma rū tá poraācū ngēma duūxūgū i tama yaxōgūxūxū napoxcu namaā i ngēma poxcu ya Tupana ya Guxūxū Rūporamaēcū norū numaā mexēēxū. Rū ñoma ubagū i norū maīxruūwa imējxtūūxūrūū tá nixī na napoxcūēāxū.

¹⁶ Rū naxchirugu rū naperemagu naxūmatū ga wūxi ga naega ga ñaxū:

“Guxūma i nachiūānegūarū āēxgacūgūarū Āēxgacū, rū guxūma i corigūarū Cori ixīcū”, ñaxū.

¹⁷⁻¹⁸ Rū ñuxūchi nūxū chadau ga wūxi ga Tupanaārū orearū ngeruū ga daxūcūāx ga üēxcūgu chixū. Rū nūma rū tagaācū ñanagūrū nūxū ga guxūma ga ngurucugū ga yexma ixexexūtanūxū:

“¡Nuā pexī rū pengutaquēxegū naxcēx i ñna i taxū i Tupana pexcēx mexēēxū na penangōxūcēx i nachiūānegūarū āēxgacūgūmachi, rū churaragūarū āēxgacūgūmachi, rū yatūgū i poraxūchixūmachi, rū cōwarugūmachi, rū ngēma cōwaruētūgu īxū i duūxūgūmachi, rū ngēma duūxūgū i coriāxgūxūmachi rū ngēma ngearū coriāxgūxūmachi rū ngēma buxūgūmachi rū ngēma yaxūgūmachi!” ñanagūrū.

¹⁹ Rū ñuxūchi nūxū chadau ga yema nūxīraūxū ga ngoxo rū guxūma ga nachiūānegūarū āēxgacūgū ga norū churaragūmaā yēma ngutaquēxegūxū na nūgū nadējxūcēx namaā ya yima cōwaruētūgu īxūcū rū norū churaragū.

²⁰ Rū yema nūxīraūxū ga ngoxo rū niyaxu. Rū wūxigu namaā niyaxu ga yema to ga ngoxo ga orearū uruūneta ixīxū ga yema nūxīraūxū ga ngoxopēxewa naxūxū ga cuēxruūgū ga duūxūgū tama nūxū cuáxū na naxūgūāxū. Rū yema cuēxruūgūmaā nixī ga nawomūxēēāxū ga yema duūxūgū ga nūxū icuēxūūgūxū ga naxchicūnēxā ga yema nūxīraūxū ga ngoxo rū nūgū ixāgūxū na yema ngoxoégamaā na yaxūēgāgūxū. Rū yema nūxīraūxū ga ngoxo rū yema to ga ngoxo ga orearū uruūneta ixīxū, rū wūxigu maxēxūma nawa nawoū ya yima naxtaa ya üxūmaā iyaurachiūne ya azufremaā ixaxūne.

²¹ Rū yema tara ga tēxechixū ga guma cōwaruētūwa rūtocūēxwa yexmaxūmaā nanadaī ga yema ngoxogūarū ngūxēēruūgū ga āēxgacūgū rū norū churaragū. Rū guxūma ga ngurucugū, rū yemamachimaā nangāxcharaūgū.

20

Chataná rū 1,000 ga taunecū ninēx

¹ Rū yemawena nūxū chadau ga wūxi ga Tupanaārū orearū ngeruū ga daxūgūxū ga naānēwa írūxīxū. Rū naxmēxwa nayexma ga yema āxmaxū i taxugūma iyacuáxūārū chawī rū ñuxūchi wūxi ga cadena.

² Rū yema Tupanaārū orearū ngeruū rū yema coyaxū niyaxu. Rū yematama coya nixī ga yema nuxcūmaūxū ga āxtape ga ngoxo ga Chataná ixīxū. Rū yema orearū ngeruū rū 1,000 ga taunecūgūcēx nayanēx.

³ Rū yema orearū ngeruū rū yema āxmaxū i taxuguma iyacuáxūgu nayatēxcuchi. Rū űuxūchi yexma meāma nanawāxtaū na nūma ga Chataná rū marū taguma wenaxārū duūxūgūxū nawomūxēēxūcēx űuxmatáta 1,000 ya taunecū ngēxma yangeā. Rū ngēxguma marū yanguxēēāgu ya yima 1,000 ya taunecū, rū tá paxaxāchi nayangēx.

⁴ Rū űuxūchi nūxū chadau ga űuxre ga tochicaxūgū. Rū yema tochicaxūwa tarūtogū ga guxema Tupanaxūtawa nayauxgūxe ga pora na duūxūgūxū ticagūxūcēx. Rū yexgumarūū ta nūxū chadau ga naāēgū ga yema duūxūgū ga Ngechucharū orexū na yaxugūxūcēx nadaūnaāgūxū. Rū yema nixī ga duūxūgū ga meāma nūxū ixugūxū ga Tupanaārū ore rū tama yema ngoxoxū icuēxūgūxū rū bai ga yema ngoxochicūnēxāxū icuēxūgūxū, rū tama nūgū ixāgūxū na nacatūwa rū ēxna naxmēxwa yema ngoxoégamaā yaxāegaxū. Rū nūxū chadau ga wena na namaxēxū, rū 1,000 ga taunecū Cristumaā wūxigu āēxgacū nixīgū.

⁵ Rū yemagū nixī ga nūxīrama írūdagūxū. Natūrū ga yema togū ga yuexū rū tāūtāma namaxē űuxmatáta yima 1,000 ya taunecūguwena.

⁶ Rū tataāēgū ya yīxema tūxira írūdagūxe erū Tupanaārū duūxūgū tixīgū. Rū ngēma Tupanaārū poxcu rū marū tāūtāma tūmacēx nixī. Rū tá Tupanaārū rū Cristuarū ngūxēruūgū tixīgū. Rū 1,000 ya taunecū tá Cristumaā āēxgacūgū tixīgū.

ngoxo i Chataná rū marū nagu nayarūchixe

⁷ Rū ngēxguma marū nangupetūgu ya yima 1,000 ya taunecū, rū Chataná rū tá ningēx i ngēma Ínapoxcuxūwa.

⁸ Rū nūma i Chataná rū tá Ínaxūxū na yawomūxēēāxūcēx i guxūma i űoma i naānecūāx i duūxūgū rū Goga rū Magoga na ngēmagūxū nangutaquēxēēxūcēx na Tupanaārū duūxūgūmaā nūgū nadēixūcēx. Rū ngēma Chatanáārū churaragū, rū űoma taxtū i taxūārū naxnecūchicutēxerūū tá namuxūchi.

⁹ Rū ngēmaācū i Chatanáārū churaragū rū tá űoma i naāneārū tagu ninguchi. Rū tá Tupanaārū duūxūgūxū rū yima Íāne ya Tupana nūxū ngechaxūne ya Yerucharēxū Ínachoeguāchi. Natūrū Tupana rū daxūwa tá nanayixēē ya űxū, rū yimamaā tá nixae i guxūma i ngēma namaā rūxuwānūgūxū.

¹⁰ Rū ngēma ngoxo i ngēma duūxūgūxū womūxēēxū, rū nawa tá natāe ya yima naxtaa ya űxūmaā iyaurachiūne ya azufremaā ixaxūne. Rū yima nixī ya naxtaa ga marū nawa nawoūne ga yema nūxīraūxū ga ngoxo rū yema to ga ngoxo ga orearū uruūneta ixīxū. Rū yima naxtaawa tá nixī i guxūgutāma ngunecū rū chūtacū ngūxū yangēgūxū.

Ngēma taxū i tochicaxū i cómūxūwa rūtocūpēxewa nangugū i duūxūgū

¹¹ Rū űuxūchi nūxū chadau ga wūxi ga taxū ga tochicaxū ga cómūxū, rū nūxū chadau ga guma nawa rūtocū. Rū gumachaxwa nibuxmū ga űoma ga naāne rū guxūma ga daxūwa nūxū idauxū, rū inayarūtauxe.

¹² Rū nūxū chadau ga yema yuexū ga yaexū rū buexū ga Tupanapēxegu chigūxū. Rū ningena ga poperagū. Rū yexgumarūū ta ningena ga yema Tupanaārū popera i nagu yawūgūxū i ngēma duūxūgū i nūxū nangēxmaxū i maxū i taguma gūxū. Rū yema yuexū rū yexgumarūū ga űuxācū na yema pōpewa inaxūmatūxūrūūācūma Tupana namaā nūxū nixu na ngextá tá naxīxū.

¹³ Rū yema yuexū ga taxtū ga taxūwa yexmagūxū rū wenaxārū Ínarūdagū. Rū yema yuexū ga tauquewa yexmagūxū rū wenaxārū Ínarūdagū. Rū

yemaãcü inarüdagü ga guxüma ga duüxügü ga yuexü. Rü guxüma ga yema yuexü rü Tupana nüxna nicachigü rü yexgumarüü ga ñuxãcü na namaxêxü ga wüxichigü rü namaã nüxü nixu na ngextá tá naxixü.

¹⁴ Rü yemawena rü guma naxtaa ga üxümaã iyaurachiünewa nawoü ga yu guxüma ga norü poramaã. Rü guma naxtaa ga üxümaã iyaurachiüne, rü ngêma nixí i poxcu i taguma iyacuáxü i tümacêx ixixü ya yíxema tama Tupanaärü duüxügü ixigüxe.

¹⁵ Rü guma naxtaa ga üxümaã iyaurachiünewa tawoü ga guxema ingeégaxe nawa i ngêma Tupanaärü popera i nagu tiwügüxü ya yíxema tüxü nangêxmaxê i maxü i taguma gúxü.

21

Ngexwacaxüü i ñoma i naãne rü guxüma i daxüwa ngêxmaxü

¹ Rü yemawena nüxü chadau na nayexwacaxüxü ga ñoma ga naãne rü guxüma ga ñacü ga daxüwa yexmagüxü. Yerü yema nüxíra yexmagüxü rü marü nangupetü, rü yema taxü ga taxtü rü marü nataxuma.

² Rü nüxü chadau ga guma ñãne ga mexüne ga Yerucharéü ga yexwacaxüne ga daxügüxü ga naãnewa Tupanaxütawa íruxixüne ga guxüwama mexêchine ñoma wüxi i pacü i ngêxguma iyangíxgu rü ngítecêx ngígü mexêxçürüü ixixüne.

³ Rü nüxü chaxínü ga wüxi ga naga ga yema tochicaxüwa inaxüxü ga tagaãcü ñaxü:

“Tupana rü duüxügütanüwa nangexma i ñuxmax. Rü natanüwa tá namaxêcha. Rü nümagü rü norü duüxügü tá nixigü. Rü nüma ya Tupana rü natanüwa tá nangêxmaêcha, na guxüguma norü Tupana yíxüçêx.

⁴ Rü nüma tá ínanapi i naxgüüëtü i guxüma i ngêma duüxügü. Rü marü táütama texé tayu, rü texé tümaärü ngechaümaã taxaxu, rü texé ngüxü tingegü. Erü guxüma i ngêma ngüxü rü marü inayarüxo”, ñanagürü.

⁵ Rü guma yema tochicaxüwa rütocü rü ñanagürü:

“Düçêx, choma rü chanangexwacaxüxêê i guxüma i ñacü i ngêxmaxü”, ñanagürü. Rü ñuxüchi ñanagürü ta:

“¡Naxümatü i ñaã ore! Erü ñaã ore rü aixcüma nixí, rü ñaã nixí i ore i mexü na yaxöxü”, ñanagürü.

⁶ Rü yemawena rü ñanagürü choxü:

“Ñuxma rü marü ningu i guxüma. Rü chowa nixí ga inaxügüxü ga guxüma, rü nataxuma i ñacü i chorü yexera ngêxmaêchaxü. Rü yíxema itawaxe, rü choma rü tá nangetanüãcüma tüxü chaxaxêêmare nawa i ngêma dexá i maxêeruü.

⁷ Rü yíxema nüxü rüporamaëgüxe i chixexü, rü tá tanayauxgü i guxüma i ngêma mexügü i nüxü chixuxü. Rü choma rü tá tümaärü Tupana chixí, rü tüma i chauxacügü.

⁸ Natürü ngêma muüêxü i nüxü rüxoexü na chowe naxixü, rü nawa tá nawoü ya yima naxtaa ya üxümaã iyaurachiüne ya azufremaã ixaxüne. Rü ngêxgumarüü ta i ngêma tama yaxögüxü, rü ngêma chixexü ügüxü, rü ngêma máétagüxü, rü ngêma naí i ngemaã ipexü, rü ngêma iyuüxü rü ngöxwêxegüxü, rü ngêma tupananetachicünêxü icuêxüügüxü, rü ngêma idoratêëxgüxü, rü nawa tá nawoü ya yima naxtaa ya üxümaã iyaurachiüne ya azufremaã ixaxüne. Rü ngêma nixí i poxcu i taguma iyacuáxü i nüxü ínanguxêêxü i ngêma tama yaxögüãcüma yuexü”, ñanagürü.

Yexwacaxüne ga Yerucharéúchiga

⁹ Rû yema 7 ga orearü ngeruüğü ga nüxü yexmagüxü ga 7 ga copagü ga yema 7 ga poxcuruümaã ixããcuxü, rû yematanüwa rû wüxi ga orearü ngeruü rû chauxcèx nixü, rû ñanagürü choxü:

“¡Nuã naxü! Rû tá cuxü nüxü chadauxëë i ngëma yaxögüxü i ñoma namëxrüü tá ixügüxü ya yima Tupana Nane ga pecaduarü ütanücèx yucü”, ñanagürü.

¹⁰ Rû yexguma yemaãcü Tupanaãë i Üünexü choxü ngoxetüxëëgu, rû yema orearü ngeruü rû wüxi ga mëxpüne ga taxünewa choxü naga. Rû choxü nüxü nadauxëë ga guma ñane ya üünene ga Yerucharéü ga daxügüxü ga nañewa Tupanaxütawa íruxixüne.

¹¹ Rû guma ñane rû Tupanaärü yauracüüxümaã nangóone. Rû yema norü yauracüüxü ga guma ñane rû ñoma wüxi ya nuta ya mexëchicürüü nixü. Rû ñoma nuta ya yasperüü nixü na yachipetüxü.

¹² Rû guma ñane rû guxüwama inapoxegu. Rû nataxüchi rû namáchanexüchi ga yema norü poxegüxü. Rû yema norü poxegüxü rû nüxü nayexma ga 12 ga norü ñax. Rû wüxichigü ga yema ñaxwa nayexma ga wüxi ga Tupanaärü orearü ngeruü. Rû wüxichigü ga yema ñaxwa nangoxéga ga wüxichigü ga yema 12 ga Acobu nane ga Yudiüğü nawa ne ñxü.

¹³ Rû tomaëxpüx ga norü ñax rû napëxewaama nayexma, rû yema to ga tomaëxpüx rû norü toxwecüwawa nayexma, rû yema to ga tomaëxpüx rû norü tügüncëwawa nayexma, rû yema to ga tomaëxpüx rû naweama nayexma.

¹⁴ Rû guma ñaneärü poxegüxü, rû 12 ga nuta ga taxüchicüétüwa inaxügü. Rû wüxichigü ga guma nutagüwa nangoxéga ga wüxichigü ga norü ngüexügü ga guma Tupana Nane ga pecaduarü ütanücèx yucü.

¹⁵ Rû yema orearü ngeruü ga chomaã idexaxü, rû nüxü nayexma ga wüxi ga norü ngügüxü ga uirumenëxãnaxcèx na yemamaã nangugüãxücèx ga guma ñane, rû norü ñaxgü, rû norü poxegüxü.

¹⁶ Rû guma ñane rû nawüxigumare ga guxücwawa. Rû norü mëx rû nawüxigumare namaã ga norü tatachinü. Rû yema orearü ngeruü rû yema uirumenëxãmaã nanangugü ga guma ñane. Rû 2,200 kilómetru nixü ga norü mëx. Rû yexgumarüü ta 2,200 kilómetru nixü ga norü tatachinü. Rû 2,200 kilómetru ta nixü ga norü máchane.

¹⁷ Rû yemawena rû inanangu ga yema norü poxegüxü ga guma ñane. Rû 65 metru nixü ga norü máchane. Rû yemaãcü duüxügüarü ngügüxümaã nanangugü.

¹⁸ Rû yema norü poxegüxü ga guma ñane, rû nuta ga mexëchicü ga yaspenaxcèx nixü. Rû nümatama ga guma ñane rû uirunaxcèx nixü. Rû ñoma woruarüü niyauracüü.

¹⁹ Rû guma nutagü ga itacü ga norü poxegüxüpara ixügücü, rû nagüxüraücü ga nuta ga imexëchicümaã nangëxãë. Rû guma nüxüraücü ga napara rû nuta ga yaspemaã nangëxãë. Rû guma norü taxre ga napara rû nuta ga safirumaã nangëxãë. Rû guma norü tomaëxpüx ga napara rû nuta ga ágatamaã nangëxãë. Rû guma norü ägümücü ga napara rû nuta ga esmerádamaã nangëxãë.

²⁰ Rû guma norü wüximëëxpüx ga napara rû nuta ga onichemaã nangëxãë. Rû guma norü 6 ga napara rû nuta ga cornalínamaã nangëxãë. Rû guma norü 7 ga napara rû nuta ga crisólitumaã nangëxãë. Rû guma norü 8 ga napara rû nuta ga berilumaã nangëxãë. Rû guma norü 9 ga napara rû nuta ga

topásiumaã nangèxãê. Rû guma norû 10 ga napara rû nuta ga crisoprásamaã nangèxãê. Rû guma norû 11 ga napara rû nuta ga yachîtumaã nangèxãê. Rû guma norû 12 ga napara rû nuta ga amatístamaã nangèxãê.

²¹ Rû yema 12 ga norû îãx ga guma îãneârû poxeguxû rû perlanaxcèx nixî. Rû wûxichigû ga yema îãx rû wûxitama ga perla nixî. Rû yema norû ítamû ga guma îãneârû ngãxûwa dapetûxû, rû uiruxicanaxcèx nixî. Rû ñoma woruarûû niyauracûû.

²² Rû guma îãnewa rû taxúnema ga ngutaquêxepataxû ga ngextá Tupanaxû nawa yacuèxûûgûnèxû chadau, yerû nûmatama ga Tupana ya poracû rû Nane ga pecaduarû útanücèx yucû rû yéma nayexma na duûxûgû nûxû icuèxûûgûxúcèx.

²³ Rû yima îãne rû taxucèxma uèxcû rû tauemacû nûxû nabaxi, erû Tupanaârû ngóonexûtama nixî i nangóonexêêxû. Rû yima Tupana Nane ga pecaduarû útanücèx yucû nixî ya norû omû ixîcû.

²⁴ Rû ngêma Tupanaârû ngóonexû i yima îãnexû ngóonexêêxû tá nixî i nangóonexêêxû naxcèx i guxûma i ñoma i naãnecûûãx i duûxûgû. Rû ngema tá nangugû i guxûma i nachîûãneguarû ãêxgacügû i yaxögûxû rû tá Tupanana nayana i norû mexûgû.

²⁵ Rû norû îãxgû rû tagutáma narûwãxtagû erû ngema rû guxûguma nangunexecha rû taguma nachûta.

²⁶ Rû ngema tá nanana i guxûma i ñoma i naãneârû mexûgû.

²⁷ Natûrû tagutáma ngèxma naxûcu i tacû i Tupanapêxewa chixexû, rû bai ya texé ya chixexû úxe rû êxna idoratéxáxe. Rû yíxema Tupana Nane ga pecaduarû útanücèx yucûarû poperawa ngoxégagûxexicatátama tixîgû ya ngèxma chocuxe.

22

¹ Rû ñuxûchi ga yema orearû ngeruû rû choxû nûxû nadauxêê ga wûxi ga natû ga metacûchiûxû rû ichipetûchiûxû ga dexá ga maxêeruû. Rû yema tochicaxû ga nawa natogûxû ga Tupana rû Nane ga pecaduarû útanücèx yucû, rû nawa nixî ga ne nadaxû ga yema natû.

² Rû guma îãneârû ngãxûwa dapetûxû ga ítamûarû ngãxûgu nida ga yema natû. Rû norû guxûcutûwa narûxûgû ga naîgû ga maxêeruû. Rû yema naîgû rû wûxicanatama naxo ga wûxichigû ga tauemacûgu rû yemaãcû 12 êxpûxcûna naxo ga wûxi ga taunecûgu. Rû naãtûgû ga yema naîgû, rû guxû i nachîûãnecûûãx i duûxûgû i yaxögûxûârû taãêxêeruû nixî.

³ Rû ngema rû nataxûtáma i tacû i Tupana chixexû namaã naxuxuchixû. Rû yima îãnewa tá nangèxma i norû tochicaxû ya Tupana rû Nane ga pecaduarû útanücèx yucû. Rû norû duûxûgû rû tá nûxû nicuèxûûgû.

⁴ Rû ngêma norû duûxûgû rû tá nachiwexûchixû nadaugû, rû tá naegamaã nixãegacatû.

⁵ Rû ngema rû tagutáma nachûta. Rû ngêma norû duûxûgû, rû taxucèxtáma nanaxwèxe i daparina rû êxna uèxcû na nangóonexúcèx. Erû nûmatama ya tórû Cori ya Tupana rû tá nûxû nabaxi. Rû nûmagû i ngêma duûxûgû rû guxûgutáma wûxigu Tupanamaã ãêxgacügû nixîgûecha.

Marû ningaica na wena núma naxûxû ya Ngechuchu ya Cristu

⁶ Rû ñuxûchi ga yema Tupanaârû orearû ngeruû rû ñanagûrû choxû:

“Ñãã ore rû aixcûma ixîxû nixî, rû ñãã nixî i ore i mexû na yaxõxû. Rû núma ya tórû Cori ya Tupana ga nuxcûma norû orearû uruûgûmaã nûxû ixucû ga

Ƨacü tá na ngupetüxü, rü nümatama nixi i ñuxma inamuãxü i norü orearü ngeruü i daxüçüãx na norü duüxügüxü nüxü nadauxëëxüçëx na Ƨacü tá paxa nangupetüxü”, ñanagürü.

⁷ Rü nüma ya tórü Cori ya Ngechuchu rü ñanagürü:

“Paxa tá íchangu. Rü tataãë ya yíxema naga ñnuxë i ngëma Tupanaãrü ore i ñaã poperagu ümatüxü”, ñanagürü.

⁸ Rü chomatama i Cuáü rü nüxü chaxínü rü nüxü chadau i guxüma i ngëma nüxü chixuxü. Rü yemaxü chaxínüguwena rü nüxü chadëuxguwena, rü yema orearü ngeruü ga yemaxü choxü dauxëëxüpëxegu chacaxãpüxü na nüxü chicuëxüüxüçëx.

⁹ Natürü ga nüma rü ñanagürü choxü:

“¡Tãxü i ngëma cuxüxü! Erü choma rü ta Tupanaãrü duüxü chixi, ngëxgumarüü i cuma rü cueneëgü i Tupanaãrü orexü ixugüxü rü ngëma duüxügü i naga ñnuxëü i ngëma ore i ñaã poperagu ümatüxü. Rü name nixi i Tupanaxü quicuëxüü”, ñanagürü.

¹⁰ Rü ñanagürü ta choxü:

“Tama name na icuyacüxü i ngëma Tupanaãrü ore i ñaã poperagu ümatüxü, erü marü ningaica na yanguxü i ngëma ore.

¹¹ Natürü ngëma chixexü ügüxü, rü chixexü tá naxügüecha. Rü ngëma Tupanapëxewa chixri maxëxü, rü chixri tá namaxëëcha. Natürü yíxema mexü ügüxe, rü name nixi na mexü taxügüechaxü. Rü yíxema Tupanapëxewa ixüünexë, rü name nixi na Tupanapëxewa tixüüneëchaxü”, ñanagürü.

¹² Rü ñanagürü ga Ngechucha:

“Düçëx, paxa tá íchangu nagaã i ngëma ãmare i wüxichigüna tá chaxãxü ngëxgumarüü na ñuxãcü tanaxüxü i tümax.

¹³ Choma nixi i norü ügü i guxüma, rü chowa nixi i yacuáxü erü nataxuma i Ƨacü i choweama üxü.

¹⁴ Rü tataãëgü ya guxãma ya yíxema yima pecaduarü ütanüçëx yucügüwa tügü iyauxgüchiruxe na Tupanapëxewa timexüçëx na yima ñãnearü ñãxwa tichocuxüçëx rü nüxü tangöxnetagüxüçëx i ngëma norü o i ngëma naí i maxëëruü.

¹⁵ Natürü täütáma yima ñãnewa nichocu i ngëma tama yaxögüxü, rü ngëma iyuüxü rü ngöxwëxegüxü, rü ngëma naí i ngemaã ipëgüxü, rü ngëma máëtagüxü, rü ngëma tupananetachicünëxãxü icuëxüügüxü. Rü ngëxgumarüü ta i ngëma idoratëëxgüxü i norü me ixüü na togüxü nawomüxëëgüxü, rü täütáma nawa nichocu ya yima ñãne.

¹⁶ Rü choma i Ngechuchu, rü guxãma i pema i yaxögüxütanüwa chanamu i chorü orearü ngeruü na pemaã nüxü yaxuxüçëx i guxüma i ngëma chorü ore. Rü choma nixi i Dabítaa chiixü. Rü choma nixi ya yima woramacuri ya pëxmama poraãcü nangóonexëëcürüü chiixü”, ñanagürü.

¹⁷ Rü Tupanaãë i Üünexü rü guxüma i yaxögüxü, rü Ngechuchuxü ñanagürügü:

“¡Nuã naxü!” ñanagürügü. Rü yíxema nüxü ñnuxë i ñaã ore, rü:

“¡Nuã naxü!” ñatagügü. Rü yíxema itawáxe rü tüxü nachixégaxe, rü name nixi i nuã taxü rü tüxü nangetanüãcüma nawa taxaxe i ngëma dexá i maxëëruü.

¹⁸ Rü guxãma ya yíxema irüxínüxë i ñaã Tupanaãrü ore i ñaã poperagu ümatüxü, rü tümamaã nüxü chixu rü ngëxguma chi texë íyatóxëëgu i ngëma Tupanaãrü ore i ñaã poperagu ümatüxü, rü Tupana rü tá tümacëx nanayexeraxëë i ngëma poxcuruügü i ñaã poperawa nachiga naxümatüxü.

¹⁹ Rū ngēxguma chi texé nüxŭ ũpetügu i wüxitama i ñaã Tupanaãrŭ ore i ñaã poperagu ũmatüxŭ, rŭ Tupana rŭ tãütáma tüxŭ nüxŭ nangoxnetaxëë i ngëma norŭ o i ngëma naí i maxëëruŭ i ñaã poperawa nachiga naxŭmatüxŭ. Rŭ ngëxgumarŭŭ tá ta tãütáma tüxŭ nimucuchi nawa ya yima ñãne ya ũnene i ñaã poperawa nachiga naxŭmatŭne.

²⁰ Rŭ yima nüxŭ ixucŭ i ñaã ore, rŭ ñanagŭrŭ:

“Ngëmáãcü, paxa tá íchangu”, ñanagŭrŭ. Rŭ ngëmaãcü yí. Rŭ choma i Cuáŭ rŭ ñacharŭgŭ:

“¡Nuã naxŭ Pa Cori ya Ngechuchu!” ñacharŭgŭ.

²¹ Rŭ chanaxwëxe i tórŭ Cori ya Ngechuchu ya Cristu poraãcü pexŭ narŭngŭxëë i guxãma i pemax. Rŭ ngëmaãcü yí.